

Digitized by the Internet Archive
in 2011 with funding from
University of Toronto

DOCTORIS ECSTATICI
DIONYSII CARTUSIANI
OPERA OMNIA




DOCTORIS ECSTATICI
D. DIONYSII
 CARTUSIANI
OPERA OMNIA

IN UNUM CORPUS DIGESTA
 AD FIDEM EDITIONUM COLONIENSIIUM
 CURA ET LABORE
 MONACHORUM SACRI ORDINIS CARTUSIENSIS
 FAVENTE PONT. MAX. LEONE XIII

IN JOB (XXXVIII-XLII), TOBIAM, JUDITH, ESTHER,
 I-II ESDRÆ, I-II MACHABÆORUM, PSALMOS (I-XLIII)

MONSTROLII
 TYPIS CARTUSIÆ S. M. DE PRATIS
 MDCCCXCVIII



THE INSTITUTE OF MEDIAEVAL STUDIES
10 ELMBLEY PLACE
TORONTO 5, CANADA,

JAN 16 1932

3915

ENARRATIO IN LIBRUM JOB

ARTICULUS LXVI

ELUCIDATIO CAPITULI TRICESIMI OCTAVI : RESPONDENS AUTEM DOMINUS JOB.

QUONIAM in disputatione præhabita de A providentia Dei et modo regiminis actuum humanorum, varia fuit dissensio tam inter Job et ejus amicos, quam inter Eliu et Job et ejus amicos præfatos; ipseque Elin quæstionem determinare usurpavit, nec potuit: ideo Dominus eam determinat. *Respondens autem Dominus Job de turbine, dirit.* Circa hæc scribit Gregorius: Utrum per se ipsum, an per angelum ei sit locutus, ambigitur. Potuerunt quippe per angelum commotiones aeris fieri, et per eum verba sequentia pronuntiari. Rursusque potuit exterius angelus in turbine aerem excutere, et tamen per semetipsum Dominus vim suæ sententiæ cordi Job sine verbis insonare. Thomas quoque ait, quia ad litteram intelligi potest, vocem formatam fuisse miraculose in aere eum quadam

Quis est iste involvens sententias sermonibus imperitis? Quibus verbis Dominus increpat ipsum Eliu, quod quamvis sententias, id est sensus sublimes et veraces, locutus sit, tamen per verba indiscreta, præsumptuosa et frivola fecit hoc, aliqua quoque falsa invective contra Job dixit. Unde Dominus quasi despective ac reprobative sic seiscitatur, Quis est iste? quasi dicat, Non decet eum sic loqui: quemadmodum per Jeremiam Dominus seiscitatur, Quis est iste pastor qui resistat vultui

Jer. XLIX,
19.

B meo? Porro, secundum Thomam, ideo dicitur Eliu locutus sermonibus imperitis, quoniam omnis inordinatio ex defectu rationis procedere dicitur. Secundum Albertum vero, hoc dicitur, quia conjugatio inutilis est, dum probationes non tenent, nec ad formam syllogisticam reducuntur.

Accinge sicut vir lumbos tuos, id est, viriliter præpara te ad audiendum quæ dicam, et ad respondendum, si vales. Unde per hunc modum loquendi, Dominus quasi metaphorice admonet eum ad audiendum: quia qui corporaliter aliquid sunt acturi, lumbos solent præcingere, sicut et Christus in Cœna linteo se præinxit. Specialiter vero exprimit lumbos, quia sunt loca

Joann. XIII,
4.

revelationem celestem. Ideo Ephesios hortatur Apostolus : State succincti lumbos vestros in veritate. Et Christus in Evangelio ait : Sint lumbi vestri præcincti. Isaias quoque inducit : Quem docebit Dominus scientiam? ablaetatos a lacte, avulsos ab ubere.

Interrogabo te, et responde mihi. S. Thomas, et Albertus, ac alii eos sequentes, affirmant beatum Job de providentia Dei vere sensisse, tamen in modo loquendi excessisse, ita quod ex inordinato suo modo loquendi adsistentes fuerant scandalizati, quia secundum superficiem quorundam verborum suorum videbatur eis de se ipso nimis alte sentire, atque divinæ excellentiæ ac justitiæ derogare. Unde infra Job confitetur : Insipienter locutus sum, et quæ ultra modum excederent scientiam meam. Hinc, secundum doctores hos, Dominus in hac parte redarguit Job de inordinatione hæc ipsa : et primo, quia Job supra dixit : Disputare cum Deo cupio. Et rursus : Voca me, et ego respondebo tibi ; aut certe loquar, et tu responde mihi. Quibus verbis dedit Deo quasi optionem duorum, ut scilicet teneret partem vel opponentis, vel respondentis : quæ verba prima facie videbantur male sonare, quamvis Job non male intenderet. Quia tamen alios scandalizavit et perturbavit, Dominus eum pie nunc increpat, partemque elegit opponentis, multa per modum interrogationis ac argumentationis proponens Job, ad ostendendam incomparabilem eminentiam sapientiæ suæ, propter quam Job debuit moderatius loqui, nec eatenus conqueri, quamvis in verbis suis mortaliter non excessit. Porro Gregorius omnino nititur approbare, beatum Job non excessisse in verbis, præsertim quum supra scriptum sit : In omnibus his non peccavit Job labiis suis, nec stultum quid contra Deum locutus est. Et infra Dominus ait ad Eliphaz : Non estis rectum locuti coram me, sicut servus meus Job. Dominus quoque insultando Satanæ dixit, postquam Job in rebus et sobole fuit plagatus, quod adhuc innocentiam retine-

A ret. Vult ergo Gregorius, quod Deus non increpat sanctum Job propter excessum in verbis, sed ne de perfectionis atque victoriæ suæ magnitudine inaniter gloriaretur et superbiret. Verum, quid inter hæc magis tenendum sit, et quomodo præactæ positiones valeant concordare, quantum Dominus dederit, infra dicetur.

Itaque Dominus excellentiam suam manifestare orditur ex productione, dispositione et proprietatibus terræ, quæ est infimum elementorum, et magis hominibus cognitum. *Ubi eras quando ponebam fundamenta terræ*, id est, elementum terræ et singulas ejus partes produxi et situavi in debito loco in medio universi? quasi dicat : Tunc nondum eras ; quo constat, quod duratione et causalitate præcedo te, nec tuo consilio egui in creatione dispositioneque mundi. Hinc in Isaiæ libro habetur : Ego sum Dominus faciens omnia, extendens cœlos solus, stabiliciens terram, et nullus mecum. De quo Proverbiorum liber asserit : Appendebat fundamenta terræ. Porro quod ait, *Fundamenta terræ*, intransitive legendum est, ut sit sensus : Ponebam terram pro aliorum fundamento elementorum. Elementa namque quæ proprio non terminantur termino, ut aer et aqua, fundantur et terminantur ad eam. *Indica mihi*, non quasi ignoranti, sed, *Indica mihi*, id est, ostende te scire, si vales, *si habes intelligentiam ejus, si nosti?* id est, quis posuit mensuras ejus, si nosti? id est, quis dedit et determinavit ei certas has suas dimensiones quas habet? quæ non sunt ei determinatæ ex necessitate, vel ex sua natura, quoniam major quantitas non repugnaret ; sed ex ordinatione sapientiæ ac providentiæ Dei, quæ omnia in numero, mensura et pondere fecit. Potest et ita exponi : Quis posuit mensuras, id est proportionem ejus ad alia elementa in grossitudine seu densitate et subtilitate, secundum quod ex uno pugillo terræ fiunt decem pugilli aquæ ; ex uno quoque pugillo aquæ, decem aeris ; ita quod locus aquæ, decuplus est ad locum terræ. *Ubi*

Ephes. vi, 14.

Luc. xii, 35.

Is. xlviii, 9.

Job xiii, 1.

Ibid. xiii, 3.

Ibid. 22.

Ibid. i, 22: n, 10.

Ibid. xiii, 7.

Ibid. vi, 3.

Is. xlii, 24.

Prov. viii, 29.

Sap. xi, 21.

quis lateralit̄ super eam limenam, id est, A terram ita constitui, tunc me astra matutina laudabant, mihiq̄ue jubilabant omnes filii Dei. Ex quo loco quidam arguere sunt conati, quod spirituales creaturæ, videlicet angeli, ante mundum sensibilem sint creatæ. Sed hoc ex his verbis non sequitur. Quamvis enim simul tempore creata sint, cælum et angeli ac terra, nihilo minus distinctio elementorum secuta est, secundum unam litteræ Genesis expositionem. Porro, si quis dicat, sicut et Thomas dicit, per astra matutina intelligi stellas cœli corporeas, quæ quarto die factæ leguntur: unde astra matutina vocantur, quasi de novo tunc facta, prout apud nos astra matutina dicuntur, quæ in principio diei apparent; nihilo minus astra ista dicuntur tunc Deum laudasse, quia circa hoc tempus Deum laudare cœperunt; vel quia simul cum cœlo stellato substantialiter facta sunt, quamvis dicantur quarta die producta, videlicet quoad distinctionem sive ornatum, ut quidam exponunt. Denique, si per astra intelligantur hæc sidera, tunc verbum hoc dupliciter accipi potest. Primo, quod astra ista laudant Deum occasionaliter et materialiter, quoniam suo decore, motu, influxu ac ceteris ad ea spectantibus præbent omni menti creatæ occasionem materiamque laudandi proprium Creatorem: juxta quem modum etiam inanimata mixta et irrationalia Deum laudare, superexaltare et benedicere asseruntur. Secundo, quod laudant Deum formaliter, cognitive et proprie, secundum opinionem dicentium corpora cœlestia animata. Unde Rabbi Moyses in libro Ducis neutrorum affirmat, quod non sunt inanimata, ut insipientes putant, sed vivunt atque intelligunt, et Creatori suo sublimem laudem decantant. De qua re plura dici hic possent, quæ potius transilienda censentur, præsertim quum opinio illa displiceat multis: quæ tamen, secundum Thomam in Summa contra gentiles, fidei non repugnat. Aliqui vero per astra matutina intelligunt angelos sanctos ac splendidos, eos præsertim qui de inferioribus choris

quis lateralit̄ super eam limenam, id est, A terram ita constitui, tunc me astra matutina laudabant, mihiq̄ue jubilabant omnes filii Dei. Ex quo loco quidam arguere sunt conati, quod spirituales creaturæ, videlicet angeli, ante mundum sensibilem sint creatæ. Sed hoc ex his verbis non sequitur. Quamvis enim simul tempore creata sint, cælum et angeli ac terra, nihilo minus distinctio elementorum secuta est, secundum unam litteræ Genesis expositionem. Porro, si quis dicat, sicut et Thomas dicit, per astra matutina intelligi stellas cœli corporeas, quæ quarto die factæ leguntur: unde astra matutina vocantur, quasi de novo tunc facta, prout apud nos astra matutina dicuntur, quæ in principio diei apparent; nihilo minus astra ista dicuntur tunc Deum laudasse, quia circa hoc tempus Deum laudare cœperunt; vel quia simul cum cœlo stellato substantialiter facta sunt, quamvis dicantur quarta die producta, videlicet quoad distinctionem sive ornatum, ut quidam exponunt. Denique, si per astra intelligantur hæc sidera, tunc verbum hoc dupliciter accipi potest. Primo, quod astra ista laudant Deum occasionaliter et materialiter, quoniam suo decore, motu, influxu ac ceteris ad ea spectantibus præbent omni menti creatæ occasionem materiamque laudandi proprium Creatorem: juxta quem modum etiam inanimata mixta et irrationalia Deum laudare, superexaltare et benedicere asseruntur. Secundo, quod laudant Deum formaliter, cognitive et proprie, secundum opinionem dicentium corpora cœlestia animata. Unde Rabbi Moyses in libro Ducis neutrorum affirmat, quod non sunt inanimata, ut insipientes putant, sed vivunt atque intelligunt, et Creatori suo sublimem laudem decantant. De qua re plura dici hic possent, quæ potius transilienda censentur, præsertim quum opinio illa displiceat multis: quæ tamen, secundum Thomam in Summa contra gentiles, fidei non repugnat. Aliqui vero per astra matutina intelligunt angelos sanctos ac splendidos, eos præsertim qui de inferioribus choris

Dan. iii, 59.
81.

Act. xxi.
2.

Ps. ciii, 5.

Super quæ bases illius solidatur sinit? Basis dicitur fundamentum. Bases ergo terræ, sunt fundamenta ipsius: quæ aliquando nominantur interiores partes terræ, quibus aliæ videntur inniti. Vel basis terræ, est centrum mundi: sicque, Bases terræ, possent dici partes centro viciniore. Quibus verbis Dominus insinuare videtur, quod nihil sit sub terra eam sustentans, quum tamen sit corpus gravissimum: sed divina virtute manet in medio fixa, Sapientia increata id ordinante, ut omnes partes terræ naturaliter inelinentur ad centrum. Hinc ait Psalmista: Qui fundasti terram super stabilitatem suam: non inelinabitur in sæculum sæculi. *Aut quis demisit lapidem angularem ejus?* id est, quis de alta potestate deorsum misit id terræ, quod in ea se habet per modum lapidis angularis? quod est centrum terræ, secundum Thomam, vel pars centro propinquior, cui aliæ partes annectuntur et aggregantur, atque ibidem stabiliuntur, quemadmodum ad lapidem angularem alii lapides congregantur, et per eum sibi cohærent atque firmantur, ipseque lapis angularis ad se et ad parietes ædificium firmat ac tenet.

Præterea, circa hæc quæri potest, quod quæstiones istæ non videntur fuisse difficiles. Quis enim ignorat, quod Deus posuit terræ mensuras, eique situm et distinctionem contribuit, et centrum in ipsa constituit? Et respondendum, quod Dominus non intendebat hoc solum inquirere, quis hæc fecit, sed originalem horum rationem, et cur per divinam providentiam ista sic instituta consistent, qualiterque peracta: quorum utique scientia, intellectum excedit humanum.

Quam ac latibant astra matutina, et jubilent omnes filii Dei: id est, quando

sunt, et quorum est corpora movere cœlestia. Per filios autem Dei, intelligunt angelos ordinum superiorum, quorum est adsistere Deo : qui et excellentius laudant Deum ; ideo ei jubilasse dicuntur. Quod autem angeli appellentur filii Dei, in exordio libri hujus scriptum est : Quum venissent filii Dei ut adsisterent coram Domino, etc.

Consequenter Deus eminentiam sapientiæ atque potentiæ suæ ostendit in dispositione maris, præsertim Oceani. *Quis conclusit ostiis*, id est certis terminis seu littoribus, *mare, quando erumpebat*, id est abundanter et fortiter exsurgebat, *quasi de vulva procedens*, id est sicut fetus qui de utero matris tempore suo quasi impetuose erumpit, ita quod retineri non valet? Vel, *Quasi de vulva procedens*, id est ex secreto providentiæ seu dispositionis divinæ, aut certe de loco in quo primum fuit creatum et situm, quando, secundum quosdam Sanctorum, totam terram operuit, et alte in aere erigebatur, deinde Deo jubente ad unum locum redactum est, prout in Genesi habetur : Dixit Deus, Congregentur aquæ quæ sub cœlo sunt, in locum unum, et appareat arida. Et in Psalmo : Congregans sicut in utre aquas maris, ponens in thesauris abyssos. In Proverbiis quoque : Certa lege et gyro vallabat abyssos. *Quum ponerem nubem vestimentum ejus*, id est, nubibus illud circumdarem, sicut homo circumdatur vestimento. Nubes enim ex vaporibus de mari elevatis maxime generantur. Ideo circa mare magis abundant : circa quod etiam nubilosus aer remansit, dum aquæ congregabantur ad locum unum. *Et caliginem illud quasi pannis infantie obvolverem*, id est, operirem seu tegerem. Quum enim nubes ibi abundant, nebulosusque aer et quidam vapores nondum elevati in altum, constat quod frequenter sit ibi caligo : et videtur ei alludere, quod scriptum est in Genesi, Tenebræ erant super faciem abyssi.

Circumdedi illud terminis meis, id est littoribus, ripis seu finibus a sapientia

mea præordinatis, videlicet quousque effluat et refluat ; *et posui vectem*, id est obstacula procedendi, *et ostia*, id est clausuras vel etiam aperturas, per quas de Oceano egrediuntur particularia maria et flumina. *Et dixi*, id est, præcepto meo institui : *Usque huc venies*, id est, usque ad terminos istos a me præstitutos extrema tua pertingent, et ex his locis te per maria et flumina præfata diffundes, *et non procedes amplius*, ne terram operias ; *et hic*, scilicet ad ripas has, *confringes tumentes fluctus tuos*, id est undas cum impetu abundanti fluentes, et ex fundo fortiter exsurgentes : quæ ad littora rejiciuntur.

Circa prædicta de dispositione maris, asserit Thomas : Videtur naturalis ordo elementorum requirere, ut aqua ex omni parte circumdaret terram, sicut aer ex omni parte circumdat aquam ; sed divina dispositione factum est, ad generationem hominum et animalium ac plantarum, ut aliqua pars terræ discooperta remaneret ab aquis, Deo sua virtute aquas maris sub certis limitibus retinente. Sed contra id quis potest objicere, quia secundum hoc dispositio ista mundi et elementorum, non est naturalis, sed miraculosa et supernaturalis, quum tamen Augustinus super Genesim dicat, quod in prima rerum institutione ac ordinatione non quæritur, quid Deus potuit, sed quid rerum conveniebat naturalis. Et respondendum, quod terra et aqua dupliciter attenduntur. Primo, secundum proprias naturas quibus comparantur ad invicem : et sic naturaliter competeret terræ, tanquam graviori, esse omnino sub aqua. Secundo, per comparisonem ad ordinem universi, et quoad finem suæ creationis : sicque convenit eis naturaliter dispositio ista quam habent, quia ad hoc facta sunt, ut homini et ceteris animatis deserviant : quod esse non valet, nisi pars terræ sit sicca. Unde, secundum philosophos, in generatione mixtorum, ignis naturaliter descendit, non per respectum ad propriam naturam secundum se, sed per comparisonem ejus ad ordinem universi,

qui exigit quamlibet naturam peragere id A propter quod facta est. Hinc fertur in Psalmo : Terminum posuisti quem non transgredientur, scilicet aquæ : neque convertentur operire terram. Et in Jeremiæ libro Dominus contestatur : Posui arenam terminum mari, præceptum sempiternum quod non præteribit : intumescunt fluctus ejus, et non transibunt illud.

Ps. ciii, 9.

Jer. v, 22.

Numquid post ortum tuum, id est postquam natus es, qui ante nativitatem tuam nil facere potuisti, *præcepisti diluculo*, ut tempore suo exurgeret, et noctem diei continuaret, vel ut aliquid ageret ad tuam jussionem, *et ostendisti auroræ locum suum*, ubi primo lux solis incipit apparere? hoc est, ista in tua potestate non sunt, nec ordinare potuisti temporum varietates, cursum et ordinem, et ubi aurora inchoaretur. Præterea, secundum Thomam, claritas diluculi sive auroræ, diversificatur secundum diversas partes elevationis signorum quæ sol perambulat. Dum enim fuerit in signo velocis ascensionis, in quo cito oritur, parum durat aurora; quando autem sol est in signo tardæ ascensionis, diutius durat : estque determinata mensura loci, ex quo ibi existente sole, incipit claritas diluculi.

I hæc omnia Deus commemorat ad declarandam excellentiam suam in omni perfectione, sapientia et virtute : ita ut si Job respondisset ad quæstiones præactas, Tu, o Domine, mare ostiis conclusisti : Dominus mox intulisset : Ergo tanta est eminentia mea, quod mecum disputare aut contendere nequis.

Numquid tenuisti concutiens extrema terræ? Hoc quidam exponunt de terræ motu, tanquam dicat : Numquid extrema terræ potes tua virtute seu manibus apprehendere et tenere atque concutere, ut terræ motus causetur? in quo non tota terra movetur, sed aliquæ ejus extremitates, exterioresve partes. Alii ita exponunt : Numquid tenuisti concutiens extrema terræ, id est homines ab extremo seu fine terræ usque ad extremum, concutiendo

eos per mutuam impugnationem? Hinc de Deo in Psalmo cantatur : Qui respicit terram, et facit eam tremere. Et rursus : In manu ejus sunt omnes fines terræ. Itemque Ecclesiasticus : Ecce cælum et cœli cœlorum, abyssus et universa terra, et omnia quæ in eis sunt, in conspectu Dei commovebuntur, montes simul et colles, et fundamenta terræ; et quum conspexerit ea Deus, tremore concutientur. *Et excusasti impios ex ea?* id est, peccatores impenitentes per terræ motum vel alias plagas auferre a terra et vita præsentis, non tuæ sed meæ est potestatis.

Ps. ciii, 32.

Ps. xciv, 4.

Eccli. xvi, 18-19.

Restituetur ut lutum signaculum : id est, impiis de terra ablati, signaculum, id est homo ad Dei imaginem factus, reparabitur, ita quod loco interfectorum impiorum alii Deo disponente succedent, sicut lutum, id est copiose, quemadmodum lutum abundat, vel, sicut lutum divisum faciliter reintegratur. Hinc superius Eliu dixit de Deo : Conteret multos et innumera- biles, et stare faciet alios pro eis. *Et sta-*

Job xxxiv, 24.

bit sicut vestimentum, id est, ad tempus subsistet, et continuo atque paulatim consumetur, ut vestes paulatim a tineâ. Unde supra Job dixit : Qui quasi putredo consumendus sum, et quasi vestimentum quod comeditur a tineâ. *Auferetur ab impiis lux sua*, id est vita, prosperitas, gloria temporalis, per mortem in terræ motu, aut in alia Dei plaga : *et brachium excelsum confringetur*, id est, tyrannica virtus seu robur violentorum et superborum, vel iniqua dominatio, divinitus destruetur atque dam-

Ibid. xiv, 25.

nabitur, quemadmodum in Ecclesiastico Sapientia ait : Superborum et sublimium colla propria virtute calcavi. Et in eodem volumine legitur : Sedes ducum superborum destruxit Deus. Zacharias quoque de impio pastore asserit : Brachium ejus ariditate siccabitur. Sed et Isaïas fert : Contrivit Dominus baculum impiorum, virgam dominantium. Hinc primo Machabæorum habetur : A verbis peccatoris ne timueritis, quia gloria ejus stereus et vermis : hodie extollitur, et cras non invenitur, quia

Eccli. xxiv, 11.

Ibid. x, 17.

Zach. xi, 17.

Is. xiv, 5.

1 Mach. iii, 62, 63.

conversus est in terram suam, et cogitatio ejus periit.

Numquid ingressus es profundum maris Oceani, ad videndum varias piscium species et cetera quæ latent ibidem? *et in aruissimis*, id est extremis seu remotissimis et ultimis ac profundissimis locis, *abyssi*, id est maris jam dicti, *deambula-sti*, videlicet super fundum ipsius, ubi nullus hominum unquam devenit, nec quomodo terra illa disposita sit, conspexit? *Numquid apertæ sunt tibi portæ mortis*, id est portæ inferni? Vel, Portæ mortis dicuntur causæ corruptionis mixtorum, potissime hominis, per quas est ad mortem ingressus : quas sigillatim, distincte, perfecte et plene homo non nescit : quia nonnunquam causa corruptionis ex supernorum influxu procedit, interdum est ex causa interiori valde occulta, aliquando ex causa supernaturali, dum homines pro suis peccatis divinitus occiduntur. *Et ostia tenebrosa vidisti?* Ostia tenebrosa idem dicuntur, quod portæ mortis. Vel ostia ista, sunt varii modi quibus homines vadunt et corruunt in infernum. Pluribus autem modis homines decipiuntur ac pereunt, quam aliquis valeat determinare.

Numquid considerasti latitudinem terræ? id est, latitudinem terræ certitudinaliter non agnoscis. Accipitur autem latitudo terræ, a parte australi seu meridiana, in aquilonem seu septentrionem : quæ latitudo (ut dicitur) tota pertransiri non potest, quoniam torrida zona intermedia, impertransibilis est, propter excessum caloris, ut dicunt. Circa hoc asserit Thomas : Longitudo terræ, secundum astrologos, sumitur secundum processum ab oriente in occidentem ; latitudo autem, a meridie in aquilonem : quia in qualibet re major dimensio dicitur longitudo, et minor dimensio, latitudo. Est autem experimento probatum, quod dimensio terræ, a nobis habitatæ, major est ab oriente in occidentem, quam a meridie in aquilonem. Ideo latitudo terræ, a meridie ad aquilonem attenditur.

Indica mihi, si nosti omnia, ita ut cum

A Deo valeas disputare, *in qua via habitat lux*. Lux corporum cœlestium in eis dicitur habitare, secundum quod manet in eis, hoc est in luminaribus cœli. Itaque, quærere in qua via habitat lux, est investigare per quæ itinera seu quibus modis atque processibus luminaria moveantur : quod hominibus est incertum, ut patet ex diversitate opinionum eorum, circa hoc ipsum quibusdam affirmantibus, ea moveri per epicyclos atque excentricos, aliis per diversarum motum sphaerarum. Porro, secundum Albertum, habitatio lucis, est relatio, id est iterata motio seu reductio, solis ad terram, videlicet nostri horizontis. Vias autem ascensionum descensionumque solis, explicare determinate quis poterit? *Et tenebrarum quis locus sit*. Quemadmodum lux terræ habitabilis ex luminarium motu causatur, prout in hemisphaerio superiori moventur : sic tenebræ sunt ex recessu eorum, prout in inferiori moventur hemisphaerio : quod eandem habet difficultatem, quantum ad vias et modos motuum luminarium cœli. Non autem perfecte mensurari potest locus alicujus corporis, nisi via per quam ambulat cognoscatur. Quoniam ergo via motus luminarium certitudinaliter a nobis cognosci non potest, nec viam tenebrarum cognoscere possumus, puta exordium loci in quo ex solis luminariumque recessu, caligo noctis incipit. *Ut ducas unumquodque*, id est tam lucem quam tenebras, *ad terminos suos*, id est usque ad ea ad quæ valent pertingere, deducendo lucem et caliginem usque ad extrema ad quæ attingere queunt. Quasi dicat : Hoc nequaquam tuæ est potestatis, sed Dei, qui (ut in Genesi habetur) divisit lucem a tenebris. *Et intelligas semitas domus ejus*, videlicet lucis : cujus domus est luminare cœleste, quod est velut vas luminis, utpote sol, qui per varia incedit itinera, secundum quod motus habet diversos : quas semitas distincte et certe homo in hoc sæculo non agnoscit, ut dictum est.

Sciebas tunc, id est in exordio quando ego ista ita disposui, *quod nasciturus es-*

ses? *et numerum dierum tuorum notares*, id est, quamdiu in vita subsisteres? Non utique, quoniam necdum eras: scire autem presupponit esse. Sed ego ista praecevi: ideo meae scientiae comparari non vales. *Numquid ingressus es*, per considerationem acutam et claram, *thesauros nris*, id est virtutem per quam, et materiam ex qua generatur! Divina enim potestate omnes huiusmodi impressiones principaliter fiunt, et ex vaporibus seu exhalationibus materialiter produciuntur. *Aut thesauros grandinis adspexisti*, puta virtutem effectivam et materiam grandinis? Hæc autem perfecte ac particulariter scire, est super hominem, maxime dum supernaturaliter produciuntur in ultionem iniquitatis pravorum, secundum quod subditur: *que præparavi in tempore hostis*, id est pro tempore quo hostes et adversarios decrevi affligere: sicut in Exodo legitur, quod grando horribilis cecidit in terra Egypti. *In diebus præparavi et belli*, id est præliorum, sive intestinorum, sive extrinsecus inductorum.

Insuper dic, *Per quam viam spargitur*, id est diffunditur, *lux luminarium cæli*, præcipue solis per terram? per quam etiam viam *dividitur æstus super terram*, id est calor qui in terra consequitur diffusionem lucis solaris? tanquam dicat: Modum causalitatis et diffusionis istorum perfecte non capis, quomodo scilicet lux, vel in instanti, vel in tempore imperceptibili, per totum hemisphærium diffundatur, et in diversis terris diversus calor diversimode generetur. Denique, notanter asserit lucem spargi, caloremque dividi, quoniam serenitate aeris existente, lux solis ad omnes æqualiter indifferenterque venit, ita quod sensibiliter claritatis intensio non diversificatur, sicut diversificatur caloris intensio seu augmentum. Præterea hæc duo coniungit, secundum Albertum, quoniam æstus sequitur lucem, et modus æstus modum lucis. Ubi enim lux spargitur ad angulum rectum, ibi reflectitur angulus in se ipsum, et fit intensior calor. Ubi vero

A ad angulum acutum, fit minor æstus: ubi autem ad angulum hebetem seu expansum, æstus fit minimus: sicque semper secundum modum anguli ad quem reflectitur lux, fit etiam modus caloris. Unde Ecclesiasticus dicit: In meridiano sol exurit terram, et in conspectu ardoris ejus quis poterit sustinere?

Quis dedit vehementissimo imbri, id est pluviae, quæ cum maxima vehementia cadit, *cursum*, id est tam impetuosum ac celerem motum? *et viam sonantis tonitruï*? id est, quis dedit tonitruo sonoro suum processum, ita quod sonat, non quasi res in uno permanens loco, sed quasi procedens de loco ad locum? quis, inquam, hæc dedit, nisi ego qui euncta disposui, sicque institui, ut pluvia validis ventis impulsæ et agitata, vel ex nube aquosissima decidens, cum tanta vehementia cadat, atque tonitruum taliter sonet? *Ut plueret super terram absque homine*, id est absque hominis cooperatione sive industria; vel, Super terram absque homine, id est quæ

C ab hominibus non habitatur, videlicet in deserto, ubi nullus mortalium commoratur hominum, quamvis habitent ibi bruta, ut imber præfatus implet in viam et desolatam, id est terram incultam, non deambulatam nec habitatam, et produceret terra huiusmodi sic irrigata, *herbas virentes*. Itaque sapienter Deus instituit, ut nubes per ventos impellantur ad talia loca, quæ aliter irrigari et fecundari non possunt: quum enim sint sicca, vapores pluviales ex eis non eleventur, sed aliunde adducuntur. Spiritualiter, vehementissimus imber, est efficacissima et ardentissima evangelicæ legis doctrina: cui per Apostolos Deus contulit cursum, quorum prædicatio fuit sonans tonitruum. Nam et in Evangelio Christus Petrum, Jacobum et Joannem, Filios appellat tonitruï. Itaque per Apostolos Deus hunc imbrem diffudit in deserto et invia desolataque via, id est per gentilitatem olim a Deo relictam, nullaque Sancti Spiritus consolatione reffectam, in qua nullus mortalium, id est hominum

Ecclesiasticus, 3.

Exod. ix, 23-25.

Marc. iii, 16, 17.

vere rationaliter viventium. morabatur, ut A gentiles conversi producerent herbas vi-
gentiles conversi producerent herbas vi-
gentiles, id est opera virtuosa.

*Quis est pluviar pater? et quis genuit
stillas roris? De cujus utero egressa est
glacies? et gelu de cælo quis genuit?* Hæc
omnia loquitur Deus ad insinuandum, quod
ipse horum prima et principalis est causa,
et quod hi ejus effectus perfecte investi-
gari non valent, quoad omnes causas eo-
rum, sicut lucidius dictum est. Porro variis
modis dicitur Deus alicujus pater et geni-
tor. Pluviæ vero et roris pater seu genitor
vocatur, secundum latam patris acceptio-
nem, prout omne principium productivum
dicitur pater ejus quod causat. Per uterum
vero de quo egreditur glacies, intelligi po-
test, vel causa glaciei materialis, vel lo-
cus quo generatur, vel virtus divina quæ
est prima vis productiva. Gelu quoque de
cælo, id est cælesti virtute, producitur.
Dicit enim Albertus, quod lumen Saturni,
causa sit gelicidii. Sunt tamen et aliæ cau-
sæ ipsius. Præterea, secundum Thomam,
causa glaciei est frigus, quæ est qualitas
feminina. Feminæ enim communiter sunt
frigidiores viris. Pluviarum autem et roris
causa, calor est, resolvens nec permittens
congelari vaporem. Calor autem est quali-
tas masculina. Ideoque signanter circa ge-
nerationem glaciei, utitur nomine uteri
spectantis ad matrem; circa generationem
vero roris et pluviæ, utitur nomine patris.
Ex frigore demum duplex glacies genera-
tur. Una in aere: quod pertinet ad prui-
nam de cælo cadentem. Ad quod referri
potest, quod dictum est, Gelu de cælo quis
genuit? Quod ideo attribuit patri, quo-
niam non apparet tanta vis frigoris in
pruina, sicut in glacie ulteriori ac grossio-
ri. Mirum quoque apparet, quod in ele-
mento raro, calido et humido, puta in aere,
glacies sic formatur. Alia vero est glacies,
quæ in inferioribus generatur aquis: in
qua frigoris vis major apparet. Unde sub-
jungitur:

In similitudinem lapidis aqua duratur,
id est, per intensum frigus sic con-

stringuntur, ut instar saxi duræ reddantur:
quod quidam de crystallo exponunt. Nam
et Philosophus ait: Ex aqua generatur
crystallus, remoto totaliter calido. Cui il-
lud Ecclesiastici consonat: Frigidus ven-
tus Aquilo flavit, et gelavit crystallus ab
aqua. Circa hæc scribit Lyra: Omnia ista
hic posita sunt ad ostendendum, quod non
sunt ad plenum naturali ratione investiga-
bilia hæc opera Dei. Licet enim philosophi
de causis istorum aliqua dixerunt in ge-
nerali, hoc tamen fuit obscure et imper-
fecte. Nec unquam fuit dictum ab aliquo
perfecte in speciali et declaratum, quomo-
do res tam mollis et fluida possit in tan-
tum solidari; et si aliquis esset qui non
vidisset, nullo modo crederet dicenti, sicut
de motu ferri a magnete. Et quoniam cau-
sa talium determinata ignoratur, dicitur
quod habent hoc a tota specie, id est a
proprietas speciem consequente: sed quæ
sit illa proprietas determinata, nullus di-
cit. *Et superficies abyssi constringitur.*
In frigidissimis enim terris, sicut in par-
tibus aquilonaribus, interdum superficies
Oceanus congelatur, potissime circa ripas;
non tamen irrumpere potest frigus aeris
usque ad maris profundum.

*Namquid conjungere calebis micantes
stellas Pleiades?* Stellæ Pleiades alio no-
mine dicuntur Septistellium; suntque stel-
læ pluviales, habentes dominium quoddam
super aquas, sicut et luna. Unde, secun-
dum Albertum, habent virtutem movendi,
elevandique humidum, et ea quæ ex hu-
mido generantur vapore. Hæ stellæ dicuntur
micantes, quia etsi parvæ videantur, tamen
claræ ac splendentes apparent; una ta-
men non evidenter et clare apparet. Quæ
conjungi non valent, quamvis propinquæ
sibi invicem sint: semper enim in eodem
permanent situ atque in eadem ad invi-
cem vicinitate, ab invicemque distantia,
sicut et ceteræ stellæ fixæ. Ex quo sum-
pserunt quidam philosophi occasionem
dicendi, quod astra octavæ sphaeræ sint
fixa in ea velut clavus in navi, et quod
sphaera illa movetur, stellæque ejus motu

*Ecclesi. XLIII.
24.*

ipsius. Plato tamen et Ptolemæus, his non obstantibus, posuerunt, stellas non esse sic fixas, sed proprio motu moveri, sphaera non mota. *Aut gyrum Arcturi poteris dissipare*, id est circuitum Ursæ majoris? in qua septem sunt stellæ, quæ nobis semper apparent, et moventur circa polum septentrionalem seu arcticum: quarum gyrum vel circumvolutionem homo dissipare aut impedire non valet, sed Deus qui omnium est creator. Denique septem sunt stellæ in Arcturo seu Ursa majori, quemadmodum in Ursa minori; sed in majori sunt stellæ majores et clariores. Quatuor quoque stellæ sunt in capite et tres in cauda. Quas Dominus nominat, quoniam sunt principium frigoris congelantis ea quæ ex humido fiunt vapore, secundum Albertum. De quibus plenius dictum est in expositione illius, Qui facit Arcturum, etc.

Job ix, 9.

*produces

Numquid produces? Luciferum in tempore suo? id est, tuæ potestatis non est, planetam illum tempore suo ortui deputato super horizontem tuum adducere, ejusque motum disponere. *Et Vesperum super filios terra consurgere facis?* id est, planetam sic dictum non potes facere oriri terrigenis. Secundum Thomam, planeta Venus quandoque oritur ante solem, et tunc dicitur Lucifer; quandoque occidit post solem, et tunc Vesperus appellatur. Porro planetæ qui semper tardioris sunt motus quam sol, incipiunt mane apparere ante solis ortum, eo quod sol proprio motu quo movetur ab occidente in orientem, deserit eas, atque pertransit ad ortum, quemadmodum patet in Saturno, Jove et Marte. Luna autem quæ habet velociorem motum quam sol, incipit apparere in sero, quasi deserens solem, et præcedens ipsum versus orientem. Venus vero et Mercurius quandoque incipiunt apparere de mane, quandoque de sero; sed de Mercurio, quia raro videtur et parvæ est quantitatis, non est tam manifestum, sicut de Venere, de quo manifestum est quod aliquando habet velociorem motum quam sol, et aliquando tardiozem. Itaque, se-

condum Thomam, Lucifer et Vesperus sunt idem planeta, diversa sortitus vocabula, prout diversis temporibus oritur et apparet. Porro, secundum Albertum, Lucifer semper est Venus vel Mercurius, qui habent tempus suum indicandi lucem de mane, quando secundum ordinem singulorum sunt post solem duodecim gradibus vel amplius. Tunc enim de mane ante solem emergunt. Vesperus quoque, secundum Albertum, est stella vespertina, quæ est etiam semper Venus vel Mercurius, quoniam illæ duæ stellæ perfectam distantiam a sole non habent, et sole occidente, post eum emergunt de sub radiis ejus quandoque secundum ordinem singulorum.

Numquid nosti ordinem cœli, id est ordinem situs et motus cœlestium corporum, vel proportionem, habitudinem, influentiam eorum ad inferiora, vel cœlestium orbium mutuam coordinationem? *et pones rationem ejus in terra*, id est, rationem seu causam præfati ordinis cœlestium corporum expones hominibus, scilicet propter quas causas sic instituta et coordinata sint ista? quod humanum transcendit ingenium. Spiritualiter, per ordinem cœli, angelicorum spirituum hierarchica designatur distinctio: quæ ab hominibus determinate non scitur, quum divinus Dionysius angelicorum spirituum distinctiones assignet in generali, videlicet quantum ad distinctiones novem chororum. *Numquid elevabis in nebula vocem tuam?* id est, numquid nebulae jubebis, ut ad tuum præceptum ascendat, vel tonitruum generetur in ea, et tibi ad nutum obediat? *et impetus aquarum operiet te?* id est, in tua virtute non est, ut aqua pluvialis copiose descendat, ita ut te valeat operire. *Numquid mittes fulgura, et ibunt; et revertentia dicent tibi, Adsumus?* id est, tuæ potentiae non est emittere fulgura, ita quod ad tuam dispositionem discurrant, teque præcipiente revertantur, et dicant tibi verbo vel facto. Ecce adsumus, id est, reversa sumus secundum quod imperasti.

Quis posuit in visceribus hominis, id est A mine investigari non accidit. *Et concentum cœli quis dormire faciet?* Per concentum cœli, intelligit cœlorum atque cœlestium motuum proportionatam cohabitudo- nem, et velut harmonicam quamdam convenien- tiam, quam creatura eis auferre non po- test. Præterea advertendum quod Pytha- goras et ejus sequaces, prout secundo de Cœlis refert Philosophus, posuerunt ex contactu seu motu cœlestium corporum harmonicum sonum causari : quæ sono- rum consonantia, secundum eos, concen- tus potest vocari, qui cœlestia corpora posuerunt animata. Quam dicebant a no- bis sensibilibus non percipi, quoniam ab exordio nativitatis nostræ cœpimus eam percipere, et indesinenter quasi connata est ejus perceptio ac continuata auribus nostris : sicque ex nimia assuefactione non discernimus eam, sicut qui diu sedet in fœtido loco, tandem fœtorem non per- cipit. Sed hanc opinionem Aristoteles re- probat. Idcirco concentus hic metaphorice dicitur convenientia præinducta.

Quis enarrabit cœlorum rationem, id est C Præfata autem positio sapientiæ in vi- sceribus hominis, concentusque cœli, ab initio foundationis terræ fuit vel circiter. Hinc subditur : *Quando fundabatur pul- vis in terra, id est, pulveres terræ firmiter locabantur in infimo loco ubi est terra ; et glebæ compingebantur, id est, partes terræ pariter jungebantur per humorem eas simul tenentem et continuantem, ne terra ob suam siccitatem in pulverem re- solvatur. Denique, juxta Albertum, loqui- tur secundum dispositionem primi mixti atque confusi, in quo elementa commixta fuerunt, et in quo per modum pulveris terra vaporabiliter ferebatur in humido. Hinc dicitur, Et glebæ compingebantur, residente scilicet pulvere in fundo, juxta illud Genesis : Congregentur aquæ quæ sub cœlo sunt, in locum unum, et appa- reat arida. Istud procedit secundum unam expositionem litteræ Genesis. Glebæ au- tem compinguntur dupliciter. Uno modo ad locum : sicque distinguitur terra ab aliis elementis. Alio modo ad complexio-*

Quis enarrabit cœlorum rationem, id est causam, proportionem et ordinem cœ- lestium corporum, et cur ita disposita sint in magnitudine, multitudine, propin- quitate, distantia, motu et influentia, cur tot stellæ in firmamento, quæ ratio diver- sitatis earum in mole, situ, luce ac pro- prietatibus aliis? Hæc atque similia ab ho-

Ecclesi. xvii, 4, 6, 5.

Gen. 1, 9.

nem : sicque complexio quæ magis appropinquat ad cælum seu ad celestem æqualitatem, meliorem in apprehendendo et appetendo sortitur dispositionem et animam, ut sexto de Animalibus asserit Avicenna. Itaque bona complexio non parvum est Dei donum.

Numquid capies læante prædam, id est, sufficienter ei de alimento poteris providere, *et animam*, id est animalitatem seu animale appetitum ac vitam, *catulorum ejus implebis* necessariis nutrimentis? quasi dicat, Non poteris. Divina tamen providentia sufficientiam sibi ac catulis suis procurant læanæ, quamvis sint multum voraces. Potius quoque læanam exprimit quam leonem, quoniam propter curam et educationem catulorum, ipsa avidior est ad prædam. *Quando cubant in antris*, id est, in speluncis manent nutritioni catulorum vacantes, *et in specubus*, id est cavernis, *insidiantur*, id est, animalia transeuntia observant ad rapiendum ac devorandum : secundum illud Psalmi, Insidiatur quasi leo in spelunca sua.

Ps. ix, 30.

Quis præparat corvo escam suam, id est, de alimentis providet corvis, nisi principaliter Deus? *quando pulli ejus clamant ad Deum*, id est, naturali desiderio appetunt necessaria vite, quæ principaliter sortiuntur a Deo. Clamant quoque ad Deum, non quasi ejus habentes notitiam, sed quasi tristem sonitum emittentes, qui a Deo attenditur, ita quod providet eis. Quælibet etenim res naturalis per hoc ipsum quod naturali desiderio appetit aliquod bonum, quodammodo interpretative seu æquivalenter clamat ad Deum, velut ab ipso illud intendens accipere, qui omnium est actor bonorum. Sicque fertur in Psalmo : Oculi omnium in te sperant, Domine, et tu das

Ps. cxliv,

1.

A escam illorum in tempore opportuno. Et rursus : Omnia a te expectant, ut des illis escam in tempore. *Vagantes, eo quod non habeant cibos*, Pullis corvorum, pro tempore quo a matribus suis non aluntur, ut dicitur, scilicet infra septem primos dies, non competit vagari seu hinc inde volare. Ideo quidam legunt, Vagientes, scilicet suo modo quasi plorantes ex famis angustia. Vel, Vagantes, id est visu hinc inde distracti ac prospicientes, quia nutrimentum non habent. Dicitur enim (ut recitat et B Thomas), quod corvus pullos suos natos videns plumis albos, non pascit eos donec cernat eos nigrescere, ita quod septem diebus eos non alit, sed a Deo sustentantur per inditam eis naturalem virtutem. Alii autem affirmant, quod Deo ordinante, quidam vermiculi volitant circa ora eorum, quos attrahunt, sicque aluntur. Insuper, secundum Albertum, nominat corvum magis quam cetera bruta, quia voracior et cibi avidior est : cujus signum est, quia, ut in Genesi habetur, emissus ex area, re- C quievit in cadavere. *Gen. viii, 6.*

Postremo, ex his clare ostenditur falsitas opinantium, quod Deus irrationalium animalium providentiam et distinctam cognitionem non habeat. Nam et Psalmista testatur : Qui dat jumentis escam ipsorum, et pullis corvorum invocantibus eum. Christus quoque in Evangelio errorem hunc destruens, ait : Nonne quinque passereres veniunt dipondio, et unus ex illis non est in oblivione coram Deo? Et iterum asserit : Pater vester cœlestis pascit ea, scilicet D volatilia cœli. Nec obstat illud Apostoli : Numquid de bobus cura est Deo? Hoc si- *Matth. vi, 26* quidem dicit ad innuendum, quod rationalium creaturarum cura et providentia, speciali altiorique modo convenit Deo. *1 Cor. ix, 9.*

ARTICULUS LXVII

EXPOSITIO CAPITULI TRICESIMI NONI : NUMQUID NOSTI TEMPUS PARTUS IBICUM ?

CONSEQUENTER Dominus ad incomparabilis sapientiae suae commendationem, tangit leges quibusdam animalibus inditas in generatione, in consuetudine et habitatione. *Numquid nosti tempus partus ibicum?* Ibices, secundum Thomam, sunt animalia corpore parva, in locis petrosis habitantia, et parientia ibi : ad quæ loca non patet hominibus de facili accessus. Idecirco tempus partus earum hominibus est incertum. His concordat Albertus dicendo : Ibex est animal in petris et montibus commorativum, tam ingentia habens cornua, ut a capite exeuntia, usque ad clunes pertingant, intra quæ aliquando cadens totum corpus recipit, ne allidatur in casu. Alii dicunt, quod ibex sit avis aquatica serpentibus inimica. *In petris*, id est locis petrosis seu rupibus ubi pariunt. *Vel parturientes cervas observasti?* Cervæ quum parere debent, loca eligunt secreta, ubi lupi non solent accedere. Hinc partum earum Dominus dicit esse occultum, insinuans quod ipse omnium horum institutor et dispensator existat ac cognitor. *Dinumerasti menses conceptus earum*, id est, quot menses fluxerint ab imprægnatione seu conceptu cervarum ? quod licet quantum ad aliquas cervas quodammodo fieri possit, homo tamen hoc de omnibus nec certitudinaliter, nec distincte cognoscere potest. *Et scisti tempus partus earum?* id est, determinatum tempus quo parient, nescis. Secundum quosdam, loquitur de scientia activa, quæ facit quod scit, ut est providentia Dei. Vel, ut alii dicunt, quærit an dinumeraverit menses præfatos, ut indicaret eos cervis. Et simili modo inquit, an sciat tempus partus earum.

Incurvantur ad fœtum, id est, naturali industria sibi divinitus indita incurvant se ut fœtum emittant ; *et pariunt*, facilius quam mulieres in specie humana ; non tamen penitus absque dolore : nam subditur, *et rugitum emittunt*. Ideo tamen incurvant se, ut facilius pariant : quoniam incurvatio membra generativa ampliat ad fœtus emissionem ; non autem eatenus, quin propter arctitudinem membrorum illorum affligantur in fœtus egressu. *Separantur filii earum*, id est, pulli cervarum atque similium bestiarum nati, mox a parentibus separantur sive recedunt, ita quod movent se, nec diu manent sub cura parentum, ut hominum fœtus, *[et] pergunt ad pastum*, id est, primo incipiunt quærere escam eis a natura paratam. *Egrediuntur*, a matribus ad loca pascuarum, *et non revertuntur ad eas*. Primo dum nati sunt, et lacte matrum indigent pasci, quamvis egrediantur ad pastum, redeunt tamen ad matres suas. Postea vero, quum roborati fuerint in membris, nec lacte amplius indigent, sic recedunt a matribus, quod non revertuntur ad eas.

Quis dimisit onagrum liberum? id est, asinos silvestres quis fecit ab hominum obsequio liberos ? *Et vincula ejus*, id est, quibus ligari poterat, *quis solvit?* id est, quis eum a talibus vinculis fecit immunem, ita quod tales asini non ligantur, nec domesticantur, sed libertatis amore hinc inde vagantur ? Hæc atque similia Deus quærit, ad innuendum, quod ipse solus hæc fecit et facere potuit, qui singulis proprietates certas impressit. Et istud in onagris mirum videtur, quum alii asini domesticentur, qui cum illis ejusdem speciei feruntur. *Cui dedi in solitudine do-*

montem, id est antrum sive cavernam. In solitudine enim moratur, ne hominibus servire cogatur, quum tamen alii asini periclitentur, nisi in habitaculis per homines factis morentur. *Et tabernacula ejus*, id est loca in quibus pascitur et generat, dedi *in terra salsuginis*, hoc est in terra inhabitabili propter ejus siccitatem et solis exustionem, ex qua humor ejus quasi in salis amaritudinem vertitur. *Contemnit multitudinem civitatis*, id est, mansionem deserti præfert habitationi in urbe; *clamorem exactoris*, id est hominis qui ab onagro laborem pro victu sibi impenso exigeret, *non audit*: quia vocantem se hominem fugit, renuens domesticari, subdi et obsequi. *Circumspicit montes pascuarum*, id est, loca montana in solitudinibus, in quibus invenit nutrimenta, quærit et adspicit: *et circumspicit quædam perpauperit*, id est, loca in quibus sint recentia gramina, quibus vescatur, in his amplius delectatur, quam in frequentia hominum et pabulis urbium.

Consequenter loquitur de rhinocerote seu unicorni, qui est animal ferum, valdeque forte et indomesticabile. Unde ex confidentia propriæ fortitudinis et indignatione servitutis, domesticari non potest. *Numquid volet rhinoceros servire tibi?* id est, non acquiescet tibi subdi et obsequi, nec mansuetatur. *Aut morabitur ad præsepe tuum?* id est, ita eum compe-scere nequibis, ut ad præsepe acquiescat ligari, et a te cibum accipere; sed libere vult vagari et nutrimentum inquirere. *Numquid alligabis rhinocerotem ad arandum loro tuo?* id est, nequaquam poteris eum sic catenis seu vinculis ligare, ut instar bovis terram tuam aret. *Aut confringet glebas vallium tuarum?* id est, ad hoc eum inducere non poteris, ut trahat instrumentum, quo terra arata complanatur, glebis seu massis ejus vel partibus grossioribus fractis per superinductionem instrumenti illius per terram hujusmodi: *post te*, ut scilicet te præcedentem rhinoceros sequatur. *Numquid*

fiduciam habebis in magna fortitudine ejus, quod scilicet illa tibi deserviat et subdatur, *et derelinques ei labores tuos?* id est, an committes ei fructuum tuorum custodiam, ut terræ nascentia tuis laboribus procurata in agro custodiat? sicut sæpe canes feroces et fortes dimittuntur cum servo in agris ad custodiam possessionum, contra animalia devorativa seu homines spoliantes. Tanquam dicat: Ad ista unicornem domesticare non poteris. *Numquid credes ei quoniam sementem reddat tibi*, id est, grana bladorum aliquo modo faciat egredi? secundum quod bos dicitur triturare, juxta illud Osee: Ephraim vitula docta diligere trituram. *Et aream tuam congreget*, id est, fructus aræ tuæ comportet? Per hæc omnia Deus intendit, quod ipse qui animal talium proprietatum produxit, quod ab homine compesci non valet, incomparabilem habeat excellentiam super hominem, ita quod homo ei in nullo resistere potest.

Osee x, 11.

Porro de natura rhinocerotis multa leguntur. De quo refert Gregorius: Rhinoceros indomitæ omnino naturæ est, ita ut si quando captus fuerit, teneri nullatenus poterit. Impatiens quippe, ut fertur, illico moritur. Magister Sententiarum affirmat, quod sit superbissimum animal: hinc quando contra inclinationem suam tenetur, ex indignatione cadit et moritur. De quo refert Albertus: Cornu rhinocerotis ingens, longitudinis duodecim pedum, et amplius; ante acutum valde et plenum, non concavum sicut cornu cervi, et in base ubi conjungitur capiti, diameter ejus est plus quam palmi: egreditur quoque ad similitudinem gladii. Porro in Mammotractu Bibliæ continetur: In fronte media gerit cornu, ita acutum et validum, ut quidquid impetierit, aut ventilet aut perforet. Nam et cum elephantibus sæpe certamen habet, atque in ventre eos vulnerat et prosternit. Buxei esse coloris asseritur. Tantæ quoque est fortitudinis, ut nulla venantium capiatur virtute. Sed virgo puella proponitur, quæ venienti sinum ape-

rit, in quo ille, omni ferocitate deposita, caput ponit: sicque soporatus, velut inermis mox capitur, ut refert Gregorius. Hinc, ut aliqui dicunt, Deus comparatur rhinoceroti (juxta quod Balaam loquitur, Dominus Deus eduxit eum, scilicet Israel, de Egypto, cujus fortitudo similis est rhinoceroti): etenim purissima virgo Maria Unigenitum Dei, quem nullus unquam valuit superare, invitumve capere, in se traxit ita, quod in ejus utero, deinde in ejus gremio requievit.

Penna struthionis similis est pennis herodii et accipitris. Secundum Albertum, Dominus loquitur hic de animali composito ex volatili atque gressibili, quod struthio dicitur, in desertis Libyæ potissime habitans: carnosas cum quadrupedibus tibias habens, et tres digitos in pede angulatos ut quadrupes, rostrum autem et caput et collum ut cygnus, coxas magnas ad modum quadrupedis, pennas in primo anno cinereas, sicut anser, quæ in senectute deficiunt in nigram lanuginem in modum velleris nigræ avis. In alis non volat, sed saltat, saltum juvenis motu alarum sicut locusta. Ita penna struthionis similis est pennis herodii et accipitris, similis quidem eis non in colore, sed in hoc quod est penna. Porro herodius, secundum Albertum, est aquila, quæ est heros seu domina avium. Alii dicunt, quod sit avis rapacissima, aquilam vincens. Thomas vero affirmat, quod sit nobilissimus falco, qui gryfaleus vocatur. Unde videtur nomen æquivocum. Per accipitrem quoque quidam intelligunt nisum, alii quaecumque avem rapacem. Itaque Deus insinuat, quod licet struthio cum præfatis avibus quæ celeriter volant, similes habeat pennas, non tamen similem usum pennarum, quia nec alte neque celeriter volat. Cujus causam assignat Gregorius: Accipitris, inquit, et herodii parva sunt corpora, sed pennis densioribus fulta: ideo cum celeritate transvolant, quia in eis parum inest quod aggravat, multum quod levat. At contra struthio raris pennis induitur, atque im-

mani corpore gravatur, ut et si volare appetat, ipsa pennarum paucitas molem tantum corporis in aere non suspendat.

Quando derelinquit in terra ova sua. Non enim fovet ova sua incubando super ea, sed fodit hæc in arena, operiens sabulo. Nam, ut ait Albertus, si incubaret ovis, comprimeret ea: ideo non incubat, sicut nec serpens, nec lacerta. *Tu forsitan in pulvere calefacies ea?* Hoc ironice dicitur, tanquam dicat, Nequaquam. Præterea, juxta Thomam, struthio hanc naturalem habet industriam, quod observat tempus calidum, quando incipiunt apparere stellæ quæ dicuntur Vergiliæ, in mense Julio, et tunc parit ova: sicque ex calore loci et temporis, quia videlicet non moratur nisi in locis calidis, ova vivificantur, et pulli ex eis nascuntur. Albertus autem circa hoc scribit: Calore solis excitatur intraneus calor ovi, qui intra testam ovi pullum format, et extra testam educit. Porro quod dicitur, quod visu foveat ea, falsum est: sed imperitis apparet, quia frequenter est

C circa ova, et respicit ea propter custodiam. *Obliviscitur quod pes conculcet ea, aut bestia agri conterat:* id est, non attendit, quod ova sua taliter situata, possint faciliter a transeuntibus conculcari, vel a bestiis frangi per conculcationem aut comestionem. Struthio namque naturaliter obliviosum est animal, et, ut Thomas affirmat, nullam adhibet curam de conservatione ovorum. Cui videtur obviare, quod secundum Albertum, frequenter adest ovis, et adspicit ea propter custodiam.

D *Duratur ad filios suos quasi non sint sui:* quoniam pullis suis non providet, nec eos nutrit ut aliæ aves, sicque quodammodo in se fructum generationis pullorum suorum amittit. Ideo sequitur: *Frustra laboravit,* ad pullorum generationem cooperando: nam eos dimittit, *nullo timore cogente,* id est, ex propria stoliditate atque durtia, non aliquo eam compellente ad suorum derelictionem pullorum, quemadmodum aliæ aves interdum ova vel pullos ad horam relinquunt ex timore volen-

tium capere eas, vel nidum confringere. *Præcepit enim Deus sapientiam, nec dedit illi intelligentiam.* Sapientiam et intelligentiam sumit extense pro naturalibus industriis, quas Deus aliis animalibus communiter indidit ad nidificandum, incubandum, nutriendum, et custodiendum proprios pullos : quas femina struthionis non indidit. *Qua ut capax fuerit,* id est occasto se movendi occurrerit, *in altum alas erigit :* non quod corpus ejus elevetur in aere, sed alas pro posse extendit et levat, ut citius currat. *Deridet equum et ascensorem ejus.* Hoc dicitur, quia velocius currit, quam equus aut eques, ita quod ab eis comprehendere non valet, nec curat insecutionem eorum.

Denique spiritualiter, struthio (secundum quod pennas habet, nec volat) designat hypoeritas, qui foris apparent quasi sint contemplativi ac virtuosī, intus vero terrenis affectibus prægravantur, ita quod se ad cœlestia non attollunt. In quantum vero struthio duratur ad filios suos modo præfato, designat parentes carnales vel patres spirituales, qui filiorum suorum curam non habent, sed eos errare desinunt et perire. Propter quod Threnorum codice inducitur : *Filia populi mei crudelis, quasi struthio in deserto.* In quantum autem tam velociter currit, ut equum equitemque derideat, designat superbos, qui se ipsos sic erigunt, ut viros virtutum, qui suis corporibus velut equis frenatis utuntur, despiciant et illis se præferant.

Consequenter Deus sapientiam et eminentiam suam ostendit, describendo equi proprietates, qui est animal multis proprietatibus ad nobilitatem spectantibus singulare ac decoratum. *Numquid præbebis equo fortitudinem?* quasi dicat : Hoc facere tuum non est, sed meæ virtutis. Est autem equus animal valde forte, tam ad onera deferenda, quam robore animi ad pericula aggrediendum. *Aut circumdabis collo ejus hinnitum?* id est, proprietatem ex qua hinnit per collum, ei ferre non poteris. Dicitur autem hinnitus collo equi

A circumdatus, secundum Albertum, quoniam ad rotunditatem colli vel cannae, egreditur non distinctus motus linguae, sicut vox litterata, nec in diversa formatur, ut vox dearticulata. Est autem equus animal hinnitivum, propter libidinem atque audaciam. Libidinosum vero est, secundum Philosophum, propter cibi, quem sumit, abundantiam ; audax quoque, ex confidentia fortitudinis, et armorum in calcibus pedis. Hinc libidinosi equis comparantur per Jeremiam : *Unusquisque ad uxorem proximi sui hinniebat.* Insuper, juxta Thomam, equus exteriori suo ornatu ad libidinem provocatur, quia (ut dicitur) jubæ suæ decore ad coitum agitur, jubaque tonsa, libido ejus exstinguitur sive minuitur, ut alii dicunt. Ad quod designandum Dominus ait : *Aut circumdabis collo ejus hinnitum?* qui ei in collo a Deo circumdatur, per hoc quod Deo ordinante, juba ei sic nascitur. *Numquid suscitabis eum quasi locustas?* Sibilo enim excitatur equus ad audaciam, ad cursum, et præsertim ad saltum : tuncque posterioribus pedibus accipit saltum sicut locustæ. Hanc autem proprietatem non habet nisi a Deo. Est etiam signum magni roboris, quod quamvis habeat corpus grande ac ponderosum, nihilo minus tam velociter currit, remoteque salit.

Deinde magna equi audacia aperitur. *Gloria narium ejus terror :* id est, bellum quo alii perterrentur, est gloria seu delectatio narium equi. Odoratu enim bellum percipit a remotis, atque in hoc delectatur. Vel, *Gloria narium ejus est terror,* quoniam delectationem atque audaciam, quas habet prælio imminente, ostendit quodam terribili narium sono, dilatatis narium spiritum exsufflando : quod est signum magnæ audaciæ. Unde Philosophus in Ethicis, ex Homero inducit : *Fortes spiritum efflabant per nares, et ebullivit sanguis.* Et quoad hoc, equus comparatur viris audacibus et iracundis. *Terram ungula fodit,* quasi ad instans bellum se aptans : quod rursus grandis audaciæ signum est.

Jer. v, 8.

Thren. iv.
3.

Nam ungulam quasi acuit ad percutiendum et conculcandum, quemadmodum aper dentes, quando vult pugnare. Majus quippe nocumentum quod equus infert in bello, secundum Albertum, est quod calcet, prioresque calces conculcando impingit, posterioribus vero percudit et repellit. *Exsultat audacter*. Gloriatur enim prælio imminente. *In occursum pergit armatis*, audacter et imperterritè properans contra hostes, quasi provocans eos ad pugnam. *Contemnit pavorem*, id est, in pugna existens, formidinem non admittit; *nec cedit gladio*: imo evaginatis obviat gladiis, vulnerari non metuens. *Super ipsam sonabit pharetra*, dum miles equo sedens, sagittam de arcu emittit: *vibrabit hasta et clypeus*. Milites enim equis sedentes, solent habere hastas clypeosque splendentes, qui super equum suo micant fulgore.

Fervens intus calore animositatis et ira, *et fremens ore*, *sorbet terram*, illam ungulis fodiendo, et naribus ad terram positis fortiter resonando. *Nec reputat tubæ sonare clangorem*, id est, clangorem tubarum ad bellum hortantium non ponderat quasi terribilem: imo audit eum libenter. Nam *ubi audierit buccinam*, quæ suo sonitu ad bellum hortatur, *dicit: Vah*, id est, signum exultationis emittit, nec curat. Vah quippe est interjectio exultationem designans, juxta illud Isaïæ: Vah, calefactus sum, vidi focum. *Procul odoratur bellum*, id est, a remotis percipit bellum instare odoratu, quo sentit equos venientes; *exhortationem ducum*, qui suos animant ad pugnandum, *et ululatum*, id est confusam vociferationem ac strepitum, *exercitus* venientis ad pugnam, odoratur, ut dictum est, et percipit quadam naturali industria sibi divinitus indita, quia a Deo factus est in adjutorium hominum, non tantum ad deportationem, sed etiam ad justitiæ atque rei publicæ tuitionem. Unde et in bellis unus equus dilaniat alium, quum tamen, si simul per campum sine sessoribus currant, unus currat ac saltet post alium in præceps et aquas.

Is. XLIV, 16.

A Dicit autem Albertus: Expertum est, quod equus non castratus leonem adspiciens, etiam invito sessore accedit leonem. Si vero castratus est, quantumlibet urgeatur, retrocedit et fugit in tantum, quod præ timore visus est sanguinem mingere. Isidorus quoque dicit, quod equus ideo equus vocatur, quia dum vadunt duo et duo simul, ex æquo incedere solent.

Numquid per sapientiam tuam plumescit accipiter, expandens alas suas ad Austrum? Secundum Gregorium, singulis annis accipiter veteres pennas projicit, novasque accipit, et sine intermissione plumescit. Domestici autem accipitres, ut melius plumescant, loca requirunt tepentia et munita*. Agrestibus vero moris est, ut flante Austro, alas expandant, quatenus eorum membra ad emittendum veteres pennas venti concalescant tepore, poris scilicet corporis sui apertis, sicque novæ pennæ nascantur. Porro, quum ventus deest, alis contra solis radium expansis atque percussis, tepentem sibi faciunt auram, et ita, poris apertis, vel veteres pennæ exsiliunt, vel novæ succrescunt. Itaque non est nunc sermo de illa accipitris plumatione, qua primo plumis vestitur in nido, quia tunc nondum expandere valet alas ad Austrum. Accipiter autem fortes alas requirit, quibus aves alias insequatur. Unde, secundum Albertum, etiam ideo alas suas ad Austri expandit calorem, ut indurescant, ne fortiter concitatis alis ad aeris flectantur impulsu.

Numquid ad præceptum tuum elevabitur aquila, et in arduis ponet nidum suum, id est in locis altis difficilisque accessus? quasi dicat: Non ex tua ordinatione vel jussione, sed mea, volat tam alte et nidificat tam excelsæ. Omnis autem naturalis cursus rerum, est quædam motio creaturæ ad Dei præceptum, secundum Thomam, juxta illud Psalmi: Ignis, grando, nix, glacies, spiritus procellarum, quæ faciunt verbum ejus. *In petris manet, et in præruptis silicibus commoratur*. Purum etenim aerem amat, ideo in locis petrosis sublimibus

* humida

Ps. CXLVIII, 8.

conquiescit, ubi vaporum minor fit resolutio. In præruptis autem silicibus nidum constituit, ut pulli ejus ibi securius conserventur, nec ab animalibus sibi nocivis lædantur. Ideo quoque, secundum Albertum, manet in petris, ut ad petram unguis rostrumque acuat, et sic semper ad prædam renovetur atque armetur. *Atque inaccessibleis rupibus.* Non enim vult quod quis ad nidum ejus ascendat. *Inde contemplatur escam,* id est animalia et cadavera quibus vescatur: *et oculi ejus de longe prospiciunt.* Ad quod confert, quod in altis moratur, ubi aer sincerior est. Ut autem refert Albertus, pullos suos aquila probare asseritur, si solem in sua rota queant adspicere irreverberato oculi radio: et eos qui possunt, suos cognoscit ac nutrit; qui non possunt, hos abjicit. Dicitur etiam a quibusdam, quod visu per quingentas leucas cadavera percipit et accedit. Alii dicunt, quod odoratu id facit.

Quum ergo sit acutissimi visus, in altisque habitans, recte per eam contemplativi signantur; et altissimus ille cœlestium contemplator Joannes evangelista rite per aquilam demonstratur. Contemplativorum etenim conversatio in cœlis est, quorum interior visus præacutus et clarus est; manentque in petris, id est firmitate virtutum, et in præruptis silicibus, id est monasticis perfectionibus, quæ a mundana conversatione præcisæ sunt, atque inaccessibleis rupibus, id est secretissimis divinorum considerationibus, ad quas nullus carnalium valet pertingere. Inde contemplatur escam, id est cœlestis paradisi beatificam refectionem, ea quoque quæ in præsentī vita mentem consolentur ac roborant: quorum oculi de longe prospiciunt, quia ab isto exsilio usque ad supernæ altitudinem patriæ visum protendunt mentalem, quemadmodum de Sanctis veteris Testamenti ait ad Hebræos Apostolus, quod de longe promissiones adspexerunt cœlestes.

Pulli ejus lambent sanguinem animalium quæ aquila deprædata defert viva ad

nidum. Est enim aquila potens in deprædatione, quemadmodum inter quadrupedia leo. Spiritualiter, pulli aquilæ sunt imitatores et discipuli contemplativorum, qui adhuc divinorum contemplationi intendere stabiliter non valentes, interim dominicæ passionis memoria et Christi sanguine reficiuntur. *Et ubicumque cadaver fuerit, statim adest,* id est, velociter advolat, dum illud visu vel odoratu perceperit, et aliunde impedimentum non fuerit. Sic in Evangelio ait Salvator: Ubi fuerit corpus, illie congregabuntur et aquilæ.

Matth.
xxiv, 28.

Consequenter inducitur increpatio sancti Job, et ejusdem humilis consensus cum Deo. Auditis enim his magnificis Dei effectibus, siluit, quasi cum Deo disputare inefficax. Ideirco Dominus eum, modico silentio interjecto, rursum alloquitur. *Et adjecit Dominus,* id est, præinductis verbis addidit alia, *et locutus est ad Job: Numquid qui contendit cum Deo,* id est, de effectibus Dei argumentatur, volens ostendere quod non sint penitus justi, aut juste exhibiti, ut tu qui supra dixisti, Saltem nunc intelligite, quia Deus non æquo judicio afflixerit me: et item, Vivit Deus qui abstulit judicium meum; *tam facile conquiescit,* id est, faciliter dimittetur in pace, nec exigetur verborum suorum reddere rationem? quasi dicat: Decet talem fortiter examinari et exerceri. *Utique, qui arguit Deum,* id est, contra eum disputare præsumit, ejusque opera immoderanter, an justa sint, perscrutari conatur, *debet et respondere illi:* id est, requiretur merito ab eo responsio, ut verba sua, si valet, defendat: alioqui puniatur, nisi pœnitendo veniam mereatur. Circa hæc scribit Gregorius: Sanctus Job sua percussione non putavit merita augeri, sed vitia resecari. Quæ quia in se nulla cognovit, percussum injuste se credidit: et percutientem Deum arguere, est de percussione murmurare, et an justa fuerat dubitare.

Job xix, 6.

Ibid. xxxvii, 2.

Respondens autem Job Domino, dixit, se humiliter culpabilem confitens, non pertinax manens: *Qui leviter locutus sum,* id

est, aliqua verba sine debita gravitate. A consideratione, cautelaque protuli, admiratione et plagarum acerbitate inductus, *respondere quid possum?* id est, me excusare non volo, nec tecum amplius contendere queo. *Maurum meum pondum super os meum* : id est, de cetero talia verba cavebo. Et quæ sint illa, subjungit : *Unum locutus sum, quod utinam non dixissem*, id est, de cujus prolatione pœniteo ; *et alterum*, id est, etiam aliud verbum dixi : *quibus duobus ultra non addam* aliquid inordinatæ locutionis aut simile quid in culpa. Primum horum duorum, secundum

Job xiii. 3.
Ibid. xxi.
xxx.

Thomam, fuit, quod dixit : Cum Deo disputare cupio. Secundum fuit, quod recitando suas justitias, videbatur æquitati derogare divinæ.

Porro, secundum Albertum, primum fuit, quod ait : Deus non æquo judicio afflixi me. Hoc enim incaute prolatum est : quoniam licet secundum unum modum sive respectum, puta secundum ordinem humanæ justitiæ, quæ reddit cuilibet secundum quod fecit, non juste percussus sit : non tamen absolute dicendum est, quod injuste vel non juste fuerit cæsus. Juste enim percuitur homo a Deo, sive ad Dei gloriam, sive ad exercitium virtutum, sive ad culpæ purgationem hoc fiat. Secundum fuit, quod de flagello murmurans seu con-

Job vi. 2, 3.

Gregorius vero circa hæc scribit : Si præinducta Job verba discutimus, nil eum nequiter dixisse invenimus. Si vero dicta ejus quæ vere et libere protulit, in aliquo de superbia notamus, non jam duo tantum erunt, sed plura. Hinc Gregorius, per primum istorum duorum intelligit, quod Job ante suam flagellationem aliqua egit digna flagellis, saltem venialiter peccans. Secundum fuit, quod de flagellis sibi illatis murmuravit.

Hinc advertendum, quod Job in modo loquendi peccavit, quo amicos suos et ipsum Eliu scandalizavit : non tamen ex superbia fecit hoc. Et quod ait se in duobus excessisse, potius ad sensum quam ad formam verborum referendum videtur. Eamdem quippe sententiam aliis verbis frequenter pronuntiavit. Secundum quoque, quod Thomas assignat, in quo Job excesserit, utpote suas justitias commemorando, multa verba, imo multa capitula continet. Denique Thomas ait, quod Job coram Deo et sua conscientia loquens, non de falsa locutione aut superba intentione se accusat, quia ex puritate animi fuit locutus. Verba tamen ejus arrogantiam sapere videbantur. Unde amici ejus occasionem scandali sumpserunt. Oportet autem non solum mala vitare, sed etiam ea quæ habent speciem mali, secundum illud Apostoli : Ab omni specie mala abstinete vos. ^{1 Thess. v. 22.} Itaque verba Gregorii, quibus sæpe excusat beatum Job ab omni excessu in verbis et factis, intelligenda sunt de excessu culpæ mortalis. Venialiter autem in verbis et factis peccasse ostensus est. Nec hoc mirum de ipso, quum et de principe Apostolorum Paulus affirmet, quia reprehensibilis fuit : ^{Galat. ii. 11.} et loquitur de eo secundum ea quæ post susceptionem Spiritus Sancti commisit.

Galat. ii.

ARTICULUS LXVIII

ELUCIDATIO LITERALIS CAPITULI QUADRAGESIMI : RESPONDENS AUTEM DOMINUS JOB DE TURBINE, DIXIT.

PRESENTI capitulo Dominus increpat Job, quod suam in tantum commendavit justitiam, quod divinæ videbatur derogare justitiæ. *Respondens autem Dominus Job de turbine, dixit : Accinge sicut circumlumbos tuos. Interrogabo te, et indica mihi*, id est, responde. Verba hæc in principio scripta sunt atque exposita : quæ Dominus hic resumit, quia jam rursus quasi de novo aggreditur eum. Unde primo animat eum, et exhortatur ad advertentiam dicendorum. *Numquid irritum facies*, id est, injustum et falsum esse ostendes, *judicium meum*, quo te tradidi Satanæ affligendum, *et condemnabis me*, id est, injustum probabis : si enim injustum est meum judicium, sequitur quod sim injustus : *ut tu justificeris*, id est, justus appareas ? tanquam dicat : In tantum prosecutus es tuas virtutes, et conquestus quod sine culpa tua percussus sis, quasi probare intenderes, me meumque judicium esse injustum. Imo ita locutus es, quod præsentis judicaverunt te hoc prætendisse, et visus es te sic velle justificare, ut ex consequenti ego puter injustus, ita quod laus tua, qua te ipsum laudasti, videbatur in meum vituperium redundare. Et hoc, quantum ad modum loquendi, reprehensibile fuit, quamvis beatus Job nequaquam intenderit hoc.

Consequenter Dominus ex eminentia suæ perfectionis ostendit, quod homo cum omni humilitate loqui debet ad Deum et de Deo. *Et si habes brachium*, id est vim operativam seu potestatem, *sicut Deus* : hoc est, si instar Dei omnipotens es ; *et si simili voce tonas* : id est, tantæ efficaciæ es in loquendo ut Deus, utpote quod men-

A tiri non possis, et solo verbo quidquid volueris, facere queas (sicut de Deo habetur, Ipse dixit, et facta sunt) ; itemque, tantæ excellentiæ es in docendo, ut Deus, ita ut vox doctrinæ tuæ, tonitruo comparetur, sicut vox Dei ; *circumda tibi decorem*, id est, ex omni parte te ipsum justifica, et ab omni macula culpæ te prorsus excusa, pulchritudinemque et sanctitatem deiformem tibi adscribe. Si vero mortalis et fragilis es naturæ, non ita te laudes, ut Deum vituperare videaris ; nec ab omni culpa te B putes immunem. *Et in sublimi erigere*, id est, te ipsum secure exalta, et Deo parifica ; *et esto gloriosus*, id est, famosus, clarus et inclytus, seu excellens. Porro, secundum Ambrosium, gloria est clara cum laude notitia, ita quod importat notitiam de bonitate alicujus. Bonitas autem Dei est infinita : cujus perfecta notitia non est nisi in ipso. Idcirco gloria plenarie in solo Deo est, in quantum plene cognoscit se ipsum : ad quam homo non pertingit, nisi participando cognitionem divinam. Propter quod Jeremiæ Dominus loquitur : In hoc gloriatur, qui gloriatur, scire et nosse me. *Et speciosis induere vestibus*, id est, omnium virtutum splendoribus appareas decoratus.

Disperge superbos in furore tuo, id est zelo ardenti justitiæ, vel districta ultione, ut ego, et confunde eos, si similis mihi es in potestate, æquitate et sapientia. *Et respiciens oculo justitiæ super eos, omnem arrogantem humilia*, eum debite dejiciendo et condemnando. *Respice cunctos superbos*, id est, elationem eorum considera ad puniendum vel emendandum ; *et confunde eos*, vel confusione salubri ad por-

Ps. xxxii,
9: cclviii, 5.

Jer. ix, 24.

Job xxxviii,
1, 3.

nitentiam, vel confusione pœnali ad con-
demnationem : id est, impietatem eorum
omnibus manifesta, eosque vitupera, in-
crepa et convince; *et contere impios in*
loco suo, id est, destrue et condemna : juxta
Ps. ix, 36. illud Psalmi, *Contere brachium peccatoris*
et maligni. Est tamen et bona impiorum
contritio, qua eorum perversitas frangi-
tur, sicque salubriter convertuntur. *Abs-*
conde eos in pulvere simul, et facies eo-
rum demerge in foveam : id est, ad libitum
tuum, et usque ad extremum dejice eos, et
subjice tibi, ita ut sub pulveribus depri-
mas eos, et vultus eorum in lacum demer-
gas. Vel, *Absconde eos in pulvere*, id est,
occide, ita quod sepeliantur etiam in terra,
operiantur ; et facies eorum, id est aciem
vultumque mentis seu vires cognitivas, in
foveam infernalem demerge.

Et ego confitebor, id est, clare testabor,
quod salvare te possit dextera tua, id est,
propria potestate possis salvari, non indi-
gens meo auxilio, eo quod præfata opera
Deo propria, queas peragere. In dejectione
etenim superbiorum, omnipotentia Dei
potissime commendatur atque clarissime
demonstratur : quibus dejectio competit,
quia inordinate se erigunt. Unde de su-
perbis facit Dominus specialiter mentio-
nem, quia superbia initium est omnis
peccati, et Deus superbiam potissime de-
Eccli. x, 15. testatur, quia superbi Deo rebelles sunt, et
Amos vi, 8. quod ejus est, sibi usurpant, videlicet glo-
riam et honorem. Nam et terreni principes
ac prælati subditos rebelles maxime abo-
minantur. Denique rationali creaturæ, eo
ipso quo creatura est, superbia omnino
disconvenit. Siquidem eo ipso quo creatu-
ra est, indiget et dependet, nihilque boni
a se ipsa habet; et quidquid boni est et
habet, Creatori suo tenetur ut ei illud ad-
scribat, subjiat, atque in ejus honorem
et cultum convertat. Hinc competit Deo
omnes superbos simul dejicere, compri-
mere, et in infimo loco damnatos conclu-
dere tanto amplius, quo se extulerunt su-
blimius.

Deinceps Dominus excellentiam suam

A demonstrat in quibusdam suis operibus,
quantitate et aliis quibusdam proprietati-
bus valde præcipuis, non quidem loquendo
de illis secundum se, sed ut per ea, alia
quædam natura exprimitur. Imo, ad litte-
ram non est proprie sermo de illis, sed de
re metaphorice figurata per ea, puta de
dæmone : qui hic per maxima quædam
bruta insinuat, eo quod ab angelica cor-
ruens dignitate, in belluinam versus est
immanitatem, monstruositatem ac rabiem.
Propter quod in formis brutorum frequen-
ter apparet, et eis assimilatur, atque eorum
nominibus nuncupatur, videlicet serpens,
draco, et generaliter bestia. Itaque, sicut
in Isaia sub persona regis Babylonis, pro-
pter ejus superbiam, et in Ezechiele sub
persona regis Tyri, ob ejus inanem de sua
sapientia in se ipso complacentiam, sa-
cra Scriptura de diabolo loquitur, sic ta-
men quod multa in præfatis Prophetis
contenta, de prædictis regibus possint ex-
poni : aliqua vero ibi intermischentur, quæ
non nisi de diabolo proprie intelliguntur.

C Propter quod ibi principaliter etiam ad
litteram de casu diaboli mentio fieri fer-
tur. Ita in isto ac sequenti capitulo, sub
nomine quorundam brutorum, de diabolo
determinatur, sic quod multa de brutis
ipsis valeant accipi : aliqua vero addun-
tur, quæ ipsis nequaquam conveniunt. Pro-
pter quod concludatur, quod de ipsis non
sit principaliter mentio, sed de diabolo,
cui illa proprie competunt, sicut in pro-
cessu patebit.

Primo ergo loquitur Deus de Behemoth.
D. Quo nomine doctores catholici communiter
intelligunt elephantem : qui recte Behe-
moth appellatur. Nam Behemoth animal
interpretatur. Porro inter animalia terre-
stria, quæ communiter animalia nominan-
tur, elephas magnitudine et virtute valde
excedit, ut quasi per antonomasiam ani-
mal nuncupetur. Præterea, sicut refert Al-
bertus, Judæi affirmant, quod Behemoth
sit bos, ejus corpus septem milliaria con-
tineat, collum unum, et caput unum ; sic-
que novem milliaria in universo contineat :

Is. xiv, 3
24.

Ezech.
xxviii, 2-19.

cujus cauda sit quasi silva cedrina. Sed, ut ait Albertus, istud omnino fabulosum, Judaicisque mendaciis est confictum. Concordat huic recitationi et Lyra : Judæi, inquiens, dicunt hic, quod Behemoth sit animal incredibilis magnitudinis, in tantum, quod in una die mille montium herbas depascit, atque in crastino herba renascitur in tanta magnitudine, ut præcedenti fuerat die ; et quod Deus in resurrectione futura animal istud occidet, ejusque carnibus justī vescantur. Sed hæc stulta assertio, tam theologicæ quam philosophicæ veritati repugnat. Catholice ergo exponenda est littera.

Ecce Behemoth quem feci tecum. Hoc multipliciter explanatur. Si enim quod Dominus ait, Tecum, referatur ad ipsum Job, sensus est : Ecce elephas quem feci tecum, id est, sicut et te, quia te et illum formavi. Si vero quod ait, Tecum, referatur ad hominem indeterminate, vel præsertim ad hominem protoplastum, qui hic per Job designetur, sensus unus, qui nunc tactus, est, quia illum sicut et elephantem condidit Deus. Alius quoque est sensus, Quem feci tecum, id est, eodem die quo hominem primo produxi : quia, ut legitur in Genesi, sexto die factæ sunt bestię terræ et homo. Insuper, si per Behemoth intelligatur non ipsa figura, videlicet elephas, sed res figurata, puta diabolus ; difficultas occurrit, quomodo cum illo factus sit homo, quum ille factus sit

in principio, quando creavit Deus cælum et terram, scilicet primo die ; homo autem, ut dictum est, sexto die. Sed difficultas hæc facile solvitur, si, juxta Augustini doctrinam, illa dierum in Genesi enumeratio, non temporis successionem designat, sed diversa productarum generum, secundum repræsentationem factam in cognitione mentis angelicæ. Si vero enumeratio illa (ut alii dicunt) temporis successionem importat, ita quod prius tempore factus est angelus, quam sit homo ; tunc verbum istud dupliciter potest intelligi : Primo, ut tactum est, Te-

cum, id est sicut te. Secundo, Tecum, id est cum te, quantum ad hoc quod similitudinem tecum habet in intellectuali natura : cujus similitudinis etiam aliquod vestigium in elephante (secundum Thomam) apparet. Dicit enim Philosophus octavo de Animalibus, quod silvestrium animalium maxime domesticabile est elephas. Siquidem ad multa instruitur, atque intelligit, et regem adorare docetur : quod intelligendum non est, quasi veraciter habeat rationem seu intellectum, sed propter bonitatem et eminentiam suæ naturalis æstimationis. ita quod multum participat de ratione.

Fœnum quasi bos comedit. Elephas enim herbis, granis ac terræ nascentibus vescitur sicut bos, non carnibus sicut leo. Porro diabolus per hoc animal figuratus, comedit fœnum, id est, terrenorum dominio delectatur. Homines quoque terrenis vitiis implicatos, spiritualiter devorat ac sibi incorporat : de quibus loquitur Isaias, Vere fœnum est populus. Ut autem Gregorius ait : Equi fœnum quantumlibet sordidum comedunt ; aquam vero non nisi mundam bibunt. Boves vero aquam quantumlibet sordidam bibunt ; sed fœno non nisi mundo vescuntur. Hinc diabolus bovi, non equo, hic comparatur, quia de eo dicitur per Prophetam, Esca ejus electa : quia videlicet virtuosos potissime cupit conterere.

Fortitudo ejus in lumbis ejus. Hoc ideo dicitur, quia ex lumbis seu renibus semen ad membra generationi deservientia derivatur. Hinc ait Albertus : Fortitudo ejus, quantum ad masculum, est in lumbis ejus : quia in lumbis nervi sunt sensitivi, per quos semen a cerebro et corpore descendens, intimaque nervorum tangens, titillando libidinem concitat, atque in delectationes mentem inclinat, subvertit et vincit, quemadmodum septimo Ethicorum Philosophus ex Homero allegat : Doli complicatrix Venus, furata est valde sapientium mentem. Avicenna quoque disseruit, quod causa perversitatis in homine, est, quia quum intellectus sit de se rectus, conjungitur tamen imaginativo ac sensitivo, quæ

Is. xl, 7.

Habac. 1, 16.

Gen. 1, 24-31.

Ibid. 1.

multiplicitate ac strepitu sensibilibus delectabilem, eligentiam intellectus subvertunt.

Et virtus illius in umbilico ventris ejus: id est, magnam habet firmitatem corporalem in umbilico, quem tempore coitus superponit dorso femellæ: qui umbilicus si fortis non esset, ex concussione seu collisione corporum tam ingentium frangeretur. Albertus autem exponit sic: Virtus, id est ultimum seu maximum potentiae illius, in umbilico ventris illius, quantum ad feminam. Matrix enim, cujus nervos tangit semen viri susceptum in coitu, commune habet ad umbilicum: et dum ibi nervi tanguntur, femina intense delectatur. Hinc ait Gregorius, seminaria coitus et luxuriam viris esse in lumbis, feminis autem in umbilico. Istud autem ad litteram de diabolo exponi non valet, corporaliter saltem; sed ei ratione corporis sui, quod est collectio carnalium hominum, ista conveniunt: et ob id dicta sunt, quia in immunditia luxuriæ plurimum delectantur, et per eam generi humano maxime prævalent dæmones, præsertim quia hoc vitio inquinatos, ceteris quoque involvunt peccatis. Quamvis autem quidam dæmones incubi aut succubi nominentur, ita quod quidam eorum sæpe mulieribus sint molesti, secundum Augustinum quintodecimo de Civitate Dei: non tamen coitus secundum se eos delectat, quia quum incorporeæ sint naturæ, carnali voluptate non afficiuntur; sed ipsa turpitudine eorum complacet animo. Denique, quoniam per luxuriam homines magis possunt dejicere, fortitudo diaboli in lumbis ejus, quantum ad viros, consistere dicitur: et virtus illius in umbilico ventris sui, quantum ad feminas.

Stringit caudam suam quasi cedrum. id est, tempore coitus caudam suam inter posteriores tibias stringit: quod mystice dicitur, quoniam quos diabolus hoc peccato devincit, ipsa voluptate ligatos tenet, et in consuetudinem ducit. Albertus per caudam intelligit membrum genitale, eo

quod cauda omnium sit nervorum et ab extremitatibus omnium nervorum compositum. Quod vi delectationis strictum, omnes stringit nervos: quorum constrictione per totum corpus per concavitatem spongiositatemque nervorum semen exprimitur, et ad locum generationis deducitur, ut asserit Avicenna, sicut serum exprimitur de caseo. Comparat autem hoc constrictioni cedri, quoniam cedrus forte est lignum; et quum premitur, succum emittit sanguineum. Unde, ex fortitudine, fortitudini libidinis; et ex succo sanguineo, comparatur semini generationis: quia, secundum Avicennam, semen superfluum est quartæ digestionis. Humor autem quartæ digestionis, ex sanguine exprimitur. *Nervi testiculorum ejus perplexi sunt*, id est, quasdam revolutiones habent nervorum, ut quarto de Animalibus Philosophus scribit de gressibilibus et generantium animalium nervis. Ubi Albertus ait: Testiculi, ut Aristoteles dicit, semen attrahunt ut ventosa calore cholæræ, de qua facti sunt, sicut ventosa calore ignis immissi. Suspensi sunt autem in caudis nervorum: et nervi collimitati caudis suis, per totum corpus plexi sunt reticulatim, ut undique semen trahant et exprimant. Per hoc designatur, quod diabolus vitio isto fœdatus, etsi cessare conentur, diversimode eos vitio huic denuo implicat.

Ossa ejus velut fistulæ æris, id est duræ inflexibilesque, consistunt. Elephas enim habet pedes et tibias inflexibiles, similiter crura inflexibilia, unde quum cadit, nequit resurgere; ossaque solida habet, sine juncturis sive flexuris, ut gravissimum corpus magis sustentent. *Cartilago illius quasi laminæ ferreæ*, id est dura, nec de facili flexibilis, quemadmodum lamina seu magnum frustum ferri non facilliter incurvatur neque extenditur. Cartilago autem est, naris vel aurium vel alterius rei ossea teneritudo, vel os molle sine medulla, ut sunt extremitates costarum atque opercula ossium quæ moventur. Albertus ait: Cartilago medium est inter duritiam ossis

et mollitiem carnis, et a natura interponitur in juncturis laxis, ubi duo ossa conveniunt, ne se invicem tangendo, se frangant aut lædant. Per hoc obstinatio diaboli et crudelitas designantur. Cujus etiam ossa intelligi possunt peccatores feroces, iracundi et rigidi : qui æreis fistulis comparantur, quia immansivi et pertinaces existunt ; sed in profundum peccatorum venientes, contemnunt, nec pœnitent. Cartilago autem illius, sunt homines molliores, qui vitiis in se delectabilibus prorsus inhærent, ut sunt peccata gustus et tactus, ludi, joci et similes vanitates : qui etiam suis voluptatibus sic ligantur ac detinentur in malis, ut ferreis laminis comparentur.

Ipsæ est principium viarum Dei. Ex hoc verbo et quibusdam sequentibus constat, quod ista non de elephante secundum se, sed ut est figura diaboli, et de diabolo tanquam re figurata principaliter proferantur. Non enim bestia illa, sed diabolus principium viarum est Dei, id est quoddam principium atque præcipuum inter cetera Creatoris. Nam inter angelos et cum illis est conditus. Princepsque dæmonum summus fuisse creditur angelicorum spirituum. Qui etiam principium viarum Dei asseritur, quia primo exstitit causa, quod Deus circa intellectuales creaturas non solum via misericordiæ, quæ sibi proprie competit, usus est, sed et via ulciscantis justitiæ, quod ex creaturarum perversitate contingit. Ille enim diabolus primo peccavit, aliisque peccandi fuit occasio. *Qui fecit eum*, id est Deus creator diaboli, quantum ad bonam ejus naturam : quo verbo

vilissima Manichæi destruitur hæresis, duo principia effectiva ponentis ; *applicabit gladium ejus* : id est, secundum sapientiæ suæ censuram justitiæque dietamen determinabit et ordinabit, quantum diabolus sua potestate, crudelitate seu tentatione homines impugnet, ne scilicet ultra vires tententur. Nam et per angelos sanctos dæmonum potestatem coercet, ne pro suo libito nos impugnent. Propter quod ait

1 Cor. x, 13.

A vos tentari supra id quod potestis, sed faciet cum tentatione proventum, ut possitis sustinere. Deus enim tanquam sapientissimus ac fidelissimus omnium moderator, humanam fragilitatem cognoscit, et uniuscujusque dispositiones ac vires attendit, quantumque invisibilis ille hostis homine fortior, industriosior, infatigabilior sit, pendit. Ideo applicat gladium ejus modo præfacto.

Hæc montes herbas ferant. Si ad elephantem referatur, sensus est, quod in montibus nascuntur gramina quibus nutritur. Quantum vero ad diabolum, sensus est, quod montes, id est superbi et magni in sæculo isto, pariunt ei delectationis seu refectionis materiam, complendo ipsius voluntatem. Præsertim quoque id agunt prælati et principes negligentes seu impii, qui subditos suos diabolo escam ac prædam efficiunt, dum eos in peccatis enutriunt, aut certe non corrigunt, juxta illud Jeremiæ : Quia stulte egerunt pastores, et Dominum non exquisierunt, ideo dissipatus est omnis grex eorum. Unde in Joanne loquitur Christus : Mercenarius fugit, quia mercenarius est ; et lupo rapit et dispergit oves.

*Omnes bestię agri ludunt * ibi*, scilicet in montibus coram elephante. Nam bestia illa, animalia alia non manducat. Ideo cum ipso morantur, quia non nocet eis, ut dicitur. Porro, quantum ad dæmonem, sensus est, quod bestię agri, id est homines bestialiter conversantes ibi, videlicet sub potestate et protectione montium jam dictorum seu dominorum pravorum, ludunt et inaniter gloriantur : quemadmodum Daniel habet, quod sub arbore, per quam rex Babylonis exprimitur, omnes bestię habitabant. Iterum, bestię sunt dæmones, de quibus cantamus : Ne tradas bestiis animam confitentem tibi. Ager vero mundum significat, ut Matthæus asserit. Bestię ergo agri, sunt dæmones hominum tentatores : quos etiam Apostolus mundi rectores appellat, hoc est hominum mundanorum. Hæ bestię in montibus, id est

Jer. x, 21.

Joann. x, 13, 12.

* *ibid.*

Dan. ix, 1.

Ps. cxxxv, 19.

Matth. xiii, 38.

Ephes. vi, 12.

præfatis impiis hominibus, ludunt : quia de eorum pessima vita lætantur, et ad omnem eos insaniam trahunt, vanissimisque occupationibus mancipant. Ideo Psalmista oravit : Neque irrideant me inimici mei. Et in Ecclesiastico scriptum est : Domine pater, ne derelinquas me, ne gaudeat inimicus meus.

Ps. xxiv, 3.

Ecclesi. xxiii, 1, 3.

Sub umbra dormit in secreto calami in locis humentibus. Hoc de elephante Thomas pulchre exponit, dicendo secundum Aristotelem, libro de Animalibus : Elephantes in solitudine manent, potissime circa fluvios, quoniam ibi sunt arundineta et salices, ac loca umbrosa. Sicque dormit ibidem sub talium umbris, inter secreta loca calamorum sive cannarum, in locis humidis circa fluentia, quum sit animal naturaliter siccum et calidum : propter quod talia refrigeria quærit. *Protegent umbræ umbram ejus* : id est, condensam umbram exquirat, ut scilicet diversarum rerum umbris contra æstum protegatur : quarum umbrarum una sit superior, tanquam ab altioribus causata arboribus. Ideo subditur : *Circumdabunt eum salices torrentis*, id est arbores sic vocatæ, quæ circa torrentes nascuntur : quarum umbras, quia densiores ac frigidiores sunt umbris calamorum sive arundinum, elephas quærit, et juxta arbores tales quiescit. Ad litteram quoque loca quærit umbrosa, quoniam melancholicum animal est et siccæ complexionis. Per quæ insinuat, quod diabolus in hominibus otiosis et voluptuosis mansionem sibi constituit in secretis concupiscentiarum latibulis. Qui homines contra labores pœnitentiales et æstus pugnarum, quibus adversus humanæ salutis hostes pugnatur, umbras carnalium deliciarum et refrigeria pausationis acediosæ optant et amplectuntur, ita quod umbra super umbram oritur eis. De quibus cantatur in Psalmo : In labore hominum non sunt, et cum hominibus non flagellabuntur. Prodiit quasi ex adipe iniquitas eorum ; transierunt in affectum cordis. Denique, salices sunt arbores infructuosæ : per quas homi-

Ps. lxxii, 5, 7.

nes vitiosi, a bonis operibus steriles, designantur. Qui omnes diabolo se adjungunt, et illum quasi circumdant, quemadmodum justi Deum, secundum illud Psalmi : Synagoga populorum circumdabit te. Ps. vii, 8.

Absorbebit fluvium, et non mirabitur. Hoc dicitur ad innuendum quod animal istud singulariter multum bibit, quum sit siccum et calidum, et maximæ quantitatis. Ait namque Philosophus libro de Animalibus, quod elephas quidam potavit quatuordecim Macedonicas metretas pro semel, et iterum sero alias octo. Ideo per hyperbolen dicitur, Absorbebit fluvium, id est, insolite multum bibit : sicut de homine multum vorace asserimus, quod solus comedit totum ; quemadmodum etiam in Joanne de Christo aiunt Pharisei, Ecce totus mundus abiit post eum. Simili sensu subjungitur : *et habet fiduciam quod influat Jordanis in os ejus* : id est, multum poculum præstolatur et appetit, quasi confidat et cupiat se fluentia exhaurire. Fiducia itaque hic pro naturali seu animali expectatione accipitur.

Joan. xii, 19.

Mystice, diabolus absorbet fluvium, id est multitudinem hominum instar fluminis abundantium ac instabilium : nec miratur, id est, pro magno non habet, quod tales spiritualiter devorat ad vitia inducendo ; sed habet fiduciam quod influat Jordanis, id est collectio hominum quibus inest Dei cognitio : qui per Jordanem fluvium terræ promissionis signantur, in qua Dei vigeat notitia ; in os ejus, quia et tales præsumit ac studet deicere. Vel, per fluvium designantur increduli, in quibus nulla est virtutum stabilitas ; per Jordanem, in quo baptizatus est Christus, fideles : et utrosque invadit diabolus, illosque universos absorbet, et horum plurimos vincit. Rursus, per fluvium sæculares, per Jordanem religiosi intelliguntur. Diabolus itaque sæculares fallit et superat ; nec miratur, quia hoc magnum non arbitratur ; sed habet fiduciam, quod religiosos quoque valeat devorare : imo quo aliquem viderit virtutibus magis studere, eo invi-

Matth. iii, 11.

diosius atque callidius nititur eum prosternere. Ad quantam vero ruinam plurimos religiosorum dejecerit, tam lamentabile quam clarum est intueri.

In oculis ejus, videlicet elephantis, quasi hamo capiet eum venator. Unus quippe modus capiendi hanc bestiam est, quod in via ejus fit fovea, cui aliquid superponitur, cui et eibus superponi solet. Itaque elephas super locum illum deveniens ruit in foveam, et capitur tali dolo, quemadmodum piscis hamo. Insuper, elephante sic lapso, unus venator accedens, pungit et percutit ipsum. Alter autem venator adveniens, volens bestiam sibi facere mansuetam ac subditam, percutit primum venatorem, et amovet ne percutiat elephantem, datque ei comedere hordeum. Quod quum ter vel quater peregerit, elephas diligit se juvantem, atque deinceps ei obediens mansuescit : sicque capitur per eibum sibi oblatum, sicut piscis per hamum, in quo esca ostenditur, et aculeus occultatur. Per quod mystice figuratur modus, quo per Christum superatus est dæmon. Christus enim corpus suum passibile objecit diabolo : quod ille occidi procurans, captus et victus est eo, quod velut escam invasit, videlicet corpore seu morte corporis Christi, quod Christus velut escam diabolo demonstravit : qui aculeo corporis hujus, hoc est virtute divinitatis Christi, seu merito obedientiæ ejus, transfixus est instar piscis hamo detenti.

Et in sudibus perforabit nares ejus. Hoc dupliciter explanatur. Primo, quod elephante præfato modo in foveam lapso, primus venator sudibus seu palis perforat nares ejus, quia sunt molliores, ideoque magis læsivæ. Secundo, ut his verbis tangatur alius modus capiendi elephantem. Nempe, ut libro de Animalibus Aristoteles refert, venatores equitant elephantes domesticos, sicque insequuntur elephantes silvestres, et instrumentis quibusdam acutis pungunt eosdem, naresque perforant. Sic Christus suis virtutibus prostravit diabolum.

A Quæ autem hic de diabolo sub figura elephantis exposita sunt, Albertus ad litteram exponit de natura animali et brutali existente in homine, puta de sensualitate. Quæ vero consequenter de diabolo dicuntur sub nomine Leviathan, vel sub figura ceti, ipse exponit de infectione sensitivæ partis in homine a dæmone seu serpente. Sed littera non videtur ad hoc consonare, nec congrue applicari, quemadmodum totum ejus processum consideranti patescit. Philosophantes autem Judei, ut Moyses B. Ægyptius, Abraham Hispalensis, Isaac et Jacob Alkindi, per Leviathan intellexerunt malitiam privationis infusam in totam materiam, secundum eos : quod textui minus concordat.

Consequenter Dominus describit proprietates diaboli sub nomine et similitudine ceti, qui inter omnia animalia marina, quantitate ac potestate excedit, et alios devorat pisces : propter quod convenienter designat diabolum, qui naturali potestate homines superat universos, et devorat plurimos. Porro, quod ista non sint principaliter de ceto, sed de diabolo dicta, patebit ex subditis. Rursus, ut ait Albertus, fabulosum et stultum est dictum Judæorum, dicentium quod Leviathan sit serpens seu piscis, circulo sui corporis totum terræ cingens seu ambiens globum : qui solem et radios ejus apprehendere nititur atque vorare, sicque solem in circuitu suo semper exagitat fugientem.

An extrahere poteris Leviathan hamo? quasi dicat : Nequaquam valebis cetum de aquis per hamum extrahere, quum sit tantæ magnitudinis, ponderositatis ac roboris. Congrue quoque cetus vocatur Leviathan, quia Leviathan interpretatur, additamentum eorum. Cetus autem multo major est quantitate, quam aliquis piscis, aut etiam animal quodecumque terrestre : siquidem, Plinio testante, occupat spatium quatuor jugerum ; et juxta Isidorum, cetus habet corpus tam grande ut mons. *Et fune ligabis linguam ejus?* id est, non poteris eum capere per funem in lingua sua, quemad-

modum aliqui alii pisces capi solent per A funem hamo appensum, ejus aculeus intrat linguam piscis, qui capitur, sicque tentus extrahitur. Per quod mystice insinuat, quod diabolus humana potestate sine Dei gratioso auxilio superari non valet, nec a suis suggestionibus impediri, neque ex hominum cordibus extrahi; sed Dei virtus et gratia exiguntur: ejus auxilio faciliter superatur, juxta illud ad Romanos, Deus conteret Satanam sub pedibus vestris velociter. Itaque Christus, ejusque virtute ministri ipsius, hamo extraxerunt B Leviathan, quia per Christi passionem prostraverunt diabolum, et de hominum cordibus ejecerunt, ejusque suggestiones et præsumptiones compescuerunt. Unde in Lucæ, x. 19. Luca loquitur Christus discipulis: Ecce dedi vobis potestatem calcandi super serpentes et scorpiones, et supra omnem virtutem inimici. Insuper, passione instante, asseruit: Nunc princeps hujus mundi ejicietur foras; et: Ego si exaltatus fuero a terra, omnia traham ad me ipsum. Hoc est quod ad Colossenses ait Apostolus: Exspolians principatus et potestates, traduxit confidenter. Itaque, fune, id est fide et merito dominicæ passionis, ligata est lingua diaboli, superaturque ipse a veris Christicolis.

Numquid pones circulum in naribus ejus? id est, ferreum seu alium circulum in naribus ceti ponere nequis, ut sic eum cogas tibi servire et subdi: quemadmodum homo compellit bubalum sibi servire ac subjici, mittendo annulum ferreum in naribus ejus, quo facto, circumducit eum D quo vult. *Aut armilla perforabis maxillam ejus?* tanquam dicat: Non potes hoc. Et sumitur hic armilla pro hamo, seu freno vel camo, quo equus vel camelus dirigatur ad hominis voluntatem: quorum maxillæ quasi perforari videntur, dum in eorum ore frena vel cami mittuntur. Per quod figuraliter datur intelligi, quod homo diabolum nequeat ad libitum suum deducere, ad serviendumve cogere propria et humana virtute; sed Christus sua po-

testate hoc egit: qui circulum posuit in nare diaboli, id est, divinitatis suæ omnipotentia, imo et creatæ suæ sanctitatis efficacia, malignitatem astutiamque diaboli refrenavit. Armilla quoque, id est sanctissimæ conversationis ac amarissimæ passionis suæ dignitate, virtute ac merito, sic dejecit et vulneravit diabolum, ejusque perforavit maxillam, id est devorativam calliditatem, quod etiam eos quos dudum absorbit, perdidit; et quos absorbet, frequenter amittit, dum peccatores veraciter B pœnitent et salvantur: quemadmodum, perforatis maxillis, cibus ex ore dilabitur. Siquidem, per maxillam esca sub dentibus continetur, ne excidat, sed masticetur. Idcirco designat malignitatem et dolum diaboli, quibus peccatores sub suæ crudelitatis dentibus continet: sed virtute et merito Christi eripiuntur quamplures, ut David quum homicidium et adulterium commisisset. Nam et passio Christi fecit quodammodo adhuc futura et expectata ac credita, quod fecit præsens atque præterita. Denique, juxta hunc modum loquendi, C superbissimo regi Assyriorum Dominus loquitur per Isaiam: Ponam circulum in naribus tuis, et frenum in maxillis tuis.

Numquid multiplicabit ad te preces, aut loquetur tibi mollia? Numquid feriet tecum pactum, et accipies eum servum sempiternum? Quantum ad cetum, sensus est facilis, quod scilicet tantæ est fortitudinis, ut nihil curet de homine, nec timeat eum. Ideirco non deprecatur eum, neque blanditur ei, ne capiatur ab eo; nec fœdus amicitiae facit cum homine, nec promittit ei perpetuam servitutem. Et hæc quatuor interdum se per ordinem habent: ut dum quis ex timore vel necessitate victori porrigit preces, deinde blanditur, tertio ad pactum suscipitur, et postremo per pactum perpetuæ servituti subjeitur. Per quæ omnia, secundum Thomam, datur intelligi, quod diabolus hominem secundum se seu naturalia sua non metuit, ut ei quasi superiori aut fortiori preces vel blandimenta, pactum aut servitutem exhibeat:

Rom. xvi.
20.

Luc. x. 19.

Joan. xi.
51. 52.

Coloss. ii.
15.

II Reg. xi.
23. 4.

Is. xxxvii.
29.

et si tale quid fingat, facit hoc ad hominum deceptionem, ut ipsi potius sibi subdantur, quam eis ipse. Verumtamen diabolus homines quosdam timet propter dona supernaturalia eis divinitus data : propter quæ aliquando quosdam precatus est, et quibusdam obedire atque servire frequenter compulsus est. Unde et Christum in Evangelio scribitur deprecatus, dicendo : Si ejicis nos, mitte nos in porcos. Mollia quoque diabolus Christo dixit, juxta illud Marci, quo ait ad Christum : Scio quia sis Sanctus Dei. Et iterum : Jesu, Fili Dei summi, venisti ante tempus perdere nos? In hoc demum, secundum Gregorium, diabolus quodammodo ferit pactum cum Deo, quod ex ejus licentia homines tentat ; sed et divinæ justitiæ in punitione pravorum subservit. Christus vero omnem dæmonum turbam habet æternaliter subditam. Unde in Evangelio, pandens se diabolum superasse, testatur : Quum fortis armatus custodit atrium suum, in pace sunt ea quæ possidet ; si autem fortior illo superveniens vicerit eum, universa ejus vasa diripiet, et spolia distribuet.

Numquid illud ei quasi avi? id est, fraude eum non poteris in tuam redigere potestatem, quemadmodum homo avi illudit, dum eam per retia capit. Tale autem quid ceto inferre, non est unius hominis, quamvis interdum a pluribus per quasdam capiatur industrias. *Aut ligabis eum ancillis tuis?* id est, non poteris cetum ligare, ut ei ancillæ tuæ alimenta ministrent, vel secum exerceant ludum, sicut cum ave quæ capta ligatur ut cum ea ludatur. Quibus verbis subtilitas, experientia atque calliditas dæmonis designantur : quæ tantæ sunt, quod ipse humana industria circumveniri non potest aut vinci, nec aliis illudendus præberi. Sed Christus eum vere, virtuose ac sapienter, juste multipliciterque decepit, dum et Matrem Virginem habuit desponsatam, et in Ægyptum fugit, atque in trina tentatione ita respondit, quod diabolus recessit convictus, ambiguus seu deceptus : sed et

tempore passionis maxime eum tefellit, in tantum, ut Judæos ad crucifigendum instigaret, et in ipsa passione formidans, uxorem Pilati, ad rogandum pro Christi ereptione, graviter hortaretur. Denique ancillis suis Christus illum ligavit, dum tot personis feminei sexus potestatem et gratiam prævalendi dæmonibus contulit. Nam et infirma et abjecta ac contemptibilia stultaque mundi elegit Deus, ut confundat sapientes, ut ait Apostolus.

Concident enim amici, dividunt illum negotiatores? Hoc uno modo interrogative et negative exponitur, ut sit sensus, quod tanta sit ceti magnitudo, ut aliquando captus, toti regioni sufficiat. Ideo nec particulariter inter amicos dividitur, nec a negotiatoribus carnes ejus venduntur. Per quod insinuatur, quod dæmonis malitia tam plena est terra, ut nequaquam oporteat unum hominem alteri dæmonis auxilium adipisci, præsertim quum ipse tam pronus sit omni malevolo cooperari. Secundo exponitur affirmative. Non enim ceto capto homines vesci possunt, nisi ejus corpus aliquo modo dividatur seu concidatur. Unde et negotiatores aliqua ejus frusta alicubi vendere possunt. Sic et dæmon conciditur, dum per prædicationes, preces et merita amicorum Dei, membra ipsius ab ipso tolluntur : dum scilicet impii convertuntur. A negotiatoribus quoque dividitur, quum per prædicatores et prælatos, quibus ait Salvator, Negotiamini dum venio, in diversis mundi partibus diversi peccatores ad justitiam reducuntur. Tales quippe negotiatores de talentis seu donis sibi concessis spirituale lucrum faciunt ac reportant, dum verbum et exemplum aliis exhibent ; atque ab eis spirituales referunt fructum, dum et illi proficiunt, et isti participes fiunt profectus illorum. Hinc de Ecclesia Proverbiorum ultimo legitur : Facta est quasi navis institoris de longe portans panem suum.

Numquid implebis sagittas pelle ejus? quasi dicat : Non. Si enim capi a te non potest, consequens est, quod nec pelle

Matth. xxvii. 23.

1 Jo. 1. 10.

1 Cor. i. 27, 28.

Luc. xix. 13.

Prov. xxxi. 14

Matth. xiii. 41.

Marc. i. 24.

Dionys. : Matth. viii. 29.

Luc. x. 24. 25; Matth. xii. 29.

Luc. i. 27; Matth. i. 18.

Luc. x. 1.

eius retia tua implebis. *Aut gurgustium piscium*, id est instrumentum piscatorum, virgis perplexum, in profundum gurgitis positum ad pisces capiendos, *capite illius?* id est, tam magnum est caput ceti, quod intrare non valet hujusmodi instrumentum, ideo capite ceti non potest impleri. Gurgustium autem est nomen fictum a sono, secundum Albertum, quoniam aqua currens inter capedines*, gurgur sonat. Vel, gurgustium a gurgite, in quo ponitur, nominatur. Præterea Thomas refert, quod maximi ceti, longissimis culmis quos habent dum dormiunt in rupibus, pendent ad saxa, ut dicitur; tuncque appropinquans piscator, quantum potest de pelle ceti solvit, seu deponit, a lardo ejus circa caudam. Est enim animal valde pingue, ita quod propter pinguedinem incisuram talem non sentit. Sicque immissis funibus, quos ligat ad saxa vel arbores, excitat cetum lapidibus fundæ: qui cetus recedendo pellem dimittit.

Per quæ datur intelligi, secundum Thomam, quod diabolus virtute humana nequit includi, sicut quidam necromantici se dæmonem posse includere opinantur; sed totum hoc, quod sic includi videtur, ex ejus venit astutia, qua utitur ad homines decipiendos. Imo, si recte pensetur, omnia præinducta pertinere videntur ad præsumptionem necromanticorum confutandam, qui nituntur cum dæmonibus pactum inire, vel eos sibi subicere aut qualitercumque constringere. Rursus per ista innuitur, quod non humana, sed divina virtute ac gratia, sagena, id est Ecclesia, ejusque gurgustium, id est occulta loca, claustra, collegia, pelle et capite ceti, id est simplicioribus, itemque prudentibus secundum carnem et sæculum peccatoribus, adimplentur, quando hujusmodi peccatores convertuntur, et Christo atque Ecclesie incorporantur.

A *Pone super eum manum tuam*: id est, si potes, tua virtute vince et comprime cetum. Quo insinuat, quod homo propria vi nequeat dæmonem conculcare. Itaque nemo præsumat, neque de propriis viribus stulte lætetur, putando se sine gratioso Dei subsidio posse reluctari aut prævalere diabolo. Unde Dei est ponere manum super illum, quia ad libitum reprimit ejus malitiam et virtutem. *Memento belli*, id est disputationis istius meæ adversum te de prædictis meis effectibus, in quibus tibi **B** probavi quanta sit mea excellentia atque perfectio super te. Vel, *Memento belli*, id est, attende quomodo ego contra diabolum pugno atque prævaleo. Vel, *Memento belli*, id est impugnationis qua te diabolus impugnavit, omnia tua tibi tollendo, teque corporaliter vulnerando, ac per hoc contra tuam rationem bellando. *Nec ultra adjicias loqui*, id est, de cetero non loquaris incaute aliquid proferendo, quod videatur meæ sapientiæ aut justitiæ derogare, quum videas te, non solum me, sed et **C** effectibus meis tam infirmiore seu inferiore.

Ecce spes ejus frustrabitur eum, id est, cetus effectum suæ expectationis privabitur. Dum enim pisces insequitur, illis ad littora fugientibus, impingit ad terram seu littus, ubi aquis sibi deficientibus, redire non potest ad profunda aquarum neque recedere, unde nec pisces tales apprehendit; sed super aquam apparens, ab hominibus undique accurrentibus præcipitatur in mortem. Ideo subditur, *et videntibus cunctis* qui adsunt, *præcipitabitur*: quia ab **D** eis occiditur. Sic diabolus spe sua frustratur, quia dum electos et virtuosos devorare conatur, ab eis magis prosternitur atque affligitur, dum ei efficaciter reniuntur: qui in die judicii cum omnibus suis præcipitabitur in infernum in omnium conspectu Sanctorum.

* crepidines

ARTICULUS LXIX

ELUCIDATIO CAPITULI QUADRAGESIMI PRIMI : NON QUASI, ETC.

PROSEQUITUR Dominus isto capitulo A proprietates diaboli sub similitudine ceti. *Non quasi crudelis suscitabo eum.* Quamvis hoc de ceto aliqualiter possit intelligi, ut Dominus asserat se tantam belluam tot piscium devorativam, non ex crudelitate creasse, quasi in marinorum devoratione animalium gloriatur, sed potius propter complendum ordinem rerum, et ad suæ potestatis ac sapientiæ ostensionem, honorem et gloriam, ut ex tam mirabilis belluæ consideratione sagaci, Creatoris eminentiam laudemus immensam: convenientius tamen istud de diabolo explanatur. De quo Dominus protestatur: Non quasi crudelis, id est non ex aversione, duritia vel crudelitate, suscitabo eum, id est, diabolum ad tentandum et affligendum homines in hoc sæculo licentiabo, et eum in illos debacchari permittam, nec ex crudelitate tantam diabolo contuli potestatem; sed ut pius et sapiens pater ac iudex, sic ago et ita me habeo, ut homines per diaboli impugnationem probati exercitatieque fiant, a suis quoque peccatis per ejus afflictionem purgentur, atque ad ampliorem gratiam præparentur, Deum invocare assuescant, timorati, solliciti, anxii consistent, a futuris pœnis eripiantur, et postremo ad gloriam celerius perducantur, præsertim quum pœnæ vitæ præsentis sint medicinales. Hinc

Sap. i, 13.

Tob. iii, 22.

Job xxx, 21.

Sapiens dicit: Deus non lætatur in perditione viventium. Tobias quoque: Non delectaris in perditionibus nostris. Denique verbum istud respondet ad id quod Job dixit Deo: Mutatus es mihi in crudelem, et in duritia manus tuæ adversaris mihi.

Quis enim resistere potest vultui meo, id est præsentiae seu providentiæ vel ani-

madversioni meæ? quasi dicat: Quum sciam me esse omnipotentem, cui nullus valet resistere, ideo pium me cunctis exhibeo, et infirmioribus elementem me præbeo; nec dæmonem pro suo libito desavire in homines sino; sed potestatem et voluntatem ejus coerceo, prout homines posse ferre intueor. Ad majestatem equidem misericordia maxime pertinet. Hinc Jeremiæ Dominus loquitur: Quis similis mei? et quis sustinebit me? et quis est iste pastor qui resistat vultui meo? In Esther quoque scribitur: Domine, rex omnipotens, in ditione tua cuncta sunt posita, et non est qui tuæ possit resistere voluntati. Itaque, quo quis aliis major est atque potentior, tanto sit eis benignior: nihilo minus debito rigore ac ordine disciplinæ servato, quia et hoc ad verissimam pertinet pietatem.

Jer. xlii, 19.

Esther xiii, 9.

Quis ante dedit mihi, ut reddam ei? id est, primus sum omnium, independens, non indigens. Ideo nulli sum obligatus, sed quidquid bonitatis vel innocentiae alicui inest, meum est donum. Idcirco crudelitati adscribi non potest, quod innocentes et virtuosos tentari et flagellari permitto vel facio: imo quia omnia feci, omnia quantum ad id quod sunt amo. Hinc ad Romanos ait Apostolus: Quis prior dedit illi, et retribuetur ei? Quoniam ex ipso, et per ipsum, et in ipso sunt omnia. Sapiens quoque dicit Deo: Diligis omnia quæ sunt, et nihil odisti eorum quæ fecisti. *Omnia quæ sub cælo sunt, mea sunt* jure creationis, conservationis et gubernationis. Ideo non crudelitatis, sed pietatis et caritatis animum ad meos gero effectus. Imo, hoc modo omne creatum est Dei; sed de his quæ sub cælo sunt ideo Dominus loquitur, quia de

Rom. xi, 35, 36.

Sap. xi, 25.

Leviathan e cœlo in inferiora projecto, et A res tentat mentes. Malis enim hominibus de eis quos tentat in terra manentibus. permocinatur.

Insuper pandit, quod non ex crudelitate sinit diabolum homines impugnare. *Non parcam ei verbis potentibus, et ad deprecandum compositis*, id est, propter nulla ipsius verba parcam diabolo, sive sint verba potestatem suam præferentia, sive humiliationem quamdam sonantia, quin ejus potestatem refrenem, impiamque ipsius puniam voluntatem. Interdum quippe ad deprecandum se convertit astute, ne a nocendo arceatur, vel ne gravius affligatur, ut quum loquitur Christo : Obsecro te, ne me torqueas. Torqueri enim se insinuavit, si a nocendo cessaret. Inducta autem verba non sic intelligenda sunt, quod diabolus unquam veniam deprecetur peccatorum suorum a Deo, quum sit penitus induratus atque impœnitens. Ex hoc quoque verbo ostenditur, quod non sit jam de ceto principaliter mentio.

L. c. viii
28.

Quis revelabit faciem indumenti ejus?

Hoc de ceto Thomas exponit sic : Super C oculos ceti, ut dicitur, sunt quædam additamenta carnea seu plicæ in figura magnæ falcis ; suntque ducenta quinquaginta super oculum unum, et totidem super alterum : quibus utitur pro operculo oculorum suorum tempore magnæ tempestatis. Itaque, Quis revelabit, id est, a prædictis plicis deteget et detectam monstrabit, faciem indumenti ejus, id est faciem in qua habet has plicas velut quemdam vultus sui amictum ? quasi dicat : Nullus. Nemo enim tam prope audet accedere, quoniam devoraretur a ceto. Per quod innuitur, quod fraudulentias, duplicitates et callidas diaboli machinas nemo sufficit capere aut manifestare, nisi quantum revelaverit sibi Deus, quemadmodum ait Apostolus : Non ignoramus cogitationes ejus, puta diaboli, qui frequenter apparenti bonitate se vestit et palliat, ut sub specie boni decipiat, juxta id ad Corinthios : Ipse Satanas transfiguratur se in angelum lucis. Hinc, secundum Gregorium, aliter religiosas, aliter sæcula-

II Cor. ii, 11.

Ibid. xi, 14.

prava quæ cupiunt, aperte objicit ; bonis vero latenter insinuans, sub specie sanctitatis illudit : illis tanquam familiaribus iniquum se manifeste insinuat ; istis velut extraneis ejusdam quasi honestatis prætextu se palliat, ut mala quæ eis publice non valet, bonæ actionis tecta velamine, intromittat.

Et in medium oris ejus quis intrabit?

Os namque ceti ita terribiliter dispositum, dentatum et magnum est, quod nullus audet accedere. Habet quoque (ut fertur) in gutture pellem, velut membranam multis meatibus perforatam, ne quid valde copulenter possit ingredi ventrem ejus : quia per hoc impediretur ipsius digestio, si aliquid absorberet. Unde ad denotandum, quod nemo valeat os ceti intrare ad perscrutandum illos meatus, per quos parvi pisces in ejus ventrem descendunt, Dominus ait : In medium oris ejus quis intrabit ? Quo designatur, quod intentiones et verba diabolicæ suggestionis, quibus homines absorbere molitur, homo nequeat penetrare, nisi sibi desuper reveletur : quales sunt viri exercitati, quibus data est gratia discretionis spirituum.

I Cor. xii, 10.

Portas vultus ejus quis aperiet, id est duas mandibulas ceti, superiorem et inferiorem, quæ instar portarum aperiuntur et recluduntur ? S. Thomas, per portas ceti, intelligit duos dentes extremos et maximos, quos habet ad modum dentium elephantis vel apri. Quo significatur, quod astutiam violentiamque diaboli, quibus velut duabus D portis peccatores intrahit sibi atque incorporat, nemo possit compescere aut scrutari, præsertim ad extrahendos peccatores ex eis, nisi quantum divina virtute fuerit ad hoc idoneus factus. *Per gyrum dentium ejus formido*, id est apparatus horribilis, quoniam ita dispositi sunt dentes ejus acuti, magni et solidi, ut adspicientibus horrorem incutiant. Pariformiter dentes, id est crudelissimi modi quibus dæmon nocet hominibus, exstant terribiles. Denique, dentes diaboli, sunt ejus ministri, vi-

delicet daemones inferiores, hominesque A
feroces, potissime impii doctores et præ-
dicatores, prælati et principes, qui pote-
state aut calliditate alios ad peccata in-
ducunt, sicque spiritualiter conterunt, et
animarum strangulatores fiunt : propter
quod fures et latrones vocantur.

Job. x.
1, 2.

Corpus ejus quasi scuta fusilia, id est
de ære fusa : quæ sunt fortissima. Sic cor-
pus ceti robustum ac solidum perhibetur,
propter squamas durissimas, quibus tegi-
tur et quasi armatur. Hinc subditur : *et*
compactum, id est connexum seu junctum.
squamis se prementibus, ita quod una ve-
nit super aliam ex aliqua parte. Etenim
cetus, secundum magnitudinem sui corpo-
ris, maximas habet squamas sibi fortiter
coherentes, ut subditur. *Una uni conjun-*
gitur : quia se invicem tangunt, et partim
operiunt, scilicet circa extrema squama-
rum : *et ne spiraculum quidem*, id est aer
qui inspiratione attrahitur, *incedit per eas* :
quia ob nimiam earum compressionem,
non est ibi foramen per quod aer intret
aut exeat. *Una alteri adhærebit* tenaciter,
potissime tempore sanitatis et roboris ceti
; *et tenentes se*, id est mutuo sustentan-
tes ac confortantes, *nequaquam separa-*
buntur, durante vita sanitæque ceti.

Mystice, diabolus se habet ad homines
malos et vitiosos, sicut caput ad corpus :
nam influit eis motum ad vitia. Itaque
homines mali, per cordis durtiam, et quia
propriam ac aliorum culpam defendunt,
palliant seu excusant, rite per scuta fusi-
lia exprimuntur ; scutumque corporis dia-
boli asseruntur, qui jacula correptionis
se penetrare non sinunt, sed repellunt : et
sicut corpus ceti compactum est squamis
se prementibus, sic quilibet horum velut
immunda et foetida squama est, atque eo-
rum multitudo ex multis qui in pravitate
concordant, colligitur. Qui in tantum sibi
in malis consentiunt, ut meliores concor-
diter persequantur, et bonis ordinationi-
bus conformiter renitantur : ita ut ne spi-
raculum quidem incedat per eos, quoniam
ita in vitiis indurantur, ut Spiritus Sancti

instinctum non sumant, nec rationabilem
admonitionem admittant ; sed unus alteri
adhærebit, quia sibi invicem in pessimis
favent et cooperantur ; et tenentes se, cor-
roborando se mutuo in peccatis, nequa-
quam separabuntur, quousque impium af-
fectum perducant ad opus. Sic Pharisei et
Sadducei, quamvis inter se discordarent,
in Christi persecutione concordabant. Et
hæc est pessima atque damnanda con-
cordia.

Act. xxv.
7, 8. Matth.
ii, 7; xvi, 1.

Denique, S. Bernardus in quodam ser-
mone, locum hunc convenienter et pulchre
applicat religiosiis, inter quos (ut adstruit)
nonnunquam vitiosa reperitur quorum-
dam concordia : qui si forte viderint in
fratre aliquo aliquid præcipuæ devotionis,
singularisque gratiæ ac perfectionis in fer-
vore, compunctione et lacrimis, interpre-
tantur in malum, moleste ferunt, et fratrem
hujusmodi persequuntur, singularitatisque
arguunt. Hi tanquam perversi ac Deo in-
grati, de pane vitæ faciunt sibi pabulum
mortis ; et unde specialissime ædificari
debuerant, inde deterius scandalizantur.
Quod inde contingit, quoniam amore pri-
vato et passionibus ex eo nascentibus, præ-
sertim spiritualibus vitiis, squalent, fæ-
tent, putrescunt, alterius eminentiam ferre
et adspicere non valentes. Ad veram ergo
atque purissimam Dei ac proximi carita-
tem se dent, et de alterius profectu ac
gratia velut de propria lætentur salute, at-
tendentes quod ait Eusebius Emisenus,
quia nisi claustrales proprias quotidie ex-
stirpare studuerint passionibus, et proprias
rescindere voluntates, multo pejores fiunt
in clauastro, quam erant in sæculo.

Sternutatio ejus splendor ignis. Sternu-
tatio est inflatio a pectore surgens, quæ
ad exeundum apertos poros non inveni-
ens, cerebrum ascendit ac tangit, et congesta
per nares egrediens, totum caput protinus
concutit, secundum Gregorium. Et, ut ait
Albertus, sternutatio est purgamentum ce-
rebri, quando fumositatis ab infimis ad ce-
brum elevata, panniculis cerebri in se
collectis atque restrictis, ac subito dilata-

tis, per nares excutitur. Quum ergo caput A ceti sit maximum, fortissimam habet sternutationem : ex qua fit aquarum commotio et elevatio, sicque apparet ibidem candor aquæ surgentis ad modum splendoris ignis. Rursus, sicut in hominis sternutatione magna ex concussione cerebri commoventur et oculi, ut quasi scintillant; ita ex sternutatione ceti fulgor quidam videtur micare ex oculis ejus : sicque sternutatio ejus dicitur splendor ignis, non per essentiam, sed per efficientiam seu effectum, quoniam causat splendorem. Per B ejus sternutationem exprimitur mystice indignatio diaboli contra homines, quam in eos exsufflat : ex qua nonnunquam in hominibus ignis iræ, impatientiæ, concupiscentiæ generatur, dum ex diaboli tentamenti corda hominum taliter inflamman-
tur, quemadmodum in libro Machabæorum de Antiocho scribitur, quia superbia repletus, ignem spirans animo, etc.

II Mach. ix,
7.

Refert hic Lyra, audisse se a quodam experto in mari homine veridico, quod in ripa maris juxta Portugalam, fuit inven- C tus cetus, de cujus lingua divisa onerati fuerunt viginti quatuor muli. Unde perpendi potest, quanta sit moles belluæ hujus.

Et oculi ejus ut palpebræ dilucati. Oculi namque sunt lucidi. Hinc ex oculis ceti, qui prægrandes sunt, claritas quædam diffunditur similis claritati auroræ, quæ tenebris permiscetur. Propterea oculi ceti apparent micantes. Palpebra vero est sinus oculorum, significatque locum lucis diluculi, qui oculis ceti propter claritatem hanc comparatur. Mystice, per claritatem D oculorum ceti, naturalis perspicacitas intelligentiæ diaboli designatur. Naturalia enim, secundum divinum Dionysium, in dæmonibus integra ac splendida permanserunt. Verumtamen cognitio practica in diabolo penitus pervertitur et fuscatur per ejus malitiam, quam B. Dionysius nominat furorem amentem, phantasiam protravam, et concupiscentiam irrationalem. Idcirco lux intellectus diaboli, potius diluculo quam meridiei est comparanda. Lux autem men-

tis angelicæ, velut meridies perhibetur. Quidam quoque, per lucem oculorum ceti, intelligunt temporalem prosperitatem, quam homini promittit diabolus. Gregorius vero, per oculos diaboli, intelligit magistros consiliariosque erroris : qui aliquid veri dicere solent, cui falsa commiscent, quemadmodum lux auroræ mixta est tenebris noctis.

De ore ejus lampades procedunt, id est vapores copiosi et calidi : qui ex interiori ejus calore progrediuntur, atque ob suam B caliditatem lampadi comparantur ; *sicut tuedæ ignis accensæ*, id est, vapores illi sunt odoriferi et suaves, quemadmodum tæda : quod est lignum quoddam, quod quum accensum fuerit, dulcem spargit odorem. Fertur namque de ceto, quia dum valde esurit, vaporem suavem instar odoris ambrae, ex suo ore emittit : quo odore pisces delectantur et attrahuntur ; sicque os ceti introeunt, et devorantur ab ipso. Quo mystice denotatur, quod diabolus animarum damnationem esuriens, aliquid amœnitatis et delectabilitatis proponit eis in creaturis, quo alliciuntur, ac decipiuntur ab ipso, dum delectantur in creaturis non recte, secundum voluntatem et legem ac ordinem Creatoris. Hinc in Sapientiæ libro scriptum est : Creaturæ Dei factæ C Sap. xiv. 11. sunt in tentationem animæ hominum. et in muscipulam pedibus insipientium.

De naribus ejus procedit fumus, id est vapor seu aer adustus ex abundanti calore ceti, quo indiget ut corpus suum tam grande queat movere. Habet namque pulmonem, atque respirat sicut delphinus. *Sicut est fumus ollæ succensæ atque ferventis*, id est rei contentæ in olla bulliente. Aer quippe qui per respirationem emittitur, in pulmone fuit, et calefiebat ibi per cordis calorem, qui pulmoni conjungitur : sicut aqua in olla calefit per hoc quod igni apponitur. *Halitus ejus*, id est exhalatio de ore ceti procedens, *prunas ardere facit*, id est, tam calidus est, quod ad prunas succendendas sufficeret : et loquitur ad similitudinem accendentium in sufflato-

rio prunas. *Et flamma de ore ejus egreditur*, id est tanti caloris fumositatis, ut flammæ assimiletur. Per quæ omnia insinuatur, quod diabolus suis suggestionibus, tentamentis et machinis atque furoribus, hominum mentes velut prunas igne cupiditatis, flammaque vitiorum et fervore libidinis frequenter succendit. Unde per

Is. lxxv, 16.

Isaiam Dominus ait : Ecce ego creavi fabrum sufflantem in igne prunas.
In collo ejus morabitur fortitudo, id est, magnum et fixum robur habet in collo : aliter pondus tam magni capitis ferre non posset. Et, ut libro de Animalibus ait Philosophus, nullus piscis habet collum, nisi qui generat halitum, quales sunt delphinus et cetus ac alii quidam. Porro, per collum ceti, erectio diabolicæ pompæ exprimitur : cui conjuncta est magna naturalis fortitudo diaboli, de qua infra habetur, Non est potestas super terram quæ comparetur ei. Per collum quoque diaboli, intelliguntur aliorum subversores, qui communiter sunt potentes seu callidi : per quos diabolus suam exercet malitiam ac venena diffundit in alios, sicut per collum caput conjungitur corpori. *Et faciem ejus præcedet egestas* : id est, antequam cetus locum certum maris accedat, piscibus eum evacuabit. Quum enim sit corpulentissima et calidissima bestia, plurimo indiget alimento : ideo pisces sibi occurrentes absorbet, et inopiam quamdam facit in mari. Similiter faciem seu potentiam diabolicæ mansionis in anima, præcedit virtutum ablatio, et spiritualium bonorum carentia : quia mentem inhabitare non valet, nisi donis gratiæ antea spoliatur. *Membra carnis ejus coheræntia sibi*, id est, membra corporis ceti fortiter sibi cohærent, quum sint spissa et grossa. Per carnes ceti, designantur carnales, qui facili inspiratione diaboli sensum ejus suscipiunt seu ei consentiunt, et molles sunt ad omnem impressionem ipsius : qui animales vocantur, quia, ut bruta, non sentiunt nisi quæ carnis sunt, sicut ait Apostolus : Animalis homo non percipit quæ sunt spiritus Dei.

T. 5.

A Judas quoque in sua Canonica : Hi sunt qui segregant semetipsos, animales, spiritum non habentes.

Judas 19.

Mittet contra eum fulmina. Hoc Thomas exponit de ceto ita ad litteram, quod per fulgura divinitus missa, et in mare cadentia, sæpe naves periclitantur. Idcirco probabile est, quod et ceti quandoque per fulgura perecutiantur. *Et ad alium locum non ferentur* : id est, fulgura ista a Deo emissa, certe et infallibiliter tangent cetum, contra quem destinantur, sicut sagitta a perito sagittatore ejecta, tangit id ad quod tangendum dirigitur. Sicque in Sapientiæ libro habetur : Ibunt directe emissiones fulgurum. Per quod mystice designatur, quod divinæ potestatis jaculis et flagellis seu ultionibus diabolus et ejus ministri dejiciuntur ac condemnantur, nec plagæ illæ alios tangunt. *Cor ejus*, scilicet ceti, *indurabitur quasi lapis*, id est, non facile cedit fulminibus, sed pro posse resistet ne corrumpatur, quemadmodum durum difficulter corrumpitur. Fortia etenim animalia, dum violenter tanguntur, vires suas quasi fortius colligunt et assumunt ad resistendum. Hinc subditur : *et stringetur quasi malleatoris*, id est percussoris vel fabri, *incus* : quod instrumentum ex ictibus malleorum non frangitur, sed consolidatur et strictius redditur. Sic cetus sentiens læsionem, totis viribus se opponit. Per quod, obstinatio, impœnitentia atque rebellio diaboli ac membrorum ipsius monstrantur : quia ex Dei percussione non corriguntur, sed indurantur, et reniti ac Deo prævalere, quantum in ipsis est, cupiunt.

Sap. v, 22.

Quum sublatus fuerit, timebunt angeli, et territi purgabuntur. Hoc verbo ostenditur, quod ista de ceto dicuntur, ut est figura diaboli, seu de diabolo sub nomine Leviathan pro ceto accepti. Quamvis etenim cetus sit magnum quid corporis mole, tamen respectu angelicæ dignitatis et perfectionis, quasi nullius reputatur momenti : imo homo, propter splendorem intellectus, omnibus brutis sublimiter præstat. Non ergo ob ceti sublationem seu

1 Cor. ii, 14.

interfectionem, angeli sancti terrentur, quum et cœlestes orbes, quorum comparatione non solum cetus, sed et tota terra ut punctum est, moveantur ab angelis. Unde unius belluæ occisionem pro nullo aut minimo reputant, sicut et nos unius occisionem parvipendimus pulicis. De diabolo ergo ista dicuntur, imo de principe dæmoniorum, de cujus sublatione seu expulsionem a throno cœlesti, olim terrebantur angeli sancti, timore admirationis divinæ potentiæ et pavore reverentia ipsius. Similiter omnes electi et Sancti, in die iudicii de totali damnatione ac sublatione principis tenebrarum ministrorumque ejus admirabuntur atque timebunt, non pœnali, sed casto et sapientiali timore, infinitam Dei majestatem in suis effectibus non ignoranter, sed sapienter ac reverentialiter admirantes, eamque plene comprehendere non valentes. Unde et in Evangelio

Luc. xxi, 26. Christus Virtutes cœlorum dicit movendas; et in Præfatione cantamus, Majestatem tuam tremunt Potestates. Denique angeli taliter territi purgabuntur: et in casu diaboli purgabantur, non ab immunditia culpæ, sed a minoratione perfectionis atque scientiæ, in quantum ex intuitione divinorum effectuum, aliquam sortiuntur illuminationem inferiores a superioribus, et superiores a Deo; vel omnes, quantum ad aliqua cognoscenda, immediate a Deo. Divinam autem excellentiam admirando, mox in ejus contemplatione refulgent, et quam jugiter in se ipsa conspiciunt, ex suis effectibus et in ipsa magis mirantur, quam in se sola. De hoc, sexto capitulo de Divinis nominibus, D. Dionysius plenius loquitur.

Consequenter de ceto, ut est figura diaboli, loquitur. *Quum apprehenderit eum gladius*, id est, si quis gladio cœperit cedere cetum, *subsistere non poterit ipse gladius, neque hasta, neque thorax*: hoc est, sive gladio, sive lancea, aut thorace percutiatur, non ei nocebit: imo instrumenta ista frangentur propter duritiam corporis ceti, præsertim quum dictum sit, quod

A corpus ejus sit quasi scuta fusilia, et densissimas atque compactissimas habeat squamas. *Reputabit enim ut paleam* ferrum, et quasi lignum putridum reputabit æs*: id est, nec ferrea nec ænea instrumenta sibi ostensa timebit aut fugiet, quia his aut non, aut difficulter lædi valet. Per quæ insinuat, quod nulla potestate humana dæmoni possit quis prævalere: et si orationibus et virtutibus Sanctorum superetur, hoc divina et increata virtute principaliter agitur; non ut talia ex humana

B potentia oriuntur, imo potius in quantum a Spiritu Sancto principiantur, qui in omni actu meritorio motor est principalis.

Non fugabit eum vir sagittarius: quia sagittas non timet, quasi ab eis lædi non valens. Verumtamen, ut narratur, quamvis talia non formidet, nihilo minus projectione spiculorum, quæ non avertit nec fugit, tandem vulneratur ac moritur, atque ad littus mortuus trahitur. *In stipulam ei versi sunt lapides fundæ*: id est, non plus curat aut metuit ictus lapidum

C fundæ, quam stipulam. Ictibus enim saxorum, quæ per fundam projici possunt, non læditur, quum tantæ sit duritiæ atque pinguedinis. Porro spiritualiter, viri sagittarii sunt prædicatores idonei, qui ex corde et ore velut ex arcu, verba acuta ac penetrativa audientium cordibus imprimunt et infigunt. Lapidēs vero fundæ, sunt exemplaria ac solida opera Sanctorum: et frequenter contingit, quod nec sanctis verbis, nec virtuosis operibus diabolus sic frenatur, quin tentet ac renitatur, saltem ad tempus; imo virtuosos sæpe gravius importuniusque infestat. Funda autem, intellectus constans ac eruditus et practicus est, qui opera virtuosa emittit. *Quasi stipulam æstimabit malleum*: id est, propter duritiam squamarum, quibus armatur, et spissitudinem atque pinguedinem cutis ac corporis sui, verbera malleorum non curat, nisi forte talia verbera diutius continuarentur, præsertim super eandem corporis partem. *Et deridebit vibrantem hastam*: id est, si quis comminetur ei, quod hasta

vers. 6.

*quasi paleas

Job. xxxv,
21, 22.

eum velit invadere, non timebit, quia per-
forari ita non potest. Hæc quoque dicun-
tur, ad insinuandum audaciam ceti: secun-
dum quod aliqua talia de equo superius
dieta sunt. Unde per ista innuitur, quod
nullo hominis conatu aut comminatione
diabolus superetur, nisi virtute Spiritus
Sancti.

Sub ipso erant oculi solis, id est, eos
non appretiabitur, nec eorum decore al-
licitur ut vincatur: *et sternet sibi quasi
lutum aurum*, id est, pro nihilo reputat
aurum, sed spernit et subjicit illud suæ
æstimationi, sicut parvi penditur lutum.
Per quæ insinuat, quod nullius rei cor-
poralis pulchritudine aut pretiositate sub-
datur vel attrahatur, ita quod superetur:
et hoc, in quantum res illæ sunt pulchræ
et pretiosæ, non autem in quantum sunt
ipsius nutritivæ. Insuper, per hæc signa-
tur, quod corporalium rerum pretiositate
et pretio diabolus non attrahatur, ut sub-
dat se homini, quamvis interdum hoc fin-
gat, ut hominem subjiciat sibi in errore
et culpa. Possunt quoque per radios solis,
homines verbo et vita aliis emicantes; per
aurum autem, caritate rubentes, intelli-
gi: quos diabolus in hac vita aspernatur atque
persequitur.

*Iervescere faciet quasi ollam profun-
dum maris*. Ceti enim aliqui tantæ sunt
magnitudinis, ut aquas maris vehemen-
ter commoveant, spumareque faciant, vel
etiam tempestates in mari producant: sic-
que mare a fundo videtur fervere, sicut
aqua in olla igni apposita. Hinc Thomas
allegat Plinium, dicentem quod in mari
orientali sunt quædam tantæ magnitudinis
belluæ, ut ipsum mare ab imo vertant et
concitent, ac tempestates efficiant. *Et po-
net quasi quum unguenta bulliant*: id
est, tantum aquæ fervorem ac spumam in
mari concitabit, sicut est fervor et spu-
ma unguentorum in caldario bullientium:
quæ propter aerem inclusum faciunt am-
pliolem spumam et commotionem in su-
perficie, quam simplex aqua. Per quæ
notatur turbulentia et inquietudo, quam

A diabolus concitat in hoc mundo, præser-
tim in cordibus vitiosorum: de quibus
Isaias loquitur, Impii quasi mare fervens, Is. LVII, 20.
quod quiescere non potest. Nam et diabo-
lus ignita sua suggestionem et impressionem,
ita sæpe incendit fomitem, quod totum
cor intus incalescit ad malum. *Post eum
lucebit semita*: id est, ceto se movente
per aquam, apparet retro eum vestigium
longum sui processus propter grandem sui
corporis molem, qua magnam facit in aqua
concussionem, quæ non protinus conquie-
B scit. Quo mystice denotatur, quod post dia-
bolicam tentationem, et conturbationem
quam facit in anima, remanent et appa-
rent reliquæ, ita quod effectus perturba-
tionis a diabolo concitatæ, non semper sta-
tim sedatur et aboletur: imo aliquando diu
durat, et difficulter exstinguitur, præser-
tim quando malo non in principio rite resi-
stitur, sed illud in consuetudinem transit.

Æstimabit abyssum quasi senescentem:
id est, tam avide et abunde pisces maris
vorabit, et aquam ipsius potabit, quasi
C putaret mare cito siccandum ac finien-
dum: quemadmodum esuriens qui opina-
tur sibi escam defecturam, comedit mul-
tum, contra futuram se præparans famem.
Per quod insinuat, quod diabolus velut
insatiabilis homicida, tam affectuose, in-
cessanter et indefesse decipit animas, qua-
si mundus esset mox terminandus. Quod
enim senescit, prope interitum est, secun-
dum Apostolum ad Hebræos. Thomas au-
tem exponit sic: *Æstimabit abyssum quasi
senescentem*, id est quasi impotentem ad
D hoc, quod abyssus devoret seu superet ip-
sum cetum. Per quod mystice innuitur,
quod diabolus non tantam, tamque perpe-
tuam reputat pœnam inferni, ut ob eam
desinat impie operari, et Deo reniti. Imo,
sic prave agit, quasi putaret damnationem
inferni aliquando terminandam: ad quod
æstimandum etiam quosdam stultos indu-
cit, quum tamen hoc Scripturis sanctis
clarissime obviet.

Hebr. VIII,
13.

*Non est potestas super terram quæ com-
paretur ei*: id est, nullum terrestrium ani-

malium tantæ est fortitudinis corporalis, ut cetus, qui sicut quantitate, ita et potestate vincit non solum aquatica, sed et terrestria animalia. Dicunt quoque magistri naturalis scientiæ, quod majora sint animalia in mari, quam super terram : cujus causa, est abundantia humiditatis in semine et in esca. Unde in terris humidis majores sunt homines, quam in regionibus siccis, ut dicunt. *Qui factus est ut nullum timeret.* Hoc doctores, non de ceto, sed de diabolo per ipsum figurato, exponunt : qui ad hoc factus est, id est, ex sua creatione et suæ naturæ proprietate hoc habet, ut nullam creaturam terrestrem corporalemve timeat, quantum ad naturalem ejus virtutem, tanquam fortior omni hujusmodi creatura. Nempe quod homines sanctos veretur, ex supernaturali illorum virtute contingit. Verumtamen istud de ceto accipi potest, qui, ut ex præhabitis innotescit, corporali robore vincit hominem, et omnem terrenam facturam : idcirco nec metuit aliquid horum. Et in hac locutione dictio, Ut, potius notat concomitantiam vel sequelam, quam causam, sicut quum dicitur, Tibi soli peccavi, ut justificeris in sermonibus tuis. Ad hoc enim, quod tantam vim corporalem ceto, tantamque vim spiritualemente diabolo præstitit Deus, consequitur iste imperterritus animus.

Ps. l, 6.

Per prædicta ergo signatur, quod nulla terrena corporalis aut humana potestas, æqualis sit potestati diaboli, in quo naturalia integra permanserunt, juxta D. Dionysium quarto capitulo de Divinis nominibus. Unde, quo altioris est speciei sive naturæ, eo majoris est potestatis naturalis : ideo non potestate naturæ, sed gratiæ, homines prævalent ei. Hincque nullus de propriis viribus potest præsumere, aut de sua victoria vane gaudere. Imo timorati atque solliciti esse debemus, qui contra tam fortem hostem pugnam habemus, qui potestate atque industria, experientia et infatigabilitate nos superat : a quo videmur, et quem videre corporaliter prohibe-

mur; imo nec spiritualiter ejus congressus semper advertimus. Præterea, secundum unam considerationem, diabolus factus est directe ut nullum timeret, id est, ut soli Creatori casto ac filiali timore subditus esset; sed contra illum se erigens, nullum ex præsumptione vult formidare, nisi in quantum a Deo compellitur et arctatur.

Omne sublime videt, id est, ad alta se erigit, et ad aggredienda majora vultum extollit : qui et in principio dixit, Ascendam super altitudinem nubium, similis ero Altissimo. Hoc autem ceto non competit; multoque minus quod subditur, convenit ei. *Ipse est rex super omnes filios superbiæ*, id est, in superbia eos excedit, tanquam primus apostata, qui ceteris formam recedendi a Deo, atque amandi propriam excellentiam primo ostendit. Cujus ducatum sequuntur omnes superbi : qui filii superbiæ appellantur, quia per illam quasi per matrem diabolo spiritualiter generantur, sicut per caritatem homines fiunt filii Dei, et quia superbiam velut matrem amant, sequuntur et amplectuntur, atque ab ea foventur; qui etiam servi superbiæ dici possunt, quia vitio huic subjecti sunt. Propter quod secunda Petri inducitur : Iniqui servi sunt corruptionis; a quo enim quis superatus est, hujus et servus est. In Joanne quoque ait Salvator : Omnis qui facit peccatum, servus est peccati.

Is. xiv, 14.

II Petr. ii, 19.

Joann. viii, 34.

Denique, juxta Thomam, Dominus operationem suam quam exercet in malis, terminat in superbis, ut ostendat beato Job, hoc sibi fuisse præcipue metuendum, ne a diabolo ad superbiam induceretur, sicque ad regnum diaboli transferretur : ideoque abjicere debeat affectum et verba quæ superbiam sapiunt sive sonant. Itaque et nos, si filii et ministri diaboli esse non volumus, si tam crudelissimi tyranni ac infelicissimi regis dominationem veremur, omnem prorsus abominemur superbiam : quæ sola omni virtuti insidiatur, et omnia gratiarum aufert charismata; de

Ecl. x. 7. qua ait Scriptura, Odibilis coram Deo et A tectionemque Dei et illuminationem Spiritus Sancti præcipue promeretur. Non sumus filii superbiæ, et ministri diaboli regis : sed filii simus humilitatis, et famuli Christi altissimi principis.

ARTICULUS LXX

EXPOSITIO CAPITULI QUADRAGESIMI SECUNDI ET ULTIMI : RESPONDENS AUTEM JOB.

AUDITA disputatione allocutioneque Dei, nunc ipse Job Deo, ut dignum est, cedit, honorem et gloriam tribuit, et se ipsum humiliat atque accusat, secundum illud Ecclesiastici : Quam bonum est, correptum manifestare pœnitentiam! *Respondens autem Job Domino, dixit : Scio quia omnia potes, quum sis infinitæ potentiae, cui omnia æque facilia sunt, et cui nihil difficile est. Deo siquidem idem est esse, et potentem esse, ita quod ejus essentia est sua potentia. Ideo, sicut divina essentia est penitus illimitata, ita et ejus potentia. Quo verbo Job profitetur, quod Deus possit Satanam superare, et adversitates seu tentationes ab illo inflictas auferre. Et nulla te latet cogitatio.* Omnia enim nuda et aperta sunt oculis ejus, secundum Apostolum. Deus quippe suam cognoscendo essentiam, omnia intuetur in ea, quæ illam quocumque modo imitantur sive participant, hoc est, quæcumque aliquid entitatis habent. Similiter cognoscendo suam potentiam, cognoscit distincte, perfecte et plene omnia ad quæ se illa extendit. Hinc primo Regum Deus testatur : Non juxta intuitum hominis ego judico : homo enim videt quæ parent, Dominus autem intuetur cor. Porro, secundum Thomam, hoc verbo sanctus Job fatetur se fuisse aliqua superba cogitatione pulsatum, videlicet recitando suas justitias : quod Deum non latuisse insinuat. Ideo, contra negantes Deum omnia intueri, subjungit :

Ibid. xx, 4.

Hebr. iv, 13.

[Reg. xvi, 7.]

Quis est iste qui celat consilium, id est, cordis sui dispositionem, definitionem seu inquisitionem putat se Deo posse abscondere, *absque scientia*, id est ita quod Deus illud non sciat? Vel, Absque scientia, id est, imperite et stulte hoc putat. Gregorius vero exponit sic : Job diabolo exprobrans, dixit : Quis est iste, etc.? id est, diabolus consilia fraudium suarum adversum nos nobis occultat : et hoc absque scientia, id est, irrationabiliter et insipienter hoc agit, quoniam licet propria subtilitate occultas illius machinationes adspicere non possumus. Deo tamen revelante nobis misericorditer deteguntur. Insuper, verbum istud generaliter accipi potest contra omnes qui sua prudentia aliis salubriter consulere possunt, et sana consilia mente concipiunt, nec tamen proximos suos dirigere, adjuvareque curant : quum tamen hoc agere, sit eleemosyna spiritualis ; et istud omittere, caritati et pietati repugnet.

Ideo, quia videlicet tanta est potentia ac sapientia tua, o Deus, insipienter locutus sum. Ut enim ex dictis in expositione habita superius patet, beatus Job aliqua dixit incaute, ita quod amici ejus et Eliu fuerant graviter scandalizati. Unde circa finem præallegati ait capituli : Qui leviter locutus sum, respondere ultra quid possum? Unum locutus sum, quod utinam non dixissem, et alterum : quibus ultra non addam. Ea quoque locutus sum, *quæ ultra modum*, id est ineffabiliter et in-

Job xxxix, 34, 35.

Ibidem.

comparabiliter, *excedunt scientiam meam* : A id est, divina iudicia et rationes eorum immoderate perscrutari conatus sum, a quorum plenaria comprehensione deficio infinite. Hinc in Ecclesiastico scriptum

Ecclesi. iii.
22, 23.

est : Altiora te ne quæsieris, et fortiora te ne scrutatus fueris; sed quæ præcepit tibi Deus, illa cogita semper, et in pluribus operibus ejus ne fueris curiosus. Non est enim tibi necessarium, ea quæ abscondita sunt, videre oculis tuis. Salomon quoque : Scrutator (inquit) majestatis opprimetur a gloria. Quibus verbis increpantur vani, intimatori ac scioli : qui in his quæ Deus non requirit ab eis, jugiter occupantur; quæ vero Deus exigit ab eis, et quæ ad eorum spectant salutem, omittunt.

Prov. xxv.
27.

Audi, id est, meam orationem, confessionem, interrogationem elementer audire, acceptare, informare digneris; *et ego loquar*, capta benevolentia tua, et spe audientiae tuæ : loquar autem, te exorando, me accusando, veniam et informationem humiliter postulando. *Interrogabo te* sicut discipulus magistrum, et illuminationem tuam precabor, ut in dubiis me dirigas et informes. Sic enim Deum in agendis et cognoscendis interrogare debemus, orando pietatem ipsius pro instructione et directione salubri. Unde apud Isaiam Dominus ait quibusdam : Væ, filii desertores, ut

Is. xxx. 1, 2.

faceretis consilium, et non ex me : et ordiremini telam, et non per spiritum meum; et os meum non interrogastis. Hinc in libris Regum legitur David toties consuluisse Dominum. Et Jacobus : Si quis vestrum indiget sapientia, postulet a Deo qui dat omnibus affluenter, et dabitur ei; postulet autem in fide nihil hæsitans. *Et responde mihi*, per illuminationem internam vel angelicam instructionem, intus vel foris exhibitam.

I Reg. xxi.
2, 4; xxx. 8;
II Reg. ii. 1;
v, 19, 23;
xxi. 1.
Jacob. i. 5.

Auditu auris audiivi te : id est, primo, scilicet ante hanc flagellationem, cognovi te ex aliorum relatu et fama communi, utpote imperfecte; *nunc autem oculus meus videt te*, id est, clarius te modo cognosco, quam ante : quemadmodum clarius seitur

quod cernitur, quam quod relatu aliorum cognoscitur. Ex percussione enim et allocatione, increpatione, instructioneque Dei, sanctus Job jam vehementer profecit. Vel sic : Auditu auris audiivi te, id est, ante flagellationem meam cognovi te per revelationem factam ad aurem anteriorem vel posteriorem : in qua tamen revelatione speciem nullam vidi, præsertim oculo exteriori; nunc autem cognosco te per revelationem clariorem ac eminentiorem, in qua forma seu species aliqua tui mihi apparet. Certum tamen non est, an angelum vidit corporali specie, qui in persona Dei hæc dixerit, sicut Jacob, qui viso angelo, ait : Vidi Dominum facie ad faciem, et salva facta est anima mea. Judicium quoque libro, Manue loquitur suæ uxori : Morte moriemur, quia vidimus Dominum, id est angelum Dei, qui visibiliter eis apparuit. Aliqui autem putant, quod Job imaginaria visione viderit Deum, seu angelum in Dei persona loquentem. Potest quoque intelligi, quod pro tempore quo dixit hæc, habuit sublimem aliquam ac limpidam contemplationem de Deo, ut est illuminatio seu cognitio anagogica : ad quod innuendum fatetur, Nunc oculus meus, videlicet intellectualis, videt te contemplatione theoria. Postremo, putandum non est quod viderit Deum per speciem : nec de tali visione hic loquitur.

Gen. xxxii.
30.

Judic. xiii.
22.

Idcirco ipse me reprehendo : id est, quia nunc clarius te cognosco, sinceriusque contemplor, ideo imperfectum meum perfectius penso, et culpam meam incautæ locationis magis adverto, humiliterque confiteor. Quo patet, quia quanto divinæ naturæ majestatem, sanctitatem et perfectionem limpidius contemplamur, eo propriam parvitatem, immunditiam, et defectuositatem plenius contuemur, et cordialius profitemur. Hinc ait Gregorius : Omnis humana sapientia quantolibet acumine polleat, divinæ sapientiæ comparata, insipientia est. Omnia enim humana, quæ justa et pulchra sunt, Dei justitiæ et pulchritudini comparata, nec pulchra, nec justa sunt, omnino

Gen. xviii,
27.

nec sunt. Hinc Abraham Deo colloquens : *A* Loquar, inquit, ad Dominum meum, quum sim pulvis et cinis. Iterum ait Gregorius : Quanto quisque minus se videt, tanto minus sibi displicet ; et quanto majoris gratiæ lumen percipit, tanto amplius reprehensibilem se esse cognoscit. Quum enim intrinsecus sublevatur, et omne quod est, intuetur ; ad eam, quam super se conspicit, regulam congruere nititur. Et quia adhuc humana infirmitas cernit, quod ei non ex minima parte dissentit ; totum ex se illi onerosum est, quod internæ regulæ conveniens non est.

Jonæ iii, 6.

Ps. xliii, 25.

Verum, quoniam nulla est recognitio culpæ, nisi sequantur lamenta pœnitentiæ, sanctus Job subdit : *Et ago pœnitentiam in favilla et cinere.* Quod litteraliter accipi potest, ut in agnitionem et signum propriæ fragilitatis, se in terram prostraverit super favillam et cinerem, quemadmodum in Jona legitur, quod rex Ninive indutus est sacco, et sedit in cinere. Et in Psalmo : Humiliata est in pulvere anima nostra. Etenim cinis et cilicium, arma sunt pœnitentium. Vel, per favillam et cinerem, intelliguntur austeritas et humiliatio satisfactionis. Non enim sufficit culpæ confessio, nisi sequatur (si adsit facultas) satisfactio. Præterea, secundum Gregorium, in favilla et cinere pœnitentiam agere, est, contemplata summa essentia, nihil aliud se quam favillam cineremque cognoscere. Etenim, quum in peccato sit inordinata complacentia seu delectatio, et item quædam contra Deum rebellio, contra primum valet dolor internus, et austeritas in labore satisfactionis : contra secundum, humiliatio cordis et operis.

Postquam autem locutus est Dominus verba hæc ad Job, dixit ad Eliphaz Themanitem. Ad illum enim tanquam ad principaliorē, forte et ad meliorem ac seniore, Dominus dirigit verbum, ut per ipsum proferatur ad alios. Nam et ipse primo orsus est disputare adversus Job. Videtur quoque quod Dominus dixerit ista beato Job jam sanato, et forsitan antequam ami-

ci ejus redierunt ad propria. Præterea, an per inspirationem solam internam Dominus ista protulerit, an per apparitionem angelicam, vel angeli allocutionem interiorē dumtaxat, quemadmodum asserit Zacharias, Angelus loquebatur in me, incertum habetur : quemadmodum et incertum est, an in somno vel vigilia facta sit allocutio ista. Si autem Deus ita apparuit atque locutus est huic Eliphaz, postquam dire peccavit, cur putandum est quod ficta sit ab ipso Eliphaz visio, quam in principio suæ disputationis se perhibet habuisse ante hanc culpam?

Zach. i, ii;
iv-vi.

Job iv, 12-21.

Iratus est furor meus, id est zelus justitiæ meæ, in te et in duos amicos tuos, scilicet contra Baldad et Sophar. Quum enim Deus sit veritas et æquitas, falsitati et injustitiæ indignatur tanto plus, quo ipse verior exstat et justior ; et quo peccatum a veritate et æquitate magis recedit, eo plus displicet Deo. Amici autem Job non solum peccaverunt, ei contumelias irrogando, sed etiam de divina providentia erronee sentiendo, ut patuit sæpius. Hinc ad innuendum magnitudinem excessus eorum, Dominus loquitur : *Iratus est furor meus.* Unde et subditur : *quoniam non estis locuti coram me rectum*, id est verba vera ac justa : quia licet videbantur quasi divinam justitiam contra Job defensare, nihilo minus Deus vidit obliquitatem cordis eorum. *Sicut servus meus Job* : cujus verba vera et recta fuerunt, secundum intentionem ipsius, quamvis sæpe in modo loquendi deliquerit. Sed quare de Eliu Dominus mentionem non facit? Ad hoc Thomas respondet, quod Eliu ex imperitia peccavit, Job autem ex levitate, amici vero Job in falsa assertione, perversa dogmata affirmando, ut quod Deus non flagellat aliquem nisi pro culpa, et quod gravior pœna non est, nisi pro culpa majori. Aliam quoque causam Thomas tangit : quia videlicet jam supra Dominus redarguit ipsum Eliu, similiter sanctum Job. Albertus vero respondet, quod ideo, quoniam Eliu novi nil attulit, sed aliorum positiones

determinavit. eas planius et particularius A prosequendo.

Denique, quia amici Job non ex malitia peccaverunt, sed quasi ex zelo Dei, quamvis indiscreto, quia putabant ipsum Job suis verbis divinæ derogare justitiæ; ideo peccatum eorum remissibilis erat. Hinc Dominus ostendit eis remedium contra vulnus peccati quod incurrerunt. *Sumite ergo vobis septem tauros et septem arietes,*

<sup>* alias of-
ferre</sup> *et ite ad servum meum Job, et offeret * holocaustum pro vobis,* quia ejus patrocinio indigetis, nec digni estis per vos ipsos offerre, vel eo indigniores ad hoc. Septenarius autem est numerus perfectionis et totalitatis, idcirco ad expiationem gravium delictorum, et ad pœnitentiæ perfectionem hic numerus congruebat. Rursus, per septem tauros, signatur mactatio cervicosæ superbæ in septem peccatis mortalibus; per arietes vero, qui cornibus impingunt, proterva et obstinata falsitatis defensio. veritatisque impugnatio, quas oportet mactare. Holocaustum præterea fuit sacrificium perfectissimum, quod ad divinæ reverentiam majestatis totum comburebatur, ad figurandum quod homo debet se totum Deo offerre, ejusque cultui mancipare. *Job autem servus meus* servitute filialis timoris, *orabit pro vobis.* Multum enim valet oratio justī assidua, ut dicit Jacobus. Et iterum scriptum est : Oratio justī penetrat cœlos. *Faciem ejus suscipiam.* id est, præsentiā ejus mihi ab ipso præsētatā, ejusque mentem ad me erectā, seu ejus personā mihi facialiter apparentē, gratā et acceptā habebō, ipsum pro vobis exaudiendo, *ut non imputetur vobis stultitia,* id est, peccatum quod stulte commisit, seu dogma vestrum insipiens non imponatur vobis a me ad damnationem animarum vestrarum. Vel ideo ait, Stultitia, quia, secundum Albertum, ex ignorantia peccaverunt : propter quod facilius recipiuntur ad veniam. Illa tamen eorum ignorantia non fuit in toto excusanda. *Neque enim locuti estis coram me rectum, sicut servus meus Job,* qui vos justē incre-

pavit, et a vobis injuste increpatus est et graviter inhonoratus, non tamen a vobis aversus est mente, sed diligit vos, quemadmodum ante : idcirco idoneus est exorare pro vobis, suæ merito perfectionis.

Abierunt ergo Eliphaz Themanites, et Baldad Suhites, et Sophar Naamathites, et fecerunt sicut locutus fuerat ad eos Dominus. Ita quod Eliphaz dixit aliis duobus verba Dei sibi injuncta : quo audito, assumptis præfatis animalibus, pariter venerunt ad Job, ab eo humiliter veniam deprecantes, et ut pro eis offerret et exoraret, instantes poscentes. An vero quilibet eorum assumere jussus sit septem tauros, totidemque arietes, vel omnes tres simul tot animalia sumere et offerre præcipiebantur, non clare exprimitur. *Et suscepit Dominus faciem Job,* id est oblationem et precem ipsius pro suis amicis : ad quod etiam cooperabantur illorum obedientia, pœnitentia, humiliatio.

Dominus quoque conversus est ad pœnitentiam Job, quum oraret ille pro amicis suis. Hoc dupliciter intelligi potest. Primo, quod Dominus ab ira ad propitiationem conversus est ad pœnitentiam Job, id est ad pœnitentiam quam pro amicis suis assumpsit, dolendo pro peccatis eorum, sicque merito hujus doloris Deus illis ignovit. Ita exponit Albertus. Secundo, quod conversus est ad pœnitentiam Job, qui orando pro amicis, simul pro se ipso pœnituit atque oravit : idcirco et ei magis benignus effectus est Deus. Nam et tanto citius exauditus est pro se ipso, quanto devotius intercessit pro aliis. Propter quod ait Gregorius : Plus pro se valere preces suas efficit, qui has et aliis impendit. Libentius quippe sacrificium orationis suscipitur, quum in conspectu misericordis Judicis, proximi dilectione conditur : quod tunc veraciter quisque cumulat, si pro adversariis etiam hoc impendat. *Et addidit Dominus omnia quæ fuerunt Job, duplicia,* id est, bona ei ablata restituit ei in duplum, reddendo duplicia eadem in specie, sicut infra patebit. Per quod intelli-

Jacob. v.
16.

Eccli.
xxxv. 21.

gitur, quod pro temporali tribulatione et tentatione, quas patiuntur electi, multo majora bona divinitus sortiuntur, quam sint corporalia bona quæ perdunt : quia pro illis spiritualia dona adipiscuntur, et ipsa consolatio sequens, frequenter præcedentem afflictionem excedit etiam in

Is. lxxvii. 7, 8. præsentī. Hinc in Isaia Dominus ait : Ad punctum in modico dereliqui te, et in miserationibus magnis congregabo te. In momento indignationis meæ abscondi parumper faciem meam a te, et in misericordia sempiterna misertus sum tui. In secunda

II Cor. i. 7. quoque ad Corinthios habetur : Sicut socii passionum estis, sic eritis et consolationis.

Venerunt autem ad eum omnes fratres sui et universæ sorores suæ, id est omnes cognati et consanguineæ, et cuncti qui noverant eum prius cognitione amicitiae specialis, videlicet antequam taliter plagaretur, et in ipsa adversitate eum dereliquerunt, sicut superius dixit : Fratres mei elongaverunt a me, et noti mei quasi alieni recesserunt a me. Et comederunt

Job vi. 15; ix. 13.

panem in domo ejus cum eo, id est, pristinam amicitiam renovaverunt comedendo cum ipso, volentes ei congratulari, suamque ad eum amicitiam declarare. Per panem autem omnis cibus exprimitur.

Et moverunt super eum caput, non ex derisione, sed admiratione et compassione doloris præteriti, vel potius ex congratulatione. Unde superius Job dixit suis amicis : Utinam esset anima vestra pro anima mea ; consolarer et ego vos sermonibus, et moverem caput super vos. Hinc subditur :

Ibid. xvi. 4, 5.

et consolati sunt eum super omni malo pænali, id est de omni adversitate, quod intulerat Dominus super eum permissive, profitentes, quod non pro suis peccatis fuisset percussus, et quod amici ejus sibi contradicendo errassent, ipseque Dominus pro ampliori sua salute eum ita tentasset, atque ut ipse Job aliis in exemplum consisteret. Similis consolatio legitur facta Tobiae in libro ipsius. De duplici autem malo Scriptura præcipue loquitur : scilicet

Tob. xi. 20, 21.

A de malo culpæ, quod non est a Deo nisi permissive, juxta illud Isaia, Indurasti cor- *Is. lxxvii. 17.* da nostra ne timeremus te : quod tamen quidam perversi imputant Deo, secundum illud Psalmi, Quoniam declinaverunt in te mala. Item, de malo pænæ, quod est ipsa afflictio : quæ est directe a Deo, in quantum est aliquid positivum, et culpæ purgatio seu vindicta, aut præparamentum ad gratiam pleniorē, sicut in Job. De quo malo dicit Jonas : Misertus est Dominus *Jonæ iii. 10.* super malitia, quam dixit ut faceret eis, B scilicet Ninivitis, et non fecit.

Et dederunt ei unusquisque ovem unam et inaurem auream unam. Ista munuscula sibi dederunt, vel in relevamen suæ inopiæ, quia nondum restituta fuerant ei a Deo bona amissa ; vel in signum sui favoris atque amoris ad ipsum ; vel etiam in protestationem atque indicium suæ ovinae innocentiae ac simplicitatis, itemque obedientiae ac sapientiae, quæ per inaurem signantur. Inauris enim auri appenditur. Obedientia vero est, verbis Dei auditis parere, et sapientia est, ea intelligere.

Dominus autem benedixit novissimis Job, id est ultimæ ejus ætati, seu bonis quæ postremo possedit, plus quam principio ejus, id est primæ ætati, aut prosperitati : quia in corporalibus ac spiritualibus donis amplius ditavit eum post suam afflictionem quam ante ; imo plus dedit ei quam ipsemet petiit. Superius etenim dixit : Quis mihi tribuat ut sim juxta mentes pristinos ? Nunc autem concessit ei duplo plura quam ante. Nam subditur : Et* *facta sunt ei quatuordecim millia ovium : qui ante habuit septem millia ovium ; et sex millia camelorum : ante habuerat tria millia camelorum : et mille juga boum : ante habuit quingenta juga seu paria boum ; et mille asinæ : ante habuit asinas quingentas. Quod totum in principio scriptum est.*

Job xxix. 2

Ibid. i. 3.

Et fuerunt ei septem filii et tres filiae : quos omnes post afflictionem hanc generavit. Circa hoc quæritur, quomodo omnia sint ei duplicia reddita, quum et ante per-

Job. i. 2. cussionem suam totidem filios filiasque A habuerit. Et respondendum, quod bona ejus quæ ei penitus perierunt, restituta sunt dupla. Filii autem et filiæ ejus, quantum ad animas, vixerunt, et suscitandi secum fuerunt. In statu quoque salutis obisse creduntur, ita quod æternaliter secum erant victuri. Ideirco non penitus mortui erant. Unde in Matthæo, Christus allegans *Matth. xxi. 32*; *Exod. iii. 6.* Sadducæis illud Exodi, Ego sum Deus Abraham, Deus Isaac, et Deus Jacob, adjungit: Non est Deus mortuorum, sed vivorum.

Et vocavit nomen unius, forte primogenitæ inter tres, *Diem*: propter puellæ claritatem et gratiositatem: *et nomen secundæ, Casiam*: propter ipsius suavitatem redolentiamque famosam. Casia enim est species aromatica. *Et nomen tertiæ, Cornustibii*: propter eminentem pulchritudinem ejus, præsertim in oculis, secundum Thomam. Stibium quippe unguentum est, seu herba, qua mulieres ad decorandam faciem suam utuntur, juxta illud Ezechielis, Circumlinisti stibio oculos tuos. Et quarto Regum: Jezabel depinxit oculos suos stibio. Hoc autem stibium feminæ servant in cornu, ut habeant illud in promptu quum velint. Sic ergo appellata est ista puella, ad innuendum quod stibio non egebat, sed speciosior fuit dono naturæ, quam ceteræ fiant hac arte. Hinc sequitur: *Non sunt autem inventæ mulieres speciosæ, sicut filiæ Job in universa terra*: vel in universa terra habitabili hujus mundi; vel in universa terra habitationis Job, juxta quem modum in Josue legitur: Dominus dedit vobis requiem et omnem terram. D Magis tamen intelligendum videtur primo modo. In hac autem speciositate, intelligenda est quoque decentia morum, et venusta compositio in omni gressu ac motu membrorum. Nam et per hæc corporalis etiam pulchritudo perficitur. *Deditque eis* ** inter fratres* *pater suus hereditatem in medio fratrum earum.* Hoc enim honore dignæ erant, propter speciositatem suam tam spiritualem et corporalem, et quia fratribus suis carissimæ fuerant, virtutibusque conformes.

Vixit autem Job post hæc, id est postquam ista ei acciderant, centum quadraginta annis. Quia enim in corpore gravissime fuerat vulneratus, additur ei pro cumulo prosperitatis, longitudo dierum in vita sana atque jucunda in Deo: quemadmodum legitur de Tobia, quod reliquum temporis ejus, scilicet quod vixit post curationem suam ab angelo, fuit in gaudio. Præterea, quamvis Job corporaliter occisus non fuit, quia tamen letaliter fuit percussus, ita quod secundum naturam B obisset, nisi Deus supernaturaliter adfuisset; hinc duplicata vitæ humanæ duratio ei concessa est, sicut et cetera ei sunt dupliciter restituta. Scriptum est enim: Dies annorum nostrorum in ipsis, septuaginta anni. Centum autem et quadraginta faciunt bis septuaginta. *Et vidit filios suos et filios filiorum suorum,* forte et filiarum, *usque ad quartam generationem.* Idem legitur de Tobia: qui tamen post suam curationem non vixit nisi quadraginta duobus annis; sed in sua curatione C filius suus jam exstitit uxoratus. Unde apparet, quod filii Job satis maturæ ætatis fuerunt antequam generaverunt. Alioqui poterat usque octavam generationem posteros suos vidisse. Credendum est equidem, quod filii et nepotes ipsius, virtutes beati Job sint secuti, nec voluptatis amore contrahere matrimonium acceleraverunt.

Porro, an filios istos septem et sorores eorum ex prima conjugē generaverit, an scilicet illa in vita tam diu permanserit, non certum habetur. Forte enim ob sua peccata sublata est; nec digna fuit particeps esse prosperitatis sui mariti tam sancti, ad quem in adversitate sua tam perverse se habuit. Conveniens demum fuit, pro tempore legis naturæ et scriptæ, ut beatus Job post suam percussione tantā prosperitate donaretur. Nam et tunc bona temporalia Dei famulis promittebantur, ut homines rudes per talia ad Dei obsequium spiritualiumque amorem traherentur donorum, et ex consideratione prosperitatis

Tob. xiv. 4.

Ps. lxxxix. 10.

Tob. xiv. 1.

Ibidem.

Job, perpenderent quam utile esset Deo A fideliter etiam in adversis omnibus adhærere.

Et post hæc mortuus est senex senectute mentis et corporis. Nescitur tamen quam senex, nisi legatur seu audiat quod annorum fuit quando percussus est, et quam diu sua plaga duravit, quemadmodum de Tobia habetur, quod quatuor annis exstiterit cæcus. *Et plenus dierum*, id est repletus actibus virtuosus, quos diuturno quo vixit tempore fecit. In Scripturis enim per plenitudinem temporis, spiritualium bonorum abundantia exprimi solet. Unde de sanctis Patriarchis in Genesi similiter legi-

tur, quod pleni dierum defuncti sunt. Hinc dicit Ambrosius : Plenitudinem vita justa habet, inanes autem sunt dies malorum. Nihilominus, hoc loco, per plenitudinem dierum, etiam temporalium abundantia et incolumitas corporis denotantur, videlicet affluentia bonorum fortunæ, quia propter illorum defectum superius dixit : Ego habui menses vacuos : præsertim quia his corporalibus bonis ordinatissime usus est per relationem eorum ad spiritualia dona beatitudinemque æternam, imo ad summum, immensum et incommutabile bonum, quod est super omnia Deus sublimis et benedictus. Amen.

Gen. xxx.
8; xxxv, 29.

Job vii, 3.

Sequitur tractatulus de causa diversitatis eventuum humanorum.

Job xiv :

B

EPILOGATIO IN LIBRUM JOB

TRACTATULUS

DE CAUSA DIVERSITATIS EVENTUUM HUMANORUM

AD INSTANTIAM REVERENDISSIMI D. CARDINALIS DE CUSA EDITUS

QUESTIO parvitati meæ ab Excellentia vestra, o Reverende præceptor, prædilectissime Pater, ac litteratissime Doctor, proposita, hæc est : *Ecce quum videamus justos tormenta pati, et qui bene egerunt, finaliter deficere, malos autem sæpe optime mori, cui hæc varia terminatio causam dedit? Non Deus justus, a quo non nisi justum; nec fatalis influentia, quæ nostris actibus non dominatur. Ad hunc finem moveo quæstionem, ut intelligam librum Job, et ea quæ veteres de fortuna ab astris dependente tractarunt.*

Quamquam ad hujus quæstionis profundæ atque fecundæ solutionem magistralem et plenam, personam vestram eximiam ac famosam me ipso rite rear longe magis idoneam: verumtamen, ne Dominationi vestræ piissimæ videar non protinus, ut decet, obtemperasse, conabor pro viribus, quantum Deus scientiarum Dominus dederit, respondere: præsertim quia (ut Petrus Alphonsi in Libro suo clericali testatur) dum persona multum excellens invitat, postulat, aut requirit, mox acquiescere par est. Et ponit exemplum de angelis, qui ab Abraham patriarcha invitati, statim acquieverunt. Porro invitati a Lot, primo renuerunt, dicentes: Nequaquam, sed in platea manebimus. Itaque de quæstione proposita, id in primis commemoro, quod quamvis, quantum ad formam verborum, clarissime mota sit: tamen, quoad significationem intelligentiamque inclusam, non medioeriter intricata consistit, eo quod clausulæ ejus multipliciter queant intelligi. Idcirco singulæ quæstionis hujus particulæ, singulatim sunt pertractandæ: et quemadmodum varium pariant intellectum quædam earum, est demonstrandum.

(Reg. n. s.)

Gen. XIII.
v. 12.
Ibid. XIX. 2.

ARTICULUS PRIMUS

DE EXPOSITIONE PRIMÆ CLAUSULÆ QUÆSTIONIS INDUCTÆ.

PRÆTEREA prima particula, utpote, *A* sulam istam ampliet ac dilatet. Etenim justorum diversi sunt gradus, juxta differentias meritorum. Nempe nonnulli sunt viri heroici et perfecti: quorum rursus distinctio conspicitur gradualis, quibus-

dam existentibus multum sanctis, quales A fuerunt Martinus, Bernardus, Franciscus : aliis vero non adeo sanctis : ceteris autem nondum perfectis, qui tamen justis vocantur, in quantum caritate et gratia, habituque justitiæ decorantur, divina observantes præcepta, quæ proprie de actibus dantur justitiæ. Conformiter, tormentorum vitæ præsentis diversa sunt genera, sed et gradus multiplices. Potestque tormentorum horum diversitas attendi, uno quidem modo ex parte causæ. Nam quædam inferuntur a Deo, qui quos amat, arguit et castigat. Qui tamen per subjectam hoc solet agere creaturam : et interdum quidem per angelos bonos, quorum ministerio subvertit Pentapolim, occidit Egyptios, percussit Assyrios ; interdum per angelos malos, per quorum unum percussus est sanctus Job. Iterum, tormenta nunc ab invisibilibus, nunc a visibilibus hostibus infliguntur ; sæpe quoque ex naturalibus causis, sive intrinsicis, sive extrinsecis. Aliquando demum fortuito seu casualiter videntur contingere, quanquam per comparisonem ad certum et infallibilem providentiæ divinæ prospectum, certus sit ordo causarum, nilque casuale aut fortuitum censeatur, sicut catholice docet Boetius.

Apoc. iii.
19.

Gen. xix,
13, 24, 25;
Exod. xii.
29; xiv, 24;
IV Reg. xix,
35.

Job i, 12-19;
ii, 7.

Itaque, quum culpæ debeatur pœna, non mirum est, si justis nondum perfecti mediocria nonnunquam patiantur tormenta : quippe qui quotidie in venialibus multipliciter corruentes, nec per caritatis ardorem ea sufficienter delentes, quotidianis egent remediis, scilicet increpationibus et tormentis, quibus purgantur. Quod si mediocriter sancti, mediocres sustineant cruciatus, non multum videbitur mirum : nam et ipsi in venialia sæpe labuntur. At vero nec hoc admirationem sortitur ingentem.

B si et multum sancti, parvis vel mediocribus afficiantur flagellis, quum (Salomone testante) non sit homo super terram, qui faciat bonum et non peccet, justusque in die septies cadat. Sed dum eminenter justis et sanctis diuturnis et maximis affliguntur adversis, atque ab impiis opprimuntur, tentationibusque vexantur, admiratio oritur major. Siquidem, quo in eis minorem obtinet culpa locum, eo et pœna, præcipue magna, eis minus videtur congruere. Unde in hoc casu, quæstionis propositæ C clausula prima, a vestri profunditate ingenii studiosissime ac circumspectissime, domine Pater, intellecta videtur atque intenta. Ad quam, Deo agente, respondebitur infra.

Eccle vii,
21.
Prov. xxiv,
16.

ARTICULUS II

DE EXPOSITIONE SECUNDÆ CLAUSULÆ.

E*T* eos qui bene egerunt, videamus finaliter deficere. Huic verbo obviare videtur illud Psalmographi : Non vidi justum derelictum. Itemque : Justis autem hereditabunt terram, et inhabitabunt in sæculum sæculi super eam. Illud quoque in Job : Recordare, obsecro, quando recti deleti sunt ? Denique ait et Salvator : Procedent, qui bona egerunt, in vitam æternam. Quomodo ergo qui bona egerunt,

Ps. xxxvi,
25.
Ibid. 29.

Job iv, 7.

Joann. v,
29; *Matth.*
xxv, 46.

D finaliter deficere asseruntur ? potissimum protestante de bene agente Psalmista, Quum ceciderit, non collidetur. Nihilo minus, præinducto verbo consonare videtur illud Isaïæ : Justus perit, et non est qui recogitet in corde suo : et viri misericordiæ tolluntur, et non est qui intelligat. Amplius, quosdam ad tempus bene ac meritorie agere, nec perseverare, sed miserabiliter finaliterque deficere, quis ignoret ? De qui-

Ps. xxxvi,
24.

Is. lvii, 1.

11 Petr. ii, 21. bus et Petrus ait : Melius illis erat non A cognoscere viam justitiæ, quam post agnitionem retrorsum reverti.

Itaque clausula ista multipliciter potest intelligi. Primo sic : Eos qui bene egerunt ad tempus, videmus finaliter deficere, id est a cœpto salutis itinere deficiendo, perire et condemnari. Propter quod monet

1 Cor. x, 12. Apostolus : Qui stat, videat ne cadat. Hinc Eccli. xviii, 27. (teste Scriptura) Sapiens in omnibus metuit. Et : Beatus homo qui semper est pavidus. Secundo sic : Videmus eos qui bene egerunt perseveranter, finaliter deficere, B

id est in hac vita usque ad finem adversitatibus affici, ab impiis opprimi, et in per-

secutionibus mori, quemadmodum Christus suis prædixit discipulis : Trademini a parentibus et cognatis et amicis, et morte afficient ex vobis ; et eritis odio omnibus hominibus propter nomen meum. Tertio sic : Videmus eos qui bene egerunt, finaliter deficere, quia aliquando contingit persecutionem propter justitiam patientes, acerbitati pœnarum succumbere. Quo contra sanctus Job dixit : Donec deficiam, non recedam ab innocentia mea. Hinc Paulus : Obsecro, inquit, ne deficiatis in tribulationibus istis*. Itaque, juxta hunc varium hujus particulæ sensum, diversæ et congruæ, Deo agente, infra dabuntur solutiones ad eam.

Luc. xxi, 16, 17.

Job xxxvii, 5.

Ephes. iii, 13.

* meis

ARTICULUS III

DE SENSIBUS PARTICULÆ TERTIÆ.

MALOS autem videamus sæpe optime mori. Huic itidem verbo contrariari videtur illud Psalmi, Mors peccatorum pessima ; et quod loquitur Christus, Qui vero mala egerunt, procedent in ignem æternum. Unde in Job libro asseritur : Vidi iniquos Deo flante perisse. Alibi quoque : Deus non porriget manum malignis. Attamen, verbo præfacto consonare cernitur illud Apostoli : Ubi abundavit iniquitas, abundavit et gratia. Talibus denuo scribens : Fuistis, ait, aliquando tenebræ ; nunc autem lux in Domino.

Itaque verbum istud, sicut præcedens, varie accipi potest. Primo, de malis in

malitia finaliter perseverantibus : qui optime aliquando mori dicuntur, quia in opulentia temporali, et consolatione amicorum ac propinquorum multiplici, atque sæpissime levi quodammodo morte decedunt, quemadmodum in Job libro de impio legitur : Iste moritur robustus et sanus, dives et felix ; viscera ejus plena sunt adipe. Secundo, accipi potest de malis conversis : qui licet ad tempus sint vitiosi, tamen conversi, dignos agunt pœnitentiæ fructus, et perseverantes in bonis, optime moriuntur. Juxta hanc sensus varietatem, ponetur infra proportionata clausulæ hujus solutio.

Job xxi, 23, 24.

Luc. iii, 8.

ARTICULUS IV

DE INTELLECTU CLAUSULÆ QUARTÆ.

CUI hæc varia terminatio causam dedit ? Hoc a contrario intelligendum arbitror sensu, quemadmodum illud Esop-

pi, Sufflavit fistula buccas ? Estque figurativa locutio, ut sit sensus : Quis dedit causam huic variæ terminationi ? id est,

quis est causa tam diversæ finitionis seu finalis eventus, conclusionisque hominum? Deinde difficultando materiam, arguitis, quod non Deus, qui quum sit justus, nil agit injustum; nec fatalis influentia, quæ actibus non dominatur humanis, quos constat ex libero manare arbitrio. Postremo A tangitis, atque tangendo supponitis, quod fortuna ab astris dependeat. Quod utrum et qualiter verum sit, et quomodo ab influxu cœlesti aut fatali varietas oriatur præfata, qualiter quoque a Deo causetur, infra, prout fons sapientiæ Verbum Dei in *Eccli. 1, 5.* excelsis præstiterit, ostendetur.

ARTICULUS V

QUOD DE TEMPORALI PROSPERITATE PRAVORUM,
ET MULTIPLICI TRIBULATIONE JUSTORUM, SANCTI IN SCRIPTURIS CANONICIS FREQUENTER
PER MODUM VEHEMENTER MIRANTIIUM SUNT LOCUTI.

JEREMIAS in libro visionum suarum **B** Mirabile namque videtur, quod omnipotens, justus ac sapientissimus Deus, ista in suo permittit fieri regno. Quum ipse sit incomparabiliter sapientior, justior atque potentior omni humano judice ac rectore, regimen ejus ordinatius perfectiusque consistere debet omni humano regimine. Propter quod fertur in libro de Causis, quod causa prima regit res per finem decoris, id est cum summo decore. Quum ergo in humano regimine valde sit indecens et injustum, si boni et simplices a pessimis opprimantur, si injusti et stolidi præesse sinantur, si pravissimis et rei publicæ hostibus prospera condonentur, virtuosus autem et optimis infligantur tormenta; multo indecentius injustiusque est, si Deus in suo ista efficit regno, aut certe permittit in eo, præsertim quum solo imperio ea queat prohibere ac tollere. Insuper, duobus modis tollitur malum, videlicet per anticipationem, ne veniat, et per correctionem, postquam venit: estque perfectius, per anticipationem quam per correctionem tollere malum. Ergo Deo excellentissimo regi competit per anticipationem omne malum auferre de medio. Non igitur præinducta mala in suo (ut videtur) regno deberet permittere evenire.

Jer. xii, 1, 2. **J** ait: Justus quidem es tu, Domine, si disputem tecum; verumtamen justa loquar ad te. Quare via impiorum prosperatur, et bene est omnibus qui prævaricantur? Plantasti eos, et proficiunt. Sic *Habac. 1, 3, 4.* et Habacue loquitur Deo: Quare respicis contemptores, et taces, conculcante impio justiorem se? Propter hoc lacerata est lex. Quia impius prævalet adversus justum, propterea egreditur judicium perversum. Denique, quasi quodammodo stomachans contra Deum: Mundi (inquit) sunt oculi tui, ne videas malum, et respicere ad iniquitatem non potes. Quare non respicis super inique agentes, et taces devorante impio justiorem se? Præterea, de hoc subtilissime atque pulcherrime concionatur, disputatque psalmus cujus exordium est, *Ps. lxxii, 1-3.* Quam bonus Israel Deus! Mei autem, iniquiens, pæne moti sunt pedes, pæne effusi sunt gressus mei: quia zelavi super iniquos, pacem peccatorum videns. Et iterum: *Ibid. 12, 13.* Ecce ipsi peccatores et abundantes in sæculo obtinuerunt divitias. Et dixi: Ergo sine causa justificavi cor meum, et lavi inter innocentes manus meas? Deinde *Ibid. 15.* ad oppositum arguens, addit: Si dicebam, Narrabo sic, ecce nationem filiorum tuorum reprobavi.

Sed respondendum, quod gubernatio A omnipotentis ac supersapientissimi Dei, qua mundum hominesque gubernat, utique ordinata, justa, pulcherrimaque est, nec regimen humanum illam potest imitari perfecte. Deo quippe competit quæ creavit sic regere, ut ea sinat proprios agere motus et prosequi actus. Unde unumquodque secundum ipsius naturam, qualitatem et capacitatem gubernat. Quapropter

Sap. viii, 1.

increated Sapiencia dicitur attingere a fine usque ad finem fortiter, et disponere cuncta suaviter. Quum ergo sit homo arbitrii liberi, nequaquam congruit Deo, ut hominem ad bona necessitet seu compellat, sed dirigat et inclinet. Hinc non competit Creatori secundum extremum suæ omnipotentiae gubernare creata. Sic enim nullum creatum ejus motioni et gubernationi resistere posset : unde nec aliquis mereretur.

Præterea, quum supergloriosissimus Deus sit omnium rerum ultimus finis, universalisque rector universorum, spectat ad eum res ita creare ac regere, ut in earum productione, consistentia atque regimine, sui ipsius perfectio, omnipotentia, libertas, sapientia, misericordia, justitiaque resplendant. Propter quod ait Scriptura : Omnia propter se ipsum operatus est Dominus. Et : Fecit Deus opera sua ut timeatur. Ex creaturarum enim consideratione patescit, quam metuendus, quam diligendus, quam incomparabiliter gloriosus sit Deus. Ideo

Psalm. xvi.

4.

Ecclesian.

14.

Is. xl., 26.

Rursus, in hoc quod Deus reprobis et

perversis terrena et temporalia elargitur, electis vero et justis spiritualia ac æterna impertitur, sapientia, benignitas atque justitia ejus sublimiter præsentantur, quemadmodum cernimus quod prudens paterfamilias filio dyscolo tribuit substantiam viliorem, obedienti præstantiorem. Adhuc autem, in hoc quod Deus permittit electos et justos a reprobis tribulari, et virtuosos electis varias adversitates immittit, resplendet sapientia et misericordia ejus : quia tot bona scit ex malis elicere, et electos in vita hac purgat, eisque innumerabiles atque ineffabiles commoditates per adversa procurat. In hoc quoque quod Deus inter homines ita discernit, quosdam salvando, alios relinquendo, et inter electos uni præ alio tot gratiæ dona in præsentia, tantaque gloriæ bona in patria conferendo, similiter inter reprobos unum plus alio tam horribiliter deserendo ; atque tam varie in hominibus operando, hunc in pueritia, illum in adolescentia, alium in juventute, quosdam in senectute convertendo, aliquos quoque dudum conversos tandem relinquendo, nonnullos nunquam ad fidem et gratiam perducendo : in his, inquam, atque similibus, relucet Omnipotentis libertas, et incomprehensibilitas judiciorum ipsius, terribilitas quoque divini justitiæ, et imperscrutabilitas sapientiæ Rectoris altissimi.

Ps. xxxiii., 20.

Rom. xi., 33.

Denique sancti Prophetæ, quorum verba in principio hujus articuli sunt inducta, hæc omnia, Deo illustrante, noverunt : idcirco (ut sancti doctores fatentur) præallegata verba locuti sunt potius in persona infirmorum, imperfectis morem gerentes, quam propria in persona, nisi forsitan ad insinuandum dispositionem animarum suarum, quantum ad partem earum inferiorum ac sensitivam sensibili et naturali quodam dolore repletam. Juxta quem modum (ut Thomas exponit) Job et Jeremias diei suæ nativitatis maledixerunt ; juxta quem etiam modum Christus oravit calicem sibi auferri.

Job iii., 1 ; Jer. xx., 14.

Matth. xxvi., 39.

ARTICULUS VI

CUR DEUS JUSTOS IN HAC VITA TAM MULTIPLICITER TRIBULET ET FLAGELLET.

JAM prima propositæ quæstionis particula est solvenda, videlicet, quis causa sit, et quæ sit ratio, quod justi tot tormenta, tot adversitates, tentationes et persecutiones sustinent in hac vita. Ad quod ex Scriptura veritatis, copiosa et evidens elucescit responsio. Verumtamen intue- dum, quod licet nonnulli multiplicem mali divisionem assignent, videlicet malum culpæ, malum pænæ, malum naturæ, malum fortunæ; communiter tamen ponitur bi- membris divisio mali, utpote malum culpæ, et malum pænæ. Nam malum naturæ, ut monstruositas, malum quoque fortunæ, ut diffortunium, ad malum pænæ reduci noscuntur. Dicunt ergo doctores, quod ma- lum culpæ a Deo sit permissive, et Deo adseribitur, quia sine ejus gratia non vi- tatur, neque oppositum bonum peragitur. Juxta quem modum (juxta Philosophum) sol suo recessu est causa corruptionis et infrigidationis. Hinc in Exodo Deus toties loquitur : Ego indurabo cor Pharaonis. In Deuteronomio quoque Moyses protestatur : Noluit Sehon rex Hesebon transitum dare filiis Israel, quia induraverat Dominus spi- ritum ejus, et obfirmaverat cor illius. Por- ro Isaïas in libro suarum visionum apertis- sime loquitur Deo : Quare errare nos fecisti de viis tuis, indurasti corda nostra, ne ti- meremus te ? Atque Psalmista : Declinasti semitas nostras a via tua. Postremo ipse- met Deus horum se perhibet causam ma- lorum. Ut enim secundo Regum libro scri- bitur, quum David cum uxore peccasset Uriæ, Deus per Nathan ei prædixit : Ecce ego tollam uxores tuas, et dabo eas proxi- mo tuo, et dormiet cum eis. Tu fecisti oc- culte ; ego autem faciam verbum istud in conspectu populi hujus, et in conspectu

Erod. IV,
VII, IX-XI, XIV.

Dent. II, 30;
Num. XXI,
23.

Is. LXIII, 17.

Ps. XLIII, 19.

II Reg. XII,
11, 12.

A solis. Hoc autem completum fuit, dum Absalon ad patris sui uxores manifeste ingressus est. ^{II Reg. XVI, 22.}

Sed forsitan quis dicet : Quid ergo Absa- lon forefecit, quia quod Deus se facturum prædixit, implevit ? Sed plana est solutio, si dicamus quod Deus malorum illorum non nisi permissive fuit causa. Justo enim judicio gratiam pravis aufert, et eos in di- versa labi sinit facinora. Sed tunc fortius objici potest, probando quod malorum cul- pæ etiam effectiva Deus sit causa. Siqui- dem omne esse, a primo ente efficientiali- ter profluit. Omnis quoque actio a primo agente efficienter, principaliterque proce- dit : sicut et primum libri de Causis asserit theorema, Omnis causa prima plus agit et influit quam causa secunda. Quum ergo peccata commissionis sint actus reales, quia et realem sortiuntur effectum, videtur quod eorum effectiva Deus sit causa. Præter- ea, dans complementum operi, cooperatur agenti : sed illicitissimis carnalibus copu- lis complementum Deus largitur (videmus equidem quod ex adulterinis, fornicariis, et incestuosis complexibus fetus gignun- tur, quorum animæ a Deo creantur) : Ergo tam vitiose se commiscentibus Deus co- operatur, taliumque detestabilium actuum causa effectiva convincitur. Et responden- dum, quod in peccato commissionis duo pensantur, substantia actus, et deformitas ejus. Dicunt ergo doctores, quod quantum ad substantiam actus, mala hujusmodi a Deo sunt effective ; sed quoad deformita- tem, ab ipso sunt permissive, atque a vo- luntate creata et defectiva, directe et pro- prie. Simili modo vitiosæ commixtiones præactæ, in quantum sunt quædam natu- rales operationes partis vegetativæ, a Deo

sunt effective, et sic Deus eis tribuit complementum, formam substantialem inducens, videlicet animam creando infundens: in quantum vero sunt vitiosæ, sunt ab inordinata et impia hominis voluntate.

Ex his alterius quoque satis difficilis patet solutio quæstionis. Etenim per Isaiam Deus Pater ait de unigenito Filio suo, propter nos incarnato et passo: Propter scelus populi mei percussi eum. Et iterum ibidem habetur: Deus voluit eum conterere in infirmitate. Unde in Psalmo Patri loquitur Christus: Quem tu percussisti, persecuti sunt. Et denuo: Super me (inquit) confirmatus est furor tuus, et omnes fluctus tuos induxisti super me. His concordat quod in Actis Petrus profatur apostolus: Deus qui prænuntiavit per os omnium Prophetarum pati Christum suum, implevit sic. Rursusque, apertius et mirabilius loquens, ait Judæis: Christum, definito consilio et præscientia Dei traditum, interemistis. Sed et Paulus disseruit: Proprio Filio suo non pepercit Deus, sed pro omnibus nobis tradidit illum. Itaque, si Deus Pater definito consilio tradidit Christum; si eum percussit, pati morique voluit, et quod de ejus passione prænuntiavit, implevit: quid peccavit Judas, qui tradidit illum? quid Judæi, qui ejus mortem procuraverunt? quid milites præsidis, qui eum tot affecerunt tormentis, tamque crudeliter peremerunt? Nonne manum percutientis Dei adjuvisse videntur, ejusque voluntati subministrasse?

Sed ex dictis innotescit solutio, quoniam actuum illorum quibus formaliter scelestissimi illi Christum tam impie tractaverunt et afflixerunt, passionum quoque Christo inde illatarum. Deus quantum ad actus et passionis substantiam, non quantum ad deformitatem culpabilem, fuit causa. Denique, quod Deus Pater Christum pati voluit piissima voluntate, paterna caritate et optimo fine, Judæi et ministri Pilati fecerunt voluntate pravissima, et ex rancore ac pessimo fine. Præterea, triplici ratione Pater Filium suum tradidisse per-

A cussisseque dicitur. Primo, quoniam hæc permisit. Secundo, quia animæ Christi voluntatem inspiravit, qua sponte pro hominibus Christus tradi voluit et occidi. Tertio, quia per Christi traditionem et crucifixionem humanum liberare genus decrevit. Omnipotens namque et supersapientissimus Deus, impiissimis hominum voluntatibus scit uti ad optima, et ex pessimis optima multa elicere, ut in persecutoribus atque martyribus facile est pensare.

B Insuper ex inductis, alterius quoque intricati patet solutio dubii. Ut enim secundo Regum libro legitur, quum fugeret David a facie Absalon filii sui, occurrens Semei maledixit regi David maledictione pessima, dicens: Egrederere, vir sanguinum et vir Belial. Quumque injuriam regis ulcisci vellet Abisai, ait rex: Dimittite eum ut maledicat mihi. Dominus enim præcepit ei ut malediceret David. Et quis est qui audeat dicere, Quare sic fecerit? Quocirca inquiritur, an Semei, sic maledicendo regi, peccavit. Si sic, ergo Deus præcepit peccatum, et fuit directe causa peccati: quod implicat, quum Deus gloriosus et sanctus, sit prima rectitudinis regula, veritatis atque virtutis mensura. Si non, ergo David in extremis agens, injuste filio suo Salomoni præcepit occidere Semei istum, dicendo: Habes apud te Semei qui maledixit mihi maledictione pessima. Tu ergo noli pati eum esse innoxium; deducesque canos ejus cum sanguine ad inferos. Hoc tamen sanctus David, tanquam judex ipsius Semei, juste commisit filio suo, velut successori præsentia suæ regalis (ut expositores fatentur).

Quantum circa hujus solutionem quæsi possent quamplura induci, virtualiter tamen solutum est. Nempe David tanquam vir perspicacissimus, cernens virum illum iniquum, inermem et solum, sibi tot strenuissimis pugnatoribus circumdato, ita intrepide et diutine maledicentem, consideravit quod non humano tantum instinotu id ipsum agebat, sed Deo (ut aliqui di-

Rom. viii,
32; Is. lvi,
4, 8,
I. -
J. -
17.

Rom. viii,
3, 4.

II Reg. xvi,
5-11

III Reg. ii,
8, 9.

II Reg. xvi,
6.

Is. lvi, 8.

Ibid. 10.

Ps. lxxviii,
27.
Ps. lxxviii,
8.

Act. ix, 18.

Ibid. ii, 23.

Rom. xii,
32.

Matth.

xxv, 14-16,
17-19.

Matth. xxv,
1, 2, 20, 21,
24.

Matth. 27, 30,
35.

cunt) specialiter ibi agente. Et hoc David A vocavit Dei præceptum. Semei tamen peccavit, quoniam voluntate hoc egit perversa. Ad peccatum namque plura concurrunt, videlicet liberum arbitrium, et motus ipsius in consentiendo, usus quoque ipsius in movendo potentias executivas ad actum : et omnia ista a Deo sunt, qui est auctor naturæ et operationum ejusdem. Deformitas quoque ad rationem peccati completive formaliterque concurrit : quæ non ad Deum, sed in liberi defectibilitatem arbitrii sicut in causam reducitur, B quemadmodum in claudicatione, progressio et quidquid in ea est ambulationis, ad vim motivam reducitur ut in causam; ambulationis autem defectus, in tibiæ reducitur curvitatem.

Abd. 1. Adhuc autem super illud Abdiæ, Legatum ad gentes misit, aliqui per legatum intelligunt divinum instinctum, qui adversarios Idumæorum instigavit ad impugnandum eos. Et hoc Deus recta intentione et justa fecit ex causa, quamvis illi prava intentione id fuerint executi. Unde ad C Ezechielem prophetam loquitur Deus : Fili hominis, Nabuchodonosor laborare fecit exercitum suum labore magno adversus Tyrum, et merces non est reddita ei pro servitute qua servivit mihi adversus eam. *Ibid. 19, 20.* Et ibi deinceps prædicit, quod daturus sit

regem Ægypti in manus Nabuchodonosor regis, pro præfatæ præmio servitutis. Similiter populum Judæorum dedit Deus manibus Chaldæorum propter ipsorum peccata : quoniam tamen Chaldæi per nimiam crudelitatem et impiam intentionem excesserunt exsequendo quod voluit Deus, ipsemet Deus per Jeremiam Chaldæos a Persis et Medis prædixit vastandos. Hinc quoque de rege Assyriorum per Isaiam loquitur Deus excelsus et justus : Væ Assur; virga furoris mei et baculus ipse est. *Jer. 11.* Ipse autem non sic arbitrabitur, sed ad conterendum erit cor ejus. Et in his patet subtilitas providentiæ Dei, profunditas quoque et æquitas judiciorum Altissimi, unum per alium punientis. De qua re super Danielelem, aliosque Prophetas, Hieronymus, Haymo, Beda et ceteri plura conscribunt.

Postremo, super verbum Abdiæ prædictum, aliqui per legatum intelligunt angelum : quod verum opinor, sive de angelo bono, sive de malo dictum sit angelo. In quantum enim Idumæi per sua facinora meruerunt hostibus tradi, atque in quantum Deus præordinavit eos per Chaldæos punire, sic angelus bonus contra Idumæos instigavit Chaldæos; sed in quantum Chaldæi crudeli perversoque animo id egerunt, ab angelo malo incitabantur.

ARTICULUS VII

QUOD DEUS EST CAUSA MALORUM POENALIUM ET TORMENTORUM
QUÆ ACCIDUNT JUSTIS.

HUCUSQUE ostensum est, quomodo D mala culpæ a Deo sint. Jam de malis poenæ fari oportet. Talium autem malorum, secundum doctores concorditer, Deus est proprie causa, imo principalis primaque causa, saltem in quantum sunt poenæ. *Is. xlv, 6, 7.* Unde per Isaiam loquitur Deus : Ego Do-

minus, et non est alter, formans lucem et creans tenebras, faciens pacem et creans malum. Apud Jeremiam quoque : Si poenitentiam egerit gens illa, agam et ego poenitentiam super malo quod cogitavi ut facerem ei. In Jona quoque propheta scriptum est : Misertus est Deus super malitia *Jer. xviii, 8.* *Jonæ iii, 10.*

quam locutus fuerat ut faceret eis, et non fecit. Sed et Amos ait : Si erit malum in civitate, quod Dominus non fecit?

Præterea contuendum, quod malorum pœnalia quædam sunt positiva, ut pœnæ sensibiles; quædam privativa, ut cæcitas. Et utraque secundum Scripturas a Deo sunt, sed modo diverso: quoniam malorum positivorum causa effectiva, vel prima vel proxima, Deus asseritur; malorum vero privativorum est causa, non influendo bona opposita. Unde damnatorum duplex ponitur pœna, videlicet damni et sensus. Et Christus testatur de cæco nato :

Neque hic peccavit, neque parentes ejus, ut cæcus nasceretur. Ubi insinuat, quod ex divina providentia contigit cæcitas cæco illi ad gloriam Dei, ut infra clarebit.

Si autem objiciatur illud libri Sapientiæ, Deus mortem non fecit: dicendum, quod mors, ut est privatio quædam, causam effectivam directe non habet. Deus quoque prima et principali intentione mortem homini non infligit (creavit enim ut essent omnia); sed propter hominis culpam mortem infligit ut debitam pœnam, quasi aliunde inductus ad hoc, sicut et ceteras pœnalitates immittit. Quod (ut Isaïas dis-

seruit) est opus alienum et peregrinum ab eo, cui proprium est misereri semper et parcere, quoniam ex propria ei id competit bonitate et pietate. Idcirco in libro Sapientiæ habetur: Invidia diaboli mors introivit in orbem terrarum. Itaque, malorum pœnalia positivorum Deus causa est effectiva, principalis, prima et summa. Dum tamen talia homini pro suis ingeruntur peccatis, voluntas humana est eorum meritoria causa. Diabolus vero causa est persuasiva, suis tentationibus inclinando ad vitia; et nonnunquam est causa talium executiva, tanquam divinæ instrumentum justitiæ, juxta illud Job:

Qui fecit illum, applicabit gladium ejus. Quocirca pensandum, quia, ut super illud Job, Fuit possessio ejus septem millia ovium, Thomas scribit: Ex prima Dei intentione justis semper bona tribuuntur a

Deo, non solum spiritualia, sed temporalia quoque; sed quod justis adversitatibus quandoque premuntur, ob aliquam specialem accidit causam. Unde et a principio sic institutus fuit homo, quod nullis adversitatibus subjaceret, si in innocentia permansisset: qua amissa, diversis ex causis inflicta sunt homini a Deo adversa.

Insuper, quomodo unus et idem effectus per comparisonem ejus ad primam causam et infallibilem ac æternam providentiam ejus necessario fiat, utpote certa et infallibili causarum connexionione ac ordine veniens, qui tamen per comparisonem ad causas secundas et proximas, contingenter ac libere, seu etiam casualiter accidit, Boetius libro de Consolatione sapientissime docet: quod, brevitati studens, commemorare omitto. Quum ergo irrationalia, inanimata, et infima quoque providentiæ subsint divinæ, et in cunctis disponantur ab ea, quanto magis rationalis creatura, et universa quæ contingunt in ea? Propter quod ait Salvator: Nonne

quinque passeress veneunt dipondio, et unus ex illis non est in oblivione coram Deo? Ideo subdit ibidem: Vestri autem et capilli capitis numerati sunt. Nolite ergo timere; multis passeribus pluri estis.

Hinc constat, quod quidquid adversitatis acciderit homini, a quacumque etiam creatura seu causa creata, totum originaliter principaliterque ab illa altissima divinæ providentiæ (quæ causa est rerum) aula procedit, et ei provisum est, non utique nisi utiliter atque salubriter, dummodo bene utatur. Prædestinatis autem seu justis elæctis talia saluberrime accidunt, quippe quibus omnia cooperantur in bonum. Et ista est causa præcipua, cur cuncta adversa æquanimiter ferre debemus, atque in eis nostram conformare voluntatem voluntati et beneplacito ac providentiæ Dei, scientes quod ex præordinatione divina pro bono nostro hujusmodi accidunt nobis. Unde et inferentibus ea condolare, non indignari debemus: quia per eos

Luc. xii, 6.

Ibid. 7.

Rom. viii.

2.

Deus salutem nobis procurat et operatur. A
quoniam ipsis id noceat quod perse-
quuntur electos. Porro, dum a praelatis
suis quis castigatur, patientissime atque
hilariter pati debet, quum illi ipsius quæ-
rant salutem, et ex caritate id faciant. Si
autem non meruit, aut durius disciplina-
tur, nihilo minus patiens sit, quoniam
exercetur salubriter, et si patiens fuerit,
multum meretur.

Quod itaque mala pœnalia et justorum
tormenta a Deo potissime sint, Scriptura
copiosissime docet. Nam sanctus Job a

*J. i. 17. n.
7. 12*

Ibid. 21.

Chaldæis prædatus, a dæmone flagellatus,
a tempestate sobole destitutus, perhibuit :
Dominus dedit, Dominus abstulit : sicut
Domino placuit, ita factum est. Non dixit,
Diabolus abstulit : vel, Chaldæi prædati
sunt : aut, Sicut diabolo placuit. Denique
Satan non dixit ad Deum, Concede ut tan-

Ibid. n. 5.

Tob. i. 14.

Ibid. xl. 17.

*1 Reg. iv.
2. 3.*

gam eum ; sed, Tange os ejus et carnem.
Tobias quoque ex stercoribus hirundinum
cæcus factus, loquitur Deo : Benedico te,
quia tu castigasti me. Sic et filii Israel a
Philistæis cæsi, dixerunt : Quare percussit
nos Dominus coram Philistiim ? Postremo,
quum ex divina providentia justis adver-
sa, et impiis accidunt prospera, de impio-
rum temporali prosperitate et potestate
non debemus tristari, quum justo atque
occulto id fiat judicio. Ideo ait Scriptura :
Noli æmulari in malignantibus, neque ze-
laveris facientes iniquitatem.

*Ps. xxxvi.
1*

Quod si quis instet et dicat, quia secun-
dum Aristotelem, de impiorum prosperi-
tate dolendum est, respondet Thomas, quod
Aristoteles non consideravit temporalia bo-
na, nisi per comparisonem ad vitam præ-
sentem. Ex hac tamen solutione oritur
difficultas, quum ex ea videatur posse in-
ferri, quod secundum Aristotelem, Deus
non haberet rerum et operationum provi-
dentiam humanarum. Sed hanc difficulta-
tem, quæ paucis non valet expediri ser-
monibus, brevitati studens, dimitto. Si
rursus dicatur, quod quum Deus sit ju-
stus, non nisi justum ab ipso procedit ;
sed justos pati tormenta, non jam justum

videtur : dicendum, quod sive pro suis
venialibus culpis, sive pro aliis causis se-
quenti articulo tangendis, justi patiantur
tormenta, justum est per respectum ad
Deum, qui non nisi ex rationabili causa
hoc agit. Verumtamen (teste Anselmo) du-
pliciter dicitur aliquid justum secundum
Deum. Primo et extense, quoniam decet
Deum seu bonitatem aut sapientiam ejus.
Secundo, quia ejus justitia id requirit,
præsertim per comparisonem ad merita
sive demerita aliorum. Dum ergo dicitur
a justo Deo non esse nisi justum, intelli-
gendum est de justo communiter sumpto :
alias falleret, quum Deus multis, recla-
mantibus eorum demeritis, misericordis-
sime jam succurrat et gratiam præstet :
quod tamen justum est primo modo, quia
tam bonus et pius est Deus, ut deceat eum
peccatoribus misereri. Unde et miseratio-
nes ejus sunt super omnia opera ejus.

Ps. cxliv. 9.

Postremo, sicut Gregorius Boetiusque
fatentur, quamvis judicia Dei occulta et
mira sint, dum electis et bonis proveniunt
aspera et adversa, reprobis vero prospera
et jucunda ; multo tamen secretiora et mi-
rabilia sunt Dei judicia, dum electis in
hac vita accidunt prospera, reprobis vero
adversa. Electi namque sunt in sæculo isto
tanquam in exilio, lacrimarum valle, ubi
adversa expediunt eis magis quam prospe-
ra. Hinc viris illuminatis, virtuosis, perfe-
ctis, prosperitas valde suspecta est, et in
ea plus metuunt, formidantes ne in præ-
senti pro suis remunerentur operibus, au-
diantque cum divite epulone : Recepisti
bona in vita tua. Eapropter, dum honori-
bus extolluntur, dum ad sublimia promo-
ventur, dum aliis præficiuntur, atque ab
hominibus reputantur, non mediocriter
expavescunt, sed interno concutiuntur ti-
more, non ignorantes illud Gregorii : Hos
eligit Deus, quos despicit mundus ; imo
illud Apostoli : Abjecta et infirma ac stul-
ta mundi elegit Deus, etc. ; illud etiam
Psalmographi : Quoniam Deus dissipavit
ossa eorum qui hominibus placent ; con-
fusi sunt, quoniam Deus sprevit eos. Cui

*Luc. xvi.
25.*

*1 Cor. i. 28.
27.*

Ps. lxi. 6.

Galat. 10. illud consonat Pauli : Si hominibus place-
rem, Christi servus non essem. Verum hæc
omnia sane sunt intelligenda, quum idem
1 Cor. x. 33. dicat Apostolus : Ego per omnia omnibus
placeo, non quærens quod mihi utile est.
Rom. xv. 2. Et denuo : Unusquisque proximo suo pla-
ceat in bonum ad ædificationem. Propter

A quod monet Scriptura : Curam habe de *Ecclesiast.*
bono nomine. Unde, qui negligit famam,
erudelis est. Potissime si quis in materia
fidei mendaciter diffametur, reus debet
secundum Deum pro posse, seque loco et
tempore congruis expurgare secundum
Sanctorum doctrinam.

ARTICULUS VIII

DE VARIIS CAUSIS TRIBULATIONUM HOMINUM IN HAC VITA : DE MULTIPLICI QUOQUE
UTILITATE ADVERSITATUM ET TRIBULATIONUM.

UT ab omnium capite electorum, justo
justorum, et Sancto Sanctorum unico
Dei Filio inchoetur, interdum tribulatio,
tentatio, adversitas accidit justo nequa-
quam pro proprio ejus peccato, nec actu-
ali nec originali, neque propter profectum
ejus in gratia gratum faciente in via, ne-
que ob gloriam præmii essentialis in pa-
tria, sed pro aliorum reconciliatione atque
salute. Et hoc soli competit Christo, de
quo scriptum est : Dominus posuit in eo
iniquitatem omnium nostrum. Vere dolo-
res nostros ipse portavit. Cujus livore sa-
nati sumus. De quo in Apocalypsi recolit-
Is. l. III, 6,
v. 5.
Apoc. 1, 5.
ur : Qui dilexit nos, et lavit nos a peccatis
nostris in sanguine suo. Christus autem a
primo suæ incarnationis instanti perfectus
fuit in omni charismate gratiæ gratum fa-
cientis, atque in donis gloriæ beatificæ
fruitionis, neque in his unquam profecit ;
nec horum quidpiam meruit sibi (verum-
tamen accidentale præmium sibi ipsi pro-
meruit) ; sed in universis quæ in mundo
hoc egit, dixit et pertulit, promeruit no-
bis ; ejusque meritum per sacramenta Ec-
clesiæ, quæ sunt velut medicinalia vasa
medicamenti cœlestis, applicatur homi-
nibus.

Secundo, contingit tribulatio justo ne-
quaquam pro aliquo ejus proprio actuali
peccato, sed ad incrementum ipsius in

B donis gratiæ in præsentī, in donisque glo-
riæ in futuro. Et ita sacratissima virgo
Maria plures acerbissimas in hac vita pas-
sa est tribulationes, præsertim ex compas-
sione Filii sui a die nativitatis ejus ex ea,
usque ad horam suæ crucifixionis, et post-
ea sæpe. Nempe (ut quidam Sanctorum
scripserunt) tempore infantix Christi, be-
nignissima Mater ejus infantilia membra
ejus conspiciendo et contrectando, vehe-
mentissimo afficiebatur dolore, quia co-
gnovit et ubertim consideravit, quam ama-
rissima morte unicus et amantissimus
C Filius suus esset a crudelissimis occiden-
dus, quomodo confodiendus. Unde non-
nunquam ex mœroris magnitudine quasi
defecit. Deinde usque ad tempus quo Chri-
stus orsus est prædicare, talibus sæpe af-
flieta est pœnis. Nec dubium, quin videns
Filium suum a Judæis toties irrideri, bla-
sphemari, ad mortemque impeti, cordia-
lissime condolebat. Porro, tempore passi-
onis adeo amaritudinibus est repleta, ut
non immerito asserat Damascenus, dolo-
rem parturientium tunc duplicatum in ea.
D Sed et post Christi passionem, loca pas-
sionis ipsius, resurrectionis, ascensionisque
visitando, variis affligebatur affectionum
doloribus, jam Filii sui passionem ad me-
moriā revocando, jam ad ejus faciem
in patria præsentiam suspirando.

Tertio, contingit tribulatio justis, ut citius et gloriosius coronentur, et sua patientia atque constantia alios in fide confirmant, in caritate succendant, ad fortitudinem animi patientiamque conducant : quibus tamen tribulatio potest ad delenda si quæ habeant peccata, saltem venialia, esse accommoda, quemadmodum martyres sancti. Unde de B. Cypriano, qui ab hæreticis baptizatos, rebaptizandos putavit, asserit Augustinus, quod si quid in illo fuit purgandum, falce martyrii est deletum.

Præterea advertendum, quod tribulatio justorum, non eis dumtaxat, sed toti militanti Ecclesiæ prodest et subvenit : quoniam viatoribus merita communicantur Sanctorum per unionem caritatis ad illos, in concessionibus indulgentiarum, aut aliis modis, juxta illud Apostoli ad Colossenses : Gaudeo in passionibus pro vobis, et adimpleo ea quæ desunt passionum Christi in carne mea, pro corpore ejus quod est Ecclesia. Quocirca scribit Nicolaus de Gorra : Passiones quas pertulit Christus, et quas sustinent ejus fideles, sunt quasi quædam res publica, seu commune bonum, et thesaurus Ecclesiæ, in quo quilibet ponit partem suam : sicut in vase ad eleemosynam posito super mensam, omnes aliquid ponunt, donec adimpleatur. Qui thesaurus usque in finem sæculi plenus non erit : de quo tam liberales indulgentiæ fiunt. Itaque ait Apostolus : Adimpleo quæ desunt passionum Christi, id est, passionibus, persecutiones seu pœnas quas pertulit Christus, et quas ipse pati me vult, quotidie tolero, Christi passionibus communicando in carne mea, in qua tanta sustineo pro corpore ejus quod est Ecclesia, scilicet ad commune bonum Ecclesiæ. Sed quæritur, quomodo ait, Quæ desunt passionum Christi, quum passio Christi fuerit prorsus sufficiens. Ad hoc datur duplex responsio : Una, dicentium quod in passione Christi nihil deest, quoad sufficientiam, sed quantum ad efficientiam. Alia, asserentium quod passionibus Christi dicuntur dupliciter : uno modo, quas pas-

sus est in corpore proprio, et sic nihil fuit ibi implendum ; alio modo, secundum quod in suis patitur membris, puta fidelibus, (unde et Paulo dixit, Quid me persequeris ?) et sic est ibi aliquid adimplendum.

Quarto, patiuntur electi et justii propter eorum peccata præterita, quemadmodum David propter excessum cum uxore Uriæ passus est multa. Et filii Israel in libro Judicium ob hanc causam sæpe tribulati leguntur. — Quinto, ut occulta eorum patientia atque perfectio, aliis in exemplum publice proponantur, sicut de sancto Job ait Gregorius. — Sexto, ut diversa æquanimitèr sustinendo, probati, Deoque digni appareant. Unde Tobiae Raphael dixit : Quia acceptus eras Deo, necesse fuit ut tentatio probaret te. Et sapiens quidam : Deus tentavit illos, et invenit illos dignos se ; tanquam aurum in fornace probavit electos. Ecclesiasticus quoque ait : Vasa figuli probat fornax, et homines justos tentatio tribulationis. — Septimo, ut sustinendo adversa, capiti suo Christo plenius conformentur, dicente apostolo Petro : Christus passus est pro nobis, vobis relinquens exemplum, ut sequamini vestigia ejus. Hinc Paulus ait : Si compatimur, et conregnabimus. — Octavo, ut per adversitatum tolerantiam in hac vita, a gravissimis et diuturnis purgatorii eruantur suppliciis, celeriusque pertingant ad gloriam. — Nono, ut tentationes et tribulationes ferendo, in spirituali militia fiant experti, sicque et aliis consilere queant, et compati pròni sint. Hinc in Ecclesiastico habetur : Qui non est tentatus, quid scit ?

Decimo, ut ex afflictionibus et adversis ac tentationibus, propriam homo insufficientiam, infirmitatem, culpam et periculationem advertat, sicque ad Deum confugiat, et erudiatur ab eo. Propter quod Isaias inducit : Domine, in angustia requisierunt te, in tribulatione murmuris doctrina tua eis. Et denuo loquitur Isaias : Tantummodo sola vexatio dabit intellectum auditui. Hinc ad Jeremiam loquitur Deus : Castigabo te in iudicio, ne tibi videaris innoxius.

Act. ix, 4.

II Reg. xii, 9-12, 14, 18; xvi, 22.

Judic. ii, 14-15; iii, 6-8, 12-14; iv, 1, 2; vi, 1-6; x, 6-9; xiii, 1.

Tob. xii, 13.

Sap. iii, 5, 6.

Eccli. xxvii, 6.

I Petr. ii, 21.

II Tim. ii, 12.

Eccli. xxxiv, 9.

Is. xxvi, 16.

Ibid. xxviii, 19.

Jer. xxx, 11.

Coloss. i, 24.

Osee II, 6. Et per Osee : Ecce ego sepiam viam tuam spinis. — Undecimo, ut homo ex adversis quæ patitur,umat fiduciam divinæ dilectionis ad se, et gratias agat : et patientiam servans, in gratia multa proficiat. Ideo secundo Machabæorum libro asseritur : Etenim non diu sinere peccatoribus ex sententia agere, sed statim ultiones adhibere, magni beneficii est indicium. Si quidem nulla est gravior aut horribilior Dei vindicta, quam dum hominem ad libitum sine castigatione paterna peccare permittit. Idcirco per Ezechielem reprobo ait : Zelus meus recessit a te ; non irascar tibi amplius. Et per Osee : Non visitabo super filias vestras quum fuerint fornicatæ. Atque in Psalmo : Dimisi eos secundum desideria cordis eorum, etc. — Duodecimo, ne homo ex spiritualis profectus et gratiæ magnitudine extollatur. Propter quod Paulus fatetur : Ne magnitudo revelationum extollat me, datus est mihi angelus Sathanæ, etc. — Tertiodecimo, propter manifestationem potentiæ et misericordiæ Dei, et ob gloriam ejus : quemadmodum in Joanne loquitur Christus de cæco nato, quod cæcus sit natus ut manifestentur opera Dei in illo.

Quartodecimo, ut justitia Dei in afflictione pravorum appareat : quorum quidam per pœnas transitorias corriguntur ; aliorum, utpote impœnitentium, pœna hic inchoatur, et in alio sæculo perpetuatur, ut Herodis, Antiochi atque similibus. Sed contra hoc objici posset, quia, ut scribit Nahum, Non consurget duplex tribulatio :

ubi alia habet translatio. Non vindicabit Dominus bis in id ipsum. Quo in loco videtur sentire Hieronymus, quod Sodomitæ, et in diluvio pereuntes, ac similiter a Deo plagati in eremo, non sint damnati. Sed, ut in Decreto plene edocet Gratianus, videtur illud Hieronymi non posse intelligi, nisi de illis qui in ipsa Dei plagatione veraciter pœnituerunt. Verbum quoque Nahum prophetæ exponitur de tribulatione sufficienti, quia non ultra condignum, imò citra condignum punit Deus piissimus.

Dum ergo tot sint tribulationum saluberrimæ utilitates, clarum est quam prompte et gaudiose sint perferendæ. Propter quod Jacobus exhortatur : Omne gaudium existimate, fratres, quum in diversas tentationes incideritis. In Proverbiorum quoque libro legitur : Disciplinam Domini, fili mi, ne abjicias, et ne deficias quum ab eo corripieris. Quem enim diligit Dominus, corripit ; et quasi pater in filio complacet sibi. Hinc est illud in Job : Beatus homo qui corripitur a Domino. Increpationem ergo Domini ne reprobes, quoniam ipse vulnerat, et medetur ; percutit, et manus ejus sanabunt.

Ex quibus omnibus constat, quam sapienter Gregorius Boetiusque locuti sint, quod tunc judicia Dei sunt occultissima, dum electis in hoc sæculo proveniunt prospera, reprobis autem adversa : præsertim quum ad Hebræos scribat Apostolus, Quod si extra disciplinam estis, ergo adulteri, et non filii estis.

ARTICULUS IX

CONFIRMATIO PREDICTORUM EX DICTIS SANCTORUM.

QUEMADMODUM illustrissimus pater Dæstinae partibus solitudo vastissima est, in qua summæ vitæ ac sanctitatis monachi diutissime commorantes, repente sunt a discurrentibus Sarraecenorum latrunculis

interempti. Quorum corpora licet (inquit) A sciremus tam a pontificibus regionis, quam ab universa Arabum plebe, tanta veneratione prærepta, et inter reliquias martyrum condita, ut innumeri populi e duobus oppidis concurrentes, gravissimum sibi invicem certamen indixerint, et usque ad gladiatorum conflictum pro sancta rapina sit eorum progressa contentio, dum pia inter se devotione decertant, quisnam justius illorum Sanctorum sepulturam atque reliquias possideret, aliis scilicet de vicina commorationis ipsorum, aliis de originis propinquitate gloriantibus; nos tamen (ait Cassianus) vel nostra, vel quorundam fratrum scandalizatorum offensione non mediocriter ex hac causa permoti, et inquirentes cur tantarum viros virtutum cunctis mirabiles, tradiderit Dominus manibus impiorum, mœsti ad S. Theodorum anachoretam perreximus.

Cui quum de prædictorum virorum nece querimoniam fudissemus, tantam Dei patientiam admirantes, beatus respondit Theodorus: Hæc quæstio illorum solet animos permovere, qui parum fidei vel scientiæ possidentes, merita Sanctorum quæ in futuro remunerantur, arbitrantur in hac vita restitui. Ceterum nos, qui non sumus in hac vita tantum sperantes in Christo, ne miserabiliores simus omnibus hominibus, nosse debemus quid sit vere bonum, quid malum. Etenim tria sunt omnia quæ in mundo hoc sunt, id est bonum, malum et medium. Nihil igitur in rebus humanis principale bonum credendum est, nisi sola animi virtus, quæ fide sincera nos ad divina perducens, illi summo, infinito et

incommutabili bono facit nos jugiter inhærere. Et econtrario, nihil malum esse dicendum est, nisi peccatum solum, quod a Deo nos separans, facit diabolo incorporari. Media autem sunt, quæ ad utramque partem possunt pro utentis affectu atque arbitrio derivari, utpote divitiæ, potestas, honor, robur et sanitas, corporis pulchritudo, vita ipsa et mors, paupertas, infirmitas atque similia, quæ bene utenti conferunt ad salutem, abutenti ad condemnationem. Porro, mala hæc, puta peccata, nulli inferri possunt invito, nec Deus id sinit. Hinc cor nostrum stabile esse debet, ut nec adversis frangatur, nec prosperis extollatur, quatenus omnia cooperentur ei in bonum. Unde mens justis similis esse non debet ceræ, quæ imprimentium semper cedit characteri, sed signatorio adamantino, ut inviolabilem sui characteris figuram jugiter tenens, universa quæ sibi incurrerint, ad qualitatem sui status transformet et signet, ipsa vero insigniri aut immutari nullis possit incursibus.

C De hac ipsa materia in præallegata collatione multa continentur: quæ hic utiliter possent induci, nisi (cui studeo) brevitatis prohiberet. Denique quibusdam Sanctis legitur Christus dixisse: Sicut annulus signum est desponsationis, sic tribulatio corporis et animæ verissimum signum est electionis divinæ, et quasi desponsatio animæ cum Deo, ut gravatus et tribulatus, confidenter dicere valeat Deo: Annulo suo subarrhavit me Dominus Jesus Christus. Hinc ait Scriptura: Juxta est Dominus his qui tribulato sunt corde. De impiis autem: Non est virga Dei super illos.

Rom. viii, 28.

Ps. cxviii, 19.

Job xxi, 9.

ARTICULUS X

RESPONSIO. CUR QUI BENE EGERUNT, FINALITER DEFICIUNT.

SOLVENDA jam est clausula propositæ A
 quæstionis secunda. Quæ clausula (ut
 secundo tangebatur articulo) multipliciter
 potest intelligi, et juxta hoc multipliciter
 solvi. Si ergo sic intelligatur, Videmus eos
 qui bene egerunt, finaliter deficere, id est
 a cœpto salutis itinere cadere et cessare,
 non perseverando usque in finem: respon-
 dendum est ita, quod hujus ruinæ et in-
 constantiæ seu defectus causa immediata,
 directa et propria, est voluntas propria
 ejus qui deficit, cadit et peccat: quæ non
 obedit Apostolo edocenti. Nolite locum da-
 re diabolo: itemque, Benefacientes nolite
 deficere; et rursus, Stabiles estote et im-
 mobiles, abundantes in opere Domini sem-
 per, scientes quod labor vester non est
 inanis in Domino. Voluntas namque crea-
 ta, in quantum ex nihilo est, vanitati et
 mutabilitati subjecta est, et prona in ma-
 lum, prout libro de Civitate Dei Augusti-
 nus pertractat.

Sunt vero et aliæ causæ infirmitatis et
 labilitatis voluntatis humanæ. Primo, ex
 parte corruptibilis corporis et carnis infe-
 ctæ, dicente Scriptura: Corpus quod cor-
 rumpitur, aggravat animam, et deprimit
 terrena inhabitatio sensum multa cogitan-
 tem. Et juxta Apostolum: Caro concupiscit
 adversus spiritum. Sed et in Job habetur:
 Qui habitant domos luteas, consumeruntur
 velut a tineâ. De hoc etiam in Phædone
 subtiliter loquitur Plato. Secundo, ex vul-
 neratione naturalium ratione originalis
 peccati, ex quo quatuor vulnera animæ
 infliguntur, videlicet ignorantia in intelle-
 ctu, malitia in voluntate, infirmitas in ira-
 scibili, concupiscentia in concupiscibili.
 Unde in Ecclesiastico legitur: Jugum grave
 super omnes filios Adæ. Tertio, ex natu-

rali conditione rationalis animæ, quæ ita
 se habet in ordine intellectualium sub-
 stantiarum, sicut materia prima in ordine
 entium, secundum philosophos: idcirco
 intellectuale lumen multum in ea occum-
 bit, voluntatisque vigor infirmus est, et
 vis ipsa instabilis. Quarto, ex tentationum
 impulsu, sive a diabolo, sive a mundo, si-
 ve ex passionibus infligantur. Itaque ho-
 mo ex sua desidia atque ignavia, libere
 causa est suæ finalis defectionis, imperse-
 verantiæ atque ruinæ. Si vero diabolus
 causa hujus dicatur, non est nisi causa
 persuadens, instigans, sive inclinans, non
 cogens. Deus autem causa istius non est,
 nisi non conservando seu gratiam subtra-
 hendo: quod justo agit judicio.

Præterea, si altius inquiretur, cur unum
 labentium Deus misericorditer revocat, ad
 gratiamque reducit et salvat; alium, quum
 ceciderit, non sublevat neque reducit, sed
 finaliter perire permittit: ad hanc quæ-
 stionem respondet Apostolus: O altitudo
 divitiarum sapientiæ et scientiæ Dei! quam
 incomprehensibilia sunt judicia ejus, et
 investigabiles viæ ejus! Quis enim cogno-
 vit sensum Domini? aut quis consiliarius
 ejus fuit? Hinc in Proverbiis Salomon di-
 xit: Sicut qui mel comedit multum, non
 est ei bonum; sic qui perscrutator est
 majestatis, opprimetur a gloria. Sapienter
 igitur consulit nobis Ecclesiasticus: Al-
 tiora te ne quæsieris, et fortiora te ne
 scrutatus fueris; sed quæ præcepit tibi
 Deus, illa cogita semper. Ideo loquitur Au-
 gustinus: Quem trahat, et quem non tra-
 hat; quare istum trahat, et illum non
 trahat: noli velle judicare, si non vis er-
 rare. Semel accipe et intellige. Nondum
 traheris? ora ut traharis. Denique (teste

Ephes. iv,
 27.
II Thess. iii,
 13.
I Cor. xv,
 58.

Rom. viii,
 20.
Gen. viii,
 21.

Sap. ix, 15.

Galat. v, 17.

Job iv, 19.

Eccli. x, 1

Rom. xi,
 33, 34.

Prov. xxv,
 27.

Eccli. iii,
 22.

Gregorio) iste bene incipit, et bene consummat; ille bene incipit, et male finit; alius male incipit, et tandem convertitur ac salvatur.

Sed cur Deus dat gratiam ei quem scit non perseveraturum, et hoc in juventute ipsius: alium in juventute permittit errare, et postea eum convertit, qui tamen etiam in juventute perseveranter mansisset in gratia, si eam tunc accepisset? Unus pæne toto tempore vitæ suæ pessime vivit, et circa finem convertitur ac salvatur; alius a pueritia bene se habet, et ætate ad occasum vergente relinquitur, imo magis relinquit. Una anima gentilium embryoni infunditur, gratiamque Baptismi nunquam sortitur; alia Christianorum embryoni immittitur, et Baptismi donum consequitur. Interdum quoque anima ante Baptismum a corpore separatur: et quædam post Baptismum ante rationis usum a corporibus exeunt et salvantur. Denique ad Ezechielem Dominus ait: Non ad gentem ignotæ linguæ tu mitteris: et si ad illam mittereris, audiret te. Sed ad filios Israel ego te

Ezech. ix.
5-7.

mitto, qui nolunt audire te. Ecce misit Deus Prophetam ad eos quos novit non audituros, et non misit eum ad illos quos noverat audituros, si misisset eum ad illos. Nonne mirabile satis est hoc ipsum iudicium? Cui tamen concordat Christus, in Evangelio ingratius urbibus exprobrans,

Matth. xi.
23, 24.

quibus personaliter prædicavit: Væ (inquit) tibi, Capharnaum, etc., quia si in Tyro et Sidone facta fuissent signa quæ facta sunt in te, olim pœnitentiam egissent. Horum atque similium reddere rationem, intellectum excedit humanum, nisi dicamus simpliciter, quod voluntas et complacentia Dei est causa: sicut et Christus,

Luc. x. 21.

quum dixisset, Confiteor tibi, Pater, Domine cœli et terræ, quia abscondisti hæc a sapientibus et prudentibus, et revelasti ea parvulis, quasi causam assignans, adjecit: Etiam, Pater, quia sic placuit ante te. Quemadmodum etiam ait Psalmista Altissimo: Dextera tua, et brachium tuum, et illuminatio vultus tui, supple. salvavit

Ps. xliii. 4.

A illos, quoniam complacuiisti in eis. Hinc in Exodo loquitur Deus: Miserebor cui voluero, et clemens ero in quem mihi placuerit.

Exod.
xxxiii, 19

Præterea, si iterum aliquis sciscitetur, cur istum magis quam illum revocat Deus, nonne potest responderi, quia hunc prædestinavit, non illum? Et si rursus huius quærat causa, nonne veraciter respondetur, quia istum elegit, non illum? Porro, et si huius ratio investigetur, nonne rationabiliter dicitur, quia hunc magis approbavit, quam illum? Siquidem, secundum ordinem rationis, prædestinationem præcedit electio, et electionem approbatio, ut super primum Sententiarum scribunt doctores. Sed si accipiatur prædestinationio, prout electionem et approbationem includit, quomodo etiam communiter sumitur, quid poterit responderi? Forsitan dicetur, quod iste aliqua bona ante fecit, magis quam ille, ideo revocatur magis quam alter. Sed dato quod hoc aliquando et in aliquibus rite respondeatur, non tamen in omnibus locum habet, quum aliqui post longam ac sanctissimam eremiticam vitam (teste Hieronymo) lapsi sint, nec reducti; alii post modicam Dei servitutem collapsi, sunt revocati.

Insuper, quamvis verum esset, quod aliqui dicunt, Deum semper ad aliquam congruitatem respicere, quoad eos quibus gratia datur, conferendo gratiam uni magis quam alteri; si tamen totus prædestinationis effectus simul accipiatur, istud veritatem non habet. Nam quidquid congruitatis assignetur ex parte prædestinationum, hoc totum cadit sub providentia prædestinationeque Dei, quæ non solum concernit gratiam finalem in præsentem et gloriam in futuro, sed etiam omnia illa, per quæ prædestinatus pertingit ad gratiam viæ et gloriam patriæ, tam in remotione impedimentorum, quam in adeptione necessariorum atque utilium auxiliorum. Certum est autem, quod partialis effectus esse non possit causa totius effectus prædestinationis, quia sic esset causa sui ip-

sus. Propterea, si totus prædestinationis effectus simul sumatur, non poterit ratio assignari, cur istum magis quam illum prædestinaverit Deus, et cur istum reducit, non illum, nisi divina voluntas, quæ est omnium prima causa : quamvis in generali causa detur, cur quosdam prædestinavit, et alios reprobavit, ut scilicet in istis misericordiam, in illis justitiam suam ostendat. Cujus exemplum in artificialibus naturalibusque monstratur, ut quod ex eodem luto figulus facit unum vas pulchrum ad honorabiles usus, aliud deforme ad usus viles, ratio datur, quia utrisque vasis indiget domus. Quod autem ex hac parte luti potius facit vas pulchrum quam turpe, non est ratio nisi voluntas ipsius, quum utraque pars luti sit æque disposita. Similiter in prima rerum creatione, causa præstatur, cur una pars materiæ sit sub forma ista, alia pars materiæ sub forma illa ; non autem cur determinate ista pars materiæ sit sub forma aquæ, illa sub forma terræ aut aeris (quum secundum se indifferenter ad illas formas se habeat), nisi Creatoris voluntas.

Hinc ad Romanos apertissime dicit Apostolus : Igitur non volentis, neque currentis, sed miserentis est Dei. Dicit enim Scriptura Pharaoni : Quia in hoc ipsum excitavi te, ut ostendam in te virtutem meam, et enarretur nomen meum in universa terra. Dicis itaque mihi : Ergo cujus vult, miseretur ; et quem vult, indurat. Voluntati autem ejus quis resistit ? Ad hoc respondens Apostolus, subdit : O homo, tu quis es, qui respondeas Deo ? Numquid dicit figmentum ei qui se finxit, Cur me fecisti sic ? Annon habet potestatem figulus luti, ex eadem massa facere aliud quidem vas in honorem, aliud vero in contumeliam ? Postea quoque : Vide, inquit, bonitatem, et severitatem Dei : in eos quidem qui ceciderunt, severitatem ; in te autem bonitatem, si tamen permanseris in bonitate. His verbis Apostoli, Jeremiæ et Isaïæ consonant verba. Nempe, per Jeremiam loquitur Deus : Numquid sicut figu-

lus non potero vobis facere, domus Israel ? Ecce sicut lutum in manu figuli, ita et vos in manu mea. Isaïas quoque inducit : Væ qui contradicit factori suo. Numquid dicit lutum figulo suo, Quid facis ?

Sed tunc rursus quæstio oritur. Quum etenim ratio comparetur regi, et voluntas tyranno, si summa primaque causa prædestinationis et electionis unius præ alio, est mera Dei voluntas, videtur tyrannicum esse negotium, irrationabile et injustum. Sed respondendum, quod aliter est de increata voluntate divina, quam de voluntate creata. In Deo etenim superbeatissimo et æterno, realiter idem sunt voluntas, sapientia, atque justitia ; sed in creaturis hæc differunt. Ideirco, eo ipso quo Deus sic agit et vult, justum ac sapientiale existit ; nec sine ratione Deus sic agit, quamvis illam in speciali assignare nemo idoneus sit.

Postremo, de materia ista, non nisi cum ingenti reverentia et timore, cum sobrietate meditari debemus et loqui. Ea quoque quæ dicta sunt, electis reverentialem timorem incutiant grandem, scientibus quam vere Ecclesiastes dicat, Nescit homo utrum amore an odio dignus sit ; quam item veraciter rursus Salomon proferat, Considera opera Dei, quod nemo possit corrigere quem ille despexerit. Quæ autem jam scripsi, Thomas, Bonaventura, Richardus de Mediavilla, Durandus, et alii multi super primum Sententiarum conscribunt.

Præterea, si clausula memorata intelligatur de malis pœnalibus, scilicet, quod qui bene egerunt, finaliter dicuntur deficere, quia usque ad finem adversitatibus afficiuntur, violenterve occiduntur : tunc ex præcedentibus articulis patet, cur ita contingat, et quomodo Deus sit causa hujus, et quare sic ordinavit et facit, videlicet propter multiplicem utilitatem electis inde nascentem.

Si demum intelligatur quantum ad hoc, quod qui bene egerunt, subinde adversitatibus cedunt, et acerbitate pœnarum vincuntur, persecutionibusque succumbunt (ut illi qui in persecutionibus constituti

Rom. ix, 23, 22.

Ibid. 21.

II Tim. ii, 20.

Rom. ix, 19.

Ibid. 20, 21.

Ibid. xi, 22.

Jer. xviii, 6.

Is. xlv, 9.

Eccle. ix, 1.

Ibid. vii, 14.

fidem timore supplicii negaverunt : quo-
Matth. x. contra ait Salvator, Nolite timere eos qui
 28. corpus occidunt); tunc ex dictis in isto articulo claret solutio. Causa enim directa et propria defectionis illius culpabilis, propria est voluntas, quæ a fortitudine animi

cadens, mollitiei dat locum, nec ad Deum digne confugit ejus quærendo auxilium. Persecutores autem et dæmones tentatores, sunt causæ deficientiæ talis dispositivæ, motivæ et occasionales, ut dictum est plenius.

ARTICULUS XI

SOLUTIO PARTICULÆ TERTIÆ, SCILICET, UNDE PROVENIAT QUOD MALOS VIDEMUS SEPE OPTIME MORI.

SI mali in malitia finaliter permanen-
 tes, ideirco optime mori dicantur, quia in prosperitate mundana, et præsentia ac consolatione amicorum ac propinquorum, et leni quodammodo morte decedunt, hoc ex providentia Dei et justo ejus procedit judicio : vel quia fortasse aliquid boni egerunt, pro quo in vita hac præmiantur, quemadmodum diviti epuloni Abraham dixit. Recepisti bona in vita tuâ ; vel ad damnationem eorum majorem, qui beneficiis Dei in tantum fuerunt ingrati, sicque eorum damnatio appareat justior ; vel propter ostensionem liberalitatis et bonitatis divinæ, quæ ingratis et reprobis tot bona largitur, quemadmodum ait Salvator : Diligite inimicos vestros, benefacite his qui oderunt vos ; et eritis filii Altissimi, quia ipse benignus est super ingratos et malos ; qui solem suum facit oriri super bonos et malos, et pluit super justos et injustos. Qui etiam nullum bonum, quantumlibet modicum, deserit irremuneratum.

Luc. xvi. 25.
Ibid. vi. 27 35.
Matth. v. 44.

Porro, si clausula hæc intelligatur de malis conversis, qui pœnitentiam agentes condignam saluberrime moriuntur : tunc istud tanto plus attribuendum est superpiissimo Deo, et prædestinationi ac gratiæ ejus, quanto sic optime mori, excedit præfatum optime mori. Quamvis equidem præscientia et reprobatio Dei non sit proprie causa culpæ reprobiorum, prædestinatio ta-

men est proprie causa totius gratiæ et virtutis electorum, quibus Deus ab æterno præordinavit, et dare decrevit omnia quibus perveniunt ad salutem. Propter quod asserit Augustinus : Si prædestinatus est, ad tempus errare potest ; in æternum perire non potest. Et Veritas ait : Omne quod dat mihi Pater, ad me veniet. Sic Paulus, quia vas erat electionis, quamvis ad tempus fuerat persecutor et homicida, viros et mulieres trahens ad mortem, sacrilegus et blasphemus, optime obiit.

Joann. vi 37.
Act. ix. 15.
Ibid. viii. 3.
1 Tim. i. 13.

C Præterea contuendum, quod tam sacra Scriptura, quam expositores sancti et doctores scholastici, loquuntur de bonis et malis, justis et injustis, electis et reprobis, dupliciter, puta formaliter et materialiter, seu in sensu composito et diviso. Loquendo namque de eis formaliter atque in sensu composito, justus non potest damnari, nec prædestinatus perire. Sicque ait Salvator : Non potest arbor bona fructus malos facere, neque arbor mala fructus bonos facere. Verumtamen arbor bona, seu bonus homo, potest fieri malus, in quantum liberi est arbitrii, et voluntatem habens vertibilem. Insuper, quæ in Scripturis de justis et injustis dicuntur, ut communiter intelligenda sunt de eis ex hypothesi, utpote si tales usque in finem permanerint : sicut quum dicitur, Qui se humiliat, exaltabitur : vel. Beati qui esuriunt

Matth. vii 18.
Luc. xiv. 11. xviii. 14.
Matth. v. 6.

justitiam, quia saturabuntur. Prædestinatus quoque (loquendo de eo materialiter atque in sensu diviso, videlicet ut est viator peccabilis, liberum habens arbitrium) potest damnari. Prædestinatio quippe non tollit ab eo vertibilitatem ac libertatem propriæ voluntatis. Quod si quis dixerit : Si hoc modo, Potest damnari, ponatur in

A esse, ergo potest esse quod prædestinatus damnatur. Et respondendum, quod stante hypothesi, scilicet quod sit prædestinatus, non potest poni in esse. Et si materialiter loquendo, seu in sensu diviso, ponatur in esse, tunc hypothesis tollitur, et antecedens aufertur : unde est ibi necessitas consequentiæ, non consequentis.

ARTICULUS XII

AN FATALIS INFLUENTIA CAUSA SIT ACTUUM HUMANORUM AC DIVERSE
TERMINATIONIS EORUM.

PRO hujus intelligentia quæstionis scire oportet, an fatum sit, et quid sit. Et primo videtur quod nihil sit, quoniam Augustinus in libro de Doctrina christiana affirmat, quod fatum nil sit. Et si mathematici interdum aliqua vera de futuris prænuntiant, dæmonum operatione id faciunt ad deceptionem fidelium. Gregorius quoque : Absit, inquit, a fidelium cordibus, ut fatum aliquid esse credant. Insuper videtur quod nec fati nomine uti sit licitum. Siquidem quinto de Civitate Dei loquitur Augustinus : Si quis Dei potestatem aut ordinationem nomine fati designet, sententiam teneat, linguam corrigat. Cum infidelibus namque nec nomina debemus habere communia. Infideles autem quamplures philosophi atque hæretici, male senserunt de fato. In oppositum est, quod fidelis noster Boetius, alique doctores catholici fato utuntur, ipsum definiunt, et aliquid esse dicunt.

Et respondendum, quod propter rationes præactas non decet fidelem fati nomine uti absque distinctione seu declaratione præmissa. Itaque intuendum, quod (ut in tractatulo quodam de Fato, qui Thomæ adscribitur, continetur) nomen fati multipliciter sumitur. Primo, pro morte dispositione periodorum inducta, secundum il-

lud in AntiClaudio : Livor post fata quiescit. Secundo, dicitur fatum æterna dispositio providentiæ Dei de rebus agendis ; sicque in præallegata auctoritate Augustini accipitur. Sic tamen communiter nec proprie sumitur, neque astrologi de fato loquentes ita sumpserunt. Tertio, sumitur pro vi aut constellatione seu causali influxu stellarum ac planetarum ac orbium. Cui quidam philosophi putaverunt omnia inferiora, etiam actus humanos, de necessitate subjici ac parere, dicente Poeta : Fata volentem trahunt, nolentem cogunt. Et ita, secundum Gregorium, fatum nihil est, quoniam opinio illa fuit erronea, ut patebit. Quarto, accipitur pro dispositione connexionis ordinisque causarum, secundum quod dispositio ista in rebus creatis digesta atque explicita est, juxta providentialem præordinationem mentis divinæ, quæ per causas secundas exsequitur, quod in se ipsa æternaliter ac providenter intuetur. Et hoc modo fatum negare, est providentiam Dei auferre, ut in Summa contra gentiles, libro tertio, Thomas fatetur.

Præter has fati acceptiones, adhuc alia ponitur in tractatulo præallegato de Fato, quum dicitur : Fatum est forma ordinis esse et vitæ inferiorum, causata in ipsi-

ex periodo cœlestis circuli, qui suis radiis ambit natiuitates eorum. Et hoc modo loquitur Hermes Trismegistus, dicendo : Fatum est causarum complexio, singulis temporaliter distribuens quæ sacramento deorum cœlestium sunt præordinata. Et dicit auctor præfati opusculi, fatum sic sumptum distingui a fato a Boetio definito, non tamen necessitatem imponere rebus. Sed quomodo verum sit hoc, scilicet quod distinguatur realiter a fato, prout Boetius illud definit, difficile est videre.

Præterea quæritur, an fatum illud de quo loquuntur quidam astrologi, asserentes quod rebus necessitatem imponat, sit aliquid. Et apparet quod imo, quia, secundum philosophos prognosticantes in astris, ut Ptolemæus edocet in Tetraston, et Mashalla et Albumasar, et Amakir, et Mestella*, et Aristoteles, et Gergis, et Albategni, cum aliis, in hora conjunctionis respicitur ascendens et domus ascendentis, et confertur cum alio planeta qui respicit ascendens per se vel per alium, et cum luna quæ magnum habet dominium fere in qualibet conjunctione, nisi sit in combustione solis. Si autem non est alius respiciens ascendens, confertur cum sola luna domus ascendentis, cum domino domus rei quæsitæ, et secundum quod illi conjungetur, vel non conjungetur, vel respiciens se vel non respiciens, fit iudicium de re quæsitæ vel fienda, vel non fienda. Ergo videtur quod astra in omnibus vigorem habeant ac virtutem. Præterea Isaac Israelita philosophus, in libro Definitionum disseruit, quod Deus facit regnare orbem supra inferiora, et disponit secundum imperium ejus regna et bella, ac cetera quæ ab hominibus reguntur sive geruntur. Insuper, secundum Philosophum, inter superiora moventia et inferiora, concors est harmonia, quemadmodum inter citharæ chordas. Et denuo : Oportet, inquit, hunc mundum contiguum esse lationibus superiorum, ut tota ejus virtus inde gubernetur.

Ad hæc, libro de IV Coæquævis ita respondet Albertus : Astra vim habent et

A rationem signi super ea quæ sunt in materia transmutabili, et etiam super illa quæ obligata sunt illi. Et dico (ait) illa esse in materia, quæ sunt generabilia et corruptibilia ac mutabilia; illa autem obligata materiæ, quæ de necessitate sequuntur transmutationem materiæ, sicut est anima vegetabilis atque sensibilis. Quædam autem sunt, quæ dependentiam habent ad materiam et obligationem secundum quid, et non simpliciter : sicut est animus hominis. Unde dicimus sanguinem accensum circa cor, animum hominis inclinare ad iram : et tamen non de necessitate irascitur. Et secundum quod animus inclinatur ad materiam et complexionem, sic etiam in eum habet vim constellatio secundum quid, et non simpliciter : aliter perirent casus, et liberum arbitrium, et consilium, ut probat Philosophus in fine primi Perihermenias, et secundo Physicorum. Sed adhuc est distinguendum, quoniam quædam est causa immediata, et propter quid, et quædam est causa universalis movens et inclinans causas immediatas. Et cum dicitur, quod stellæ habent vim in inferioribus, intelligitur, quod habent vim sicut causæ universales moventes et inclinantes causas immediatas, et propter quid : idcirco non semper sequitur ad constellationem effectus.

His consonat Thomas, duas assignans causas, ob quas constellationem et influxum causalem cœlestem contingit non sortiri effectum. Primo, ob dispositionem contrariam in materia existentem ex qualitatibus elementorum, per quas ad inferiora defertur. Omne etenim quod in alio recipitur, recipitur et est in eo secundum modum capacitatemque recipientis, secundum Boetium et auctorem libri de Causis. Secundo, propter oppositas dispositiones in anima sensitiva inventas. Hoc quippe faciunt apprehensa in anima sensitiva, quod faciunt dispositiones qualitatum activarum et passivarum in corporibus. Unde ex imaginatione mulieris totum corpus aliquando transmutatur; et ut re-

citat Avicenna, quidam ex imaginatione et A timore lepræ, leprosus effectus est. Hinc patientibus sanguinis fluxum, prohibet Galenus adspectum rubicundorum. Si ergo apprehensa, sint constellationi motuique cœlesti contraria, excludunt effectum ipsius ab anima, sicut per contrarias dispositiones excluduntur a corpore. Porro, per dispositiones corporales ac animales cœlesti influxioni convenientes, juvatur cœlestis effectus. Propter quod Mesialat* protesta-
 * Mashalla
 tur, quod cœlestis effectus a sapiente juvatur astronomo.

Horum quoque causam optime tradit Ptolemæus in Quadripartito, dum ait : Virtutes stellarum per aliud et per accidens fiunt in inferioribus. Per aliud quidem, quia per sphaeram activorum et passivorum, per quorum qualitates activas atque passivas inferioribus istis inhærent. Per accidens autem, quia quum forma hæc sit a causa necessaria et immutabili, accidit ei habere esse in inferioribus ac contingentibus. Hinc quoque Philosophus secundo de Somno et vigilia, assimilat moventia C hujuscemodi duplicibus consiliariis. Sapientes enim consiliarii ex rationibus certis suadent aliquid universaliter faciendum, quod tamen inferiores consiliarii, propter diversos casus obviantes dissuadent : et tunc solvitur lex consilii superiorum sapientium.

Denique de fato, super primum Sententiarum, distinctione 39, Thomas sic scribit : Fatum et providentia differunt per essentiam, sicut forma domus est aliud per essentiam, secundum quod est in mente artificis, ubi nomen artis habet, et secundum quod est in lignis atque lapidibus, ubi artificiatum dicitur. Ita ratio gubernationis rerum, aliud esse habet in mente divina, ubi providentia dicitur ; et aliud in causis secundis, quarum officio gubernatio expletur, ubi fatum vocatur, a *for*, *faris*, vel quia est quoddam effatum ordinationis divinæ, quemadmodum verbum vocale est quoddam effatum interioris conceptus ; vel quia ex harum conside-

ratione causarum fari solebant antiquitus de rebus futuris, sicut ex consideratione motus cœli præcipue. Hæc eadem scribunt ibidem Richardus de Mediavilla, Durandus, ac alii.

Porro in Summa contra gentiles, libro tertio, ait : Videntes quidam multa in mundo hoc inferiori per accidens et a casu contingere, si particulares causæ considerentur, posuerunt, quod nec a superioribus causis ordinentur : et isti dixerunt fatum omnino nihil esse. Quidam vero in B causas superiores ea reducere sunt conati, a quibus cum quadam dispositione ordinate procedant : et hi fatum aliquid esse ponebant, tanquam ea quæ videntur a casu contingere, ab aliquo superiori sint effata, seu prælocuta et ordinata, ut essent. Et horum nonnulli, omnia quæ hic contingunt, reducere voluerunt in corpora cœlestia, sicut in causas, vim siderum fatum dicentes, cui prædicta omnia cum necessitate subjicerentur, etiam electiones humanæ : quæ positio improbata est satis a Sanctis. Alii omnia in divinam providentiam reduxerunt, ordinationem quæ est in rebus ex providentia divina, fatum vocantes. Sicque ait Boetius : Fatum est inhærens rebus mobilibus dispositio, per quam Providentia suis quæque connectit ordinibus.

At vero in prima parte Summæ suæ, quæstione 116, asserit Thomas : Fatum in causis creatis est, prout divinitus ordinatæ sunt ad suos effectus. Hinc fatum, si consideretur per comparisonem ad divinam providentiam, a qua velut a propria origine proficiscitur et causatur, immobile et incommutabile est, certum et fixum, sicut Providentia. Nam quantum ad Deum, nihil est casuale, ignotum, sive incertum. Si autem fatum referatur ad causas secundas, particulares et proximas, mobile est. Necessitas quoque fati, quantum ad Deum, necessitas est conditionata, non absoluta est. Insuper ait ibidem Thomas : Quum fatum sit dispositio Providentiæ in causis secundis explicita et velut dispersa,

ideo quæ immediate a Deo fiunt, fato non subjiuntur, sed soli providentiæ Dei, sicut creatio, justificatio, glorificatio. Quæcumque vero divina providentia per causas secundas exsequitur, fato subduntur. Unde, secundum Boetium, quæ summæ Divinitati propinqua sunt, fatalis ordinis seriem ac mutabilitatem excedunt. De ceteris vero ait : Series fati cælum ac sidera volvit, elementa contemperat, nascentia occidentiaque per similes fetus reducit, actus fortunasque hominum indivisibili causarum commixtione constringit.

Præterea, sicut Guillelmus Parisiensis in libro suo de Fide et legibus recitat : Quidam philosophorum et astrologorum in tantum omnia quæ in mundo hoc inferiori sunt, cælorum atque stellarum influentiis posuerunt de necessitate subjecta, quod etiam diversitates sectarum et legum, sicut et alias diversitates conditionesque hominum, attribuerunt cælis et stellis ut causis, asserentes legem Hebræorum ortum habuisse a Saturno et cælo ipsius, et propter hoc diem Saturni, qui dies est sabbati, celebriorem esse apud Judæos. Legem autem Sarracenorum, in qua viget voluptas, dicunt a Venere orbeque ejus esse, ideo Sarracenos diem Veneris celebrare. Legem vero Christianorum, quæ sola est lex veritatis, honestatis et sanctitatis perfectæ, dicunt legem solis, ideoque Christianos diem solis, id est diem dominicum celebrare. Hanc opinionem inanem præfatus doctor libro præallegato efficaciter reprobat.

De hac quoque materia multum compendiose scribit dominus Petrus de Alliaco, libro suo de Sectis et legibus contra superstitiosos astronomos, ubi inter cetera approbat dictum ejusdam doctoris, dicentis : Licet voluntas non cogatur, tamen corpus alteratur per virtutes cælorum, et tunc anima corpori unita, fortiter excitatur atque inducitur, quamvis non cogatur, ut velit sequi corporis inclinationes ad actus publicos aut privatos, et ad actus bonos seu malos. Addit etiam Petrus de

Alliaco, quod bonitas constellationis confert ad bonitatem complexionis, ex qua aliqui inclinantur ad bona, quemadmodum alii in quibus complexio prava est, ut melancholici, fortes habent inclinationes ad mala. Non tamen putandum est, quod aliqui planetæ in se aut directe malevoli sint, aut causæ malitiæ; sed ex ineptitudine et inhabilitate susceptibilitatis materiæ, malitia corruptioque contingunt : quemadmodum lux solis aliquibus visum juvat, in aliis visum lædit, juxta

B dispositionem susipientis.

Ex præinductis patet solutio dubii, an fatalis influentia causa sit diversitatis actuum atque eventuum humanorum. Est etenim distinguendum : quoniam si sermo est de fato, de quo dixerunt quamplures quod necessitatem rebus inferret, dicendum est, quod nequaquam, et quod hujusmodi fatum non sit. Si autem fatum sumatur pro vi insita stellis, planetis, orbibusque cælorum, seu causali influxui virtutis illius, quæ agit in inferiora, secundum doctores catholicos et meliores philosophos, absque hoc quod necessitatem imponat, præsertim actibus humanis : tunc respondetur, quod influentia fatalis est causa dispositiva sive inclinans multiplicis diversitatis et eventus, ac variæ terminationis actuum humanorum, secundum quod aliqui ex sua complexione, ex influxu cœlesti causata, inclinantur ad tale vel tale bonum, aut malum, et ad passiones diversas : quibus pauci, videlicet sapientes, resistunt, secundum Philosophum. Certumque est, quod juxta qualitatem operum et meritorum suorum, diversa eis contingunt, prospera aut adversa.

Unde et Thomas prima parte Summæ suæ, quæstione 115, sic scribit : Corpora cœlestia in corpora inferiora directe agunt et influunt; in potentias vero organicas animæ imprimunt, in quantum secundum variam dispositionem organorum, hujusmodi vires diversimode agunt, scilicet bene vel male. Intellectus autem et voluntas sunt inorganicæ vires : ideoque corpora

cœlestia non imprimunt in eas, nisi indi- A recte, in quantum cognitio et affectio intellectualis a sensibilibus et sensitivis potentiis ortum habet. Idcirco necessitatem non inferunt corpora cœlestia in organicis viribus : imo sensitiva pars animæ subditur rationi, et appetitus inferior voluntati.

De præsentī demum materia habentur perpulchra in libro prætaeto Petri de Aliaco, et in tractatu Ægidii de Roma, quem fecit contra errores philosophorum, præsertim astronomorum, videlicet Albumasar et Alkindi, Avicennæ quoque et Algazelis atque Averrois, etc.

ARTICULUS XIII

DE FORTUNA : QUID SIT, ET AN AB ASTRIS DEPENDeat, ET QUALITER CAUSA SIT ACTUUM HUMANORUM ET DIVERSITATIS EORUM.

DE hac ipsa materia subtiliter ac profunde scribit Thomas in Summa contra gentiles, tertio libro : ejus verbis pauca præmitto. Etenim quidam philosophi multa in mundo hoc, fortuitu casualiterque evenire cernentes, Deum de inferioribus istis habere providentiam negaverunt. Alii econtrario Deum universorum providentiam habere fatentes, fortunam et casum nil esse dixerunt, nisi secundum apparentiam tantum, eo quod omnia de necessitate venirent, juxta certam et infallibilem causarum connexionem ac seriem, a divina mente prævisam, præfixam seu institutam. Inter hos duos errores extremos, catholicæ fidei medium tenet doctrina. Porro fortuna est causa per accidens in agentibus secundum propositum extra frequenter et semper, hoc est in effectibus qui fiunt raro et præter intentionem agentis rationalis naturæ. Est ergo omnium orthodoxorum Patrum sententia, quod quamvis divina providentia sit universa complectens, præintuens et disponens, non tamen aufert a rebus naturales proprietates earum, imo eis illas largitur. Ideo in hominibus manet mentis libertas, et vertibilitas voluntatis, et variabilitas ac contingentia manent in rebus : sicque per comparisonem ad particulares et proprias, naturales ac proximas causas, multa a fortuna casuque fiunt.

Fortuna
quid sit.

Itaque loco præfato sanctus Doctor sic ait : Ex his apparere potest, quomodo aliquis bene fortunatus dicatur. Dicitur namque homini secundum fortunam bene contingere, dum aliquod bonum accedit sibi præter suam intentionem, quemadmodum aliquis fodiendo sepulcrum, invenit thesaurum quem non quærebat. Contingit autem aliquem aliquid operari præter intentionem propriam, non tamen præter intentionem alicujus superioris, cui ipse subest : ut si dominus aliquis præcipiat uni servorum suorum ire ad aliquem locum, ad quem alium misit servum, illo id ignorante ; tunc occursus servorum est præter intentionem eorum, non præter intentionem domini eos mittentis. Et ideo licet per comparisonem ad hunc servum, sit fortuitum et casuale sic alii obviare, non tamen per comparisonem ad dominum : imo quoad eum, est præordinatum. Quum igitur homo secundum corpus suum ordinatus sit sub corporibus cœlestibus, secundum animam sub angelis, secundum voluntatem sub Deo, potest contingere aliquid præter intentionem hominis, quod tamen est secundum ordinem cœlestium corporum, vel dispositionem angelorum, aut etiam Dei. Quamvis enim solus Deus directe ad electionem hominis operetur, tamen actio angeli operatur aliquid ad electionem hominis per modum persuasionis,

actio autem cœlestis corporis per modum A
disponentis, in quantum corporales cœlestium corporum impressiones disponunt ad aliquas electiones. Quum ergo aliquis ex impressione cœlestium corporum et superiorum causarum, secundum prædictum modum inclinatur ad aliquas electiones sibi utiles, quarum tamen utilitatem ipsemet nescit, et cum hoc ex illuminatione intellectualium substantiarum illuminatur intellectus ejus ad eadem agenda, et ex divina operatione inclinatur ejus voluntas ad aliquid eligendum aut operandum sibi B
utile, cujus tamen rationem ignorat, dicitur bene fortunatus: et econtrario male fortunatus, quando ex superioribus causis ad contraria ejus electio inclinatur: sicut de Joakim dicitur ad Jeremiam, Scribe virum istum sterilem, qui in diebus suis non prosperabitur. — Sed in hoc est differentia attendenda. Nam impressiones corporum cœlestium in corpora nostra, causant in nobis naturales corporum dispositiones, et ideo ex dispositione relictæ ex cœlesti corpore in corpore nostro, dicitur aliquis C
bene fortunatus aut male, sed et bene natus aut male: secundum quem modum Philosophus dicit in Magnis moralibus, quod esse bene fortunatum, est esse bene natum. Non enim potest intelligi, quod ex natura intellectus diversa procedit, quod unus utilia sibi eligit et alius nociva præter rationem propriam, quum natura intellectus et voluntatis in omnibus hominibus sit una. Diversitas namque formalis induceret diversitatem specificam. Diversitas autem materialis inducit diversitatem D
secundum numerum. Unde, secundum quod intellectus hominis illustratur ad aliquid agendum, vel voluntas a Deo instigatur, non dicitur aliquis bene natus, sed potius bene custoditus vel gubernatus. — Rursus attendenda est circa hoc alia differentia. Nam operatio angeli et corporis cœlestis est solum disponens ad electiones; operatio autem Dei est sicut perficiens. Quum autem dispositio, quæ est ex corporis qualitate vel intellectus persua-

sione, necessitatem ad eligendum non inducat (non enim semper homo eligit id quod angelus custodiens eum intendit, neque illud ad quod corpus cœleste inclinat; semper tamen homo hoc eligit, quod Deus operatur in ejus voluntate): hinc custodia angelorum interdum cassatur, juxta illud Jeremiæ, Curavimus Babylonem, et non est sanata. Et multo magis inclinatio cœlestium corporum cassatur interdum; divina vero providentia semper est firma. — Est etiam adhuc alia differentia consideranda. Nam, quum corpus cœleste non disponat ad electionem, nisi in quantum imprimit in corpore nostro, ex quibus incitatur homo ad eligendum, per modum quo passiones inducunt ad electionem; omnis dispositio ad electionem quæ est ex corporibus cœlestibus, est per modum passionis, sicut quum quis inducitur ad aliquid eligendum ex odio, vel amore, seu ira. Ab angelo vero disponitur aliquis ad aliquid eligendum per modum intellectualis considerationis absque passione: quod C
contingit dupliciter. Aliquando enim illuminatur intellectus hominis ab angelo ad cognoscendum solum, quod aliquid est bonum fieri, non autem instruitur de ratione per quam est bonum, quæ sumitur ex fine: et ideo quandoque æstimat homo, quod aliquid sit bonum fieri, et tamen si quæreretur ab eo, quare, responderet se nescire. Ideo, quum pervenerit in finem utilem quem non præconsideravit, erit sibi fortuitum. Interdum vero per illuminationem angeli instruitur, quod hoc sit bonum, et de ratione quare sit bonum, quæ D
dependet ex fine. Et sic, quando pervenit ad finem quem præconsideravit, non erit fortuitum. — Sciendum quoque, quod vis activa spiritualis naturæ, sicut est altior quam corporalis, ita est etiam universalior: ideo non ad omnia ad quæ se extendit humana electio, se extendit dispositio corporis cœlestis. Rursus, quoniam virtus humanæ animæ, et etiam angeli, est particularis per comparisonem ad divinam virtutem, quæ universalis est respectu om-

Jer. xxii.
30.

Jer. li, 9.

nium entium : hinc aliquod bonum acci-
dere potest homini et præter propriam in-
tentionem, et præter cœlestium corporum
inclinationem, et præter angelorum illu-
minationem ; non autem præter providen-
tiam Dei, quæ est gubernativa sicut et fa-
ctiva entis, in quantum ens. Unde oportet
quod omnia sub se contineat : imo, quoad
Deum, in nulla re potest esse aliquid ca-
suale aut improvisum. Quia vero fortuita
sunt quæ præter intentionem contingunt,
bona autem moralia præter intentionem
esse non possunt, quum in electione con-
sistant ; respectu eorum non potest aliquis
dici bene aut male fortunatus, licet respec-
tu eorum possit quis dici bene aut male
natus, videlicet quia ex naturali disposi-
tione aptus est ad electionem virtutum vel
vitiatorum. Sed respectu exteriorum bono-
rum quæ præter intentionem evenire ho-
mini possunt, potest homo dici et bene
natus, et bene fortunatus, et a Deo guber-
natus, atque ab angelis custoditus. — Con-
sequitur autem homo ex superioribus cau-
sis et aliud auxilium, quantum ad exitus
actionum suarum. Quum enim homo et
eligere habeat, et exsequi quæ elegit, in
utroque a causis superioribus adjuvatur.
Secundum electionem quidem, ut dictum
est, in quantum homo vel disponitur ad
aliquid eligendum per cœlestia corpora,
vel illustratur per angelorum custodiam,
vel etiam inclinatur per operationem di-
vinam. Secundum executionem vero, in
quantum homo consequitur ex aliqua su-
periori causa robur et efficaciam ad com-
plendum quod elegit : quæ efficacia non
solum a Deo, sed ab angelis etiam esse
potest, sicut a corporibus quoque cœlesti-
bus, in quantum talis efficacia in corpore
sita est. Manifestum est enim, quod etiam
inanimata corpora quasdam vires et effi-
cacias a cœlestibus corporibus sortiuntur,
etiam præter illas quæ ad qualitates activas
et passivas elementorum consequuntur :
quas non est dubium cœlestibus corpori-
bus esse subjectas, sicut quod magnes at-
trahit ferrum, et lapides quidam ac herbæ

A quasdam occultas habent virtutes. Unde
nil prohibet quod etiam aliquis homo ex
impressionem cœlestis corporis habeat quas-
dam efficacias in aliquibus corporalibus
faciendis, quas alter non habet : ut medi-
cus in sanando, agricola in plantando, mi-
les in expugnando. Hujusmodi autem ef-
ficaciam multo perfectius Deus largitur
hominibus ad sua opera exsequenda. Quan-
tum ergo ad primum auxilium, quod est
in eligendo, dicitur Deus hominem dirige-
re ; et quoad secundum auxilium, dicitur
B hominem confortare. Et hæc duo auxilia
simul tanguntur in Psalmo, quum dicitur :
Dominus illuminatio mea, quoad primum ; *Ps. xxvi, 1.*
Dominus protector vitæ meæ, quoad se-
cundum. — Porro inter hæc duo auxilia
est duplex differentia : quia ex primo au-
xilio adjuvatur homo, tam in his quæ ho-
minis virtuti subduntur, quam etiam in
aliis : sed secundum auxilium tantum se
ad illa extendit, ad quæ virtus hominis
valet. Quod enim homo fodiens sepulcrum,
inveniat thesaurum, ex nulla hominis vir-
tute procedit : unde respectu talis proven-
C tus, juvari potest ad hoc quod instigetur
ad quærendum ubi est thesaurus ; non au-
tem in hoc, quod ei aliqua virtus detur ad
inveniendum thesaurum. Ad hoc autem
quod medicus sanat, vel miles in prælio
vincat, potest adjuvari in hoc, quod eligat
convenientia media ad finem, et in hoc,
quod efficaciter exsequatur per virtutem
a superiori causa adeptam. Hinc primum
auxilium universalis est. Secunda diffe-
rentia est, quia secundum auxilium est ad
D prosequendum efficaciter quæ intendit.
Quum ergo fortuita sint præter intentio-
nem, respectu talis auxilii, non dicitur
aliquis proprie bene fortunatus. Contingit
autem homini bene vel male secundum
fortunam, quandoque ipso solo agente,
sicut quum fodiens terram, invenit the-
saurum : interdum vero alterius causæ ac-
tione concurrente, ut quum quis vadens
ad forum causa emendi, invenit debito-
rem, quem invenire non intendebat. In
primo autem eventu homo juvatur ad hoc,

quod aliquid bene sibi contingat, secundum hoc solum, quod dirigitur in eligendo illud, cui conjunctum est per accidens aliquid commodum, quod provenit præter intentionem. In secundo vero eventu, oportet quod uterque agens dirigatur ad eligendum actionem vel motum unde sibi occurrant. — Præterea oportet et aliud considerare circa prædicta. Nam dictum est, quod ad hoc quod homini bene aliquid vel male contingat secundum fortunam, et ex Deo esse potest, et a cœlesti corpore : in quantum homo a Deo inclinatur ad aliquid eligendum, cui commodum vel incommodum est conjunctum, quod eligens non præconsiderat ; et in quantum a corpore cœlesti ad tale aliquid eligendum disponitur. Hoc autem commodum sive incommodum, relatum ad hominis electionem, exstat fortuitum. Relatum vero ad Deum, rationem amittit fortuiti : non autem relatum ad corpus cœleste : quod patet. Non enim effectus aliquis amittit rationem fortuiti, nisi reducatur ad causam per se. Virtus autem cœlestis corporis, est causa agens, non per modum intellectus vel electionis, sed per modum naturæ, cui proprium est tendere in unum. Si ergo effectus non est unus, non potest per se causa ejus esse virtus aliqua naturalis. Quum autem aliqua duo per accidens sibi junguntur, non sunt vere unum, sed solum per accidens. Idecirco hujusmodi conjunctionis nulla causa naturalis, per se causa esse potest. Sit ergo quod iste homo ex impressione cœlestis corporis instigetur per modum passionis (ut dictum est) ad fodiendum sepulcrum : sepulcrum autem et locus thesauri non sunt unum nisi per accidens, quia non habent aliquem ordinem ad invicem. Unde virtus cœlestis corporis, non potest per se inclinare ad hoc totum, quod iste fodiat sepulcrum, et locum ubi est thesaurus. Sed aliquis per intellectum agens, potest esse causa inclinationis in hoc totum, quoniam intelligentis est multa ordinare in unum. — Per eandem etiam rationem apparet, quod ho-

mo non potest esse bene fortunatus universaliter ex virtute cœlesti, sed solum ad hoc vel illud. Dico autem universaliter, ut aliquis homo habeat in natura sua impressionem cœlestis corporis, ut eligat semper et in pluribus aliqua, quibus sint conjuncta per accidens aliqua commoda sive incommoda. Natura enim non ordinatur, nisi ad aliquid unum. Sed ea secundum quæ homini bene vel male accidit secundum fortunam, non sunt reducibilia in aliquid unum, sed sunt indeterminata et infinita, secundum Philosophum, tertio Physicorum. Non est ergo possibile, quod aliquis habeat in natura sua eligere semper ea, ad quæ etiam per accidens consequatur aliqua commoda ; sed potest esse quod inclinatione cœlesti inclinetur ad eligendum aliquid, cui jungatur per accidens aliquod commodum, et ex alia inclinatione aliud, atque ex tertia tertium, non autem ita, quod ex una inclinatione ad omnia. Ex una autem dispositione potest homo ad omnia dirigi.

Hucusque posui verba sancti Doctoris fideliter, quasi sub forma sua. Ex quibus innotescit, quando et qualiter fortuna dependet ab astris : quia non semper, nec solum, nec sicut a causa necessitante, sed inclinante.

Præterea, quum fortuna concernat bona exteriora ac transitoria, quæ non sunt proprie hominis bona, secundum quod homo est, sunt quoque electis reprobisque communia ; elucescit quod sæpe injusti ac reprobi magis sunt ac melius fortunati, quam electi et virtuosī, quoniam temporali prosperitate amplius florent, electi vero adversitatibus exercentur. Insuper constat, quod fortuna unius hominis, quandoque dependet ab alio homine, sive hoc sit præter intentionem alterius, sive ex intentione ipsius.

Itaque ex his Catholicorum doctrinis elicatur, quomodo intelligenda sint ea, quæ veteres de fortuna dixerunt. Quum etenim sacra doctrina seu theologia, sit omnium scientiarum architecta, princeps et capita-

nea, ipsa rite censetur aliarum scientiarum regula ac mensura : ideoque per eam sunt regulanda, et si opus fuerit, corrigenda philosophica documenta. Quum itaque certum sit, veteres quosdam de fortuna male sensitisse, et eam varie depinxisse, emendanda sunt dicta eorum juxta præhabita. Sed obicitur contra præscripta, quia (ut Thomas alibi scribit, et ex præinductis ejus verbis elicitur) fortuna realiter est practicus intellectus, secundum quod est causa alicujus effectus ex intentione, cui effectui alter præter intentionem intellectus conjungitur. Sed virtus cœlestis aut angelus, non est causa practici intellectus : ergo nec fortunæ. Et respondendum, quod quamvis non sit causa ejus secunda, quod est intellectus, tamen quoad hoc quod ratio fortunæ ei conveniat, possunt modo præfate concurrere.

Præterea, secundum doctrinam Aristotelis et Alberti, oportet casualia atque fortuita extra frequenter et semper contingere. Si enim frequenter acciderent, non jam talia essent vere, sed secundum similitudinem quamdam et partim : quamvis interdum extenso nomine, frequenter accidentia dicantur fortuita, sicut secundo de Civitate Dei tangit Augustinus de Quin-

to Metello, ejus felicitatem describens Valerius Maximus, ait : Quintum Metellum a primo originis suæ die ad ultimum usque fati tempus, nunquam cessante indulgentia, ad summum beatæ (id est temporaliter prosperæ) vitæ cumulum perduxit fortuna. Nasci eum in urbe principe terrarum voluit, parentes ei nobilissimos dedit, mirissimas animæ dotes et corporis vires, ut sufficere laboribus possent, uxorem pudicitia et fecunditate conspicuam conciliavit. Consulatus decus, imperatoriam potestatem, speciosissimi triumphi prætextum largita est. Fecit ut eodem tempore tres filios consulares, unum et censorium et triumphalem, et quintum prætorem haberet, utque tres filias nuptui daret, earumque sobolem sicuti suam exciperet. Tot cunabula, tot viriles togæ, tot multæ nuptiales faces : omnis denique gratulationis summam abundantiam est sortitus ; quum interim nullum funus, nullus gemitus, nulla causa tristitiæ. Et infra, hunc vitæ actum, ejus consentaneus finis excepit. Nam Q. Metellum ultimo senectutis spatio defunctum, levique genere mortis, inter oscula et amplexus carissimorum pignorum exstinctum, filii et generi humeris suis per urbem latum, rogo imposuerunt.

Val. Max.
lib. vii.

ARTICULUS XIV

CONFIRMATIO PREDICTORUM, EX DICTIS DOCTORUM.

DURANDUS de S. Portiano super primum Sententiarum affirmat : Fatum proprie (teste Boetio) dicitur ordo causarum et connexio earum, prout reducuntur in divinam voluntatem atque scientiam omnia ordinantem. Fatum enim a fando dicitur, quoniam quod divina scientia præordinatum est, quasi effatur. Hæc autem, videlicet scientia, dispositio, providentia et gubernatio, se habent per ordinem. Provi-

dentia namque ad prudentiam pertinet. Sic autem est de Deo respectu totius universi, sicut de duce respectu exercitus, vel de patrefamilias respectu domus. Et primam comparisonem ab Aristotele duodecimo Metaphysicorum habemus ; secundam ex eadem ratione accipere possumus. Porro prudens dux exercitus, primo singulos de exercitu ordinat, unumquemque in suo collocans gradu : et in alio collocat pedi-

tem, in alio equitem, sicque de aliis. Similiter in domo bene ordinata, paterfamilias primo ordinat personas domus, quemlibet in gradu suo : et in alio ponit servum, in alio conjugem, in alio filium ; ordinatque quid quisque agere debeat ad consequendum finem intentum. Secundo, sic ordinatis, confert ea quæ necessaria sunt ad sua officia exsequenda. Et utrumque horum præsupponit voluntatem, cognitionemque finis, propter quem ordinantur et fiunt. Juxta hunc modum in toto universo Deus quasdam naturas et res constituit in gradu et loco eminentiori, alias in decliviori : et ratio hujus in Deo existens, vocatur dispositio, cujus exsecutio vocatur creatio. Providentia autem in Deo dicitur, in quantum præordinavit conferre necessaria ad finis consecutionem : cujus exsecutio dicitur gubernatio. — Præterea aliquid subest providentiæ Dei dupliciter. Primo, sicut cui providetur : et sic res subsistentes quibus competit agere, in finemque tendere, Providentiæ subsunt. Secundo, sicut id de quo providetur, vel quod providetur alicui, ut sunt collatio expedientium, et impedimentorum remotio. Unde omnia quæ in creaturis sunt, Providentiæ subsunt. Quod patet, excludendo tria, quæ magis videntur subterfugere providentiam Dei. Prima sunt casus seu fortuita : quæ quum non sint præcognita, non videntur prævisa. Secunda sunt mala. Deus namque providentiam non videtur habere, nisi quorum est causa ; non autem est causa malorum, præsertim culpæ. Tertia sunt contingentia ad utrumlibet : quæ quum sint indeterminata, non videntur determinata ad finem. Sed primum horum non cogit. Non enim dicitur casuale sive fortuitum, quoniam nullam habeat causam, dicente, quinto de Consolatione, Boetio : Nihil est quod ex legitimis causis non oriatur ; sed ideo, quia prove-

nit præter intentionem agentis particularis ac proximi. Unde fossio agri, per se causam habet, scilicet fodientem, et inventio thesauri similiter, scilicet fossionem aut aliud ; sed concursus harum causarum est per accidens, et a nulla earum intentus. Si vero esset aliqua causa has duas causas convertens per se, quoad illam non esset effectus iste fortuitus, sed intentus. Quumque omnis ordo et causarum connexio sit a providentia Dei, quantum ad eam, nihil est a fortuna vel casu. B Ideo ait Boetius : Quamvis casus sit inopinatus ex confluentibus causis in his quæ propter aliquid geruntur, tamen concurrere atque confluere facit has causas ordo ille ex inevitabili connexionem procedens : qui de Providentiæ fonte descendens, cuncta suis locis temporibusque disponit. Secundum quoque non cogit, quia ad plura se extendit divina scientia, quam ejus causalitas. Providentia autem ad scientiam pertinet, ideo potest se ad mala extendere, ad quæ se non extendit causalitas : ideo C cadunt sub providentia Dei, tanquam ea contra quæ hominibus providetur, ne fiant, et quæ ordinantur ad poenam, si fuerint facta. Tertium item non cogit. Nam quamvis contingentia ad utrumlibet sint indeterminata in suis particularibus causis secundum se consideratis, apud scientiam tamen divinam sunt determinata : quoniam Deus scit non solum causas impeditmentales secundum se, sed omnia etiam impeditmenta quæ possunt evenire, et quæ evenient. Quibus scitis, scitur quicumque effectus D contingens secundum quod determinatum aliquid. Ideo contingentia sic determinata, providit Deus ad determinatos fines.

Hæc etiam quantum ad sententiam scribunt Bonaventura, Petrus de Tarentasia, Richardus de Mediavilla, cum aliis. Ideo prolixitatem devitans, dimitto.

ARTICULUS XV

DE CAUSIS DIFFICULTATIS INTELLIGENDI LIBRUM BEATI JOB.

EX præinductis, o Reverende atque dignissime domine Doctor, timorate, devote ac præclarissime Pater, utrumque soluta est quæstio parvitati meæ ab Excellentia tua tam dignanter quam humiliter mota, qui a pauperculo tam longe inferiori et indoctiori informationem petisti. Quæstionem quoque propositam dilatari optasti: quod etiam feci, ne in aliquo ad obtemperandum beneplacito tuo tardus appaream. Non quasi pro tuæ personæ doctissimæ informatione hæc scribens (hoc quippe esset Minervam velle instruere, propriamque insipientiam et præsumptionem monstrare); sed vel ad dandum occasionem sapientiæ tuæ excogitandi profundius de ista materia, quemadmodum Salomon loquitur, Da sapienti occasionem, et addetur ei sapientia; itemque, Audiens sapiens (nec dubium quin simili ratione etiam legens), sapientior erit; vel pro mei ipsius exercitatione; vel pro pusillorum (quorum primus ego sum) instructione.

Enimvero in epistola paternitatis tuæ mihi directa, id quæstioni propositæ adjectisti: *Ad hunc finem moveo quæstionem, ut intelligam librum Job.* Hinc de intelligentia libri Job aliquid tangam. Et primo de causis difficultatis ipsius, quæ (ut jam occurrit) tres possunt præcipue assignari. Prima est, quia in verbis Job, secundum superficiem apparentiamque verborum, videtur mutua contradictio et repugnantia ingens. Secunda, quoniam sanctus Job, secundum verborum apparentiam, videtur nonnunquam minus reverenter et caute loqui de Deo et providentia ejus, ac derogare divinæ justitiæ. Tertia, quia amici ipsius et Eliu quoque, secundum formam verborum, videntur multo reverentius loqui de Deo et justitia ejus, quam Job, ac

zelari pro Deo: et nihilo minus reprobantur a Deo; Job autem laudatur ab eo. Nunc ergo hæc omnia ex libro Job seriatim ac breviter sunt probanda.

Ecce inter alia multa ait: Vere scio quod non justificetur homo compositus Deo; si voluerit contendere cum eo, non poterit respondere unum pro mille. Si justificare me voluero, os meum condemnabit me; si me innocentem ostendero, pravam me comprobabit. His verbis contrariari videtur quod iterum loquitur: Utinam appenderentur peccata mea quibus iram merui, et calamitas quam patior, in statera; quasi arena maris, id est innumeraliter seu incomparabiliter, hæc, scilicet pœna vel calamitas mea, gravior apparet, id est major quam peccata quibus pœnam merui, si quam merui. Quomodo ergo verum est illud, Non poterit respondere unum pro mille? Denique alibi ait: Quis mihi tribuat ut inveniam illum, scilicet Deum, et veniam usque ad solium ejus? Ponam coram eo judicium. Quomodo ergo superius dixit, Scio quod non justificetur homo compositus Deo, quum ipse cupiat usque ad solium Dei venire, ut ponat coram eo judicium, quasi justum judicium petiturus a Deo? Rursus dicit: Si fuero judicatus, scio quod justus inveniar. Quomodo ergo ait, Si justificare me voluero, os meum condemnabit me? præsertim quum rursus protestetur: Donec deficiam, non recedam ab innocentia mea. Justificationem meam quam cœpi tenere, non deseram. Cui etiam verbo obviare videtur, quod antea dixit: Etiam si simplex fuero, hoc ipsum ignorabit anima mea. Cui nihilo minus verbo repugnare videtur, quod postmodum in diversis capitulis justitias suas tam diffuse ac diligenter describit, inter cetera

Prov. ix, 9.

Ibid. i, 5.

Ibid. 20.

Ibid. vi, 2.

Ibid. xxiii, 3, 4.

Ibid. xiii, 18.

Ibid. xxvii, 5, 6.

Job xxxiii. 11, 12. **dicens : Viam Dei custodivi, et non decli-**
Ibid. xxxi. 6. **navi ex ea. A mandatis labiorum ejus non**
Ibid. xvii. 2. **recessi. Adhuc autem profitetur : Neque**
Ibid. xxxi. 7. **reprehendit me cor meum in omni vita**
Ibid. vii. 20. **mea. Et alio loco : Non peccavi, et in ama-**
Ibid. 21. **ritudinibus moratur oculus meus. Item-**
Ibid. xiv. 10. **que : Si in manibus meis adhæsit macula.**
Quasi dicat, Non. Quibus omnibus disso-
nare videtur quod alibi ait : Peccavi. Quid
faciam tibi, o custos hominum? Et denuo :
Tu quidem gressus meos dinumerasti; sed
parce peccatis meis. Rursum quoque pro-
testatur : Idcirco ipse me reprehendo, et
ago pœnitentiam in favilla et cinere. Præ-
terea loquitur : Deus sub quo curvantur qui
portant orbem. Quantus ergo sum ego ut
respondeam ei, et loquar verbis meis cum
eo? Qui etiamsi habuero quidpiam justum,

A non respondebo, sed meum judicem de-
precabor. Quomodo ergo ait loquens Deo :
Voca me, et ego respondebo tibi; aut certe
loquar, et tu responde mihi? Rursusque :
Ad Omnipotentem loquar, et disputare cum
Deo cupio. Amplius fatur : Non invenietis
in lingua mea iniquitatem, nec in fauci-
bus meis stultitia personabit. Unde et ali-
bi de eo legitur : In omnibus his non pec-
cavit Job labiis suis, neque stultum quid
contra Deum locutus est. Quomodo ergo
sanctus Job ait ad Dominum, Qui leviter lo-
cutus sum, respondere quid possum? Ma-
num meam ponam super os meum. Unum
locutus sum, quod utinam non dixissem, et
alterum : quibus ultra non addam. Et : Ideo
(inquit) insipienter locutus sum, et quæ
ultra modum excedunt scientiam meam.
Hæc de prima causa difficultatis intelli-
gendi librum Job tetigisse sufficiat.

ARTICULUS XVI

DE SECUNDA CAUSA DIFFICULTATIS EJUSDEM.

Job ix. 17. **BEATUS** iste Job libri sui quodam loco
Ibid. 22. **loquens de Deo, ait : Multiplicabit vul-**
nera mea etiam sine causa. Hoc non vide-
tur sapientiam justitiamque decere divi-
nam. Rursus Job ait : Innocentem et impium
Gen. xviii. 23, 25. **ipse consumit. Hoc videtur contrarium ei,**
quod in Genesi Abraham loquitur Deo :
Ibid. xx. 3. **Numquid perdes justum cum impio? Non**
est hoc tuum qui judicas omnem terram.
Job ix. 24. **Et iterum in Genesi scriptum est : Num**
gentem innocentem et justam perdes? In-
super loquitur Job de Deo : Si flagellat,
Sap. i. 13. **occidat semel, et non de pœnis innocen-**
tium rideat. Hoc divinæ pietati et æquitati
Tob. i. 22. **derogare prorsus videtur, quum in libro**
Sapientiæ legatur : Deus mortem non fe-
cit, nec delectatur in perditione vivorum.
Et in Tobiae libro dicitur Deo : Non dele-
ctaris in perditionibus nostris. Et omnino
crudele videtur, de innocentium pœnis

ridere. Iterum Job quoque ait : Multiplicas
Job x. 17, 18. **iram tuam adversus me. Quare de vulva**
eduxisti me? Qui utinam consumptus es-
sem, ne oculus me videret. Hoc videtur
impatenter sonare, atque ingratitudinis
verbum esse, quum tamen Job dicatur sin-
Ibid. iv. 6. **gulariter patientiæ decoratus virtute. Nec**
debet quis de adversis hujus vitæ in tan-
tum tristari, ut se doleat esse natum.

Præterea ait suis amicis : Saltem nunc
Ibid. xix. 6. **intelligite, quia Deus non æquo judicio**
afflixerit me. Hoc videtur multis Scriptu-
Ps. cxviii. 79. **rarum testimoniis obviare, atque divinæ**
derogare justitiæ. Unde ait Psalmista : Co-
Dan. iii. 27. **gnovi, Domine, quia æquitas judicia tua.**
Job xxxiii. 7. **Daniel quoque loquitur Deo : Omnes viæ**
tuæ et judicia tua recta. At vero denuo dicit
Job, loquens de Deo : Proponat æquitatem
contra me, et perveniet ad victoriam judi-
cium meum. Hoc rursus sonare videtur,

Job xxx.
20, 21.

John, 17
19.

Med. VIII.
2, 3, 5, 6.

Book 13.

Præterea, post hos tres Eliu invasit beatum Job, et præ ceteris acrius contra eum invehitur : et secundum expositores efficacius arguit contra Job, quam præfati. Minus quoque erravit circa providentiam Dei. Sed reprehenditur, quia nimis pompose locutus est. Itaque ait : Audi, Job, *Ibid. xxxiii,*
eloquia mea. Dixisti ergo in auribus meis : *18, 9, 12, 13*
Mundus sum et absque delicto : immaculatus, et non est iniquitas in me. Hoc est ergo in quo non es justificatus. Responde-

Job xxxiv,
2, 5-7, 10-12,
17, 34-37.

bo tibi, quod major sit Deus homine. Ad-
versus eum contendis, quod non ad omnia
responderit tibi. Audite, sapientes, verba
mea. Quia dixit Job : Justus sum, et Deus
subvertit judicium meum ; et violenta sag-
gitta mea absque ullo peccato. Quis est vir
ut est Job, qui bibit subsannationem qua-
si aquam ? Ideo, viri cordati, audite me.
Absit a Deo impietas, et ab Omnipotente
iniquitas. Opus enim hominis reddet ei, et
juxta vias singulorum restituet. Vere enim
Deus non condemnabit frustra, nec Omni-
potens subvertet judicium. Et quomodo
tu, Job, eum qui justus est, in tantum con-
demnas ? Viri intelligentes loquantur mi-
hi, et vir sapiens audiat me. Job autem
stulte locutus est, et verba illius non son-
nant disciplinam. Pater mi, probetur Job

usque in finem. Ne desinas ab homine
iniquitatis, qui addit super peccata sua
blasphemiam. Numquid æqua tibi videtur *Job xxxv,*
cogitatio tua, ut diceres, Justior Deo sum ? ^{2, 5.}
Suspice cælum, quod altior te sit. Sustine
me paululum, et indicabo tibi. Adhuc enim *Ibid. xxxvi,*
habeo quod pro Deo loquar ; et operatorem ^{1, 8, 22-24,}
meum probabo justum. Ecce, Deus excel- ^{26.}
sus in fortitudine sua, et nullus ei similis
in legislatoribus. Quis poterit scrutari vias
ejus ? aut quis ei dicere potest, Operatus es
iniquitatem ? Memento quod ignores opus
B ejus, de quo cecinerunt viri. Ecce, Deus
magnus vincens scientiam nostram, qui *Ibid. xxxvii,*
facit magna et inserutabilia. Nos quippe ^{5, 19, 23.}
involvitur tenebris ; digne eum inveni-
re non possumus. Magnus fortitudine, et
judicio, et justitia, et enarrari non potest.

ARTICULUS XVIII

DE QUIBUSDAM VERBIS EXPOSITO-
RUM, CONFERENTIBUS AD INTELLIGENTIAM LIBRI JOB.

UT primo *Moralium* scribit S. Grego-
rius, Deus ab exordio mundum qui-
busdam Sanctis tanquam sideribus decora-
vit, et diversos diversis ornavit virtutibus ;
hunc ista, illum illa singulariter illustravit
virtute. Inter quos beatissimum Job, vir-
tute patientiæ fulcivit præcipue : et eum-
dem, quamvis tam perfectum et justum,
tam durissime flagellari permisit, ut per-
fectio quæ in ipsius latuit corde, per
patientiam in adversis, aliis panderetur,
atque in imitationis præberetur exem-
plum. Hinc, juxta Albertum, materia libri
Job, est sufferentia et patientia ejusdem.
Porro intentio ac finis libri seu auctoris
ipsius, est declarare, qualiter actus hu-
mani providentiæ divini subjaceant. Ideo
Thomas : Tota, inquit, intentio hujus libri
circa hoc versatur, ut per rationes proba-
biles ostendatur, res humanas a divina
providentia gubernari. Sed hoc verbum
Thomæ, cuidam non placet, eo quod totus

C liber Job procedat per modum disputatio-
nis inter ipsum et ejus amicos : intentio
autem contra alium disputantis, non est
probare id in quo cum illo concordat, sed
potius id in quo ab eo dissentit ; amici
autem Job concesserunt res humanas di-
vinitus gubernari. Hinc iste concludit,
quod intentio Job non est probare huma-
na regi a Deo ; sed quod non sic, ut sui
putabant amici, regantur ab eo. Verum
instantia ista non contra mentem militat
Thomæ, quippe qui in libri illius exposi-
tionis ait exordio : Intentio libri hujus
ordinatur ad ostendendum, qualiter res
humanæ providentia regantur divina.

Dicit quoque Albertus, sanctum Job vel-
le ostendere, quod humana regantur a
Deo, regimine prorsus opposito humano
regimini : quia secundum humani regimi-
nis æquitatem, unicuique datur ac provi-
detur secundum merita vel dispositionem
ipsius ; sed secundum divini regiminis

seriem, in hac vita frequentius prove-
niunt prospera impiis, et adversa electis
ac justis. Verumtamen, contra hoc objici
potest dupliciter : primo, quia etiam se-
cundum leges humanas aliquis absque
propria culpa multis subicitur pœnis, ut
patet in ultione criminis læsæ majestatis ;
secundo, quoniam Deus uberrime in Scri-
pturis affirmat se dare unicuique juxta
opera sua. Ad primum istorum arbitror
respondendum, quod Albertus ideirco id
dixit, quia, ut frequenter et secundum
legem communem, imo quasi in omnibus,
ita est, quod secundum humanam justi-
tiam, datur cuique secundum opera ejus,
nec recipit exceptionem, nisi in paucis. Quod
autem modicum est, pro nihilo reputatur,
secundum Philosophum. Ad secundum di-
cendum, quod auctoritates hujusmodi re-
feruntur ad retributionem judicialem in
obitu singulorum, seu omnium in die no-
vissimo : tamen etiam in præsentī quo-
dammodo verificantur, quia prout quis-
que ad gratiam se disponit, illam a Deo
sortitur, et secundum quod existens in C
gratia utitur ea, ipsius adipiscitur incre-
menta. Negligenti vero juste subtrahitur ;
et frequenter contingit, ut quo quis plura
exercet opera vitiosa, eo amplius a Deo
relinquitur. Sicque de die in diem, plura
et graviora illabatur vitia.

Si rursus quis instet, Quia humana ju-
stitia a divina est justitia exemplata, ergo
eam assequi debet. Insuper, quum divina
justitia sit universæ justitiæ regula ac
mensura, oportet ut humana in tantum
conformetur illi, quantum de ratione ha-
bet justitiæ. Et respondendum, quod uti-
que humana justitia, ejusque regimen, di-
vinæ justitiæ et ipsius regimini in aliquo
assimilantur : quia et Deus (ut tactum est)
in die tam particularis quam universalis
judicii, secundum opera unicuique reddit :
quod et sæpe in præsentī etiam efficit
vita, justis prospera, atque injustis repen-
dens adversa. Et hoc præcipuam facit in
consideratione divinorum judiciorum ad-
mirationem, quod interdum electis et ju-

stis etiam in præsentī temporalia affluunt,
ita quod divitiis honoribusque abundant, ut
patet de Theodosio, Carolo, Othone, Hen-
rico, imperatoribus. Interdum vero electi
adversitatibus adimplentur. Similiter re-
probi et injusti nunc prosperis, nunc ad-
versis afficiuntur, et quidam eorum his,
alii illis exundant ; nec potest in divini
processu judicii quoad homines, in hac
vita, assignari regula certa, neque de om-
nibus ratio investigari. Ex his secundæ
solutio patet instantiæ.

B Præterea, ut sanctus testatur Gregorius,
liber beati Job, usque tempus ejus exstitit
indiscussus. Nam et gloriosus Hieronymus,
qui ceteros Prophetas exponit universos,
librum Job non elucidavit. In legenda quo-
que S. Thomæ de Aquino asseritur, quod
ipse hunc librum ad litteram exposuit pri-
mus. Et utique, quantum ad intelligen-
tiam attinet litteralem, eleganter eum ex-
posuit. In uno tamen præcipue expositio
ejus calumniabilis esse quibusdam vide-
tur. Nam asserit amicos Job, non posuisse
vitam post vitam præsentem, videlicet ani-
mam rationalem esse mortalem, ideoque
operum bonorum remunerationem fina-
lem esse in vita hac, nec infligi adversa,
nisi pro culpa. Et in hoc Nicolaus de Lyra
sequitur Thomam.

Sed, ut super Job plenius scriptum est, In Job, art.
hujus oppositum verius esse apparet, id-
que ex verbis amicorum Job declaratur. XIII
Siquidem Eliphaz de impiis loquens : De
mane, inquit, usque ad vesperam succi-
duntur ; et quia nullus intelligit, in æter-
num peribunt. Sophar quoque de impio
fatur : Luet quæ fecit omnia, nec tamen
consumetur. Juxta multitudinem adinven-
tionum suarum, sic et sustinebit. Revela-
bunt cœli iniquitatem ejus, et terra adver-
sus eum consurget. Hæc est pars hominis
impīi a Deo. Denique, qui angelorum no-
verunt ruinam, communiter agnoverunt
eamdem per homines instaurandam : sic-
que senserunt hominum animas immor-
tales. Hinc Sadducei asserentes animam
rationalem esse mortalem, dixerunt nec Act. xxiii, 8.

Job. xiii, 10.
Ezech. xiii,
30. xxxiii,
20; Matth.
xvi, 27.
Apoc. ii, 23.
xiii, 12.

Job iv, 20.

Ibid. xx, 18,
27, 29.

angelum esse, nec spiritum, ut in Actis A habetur. Amici autem Job quosdam angelorum ruisse noverunt. Eliphaz enim

Job ix. 18.

fassus est : In angelis suis reperit pravitatem. At vero quum viri isti fuerint sancto Job tam familiares atque carissimi diu

Ibid. ii. 12, 13.

ante hanc disputationem (nam visa percussione sciderunt vestimenta sua, elevataque voce fleverunt, et septem diebus ac noctibus sederunt eum eo in terra nihil loquentes, quia viderunt vehementem esse dolorem : quo constat, quam intensa inter eos amicitia fuerit), non reor probabile, B quod Job tanto tempore reliquisset eos in tanto errore, imo in tanta perfidia, praesertim quum dicat Gregorius beatum Job non habuisse familiares amicos nisi justos. Nec obstat, quod Job in hac disputatione locutus est eis, Absit ut justos vos

Ibid. xxvii.

Ibid. xxvii. 10.

arbitrer ; itemque, Non inveniam in vobis ullum sapientem : hoc nempe (secundum expositores) perhibuit, quia in hac disputatione non habuerunt se sapienter ac juste. Gregorius demum et Albertus senserunt amicos Job posuisse animam hominis C immortalem.

Si autem objiciatur, Ergo non posuerunt operum retributionem bonorum fieri in praesenti, nec aestimaverunt pro solo peccato infligi adversa, quod tamen secundum Gregorium, Thomam et alios asseriebant : dicendum, quod non sequitur. In lege namque naturæ, imo et in lege

scripta communiter sic fiebat, quod servientibus Deo fideliter prospera evenerunt, sicut in Deuteronomio scribitur. Unde Judæis temporalis prosperitas multoties promittebatur, si Domino deservirent : idque tunc congruenter fiebat, quatenus per hoc homines rudes ac imperfecti, in fide providentiæ Dei roborarentur, et ad spiritualium inducerentur amorem. Tales namque (teste Gregorio) si parva non reciperent, magna non crederent. Nec tamen amici Job putaverunt temporalem prosperitatem esse finalem ac plenam justæ conversationis mercedem, sed inchoatam et aliqualem, quemadmodum et Christus in Evangelio prædicatoribus loquitur : In eadem domo manete, edentes et bibentes quæ apud illos sunt ; dignus est enim operarius mercede sua.

Deut. i. 34; ii. 32-37; iii. 1-12; viii. 2-6; x. 22.

Ibid. ix. 1, 40; v. 32, 33; vi. 1-3, 18, 19, 24, 25; vii. 12-16; xi. 13-15, 18, 27; xxviii. 1-14; xxx. 1-10, 16, 20.

Luc. x. 7.

Itaque longissima illa inter Job et ejus amicos disputatio habita, praesertim consistit in hoc, quod amici senserunt, pœnas hujus vitæ et adversa non inferri, nisi pro prævia culpa ; nec magna adversa infligi, nisi pro scelere gravi. Et quia viderunt beatum Job gravissime cæsum, judicaverunt eum gravissimum peccatorem, quamvis homines id latebat. Unde hypocritam eum fuisse finaliter concluderunt. Contra quos Job zelo justitiæ, justum se fuisse demonstrat, nec semper impiis adversa accidere, justisque prospera, nec se judicatum a Deo juxta processum humanæ justitiæ.

Job ix. 7-9.

Ibid. 10, 11. Ibid. viii. 13; xv. 34; xx. 5; xxxiv. 30.

ARTICULUS XIX

ELUCIDATIO ATQUE SOLUTIO DIFFICULTATUM INTELLIGENDI LIBRUM JOB, EX QUA DATUR VIA INTELLIGENDI MULTA, QUÆ IN LIBRO ILLO VIDENTUR DIFFICILIA ET OBSCURA.

ITAQUE omnia verba præallegata, quibus beatus Job innocentem se asserit, nec peccasse, in tantum quod cor suum non reprehenderat eum in omni vita sua, nec meruisse tot plagas, intelligenda sunt de peccatis magnis atque mortalibus : de

quibus conscius sibi non fuit. Porro, verba quibus se peccasse fatetur, sumenda sunt de levibus venialibusque peccatis, sine quibus vita ista non ducitur. De quibus Jacobus ait apostolus : In multis offendimus omnes ; et Joannes : Si dixerimus

Jacob. iii. 2. IJoann. i. 8.

quia peccatum non habemus, nos ipsos A seducimus. Pro talibus quoque Job quotidie satisfacere studuit, ut sanctis viris mos est. Nec Deus qui humanam scit fragilitatem, solet talia tam acriter vindicare. Hinc Job justum se dixit, per mortalium earentiam vitiorum: nec tot meruisse supplicia, pensata divinæ bonitatis elementia, ac fragilitate humana; tamen, secundum divinæ rigorem justitiæ, adversa vitæ præsentis non sufficerent pro uno veniali peccato. Porro quod dixit: Si justificare me voluero, os meum condemnabit me: si innocentem ostendero, prævum comprobabit: intelligendum est, quod noluit se justificare per comparisonem ad divinam justitiam, cujus respectu humana justitia injustitia repñtatur, secundum Gregorium. Nec voluit se justificare, quasi a venialibus culpis esset immunis. Nec admirandum, si secundum diversas considerationes tam diversimode de se loquatur, quum et Paulus apostolus de se uno loco testetur: Venit Jesus peccatores salvos facere, quorum primus ego sum. Alibi vero: Nihil, inquit, mihi conscius sum. Per eandem distinctionem concordandum, quod Job interdum asserit se justum inveniendum, si judicetur a Deo; interdum autem, quod non justificatur homo compositus Deo.

Præterea, verba in quibus videtur minus reverenter loqui de Deo, pensanda sunt secundum intentionem loquentis. Homines namque in vehementissimis doloribus constituti, nonnunquam extense loquuntur, et magis ex acerbitate doloris, quam libra ac pondere rationis, quamvis intentio bona sit, intellectusque verax. Ideo Deus cordium judex, talia aliquando approbat, quæ hominibus valde male videntur sonare. Unde, quod beatus Job ait, Multiplicabit Deus vulnera mea sine causa, intelligendum est, Sine causa mihi aut hominibus nota; vel, Sine causa tali, pro quali dumtaxat amici sui, contra quos arguebat, putabant hominem flagellari. Similiter quod ait, Innocentem et impium Deus consumit, intelligitur, quod etiam

innocentes in hac vita quandoque usque ad mortem inclusive adversitatibus affliguntur: quemadmodum ad Jerusalem Deus ait per Ezechielem, Occidam in te justum et impium. Porro quod ait, Non de pœnis innocentium rideat, scilicet Deus, intelligendum est, Non per modum ridentis se habeat, illos absque causa eis cognita tam graviter affligendo, quasi de eorum gauderet supplicio: in quo tamen non delectatur, nec complacentiam habet, in quantum adversum est et pœnale, sed in quantum illis multipliciter utile est. Multa enim in Scripturis Deo adscribuntur, non secundum existentia veritatem, sed secundum operis similitudinem, ut est illud Genesis: Tactus Deus dolore cordis intrinsecus, et præcavens in futurum, Delebo (inquit) hominem quem creavi, a facie terræ. Et in Nahum: Ulciscens Dominus, et habens furem. Quomodo demum intelligi debeat, quod ait Job, Quare de vulva eduxisti me, supra breviter tactum est. Siquidem intelligendum est eo sensu, quo dixit, Pereat dies in qua natus sum. Quomodo etiam Jeremias ait: Maledicta dies in qua natus sum. Quare de vulva egressus sum, ut viderem laborem et dolorem, et consumerentur in confusione dies mei? Sic et Apostolus protestatur: Supra modum gravati sumus, ita ut tæderet nos vivere. Qui tamen tam sæpe hortatur in adversis gaudendum. Sed et Christus sic loquitur: O generatio incredula, quamdiu apud vos ero? quamdiu patiar vos? Sancti namque sæpe ita loquuntur propter causas diversas, et ad insinuandum dispositionem animæ suæ, in qua fuerunt secundum inferiorem ipsius partem, scilicet sensitivam. Unde et Christus sic loquens: Tristis est (ait) anima mea usque ad mortem. De hoc etiam Thomas subtiliter scribit.

Præterea, verba Job quibus asseruit, Deus non æquo judicio afflixit me: et item, Proponat Deus æquitatem contra me, et perveniet ad victoriam judicium meum: non ita sunt accipienda, quasi Job voluerit affirmare, quod Deus injuste eum affli-

Gen. xxi, 21.

Job. xxi, 29.

1 Tim. i, 1.

1 Cor. xiii, 1.

Job xxi, 18.

Ibid. ix, 2.

1 Reg. xvi, 7.

Job. xxi, 17.

Ibid. 22.

Job. xxi, 29.

Sap. i, 1.

Gen. xxi, 7.

Nahum, 2.

Job. xxi, 18.

Ibid. iii, 3.

1 Cor. xiii, 1.

1 Tim. i, 1.

Matth. xxi, 12.

Matth. xxi, 12.

Job. xxi, 17.

Job. xxi, 17.

xit, vel quod hoc posset probare; sed quod non erat afflicto justo judicio, loquendo de æquitate humani judicii, et eo modo quo amici ejus putaverunt eum juste percussum, videlicet ob sua peccata. Unde hoc modo judicium ejus obtinisset victoriam. Postremo, quod ait ad Dominum, *Job xxxv. 21.* Mutatus es mihi in crudelem: sto, et non respicis me: loquitur more afflictorum, quoniam Deus non statim exaudiendo, et pœnas non auferendo, quasi per modum crudelis et non adspicientis se habere videtur, præsertim dire afflicto. Juxta quem *Is. lxxiii. 15.* sensum Isaias ait: Multitudo viscerum tuorum, et miserationum tuarum, Domine, super me continuerunt se. Et Habacuc: *Habac. i. 2.* Usquequo, Domine, clamabo, et non exaudies? vociferabor ad te vim patiens, et *Ps. xii. 1.* non salvabis? Atque in Psalmo: Usquequo, Domine, oblivisceris me in finem?

Præterea, quamvis amici Job et Eliu videantur zelo Dei locuti, et reverenter de Deo ac providentia effati divina, cordium tamen scrutator omnipotens et supersapientissimus atque justissimus Deus, eos redarguit, quia in occulto fuerunt errore, de providentia et judiciis Dei non satis fideliter sentientes, putando quod Deus in vita hac non infligeret pœnam nisi pro culpa. Verba quoque beati Job interpretabantur sinistre, eumque temere judicaverunt, et

A nimis acriter reprehenderunt, præsertim in tantis constitutum suppliciis. Job demum non dixit talia, qualia Eliu ei imposuit, utpote quod dixisset, Justior Deo sum; et, *Job xxxv. 2.* In judicando me mendacium est. Sed ista *Ibid. xxxiv. 6.* atque similia Eliu aestimavit sequi ex verbis Job: quæ non veraciter intellexit, quia doloris expers, verba dolorosa loquentis non penetravit, secundum Gregorium.

B Ecce, Reverende Magister, præceptor et Pater, ad quæstionem propositam, ut potui, Deo præstante, respondi; et scriptum hoc vobis (non tanquam ex his informando, sed ut ad discernendum idoneo, an verum catholicumque consistat) humiliter offero, cupiens illud tam gratanter dignanterque suscipi, quam affectuose compilatum est et offertur. Superest ut cui plus datum est, judicium Dei plus expavescat, Deoque gratior ac subjectior esse conetur. Itaque summi et infallibilis Judicis (cujus tribunali nos cito adstare oportet) *Rom. xiv. 10.* supervenerandam præsentiam jugiter perpendamus, majestatem ipsius super omnia honoremus, sapientiæ ejus adspexit castissimo revereamur pudore, suæ incircumscriptibilis bonitatis inflammemur amore: fonti beatitudinis perenniter inhæreamus, grates dicamus, cultum debitum impendamus: qui est super omnia Deus sublimis et benedictus. Amen. *Ibid. i. 25.*

FINIS TRACTATULI DE CAUSA DIVERSITATIS EVENTUM HUMANORUM

NOTA. — Quoniam inter quæstiones, a Reverendissimo Patre cardinei cœtus Nicolao Cusano motas, multa occurrunt difficultates, elucidationibus libri Job congruentia, satis congruere videbatur, si juxta hic imprimerentur omnes hujusmodi quæstiones: quandoquidem non occurrebat locus alius, cui appositæ magis sociarentur.

ENARRATIO
IN LIBRUM TOBIÆ

PROŒMIUM

QUONIAM pronus est ad misericordiam, benedicetur. Prov. xxii, 9.

Infinita bonitas Creatoris, benignissimam constituit legem rationali creaturæ, ut qualiter ipsa vult sibi fieri a suo legislatore et creatore altissimo, sic ipsa suis facere proximis non omittat. Hinc apud Lucam ait Salvator : Eadem mensura qua mensi fueritis, remetietur vobis. Quibus verbis præmisit : Date, et dabitur vobis. Denique, quam copiose ac liberalissime desuper detur affluentia supernorum charismatum, his qui toto corde misericordiæ actibus pro posse intenti sunt, pandit, addendo : Mensuram bonam et confertam et coagitatam et supereffluentem dabunt in sinum vestrum. Quo constat, quam vere locutus sit Salomon : Qui pronus est ad misericordiam, benedicetur. Tali etenim homini, homines (potissime pauperes) bona imprecantur, et ipse totius fons boni, dona gratiæ suæ abundanter largitur, imo et temporalia multiplicare dignatur. Et quod amplius est, sibi fieri arbitratur, quod ejus intuitu et amore exhibetur egenis. Quod in venerabili et virtuoso isto Tobia evidenter esse completum, in hoc ejus libro nunc exponendo docetur. Fuit equidem ita misericors, quod cum sancto Job dicere potuit : Ab infantia crevit mecum miseria, et de utero matris meæ egressa est mecum. Lucæ xi, 48.
Ibidem.
Ibidem.
Prov. xxii, 9.
Matt. xxv, 40.
Job xxx, 18.

Præterea, circa materiam libri hujus aliqua possunt inquiri, quæ ex ipso ejus textu infra patebunt. Præcipua vero occurrit difficultas, quo tempore sit defunctus Tobias, an scilicet ante destructionem urbis Jerusalem, incensionemque templi, an postea. Et de hoc infra inquisitio erit. Tob. xiii.

Denique liber iste non computatur inter Scripturas canonicas. Tamen de ejus veritate non dubitat mater Ecclesia : propter quod eum recepit, et legendum instituit, non ad confirmationem atque probationem eorum quæ veniunt in contentionem, id est credendorum, de quibus inter Catholicos et incredulos exstat disputationis contentio, sed ad morum informationem. Est namque hic liber historicus, etiam valde moralis ac doctrinalis.

Verum contra hæc oritur duplex objectio. Prima, quia Hieronymus ait in prologo hujus libri : Librum Tobiae Hebræi his quæ Hagiographa memorant, manciparunt. Libri autem veteris Testamenti ad Hagiographa pertinentes, canonici sunt : siquidem Scripturam canonicam in tres dividunt partes : in legem, in Prophetas, et in Hagiographa, ut in prologo super Regum sanctus refert Hieronymus. Secunda est, quia hic liber non est minoris auctoritatis quam liber Judith, de quo in prologo suo Hieronymus protestatur, quod synodus Nicæna legitur librum Judith computasse in sanctarum numero

Scripturarum. Sanctæ autem Scripturæ vocantur canonicæ : ergo et liber iste inter canonicas Scripturas habendus est. Ad primam harum instantiarum Magister in historiis respondet, dicendo, quod Hieronymus accepit hagiographa diffusius, id est extense, prout includit apocrypha : cujus solutionis veritas ex verbis innotescit Hieronymi asserentis, Librum Tobiae de catalogo divinarum Scripturarum Hebræi secantes, etc. Et rursus, Arguunt (inquit) nos Hebræorum studia, et imputant nobis contra suum canonem Latinis auribus ista transferre. Ad secundam similiter respondendum, quod extense sumendo Scripturas divinas, puta pro omnibus libris in Biblia contentis, et de Deo tractantibus, liber iste, sicut et liber Judith, inter divinas censetur Scripturas.

Postremo, libri hujus historia delectabilis est et decora, ac plurimum informativa fidelium.

ENARRATIO IN LIBRUM TOBIÆ

ARTICULUS PRIMUS

EXPOSITIO CAPITULI PRIMI : TOBIAS EX TRIBU ET CIVITATE NEPHTHALI.

HOC primo capitulo describitur conversatio virtuosa Tobiae, praesertim in operibus misericordiae. *Tobias ex tribu et civitate Nephthali.* Nephthali interdum est nomen unius duodecim Patriarcharum, filiorum Jacob patriarchae, qui ex conjuge sua nomine Bala, ancilla Rachelis, genuit Dan et Nephthali, ut patet in Genesi. Interdum Nephthali sumitur pro tota tribu ex praefato Nephthali orta. Quandoque vero pro civitate Galilææ ad tribum Nephthali pertinente, ut aliqui dicunt. Verumtamen in libro Josue, ubi civitates tribus Nephthali exprimuntur, nulla sic appellatur; nec etiam primo Paralipomenon libro. Ideo istud videtur incertum aut falsum, nisi forsitan aliqua urbium illarum, alio nomine dicta sit Nephthali, aut postea sit constructa. Fuit ergo Tobias ex tribu Nephthali patriarchae, et ex civitate pertinente ad tribum Patriarchae ejusdem; vel ex civitate nomine Nephthali. *Quæ est in superioribus Galilææ*, id est in locis et partibus eminentioribus, seu magis orientalibus provinciae Galilææ. Circa quod aliqui dicunt, ideo esse dictum, In superioribus Galilææ, quoniam duplex est Galilæa, scilicet superior atque inferior, et quod Tobias fuit de Galilæa superiori. Sed juxta hoc (ut apparet) potius dictum fuisset, Quæ est in superiori Galilæa. *Supra Naasson,*

id est juxta aut supra urbem Galilææ sic nominatam. Aliquando autem Naasson est proprium nomen viri: unde in Numeris filius Aminadab nomine Naasson, scribitur princeps tribus Juda fuisse. *Post viam quæ ducit ad occidentem, in sinistro habens civitatem Sephet.*

Quum captus esset in diebus Salmanassar regis Assyriorum. Quarto Regum legitur, qualiter Teglathphalasar rex Assyriorum vastavit regnum decem tribuum, et multos ex eis cepit ac transtulit in Assyrios, tempore Phacee regis Israel, regnante in Juda Ozia rege, qui alio nomine dictus est Azarias. Et hæc vocatur prima captivitas decem tribuum. Postea Salmanasar rex Assyriorum, filius prædicti regis Assyrii, vastavit, cepit, et transtulit decem tribus, scilicet eos qui ex tribubus illis residui erant in terra promissionis. Et hæc vocatur secunda captivitas tribuum decem, quæ facta est sexto anno Ezechiae regis Juda, et nono anno Osee regis Israel. In qua captivitate Tobias inter ceteros est abductus: non quod ipse captivari et transferri meruerit, sed quia in punitione justa iniquorum, interdum contingit et justos ac innocentes corporalibus pœnis involvi cum impiis, sicut per Ezechielem Dominus dixit Jerusalem: Occidam in te justum et impium. Sic enim Daniel cum sociis suis,

Gen. xxx,
4-8.

Josue xix,
32-39.

I Par. vi,
76.

Num. vii,
12.

IV Reg. xv,
29.

Ibid. xvii,
3-6.

Ezech. xxi,
7.
Dan. i, 6.

Ezech. i. 1. atque Ezechiel a Chaldæis capti fuerunt. Quod tamen nec divinæ providentiæ, nec divinæ repugnat justitiæ. Justi enim et electi multipliciter in hac vita tribulantur, non solum pro culpis suis, sed etiam pro majori eorum profectu, et ut gloriosius coronentur, et ut exercentur adversis, ac aliis in exemplum patientiæ proponantur, sicut et infra tangetur. Talia ergo adversa ordinat justus et supersapientissimus Deus suis electis in majus bonum.

In captivitate tamen positus, id est in terra Assyriorum captivus habitans, puta in metropoli regni illius, hoc est in Ninive civitate: non quod fuerit ibi in nervo, aut cippo, aut carcere positus, sed jure vel violentia belli detentus: *viam veritatis non deseruit*, id est, observantiam legis divinæ, et cultum veri Dei non reliquit: imo permansit in veritate vitæ, in veritate doctrinæ, et in veritate justitiæ. Sicque in adversis exstitit constans, fidelis et patiens: in quo ejus relucet perfectio. Adversa etenim probant virum, juxta illud: *Vasa figuli probat fornax, et homines justos tentatio tribulationis. Ita ut omnia quæ habere poterat, quotidie concaptivis fratribus qui erant ex ejus genere, impertiret*, id est, filiis Israel secum captis divideret et communicaret. Et per natos ex genere suo, possunt specialiter accipi, nati ex tribu Nephthali; generaliter vero, quicumque exorti ex progenie et semine Jacob seu tribuum decem.

Quumque esset junior omnibus in tribu Nephthali, id est unus juniorum, vel junior quibusdam singularum familiarum tribus illius, vel junior omnibus notabilibus personis tribus præfatæ, *nihil tamen puerile gessit in opere*, id est nihil contrarium laudabilibus moribus: sicque moribus ætatem transcendit, et maturitati, probitati, atque prudentiæ studuit ab ea ætate qua capax fuit discretionis, et in innocentia sua permansit, etiam inter dyscolos sceleratos atque idololatrias vivens: quod fuit donum gratiæ specialis.

Denique quum omnes irent ad vitulos

aureos, id est, quidam, imo et plurimi, de omnibus tribubus Israelitici regni, assidue tenderent ad adorandum vitulos aureos, quos *Jeroboam fecerat* per manus artificum, *rex Israel*, metuens, quod decem tribus redirent ad obedientiam Roboam filii Salomonis, si irent ad sacrificandum Deo in templo Jerusalem, prout tertio Regum libro recitatur; *hic solus*, id est præcipue præ ceteris, *fugiebat consortia omnium* illorum idololatrantium. Vel ideo dicitur solus, quia tam pauci de decem tribubus tempore illo recesserunt ab idololatria illa, quod aliorum respectu, quasi nulli videbantur.

Et pergebat ad Jerusalem ad templum Domini, ad quod ivit occulte (ut communiter dicitur): quoniam reges Israel prohibuerunt id subditis suis, posueruntque in via et montibus quosdam ad observandum, an quis de regno Israel pergeret ad Jerusalem ad sacrificandum, ut dictum est super illud Osee: *Laqueus facti estis speculationi, et sicut rete expansum super montem Thabor*. Sed advertendum quod Osee rex Israel, cujus imperii nono anno captus est Tobias, dedit licentiam omni populo suo, eundi et sacrificandi Deo in templo Jerusalem, ut dicunt Hebræi. Unde super illud Osee, *Divisum est cor eorum*, nunc interibunt, refert Hieronymus: *Dicunt Hebræi, quod quamdiu reges decem tribuum et ipsæ tribus concorditer idola coluerunt, non fuerunt totaliter capti, quoniam idololatria populi aliquantulum excusabatur ex tyrannide regum, compellentium populum ad facinus tantum*. Porro, Osee ultimus rex Israel jussit, ne vituli aurei tanto studio colerentur, contulitque licentiam plebi, ut irent et sacrificarent in templo Jerusalem: cui populus contradixit, sicque divisum fuit cor populi a corde regis. Propter quod nullam suæ idololatriæ excusationem habebant, et protinus capti sunt. Denique narratio ista videtur consonare Scripturis. Legitur namque quarto Regum, quod Osee rex fecit malum coram Domino, sed non sicut reges Israel qui ante eum fuerunt.

III Reg. xii. 26, 27.

Osee v, 1

Ibid. x, 2.

IV Reg. xvii. 2.

Ps. xxxiii. 20: Ezech. xxxiii. 1.

Ezech. xxxiii. 1.

Et ibi adorabat Dominum Deum Israel: A quem utique adoravit quotidie, etiam extra templum, sed in solennitatibus legis, in quibus præceptum fuit ut sacrificia sua offerrent, et adorarent in templo, adoravit in eo. hoc est in festis Paschæ et Pentecostes ac Tabernaculorum, juxta illud Deuteronomii : Tribus vicibus per annum apparebit omne masculinum tuum in conspectu Domini Dei tui in loco quem elegerit : in solennitate Azymorum, et in solennitate Hebdomadarum, et in solennitate Tabernaculorum. *Omnia primitiva sua*, id est primitias frugum et animalium deputatas usibus sacerdotum, *et decimas*, quæ cedebant in sustentaculum Levitarum, prout in Levitico et Deuteronomio sæpe habetur, *fideliter offerens Deo : ita ut in tertio anno proselytis et advenis ministraret omnem decimationem*. Decimæ ordinatæ in sustentationem Levitarum, offerebantur quolibet anno : præter quas fuit et alia decima, quæ offerebatur semel in tribus annis, et crevit in usum pauperum, præsertim proselytorum, id est conversorum ad Judaismum, et advenarum seu peregrinorum. His ergo Tobias tertio anno exhibuit omnem decimationem, id est decimam partem omnium rerum suarum, de quibus secundum legem decima offerebatur. De his decimis in Deuteronomio et Numeris plenius legitur.

Hæc et his similia puerulus observabat, id est adolescentulus, etiam nondum viginti annorum existens, infra quos pueri vocabantur, ut in Numeris habetur.

Quum vero factus fuisset vir, id est, D postquam vicesimum attigit annum, *accepit uxorem Annam de tribu sua : secundum illud Numerorum*, Omnes viri ducent uxores de tribu et cognatione sua : quod potissime servabatur, dum feminæ successerunt in parentum hereditate, ne si viris alterius tribus jungerentur connubio, sortium sequeretur confusio, hereditate unius tribus ad tribum aliam transeunte. Alias non servabatur hoc semper : nam et David de tribu Juda, filiam Saul de tribu Benja-

min duxit uxorem. *Genuitque ex ea filium, nomen suum imponens ei*, vocando eum Tobiam, quando circumcisisus fuit, scilicet die octava. Hinc ineptum videtur, quod aliqui juniorem illum Tobiam nominant Tobî. *Quem ab infantia*, id est termino infantia, seu ab exordio quo uti cœpit discretionem, *timere Deum filiali timore docuit, et abstinere ab omni peccato* : præsertim mortali, cui proprie competit ratio peccati, quum peccatum dicatur transgressio legis divinæ, et cœlestium inobedientia mandatorum : a quo peccato diu non abstinet, nisi qui et venialia cum diligentia vitat, quum venialia ad mortale disponant. Parentes autem filiis suis educationem, correctionem et informationem in moribus tenentur. Estque expediens, ut proles a pueritia sua sic informetur. Propter quod in Ecclesiastico scriptum est : Non des filio potestatem in juventute sua ; sed curva cervicem illius, et tunde latera ejus dum infans est. Hinc in Proverbiis inducitur : Adolescens juxta viam suam, etiam quum senuerit, non recedet ab ea.

Igitur quum per captivitatem devenisset cum uxore sua et filio in civitatem Niniven : quæ fuit metropolis Assyriorum, et constructa est ab Assur filio Sem, juxta illud Genesis, De terra illa egressus est Assur, et ædificavit Niniven : quæ (ut in Jona habetur) magna fuit itinere trium dierum : *cum omni tribu sua*, id est cum multis de singulis familiis tribus Nephthali. Juxta quem sensum subjungitur : *et omnes ederent ex cibis gentilium*, prohibitis in lege, prout in Levitico legitur ; *iste custodivit animam suam a transgressione legis, et nunquam contaminatus est in escis eorum*, id est, illicita non comedit. Juxta quem modum apud Daniele m assertitur : Proposuerat Daniel in corde suo, ne pollueretur de mensa regis, neque de vino potus ejus.

Et quoniam memor fuit Domini in toto corde suo, non solum ad sciendum, sed item ad faciendum ac adimplendum divi-

Deut. xvi.
16.

Lev. xxvii.
30 : Deut.
xxvi.

Deut. xii, 6.
14 : xiv, 22
29 : Num.
xxvii, 21-32.

Cl. Num. i.
3, 46. Exod.
xii, 37.

Num. xxxvi.
7.

1 Reg. xviii.
27.

Eccli. xxx,
11, 12.

Prov. xxii,
6.

Gen. x, 11.
Jonæ iii, 3.

Lev. xi.

Dan. i, 8.

Ps. cii, 18. na præcepta, juxta id Psalmi : Et memores sunt mandatorum ipsius, ad faciendum ea. Itaque memor fuit Dei assidue atque stabiliter, attendens jugiter divinæ majestatis præsentiam, secundum illud in Psalmo : Providebam Dominum in conspectu meo semper. Et : Oculi mei semper ad Dominum. Sicque cum sancto Job dicere potuit : Considerans Deum, timore sollicitor. *Dedit illi Deus gratiam in conspectu Salmanasar regis*, cujus cor Deus inclinavit ad favendum Tobiae propter ipsius virtutes. Nempe ut Salomon ait, Cor regis in manu Domini est ; quocumque voverit, inclinabit illud. Qui rursus fatetur : Qui diligit cordis munditiam, amicum habebit regem. *Et dedit ei potestatem quocumque vellet ire, habens ipse Tobias libertatem faciendi quæcumque vellet facere*, quæ tamen non derogant honori regis, et cultui Creatoris. Talem quoque libertatem dedit Nabuzardan, ex commissione Nabuchodonosor, Jeremiæ.

Pergebat ergo per omnes qui erant in captivitate de populo suo, et monita salutis dabat eis, ut scilicet captivitatem suam æquanimiter tolerarent, et in Dei cultu persisterent. Et sicut in Scholastica historia additur, Contribules suos non custodientes se, graviter arguebat. *Quum autem venisset in Rages civitatem Medorum*, quibus tunc imperabant Assyrii : unde quarto Regum narratur rex Assyriorum collocasse captivos ex Israel in civitatibus Medorum ; *et ex his quibus honoratus fuerat a rege Salmanasar*, puta ex munusculis sibi a rege collatis : qui honoravit Tobiam quemadmodum et de Jeremia legitur princeps militiæ Chaldæorum dedisse munuscula Jeremiæ ; imo secundum Josephum, pretiosa munuscula dedit Prophetæ ; *habuisset decem talenta argenti ; et quum in multa turba generis sui Gabelum egentem videret, qui erat ex tribu ejus : cum quo vidit et multos ex captis Israelitis egentes ; sub chirographo dedit illi memoratum pondus argenti*, id est, pecuniam illam concessit

A Gabelo sub cautione et chirographo de persolutione.

Post multum vero temporis, mortuo Salmanasar, cujus vitam Deus prolongavit propter pietatem suam Tobiae exhibitam, quum regnaret Sennacherib filius ejus : illis quippe temporibus Assyrii monarchiam tenebant ; et filios Israel exosos haberet, præsertim percusso ejus exercitu ab angelo in regno Juda, ut paulo post in littera recitatur, et quarto Regum describitur ; *Tobias pergebat per omnem cognationem suam : quia cognatis, ceteris paribus, magis est succurrendum, sicut et magis sunt diligendi ; et consolabatur eos verbis et beneficiis, sicut subjungitur : dividebatque unicuique prout poterat de facultatibus suis, etc. At ubi nuntiatum est regi Sennacherib, quod Tobias tot opera misericordiæ exhiberet filiis Israel desolatis, jussit eum occidi, et tulit*, id est abstulit, *omnem substantiam ejus. Tobias vero cum filio suo et uxore fugiens, quia præavisatus fuit ab aliquo de suo periculo, nudus latuit*, id est, rebus suis spoliatus abscondit se, *quia multi diligebant eum, non solum ex filiis Israel, sed ex Assyriis quoque, quoniam erat totus mansuetus, pius, liberalis, pacificus, humilis et modestus.*

Post dies vero quadraginta quinque occiderunt regem filii ejus. De qua occisione habetur quarto Regum, et secundo Paralipomenon, atque in Isaia ; sed de numero horum dierum hic solum fit mentio. Et potest intelligi, quod vel post reditum ejus a regno Juda, et ingressum in Niniven, vel post præceptum quo sic jussit tractari Tobiam, fluxerunt dies hi quadraginta quinque. Cur autem filii occiderunt regem tam impium, dictum est super libros Regum et Isaiam. Nempe (ut aliqui dicunt) ordinavit filium suum juniorem sibi in regno suo succedere : propter quod indignati filii seniores, eum interfecerunt. Alii vero affirmant, quod populus suus indignabatur ei propter occisos in terra Juda, et voluit eum occidere : propter quod con-

IV Reg.
xix, 35; Is.
xxxvii, 36.

IV Reg. xix,
37; II Par.
xxii, 21; Is.
xxxvii, 38.

IV Reg. xvii,
6.

Jer. xl, 5.

Is. xxxvii,
38. fugit in templum dei sui Nesroch, invocans eum, et promittens quod immolaret ei filios suos seniores, si eriperet eum de instanti periculo : quo cognito, filii sui seniores eum interemerunt.

Ibidem. Et reversus est Tobias ad domum suam, omnisque facultas ejus restituta est ei, ex præcepto Asarhaddon, qui patri suo Sennacherib in regno successit, et pietatem in Tobiam exereuit, cognitis ejus virtutibus; et Deo sic ordinante, qui tempore tribulationis et tentationis misericorditer adest, nec permittit hominem supra illud quod potest tentari, sed facit eum tentatione proventum, et in ea virtutem victoriamque largitur.

Sensus spiritualis. Thren. iv,
20. Præterea allegorice Tobias Christum designat : de quo loquitur Jeremias, Spiritus oris nostri, Christus Dominus, captus est in peccatis nostris; qui in omni ac summa pietate et innocentia vixit, et fructuosissimus mansit ab incarnationis exordio usque ad spiritus emissionem; qui duxit uxorem Ecclesiam, ex qua per prædicationem et Baptismum genuit filium unum, videlicet populum christianum in una fide et lege communicantem, cui imposuit nomen suum, quia a Christo Christianus vocatur. Denique Judæis in potestatem Romanorum redactis, atque ab invisibilibus

A hostibus gravissime captis, Christus pertransiit universos, consolando, docendo, reficiendo, miracula peragendo, quemadmodum sacratissimus ait princeps apostolici ordinis : Verbum misit Deus filiis Israel, annuntians pacem per Jesum Christum, qui pertransiit benefaciendo et sanando omnes oppressos a diabolo. Quumque Sennacherib, id est, persecutores et tyranni, odirent et persequerentur populum christianum ubique terrarum, Christus corda fidelium invisibiliter gratiosissime visitavit, consolabatur, refecit; ac tandem persecutoribus Ecclesiæ deficientibus ac deletis, Christus pacem dedit fidelibus, et restituta sunt ei in populo suo, quæ increduli abstulerunt membris et famulis Salvatoris.

Tropologice, instruuntur ex isto capitulo universi fideles, ut in prosperis et adversis constanter adhæreant Deo, atque misericordiæ actibus toto corde consistent intenti, patientiam quoque in omni adversitate insuperabiliter amplectantur, etiam C dato quod adversa non meruerint sustinere. Insuper sobolem suam ab infantia diligenter in omni informant virtute, præsertim in Dei timore ac moribus, non in vanitate, pompa et trufis, sicut nunc, proh dolor! faciunt multi.

ARTICULUS II

ELUCIDATIO CAPITULI SECUNDI : POST HÆC VERO QUUM ESSET DIES FESTUS DOMINI.

MISERICORDIA et patientia Tobiae hic D tur, juxta illud Nehemiae : Ite, comedite II *Eccl. xiii,*
10. pingua, et bibite mulsum, quia dies sanctus Domini est : et illud Esther : Diem constituerunt solennem, ut in eo omni *Esther ix,*
17. deinceps tempore vacarent epulis, gaudio atque conviviis. *Dixit filio suo : Vade et adduc aliquos de tribu nostra :* quia consanguineis major debetur dilectio ac beneficentia quam aliis, ceteris paribus ;

* *Deum timentes Dominum* *, id est, de quibus probabiliter scire potes ex relatione aut inspectione, quod timorati existant. Sicque implevit Tobias quod ait Scriptura : Viri justii commensales sint tibi. Itemque : Superbo oculo et insatiabili corde, cum hoc non edebam. Sed jam multi magis eurrant invitare divites et potentes, quamvis iniquos, quam justos, timoratos, innocentes ac simplices. *Ut epulentur nobiscum* sobrie et cum gaudio spirituali, non gulse et libidinose.

Eccli. ix,
22.
Ps. c, 5.

Quumque abisset, expleto patris præcepto, reversus nuntiavit unum ex filiis Israel jugulatum ab aliquo Assyriorum, jacere in platea, ceteris filiis Israel non audentibus eum sepelire. Unde elicitur, quod etiam filius præfati Sennacherib crudelis fuit Israelitis captivis. *Statinque exsiliens de accubitu suo*, id est de sua comestione et loco quo sedit ut statim comederet : erat namque repletus habitibus virtuosus, qui instar naturæ incitabant eum fortissime ad exsequendum actiones virtutum ; *relinquens prandium, jejunos pervenit ad corpus* : tollensque illud, portavit ad domum suam occulte, ut dum sol occubisset, caute sepeliret eum. Unde apparet, quod non cœpit comedere, sed invitatos præstolabatur.

Quumque occultasset corpus defuncti, ut illud clam de nocte traderet sepulturæ, ne videntes Assyrii dicerent regi ; *manducavit panem*, id est præparata cibaria : quæ omnia panis nomine designantur ; *cum luctu et tremore* : quia mortem tam crudelem occisi, et calamitatem populi sui deflevit ; et futura metuebat pericula, atque ne rex opera sua perciperet ; *memorans illum sermonem, quem Dominus dixit per Amos prophetam* : *Dies festi vestri convertentur in lamentationem et luctum*, ita quod corde et corpore eritis mœsti. Porro translatio nostra habet : Convertam festivitates vestras in luctum, et omnia cantica vestra in planctum. Amos autem propheta diu fuit ante Tobiam, et prophetias suas descripsit : ideo Tobias potuit eas scire, ut

Amos viii,
10.

A pote studiosus in lege et Prophetis. Quam diu autem fuerat Amos ante Tobiam, ex quarto Regum libro colligitur, per considerationem regum qui inter Jeroboam filium Joas regem Israel, sub quo propheta-
vit Amos, et inter Osee regem Israel, ejus anno nono captus est Tobias, regnaverunt. *Quum vero sol occubisset, abiit et sepelivit eum.* *IV Reg.* xiv, xv.

Arguebant autem eum omnes proximi sui, adhuc imperfecti, et magis timentes regem terrenum quam cœlestem, dicentes :

B *Jam hujus rei causa interfici jussus es, et iterum sepelis mortuos ?* Tobias autem econtrario plus timens Deum quam homines, non cessavit a defunctorum sepelitione ex humano timore, quemadmodum subditur. *Sed Tobias plus Deum quam regem timens, rapiebat corpora occisorum, et occultabat in domo sua, et mediis noctibus sepeliebat ea.* Sicque timuit regem naturali et ordinato timore, et quantum potuit (salvo Dei præcepto) vitavit regis offensam, propriumque periculum, nolens C tentare Deum. Propter quod ait Glossa : Non debemus nos in pericula præcipitare, vel Deum tentare, quando per rationem possumus nos juvare.

Contigit autem ut quadam die fatigatus a sepultura. Si hoc intelligatur de die artificiali, qui est latius solis super nostrum horizontem, consequens erit quod non solum in noctibus, sed et luce diurna aliquando mortuos sepelivit. Si autem intelligatur de die naturali, qui est spatium viginti quatuor horarum, et noctem includit, istud non sequitur. *Veniens domum, jactasset se juxta parietem, et obdormisset, et ex nido hirundinum dormienti illi calida stercora inciderent super oculos ejus, fieretque cæcus.* Circa hoc aliqui dicunt, illam excæcationem ex naturali stercorum hirundinum virtute non contigisse, præsertim quum non ceciderint super oculos ejus apertos, sed clausos ; sed ex ordinatione divina, quæ actor est mali pœnæ, quatenus Tobias sic fieret posteris exemplar patientiæ. Quocirca reor dicen-

dum, quod utique ex divina ordinatione magis quam casualiter credendum est illud contigisse, præcipue quod ambobus oculis ejus stercore illa pariter inciderunt propter causam præactam, secundum quod statim in capitulo isto subjungitur. Nihilo minus videtur dicendum, quod excæcatio illa non fuit miraculosa, sed naturalis effectus : ita quod stercore illa naturaliter ex sua sæculentia et caliditate poterant in oculis Tobie albuginem, maculamve causare, quamvis lumen visuale nequaquam in toto exstinxerint, prout infra habetur. Nec hoc mirabilius aut minus credibile est, quam quod oculi Tobie per applicationem fellis ejusdam piscis visum recuperaverunt, ut infra habetur.

Hanc autem tentationem, id est adversitatem et afflictionem, per quam Deus tentavit et exercitavit atque examinavit Tobiam, et ejus patientiam ac perfectionem, non ut ipsi Deo innotesceret, qui cuncta cognovit, sed nobis ad nostram ædificationem : unde scriptum est, Deus tentavit justos, et invenit illos dignos se ; *ideo permisit Deus evenire illi, ut posteris daretur exemplum patientiæ ejus, sicut et sancti Job*. Simili ratione tentavit Abraham patriarcham, quatenus exemplum obedientiæ posteris donaretur. *Nam cum ab infantia sua Deum semper timuerit, non est contristatus contra Deum*, murmurando aut aliter excedendo per verba aut facta illicita, eo quod plaga cæcitatatis eveniret ; *sed immobilis in Dei timore permansit, agens gratias Deo omnibus diebus vite suæ*. Erat quippe vir valde illuminatus, sciens multas esse tribulationes justorum, et eas ex variis causis infligi, sanctosque Patriarchas ac Prophetas multa ac magna tolerasse adversa.

Nam sicut beato Job insultabant reges, id est tres amici ejus, qui erant multorum rectores et principes, propter quod reges vocantur. Juxta quem modum in Genesi, ubi nostra translatio habet, Responderunt filii Heth, dicentes ad Abraham, Princeps Dei es apud nos, alia translatio continet,

A Rex Dei es apud nos. Circa hæc scribit quidam : Forte reges fuerunt ad litteram. Antiquitus enim in qualibet civitate erat rex unus, ut patet in libro Josue. Ad quod dico, quod in libro Josue non dicitur hoc : imo, ut ibidem fertur, omnes reges quos occiderunt filii Israel in terra promissionis, fuerunt triginta unus, et tamen multo plures civitates erant ibidem. Similiter tempore illo unus fuit rex in tota Egypto. In Deuteronomio quoque legitur, quod Og rex Basan præfuit sexaginta civitatibus muratis muris altissimis, absque oppidis innumeris, quæ non habebant muros.

Ita isti Tobie, parentes ejus et cognati ejus insultabant : a quibus gravius est hoc ferre ; et *irridebant vitam ejus* : quum tamen afflicto non sit addenda afflictio, sed consolatio impendenda, ne abundantiori absorbeatur tristitia ; dicentes : *Ubi est spes tua, pro qua eleemosynas et sepulturas faciebas ?* quasi dicant : Inanis effecta est, et bono sperato privata ; nec Deo placuit operatio tua, qui pro tot bonis (ut apparebat) permisit tibi accidere tantum malum. Circa hoc quidam scribit : Ex his videtur, quod isti propinqui Tobie remunerationem boni et mali credebant tantum esse in vita præsentis, sicut amici Job. Quocirca dicendum, quod iste, sicut et S. Thomas quem in hoc sequitur, super Job affirmat, amicos Job non posuisse vitam aliam post præsentem, sed animas hominum esse mortales, atque finalem retributionem virtutum ac vitiorum esse in vita hac. Verum sicut super Job diffuse probavi, non solum ex verbis B. Gregorii et Alberti Magni, ac aliorum, sed item ex verbis amicorum Job, ipsi non erant illius opinionis. Putabant tamen justis in vita hac prospera evenire, nec adversa infligi, nisi pro aliqua culpa afflictis, juxta modum quo in lege Moysis justis uberrime promittebantur prospera in præsentis, et iniquis intabantur adversa in sæculo isto. Et raro aut nunquam erat ibi manifesta expressio de remuneratione post vitam præsentem

Josue xii,
7 et seq.

Deut. iii, 4,
5.

Ibid. xxviii.

Tob. xi, 13-14.

Sap. iii, 5.

Job. i, 12,
ii, 6.
Gen. xxi, 1.

Ps. xcvi,
20.

Job. ii, 11.

Gen. xxiii,
1-6.

futura. Nihilo minus lex posuit vitam et remunerationem futuram.

Tobias vero increpabat eos, dicens mansuete ac sapienter : Nolite ista loqui ; quoniam filii Sanctorum sumus, videlicet Abraham, Isaac, et Jacob, qui non posuerunt finalem mercedem justitiæ in præsentia. Unde Dominus ait ad Abraham :

Gen. xv, 1. Ego protector tuus, et merces tua magna nimis. Hinc ad Hebræos scribit Apostolus :

Hebr. xi, 43, 14. Juxta fidem defuncti sunt omnes isti, non acceptis repromissionibus, sed a longe eas adspicientes et salutantes, et confitentes

quia hospites et peregrini sunt super terram. Qui enim hæc dicunt, significant se patriam inquirere. Hinc subditur : et vitam illam exspectamus per spem, quam Deus daturus est his, puta electis in regno cælesti : quæ est vita gloriæ, beatifica visio Dei, consummata felicitas ; qui fidem suam nunquam mutant ab eo, id est, nunquam in aliquam diffidentiam aut incredulitatem labuntur, aut si labuntur, resurgunt et pœnitent, et perseverant finaliter, decedentes in fide formata.

Anna vero uxor ejus ibat ad textrinum opus quotidie, id est ad locum et domum ubi texebatur, et lanificio fuit intenta. Quod patet magna Tobiae et conjugis suæ paupertas, quia in propria domo non habebat materiam circa quam operaretur. Tobias namque cuncta quæ habuit, communicavit egenis. Et de labore manuum suarum victum quem consequi potuisset, deferebat. Unde factum est ut hœdum caprarum accipiens pro mercede sui obsequii, detulisset domum. Capra autem et hœdus ejus

erant animalia munda et immolaticia, ut in Levitico patet. Cujus quum vocem balantis vir ejus audisset. Porro balatus est sonus ovium et caprarum. Dixit : Videte ne forte furtivus sit. Reddite eum dominis suis, quia non licet nobis aut edere ex furto aliquid, aut contingere. Tobias non suspicabatur uxorem suam esse furatam hunc hœdum, quia ipsius bonitatem et fidelitatem agnovit ; sed verebatur ne forsitan is a quo hœdum acquisivit aut emit,

A furto acquisisset eundem. Mirabatur enim quomodo uxor sua paupercula habuisset facultatem emendi hœdum, nisi forte pro parvo pretio acquisierit hœdum, eo quod venditor per furtum acquisisset eum.

Ad hoc uxor ejus irata, ira per vitium et prædominante, respondit : Manifeste vana facta est spes tua, id est omni beata retributione privata, quia tam stulte locutus es, ut mihi apparet ; et eleemosynæ tuæ modo apparuerunt, id est, manifestatæ sunt fuisse inutiles tibi et immeritoria,

B tanquam ex fictione et hypocrisi, non ex virtutibus procedentes. Atque his et hujusmodi verbis exprobrabat ei : quemadmodum uxor Job, quæ dixit beato Job, Benedic Deo et morere. Nempe quum feminæ sint debiles ratione, quando irascuntur, solent omnino immoderanter irasci, præsertim dum nec timore nec verecundia refrenantur. Propter quod scriptum est : Non est caput nequius super caput colubri, et non est ira super iram mulieris.

Job ii, 9.

Eccli. xxv, 22, 23.

Allegorice, per Tobiam mortuos sepelientem, exprimitur Christus : qui consequentem, exprimitur Christus : qui ex itinere fatigatus, repausavit paulisper ; cui calida hirundinum stercora super oculos inciderunt, id est invidiosa obloquia levium et loquentium Pharisæorum, Scribarum et sacerdotum, qui claritatem et sapientiam Salvatoris obscuraverunt in multorum præcordiis, quos averterunt a Domino Jesu Christo in tantum, quod et quidam de Ecclesia ad hæreticas corruerunt impietates, atque pro laudibus obtulerunt ei blasphemias, nec Christi increpationem æquanimiter susceperunt.

Sensus spiritualis.

Joann. iv, 6.

Postremo, moraliter informamur ex isto capitulo mortuorum sepulturæ operam dare, Deum magis quam homines quoscumque vereri, nec ex humano timore aut mortis formidine præcepta Dei negligere, atque in omni tentatione et adversitate tranquillitatem patientiamque amplecti, divinæ providentiæ paternam dispositionem sagaciter contemplari, ac futurum Dei judicium, et æternæ felicitatis plenis

Lev. i, 10 et passim.

simum præmium jugiter ponderare : sic-
que tanquam filii sanctorum Apostolorum
immobiles permanere in omni fidei veri-
tate, ac filiali timore, et in adversis quoque
gratias agere summo provisorio, Patri æter-
no, fidelissimo ac sapientissimo creatori,
atque adversa de ejus manu tanquam mu-
nera acceptare, juxta quod in Proverbiis

A edocetur : Disciplinam Domini, fili mi, ne
abjicias ; et ne deficias cum ab eo corri-
peris. Quem enim diligit Dominus, corri-
pit, et quasi pater in filio complacet sibi.
Demum, his qui irrationabiliter nos cor-
ripiunt, subsannant, derident, non jam
impetuose irascamur aut indignemur, sed
tranquille ac sapienter respondeamus.

Prov. iii,
11, 12.

ARTICULUS III

DECLARATIO CAPITULI TERTII : TUNC TOBIAS INGEMUIT, ET COEPIT ORARE CUM LACRIMIS.

ORATIO et confessio Tobiae hic recitan-
tur. *Tunc Tobias ingemuit*, compatiens
erranti uxori, ac præsentis exsilii pensans
ærumnas, propriorum quoque et proximo-
rum deflens peccata ; *et coepit orare cum
lacrimis, dicens*. Talis enim oratio lacrimo-
sa, maximæ est efficaciam apud Deum, et
Omnipotentem quasi superare videtur. Pro-
pter quod ait Glossa : Oratio Deum lenit,
lacrima cogit ; oratio ungit, lacrima pun-
git. *Justus es, Domine*. Oratio laudibus Dei
admixta, efficacissima esse censetur. Pro-
pter quod Psalmista fatetur : Laudans invo-
cabo Dominum, et ab inimicis meis salvus
ero. Hinc Tobias orationem suam a laudi-
bus exorsus est, dicens : Justus es, Domi-
ne. Et convenientissime atque humillime
in primis divinam commendat justitiam,
insinuans se nequaquam contra divinum
murmurare judicium, quum tamen post
tantas justitias pateretur tot et tantas ad-
versitates. Itaque, Justus es, Domine, qui
nullam culpam desinis impunitam, et uni-
cuique reddis quod meruit ; *et omnia ju-
dicia tua justa sunt*, quoniam unumquem-
que secundum sua merita aut demerita
post hanc vitam judicas atque remuneras.
Nihilominus pius est Dominus et mise-
ricors, et miserationes ejus super omnia
opera ejus, potissimum in præsentem, et cir-
ca electos, qui sunt vasa misericordiam Dei,

Ps. xviii, 4.

Ps. cxliv,
8, 9.

Rom. ix, 23.

B et in Psalmo fatentur : Non secundum pec-
cata nostra fecit nobis, neque secundum
iniquitates retribuit nobis. Immo misericor-
dia et justitia Dei stant simul, et contem-
perantur in operibus ejus. Propter quod
subditur :

*Et omnes viæ tuæ misericordia et veri-
tas et judicium* : id est, cunctæ operatio-
nes tuæ sunt piæ et justæ, tuaque pietas
et justitia in universis tuis relucet operi-
bus : et hoc, secundum judicium, id est
discretionem sapientiam tuam. Nam et citra
condignum punis iniquos, et ultra con-
dignum remuneras justos. In quibusdam
tamen effectibus, præsertim in condemna-
tione et punitione reprobos, magis ap-
paret justitia Dei, et ejus effectus prædo-
minatur, quemadmodum in præmiatione
electorum evidentius resplendet et prædo-
minatur misericordia Dei. Interdum quo-
que accipitur justitia Dei pro condecencia,
qua decet eum sic aut sic agere : sicque
actus divinæ pietatis sunt justitia, quia tam
bonus est Deus, ut deceat eum misericor-
diter operari, et quibusdam ignoscere, ac
bona pro malis rependere. Hinc ait Psal-
mista : Universæ viæ Domini misericordia

D et veritas. Itemque : Justus Dominus in
omnibus viis suis. Juxta hunc sensum Aza-
rias in medio ardentis fornacis illæsus
stans, dixit : Justus es, Domine, Deus pa-

Ps. cii, 10.

Ps. xxiv, 10.

Ps. cxliv,
17.

Dan. iii, 28-
27.

trum nostrorum, in omnibus quæ fecisti A nobis, et universa opera tua vera, et viæ tuæ rectæ : ut in Daniele habetur.

Et nunc, Domine, memor esto mei, id est, per exauditionem gratiosam ostende te memorem esse mei, qui nunquam tuorum oblivisceris, *ne vindictam sumas de peccatis meis*. Ecce quanta humilitas justius, qui cuncta quæ toleravit, non reputavit condigna aut sufficientia esse flagella culparum suarum, imo graviora se fatebatur promeruisse, a quibus petiit misericorditer erui. *Neque reminiscaris delicta mea vel parentum meorum*, id est, per effectum justæ ultionis non ostendas te reminisci peccata nostra, sed ea clementer remittas quasi non fuerint, et reminiscere miserationum tuarum. Denique, specialiter orat pro suis parentibus, qui forsitan in brevi defuncti fuerunt, vel adhuc vivebant. Et quamvis (sicut in præcedenti habetur capitulo) parentes ipsius irridebant eum, ipse nihilo minus orat tota devotione pro illis : siquidem filii parentibus suis æquivalens reddere nequeunt.

Quoniam non obediimus præceptis tuis. Non pro propria persona hoc ait, quia jam patuit, quod in cunctis obedivit divinis præceptis ; sed in persona peccatorum et transgressorum, quibus se ex humilitate connumerat, tanquam unus ex populo illo. Juxta quem modum loquitur Isaias, dicendo : Nos reputavimus eum quasi leprosum et percussum a Deo. Esdras quoque et Daniel in orationibus suis dixerunt : Deus meus, confundor et erubescio levare faciem meam ad te, quoniam iniquitates nostræ multiplicatæ sunt super caput nostrum, et delicta nostra creverunt usque ad cælum. *Ideo traditi sumus in direptionem*, id est, bona nostra temporalia ablata sunt nobis : *et captivitatem*, id est, in personis propriis per captivitatem puniti sumus ; *et mortem* : unde dictum est supra, quod Sennacherib multos ex captivis occidit ; *et in fabulam et in improperium omnibus nationibus*, scilicet Persis, Medis, Assyriis, in quibus dispersisti

nos : quæ de nostris calamitatibus inter se fabulantur, et nobis assidue convitiantur. Secundum quod in Jeremia Dominus ait de talibus : Dabo eos in vexationem et maledictionem, et in stuporem et in sibilum, et in opprobrium, eo quod non audierint verba mea.

Et nunc, Domine, magna judicia tua, id est justa et sancta ac irreprehensibilia, *quia non egimus secundum præcepta tua, et non ambulavimus sinceriter coram te*, id est pura ac recta intentione : quia etsi bona aliqua egimus, tamen multis malis admixta fuerunt, nec satis sincera fuit intentio nostra, quia ad propria commoda reflexi existimus, vel ad laudes humanas, et ita quasi pannus menstruatus sunt universæ justitiæ nostræ. *Et nunc, Domine, secundum voluntatem tuam*, id est spontaneam tuam pietatem, *fac mecum* : juxta illud Psalmi, Benigne fac, Domine, in bona voluntate tua Sion ; *et præcipe in pace recipi spiritum meum*, id est, animam meam jube angelico ministerio tolli a corpore, et quiete transferri ad limbum patrum, sinumve Abrahamæ, id est ad secretam requiem illam et pacem, in qua fuit certa expectatio æternæ salutis, et quies ab omni præsentis vitæ tumultu. Sic et justus Simeon dixit : Nunc dimittis servum tuum, Domine, secundum verbum tuum in pace.

Expediit enim mihi mori magis quam vivere. Hoc aliquo modo sic fuit secundum considerationem Tobiae : quia utilis fuit ei in sinu Abrahamæ repausare, quam assidue sic affligi, et periculis peccandi exponi, quia ex sua cæcitate, irrisione, paupertate, aliisque adversis poterat paulatim ad impatientiam aut inordinatam labi tristitiam. Verumtamen absolute loquendo, salubrius fuit ei et aliis manere et conservari in vita eo modo, quo Deus decrevit eum conservare in vita hac per gratiam et profectum virtutum, atque per reductionem ad temporalem ac spiritualem prosperitatem eximiam, secundum quod infra habetur. Denique, juxta hunc modum leguntur sancti viri interdum mortem optasse, et

Jer. XXIX.
18, 19.

Is. LXIV, 6.

Ps. L, 20.

Luc. II, 29.

Ps. XXIV, 6.

Tob. II, 15.

Is. LII, 4.

1 Esdr. IX,
6, Daniel. 4-
20.

Tob. I, 21.

pro ea orasse, non ex impatientia, sed cautela et desiderio vitæ quietioris : tamen occasione magnæ adversitatis et afflictionis : a qua secundum divinæ voluntatis pietatem velle liberari, non videtur peccatum. Sic namque Moyses ait ad Dominum :

*Nom. XI.
14, 15; Deut.
I, 10, 12.*

*III Reg. XIX,
4.*

II Cor. I, 8.

Non possum solus sustinere omnem hunc populum, quia gravis est mihi. Sin aliter tibi videtur, obsecro ut interficias me, et inveniam gratiam in oculis tuis, ne tantis afficiar malis. Sic et Elias fugiens impiissimam Jezabel, legitur exorasse : Sufficit mihi, Domine, tolle (quæso) animam meam. Apostolus quoque : Supra modum, inquit, gravati sumus supra virtutem, ita ut tæderet nos vivere.

Eadem die qua sic oravit Tobias, contigit ut Sara filia Raguelis, Israelitæ capti et habitantis in Rages civitate Medorum, audiret improperium ab una ex ancillis patris sui, a qua potius debuit honorari : et gravius fuit a vili et subjecta persona sic objurgari ; quoniam tradita fuit septem viris a suis parentibus successive. Nec certum est, an viri illi fuerunt gentiles idololatræ, aut ex filiis Israel captis. Et quidquid inde dicatur, constat quod viri illi fuerunt iniqui, et tam virtuosæ puellæ conjugio et amplexu indigni. Nam et Israelitæ captivi, pro maxima parte fuerunt idololatræ. Sed quoniam infra Raguel ait, Credo quod ideo fecit vos Dominus venire ad me, ut ista conjungeretur cognationi suæ secundum legem Moysis, ad minus elicitur, quod viri illi non erant de tribu Raguelis et Saræ, sicut Tobias. Et dæmonium, nomine Asmodeus, occiderat eos, non sine permissione divina atque angelica. Erant quippe iniqui et libidinosi, ideo morte digni : sicque dæmon fuit exsecutor divinæ justitiæ in illorum punitione, quemadmodum in adolescentis occisione, qui sanctam Agnetem volebat pollueri. Mox ut ingressi fuissent ad eam in cubile aut lectum, antequam eam cognoverant.

Tob. VII, 14.

*Num.
XXXI, 8.*

Ergo quum pro culpa sua increparet puellam ex caritate et zelo justitiæ, quoniam

A *justa fuit et fervida, respondit ei puella illa impatiens et perversa, dicens : Amplius non, id est nunquam in posterum, videamus ex te filium aut filiam super terram. hoc est, sterilis maneat, sicut hucusque fuisti, interfectrix virorum tuorum. Sicque false accusavit Saram de tanto facinore, imo et facinoris tanti tam frequenti reiteratione. Malevole quoque maledixit eidem, imprecando ei sterilitatem, quæ tunc fuit grande opprobrium. Hujus perversæ puellæ pravitatem impatientiamque* B *sectantur multi, superbi, duri, impatientes, qui juste reprehensi, non solum non recognoscunt propriam culpam, sed in ipsum invehuntur corripientem : quem si vere reprehendere nequeunt, criminantur eum mendaciter. De quibus scripsit Amos : Odio habuerunt corripientem, et perfecte loquentem abominati sunt. Ecclesiasticus quoque : Peccator vitabit omnem correptionem. Verum (ut Salomon protestatur) qui increpationes relinquit, insipiens est ; et qui impatiens est, operatur stultitiam.*

Amos V, 10.

*Ecclesi.
XXXII, 21.
Prov. X, 17,
XII, 1 ; XIV,
17, 29.*

C *Numquid et me occidere vis, sicut occidisti septem viros ? Tanta est iniquorum, iracundorum, superborum, impatientiumque perversitas, excæcatio, ingratitude, ut justam et caritativam correptionem (quæ est beneficium maximum) arbitrentur summam injuriam, maleficium, et quasi impetitionem ad mortem. Merito igitur scriptum est : Sapientiam et disciplinam qui abjicit, infelix est.*

Sap. III, 41.

Ad hanc vocem perrexit in superius cubiculum domus suæ : in quo sibi forsan oratorium præparavit, quemadmodum Judith, quatenus in loco illo secreto, quieto et alto, devotioni, contemplationi, orationi liberius puriusque vacaret. Denique sapiens virgo Sara noluit cum impudenti et perversa ancilla contendere, nec ei dure quid respondere, cernens eam incorrigibilem esse ; sciens verum esse quod Salomon dixit : Honor est homini qui separat se a contentionibus. Et tribus diebus et noctibus non manducavit neque bibit ; sed in oratione persistens, cum lacrimis de-

Judith IX.

1.

Prov. XX, 3.

precabatur Deum, ut ab isto improprio liberaret eam, id est, a tanta diffamia eam eriperet, ne alii scandalizarentur in ea, et veritas ad Dei honorem pateret, et ipsa de cetero efficeretur fecunda. Præterea an toto triduo ex devotione atque fervore absque interruptione oraverit, nec quidquam cibi et potus ac somni acceperit, an potius ideo dicatur infra tres dies et noctes orasse, et nil cibi ac potus sumpsisse, quia pro majori parte temporis illius oravit, et per modicum de cibo accepit et potu, videtur incertum. Utroque etenim modo potest intelligi, quia quod modicum est, reputatur pro nihilo. Nam et in Actibus legitur, Paulum dixisse quibusdam in navi : Quartadecima die hodie expectantes, jejuni permanetis, nihil accipientes.

Act. xxvii.
33.

Factum est autem tertia die, dum compleret orationem, benedicens Dominum benedictione laudis, qua inferior benedicit superiori. De benedictione vero consecrationis, ait ad Hebræos Apostolus : Sine ulla contradictione, quod minus est, a majore benedicatur. Dixit : Benedictum est nomen tuum, id est, tu ipse nomine nominante designatus, es benedictus, *Deus patrum nostrorum*. Sæpissime etenim in Scripturis accipitur nomen rei pro re ipsa, quemadmodum et in Oratione dominica : Sanctificetur nomen tuum. Itaque venerabilis Sara, ex tam diuturna et ferventi oratione desuper intra se secrete consolata, et spe exauditionis exhilarata, Dominum benedixit. *Qui quum iratus fueris, non per invariabilis mentis tuæ commotionem, aut per tuæ infinitæ tranquillitatis perturbationem, sed per justæ ultionis effectum, misericordiam facies : quia per poenas temporales ignoscis contritis, et citra condignum punis ; et in tempore tribulationis peccata dimittis his qui invocant te, qui tuæ pietatis flagella patienter atque humiliter amplectuntur, confitentes multo duriora promeruisse, ac misericorditer sibi indulgeri petentes. Sic et Habacuc assertit : Quum iratus fueris, misericordiæ recordaberis. Et Psalmista : Aut*

Habac. iii.
2.

A obliviscetur misereri Deus, aut continebit in ira sua misericordias suas ? Ps. lxxvi, 10.

Ad te, Domine, faciem meam converto, ad te oculos meos erigo. Certum est, quod ad illocalem et incircumscripibilem supersimplicissimum Deum Sara converterit faciem suam interiorem, videlicet mentem : de qua in Psalmo, Tibi dixit cor meum, exquisivit te facies mea. Sic et oculos interiores erexit ad Deum altissimum ubique præsentem, juxta illud : Oculi mei semper ad Dominum. Ps. xxvi, 8.

B que faciem et oculos corporales levavit et direxit ad Deum, id est ad locum in quo Deus specialiter esse et habitare asseritur, puta ad cælum, vel pro tunc ad templum versus Jerusalem : secundum quod in Daniele legitur, Daniele in suo cœnaculo apertis fenestris orasse contra Jerusalem. Sic etenim Judæi in captivitate positi solebant orare, prout libro tertio Regum Salomon dixit : Si in terra inimicorum ad quam captivi ducti fuerint, oraverint te, contra viam terræ suæ et templi quod ædificavi, exaudies eos. III Reg. viii, 48, 49.

C *Peto, Domine, ut de vinculo improprietatis hujus absolvas me*, id est de dura et falsa ista diffamia, qua velut catenis circumdata sum : quod virgini tenerrimæ fuit gravissimum, quum virgines præsertim castæ et piæ, sint maxime verecundæ ; aut certe de super terram eripias me, id est, in pace tollas spiritum meum a corpore isto mortali. Hoc oravit eo modo, quo expositum est de Tobia, et ne alii tam enormiter scandalizarentur in ea, et ne ipsa per impatientiam laberetur. Sic quippe electi interdum de vita hac tolluntur celerius, juxta illud Sapientiæ : Vivens inter peccatores, translatus est. Raptus est, ne malitia mutaret intellectum illius, aut ne fictio deciperet animam ejus. Sap. iv, 10, 11.

Tu scis, Domine, quia nunquam concupivi virum voluptatis amore, sed desiderio prolis ad Dei obsequium educandæ : ut paulo post subditur ; et mundam servavi animam meam, auxilio gratiæ tuæ, ab omni concupiscentia sensuali inordinata ve-

nereorum, imo et aliorum sensibilibus ob-
jectorum : quod fuit in tali puella grandis
perfectio. Quæ ad Dei honorem, non jaetan-
ter, hæc proficitur, ad augendum sibi ipsi
in Deo fiduciam in tanta angustia, sicut et

IV Reg. xv, 3. Memento, Domine, quomodo ambulaverim
coram te in veritate et corde perfecto.

Nunquam cum ludentibus miscui me, hoc
est, in ludicis et humanis solatiis nun-
quam excessi, vel ea omnino vitavi : in
quibus tamen potest se homo virtuose ha-
bere per virtutem moralem, quæ eutrape-

Jer., xv, 17. lia vocatur. Sic et Jeremias, Non sedi (in-
quit) in concilio ludentium. Interdum vero
ludus in malo accipitur pro actu dissolu-
to; quandoque vero in bono, secundum
illud Regum : David percutiebat in organis,
et ludebat totis viribus coram Domino.

II Reg. vi, 14; I Par. xiii, 8. *Neque cum his qui in levitate ambulant,
participem me præbui* : id est, choreas,
spectacula, et quidquid maturitati morum
contrariatur, ac vana consortia evitavi. Et
sic Sara ista cum Esther dicere potuit Deo :

Esther xiv, 18. Nunquam lætata est ancilla tua, nisi in te,
Deus Israel.

Virum autem, hoc est viros cum qui-
bus contraxi, *cum timore tuo filiali*, non
cum libidine mea, consensu accipere, juxta
meorum voluntatem parentum. Ad ma-
trimonium namque requiritur consensus
animorum. Et congrue ait, Cum timore
tuo. Quamvis enim actus carnalis conjugii
possit sine peccato exerceri, raro tamen
contingit sine alicujus culpæ admixtione.

Multa quoque sunt matrimonii onera. Pro-
pter quod de conjugatis ait Apostolus :
Tribulationem carnis habebunt hujusmo-
di. Sed et mulier ponitur sub potestate
mariti : ideo sapiens virgo non sine grandi
timore consensit in virum. *Et, aut ego in-
digna fui illis*. Hoc dicit ex humilitate, ne
videatur se incaute illis præferre. Et quam-
vis jam suas commemoravit virtuositates,
finaliter tamen se commisit divino judi-
cio, sciens quod homo frequenter habeat
quasdam culpas occultas, de quibus sibi
consciis non est. Unde Apostolus dixit :

I Cor. vii, 28.

A Nihil mihi conscius sum, sed non in hoc
justificatus sum. Qui autem judicat me,
Dominus est. Et Psalmista oravit : Ab oc-
cultis meis munda me, Domine. *Aut illi
forsitan me non fuerunt digni* : quasi di-
cat, De hoc nil temere audeo judicare. *Quia
forsitan viro alii conservasti me*. Hoc ex
divina inspiratione pro sua consolatione
aliqua liter intellexit. Deus enim interdum
revelat homini aliquid perfecte, aliquando
imperfecte, secundum moderamen sapien-
tiæ suæ.

B *Non est enim in hominis potestate con-
siliium tuum*, hoc est dispositio providen-
tiæ tuæ, seu ordinatio tui propositi ac
decreti, quod invariabile est, nec potestati
subjacet creaturæ. Ideo in Isaia testatur :
Consilium meum stabit, et omnis voluntas
mea fiet. Verumtamen consilium proprie
sumptum, prout est inquisitio de agendis,
non convenit Deo. Sic enim est ignorantis
naturæ, ut asserit Damascenus, ut frequen-
ter dictum est alibi.

*Hoc autem pro certo habet omnis qui
colit te*, certitudine adhærentiæ, quæ est
fidei certitudo; certitudo autem evidentiæ,
est scientiæ certitudo; *quia vita ejus si in
probatione fuerit*, hoc est in examinatione
et exercitatione adversitatum, coronabitur
a te corona æternæ felicitatis : dummodo
constans atque fidelis manserit in adver-
sis, quum scriptum sit : Tanquam aurum
in fornace, probavit electos Dominus, et
quasi holocausti hostiam accepit eos. Ideo
accipient regnum decoris, et diadema spe-
ciei de manu Domini. Hinc sanctus Job :

Sap. iii, 13; v, 17. Probavit me (inquit) quasi aurum quod
per ignem transit. Atque Apostolus : Non
coronatur, nisi qui legitime certaverit. *Si
autem in tribulatione fuerit, liberabitur* :

dummodo tribulationem pro suis peccatis
et intuitu Dei æquanimiter tulerit, dicens
illud Michææ : Iram Domini portabo, quia
peccavi ei. Si vero fuerit in tribulatione
interna, quæ est ipsa contritio de peccatis,
misericordiam consequetur. Hinc scriptum
est : Non consurget duplex tribulatio. Ni-
hilo minus multi de tribulatione sæculi

I Cor. iv, 4.

Ps. xviii, 13.

Is. xlii, 10.

Sap. iii, 13;
v, 17.

Job xxiii, 10.

II Tim. ii, 5.

Mich. vii, 9.

Nahum i, 9.

hujus ad tribulationem corruunt inferna-
lem, quia in tribulatione non pœnitent. *Et
si in correptione fuerit*, hoc est in casti-
gatione seu reprehensione pro suis pec-
catis, *ad misericordiam pervenire licebit*,
quando ipsam correptionem capit gralan-
ter. Ideo scriptum est in Job : Beatus homo
qui corripitur a Domino. Incepcionem
ergo Domini ne reprobes. Nam et Dominus
fassus est in Apocalypsi : Ego, quos amo,
arguo et castigo.

*Non enim delectaris in perditionibus
nostris*, hoc est condemnatione et puniti-
one nostra, secundum quod sunt pœnæ
atque miseriæ quædam, juxta illud Sapien-
tiæ : Deus mortem non fecit, nec lætatur
in perditione vivorum. Delectatur autem
in nostra emendatione et salvatione. Pro-
pter quod in Ezechiele locutus est : Num-
quid voluntatis meæ est mors impii, et
non ut convertatur et vivat? Nihilo minus
in punctionibus et condemnationibus im-
piorum, secundum quod sunt effectus di-
vinæ justitiæ, delectatur, sicut et justii,
qui lætabuntur quum viderint vindictam.
Propter quod in Proverbiis disseruit : Ego
in interitu vestro ridebo. Et in Isaia : Ego
consolabor super hostibus meis. Hinc lo-
quitur per Osee : Juxta desiderium meum
corripiam eos. *Quia post tempestatem tran-
quillum facis*, hoc est, post afflictionem,
tentationem, et contritionis dolorem, con-
fers pectoris pacem seu tranquillitatem
internam; *et post lacrimationem et fletum
ex piis et rationabilibus causis, exsultatio-
nem infundis*, id est consolationem inter-
nam in isto exilio, deinde æternam jucun-
ditatem in regno. Hoc est quod in Matthæo
ait : Beati qui lugent, quoniam ipsi conso-
labuntur. Et in Psalmo : Transivimus per
ignem et aquam, et eduxisti nos in refri-
gerium. De quo fertur in Job : Ipse vulne-

rat, et medetur; percutit, et manus ejus
sanabunt. *Sit nomen tuum, Deus Israel,
benedictum in secula*, hoc est æterna-
liter.

*In illo tempore exaudite sunt preces
amborum*, videlicet Tobiae et Saræ, non
quoad hoc quod petierunt tolli de vita hac,
sed quoad hoc quod relevamen a suis tri-
bulationibus petierunt; *in conspectu gloriæ
summi Dei*, hoc est a Deo majestatis im-
mensæ. *Et missus est angelus Domini san-
ctus Raphael* : qui interpretatur, medicina
Dei, quia per ipsum Deus curavit hos am-
bos. Unde subjungitur : *ut curaret eos
ambos*, hoc est Tobiam a cæcitate et men-
tis afflictione, Saram quoque a vinculo
improperii sui et sterilitatis opprobrio at-
que diffamia; *quorum uno tempore sunt
orationes in conspectu Domini recitatæ*, id
est Deo oblatae per angelos sanctos illo-
rum duorum custodes : non quod Deum
aliquid lateat, sed quia angeli sancti pre-
cibus hominum impendunt suffragia, et
orant pro sibi commissis, atque imperfe-
ctum eorum pie excusant. Sic et in Acti-
bus angelus sanctus legitur dixisse Cor-
nelio : Orationes tuæ et eleemosynæ tuæ
ascenderunt in memoriam in conspectu
Dei. Itemque : Eleemosynæ tuæ comme-
moratæ sunt in conspectu Dei.

Ex præhabitis edocemur, in omni tribu-
latione atque angustia ad Deum per ora-
tiones ferventes confugere, pro parentibus
tam vivis quam mortuis specialiter exora-
re, increpationes etiam ab inferioribus, et
criminationes falsas patienter sufferre, nec
contra increpantes contendere, Deum quo-
que benedicere in suis judiciis, et omnem
excessum vitare in levitatibus, ludis, jo-
cis ac risibus, atque in desolationibus con-
solationem divinam æquanimiter præsto-
lari.

Act. x, 4.

Ibid. 31.

ARTICULUS IV

ELUCIDATIO CAPITULI QUARTI : Igitur quum Tobias putaret orationem suam exaudiri,
ut mori potuisset.

- R**ECITANTUR hic moralissima ac salu-
berrima documenta, quibus senior To-
bias filium suum, et per eum universos
instruxit fideles. *Igitur quum Tobias pu-
taret orationem suam exaudiri a Deo, ut
mori potuisset*, hoc est quoad hoc, quod
cito (prout petiit) moreretur. Qualiter au-
tem fuerit ejus oratio exaudita, patuit in
præcedentis expositione capituli. *Vocavit
ad se Tobiam filium suum, dixitque ei :
Audi, fili mi, verba oris mei, et ea in cor-
de tuo quasi fundamenta construe*, hoc
est, firmissime ea imprime tuæ memoriæ.
Consueverunt autem sancti patres, emi-
graturi de sæculo isto, sobolem suam sa-
lubriter exhortari, benedicere, informa-
re, ut patet in Genesi de Jacob, et primo
Paralipomenon de David. Sic et Christus
post Cœnam novissimam, passione sua in-
stante, suos discipulos copiosissime infor-
mavit.
- Quum acceperit Deus animam meam*, se-
parando eam a corpore, et in sinu Abrahæ
eam ponendo, eamque (ut spero) miseri-
corditer amplectendo, *corpus meum sepe-
li*, secundum quod ego sollicitus fui alio-
rum extincta corpora sepelire, sciens quod
in die resurgent novissimo. Sicque com-
mittimus ea terræ tanquam deposita quæ-
dam quæ suo tempore resumemus. *Et ho-
norem habebis*, id est exhibebis, *matri tuæ
omnibus diebus vitæ ejus*. Proles namque
tenetur parentibus obedientiam et reve-
rentiam, atque si indiguerint, necessario-
rum procuracionem : a quibus beneficia
tanta suscepit. Hinc subditur : *Memor enim
debes esse, quæ et quanta pericula passa
sit propter te in utero suo* : præsertim in
partu, quo dolor, tremor, mœror, pressu-
ra, angustia, occupant et adimplent par-
turientem. *Quum autem et ipsa compleve-
rit tempus vitæ suæ, sepelies eam circa
me* : ut quorum unus fuit lectus, unus sit
tumulus, atque ut simul salubriter resur-
gamus, et qui conjuncti eramus in vita,
non separemur post mortem. In his inno-
tescunt patientia atque justitia venerandi
Tobiæ, qui non obstante quod tam acriter
et injuste fuit derisus a conjuge, ut patuit,
tam diligenter commisit filio suo de cura
illius.
- Omnibus autem diebus vitæ tuæ in mente
habeto Deum*, ad minus per habitum fidei,
spei et caritatis, et quantum fieri potest,
per actus earundem ac aliarum virtutum,
pensando jugiter præsentiam Dei, impleas-
que illud Psalmographi, *Meditatio cordis
mei in conspectu tuo semper*; et, *Oculi mei
semper ad Dominum*. *Et cave ne aliquan-
do peccato consentias*. Hoc est quod ait
Apostolus : *Nolite locum dare diabolo*. *Et
prætermittas præcepta Dei*, id est, cave ne
negligas ea implere. Ideo in Ecclesiastico
habetur : *Salutare sacrificium est, atten-
dere mandatis, et discedere ab omni ini-
quitate*. A qua qualiter sit discedendum,
tangitur in eodem, quum dicitur : *Quasi a
facie colubri fuge peccata*.
- Insuper, quo Tobias actibus misERICOR-
DIÆ excellentius fuit intentus, eo ad ipsos
efficacius ferventiusque hortatur, adden-
do : *Ex substantia tua fac eleemosynam,
et noli avertere faciem tuam ab ullo pau-
pere te rogante*, quin ad minus pie adspici-
as eum, ut consoleris verbo aut signo, si
non habes corporale subsidium quod im-
pendas. *Ita enim fiet, ut nec a te averta-
tur facies Domini*, id est divinæ pietatis

Tob. iii, 24.

Gen. xliii.
I Par. xxviii.Joann. xiii-
xvi.

Luc. xvi, 22.

Tob. ii, 22,
23.Ps. xviii, 15.
Ps. xxiv, 15.Ephes. iv,
27.Eccli.
xxxv, 2.

Ibid. xxi, 2.

Matth. v. 7. respectus. Beati enim misericordes, quoniam ipsi misericordiam consequentur. Et quanto quis proximis fuerit propter Deum benignior, eo Omnipotens gratiosior erit ei. *Quomodo potueris, ita esto misericors*, hoc est compassivus atque subveniens : sicut consequenter exponitur. *Si multum tibi fuerit, abundanter tribue* unicuique partem ; *si exiguum tibi fuerit, etiam exiguum libenter impertiri stude* cum liberali affectu. Deus etenim magis pensat affectum, quam donum ; et magis perpendit ex quanto, quam quantum. Ideo de paupercula mittente in gazophylacium duo minuta, dixit Salvator : Quia hæc vidua plus omnibus misit. *Præmium enim bonum tibi thesaurizas*, hoc est, acquiris et reponis : quod invenies in die necessitatis, id est mortis et iudicii tui particularis ac universalis, et item in purgatorii pœnis, in quibus vivorum suffragia tantum prosunt, quantum defuncti hic meruerunt ut eis prodesse possint, hoc est, quo misericordiores fuerint. Hinc teste Ambrosio, Summa christianæ religionis in caritate et pietate consistit. Augustinus quoque asserit : Sola misericordia comes est defunctorum. Unde testatur Psalmista : Beatus qui intelligit super egenum et pauperem ; in die mala liberabit eum Dominus.

Quoniam eleemosyna ab omni peccato et a morte infernalis miseriæ liberat, dummodo fiat ex caritate et virtute misericordiæ ; *et non patietur animam ire in tenebras Acherontis*. Et dato quod fiat extra caritatem, frequenter tamen de congruo gratiam promeretur, et intercessione ac meritis eorum quibus impenditur, gratia conversionis frequenter eleemosynariis datur. Hinc in Evangelio Dominus loquitur : *Quod superest, date eleemosynam, et ecce omnia munda sunt vobis*. Itemque : *Facite vobis amicos de mammona iniquitatis, ut quum defeceritis, recipiant vos in æterna tabernacula*. *Fiducia magna, hoc est causa magnæ fiduciæ, erit coram summo Deo eleemosyna tam corporalis quam spiritualis, omnibus facientibus eam*. De operibus

A quippe misericordiæ perhibet Christus se disceptaturum in die iudicii, misericordibusque dicturum : Venite, benedicti Patris mei, percipite regnum. *Matth. xxv, 34.*

Attende tibi ab omni fornicatione, tam simplici, quam adulterio, incestu, stupro, sacrilegio ; a spirituali etiam fornicatione, præsertim ab idololatria. *Et præter uxorem tuam, quam habiturus es, nunquam patiaris crimen scire, hoc est, nunquam alteri commiscearis, nec conscius tibi fias criminis tanti*. *Superbiam nunquam in tuo sensu interiori aut exteriori, aut in tuo verbo, imo nec facto, neque vestitu, nec aliquo apparatu, dominari permittas, ei consentiendo*. Idcirco, si subrepat, mox reprime eam, et abjice tanquam diaboli-cum crimen, maledictionisque semen, et venenum mortiferum ac vitiorum originem, matrem, reginam. *In ipsa enim initium sumpsit omnis perditio : quia per superbiam primus ille apostata angelus perdidit semetipsum, et angelos innumera-biles sibi attraxit ; atque ex illa perditione consecuta et orta est invidia diaboli, per quam mors intravit in orbem terrarum, ut Sapiens disserit*. *Ibid. v, 27.*

Quicumque aliquid tibi operatus fuerit, statim ei mercedem restitue, præsertim si petit, et egeat. Qui enim fraudem facit mercenario, et qui sanguinem fundit, fratres sunt, ut in Ecclesiastico legitur. *Et merces mercenarii tui apud te omnino non remaneat*, hoc est diutius quam licet. Nam et unum quatuor clamitantium vitiorum, est detentio mercedis operariorum, ut Jacobus asserit. Hinc Dominus in Levitico ait : Non morabitur opus mercenarii tui apud te usque mane. Communiter enim pauperes sunt operarii tales, et indigent sua mercede. *Quod ab alio oderis, hoc est, rationabiliter non vis, et abhorres, fieri tibi, vide ne tu aliquando alteri facias*. Duo sunt præcepta juris naturalis, unum negativum obligans semper et ad semper, quod ponitur hic ; aliud affirmativum, obligans semper, sed non ad semper, quod per Matthæum exprimit Christus : Omnia, *Eccli. xxxiv, 27.*

inquiens, quæcumque vultis ut faciant vobis homines, ita et vos facite illis. Quorum unum in alio includitur.

Panem, id est cibum, *bonum cum esurientibus et egenis comede* : illos invitando ut tecum manducent, sicut sanctus Job fe-

Job xxxi, 17. cit, qui ait : Si comedi buccellam meam solus, et non comedit pupillus ex ea. Hinc

Luc. xiv, 12-14. ait Unigenitus Dei : Quum facis prandium aut cœnam, noli vocare amicos tuos, neque fratres, neque cognatos, neque vicinos divites, ne forte et ipsi te reinvitent, et fiat tibi retributio; sed quum facis convivium, voca pauperes, debiles, claudos et cæcos, et beatus eris, quia non habent retribuere tibi. Retribuetur enim tibi in resurrectione justorum. Istud consilium est, non præceptum. *Et de vestimentis tuis tibi superfluis nudos tege* : quemadmodum beatissimus Joannes Baptista admonuit,

Ibid. iii, 11. Qui habet duas tunicas, det non habenti;

Is. lviii, 7. et Isaias, Quum videris nudum, operi eum. Universa etenim misericordiæ opera tempore opportuno sunt adimplenda. *Panem tuum et vinum tuum super sepulturam justi constitue*, hoc est, in sepelitione fidelium refice pauperes bene pro spiritibus defunctorum in gratia. Non est autem erronee intelligendum, ut juxta quorundam superstitionem, super monumenta mortuorum alimenta ponantur, quasi mortui corporalibus alimoniis egeant aut vescantur. De hoc recitat Augustinus in libro Confessionum, quemadmodum mater sua ad prædicationem Ambrosii, consuetudinem suam reliquerit : et quod iste sit sensus, apparet ex verbis sequentibus. *Et noli ex eo manducare et bibere cum peccatoribus*, hoc est incredulis, qui defunctis nequeunt suffragari.

Consilium semper a sapiente perquire, id est, diligenter inquire in arduis ac dubiis, in quibus ad expertorum, sapientium, et Deum timentium est confugiendum consilium : quod etiam a sapientissimo Deo, et ex Scripturis ac patrum libris est inqui-

rendum. Unde in Ecclesiastico docetur : Fili, sine consilio nihil facias, et post factum non pœnitebis.

Ecli. xxxii, 24.

Omni tempore benedic Deum, laudando eum in prosperis et in adversis, perseveranter usque in finem, omni tempore opportuno, juxta illud in Psalmo : Benedicam Dominum in omni tempore, semper laus ejus in ore meo; *et pete ab eo, ut vias*, id est actiones *tuas* interiores exterioresque dirigat per se, per angelicam custodiam, per suos vicarios, atque per consiliarios

Ps xxxiii, 2.

bonos. Qua directione superna jugiter ac maxime indigemus, secundum illud Proverbiorum : Cor hominis disponit viam suam, sed Dei est dirigere gressus ejus.

Prov. xvi, 9.

Unde sanctus ille ait Jeremias sanctificatus in utero : Scio, Domine, quia non est hominis via ejus, nec viri est, ut ambulet et dirigat gressus suos. Ideo cum Psalmista oremus : Gressus meos dirige secundum eloquium tuum. *Et omnia consilia tua in ipso permaneant*, ita ut nullius consilio acquiescas contra Dei præcepta ac documenta. Cuncta quoque consilia quæ inquiris, finaliter ordines, ut Deo complaceas, et salveris.

Jer. x, 23.

Ps. cxviii, 133.

Indico etiam tibi, fili mi, dedisse, hoc est concessisse, *me decem talenta argenti Gabelo*, etc., prout supra expositum est. *Noli timere, fili mi*, carnali, mundano, inordinato et turbulento timore. *Pauperem quidem vitam gerimus* in temporalibus, *sed multa bona habebimus*, hoc est copiosa charismata gratiæ in præsentem, bonaque gloriæ in futuro, *si timuerimus*

Tob. i, 17.

Deum, filiali timore : juxta illud Psalmistæ, Timete Dominum, omnes sancti ejus, quoniam nihil deest timentibus eum; *et recesserimus ab omni peccato*, præsertim mortali, et etiam veniali pro posse : a quibus potissime receditur corde, ea abhorrendo : *et fecerimus bene* : quæ sunt duæ quasi integrales partes justitiæ, Propheta dicente : Declina a malo, et fac bonum, etc.

Ps. xxxiii, 10.

Ibid. 15.

ARTICULUS V

ELUCIDATIO CAPITULI QUINTI : TUNC RESPONDIT TOBIAS PATRI SUO, ET DIXIT.

EXSECUTIO, qua junior Tobias exsecutus est patris sui præceptum, describitur hic. *Tunc respondit Tobias patri suo, et dixit : Omnia quæ præcepisti mihi faciam, pater, auxiliante gratia Dei, habendo me circa Deum, circa matrem meam, circa operarios, circa proximos, circa egenos, circa uxorem, circa defunctos, et circa me ipsum, sicut docuisti me (præcedenti capitulo). Quomodo autem pecuniam hanc inquiram a Gabelo, ignoro. Ille me nescit, et ego eum ignoro. Quod signum dabo ei ? Sed neque viam aliquando cognovi.* Respondit ei pater : *Chirographum illius penes me habeo : quo viso, restituet tibi, id est, persolviet pecuniam.*

*Tob. IV. 2
et seq.*

Tunc egressus Tobias, invenit juvenem splendidum stantem præcinctum, id est angelum in forma juvenis speciosi, quasi paratum ad ambulandum. Et quod ait, Quasi, designat hic veritatem, non similitudinem tantum, quemadmodum apud Joannem, dum dicitur : Vidimus gloriam ejus, gloriam quasi Unigeniti a Patre.

Joann. 1. 14.

Circa hoc scribit quidam : Apparitiones angelicæ in assumptis corporibus fiunt secundum proprietates legationum, ad quas angeli mittuntur. Et quoniam iste mittebatur a Deo ad ducendum filium Tobiae per viam, apparuit tanquam dispositus ad itinerandum. Quod quamvis aliquando ita sit, præsertim dum angeli mox volunt ipso apparatu ostendere ad quid venerint, non tamen videtur semper sic factum. Legitur enim in Genesi, qualiter duo angeli missi ad Sodomam subvertendam, ingressi sint in domum Lot : qui angeli apparuerunt in forma valde gratiosa atque amabili, non vehementer terribili. Propter quod cives Sodomæ æstimantes quod essent pulcherrimi

*Gen. XIX. 1
et seq.*

juvenes, venerunt ut eis abuterentur. Et si apparuissent secundum proprietatem et habitudinem suæ legationis, apparuissent utique in forma metuenda, velut commoti. In libro Judicum quoque mater Samsonis legitur marito suo dixisse de angelo : Vir Dei venit ad me, habens vultum angelicum, terribilis nimis. Et tamen angelus ille venit ad prænuntiandum valde jucunda et prospera : sicque, secundum dictum prædictum, apparuisset in forma hilari et amœna, non ita terrifica. Simili modo argui posset de angelo qui apparuit Cornelio centurioni in forma terribili, ut patet in Actibus ; atque de angelis qui (ut Evangelistæ describunt) nuntiaverunt Christi resurrectionem mulieribus sanctis, quibus in specie apparuerunt terribili.

Judic. XIII. 6.

Act. X. 3. 4.

*Matth. XXIII. 2. 3;
Marc. XVI. 5. 8 ; Luc. XXIV. 4. 5 ;
Joan. XX. 12.*

Et dixit Tobias junior ad angelum : Unde te habemus, bone juvenis ? hoc est, de qua natione et terra es tu ? Optavit enim aliquem filiorum Israel habere ducem sui itineris. *At ille respondit : Ex filiis Israel : quod verum est, secundum nominis interpretationem.* Israel quippe interpretatur, videns Deum : sicque fuit ex filiis Israel, hoc est de numero filiorum contemplantium Deum, de quibus in Job Dominus ait : Quum me laudarent astra matutina, et jubilarent omnes filii Dei. Unde in Deuteronomio, ubi habemus, Constituit terminos populorum, juxta numerum filiorum Israel : alia translatio habet, Statuit terminos gentium, juxta numerum angelorum Dei. *Et Tobias dixit ei : Nosti viam quæ ducit in regionem Medorum ? Cui respondit : Novi ; et omnia itinera ejus frequenter ambulavi, et mansi apud Gabelum fratrem nostrum, qui moratur in Rages civitate Medorum, quæ posita est in*

Job XXXIII. 7.

Deut. XXXII. 8.

monte Ebatanis. Ex quo elicitur, quod A Gabelus fuit vir justus : propter quod angelus sanctus invisibiliter sæpius adfuit ei et libenter : quem nominat fratrem propter caritatis communionem, et gratiam gratificantem, et quia (ut creditur) fuit de numero electorum ; itemque, propter convenientiam in natura intellectuali, saltem in genere, et quia eundem habebant Patrem cœlestem. Sic et in Apocalypsi angelus ait Joanni : Conservus tuus sum. Cui Tobias ait : Sustine me, obsecro, donec hæc ipsa nuntiem patri meo.

Tunc ingressus Tobias, indicavit universa hæc patri suo. Super quæ admiratus pater, rogavit ut introiret ad eum. Ingressus itaque angelus domum Tobiae senioris, salutavit eum, et dixit : Gaudium tibi semper sit, id est spiritualis in Deo jucunditas : in quo gloriandum est, non in prosperis tantum, sed etiam, imo et potius in adversis. Unde hortatur Apostolus : Gaudete in Domino semper. Et Tobias ait : Quale mihi gaudium erit in sæculo isto ? quasi dicat : Carnale et sæculare gaudium non convenit mihi, neque id opto ; qui in tenebris sedeo, et lumen cœli non video, id est solem et ejus splendorem, quum in Ecclesiaste scriptum sit : Dulce lumen, et delectabile oculis videre solem. Et forsitan de hujusmodi gaudio putavit Tobias angelum, tanquam juvenem hominem, esse locutum. Cui ait juvenis, id est angelus in juvenis forma apparens, qui nunquam antiquatur, sed in suo vigore incorruptibiliter invariabiliterque permanet : Forti animo esto, id est constans, non desolatus. In proximo est, ut a Deo curetur per ministerium meum a plaga cæcitatis. Hoc prædixit ei in generali : quod tamen Tobias non multum ponderans, ad alia se convertit.

Dixitque illi Tobias : Numquid poteris perducere filium meum ad Gabelum in Rages civitatem Medorum ? Et quum redieris, restituiam tibi mercedem tuam. Et angelus : Ego ducam et reducam eum. Cui Tobias : Rogo te, indica mihi de qua do-

mo, id est familia, aut tribu es tu : quia in una tribu erant plures familiae, ut patet in Numeris. Tamen in tribu Dan, erat tantum una familia : quia Dan filius Jacob, unum dumtaxat habuit filium, ut in Genesi habetur. Cui Raphael dixit : Genus, id est stirpem, quæris mercenarii, an ipsum mercenarium qui cum filio tuo eat ? quasi dicat : Plus quæris, quam ad præsens spectat negotium, quia sufficere tibi potest, ut certificeris de fidelitate ductoris filii tui, nec opus est genealogiam ejus agnos-

B scere. Sed ne forte sollicitum te reddam, hoc est immoderate anxium, non respondendo, ego sum Azarias Ananiæ magni filius. Quæ responsio vera est, secundum nominis interpretationem et figurativam locutionem. Azarias namque interpretatur, adjutor Dei ; Ananias vero, gratia seu gloria Dei. Fuit itaque Azarias, hoc est adjutor Dei, id est, per quem Deus adjuvit Tobiam ac alios multos. Juxta quem modum ait Apostolus : Dei adjutores sumus. Fuit quoque filius Ananiæ magni, hoc est filius gratiæ et gloriæ summi Dei. Juxta hunc sensum exponit Hieronymus, quod Zacharias a Judæis lapidatus inter templum et altare, vocatur filius Barachiae, quum fuerit filius Joiadæ. Porro, ea quæ angeli inter homines loquuntur et agunt, sæpe sunt figurativa ; et quamvis nunquam mentiantur, veritatem tamen interdum occultant.

Et Tobias respondit : Ex magno genere es tu. Quod verum est, quia ex genere ac specie angelorum a Deo omnipotente immediate creatorum, quamvis non fuerit verum, prout Tobias tunc intellexit ; nec tamen mentiebatur formaliter, quia non intendebat falsum proferre, neque decipere. Sed peto ne irascaris quod voluerim cognoscere genus tuum. Dixit illi angelus : Ego sanum ducam et reducam tibi filium tuum. Respondens autem Tobias, ait : Bene ambuletis, et sit Dominus in itinere vestro, et angelus ejus comitetur vobiscum, hoc est, comes et socius vester sit in vestro itinere : quemadmodum Do-

Apoc. xiv.
10; xxii. 9.

Philipp. iii.
1; iv. 4.

Eccle. xi. 7.

Gen. xlvj.
23.

I Cor. iii. 9.

II Par. xxiv.
20-22.

Exod. xxiii,
23.

minus ait in Exodo ad Moysen, Angelus meus præcedet te.

Tunc paratis omnibus quæ erant in via portanda, dixit Tobias, Vale, patri suo et matri suæ, et ambulaverunt ambo simul, hoc est, parentibus suis valefecit, recedendo ab eis. Quumque profecti essent angelus et Tobias, cœpit flere mater ejus et dicere. Femina enim ad fletum communiter pronæ sunt; et statim ut mater Tobia destitutam se sensit tam dilecti et amabilis filii adspectu suavi, cœpit affligi. Baculum senectutis nostræ tulisti, et, pro id est, transmisisti a nobis, hoc est unicum et carissimum filium nostrum, cui in hoc senio innitebamur, tanquam baculo in necessitatibus nostris, qui fuit nobis in solatium et obsequium. Utinam nunquam fuisset ipsa pecunia, pro qua misisti eum, hoc est, utinam nunquam fuisset, neque ad nos pertinuisset pecunia illa, quæ fit nobis tantæ afflictionis et mœroris occasio. Sufficiebat enim nobis paupertas nostra, ut divitias computaremus hoc, quod videbamus filium nostrum: hoc est, sufficientius et tolerabilius nobis esse debuerat, quod habuimus filium nostrum sensibilibiter nobis præsentem, cum exterioris substantiæ seu pecuniæ mutuata carentia, quam emissio ista filii nostri pro acquirenda pecunia.

Denique, quamvis [vir ejus] jam erat

A cæcus, pluraliter tamen dixit, Quod videbamus, juxta modum loquendi, quo societati adscribitur, quod convenit parti ipsius. Vel quod ait, Videbamus, intelligi potest de corporali intuitu, quantum ad Annam, et de visu imaginario ac intellectuali, quantum ad cæcum Tobiam, cui delectabile fuit, quod filium suum vere imaginabatur ac intellexit præsentialiter sibi adesse. Visus quoque interdum pro aliis exterioribus sensibus sumitur. Unde communiter dicitur: Vide quam bene hoc sapiat seu odoret. In Apocalypsi quoque ait S. Joannes: Conversus sum, ut viderem vocem quæ loquebatur mecum. In Exodo item legitur: Populus videbat voces, hoc est, audiebat.

Apoc. 1, 12.

Exod. xx,
18.

Dixitque ei Tobias, conjugem consolando. Virorum enim est uxores instruere, quia vir caput est uxoris, et communiter fortiores in ratione, constantioresque mente sunt viri quam feminae. Et præsertim Tobias multo virtuosior ac sapientior fuit conjuge sua. Noli flere. Salvus perveniet filius noster, et salvus revertetur ad nos, et oculi tui videbunt illum. Hoc fuit verbum bonum spei, non tamen certitudinis absolutæ. Ideo addit: Credo quod angelus Dei bonus comitetur ei, et bene disponat omnia quæ circa eum geruntur, id est, director et protector sit ejus, ita ut cum gaudio revertatur ad nos. Ad hanc vocem cessavit mater ejus flere, et tacuit.

Ephes. v,
23.

ARTICULUS VI

ELUCIDATIO CAPITULI SEXTI: PROPECTUS EST AUTEM TOBIAS, ET CANIS SECUTUS EST EUM.

EXORDIUM itinerationis Tobia hic enarratur, et qualiter in ea ereptus sit a periculo mortis, et informatus de remediis contra aliquas plagas, atque præavisatus de uxore accipienda. *Profectus est autem Tobias cum angelo, et canis secutus est eum: quod tangi videtur, ad innuendum quod erat pius, etiam circa brutum, et libera-*

D lis, dando alimoniam ei; *et mansit prima mansione, id est dieta, in hospitio juxta fluvium Tigrim, qui est unus de quatuor fluminibus paradisi, per terram Assyriorum decurrens, ut in Genesi habetur. Et exivit de hospitio ut lavaret pedes suos, pro mitigatione laboris peregrinationis. Et ecce piscis immanis, id est magnus, cru-*

Gen. 11, 14.

delis, inhumanus, *exiit de fluvio*. Aliqui A enim pisces extra aquam ad tempus perdurant, jacent, decurrunt, ut crocodili, suntque quadrupedes. *Ad devorandum eum*. Sic et Hieronymus primo libro Vitarum Patrum, describens pericula viæ suæ, recitat qualiter crocodili cucurrerunt post eum et socios suos ad devorandum. *Quem expavescens Tobias, clamavit voce magna, dicens : Domine, invadit me*. Sicque ductorem suum in periculo dominum nominavit, ut sibi tanquam servo succurreret.

Et dixit ei angelus : Apprehende brachiam ejus, hoc est locum seu pennulam existentem inter caput et corpus piscis, et trahe eum ad te. Quod quum fecisset, attraxit eum in siccum, et palpitare cepit ante pedes ejus. Mirum quod facere hoc audebat ; sed Deus confortavit eum intrinsecus, similiter angelus apparatu mirifico. *Tunc dixit angelus : Excentera hunc piscem, id est, interiora seu intestina ejus extrahe, ipso pisce diviso ; et cor ejus : quod est primum vivens, et ultimum moriens in animali, secundum Philosophum ; et fel et jecur repone tibi in vaseculo, pera, seu repositoio. Sunt enim hæc necessaria ad medicamenta utiliter : ut infra describitur. Quod quum fecisset, assavit carnes ejus, hoc est partem corporis piscis, in hospitio. Et sumitur hic caro extense, prout corpus piscis caro vocatur. Unde et Apostolus : Alia, inquit, caro piscium, alia voluerum, alia quadrupedum. Et secum sustulerunt in via. Cetera salierunt, quæ sufficerent eis in via : hoc est, ambo- bus videbantur sufficere, quum unus eorum nequaquam cibo hujusmodi indigeret ; quousque pervenirent in Rages civitatem Medorum.*

Tunc interrogavit Tobias angelum, et dixit ei : Obsecro te, Azaria frater, ut dicas mihi : Quod remedium habebunt ista, quæ de pisce servare jussisti, videlicet cor, fel, et jecur ? Et respondens angelus, dixit ei : Cordis ejus particulam si super carbones ponas, fumus ejus extricat, hoc est, exterminat et repellit, omne genus dæmo-

niarum, sive a viro, sive a muliere, ita ut ultra non accedat ad eos.

Circa hoc in Scholastica historia dicitur : Nec super hoc mirari debemus, quum fumus ejusdam arboris adustæ eandem vim habere dicatur. Verumtamen mirum videtur, qualiter res corporales, viles ac mortuæ, queant ita imprimere in intellectuales incorporeasque substantias, præsertim naturaliter et non miraculose, seu ut instrumenta divinæ potentiæ, sicut de igne gehennæ credimus circa spiritus condemnatos. Itaque circa hoc dicunt quidam doctores catholici, sicut et S. Thomas, quod si juxta doctrinam Platonicorum, dæmones essent animalia corpore aëria, animo passiva, mente rationalia, tempore æterna, ut dixit Apuleius, mirum non esset quod corporalia eis imprimerent. Sed quia tenemus quod sunt immateriales, separatæ substantiæ, materialia in eos non imprimunt : et sic fumus piscis non habuisset vim expellendi dæmonium. Propter quod dicunt, quod et facta angeli circa Tobiam figuralia erant, et quod per incensionem fumigationemque cordis et jecoris piscis, figurabantur fervor atque devotio orationis Tobiae et Saræ conjugis ejus, quorum meritis angelus expulit et religavit dæmonium. Unde infra angelus dicitur hoc fecisse, non fumus. Sicque fumus per significationem, non per impressionem seu influentiam, exterminavit dæmonium.

Sed his objici potest, quod gemmæ quædam et herbæ miras et magnas habent virtutes, et impressionem causant in animas rationales, sicut in libris de Proprietatibus rerum describitur ; per quarum etiam allationem atque præsentiam dæmones ab obsessis recedunt : quod tamen aliqui dicunt dæmones facere sponte et fiete, ut teneant homines in errore. Aliqui vero dicunt, quod ad humiliandum superbiam dæmonum, Deus sic subdidit eos impressionibus et viribus corporalium ac vilium creaturarum. De his scribit diffuse Guillelmus Parisiensis in libro de Universo : imo de his in diversis codicibus valde multa et diversa

Tob. viii, 3.

leguntur, quæ hic pro nunc tantumdem A tetigisse sufficiat.

Et fel piscis istius valet ad ungendos oculos unctione curativa, in quibus fuerit albugo : ita quod materiam illam fæculentam, lumen visuale a suo actu impediens, expellit. Ideo subditur, *et sanabuntur*. Multæ enim vires valde potentes, secretæ atque mirificæ in rebus naturalibus inveniuntur, multo plus quam scire valemus.

Et dixit ei Tobias : Ubi vis ut maneamus? Respondensque angelus ait : *Est hic*, id est in territorio isto et in oppido quo propinquamus. *Raguel nomine, vir propinquus de tribu tua*, tribu videlicet Nephthali. *Et hic habet filiam nomine Saram*; sed neque masculum, neque feminam ullam habet aliam præter illam. Tibi debetur omnis substantia ejus, ex præordinatione divina per connubium contrahendum a te cum filia ejus, et oportet te eam accipere conjugem. Pete ergo eam a patre ejus, et dabit tibi eam uxorem. Respondit Tobias et dixit : *Audio quia tradita est septem viris, et mortui sunt. Sed et hoc audiui, quia dæmonium occidit illos. Timeo ergo ne forte et mihi hæc eveniant*, quæ scilicet evenerunt septem viris quos habuit, dæmoniumque occidit; et quum sim unicus parentibus meis, deponam senectutem illorum parentum meorum cum tristitia ad inferos, id est, occasio fiam per mortem meam, quod parentes mei ex tristitia moriantur, et descendant in limbum.

Tunc angelus dixit ei : Audi me, et intendam tibi, id est, docebo te, qui sunt quibus prævalere potest dæmonium, ita quod non compescitur virtute angelica aut divina a læsione humana. Hi namque qui conjugium ita suscipiunt, ut Deum a se et a mente sua excludant, hoc intendendo formaliter : quod pauci directe formaliterque intendunt : vel intendendo hoc concomitanter et æquivalenter, puta voluptatem carnalem prædominantem, ad quam sequitur recessus caritatis et gratiæ Dei ab homine : quam voluptatem multi intendunt. Unde

subjungitur : *et suæ libidini ita vacent, sicut equus* : qui est animal valde luxuriosum, juxta illud Ezechielis, Sicut fluxus equorum fluxus eorum; et mulus : qui etsi non generet, tamen carnis expetit voluptatem; quibus non est intellectus : habet super eos potestatem dæmonium. Non tamen semper permittitur omnes tales occidere, sed tempore desuper præordinato punit eos, nisi pœniteant. Ex quibus verbis elici potest, cur multi post initum conjugium celeriter moriantur.

Tu autem, qui multitudinem carnalium et stultorum (quorum infinitus est numerus) sequi non debes, quum acceperis eam in uxorem per verba de præsentis, et prout moris tunc erat, ingressus cubiculum, per tres dies naturales, qui noctes includunt, continens esto ab ea, et nihil aliud ages, nisi orationi vacabis cum ea : non quod infra hoc triduum aliud prorsus non egerint quam orare; nam et interim comederunt, et dormierunt, secundum quod infra habetur. Idcirco per istam exclusionem non nisi carnalis copula excludi videtur; et quod interim principalis amborum actio, esset oratio fervens et pura, etsi non continua, tamen assidua : a qua etiam carnalis commixtio illa, quamvis legitima, non mediocriter impedit. Propter quod Apostolus dixit : Nolite fraudare invicem, nisi forte ex consensu ad tempus, ut vacetis orationi.

Ipsa autem nocte, scilicet prima nocte, qua cum ea in cubiculo fueris orans, incenso jecore piscis, fugabitur ab ea dæmonium, potius potestate angelica ac merito vestræ orationis ac continentiae, quam fumo jecoris inflammati. Quocirca inquiritur, qualiter nunc dicat, Incenso jecore, quum supra jam dixerit, Cordis ejus particulam, etc. Ad quod respondetur, quod utriusque incensio, figurativa et suo modo effectiva fuit expulsionis dæmonii, et utrumque creditur incendisse Tobias. Nam et infra legitur jecur sic incendisse. Secunda vero nocte in copulatione sanctorum Patriarcharum admitteris, id est, paulatim

Ezech.
xxiii, 20.

Eccle. i, 15.

I Cor. vii,
5.

Tob. viii, 2.

proficiendo, virtute protractæ orationis promereberis participationem et communionem sanetitatis ac pudicitia Patriarcharum sanctorum, hoc est virtutem et gratiam imitandi sanetimoniam, pudicitiamque illorum. *Tertia vero nocte benedictionem consequeris*, id est, fecunditatem mereberis, et benediceris a Deo, *ut filii ex vobis procreentur incolumes*. Unde et infra legitur, septem filios genuisse, filiam nullam. Aliqui tamen exponunt istud de benedictione, quam (ut dicunt) præstabat tunc aliquis sacerdos, aut major quis inter ipsos, vices gerens sacerdotis.

Tob. xiv. v.

Transacta autem tertia nocte, accipies virginem, consummando cum ea conjugium per carnalem copulam, scilicet quarta nocte, *cum timore Domini*, ne contingat te circa actum matrimonii aliquo modo excedere, sicut intimoratis contingit: prout *supra magis expositum est: et amore filiorum*, ad Dei cultum enutriendorum, *magis quam libidine ductus*, imo omnem libidinosum excludendo amorem pro posse, *ut in semine Abraham*, id est in conjugē tuā, quæ vera est Abraham filia; vel, In semine Abraham, id est inter filios Israel, qui semen sunt Abraham; vel, In semine Abraham, id est in sobole tibi præstanda; *benedictionem*, id est gratiam salubris fecunditatis, *in filiis consequaris*: quia et hoc majus est donum, filios procreare quam filias. Aut certe, In semine Abraham, id est in Christo, de quo in Genesi ait Dominus ad Abraham: Benedicentur in semine tuo omnes gentes terræ; benedictionem in filiis consequaris, quatenus filii tui per fidem Christi venturi salventur: sicque benedicaris a Domino, non in persona propria tantum, sed item in tua posteritate.

Gen. xxi. 18.

Sensus spiritualis

Mystice ex isto docemur capitulo, quemadmodum angeli sancti multiplex officium circa homines habeant, et multiplicia beneficia eis impendant, atque a corporalibus quoque periculis eripiant eos frequenter. Insuper, qualiter fideles debeant ad matrimonia contrahenda accedere. Et quam-

vis non obligentur per noctes tres post initum conjugium continere, tenentur tamen contrahere magis desiderio prolis ad Dei obsequium nutriendæ, vel incontinentiæ evitandæ, quam voluptatis veneræ. Et ante contractionem connubii debent se per orationes et sacramentalem confessionem parare ad assumendum Matrimonii sacramentum, quatenus consequantur in ejus contractione et consecratione gratiam sacramentalem, per quam de cetero secundum exigentiam matrimonii conversentur, quia in sacramentis evangelicæ legis gratia continetur et datur dispositis. Cum filiali quoque timore Dei, non cum libidine sensuali contrahendum est ipsum conjugium, ut impleatur quod ait Apostolus: Honorabile connubium et torus immaculatus. Sed, heu! multi quasi equus et mulus, quibus non est intellectus, contoralem accedunt: quam cum prædominante concupiscentia accedere, est mortale, quum sit limites matrimonii omnino excedere. Propter quod omnis amator ardentior, prohibetur adulter.

Hebr. xiii.
1.
Ps. xxxv. 9.Matth. v.
28.

Postremo, juxta allegoriam, junior quoque Tobias figura fuit Christi, quem comitati sunt angeli, secundum quod ait Joannes: Videbitis angelos ascendentes et descendentes super Filium hominis. Et sicut Tobias mansit juxta fluvium velocissimum Tigris, sic Filius Dei incarnatus, commoratus est juxta nostræ mortalitatis abyssum celerrime et incessabiliter defluentem. Quemadmodum etiam Tobias voluit pedes lavare, sic Christus exivit a Patre, ut suos lavaret electos a sordibus vitiorum in sanguine suo et fonte Baptismi. Circa quod loquitur Beda: Dum Christus lavaret in cruce pedes suos qui ambulaverunt super terram, advenit diabolus, quærens si quid peccati inveniret in eo. Isidorus quoque: Piscis, inquit, voluit devorare Tobiam, et diabolus per suos satellites procuravit occidi Christum.

Denique Tobias timuit piscem, invocavitque angelum: sic Christus ad ostendendum in se veritatem humanæ naturæ,

naturali timore ex prævia deliberatione Luc. xxii, 47. expavit mortem, apparuitque ei angelus corroborans eum, id est per modum confortantis se habens, consolatoria verba loquendo. Quemadmodum demum Tobias piscem traxit in siccum et exenteravit, ejusque interiora pro medicinalibus reservavit; sic Christus vicit diabolum, et ejus patefecit versutias pro informatione fide-

lium. Et sicut Tobias assavit carnes piscis, et inde refectus est; sic Dominus et Salvator credentes in se igne tribulationis, ardoreque Spiritus Sancti exussit ac consolidavit. Postremo, sicut Tobiam secutus est canis, sic Christum ordo prædicatorum, qui in Scripturis signantur nomine canum, juxta illud: *Lingua canum tuorum ex inimicis ab ipso.*

Ps. lxxvii, 24.

ARTICULUS VII

DECLARATIO CAPITULI SEPTIMI: INGRESSI SUNT AUTEM AD RAGUELEM.

QUALITER Tobias cum Sara contraxit conjugium, hic narratur. *Ingressi sunt autem ad Raguelelem, et suscepit eos cum gaudio.* Nam fuit vir bonus, exemplo Abrahamæ patris sui, hospitalitati intentus. *Intuensque Tobiam Raguel, dixit Anna uxori suæ: Quam similis est juvenis iste consobрино meo Tobiae seniori!* Fuit equidem Tobias junior similis valde patris sui in vultu et moribus. *Et quum hac dixisset, ait: Unde estis, o juvenes, fratres nostri? Consideravit enim ex habitu, quod erant Israelitæ. Dixerunt ei: Ex tribu Nephthali sumus, ex captivitate Ninive: quod verificatur de ambobus, juxta modum loquendi, quo aliquid attribuitur societati, quia convenit uni seu parti ipsius, ut dictum est. Dixitque illis Raguel: Nostis Tobiam fratrem meum? Qui dixerunt: Novimus. Quumque multa bona loqueretur de eo, dixit angelus ad Raguelelem: Tobias de quo interrogas, pater istius est. Et misit se Raguel, id est, extendit ad amplectendum, et cum lacrimis osculatus est eum; et plorans super collum ejus ex*

Gen. xviii, 2 et seq.

Ibid. xlvii, 29.

Bmi, id est, benedicaris a Deo, et ab hominibus commenderis, qui et bona tibi imprecantur; quia boni in naturalibus, et optimi in gratuitis viri filius es. *Et Anna uxor ejus, et Sara filia ipsorum lacrimatae sunt ex eisdem causis qua Raguel.*

Postquam autem locuti sunt, præcepit Raguel occidi arietem et parari convivium. Quumque hortaretur eos discumbere ad prandium, Tobias dixit ex informatione angeli: Hic ego hodie non manducabo neque bibam, nisi prius petitionem meam confirmes, et promittas mihi dare Saram filiam tuam. Raphael quoque prædixit Tobiae, quod Raguel acquiesceret in hoc. Sic et in Genesi servus Abrahamæ, proposito sibi cibo, dixit matri Rebeccæ et Laban: Non comedam donec loquar sermones meos.

Gen. xxiv, 33.

D Quo audito verbo, Raguel expavit ex timore periculi, sciens quid eveniret illis septem viris, qui ingressi sunt ad eam; et timere cœpit, ne forte et huic similiter contingeret. *Et quum nutaret, id est, ambigeret quid esset respondendum ac faciendum in casu isto, et non daret ullum petenti responsum: quia pro utraque parte habuit motiva fortissima, nec vidit quid amplius expediret. Grave etenim sibi fuit tam virtuoso juveni et suo cognato filiam denegare, cui secundum legem fuerat*

danda : et nihilo minus grave fuit tam A juvenem illum quam ejus parentes periculo tanto exponere, quod aliis septem viris filia suae contigerat. *Dixit ei angelus : Noli timere eam dare isti, quoniam huic timenti Deum debetur conjux filia tua, tam ex ordinatione divina, quam ex lege Mosaica, et propter amborum virtutes. Nam sicut Tobias suis virtutibus meruit tam virtuosam acquirere contoralem, sic Sara tam virtuosum maritum, juxta illud Ecclesiastici : Pars bona, mulier bona ; in parte bona timentium Deum dabitur viro B pro factis bonis. Et Salomon ait : A Domino datur uxor prudens. Propterea alius non potuit habere illam, quia præordinatio Dei non fallitur neque cassatur.*

Tunc dixit Raguel : Non dubito quod Deus preces et lacrimas meas admiserit. Et credo quoniam ideo fecit vos venire ad me, ut et ista conjungeretur cognationi, id est viro de tribu sua, secundum legem Moysis, in Numeris : sicut supra expositum est. Denique angelus sanctus cum tanta gravitate et pondere loquebatur, et cum C occulta vi tanta in exprimendo et imprimendo, quod ex ejus informatione cor Raguelis fuit subito sic immutatum, confortatum et exhilaratum ex fide et spe. Nam et instantes ac lacrimose Deum rogavit pro filia sua, ut ei provideretur de salubri connubio. Et nunc noli dubium gerere, id est, pro certo agnosce, quod tibi eam tradam.

Et apprehendens dexteram filia suæ,

dexteræ Tobia tradidit, concurrente consensu amborum, et prolatione verborum tunc solitorum, dicens : Deus Abraham et Deus Isaac et Deus Jacob vobiscum sit, per gratiam temporalem et indesinentem, et ipse conjungat vos mente et corpore, conjunctione fructuosa atque fecunda, impleatque benedictionem suam in vobis, præstando vobis incrementa gratiæ et virtutum, deinde salutem æternam. Et accepta charta, fecerunt conscriptionem conjugii, scribendo in charta quæ gerebantur, et dotem puellæ, donumque nuptiale, aut etiam testes. Et post hoc epulati sunt sobrie, benedicentes, id est laudantes, Deum, et gratias ei agentes de conjugio inito ; benedicentesque mensam ante comestionem, et postea gratias referentes.

Vocavitque ad se Raguel Annam uxorem suam post refectionem, et præcepit ei ut præpararet alterum cubiculum, a cubiculo in quo Raguel et uxor ejus jacebant ; vel forsitan etiam, alterum a cubiculo, in quo priores viri Saræ obierant, ex loci illius horrore. Et introduxit illuc Saram filiam suam post cœnam, et lacrimata est, ex rememoratione præteritarum adversitatum, et ne jam quid tale accideret. Dixitque ei : Forti animo esto, filia mea, id est, firmiter spera in Domino. Deus cæli det tibi gaudium, id est prosperitatem optatam cum viro isto, pro tædio quod perpessa es, id est, eo quod toties es afflicta per mortem virorum priorum, et merito patientiæ tuæ in illis.

ARTICULUS VIII

EXPOSITIO CAPITULI OCTAVI : POSTQUAM VERO COENAVERUNT, INTRODUXERUNT JUVENEM AD EAM.

ORATIONES Tobia et conjugis ejus hic D describuntur. *Postquam vero carnaverunt, introduxerunt juvenem ad eam in cubiculum, quo ipsa prius intravit. Recordat-*

tus itaque Tobias sermonum angeli, quos ei de incensione cordis et jecoris piscis Tob. vi, 8, narratur dixisse, protulit de cassidili suo, id est repository, in quo erant reposita, cor,

jecur et fel piscis. Et proprie appellatur casidile, pera facta per modum retis, in qua aucupes ponunt aves captas, et panem pastores. *Partem jecoris ; posuitque eam super carbonem vivos*, id est ignitos. Qualiter intelligendum sit istud, supra de incensione cordis piscis patuit. *Tunc Raphael angelus apprehendit dæmonium, et reliavit eum* in desertum superioris Ægypti*, ubi de cetero nemini posset nocere : et forsitan solo præcepto id egit, vel imperceptibiliter ad momentum se subtraxit, quousque illud explevit, et protinus rediit. Sic in legenda beatissimi Bartholomæi apostoli angelus legitur dæmoni præcepisse ut abiret et maneret, ubi nulli hominum posset nocere.

Tunc hortatus est virginem sponsam suam Tobias, dixitque ei : Sara, exsurge mente et corpore, ad devotionem actualem te extendendo, et deprecemur Deum hodie, id est in hac nocte, *et cras*, id est nocte sequente, *et secundum cras*, id est etiam tertia nocte ; *quia istis tribus noctibus Deo jungimur*, id est, Deo vacare debemus, ut consequamur tria spiritualia beneficia ab eodem ; quæ supra sunt expressa. *Tertia autem nocte transacta, videlicet nocte quarta, in nostro erimus conjugio*, illud per carnalem copulam consummando. *Filii quippe*, id est proles, *Sanctorum sumus* : ut, Filius, non denotet sexum, sed dicat rem genitam, quia sic ambo erant filii Sanctorum, id est devotorum fideliumque parentum seu Patriarcharum. *Et non possumus licite ita conjungi per consummationem matrimonii, sicut gentes idololatrarum seu indevotarum, quæ ignorant Deum per fidem formatam* : ideo sine prævia devotione et oratione carnaliter se cognoscunt. *Surgentes autem pariter* : quo constat quod Tobias sponsam suam hortando, juxta eam paululum sedit ; *instanter orabant*, videlicet ferventer et perseveranter, *ambo simul*, quatenus communis oratio exaudibilior fieret, dum unius devotio devotioni alterius suffragabatur. Sicque in eis impletum est, quod

A Dominus universitati in Evangelio ait : Si duo ex vobis super terram consenserint de quacumque re quam petierint, fiet eis a Patre meo. Ubi enim fuerint duo vel tres congregati in nomine meo, ibi in medio eorum sum. *Ut sanitas*, id est conservatio sanitatis corporalis ac spiritualis, daretur eis, quousque suam complerent periodum.

Dixitque Tobias, orans Deum cum laudibus : quod est efficacissimum ad impetrandum, juxta quod scriptum est : *Laudans invocabo Dominum, et ab inimicis meis salvus ero. Domine, Deus patrum nostrorum, benedicant te cæli et terra et mare et fontes et flumina, et omnes creature tuæ quæ in eis sunt*. Porro inanimata et irrationalia Creatorem suum materialiter benedicunt, id est, sua dispositione, natura et consistentia ipsum esse laudabilem monstrant : et considerantibus, materiam incitamentumque præbent laudandi Altissimum, cujus bonitas, sapientia, omnipotentia in ipsis relucet, sicut causa

C in suo effectu. Sic et in Psalmo cantamus : *Laudent illum cæli et terra, mare et omnia reptilia in eis. Et tres Pueri in sui hymni exordio cecinerunt : Benedicite, omnia opera Domini, Domino ; laudate et superexaltate eum in sæcula. Tu fecisti Adam de limo terræ quantum ad corpus : juxta illud, Formavit Deus hominem de limo terræ ; et dedisti ei adjutorium ad prolificandum, Evam* : prout in Genesi inducitur : *Dixit Dominus Deus, Non est bonum hominem esse solum, faciamus ei adjutorium simile sibi. Et nunc, Domine, tu scis, quia non luxuriæ causa accipio sororem meam*, id est sponsam hanc mihi propinquam cognatione, fidei religione, amore, connubio ac natura specifica ; *sed sola posteritatis dilectione, in qua, et a qua posteritate, benedicatur nomen tuum in sæcula sæculorum* : ita ut posteri nostri te jugiter benedicant, tamque devoti et honesti consistent, ut universi eos considerantes, te in tuis ministris collaudent, eo quod tantam eis contuleris gratiam.

Matth.
xviii, 19, 20.

Ps. xvii, 4.

Ps. lxxviii,
35.

Dan. iii, 57.

Gen. ii, 7.

Ibid. 18.

Tob. vi, 8,
19.

* illud

Ibid. 20-22.

quoque *Dixit itaque Sara : Miserere nostri, Domine, miserere nostri.* Repetitio illa, fuit fervoris indicium. *Et consenscamus ambo pariter sani sanitate mentis et corporis.* Nam et sani corpore, ceteris paribus, aptiores sunt Deo servire quam ægri.

Et factum est circa pullorum cantum, scilicet in confinio noctis atque auroræ, quum adhuc tenebræ essent, accersiri, id est vocari jussit Raguel servos suos, et abierunt cum eo pariter ut foderent sepulcrum. Sicque corruerat Raguel magna ex parte a spe sua, qua dixisse legitur superius : Non dubito quod Deus preces et lacrimas meas admiserit; et credo quod ideo fecit vos venire ad me, etc. Solent equidem homines vacillare a spe arduorum, instante hora qua percepturi sunt, quid in tali casu evenierit. Ex nimio enim desiderio rei cupitæ, verentur contraria. Dicebat enim : Ne forte simili modo evenierit ei, quod et ceteris aliis septem viris, qui sunt ingressi ad eam. Quumque parassent fossam, regressus Raguel ad uxorem suam, dixit : Mitte unam ex ancillis tuis, et videat, si, id est an, mortuus sit, ut sepeliā eum antequam illucescat dies : ne cognita morte ejus, augeatur confusio nostra. At illa misit unam ex ancillis : quæ, scilicet ancilla, ingressa cubiculum latenter, reperit eos salvos et incolumes, secum pariter dormientes. Non puto quod nudi condormiebant in lecto uno; sed post fatigueationem ex diuturna oratione, ploratione, vigilia, reclinauerunt se cum veste ad repausandum. Quæ reversa, nuntiavit bonum nuntium.

Et benedixerunt Dominum Raguel et Anna uxor ejus, gratias ei agendo de conservatione Tobiae in vita, et dixerunt : Benedicimus te, Domine, Deus Israel, quia non contigit nobis quemadmodum puta-

bamus. Fecisti enim nobiscum misericordiam tuam, hoc est, effectum pietatis tuæ nobis in hac re, et in aliis multis exhibuisti; et exclusisti a nobis inimicum persequentem nos, scilicet invisibilem hostem diabolum, qui viros alios nostræ filiae occidendo, nos quoque dire afflixit, contristavit et diffamavit. Misertus es autem duobus unicis, scilicet unico filio senioris Tobiae, et unicæ filiæ nostræ. Fac eos, Domine, plenius benedicere te, ut sint tibi quotidie gratiores, et sacrificium laudis tuæ et suæ sanitatis offerre : ita ut spiritualiter offerant tibi laudes pro sacrificio legis, et pro beneficio sanitatis suæ, id est concessæ eis a te, gratias referant tibi; ut cognoscat universitas gentium, ad quarum notitiam ista devenerint, quia tu es Deus solus in universa terra.

Statimque præcepit servis suis Raguel, ut replerent terra fossam quam fecerant, priusquam illucesceret. Uxori autem suæ dixit ut instrueret, id est pararet, convivium, et præpararet omnia quæ in cibis iter agentibus erant necessaria, eis quos intendebat mittere ad Gabelum, ad quem non volebat Tobiam permittere ire. Nam subditur : Et adjuravit Raguel Tobiam, ut duas hebdomadas moraretur apud se, quatenus interim mutuo adspectu gauderent in Domino. De omnibus autem quæ possidebat Raguel, dimidiam partem dedit Tobiae. De bonis immobilibus videntur pauca aut nihil habuisse in terra illa aliena. Et fecit hanc scripturam, ut pars dimidia quæ supererat, post obitum eorum Tobiae dominio deveniret. Textus autem tam planus est, ut immorari non congruat. Sed ex prædictis docentur conjugati fideles, ne instar infidelium absque prævia devotione et oratione conveniant.

ARTICULUS IX

ELUCIDATIO CAPITULI NONI : TUNC VOCAVIT TOBIAS ANGELUM AD SE.

NUNC recitatur qualiter Gabelus adductus, persolvit concessam sibi pecuniam. *Tunc vocavit Tobias angelum seorsum ad se, quem hominem aestimabat, dixitque ei, recognoscendo beneficia ejus grata et humili mente : Azaria frater, peto ut auscultes verba mea. Si me ipsum tradam tibi servum hereditarium, vel usque ad septimum annum, secundum legem in Exodo fixam, non ero condignus, id est satis gratus, providentiæ tuæ circa me, et beneficiis mihi per providentiam tuam collatis, imo et conjugii meæ et ejus parentibus. Tamen obsecro te, ut adhuc aliquid plus propter me facias, videlicet ut assumas tibi animalia, quæ portent necessaria in itinere, vel te et Gabelum, sive servitia, id est quosdam ex servis Raguelis, qui sint socii itineris tui, et vadas ad Gabelum in Rages civitatem Medorum, reddasque ei chirographum suum, et recipias ab eo pecuniam, et roges eum venire ad nuptias.*

Exod. xxi, 2.

Tob. iii, 7.

Jam dictum est supra : Eadem die contigit, ut Sara filia Raguelis in Rages civitate Medorum audiret improperium. Si ergo et Gabelus habitavit in Rages civitate Medorum, in eadem urbe manebant Raguel et Gabelus? Ad hoc multipliciter respondetur. Primo, quod erant duæ urbes ejusdem nominis, sicut in aliquibus regnis sunt plura oppida sive villagia idem nomen habentia. Secundo, quod Rages non solum est nomen urbis, sed etiam provinciae, sicut Samaria interdum est nomen urbis regni decem tribuum, quandoque patriæ : sieque unus istorum habitavit in urbe sic dicta, alter in civitate provinciae sic vocatæ. Tertio, quod supra textus correctus sic habet : Contigit ut Sara filia

Ibidem.

Raguelis in civitate Medorum. Primæ autem responsioni consonare videtur quod supra Raphael ait : Mansi apud Gabelum fratrem nostrum qui moratur in Rages civitate Medorum, quæ posita est in monte Ecbatanis : quod addi videtur, ad differentiam alterius Rages.

Tob. v, 8.

Scis enim, quoniam numerat pater meus dies absentiae meæ. Et si tardavero uno die plus, contristabitur anima ejus. Et certe vides quomodo adjuravit me Raguel, cujus adjuramentum spernere non possum. Specialiter sollicitus fuit de patre, magis compatiens ei propter ipsius cæcitatem et sanctitatem. *Tunc Raphael assumens quatuor ex servis Raguelis, ut eos ædificaret et informaret in via, et decenter comitatus veniret, magisque sibi crederetur, et duos camelos, forsitan unum pro adducendo Gabelo, alium pro se, non ob sui indigentiam, sed condecantiam, in Rages perrexit. Et inveniens Gabelum, dedit ei chirographum suum, et recepit omnem pecuniam. Indicavitque ei de Tobia filio Tobiae omnia quæ gesta sunt. Fecitque eum, puta Gabelum, secum venire ad nuptias convivii Tobiae.*

Et flevit Gabelus præ gaudio, viso et osculato Tobia, benedixitque Deum, et dixit Tobiae, eum benedicendo : Benedicat te Deus Israel, id est, abundantiam spiritualium temporaliumque bonorum tibi gratiose concedat meritis patris tui, quia filius es viri optimi, id est devotissimi Deo, et justi ad proximos, et timentis Deum, et eleemosynas facientis copiosissime, secundum vires suas. Et dicatur benedictio super uxorem tuam, id est, omnes eam noscentes imprecentur ei bona propter virtutes ipsius, et super parentes vestros, ut

Luc. xi, 27.

laudentur propter vestras probitates, fecunditates et virtuositates : quemadmodum mulier prudens beatificavit gloriosissimam Virginem propter Filium ejus, dicendo ad Filium : Beatus venter qui te portavit, et ubera quæ suxisti. *Et videatis filios vestros, et filios filiorum vestrorum usque in tertiam et quartam generationem*, id est, diuturnitatem vitæ, fecunditatemque prolis, et prosperitatem longævam obtineatis a Domino : *et sit semen vestrum benedictum a Deo Israel, qui regnat in sæcula sæculorum*, id est, a vero Deo benedicatur posteritas vestra. Quid mirum,

A si tam devote locutus est, cum quo angelus sanctus fuit, et ambulavit tam diu, non sine instructione salubri?

Quumque omnes dixissent, Amen, id est, sic fiat, *accesserunt ad convivium. Sed et cum timore Domini nuptiarum convivium exercebant*. Omnes etenim ædificabantur in angelo, quamvis eum hominem esse putabant, quia exemplarissimus fuit in omni apparatu et verbo. Similiter sponsus et sponsa fuerunt timorati. Ideo absque dissolutione, gula, lascivia, ibi omnia agebantur cum gaudio spirituali : quod cunctis est imitandum fidelibus.

ARTICULUS X

EXPOSITIO CAPITULI DECIMI : QUUM VERO MORAS FACERET TOBIAS.

Job xi, 2.

DOLOR parentum Tobiae, et reditus ejus hic enarrantur. *Quum vero moras redeundi longiores, quam itineratio requirebat, faceret Tobias, causa nuptiarum, propter quas a Raguele detinebatur, sollicitus erat pater ejus*, id est inquietus corde præ cura, et anxius, *dicens : Putas quare moratur filius meus, etc., et nemo reddet illi pecuniam?* Ex nimio enim filii sui amore imaginabatur varias causas dilationis reditus sui, quemadmodum anxietas moris est ; et dicere poterat illud Job : Cogitationes meæ variæ succedunt sibi, et mens in diversa rapitur. *Cæperunt autem contristari nimis, ipse Tobias senior, et Anna uxor ejus ; et cæperunt flere, eo quod die statuto minime reverteretur filius eorum ad eos*. Nam antequam recessit ab eis, computaverunt dies infra quos posset reverti, et apud ipsos reversus consistere : infra quos non fuit reversus.

Gen. xxxvii, 24, 35.

Flebat ergo mater ejus irremediabilibus lacrimis : sicut et Jacob deflevit filium suum Joseph, nullam consolationem ad-

C mittens ; *atque dicebat : Hei mihi, fili mi, ut quid te misimus peregrinari, lumen*, id est delectabile et jucundum objectum, *oculorum nostrorum* : prout hoc supra fuit expositum ; *baculum senectutis nostræ* : quod ibi quoque est explanatum ; *solatium*, id est causa et materia consolationis et gaudii, *vitæ nostræ?* Delectabile namque est, præsentem habere dilectum et adiutorem, et præsertim filium sapientem, obedientem et virtuosum, juxta illud Proverbiorum : Filius sapiens lætificat patrem. Et rursus : Fili, si sapiens fuerit animus tuus, gaudebit tecum cor meum, et exsultabunt renes mei quum locuta fuerint rectum labia tua. Itemque : Exsultat gaudio pater justii ; qui sapientem genuit, lætabitur in eo. *Spem posteritatis nostræ* : quoniam unica proles fuit eorum, qui amplius generare nequibant, ideo eo carere fuit gravissimum. Nam et parentes quodammodo manent in posteris suis. Hinc in Ecclesiastico scriptum est : Mortuus est pater ejus, videlicet boni sapientisque fi-

Tob. v, 23-25.

Prov. x, 1.

Ibid. xxxi, 15, 16.

Ibid. 24.

Eccli. xxx, 4-6.

lii, et quasi non est mortuus : similem enim reliquit post se. In vita sua vidit et lætatus est in illo, et in obitu suo non est contristatus. Reliquit enim defensorem domus suæ. *Omnia, jam prætaeta, simul in te uno habentes, non te debuimus dimittere ire a nobis; sed potius nuntium quemdam misisse, ne majus et carius bonum exponeremus periculo propter minus et vilius bonum. Quod aliquo modo sic erat, nisi providentia Dei aliter ordinasset et inspirasset, propter majus bonum ex illa itineratione consecutum, tam Tobiae juniore, ejusque contorali, quam amborum parentibus : quod femina ista nondum cognovit, sed postea cognito eo gratias egit.*

Cui dicebat Tobias : Tace, et noli turbari. Sanus est filius noster, ut spero. Satis fidelis est vir cum quo misimus eum. Fuit itaque Tobias multo constantior atque prudentior conjuge sua : ideo, tanquam caput ipsius, eam informavit et consolabatur, et ex divina inspiratione sic loquebatur. Deus etenim eum consolabatur secrete intrinsecus. Illa autem nullo modo consolari poterat, sed quotidie exsiliens, circumspiciebat et circumibat vias omnes, per quas spes remeandi videbatur, ut procul videret eum, si fieri posset, venientem.

At vero Raguel dicebat ad generum suum, hoc est maritum filiae suæ, juniorem Tobiam : Mane hic, et ego mittam nuntium salutis tuæ ad patrem tuum, id est virum qui parentibus tuis denuntiet te sanum ac prosperum esse. Cui Tobias ait : Ego novi, quia pater meus et mater mea modo dies computant absentiae meæ, et cruciatur spiritus, id est anima, eorum in ipsis, videlicet animæ amborum. Quumque verbis multis rogaret Raguel Tobiam, ut diutius secum maneret : quia dilexit eum ut proprium filium, non solum quoniam gener suus fuit, sed quia tam bonus, et propter virtutes patris sui, et quia cognatus ; et ille eum nulla ratione vellet audire, id est nulli persuasioni Raguelis acquiescere, sciens quod parentes sui non

A contentarentur, nisi eo reverso. Et forsan, quia audierat ab angelo, qualiter fel piscis haberet vim illuminandi oculos per maculam seu albuginem excæcatos, sperabat hoc in patre suo fiendum, sicut jam fuit expertus in conjuge sua de incensione cordis et jecoris piscis. Tradidit ei Saram, et dimidiam partem omnis, id est totius, substantiæ suæ in rebus mobilibus, in pueris, in puellis, id est servis et ancillis, forsan empticiis, in pecudibus, id est ovibus, et camelis, et in vaccis, et pecunia multa. Et salvum dimisit eum a se, dicens : Angelus Domini sanctus sit in itinere vestro, vos dirigendo ac protegendo : sicut et Tobias oravit quando filium a se dimisit, ut patuit ; perducaturque vos incolumes, et inveniatis omnia recta circa parentes vestros, et videant oculi mei filios vestros priusquam moriar.

Et apprehendentes parentes filiam suam, osculati sunt eam : ut moris est in tali recessu. Et dimiserunt ire, monentes eam honorare soceros, id est parentes sui mariti, tanquam proprios parentes, quum maritus et conjux sint una caro ; diligere maritum, et ex filiali dilectione eum timere, juxta illud Apostoli : Uxor autem timeat virum. Princeps quoque Apostolorum in prima sua hortatur Canonica : Mulieres subditæ sint viris suis, sicut Sara obediebat Abraham, dominum eum vocans. Regere familiam, quantum ad agenda in quotidiano obsequio, præsertim in domo : quæ tanquam minora, potius spectant ad conjugis dispositionem, quæ et potius residet domi. Mariti vero est, exteriora et majora disponere. Gubernare domum, id est sobolem, in directione ad matrem pertinente, ac utensilia domus ; et se ipsam irreprehensibilem exhibere, vitando ad minus peccata mortalia et scandala ; quatenus quæ alios habet regere, increpare, disponere, se in cunctis exhibeat exemplarem, ne ei dicatur, Cura te ipsam.

Ex his instruuntur parentes, qualiter debeant informare filias suas dum traduntur ad nuptias. Ipsæ quoque conjuges hic do-

Tob. v, 21.

Ephes. v, 23.

Ephes. v, 33.

I Petr. iii, 1, 6 : Gen. xviii, 12.

Luc. iv, 23.

centur, quid ad earum spectet officium, et A opera atque femineas inquietudines, lo-
quam virtuose debeant conversari, præser- quacitates et levitates, ut sexum vincant
tim vitando omnia impudiciæ signa et virtutibus, conditionemque moribus.

ARTICULUS XI

DECLARATIO CAPITULI UNDECIMI : QUUMQUE REVERTERENTUR, PERVENERUNT AD CHARAN.

QUUMQUE reverterentur Raphael et Tobias, ejusque uxor cum familia et jumentis, pervenerunt ad Charan, id est oppidum sic vocatum, quæ est in medio itinere contra Niniven, id est ex opposito Ninive civitatis, undecima die a recessu de domo Raguelis. Hanc Charan dicunt aliqui esse, de qua scriptum est in Actibus : Tunc exiit Abraham de terra Chaldæorum, et habitavit in Charan; quæ in Genesi vocatur Haran. Dixitque angelus : *Tobia frater, scis quemadmodum reliquisti patrem tuum, videlicet cæcum, desolatum et inopem. Si placet itaque tibi, præcedamus. Ecce quam humiliter loquitur angelus. Et lento gradu insequantur iter nostrum familiæ simul cum conjuge tua, et cum animalibus. Quumque hoc placuisset Tobia, dixit Raphael ad Tobiam : Tolle tecum de felle piscis, quod alicubi fuit repositum, erit enim necessarium. Tulit itaque Tobias ex felle illo, et abierunt.*

Act. vii, 4.

Gen. xi, 31.

Anna autem sedebat secus viam quotidie in supercilio montis, unde respicere poterat de longinquo. Et dum ex eodem loco specularetur adventum ejus, vidit a longe, et illico cognovit venientem filium suum. Nuntiavitque viro suo.

Dixitque Raphael ad Tobiam : At ubi introieris domum tuam, id est domum tuæ habitationis, statim adora Dominum Deum tuum. Et gratias agens ei. Unde elicatur, quod de longe redeuntes, et a suis negotiationibus revertentes, mox ut domum suam intraverint, debeant in primis Deum adorare, et gratias ei referre pro

B beneficiis sibi in via ab eo exhibitis. *Accede ad patrem tuum, et osculare eum, pro consolatione ipsius ex caritate sincera : juxta quod Paulus apostolus frequenter in suis scribit epistolis, Salutate invicem in osculo sancto. Statimque lini, id est inunge, super oculos ejus ex felle isto. Scias enim quoniam mox aperientur oculi ejus ad videndum ut ante : puta post mediam horam, ut paulo post tangitur. Et videbit pater tuus lumen cæli.* Natura namque operatur successive. Et poterat angelus divina virtute absque naturali medicamine cæcum illuminare; sed ad gloriam Creatoris voluit creaturæ vires ostendere, et ne præsumamus Deum tentare, quærendo supernaturale auxilium, dum habemus per naturam subsidium. *Et in adpectu tuo gaudebit.*

Rom. xvi,
16: 1 Cor.
xvi, 20: 1
Thess. v. 26:
1 Pet. i. 14.

Tunc præcucurrit canis, qui simul fuerat in via, et quasi nuntius adveniens, blandimento suæ caudæ gaudebat. Et consurgens cæcus pater, cæpit, offendens, id est impingens pedibus, currere, ex amore filii redeuntis, et ex gaudio de reditu ejus; et data manu sua puero dirigenti viam ipsius, occurrit obviam filio suo, et osculatus est eum cum uxore sua, id est tam ipse quam uxor sua Anna mater Tobia. Quumque adorassent Deum Tobias et ejus parentes, et gratias egissent de reditu. Quo constat, quod domestici suscipientes redeuntem, debeant simul cum illo Dominum adorare, et gratias agere. *Consederrunt, ad conferendum de peractis in via et expeditione negotii.*

Tunc sumens Tobias de felle piscis, livit oculos patris sui. Et sustinuit, id est exspectavit, quasi dimidiam fere horam effectum inunctionis illius; et cepit albugo, id est subtilis tenuisque materia fæculenta instar pelliculæ, ut est in alis vespertilionis, quasi membrana, id est pellicula ovi, ex oculis ejus egredi. Quam apprehendens Tobias junior, traxit ab oculis ejus, videlicet patris sui, statimque visum recepit. Nam lumen visuale manserat in pupilla. Porro, cæcum a nativitate, in ejus oculis non est lumen hujusmodi, videntem efficere, excedit virtutem totius naturæ creatæ: quod Christus et multi Sancti post eum Ecclesiæ filii peregerunt, nullusque antea legitur peregissee. Propter quod cæcus a nativitate a Christo illuminatus, dixit incredulis: A sæculo non est auditum, quia aperuit quis oculos cæci nati.

Joann. ix.
32.

Et glorificabant, id est, gloriosum, omnipotentem, pium esse fatebantur, Deum, ipse Tobias et uxor ejus, et omnes qui sciebant eum, id est fideles qui noverant eum, vel etiam quidam gentilium. Dixitque Tobias: Benedico te, Domine, Deus Israel, quoniam tu castigasti me. Nam humilis Tobias reputavit sibi plagam cæcitatæ pro suis evenisse peccatis: quæ tamen ob alias causas evenerat. Nihilo minus etiam ad purgationem venialium culparum Tobiae potuit contigisse, et sic fuit non solum exercitatio atque probatio justi, sed et castigatio aliquantulum rei. *Et tu salvasti, id est curasti, me de hujusmodi plaga: juxta illud Job, Percutit, et manus ejus sanabunt.* Sicque in Tobia impletum est quod ad Hebræos fertur: Omnis disciplina in præsentem videtur non esse gaudii, sed mœoris; postea autem fructum pacatissimum exercitatis per eam reddet justitiæ. Et vidit Tobias filium suum.

Job v, 18.

Hebr. xii,
11.

Ingressa est etiam domum Tobiae senioris post septem dies Sara uxor filii ejus, et omnis familia et pecora sana, et cameli, et pecunia multa uxoris: sed et illa pecunia, quam receperat a Gabelo. Dicuntque aliqui, ideo Raphaelem suggessisse Tobiae ut præcederent, quatenus Tobias senior curaretur antequam uxor filii ejus intraret, ne inveniretur ab ea et a venientibus secum, in pristina paupertate, cæcitate et indispositione. Vel ideo præcessum suggessit, ut justo desolato celerius impenderetur solatium, et etiam afflictissimæ matri Tobiae. *Et narravit parentibus suis omnia beneficia Dei, quæ fecisset circa eum per hominem, id est angelum in specie hominis apparentem, qui eum duxerat. Veneruntque Achior et Nabath consobrini Tobiae, et etiam alii quidam contribules et vicini ipsius, ad ipsum Tobiam, congratulantes ei de omnibus bonis quæ circa illum ostenderat Deus, id est beneficiis sibi desuper exhibitis in se ipso et in filio suo. Et per septem dies epulantes omnes cum sobrietate, et cum gaudio magno in Domino, gavisii sunt.* Et forsitan introierunt ad Tobiam, antequam uxor filii ejus advenit, quamvis hoc postea recitetur. Mox enim ut perceperunt eum illuminatum, venerunt. Epulationem autem potuerunt differre usque ad ingressum uxoris filii ejus.

Postremo, per linitionem fellis piscis, designatur amaritudo veræ contritionis et compunctionis internæ, qua cordis oculi illustrantur, et maculæ vitiorum delentur. Patet quoque ex dictis, qualiter Dominus pauperem facit et ditat, et post dejectionem repente honestat. Idcirco in omni adversitate in ipso tanquam in providissimo atque piissimo patre confidendum est, constanti, fideli, et insuperabili mente, quia certissimum est, eum universa et singula considerare plenissime.

1 Reg, ii, 7.

ARTICULUS XII

ELUCIDATIO CAPITULI DUODECIMI : TUNC VOCAVIT AD SE TOBIAS FILIUM SUUM SEORSUM.

MANIFESTATIO mysteriorum Dei circa A Tobiam, hic aperitur. *Tunc vocavit ad se Tobias filium suum seorsum, dicitque ei : Quid possumus dare viro isti sancto qui venit tecum?* Fuit quippe Tobias sollicitus de mercede statim reddenda operario, prout docuit supra. *Respondens Tobias, dixit patri suo : Pater, quam mercedem dabimus ei? aut quid dignum poterit esse beneficiis ejus?* quasi dicat : Non possumus ei condignum rependere præmium. Ad quod probandum, commemorat atque enumerat beneficia eis collata per ipsum, quæ omnem pecuniarum excedebant valorem, ut patet in textu : præsertim quia dæmonem a Sara compescuit, et ipsum juniorem Tobiam a piscis devoratione eripuit, patrique ejus visum recuperavit. Quod quia medicinaliter gestum fuit, non per modum miraculi, quemadmodum Eliseus curavit Naaman Syrum a lepra, non erat simoniacum pro tali cura temporale quid exhibere. *Sed peto te, pater mi, ut roges eum, si forte dignabitur, hoc est, quatenus dignetur, medietatem de omnibus quæ allata sunt, sibi assumere.* Alia namque medietas videbatur bene necessaria ipsis. *Et vocantes eum, pater scilicet et filius, tulerunt eum in partem, et rogare cœperunt, ut dignaretur dimidiam partem omnium quæ attulerant, acceptam habere.*

Ibid. xiii.
3; vi, 2-4;
xi, 13-15.

IV Reg. v.
10-14.

Tunc dixit Raphael eis occulte : Benedicite Deum cæli : qui quamvis sit omnium rex, creator et Deus, specialiter tamen cognominatur Deus cæli, hoc est omnium cœlestium orbium et civium supernorum, seu cæli empyrei, quod est thronus gloriæ ejus : in quo ipse omnipotens, incircumscripibilis Deus, specialiter esse et habitare asseritur, quia in eo evidentius se

ostendit, atque præclarius operatur. Hinc in Esdra dicitur : Nos sumus servi Dei cæli. Et iterum Esdras in sua ait oratione : Quæso, Domine, Deus cæli, fortis. *Et coram omnibus viventibus vobis præsentibus, seu coram quibusdam de omnibus, et per historicam horum descriptionem coram cunctis fidelibus per fidem gratiamve viventibus; confitemini ei confessione laudis et gratiarum actionis, quoniam fecit vobiscum misericordiam suam, id est, pietatis suæ gratiosos effectus, et beneficia multa ac magna vobis impendit.*

I Esdr. v.

44.

II Esdr. i, 5.

Etenim sacramentum regis abscondere bonum est. Hoc quidam de regibus hujus mundi exponunt, quod expediat celare eorum secreta, quia et ipsi ægre acciperent, si proderentur, et pericula eis ex hoc imminerent. Potest quoque exponi de Rege omnipotente cœlesti, ejus sacramenta, hoc est sacra secreta, fideique mysteria, sunt indignis, carnalibus, perfidis, incapacibusque celanda, quemadmodum apud Matthæum ait Salvator : Nolite sanctum dare canibus, neque margaritas vestras mittitis ante porcos. Hinc Paulus fatetur se audisse arcana verba, quæ non licet hominibus loqui. Et denuo : Non potui (inquit) vobis loqui quasi spiritualibus, sed quasi carnalibus. Itemque : Animalis homo non percipit ea quæ sunt spiritus Dei; stultitia est enim illi. Unde in Proverbiis inducitur : Gloria Dei, celare verbum. *Opera autem Dei naturalia et supernaturalia revelare aliis, et confiteri cum laude et fidei protestatione, honorificum est, hoc est cedens ad honorem et gloriam Dei, dummodo fiat loco et tempore opportuno, et coram capacibus atque docibilibus.* Propter quod ait Psalmista : Confitebor tibi, Domine, in

Matth. vii,

6.

II Cor. xii,

4.

I Cor. iii, 1.

Ibid. ii, 14.

Prov. xxv,

2.

Ps. ix, 2.

toto corde meo : narrabo omnia mirabilia tua.

Bona est oratio cum jejunio. Quam verum sit hoc, innotescit ex eo quod Dominus in Evangelio de pessimo quodam dæmonum genere loquitur : Hoc genus in nullo potest exire, nisi in oratione et jejunio. Jejunium enim mentem ad devotionem et contemplationem disponit. Ideo ad orandum efficaciter maxime juvat, quia ut asserit Damascenus, Oratio est ascensus mentis in Deum. Hinc sancti Patres tradiderunt duas esse alas orationis, per quas levatur et volat in cælum, quæ sunt jejunium et eleemosyna. Unde mox subditur : et eleemosyna bona est magis quam thesaurus auri recondere, quum eleemosyna sit actus virtutis, et misericordiæ opus, delens peccata, augmentique gratiæ et gloriæ promeritoria. Ideo additur : Quoniam eleemosyna a morte culpæ ac gehennæ liberat, per modum meritoriæ causæ, Deus autem per modum causæ effectivæ : et ipsa est quæ purgat peccata : sicut expositum est plenius supra. Propterea in Proverbiis fertur : Per misericordiam et fidem purgantur peccata. Alibi quoque : Abscondite eleemosynam in sinu pauperis, et ipsa orabit pro vobis ad Dominum. Quia sicut aqua exstinguit ignem, ita eleemosyna peccatum. Et facit invenire vitam æternam.

Prov. xv,
27.
Eccli. xxix,
13; iii, 33.

Matth. v. 7.

Beati enim misericordes, quoniam ipsi misericordiam consequuntur. Qui autem faciunt peccatum in proximum, aut in se ipsos, et iniquitatem in Deum, hostes sunt animæ suæ, quia adversantur suæ saluti. Et quod maxime sibi ipsis nocivum est, hoc optant et inferunt sibi, læduntque et occidunt spiritualiter animas suas. Ideo fertur in Psalmo : Qui autem diligit iniquitatem, odit animam suam. Atque in Proverbiis habetur : Usquequo stulti quæ sibi nociva sunt, cupient ?

Ps. x, 6.

Prov. i, 22.

Manifestabo ergo vobis veritatem, et non abscondam a vobis occultum sermonem, id est verba aliis prorsus ignota, seu res secretas significatas per verba. Sæpe etenim in Scripturis accipitur verbum seu sermo

pro re significata. Quando orabas cum lacrimis, et sepeliebas mortuos, et derelinquebas prandium tuum : ita quod tua oratio fuit præactis duabus alis pennata ac decorata, imo et ex intima compunctione et sancta affectione procedens, cujus signum erant lacrimæ ei adjunctæ ; et abscondebas per diem in domo tua, et nocte sepeliebas eos ; ego obtuli orationem tuam Domino : non quasi eam ignorantem, sed ad impetrandum divinæ pietatis effectum, et supplendo tuum imperfectum, atque ad cognoscendum ex revelatione divina quid tecum esset agendum. Et quia acceptus eras Deo ex prædestinatione æterna et conversatione virtuosa, necesse fuit, id est expediens pro incremento meritorum tuorum ac præmiorum, et ad ædificationem multorum, et ad manifestationem potentiæ atque clementiæ Dei, et ad ejus gloriam et honorem, prout impræsentiarum jam cernitur : fuit item necesse ex suppositione, et per relationem ad finem ; ut tentatio, hoc est adversitas, probaret te, id est, examinaret et probum ac fidelem ostenderet, tuæque virtuositas aliis sic pateret, ut ædificentur in te, et quia Scriptura testatur, quod multæ sunt tribulationes iustorum.

Tob. i, 20;
ii, 3, 9; iii, 1.

Ps. xxxiii,
20.

Et nunc misit me Dominus ut curarem te, et Saram uxorem filii tui a dæmonio liberarem. Ego enim sum Raphael angelus. Nam Raphael interpretatur, medicina Dei : ideo recte sic vocor, quia ad medendum tibi ac Saræ sum missus. Siquidem angeli ex suis officiis, actibus et proprietatibus nomina sortiuntur. Unus ex septem, qui adstamus ante Deum, id est, Deo jugiter sumus præsentem per beatificam fruitionem, et ad ejus obsequium semper parati. Sicque, Adstare hic sumitur, non prout distinguitur contra Adsistere, secundum quod superiores spiritus angelici, qui ad exteriora ministeria non mittuntur, dicuntur adsistere, juxta illud Danielis, Millia millium ministrabant ei, et decies milia centena millia adsistebant ei. Porro quod ait, Unus ex septem, non designat

Dan. vii, 10.

numerum determinatum, sed indeterminatum, seu universitatem nobis prorsus innumerabilem, quæ in Scripturis septenario frequenter insinuatur, sicut quum in Apoc. i, 4. Apocalypsi inducitur : Gratia et pax vobis ab eo qui est, et a septem spiritibus qui in conspectu throni ejus sunt. De multitudine autem inæstimabili angelorum sanctorum, scriptum est in Job : Numquid est numerus militum ejus? et super quem non surgit et splendet lumen ipsius? Atque in Apoc. v, 11. Apocalypsi : Erat numerus angelorum millia millium.

Dumque hæc audissent Tobias et filius ejus, turbati sunt, præ vehementi admiratione et stupore rei tam novæ ac arduæ, et tremantes, ceciderunt super terram in faciem suam : quia ex vehementia admirationis et timoris, secuta fuit et orta in corpore alteratio maxima harmoniæ et complexionis, et concursus sanguinis ad cor; sicque membra fuerunt in frigidata ac tremuerunt, et corpus debilitatum mox corruit. Vel etiam, ad reverentiam Dei ac angeli ejus, se prostraverunt. Sic et Daniel ait : Vidi visionem grandem, et non remansit in me fortitudo, sed et species mea immutata est in me, et emarui, et jacebam consternatus super faciem meam.

Dirigitque eis angelus : Pax vobis. Nolite timere inordinato timore, quia totum pro bono vestro est gestum. Proprium vero est angelis sanctis, consolari et confortare eos, quibus gratiose apparent, qui ex humana fragilitate de angelorum apparitione timere, debilitarique solent. Etenim quum essem vobiscum, in forma humana vobis apparens, ita quod me hominem esse putastis, per voluntatem Dei eram, id est, secundum beneplacitum ac dispositionem divinæ voluntatis vobiscum versabar; ipsum benedicite, et cantate illi. Videbar quidem vobiscum manducare ac bibere. Et utique non ludificatorie, sed vere ac realiter cibum et potum tetigit, sumpsit, trajecit in corpus assumptum, et prout voluit, consumpsit, non eo modo quo homi-

nes, nec convertit eos in corpus assumptum per carnificationem mediante nutritiva virtute. Non enim unitus fuit corpori assumpto ut forma substantialis, sed tanquam motor. Sed ego cibo invisibili, et potu qui ab hominibus videri non potest, utor, sicut et ego in propria natura ac specie simplex, incorporeus, invisibilisque consisto. Præterea, eibus et potus omnium Beatorum, est gloriosa visio Dei, et beatifica fruitio ejus, ac delectatio plene contentativa ac satians : quibus ita replentur, ut indesinenter cupiant eas, ut intelligatur exclusum omne fastidium, et taliter cupiant ipsas, ut æternaliter et secure habeant eas præsentis. Propter quod beatissimus Petrus disseruit : In quem desiderant angeli prospicere. Objectalis demum eibus Beatorum, est Deitas ipsa, seu Trinitas adoranda. Potus vero, est fons infinitæ sapientiæ ac opulentiæ ejus, juxta illud Psalmi : Inebriabuntur ab ubertate domus tuæ, et torrente voluptatis tuæ potabis eos. Unde in Isaia Dominus loquitur : Ecce ego declino in eos ut flumen pacis.

Tempus est ergo ut revertar ad eum qui me misit, quia jam expedita est hæc mea legatio : non quod ad vos veniens, aut vobiscum existens, ab infinito et incircumscriptibili Deo distem sive abierim; sed quia recessi a loco, id est cœlo empyreo, in quo ipse specialiter esse et habitare asseritur : sicque illuc redeundo, ac vobis disparendo, ad ipsum Deum me redire assero. Quemadmodum de Christo quoque cantamus : Egressus ejus a Patre, regressus ejus ad Patrem. Vos autem benedicite Dominum, et enarrate omnia mirabilia ejus, hoc est quædam de omnibus, seu omnia vobis exhibita et cognita.

Et quum hæc dirisset, ab adspectu eorum ablatus est, id est, eorum visui se subtraxit, et repente disparuit; corpusque assumptum tam potestative ac subito deposuit ac reliquit, quam potestative ac celeriter assumpserat illud : quia materia inferiorum in multis, præsertim quoad motum, obedit angelis sanctis; et ultra

1 Petr. i, 12.

Ps. XXXIII, 9.

Is. LXVI, 12.

cum videre non potuerunt. Tunc prostrati orando sine distractione notabili. Et creper horas tres in faciem, benedixerunt surgentes, narraverunt omnia mirabilia Deum, devotissime regratiando, laudando, ejus : sicut expositum est.

ARTICULUS XIII

ELUCIDATIO CAPITULI TERTHDECIMI : APERIENS AUTEM TOBIAS SENIOR OS SUUM, BENEDIXIT DOMINUM.

GRATIAM actio Tobiae hic recitatur. Fuit enim consuetudo devotis Israelitis, Deo componere atque depromere canticum spirituale pro beneficiis magnis. *Aperiens autem Tobias senior os suum, videlicet ex praeliberatione, et magna loquens devotione, benedixit Dominum, id est laudavit, et dixit : Magnus es, Domine, in æternum, non quantitate corporea, sed perfectione infinita, et in omnia sæcula regnum tuum magnum est.* De quo legitur :

Ps. cxliv, 13.

Dan. vii, 14.

Matth. xiii, passim : xxiii, 13.

Prov. iii, 12 ; Hebr. xii, 6.

Luc. xvi, 22.

1 Reg. ii, 6.

Regnum tuum, regnum omnium sæculorum, et dominatio tua in omni generatione et generatione. Daniel quoque fatetur : Potestas ejus potestas æterna, quæ non aufertur, et regnum ejus quod non corrumpitur. Hoc regnum Dei, est triumphans Ecclesia, et aliquo modo Ecclesia militans, quæ non corrumpitur hic in toto, sed de via transfertur ad patriam. Unde in Evangelio frequenter vocatur regnum cælorum.

Quoniam tu flagellas misericorditer per adversa, et paternaliter castigas in sæculo isto tuos electos ; *et salvas*, ab adversitatibus eripiendo, et gratiam gloriamque præstando : juxta illud, Quem diligit Dominus, corripit, et quasi pater in filio complacet sibi ; *deducis ad inferos, et reducis* : ut patet in suscitatibus multis a mortuis : quorum quidam in mortalibus obierunt peccatis, sed per definitivam sententiam non fuerunt damnati ; quidam vero in inferis, hoc est in limbo aut purgatorio, erant, sicut et Lazarus. Hinc et sancta Anna testatur : Dominus mortificat et vivificat, deducit ad inferos et reducit. Deducit

quoque ad inferos, hoc est ad pœnas et tribulationes gravissimas in præsentia, ita ut inferno videantur conformes. *Et non est qui effugiat manum*, hoc est omnipotentiam tuam, aut metuendum tuum judicium : juxta illud Machabæorum, Manum Omnipotentis nec vivus, nec mortuus evadere potero. Ideo nihil salubrius nobis, quam ut confugiamus ad misericordiam ejus, cujus potestati atque justitiæ non valemus resistere.

11 Mach. vi, 26.

Confitemini Domino, filii Israel, confessione propriæ culpæ ac laudis divinæ, *et in conspectu gentium*, inter quas capti estis, *laudate Deum : quoniam ideo dispersit vos inter gentes, quæ ignorant Deum* per fidem formatam, *ut vos enarretis mirabilia ejus*. Illa fuit una causa captivitatis dispersionisque Israelitarum inter gentes idololatrias, quatenus Israelitæ annuntiarent gentilibus magna et mirifica opera ac beneficia Dei, exhibita filiis Israel in Ægypto, in mari Rubro, in deserto, et in terra promissionis, et rigorem divinæ justitiæ circa inimicos ipsorum. Verumtamen filii Israel per suos excessus meruerunt capi, taliterque dispergi ; sed infinitæ sapientiæ Deus ex malis nostris et pœnis elicit multa bona, præter nostram intentionem atque notitiam. *Et faciatis scire eos*, puta gentiles, *quia non est alius Deus omnipotens præter eum* : quod evidenter patuit ex hoc, quod dii Ægyptiorum et Chananæorum, aliarumque gentium non potuerunt resistere mirabilibus Dei, et plagis ejus, nec suos defensare cultores.

Ipsæ castigavit nos per captivitatem et alias pœnas, propter iniquitates nostras; et ipse salvabit nos propter misericordiam suam, clementer ignoscendo, gratiam et salutem præstando, dummodo pœnitentes æquanimiter toleremus flagella præsentia.

Adspicite ergo quæ fecit nobiscum, hoc est, beneficia et flagella ejus considerate, ut grati sitis, et emendetis vos, ne deteriora vobis contingant; et cum timore cordis filiali, et tremore corporis, procedente ex interiori timore redundante in corpus, confitemini illi, duplici confessione prætacta:

Ps. II, 11.

*Hebr. xxi.
28, 29; Deut.
iv, 24.*

*Malach. i,
6.*

I Tim. i, 17.

juxta illud Psalmographi, *Servite Domino in timore, et exsultate ei cum tremore.* Et ad Hebræos scribit Apostolus: *Serviamus Deo placentes cum metu et reverentia.* Et enim Deus noster ignis consumens est. *Regemque sæculorum exaltate in operibus vestris,* hoc est, sublimiter et incomparabiliter eum honorate non solum per verba, sed multo amplius per opera virtuosa; quoniam ipse testatur: *Filius honorat patrem, et servus timet dominum suum.* Si ergo pater ego sum, ubi est honor meus? et si Dominus ego sum, ubi est timor meus? De hoc Rege ait Apostolus: *Regi autem sæculorum immortalis, invisibili, soli Deo honor et gloria.*

Ego autem in terra captivitatis meæ confitebor illi corde, ore et opere, quoniam ostendit majestatem suam in gentem peccatricem, juste puniendo eandem, præsertim incredulos, qui filios Israel crudeliter tractaverunt et perversa intentione, quamvis iniquos sunt persecuti, ut patet præsertim in libris Regum ac Judicium. Frequenter quoque ostendit Deus majestatem suam in peccatoribus per magnificos misericordiæ suæ effectus, impios convertendo. Hinc subditur: *Convertimini itaque, peccatores, per veram contritionem, et facite justitiam coram Deo per opera satisfactoria pro peccatis, ac divina observando præcepta, credentes quod faciat vobiscum misericordiam suam, quam nulli denegat pœnitenti.* Omnia autem oportet ex fide peragere, quia justus ex fide vivit.

Rom. i, 17.

Denique tempore legis naturæ et etiam legis scriptæ, suffecit gentilibus servare præcepta legis naturalis, cum fide formata Christi venturi: imo semper oportuit credere breve illud symbolum fidei quod ad Hebræos ponit Apostolus: *Credere, in-*

Hebr. xi, 6.

quiens, oportet accedentem ad Deum, quia est, et inquirentibus se remunerator sit.

Ego autem secundum exteriorem hominem et vires sensitivas, et anima mea secundum vires suas supremas, id est etiam ego secundum interiorem hominem, in Deo lætabimur: juxta illud, *Cor meum et caro mea exsultaverunt in Deum vivum.* Non quod caro aut appetitus sensitivus immediate versentur circa divinum simplicissimumque objectum, ad quod inorganicæ et intellectuales potentiæ solum queunt attingere; sed quia delectatio partis sensitivæ seu carnis, modificatur ac regitur ratione et caritate, secundum exigentiam legis divinæ; et item, quia lætitia spiritualis ac intellectualis magna redundat in partem sensitivam et corpus. *Benedicite Dominum, omnes electi ejus:* qui licet ad tempus errent pro parte, finaliter tamen non possunt perire; *agite dies lætitiæ:* juxta illud Apostoli, *Gaudete in Domino semper; et confitemini illi.*

*Ps. lxxxiii,
3.*

*Philipp. iv,
4.*

Jerusalem, civitas Dei, castigavit te Dominus in operibus manuum tuarum, id est, propter peccata tua te juste punivit: intelligendo per civitatem, habitatores ipsius, qui frequenter fuerunt pro suis correpti sceleribus; vocaturque civitas Dei, quia electa a Deo, ut templum Dei esset in ea, et cultus ipsius ac studium legis in ipsa vigerent. *Confite Deo in bonis, id est in beneficiis ejus tibi collatis, atque in actibus virtuosis, ut benedicas ei ore et opere.* Quocontra Dominus loquitur de iniquis: *Populus hic labiis me honorat, cor autem eorum longe est a me.* Et *benedic Deum sæculorum, id est omnium generationum, periodorum ac temporum, ut reedificet in te tabernaculum suum, id est templum.* Ex hoc et ex verbis sequentibus, quidam dixerunt Tobiam ista dixisse

*Is. xxxix, 13;
Matth. xxv,
2; Marc. xii,
6.*

post destructionem Jerusalem a Chaldæis, A ita quod Tobias secundum eos loquitur ista historice. Sed ex Scripturis probatur obisse diu ante destructionem Jerusalem, combustionemque templi, ut infra tangetur. Ideo alii dicunt eum hic et sequenti capitulo loqui prophetice, et propter certitudinem prophetiæ loqui de futuro per modum præteriti. *Et revocet ad te omnes captivos tuos*, id est quosdam ex omnibus. Dedit autem Cyrus rex Persarum cunctis Judæis captis in suo domi-

1 Esdr. 1, 3.

Luce splendida fulgebis : quia post reditum a Babylonica captivitate, aliquando vixit cultus Dei in Jerusalem et in templo, multique justī ac sapientes, et spiritu prophetiæ fulgentes, fuerunt ibidem, ut Zacharias, Aggæus, Malachias, Esdras, Zorobabel, etc. Deinde in templo illo oblatus est Christus, lux mundi, de quo Simeon sanctus dixit : Viderunt oculi mei salutare tuum, lumen ad revelationem gentium. Deinceps Christus sæpe prædicavit, et multa miracula fecit in templo; atque post ejus resurrectionem et Spiritus Sancti missionem, gloriosi Apostoli prædicaverunt ibidem, et primitiva Ecclesia erat quotidie in porticu templi, sicut in Actibus refert Lucas. Propter quæ omnia Aggæus templum secundum prætulit primo : Magna, inquit, erit gloria domus hujus novissimæ magis quam primæ.

Ibid. II, III;
Agg. I;
Zach. IV.

Luc. II, 27-32.

Act. II, 11;
v. 12.

Agg. II, 10.

Act. II, 5.

Et omnes fines terræ adorabunt te, id est Deum tuum in te; vel adoratione dulciæ honorabunt Sanctos, qui in te Domino ministrabant : quod aliquando dicitur esse impletum post reditum de Babylone, quoniam multi Judæi per mundum dispersi, et quidam gentiles venerunt frequenter in Jerusalem adorare Dominum, præsertim in solennitatibus aliquibus legis. Unde legitur in Actibus : Erant autem in Jerusalem habitantes viri religiosi ex omni natione quæ sub cælo est. Plenius

autem adimpletum est tempore gratiæ, co-
ruscante Evangelio Salvatoris, quando Chri-
stiani cum summa devotione visitaverunt
assidue urbem sanctam et sacra loca, quæ
et tandem per multos annos pacifice pos-
sederunt; tuncque implebatur quod sub-
ditur : *Nationes ex longinquo ad te venient;
et munera deferentes* : quia temporalia ac
spiritualia dona Domino offerebant; ado-
rabunt in te Dominum, et terram tuam
in sanctificationem habebunt, id est, Ter-
ram sanctam vocabunt, et præcipue ho-
norabunt, sicut adhuc vocatur, honoratur,
et undique visitatur, præsertim propter
Christi mysteria ibi completa. *Nomen enim
magnum*, id est Deum altissimum, invo-
cabunt in te : de quo in Psalmo : Notus in
Judæa Deus, in Israel magnum nomen ejus.

Ps. LXXV, 2.

Maledicti erunt qui contempserint te,
eo quod sancta sis, et locus mysteriorum
ministorumque Dei; *et condemnati erunt
qui blasphemaverint te*, negando te esse
locum sacrum : ut tactum est. *Benedicti-
que erunt qui ædificaverint te* spirituali-
ter aut materialiter. Nam et hi qui in
Esdra leguntur reædificasse Jerusalem, be-
nedicuntur ibidem. *Tu autem lataberis in
filiis*, id est in habitatoribus atque fide-
libus tuis, quasi mater eorum : sicut Eccle-
sia gaudet in filiis suis. Ipsaque urbs seu
ædificium gaudet metaphorice et materia-
liter, id est, alios facit vel ostendit gaude-
re, et sua prosperitate per modum lætantis
se habet. *Quoniam omnes benedicentur*, id
est quidam ex omnibus, seu omnes electi
filii tui, qui fide et opere sunt fideles; *et
congregabuntur fide, spe et caritate, ad
Dominum*. *Beati omnes* jam in spe et me-
rito, *qui diligunt te caritate infusa*, id est
filios tuos, seu habitatores fideles, *et qui
gaudent super pace tua*, id est, tuæ tran-
quillitati ac paci interiori, seu etiam exte-
riori congratulantur ex caritate.

II Esdr. XI, 2.

Præterea, sicut ea quæ in isto sequuntur
capitulo, spiritualiter et mystice exponun-
tur de cœlesti et superna Jerusalem, seu
triumphante Ecclesia; sic prædicta mystice
possunt exponi de Ecclesia militante, quæ

frequenter per Jerusalem designatur. Ad A
Aet. n. s. quam venerunt et conversæ sunt nationes
 41. ex toto orbe, et Deum adoraverunt in ea :
 ejus captivi sunt, qui a diabolo capti tenentur : sed dum pœnitent, ad Ecclesiam reducuntur.

Anima mea, benedic Dominum, quoniam liberavit Jerusalem civitatem suam a cunctis tribulationibus ejus Dominus Deus noster. Istud videtur quibusdam non posse intelligi de Ecclesia militante, quæ usque ad finem mundi tribulationibus exercebitur, et multo minus de Jerusalem illa terrena, quæ nunc usque ab infidelibus detinetur. Ideirco exponunt hæc de triumphante Ecclesia, quæ nulli subest adversitati. Unde subjungit : *Beatus ero non solum in me, sed et in sobole mea, et valde beatus, si fuerint reliquæ seminis mei ad videndam claritatem Jerusalem,* id est, si posteritas mea, vel saltem reliquæ ejus perductæ mecum fuerint ad contemplandum lucem increatam, quæ totam triumphantem illustrat Ecclesiam, et claritatem civium supernorum. De qua in Psalmo : In lumine tuo videbimus lumen. Et in Apocalypsi : Civitas non eget sole neque luna ; nam claritas Dei illuminabit eam. Juxta hunc modum loquendi, in Psalmo, a militante Ecclesia dirigitur sermo ad Ecclesiam triumphantem, sub eodem contextu, dum dicitur, Gloriosa dicta sunt de te, civitas Dei. Et paulo post subditur, Sicut lætantium omnium, habitatio in te : quod de triumphante exponitur.

Ps. XXXV.
 10.
Apoc. XVI.
 23.
Ps. LXXXVI.
 3.
Ibid. 7.

Portæ Jerusalem ex sapphiro et smaragdo ædificabuntur ; et ex lapide pretioso omnis circuitus murorum ejus. De quacumque Ecclesia hoc sumitur, certum est quod per gemmas hujusmodi designentur merita seu præmia electorum, ornamenta virtutum, et diversa charismata gratiæ et salutis, vel ipsæ electæ virtuosæ seu gloriosæ personæ, ex quibus militans ac triumphans constat Ecclesia. Et possunt per portas intelligi merita, per quæ meremur intrare in patriam, seu sancti prælati, præsertim Apostoli ; per muros vero, eu-

stodes et munimenta ac securitates spirituales Jerusalem. Juxta quem sensum subjungitur : *Ex lapide candido et mundo,* hoc est pretiosissimis pulcherrimisque lapidibus spiritualibus, *omnes plateæ ejus sternentur,* intelligendo per plateas, mansiones cœlestis Jerusalem, et choros ac ordines Beatorum. Unde ait Salvator : In domo Patris mei mansiones multæ sunt. Sic et in prima Petri Canonica habetur : Ipsi tanquam lapides vivi superædificamini in domos spirituales. Atque in Apocalypsi : Erat structura muri ejus, videlicet civitatis Jerusalem, ex lapide jaspide ; ipsa vero civitas ex auro mundo simili vitro mundo. *Et per vicos ejus alleluia cantabitur,* hoc est, incessabilis laudatio Dei, per mansiones hujus Jerusalem canetur ac resonabit, juxta illud Psalmi : Beati qui habitant in domo tua, Domine : in sæcula sæculorum laudabunt te.

Joan. XIV.
 2.
1 Petr. II, 5.
Apoc. XVI.
 18.
Ps. LXXXIII.
 5.

Insuper potest hic locus etiam de militante exponi Ecclesia : quæ quamvis in hac vita, quoad se totam, non liberetur a cunctis tribulationibus suis, tamen quoad multa membra ipsius, liberatur ita quotidie, et ad cœleste perducitur regnum ; et multi fideles ad tempus in magna tranquillitate serviunt Deo, ita quod cum David psallere queunt : Exquisivi Dominum, et exaudivit me, et ex omnibus tribulationibus meis eripuit me. Nam et de militante ac primitiva præsertim Ecclesia exponitur illud Isaïæ : Erit opus justitiæ pax, et cultus justitiæ silentium, et securitas usque in sempiternum ; et sedebit populus meus in pulchritudine pacis, et in tabernaculis fiduciæ, et in requie opulenta. Amplius, etiam de militante Ecclesia exponitur illud Isaïæ : Paupercula, tempestate convulsa, ecce ego sternam per ordinem lapides tuos, et fundabo te in sapphiris, et ponam jaspidem propugnacula tua, et portas tuas in lapides sculptos, et omnes terminos tuos in lapides desiderabiles. Quæ omnia doctores catholici, Hieronymus, Haymo, Beda, et alii, de militante ac triumphante exponunt Ecclesia, sicut ibi-

Ps. XXXIII, 5.
Is. XXXII, 17, 18.
Ibid. LIV, 11, 12.

dem exposui. In hac quoque Ecclesia peregrinante Dominus indesinenter laudatur.

Benedictus Dominus, qui exaltavit eam: quia utramque Ecclesiam mirabiliter sublimavit, maxime triumphantem; *ut sit regnum ejus*, hoc est regnatio seu regimen Dei, *in sæculum sæculi super eam. Amen.* Ecclesiam namque utramque indesinenter gubernat.

Jam quæritur, quo tempore Tobias obierit, et utrum prædicta de vastitate et incendio Jerusalem ac templi, reductioneque Judæorum ad terram suam, locutus sit historice vel prophetice. Communiter autem dicunt doctores et expositores catholici, quod prophetice, et quod diu obierit ante destructionem Jerusalem a Chaldæis. Dictum est enim in expositione jam

Tob. 1, 2.

IV Reg. XVIII, 2.

Ibid. XXI, 1.

Ibid. 19.

Ibid. XXII, 1. Ibid. XXIII, 36.

supradicta, quod captus fuit nono anno Osee regis Israel, et sexto anno regni Ezechiae regis Juda, qui regnavit annis viginti novem, ut legitur quarto Regum: sicque post captivitatem Tobiae regnavit ad minus viginti duobus annis. Post quem filius ejus Manasses regnavit annis quinquaginta quinque, ut scribitur etiam quarto Regum. Post Manassen regnavit filius ejus Amon annis duobus: quo mortuo, Josias filius ejus regnavit annis triginta et uno. Post ipsum filius ejus Joakim regnavit

A undecim annis; atque post Joakim Sedecias regnavit etiam undecim annis ante destructionem Jerusalem. Quæ omnia quarto Regum et secundo Paralipomenon libris scripta sunt: qui anni conjuncti, sunt centum triginta duo. Tobias vero (ut sequenti capitulo dicitur) vixit annis centum duobus: qui etiam quando captus fuit, erat tantæ ætatis, quod ex legitima conjuge habuit filium. Hinc et Magister in historiis probat, quod junior Tobias circa vicesimum annum Josiæ regis defunctus est, etiam dato quod fuerit anni unius quando cum patre suo captivus abductus est. Josephus quoque testatur: Omne tempus a captivitate Israelitarum usque ad duarum tribuum transmigrationem, fuit annorum centum triginta. Hinc ait Isidorus, quod Tobias prophetiæ spiritu plenus, de superna Jerusalem multa decantat.

IV Reg. XXIV, 18.

Tob. XIV, 2.

Si autem his objiciatur, quod secundum hæc liber Tobiae esset inter libros Prophetarum, et inter volumina Scripturæ canonice computandus: dicendum, quod non sequitur: quia nec constat quod ipsemet librum istum conscripserit, imo ex sequenti capitulo magis apparet oppositum, nec aliquis authenticorum invenitur hoc dicere.

ARTICULUS XIV

EXPOSITIO CAPITULI QUARTIDECIMI: ET CONSUMMATI SUNT SERMONES TOBLE.

FELIX terminus vitæ Tobiae senioris ac filii ejus hic describitur. *Et consummati sunt sermones Tobiae*: quos dixit post suam illuminationem, prout præcedenti narratur capitulo; tamen post verba præscripta locutus est aliqua, sicut in isto capitulo continetur. *Et postquam illuminatus est visum recipiendo Tobias, vixit annis quadraginta duobus, et vidit filios*

D *nepotum suorum*, id est filios filiorum Tobiae filii sui, vivendo usque ad tertiam generationem. *Completo itaque annis centum duobus, sepultus est honorifice in Ninive* a filio suo et posteris ejus. Erat quippe valde famosus etiam apud illos gentiles, quibus gesta ejus et virtutes innotuerunt, et quoniam tam grandævæ fuit ætatis. *Quinquaginta namque et sex an-*

norum existens, *oculorum lumen*, id est A usum luminis oculorum, non ipsum lumen pupillæ, *amisit*, ut patuit, et dictum est sape. *Sexagenarius vero recepit* usum luminis oculorum suorum. Unde elicitur, quod quatuor circiter annis exstitit cæcus. *Reliquum vero vitæ suæ in gaudio fuit* spirituali, atque in prosperitate et alacritate præcipua, sicut et vita Job post suam curationem. Præterea miror, cur Magister in historiis dicat Tobiam vixisse quinquaginta duobus annis post suam illuminationem, et vixisse in toto annis centum B duodecim, quum textus manifeste aliter dicat. *Et cum bono profectu timoris Dei perrexit in pace.*

In hora autem mortis suæ vocavit ad se Tobiam filium suum, et septem juvenes filios ejus, nepotes suos: quorum filii non tanguntur hic, quia adhuc quasi infantuli aut pueruli fuisse videntur. *Dixitque eis spiritu prophetico, ut aliqui dicunt, vel quia ex verbis alicujus prophetiæ id novit:* *Prope est interitus Ninive*, id est, destructio urbis istius, et interfectio civium ejus propinquat et imminet. *Non enim excidit verbum Domini*, id est, prophetia de subversione Ninive prædicta implebitur, et verbum Dei a veritate non evacuatur.

Primo quippe per Jonam Deus prædixerat Ninive subversionem prophetia comminationis, quæ non fuit impleta, quia Ninivitæ poenituerunt. Misericordia vero accepta, rursus gravioribus se implicuerunt criminibus. Ideo Deus per Nahum prophetam prædixit per prophetiam prædestinationis (quæ semper impletur) urbis illius vastationem. Nahum autem propheta fuit ante adventum regis Assyriorum, qui populum Israel cepit ac transtulit, ut dicunt Hebræi, et in prologo super Nahum inducitur. Porro prophetia prædestinationis vocatur, qua aliquid pronuntiatur, prout in divina præcognitione, atque in dispositione providentiæ ejus consistit, quæ falli non valet. Prophetia vero comminationis est, qua res prædicatur secundum quod est in causis creatis, et in meritis homi-

num, quæ possunt mutari. De qua prophetia Dominus ait apud Jeremiam: Repente loquar adversus gentem et regnum, ut eradicem et destruam illud. Si poenitentiam egerit gens illa, agam et ego poenitentiam super malo quod cogitavi ut facerem ei. Porro Ninive destructa fuit per Chaldæos, sed postea fuit reædificata.

*Et fratres vestri**, scilicet Israelitæ, qui ** nostri dispersi sunt* per captivitatem a terra Israel, *revertentur ad eam*, ex licentia Cyri regis Persarum. *Omnis autem*, id est tota, *B deserta terra ejus*, scilicet Israel, præsertim regni Juda, *replebitur*, id est, competenter populabitur ex posteris redeuntium illuc; *et domus Dei quæ in ea incensa est*, scilicet templum, *iterum reædificabitur*, sub Zorobabel. Unde constat, quod loquatur de terra regni Juda, in qua situm fuerat templum: et sicut ex præcedentis expositione capituli patet, ista loquebatur prophetice de futuro per modum præteriti, quia templum tempore quo ista dixit Tobias, adhuc stetit, et postea diu. *Ibique C revertentur omnes timentes Deum.* Pro majori enim parte timorati Judæi ex Cyri licentia redierunt, non tamen omnes, quia nec Daniel. Idecirco quod ait, Omnes, intelligendum est de generibus singulorum, non de singulis generum. *Et relinquent gentes idola sua*: quod per Apostolorum prædicationem fuit copiose impletum; *et venient in Jerusalem, et habitabunt in ea*, videlicet quidam de gentibus. Melius tamen de Ecclesia militante accipitur, sicut et illud quod subditur, *et gaudebunt in ea D omnes reges terræ*, quod ad litteram de urbe Jerusalem non potest intelligi; *adorantes regem Israel*, id est Jesum Christum verum Messiam, Deum et hominem in unitate personæ. Quamvis autem quidam gentiles, idololatria sua relicta, venerunt cum filiis Israel redeuntibus a Chaldæa ad terram suam; illi tamen fuerunt tam pauci, quod propter eos non videtur dictum, *Relinquent gentes idola sua.*

Audite ergo, filii mei, patrem vestrum. Servite Domino in timore filiali, et veritate

Job XLIII, 10-16.

Jonæ III, IV.

Nahum VI, III.

Jer. XVIII, 7, 8.

vitæ, doctrinæ atque justitiæ, et inquirete A ut faciatis quæ placita sunt ei. Et filiis vestris mandate, id est præcipite, ut faciant justitias, id est opera justa, implendo divina præcepta, et eleemosynas ex caritate et pietate, cum humilitate, ut sint memores Dei, et benedicant eum in omni tempore in veritate et in tota virtute sua, videlicet non cum torpore, sed pleno fervore, et cum posse extremo. Nunc ergo, filii, audite me, et nolite manere hic; sed quacumque die sepelieritis matrem vestram, scilicet immediatam matrem filii mei Tobiaë, et aviam vestram, circa me in uno sepulcro, ex eo dirigite gressus vestros ut exeatis hinc celerius, quo convenienter poteritis. Video enim, quia iniquitas ejus, id est vitiorum ejus congeries, finem dabit ei, id est, requiret ut destruat.

Factum est autem post obitum matris suæ, Tobias abscessit ex Ninive cum uxore sua et filiis et filiorum filiis, et reversus est ad soceros suos, id est ad parentes conjugis suæ. Invenitque eos incolumes in senectute bona, et curam eorum gessit; et clausit oculos eorum, mox ut exspiraverunt, juxta morem temporis, populi que illius; et omnem hereditatem domus Raguelis ipse percepit, viditque quintam ge-

nerationem filiorum suorum. Et completis annis nonaginta novem in timore Domini casto et sancto, cum gaudio sepelierunt eum: non quod de morte ejus lætati sint, sed quia virtuose cursum suum finivit, sicque gaudio eorum fuit quidam mœror de separatione tam cari patris admixtus.

Omnis autem cognatio ejus, et omnis generatio ejus, in bona vita et in sancta conversatione permansit ad tempus notabile, ita ut accepti essent tam Deo quam hominibus bonis: quemadmodum primo

Regum habetur de Samuele, quod tam Deo ^{1 Reg. ii, 26.} quam hominibus placuit; et de multis Sanctis evangelicæ legis, ut de beatissimis viris Clemente, Sylvestro, Sebastiano, Bernardo et aliis multis, in quibus abundabant non solum virtutes theologicæ et divinæ, ac dona, sed et virtutes illæ morales, per quas fit homo hominibus gratus, amabilis et acceptus, ut sunt mansuetudo, humilitas, pietas, etc. Et cunctis habitantibus in terra, ad quos eorum devenit cognatio. Sic Creator omnipotens magnificat suos electos, et meritis patrum sanctorum, multa bona largitur eorum posteritati. Ad laudem et gloriam sui ipsius, qui est super omnia Deus sublimis et benedictus. Amen.

ENARRATIO
IN LIBRUM JUDITH

PROËMIUM

HÆC vocabitur virago. Gen. II, 23.

Quamvis hoc nomen, Virago, primæ mulieri ac matri omnium nostrum, tanquam proprium fuit impositum ab homine protoplasto, quia de viro sumpta fuit et formata; unicuique tamen mulieri viriliter agenti jam potest competere, et tanto eminentius venerabili atque magnanimi viduæ Judith, quanto inter feminas virilius egit: quæ tam fortissime agnoscitur operata, quod etiam superbæ et feroces gentes barbaricæ, Persæ, Medi, Assyrii, horruerunt constantiam ejus. Multa narrantur de viris præclaris, qui amore boni communis se magnis exposuerunt periculis, et pro liberatione populi sui se dederunt mortis discrimini: quibus hæc fidelissima femina, omni virtute ornata, fide, spe, caritate, et boni communis affectu tota succensa, non immerito comparatur. Hæc typus est Virginis gloriosæ, hæc figura militantis Ecclesiæ: quæ sub lege Mosaica evangelicam duxit vitam, imo in vita activa et contemplativa perfecta fuisse ostenditur; quæ sua conversatione honestissima, facta est exemplar et regula vitæ et castimoniæ vidualis: quæ sacerdotibus et principibus plebis suæ fuit prudentior atque constantior: ejus præconia infra in expositione libri sui plenius inno-<sup>Judith viii,
9 et seq.</sup>tescunt.

Qualiter autem intelligendum sit, quod beatus Hieronymus in prologo libri hujus asserit, librum hunc ab Hebræis inter Hagiographa computari, et a Nicæna synodo in sanctarum numero Scripturarum collocari, supra in proëmio super Tobiam expositum est.

ENARRATIO IN LIBRUM JUDITH

ARTICULUS PRIMUS

EXPOSITIO CAPITULI PRIMI : ARPHAXAD ITAQUE REX MEDORUM SUBJUGAVERAT
GENTES MULTAS.

BENEFICIUM magnificæ liberationis concessæ filiis Israel per venerabilem viduam Judith, in hoc libro describitur : ideo præmittuntur præambula quædam ad declarandum, qualiter facta sit liberatio illa. *Arphaxad itaque rex Medorum subjugaverat gentes multas imperio suo* : quia non suffecit suæ ambitioni atque tyrannidi regnare in Media, sed ad monarchiam quamdam adspirans, multas provincias per armorum violentiam subdidit sibi ; nec erat heres regni Medorum, sed natus ex populo regni illius. Cyrus quippe rex Persarum, victo Astyage avo suo rege Persarum, ipsum Astyagem tractavit humane, dans ei regnum Hyrcanorum, id est Parthorum, et Dario fratri matris suæ filiæ Astyagis, dedit regnum Medorum sub spe redeundi ad illud, seu rehabendi id ipsum : quod et factum est. Mortuo autem Cyro, Arphaxad Medus partem regni illius sibi attraxit, ut tandem toti Mediæ præsideret. Atque in urbe Ecbatanis nomine surgens, urbem illam vehementer auxit, reparavit, munivit, et quasi inexpugnabiliter confortavit muris, portis et turribus, præsertim ad resistendum filio Cyri regis : prout hæc in Scholastica historia plenius recitantur. Hinc subditur : *et ipse ædificavit civitatem potentissimam, quam appellavit Ecbatanis* :

quam dicitur ædificasse, quia præfato modo eam reparavit, auxit et melioravit. Juxta quem sensum Nabuchodonosor fertur dixisse : Nonne hæc est Babylon magna, *Dan. iv. 27.* quam ego ædificavi in domum regni ? quum tamen Babylon diu ante fuerit ædificata, quum scriptum sit in Genesi : Fuit autem principium regni ejus, scilicet ipsius Nemrod, Babylon et Arach. *Gen. x. 10.*

Arphaxad itaque urbem illam construxit *ex lapidibus quadratis*, ut muri, turres, portæ, et domus existerent fortiores, *B et sectis*, ut essent pulchriores. *Fecit muros ejus in altitudine cubitorum septuaginta, et in latitudine cubitorum triginta ; turres vero ejus posuit in altitudine cubitorum centum.* Quod totum ministerio gravissimo gentium quas subjugaverat, fecit, sicut et Nabuchodonosor Babylonem, cum qua urbs ista Ecbatanis similitudinem habuit magnam ; sed ad ipsius æqualitatem et excellentiam non pervenit, quum muri Babylonis legantur fuisse altitudinis centum cubitorum, et quinquaginta in latitudine, turres vero ducentorum cubitorum. *Per quadrum vero earum, latus utrumque vicenorum pedum spatium tendebatur*, id est, utrumque latus turrium per quadrum cubitorum protendebatur spatium pedum viginti ultra latitudinem murorum. Nam tur-

res erant figuræ quadrangularis ad æquales angulos, et muri turrium extendebant se per spatium viginti pedum, tam extra urbem quam infra, ultra latitudinem murorum. *Posuitque portas ejus in altitudine turrium* : ita quod erant centum cubitorum, quemadmodum turres, ut littera videtur sonare, quamvis aliqui aliter dicant.

Et gloriabatur inaniter, quasi potens, id est tam superbe et præsumptuose, ac si a se ipso habuisset potentiam, sicut in Ezechiele Dominus loquitur Pharaoni : Audi, Pharao, draco magne, qui dicis, Meus est fluvius, et ego feci me ipsum. Vel, Quasi potens, quia utique potens fuit, sed non tam singulariter ut putavit. *In potentia exercitus sui copiosi, et in gloria quadrigarum suarum*, id est in multitudine, fortitudine, ac eminentia suorum curruum bellicorum : quia frequenter consueverunt olim pugnare stando in curribus, prout ex libris Josue et Judicum innotescit.

Anno igitur duodecimo regni sui, non præfati Arphaxad, sed duodecimo anno regni Cambysis filii Cyri, de quo subditur, *Nabuchodonosor rex Assyriorum* : qui alio nomine dictus est Cambyses, atque in Esdra nominatur Artaxerxes vel Assuerus ; *qui regnabat in Ninive civitate magna*, quam ante jam Chaldæi destruxerunt, sed postea exstitit reparata. Porro Cyrus rex adhuc vivens, filio suo Cambysi tradidit regnum Assyriorum, ejus regni metropolis Ninive erat. Regnavit autem Cambyses in monarchia solummodo octo annis. Idcirco, quod hic dicitur de duodecimo anno regni ejus, accipitur per inclusionem annorum quibus regnavit, Cyro monarcha patre suo adhuc vivente. *Pugnavit contra Arphaxad, et obtinuit*, id est vicit, *eum in campo magno qui appellatur Ragau*, in quo tam magni exercitus poterant collocari, *circa Euphraten et Tigrim*, id est inter duo flumina illa, *et Jadason, in campo Erioch regis Elicorum*.

Tunc exaltatum est regnum Nabuchodonosor hujus, tanto adversario suo deje-

cto, *et cor ejus elevatum est in superbiam* plus quam ante, non Deo, sed robori suo triumphum illum adscribens, quum tamen omnipotens mundi Rector per ipsum tanquam per suum flagellum castigasset et occidisset violentum illum, tyrannicumque Arphaxad : secundum quod in Isaia rex Assyriorum Sennacherib, vocatur virga furoris Dei et baculus ejus. *Et misit ad omnes qui habitabant in Cilicia et Damasco*, metropoli regni Syriæ, juxta illud Isaia, Caput Syriæ Damascus, *et Libano*, *et ad gentes quæ sunt in Carmelo et Cedar, et inhabitantes Galilæam, in campo magno Esdreton, et ad omnes qui erant in Samaria, et trans flumen Jordanem usque ad Jerusalem, et omnem terram Jesse*.

Circa hoc oritur quæstio duplex. Prima, quoniam Cyrus pater istius fuit monarcha : unde ait, Omnia regna terræ dedit mihi Deus cœli : monarchia autem nondum ablata fuit Medis et Persis ; ergo Cambyses imperavit jam et præfuit omnibus regnis his. Secundâ est, quoniam Samaritani leguntur in libro primo Esdræ favisse huic regi, ad quorum petitionem prohibuit templi reparationem, quod pater ejus licentiavit reâdificari. Iste est namque Artaxerxes, cui scripserunt Samaritani, memores salis quod in palatio comederant regis. Ad primum horum aliqui dicunt, quod Cambyses seu Nabuchodonosor iste petiit a præfatis regnis et populis tributa multo graviora quam pater ipsius. Ideo contradixerunt ei, et nuntios ejus remiserunt vacuos a tributis et sine honore, sicut habetur in textu. Alii dicunt, quod Cyrus habuit monarchiam in partibus orientalibus, non in occidentalibus, inter quas dicunt istas in textu expressas fuisse, respectu partium in quibus Cyrus habuit monarchiam. Ad aliud Lyra respondet, quod liber iste ab Hebræis omnino apocryphus reputatur, quia in hac re et aliis multis non videtur bene consonus quibusdam Scripturis canonicis. Potest etiam dici, quod quamvis Samaritani illi favebant regi huic contra Judæos, tamen quia jam

Ezech.
xxix, 3.

Josue xiii.
16; Judic. i.
19; iv, 3 etc.

I Esdr. iv.
6, 7.

Is. x, 5.

Ibid. vii, 8.

I Esdr. i, 2.

Ibid. iv, 6-
22; i, 2, 3.

Ibid. iv, 14.

tam gravia exegit tributa, fuerunt aversi : A etiam ab illis vindicaret. Nempe ex vehemementi superbia, abjectionem legatorum suorum reputavit quasi sui ipsius impugnationem ; vel minus dicendo, plus designabat, per quemdam tropum loquendi, qui litotes nuncupatur.

Ad hos omnes misit nuntios Nabuchodonosor rex Assyriorum : qui omnes uno animo contradixerunt, et remiserunt eos ramos, ac sine labore abjecerunt. Tunc indignatus Nabuchodonosor rex ad omnem terram illam, id est contra habitatores regnorum et provinciarum illarum, juravit per regnum suum et thronum, id est per propriam potestatem et jurisdictionem, tanquam per sacra et quædam dignissima quod defenderet se de annulis regionibus his, id est, injuriam sibi fa-

Quidam per Nabuchodonosor istum spiritualiter intelligunt diabolum, qui quum plurimos sibi subjecerit, intumescit ; sed prosecutio historiæ non videtur ad sensum hujusmodi concordare. Non enim per Arphaxad regem potest intelligi princeps B fidelis, sed ipse quoque diabolus ; Satanias autem (ut ait Salvator) in se ipsum divisus ^{Matth. xii,} non est : vel princeps incredulus, qui non ^{26.} resistit diabolo. Similiter gentes idololatrarum, quæ in textu leguntur contradixisse Nabuchodonosor regi, non designant plebem fidelium : nec repugnant, sed subduntur, serviuntque diabolo.

ARTICULUS II

DECLARATIO CAPITULI SECUNDI : ANNO TERTIODECIMO REGNI NABUCHODONOSOR REGIS.

HIC narratur qualiter Nabuchodonosor C iste per suum exercitum præfatas gentes sibi inobedientes vastavit, nec est difficultas in textu : ideo nec immorandum, nisi forsan aliquid difficultatis occurrerit. *Anno tertiodecimo regni Nabuchodonosor regis*, qui alio nomine vocatus est Artaxerxes et Cambyeses, *vicesima et secunda die mensis primi* : qui a Judæis vocatur Nisan, et est Martius seu Aprilis, quia interdum concurrit cum Martio, aliquando cum Aprili, prout super Genesim et Exodum plenius est expressum ; *factum est verbum D in domo Nabuchodonosor regis Assyriorum*, et etiam Medorum atque Persarum, *ut defenderet se* : id est, ipse rex jussit ex parte sui promulgare sententiam, quod vindicaturus se esset de inobedientibus sibi, quatenus domestici sui ac subditi in-

ciperent se parare. *Vocavitque omnes majores natu, et omnes duces et bellatores suos, et habuit cum eis mysterium*, id est secretum, *consilii sui* ; *dirigitque cogitationem suam in eo esse, ut omnem terram suo subjugaret imperio*, id est omnes populos sibi nondum subjectos, præsertim occidentales. Orientales enim sibi jam magna ex parte obediebant.

Quod dictum quam placuisset omnibus consiliariis suis, applaudere sibi volentibus, et quia putabant hoc satis faciliter D posse impleri, seque ex hoc ampliores divitias ac honores consecuturos, vocavit Holofernem principem militiæ suæ, similem regi suo in omni crudelitate et ambitione, ut infra insinuatur, *et dixit ei : Egredere adversus omnes populos occidentales*, id est contra omnia regna occidentalis plagæ præ-

fata: quæ respectu terræ Assyriorum sunt in parte occidentali; et contra eos præcipue qui contempserunt imperium meum in tantum, quod legatos meos confusibiliter abjecerunt: ut habetur in fine præcedentis capituli. *Non parceret oculus tuus ulli regno, omnemque urbem munitam subjugabis mihi.*

Judith 1, 11.

Tunc Holofernes vocavit duces et magistratus virtutis Assyriorum, id est potentium agminum regis. Impii enim quasi mare fervens, quod quiescere non potest, proni sunt ad inquietudines litium et tumultus. Et dinumeravit viros in expeditione, id est in exercitu, seu ad constituendum ex eis exercitum ad prosequendum regis intentum, sicut præcepit ei rex, centum viginti millia peditum pugnatorum. Ex quo patet, quod nec omnes, nec semper pugnabant antiquitus in quadrigis seu ecuribus, sed quidam pedestres, quidam equestres, sicut et modo: nam subditur, et equites sagittarios duodecim millia, qui in ipso congressu pugnabant sagittando, deinde et aliter. Itaque multo plures erant pedestres. Nam et Vegetius libro de Re militari testatur, quod robur exercitus in peditibus sit consistens. *Omnemque expeditionem suam, id est exercitum peditum, fecit præire in, id est cum, multitudine innumerabilium camelorum, cum his, scilicet victualibus, quæ exercitibus sufficerent copiose, ut essent promptiores ad præliandum.* Nempe, ut libro præallegato ait Vegetius, In castris et exercitibus amplius metuenda est fames, quam gladius. *Bovum quoque armenta, gregesque ovium, quorum non erat numerus, frumentum ex omni Syria in transitu suo parari constituit. Aurum vero et argentum de domo regis assumpsit multum nimis. Et profectus est ipse, et omnis exercitus cum quadrigis et equitibus, et sagittariis, qui operuerunt faciem, id est superficiem, terræ, sicut locustæ, quæ vastant et devorant terræ nascentia, sic et illi hominum bona.*

Quumque pertransisset fines Assyriorum, venit ad magnos montes Ange, qui

A sunt a sinistro Ciliciæ, ascenditque omnia castella eorum, id est adversariorum, et obtinuit omnem munitionem, id est, loca munita devicit. *Effregit autem civitatem opinatissimam, id est famosissimam, vel, ut aliqui habent, opimatissimam, id est opulentissimam, nomine Melothi, quia (ut dicitur) fuit urbs negotiatorum, sicut et Tyrus; prædavitque omnes filios Tharsis, id est, habitatores et cives territorii sic vocati, seu maritimos spoliavit, et filios Ismael, scilicet Agarenos, qui erant contra faciem deserti, id est, in locis eremi, seu ex ejus opposito morabantur, et ad austrum terræ Cellon. Et transivit Euphraten, fluvium paradisi, quem per latum transfretavit cum suis, et venit in Mesopotamiam; et fregit, id est, destruxit seu debilitavit, omnes civitates excelsas, quæ erant ibi, a torrente Mambre usquequo perveniatur ad mare Mediterraneum; et occupavit terminos ejus a Cilicia usque ad fines Japhet, qui sunt ad austrum. Abduxitque omnes filios Madian, id est, Madianitas amovit a terra ipsorum et captivavit, aut suo exercitui partim adjunxit ad serviendum, vel adjuvandum: prout infra habetur, quod assumpsit sibi auxiliares ex gentibus quas devicit; et prædavit omnem locupletationem, id est possessiones et abundantias divitiarum eorum, omnesque resistentes sibi, qui nec jure, seu potius violentia belli acquieverunt subjeci ei, occidit in ore gladii. Et post hæc descendit in campos Damasci in diebus messis, videlicet bladis maturis, quando majora potuit ibi damna inferre. Unde subjungitur, et succendit omnia sata, id est blada, omnesque arbores et vineas fecit incidi, id est destrui et excidi.*

Gen. ii, 14.

D

Ecce quanta scelera ex ambitione nascuntur, et qualiter justus ac sapiens Deus punit unum iniquum per alium. *Et cecidit timor illius, id est timor conceptus ex consideratione victoriarum et crudelitatum Holofernis, super omnes inhabitantes terram occidentalem, qui ista perceperunt, et sibi similia fieri metuebant.*

Judith iii, 8.

ARTICULUS III

EXPLANATIO CAPITULI TERTII : TUNC MISERUNT LEGATOS SUOS.

NARRATUR jam qualiter plurimæ gentes necessitate et timore compulsæ, subjecerunt se Nabuchodonosor huic. *Tunc miserunt legatos suos, universarum urbium et provinciarum, infra nominatarum, reges ac principes, Syriæ scilicet et Mesopotamiæ et Syriæ Sobal*, de quibus primo Paralipomenon libro habetur; et erant multum bellicosi, tamen terrore dejecti gratiam petierunt et pacem; et *Libyæ atque Ciliciæ; qui venientes ad Holofernem, dixerunt: Desinat indignatio tua circa nos. Melius est enim, id est minus horrendum, ut viventes serviamus Nabuchodonosor regi magno, et subditi simus tibi, quam morientes, cum interitu nostro ipsi servitutis nostræ damna patiamur, id est, non solum efficiamur captivi, sed una cum captivitate protinus occidamur. Mors namque omnium terribilium terribilissimum est, secundum Philosophum. Captivitas vero quæ est mors civilis, non est mors, nisi secundum quid. Omnis civitas nostra, omnisque possessio, omnes montes et colles, et campi, et armenta boum, gregesque ovium et caprarum, equorumque et camelorum, et universæ facultates nostræ atque familiæ, in conspectu tuo sunt omnia nostra sub lege, id est jussione dispositioneque tua. Nos etiam et filii nostri servi tui sumus; veni nobis pacificus dominus, et utere servitio nostro sicut placuerit tibi.*

Tunc descendit de montibus, et obtinuit civitatem munitam regnorum jam prædictorum, et omnem populum inhabitantem terram provinciarum istarum seu quasdam de omnibus. Vel per modum hyperbolicæ locutionis est accipiendum, ad innuendum quod valde multos subdidit*

A sibi, sicut in Daniele Nabuchodonosor rex Chaldæorum legitur cunctis regnis ac provinciis terræ imperasse. Et in Esdræ libro asserit Cyrus: Omnia regna terræ dedit mihi Deus. Juxta quem tropum Scribæ et Pharisei leguntur dixisse de Christo: Ecce totus mundus abiit post eum. *De universis autem urbibus, quæ sic sine resistentia subdiderunt se ei, assumpsit auxilios viros fortes, quia plus credidit illis.*

Tantusque metus provinciis illis incubuit, ut universarum urbium habitatores principes, et honorati simul cum populis, exirent obviam venienti, excipientes eum cum coronis et lampadibus, ducentes choros in tympanis et tibiis. Nec tamen ista facientes, ferocitatem pectoris ejus mitigare in toto potuerunt, quamvis eum tam honorifice acceperunt, exeundo obviam venienti: exeundo, inquam, cum coronis, id est sertis, in signum triumphorum ipsius, et lampadibus seu luminaribus, quasi ad honorem præclaræ et splendidæ potestatis ac sapientiæ suæ. Nam et civitates eorum quasdam destruxit, vel partim muros ever- tendo, vel totaliter eas incendiando; et lucos eorum succidit, id est loca amœna arboribus consita, in quibus suas idololatrias atque luxurias exercebant: quod non fecit zelo veri Dei, sed ob causam quæ subditur.

Præceperat enim illi Nabuchodonosor rex, ut omnes deos terræ exterminaret, id est templa seu fana et cultum illorum, videlicet ut ipse solus deus diceretur ab his nationibus, quæ potuissent Holofernem potentia subjugari. Sicque prosperitas stulti illius perdidit eum, inducendo eum ad tam insanissimam sceleratissimamque superbiam, quod jussit sibi divinum exhi-

Dan. iv, 19.

1 Esdr. i, 2.

Joan. vi, 19.

1 Par. xix, 6.

* omnem civitatem

Psalm. lxxii.

beri honorem, non obstante quod mortalem se sciret. Talis fuit et Caius Cæsar, et
Act. xii, 23. Herodes percussus ab angelo. Ideo infinita sapientia Dei decentissime ipsum deiecit per feminam, et regno eum privavit in se ipso ac posteris, ita quod filium regni successorem non habuit. Circa quod scribit quidam, quod secundum Latinos ei successit Darius filius Hystaspis; sed in Scholastica historia verius recitatur, quod ante Darium illum duo ei successerunt, quamvis modico regnaverint tempore, scilicet Ireneides, et post eum frater ejusdem.

Pertransiens autem Syriam Sobal sibi nunc subjugatam, et omnem Apameam, omnemque Mesopotamiam, venit ad Idumæos in terram Gabaa. Gabaa non est hic nomen
I Reg. x, 26. civitatis terræ promissionis, de qua Saul fuit, sed loci in regno Edom. *Et Septopoli; accepitque civitates eorum,* vel bello, aut ex voluntaria seu potius coacta præbitione ipsorum. Quæ enim ex timore

A fiunt, partim sunt voluntaria, partim involuntaria, secundum Philosophum, sicut projectio mercium in mare. *Et sedit ibi,* id est, in territorio illo moratus est, *per triginta dies,* consumens et devorans bona terræ illius. Sic et Balac rex ait: Egressus
Num. xxi, 5. est populus ex Ægypto sedens contra me. Talis etenim demoratio quandoque designatur nomine sessionis, aliquando nomine stationis; interdum verbo jacendi aut faciendi. ut in Jacobo: *Faciemus ibi anum.* *In quibus diebus adunari præcepit*
Jacob. iv, 13. B *universum exercitum virtutis,* id est potestatis suæ, volens cum potestate et gloria proficisci ad ulteriora. Multi autem de exercitu ejus discurrebant hinc inde ad prædandum et male agendum.

Nabuchodonosor iste et Holofernes recte dicuntur tenuisse Antichristi figuram, qui omnia devastabit; et qui subjecerunt se Holoferni, significant eos qui ex timore subdent se Antichristo.

ARTICULUS IV

ELUCIDATIO CAPITULI QUARTI: TUNC AUDIENTES HEC FILII ISRAEL.

MODO describitur qualiter populus Judæorum se dedit ad resistendum impiissimo Holoferni. *Tunc audientes hæc,* quæ dicta sunt in præcedenti capitulo, *filii Israel, qui habitabant in terra Juda,* id est in terra duarum tribuum, post reditum a Babylonica captivitate, post quem reditum contigerunt hæc omnia. *timuerunt valde a facie ejus. Tremor etiam et horror invasit sensus eorum, ne hoc faceret Jerusalem et templo Domini, quod fecerat ceteris civitatibus et templis earum. Et miserunt in omnem Samariam, et usque*
vers. 11. C *pugnae:* id est, de victualibus fecerunt sibi provisionem ad resistendum Assyriis, potius per orationes, jejunia, lacrimas, quam per bellica arma; vel etiam per bellum, si Deus eis de adjutorio provideret. credentes victoriam belli non in multitudine bellatorum, sed in auxilio Dei consistere. Nihilo minus fecerunt quod in eis erat, præoccupando itinera montium et loca angusta, ne pateret Assyriis iter ad Judæam. Unde subjungitur: *Sacerdos etiam Eliachim, qui infra vocatur magnus*
D *sacerdos et pontifex, scripsit ad universos qui erant contra Esdrelon, quæ est contra faciem campi magni juxta Dothain, et universis, scilicet Israelitis, per quos via transitus esse poterat, id est, per quos*

Assyrii possent venire versus Jerusalem, *ut A* *ædificium templi, maluerunt tamen se* *obtinerent ascensus montium, per quos via* *morti exponere, quam permittere quod* *esse poterat ad Jerusalem, et illic custodi-* *prædicta penitus dissiparentur. Vel distin-* *rent ubi angustum iter esse poterat inter* *guendo tempora et vicissitudines tempo-* *montes. Et fecerunt sic filii Israel, secun-* *rum, mutationesque cordium humanorum,* *dum quod constituerat eis sacerdos Domi-* *concordantur prædicta. De præfacto demum* *ni Eliachim.* *Eliachim præsule aliqui opinantur, quod*

Circa hæc oriuntur difficultates. Nam sicut prædictum est, Nabuchodonosor iste seu Cambyses prohibuit prosecutionem ædificationis templi, ita quod sub eo muri templi non fuerunt erecti, nisi tam alte quod adstantes poterant super eos apodiare, nec fuit ultra prosecutio facta usque ad annum secundum Darii regis, ut patet in Aggæo. Nec Jerusalem fuit reædificata, nisi post adventum Nehemiæ: quod fuit post mortem Nabuchodonosor hujus. Quæritur quoque, quis fuerit iste Eliachim pontifex, quoniam Jesus filius Josedec fuit pontifex Judæorum toto tempore regni Cambysis hujus, et usque ad regnum Darii, sub quo templum fuit constructum et consummatum, prout in Zacharia legitur.

Agg. i. 1.
14: 1 Esdr.
iv. 24.

Zach. vi.
12, 13.

1 Esdr. iv.
23, 24.

Ibid. i. 16.

Insuper habetur in libro Esdræ, quod ex imperio Cambysis seu Artaxerxis regis, cessaverunt Judæi ædificare: quomodo ergo ausi fuissent ejus exercitui repugnare? Postremo, tempore illo Samaritani erant gentiles, et fautores regis præfati ac hostes Judæorum, ut patet in Esdra: quomodo ergo misit Eliachim in omnem Samariam?

Propter hæc et alia, quidam Hebræi hunc librum refutaverunt, et inter apocrypha posuerunt; sed quoniam juxta præhabita. Nicæna synodus librum istum suscepit, breviter respondendum, quod tempore Nabuchodonosor hujus, templum fuit inceptum, et altare super quod sacrificia offerebantur, constructum, cultusque Dei fiebat ibi quotidie, atque pro templo dicuntur timuisse Judæi, ne templum violaretur. Similiter habitacula ministrorum templi, et quædam ædificia civitatis erant tunc facta ante Nehemiæ adventum, ideo metuebant hæc destrui. Quamvis etiam ad jussionem Artaxerxis omiserunt prosequi

B *minus ibi multi ex decem tribubus Israel morabantur, ad quos misit Eliachim.*

Et clamavit omnis populus Israel ad Dominum instantia magna, id est cum ingenti fervore et perseverantia, et humiliaverunt animas suas in jejuniis et orationibus, ipsi et mulieres eorum; et induerunt se sacerdotes ciliciis, ex pœnitentia et compunctione, et infantes prostraverunt contra faciem templi Domini: id est, parentes et sacerdotes prostraverunt infantulos suos versus templum, ut Deus per hoc magis ad misericordiam provocaretur, compatiendo interitioni innocentibus infantibus imminenti: quemadmodum secundo libro Paralipomenon sub Josaphat rege leguntur viri cum uxoribus et infantibus Dominum invocasse in templo; et altare operuerunt cilicio. Et clamaverunt ad Dominum Deum Israel unanimiter, ne darentur in prædam infantes eorum, et uxo- res eorum in divisionem, id est, ne ab hostibus dissecarentur, vel ne a suis maritis abstraherentur et violarentur, et civitates eorum in exterminium, et sancta eorum darentur in pollutionem, id est, ne sancta loca et altare ac vasa cultus divini, ab infidelibus contaminarentur, et fierent in opprobrium gentibus.

II Par. xx.
13.

Tunc Eliachim sacerdos Domini magnus: quo nomine solet pontifex in Scripturis Testamenti veteris designari; circumcivit omnem Israel, ut non solum per scripta et nuntios, sed et propriis verbis ac personali præsentia populum hortaretur, consolaretur ac roboraret; allocutusque

est eos, dicens : *Scitote quoniam exaudivit Dominus preces vestras*, id est, exaudire proposuit sive exaudiet, *si manentes permanseritis in jejuniis et orationibus in conspectu Domini*. Tales enim preces tam piæ, diuturnæ, jejuniis decoratæ, solent a Fonte misericordiæ exaudiri. *Memores estote Moysis, qui Amalec*, id est populum Amalecitarum seu regem illum cum populo suo, *confidentem præsumptuose in virtute sua corporali, et in potentia sua*, id est robore adjutorii sui, seu in experientia sua bellandi, *et in exercitu suo, et in clypeis suis, et in curribus et equitibus suis, non ferro pugnando, sed sanctis orando precibus dejecit*. Sic erunt universi hostes Israel, si perseveraveritis in opere hoc quod cœpistis. Moyse namque cum exten-

sione manuum suarum orante, prævaluit Josue cum populo Israel contra Amalecitas, prout in Exodo legitur. Verumtamen hic multa dicuntur, quæ ibi non habentur, quod scilicet Amalec confidebat in suis equitibus et quadrigis. Ex quo apparet, quod venit cum curribus et multis equitibus : quod consonat his, quæ libro Antiquitatum Josephus super hoc refert.

Exod. xvii, 11-13.

Ad hanc igitur exhortationem ejus deprecantes Dominum, permanebant in conspectu Domini, ita ut etiam hi qui offerebant Domino holocausta, præcincti ciliciis offerrent sacrificia Domino; et erat cinis super capita eorum. Et ex toto corde suo omnes orabant Deum, ut visitaret populum suum Israel.

ARTICULUS V

EXPOSITIO CAPITULI QUINTI : NUNTIATUMQUE EST HOLOFERNI, QUOD FILII ISRAEL PRÆPARASSENT SE AD RESISTENDUM.

COMMOTIO Holofernus in filios Israel vitiosa, et beneficia Dei exhibita Israelitico populo, hic narrantur. *Nuntiatumque est Holofernus, quod filii Israel præparassent se ad resistendum, ac montium itinera conclusissent; et furore nimio exarsit in iracundia magna. Vocavitque omnes principes Moab, et duces Ammon*, id est majores Moabitarum ac Ammonitarum, quos in auxilios sibi assumpserat, *et dixit eis*. Hos interrogavit, quia viciniore erant populo Israel. *Dicite mihi, quis sit iste populus qui montana obsidet*, hoc est, custodit, cingit, montiumque conclusit itinera; aut quæ, et quales, et quantæ sint civitates eorum; quæ etiam sit virtus, id est potestas, eorum, aut quæ sit multitudo eorum, vel quis est rex militiæ eorum; sed pro tunc non regebantur per reges, sed per pontifi-

ces; et quare præ omnibus qui habitant in oriente, non respectu terræ Assyriorum, ut dictum est, sed respectu terrarum transmarinarum versus solis occasum, isti contempserunt nos, et non exierunt obviam nobis, ut susciperent nos in pace.

Tunc Achior dux omnium filiorum Ammon: qui ex vicinitate loci, aut propinquitate originis, quoniam Lot pater Ammonitarum, filius fuit fratris Abraham patris Hebræorum, ut in Genesi legitur: imo ex speciali providentia Dei et studio, valde cognovit historias Judæorum; respondens, ait: Si digneris audire, domine mi, dicam veritatem in conspectu tuo de populo isto qui in montibus habitat, et non egredietur verbum falsum ex ore meo.

Populus iste ex progenie Chaldæorum est. Nam Abraham fuit filius Thare Chaldæi. Hic primum in Mesopotamia habita-

Gen. xi, 27.

Ibid. 26.

Judith m.
8.

rit : non simpliciter primum, quia primo in Chaldaea manserunt, deinde in Mesopotamia; et ibi *priusquam in terra ista montana*, videlicet terra promissionis. Hinc in Genesi : Tulit Thare Abram filium suum, et Lot filium filii sui Aran, et eduxit eos de Ur Chaldaeorum, ut irent in terram Chanaan. *Quoniam noluerunt sequi deos patrum suorum, qui erant in terra Chaldaeorum.* Unde scriptum est in Josue : Trans fluvium habitaverunt patres vestri ab initio, Thare pater Abraham et Nachor, servieruntque diis alienis. Quod qualiter intelligendum sit, ibi expositum est.

Deserentes itaque caerimonias patrum suorum, quae in multitudine deorum erant, unum Deum caeli coluerunt, id est verum Deum, creatorem caeli et omnium contentorum in caelo : quod est continentia visibilium et invisibilium, secundum Damascenum ; qui et praecepit eis, ut exirent inde, et habitarent in Charan, id est in urbe Mesopotamiae nomine Haran, quae in Actis dicitur Charan : in qua habitaverunt ad tempus. Et ibi rursus praecepit illis Deus, ut ab ea intrarent terram promissionis, prout in Genesi legitur : Dixit Dominus ad Abram : Egredere de terra tua, et veni in terram, quam monstravero tibi. Quumque operuisset omnem terram Chanaan fames, descenderunt in Aegyptum : primo, ipse Abraham cum Sara et Lot, sicut in Genesi recitatur : deinde Jacob cum sobole sua : illicque per quadringentos annos : qui inchoantur a promissione facta de Isaac nascituro, aut circiter ; sic multiplicati sunt, ut dinumerari eorum non posset exercitus, hoc est, difficulter praet multitudine poterant numerari : ut per hyperbolen intelligatur, nam in libro Numerorum bis fuisse numerati leguntur.

Quumque gravasset eos rex Aegypti servitute durissima, atque in aedificationibus urbium suarum in luto et latere subjugasset eos, clamaverunt ad Dominum suum. Quumque eiecissent eos Aegyptii a se, et cessasset plaga, hoc est interfectio primogenitorum, ab Aegyptiis, et iterum vellent

A eos, scilicet filios Israel, capere, et ad suum servitium revocare ipsi Aegyptii : quos paulo ante exire celeriter compulerunt ex timore, ne iterum plagarentur propter ipsorum Israelitarum detentionem, ut in Exodo scriptum est : fugientibus his, scilicet Israelitis, Deus caeli mare aperuit, hoc est, mare Rubrum divisit, ita ut hinc inde aquae maris illius divisi, quasi murus solidarentur, stando firmiter sine defluxu, prout in Exodo reperitur ; et isti pede sicco fundum maris perambulando transirent. In quo loco dum innumerabilis exercitus Aegyptiorum eos persequeretur, ita aquis coopertus est, ut non remaneret vel unus qui factum posteris nuntiaret.

Egressis autem filiis Israel mare Rubrum, deserta Sina montis occurrerunt, id est, in via sua invenerunt, et intraverunt desertum, in quo mons Sinai situs est. Verumtamen in Exodo leguntur, primo intrasse desertum Sur ; sed Achior iste non omnia, sed quaedam notabiliora commemorat, sicut et S. Stephanus. In quibus nunquam homo habitare potuit, vel filius hominis requievit : hoc est, conveniens habitatio hominum desertum istud non fuit, quamvis ad tempus ibi manebant pastores, aut alii quidam. Propter quod scriptum est in Jeremia : Non dixerunt, Ubi est Dominus, qui transduxit nos per desertum, per terram inhabitabilem et inviam, per terram sitis et imaginem mortis, in qua non ambulavit vir, nec habitavit homo ? Illic fontes amari obdulcati, hoc est dulces atque potabiles facti sunt eis ad bibendum. miraculose, Moyse lignum in aquam mittente. Unde in Exodo legitur : Venerunt in Marath, nec poterant bibere aquas de Marath, eo quod essent amarae. Et per annos quadraginta annonam, hoc est escam, videlicet manna, de caelo consecuti sunt : ut in Exodo legitur.

Ubicumque ingressi sunt sine sagitta et arcu, et absque scuto et gladio, Deus eorum pro ipsis pugnavit : hoc est, victoriam ipsis donavit principaliter potestate sua divina, non virtute armorum ; ipsi ta-

Gen. xi, 31.

Josue xxiv, 2.

Act. vii, 4.

Gen. xii, 1.

Ibid. 10.

Ibid. xlvii, 6.

Num. i, xxxv.

Exod. xii, 29.

Exod. xii, 33.

Ibid. xiv, 21, 22.

Ibid. 23, 28.

Ibid. xv, 22.

Act. vii.

Jer. ii, 6.

Exod. xv, 23.

Ibid. xvi, 35.

men interdum armis pugnaverunt, sed Deo A
 adjuvante prævaluerunt; *et vicit. Quoties-*
cunque autem præter Deum suum, hoc
est Deum patrum eorum, qui voluit spe-
cialiter coli ab ipsis, et multa ac magna
spiritualia beneficia contulit eis, alterum
coluerunt, cultu latriæ, dati sunt in præ-
dam et in gladium et in opprobrium :
ut patet in Judicium libro. Quotiescunque
autem pœnituerunt, dedit eis Deus cæli
virtutem resistendi. Deus enim illorum
odit iniquitatem, quum sit essentialiter
sanctus et bonus: unde scriptum est: Odio B
sunt Deo impius et impietas ejus. Nam et
ante hos annos, quum recessissent a via
quam dederat illis Deus, exterminati sunt
præliis a multis nationibus, et plurimi
eorum captivi abducti sunt in terram non
suam. Nuper autem reversi de Babylonica
captivitate ex licentia Cyri regis, ex dis-
persione qua dispersi fuerant, adunati
sunt, et ascenderunt montana hæc omnia,
hoc est, ad terram hanc patrum suorum
montuosam reversi sunt.

Nunc ergo, mi domine, perquire si est C
aliqua iniquitas eorum in conspectu Dei
eorum, id est, diligenter investiga, an in
aliquo magno facinore, præsertim in ido-
lolatRIA Deum suum jam offenderunt, nec
inde pœnituerunt; et si sic, ascendamus
ad eos debellandos, quoniam tradet Deus
eorum eos tibi. Si autem non est offensio
populi hujus coram Deo suo, non poteri-
mus resistere illis, quoniam Deus eorum
defendet illos; et erimus in opprobrium
universæ terræ.

Et factum est, quum cessasset loqui Achior D
verba hæc, irati sunt omnes magnates Ho-
lofernīs, hæc audientes, et cogitabant in-
terficere illum, dicentes: Quis est iste qui
filios Israel posse dicat resistere regi Na-
buchodonosor, et exercitibus ejus, homines
inermes et sine virtute, et sine peritia artis
pugnæ? Quæ ars pugnæ plus valet in præ-
liis quam potestas, secundum Vegetium.

Ibid. vi, 1. Unde scriptum est: Melior est sapientia

quam vires, et vir prudens quam fortis.

Prov. xx, 18. Ideo Salomon in Proverbiis dixit: Consi-

liis tractanda sunt bella. Verumtamen im-
 pii isti verba Achior male intellexerunt, at-
 que mendaciter repetierunt. Non enim dixit
 filios Israel posse resistere exercitui Nabu-
 chodonosor regis, sed quod Deus eorum
 defenderet eos, et pugnaret pro ipsis, si
 justi essent. *Ut ergo agnoscat Achior quo-*
niam fallit nos. Superbissimi isti fuerunt
animo incorrigibiles et prorsus indociles.
Ascendamus in montana; et quum capti
fuerint a nobis potentes eorum, videlicet
filiorum Israel, tunc cum eisdem gladio
transverberabitur, ut sciat omnis gens,
quoniam Nabuchodonosor deus terræ est.

Circa hoc scribit quidam: Non dicunt,
 Deus cæli, sed terræ. Videntur enim illius
 erroris fuisse, qui dicebat divinam provi-
 dentiam ad cœlestia se tantum extendere,
 secundum quod dicitur in Job: Circa car-
 dines cœli perambulat, nec nostra consi-
 derat. Hoc autem nomen, Deus, impositum
 fuit a providentia rerum et gubernatione:
 ideo deum terræ dicebant, cujus regimen
 ad plura se extendit. Intentio autem regis
 Nabuchodonosor et sui exercitus fuit, om-
 nem terram suo subjugare imperio. Pro-
 pter quod a suis denominabatur deus terræ.
 Hæc ille. Cujus verbis non videtur concor-
 dare quod subditur, *et præter ipsum alius*
non est, supple, deus. Unde videtur fuisse
 eorum error, quod non esset deus præter
 Nabuchodonosor. Nam et sequenti capitu-
 lo Holofernes ait ad Achior: Ut ostendam
 tibi, quia non est deus nisi Nabuchodono-
 sor. Superius quoque dictum est: Præce-
 perat Holoferni Nabuchodonosor rex, ut
 omnes deos terræ exterminaret, ut ipse so-
 lus diceretur deus ab his nationibus, etc.

Spiritualiter vero, per Holofernem et
 bellatores ipsius, significantur tyranni et
 persecutores Ecclesiæ; per gentes autem
 quæ legatos suos miserunt ad Holofernem
 pro pace, et consenserunt subjici imperio
 ejus, intelliguntur pusilli et imperfecti,
 qui non valent aliquid magnæ adversitatis
 pro justitia pati, nec mori pro Christo:
 qui de talibus loquitur, quod tempore ten-
 tationis recedunt. Porro, per filios Israel

Job xxii,
 14.

Judith ii, 3.

Ibid. vi, 2.

Ibid. iii, 13.

Sensus
 spiritualis.

Luc. viii,
 13.

metuentes, ne Holofernes faceret Jerusale-
m temploque Domini, quod fecerat aliis
urbibus et diis ipsorum, intelliguntur fi-
deles rite constantes, qui magis verentur
irreverentiam Dei et Sanctorum ac sacra-
mentorum ipsius, quam propriam mor-
tem, maluntque mori quam christianæ re-
ligionis ac fidei catholicæ conculcationem

A videre: ideo spiritualibus armis, imo et cor-
poralibus quandoque resistunt. Per Achior
demum, boni catechumeni competenter
instructi, ac fidem tenentes, sed nondum
baptizati, signantur: qualis (ut in Actibus
legitur) fuit Apollo ille electus, viam Dei
edoctus, sciens tantum baptisma Joannis,
et cœpit fideliter in Ecclesia agere.

Act. xviii.
25, 26.

ARTICULUS VI

DECLARATIO CAPITULI SEXTI: FACTUM EST AUTEM QUUM CESSASSENT LOQUI.

FACTUM est autem quum cessassent lo-
qui magnates Holofernis ad Achior, ut
habetur in fine præcedentis capituli, indi-
gnatus Holofernes, magnatibus suis con-
sentiens et applaudens, dixit ad Achior:
Quoniam prophetasti nobis: hoc irrisorie
ait; dicens, quod gens Israel defendatur
a Deo suo, quando obedit ei in omnibus;
ut ostendam tibi quoniam non est Deus
nisi Nabuchodonosor; quum percusseri-
mus eos omnes, sicut hominem unum, hoc
est, ita quod nullus eorum evadat, vel ita
faciliter sicut hominem unum, tunc et ipse
cum illis interibis, et omnis Israel tecum
perditione disperiet; et probabis, id est,
in te ipso experieris, et tua morte testabe-
ris, quod Nabuchodonosor sit dominus uni-
versæ terræ. Tuncque gladius militiæ meæ
transiet per latera tua, et confixus cades
inter vulneratos Israel, et non respirabis
ultra, donec extermineris cum illis. O quam
stolidissima verba! quia et dato quod filii
Israel et Achior permissi fuissent occidi
ab Holoferne, ex hoc consequens non fuis-
set, quod Nabuchodonosor esset deus ter-
ræ, sed quod esset tyrannus et persecutor
crudelis. Nam et impii in hac vita frequen-
ter prævalent contra justos, quos Deus ex-
ercet, purgat, et coronat per impios. Porro
si prophetiam tuam veram existimas, non
concidat, hoc est, in mœrorem non cadat,
vultus tuus, et pallor qui faciem tuam

B obtinuit, abscedat a te, si verba mea huc
putas impleri non posse. Ut autem nove-
ris, quia simul cum illis hæc experieris,
ecce ex hac hora illorum populo sociaberis,
ut dum dignas gladii mei pœnas excepe-
rint, ipse simul ultioni subjaceas. Quamvis
autem Achior credidit se vera dixisse, non
tamen mirum fuit quod timuit, quoniam
ignoravit an filii Israel Deo placerent, et
quoniam vidit verba sua recta intentione
prolata, tam perverse, ægre, et erronee
esse accepta.

C Tunc Holofernes præcepit servis suis, ut
comprehenderent et ducerent eum, scilicet
Achior, in Bethuliam, quæ de urbibus fi-
liorum Israel fuit Holoferni vicinior, et
traderent eum in manus filiorum Israel.
Et accipientes eum servi Holofernis, pro-
fecti sunt per campestria; sed quum appro-
pinquassent servi Holofernis eum Achior
ad montana, exierunt contra eos fundibu-
larii Israelitæ, jacentes saxa cum fundis,
qui montium itinera observabant. Illi au-
tem, servi scilicet Holofernis, divertentes
D a latere montis, ne a fundibulariis læde-
rentur. Holofernes autem jubens servis
suis perducere ipsum Achior usque Bethu-
liam, putavit quod filii Israel non aude-
rent suos lædere servos. Ligaverunt Achior
ad arborem manibus et pedibus, et sic vin-
ctum dimiserunt eum, et reversi sunt ad
dominum suum.

Porro filii Israel solventes eum, duxerunt Bethuliam, atque in medium populi illum statuentes, percontati sunt, id est inquisierunt, quid rerum esset, id est quam ob causam, et ob cujus rei eventum, quod illum vinctum Assyrii reliquissent. In diebus illis erant illic principes, Ozias de tribu Simeon, et Charmi qui et Gothoniël. Circa hoc in Scholastica fertur historia, quod aliqui de Jerusalem miserant duos sacerdotes ad Oziam hunc in Bethuliam, sicut ad consolandum, dirigendum et confortandum cives Bethuliæ. In medio itaque seniorum et in conspectu omnium Achior dixit omnia quæ locutus ipse fuerat, ab Holoferne interrogatus.

Quumque universa Achior exposuisset, qualiter erat interrogatus ab Holoferne, et quid respondit eidem, omnis populus Bethuliæ hæc audiens, cecidit in faciem, adorantes Dominum: quia ex verbis Achior compuncti fuerunt, et valde accensi ad invocationem Dei, spemque exauditionis conceperant, et zelo justo zelabantur pro Dei honore, pro veritatis ac justitiæ manifestatione; et communi lamentatione et fletu unanimes suas preces Domino effuderunt, dicentes: Domine, Deus cæli et terræ, intueri, id est, intuendo dejice et castiga, superbiam eorum, ut in præsentis puniti, non amplius peccent, nec cultui divino valeant adversari. Nempe pro dejectione hostium boni communis, orari potest ex zelo justitiæ, et boni communis amore. Et respice oculo pietatis ad nostram humilitatem, qui prostrati in toto corde et corpore, nos coram te humiliamus, et faciem sanctorum tuorum attende, id est mentes fidelium, seu preces et merita Patriarcharum ac Prophetarum sanctorum, per quos nos exaudire digneris; et ostende quia non derelinquis præsumentes de te, hoc est tua pietate et gratia, et præsumentes de se, et de sua virtute, id est potestate seu dignitate, gloriantes inaniter ac superbe, humilias, hoc est, dejicis, punis et damnas.

Finito itaque fletu, et per totam diem oratione populorum completa, consolati

A sunt ipsum Achior, dicentes: Deus patrum nostrorum, cujus tu virtutem prædicasti, ipse tibi hanc dabit vicissitudinem, id est recompensationem, ut eorum magis tu interitum videas. Quum vero Deus noster hanc libertatem dederit servis suis, hoc est liberationem ab Assyriis, quam tibi optamus, et adfuturam speramus, sit et tecum Dominus in medio nostri per gratiam specialem, ut sicut placuerit tibi, ita cum omnibus tuis converseris nobiscum, id est, inter nos vivas et circumcisionem observantiasque legis nostræ accipias, si volueris. Non enim tenebantur gentiles ad legis mandata nisi moralia, cum fide Christi venturi: sed si voluerunt communicare Judæis in esu agni paschalis, aliisque quibusdam cærimonialibus legis, oportebat eos primitus circumcidi, juxta illud Exodi: Hæc est religio Phase: Si quis peregrinorum in vestram voluerit transire coloniam, circumcidetur prius omne masculinum ejus; si quis autem circumcisis non fuerit, non vescetur ex eo. Quemadmodum enim modo nullus admittitur ad evangelicæ legis sacramenta, nisi baptizatus, sic nec tunc ad Mosaicæ legis sacramenta, nisi circumcisis.

Tunc Ozias, finito consilio ejus, quo tractaverunt, quid in tam ardua causa eis restaret agendum, suscepit eum, videlicet Achior, in domum suam, et fecit cœnam magnam. Et vocatis omnibus presbyteris, hoc est senioribus seu sacerdotibus, simul, expleto jejunio, refecerunt. Postea convocatus est omnis populus, et per totam noctem intra ecclesiam, id est in synagoga, oraverunt. Habebant namque in singulis urbibus suis synagogas, in quibus vacabant orationi, devotioni, lectionique legis et prædicationi; et omnes pariter oraverunt, ut communis oratio exaudibilior esset. Non enim solet pia communitatis repelli oratio. Unde ad Corinthios ait Apostolus: Adjuvantibus vobis in oratione pro nobis, ut ex multarum personis facierum, ejus quæ in nobis est donationis per multos gratiæ agantur pro nobis.

Exod. xii.
43. 48.

II Cor. i. 11.

ARTICULUS VII

EXPLANATIO CAPITULI SEPTIMI : HOLOFERNES AUTEM ALTERA DIE, ETC.

ANGUSTIA et coarctatio filiorum Israel **A** in ipsis erat agentes, *mittentes cinerem super capita sua, unanimes orantes, ut Deus Israel ostenderet misericordiam suam super populum suum. Et assumentes arma sua, sederunt per loca quæ angusti itineris tramitem, hoc est angustæ viæ callem compendiosum, dirigunt inter montuosa, hoc est, inter loca montana ostendunt, sive rectificant; et erant custodientes ea, ne Assyrii per ea ad Bethuliam seu alia oppida sua possent accedere.*

Porro Holofernes, dum circumivit per gyrum Bethuliæ a remoto, reperit quod fons ... influebat in aquæductum illorum qui in Bethulia erant, ad quos aqua fontis illius per aquæductum illum currebat. Hoc, ut Magister in historiis addit, invenit per aviculas quæ bibebant aquam de alveo, et per latentes rimulas aquæductus. Et incidi præcepit aquæductum illorum, ne per eum aqua in urbem illam decurreret. Erant tamen non longe ab urbe fontes, ex quibus cives Bethuliæ furtim, hoc est secrete, ne ab Assyriis notaretur, videbantur haurire aquam ad refocillandum ardorem et siccitatem sitis suæ, magis quam ad potandum. Sed filii Ammon et Moab, qui oderunt Israelitas, accesserunt ad Holofernem cupientes ei placere, et dixerunt: Filii Israel non in lancea, nec in sagitta confidunt, hoc est, tibi opponunt se, non ex confidentia armorum, sed locorum suorum. Ideo subditur: sed montes defendunt illos: quia propter loca illa montuosa difficile est illos accedere, et oporteret nos diu in obsidione manere; et muniunt, hoc est, protegunt ac confortant illos, colles in præcipitio, id est in magna altitudine, constituti. Ut ergo sine congressione pugne possis eos superare,

Alex obsidione Assyriorum, hic describuntur. *Holofernes autem altera die, id est, die sequenti postquam tradidit ipsum Achior Israelitis, præcepit exercitibus suis. Fuit autem unus totalis exercitus, sicut et unus princeps militiæ, sed divisus fuit in aliquas turmas. Ut ascenderent contra Bethuliam, in alto inter montes locatam: ideo ait, Ascenderent. Voluitque statim indignationem, crudelitatem et comminationem suam implere. Indigneretur quoque accepit, quod servi sui fuerunt a fundibulariis Israeliticis fugati. Erant autem pedites bellatorum centum viginti millia, et equites viginti duo millia. Supra legitur, quod erant duodecim millia equitum sagittariorum: ideo auctus videtur numerus equitum; vel equites non erant sagittarii omnes. Præter præparationes, id est præter turbam et numerum illorum virorum, quos occupaverat captivitas, id est, quos cepit et in auxiliarios sumpsit, et adducti fuerant de provinciis et urbibus universæ juventutis, id est omnium juvenum, quos sic in suum redegit obsequium. Omnes paraverunt se pariter ad pugnam contra filios Israel, et venerunt per crepidinem, id est summitatem seu extremitatem montis, usque ad apicem, id est summitatem loci, qui respicit super Dothain, hoc est locum seu oppidum sic vocatum, a loco qui dicitur Belma, usque ad Chelmon qui est contra Esdreton.*

Judith. 7.

Ibid. III, 8.

B

C

D

pone custodes fontium, ut non hauriant ex eis, et sine gladio interficiet eos; aut certe fatigati, tradent civitatem suam, quam putant, in montibus positam, superari non posse. Et placuerunt verba hæc coram Holoferne, et omnibus satellitibus ejus. Et constituit per gyrum centenarios per singulos fontes.

Quumque custodia ista fontium per dies viginti esset expleta, defecerunt cisternæ, hoc est aquæ cisternarum, et collectiones aquarum, quæ ex fontibus solebant acquiri. Tunc ad Oziam congregati omnes viri, id est cives Bethuliæ, feminæque, juvenes et parvuli, omnes simul una voce dixerunt: *Judicet Deus inter nos et te*, hoc est, justitiam suam ostendat in eo qui inter nos culpam habet in causa hæc, qui fecisti in nos mala, id est, afflictionem hanc induxisti super nos tuo consilio imprudenti, nolens loqui pacifice cum Assyriis, tractando cum eis, ut nos in servos susciperent. Et propter hoc vendidit nos Deus in manibus eorum, hoc est, propter istam rebellionem Deus jam quasi dedit nos potestati ipsorum, sicut res datur pro pretio. Et ideo non est qui adjuvet, quum prosternamur ante oculos eorum, id est, ipsis scientibus et nos circumvallantibus, corruamus in mortem, in siti, id est ex potus defectu, et perditione magna. Et nunc congregate universos qui in civitate sunt, ut sponte, hoc est sine diuturniore resistentia, tradamus nos Holoferni. Melius est enim ut captivi benedicamus Dominum viventes. Et sic habebant adhuc aliquam confidentiam evadendi mortem, si se traderent Holoferni. Parva tamen fuit spes ista. Quam moriamur, et simus opprobrium omni carni, quum videamus uxores nostras et infantes nostros mori ante oculos nostros. Contestamur hodie cælum et terram, hoc est, omnem creaturam, seu angelos et homines in testimonium sumimus. et cum attestatione tali rogamus. Contestamur quoque sic, et Deum patrum nostrorum qui ulciscitur, id est, ulciscendo vitia nostra punit nos secun-

A dum peccata nostra, ut tradatis civitatem in manus militiæ Holofernis, ut sit finis noster, id est mors, brevis in ore gladii, qui longior efficitur in ariditate sitis.

Et quum hæc dixissent, factus est fletus et ululatus magnus in ecclesia ab omnibus, et per multas horas una voce clamaverunt ad Dominum, dicentes: *Peccavimus, injuste egimus. Tu qui pius es, in tuo flagello vindica iniquitates nostras*, hoc est, per te ipsum seu angelico ministerio corrige nos, et noli tradere confidentes te, id est nos fideles qui te confitemur verum Deum, populo qui ignorat te. Juxta hunc modum dixit rex David: *Melius est mihi incidere in manus Domini* (multæ enim sunt miserationes ejus), quam in manus hominum. *Ut non dicant intergentes*, id est, ne increduli inter se dicant: *Ubi est Deus eorum?* id est, jam apparet quod Deus eorum non curat de eis, non potest eis auxiliari. Ac si dicant: *Pro tuo honore zelamus*, et si non vis nos exaudire propter nos, saltem propter te ipsum et tui ipsius honorem et gloriam nos exaudi, ne blasphememus a perfidis et iniquis: sicut per Isaiam testatus est, *Propter me faciam*, ut non blasphemet. In Ezechiele quoque: *Non propter vos, ego faciam*: notum sit vobis; sed propter nomen sanctum meum.

*E*t quum fatigati his clamoribus, et his fletibus lassati siluissent, exsurgens Ozias infusus lacrimis, dixit: *Æquo animo estote, fratres, sperando in Domino, et hos quinque dies expectemus a Domino misericordiam*. Ideo exprimit, *Quinque dies*, quoniam aqua quam habebant, quæ vix per unam diem suffecit ad satietatem, non videbatur ultra quinque dies posse servire, quamvis parcissime sumpta. *Forsan enim indignationem suam abscindet, et dabit gloriam nomini suo. Si autem transactis quinque diebus non venerit adjutorium nobis a Deo, faciemus hæc verba quæ locuti estis, urbem tradendo*. De hac præfixione quinque dierum reprehenditur iste Ozias sequenti capitulo, ut ibi patebit.

II Reg. xxiv.

14.

Is. xlviii,

11.

Ezech.

xxxvi, 32.

22.

ARTICULUS VIII

DECLARATIO CAPITULI OCTAVI : ET FACTUM EST.

EXHORTATIO, oratio et consilium venerabilis viduæ Judith, hic referuntur. *Et factum est quum audisset hæc verba Ozia, qui dixit quod traderet urbem post quinque dies, nisi interim veniret auxilium, Judith vidua de tribu Ruben, etc., cujus stirps in textu describitur. Et vir ejus Manasses in diebus messis mortuus est. Venit enim æstus super caput ejus : ex quo ardore solis fuit intus accensus, et ægritudinem incurrit letalem, sicut et*

IV Reg. iv.
18-20.

Judith ix. 1

U Num.
xxviii, 11-14.

Ps lxxv.
4.

*Et in superioribus domus suæ fecit sibi cubiculum secretum, et in ipso cubiculo oratorium, ut sequenti patet capitulo ; et camerula illa fuit etiam oratorium ejus ; in quo cum puellis, id est ancillis, aut cognatis, clausa morabatur : ita quod raro exivit domum, soli Deo vacans in loco abstracto, et virorum vitans adspectus, familiaritates, colloquia, convivia, et ceteras lasciviæ occasionēs, non solum ne ipsa ad carnalia incitaretur, sed ne appeteretur ab aliis ; et habens super lumbos suos cili-
cium, pro carnis edomatione, majorisque gratiæ impetratione, jejunabat omnibus diebus vitæ suæ, quibus in viduitate permansit. Maritatis autem mulieribus non liceret sic jejunare sine consensu mariti. Præter sabbata et neomenias, hoc est exordia mensium, quia in primo die cujuslibet mensis fuit quædam festivitas legis, ut in Levitico et Deuteronomio patet ; unde in Psalmo : Buccinate in neomenia tuba, in insigni die solennitatis vestræ. Et festa*

domus Israel, scilicet festa, Paschale et Tabernaculorum, et Hebdomadarum seu Pentecostes, quæ erant festa legis præcipua.

*Erat autem eleganti, id est venusto, ad-
spectu nimis, habens pulchritudinem corporalem, moralem et spiritualem. Cui vir suus reliquerat divitias multas et familiam copiosam : sicque ejus continentia fuit magna, et multum laudabilis, quia inter tot incitamenta libidinis, quæ sunt, juvenus, pulchritudo, opulentia, et multitudo virorum præsentium, mansit tam casta. Et hæc erat in omnibus famosissima, quoniam timebat Dominum valde, filiali timore, qui perfectam et fervidam caritatem includit, facitque hominem coram Deo custoditum, sollicitum, et irreprehensibiliter conversantem : quia, ut Sa-
lomon loquitur, Qui timet Deum, nihil negligit. Nec erat qui loqueretur de illa verbum malum : quia Deo atque hominibus ex sua exemplari et sancta complacuit vita. Tales quoque erant beatissimi Joannis Baptistæ parentes, incedentes in omnibus justificationibus Domini sine que-
rela.*

I Tim. v, 7.

Eccle. vii.
19.

Luc. i, 6.

Hæc itaque quum audisset, hoc est, sedens in domo sua percepisset, quoniam Ozias promississet, quod transacta quinta die traderet civitatem Assyriis : quia ut apparet, non aderat quando Ozias protulit ea. Nam subditur : misit ad presbyteros Chabri et Charmi, ut venirent ad se, quia invite processit in publicum. Et venerunt ad illam, et dixit illis : Quod est verbum, in quo consensit Ozias, ut tradat civitatem Assyriis, si intra quinque dies non venerit vobis adjutorium ? quasi dicat, Illicitum est. Cur non direxit sermo-

vers. 28.

nem ad Oziam? Ad hoc aliqui dicunt, quod nondum erat præsens : quibus objici potest, quod infra in isto capitulo, Ozias et presbyteri leguntur ei pariter respondisse. Ad quod dici potest, quod interim forsitan advenit. Vel si cum presbyteris venit, tamen presbyteros primo affatur, quoniam sacerdotum fuit etiam ipsum Oziam super hoc increpare.

Et qui estis vos qui tentatis Dominum? quasi dicat : Merito essetis nimis prudentes ad hoc, nec aliquo modo vos decet. *Non est iste sermo qui misericordiam provocet*, id est, exauditionem mereatur a pietate divina ; *sed potius qui iram excitet, et furorem accendat*, id est, rigorem divinæ mereatur justitiæ in vindicta : quia tentare Deum, est grave peccatum. Nempe præfigere tempus, infra quod, si Deus non subvenerit, cessetur ab ejus invocatione contra perfidos, est infra tempus propria libertate determinatum velle experiri divini succursum subsidii, alioqui incredulis subjugari, etiam in destructionem cultus divini : quemadmodum fuit in isto casu. Si enim adversarii obtinuissent Bethuliam, de facili obtinuissent ac destruxissent Jerusalem. Et si objiciatur, quod Jeremias propheta consuluit Sedeciæ regi, ut traderet urbem Jerusalem Nabuchodonosor regi : dicendum, quod consuluit hoc, non in destructionem urbis et templi ac cultus divini, sed pro conservatione illorum, quia sciebat quod civitas et templum destruerentur a Chaldæis, nisi sponte eisdem traderentur.

Jer. xxxviii, 17.

Posuistis vos tempus miserationis Domini, hoc est tempus infra quod Deus elementer subveniat, *et in arbitrio*, id est iudicio vestro, *diem constituistis ei*. *Sed quia patiens est Dominus*, id est longanimitate ferens offensam, non statim ulciscens. Patientia autem et virtutes morales quæ circa passiones versantur, non competunt Deo quoad passionum ordinationem, sed quantum ad operis conformitatem. *In hoc ipso*, id est de culpa hæc, *pœniteamus* : et ex humilitate connumerat

Job xxxv, 15.

A se eis, qui rei erant in illo peccato ; *et indulgentiam ejus cum lacrimis postulemus*, ut sit vera contritio ex intimo cordis fundo proveniens. Sic enim placatur inveniturque Deus, juxta illud Deuteronomii : Quum quæsieris Dominum Deum tuum, invenies eum, si tamen toto corde quæsieris eum, et tota tribulatione animæ tuæ. *Non enim quasi homo, Deus sic comminabitur*, id est non ex impetu passionis, neque ut mox inferat ultionem, *neque sicut filius hominis ad iracundiam provocabitur*, quum sit B simplicissima et prorsus immaterialissima mens invariabilis in æternum. Qui per Malachiam protestatur : Ego Dominus, et non mutor. De quo et Balaam loquitur : Non est Deus quasi homo ut mentiatur, nec ut filius hominis ut mutetur.

Deut. iv, 29.

Malach. iii, 6.
Num. xxiii, 19.

Et ideo humiliemus illi animas nostras, id est, ad Dei honorem, recognoscamus humiliter proprias culpas. *Et in spiritu contrito* *, hoc est corde compuncto, *et humiliato servientes illi* : quia ait per Isaiam : Ad quem respiciam, nisi ad pauperculum et contritum spiritu, et trementem sermones meos ? *Dicamus flentes Domino, ut secundum suam voluntatem sic faciat nobiscum misericordiam suam*. Hoc enim Deo gratissimum est, ut rationalis creatura propriam voluntatem plenarie Creatori suo resignet, mactet et offerat. Sic namque Christus passione instante exorans, Non mea, inquit, sed tua voluntas fiat. *Ut sicut cor nostrum conturbatum est*, hoc est, vehementer perterritum, contristatum, afflictum, *in superbia eorum*, id est ex D ambitiosa et arroganti invasione, comminatione, obsidione Assyriorum istorum ; *ita de nostra humilitate gloriemur in Domino*. hoc est de liberatione nostra humiliter postulata a Deo ; *quoniam non sumus secuti peccata patrum nostrorum, qui dereliquerunt Deum suum, idola adorando, sanguinem innocentem fundendo, aut occidendo Prophetas, aut consimilia perpetrando facinora* : ideo merito in Deo nostro confidimus, quod ab hostibus istis nos eruet. Sicque verba hæc protulit Judith,

* constituti humiliato
Is. lxxvi, 2.

Luc. xii, 42.

non populum suum laudando simpliciter, sed ad augendum sibi ac populo spem in Deo, sicut et Ezechias † angustatus a rege

IV Reg. xx. 3. Assyriorum, invocans Dominum : Obsecro, ait, memento quomodo coram te ambulaverim in veritate et corde perfecto. *Pro quo scelere dati sunt in gladium, et in captivum inimicis suis. Nos autem alterum Deum nescimus per fidem et cultum, præter ipsum : quia nec alius Deus est.*

Espectemus humiles consolationem ejus.

Thren. iii. 31, 32. Non enim repellet in sempiternum Dominus : quia si abjecit, et miserebitur secundum multitudinem misericordiarum suarum, ut in Threnis loquitur Jeremias. *Et exquiret sanguinem nostrum de afflictionibus inimicorum nostrorum, hoc est, tribulationes nobis illatas ab hostibus, vindicabit in ipsis, eos affligendo, ut justum est ; et humiliabit, id est dejiciet, omnes gentes quæ insurgunt contra nos, et faciet illas sine honore Dominus Deus noster.* Hæc fuerunt verba bonæ fiduciæ, non prophetiæ, ut æstimatur, quamvis paulo post evenerint.

Et nunc, fratres, quoniam vos estis presbyteri in populo Dei, hoc est sacerdotes et seniores, et ex vobis pendet anima illorum, id est, salus et prosperitas animarum ipsorum ex vestra salubri eruditione, virtuosaque conversatione, pro magna parte dependet : juxta illud Ecclesiastici,

Eccle. x. 2. Qualis est rector civitatis, tales et inhabitantes in ea. Hinc per Jeremiam Dominus

Jer. x. 21. asserit : Quia stulte egerunt pastores, et Dominum non exquisierunt, propterea omnis grex eorum dissipatus est. *Ad eloquium vestrum corda illorum erigite, hoc est, vestra salubri exhortatione corda ipsorum ad Deum reducite, ut confidant in ipso ; ut memores sint, quia tentati sunt patres nostri, id est multipliciter impugnati ab invisibilibus ac visibilibus inimicis, ut probarentur, si vere colerent Deum suum, id est, quatenus per adversa pateret, an Deo constanter atque fideliter adhærent.* Unde et in libro Judicum legitur : Dimisit

Judic. iii. 1. Dominus Chananæos, ut in eis experiretur

A Israellem, utrum audiret mandata Domini, an non.

Memores esse debent, quoniam pater noster Abraham tentatus est : juxta illud, Tentavit Deus Abraham ; et per multas tribulationes probatus, Dei amicus effectus est. Nam ex caristia perrexit ex terra Chanaan in Ægyptum, et ibi ablata est ei propria uxor, et puteos ejus abstulerunt aut repleverunt Palæstini : quæ omnia leguntur in Genesi. Sic Isaac, qui exhibuit se paratum ut offerretur Deo in holocaustum. *Ibid. xii, 10, 13; xxi, 25.*

B Sic Jacob, et Moyses, et omnes qui placuerunt Deo, per multas tribulationes transierunt fideles. Sic ait Paulus : Quia per multas tribulationes oportet nos intrare in regnum cœlorum. *Ibid. xxii, 9.*

Illi autem qui tentationes non susceperunt cum timore Domini, id est, qui adversitates et impugnationes non toleraverunt patienter ac timorate, aut pravis suggestionibus non resisterunt idonee, et impatientiam suam et improprium murmurationis suæ contra Deum protulerunt, adversus ipsum murmurando, seu ipsum

C *tentando, aut culpam retorquendo in ipsum, exterminati sunt ab exterminatore, id est, interfecti Deo præcipiente, et ejus sententiam angelo bono aut malo exsequente.* Etenim in Numeris perversi filii Israel leguntur dixisse : Utinam mortui essemus in Ægypto ; utinam pereamus, et non inducat nos Dominus in terram istam, ne cadamus gladio. Propter quod in Deuteronomio Moyses loquitur eis : Noluistis ascendere, sed increduli ad sermonem Domini murmurati estis atque dixistis : Odit nos Dominus. *Act. xiv, 24.*

D Hinc Dominus dixit ad Moysen : Usquequo multitudo hæc pessima murmurat contra me ? In solitudine hæc jacebunt cadavera vestra. *Num. xiv, 27, 29.* *Et a serpentibus perierunt : secundum illud Numerorum, Immisit Dominus in populum ignitos serpentes. Ab infernalibus quoque serpentibus tales peccando spiritualiter necabantur.* *Ibid. xxi, 6.*

Et nos ergo non ulciscamur nos pro his quæ patimur, ex impatientia aut diffidentia ; nec peccemus in Deum, contra ipsum murmurando, seu quasi volendo vindicare

injurias nostras per offensam et inhon-
 rationem ipsius Dei, derogando justitiæ
 ejus, aut adscribendo ei impatienter no-
 stras miseras; *sed reputantes peccatis no-*
stris hæc ipsa supplicia minora esse (ita
 ut fateamur ex corde, quod peccando me-
 ruimus pati adversa his graviora), *flagella*
Domini, quasi servi qui corripimur a Do-
mino, id est castigationes istas Deo per-
 mittente aut ordinante atque volente no-
 bis inflictas, *ad emendationem, et non ad*
perditionem nostram evenisse credamus :
 ut scilicet per temporales pœnas purgati,
 tormenta evadamus æterna: vel etiam a
 præsentī persecutione eripiamur, Domi-
 num invocando, et quæ illata sunt, æqua-
 nimiter sustinendo.

Et dixerunt illi Ozias et presbyteri, qui
 exhortationem et increpationem feminæ
 patienter et humiliter susceperunt propter
 virtuositatem ipsius: quia et ipsa ex zelo
 justitiæ, caritatis fervore, et ex inspiratio-
 ne divina humiliter, non jactanter, fuit
 locuta: *Omnia quæ locuta es, vera sunt,*
et non est in sermonibus tuis ulla repre-
hensio. Nunc ora pro nobis Dominum, quo-
niam mulier sancta es et timens Deum.

Et dixit illis Judith: Sicut quod loqui
potui, Dei esse cognoscitis, id est verum
 atque salubre; *ita quod facere disposui,*
probate, id est, suo tempore considerate,
 et nunc interim exspectate, donec per ef-
 fectum propositi mei pensetis, *si ex Deo*
est, et orate ut firmum faciat Deus consi-
lium meum, id est, illud perficiat, et ad
 salutarem ducat effectum. *Stabitis vos ad*
portam nocte ista, et ego exeam cum abra-
mea, id est cum ancilla mea, et orate, ut
sicut dixistis, diebus quinque respiciat Do-
minus populum suum. Vos autem nolo ut
scrutemini actum meum, id est, non in-

terrogetis a me quid agere velim; *et us-*
quedum renuntiem vobis quid egerim, vel
per me ipsam, sive per alium, nihil aliud
fiat, nisi oratio pro me ad Dominum Deum
nostrum. Et dixit ad eam Ozias princeps
Juda, id est unus de principalibus et re-
ctoribus tribus seu populi Juda, secundum
 quod Nicodemus vocatur princeps Judæo-
 rum: *Vade in pace, et Dominus sit tecum*
in ultionem inimicorum nostrorum, id est
 infligendo per te hostibus nostris justam
 punitionem in vindictam iniquitatum eo-
 rum adversum nos.

Ex isto capitulo accipere possumus mul-
 ta moralia et optima documenta. Nempe
 in primis ex isto informantur capitulo vi-
 duæ universæ, ut quamvis formosæ, juve-
 nes, nobiles, divitesque consistent, attamen
 in viduali castimonia perseverent; et quo
 appetibiliores fuerint, eo plus vitent occa-
 siones lasciviæ ac scandala aliorum, et cor-
 pus suum in spiritus redigant servitutem
 aspero (aut etiam cilicino) vestitu, jejuniis,
 orationibus, disciplinis, vigiliis. Insuper
 hic docemur, ne Deum aliquo modo tente-
 mus, sed in ipso usque in finem, etiamsi
 nos occiderit, confidamus; et dum Dei mi-
 sericordiam imploramus, ipsum nequa-
 quam verbis aut actibus seu negligentia
 offendamus. In omni quoque necessitate,
 tribulatione, angustia, in spiritu contrito
 et humiliato Dominum invocemus. Cuncta
 demum adversa cum invicta patientia
 amplectamur, humiliter confitentes quod
 peccata nostra multo majora mereantur
 supplicia; neque nos ulciscamur, nec contra
 Dominum ullatenus murmuremus. Sic-
 que sanctorum patrum exempla conside-
 rantes, eadem totis viribus imitemur, et
 proximos, ut pro nobis assidue orent, pul-
 semus.

Joann. iii, 1.

Moralitas.

1 Cor. ix, 27.

Job xiii, 15.

Dan. iii, 39.

1 Cor. x, 10.

ARTICULUS IX

EXPOSITIO CAPITULI NONI : QUBUS ABSCEDENTIBUS, ETC.

ORATIO Judith hic introducitur. *Quibus* A
abscedentibus, Judith ingressa est ora-

Judith xxx,
1.

torium suum, quod erat in superioribus,
ut patuit præcedenti capitulo; *et induens*
se cilicio, posuit cinerem super caput suum.
Dicunt aliqui, quod præter cilicium quo
fuit supra nudum corpus vestita, etiam
jam vestivit se cilicina veste exterius. *Et*
prosternens se Domino, cui se humiliavit
vestitu et cinere, corde et corpore, clama-
vit ad Dominum ex vehementi affectionis
sux ardore, dicens : Domine, Deus patris
mei Simeon. Ex quibus verbis apparet,
quod fuit de tribu Simeon; quum præce-
denti sit dictum capitulo, quod fuit de
tribu Ruben. Ad quod nonnulli respon-
dent, quod fuit de tribu Ruben ex parte
patris, atque ex tribu Simeon ex parte
matris : quod et in Scholastica affirmatur
historia.

Ibid. 1.

Nem.
xxxvi, 8.

Contra quod arguit quidam satis proli-
xe. Primo, quoniam mulieres non debe-
bant conjungi viris alterius tribus. Se-
cundo, quia Ruben ad quem reducit
generatio Judith, non videtur fuisse Ru-
ben patriarcha filius Jacob, sed alius, quo-
niam inter patriarcham et Judith multo
plures fuerunt generationes quam præce-
denti capitulo inducuntur. Tertio, quia nec
in Genesi, nec in Paralipomenon scribitur
aliquis filiorum ipsius Ruben vocatus fuis-
se Simeon, sicut in præcedenti capitulo.
Ad quæ omnia faciliter posset respondere,
qui præfatam responsionem vellet tenere :
respondendo ad primum, quod mulieres
quæ non successerunt in hereditate pa-
terna, poterant contrahere cum viris tri-
buum aliarum, sicut David de tribu Juda
sumpsit Michol de Benjamin tribu; ad se-
cundum, quod non omnes, sed quædam

Judith xvi.
1.
Gen. xxi,
9; 1 *Par.* v,
3.

1 *Reg.* xxvii,
27.

præcipuæ generationes ipsius Judith in
ascendendo ponuntur capitulo præceden-
ti; ad tertium, quod Simeon ille filius Ru-
ben mediatu aut immediatu. binomiu
fuit.

Judith xvi,
1.

Denique præfactus, dicens ipsam Judith
fuisse de tribu Simeon ex parte patris et
matris, in argumentationis suæ processu
affirmat, quod Jacob cito postquam Esau
quadragenarius duxit uxores, perrexit ad
Mesopotamiam, et quadraginta octo anno-
rum fuisse videtur dum genuit Ruben.

B Circa quod dico, quod Jacob erat octoginta
annorum aut circiter, quando ad Mesopo-
tamiam est profectus. Siquidem in Genesi
legitur ipse Jacob filium suum Joseph præ-
ceteris dilexisse, quia in senectute sua ge-
nuit eum. Rursumque fertur, qualiter Ja-
cob ingressus Ægyptum, locutus sit Phara-
oni : Dies peregrinationis vitæ meæ super
terram, centum triginta anni sunt parvi
et mali. Et tunc Joseph nondum erat qua-
dragenarius : triginta namque fuit anno-
rum, quando a Pharaone constitutus est

Gen. xxxvii,
3.

Ibid. xlvii,
9.

Ibid. xli,
46.

C princeps Ægypti, ut habetur in Genesi.
Deinde fluxerunt septem anni fertilitatis :
quibus evolutis, primo anno caristiæ ve-
nerunt fratres ejus ad eum, quibus secunda
vice ad se reversis locutus est : Biennium
est quod coepit esse fames; adhuc quin-
que anni restant, quibus nec arari poterit
nec meti. Et tunc erat triginta novem anno-
rum. Moxque misit pro patre suo, qui tunc
fuit centum triginta annorum, sicque in
nativitate Joseph fuit nonagenarius. Porro
in Mesopotamia habitavit annis viginti.
D Quæ omnia patent in Genesi. Et dato quod
Joseph fuisset natus in ultimo illorum vi-
ginti annorum, tamen pater ejus fuisset
septuagenarius, quando Mesopotamiam est

Ibid. xlv, 6.

Ibid. xxxi,
38.

Gen. XXIV,
20, 27, 28,
XXX, 23-26.

ingressus. Joseph autem natus fuit quatuordecimo circiter anno habitationis Jacob in Mesopotamia, ut in Genesi patet. Unde concluditur, quod Jacob fuerit circiter septuaginta sex annorum, quando venit ad Mesopotamiam.

Ibid. XXXIV,
2.

Qui dedisti illi gladium in defensionem alienigenarum, id est ad ulciscendum stuprum quod alienigenæ seu infideles Chananaei commiserunt in filia Jacob, *qui violatores exstiterunt in coinquinatione sua*, id est, sua pollutione corruperunt Dinam filiam Jacob. Unde subjungitur, *et denudaverunt femur virginis in confusionem*: et sumitur hic plurale pro singulari, quoniam solus Sichem filius Hemor illam corripuit. Vel ideo ait pluraliter, Violatores, quoniam aliqui adjuverunt eum ad perpetrandum hoc scelus. *Et dedisti mulieres eorum in prædā, et filias eorum in captivitatem, et omnem prædā in divisionem servis tuis*, videlicet filiis Jacob, *qui zelaverunt*, id est, per amorem secuti sunt, *zelum tuum*, id est fervorem tibi placentem contra injustitiam.

Ibid. 30.

Ibid. XLIX,
5, 6.

Videtur quasi totum istud repugnare Scripturæ canonicæ, quoniam Jacob redarguit ultionem præfatam, dicens Simeoni et Levi: Turbastis me, et odiosum fecistis habitatoribus terræ hujus. In extremis quoque agens, valde abhorruit illam vindictam, dicens: Simeon et Levi, vasa iniquitatis bellantia. In consilium eorum non veniat anima mea, et in cœtu eorum non sit gloria mea: quia in furore suo occiderunt virum, et in voluntate sua suffoderunt murum. Unde elicitur, quod non zelo Deo placente seu zelo Dei, sed ex furore et indignatione illud fecerunt. Ad istud Magister in historiis breviter dicit: Judith non commendavit factum Simeonis, quod detestatus est Jacob, sed ultionem factam a Domino per manus ipsius.

Alius quidam prolixius respondens: In illo (inquit) facto duo fuerunt, videlicet zelus ulciscendi stuprum, et illud fuit justum et licitum, quia non habebat judicem qui vellet factum punire, cujus auctor

erat princeps civitatis et populus ejus fautor: et sic loquitur hic Judith. Alius est

Gen. XXIV,
2, 24.

modus ulciscendi, qui fuit malus et proditorius, in quantum filii Jacob transgressi sunt pactum habitum cum Sichimitis: et sic reprehendit illud Jacob. Verum ista responsio non videtur idonea. Primo, quoniam juxta præfacta factum illud non processit ex zelo Dei, sed ex indignatione atque rancore. Secundo, quia tam opus illud, quam modus operis, vitiosa fuerunt. Opus namque ex prava processit radice, non ex

justo zelo, ut patuit, et modus fuit fraudulentus. Tertio, quia post initum fœdus nequaquam licuit filiis Jacob illam facere ultionem, nec potuerunt ad hoc habere zelum Dei secundum scientiam post initum pacis pactum. Quod totum patet ex verbis Hieronymi, affirmantis: Significavit Jacob non sui fuisse consilii, quod Simeon et Levi ipsum Hemor et Sichem

Rom. x, 2.

Gen. XXXIV,
30.

filium ejus viros sibi fœderatos interfecerunt, et contra jus pacis et amicitiarum sanguinem effuderunt innocentem, et crudelitate quasi furore rapti, muros hospitæ urbis everterunt. Insuper, quod dicitur filios Jacob non habuisse judicem, qui factum vellet punire, non apparet. Quamvis enim Hemor erat rex Sichimorum, non tamen totius terræ illius: et sic habuit superiorem, ad quem potuisset referri. Unde in Josue scriptum est: Asor inter omnia regna antiquitus primatum tenebat. Præterea, quamvis judicem talem non habuissent, tamen postquam Hemor et Sichem tam magnam præbuerunt emendam et sa-

Ibid. 2.

Josue XI,
10.

Gen. XXXIV,
9-12, 18, 24.

tisfactionem, et pacis conditionem iniierunt cum Jacob et filiis ejus, ac circumciderunt se, non licuit filiis Jacob illam exercere vindictam. Propter quod ipse Jacob asseruit, furorem eorum et indignationem esse maledictionis, quia tam pertinax fuit furor eorum, atque tam dura ipsorum indignatio, quod post tanta benevolentiae signa, satisfactionisque dona oblata, et inita pacis pacta, non fuerant emolliti.

Ibid. XLIX,

Amplius, responsio ex Scholastica historia introducta, videtur obscura: quo-

niam ultio ejus non videtur commendanda A fuisse secundum prædicta, nisi forsitan quoad divinum judicium, quoniam Hemor et Sichem non videntur vere pœnituisse de scelere illo. Sicque quantum ad hoc, justa fuit illa vindicta, quamvis Simeon et Levi non recte ex zelo laudabili, sed ex furore et indignatione executi sint eam. Juxta quem modum justa fuit Judæorum exterminatio, punitio, captivatio facta per Assyrios et Chaldaeos, quamvis Assyrii et Chaldaei ex vitiosa radice inflixerint talia filiis Israel. Sicque aliquo modo videntur verba Judith posse salvari.

IV Reg. xvii, 6; xxv, 1 et seq.

Subveni, quæso te, Domine Deus meus,

Ps. lxxvii, 6. mihi viduæ, qui (teste Psalmista) pater es orphanorum, judexque viduarum; de quo

Ps. cxlv, 9. iterum dicitur in Psalmo, Pupillum et viduam suscipiet. Tu enim fecisti priora, id est,

descriptas in libris Moysis, Josue, Judicum, Regum, Paralipomenon, et illa post illa cogitasti, id est, unum post aliud facere decrevisti. Omnia tamen simul in ipso

IV Reg. xix, 35; II Par. xx, 22-24. æternitatis instanti plenissime cognoscis, cogitas, intueris, non successive unum post aliud; et hoc factum est quod ipse

Ps. cxxxiv, 6. voluisti, quia omnipotens es. Ideo ait Prophetæ: Omnia quæcumque voluit Dominus, fecit in cælo et in terra. Omnes enim

riæ tuæ paratæ sunt: id est, a te prædispositæ sunt tuæ actiones, atque in promptu habes agere omnibus modis tibi placitibus; et exhibere actus quoscumque volueris; et tua judicia, id est justa et

judicialia opera tua, in tua providentia posuisti, id est in præordinatione et libertate sapientiæ atque potentiæ tuæ, ita quod quidquid forinsecus agis et judicas, ex certa et æterna providentia procedit.

Unde et Paulus: Omnia (inquit) operatur secundum consilium voluntatis suæ.

Respice castra Assyriorum atque, id est, exercitus istos Assyriorum oculo tuæ justitiæ per justam eorum punitionem intueri, in quantum sunt hostes boni communis ac cultus divini, sicut tunc castra

videre Ægyptiorum dignatus es, quando

post serenos tuos armati currebant, dum scilicet filii Israel, Moyse duce, exierunt Ægyptum. Sed adspexisti super castra eorum, id est, per districtam vindictam ostendisti te impios illos adspicere: secundum illud Exodi, Et ecce respiciens Dominus supra castra Ægyptiorum per columnam ignis et nubes, interfecit exercitum eorum; et tenebræ fatigaverunt eos, id est, affligebantur Ægyptii ex hoc, quod nubes tenebrosa stetit inter eos et filios Israel, ita quod tota nocte Israelitas accedere non valebant, juxta quod in Exodo fertur: Tollens se angelus Domini, qui filios Israel præcedebat, abiit post eos, et cum eo pariter columna nubis inter castra Ægyptiorum et castra Israel; et erat nubes tenebrosa, ita ut ad se invicem toto noctis tempore accedere non valerent. Tenuit pedes eorum abyssus, et aquæ operuerunt eos, id est, aqua maris Rubri divisi ad priorem refluens locum, impedivit pedes Ægyptiorum a processu.

Sic fiant isti, puta Assyrii, Domine, qui confidunt in multitudine sua, et in curribus suis, et in contis, id est perticis præacutis ferro seu cuspidi, quas loco hastarum rustici portant, et in sagittis suis, et in lanceis suis gloriantur; et nesciunt quia, id est quod, tu ipse verus, omnipotens et omnia intuens, es Dominus Deus noster, qui conteris bella ab initio, id est, ab antiquis temporibus contrivisti bellatores iniquos, et bella eorum cassasti: sicut in Josue et Judicum libro narratur; et Dominus nomen est tibi, quia tu propria potestate et auctoritate universis et singulis dominaris, cujus respectu omnis creatura dominans, est instrumentum et serva, imbecillis, dependens, exigua. Ideo ait Psalmista: Qui dominatur in virtute sua in æternum. Unde per Isaiam testatur: Ego Dominus, hoc est nomen meum.

Erige brachium tuum, id est, omnipotentiam tuam sublimiter per effectus tuos ostende, sicut ab initio, et allide virtutem eorum in virtute tua, id est, propria potestate confringe potestatem atque exercitum As-

Exod. xii, 41; xiv, 8, 9. Ibid. xiv, 24. Ibid. 19, 20.

Ps. lxxv, 7. Is. xlii, 8.

Ps. lxxv, 7. Is. xlii, 8.

Ps. lxxv, 7. Is. xlii, 8.

Ps. lxxv, 7. Is. xlii, 8.

Ps. lxxv, 7. Is. xlii, 8.

Ps. lxxv, 7. Is. xlii, 8.

Ps. lxxv, 7. Is. xlii, 8.

syriorum; *cadat virtus eorum in iracundia tua*, id est in rigore justitiæ tuæ, *qui promittunt se violare sancta tua*, id est, jactanter præsumunt quod sacra templi contaminabunt ac destruent, *et polluere tabernaculum nominis tui*, id est templum tuæ majestati deputatum seu inchoatum, *et dejicere gladio suo cornu altaris tui. Fac ut gladio proprio ejus superbia amputetur*, id est, superbum caput Holofernus amputetur manu mea ipsius mucrone. *Capiatur laqueo oculorum suorum in me*, id est, incauto suo intuitu sic afficiatur ad me, ut id fiat occasio suæ interfectionis, *et percuties eum ex labiis caritatis meæ*, id est, per verba laborum meorum, quæ ex caritate filiorum Israel pronuntiabo, facies eum seu permittes decipi, atque corruiere seu occidi, ut spero. Hæc enim dixit ex bona fiducia, non ex certitudine absoluta.

Verumtamen circa hæc, est præcipua difficultas, quæ et in sequentibus quoque occurrit. Videtur etenim Judith optasse ac postulasse, quod Holofernes eam intuendo, accenderetur libidinoso ejus amore et carnali affectu, quatenus sic deceptus, perimeretur ab ea in lecto aut camera. Alium autem ad mortale peccatum ex proposito incitare, seu velle inducere, est mortale peccatum, et caritati Dei ac proximi directe contrarium, quantumcumque hoc ultra ordinetur ad commendabilem finem: imo bonus finis est appetendus et exquirendus seu obtinendus per proportionata et licita media. Ad istud dicendum videtur, quod Judith, quæ erat virtuosa et prudens matrona, non intendebat Holofernem inducere ad libidinosum amorem aut concupiscentiam vitiosam, sed ad concupiscentiam talem ac tantam, quod acciperet eam ad suam familiaritatem, vel optaret habere eam et accipere conjugem: non quod ipsa intenderet cum ipso contrahere, quod nec

Cf. Deut.
vii, 3.

voluit nec licuit ei, † videlicet Holoferni. Circa hoc refert Lyra positionem quorundam, dicentium quod Judith non peccavit in prædicta oratione et sua compositione, quoniam aliud intendebat, et aliud

prævidebat. Intendebat quippe sic grata fieri Holoferni, quod posset familiariter esse cum ipso ad ejus interitum perpetrandum: quod ei licitum erat, quoniam fuit adversarius Dei et boni communis ac cultus divini. Prævidebat autem amorem Holofernus illicitum circa se. Non tamen propter hoc debuit dimittere bonum prædictum, sicut nec Deus dimittit peccatorem punire, quamvis videat eum ex hoc deteriorari, ut patuit in Pharaone. Sed contra positionem hanc objicit prædictus expositor, quoniam eadem est intentio finis, et eorum quæ sunt ad finem, quando apprehenduntur ut ordinata ad finem: sicut mobile eodem motu movetur in medium et terminum. Judith autem intendebat mortem Holofernus, tanquam finem intentum, ad quem intendebat pertingere per privatam familiaritatem: et hanc familiaritatem intendebat per ardorem concupiscentiæ Holofernus in ipsam, et sic intendebat eum inducere ad peccatum mortale.

Exod. v-
xiv.

Sed qui vult positionem istam, quæ satis probabilis reputatur, defendere, dicere habet, quod Judith non intendebat familiaritatem illam Holofernus acquirere per vitiosum ardorem concupiscentiæ sensualis in ipsam, sed per concupiscentiam talem ac tantam, qua cuperet eam ducere in uxorem; et quamvis ipsa facillime poterat conjicere, quod Holofernes eam vitiose appeteret, non tamen ob hoc debuit procuracionem familiaritatis illius vitare: sicut qui ab usurariis accommodat ad usuram, non peccat, quamvis sciat quod illi non mutuabunt sibi sine usura, quoniam ipse non intendit eos ad usuram inducere, sed propriæ necessitati consulere; et sic malo illorum utitur ad bonum suum, sicut et Deus ex malis aliorum elicit multa bona. Hinc in secunda secundæ, quæstione 78, loquitur Thomas: Nullatenus licitum est alium ad peccandum inducere; sed malo ac peccato alterius uti in bonum, est licitum. Nam et Deus utitur peccatoribus in bonum, dum ex eorum malis elicit bona. Hinc Augustinus Publicolæ sciscitanti, an

liceat uti juramento jurantis per falsos A deos, respondit, quod utens juramento ita jurantis, non se sociat peccato illius, sed bono ejus pacto, quo fidem servavit : peccaret autem, si illum induceret ad jurandum per falsos deos.

Da mihi in animo constatum, ne feminea instabilitate aut mollitie seu formidine vinear aut flectar, ut contemnam illum, non in quantum homo est et in officio constitutus, sed in quantum iniquus est ac tyrannus, hostis divini cultus fidelisque populi, et virtutem, id est abusum potestatis ejus, ut evertam illum. Sic enim de justo cantatur : Ad nihilum deductus est in conspectu ejus malignus. Et justus fatetur : Despexit oculus meus inimicos meos. *Erit enim hoc memoriale nominis tui*, id est opus commemoratione dignissimum, in quo omnipotentiae ac sapientiae atque justitiae tuae excellentia relucebit ac recoletur, imo laudabitur, *quum manus feminae dejecerit eum*, id est tam

in eorum viribus voluntas tua est, id est, beneplacitum tibi non est in fortitudine equorum, sed in spe et devotione tuorum fidelium : juxta illud Psalmistae, Non in fortitudine equi voluntatem habebit, nec in tibiis viri beneplacitum erit ei. Ideo in Proverbiis asseritur : Equus paratur ad diem belli, Dominus autem salutem tribuet. *Neque superbi ab initio placuerunt tibi* : imo in prima aetate mundi superbos gigantes, et in principio creationis superbientes angelos dejecisti ; *sed humilium*

et mansuetorum tibi semper placuit deprecatio : quum in Ecclesiastico scriptum sit, Oratio humiliantis se nubes penetrabit : atque in Psalmo, Exaltabit mansuetos in salutem. Hæ namque duæ virtutes Deo præcipue placent, et invicem sunt germanæ, ac tantæ excellentiæ, ut eas Christus potissime commendaverit a se esse discendas : Discite, inquit, a me, quia mitis sum et humilis corde. Unde et divinus Dionysius in epistola ad Demophilum scribit : Moyses, David et Joseph maximam apud Dominum gratiam invenerunt, quoniam mansueti fuerunt.

Deus cælorum, creator aquarum et Deus totius creaturæ, cujus potestati nullus potest resistere, *exaudi me miseram deprecantem*, id est afflictam et populo meo intime condolentem, ac periculo magno expositam, nisi succurras : quia quum pulchra sim, me impii illi in primis fœdarent ; *et de tua misericordia præsumentem*, quia per te facere spero, quod meis viribus me posse implere diffido. *Memento, Domine, testamenti tui*, id est pacts quod cum patribus nostris inisti, quibus et promisisti quod posteritati eorum ad te confugienti succurreres ; et memor sis observantiæ ac religionis testamenti, quod per Moysen nobis mandasti, ut eas conserves ; *et da verbum efficax, sapientiale et bene sonans, in ore meo*, dando mihi gratiam sic loquendi, quod propositum meum sortiatur effectum, *et in corde meo consilium corrobora*, ut bene judicem de agendis : *ut domus tua*, videlicet templum, in

Ps. xiv, 1.

Ps. xci, 12.

Judic. ix, 54.

I Reg. xiv, 9.

II Par. xiv, 11.

Ps. cxvii, 10.

Prov. xxi, 31.

Is. xiv, 9 et seq.

Eccli. xxxv, 21.

Ps. cxviii, 4.

Math. xi, 29.

Nucl. xv.

3; Ps. cxxxii,

1; Is. lv, 3;

Gen. xlii,

xiv.

* Dominus

tua sanctificatione, id est in sancto cultu tuo et in consecratione, *permaneant*, nec violetur per impios. *Et omnes gentes agnoscant*, per victoriam nobis tua virtute præstandam, *quoniam tu es Deus, et alius non* A *est præter te*, id est, quod tu solus sis verus Deus, imo quod nullus habeat esse plenum atque perfectum, nisi tu, cujus comparatione omne creatum esse, est velut non esse.

Exod. xx, 2. Deut. xxxii, 39; Is. xliii, 10, 11.

ARTICULUS X

EXPOSITIO CAPITULI DECIMI : FACTUM EST AUTEM QUUM CESSASSET CLAMARE AD DOMINUM.

QUALITER Judith se ornavit, et Holoferni occurrit, hic recitatur. *Factum est autem quum cessasset clamare ad Dominum*, id est, orationem suam compleret : in qua clamavit potius fervore devotionis, quam altitudine vocis ; *surrexit de loco in quo jacuerat prostrata ad Dominum*, vocavitque *abram suam*, id est ancillam, non qualemcumque, sed valde electam, quam noverat aliis ancillis prudentiorem et constantiorem ac multum fidelem. Vel dicitur *abra*, quia paulo post, eam libertati donavit. *Et descendens in domum suam*, abstulit a se *cilicium*, et exiit se *vestimentis viduitatis suæ*. Viduas enim decet humilis, simplex, non curiosus vestitus. Unde in Genesi legitur, *Tamar deposuisse vestimenta viduitatis*.

Gen. xxxviii, 14.

Et lavit corpus suum, forsan in balneo, ut capacius fieret unctionis. *Et unxit se myrrho optimo*, id est unguento odorifero facto de myrrha. *Et discriminavit*, id est, divisit et ornatè distinxit, *crines capitis sui*, per discriminalia seu pectines : de quibus in Isaia legitur. *Et imposuit mitram super caput suum*, id est sertum quoddam caput decorans. *Et induit se vestimentis jucunditatis*, id est vestibus quibus in magnis solenniis utebatur, vel viro suo vivente solebat aliquando uti, sive in nuptiis, et consimilibus jucundis negotiis. *Induitque sandalia pedibus suis*, id est calceamenta pulchra : in quibus solent celebrare Papa et præsules. *Assumpsitque*

dextraliola, id est dextræ ornamenta, et *lilia*, id est ornamenta ad caput pendentia, instar liliorum formata, et *inaures*, id est aurium ornamenta, et *annulos*, qui ponuntur in digitis, et *omnibus ornamentis suis ornavit se*. Cui etiam Dominus contulit splendorem, augendo gratiose ejus decorem. Quoniam omnis ista compositio non ex libidine, sed ex virtute pendebat, id est ex magnitudine caritatis populi sui, quem cupivit a periculo liberare, et ex plenitudine devotionis qua affectavit cultum Dei in suo conservare vigore. *Et ideo Dominus in illa hanc pulchritudinem ampliavit*, ut incomparabili decore omnium oculis appareret.

Imposuit itaque abrae suæ ascopam *, *et vas olei*, id est vasculum cum oleo, et *polentam*, id est subtilem farinam aut cibum inde confectum ; vel est genus leguminis ; et *lapates* *, id est cibos de oleribus, vel secundum quosdam de ficibus factos, et panem et caseum, ut his interim vescerentur, non gentilium escis ; et profecta est.

Is. iii, 20.

Quumque venissent ad portam civitatis Bethulæ, invenerunt expectantem Oziam et presbyteros civitatis. Qui quum viderent eam, stupentes, mirati sunt nimis pulchritudinem ejus Ozias et sacerdotes. Nihil tamen interrogantes, eam dimiserunt, dicentes : Deus patrum nostrorum det tibi gratiam, id est prosperum successum in executione tui propositi, et omne consi-

* *ascopam*

* *palathas*

lium tui cordis sua virtute corroboraret, et glorietur super te Jerusalem, et sit nomen tuum in numero Sanctorum. Et dixerunt hi qui illic erant, omnes una voce : Fiat, fiat. Judith vero orans Dominum, transiit per portas.

Factum est autem quum descenderet montem, qui erat extra et prope Bethuliam, circa ortum diei, occurrerunt ei exploratores Assyriorum, id est observatores qui per gyrum urbis observabant, ne quis de urbe effugeret, et tenuerunt eam, dicentes : Unde venis? aut quo vadis? Quæ respondit : Filia sum Hebræorum. Ideo ego fugi a facie eorum, quoniam futurum agnovi quod dentur vobis in deprædationem, id est, vestræ voluntati exponantur ad deprædandum, pro eo quod contemnentes vos, noluerunt ultro, id est sponte, tradere se ipsos in manus vestras, ut invenirent misericordiam in conspectu vestro. Hac de causa cogitavi mecum, dicens : Vadam ad faciem principis Holofernus, ut indicem illi secreta illorum, et ostendam illi, quo aditu, id est accessu, possit obtinere eos, ita ut non cadat unus de exercitu ejus. Et quum audissent viri illi verba ejus, considerabant faciem ejus, et erat in oculis eorum stupor, quoniam pulchritudinem ejus mirabantur nimis. Et dixerunt ad eam : Conservasti animam tuam, eo quod tale reperisti consilium, ut descenderes ad dominum nostrum. Hoc autem scias, quoniam quum steteris in conspectu ejus, bene tibi faciet, et eris gratissima in corde ipsius.

Circa hæc, dubia duo occurrunt. Primum, an licite ita ornavit se. Et videtur quod non, quum sancti patres testentur, quod vir aut mulier ornate se vestiens seu adornans, et suo ornatu oculos hominum in se provocans, etiamsi nullum damnum inde sequatur, tamen æternum supplicium patietur, quia venenum præbuit, si fuisset qui biberet. Qui enim sic agit, alios, quantum in se est, scandalizat. Et vae homini per quem scandalum venit. Aliud est, an mentita sit, et mentiendo peccaverit, pro-

A ferendo verba jam tacta. Et videtur evidenter esse mentita et peccasse, falsum scienter et ex proposito proferendo.

Ad primum horum videtur dicendum, secundum præfacta in præcedenti articulo, quod ornatus ille excusetur a culpa, quia sic decoravit se, ut posset congruenter appeti ab Holoferne in conjugem, et hoc ultra retulit ad populi sui liberationem : quamvis talia non sint passim ad imitationem trahenda, sicut nec alia multa quæ in Scripturis leguntur, et ex inspiratione divina processisse creduntur, nec aliter excusarentur. Ad aliud quidam respondent, quod Judith mystice sit locuta. Alii dicunt, secundum quod littera sonat, quod mentita sit mendacio officioso, venialiterque peccavit. Quibus objici posset, quia mendacium officiosum est, quod est alicui utile et nulli nocivum. Hæc autem verba Judith referebantur ab ea ad Holofernus deceptionem, imo et interfectionem. Verum ad hoc posset responderi, quod Holoferne promeruit sic decipi et occidi, atque utilius ei fuit tolli de medio, quam vivendo diutius tot crimina perpetrare. Videtur quoque dici posse, quod ironice sit locuta, secundum quod tertio Regum Michæas ait ad Achab : Ascende et vade prospere, et tradet Dominus in manu regis. Et tales locutiones sunt etiam in Scripturis frequentes. Tamen, ut probabiliter dicitur, non oportet ipsam Judith a veniali mendacio excusari.

Duxeruntque illam ad tabernaculum Holofernus. Quumque intrasset ante faciem ejus, statim captus est in oculis suis, id est, mox ut eam vidit, vulneratus est concupiscentia, quæ fuit ei deceptionis et mortis occasio. Dixeruntque ad eum satellites ejus : Quis contemnat populum Hebræorum, qui tam decoras habet mulieres, ut non pro his merito pugnare debeamus contra eos? quasi dicant : Non sunt Hebræi isti tam aspernandi, quin dignum sit nos contra eos pugnare, eo quod uxores eorum ac filias sint tam pulchræ. Istud fuit et unum malum, præter intentionem ve-

Judith ix.

III Reg. xxii, 12, 15.

nerabilis Judith, ex ejus ornatu secutum, quod scilicet Assyrii ex ea sic decorata, amplius accendebantur ad invadendum Judæos, et ad violandum eorum filias et uxores. *Videns itaque Judith Holofernem sedentem in conopeo*, id est in throno seu solio suo, ad cujus sedis magnificentiam et ornatum fuit appensum subtilissimum rete, sericumve resticulum, defendens adversus muscarum et culicum morsum, quod

A erat ex auro et bysso, et purpura, et smaragdo, et lapidibus pretiosis intextum, id est insertum. Et quum in faciem ejus intendisset, adoravit eum adoratione dulciæ: vel ex simulatione, vel ex potestatis ipsius consideratione, quia non est potestas nisi a Deo: imo ad procurandum sibi benevolentiam ejus in interitum ipsius; *proster-nens se super terram. Et elevaverunt eam servi Holofernīs, jubente domino suo.*

Rom. xiii, 1.

ARTICULUS XI

EXPLANATIO CAPITULI UNDECIMI: TUNC HOLOFERNES DIXIT EI: ÆQUO ANIMO ESTO.

RESPONSIO Judith ad Holofernem, hic scribitur. *Tunc Holofernes dixit ei: Æquo animo esto, et noli pavere in corde tuo.* Jam per concupiscentiam victus, cœpit molliter loqui, cupiens feminæ complacere. *Quoniam ego nunquam nocui*, id est læsi, *viro qui voluit absque omni renisu servire Nabuchodonosor regi.* *Populus autem tuus, si non contempsisset me, non allevassem lanceam meam super eum.* *Nunc autem dic mihi, qua ex causa recessisti ab illis, et placuit tibi ut venires ad nos.*

Et dixit Judith: Sume ancillæ tuæ verba, quoniam si secutus fueris verba ancillæ tuæ, faciet rem perfectam Dominus tecum, id est, perfectum opus justitiæ faciet in te, interficiendo te per me. Hæc fuit intentio Judith. Quæ tamen per verba hæc dedit Holoferni intelligere, quod Deus daret ei perfectam victoriam de Hebræis. Intendebat namque eum decipere, secundum quod in bello justo licet uti insidiis, ut Josue ostendit, ac in Judicum libro patet simile. Nam et verbis obscuris licitum est veritatem celare, non autem mentiri. *Vivit enim Nabuchodonosor rex terræ, non totius terræ, sed magnæ partis ipsius, intelligendo per terram, habitatores ejus; et vivit virtus ejus quæ est in te*, id est, po-

Josue viii;
Judic. ix.
v.

B testas ejus tibi commissæ viget, et operatur per te ad correptionem omnium animarum errantium, id est ad castigandum et emendandum quosdam de omni genere peccantium, circa quos Holofernes et rex ejus erant flagellum divinæ justitiæ. Dicuntque aliqui, ipsam Judith dixisse hæc verba jurando, sicut consuetudinis est Scripturæ, per hanc formam verborum, Vivit Dominus, jurare. Et sic Joseph legitur per salutem Pharaonis jurasse. Sed contra hoc objicit quidam, quod Judith non excusatur a falso juramento, quod est mortale peccatum. Quæ objectio non apparet idonea: quod enim mox subditur, ad cujus assertionem verba illa inducuntur, est verum, videlicet, *quoniam non solum homines serviunt ei per te, sed et bestię agri obtemperant illi.* Quod de hominibus certum est. De bestiis vero, verificatur eo modo, quo per Jeremiam et Ezechielem [Deus] prædixit: Insuper et bestias agri dedi ei, seu bestię agri obedient illi, videlicet Nabuchodonosor regi Chaldæorum.

Gen. xlii, 15.

Jer. xxvii, 6.

D Dicuntur autem bestię obtemperare homini metaphorice.

Nuntiatur enim industria, id est solertia, *animi tui universis gentibus*, id est quibusdam de omnibus, et indicatum est

omni saeculo, id est cunctis habitantibus A nunc in mundo, id est quibusdam de cunctis : ut sit distributio accommoda atque locutio hyperbolica : *quoniam tu solus bonus et potens es in omni regno ejus*, id est præcipue bonus in tuo officio, et potens in civili regimine, ac summus post regem. Constitutis enim in officio publico solet attribui bonitas dignitatis, quamvis vitiosi existant, sicut et Paulus apostolus in Actis ait judici incredulo : Non insanio, optime Feste. *Et disciplina tua*, id est informatio seu increpatio pungitiva circa rebelles, B omnibus provinciis prædicatur.

Nec hoc latet quod locutus est Achior :

Judith v. 5-25. *cujus verba supra habentur ; nec illud latet, quod jusseris ei evenire : quod iti-*

Ibid. vi. 2 v. *dem continetur supra. Constat enim, Deum*

nostrum sic peccatis offensum a populo nostro, ut mandaverit, id est insinuaverit, per Prophetas suos ad populum Hebræorum, quod tradat eum adversariis, pro peccatis suis. Hoc simpliciter est verum, si referatur ad tempora præcedentia, seu subsequenda tempus Judith, non autem videtur verificari pro tempore illo. *Et quoniam sciunt se offendisse Deum suum filii Israel, tremor tuus super ipsos est*, id est, in eis est tremor ex consideratione excellentiæ et iracundiæ tuæ adversus eos. *Insuper etiam fames invasit eos ; et ab ariditate aquæ, id est præ siccitate sitis quam patiuntur ex carentia aquæ seu potus : juxta quem modum loquendi fertur in Psalmo,*

Ps. cvm, 24. *Caro mea immutata est propter oleum, id est ex defectu olei ; jam inter mortuos computantur, id est, quasi mortui sunt : sicut de homine agonizante dicimus, quod sit mortuus homo. Unde et primo libro Regum David fatetur : Ego et mors uno tantum gradu dividimur. Ista ad litteram ita erant.*

Denique hoc ordinant, ut interficiant pecora sua, et sanguinem eorum bibant :

Lev. xxi, 20, 27. *quod in Levitico prohibetur. Istud interdum ab obsessis seu in necessitate constitutis legitur factum. Non autem legitur, quod filii Israel ad litteram hoc egerint : quod*

tamen spiritualiter bene egerunt, bestiales motus exstirpando, et contritione de illis concepta, quasi poculo se replendo. Aliqui autem dicunt eam in his et sequentibus verbis mentitam. Glossa vero ait, quod locuta sit, non adulatorie neque mendaciter, sed mystice atque prophetice. *Et sancta Domini Dei sui, quæ Deus præcepit non contingi*, id est vasa sacra templi, quæ tangere non licebat, nisi templi ministris, ut quidam exponunt ; vel primitias et decimas sacerdotibus ac Levitis deputatas ; *in frumento, vino et oleo hæc cogitaverunt impendere*, id est in proprium usum redigere, vel alienigenis dare seu commutare pro frumento, vino et oleo ; *et volunt consumere, quæ nec manibus deberent contingere*, scilicet sacra vasa : quod ad litteram verum non fuit. Porro, in necessitate poterant decimæ et primitiæ commedi [tam] ab aliis, quam a templi ministris, quemadmodum David et existentes cum eo comederunt panes propositionis, ut primo Regum volumine narratur. *Ergo quoniam hæc faciunt, certum est quod in perditionem tradantur* *. Quod secundum 6. superficiem litteræ ita non fuit ; tamen spiritualiter, etiam in hac vita perditionibus, id est damnis et tribulationibus ac mortibus, exponuntur.

Quod ego ancilla tua cognoscens, fugi ab illis, id est, per modum fugientis veni ad te, seu mente recessi a peccatis eorum. Et misit me Dominus hæc ipsa nuntiare tibi : quia a Deo inspirata est Judith, ut veniret ad Holofernem. Ego enim ancilla tua Deum colo, etiam nunc apud te ; et exiet ancilla tua, et orabo Deum, et dicet mihi, quando eis reddet peccatum eorum *, id est, quando infliget eis debitam pœnam pro eorum peccatis, videlicet in particulari ac universali futuro judicio, quantum ad impœnitentes ; *et veniens nuntiabo tibi, si Deus hoc jusserit mihi. Vel, Nuntiabo tibi mentis meæ conceptum. Ita ut ego adducam te per mediam Jerusalem. Et habebis omnem populum Israel, sicut oves quibus non est pastor ; et non latrabit vel*

Num. iv, 19.

1 Reg. xxi,

6.
dabuntur

* suum

unus canis contra te, quoniam mihi hæc dicta sunt per providentiam Dei. Ironice dicit hoc, vel figurative, vel quia per apprehensionem imaginariam poterat Holofernem sic ducere. Sive ut quidam dicunt, officiosa mendacia protulit.

Placuerunt autem omnia verba hæc coram Holoferne : qui accepit ea secundum quod sonuerunt, et pro ipso esse favorabilia videbantur. *Et mirabantur sapientiam ejus, et dicebant alter ad alterum,* hoc est, servi Holofernens mutuo loquebantur : *Non est talis,* id est tam perfecta, *mulier super terram in conspectu,* id est apparatu venustateque morum, *in pulchritudine et*

A in sensu, id est sententiositate, *verborum :* quasi dicant, Digna esset conjugio principis nostri. *Et dixit ad illam Holofernes : Bene fecit [Deus], qui misit te ante populum, ut des illum tu in manibus nostris. Et quoniam bona est promissio tua, si fecerit mihi hoc Deus tuus, quod promittis, erit et Deus meus.* Hoc videtur dixisse ex quadam emollitione circa mulierem, cujus amore exstitit victus, ad complacendum eidem. Alias magnum non reputabat filios Israel superare. *Et tu in domo,* id est familiaria seu palatio, *Nabuchodonosor regis magna eris,* videlicet conjux aut concubina mea.

ARTICULUS XII

EXPOSITIO CAPITULI DUODECIMI : TUNC JUSSIT EAM INTROIRE UBI REPOSITI ERANT THESAURI EJUS.

NUNC recitatur, qualiter usque secretum cubiculi Holofernens perducta sit Judith. *Tunc jussit eam introire ubi repositi erant thesauri ejus, et jussit illic manere eam, et constituit quid daretur illi de convivio suo.* Ex quo patet, quod valde honoravit eam, et de ejus fidelitate non dubitavit. *Cui dixit Judith : Nunc non potero manducare ex his quæ mihi præcipis tribui, scilicet de cibariis tuis, in quibus sunt aliqua lege prohibita, ne veniat super me offensio,* hoc est, ne Deum meum offendam, et offensus non revelet mihi, quando daturus sit populum. *Ex his autem quæ mihi detuli, manducabo.* Cui Holofernes ait : *Si defecerint tibi ista, quid tibi faciemus ? Et dixit Judith : Vivit anima tua, domine meus, quoniam non expendet omnia hæc victualia, quæ mecum portavi, ancilla tua, donec faciat Deus in manu mea,* id est per obsequium manus meæ seu virtutis operativæ, *ea quæ cogitavi.* Quod fuit impletum, quia ante-

quam omnia illa comedit, Holofernem occidit.

Et induxerunt illam servi ejus in tabernaculum, quo præceperat ; et petiit, dum introiret, hoc est, quando incepit ab Holoferne recedere ad locum thesaurorum ejus, rogavit Holofernem, ut daretur ei copia, id est libertas et facultas, *nocte et ante lucem egrediendi foras ad orationem, et deprecandi Dominum,* ut instante aurora, oraret devotius sola cum sua ancilla. *Et præcepit Holofernes cubiculariis suis, ut sicut placeret,* id est, ipsa Judith ad placitum suum, *exiret et introiret locum sibi deputatum, et adoraret ubi et quando vellet, Deum suum per triduum :* post quod intendebat dormire cum illa. *Et exibat noctibus in vallem Bethulæ, quæ fuit extra urbem illam non longe, et baptizabat,* id est lavabat se, scilicet manus, faciem, seu plura membra, *in fonte,* qui erat ibi, ut mundior oraret secundum consuetudinem Judæorum, et pulchrior re-

maneret ob causam præhabitam. *Et ut as-* *cendebat* de fonte, orabat Dominum Deum Israel, ut dirigeret viam suam, ad liberationem populi sui; et introiens, mutata, id est non inquinata cibus gentilium, aut aliqua legis irregularitate, manebat in tabernaculo thesaurorum Holofernus, usque dum acciperet escam suam in vesperum. Unde apparet, quod jejunabat illis diebus usque de sero.

Et factum est in quarto die ab exitu Judith de Bethulia, Holofernes fecit cœnam servis suis solennem, volens post cœnam cum Judith uniri. Et aliqui putant, quod voluit eam accipere conjugem. *Et dixit ad Vagao eunuchum: Vade et suade,* id est, informa seu induc Hebræam illam, ut sponte consentiat habitare mecum. Ex quibus verbis videtur insinuari, quod voluerit eam secum de cetero detinere quasi uxorem. *Fœdum est enim apud Assyrios, ut femina irrideat virum, agendo ut immunis,* id est incognita et non humiliata a viro, transeat ab eo. Tunc introivit Vagao ad Judith, et dixit: Non vereatur bona puella: forte putavit eam adhuc virginem esse; introire ad dominum meum, ut honorificetur ante faciem ejus, et manducet cum eo, et bibat vinum in jucunditate. Cui Judith respondit: *Quæ ego sum, ut contradicam domino meo? Omne quod erit ante oculos ejus bonum et optimum,* id est quædam de omnibus illis, faciam quantum ad aliqua, scilicet veniendo ad mensam ejus, et manducando cum ipso, atque intrando cubiculum ejus. *Quidquid autem placuerit illi, de præ-*

A *erit optimum omnibus diebus vitæ meæ, id est, erit mihi occasio et medium exsequendi in eo quod cupio, scilicet interficiendi eum secrete in suo cubiculo.*

Et surrexit, et ornavit se vestimento suo, et ingressa stetit ante faciem ejus. Cor autem Holofernus concussum est, id est, repente impletum motu concupiscentiæ prædominantis et ardore libidinis, statim ut Judith venit ad ejus præsentiam. *Erat enim ardens in concupiscentia ejus. Et dixit ad eam: Bibe nunc, et accumbe,* hoc est comede, in jucunditate, quoniam gratiam invenisti coram me. *Et dixit Judith: Bibam, domine, quoniam magnificata est anima mea hodie præ omnibus diebus meis:* id est, nunquam fui tantum honorata honore mundano, seu a principe tam potente, ut modo. Et hoc ad litteram potuit esse verum. Et præsertim, in quantum honoratio illa fuit ei dispositio valde propinqua ad exsequendum suum intentum in Holoferne, fuit præcipua sublimatio sua. Ipsa tamen tam reverenter, et quasi favorabiliter loquebatur, quatenus Holofernes nequaquam se observaret ab ea. *Et accepit ipsa Judith, et manducavit et bibit coram ipso Holoferne, ea quæ paraverat ei ancilla ejus. Et jucundus factus est Holofernes ad eam,* id est ex ejus præsentia, præsupponens se mox fruiturum objecto tam concupito. *Bibitque vinum multum nimis, quantum una die nunquam biberat in vita sua.* Quod fecit ex immoderata lætitia; et quia impetus passionis suæ concupiscentiæ, et ardor libidinis mentem ejus obcæcaverunt, ita quod sine discretione ingurgitavit se.

ARTICULUS XIII

DECLARATIO CAPITULI TERTHDECIMI : UT AUTEM SERO FACTUM EST.

DESCRIBITUR hic decapitatio Holofernis. *Ut autem sero factum est, finita jam cœna, festinaverunt servi ejus ad hospitium sua, hoc est tentoria in quibus repausabant. Et conclusit Vagao ostia cubiculi, Holoferne et Judith exsistentibus in cubiculo, et abiit. Erant autem omnes, videlicet Holofernes et servi ejus, fatigati a vino, id est valde inebriati seu ingurgitati. Eratque Judith sola in cubiculo cum Holoferne. Porro Holofernes jacebat in lecto nimia ebrietate sopitus, hoc est, graviter dormiens. Dixitque Judith puellæ suæ, ut staret foris ante cubiculum, et observaret an aliquis adveniret, quatenus sibi hoc insinueret. Hoc dixit abrahæ suæ antequam introivit in cubiculum Holofernis. Vel, egresso Vagao eunuchus, aperuit ostium cubiculi, et paulisper egrediens, dixit istud ancillæ suæ.*

Stetitque Judith ante lectum Holofernis, orans cum lacrimis, et labiorum motu in silentio, dicens : Confirma me, Deus Israel, et respice in hac hora ad opera manuum mearum, ut sicut promisisti, Jerusalem civitatem tuam erigas, etc., hoc est, ab Assyriorum istorum invasione eripias, et eam exaltes, seu reædificari perfectius facias. Quemadmodum enim Isaias, Jeremias, Ezechiel prænuñtiaverunt urbis illius destructionem ante Babylonicam captivitatem, sic prædixerunt ejus reparationem post reditum ab eadem captivitate futuram. Et quum hæc dixisset, accessit ad columnam, quæ erat ad caput lectuli. Et pugionem ejus exsolvit, id est, ensem parvum bis acutum Holofernis dissolvit. Quumque evaginasset illum, apprehendit comam capitis ejus, et ait : Confirma me, Deus, in hac hora. Et percussit bis in cervicem, hoc est collum ejus ; et abscidit

A caput ejus. Unde constat quod fortiter viriliterque percussit. Et abstulit conopeum ejus, videlicet ipsius Holofernis : de quo conopeo dictum est supra ; quod secum portavit, ut infra elucescit. Et evolvit corpus ejus truncum, hoc est, corpus Holofernis capite truncatum traxit a lecto in terram, ut patet sequenti capitulo, quatenus cubicularius, ingressurus ante alios cubiculum, majori concuteretur horrore, viso cadavere.

Et post pusillum exivit, et tradidit caput Holofernis ancillæ suæ, et jussit ut mitteret illud in peram suam. Et exierunt duæ secundum consuetudinem suam, quasi ad orationem, hoc est, quasi ad orandum in valle Bethuliæ, sicut jam ante fecerunt noctibus tribus ; et transierunt castra, id est, tentoria ac militiam Assyriorum pertransierunt : ita quod exploratores seu vigiles Assyriorum eas non accesserunt, nec interrogaverunt, quoniam data fuit libertas exeundi ad orationem ipsi Judith ab Holoferne, saltem per tres noctes ; et forsitan non viderunt eam. Et gyrrantes, id est circumeuntes, vallem Bethuliæ, venerunt ad portam civitatis remotiorem a circumjacente Assyriorum exercitu. Et dixit Judith a longe custodibus murorum : quibus præ gaudio acclamavit, certa quod ab Assyriis audiri non posset : Aperite portas, quoniam nobiscum est Deus, per specialem effectum misericordiæ atque potentiæ suæ. Ideo subditur : Qui fecit virtutem in Israel, id est, per me feminam Israelitam, fecit magnum et potentem effectum.

Et factum est quum audissent viri vocem ejus, vocaverunt presbyteros civitatis ac ceteros principales ; et concurrerunt ad

Judith x
19.Ibid. xiv,
14.Is. xlix ;
Jer. xvi, xix,
xxi ; Ezech.
iv, xii, xv.Is. lvii, lxxv ;
Jer. xlvii, l ;
Ezech. xxxviii,
xxxvi.

eam omnes, a minimo usque ad maximum, quoniam speraverunt, id est, timuerunt paulo ante, eam jam non esse venturam. Sicque Sperare, quod proprie sumptum, est præstolatio de bono futuro, sumitur hic multum improprie pro Timere. Itaque timuerunt eam non esse reversuram, sed ab Assyriis detentam et violatam, aut ob suam renitentiam interfectam. *Et accendentes luminaria, congyraverunt, id est, in circuitu steterunt, circa eam universi, cupientes nova audire in tam arduo casu.*

Ille autem ascendens in eminentiorem locum, ut videretur et audiretur a cunctis, jussit fieri silentium. Quumque omnes tacuissent, dixit Judith: Laudate Dominum Deum nostrum, qui non deseruit sperantes in se, videlicet nos, qui in tanto periculo cum fiducia invocavimus eum, et in me ancillam suam adimplevit misericordiam suam, id est, multiplicem effectum suæ pietatis copiose exhibuit mihi, et interfecit in manu mea, id est per obsequium manuum mearum, quarum una tenuit comam Holofernus, alia intulit ictum, hostem populi sui in hac nocte. Et proferens de pera caput Holofernus, ostendit illis, dicens: Ecce caput Holofernus principis militiæ Assyriorum. Ecce conopeum illius, quod fuit expansum ante lectum ipsius ad repellendum muscas et culices, in quo recumbebat, id est, infra quod jacebat, in ebrietate sua. Deinde jurat se intactam rediisse, sicut patet in textu qui planus est.

Universi autem adorantes Dominum cum laude et gratiarum actione, quemadmodum jam Judith admonuit, dixerunt: Benedixit te Dominus in virtute sua, id est, in omnipotentia sua multiplicavit in te dona et beneficia sua, per quæ fecit te benedictam, atque ab omnibus benedicendam, quia per te ad nihilum redegit inimicos nostros, id est, corpit redigere, et mox plenius rediget. Jam enim præsupponebant se prævalituros exercitui, cujus princeps fuit occisus.

T. 5.

A Porro Ozias princeps populi Israel, dixit ad eam: *Benedicta es tu, filia, a Domino Deo excelso, præ omnibus mulieribus divisim acceptis, super terram existentibus tempore isto.* Verumtamen an tempore illo non fuerit aliqua mulier in hoc mundo sanctior quam hæc Judith, videtur incertum; nec Ozias scire hoc potuit sine revelatione divina. Sed constat, quod quantum ad specialia quædam beneficia, et quoad aliqua bellica gesta, fuerat pro tunc præ ceteris mulieribus benedicta. Quo modo de

B quolibet sancto dicitur confessore: Non est *Benedictus Dominus,* ^{Eccli. XLV, 20.} *qui creavit cælum et terram, qui te direxit in vulnera capitis principis inimicorum nostrorum.* id est ad vulnerandum et amputandum caput principis inimicorum nostrorum; *quia hodie,* id est in hac nocte, *nomen tuum,* id est te ipsam, *ita magnificavit,* per præclarissimos actus, quos fecit per te, et ad quos agendos te inspiravit, direxit, corroboravit, *ut non recedat laus tua de ore hominum, qui memores fuerint virtutis Domini in æternum, pro quibus non pepercisti animæ tuæ propter angustias tribulationum generis tui, sed subvenisti ruinæ ante conspectum Dei nostri. Et dixit omnis populus, Fiat, fiat: sicut videmus impletum.*

Porro Achior vocatus venit. Gentilis namque et incircumcisis existens, non se ingessit in populum Dei, nisi vocatus. *Et dixit ei Judith: Deus Israel, cui tu testimonium dedisti quod ulciscatur se de inimicis suis, ipse caput omnium incredulorum incidit hac nocte in manu mea. Videns autem Achior caput Holofernus, angustatus, id est horrore concussus ex tam inopinato et arduo facto, præ pavore, id est admiratione et quadam formidine, cecidit in faciem suam super terram.* Tales etenim vehementes passionis partis sensitivæ fiunt cum grandi et immoderata alteratione corporalis naturæ, sicque debilitatem inducunt et casum. *Et æstuavit anima ejus, id est, ad anxietatem, sudorem, ecstasim quamdam devenit anima*

ejus, quia et omnipotentiam ac providentiam Dei in isto intuebatur negotio. *Postea vero quam reasumpta spirita recreatus est*, id est rationis judicio et viribus paulatim recuperatis, *procidit ad pedes ejus*, videlicet Judith, *et adoravit eam* adoratione dulci, propter eminentiam virtuositatis ac sapientiæ suæ. *Et dixit: Benedicta tu a Deo tuo*, id est a Deo vero, et ad ejus honorem et laudem, *in omni tabernaculo Jacob*, id est tota posteritate Jacob patriar-

A chæ, *quoniam in omni gente quæ audierit nomen tuum*, id est, gesta tua perceperit, *magnificabitur Deus Israel super te*, id est, Deus omnipotens magnifice laudabitur ex consideratione beneficiorum quæ contulit tibi, et mirabilium quæ fecit per te. Ecce quam infinita est perfectio providentiæ ac sapientiæ Dei: qui cuncta tam præclare disponit, et superbos humiliat, imo eos qui animosius se extollunt, confusibilis dejicit.

Ps. xvii, 28:
Is. x, 33;
Ezech. xviii;
Dan. iv: Luc.
xiv, 11.

ARTICULUS XIV

EXPOSITIO CAPITULI QUARTIDECIMI: DIXIT AUTEM JUDITH AD OMNEM POPULUM.

CONGRESSUS Hebræorum contra Assyrios hic recitatur. *Dixit autem Judith ad omnem populum: Audite me, fratres; suspendite caput hoc super muros vestros**, in signum divini subsidii, et ut capitis hujus intuitionem concipiatis majorem contra hostes audaciam: quemadmodum secundo Machabæorum fertur de Juda Machabæo: Suspendit autem caput Nicanoris in summa arce, ut esset manifestum signum adjutorii Dei. *Eterit, quum exierit sol de hemisphærio inferiori ad hemisphærium superius*, scilicet valde mane, unusquisque aptus ad prælium, scilicet vir qui sit viginti annorum, prout describitur in libro Numerorum, *accipiat arma sua, et exite cum impetu*, id est audacter et cito, quasi nihil timentes, *non ut descendatis deorsum*, eundo tarde et timide, *sed quasi impetum facientes*. Tunc exploratores necesse erit ut fugiant, ad principem suum excitandum ad pugnam. Quumque duces eorum cucurrerint ad tabernaculum Holofernitis: quoniam sine scitu, nutu et dispositione principis militiæ, non audebant prælium inchoare aut gerere; *et invenerint eum truncum*, id est capite truncatum, *decidet super eos timor*. Quumque cognoveritis fugere eos, *ite post eos securi*

B de victoria, *quoniam Dominus conteret eos sub pedibus vestris*.

Tunc Achior, videns virtutem quam fecit Deus Israel, id est magnificum illum effectum Dei, relicto gentilitatis ritu, id est cultu idolorum, credidit Deo, id est, legem Moysis accepit, credens contentis in ea. *Et circumcidit carnem præputii sui*, id est, circumcidi fecit secundum legis tenorem; *et appositus est ad populum Israel, et omnis successio generis ejus*. Præterea quæri potest, qualiter licuit Hebræis ipsum Achior ad suam communionem ita suscipere, quum in Deuteronomio jussisset Dominus: Ammonites et Moabites etiam post decimam generationem non intrabunt in Ecclesiam Dei in æternum. Respondetur, quod illud præceptum dispensationem admisit ex inspiratione divina in certis personis, propter earum præcipuam devotionem et benevolentiam circa Deum legis et populum ejus, sicut in Ruth Moabitide, et isto Achior Ammonite: prout Thomas in prima secundæ magis declarat.

D *Mox autem ut orta est dies*. Hic refertur, qualiter exsecuti sint filii Israel jussionem Judith: nec est difficultas in littera, idcirco nec immorandum. Quod videntes exploratores, *ad tabernaculum Holofernitis*

* nostros

II Mach. xv.
35.

Num. i, 3.

Deut. xxiii,
3.

Ruth iv.

cucurrerunt : vel ad tentoria Assyriorum, intelligendo plurale per singulare. Porro hi qui in tabernaculo erant Holofernis, ante ingressum cubiculi perstreptentes, et sonitum facientes cum motu pedum, ac aliis signis, inquietudinem arte moliebantur, ut non ab excitantibus, sed a sonantibus Holofernes evigilaret, id est, cum industria exercebant resonantiam quamdam. Nullus enim audebat tabernaculum virtutis Assyriorum, id est ædem, cameram seu cubiculum regis aut principis Assyriorum, pulsando aut intrando per januam, aperire. Sed quum venissent duces, qui singulis præerant aciebus, et tribuni, qui dicuntur præfuisse mille viris, dixerunt cubiculariis, qui confidentius intrant cubilia dominorum suorum : Intrate, et excitate illum, quoniam egressi mures de cavernis, id est latibulis suis, ausi sunt nos provocare ad prælium. Tam aspernanter locuti sunt Assyrii de Israelitis ex magnitudine elationis, ideo meruerunt ab his, quos pro nihilo reputabant, dejici.

Tunc Vagao ingressus cubiculum ejus, C

nibus suis : suspicabatur enim illum cum Judith dormire. Sed quum nullum motum jacentis sensu aurium caperet, accessit proximans ad cortinam. Et elevans eam, vidensque cadaver absque capite Holofernis in suo sanguine tabefactum, id est infectum atque fœdatum, jacere super terram, exclamavit voce magna cum fletu, et scidit vestimenta sua ; et ingressus tabernaculum Judith, non invenit eam. Et exsilivit foras ad populum, et dixit : Una mulier Hebræa fecit confusionem, id est confu-

B *bile homicidium*, occidendo principem nostrum, in domo regis Nabuchodonosor, id est in populo ejus. Ecce enim Holofernes jacet in terra, et caput ejus non est in illo. Quod quum audissent principes virtutis, id est exercitus seu acierum, Assyriorum, sciderunt vestimenta sua præ dolore. Et intolerabilis timor et tremor cecidit super eos, et turbati [sunt] animi eorum valde. Et factus est clamor incomparabilis in medio castrorum eorum. Audientes enim principem suum esse occisum a muliere Hebræa, non confidebant se posse resistere viris Hebræis contra se venientibus et armatis.

ARTICULUS XV

DECLARATIO CAPITULI QUINTIDECIMI : QUUMQUE OMNIS EXERCITUS DECOLLATUM HOLOFERNEM AUDISSET.

FUGA et debellatio Assyriorum hic describuntur. Quumque omnis exercitus D Assyriorum decollatum Holofernem audisset, fugit mens, id est usus rationis quoad multa, et consilium ab eis : ita quod non conferebant, nec inquirebant de modo resistendi Hebræis, qui respectu Assyriorum paucissimi erant, ac ulciscendi tam confusibilem mortem principis sui. Et solo tremore et metu agitati, fugæ præsidium sumunt, id est, fugam pro remedio ac subsidio assumpserunt, ita ut nullus loqueretur cum proximo suo, sed inclinato

capite, relictis omnibus, evadere festinabant Hebræos, quos armatos super se venire audierant*.

Sic enim timor prædominans et perturbatio obtenebraverant corda eorum ; nec egerunt quemadmodum primo Machabæorum exercitus Jonathan domi-

• audiebant

num suum perisse, hortati sunt se mutuo ad resistendum hostibus suis super se venientibus, et ipsos hostes verterunt in fugam. Fugientes Assyrii per vias camporum et semitas collium : fugientes enim de bello, divisim per diversas fugiunt vias. Ita-

[Mach. xii, 50.]

que filii Israel [fugientes secuti sunt...] *ululantes*, id est alte clamantes, *post ipsos Assyrios fugientes*. *Et quoniam Assyrii non adunati, in fugam ibant precipites*, id est huc illucque ruentes seu vacillantes; *filii autem Israel uno agmine*, id est pariter adunati *persequentes Assyrios, debilitabant*, vulnerando aut occidendo, *omnes quos invenire potuissent*.

Misitque nuntios Ozias per omnes civitates et regiones, id est per terras duodecim tribuum Israel. *Omnis itaque regio illa, omnisque urbs electam juventutem*, id est elegantes robustosque juvenes bellatores, *armatam misit post eos*, id est ad insequendum Assyrios; *et persecuti sunt eos in ore gladii, quousque pervenirent ad extremitatem finium suorum*. *Reliqui autem qui erant in Bethulia, ingressi sunt castra Assyriorum, et prædā abstulerunt*. *Hi vero qui victores reversi sunt ab insecutione Assyriorum, omnia quæ erant illorum, quæ scilicet Assyrii fugientes reliquerunt in campis atque tentoriis, abstulerunt*.

Joachim autem summus pontifex : qui ^{Judith iv, 11.} supra vocatus est Eliachim, secundum probabiliorē opinionem; *venit in Bethuliam cum universis presbyteris suis, ut videret Judith*. Naturale namque est homini, libenter videre eos qui magna et mira atque insolita operantur. Nam et in ipsis auctoribus mirabilia gesta eorum quodammodo conspiciuntur, sicut effectus in sua causa. Similiter homines eminenter sapientes et sancti, libenter videntur, sicut et cetera quæ magnæ excellentiæ sunt.

Quæ quum exisset ad illum, benedix- runt, id est laudaverunt, *illam omnes, vi-*

delicet pontifex et sacerdotes, una, id est *consona voce, dicentes*, seu uno verba alterius approbante et confirmante : *Tu gloria Jerusalem*, id est objectum, causa et materia gloriæ et honoris civitatis Jerusalem et habitatorum ipsius, quoniam erudiisti eam et templum ac habitantes in ea a magnis periculis, et a violatione divini cultus. Sic quoque *tu es lætitia Israel*, id est Israeliticæ plebis, quam nunc magnifice lætificasti. *Tu honorificentia populi tui*, id est causa et materia honoris et sublimationis tuorum concivium, propinquorum et amicorum. *Quia fecisti civiliter*, non muliebriter, et gratiam sic agendi acceperisti a Domino, *et confortatum est cor tuum*, eo quod castitatem amaveris vidualem ex caritate, hoc est Dei intuitu et amore, sine quo nihil est meritorium apud Deum, *et post victricem tuam alteram nescieris*, quum tamen sis juvenis, pulchra, opulenta, nobilis, et multam familiam habens. *Et ideo manus Domini confortavit te*, ad faciendum opus tam magnum. *Et eris benedicta in æternum*, id est, in Ecclesia militante laudaberis usque in finem mundi, atque in triumphante Ecclesia eris perpetue gloriosa.

Per dies autem triginta vix collecta sunt spolia Assyriorum a populo Israel. Porro universa quæ Holofernus peculiariter fuisse probata sunt, id est, cuncta quæ Judith et populus certe aut probabiliter cognoverunt proprie pertinuisse ad Holofernem et usum ipsius, *dederunt Judith in auro et argento, et vestibus, et gemmis, et omni suppellectili, et tradita sunt illi omnia a populo*, tanquam victricis principis tanti, et procuratrici totius victoriæ.

ARTICULUS XVI

ELUCIDATIO CAPITULI SEPTUAGESIMI : TUNC CANTAVIT CANTICUM HOC DOMINO JUDITH.

FINALITER introducitur hic laus et gratiarum actio Judith, quam obtulit Deo in recognitionem beneficiorum suo-

rum ac tanti triumphi. Consuetudo autem fuit Judæis, de magnis beneficiis atque victoriis canticum Deo offerre. *Tunc cantavit*

canticum hoc Domino Judith, dicens : Incipite Domino in tympanis, id est, cum talibus musicis instrumentis incipite Deum laudare, quatenus ex melodia musicorum provocemini ad devotionem majorem ; et eadem ratione, cantate Domino in cymbalis. Porro tympanum est pellis seu corium super lignum extentum ex una parte : et significat carnis castigationem ac mortificationem, spiritualemque jucunditatem in tali virtuoso exercitio consistentem. Cymbalum vero est musicum instrumentum, ex permixtis metallis sonum reddens acutum : per quod unanimis plurima psalmodia, seu laus Deo oblata, exprimitur. Idcirco qui carnem suam cum vitiis et concupiscentiis crucifigit, atque cum aliis concorditer psallit, spiritualiter cantat Domino Deo in cymbalis, juxta illud ad Romanos : Unanimes uno ore honorificetis Deum. Modulamini, id est, cantate illi, psalnum novum, id est recens præconium pro novis beneficiis istis. Exsultate spirituali lætitia, et invocate nomen ejus, id est, ex intimo cordis affectu ipsum orate.

Dominus conterens bella, id est, bellatores et bella injusta contra populum suum insurgentia destruens, dando victoriam suis fidelibus, sicut in Exodo, Josue, Judicum, librisque Regum, Paralipomenon et Machabæorum, copiose describitur. Invisibilium quoque hostium tentamenta et prælia facit superari ac destrui, juxta illud ad Romanos : Deus conteret Satanam sub pedibus vestris velociter. Dominus nomen est illi. Qui posuit castra sua, id est tentoria seu exercitus suos, vel angelorum subsidia : de quibus Joel, Multa (inquit) sunt nimis castra Dei, fortia et facientia verbum ejus. Unde visis angelis sibi obviantibus, Jacob ait in Genesi : Castra Dei sunt hæc. In medio populi sui, ut eriperet nos de manu omnium inimicorum nostrorum visibilium et invisibilium : juxta illud in Psalmo, Angelis suis mandavit de te, ut custodiant te in omnibus viis tuis. De quibus et quarto Regum libro loquitur Eli-

A seus : Plures nobiscum sunt quam cum illis, id est cum pravis hominibus. IV Reg. VI, 16.

Venit Assur, id est exercitus Assyriorum cum principe suo, ex montibus ab aquilone, id est per loca montuosa a plaga septentrionali secundum unum respectum, ut tactum est supra, in multitudine fortitudinis suæ : cujus multitudo obturavit torrentes, eos terra replendo aut epotando per se et per sua jumenta. Dixit se incensurum fines meos, id est oppida, villas, castella terræ promissionis, et juvenes meos occisurum gladio, infantes meos dare in prædam, et virgines in captivitatem. Deus autem omnipotens : qui ait in Jeremia : Quis similis mei ? et quis sustinebit me ? et quis est iste pastor qui resistat vultui meo ? nocuit, id est læsit, eum (secundum antiquam grammaticam), et tradidit in manus femine principem Assyriorum. Et confudit eum, id est, confusibiliter fecit occidi.

Non enim cecidit potens eorum a juvenibus, id est Holofernes, princeps et potentior inter suos. Quemadmodum enim naturale robur corporis præcipue consistit in corde, sic fortitudo exercitus in principe militiæ. Hinc libro de Re militari ait Vegetius, quod sicut cor est in medio corporis, sic princeps militiæ esse debet in medio sui exercitus. Itaque potens ille non cecidit a juvenibus, id est, interfectus non est manu juvenum, qui in bellis frequenter se exponunt periculis, ut magnum aliquid agere videantur, et probitatem ostendant. Unde secundo libro Regum Abner dixit ad Joab : Surgant pueri et ludant coram nobis. Quorum unusquisque defixit gladium suum in latus contrarii. Et vocatus est locus ille, ager Fortium. Nec filii Titan percusserunt eum. Filii Titan dicuntur quidam Græcorum valde excellentes in viribus, qui interdum vocantur Titanes. Titan quoque nonnunquam pro sole accipitur : a quo dicuntur Titanes, quasi mundum sua proprietate illuminantes. Idcirco inepta videtur expositio intelligentium per filios Titan, filios gigantis sive gigantum.

Galat. v, 24.

Ps. CL, 5.

Rom. xv, 6.

Hud. XVI, 20.

Joel II, 11.

Gen. XXXII, 2.

Ps. XC, 11.

Jer. XLIX, 19.

II Reg. II, 14, 16.

De quibus et subditur : *Nec excelsi gigantes opposuerunt se illi.*

Sed Judith filia Merari : cujus genealogia supra descripta est ; *in specie faciei suæ dissolvit eum*, hoc est, per pulchritudinem traxit eum in laqueum mortis, juxta sensum introductum : ex qua expositione patet sensus verborum sequentium, *Exiit se vestimento viduitatis*, usque ibi, *Ampu-
tavit cervicem ejus pugione*, id est gladio brevi pungenti. *Horruerunt Persæ constantiam ejus*, hoc est, horror invasit corda Persarum, ex consideratione constantiæ Judith, quæ tantum principem ausa fuit invadere, et *Medi audaciam ejus*. Hi Persæ et Medi fuerunt in Assyriorum exercitu, qui cum stupore timuerunt tam horrendam sui principis mortem a femina attentatam.

Tunc ululaverunt castra Assyriorum, hoc est, acies eorum miserabiliter clamaverunt, sicut in quartidecimi fine capituli legitur : *Factus est clamor incomparabilis in medio castrorum eorum ; quando apparuerunt humiles mei*, hoc est filii Israel, præsertim habitatores Bethuliæ ad Deum humiliter clamitantes, *arescentes in siti*, hoc est aridi præ potus inopia. *Filii puellarum compunxerunt eos*, id est, filii Israel ex Hebræis puellis nati, simul vulneraverunt et punxerunt fugientes Assyrios. *Et perierunt Assyrii in prælio a facie Domini mei*, hoc est, ab adspectu et adjutorio Dei occisi sunt Assyrii, in illa impugnatione eis ab Hebræis illata.

Hymnum cantemus Domino ; hymnum novum cantemus Deo nostro. Adonai Domine, magnus es tu. Adonai, est nomen Hebraicum, quod interpretatur Dominus. Sicque duo hæc nomina, idem significant ; et unum est expositivum alterius, sicut quum dicitur, Abba pater. Atque, ut asserit Glossa, Adonai est unum de decem nominibus Dei apud Hebræos. Præterea aliqui libri habent : Adonai Domine Deus. Et sic Magister in historiis ponit, addens : Super hoc canticum invenis, quod dicit Hieronymus super Psalmum, Domine Dominus noster : quia quum in Hebræo legitur nomen

Domini geminatum, sicut hic, Adonai Domine Deus, primum est τετραγράμματος, apud Hebræos ἄρρετον, hoc est ineffabile ; secundum vero est nomen Domini commune. Itaque, Adonai Domine, magnus es tu, non corporis quantitate, sed incircumscriptibili majestate, et prorsus infinita perfectione. *Et præclarus in virtute tua*, hoc est excellentissimus potestate et sanctitate, ac in te ipso supersplendidissimus et superpulcherrimus, inaccessibilem lucem inhabitans.

Tibi serviat omnis creatura tua : quia dixisti, et facta sunt ; misisti spiritum tuum, et creata sunt, id est, imperium effudisti, seu Spiritus Sancti potestatem in opus procedere voluisti : juxta illud Psalmistæ, Verbo Domini cæli firmati sunt, et spiritu oris ejus omnis virtus eorum. *Et non est qui resistat voci tuæ*, hoc est tuo imperio, quo absolute vis aliquid fieri. Nullus quoque potest verbis divinarum jussionum de jure resistere : quibus tamen de facto multi resistunt. *Montes a fundamentis movebuntur cum aquis*, quando tu jusseris : juxta illud, Qui respicit terram, et facit eam tremere ; qui tangit montes, et fumigant. *Petræ sicut cera liquescent ante faciem tuam*, hoc est ex majestatis tuæ præsentia et præcepto. Quod tamen imminente futuro generali judicio, maxime fiet per ignem conflagrationis, secundum illud, Ignis ante ipsum præcedet ; itemque, Montes sicut cera fluxerunt a facie Domini. Hinc fertur in Job : Qui trans- tulit montes, et nescierunt hi quos subvertit ; qui commovet terram de loco suo, et columnæ ejus concutientur. Ecclesiasticus quoque ait : Ecce cælum et cæli cælorum, abyssus et universa terra, et omnia quæ in eis sunt, in conspectu Dei commovebuntur ; montes simul et colles, et fundamenta terræ, et quum conspexerit illa Deus, tremore concutientur. *Qui autem timent te filiali timore, perseveranter usque in finem, magni erunt apud te per omnia* : quia fulgebunt sicut sol in regno suo, et nihil deerit eis.

Marc. xiv.
36 : Rom.
viii, 15 : Gal.
lat. iv, 6.

Ps. viii, 2.

Dan. xii, 3 ;
Matth. xii,
43.

Vae genti insurgenti super genus meum, id est contra filios Israel, et nunc contra Christianos injuste se erigenti. *Dominus enim omnipotens vindicabit in eis peccata eorum contra fideles commissa* : juxta illud Deuteronomii, Quia sanguinem servorum suorum ulciscetur, et vindictam retribuet in hostes eorum. *In die judicii generalis ac particularis visitabit illos*, visitatione poenae et condemnationis. De qua loquitur per Sophoniam : Visitabo super omnem qui arroganter ingreditur ; et visitabo super viros defixos in facibus suis. De qua visitatione loquitur Isaias, Post dies multos visitabuntur : quia damnati post quaecumque seu quantumlibet longam durationem punientur. *Dabit enim ignem et vermes in carnes eorum* : juxta illud Isaiae, Vermis eorum non morietur, et ignis eorum non exstinguetur. Ideo subditur : *ut urantur et sentiant usque in sempiternum*. Et de igne illo nulla est dubitatio, quin vere sit corporalis et acerrime puniens, sed non consumens. Porro de verme communiter dicitur, quod sit spiritualis, videlicet remorsus synderesis. Verum, quia hic dicitur, Dabit ignem et vermes in carnes eorum ; aliqui, ut Haymo et eum sequentes, de corporalibus, edacibus, horrendissimis ac monstruosissimis vermibus istud exponunt. De quo nuper plenius scripsi super illud Ecclesiastici, Humilia valde spiritum tuum, quoniam vindicta carnis impii, ignis et vermis : idcirco hoc loco pertranseo.

Amplius, veneranda hæc Judith ac populus, non laudibus tantum, sed et sacrificiis Deum honoraverunt, sicut subjungitur. *Et factum est post hæc, omnis populus*, id est quidam de omnibus, præsertim majores ac bellatores, *post victoriam venit ad Jerusalem*, ubi erat locus sacrificiorum, *adorare Dominum* : quem in omni loco poterant adorare, sed adorare cum sacrificiis non licebat nisi in templo, nisi ex inspiratione et dispensatione divina. *Et mox ut purificati sunt omnes*, secundum legem. De purificatione autem

redeuntium a bello, legitur in Numerorum libro : qui purificabantur adspersione aquae lustrationis, de qua iterum Numerorum libro habetur. *Obtulerunt holocausta* : quæ ad divinæ majestatis honorem totaliter incendebantur, in signum quod rationalis creatura debet se totam Deo offerre, ac divino mancipare obsequio ; *et vota*, id est votivas seu spontaneas hostias, *et repositiones suas*, id est oblationes quas facere promiserunt. De quibus omnibus in Levitico legitur. Porro *Judith universa vasa*, id est arma, *bellica Holofernīs, quæ dedit illi populus, et conopeum*, de quibus jam dictum est, *obtulit Deo* totius victoriæ donatori, in recognitionem et jugem commemorationem beneficiorum ipsius. Propter quod subditur : *in anathema oblivionis*, id est ad condemnationem et exclusionem immemorationis beneficiorum tantorum. Fecit enim ea suspendi vel reservari in templo, ut filii Israel ea intuendo, memores semper essent beneficiorum istorum.

Erat autem populus jucundus secundum faciem sanctorum, id est spirituali lætitia secundum apparatus hominum virtuosorum, et sicut in faciebus sanctorum virorum solet ex interiori sinceritate et jucunditate interna, jucunditas quædam forinsecus ac claritas relucere. *Et per tres menses gaudium hujus victoriæ celebratum est cum Judith*. Post dies autem illos unusquisque rediit in sua.

Et Judith magna facta est in Bethulia, quia crevit quotidie in sapientia et virtute, et in honore habebatur præcipuo, *et præclarior erat universæ terræ Israel*, id est clarissima mulierum Israelitarum tempore illo. *Erat autem virtuti castitas adjuncta*, ita ut non cognosceret virum omnibus diebus vitæ suæ, ex quo defunctus est Manasses vir ejus. *Erat autem festis diebus procedens cum magna gloria* : non utique cum fastu et pompa, sed ex devotione, et pro Dei honore, qui eam sic exaltavit, et cujus gratia considerabatur in ea. Processit autem cum decenti ornatu atque familia, prout decuit excellentiam ; et glo-

Deut. XXXII,
43.

Soph. I, 9,
12.

Is. LXXXII, 22.

Is. LXV, 24.

Ecclesi. VII,
19.

Numer. XXXI,
19-24.

Ibid. XIX,
2-9.

riabatur in Domino. *Mansit autem in domo viri sui annis centum et quinque* : non quod tot annis habitaverit in domo mariti defuncti, sed tamdiu quod pervenit ad annos vitæ suæ centum et quinque. *Et dimisit abram suam liberam*, id est, liberavit, imo et locupletavit eam abunde : quam dilexit ut filiam, juxta illud Ecclesiastici, Servus fidelis sit tibi dilectus quasi anima tua, et quasi filium tracta eum. *Et defuncta est, ac sepulta cum viro suo in Bethulia, luxitque eam populus diebus septem*, sicut in Ecclesiastico scriptum est : Luctus mortui, dies septem ; luctus autem fatui et iniqui, omnes dies vitæ eorum.

In omni autem spatio vitæ ejus non fuit qui perturbaret Israel. Hoc non potest intelligi sicut sonat, quum ea vivente Assyrii gravissime perturbaverint Israel. Sed sensus est, quod in spatio vitæ ejus post præfatam victoriam, nullus generalem persecutionem Israelitico intulit populo. *Et post mortem ejus multis annis* : et hoc meritis sanctæ feminæ hujus. *Dies autem victoriæ hujus festivitatis, ab Hebræis in numero sanctorum et festivorum dierum accipitur, et colitur a Judæis ex illo tempore usque in præsentem diem* ; atque, ut in Scholastica historia fertur, Cambyse est vocata a Cambyse seu Nabuchodonosor rege, ad Dei honorem ac impii regis confusionem.

Præterea constat, hanc magnanimum, castam et fervidam Judith, fuisse figuram Virginis gloriosæ atque Ecclesiæ ; Holofernem autem et ejus exercitum, designasse diabolum et angelos tenebrarum, qui semper impugnant Ecclesiam. Beatissima autem Maria virgo prorsus devicit diabolum,

sicut de ea Deus prædixit illi iniquo : Inimicitias ponam inter te et mulierem, ipsa conteret caput tuum. Et quanto Christifera Virgo et sancta Ecclesia in omni virtute et gratia pulchriores exsistunt, tanto plus impius ille eas subvertere nisus est. Sed ipsæ prostraverunt eum proprio pugione ipsius, dum tentamenta illius penitus confutantes, per ea sibi ipsis meruerunt coronam, et illi procuraverunt confusionem ; cunctis quoque fidelibus formam resistenti dæmonibus ostenderunt, ita quod fideles exemplis et documentis Virginis benedictæ et almæ matris Ecclesiæ succensi ac roborati, fugaverunt et vicerunt dæmones tentatores, suamque victoriam Deo cum omni humilitate, laude, gratiarumque actione, et sacrificio evangelicæ legis attribuerunt et obtulerunt. Pretiosissimas demum opes, id est animas deceptas, quas abstulerunt Holoferni, id est diabolo, incorporaverunt Domino Jesu Christo in anathema oblivionis, quatenus nunquam obliviscamur beneficiorum Salvatoris. Sed et Virgini benedictæ optime convenit laus illa : Tu gloria Jerusalem, tu lætitia Israel, tu honorificentia populi tui.

Postremo, de præfato Nabuchodonosor seu Cambyse in Historiis recitatur : Cambyses post prædicta cum grandi exercitu intravit et vastavit Ægyptum, et abominatus religionem Ægypti, cærimonias ejus ac templa deposuit, ædificavitque urbem Babylonem in Ægypto : a qua dum regrederetur, ægrotavit ac ferebatur cervicibus regum, et mortuus est in Damasco ; red-dente illi quod meruit Judice summo, qui est super omnia Deus sublimis et benedictus. Amen.

Gen. iii, 15.

Eccli.
xxxiii, 31.Ibid. xxii,
13.Sensus
spiritualis.

ENARRATIO
IN LIBRUM ESTHER

PROŒMIUM

SICUT sol oriens in mundo in altissimis Dei, sic mulieris bonæ species in orna-
mentum domus suæ. Eccli. xxvi, 21.

Potest hoc verbum de sancta et speciosissima Esther convenienter exponi, ejus domus fuit Synagoga seu familia Judæorum. Itaque, sicut sol claritatis suæ splendore tenebras fugat, terram fecundat, ac totum venustat sensibilem mundum, et reddit eum visibilem : sic electissima Esther desolatissimum populum suum a nebulis tristitiarum eripuit, suisque precibus ac beneficiis exhilaravit, et de paupere fecit ditissimum, atque virtutibus suis, sapientia et doctrina ornavit, populum illum ad Creatoris amorem et cultum succendit, et ab extrema adversitate ad maximam prosperitatem perduxit. Et omnia ista per eam egit Omnipotens, ejus sapientiæ non est finis. *Ps. cxviii, 1.* et ejus potentia nec terminum habet neque mensuram, qui et infirma elegit, ut per *1 Cor. i, 27.* ea operetur maxima bona, quemadmodum in historia libri jam exponendi monstratur.

ENARRATIO IN LIBRUM ESTHER

ARTICULUS PRIMUS

EXPOSITIO CAPITULI PRIMI : IN DIEBUS ASSUERI REGIS.

LIBER Esther inter Scripturas computatur canonicas, atque in ordine Hagiographorum reponitur. Accidit quoque historia ista post reditum filiorum Israel a Babylonica captivitate : et primo isto narratur capitulo, qualiter Assuerus rex suam repudiavit uxorem ; secundo, qualiter puellam nomine Esther, natione Hebræam, duxit in conjugem ; deinde qualiter per eandem procurata sit liberatio Judæorum a mortis periculo.

In diebus Assueri, qui regnavit ab India usque Æthiopiam super centum viginti septem provincias. Assuerus iste rex fuit Persarum atque Medorum : quem aliqui dicunt fuisse octavum post Cyrum regem, qui monarchiam obtinuit, omissis duobus magis, id est sapientibus, qui post Cambysem filium Cyri regis regnasse dicuntur septem mensibus tantum, ut quidam hic scribit. Quod non apparet idonee dictum, quia (ut Magister in historiis narrat) primus illorum duorum sapientium regnavit mensibus septem, et post eum frater ipsius modico tempore, ita quod duratio regnationis eorum non se extendebat ad annum unum. Hujus opinionis, quod scilicet Assuerus fuit octavus post Cyrum, fuit auctor Scholasticæ historiæ, dicens quod post duos magos illos regnavit Darius filius Hystaspis, unus sep-

Atem sapientium seu magorum, qui post regem judicabant et administrabant regnum Persarum ; post Darium, filius ejus Xerxes, post quem, filius ejus Artaxerxes ; post hunc, filius ejus Xerxes secundus, cui successit Sogdianus, et Sogdiano Darius cognomento Nothus, huicque Dario Artaxerxes, alio nomine Assuerus, sub quo contigit historia Esther. Alii dicunt, quod Assuerus iste fuit quartus post Cyrum : quod Josephus sensisse videtur undecimo libro Antiquitatum, affirmans **B** post Cyrum regnasse filium ejus Cambysem ; post Cambysem, Darium filium Hystaspis, qui Darius non fuit de semine Cambysis ; post Darium autem, filium ejus Xerxem ; post Xerxem, filium ejus Artaxerxem. Quidam vero opinantur, quod Assuerus iste successit immediate Cyro regi Persarum, vel saltem Cambysi filio Cyri.

Præterea Nicolaus de Lyra positiones has recitans, dicit quod tertia verisimilior videatur ; et addit, quod Rabbi Salomon uno loco dicit Assuerum hunc immediate **C** Cyro successisse, et tamen super Danielem tenet, quod Cambyses fuit medius rex inter ipsos. Ratio autem quæ movit Lyram ad reprobandum duas primas positiones est, quoniam præsupposuit, quod Mardocheus captus fuit cum Jechonia rege Juda : quod infra dicit patere. Sicque per

Esther u, 6.

durationem Babylonicæ captivitatis, et per tempora quibus præfati reges Persarum regnaverunt, probat quod Mardocheus primo anno regni Assueri fuit ad minus ducentorum quinque annorum, et adhuc alii multi anni essent addendi. Non est autem probabile, quod tam diu vixerit, aut in tanta ætate facere potuisset quæ legitur infra fecisse. Secundam quoque positionem redarguit, quia secundum eam Mardocheus in principio regni Assueri fuisset centum quinquaginta sex annorum, imo et plurimum. Itaque tertiam sequens positionem, dicit quod Mardocheus in principio regni Assueri fuit circiter centum annorum.

Esther II,
5, 6.

Verum Rabbi Paulus omnia ista argumenta Lyræ conatur cassare una solutione. Lyræ namque se fundat in eo quod sequenti habetur capitulo : Erat autem vir Judæus in Susis civitate, vocabulo Mardocheus, filius Jair, filii Semei, filii Cis de stirpe Jemini, qui translatus fuerat de Jerusalem, eo tempore quo Jechoniam regem Juda Nabuchodonosor rex Babylonis transtulerat. In hac auctoritate hoc relativum, Qui, Lyræ refert ad Mardocheum, quod Rabbi Paulus dicit posse referri ad Cis proavum Mardochei : velut si dicamus, David fuit filius Jesse filii Obed filii Booz, qui contraxit cum Ruth Moabitide, relativum hoc, Qui, refertur ad Booz, non ad David. Verumtamen ista solutio Rabbi Pauli non invenitur idonea. Quamvis enim quod ait de relatione relativi, possit salvari, sumendo præinducta verba secundum se, tamen si attendantur verba sequentia, veritatem non habent, quia secundo capitulo post præallegata verba immediate subjungitur, Qui fuit nutricius filii fratris sui Edissæ, quæ altero nomine Esther vocabatur. Quo constat, quod utrumque hoc relativum, Qui, seu unum repetitum, ad Mardocheum sit referendum.

Ibid. 7.

Sed his obviare videtur quod Magister in historiis refert : Erat tunc in Susis Judæus vocabulo Mardocheus de tribu Jemini, qui descenderat de transmigratione Jechoniæ : hic erat nutricius Esther. Ex

A quibus verbis apparet, quod per nativitatem descenderit de aliquo transmigrato cum Jechonia, præsertim quum glossa ejusdem historiæ dicat, Descenderat de transmigratione non immediate, sed per successiones, quia pater ejus vel avus vel proavus descenderat. Ad quod dicendum, quod in Scholastica historia in libro correspondente quarto Regum, manifeste habetur, quod Nabuchodonosor transtulit cum Joachin seu Jechonia in summa quasi decem millia, inter quos erant Mardocheus et Ezechiel. Et sic magis standum videtur textui, quam glossæ illius, et præsertim textui libri hujus canonici.

IV Reg.
XXIV.

Itaque veriolem puto primam positionem, quam Magister in historiis sequitur, et quod Josephus aliquos omisit. Nam secundus Xerxes quem omisit, regnavit duobus mensibus ; Sogdianus vero quem omisit, mensibus septem. Quid autem de Mardocheo senserit Josephus, in libro Antiquitatum non reperi, nisi quod undecimo libro Antiquitatum narrat Darium regem scripsisse Samaritis : Zorobabel et Ananias et Mardocheus legati Judæorum vos accusant. Quod tamen de isto Mardocheo non arbitror dictum, sed de alio quodam ad Judæam a Babylone reverso : ad quam Judæam Mardocheus non rediit, nisi forsitan dicatur ad tempus rediisse, et rursus in Babylonem reversus.

Ant. Jud.
lib. XI, c. 4.

Verum juxta hæc, remanet quæstio, qualiter potuerit Mardocheus tam diu vixisse, et in senectute tam magna egisse quæ infra de eo narrantur. Ad quod faciliter poterit responderi, si ad omnipotentiam Dei respiciatur, qui per Mardocheum voluit Israelitico populo subvenire. Imo infra tempus evangelicæ legis leguntur quidam vixisse usque ad quadringentos annos, sicut in Chronicis Martini recitatur de quodam, qui ob senium vocabatur Joannes de Tempore. Et nuper fuit in ducatu Hollandiæ quidam, qui supra centum multis annis vixisse asseritur. Tamen de his quæ infra certitudinem sunt, non convenit multum assertorie loqui.

Esther IV
et seq.

Itaque, In diebus Assueri, *quando sedit in solio*, id est regio throno, *regni sui*, tanquam receptus et roboratus, *Susa civitas* regni Persarum, *regni ejus exordium fuit*, id est caput atque metropolis. *Tertio ergo anno imperii sui fecit grande convivium cunctis principibus et pueris suis*, id est ministris, *fortissimis Persarum*, et *Medorum inelytis*, ac *præfectis provinciarum coram se*, ut ostenderet divitias gloriæ regni sui, *centum et octoginta diebus*. Circa hoc dicit quidam, non esse verisimile quod homines, præsertim qui a remotis venerunt, tot diebus vacaverint: ideo dicit, hos centum octoginta dies esse referendos ad tempus præparationis convivii; nec exhibuisse regem populo suo, nisi convivium septem dierum, de quo subditur: *Quumque implerentur dies convivii, invitavit omnem populum qui inventus est in Susis, a maximo usque ad minimum, et septem diebus jussit convivium præparari in vestibulo horti et nemoris*.

Sed istud ineptissime dictum censeo, præsertim quum nec auctoritate, nec idonea ratione probetur, et textus manifeste dicat oppositum. Nec mirum, quod ad instantiam tanti regis vacaverint tot diebus, quum interim gratis lautissime reficerentur. Nec verum est, nec ullam apparentiam habet, quod præparatio convivii duraverit centum octoginta diebus, quum omnia necessaria haberentur copiose, imo copiosissime ad manum, quum in textu dicatur, quod exhibuit istud convivium, ut ostenderet divitias regni sui. Insuper, textus evidenter inter convivia ista distinguit, tam quoad locum, quam quantum ad tempus, et item quantum ad invitatos. De primo namque convivio ait, *Fecit grande convivium multo tempore*, scilicet centum et octoginta diebus; nec fit mentio ibi de speciali loco. Deinde tractat de convivio septem dierum. Nec in descriptione primi convivii ulla fit mentio de præparatione convivii, sed de exhibitione dumtaxat. Imo in descriptione convivii septem dierum, fit verbum de præparatione convivii, et

nihilominus exponitur hoc de convivii exhibitione: ergo potius primum. Rursus, descripto primo convivio, adjungitur, Quumque implerentur dies convivii; et consequenter tractat de secundo convivio, quod affirmat septem durasse diebus. Iterum, primum convivium asserit factum cunctis principibus et pueris regis, fortissimis Persarum, et Medorum inelytis, et præfectis provinciarum. Secundum vero convivium asserit factum omni populo in civitate Susis invento.

B Et hæc omnia etiam Josephus libro Antiquitatum undecimo protestatur: qui etiam scribit, quod rex misit per omnes provincias, denuntians ut opera relinquerent, et multis diebus pro ejus imperio lætarentur: quo patet, quod diu vacabant. Quibus concordat omnino Scholastica historia, quæ fatetur primum convivium factum esse in domo illa mirabili, de qua legitur in historia Alexandri, ejus columnæ erant argenteæ, tectum instar firmamenti concaemeratum, habens gemmas diversicolores in figuram siderum et signorum dispositas. De hoc narrat et Josephus: Tabernaculum fixerat rex aureis argenteisque columnis, vela purpurea super eas extendens, ut multa millia discumbentium operirent.

C Secundum autem convivium, juxta prædicta, factum est *in vestibulo horti et nemoris*, id est pomœrii nemorosi, *quod regio cultu et manu*, id est regali ornatu ac artificio, *consitum fuit*, id est conserutum ac decoratum aromaticis fructiferisque arboribus, prout tanti imperatoris decuit claritatem. De hoc in Historiis legitur: Post hos centum octoginta dies invitavit omnem populum qui erat in Susis, et discubuerunt extra domum septem diebus in vestibulo horti deliciarum: in quo fuit vinea habens stipites argenteos, palmites aureos, et botros ex varietate gemmarum distinctos. *Et pendebant ex omni parte tentoria aerii*, id est albi et clari, *et carbasiini*, id est aurei, *et hyacinthini*, id est cœlestis, *coloris*: color enim hyacinthi,

similis perhibetur dispositioni cœlestis orbis seu sphæræ cœlestis : *sustentata funibus byssinis et purpureis*, id est extensa funibus factis de bysso seu candidissimo lino et de purpura, *qui eburneis circulis inserti erant*, id est circulis factis de ebore, quod satis forte fuit ad onus illud, *ac columnis marmoreis*, utpote de marmore lapide factis, *fulciebantur*, id est, sustentabantur ex parte utraque. *Lectuli quoque aurei et argentei dispositi erant*, id est loca ad sedendum instar lectulorum mollia, atque opera tincturis et mixturis ex auro et argento formatis, *super pavimentum vestibuli smaragdino et Pario stratum lapide*, id est complanatum lapidibus de insula Paro, et similibus in colore seu dispositione gemmæ quæ smaragdus vocatur, *quod mira varietate pictura decorabat*.

Bibebant autem aureis poculis, id est ex vasis seu scyphis aureis ; atque (ut Josephus addit) vasis illis inserti erant lapides pretiosi ad delectationem et spectaculum præparati ; *et aliis atque aliis vasis cibi inferebantur*, id est, in vasis et scutellis ex materiis diversarum specierum aut dispositionum pretiosis, et juxta diversitatem ferculorum fuit diversitas utensilium seu vasorum. *Vinum quoque, ut magnificentia regia dignum erat, abundans et præcipuum ponebatur*. Nec erat qui nolentes bibere cogeret ad bibendum, importune invitando, vel ad æquales haustus hortando, ut quidam brutaliter faciunt : [quod] et in jure valde vituperatur, sanitæque mentis ac corporis adversatur ; *sed sicut rex statuerat, præponens mensis singulis de principibus suis, ut unusquisque quod vellet acciperet de cibo et potu cum libertate et urbanitate*. Nam et naturaliter delectabile est uti libertate. Et tamen, ut Josephus refert, solitum fuit Persis cogere ad potum convivantes.

Vasthi quoque regina fecit convivium feminarum in palatio regis. Sicque feminæ vescebantur seorsum : quod fuit honestum, atque occasio vitandi multa peccata. Feminis quoque specialiter obest, ex viro-

rum consortio vino repleri. Quo constat quam ineffabiliter detestabile sit, quod etiam in quibusdam urbibus Christianorum, viri et feminæ in eisdem stuphis repræsentant se nudos, et in stuphis aut balneis mulierculæ serviunt viris.

Itaque die septimo hujus secundi convivii, sumendo convivium pro congerie conviviorum tot dierum, quum rex esset hilarior, et post nimiam potationem incaluisset mero : vinum enim lætificat cor hominis ; præcepit septem eunuchis, qui in conspectu ejus ministrabant familiaris et in mensa, ut introducerent reginam Vasthi coram rege, ut ostenderet cunctis populis et principibus adhuc ibi præsentibus, illius pulchritudinem. Erat enim pulchra valde. Quamvis enim secundum illud convivium specialiter factum sit civibus Susis, ut apparet ex littera, multi tamen ibi erant ex principibus et gentibus provinciarum regis, ut innuit Josephus : idcirco ex isto non sequitur, quod non fuit nisi unum convivium. *Quæ renuit, et ad regis imperium quod per eunuchos mandaverat, venire contempsit*. Hujus contrarium videtur Josephus insinuare, dicendo : Quæ pro legum Persarum custodia, prohibentium ab extraneis alienas conjugales videri, non accessit ad regem. Ex quo elicitur, quod non ex contemptu, sed potius ex pudicitia et observantia legis Persarum, prohibentis conjuges eorumdem ab alienis viris videri, non venit ad regem. Hinc aliqui dicunt in Hebræo haberi : Et renuit regina Vasthi venire secundum verbum regis in manu eunuchorum. Verum ad hoc ex verbis Josephi patet responsio. Etenim ait, quod rex sæpe misit pro ea, et tamen non acquievit : quod contemptum includebat. Rex enim in tali lege potuit dispensare.

Unde iratus rex, et nimio furore succensus. Vitanda autem est regum ira, quantum rationabiliter fieri potest : quia ut in Proverbiis Salomon loquitur, Sicut fremitus leonis, ita et ira regis ; qui provocat eum, peccat in animam suam. Et rursus : Nuntii mortis, ira regis. *Interrogavit sa-*

Eccli. xl, 20; Ps. ciii, 15.

Prov. xix, 12; xx, 2.

Ibid. xvi, 14.

pientes, qui ex more regio ei semper aderant. Nam et Philosophus docet, quod rex seu princeps debet sibi associare multos sapientes, ut habeat quasi oculos multos, quorum directione juvetur : quia plus vident oculi multi, quam unus. Et sic fecit Assuerus. Nam additur : *et illorum faciebat cuncta consilio, scientium leges ac jura majorum,* id est instituta a sapientioribus et supremis principibus. *Erant autem primi et proximi septem duces Persarum atque Medorum.* Talibus committenda est gubernatio subditorum, videlicet peritis et expertis in omnibus, qui quærant bonum commune, non propria commoda, et justis ac prudentes. Et quamvis rex fuit iratus, non tamen sine horum consilio voluit ad ultionem procedere, quia ira oculum cordis excæcat. Propter quod Seneca : Nihil (inquit) volo tibi irascenti licere, quoniam tibi irato omnia licita esse videntur, quæ scilicet ira persuadet. *Qui videbant faciem regis,* id est, familiares ei fuerunt et magis contubernales, *et primi post eum residere soliti erant,* sive in eadem, sive in alia mensa, et in consiliis et consimilibus causis. *Cui sententiæ Vasthi regina subjaceret.*

Responditque Mamuchan, qui inter septem sapientes in littera ultimo ponitur, *audiente rege atque principibus :* Non solum regem læsit regina, derogando regis honori, et hoc publice coram cunctis : per quod scandalizavit quamplurimos, et ejus exemplo feminæ spernent maritorum suorum præcepta, nisi ipsa tam acriter puniatur, quod ceteræ matronæ inde terrea-

A tur, et a consimili compescantur. Et hoc est quod prolixè narratur in textu qui planus est. *Placuit consilium ejus,* id est eunuchi istius, *regi et principibus,* ut scilicet regina Vasthi ultra non ingrederetur ad regem, *sed regnum illius,* id est communionem in regno convenientem uxori regis, *altera quæ melior est illa, accipiat, et cunctæ uxores deferant maritis suis honorem.* Hinc rex omnibus suis provinciis scripsit, *viros esse principes ac majores in domibus suis.*

B Unde et juxta Apostolica documenta, vir ^{Epheſ. v. 23; I Cor. xi, 3.} caput est mulieris. Et viri est, instruere ac dirigere conjugem in agendis, ac errantem corripere. Hinc in Genesi legitur dictum primæ mulieri a Domino : Sub viri potestate eris, et ipse dominabitur tui. Ideo et beatissimus princeps apostolici chori, in prima sua Canonica ait : Similiter mulieres subditæ sint viris suis, sicut Sara ^{I Petr. iii, 1, 6; Gen. xviii, 12.} obediebat Abrahæ, dominum eum vocans. Verumtamen principatus viri in uxorem, non est per omnia, sicut principatus domini ad servum, ut etiam docet Philosophus : imo in multis ad paria judicantur. Sed in principalibus et arduis rebus ac causis, vir principalior est : nam et sexus femineus est sexus subjectionis. Et communiter viri in naturalibus et judicio rationis atque constantia cordis, perfectiores sunt feminis, quamvis interdum contingat oppositum.

Postremo quidam spiritualizant istam historiam, intelligentes Christum per Assuerum : de qua expositione supersedere D melius puto.

ARTICULUS II

EXPOSITIO CAPITULI SECUNDI : HIS ITAQUE GESTIS, POSTQUAM REGIS ASSUERI
INDIGNATIO DEFERBUERAT.

HIC describitur, qualiter Esther facta A
est conjux regis. *His itaque gestis, postquam regis Assueri indignatio deferbuerat*, id est, fervere desiit, et mitescere cœpit cor ejus circa abjectam uxorem. Ira enim, sicut et ceteræ passiones appetitus sensitivi, fit cum corporali transmutatione : qua sedata, sedatur et passio, saltem a vehementia sua. Et specialiter generatur cum sanguinis ebullitione, fellis evaporatione, inflammationeque cholerae : quibus cessantibus, ira mitescit. *Recordatus est Vasthi*, prioris uxoris, *et quæ fecisset*, id est inobedientiam ejus, *et quæ passa esset*, videlicet libellum repudii seu repudiationem ; et cœpit in corde suo ejus inobedientiam quodammodo excusare, propter causam in præcedenti articulo introductam. Sicque apparuit ei, quod ultra condignum esset punita : quod non videbatur regiam decere majestatem, ad quam constat præcipue spectare clementiam, juxta illud Proverbiorum, Roboratur clementia thronus regis. Quamvis autem in præcedenti capitulo dictum sit, quod regi Assuero placuit eunuchi consilium de Vasthi abjectione, Josephus tamen undecimo Antiquitatum libro enarrat, quod consilium eunuchi rex graviter tulit, detentus amore uxoris, et reminiscens ipsius decorem, et tristabatur quod propter irrevocabile suum edictum eam non potuit revocare. Ideirco in sollicitudinibus et mœrore permansit. Quem videntes amici nimio mœrore confectum, persuadebant ut amorem pristinae conjugis et amorem* nil profuturum deponeret, et quæreret per universam terram virgines decoras, ex quibus pulchriorem haberet uxorem, arbitantes sic posse ex-

stingui prioris cupidinem, alia introducta, et desiderium a muliere projecta subtrahere, paulatim posse ad cohabitantem converti. Hoc est ergo quod subditur.

Dixeruntque pueri, id est familiares et cari, *regis, atque ministri domestici sive præcipui* : *Quærantur regi puellæ virgines speciosæ, et tradantur in domo feminarum*, ad usum regis deputatarum, *sub manu Egei eunuchi*. Eunuchus in Scripturis quandoque accipitur pro castrato : et sic videtur hic accipi. Interdum vero, pro continente et probo in moribus ; sicque sumitur præcedenti capitulo, quum dicuntur septem eunuchi in conspectu regis ministrasse. *Qui est præpositus et custos mulierum regiarum*, quæ usui regis deputantur : quibus ille eunuchus habuit providere de ornatu et victu atque custodia ; *et accipiant mundum muliebrem*, id est apparatus ad ornatum et corporis mundificationem pertinentem, *et cetera ad usus feminarum ac cultum earum, necessaria*. *Et quaecumque inter omnes oculis regis placuerit præ ceteris, ipsa regnet pro Vasthi*. Placuit sermo regi ; *et ita ut suggererant, jussit fieri*.

Erat autem vir Judæus in Susis civitate, vocabulo Mardocheus, de stirpe Jemini ; de qua et Saul primo Regum fuisse asseritur ; *qui translatus fuerat* : hoc præcedenti articulo expositum est ; *nutricius Esther*, quam, defunctis Esther parentibus, adoptavit in filiam ; nam filia fuit fratris sui Esther, inter ceteras puellas tradita eunuchis. Secundum Josephum, de Babylonia fuit adducta, et Mardocheus ejus amore secutus est eam, et sic habitavit in Susis. *Quæ placuit ei, puta eunuchis, ut accelera-*

Prov. xx, 28.

Esther i, 21.

* mœrorem

Esther i, 10.

I Reg. ix, 1.

ret mundum muliebre, id est, mox festinavit eam ornare, habens spem firmam, quod rex eam eligeret in uxorem. Nam, ut Josephus contestatur, gratia vultus sui respicientium delectabat magis adspectum.

Et traderet ei partes suas, id est ea quæ ad ejus pertinebant decorationem, *et septem puellas speciosissimas*, id est valde pulchras, minus tamen quam Esther; *et tam ipsam quam ejus pedisequas ornaret atque excoleret*, id est, valde exquisite componeret, cupiens ejus promotionem, et ut ipse per hoc consequeretur favorem illius. *Quæ noluit ei indicare populum et patriam suam*. Mardocheus enim præceperat ei, ut de hac re omnino reticeret. Judæi quippe tunc erant ibi captivi, et a multis contempti, ac singularis religionis.

Quum autem venisset tempus singulorum per ordinem puellarum, ut intrarent ad regem. Ad quiescendum cum illo, intrabant successive, seu quælibet die suo. Unde Josephus ait : Per singulos dies ad concubitum unam regi mittebat. *Expletis omnibus quæ ad cultum muliebre pertinebant*, scilicet in balneationibus, unctionibus, aromatumque applicationibus et vestimentorum decore, *mensis duodecimus vertebatur* : quia per integrum annum præparabantur ad regis conjunctionem ; *ita dumtaxat, ut sex mensibus ungerentur oleo myrtino*, id est humore, gutta seu lacrima fluente de arbore quæ myrtus vocatur, *cujus oleum carnem mundificat, et aliis sex mensibus quibusdam pigmentis*, id est confectionibus, *et aromatibus uterentur*, ad reddendum corpus feminæ magis suave et molle ad tactum, ne quid inconvenientis odoris inveniretur in aliqua. *Ingredientesque ad regem de die in palatium, quidquid postulassent ad ornatum pertinens, accipiebant ab aliquo a rege ad hoc deputato* ; *et ut eis placuerat, compositæ*, id est ad proprium libitum exultæ et decoratæ, *de triclinio*, id est aula seu palatio feminarum, *ad regis cubiculum transibant*. *Et quæ intrabat vespere, egrediebatur mane, atque inde in secundas ædes*, id est

A mansiones, *deducebatur, quæ sub manu Susagari eunuchi erant, qui concubinæ regis præsidebat*. Aliqui opinantur, quod rex universas puellas secum dormientes duxit uxores, et tamen concubinæ vocentur, tanquam conjuges secundariæ, minusque principales, sicut in Genesi Zelpha et Bala quandoque vocantur uxores Jacob, aliquando concubinæ. Alii magis tenent oppositum. Nam et gentiles pro magna parte, concubitum simplicis fornicationis non reputabant peccatum : imo, ut dictum

Gen. xxx, 4, 26; xxxv, 22.

B est in libro Judith, fœdum fuit apud Assyrios, ut femina irrideat virum, agendo ut immunis transeat ab eo.

Judith xii, 11.

Evoluto autem tempore, instabat dies quo Esther intrare debebat ad regem. Quæ non quesivit muliebre cultum. Non enim adspirabat ad regis complacentiam atque eonjugium, ut infra patebit : ideo commisit ornatum suum eunuchis. Hinc subditur : *Sed quæcumque voluit Egeus eunuchus, hæc ei ad ornatum dedit. Erat enim formosa valde et incredibili pulchritudine, omniumque oculis gratiosa et amabilis videbatur* : quod totum ex divina providentia factum est, ut per eam populus Israel liberaretur. Ecce qualis artifex est omnipotens Deus, et quam pulcher, pulcherrimus, incomparabiliter pulcher et superpulcherrimus, atque ad intuendum superdeliciosissimus, infiniteque gratus, superamabilis est ille in semetipso, et ad fruendum superdulceissimus, qui in tam modica corporis parte, in fragili vasculo, in mortali materia vilique gleba tantam pulchritudinem, amabilitatem et delectabilitatem constituit. Denique pulchritudinem illam corporalem mirabiliter venustavit et auxit supernaturalis pulchritudo mentis in donis gratiæ ac virtutum, redundans ac resplendens in corpore ; pulchritudo quoque moralis, in venustissimis moribus, apparatu et compositione exteriori consistens.

Ducta est itaque ad cubiculum regis mense decimo, qui vocatur Tebeth, id est Januarius apud nos : non utique decimo

mense suæ expolitionis et præparationis ad regis accessum; sed decimo mense septimi anni regni Assueri. *Et adamavit eam rex plus quam omnes mulieres, vel divisim vel conjunctim acceptas, loquendo de maritali affectu. Et quia tantam virtuositatem, pudorem et honestatem consideravit in puella, posuit diadema regni in capite ejus, fecitque eam regnare loco Vasthi. Et jussit convivium præparari permagnificum cunctis principibus et servis suis: quod secundum Josephum, Scholasticamque historiam, duravit per integrum mensem. Et dedit requiem in universis provinciis, id est, a subditis suis non exegit solita tributa sive obsequia anno illo aut circiter. Vel sensus est, quod fecit eos ad tempus a manualibus cessare laboribus, puta per mensem, quum Josephus dicat, quod præcepit eis festa pro suis nuptiis celebrare. Ac dona largitus est suis officiais, cognatis, amicis, domesticis, juxta magnificentiam principalem, id est regalem et imperialem, videlicet liberaliter valde. Quod est contra præsidentes, qui in nuptiis suis aut sobolis suæ, gravant subditos suos exactionibus seu munerum exhibitionibus quas requirunt.*

Quumque secundo quærentur virgines et congregarentur, Mardocheus manebat ad januam regis. Cur jam post initum cum Esther connubium, virgines quærebantur? Putant quidam, quod ad concubinatum; alii dicunt quod ipsa Esther nequaquam volente prode genealogiam suam, rex simulavit se velle ducere aliam, et simulatorie fecit virgines quæri, quatenus sic extorqueret a conjugē genus ipsius. Ad quod referunt quod sequitur. Necdum prodiderat, id est manifestaverat, Esther patriam et populum suum, juxta mandatum ejus, id est Mardochei. Quidquid enim ille præcipiebat, observabat Esther, et ita cuncta faciebat, ut eo tempore solita erat, quo eam parvulam nutrebat: in quo patent humilitas et obedientia Esther. Quidam vero paululum promoti, mox intumescunt, et obedire despiciunt suis

A parentibus aut magistris, seu his a quibus sunt instituti.

Eo igitur tempore quo Mardocheus ad januam regis morabatur, irati sunt duo eunuchi regis, volueruntque insurgere in regem, et occidere eum. Cujus rei causa nescitur, nisi quod servi sæpe ex indignatione, ambitione, traditione machinantur in mortem principis sui, quemadmodum patet tertio et quarto Regum, ubi reges Israel a servis suis occisi leguntur. Quod Mardocheum non latuit. Dicunt nonnulli, quod eunuchi audiente Mardocheo, contulerunt de regis interfectione in lingua quam putabant non intelligere Mardocheum. Josephus vero dicit, quod unus eunuchorum habuit servum Judæum, cognoscentem domini sui insidias, et retulit Mardocheo. Statimque nuntiavit reginæ Esther, et illa regi ex nomine Mardochei. Quæsitum est, et inventum; et appensus est uterque in patibulo. Et ita rex sapienter processit, non statim incaute credendo, sed examinando negotium. Et

C *jussit rex ut in libro memoriali scriberetur, ut pro vita sua aliquid repensaret ei. Mandatumque est historiis, id est in libris historialibus scriptum, et annalibus traditum coram rege. Annales vocantur libri historici, in quibus scribuntur quæ singulis annis contingunt sub regibus, ut reges talia recolendo, ex memoria præteritorum caute se habeant per considerationem præsentium, ac providentiam futurorum.*

D *Circa capitulum istud aliqua possent inquiri: an scilicet regi licuit suam sic abjicere conjugem, quum inseparabilitas dicatur esse de ratione matrimonii; et an illa repudiata atque vivente, licuit ei ducere aliam. Item, an licuit ipsi Esther cum rege gentili contrahere, quum hoc fuerit prohibitum lege; et an fuerit vera uxor regis, quum dispar cultus impediatur matrimonium contrahendum, dirimatque contractum. Ad quæ longum est plenarie respondere. Breviter autem tangendo dici potest, non oportere Assuerum excusare a*

III Reg. xv, 27-29; xvi, 9-11; IV Reg. xv, 10, 14, 25, 30.

Deut. vii, 3.

culpa : ipsamque Esther ex divina præor- A illa agebatur a Domino : et Salomon adhuc
dinatione ac dispensatione contraxisse cum bonus cum filia Pharaonis, ut patet tertio III Reg. iii.
illo, sicut Samson cum Philistæa, ut patet Regum. Horum autem magistralis discus- 4.
in libro Judicum, ubi habetur quod res sio, ad quantum spectat Sententiarum.

ARTICULUS III

ELUCIDATIO CAPITULI TERTII : POST HEC REX ASSUERUS EXALTAVIT AMAN.

CAPITULO isto describitur, qualiter B quibus cognovit progenitores et prædeces-
Aman exaltatus a rege, procuravit ab sores suos fuisse occisos. Hinc servi regis
eodem populum Judæorum morti adju- annuntiaverunt ipsi Aman de Mardocheo, *Hæc. xvii, 13; 1 Reg. xv. 7, 8.*
dicari. *Post hæc rex Assuerus exaltavit Aman filium Amadathi, qui erat de stirpe Agag regis Amalecitarum : quos Saul vastavit, et quorum regem jam nominatum, Samuel propheta concidit in frusta, ut primo Regum libro legitur ; et posuit solium ejus super omnes principes, quos habebat, id est super ceteros, qui sub ipso rege præerant populo, sicut Pharaon exaltavit electum Joseph. Et sic Aman fuit primus post regem. Verumtamen infra legitur, quod Aman fuit animo et gente seu genere Macedo. Ex quo apparet, quod non fuit Amalecites. Ad quod respondebitur ibi. Cunctique servi regis flectebant genu, et adorabant Aman. Sic enim jusserat eis imperator. Solus Mardocheus non flectebat genu, ad reverentiam Aman, neque adorabat eum, ne honorem Deo debitum, homini exhiberet : quia ut dicitur, Aman superbissimus voluit sibi non solum duliæ, sed et latriæ adorationem impendi. Siquidem cultus duliæ poterat ei exhiberi, tanquam personæ excellenti in officio regiminis constitutæ. Aman autem super hominem impiissime se extollens, voluit adorari ut Deus : quemadmodum Nabuchodonosor rex Assyriorum, videlicet Cambyses, et Caius imperator, ut legitur.*
Quod quum audisset, quod scilicet Mardocheus esset Judæus, nec se adoraret, iratus est valde. Oderat enim Judæos, a

quibus cognovit progenitores et prædeces-
sore suos fuisse occisos. Hinc servi regis
annuntiaverunt ipsi Aman de Mardocheo, *Hæc. xvii, 13; 1 Reg. xv. 7, 8.*
cupientes scire, an Mardocheus perseveraret in sententia, id est in responsione qua
se dixit esse Judæum, et ideo non posse
se hominem adorare. Et quoniam servi
regis noverant Judæos esse exosos huic
Aman, cupiebant scire ex quadam curiosi-
tate, an Mardocheus auderet hoc eviden-
ter fateri, ipso Aman sciente aut audiente.
Et pro nihilo duxit in unum, videlicet
C *Mardocheum, mittere manus suas ultri-
ces ; magisque voluit omnem Judæorum
perdere nationem, quæ erat in regno As-
sueri. Mense primo, cujus vocabulum est*
Nisan apud Judæos, et apud Latinos Apri-
lis, quamvis interdum concurrat partim
cum Martio, missa est sors in urnam, quæ
Hebraice dicitur Phur : id est, ipse Aman
invidiosus sortilegus, misit sortem in vas
quoddam, quod urna vocatur, ad sciendum
per sortis oraculum, quo die mensis, et
quo mense gens Judæorum deberet interfi-
ci ; et exivit per sortis ostensionem mensis
duodecimus, qui vocatur Adar secundum
Hebræos, et Martius secundum Latinos.
Exivit quoque per sortem tertiusdecimus
dies mensis ejusdem.

Hæc fecit Aman ex vehementi indignatione
et ira nequissima, tantam volens ex-
ercere vindictam in totum populum Judæ-
orum, propter unius delictum, secundum
suum judicium : quod tamen revera non
fuit delictum, sed virtus. Superbi enim

injuriam sibi factam, quamvis parvam, reputant valde gravem : ideo in ulciscendo excedunt mensuram, et agunt contra justitiam. Denique, sciens se apud regem audientiam habere præcipuam, præsupponit se faciliter acquisiturum a rege iudicium mortis contra Judæos.

Dixitque Aman regi : Est populus per omnes regni tui provincias dispersus, novis utens legibus et caerimoniis, colendo unum solum Deum, non deos, quos ab antiquis temporibus coluerunt gentiles. Nihilo minus lex Judæorum a tempore Moysis usque ad Assuerum perdurans, non fuit penitus nova, quamvis Aman sic dixerit ad inflammandum regem contra Judæos. Insuper et scita, id est decreta, regis contemnens. Unde dicitur plebiscitum. Et optime nosti quod non expediat regno tuo, scilicet bono communi et paci, ut insolenscat, id est, contra solitum legum regni tui se habeat, per licentiam, id est permissionem manendi in vita et observantia sua. Si tibi placet, decerne, id est judica, ut pereat, id est occidatur, et decem millia talentorum appendam arcariis gazæ tuæ, id est custodibus thesaurorum tuorum. Hoc addidit Aman, ut videretur multum zelari pro rege et pro pace communi, cujus noverea et corruptrix solet esse dissimilitudo ac dispar cultus; et ne rex retraheretur a sententia mortis in Judæos dictanda, propter damnum tributorum quæ sibi a Judæis dabantur.

Tulit ergo rex annulum quo utebatur, non solum ad manus suæ ornatum, sed item ad litteras sigillandas, sicut tunc moris fuit. In annulis demum talibus fuit signum formatum ad imprimendum et si-

gnandum epistolas. De manu sua, et dedit eum Aman, ut juxta suum conceptum dictaret et sigillaret ex nomine regis litteras mortis contra Judæos. Credidit Assuerus nimis impio Aman, non inquirens accusationis veritatem. Facilitas autem credulitatis decipit multos, et in præsidentibus periculosa est subditis, etiam bonis. Vocatique sunt scribæ, id est scriptores, regis. Scriba tamen frequenter accipitur pro sapiente seu doctore, vel legisperito. Et litteræ missæ sunt per cursores regis ad universas provincias regni ejus, ut occiderent omnes Judæos a puero usque ad senem, id est universos, etiam infantulos atque decrepitos, et mulieres, id est cunctas personas feminei sexus. Et ut proniores essent gentiles hoc facere, dabatur facientibus illud licentia diripiendi ac retinendi bona Judæorum, quos trucidarent. Ideo subditur, et bona eorum diriperent. Sic quippe filii Israel vastaverunt Amalecitas; tamen contra præceptum Dei, pepercero pecoribus Amalec, sicut primo Regum fertur.

1 Reg. xv, 7-9.

Statimque in Susis metropoli regni, pendit edictum : id est, ex dispositione Aman, appensum est decretum in scriptis de Judæorum interitu, ne rex suam revocaret sententiam, sicut nec eam de Vasthi abjectione revocare audebat. Hoc loco ponit Josephus formam epistolæ præactæ ex nomine regis cunctis ejus provinciis missæ : quæ infra continetur. Rege et Aman celebrante convivium, tanquam rem communitati saluberrimam ordinassent, et cunctis Judæis qui in urbe Susis erant, stentibus : imo, ut Josephus scribit, etiam civitas turbabatur, utpote Judæis captivatis compatiens.

Esther xiii, 4-7.

ARTICULUS IV

EXPOSITIO CAPITULI QUARTI : QUE QUUM AUDISSET MARDOCHEUS, SCIDIT VESTIMENTA SUA.

Job 1, 20:
11, 12.

REFERTUR hic, qualiter Mardocheus A Esther reginam induxit ad intercedendum coram rege pro liberatione plebis Judaicæ. *Quæ quum audisset Mardocheus, scidit vestimenta sua, ut moris fuit Judæis, imo et quibusdam gentilibus, sicut in libro Job, ipse Job et amici ejus leguntur vestimenta sua scidis, et indutus est sacco, id est aspera saccinaque veste, in signum contritionis, spargens cinerem capiti, ad humiliandum se coram Deo, quasi pulverem se recognoscens ac cinerem; et in platea mediæ civitatis voce magna clamabat, ostendens amaritudinem animi sui: præsertim quia pensabat se esse occasionem tanti periculi, ac desolationis dijudicationisque populi sui; et hoc ejulatu usque ad fores, id est januas, palatii gradiens. Non enim erat licitum, indutum sacco aulam regis intrare. Unde secundum Josephum, usque ad aulam pervenit, et ante ipsam stetit: quam cum tali habitu ingredi, fuit prohibitum, ne hujusmodi vestis, aut sic vestitus, miserabilisque apprens, horrorem incuteret regi, aut ejus magnificentiæ derogaret. In omnibus quoque provinciis, oppidis ac locis, ad quæ crudele regis dogma, id est præfatum edictum quasi doctinaliter et apparenter dictatum, pervenerat, planctus ingens erat apud Judæos, plurimis sacco et cinere prostrato attentibus, ad impetrandum auxilium Dei, juxta illud Jeremiæ: Accingere cilicio, conspergere cinere.*

Jér. vi, 26.

Ingressi sunt autem puellæ Esther et eunuchi, id est pedisequæ ejus, et cubicularii qui erant castrati. Et apparet quod isti secrete noverunt Mardocheum et Esther esse cognatos. Nuntiaveruntque ei. Quod audiens Esther, consternata est, id

est, mœrorē oppressa; et misit vestem Mardocheo, ut indueret eam, sicque honeste vestitus, aulam intraret; quam accipere noluit Mardocheus, quia nondum finitum fuit malum illud pœnale, propter quod evadendum, induerat sacco. Accitoque Athach eunuchō præcepit ut iret ad Mardocheum, et disceret cur hoc faceret. Egressusque Athach, invenit eum in platea civitatis: qui indicavit per eunuchum ei, scilicet Esther reginæ, omnia quæ acciderant in hoc casu, ut intraret ad regem, et deprecaretur pro populo suo. De quo faciendo excusat se, quia edictum fuit, quod quicumque non vocatus ingrederetur atrium regis, mox moreretur, nisi rex auream virgam quam tenebat in manu, ad sic introeuntem extenderet pro signo clementiæ. Hinc addidit: Ego igitur quomodo ad regem intrare potero, quæ triginta diebus non sum vocata ad eum? Habuit enim extra et alia multa deliciarum suarum objecta: et Deus omnipotens devotæ reginæ providit de tali continentia et quiete.

Quod quum audisset Mardocheus, rursus mandavit Esther reginæ, solita auctoritate loquens ad eam increpatorie et audacter, certus quod ipsa virtuosa domina patienter, non indignanter acciperet, dicens: Ne putes quod animam tuam tantum liberes, quia in domo es regis præcunctis Judæis, id est, noli putare quod a sententia mortis contra Judæos promulgata, præserve propriam vitam dumtaxat per hoc, quod facta es contubernalis et conjux regis, et ideo non cures pro populo tuo rogare. Si enim nunc silueris, non rogando regem pro tuis, per aliam occasionem liberabuntur Judæi, id est, Deus aliis modis ac viis, eis (ut spero) succur-

ret: *et tu et domus tua peribitis*, id est, A Deus justo iudicio permittet te, et domesticos seu cognatos tuos occidi, eo quod neglexeris populo tuo in tanto periculo subvenire. *Et quis novit, utrum idcirco ad regnum perveneris*, id est, consors et contoralis regis effecta sis, *ut in tali tempore parareris*, id est, ut disponaris venire ad præactam ruinam in tempore persecutionis istius, in quo deseris tuos? Vel sensus est: Quis novit, etc.? ac si dicat: Quamvis occulta sint Dei iudicia, forsitan tamen idcirco imperatrix et regina facta es, quatenus ex præordinatione divina pares te succurrere nobis.

Rursumque Esther Mardocheo mandavit: Congrega omnes Iudæos utriusque sexus, *et orate pro me*, ut communitatis oratio mihi prosperum mereatur succes-

sum. *Non comedatis et non bibatis tribus diebus et tribus noctibus*, nisi eo modo quo jejunantes solent non manducare, videlicet solum semel in die; vel tam parce et sobrie comedatis in die, ut quasi nil reputetur: sicut de eo qui parum comedit, dicimus, Nihil manducavit. *Et ego cum ancillis meis similiter jejunabo*. Sicque ancillæ istæ videntur fuisse fideles, et forsán conversæ per suam reginam. *Et tunc ingrediar ad regem*, sperando quod Deus misericorditer mecum disponet, et mentem regis mihi propitiâ exhibebit, *contra legem faciens*, intrando ad regem *invocata*, id est non vocata, *tradens me morti*, id est periculo mortis, pro liberatione populi mei, nisi Deus gratiose provideat et succurrat. *Ivit itaque Mardocheus ad exsequendum reginæ præceptum*.

ARTICULUS V

EXPLANATIO CAPITULI QUINTI: DIE AUTEM TERTIO INDUTA EST ESTHER
REGALIBUS VESTIMENTIS.

EXORDIUM petitionis Esther reginæ hic recitatur. *Die autem tertio induta est Esther regalibus vestimentis*: et sic regem accessisse videtur tertio die suæ jejunationis et orationis, orantibus adhuc pro ea, et jejunantibus cunctis Judæis in Susis manentibus. Ipsa quoque in lugubri veste oravit ac jejunavit: qua deposita, ornavit se pretiosissimis atque pulcherrimis quæ habuit vestimentis. Propter quod infra legitur, quod circumdata est gloria sua, et deposuit vestimenta ornatus sui: quia et communia ornamenta seu quotidiana vestimenta, quamvis pretiosa et decora, deposuit; vestimenta quoque lugubria, in quibus interiori ornatui, scilicet compunctioni, orationi, jejunationi vacavit. *Et stetit in atrio*, id est, a camera sua processit usque ad atrium, *domus regis, quod*

erat interius contra basilicam, id est ex opposito regis aulæ. *At ille sedebat super solium suum in consistorio*, id est loco iudicii ubi ad iudicium statur, *palatii, contra ostium domus*, in qua rex sedit, ex qua potuit eam videre. Et antequam venit ad illum locum, ivit per januas multas, secundum quod infra legitur: *Ingressa cuncta per ordinem ostia*, etc.

Esther xv.
9.

Quumque vidisset rex Esther reginam stantem, placuit oculis ejus. Erat enim pulcherrima, speciosissime quoque vestita, roseo colore vultu perfusa, gratis ac nientibus oculis pallens, sicut infra legitur. *Et extendit contra*, id est versus, *eam virgam auream pro signo clementiæ et amoris, quam tenebat in manu*. *Quæ accedens, osculata est summitatem virgæ*, ad reverentiam regis dignitatis. Eratque vir-

Ibid. 8.

Esther xv.
4.

ga illa sceptrum regis. Sed his contrariari videtur, quod infra legitur : Quumque ele-
Esther xv,
10. vasset rex faciem, et ardentibus oculis fu-
 rorem pectoris indicasset, regina corruit,
 et in pallorem colore mutato, lassum super
 ancillam reclinavit caput. Josephus quo-
 que : Rex (inquit) adspexit eam asperius,
 iracundoque vultu ; et tunc apprehendit
 reginam membrorum debilitas, et super
 ancillas quæ prope latera ejus erant, re-
 pente collapsa est. Et simili modo Magi-
 ster in historiis refert. Et respondendum,
 quod ea quæ in isto libro habentur ab eo
Ibid. x, 4. loco, Dixitque Mardocheus, A Deo facta
 sunt ista, non habentur in Hebræo, ut di-
 cit Hieronymus, et infra patebit, sed in
 editione vulgata sunt, et ex Josepho sum-
 pta. Idcirco dicendum pro horum concor-
 dia, quod rex primo adpectu visa regina,
 fuit contra eam commotus, eo quod non
 vocata venisset ; sed visa ejus discolora-
 tione, verecundia, debilitatione, declina-
Ibid. xv,
11 et seq. tione, rex subito fuit animo alteratus, et
 reginæ compassus, timens de morte ejus
 improvisa, prout hoc infra plenius enar-
 ratur : sicque regina, quum consolata fuis-
 set et roborata ex verbis regis, osculata est
 virgam.

Dixitque ad eam rex : Quid vis, Esther
regina? Quæ est petitio tua? Etiam si di-
midiam regni mei partem petieris, dabi-
tur tibi a me. Quamvis enim fuit regina,
 regnum tamen pertinebat ad regem ; nec
 sine regis scitu et voluntate regina potest
 urbem aut partem regni alienare, aut al-
 teri dare. *At illa respondit : Si regi pla-*
cet, obsecro ut venias ad me hodie, et
Aman tecum, ad convivium quod paravi
 per ministrantes. Ideo regem invitavit, ut
 quum factus esset rex potu solito more
 hilarior, proponeret ei suam petitionem.
 Ipsum quoque Aman invitavit, quia in
 ejus præsentia voluit eum regi accusare,
 ut rex contra præsentem magis incitaretur.
 Aliqui vero dicunt, quod ideo, ut alii
 principes incitarentur odio et invidentia
 contra Aman, eo quod sic honoraretur
 præ ipsis, etiam a regina ; sed hoc, ut ap-

paret, fuisset culpabile, nec apparentiam
 videtur habere. *Venit itaque rex et Aman*
ad convivium reginæ : quæ tunc regem
 rogavit, ut die sequenti, ipse et Aman rur-
 sus ad suum venirent convivium. Quod
 sic Deo ordinante peractum est, ut inte-
 rim cor regis magis afficeretur ad Mardo-
 chæum quam ad Aman, et ipse Aman sibi
 ipsi foveam in quam caderet, prepararet. *Ps. vii, 16.*

Egressus est itaque Aman a præsentia
 regis ac reginæ, *illa die lætus et alacer* ex
 tanta sua prosperitate, ut æstimavit, in die
 bonorum non existens memor malorum,
 nec providus periculorum sibi evenire po-
 tentium. Propter quod non implevit quod
 scriptum est : Sapiens in omnibus metuit. *Ibid. xviii,*
27.

Quumque vidisset Mardocheum, non so-
lum non sibi assurrexisse, sed nec motum
de loco, indignatus est valde, reputans se
 sic parvipendi ab illo : quod superbissi-
 mus ferre non potuit, sed vehementer ira-
 tus fuit. Ira namque est appetitus vindictæ
 propter parvipensionem irascenti illatam,
 secundum Philosophum. *Et dissimulata*
 ira : quam per signa monstrare, inhone-
 stum ac stultum est, juxta illud Ecclesia-
 stæ, Ira in sinu stulti requiescit. Et ite-
 rum Salomon loquitur : Fatuus statim
 indicat iram suam ; qui autem dissimulat
 injuriam, callidus est. *Reversus est in do-*
mus suam, et exposuit suis omnem suam
 prosperitatem, addens quod quamdiu vi-
 deret Mardocheum Judæum sibi odiosissi-
 mum ante fores palatii, miserum se arbi-
 traretur. Moxque de consilio amicorum et
 conjugis fecit erigi trabem, id est crucem
 seu patibulum quinquaginta cubitorum,
 quatenus procuraret a rege ipsum Mardo-
 chæum suspendi in eo, et sic lætus ad con-
 vivium iret. Nam passio iræ sicut a tristitia
 inchoatur, sic ultione illata, ad delectatio-
 nem (secundum Philosophum) terminatur.
Placuitque ei consilium tanquam suæ pas-
 sioni atque invidiæ consonum, *et jussit*
parari crucem excelsam.

Circa hæc quæritur, an peccaverit
 Mardocheus, nullum penitus exhibendo
 honorem huic Aman. Et videtur quod imo,

Eccli. xi,
27.

Ibid. xviii,
27.

Eccle. vii,
10.
Prov. xii,
16.

quia hoc fuit contra regis præceptum, et A habuit speciem mali; scandalizativum quoque exstitit aliorum, imo et inflammativum ipsius Aman ad persequendum Judæos. Insuper, Mardocheus licite poterat aliquam saltem reverentiam facere Aman, in assurgendo seu alio modo, absque derogatione honoris soli Deo exhibendi. Et secundum apostolica documenta, obediendum est dominis etiam dyscolis, et ducibus a rege missis, quamdiu non transcendunt limites suæ auctoritatis in præcipiendo.

1 Petr. II.
14, 18; Eph.
vi, 5; Tit. II.
9.

Ad hæc posset quis dicere juxta præhabita, quod Mardocheus ita se habuit, quia Aman voluit adorari et honorari ut Deus, secundum quod Lyra ad hoc allegat glossam Hebraicam. Sed hoc Rabbi Paulus multipliciter reprobat. Non enim, ut apparet, voluit altius honorari, quam rex Assuerus, qui non voluit adorari ut Deus; et si voluit sibi usurpare honorem divinum, derogasset regio honori: quod ex timore Assueri ausus facere non fuisset. Hinc addit Rabbi Paulus, quod glossa illa non tenetur ut authentica ab Hebræis; et quod C sint duæ Hebræorum opiniones, cur Mardocheus noluit flectere genua coram Aman: una dicentium, quod Aman gerebat ad collum suum idolum quoddam, ideo noluit eum adorare, ne adorare illud idolum videretur; alia, quia Deus præcepit filiis Israel in Deuteronomio, ne obliviscerentur injuriæ eis ab Amalecitis illatæ. Et quoniam Aman fuit de stirpe illorum, noluit signa amicitiae aut reverentiæ ipsi Aman ostendere. Verumtamen glossæ Hebraicæ

Esther III.
2.

Deut. XXV.
17.

consonat, quod infra Mardocheus in oratione loquitur Deo: Cuncta nosti et scis, quia non pro superbia fecerim hoc ut non adoraverim Aman superbissimum. Libenter enim pro salute Israel etiam vestigia pedum ejus deosculari paratus essem; sed timui ne honorem Dei mei transferrem ad hominem, et ne quemquam adorarem excepto Deo meo. Verum ad hoc Rabbi Paulus respondet, illud non haberi nec recipi ab Hebræis, qui de isto libro non habent nisi usque ad decimum capitulum includere. *Esther XIII. 12-14.* *Ibid. x, 4.*

Verumtamen mihi apparet, quod his non obstantibus, Mardocheus potuisset licite aliquem exhibere honorem Aman in assurgendo, vel simili modo, nec ex Deuteronomio illud fuit ei illicitum, quia Dominus jussit ne obliviscerentur filii Israel expugnare Amalecitas: quod jam fuit impletum per Saul et Samuelem. Propterea non videtur, qualiter Mardocheus excusetur de hoc, quod nullam voluit facere reverentiam impio Aman, nisi dicatur, quod ex occulto instinctu Spiritus Sancti se ita habuerit. Per quem modum plurima excusantur, quæ alias fuissent illicita: sicut quod Samson cum Philistæis occidit se ipsum; et quædam feminæ sanctæ submerserunt se, ne a perfidis violarentur, prout libro de Civitate Dei Augustinus declarat. Hinc dicendum apparet, quod Deus qui voluit arrogantiam hujus Aman per Mardocheum et Esther dejicere, movit cor Mardochei ad talem rigorem et irreverentiam circa Aman.

Deut. XXV
17.

1 Reg. XV.

Judic. XVI.
30.

ARTICULUS VI

DECLARATIO CAPITULI SEXTI: NOCTEM ILLAM REX DUXIT INSOMNEM.

EXALTATIO Mardochei hic describitur. *Noctem illam*, postquam rex et Aman comederunt primo cum Esther, *rex duxit insomnem*, Deo sic ordinante pro sublima-

Esther V. 5.

tionem Mardochei. Unde Josephus ait: Deus malignam spem Aman deridebat. Nam regi somnum per illam abstulit noctem: qui rex nolens in otio vigilias perdere, sed ad

gubernationem sui principatus eas habere, scribam jussit libros afferre. Hoc est quod subditur : *Jussitque sibi offerri historias, id est libros historiales, et annales priorum temporum* : quod supra expositum est. Quæ quum illo præsentē legerentur, ventum est ad illum locum, ubi scriptum erat quomodo nuntiasset Mardocheus insidias eunuchorum, regem Assuerum jugulare, id est occidere, cupientium. Et quum scriba voluisset legendo procedere, detinuit eum rex, ut Josephus addit. *Ait rex : Quid pro hac fide*, id est fidelitate mihi a Mardocheo exhibita, *honoris ac præmii consecutus est Mardocheus? Dixerunt illi servi ejus : Nihil omnino*. His videtur obviare quod infra scriptum est : Præcepit ei, scilicet Mardocheo rex, ut in aula palatii moraretur, datis ei pro delatione muneribus. Ad quod poterit responderi, quod munera illa respectu beneficii tanti, tantoque regi exhibiti, modica erant, et quasi nullius momenti : ideo nil recepisse asseritur. Josephus tamen refert Assuerum interrogasse, an aliquid scriptum esset in libris qui legebantur de remuneratione Mardocheo facta. Responditque scriba : Nihil. Et tunc rex jussit scribam tacere, et interrogavit quæ sit hora noctis; et audiens quod dilucesceret, jussit ut sibi nuntiarent, quem amicorum ante aulam invenirent. Hoc est quod sequitur.

Statimque rex : Quis est, inquit, in atrio? Responderunt : Aman stat in atrio. Nam solito manius venit, ut suggereret regi de suspensio Mardochei. Verum, ut Salomon ait : Non est sapientia, non est prudentia, non est consilium contra Dominum, qui dissipat consilia malignorum, ne possint implere manus eorum quæ cœperant. *Dixitque rex : Ingrediat*ur. Quumque esset ingressus, ait rex illi, scilicet ipsi Aman : *Quid debet fieri viro, quem rex honorare desiderat honore præcipuo?*

Cogitans Aman, quod nullum alium rex, nisi se, vellet honorare : quia jam sæpe fuit expertus favorem regis ad se; et quia superbi reputant se honore prædi-

agnos, et frequenter æstimant se tales ac tantos ab aliis reputari, quales et quanti reputantur a se ipsis, quum longe sit aliter; *respondit : Homo quem rex honorare cupit, debet indui vestibus regiis, et imponi super equum qui de sella regis est*, id est quem rex solet equitare. Unde in Scholastica historia dicitur, Super equum regis. Josephus quoque narrat ipsum Aman dixisse : Induatur veste tua, quem honorare desideras. *Et accipere regium diadema*. Ex hoc Lyra concludit, quod Aman adspiraverit ad regnum, sed Rabbi Paulus contradicit, et dicit non esse intelligendum, quod homo ille quem rex vellet honorare, accipiat regium diadema, sed quod equus ille qui de sella regis erat, esset de illis qui consueverunt regium diadema portare, quando rex equitavit in illis. Huic autem objectioni repugnat, quod subditur, *super caput suum*; sicque Magister in historiis refert. Quod autem Aman adspiravit ad regnum, apparentiam habet ex hoc, quod infra Assuerus rex protestatur :

Qui, scilicet Aman, in tantum arrogantiae tumorem sublatus est, ut regno nos privare niteretur et spiritu. Nam Mardocheum et Esther expetivit in mortem, ut illis interfectis, insidiaretur nostræ solitudini, et regnum Persarum transferret in Macedonas. Idem apparet ex eo, quod inferius denuo legitur, Aman voluit nocere Mardocheo pro duobus eunuchis regis qui fuerant interfecti. *Et primus de regis principibus ac tyrannis*, id est majoribus ac fortibus. Olim enim dicebatur tyrannus, rex, aut princeps fortis a τύπος, quod est fortis. Nunc vero vocatur τύραννος, violentus et irrationalis, qui sequitur voluntatem, non rationem. *Teneat ejus equum*.

Dixitque rex : Fac, sicut dixisti, Mardocheo Judæo sumpta stola, id est regia veste, et equo*. Dicunt aliqui, quod rex tacuit de regio diademate, quia non videbatur sibi competere, quod alter a rege uteretur diademate regio. Sed his obviare videtur, quod rex dixit ad Aman : *Cave, ne quidquam de his quæ locutus es, præ-*

Esther xvi.
12-14.

Ibid. xii, 6.

* regis

* ut locutus es

Esther ii.
23.

Ibid. xii, 1.

Prov. xxi.
30.

Job. x. 12.

Esther viii.
13.

terminat. Infra quoque habetur, quod Mardocheus egrediens de conspectu regis, coronam auream portavit in capite. Tulit itaque Aman stolam et equum, ad faciendum juxta regis praeceptum. Et, sicut Josephus refert, quum invenisset Aman Mardocheum sacco indutum, et jussisset eum sacco exutum, circumdari purpura, Mardocheus putans sibi illudi, dixit ad Aman : Pessime omnium hominum, sic nostram calamitatem derides ? Veritate autem cognita, acquievit.

Expleto demum regis praecepto, Aman festinavit ire in domum suam, latus et operto capite, ex confusione atque tristitia. Narravitque amicis et uxori. Cui re-

sponderunt sapientes, quos habebat in consilio, et uxori : Si de semine Judaeorum* uxor ejus est Mardocheus, ante quem cadere coepisti, id est humiliari et dehonoriari, non poteris resistere ei.* Unde apparet, quod isti noverunt aliquid de libris et historiis Judaeorum, quorum libri erant translati ad aliam linguam ; vel ex Judaeorum inter se commorantium relatione. Atque (ut dicunt Hebraei) legerunt, quod filii Israel comparantur stellis caeli et pulveri terrae, ut patet saepe in Genesi et Deuteronomio. Ideoque dixerunt : Dum incipiunt cadere, prosternuntur et suppeditantur ut pulvis : dum vero incipiunt prevalere, exaltantur ut sidera. Hoc recitative commemoro.

Gen. xiii.
16; xv, 5;
xiii, 17;
xxvi, 4;
xxviii, 14;
Exod.
xxii, 13;
Num. xxiii,
10; Deut. i.
10.

ARTICULUS VII

EXPLANATIO CAPITULI SEPTIMI : INTRAVIT ITAQUE REX ET AMAN, UT BIBERENT CUM REGINA.

FORMA petitionis Esther reginae hic ponitur. *Intravit itaque rex et Aman, ut biberent cum regina : imo ut etiam manducarent cum ea ; sed per unum designatur utrumque, sicut et nomine comestionis, communiter ipsa quoque potatio insinuat. Dixitque ei rex : Quae est petitio tua, Esther ? Respondit : Si inveni gratiam in oculis tuis, o rex, dona mihi animam meam pro qua rogo, id est, vitam meam conserva, atque a mortis laqueo eripe, et populum meum pro quo obsecro, id est, ad instantiam meam praeserva a mortis periculo jam propinquo, nisi subvenias, populum de quo nata sum, et cujus membrum exsisto. Traditi enim sumus ego et populus meus, ut conteramur, jugulemur et pereamus. Atque utinam in servos et famulas venderemur, id est, venditio ista esset eligibilior, quam sic jugulari ; esset tolerabile malum : quia tolerabilior est mors civilis, videlicet servitus, quam mors corporalis, et generalis etiam parvulorum*

ac feminarum ; et gemens tacerem, id est, habendo patientiam, et sustinendo pro culpa mea, etiam mei ipsius dejectionem a regali excellentia ad statum ancillarem, quia invite propono querimoniam. Nunc autem hostis noster est, cujus crudelitas redundat in regem. Vir namque et uxor sunt una caro : ideo occisio uxoris redundat in virum. Esther autem fuit pars populi, quem Aman procuravit morti adjudicari. Dictum est quoque supra, quod Aman adspiravit ad regnum, et cogitavit mala in regem. Poterat item rex emolumenta pecuniarum et commoda consequi, ex Judaeorum venditione, seu occupatione in servitiis regis, quemadmodum in Aegypto servierant Pharaoni : idcirco eorum occisio regi damnosa fuisset. Hostis et inimicus noster pessimus iste est Aman, qui adversatur vitae nostrae ac regno.

Quod ille audiens, illico obstupuit, id est, pra admiratione rei insuspicatae, teritus fuit valde, et quasi defecit, vultum

Gen. ii, 24.

Esther ii,
7; iii, 8-13.

Ibid. vi.

Exod. i, 11.

regis ac regine iratum ferre non sustineus, ex pavore et confusione. Rex autem surrexit, et intravit in hortum arboribus consitum, id est ornatum et complantatum, pro refrigeratione iracundiæ suæ, et ne in impetu iræ ferret sententiam. Aman quoque surrexit, ut rogaret Esther pro anima, id est pro vita sua conservanda. Nam rege surgente, regina etiam surgens, ex debilitate, quam incurrit ex immoderata suæ teneritudinis alteratione, projecit se super lectum ad repausandum. Intellexit enim a rege sibi paratum malum, id est, ex dispositione et ira regis, consideravit sibi imminere periculum mortis. Ira enim non habet misericordiam, nec erumpens furor. Et impetum concitati spiritus sustinere quis poterit? Atque, ut iterum Salomon fassus est : Quemadmodum hilaritas regis est quasi ros super herbam, sic iracundia ejus est tanquam fremitus leonis, et nuntius mortis.

Qui rex reversus, reperit Aman super lectulum corruisse, in quo, id est super quem, jacebat Esther cum vestibis. Dicunt aliqui, quod Aman ex debilitatione corruit super lectum : quia ex tantis et tam inopinatis adversitatibus et obstupefactione ac formidine debilitabatur in corpore. Josephus vero ait, quod procidit super lectum, rogans reginam. Et ait rex ex suspicione : Etiam reginam vult opprimere, me præsentem, id est strangulare, ut quidam exponunt, vel violenter cognoscere. Unde Josephus narrat regem dixisse : Pessime omnium, uxori meæ violentiam inferre conaris? Et statim operuerunt faciem ejus, tanquam protinus condemnandi, et jam quasi condemnati ad mortem. Sic enim

A in aliquibus terris, solent damnatis ad mortem oculi operiri.

*Dixitque unus de eunuchis : Ecce lignum, hoc est patibulum, quod paraverat Aman Mardocheo, stat in domo, id est infra septa domus Aman. Iste eunuchus, fuit unus eorum qui iverunt pro Aman vocando ad mensam reginæ, et viderat illud patibulum, ac petivit, cui esset paratum ; cui respondit unus servorum, quod Mardocheo : ut Josephus refert. Cui dixit rex : Suspendite eum in eo, id est ligno, per manus tortoris. Suspendus est itaque Aman. In qua re patet fallacia prosperitatis mundanæ, incertitudo et instabilitas favoris humani, præsertim principum mundanorum ; et qualiter Deus sanctus et justus, superbis resistat, qui mentem Assu-
C per ipsum devolvetur, et non cognoscet unde illi advenit illusio ; et quod ait Psalmista, In laqueo isto quem absconderunt, comprehensus est pes eorum ; illud quoque Proverbiorum, Qui fodit foveam incidet in eam, et qui volvit lapidem ad eum revertetur.*

Hinc Josephus circa hæc scribit : Contigit mihi mirari in isto sapientiam Dei, quod non solum malitiam Aman punivit, sed quod excogitata ab eo contra alium tormenta, in ipsum convertit, et ceteros hoc sentire permisit, quoniam qui contra alium molestus fuerit, hæc in se primum cognoscat parata.

Prov. xxv, 3.

Ibid. xiv, 12. xvi, 14.

I Petr. v, 5.

Prov. xxi, 1.

Ecl. xxvii, 30, 31.

Ps. ix, 16.

Prov. xxvi, 27.

ARTICULUS VIII

EXPOSITIO CAPITULI OCTAVI : DIE ILLO DEDIT REX ASSUERUS ESTHER REGINÆ.

LIBERATIO Judæorum, ad instantiam A Esther facta, hic recitatur. *Die illo dedit rex Assuerus Esther reginæ domum Aman*, cum facultatibus quibus ipse Aman privari promeruerat in se et in sobole sua, utpote reus criminis læsæ majestatis; et *Mardochæus ingressus est ante faciem regis*, tanquam amicus et successurus in loco, dignitate, principatuque Aman. *Confessa enim est ei*, scilicet regi, *Esther*, quod esset patruus suus. *Tulitque rex annulum, quem ab Aman recipi jusserat, et tradidit Mardochæo*. Dederat quippe rex annulum suum Aman ad signandum: quem abstulit ei, dum eum a pristina dignitate deposuit, et contulit Mardochæo ad eosdem usus, ad quos datus fuerat ipsi Aman.

Esther autem procidit ad pedes regis, et locuta est: Obsecro, ut novis epistolis veteres litteræ Aman factæ de Judæorum occisione, corrigantur, id est, reprobentur et revocentur. *Responditque rex Esther reginæ et Mardochæo: Scribite Judæis sicut vobis placet, ex regis nomine*. Hanc auctoritatem rex dedit conjugi suæ et ejus patrio, quoniam de eorum justitia, prudentia, fidelitate fuit certificatus.

Accitisque scribis et librariis regis, id est, dictatoribus atque scriptoribus epistolarum ac librorum vocatis, epistolæ sunt scriptæ ut Mardochæus voluerat, et missæ per veredarios, id est nuntios, qui secundum Josephum equites erant. Harum epistolarum formam ponit Josephus in hoc loco: quæ infra continetur. *Quibus veredariis imperavit rex, ut convenirent, id est alloquerentur, Judeos per singulas civitates, et in unum præciperent congregari ipsos Judæos, ut starent pro animabus suis*, id est pro defensione vitæ suæ, et

omnes inimicos suos cum conjugibus et liberis et universis domibus, id est familiis seu cognatis, interficerent, inferendo illis, quod illi decreverant inferre ipsis Judæis. *Et constituta est per omnes provincias ultionis dies, id est tertiadecima mensis duodecimi nomine Adar: quo die jusserrat Aman Judæos occidi*. Sicque ordinante divina justitia, eo die prostraverunt Judæi adversarios suos, quo adversarii ipsos occidere decreverunt. *Summaque epistolæ, id est tenor et sententia epistolarum prædictarum, summatim, id est breviter, fuit*, quarum sententia infra diffuse habetur: *paratos esse debere Judæos ad capiendam, imo et exercendam, vindictam de hostibus suis fautoribus Aman, cujus edictum exsequi intendebant*. Denique epistolæ illæ materialiter erant multæ, sed una in forma et sensu fuit, hoc est una in specie. *Egressique sunt veredarii celeres nuntios perferentes*, id est, veloces ambasiatas secum portantes.

Mardochæus autem de palatio et de conspectu regis egrediens, fulgebat vestibus regiis, hyacinthinis, id est purpurei coloris, et aerinis, hoc est coloris aerii clari et albi, coronam auream portans in capite, amictus pallio serico atque purpureo. In tali apparatu, decore, et gloria fecit eum rex egredi, ut cunctis pateret auctoritas et potestas sibi commissa. Tamen aurea illa corona in pretiositate et forma a diademate regis distabat.

Omnisque civitas exsultavit, atque gavisata est, hoc est tota urbs Susa, nisi forsitan paucis fautoribus Aman exceptis. Vel, *Omnis, id est quælibet civitas regis, ad quam rumor horum devenit*. Noverant enim superbiam Aman, et Mardochæi virtutem.

Esther vii.
13.

Ibid. xvi.

* lætata

Esther xvi.
1 et seq.

Ideo de illius dejectione, et hujus promotione gloriabantur. In quibus verificatum est illud Proverbiorum : In multiplicatione justorum lætabitur vulgus ; quum impii sumpserint principatum, gemet populus. *Judæis autem nova tunc oriri visa est, id est copiosa materia jucunditatis et clarificatio oculorum. Ideo undique multipliciter lætabantur, in tantum, ut plures, id est multi gentilium et idololatrarum, eorum religioni et cærimoniis jungerentur, id est,*

PROV. XXIX,
2.

A ad Judaismum converterentur, colentes de cetero verum Deum per observantias cærimonialium præceptorum, imo et moralium et judicialium mandatorum, percipientes quod Deus Israel sic subvenisset populo suo, ejusque adversarios trucidasset tam inopinate atque celerrime. *Grandis enim cunctos Assuero subjectos Judæi nominis terror invasit, ita quod nomine Judæorum audito, perterrebantur, quorum Deum credebant summum et omnipotentem.*

ARTICULUS IX

DECLARATIO CAPITULI NONI : IGITUR DUODECIMI MENSIS, QUEM ADAR VOCARI ANTE
JAM DIXIMUS, TERTIADecIMA DIE.

EXSECUTIO ultionis, quam Judæi in B hostes suos exercuerunt, hic narratur, nec est difficultas in textu. Primo enim exprimitur tempus, quoulti sunt suam injuriam in eos, qui concordaverunt, juxta voluntatem Aman, occidere ipsos Judæos et eorum diripere opes. *Fama Mardochei crescebat quotidie : quia virtuose et sapienter regebat, et res publica præ solito prosperabatur sub eo ; et divulgabatur quod erat patruus reginæ, ipsumque regem sua fidelitate præservasset a morte : ideo principes et præfecti provinciarum, extollebant Judæos timore Mardochei, quem principem esse palatii post regem, vel magistratum curiæ, et plurimum posse cognoverant, quia rex honoravit et habuit eum ut patrem. Ita ut in Susis metropoli regni, quingentos viros* Judæi occiderint*, extra, id est præter et ultra, decem filios Aman. Quos quum occiderant, prædas de eorum substantiis agere noluerunt, id est, nihil de possessionibus occisorum converterunt in proprium usum : quod fuit honestum, ne ex cupiditate, non æquitate, viderentur se vindicare.

* interfecerant

Qui, scilicet rex, dixit reginæ : Quid ultra postulas ? Cui illa : Detur Judæis potestas, ut sicut hodie fecerunt, sic et cras faciant in Susis solum. In ipsa etenim urbe plures et potentiores fuerunt adversarii Judæorum, in qua et Aman personaliter habitavit. Ideo Esther rogavit ibi fieri ultionem per duos dies, et factum est ita. In ceteris vero urbibus percusserunt adversarios suos tertiadecima die mensis Adar, et quartadecima die cedere desierunt, ita quod illa die neminem occiderunt. Juxta quem sensum, in Susis cessaverunt percutere quintadecima die mensis Adar.

Scriptis itaque Mardocheus omnia hæc in libro isto, cujus auctor est ipse, quamvis vocetur liber Esther, quia principalius tractat de ea, et ipsa principalior fuit in procuratione liberationis Judæorum ; et litteris comprehensa, misit ad Judæos per totum Assueri imperium, ut quartadecimam et quintadecimam diem mensis Adar pro festis susciperent, id est, de cetero festivos haberent in memoriam beneficiorum Dei et victoriæ eis concessæ ; quia in ipsis diebus se ulti sunt de inimicis suis, id est, quartadecima die mensis il-

lius cessaverunt ab ultione Judæi extra A Susa habitantes. Judæi autem in Susis habitantes, cessaverunt ab ultione quintadecima die : ideo voluit Mardocheus utrumque diem haberi solennem, ut vacarent epulis, sobrie tamen, et gaudio spirituali Deo regratiantes atque conviviiis moderatis.

Consequenter ponitur recapitulatio prædictorum. *Aman enim filius Amadathi*, etc. *Atque ex illo tempore institutionis solennitatis istius, dies isti festivi*, scilicet quartusdecimus et quintusdecimus mensis B Adar, *appellati sunt* a Mardocheo et sequacibus ejus, PHURIM, *id est sortium, eo quod PHUR, id est sors, in urnam missa*

Esther iii, 7.

fuert, non a Judæis, sed ab Aman, ut supra expositum est. Fuitque una sors in communi, sed duæ in particulari, ut tactum est ibi. Ideo hic dicitur, Dies sortium, in plurali; et additur, Eo quod sors, in singulari. Itaque dicti sunt dies Sortium, ab eventu, non proprie a materia; et quia sors illa fuit occasio ultionis seu victoriæ, de qua principaliter fuit ista celebritas. C

Ant. Jud. lib. xi, c. 6 in fine.

Verumtamen Josephus refert, quod Judæi vocant hos dies, conversatores, quia videlicet in eis de mœrore gravissimo in gaudium sunt conversi; vel quia tunc pariter conversantur in epulis et ferculorum mutuis transmissionibus ac donorum largitionibus. *Susceperunt itaque Judæi super se*, id est, concorditer obligaverunt se ad celebrandum hos dies. Consensus enim exigitur ad novæ legis seu jussionis robor, auctoritatem et ratificationem. *Isti sunt dies, quos nulla unquam delebit oblivio, D et cunctæ quæ in toto orbe sunt provinciæ,*

celebrabunt, id est Judæi habitantes in cunctis provinciis mundi : quod per hyperbolen dictum est.

Scripseruntque Esther et Mardocheus etiam secundam epistolam, ut omni studio dies ista, id est solennitas duorum dierum istorum, *sanciretur*, id est firmiter servaretur, *in posterum*, durante cursu veteris Testamenti. *Et miserunt epistolam istam secundam, ad omnes Judæos imperii Assueri, ut haberent pacem internam cum Deo, et pacem externam inter se invicem et cum gentilibus*, inter quos versabantur, non se extollendo aut insolescendo, eo quod regina et princeps palatii essent de natione eorum, *et susciperent veritatem, acquiescendo veritati, doctrinæ atque justitiæ*; vel, ut quidam exponunt, accipiendo hunc librum inter libros canonicos sacre Scripturæ. *Observantes etiam jejunia atque clamores*, id est memoriam jejuniorum et clamorosarum orationum, quibus postulaverunt auxilium Dei adversus pericula eis ab Aman parata, antequam prævaluerunt modo prætaeto. Porro Rabbi Paulus dicit istud ab Hebræis ita exponi, quod Esther et Mardocheus ordinarunt, ut Judæi ante solennitatem hanc Sortium, vacarent orationibus et jejuniis pro gratia devotionis, et ad recordationem quod Esther, Mardocheus et alii Judæi, orando et jejunando, clamaverunt ad Dominum pro causa prædicta. Susciperentque ut observarent omnia *quæ libri hujus, qui vocatur Esther, historia continentur*, id est, crederent et approbarent universa, quæ in libro hoc, qui intitulatur liber Esther, sunt scripta.

ARTICULUS X

EXPOSITIO CAPITULI DECIMI : REX VERO ASSUERUS.

DEUS qui nullum bonum deserit irremuneratum, Assuero regi magnam contulit prosperitatem terrenam, pro pietate sua circa Israelitas, et pro iustitia quam in adversarios eorum exercuit. An vero fuerit tandem ad verum Deum ab idololatria per Esther et Mardocheum conversus, nescitur : quamvis infra satis monstretur habuisse notitiam quamdam veri Dei et providentiæ ac iudicii ejus, beneficiorum quoque ipsius. *Rex vero Assuerus omnem terram et cunctas maris insulas fecit tributarias*, id est sub tributo sibi deservientes : quod per modum hyperbolici sermonis est intelligendum, ad insinuandum quod valde magnam terræ partem et plurimas insulas, non tamen simpliciter omnes, sibi subiecit, intelligendo per terram et insulas, habitatores earum. *Cujus fortitudo*, qua inimicis rebellibusque prævaluit, et imperium super subjectos, et dignitas monarchica, atque sublimitas qua Mardocheum exaltavit, scripta sunt in libris Medorum atque Persarum, quorum specialiter hereditarius rex fuisse refertur : ideo illi gesta illius specialius ac diffusius habebant descripta ; et quomodo Mardocheus secundus a rege, id est primus post regem in ordine principum, fuerit, et magnus apud Judæos auctoritate, sapientia, bonitate, quærens bona populo suo, quia sollicitus fuit pro communi populi sui bono, et loquens quæ ad pacem sui seminis pertinerent. Sicque Deus per eum consolabatur Judæos dispersos.

Hucusque, seu usque ad hæc verba inclusive, liber Esther in Hebræo habetur. Idcirco Hieronymus mox subjungit : *Quæ habentur in Hebræo, plena fide expressi. Hæc autem quæ sequuntur, scripta reperi*

A *in editione vulgata*, id est translatione inventa et publicata, cujus auctor ignoratur, quæ Græcorum lingua et litteris, id est sermone et libris, continentur ; et interim, id est medio spatio, post finem libri istius hoc capitulum ferebatur, id est, pars hujus capituli exprimebatur, videlicet verba immediate sequentia, Dixitque Mardocheus ; quod juxta nostram consuetudinem obelo, id est veru, prænotavimus, id est, ante hæc verba posuimus similitudinem veru seu virgulæ, ad innuendum quod ista sequentia non sunt authentica seu canonica, sed transfodiuntur, hoc est, ab Hebræis non recipiuntur, imo tanquam superflua abscinduntur a canone Scripturarum.

Dixitque Mardocheus, post ipsius Aman suspensionem et suam promotionem : *A Deo facta sunt ista*. Tunc namque intellexit visionem quam ante habuerat, per rerum eventum et evidentiæ facti : idcirco non fuit propheta ex visione hujusmodi, quia intelligentia est opus in visione. *Recordatus sum somnii quod videram, hæc eadem quæ jam gesta sunt significantis ; nec eorum quidquam irritum fuit*, id est, nihil horum quæ vidi in somnio illo, inane fuit aut cassum. Vidit autem in somno parvum fontem, qui paulatim videbatur crescere et augeri atque exuberare in fluvium, et converti in lucem et solem. Vidit quoque duos dracones et duas gentes. Et per fontem parvum significata est Esther quæ crevit sapientia, virtute, auctoritate et fama, ita quod instar lucis ac solis lætificavit et clarificavit populum suum. Hoc est quod dicitur :

Parvus fons qui crevit, in imaginaria visione, in fluvium, et in lucem solemque conversus est, et in aquas plurimas re-

Dan. x, 1.

dundavit, Esther est, id est, ipsam Esther A designat. *Duo dracones, ego sum et Aman* per significationem et proprietatem, ita quod comparatur draconibus, non tamen conformiter : quoniam ille dicitur draco per potestatis suæ abusum et venenatam impietatem, aliorumque pestiferam infectionem ; ego autem per potestatis valorem et caritatis fervorem. Draco enim est ignea fera. Sic Christus significatur per leonem ratione fortitudinis, et diabolus ratione ferocitatis. *Gentes quæ convenerant cum uno dracone, hi sunt qui conati sunt delere nomen Judæorum*, puta fautores ipsius Aman, volentes vitam et memoriam Judæorum omnino exstinguere. *Gens autem mea, Israel est*, id est Israeliticus populus me sequens draconem, *quæ clamavit ad Dominum, et salvum fecit Dominus*

populum suum ab insidiis Aman ; et fecit signa magna atque portenta inter gentes, dejiciendo Aman cum suis, et nos humiles exaltando ; et duas sortes esse præcepit, id est partes seu eventus vel distinctiones, *unam populi Dei*, videlicet Judæorum fidelium, *et alteram cunctarum gentium*, hoc est infidelium idololatrarum. *Venitque utraque sors in statutum ex illo jam tempore coram Deo universis gentibus*, id est, ex decreto divini judicii quælibet gens accepit suam mercedem, et salvata est una, B *quæ clamavit ad Dominum, ac perdit altera*. Ideo subditur : *Et recordatus est Dominus populi sui*, id est, ostendit se memorem Judæorum, eos pie exaudiendo, *ac misertus hereditatis suæ*, hoc est hereditariæ plebis suæ : de qua ait per Isaïam, Hereditas mea Israel.

Is. xix, 25.

ARTICULUS XI

DECLARATIO CAPITULI UNDECIMI : ANNO QUARTO, REGNANTIBUS PTOLEMEO ET CLEOPATRA.

HOC capitulum undecimum modice dif- fert a præcedenti, quia ejusdem somnii descriptio est. Itaque, *Anno quarto, regnantibus Ptolemæo rege Ægypti, et Cleopatra conjuge, attulerunt Dositheus et filius ejus hanc epistolam phurim*, id est sortium. *Vidit somnium Mardocheus* : quod præcedenti articulo expositum est, sed hic aliqua verba adduntur. *Erat autem Mardocheus de eo numero captivorum, quos transtulerat Nabuchodonosor cum Jechnia rege Juda*, prout supra expositum est. Et ex isto patet verum esse quod dictum est ibi, videlicet Mardocheum cum Jechnia fuisse captum.

Et hoc ejus somnium fuit : Apparuerunt in somno imaginaria visione voces, id est clamores, et tumultus et tonitrua et terræ motus, et conturbatio magna super terram : per quæ omnia præfigurabatur

C tempestas, inquietudo et vehementia tribulationis imminens populo Judæorum in regno Assueri sub tempore Mardochæi et Aman. Talia quoque apparuerunt non imaginarie tantum, sed vere realiter in nativitate Alexandri regis, ad præsignandum vehementiam tribulationum imminantium orientalibus regnis atque provinciis ab Alexandro tunc nato.

Et ecce duo dracones magni, paratique contra se in prælium, scilicet Mardocheus et Aman, juxta præhabitam in præcedenti articulo expositionem ; ad quorum clamorem contra se invicem, cunctæ concitate sunt nationes, id est quædam de omnibus, regni præsertim Assueri, adhærentes impio Aman, *ut pugnarent contra gentem justorum*, id est, Judæos veri Dei cultores occiderent. *Fuitque dies illa*, id est tempus designatum per somnium illud, tene-

Esther x, 7.

Esther x, 3-12.

Ibid. ii, 5, 6.

brarum, id est trinitiarum, et discriminis, id est periculi, tribulationis et angustiae, et ingens formida super terram : et hoc primo in populo Judæorum, promulgato edicto de eorum occisione : postea autem in fautoribus Aman, misso decreto, quod a Judæis essent interimendi. Conturbataque est gens justorum, scilicet Judæorum, timentium mala sua, id est adversa eis instantia, prout dictum est jam plenius, et præparata ad mortem, id est tradita et exposita periculo mortis ex machinationibus Aman.

Clamaveruntque ad Deum ; et illis vociferantibus in oratione, fletu, et gemitu, fons parvus crevit in fluvium maximum, id est, humilis Esther, origo consolationis et gaudii Judæorum, exaltata est valde et exaudita a rege in tantum, quod toti populo suo impetravit abundantiam exhilarationis, pacis et prosperitatis. Hinc subditur : Lux et sol ortus est, id est, Esther surrexit, et jucunditatem ac clarificatio-

nem procuravit Judæis. Quod et de Mardochei elevatione potest intelligi : quo exeunte de regis conspectu cum regiis vestibus, coronaque aurea, visa est Judæis lux nova oriri. Humiles exaltati sunt, scilicet Esther, Mardocheus et Judæi, qui ad Deum humiliter confugerunt, et devoraverunt inclytos : quia penitus superaverunt principem Aman, et filios ac fautores ipsius.

Quod quum vidisset Mardocheus in somno et visione imaginaria : quam tamen tunc non intellexit. Nam subditur, et surrexisset de strato, id est lecto suo, cogitabat quid Deus facere vellet ; et fixum habebat in animo id quod vidit, tenens pro certo, quod futurorum esset præsagium, et ardua designaret : ideo fuit cupiens scire quid significaret somnium : quod Deus sibi ostendit diu antequam res designata evenit, quatenus ea impleta, Mardocheus certius nosceret id ex divina providentia contigisse.

Esther viii, 15, 16.

ARTICULUS XII

ELUCIDATIO CAPITULI DUODECIMI : MORABATUR AUTEM EO TEMPORE IN AULA REGIS.

CONSEQUENTER in hoc duodecimo capitulo recitatur, qualiter Mardocheus significavit Assuero insidias eunuchorum, prout supra est conscriptum. *Morabatur autem Mardocheus eo tempore in aula regis, cum eunuchis regis qui janitores erant palatii, et in primo palatii limine præsidebant. Quumque intellexisset cogitationes eorum per signa et facta quædam exteriora, vel per verba alterius linguæ, quam illi putabant Mardocheum non intelligere, sicut supra patuit : ubi ex Josepho allegatum est, quod servus unius eunuchorum illorum, natione Judæus, revelavit id Mardocheo : cui ille non credens, caute personaliter consideravit et observavit conatus*

eorum. Secundum quod subditur : et curas diligentius pervidisset, didicit quod conarentur in regem Artaxerxem, id est Assuerum, manus mittere violentas ad occidendum. Et nuntiavit super eo regi, id est, de hac re significavit Assuero veritatem per Esther reginam.

Rex autem quod gestum erat, scripsit in commentariis, id est, scribi fecit in libris memorialibus, in quibus continebantur res dignæ memoria ; datis ei, scilicet Mardocheo, pro delatione, id est accusatione eunuchorum, muneribus : quod qualiter intelligendum sit, in expositione superiorum est expressum.

Aman vero gloriosissimus, id est hono-

Esther xi, 23.

Ibid. vi, 3.

Esther iii, 10, 11, 12.

Ibid. viii, 11, 12, 13.

Ibid. viii, 14.

Esther xi, 21, 22.

Ibidem.

ratissimus et famosissimus, erat coram A
Esther iii, 1. rege Assuero, qui fecit eum talem ac tantum, videlicet summum post se : et voluit nocere Mardocheo et populo ejus, procurando eorum occisionem, pro duobus eunuchis. *Ibid.* 3, 6. Supra dictum est, quod voluit eos occidere, quoniam Mardocheus non fle-

ctebat genua coram ipso Aman. Hic vero innuitur alia causa : quia videlicet Aman ægre tulit, quod Mardocheus accusavit eunuchos regi, et occasio fuit interfectionis illorum, qui erant amici Aman, atque (ut aliqui opinantur) cupiebant promotionem ipsius Aman in regem.

ARTICULUS XIII

ELUCIDATIO CAPITULI TERTHDECIMI : REX MAXIMUS ARTAXERXES.

CAPITULUM præsens includit epistolam, quam misit Aman ex nomine regis Assueri de occidendis Judæis, orationemque Mardochei. Epistolæ autem hoc exemplar fuit, et sumptum est istud ex Josepho, qui undecimo Antiquitatum libro hanc ponit epistolam quasi de verbo ad verbum, sicut habetur hic, et insertum ac additum fuit editioni seu translationi vulgatæ, ejus auctor nescitur.

Rex maximus Artaxerxes, alio nomine Assuerus, pro tunc monarcha, ab India usque Æthiopiam, etc. *Quum plurimis gentibus imperarem, et universum orbem meæ ditioni*, id est imperio, subjugassem : quod per hyperbolen dictum esse, tactum est sæpius. Non enim occidentalibus et citramarinis præfuit regnis. *Volui nequaquam magnitudine abuti potentia*. Hoc enim esset tyrannicum, abuti potentia.

Prov. xxviii, 15.

Ibid. 16.

Ibid. xx, 28.

Propter quod in Proverbiis inducitur : Leo rugiens, et ursus esuriens, princeps impius super populum pauperem. Itemque : Dux indigens prudentia, multos opprimet per calumniam. Istud pulchrum procœmum præmisit impius Aman ex nomine regis, ne Judæorum occisio crudelitati ascriberetur. *Sed clementia et lenitate*, id est mansuetudine, gubernare subjectos. *Roboratur namque clementia thronus regis ; et mansuetudo maxime condecet præsidentes*, quoniam ira excæcat et obruit oculum

mentis, quem oportet in præsidentibus esse perlimpidum et tranquillum ad efficaciter judicandum. *Ut absque ullo timore* * inordinato, *vitam silentio transigentes*, id est quiete pertransientes, *optata cunctis mortalibus pace fruerentur*. Omnia enim naturaliter appetunt suo modo pacem. Nam et motus tendit ad quietem, et bella ordinantur ad pacem ; et sicut gravia deorsum, levia vero sursum quiescunt, sic appetitus humanus quiescit in pace. Sic et Apostolus Timotheum affatur : Obsecro fieri orationes, ut quietam et tranquillam vitam agamus in omni pietate. Nihilominus quidam ex corruptione naturæ seu habitu vitioso vel suggestionem iniqua ad inquietudinem inclinantur, Isaia dicente : Impii quasi mare fervens quod quiescere non potest. *Is.* lvi, 20.

Quærente autem me a consiliariis meis, quomodo hoc posset impleri, unus qui sapientia et fide, id est fidelitate, ceteros præcellebat. Hoc Aman ex nomine regis scripsit de se ipso ; quum tamen in vitiosis et passionatis non sit vera prudentia, quæ est virtus, neque sapientia salutaris, quamvis possit esse in eis versutia quædam et scholastica notitia ac informis cognitio. *Indicavit mihi in toto orbe terrarum populum esse dispersum, etc. Quod quum didicissemus, videntes unam gentem rebellem adversus omne hominum genus*,

* ut etc., *jussimus ut deleantur; quatenus* *av-*
farit, hoc est detestabiles et nominatione
indigni homines, una die ad inferos de-
scendentes quantum ad animas: quarum
immortalitatem multi gentilium credide-
runt seu cognoverunt; reddant, id est,
auferre desistant, imperio nostro, id est
subditis nostro dominio ac nobis, pacem
quam turbaverant.

Ecce sceleratissimus iste Aman quam
apparenter dictavit istam epistolam, et
suam coloravit ferocitatem atque invidi-
am. Quem in hoc multi usque in præsens
sequuntur, qui sub specie boni et optimi,
mala et pessima tegunt, proponunt et pra-
eticant. Ideo simulatores et callidi, specia-
liter et enormiter provocant iram Dei; et
illusores Deus illudet, corrueuntque falla-
ces in laqueum, quem aliis texunt.

Sequitur oratio Mardochei. *Mardocheus*
autem deprecatus est Dominum, post pro-
mulgationem epistolæ præscriptæ et de-
creti, *memor omnium operum ejus*, in ge-
nerali, vel quorundam de omnibus, seu
operum naturæ et gratiæ ac gloriæ. Sicque
ait Psalmista: Memor fui dierum antiquo-
rum, meditatus sum in omnibus operibus
tuis. Specialiter vero consideravit Mardo-
chæus opera et beneficia Dei, Israelitis ab
antiquis diebus exhibita.

Et dixit: Domine Deus, rex omnipo-
tens. De quo loquitur Isaias: Dominus le-
gifer noster, Dominus judex noster, Do-
minus rex noster. Cui dicit Jeremias: Non
est similis tui, Domine; magnus es tu, et
magnum nomen tuum in fortitudine. Quis
non timebit te, o Rex gentium? *In ditione*
tua, id est in tua potestate atque dominio,
cuncta sunt posita, quum sis universorum
creator: cujus conceptioni, jussioni ac nu-
tui necessario subest et paret omnis natu-
ra creata, jure creationis et auctoritate
creantis; *et non est qui possit resistere*
tuæ voluntati, qua vis aliquid absolute et
volitione existente in te: quæ nunquam
ab effectu sibi placito impeditur, sicut per
Isaiam testatus es: Consilium meum sta-
bit, et omnis voluntas mea fiet. Et rursus

A [in] Job dicit: Quis resistere potest vultui
meo? omnia enim quæ sub cælo sunt, mea
sunt. *Si decreveris*, id est deliberaveris,
salvare Israel, id est Israeliticam plebem
ab imminente periculo; nullus poterit im-
pedire, et continuo liberabitur a te. *Tu*
fecisti cælum et terram, et quidquid cæli
ambitu continetur. Dominus omnium es
auctoritate et jure creationis, conservatio-
nis, gubernationis et finalis dispositionis:
ideo cunctis inest obediencialis potentia
ad obediendum tibi tam naturaliter quam
B supernaturaliter, nec limitatur tua pote-
stas immensa ad naturalem cursum ac or-
dinem rerum.

Cuncta nosti, et scis quia non pro, id est
ex, *superbia*, vel pro obtinenda excellen-
tia aliqua, *et contumelia* alicui inferen-
da, *fecerim hoc, ut non adorarem Aman*
superbissimum, etc. Istud supra exposi-
tum est.

Et nunc, Domine, Deus Abraham, mise-
rere populi tui, quia volunt nos inimici
nostri, scilicet Aman et sui, perdere, et
C hereditatem tuam delere. Ne despicias par-
tem tuam, id est Israeliticam plebem, quæ
est parva in hominum universitate; *quam*
plebem ad tuum cultum præ ceteris gen-
tibus elegisti, *redemisti ex Ægypto* in pa-
tribus suis sub Moyse. Vel, Quam, cujus
patres sic redemisti. Interdum enim lo-
quitur Scriptura de pluribus seu diversis,
quasi de uno aut eisdem. *Exaudi depre-*
cationem meam, et propitius esto sorti et
funiculo tuo, id est populo tibi sequestra-
to ac partito: sicut per sortem venit alicui
D pars de toto, quod tamen ex tua providen-
tia, non fortuito, factum est ita. *Et con-*
verte luctum nostrum in gaudium, eri-
piendo nos de imminente adversitate, *ut*
viventes vita naturæ et gratiæ, laudemus
nomen tuum nominatum, id est te ipsum,
Domine, gratias referendo; *et ne claudas*
ora te canentium, id est, ora nostra te
laudantia in hymnis et psalmis, in lege et
Prophetis, non permittas claudi per mor-
tem violentam, nobis certissime imminen-
tem nisi tu pie succurras.

Job xxxvi,
13.

Proph. vi,
Ps. xii, 16.

Ps. cxlii, 5.

Is. xxxiii,
22.

Jer. xi, 6, 7.

Is. xlvii, 10.

Esther iii,
2.

Deut. vii, 6.

Exod. xii,
xiv.

ARTICULUS XIV

EXPOSITIO CAPITULI QUARTIDECIMI : ESTHER QUOQUE REGINA CONFUGIT AD DOMNUM.

FORMA orationis Esther reginæ hic ponitur. *Esther quoque regina confugit ad Dominum*, id est, ad implorandum misericordiam subventionemque Dei se convertit. Itaque mentis conversione, non loci mutatione, ad Deum incircumscriptum ubique præsentem confugitur. *Et pro unguentis variis*, quibus aliquando utebatur, non ex carnali affectu, sed necessitate, ne regem offenderet, cui propter commune bonum populi sui placere habebat, cinere et stercore implevit caput, et corpus suum humiliavit jejuniis, id est, capiti suo superjecit cinerem, et corpus suum prostravit in terram, nec ab immunditiis illud more solito lavit : et forsân luto aut alia vili materia illud linivit, pro majore sui humiliatione, ad impetrandum auxilium pietatis divinæ. *Omniaque loca in quibus ante lætari consueverat*. Infra habetur in fine hujus capituli, quod non sit lætata in palatio regis, nisi in Deo Israel. Ideo sensus est : Omnia loca in quibus ante lætari consueverat, id est signa alicujus lætitiæ demonstrare, seu per modum lætantis forinsecus se habere. Potest quoque exponi de spiritali jucunditate, quam in actibus habuit virtuosus ; sed hæc vice intenta fuit doloribus. *Crinium laceratione complevit*, præ dolore extrahendo pro parte capillos capitis sui, quemadmodum et Esdras vel Nehemias se fecisse testatur. Complevit autem sic loca illa, id est, præ solito occupavit, ut sit hyperbolicus sermo.

Et deprecabatur Dominum Deum Israel, dicens : Domine mi, per specialem devotionem mei ad te, et per gratiosam providentiam tui ad me, *qui rex noster es solus*, quia pro nunc non habemus proprium regem terrenum. Et, tu solus rex

noster es, per spiritualem gubernationem, regendo nos intus per fidem et gratiam ac directionem internam. Unde ait Psalmista : Deus autem rex noster ante sæcula ; et : Dominus regit me, et nihil mihi deerit. *Adjuva me solitariam*, id est humana consortia evitatem, et tibi quantum mihi possibile est in secreto vacantem, atque eorum de quibus nata sum, societate privatam ; et *cujus præter te nullus auxiliator est alius*, id est, in isto periculo nullus mihi potest efficax adjutorium præbere, nisi tu per modum tibi placentem. *Periculum meum in manibus meis est*, id est, de proximo imminet, et quasi tam præsens et certum, sicut id quod manu tenetur, nisi tu aliter ordines.

Audivi a patre meo, quod tu, Domine, tulisses Israel de cunctis gentibus, id est, a ceteris nationibus separasti Israeliticum populum, mancipando eum tuo obsequio : juxta illud Deuteronomii, Te elegit Dominus, ut sis ei populus peculiaris de cunctis populis qui sunt super terram ; et *patres nostros ex omnibus retro majoribus suis*, id est, Patriarchas Abraham, Isaac, Jacob applicuisti tibi, relictis prædecessoribus progenitoribusque eorum qui idolis servierunt. Hinc scriptum est in Deuteronomio : Patribus tuis conglutinat¹ est Dominus, et elegit eos. Josue quoque in fine libri sui ait : Trans fluvium (inquit) habitaverunt patres vestri, Thare pater Abraham et Nachor, servieruntque diis alienis. *Ut possideres hereditatem sempiternam*, id est, quatenus Israeliticum populum haberes tibi jugiter servientem, et a te gratiose possessum : sicut in Deuteronomio legitur sæpe.

Peccavimus in conspectu tuo. Hoc Esther loquitur in persona populi sui, con-

Ps. LXXIII,
12.
Ps. XXII, 1.

Deut. VII, 6.

Ibid. x, 15.

Josue XXIV,
2.

Deut. IV,
20; VII, 6; XIV,
2; XXVI, 18,
19; XXXII, 9.

¹ Esdr. IX,
3.

numerando se transgressoribus ex humilitate, quia fuit membrum plebis illius. Et simili modo loquitur Esdras : Peccata nostra creverunt usque ad cælum. *Et ideo tradidisti nos in manus inimicorum nostrorum, Coluimus enim deos eorum, puta gentilium, quibus nos tradidisti captivos :* quoniam multi ex filiis Israel fuerunt idololatræ quando ab Assyriis et Chaldæis capti fuerunt, et ante frequenter temporibus Judicium.

1 Esdr. ix.
6.
IV Reg. xvii.
7-23; xxv.
xvi. Jer. xlii.
Judic. ii.
11-19; iii. 1.
viii. 33, x. 6.

Rom. viii. 1.

Deut. xxx.
6, 10.

Jer. xxi.
35, 36.

Judith iii.
13.

Et nunc nunc is sufficit, quod durissima nos opprimunt servitute in captivitate, quæ est mors civilis; sed robur manuum suarum, idolorum potentia deputantes, id est potestatem quam habent a te Deo vero, a quo omnis potestas, suis diis atque simulacris adscribentes tanquam datoribus potestatis, volunt tua mutare promissa, id est, volunt nos privare tuæ pietatis effectibus, quos nobis pœnitentiam agentibus promisisti, dicens in Deuteronomio : Si ad cardines cœli fueris dissipatus, inde retrahet te Dominus Deus tuus, si conversus fueris ad eum in toto corde tuo; et delere hereditatem tuam, id est, plebem Israeliticam omnino extinguere, cujus posteritatem promisisti usque in finem sæculi conservare, dicens per Jeremiam : Hæc dicit Dominus, qui dat solem in lumine diei, ordinem lunæ et stellarum in lumine noctis : Si defecerint leges istæ coram me, et semen Israel deficiet, ut non sit gens coram me cunctis diebus; et claudere ora te laudantium, interficiendo tuos cultores, atque extinguere gloriam templi et altaris tui, id est cultum sacrificiorum tuorum, qui fit in templo tuo, et obsequium quod tibi ibidem impenditur, impedire : sicut tempore Judith Holofernes conatus est facere; ut aperiant ora gentium, dando eis occasionem et materiam blasphemandi te et cærimonias tuas, et laudent idolorum fortitudinem, adscribendo eis victoriam qua prævalent nobis, quum tamen ex tua promissione, imo et efficientia id contingat propter nostra peccata, et prædicent carnalem regem in sempiternum, id est,

A regem nos omnino extinguentem et auferentem commendent perpetue et inter deos transferendum annuntient, tanquam qui optime fecerit nos tollendo, quia superstitiosos et turbatores pacis communis nos asserunt.

Ne tradas, Domine, sceptrum tuum, id est regiam potestatem super nos, his qui non sunt, id est impiis et sceleratissimis hominibus, qui protinus morientur, et spiritualiter nihil sunt, ac comparatione fidelium virtuosorumque hominum, nullius sunt momenti : secundum quod Apostolus ait, Qui se putat aliquid esse, quum nihil sit; ne rideant ad ruinam nostram; sed converte consilium eorum super eos, id est, læsionem quam suo consilio machinantur nobis infligere, fac eis infligi. Sic et Propheta oravit, Averte mala inimicis meis, in veritate tua disperse eos : ut impleatur in eis illud Ecclesiastici, Facienti nequissimum consilium, super ipsum devolvetur. Et eum qui cœpit in nos sævire, disperse, id est, ipsum Aman qui cœpit in nos crudelissime agere, contere. Hoc zelo justitiæ est petatum contra hostes boni communis atque divini cultus, et ut in præsentem puniantur, et per mortem sublatti, cessent sibi damnationem peccando augere.

Memento, Domine, id est, per effectum declara te memorem nostri in bono, et ostende te nobis, per gratiosam exauditionem et illuminationem internam, in tempore tribulationis nostræ : sicut dixisti, Cum ipso sum in tribulatione : et da mihi fiduciam, id est mentis constantiam et confidentiam plenam in te, Rex Judæorum, qui tibi fideliter confitentur, et universæ Domine potestatis, id est dominator, dator et conservator omnium potestatum quæ respectu tuæ majestatis sunt servitutes et imbecillitates. Tribue sermonem compositum, id est ornatum ac audienti bene placentem, in ore meo : non ob laudem et gloriam meam, sed propter liberationem populi tui : in conspectu leonis, id est Assueri regis : qui ob eminentiam suæ pote-

Galat. vi. 3.

Ps. lxxvii. 7.

Eccli. xxvii. 30.

Ps. xc. 15.

- statis ac regiæ dignitatis leo vocatur, et **A** ibi admixtos; *et non biberim vinum libaminum*, id est sacrificiorum, videlicet vinum idolis immolatum; *et nunquam lætata sit ancilla tua, ex quo huc translata sum a terra Babylonix* (ut dictum est ante), *nisi in te, Domine, Deus Abraham*: qui licet sis omnium Deus, tamen ad Moysen es locutus: Hæc dices filiis Israel: Deus Abraham, Deus Isaac, et Deus Jacob misit me ad vos. Hoc nomen est mihi in æternum.
- Deus fortis super omnes*: quia solus omnipotens, et infinite universis potentior; *exaudi vocem illorum qui nullam aliam spem habent, quam in te, seu nullum in quo confidant, nisi te, Domine*; *et erue me a timore meo*, id est a periculo quod timeo, et ab isto timore quo affligor.
- Ecce quam devota, fervens et profunda oratio; et o quanta ex his probatur fuisse hujus electæ reginæ perfectio, quæ in tanta opulencia, honorificentia et frequentia constituta, tam virtuose, timorate et ordinate se habuit; quæ omnem gloriam mundi, voluptatem, dignitatem, vanitatesque sæculi tam plenissime sprexit, ita ut nunquam nisi in Deo sit gloriata in regali palatio! Nonne Spiritus ubi vult spirat, et Omnipotens corda suorum ubique juxta placitum suum immutat, afficit et gubernat? Quid ad hæc nos pusilli dicemus, qui ex levi et volatili verbo, signo aut facto inaniter gloriamur aut pueriliter conturbamur, et sumus ut pulvis quem projicit ventus a facie terræ? Instruamur ergo perfectione virtutum feminæ hujus sanctæ; et qui gloriatur, in Domino gloriatur. Nec ostentari, apparere, famari optemus, neque in vestitu aut ornamentis unquam lætemur. In omni quoque tribulatione confugiamus ad Deum, et reos nos esse ex cordis intima compunctione confiteamur, ac divinam commendemus justitiam. Postremo, quod sancta hæc Esther sic commemorat suas virtutes, fecit ad Dei honorem et nostram ædificationem, præsertim ad augendam confidentiam suam in Deo.
- Esther* III, 8-13.
- Ps.* CXXXVIII, 22.
- Rom.* I, 32.
- Deut.* VII, 3.
- Esther* V, 4, 8.
- Esther* II, 6, 7.
- Act.* X, 36.
- Exod.* III, 15.
- Joann.* III, 8.
- Ps.* I, 4.
- I Cor.* I, 31;
- II Cor.* X, 17.

ARTICULUS XV

EXPOSITIO CAPITULI QUINTIDECIMI : ET MANDAVIT EI (HAUD DUBIUM QUIN ESTHER) MARDOCHÆUS.

Esther ix,
8. 13.

EA quæ scripta sunt tertio et quarto A capitulis, hic plenius recoluntur. *Et mandavit ei (haud, id est non, dubium quin Esther reginæ) Mardocheus* per eunuchum, ut scriptum est supra, *ut ingrederetur ad regem, et rogaret pro populo suo captivo, et pro patria sua, id est pro populo patriæ, ne et habitantibus in Judæa, Aman tandem induceret vastitatem et læsionem, ac cultus divini destructionem. Memor (inquit) esto dierum humilitatis tuæ, id est parvi et humilis status tui, in quo eras quando te enutrivit. Ideo* B *subditur, quomodo nutrita sis in manu mea, id est sub dispositione regiminis mei, qui te corporaliter spiritualiterque nutriti in timore Dei, devotione et Scripturis te instruens.*

Die autem tertio deposuit vestimenta ornatus sui, id est vestimenta quotidiani ornatus, vel lugubria ornamenta, quibus se spiritualiter decoravit, orando et jejunando, et circumdata est gloria sua, hoc est pretiosioribus ac pulchrioribus suis vestimentis ac ornamentis. Et assumpsit duas C *famulas, et super unam quæ præcedebat, innitebatur, id est, modice apodiabat, quasi præ deliciis et nimia teneritudine corpus suum ferre non sustinens, id est, portare non valens, quasi onus proprii corporis deferre, teneritudini ac deliciis ejus opponeretur. Altera autem famularum sequebatur dominam, defluentia in humum, id est in terram, indumenta sustentans. Ex hac cauda vestimentorum virtuosæ Esther, non excusantur vanæ et fatuæ feminæ, quæ vestibis nimium longis* D *utuntur. Nam illa ex necessitate quadam, cum tædio cordis absque omni complacen-*

tia vana, talibus vestibis utebatur. Legitur autem secundo Regum libro, quod filiæ sancti David eximii regis, vestibis induebantur talaribus, usque ad talos pertingentibus. Hoc utique consideratione et imitatione dignissimum est.

II Reg. xiii,
18.

Ipsa autem roseo vultu colore perfusa, gratis ac nitentibus, id est splendentibus, oculis, tristem celabat animum, et nimio timore contractum, id est constrictum. Quem- admodum enim delectatio cor dilatat, sic timor, dolor, tristitia, contrahunt illud. V- rumtamen dispositio cordis solet relucere et apparere in facie, præsertim in oculis, juxta illud Ecclesiastici : Ex visu cognoscitur vir, et ab occursu faciei cognoscitur sensatus. Tamen per gratiam et virtutes potest, qui tristis et timens est, vultum et visum quasi jucundum prætereundere et monstrare. Virtus enim moralis reprimit passionem, et gratia vincit naturam. Ratio quoque sensitivo appetitui dominatur : imo et multi per industriam vel versutiam, sciunt cordis dispositionem celare in facie, et signa oppositæ dispositionis ostendere.

Eccli. xix,
26; xiii, 31.

Ingressa ergo cuncta per ordinem ostia, stetit contra regem, id est ex opposito versus faciem ejus, ubi ille residebat indutus vestibis regiis, auroque fulgens et pretiosis lapidibus, ut sic suo apparatu intuentibus incuteret reverentiam, et timorem regię ac imperatorię majestatis. Unde subjungitur : eratque terribilis adspectu. Quumque elevasset faciem, et ardentibus oculis furorem pectoris indicasset, regina corruit, quia vehementia passionis vehementis timoris, valde debilitat corpus, potissimum in tenerrima muliere, facitque sanguinem a membris ad cor decurrere, et sic

pallorem generat ac tremorem. Propterea A subditur : *et in pallorem colore mutato, lassum super ancillam reclinavit caput.*

Convertitque Deus spiritum, id est indignationem seu animum, regis in mansuetudinem. Ipse enim Omnipotens immutat cor principum terræ, atque ut allegatum est, Cor regis in manu Dei est, et quocumque voluerit, inclinabit illud. Nam et omnipotenti Deo proprium perhibetur, immediate agere in apicem voluntatis. Hinc ait et Josephus : Rex, ut arbitror, voluntate Dei mentem mutavit. *Et festinus ac metuens, ne regina deficeret, aut mali quid pateretur, exsiliit de solio, et sustentans cam ulnis suis, donec rediret ad se, his verbis blandiebatur : Quid habes, Esther ? Ego sum frater tuus ; noli metuere. Non morieris : Non enim pro te, sed pro omnibus, id est pro ceteris cunctis præter te, lex hæc constituta est, id est præceptum, ut nullus intret ad me non vocatus. Quasi dicat : Dispensare possum in lege hac, et dispenso. Quumque illa reticeret, tulit auream virgam, et posuit super collum ejus, et osculatus est eam, et ait : Cur mihi non loqueris ?*

Quæ respondit : Vidi te, domine, quasi angelum Dei, videlicet in grandi splendore terribilique adspectu, sicut angeli solent hominibus apparere, et conturbatum est cor meum præ timore gloriæ tuæ, id est regiæ majestatis : quam offendere, est sibi ipsi mortis periculum procreare, juxta

quod Salomon ait in Proverbiorum volumine : Sicut rugitus leonis, ita et terror regis ; qui provocat eum, peccat in animam suam. *Valde enim mirabilis es, domine, id est multum excellens, ita ut mirum sit, quod unus homo ita præmineat ceteris : quod tamen ex divina ordinatione procedit ; et facies tua plena est gratiarum, id est, pietate redundat in eos, quibus se vult exhibere propitium : sicut et Jacob in Genesi ait ad Esau. Sic vidi faciem tuam quasi viderim vultum Dei. Cir-*

ca quod loquitur Augustinus : Utrum verba Jacob parentis ac perturbati usque ad adulationem hanc proruperunt ; an sine peccato hæc dici potuerunt ? Et forsitan, quod imo : quia et dii gentium dicti sunt. Et judices et prælati dii vocantur : de quibus præcipitur, Diis non detrahes. Sic et in proposito dici potest, quod Esther secundum pium intellectum tam commendatorie potius quam adulatorie locuta sit regi.

Quumque loqueretur, rursus corruit ex pavore, non ex simulatione, et pene exanimata est, id est, sine anima quasi effecta ex virium defectione : quod Deus sic ordinavit, ut rex magis afficeretur regiæ, et ejus magis acquiesceret precibus, videns in ea tantam ténacitatem, erubescitiam, et reverentiam circa se ; sicque metueret eam quocumque modo gravare. Unde subjungitur : Rex autem turbabatur, et omnes ministri ejus, qui aderant, consolabantur eam.

ARTICULUS XVI

DECLARATIO CAPITULI SEXTIDECIMI : REX MAXIMUS ARTAXERXES.

Esther x. 4. SICUT prædictum est, in isto libro a D lationem Septuaginta interpretum, quæ tempore Hieronymi per ecclesias publice legebatur, et maxime fuit divulgata. Alii, per editionem vulgatam, intelligunt editionem vulgatam, quidam intelligunt trans-

sui interpretis quinta editio appellatur. Itaque, ista quæ in Hebræo non habentur, dicunt aliqui a Josepho aliisque scriptoribus esse excogitata, et editioni vulgatæ esse addita et inserta, hoc est translationi Septuaginta interpretum; vel, secundum alios, editioni cujus auctor nescitur, ita quod ille addidit ea editioni ex Josepho et aliis. Certum est enim, quod forma epistolæ supra positæ, forma quoque epistolæ quæ hic in isto habetur capitulo, continentur de verbo ad verbum undecimo Antiquitatum Josephi libro. Porro Hugo de S. Victore in expositione Prologorum Bibliæ, et alii quidam affirmant, quod ipsi Septuaginta interpretes fecerunt istas additiones. Utraque autem opinio ad propositum suum probandum trahit, quod in Prologo hujus libri ait Hieronymus: Librum Esther editio vulgata laciniosis hinc inde verborum funibus* trahit, addens ea quæ ex tempore dici poterant et audiri: sicut solitum est scholaribus disciplinis, sumpto themate, excogitare quibus verbis uti potuit qui injuriam passus est, vel ille qui injuriam fecit. Præterea constat, Josephum valde diu post Septuaginta fuisse interpretes. Ideo qui per vulgatam editionem, intelligunt translationem Septuaginta, et quod Septuaginta fecerunt istas additiones, non possunt defendere, quod epistola in isto capitulo scripta, et quæ superius continetur, sint sumptæ ex Josepho: imo dicere habent, quod Josephus sumpserit eas ex translatione Septuaginta. Est autem epistola hujus capituli multum notabilis, et etiam plana, ideo non oportet expositioni ipsius prolixè insistere.

Ree marinus Artaxerxes ab India, etc.

Hoc supra expositum est. *Multi bonitate principum et honore qui in eos collatus est, id est dignitate eis a principibus concessa, vel honoratione ab inferioribus seu aliis eis exhibita, abusi sunt in superbiam, extollendo se de sua promotione; et non solum subjectos regibus, scilicet bonos et obedientes, nituntur opprimere, sed datam sibi gloriam, id est excellentiam, non*

Aferentes cum modestia et quiete, in ipsos qui dederunt, moliuntur insidias, id est, reges vel principes a quibus promoti sunt, conantur obruere: sicut Decius Cæsar adhuc miles honoratus a Philippo imperatore, adspiravit ad imperium, et interfecit dominum suum: quod et quarto Regum quidam fecisse leguntur. Nec contenti sunt gratias non agere beneficiis, id est benefactoribus pro eorum beneficiis, et humanitatis in se jura violare, id est contra debitum pietatis et gratitudinis agere, reddendo mala pro bonis; sed Dei quoque cuncta cernentis arbitrantur se fugere posse sententiam, id est, putant se posse judicium Dei evadere, vel negando providentiam veri Dei, vel tam intimore peccando, ac si putarent Deum non esse judicaturum actus eorum.

Et in tantum vesaniæ, id est ad tantum insipientiæ excessum, prorumpunt, ut eos qui credita, id est commissa, sibi officia diligenter observant, mendaciorum funiculis, id est falsis et subtilibus accusationibus, conentur subvertere, id est de-jicere aut necare, dum aures interiores principum simplices, id est dolositate et duplicitate carentes, ac columbina simplicitate ornatas, et ex sua natura alios existimantes, id est, putantes alios esse tales, quales ipsi sunt, scilicet simplices, non dolosos, neque mendaces. Siquidem qualis quisque est, taliter judicat, et tales esse alios faciliter suspiciatur. Propter quod in Proverbiis scribitur: Innocens credit omni verbo. Job quoque: Sonitus (inquit) terroris semper in auribus impii; et quum pax sit, ille insidias suspiciatur. Verumtamen simplicitati debet esse adjuncta grandis discretio atque notitia diversitatis dispositionum morumque hominum, ut incautam credulitatem devitent, quum in Ecclesiastico scriptum sit: Qui cito credit, levis corde est, et minorabitur. Callida fraude decipiunt: sicut primo libro Machabeorum legitur fecisse Alcimus, inflammando Demetrium regem contra Judam Machabæum.*

Esther xiii.
1-7.

* similis

Ibidem.

Ibidem

IV Reg. xx.
10, 14, 25,
30.

Rom. xii, 17.

* cavendus

Prov. xiv.
15.
Job xx, 21.

Ecclesi. xix.
1.

I Mach. xii.
6, 6.

Nec putare debetis, si diversa jubeamus, A
cæ animi nostri venire levitate, sed pro
qualitate et necessitate temporum, ut rei
publicæ poscit utilitas, ferre sententiam,
 id est, determinare quid sit agendum aut
 evitandum. Oportet namque secundum di-
 versitatem locorum, causarum et tempo-
 rum, et juxta diversam dispositionem ho-
 minum, mutare decreta et innovare statuta,
 et si quid ex errore processit, corrigere. *Et*
ut manifestius quod dicimus, intelligatis,
Aman filius Amadathi, animo et gente
Macedo, pietatem nostram sua crudelitate
commaculans, id est diffamans, dum ex
nomine nostro crudelia promulgat præcep-
ta...: qui in tantum arrogantiae tumorem
sublatus est, id est elevatus est, ut regno
nos privare niteretur et spiritu, id est vi-
ta. Cetera hujus epistolæ verba ex præha-
bitis clara sunt, aut per se plana.

Sed quæritur hic, an Aman fuit Macedo,
 id est de provincia Macedoniæ. Et videtur
 quod sic, ex verbis prætaetis, quibus jam
 dictum est, quod fuit Macedo, non tantum
 animo, sed etiam gente. Oppositum hujus
 videtur ex ante dictis patefieri, ubi habetur,
 quod fuit de stirpe Agag et Amaleci-
 tes : quod et Josephus protestatur. Ad istud
 quidam respondet, quod Aman dicitur Ma-
 cedo per similitudinem, quia Macedones
 jam rebellabant imperio Persarum, et Ale-
 xander Macedo abstulit eis monarchiam,
 ad Græcos transferens eam. Cui responsio-
 ni objicitur, quod tempore Assueri Mace-
 dones nondum cœperunt Persarum imperio
 rebellare; sed Alexander rex Macedo ince-
 pit et complevit illam rebellionem multis

annis post mortem Assueri, sicut ex Jose-
 pho et Scholastica historia, et ex gestis
 Alexandri ac aliis chronicis historiisque
 probatur. Denique, ad insinuandum quod
 per similitudinem fuerit Macedo, suffice-
 ret dicere, quod fuit animo Macedo. Quod
 autem fuerit natione Macedo, videtur ex
 eo quod in epistola ista Assuerus adjecit :
Hoc cogitans ipse Aman, ut illis, scilicet
Mardocheo et Esther, interfectis, insidia-
retur nostræ solitudini, et regnum Persa-
rum transferret in Macedonas. Nam si fuis-
 set Macedo solum per similitudinem, non
 per nationem, non curasset regnum Per-
 sarum in Macedonas, qui sunt Græci, trans-
 ferre. Itaque potius reor, quod ex uno
 parente fuerat Amalecites, et de genere
 Agag regis, atque ex alia parte de regno
 Macedoniæ.

Quod vero in fine hujus epistolæ legi-
 tur, *Omnis provincia et civitas quæ no-*
luerit solennitatis hujus esse particeps,
 scilicet festi Sortium, referendum est ad
 Judæos, qui in provinciis Assueri ma-
 nebant. Quod si Judæi tam solennem ac
 perennem habuerunt memoriam de sua li-
 beratione a temporali corporalique mor-
 te, quam indesinentem et celeberrimam
 debemus habere memoriam de liberati-
 one nostra spirituali a morte peccati et
 infernalis ac æternalis supplicii, facta
 per incarnationem et passionem unigeni-
 ti Filii Dei, qui cum Patre æterno et ado-
 rando paracleto Spiritu Sancto, unus est
 universorum Creator et Dominus, et su-
 per omnia Deus sublimis et benedictus!
 D Amen.

Esther III,
1.

ENARRATIO
IN LIBRUM PRIMUM ESDRÆ

PROCEMIUM

LEX veritatis fuit in ore ejus, Malach. ii, 6.

Verbum hoc Malachiæ, ad litteram scriptum de Levi filio Jacob patriarchæ, convenienter accipitur de Esdra sacerdote ex semine Levi nato, qui idoneus factus ^{1 Esdr. vii, 1-3.} imitator præfati Levi patris sui, in pace et æquitate ambulavit cum Deo, et multos ^{Malach. ii, 6.} avertit ab impietate. Fuitque lex Moysis, quæ est lex summæ et incommutabilis veritatis, in corde, ore ac opere Esdræ : in corde utique, per assiduam memoriam et amorem, interiorisque hominis directionem secundum legis tenorem, secundum quam cogitationes et affectiones suas direxit : in ore, per aliorum informationem : atque in opere, per sanctam conversationem. Denique ipse Esdras scriba velox legem recuperavit, et populum Israel gubernavit : qui populus, defunctis Moyse ac Josue, fuit usque ^{1 Esdr. vii, 11.} ad tempus Saul gubernatus per judices ; deinde usque ad Babylonicam captivitatem, per ^{Act. xiii, 20-22.} reges ; post modicum vero a captivitate eadem, per sacerdotes, inter quos erant Esdras ^{II Esdr. xii, 26.} et Nehemias.

ENARRATIO IN LIBRUM PRIMUM ESDRÆ

ARTICULUS PRIMUS

EXPOSITIO CAPITULI PRIMI : IN ANNO PRIMO CYRI REGIS PERSARUM.

EXORDIUM libri hujus, cum fine secundi Paralipomenon libri coincidit, ut intuentibus constat. Unde et Esdras editor libri istius, illius quoque libri creditur auctor. Itaque ait : *In anno primo Cyri regis Persarum.* Quod non est intelligendum de primo anno vitæ Cyri istius, neque de primo anno simplicis et particularis regni ejus, sed de primo anno regni ejus imperialis monarchici. Quum enim una cum Dario suo avunculo destruxisset monarchiam Chaldæorum, et eorum metropolim Babylonem urbem evertisset, Darius tenuit monarchiam annis duobus. Quo mortuo, Cyrus monarcha effectus, primo suæ monarchiæ anno dedit Judæis a Nabuchodonosor rege Babylonici transmigratis et captis, licentiam redeundi ad propria, sicut subjungitur. *Ut compleretur verbum Domini,* prolatum ex ore Jeremiæ, suscitavit Dominus spiritum Cyri regis Persarum, hoc est, mentem ejus instigavit inspiratione occulta, interna, et etiam per quædam exteriora, sicut tangetur. *Et transduxit vocem,* id est, denuntiationem fecit per scripta et nuntios, *in omni regno suo,* id est per totam suam monarchiam : hinc subditur, *etiam per scripturam,* id est epistolæ, *dicens.*

Prædixerat autem Dominus in Jeremia : Quum cœperint impleri in Babylone septuaginta anni, id est, septuaginta annis completis a tempore transmigrationis seu captivitatis Judæorum a Chaldæis, visitabo vos et suscitabo super vos verbum meum bonum, ut reducam vos ad locum istum. De quibus annis fit mentio apud Zachariam et Danielelem, quamvis computatio annorum illorum, a diversis diversimode assignetur, sicut in Scholastica historia satis habetur. Erantque anni illi impleti, Cyro monarcha effecto. Ideo Dominus volens verba et promissa sua per Jeremiam prænuntiata implere, excitavit et movit cor Cyri ad dandum præfatam redeundi licentiam. Ad quod etiam fuit inductus, quia Judæi captivi ostenderunt sibi librum Isaïæ prophetæ, et quadragesimum quintum capitulum libri ejusdem, in quo et nomen ipsius Cyri fuit tam diu ante expressum, et reædificatio civitatis Jerusalem de Cyri licentia fienda, clarissime prophetata his verbis : Hæc dicit Dominus christo meo Cyro, cujus apprehendi dexte-

II Par.
xxxvi, 22,
23.

IV Reg. xxv.
11, 21.

II Par.
xxxvi, 22,
23.

Jer. xxv.
12; xxxix, 10.

Zach. i, 12,
Dan. ix, 2.

Is. xlv, 1,
13.

ram, ut subijciam ante faciem ejus gentes, et dorsa regum vertam; ipse ædificabit civitatem meam. Porro de templi reædificatione non in capitulo isto, sed immediate præcedente. Dominus prædixit per Isaiam : Qui dico Cyro, Pastor meus es; et templo, Ædificaberis. Hæc autem per annos ducentos et decem per Isaiam fuerunt prædicta, ut Josephus scribit.

Is. XLIV, 28.

Ant. Jud.
lib. XI, c. 1.

Hæc dicit Cyrus rex Persarum. Sicut Magister in historiis recolit, post mortem Darii regis Medorum, Cyrus monarchiam tenuit orientis. Eratque rex Persarum atque Medorum, quia Darius ille non habuit filium; et quamvis regnum Medorum fuerat majus ac honorabilius regno Persarum, Cyrus tamen posuit solum monarchiæ in Perside, quoniam Persæ sublimaverant eum primo in regem. *Omnia regna terræ dedit mihi Dominus Deus cæli*: cujus providentiæ cuncta subduntur terrena. Hoc tamen per hyperbolen dictum est, ad insinuandum quod valde magna regna erant ei subjecta in oriente; non tamen simpliciter omnia regna terræ, imo nec absolute omnia regna orientis. *Et ipse præcepit mihi, per inspirationem internam, et per Prophetam suum prænuntiavit, ut ædificarem ei domum*, id est templum, *in Jerusalem*, id est in loco ubi ante sita fuit Jerusalem, et ubi jam rursus construetur ex mea licentia, *quæ est quantum ad fundum suum, et cito erit, in Judæa*.

Quis est in vobis, id est inter vos, *de universo populo ejus*, id est ex numero Judæorum? *Sit Deus illius cum eo* per adsistentiam gratiosam. *Ascendat in Jerusalem*, id est ad locum quo stetit, *et ædificet domum Dei Israel*: id est, quicumque natus est ex populo Israel, ostendat se esse cultorem Dei cæli, ascendendo ad Judæam, ad reædificandum templum. Nec solum dedit licentiam ædificandi templum, sed et ipsam urbem Jerusalem: quam cœperunt reædificare antequam templum. Hanc autem gratuitam relaxationem captivitatis Judæorum Deus per Isaiam prædixit his verbis: Ipse captivitatem meam dimit-

1 Esdr. IV,
12.

Is. XLV, 13.

tet, non in pretio, neque in muneribus. *Ipse est Deus qui est in Jerusalem*, id est, Deus cæli urbem Jerusalem elegit in locum præcipuum cultus sui, et templi, ac sacrificiorum, et ita quamvis incircumscriptus sit, et præsens ubique, ibi tamen est per speciales effectus.

II Par. VI, 6.

Et omnes reliqui in cunctis locis ubicumque habitant, id est Judæi qui vel nolunt, aut nequeunt ad Judæam reverti, *adjuvent eum*, id est eos qui ascendunt illuc, *viri de loco suo*, id est, residui illi hoc faciant ex locis habitationum suarum in imperio meo, *argento et auro, et substantia, et pecoribus*, id est, dando eis in subsidium expensarum in via, vel reædificationis templi et urbis Jerusalem, aliquid de suo argento et auro, ac ceteris facultatibus ac jumentis, *excepto quod voluntarie offerunt in templo Dei, quod est in Jerusalem*, id est præter dona quæ ex propria devotione voluerint ad templi reædificationem sive ad sacrificia Dei ibi fienda offerre. Insuper quod dictum est, *Et omnes reliqui adjuvent eum*, potest intelligi de gentilibus inter quos habitabant Judæi: quibus gentilibus Cyrus jussit, ut Judæos in hac causa juvarent. Nam Josephus ait: Tunc scripsit suis ducibus illius terræ vicinis, ut aurum conferrent et argentum ad templi renovationem, insuper ad immolanda pecora. Refert quoque Josephus Cyrum ita scripsisse: Quoniam maximus Rex orbis terrarum me regem constituit, credo hunc esse quem gens Israel adorat. Is enim et nomen meum per Prophetas prædixit, quoniam templum ejus ædificaturus essem in Jerusalem.

Et surrexerunt omnes principes patrum, id est præcipui patres et majores seniorum, *de Juda et Benjamin, et sacerdotes et Levitæ*, id est qui nati fuerunt ex tribu Juda, tribuque Benjamin, atque ex tribu Levi. Hæ etenim tribus erant et manserant sub regibus Juda, diviso regno Israelitico sub Roboam filio Salomonis, et pariter captæ fuerunt. De hoc Josephus scribit: Convocans Cyrus clarissimos Ju-

III Reg. XII,
21; II Par.
XI, 4, 3, 13,
14.

dæorum qui in Babylone, id est in terra A Babyloniæ, habitabant, dixit se concedere Judæos remeare ad propria, et reedificare civitatem Jerusalem et templum. *Et omnis cujus suscitavit Deus spiritum, ut ascenderet ad ædificandum templum Domini, quod est in Jerusalem*, id est quilibet de præfatis tribus tribubus Israel, cujus mentem Deus instigavit, ut ascenderet ad ædificandum templum.

Universique qui erant in circuitu Judææ, vel in circuitu Judæorum pergentium illuc, adjuverunt manus eorum in vasis argenteis et aureis, in substantia victualium, et jumentis et suppellectili, id est massariato : hoc est, talia elenodia et subsidia illis præstando. Quod quidam exponunt de Judæis in Babylonia remanentibus amore uxorum quas ibi acceperant, et sobolis quam ibi procreaverant, ac possessionum quas ibi habebant. Quidam vero exponunt, dicentes, quod gentiles de mandato Cyri talia dederunt Judæis pergentibus. Josephus quoque ait, quod dum Judæi venissent, omnes amici regis juvabant eos, et conferebant ad templi renovationem, alii aurum, alii argentum, alii equos et multitudinem jumentorum.

Rex quoque Cyrus protulit, hoc est exhibuit, *vasa templi Domini*, quæ fuerunt instrumenta et utensilia cultus divini in templo a Salomone constructo, *quæ tulerat Nabuchodonosor de Jerusalem*, id est ex templo inibi sito. Asportavit autem ea secum, partim quando captivavit Joakim regem, et partim dum Jechoniam abduxit, reliqua dum templum combussit, prout secundo Paralipomenon, ultimo, et quarto Regum libris describitur. *Et posuerat ea in templo dei sui in urbe Babylonis* : et sic juxta suam sectam ea quodammodo honoravit, ponendo ea in loco solenni et sacro, deputandoque ea cultui secundum suam æstimationem divino. Balthasar vero filius filii ejus deputavit ea cultui suo, bibendo ex eis cum suis, ut habetur in Daniele : propter quod meruit regno privari ac vita. Et aliqui opinantur quod Ju-

dæi retulerunt hoc Cyro : ideoque libentius ea remisit. *Protulit autem ea Cyrus rex per manum Mithridatis*, qui secundum Josephum fuit custos thesaurorum ipsius, *et annumeravit ea Sassabasar princepi Juda* : hoc est, thesaurarius ille sub certo numero assignavit et tradidit vasa illa viro nomine Sassabasar principi Juda, id est uni de principalibus tribus seu populi Juda, seu duci redeuntium ad Judæam. Dicuntque aliqui, quod Sassabasar ille fuit Daniel ; alii, quod fuit Zorobabel : quod magis consonum videtur ei quod in fine hujus capituli legitur : *Universa tulit Sassabasar*, cum his qui ascende-
bant de transmigratione Babylonis in Jerusalem. Daniel quippe cum illis non rediit, sed Zorobabel.

Et hic est numerus eorum : Phialæ aureæ triginta, phialæ argenteæ mille. Phialæ erant vasa, in quibus vinum libationis fusum considerabatur, an esset aptum ad sacrificia. *Cuttelli*, quibus carnes hostiarum dividebantur, *viginti novem ; scyphi aurei triginta, scyphi argentei secundi*, id est inferioris dignitatis, valoris et usus, *quadringenti decem ; vasa alia mille*. In scyphis recipiebatur sanguis hostiarum, præsertim in scyphis argenteis. In aureis vero scyphis (ut fertur) portabatur sanguis sacrificiorum quorundam intra Sancta sanctorum in festo Expiationis. *Omnia vasa aurea et argentea, quinque millia quadringenta*. *Universa tulit Sassabasar, cum his qui ascende-
bant de transmigratione Babylonis in Jerusalem*. Certum quod numerus prædictorum vasorum jam numeratorum, non constituit tantam summam ; sed præter illa fuerunt alia multa minus forsitan pretiosa : quæ omnia simul fuerunt tot millia ac centenaria.

Postremo, de Cyro isto rege Persarum multa in Josepho et Scholastica historia, chronicisque leguntur : qui et triginta annis fertur regnasse, ac monarchiam annis duodecim tenuisse. Qui quum grandiusculus esset, et a pueris ludentibus esset factus eorum rex, inobedientes pueros dire-

Exod. xxv, 29.

II Par.
xxxvi, 7, 10,
18; IV Reg.
xxiv, 13; xxv,
13-16.

Dan. v, 2,
3.

correxit et interdum plagavit. Quod puerorum parentes ægre ferentes, conquesti sunt regi Astyagi avo Cyri, qui jusserat puerum ipsum mox natum occidi; sed Deo ordinante fuit conservatus in vita. Quumque rex puerum Cyrum ad se vocatum argueret, cur pueros ita plagasset, respondit intrepide se hoc fecisse, non ut puerum, sed ut regem: quo audito, miratus est rex, et signa quædam generis sui consideravit in eo. Tandem quum Cyrus monarcha reges plurimos expugnasset, a regina Massagetarum nomine Thamyræ victus est et occisus: quæ caput ipsius Cyri abscisum, projecit in vas humano sanguine plenum, dicens cum insultatione: Satiare nunc sanguine quem semper sitisti.

Circa illud, Surrexerunt principes patrum de Juda, ait quidam, quod tribus Juda et Benjamin et Levi, non tantum peccaverunt sicut aliæ tribus Israel per Assyrios captæ. Sed hoc non videtur consonare

A Scripturis, quoniam per Ezechielem Dominus ait ad Jerusalem, per quam, secundum omnes expositores, ad litteram intelligit populum regni Juda, et præsertim habitatores Jerusalem: Samaria dimidium peccatorum tuorum non peccavit; sed vicisti eas, scilicet Sodomam et Samariam, sceleribus tuis: et certum est, quod per Samariam intelligat regnum decem tribuum, cujus Samaria fuit metropolis. Idem patet in Ezechiele sub similitudine Oollæ et Oolibæ. *Ezech. xvi, 51.*

B At vero potest hoc loco per Cyrum allegorice Dominus Jesus Christus verus mundi monarcha intelligi: qui destructo regno diaboli, ædificavit per servos suos Ecclesiam; et fassus est se omne quod habet et est, accepisse a Patre: quod per Scripturas Evangelistarum universo orbi notificavit; et vasa Dei abducta reduxit, electos, qui a diabolo erant seducti, vitiorumque vinculis irretiti, reducendo ad gratiam ac salutem. *Ibid. xxiii, 4 et seq.* *Joann. v, passim.*

ARTICULUS II

EXPOSITIO CAPITULI SECUNDI: HI SUNT AUTEM PROVINCE FILII, QUI ASCENDERUNT DE CAPTIVITATE.

HIC particularius describuntur reversi de Babylone. *Hi sunt autem provinciarum filii*, hoc est habitatores Babyloniarum, vel, ut quidam dicunt, Judæarum. Porro nati et commorati in territorio aliquo, appellantur filii ejus. *Qui ascenderunt de captivitate*, id est de terra captivitatis suæ, puta de Babylonia, *quam*, hoc est cujus captivitatis plebem, vel, quam plebem captivam, *transtulerat Nabuchodonosor in Babylonem, et reversi sunt in Jerusalem, et in Judam: unusquisque in civitatem suam*, id est ad loca in quibus antea steterant urbs Jerusalem et alia oppida regni Juda a Chaldeis destructa. Quemadmodum enim aves diligunt suos nidos, et bruta

C sua latibula, sic homines sua loca nativa. Unde Laban ait ad Jacob: Ad tuos ire cupiebas, et desiderio tibi fuit domus patris tui. Hinc hortatur Apostolus: Non deserentes collectionem nostram. *Qui venerunt cum Zorobabel* et ceteris qui exprimuntur in textu, videlicet, *et cum Josue, Nehemia, Saraia*, etc. Et iste Nehemias est alter ab eo, de quo infra habetur, et fuit dux populi postmodum. *Gen. xxxi, 30.* *Hebr. x, 25.*

D Numerus virorum populi Israel reversorum a Babyloniarum terra, est qui in littera subditur. Scriptura autem computat viros, qui scilicet ad minus viginti annorum exstiterant, potentes ad bella procedere. *Filii Pharos* ex tribu Juda, *duo millia*, etc. Pla- *II Esdr. i, 1; xii, 26; Eccli. xlix, 15.* *Nam. i, passim.*

nus est textus, nisi quod multa ponuntur hic nomina, quæ possunt esse nomina tam virorum seu patrum familiarum quam urbium; nec constat, qualiter potius sint sumenda. Nam et cives habitatoresque urbium, earum filii nuncupantur, sicut et ipsæ civitates vocantur filiæ regni sive provinciæ.

Consequenter inducitur numerus et genealogia sacerdotum. *Sacerdotes*, supple, fuerunt hi: *Filii Jadaia in domo*, hoc est familia, *Josue, nongenti*, etc. *Levitæ*, qui erant sacerdotibus inferiores ac subservientes, fuerunt: *Filii Josue*, etc. *Cantores*: *Filii Asaph*, qui fuit unus principalius cantorum, a David in tabernaculo Domini institutorum, ut primo libro Paralipomenon fertur: cujus posteri erant cantores; *centum viginti octo*, et unus eorum principalis fuit cantor. Qui psalmos David cantabant ac laudes divinas, potissime tempore sacrificiorum. *Filii janitorum*, hoc est custodum portarum templi seu atrii ejus. *Nathinæ*, qui erant (ut legitur) successores Gabaonitarum, portantes ligna et aquas ad locum cultus divini: quod officium imposuit eis Josue; *filii servorum Salomonis, trecenti nonaginta duo*. Omnes Israelitæ tempore Salomonis existentes, fuerunt servi ipsius; sed quoniam præcipua Salomonis occupatio existit circa templum, saltem ad tempus, ideo specialiter servi Salomonis vocantur, qui ad custodiam ac reparationem ædificiorum templi fuerunt ordinati.

Et hi qui ascenderunt, etc. Hic nuncrantur aliqui, qui certificare non poterant se esse de semine filiorum Israel: et quidam eorum utebantur sacerdotali officio, vel posse se uti putabant. Unde et de filiis sacerdotum dicuntur in littera. *Hi quæsierunt scripturam genealogiæ suæ*, hoc est historiam fide dignam, in qua linea

generationis eorum contineretur, et non invenerunt, et ejecti sunt de sacerdotio, id est, prohibiti sunt fungi sacerdotali officio, ad vitandum periculum seu discrimen: quoniam jussum fuit a Deo in Exodo atque Levitico, ne quis sacerdotali fungeretur officio, nisi de semine Aaron oriundus. Unde nec in novo Testamento permittitur quis celebrare Missam, nisi probare possit esse se ordinatum.

Et dixit Athersatha eis, ut non comederent de sancto sanctorum, hoc est cibos præcipue sanctos, videlicet ad esum et usum sacerdotum solummodo deputatos, ut erant aliquæ partes hostiarum pro peccato pacificarumque oblationum, et panes propositionis, donec surgeret sacerdos doctus atque perfectus, id est tam eminenter eruditus, virtuosus, ac sapiens, quod Deus super re hac eum certificaret per revelationem, seu alio modo. Præterea Athersatha iste dicitur Nehemias fuisse: nam infra narratur Nehemias istud jussisse; atque, ut fertur, Athersatha interpretatur relaxatus, quoniam de consilio sapientium Hebræorum relaxatus fuit bibere vinum regis, cujus (ut infra habetur) fuit pincerna. Nam et Daniel describit, quod ipse Daniel et socii ejus rogaverunt eunuchum, ne cogerentur bibere de vino, unde bibebat rex, ne contaminarentur.

Deinde ponitur summa prædictorum, et aliorum qui eis fuerant sociati. Nam et de aliis tribubus Israel quidam redierunt cum tribus tribubus jam præfatis. Nempe quando populus regni Juda captus est a Chaldæis, multi ex regno Israel in regno Juda commorabantur, qui manus evaserunt Assyriorum, et sub Ezechia rege converterunt se ad cultum Dei, et habitare cœperunt in terra Juda: et hi capti fuerunt cum populo Juda ab ipsis Chaldæis.

Exod. xxix, 9; Lev. vii, viii, etc. passim; Num. iii, 40; xvi, 40.

II Esdr. viii, 9. Ibid. vii, 65.

Ibid. i, 11.

Dan. i, 8.

IV Reg. xxv, 11.

II Par. xxx, 11, 18.

I Par. xvi, 5; xxx, 1, 2.

Josue ix, 27.

ARTICULUS III

EXPOSITIO CAPITULI TERTII : JAMQUE VENERAT MENSIS SEPTIMUS.

REPARATIO templi et altaris hic recitatur, qualiter scilicet sint incepta.

Jamque venerat mensis septimus primi anni regressionis in Jerusalem : qui mensis dicitur correspondere nostro Septembri, et partim Octobri ; *et erant filii Israel in civitatibus suis. Congregatus est ergo omnis populus*, a captivitate reversus, *quasi vir unus*, hoc est voluntate concordi, ad instaurandum altare ac templum : de quibus in Jeremia Dominus prædixit, Dabo eis cor unum et animam unam ; *in Jerusalem. Et surrexit Josue filius Josedec, et fratres ejus sacerdotes*. Iste Josue, est Jesus filius Josedec, tunc pontifex Judæorum, ut Josephus refert undecimo libro Antiquitatum. De quo in Zacharia legitur : *Audi, Jesu, sacerdos magne. Et Zorobabel filius Salathiel, et fratres ejus*. Qui duo erant principales in isto negotio atque in populo illo.

Et ædificaverunt altare Dei. Hoc fuit altare holocaustorum, in atrio factum sub dio, quia templum nondum fuit inceptum : et primo cœperunt altare construere, ut possent quotidie sacrificia immolare. *Collocaverunt autem altare super bases suas*, id est super convenientia fundamenta, *de terrentibus eos per circuitum populis terrarum*, id est gentilibus, et præsertim Samaritanis, quos in terra decem tribuum collocaverant reges Assyriorum : qui communiter fuerunt adversarii Judæorum ; *et obtulerunt super illud holocaustum Domino sacerdotes mane et vespere*. Hoc fuit sacrificium jube et quotidianum, quo offerebatur quotidie agnus anniculus, id est unius anni, de mane, et item de vespere, sicut scriptum est in Numerorum libro, in quo Dominus ait : *Hæc sunt sacrificia quæ offerre debetis : Agnos anniculos imma-*

culatos duos quotidie in holocaustum semipiternum.

Feceruntque solennitatem Tabernaculorum, sicut scriptum est in Levitico : quæ incepit quintadecima die septimi mensis, quia ibidem legitur : A quintodecimo die mensis hujus septimi erunt feriæ Tabernaculorum septem diebus. Qualiter autem illa solennitas celebrabatur, eodem capitulo et etiam infra in isto volumine continetur. *Et holocaustum diebus singulis per ordinem secundum præceptum Dei, in Levitico et Numeris, ubi de his sacrificiis agitur, opus diei in die suo, id est sacrificium fiendum quolibet die præfixo. Et post hoc holocaustum jube, id est quotidianum, quod nullo die omittebatur propter quæcumque sacrificia alia immolanda, tam in calendis, id est neomeniis seu mensium exordiis, quam in universis solennitatibus Domini quæ erant consecratæ, id est in præcipuis festis legis, videlicet Paschæ, Pentecostes, Tubarum, Expiationis et Tabernaculorum : de quibus in Levitico et Numerorum libro ac Deuteronomio frequenter fit mentio ; et in omnibus diebus, in quibus ultro offerebatur munus Domino, id est, sponte ex devotione ultra debitum fiebat a plebe oblatio.*

A primo die mensis septimi cœperunt offerre holocaustum Domino. Tunc enim exerunt altare, ante cujus erectionem non poterant immolare. *Porro templum Dei necdum fundatum erat. Dederunt autem principales inter Judæos pecunias latomis, id est lapidum cæsoribus, et cæmentariis, qui cum cæmento muros seu parietes ex lapidibus construebant. Cibus quoque, videlicet blada, potum et oleum dabant Sidoniis Tyriisque, id est viris operariis de Sidone et Tyro, ut deferrent,*

Lev. xxiii, 34 et seq.

Ibid. xxiii; Num. xxviii, xxix.

Ibidem ; Deut. xvi.

Jer. xxxii, 39.

Zach. iii, 8.

IV Reg. xvii, 24.

Num. xxxiii, 3, 4.

id est apportarent. *Ligna cedrina de Libano monte*, in quo crescunt, *ad mare Joppæ*, id est usque ad ripam maris Mediterranei, juxta quam sita est urbs nomine Joppe antiqua : quæ a Japhet filio Noe perhibetur fundata, ubi est portus Mediterranei maris : *facta quod præceperat Cyrus rex Persarum*, qui (Josepho teste) jussit de suo sumptus in omnibus fieri. Sic et tertio Regum libro legitur Salomon dedisse blada et oleum Hiram regi Tyri, quatenus servi ipsius adducerent pro constructione templi ligna cedrina et abie-

III Reg. v, 11.

II Par. ii, 10.

gna : secundum quod Paralipomenon libro secundo additur et de vino, quod dedit Hiram regi.

Anno autem secundo adventus coram a Babylone ad templum Dei, id est ad locum templi nondum tunc incepti, *cæperunt ædificare templum Zorobabel et Josue, etc., et constituerunt Levitas a viginti annis et supra*, id est, qui erant ad minus viginti annorum, *uturgerent opus Domini*, id est, sollicitarent ædificium templi.

Nom. ix, passim.

Ibid. vii, 24.

In libro Numerorum legitur Dominus præcepisse numerari Levitas a tricesimo anno usque ad annum quinquagesimum, ad portandum et faciendum sibi injuncta. Alio loco Numerorum habetur : Hæc est lex Levitarum : A viginti quinque annis et supra, ingredientur ut ministrent in tabernaculo fœderis. Quomodo ergo licuit istis constituere Levitas a viginti annis ? Ad quod dicendum videtur, quod isti Levitæ dicuntur positi ad sollicitandum structuram templi. Si autem faciebant cetera opera Levitarum, forsitan ex dispensatione sic factum est, quia pauci erant adhuc. *Stetitque Josue pontifex, et filii ejus et fratres ejus, quasi vir unus*, id est ordinate atque concorditer, *ut instarent super eos qui faciebant opus in templo Dei*, id est in loco templi, hoc est ad dirigendum operarios ipsos ad agendum viriliter.

Fundato igitur templo, steterunt sacerdotes in ornatu suo, id est sacerdotalibus vestimentis induti, *cum tubis*, quarum usus fuit in cultu et obsequio Dei, et in jubi-

laeo, et dicebantur tubæ sacerdotales : de quibus Josue ait. Fuerunt quoque tubæ, quarum usus fuit in bellis, et aliæ tubæ ad populum convocandum, sicut in libro scribitur Numerorum. *Et Levitæ filii Asaph in cymbalis*, id est cum talibus musicis instrumentis, de quibus prædictum est, *ut laudarent Deum per manum David regis Israel*, id est, secundum ordinationem David regis laudarent Dominum, in psalmis a David compositis. *Et concinebant in hymnis et confessione Domino, Quoniam bonus, quoniam in æternum misericordia ejus super Israel* : id est, in psalmis et laudibus aliis ac spiritualibus canticis pariter cecinerunt. Omnipotenti gratias agendo de templi foundatione. *Omnis quoque populus Israel ibi præsens, vociferabatur clamore magno in laudando Dominum, eo quod fundatum esset templum Domini.*

Josue vi, 4, etc.
Num. x, 2-10.

II Reg. vi, 5.

Plurimi etiam de sacerdotibus et Levitis et principes patrum, id est præcipui inter patres, et seniores qui viderant templum prius a Salomone constructum, *quum fundatum esset* : non quod fuerint quando illud templum fundabatur, sed quum fundatum, id est firmiter collocatum esset, in suo vigore subsistens ; et hoc templum, id est templi hujus secundi fundamenta ; *flebant voce magna*, tum ex recordatione destructionis illius primi celeberrimi templi, tum quia templum istud secundum fundatum, videbatur parvi momenti respectu templi prioris, nec apparebat quod unquam pertingeret ad notabilem venustatem et gloriam comparatione templi prioris. Hinc per Aggæum Dominus ait constructoribus templi secundi : Quis in vobis est derelictus, qui vidit domum istam in gloria sua prius ? et quid vos videtis hanc nunc ? Numquid non ita est, quasi non sit in oculis vestris ? Et ibi consequenter Dominus consolabatur eos, dicendo : Magna erit gloria domus istius novissimæ magis quam primæ. Quod, sicut ibi expositum est, impletum est per Christi præsentiam, oblationem, prædicationem, miraculosasque actiones in templo secundo.

Agg. ii, 4.

Ibid. 10.

ARTICULUS IV

ELUCIDATIO CAPITULI QUARTI : AUDIERUNT AUTEM HOSTES JUDE ET BENJAMIN.

MODO describitur, qualiter adversarii A Judæorum procuraverunt prohibitionem reedificationis templi et civitatis Jerusalem. *Audierunt autem hostes Judæ et Benjamin*, id est Samaritani habitantes in terra decem tribuum, hostes Judæorum reversorum de Babylone, qui erant ex tribu Juda ac Benjamin et etiam Levi, *quia filii captivitatis*, id est præfati Judæi ante diu in captivitate detenti, et jam inde relaxati atque remissi, *ædificarent templum Domino Deo Israel*; et accedentes ad Zorobabel et ad principes patrum, *dixerunt eis: .Edificemus vobiscum, quia ita ut vos, quærimus Deum vestrum*, id est, Deum Israel colimus, sicut et vos. Legitur quarto libro Regum, quod quum Salmanasar rex Assyriorum captivasset et abduxisset decem

IV Reg. xvii,
24 et seq.

tribus Israel, posuit in terra earum gentes diversas, quibus idola sua colentibus Deus misit leones, qui devoraverunt multos ex eis. Quo cognito, rex Assyriorum jussit illuc adduci unum de sacerdotibus Israel a se captis, ut doceret gentes illas colere Deum. Sicque receperunt circumcisionem et Moysis libros, Deoque Israel sacrificaverunt, et cum hoc coluerunt deos et idola sua. Hinc dicunt: *Ecce nos immolavimus victimas*, id est hostias Deo Israel, *a diebus Asarhaddon regis Assur, qui adduxit nos huc*.

Ibid. xix,
37.

respondet, quod sacerdos fuit missus ab isto Asarhaddon, et cum ipso sacerdote multos gentiles idem rex misit ad inhabitandum territorium decem tribuum. Quod dictum pro parte verificatur. Nempe, ut Magister in historiis refert, Salmanasar paucos adduxit gentiles ad inhabitandum Samariam. Asarhaddon autem postea misit multo plures, populavitque terram illam. Verumtamen sacerdos missus fuit ab ipso Salmanasar, nec poterat tanta dilatio adventus sacerdotis differri usque Asarhaddon regem, videlicet per totum tempus regni Sennacherib. Imo, secundum Josephum nono libro Antiquitatum, Salmanasar misit non unum tantummodo sacerdotem, sed plures.

Et dixit eis Zorobabel et Josue et reliqui principes: Non est vobis et nobis, ut ædificemus Domino Deo nostro, id est, vobis non convenit societas aut communio vel jus ædificandi nobiscum templum Deo nostro, *sed nos ipsi soli ædificabimus Domino templum, sicut præcepit nobis Cyrus rex Persarum*. Cyrus enim (ut patuit supra) C dedit Judæis, non gentibus, licentiam construendi templum Deo, quamvis aliis dederit licentiam adjuvandi Judæos. Isti autem perversa intentione voluerunt se Judæis ædificantibus commiscere, ut scilicet in societate eorum admixti, eos plus impedirent: quia familiaris inimicus est efficacior ad nocendum. Et quia erant idololatræ, eorum societas fuit Judæis vitanda.

1 Esdr. i, 3,
4.

Factum est ergo ut populus terræ Samariæ et circumjacentium regionum, impediret manus populi Judæ, id est Judæorum ædificantium, *et turbaret eos in ædificando*: faciendo eis diversas molestias, seu impediendo adductionem lignorum et consilium

ad ædificia necessariorum. *Conduxerunt quoque adversum eos consiliatores*, id est, quosdam induxerunt pecuniis, *ut destruerent consilium eorum*, id est, ut ipsi consiliatores suis persuasionibus impedirent Judæorum consilium ab ædificationis prosecutione. *omnibus diebus Cyri regis Persarum, et usque ad regnum Darii regis Persarum*, id est usque ad secundum annum imperii Darii hujus : de quo infra dicetur, quis et quorum filius fuit. Hinc

Agg. ii, 1.

In regno autem Assueri : ipse est rex Artaxerxes ; *in principio regni ejus, scripserunt præfatæ gentes, accusationem adversus habitatores Judæ et Jerusalem*, id est contra Judæos commorantes in terra Judææ et urbe Jerusalem. At vero quis fuerit iste Assuerus, habet difficultatem propter opinionum varietatem, et potissimum propter diversitatem nominum regis ejusdem, et coincidentiam nominum regum diversorum. Frequenter enim rex habuit nomina multa, et rursus diversorum regum nomina erant eadem sæpe, sicut et adhuc sunt. Itaque aliqui putaverunt, quod Assuerus cui nunc dicitur scripta accusatio contra Judæos, fuit is qui Esther accepit uxorem : quod, Lyra testante, etiam Rabbi Salomon tenet. Et verum est quod Josephus recitat Assuerum illum a Græcis Artaxerxem vocari. Dicit quoque quod vocatus sit Cyrus. Verumtamen Josephus ait, quod Assuerus iste non fuit qui ipsam Esther accepit, sed diu ante, videlicet quod fuit Cambyzes filius Cyri immediatus, qui Cyrus dedit redeundi licentiam : et hoc expositores catholici sunt secuti, et verum censetur. Et Cambyzes ille in libro Judith, Nabuchodonosor nuncupatur. Opinio autem

Esther ii, 17.

Ibid. xvi, 1.

Judith, 7, etc.

A Rabbi Salomonis, paulo post erronea ostendetur.

Et in diebus Artaxerxis, id est Cambysis, *scripsit Beselam*, id est vir sic vocatus, *Mithridates et Thabeel*, id est alii viri sic dicti, principes Samaritanorum, *ad Artaxerxem regem Persarum*, videlicet Cambysem, qui Cyro successit in regno et monarchia. *Epistola autem accusationis scripta erat Syriace*, id est verbis Syrorum, *et legabatur sermone Syro*, id est eodem sermone quo exstitit scripta, ita quod non legatur audientibus per interpretem in alia lingua, quoniam audientes illi noverant Syriacam linguam.

Reum Beel Teem : tria sunt nomina. Circa quod scribit quidam : Expositores nostri dicunt communiter, quod sint tria nomina propria hominum scribentium istam epistolam : quod dictum ex ignorantia Syri sermonis procedit. Nam secundum proprietatem linguæ illius, Reum est proprium nomen : alia duo sunt nomina appellativa sui officii. Beel enim dominum significat vel magistrum ; Teem, ratiocinationem. Ratiocinatio autem uno modo significat computum ; alio modo, prolationem verborum. Est igitur sensus, quod Reum fuit vel magister vel dominus computi. Hæc ille. Cujus objectioni posset faciliter responderi, quod in multis linguis eadem nomina sunt appellativa et propria, sicut in Latino, leo, amator, amicus et consimilia, et frequenter in eadem propositione possunt utroque modo sumi, ut certum est. Præterea multi doctores catholici in hoc loco dicunt, Beel et Teem esse communia nomina, et designare officium. Ideo expositores catholici non fuerunt hoc locotaliter, tamque generaliter, de ignorantia et errore notandi. Amplius non videtur verum, quod Reum ille fuerit magister aut dominus computi, quia (ut Josephus tangit et Magister in historiis sequitur) fuit scriptor accidentium rerum. Nec obstat quod sequitur, *et Samsai scriba*. Reges namque et principes consueverunt habere scriptores rerum gestarum in propria ter-

ra, qui dicebantur scribæ, et alios con-
scribentes ea, quæ in aliis contingebant
provinciis, qui dicebantur scriptores ac-
cidentium rerum. Unde quod quidam ait,
quod Reum ille dictavit epistolam, et Sam-
sai eam scripsit, erroneum est aut incer-
tum, si secundum suam opinionem, Reum
ille fuit magister aut dominus computi,
quum scriptores et scribæ magnatum com-
muniter melius sciant formam et modum
dictandi quam principes.

Et ceteri de gentibus quas transtulit, id
est, de terris imperii sui migrare, et in
IV Reg. xvii, 24. Samaria habitare fecit, *Asenaphar*, id est
prædictus Asarhaddon, qui plura sortitus
est nomina, qui (ut dictum est) terram de-
cem tribuum magis populavit, quam Sal-
manasar avus ipsius.

*Hoc est exemplar epistolæ quam mise-
runt ad eum*, id est, quam præfati miserunt
Cambysi regi Persarum: *Artaxerxi*, id est
Cambysi, regi Persarum, *servi tui*, id est
nos ministri tui, quos præfecisti populo
tuo, *virii qui sunt trans fluvium Euphra-*
ten, qui inter Persas et Samariam me-
dius fuit, *salutem dicunt*. *Notum sit re-*
gi, quia Judæi qui ascenderunt a te ad
nos, venerunt in Jerusalem civitatem re-
bellem et pessimam. Ex hoc loco (ut recitat
Lyra) probat Rabbi Salomon, quod episto-
la ista sit missa Cyro regi Persarum, quo-
niam ipse Cyrus, et non filius ejus Cam-
byses, dedit Judæis redeundi licentiam.
Quod argumentum facillime solvitur, quum
sit sensus, Ascenderunt a te ad nos, id est
a terra imperii tui ad terram nostram. De-
nique, Rabbi Salomon iste (ut tactum est)
dicit, quod Assuerus seu Artaxerxes cui
scripta est ista epistola, fuit Assuerus qui
ipsam Esther duxit uxorem: quem constat
non fuisse Cyrum, qui dedit Judæis re-
deundi licentiam. Et paulo post clarius
reprobabitur error iste. *Quam ædificant*
exstruentes muros ejus et parietes compo-
nentes. Circa hoc scribit quidam: In hoc
false accusabant Judæos, quia non reædi-
ficabant civitatem, sed tantummodo tem-
plum. Quod dictum stare non potest: imo

A prius cœperunt reædificare civitatem quam
templum; alioqui, ubi mansissent? Nec
principes illi ausi fuissent regi suo tam
manifestum et ad oculum patens menda-
cium scribere. Cyrus quoque dedit Judæis
licentiam reædificandi, non solum tem-
plum, sed etiam civitatem, ut cito pro-
babitur.

Nunc ergo notum sit regi, quia si ci-
vitas illa ædificata fuerit, et muri ejus
instaurati, tributum et vectigal et annuos
reditus non dabunt, id est, tibi erunt re-
belles, renuendo persolvere reditus, quos
omni anno solvere obligantur de terræ
nascentibus et arborum fructibus, tributa
quoque et vectigalia. Dicitur autem tribu-
tum, quod datur seu solvitur ministro prin-
cipis deputato ad levandum hujusmodi
bonum; vectigal autem, quod principi ap-
portatur, seu pedagium quod solvitur de
rebus quæ vehuntur per terram aut aquas.
Et usque ad reges hæc noxia, id est rebel-
lio et offensio ista, *perveniet*, id est usque
ad te, successoresque tuos. *Nos autem me-*
more salis quod in palatio comedimus, id
est, ad memoriam revocantes beneficia
collata nobis a te et a patribus tuis usque
ad minima, scilicet usque ad sal, vel usque
ad cibos sale conditos, *nuntiamus regi, ut*
recenseas, id est, recolas et inquiri facias,
in libris historiarum patrum tuorum; et
invenies scriptum in commentariis, et scies
quia urbs illa, urbs rebellis est.

Sequitur responsio regis. *Verbum*, id est
responsivam epistolam, *misit rex Reum*,
id est ipsi Reum ac ceteris qui cum eo
D scripserant regi. *A me præceptum est, et*
recensuerunt scribæ mei in libris histo-
riarum, inveneruntque, quoniam civitas
illa ab antiquis diebus adversus reges re-
bellat, id est, rebellare consuevit. Et hoc
reges et cives Jerusalem quandoque fece-
runt juste, ut patet de David, Asa, Jo-
saphat, Ezechia; quandoque injuste, ut
tempore Joakim et Sedeciae, quando Deus
propter peccata eorum subdidit eos infi-
delium regibus. *Nam et reges fortissimi*
fuerunt in Jerusalem, qui dominati sunt

II Reg. viii,
1; III Reg.
xv, 16, 19;
II Par. xx;
IV Reg.
xviii, 9 et
seq.; xix;
xxiv, 1-4, 10-
16; xxv, 1
et seq.

Esther ii,
17.

omni regioni quæ trans fluvium est : prout A
secundo et tertio Regum de David et Salomone refertur. *Tributum quoque et vectigal et redditus accipiebant*, id est, reges illi Jerusalem, scilicet David, Salomon, receperunt tributa et alia quæque a regnis et provinciis, scilicet Syria, Moab, Ammon, Idumæa, quas sibi subjecerant. *Nunc ergo audite sententiam : Prohibeatis viros illos ab executione ædificationis, et urbs illa non ædificetur.*

Circa hoc scribit quidam : Ex quo patet, quod Artaxerxes iste fuit Cyrus, et non retractavit, edictum suum : quia non dederat licentiam ædificandi civitatem, sed tantum templum, ut habetur supra, nec istud retractavit. Circa hoc dico, quod Artaxerxes iste non fuit Cyrus, qui dedit licentiam ædificandi templum, sicut dictum est et probatum, quia secundum Hieronymum in multis locis expositionum suarum super Prophetas, Cyrus ille fuit omnino per omnia favorabilis ipsis Judæis : et hoc Beda, Haymo et ceteri Catholici concorditer dicunt. Insuper, falsum est et sacræ Scripturæ contrarium, dicere quod Cyrus iste non dedit Judæis licentiam reædificandi civitatem, sed solum templum : quoniam (ut in expositione superiori allegatum est plenius) de Cyro hoc rege Persarum per Isaïam Dominus prænuntiavit : Ipse ædificabit civitatem meam. Quod certum est de urbe Jerusalem esse prædictum, et esse sensum : Ipse ædificabit, id est ædificari licentiabit et permittet, aut certe jubebit, secundum quod ipsemet Cyrus dixit : Ipse, scilicet Deus cœli, præcepit mihi ut ædificarem ei domum in Jerusalem. Si ergo Cyrus prohibuit civitatem ædificari, suum utique edictum revocavit. Nec verum est primo haberi capitulo hujus libri, quod Cyrus dedit Judæis licentiam reædificandi solum templum. Nam quamvis ibi dicatur de templo construendo, non tamen additur ibi aliquid de præcisione aut exclusionem aliorum. Iterum, dictum est Cyrum fuisse inductum ad templi reparationem,

quia Hebræi ostenderunt ei præfatam Isaïæ prophetiam. Et quia in ea de civitatis reædificatione manifeste habetur, constat quod ad hoc dedit licentiam : imo de civitatis reædificatione habetur ibi apertius quam de templi constructione, ut patet ex primo articulo. Rursus, Josephus undecimo Antiquitatum libro recitat Cyrum scripsisse : Judæos terram meam inhabitantes, qui voluerunt ad patriam suam redire, permisi et civitatem renovare, templumque Dei in ea ædificare. At vero, secundum opinionem illam erroneam, Cyrus suum retractasset edictum de templi ædificatione : alioqui Judæi non omisissent prosequi ædificium templi, nisi epistola regis hoc continuisset.

Tunc intermissum est opus domus Domini in Jerusalem, id est prosecutio templi et ædificatio civitatis, *et non fiebat usque ad secundum annum Darii regis Persarum* : qui Darius, secundum Josephum, Hieronymum et sanctos doctores, fuit filius Hystaspis et diu præcessit Assuerum, ejus conjux exstitit Esther. Aliqui vero Hebræi affirmant, quod fuit filius Assueri et Esther.

Postremo, juxta mysticum sensum, per reædificationem templi et civitatis Jerusalem, designatur reformatio Ecclesiæ in capitibus ejus et membris. Per gentes vero impediētes, signantur invisibiles atque visibiles Ecclesiæ hostes, falsi fratres, vitiosi prælati, et omnes qui adversantur unitati, paci et reformationi Ecclesiæ : qui dum nec ratione nec auctoritate queunt Catholicis prævalere, libenter se muniunt sæcularium principum favore ac potestate, apud quos mendaciter criminantur atque accusant Catholicos : et sicut fideles, exultant et voce altisona laudant Deum, dum Ecclesia aliquantulum reformatur. Sapientiores tamen et perfectiores, considerantes in quanta sanctitate et justitia Ecclesia Deo servivit tempore Apostolorum et postea diu, plorant dum moderni temporis qualemcumque reformationem conspiciunt.

II Reg. viii.
III Reg. iv.
ix.

I Esdr. i.
3. k.

cf. Quæst.
Hebr. in fine.

I Esdr. i.

Is. lxxv. 13

I Esdr. i. 2

Esther ii.
17.

Sensus
mysticus.

ARTICULUS V

EXPLANATIO CAPITULI QUINTI : PROPHETAVERUNT AUTEM AGGÆUS PROPHETA
ET ZACHARIAS FILIUS ADDO.

HIC agitur de resumptione ædificatio-
nis templi, et de appellatione propter
hoc facta ad Darium regem. *Prophetave-
runt autem Aggæus propheta et Zacharias
filius Addo, prophetantes ad Judæos qui
erant in Judæa et Jerusalem, in nomine
Dei Israel.* Isti duo fuerunt in terra Baby-
loniæ nati, et inter duodecim minores com-
putantur Prophetas. Unde in Scholastica
fertur historia : Ascensuri ex Babylonia in
Judæam, alios hortabantur Judæos ut se-
cum ascenderent, sed paucos invenerunt
qui assentirent eis. Propterea in exhorta-
tione et apparatu tres annos compleve-
runt, et in tertio anno regni Cyri egressi
sunt sub Zorobabel duce eorum et Jesu
pontifice, exhortantibus eos Zacharia pro-
pheta et Aggæo juvene, sed nondum pro-
pheta. Denique, mortuo Cambyse et Dario
imperante, hi duo Prophetæ admonuerunt
ipsum Zorobabel atque pontificem et po-
pulum, ut rursus inciperent prosequi ædi-
ficiū templi et civitatis, etiam nondum
ad hoc licentia obtenta a Dario, prædican-
tes ex revelatione divina, quod prospera-
retur opus in manu eorum, nec Darius
impediret. Verumtamen, secundum Jose-
phum, Zorobabel audita promotione Darii
in regem, festinanter eum accessit, quia
jamdudum habuit familiarem amicitiam
secum, atque (ut legitur) ex instigatione
ipsius Zorobabel Darius fecit votum Deo Is-
rael, quod si fieret rex, reædificaret civita-
tem Jerusalem et templum in ea. Concessit
itaque Darius ipsi Zorobabel largam licen-
tiam instaurandi templum et urbem, et
privilegia multa. Sed sicut Magister in hi-
storiis scribit, iste accessus Zorobabel ad
Darium, fuit postquam resumpsit ædificati-

onem, dum principes Darii habitantes trans
flumen petierunt a Zorobabel, qua aucto-
ritate prosequeretur ædificationem dudum
prohibitam, sicut jam ex textu patebit.

*In ipso tempore venit ad eos, id est ad
Zorobabel et Judæos, Thathanai, qui erat
dux trans flumen Euphraten, et Stharbu-
zanai et consiliarii eorum, et dixerunt :
Quis dedit vobis consilium, ut domum
hanc ædificaretis, et muros ejus civitatis
aut templi instauraretis ? Ad quod res-
pondimus eis, quæ essent nomina homi-
num auctorum illius ædificationis, id est,
qui essent principales in opere illo : quod
scilicet Aggæus et Zacharias ex divina re-
velatione hoc insinuarent esse agendum,
et quod Zorobabel dudum amicus Darii,
esset exsecutor operis hujus.* *Oculus autem
Dei eorum, id est respectus divinæ pieta-
tis et confortationis, factus est super senes
Judæorum, eos corroborans, ita quod non
cessaverunt ab incepto, et non potuerunt
principes præfati inhibere eos, quia Ju-
dæi de ipsorum inhibitione non curave-
runt.* Vel quamvis venerunt cum inhibendi
proposito, Omnipotens tamen immutavit
corda eorum, ita quod non prohibuerunt.
Prima tamen expositio aptior reputatur.
Nam subditur : *Placuitque utrique parti,
puta Judæis et Samaritis, ut res ad Darium
referretur, id est, causa ista ad iudicium
Darii regis deportaretur, quia tunc erat
monarcha in oriente ; et tunc satisfacerent
adversus accusationem illam, id est, Ju-
dæi ex determinatione Darii responderent
ad accusationem eis objectam, quod in-
caute haberent se, ædificando sic sine li-
centia regis.*

Exemplar epistolæ quam misit Thatha-

naï ad Dariū, id est, sermo epistolæ A *templum quod erat exstructum ante hos*
quam miserant ei hi, qui cum ipso Tha- *annos multos, id est, ædificamus templum*
thanai scripserunt Dario regi, cui scripse- *simile templo olim a Salomone constru-*
runt sic : Dario regi pax omnis, id est pax *cto. Itaque ex eo tempore quo fundamenta*
perfecta, seu pax interior, exterior, præ- *templi sunt a Zorobabel seu Sassabasar*
sens et futura. Notum sit regi, isse, id est *posita usque nunc, ædificabatur templum,*
ivisse, nos ad Judæam ad domum Dei *non continue, sed interveniente longa in-*
magni. Isti enim Samaritani cum diis suis *terruptione ex Cambysis prohibitione, ut* *I Esdr. iv.*
IV Reg. xvii, 32, 33, 41. *colebant et Deum Israel, quem magnum* *patuit capitulo præcedente. Nunc ergo si* *21-24.*
et summum esse credebant. Quæ ædifica- *videtur regi bonum, recenseat in biblio-*
tur lapide impolito, id est ex impolitis *theca regis, id est in armario seu reposi-*
seu non sculptis lapidibus, et ligna po- *torio librorum suorum annalium et histo-*
nuntur in parietibus ; opusque illud dili- *genter exstruitur, crescitque in manibus* *B* *rialium, quæ bibliotheca est in Babylone,*
eorum. Interrogavimus ergo senes illos : *id est in terra Babylonie : siquidem urbs*
Quis dedit vobis potestatem ut domum *Babylon fuit destructa ; utrumnam a Cyro*
hanc ædificaretis ? Responderunt : Nos su- *rege jussum sit ut ædificaretur domus Dei*
mus serei Dei celi et terræ, et ædificamus *in Jerusalem, et voluntatem regis super*
hac re mittat ad nos.

ARTICULUS VI

EXPLANATIO CAPITULI SEXTI : TUNC DARIUS REX PRÆCEPIT, ET RECENSUERUNT
 IN BIBLIOTHECA.

PRÆCEPTUM Darii de templo ædifican- C *seu Medorum, inventum est ibi volumen*
do et consummando, hic ponitur. Tunc *unum, talisque in eo scriptus erat com-*
Darius rex præcepit ministris et scriptori- *mentarius, id est tractatus expositivus*
bus suis, et recensuerunt, id est inquisi- *rei gestæ per Cyrum.*
erunt, in bibliotheca librorum continen-
tium gesta præcedentium regum, qui erant
in Babylone, id est in regno Babylonie,
prout se ante extenderat et includebat
multa et magna regna ; et inventum est in
Ecbatanis, quod est castrum. In libro Ju-
dith habetur, quod Ecbatanis fuit poten-
tissima civitas : quomodo ergo vocatur
castrum ? Forsan, quoniam instar fortalitii D *opinantur, quod latitudo sumatur improp-*
fuit firmissime facta, sicut secundum quo- *prie hic pro longitudine templi, præsertim*
rumdam expositionem Christus de Jerusa- *quum latitudo templi Salomonis non fuerit*
lem dixit discipulis : Ite in castellum quod *nisi cubitorum viginti. Verumtamen Jose-*
contra vos est. Vel forte Ecbatanis sumi- *phus etiam refert sicut in textu habetur.* *III Reg. vi.*
tur hic pro castro, non pro civitate. In *2.*
Medena provincia, id est in regno Mediæ

verbis Josephi quasi exponi, dum ait : Et faciant tres parietes lapideos ipsius, videlicet templi, et unum parietem ligneum ex materiis ipsius provinciæ. Præterea objici potest, quia si templum istud secundum, fuit altitudinis sexaginta cubitorum, videtur fuisse altius templo Salomonis, quod habuit triginta cubitos in altitudine, prout tertio libro Regum habetur. Et respondendum, quod templum Salomonis fuit triginta cubitorum in altitudine usque ad primum tabulatum, deinde totidem usque ad tabulatum secundum, et ab illo usque ad verticem habuit adhuc in altitudine cubitos sexaginta. Unde tota ejus altitudo describitur secundo libro Paralipomenon ubi habetur : Porro altitudo centum viginti cubitorum erat.

Nunc ergo, *Thathanai et qui estis trans fluvium, procul recedite ab illis*, scilicet Judæis reædificantibus templum et urbem Jerusalem, *et dimittite fieri templum Dei a duce Judæorum. Et offerant oblationes Deo cæli, orentque pro vita regis Darii et filiorum ejus prospere conservanda*. Circa hoc scribit quidam : Ex hoc patet, quod rex iste habebat fidem unius veri Dei. Verumtamen, an habuit fidem formatam vel solum informem, an potius solummodo fidem suasam et quamdam credulitatem fidei similem, non autem fidem quæ est theologia virtus, puto incertum. Nam (ut patuit) etiam Samaritani idololatræ, credebant, supplicabant et sacrificabant uni vero Deo. Similiter Assuerus, ejus conjux fuit Esther, credebatur esse unum verum et summum Deum, omnium provisorem, ut patet in ejus epistolis, præsertim Esther ultimo. Et tamen isti non habuerunt fidem quæ est virtus theologia, nec formatam neque informem, sicut neque hæretici nec Sarraceni, qui unum Deum, non idola, colunt.

A me ergo Dario rege positum est decretum, id est ordinatio et præceptum, ut omnis homo qui hanc mutaverit jussionem, id est, transgressus fuerit eam, tollatur lignum de domo ipsius, si habuerit

domum et lignum pro patibulo aptum : alioqui aliunde sumatur hujusmodi lignum; *et configatur in eo. Domus autem ejus publicetur*, id est, facultates ipsius ad fiscum pertineant regis. *Deus qui habitare facit nomen suum ibi*, id est, qui in templo Jerusalem jussit se invocari, nominari, laudari, et qui se ipsum voluit ibi per specialem gratiam esse et habitare, *dissipet omnia regna, et populum qui extenderit manum suam ut repugnet, et dissipet domum Dei*.

Ædificaverunt Judæi templum et urbem, jubente Deo per Aggæum et Zachariam prophetas, et jubente Cyro et Dario et Artaxerxæ regibus Persarum; et compleverunt domum Dei. Ex qua forma verborum patet falsitas Rabbi Salomonis, dicentis quod Artaxerxes iste fuit idem qui Darius : quod si verum esset, Scriptura non loqueretur de eo et Dario cum interpositione hujusmodi conjunctionis copulativæ. Idcirco cum Josepho dicendum, quod Artaxerxes ille fuit filius Darii, et a Josepho Xerxes vocatur. Nec obstat, quod templum dicitur esse completum sexto Darii anno, videlicet quoad ædificium ejus secundum se : multa tamen deerant ejus ornatui et utensilibus et ædibus in gyro fiendis pro templi ministris. Usque ad diem tertium mensis Adar, qui duodecimus mensis est apud Judæos.

Deinde in littera describitur, qualiter Judæi seu filii transmigrationis, id est de transmigracione et captivitate reversi, fecerunt dedicationem templi; et pontifex ac majores fecerunt sacerdotes ac Levitas stare ordinate secundum congruentiam officiorum suorum in vicibus suis, in quibus ministrare debebant et exercere opera Dei, sacrificando, laudando, et circa hostias præparandas ministerium exhibendo, sicut scriptum est in libro Moysis, præsertim in Levitico et libro Numerorum per diversa capitula : et plana est littera.

Et purificati sunt sacerdotes et Levitæ, id est, ad faciendum pascha secundum legem erant dispositi et purgati per ora-

III Reg. vi,
2.

II Par. iii, 4.

IV Reg. xvii,
32, 33, 41.

Esther xvi,
4, 16, 18.

Agg. 1;
Zach. i, 10;
iv, 9.
I Esdr. i,
3, 4, II Esdr.
ii, 6, 8.

tiones, lotiones et continentiam, atque per A
immunitatem ab irregularitatibus et im-
munditiis legis, a quibus debebant esse
immunes aut purgati pascha facturi et
agnum paschalem manducaturi : de qui-
bus omnibus in Exodo, Levitico et ceteris
Moysis libris diffuse tractatur. Purificati
sunt ergo *quasi vir unus*, id est omnes
concorditer sine exceptione. *Et fecerunt
solemnitatem Azymorum septem diebus in*

*letitia, quoniam letificaverat eos Domi-
nus*, gratiose agendo cum ipsis, *et conver-
terat cor regis Assur ad eos, ut adjuvaret
manus eorum*, id est, mentem Darii regis
inclinaverat ad faciendum tam liberaliter
et benigne cum ipsis, et ad habendum se
tam devote circa Deum et templum. Dici-
tur autem Darius rex Persarum, rex Assur,
quia et regnum Assyriorum fuit sub ejus
imperio.

ARTICULUS VII

ELUCIDATIO CAPITULI SEPTIMI : POST HEC AUTEM VERBA.

RECITATUR hic promotio atque pro-
speritas Judæorum sub filio Darii re-
gis. *Post hæc autem verba*, id est post
gesta jam ante descripta sub Dario. Sæpe
autem in Scripturis sumitur verbum pro
re significata per verbum. *In regno Artaxer-
xis*, videlicet filii Darii, quem Artaxer-
xem Josephus vocat Xerxem, *Esdra*s, ejus
genealogia in textu describitur, ascenden-
do usque ad *Aaron*, qui fuit sacerdos *ab
initio*, id est pontifex Judæorum primus, a
tempore quo Deus per Moysen in deserto
instituit sacerdotium Judæorum, distin-
ctum a sacerdotio legis naturalis, in qua
omnes primogeniti fuerant sacerdotes. Fu-
erunt tamen plures intermedii inter Es-
dram et Aaron, quam hic exprimuntur,
sicut ex primo Paralipomenon libro elici-
tur : principales autem ponuntur hic.

Ipsæ Esdras ascendit de Babylone versus
Judæam, quæ in altiori est situ, quam
Babyloniæ terra. Dicunt autem nonnulli,
quod Esdras primo ascenderat cum Zoro-
babel, deinde Babyloniam rediit ad dedu-
cendum secum plures inde in Judæam, et
ad impetrandum privilegia quædam a re-
ge. Quod si ita est, mirum quod non fit de
eo mentio specialis in descriptione rever-
sionis Zorobabel. Ex Josepho quoque et

B ex Scholastica historia id non apparet. *Et
ipse scriba velox in lege Moysis*, id est
doctus valde et peritus in Scripturis vete-
ris Testamenti : qui et ideo dicitur, scriba
velox, quoniam novos apices litterarum
excogitavit faciliores ad scribendum et ex-
primendum ; qui et legem a Chaldæis com-
bustam dicitur reparasse, et ceteras veteris
Testamenti Scripturas recuperasse. Penta-
teuchum vero, id est libros Moysis, apud
Samaritanos invenisse asseritur. *Et dedit
ei rex Artaxerxes secundum manum Do-
mini Dei ejus super eum bonam*, id est
secundum gratiosam et potentem opem et
adsistentiam Dei, *omnem petitionem ejus*,
id est, universa quæ a præfato petiit rege.
De hoc Josephus undecimo Antiquitatum
recitat libro : Fuit in Babylone vir justus
et gloria magna potitus, apud multitudi-
nem primus populi Judæorum sacerdos,
qui quum legum Moysis integram haberet
scientiam, amicus factus est Xerxi regi.
Præterea advertendum, quod secundum
Magistrum in historiis, Artaxerxes iste fuit
alter quam Xerxes filius Darii, et successit
in regno Xerxi præfato, atque vocatus est
Artaxerxes Longimanus.

*Esdra*s autem paravit, id est, aptavit
et præbuit, *cor suum, ut investigaret legem*

E. cod.
XXXIII, 1 :
XXIX.

1 Par. VI,
3-11.

Domini, id est, eam recoleret et recuperaret, et *faceret*, id est, obediret eidem : quia scientia præceptorum et legum ordinatur ad opus, quemadmodum et Philosophus protestatur, Quid sit virtus scrutamur, ut boni efficiamur. Ideo scienti et non facienti, peccatum est illi. *Et doceret in Israel præceptum et iudicium*, id est, ipsum Israeliticum populum reversum doceret per verba et scripta præcepta moralia, puta Decalogum et mandata judicialia, quæ assignant modum servandi justitiam inter proximos. Per hæc autem insinuat, quod docuit quoque præcepta cærimonialia, quæ docent modum colendi Deum in sacrificiis, et in discretionem ciborum, ac consilium rerum figuralium.

Hoc est autem exemplar epistolæ contentivæ edicti, id est præcepti seu ordinationis, quod dedit rex Artaxerxes Esdræ sacerdoti : Artaxerxes rex regum terrenorum subjectorum monarchiæ Persarum, Esdræ doctissimo salutem. Nam et propter sapientiam suam, Esdras fuit regi tam acceptus, carus, et honoratus ab ipso. Atque, ut refert Hieronymus, Hebræi dicunt ipsum fuisse Malachiam prophetam, qui inter duodecim Prophetas est ultimus, et fuisse eum adspectus angelici, et sic erat decorus et multum amabilis.

A me decretum est, ut cuicumque placuerit in regno meo, id est toto imperio meo, de populo Israel, tecum vadat in Jerusalem. *A facie enim regis et septem consiliatorum ejus*, id est a persona ac præsentia mea et septem principalium consiliariorum meorum, missus es. Nempe, ut legitur in libro Esther, reges Persarum et Medorum habebant assidue secum septem nobilissimos duces in jure et legibus peritissimos, quorum consilio cuncta agebant. *Ut visites Judæam et Jerusalem*, id est terram et populum tuum, *in lege Dei tui*, id est cum observantia et memoria legis Mosaicæ, quæ est in manu, id est operatione tua, id est, quam habes ad manum, hoc est in promptu ; et ut feras, id est, tecum portes, argentum et aurum,

A quod rex et consiliatores ejus sponte obtulerunt Deo Israel in subsidium ornamentorum, sacrificiorum ac ædium templi. Jam itaque notitia veri Dei longe ac late innotuit gentibus ex dispersione et commoratione filiorum Israel inter illos, et ex perpetratione mirabilium quæ Deus tunc fecit inter gentiles illis temporibus ; ex relatione quoque Israelitarum narrantium gentibus magnalia Dei scripta in lege. Et hæc fuit una causa, cur Deus punivit peccata populi sui per dispersionem inter gentiles. Propter quod scriptum est in libro Tobiae : Confitemini Domino, filii Israel, et in conspectu gentium laudate eum : quoniam ideo dispersit vos inter gentes quæ ignorant Deum, ut enarretis mirabilia ejus, et faciatis scire eos, quoniam non est alius Deus omnipotens præter eum. *Et omne argentum et aurum quodcumque inveneris in universa provincia Babylonis, et quod populus offerre voluerit*, id est populus tuus residuus, qui non vult tecum ascendere in Judæam, detentus amore uxorum ac sobolis ac possessionum, quas habet in Babylone ; vel, populus meus residuus post me et septem consiliarios meos. *Vasa quoque quæ dantur in ministerium domus Dei tui*, id est sacra vasa deputata ad Dei cultum in templo, *trade in conspectu Dei*, id est, in templo repone tempore opportuno.

Sed et cetera quibus opus fuerit in domo Dei tui, dabis de thesauro et de fisco regis, id est, emes de pecunia ad me pertinente, quam accipies a præfectis meis trans flumen. Itaque, De fisco, id est de communi pecunia, seu camera regis. *Ego Artaxerxes rex statui*, id est jussi et commisi omnibus custodibus arcæ publicæ, id est repositiorum pecuniæ meæ seu thesaurizariis meis, ut quodcumque petierit Esdras a vobis, absque mora detis ei usque ad argenti talenta centum, et usque centum batos vini. Batus mensura est, quæ alio nomine dicitur ephi, videlicet trium modiorum. *Et usque ad frumenti coros centum.* Corus hic sumitur pro mensura

Jacob. iv,
17.

Tob. xiii, 3,
4.

Esther i,
13. 14.

Ezech. xlv,
11.

aridorum, sicut batus pro mensura liquidorum. Et continet corus, ut legitur, decem modios. Estque tertia pars oneris quod potest portare camelus. Verumtamen mensuræ istæ apud diversos valde diversificantur, nec scire valemus de facili certam quantitatem earum.

Tu autem, Esdra, secundum sapientiam Dei tui, quæ est in manu tua, id est juxta sapientiam tibi a Deo collatam, *constitue judices et præsides, ut judicent omni populo qui est trans flumen*, id est, provide ut ibi sint judices et præsidentes idonei, prudentes, qui ad profectum populi judicent recte in omni causa, quia potestatem habes instituendi tales, et destituendi indignos; *his videlicet qui noverunt legem Dei tui*, id est, qui judicent peritis in lege tua, videlicet populo tuo: et ita videtur potestas ista extendi ad judices et præsides præficiendos Judæis, et forsitan ex plebe eorum. *Et omnis* [Judæus] *natione vel conversione ad Judaismum, qui non fecerit legem Dei tui, et legem regis, id est præcepta mea, diligenter, judicium erit de eo, sive in mortem, sive in exsilium, sive in condemnationem substantiæ, vel certe in carcerem*: id est, volo ut talis adjudicetur

A morti corporali aut exsilio, quod est mors civilis, aut privationi possessionum suarum in toto aut parte, seu incarcerationi secundum exigentiam gravitatis aut parvitatatis sui excessus, vel secundum quod peccatum ejus processerit ex ignorantia, aut infirmitate, vel ex certa malitia.

Et dixit Esdras. Hoc tamen non est de textu, sed subintelligitur. Dixit itaque Esdras, Deo gratias agens, cum jucunditate et admiratione, eo quod Deus omnipotens mentem regis gentilis taliter inclinavit ad promovendum cultum Dei Israel in templo Jerusalem: *Benedictus Deus patrum nostrorum, qui dedit hoc in corde regis, ut glorificaret domum Domini, et in me inclinavit misericordiam suam coram rege*, id est, pietatem et gratiam suam mihi impendit, per quam fui regi et consiliariis ejus acceptus, atque ab eis in omnibus exauditus. *Et ego confortatus manu Dei quæ erat in me*, id est divino subsidio, directione et adistentia Dei corroboratus, *congregavi de Israel principes*, id est præcipuos quosdam de Judæis adhuc in Babylonia commorantes, qui ascenderent mecum in Jerusalem: quibus monstravi epistolam regis; qua visa, animati fuerunt mecum ascendere.

ARTICULUS VIII

EXPOSITIO CAPITULI OCTAVI: HI SUNT ERGO PRINCIPES FAMILIARUM.

QUALITER Esdras cum suis in Jerusalem venerit, hic refertur. Nec est difficultas in littera. *Hi sunt ergo principes familiarum, qui ascenderunt mecum in regno Artaxerxis regis: De filiis Phinees, Gerson; de filiis Ithamar, Daniel*. Isti fuerunt sacerdotes nati ex Aaron et præfatis filiis ejus, ut catholici expositores fatentur. Ideo quidam inepte circa hoc reprehendit expositores catholicos. *Congregavi autem eos ad fluvium, qui decurrit ad Ahava*.

D Josephus dicit, Ad Euphraten: et forsitan venerunt ad aliquem rivum ipsius, seu tandem ad fluvium ipsum. *Et mansimus diebus tribus, repausando, seu aliquos expectando, aut de necessariis providendo. Quæsi vique in populo et in sacerdotibus de filiis Levi*, id est Levitas quosdam, secundum quod Levitæ a sacerdotibus distinguuntur, et inferiores sunt, sacerdotibusque deserviunt, prout in libro Numerorum legitur, et consequenter ibidem capitulo

Num. III, 7 et seq.; IV.

quarto, et non inveni ibi, id est, nullum Levitam reperi ibi mecum. *Itaque misit Eliezer et Ariel et Semeiam et Elnathan et Jarib, etc., ad Eddo, qui est primus in Chaspiae loco, ut adducerent nobis inde ministros Dei nostri, præsertim Levitas.*

Circa hæc scribit quidam : Dicunt expositores nostri communiter, quod Esdras misit nuntios ad Judæos, qui erant ultra montes Chasprios, quos transtulerant reges Assyriorum. Quod dictum reprobatur ille : quia sacerdotes et Levitæ non fuerunt capti cum decem tribubus, quæ sunt ultra Chasprios montes. Nec illi de montibus illis potuissent tam cito venire ad Esdram, sicut in littera venisse dicuntur hi, pro quibus misit. Sed argumenta hæc modici sunt vigoris. Quamvis enim sacerdotes et Levitæ fuerunt capti a Chaldæis diu post decem tribuum captivitatem ab Assyriis, interim tamen durante per septuaginta annos captivitate, et Babylone destructa, poterant quidam de sacerdotibus et Levitis ad decem tribus transisse. Denique decem tribus illæ nondum fuerunt clausæ (Alexander enim rex eas reclusit), atque, ut Josephus narrat, erant in Media, id est in regno Medorum : et sic poterant satis cito venire ad Esdram, quia habuerunt a rege licentiam. Insuper, dictum illud Catholicorum, quod et in Scholastica historia continetur, verbis Josephi consonare videtur, qui ait undecimo libro Antiquitatum : Exemplum epistolæ misit Esdras ad omnes Israelitas, et ad Mediam inhabitantes. Ecce manifesta probatio. Additque Josephus : Totus autem populus Israel, scilicet decem tribus, in terra illa permansit. Ideoque duæ tantum tribus sunt constitutæ per Europam et Asiam, obsequentes Romanis. Verumtamen duabus tribubus illis, videlicet Juda et Benjamin, annumeratur tribus Levitica. Atque, ut dictum est sæpe, aliqui ex decem tribubus fuerunt capti cum populo regni Juda, et redierunt vel ipsi vel eorum posteri cum Judæis a Babylone. Asserit etiam Josephus : Decem tribus hæc hactenus trans Euphraten commorari

A probantur, quarum multitudines innumera-
rabiles numero comprehendi non possunt. De quibus in Scholastica historia additur, quod circa finem mundi egredientur, magnam hominum stragem facturi.

Et prædicavi ibi jejuniū, hortando ut jejunarent, quatenus Deus custodiret nos in processu itineris. Erubui enim a rege petere auxilium, quia dixeramus regi : Manus, id est protectio, Dei nostri est super omnes qui querunt eum in bonitate, id est in sinceritate virtutum ; et furor, id est rigor suæ justitiæ et vindictæ, incumbit super omnes qui derelinquunt eum. Idcirco ne rex scandalizaretur, si Esdras videretur de divina defensione diffidere quærendo humanum auxilium, Esdras erubuit petere subsidium a rege pro deductione per viam : nec hoc fuit Deum tentare, præsertim quia ex rationabili causa processit, et per orationes atque jejunia ad Deum confugerunt, tam Esdras quam populus ejus.

Et separavi de principibus sacerdotum duodecim, id est, duodecim notabiliores ex numero sacerdotum elegi. Appendique eis argentum et aurum, et vasa consecrata domus Dei, quæ obtulerat rex et consiliatores ejus, universusque Israel, de numero eorum qui inventi fuerant in terra transmigrationis, nec redierunt : id est, omnia ista assignavi sacerdotibus illis fideliter, sicut ea recepi sub pondere et numero certo. Et crateres aureos, quæ sunt vasa duas ansas habentia. Et dixi eis, videlicet sacerdotibus : Vos sancti Domini, id est, vos estis electi ministri Deo consecrati, et vasa hæc sancta sunt. Vigilate et custodite, id est, omnia ista quæ vobis assignavi, et divino sunt cultui deputata, vigilanter custodite, donec appendatis, id est, quousque ea assignetis in Jerusalem, in templo Dei, coram principibus sacerdotum et Levitarum, id est coram principalibus inter sacerdotes atque Levitas. Utensilia namque cultus divini et spiritualia bona, sunt cum præcipua diligentia custodienda.

Promovimus ergo, id est, ad procedendum movimus pedes nostros ; et venimus

in Jerusalem, et mansimus ibi tribus diebus. Die autem quarta appensum est argentum et aurum et vasa, id est, assignata et tradita sunt in templum, in thesaurum ipsius. Dederunt autem edicta regis satrapis, id est, epistolam regis Artaxerxis, continentem præacta præcepta ipsius, præsentaverunt reversi a Babylone, qui erant

A de conspectu regis, id est ex parte et ex commissione prædicti regis constituti præfecti et duces, trans flumen; et elevarunt populum et domum Dei, id est, duces ac satrapæ magnifice honoraverunt populum Dei et templum ejus, propter præcepta regis, et propter beneficia ac privilegia quæ rex concessit eisdem.

ARTICULUS IX

EXPOSITIO CAPITULI NONI : POSTQUAM AUTEM HEC COMPLETA SUNT.

MAGNA quædam transgressio populi a captivitate reversi, et ejusdem iniquitatis deploratio, hic describuntur. Postquam autem hæc, quæ in fine præcedentis capituli enarrantur, completa sunt, accesserunt ad me principes, hoc est aliqui principales et boni de populo illo reverso, dicentes : Non est separatus populus Israel qui cum Zorobabel rediit, a populis terrarum, id est a commixtione gentilium in gyro terræ nostræ morantium. Tulerunt enim, id est, acceperunt Judæi, de filiabus eorum sibi et filiis suis uxores, vel potius quasi uxores, quia inter eos, ut infra patebit, non fuit matrimonium verum, et commiscuerunt semen sanctum, id est deputatum ad divinum obsequium, cum populis terrarum, id est cum gentilibus et idololâtris. Tamen Judæi qui tantum facinus commiserunt, quamdiu manserunt in illo, non fuerunt sancti, sed vitiosi. Sed in quantum erant specialiter deputati ad cultum Dei, dicuntur sancti : quemadmodum vitiosus prælatus, ratione sacri officii dicitur pater sanctus. Manus etiam principum et magistratum, id est majorum in populo : non tamen Zorobabel nec pontifex Jesus, ut aliqui dicunt. Hieronymus tamen super Zachariam, ubi fit mentio de hoc Jesu, affirmat eum duxisse uxorem alienigenam. Fuit in transgressione hæc

B prima, id est primo culpabilis, et aliis dans exemplum sic agendi. Tamen quod ait, Prima, posset referri ad transgressionem : ut sit sensus, quod in hac prima transgressione, quæ fuit præcipue gravis, fuerunt culpabiles et ipsi principes magistratusque Judæorum.

Denique, sicut testatur B. Hieronymus super Malachiam, Judæi a Babylone reversi, acceperunt gentiles uxores, repudiatis uxoribus propriis propter earum deformitatem et vetustatem : quod fuit valde dupliciterque enorme, quia et ipsa repudiatio fuit in se vitiosa, et alienigenas ducere, fuit prohibitum in Deuteronomio. Et de hac Judæorum iniquitate agitur Malachiæ secundo, multum sententiose, quamvis breviter et obscure, prout ibi expositum est.

Deut. vii, 3.

Malach. ii, 11-16.

Quumque audissem sermonem istum, scindi pallium meum et tunicam : sicut mos fuit Judæorum in magna afflictione et adversitate; et evulsi capillos capitis mei et barbæ, ex vehementi dolore, et in signum mœstitiæ : in quibus apparet fervor dilectionis et zelus justitiæ sancti Esdræ circa Deum et proximos; et dixi : Deus meus, confundor mente, et erubesco forinsecus, levare faciem meam ad te, id est faciem cordis ad tuam sanctitatem, vel faciem corporalem ad cœlum, in quo specialiter esse et habitare cognosceris : et hoc propter

Zach. iii.

enormitatem et foeditatem vitiorum nostrorum, atque ex consideratione puritatis et dignitatis tuæ immensæ. De turpitudine enim et enormitate culparum, summe erubescendum est coram Deo. Hinc subditur : *Quoniam iniquitates nostræ commissæ in proximum, multiplicatæ sunt super caput nostrum*, id est in cordibus nostris, et omnino inexcusabiliter imputandæ sunt nobis. Viri enim qui tam scelerata iniere connubia, gravissime peccaverunt in conjuges suas, quas abjecerunt, et eas induxerunt ad magnam desolationem, fletum, pusillanimitatem, et ad multa peccata, scilicet ad iram, murmurationem, impatientiam, invidiam, ad quas passiones pronæ sunt feminæ. *Et peccata nostra in Deum commissæ, creverunt usque ad cælum*, id est, vehementissime multa et gravia sunt effecta. Itaque Esdras ex humilitate connumeravit se transgressoribus illis, sicut et Daniel in sua oratione, et Isaïas dum ait de Christo : Nos reputavimus eum quasi leprosum. Et rursus : Omnes nos quasi oves erravimus. *Et traditi sumus in gladium et captivitatem et in confusionem vultus, sicut et in die hac* : quia et nunc multi insultant nobis, tam hic in Judæa, quam in regnis, ubi fratres nostri sub servitutis jugo morantur.

Et nunc quasi parum et ad momentum facta est deprecatio nostra ad Dominum Deum nostrum, id est, non nisi modicissimo tempore habuimus idoneitatem deprecandi te, scilicet quamdiu a magnis vitiis eramus immunes, quando eramus in via huc redeundi ; et cito postquam huc venimus, tanta commisimus scelera, quod non possumus excusari, nec digni sumus coram te apparere aut deprecari ; *quia servi sumus regis Persarum, imo et vitiorum*. Iniqui namque, teste sacratissimo principe Apostolorum, sunt servi corruptionis. A quo enim quis superatus est, hujus et servus est. *Et nunc quid dicemus, Domine Deus, post hæc* ? id est, excusare non possumus nos, qui post tot et tanta beneficia tua tam ingrati fuimus tibi ; *quia de-*

A *reliquimus mandata tua, quæ præcepisti in manu*, id est per obsequium, *servorum tuorum Prophetarum, dicens : Terra ad quam ingredimini, immunda est*, scilicet terra promissionis, quæ perhibetur immunda, propter flagitia in ea commissæ, et repleverunt eam ab ore usque ad os, per hyperbolen, ad innuendum quod abundantissime ac enormissime in ea peccaverunt Amorrhæi, Chananæi, etc., quorum scelera in Deuteronomio conscribuntur. Sic et Manasses dicitur replese Jerusalem sanguine innocentium usque ad os.

Nunc ergo filias vestras ne detis filiis eorum, et filias eorum non accipiat. Istud præcepit Dominus per Moysen eximium Prophetarum, et per Zachariam ac Malachiam reprehendit hujus præcepti transgressionem. Per aliorum quoque eloquia Prophetarum admonuit populum Israel sæpe de hujus præcepti impletionem. Et non quærat pacem et prosperitatem eorum, id est, non habeatis communionem cum ipsis, sed vitetis omnino eorum consortia : imo

C Dominus eos occidi jussit, nec ut tales erant amandi. Non tamen fuerant odiendi, quoad personam vel naturam ipsorum. *Ut non converteremur ad pristina vitia nostra.*

Numquid iratus es nobis usque in consummationem ? id est, noli, o Domine, noli nos omnino deserere, nec gratiam vitandi peccata totaliter nobis abstrahere, ne penitus pereamus. *Domine, Deus Israel, justus es tu : quoniam derelicti sumus, qui salvaremur*, id est, jam pro magna parte propter peccata nostra sumus consumpti,

D et tamen dereliquisti quosdam residuos, utpote nos, ad hoc ut pœnitendo et bene vivendo consequamur salutem. *Ecce coram te sumus in delicto nostro*, id est evidenter rei et valde culpabiles. *Non enim stari potest coram te super hoc*, id est, stare non possumus coram tribunali tuo ad excusandum nos in hac parte : imo si excusare voluerimus nos, os nostrum condemnabit nos ; et si voluerimus judicio tecum contendere, non poterimus respondere unum pro mille.

Dan. ix, 5
et seq.
Is. liii, 4.
Ibid. 6.

II Petr. ii,
19.

Lev. xviii,
25.

Deut. ix, 4;
xviii, 12; xx,
18.
IV Reg. xxi,
16.

Deut. vii, 3;
Malach. ii,
11-16; Num.
xxxii, 15.

Num. xxv,
17; xxxi, 17.

Job ix, 20, 3.

ARTICULUS X

EXPLANATIO CAPITULI DECIMI : SIC ERGO ORANTE ESDRÆ, ET IMPLORANTE DEUM.

Luc. XVIII,
13.

CORRECTIO præmemoratæ transgres-
sionis describitur in hoc loco. *Sic ergo
orante Esdra* cum intima compunctione,
sapientiali pudore et lacrimarum effusio-
ne, pro aliorum peccatis : ita quod instar
publicani, de quo in Evangelio legitur, *Eru-
buit oculos suos ad cælum levare ; colle-
ctus est ad eum de Israel*, id est de populo
Israelitico, *cætus grandis virorum et mu-
lierum* : qui, secundum Josephum, erant
mediocres, nec rei criminis ejus ; *et flevit
populus fletu magno*, ipsi Esdræ compa-
tiendo, et propter commissa flagitia. Es-
dras autem tam acerbissime luxit, quia
existimavit quod ex sua exhortatione ma-
jores non acquiescerent abjicere præfatas
uxores gentiles, ut Josephus scribit. Sed
meritis ejus Deus aliter ordinavit, et reo-
rum tetigit corda. Nam subditur : *Et re-
spondit Sechenias*, unus inter præcipuos :
Nos prævaricati sumus. Quia et ipse unus
fuit reorum in scelere illo, ideo in primis
exhibuit se paratum ad emendationem,
quatenus ceteri ejus exemplo similiter fa-
cerent. *Et nunc si est pœnitentia*, id est,
quia possumus pœnitere, quum non sit
desperandum, *percutiamus fœdus cum Do-
mino*, id est, pactum firmum ineamus cum
Deo nostro, *ut projiciamus*, id est, remo-
veamus a nobis, *universas uxores alieni-
genas, et eos qui de his nati sunt*, ne amore
prolis suæ redeant ad nos. Si tamen femi-
næ illæ voluerunt pueros apud patres ma-
nere, forsitan licuit. *Surge : tuum est dis-
cernere*, id est judicare quid et qualiter
sit agendum, quum sis justus ac sapiens,
et a rege præ aliis honoratus. *Nosque eri-
mus tecum* : non corpore tantum, sed et
voluntatis conformitate et cooperatione.

*Surrexit ergo Esdras, et adjuravit prin-
cipes*, id est præcipuos sacerdotum et Levi-

tas. Quo constat verum esse quod Josephus
narrat, præfatum Secheniam suggessisse
Esdræ, ut omnes jurarent abjicere conju-
ges illas. *Et surrexit Esdras ante domum
Dei*, id est ante templum, ad cujus fores
jacebat prostratus ; *panem non comedit,
et aquam non bibit*, id est, illa die ex tri-
stitia nihil comedit. Solet autem in Scri-
pturis per panem et aquam, omnis esca et
potus signari. *Lugebat enim in transgres-
sionem*, id est ex dolore de illorum trans-
gressionem, et ad placandum illis Deum.

B *Et missa est vox*, id est, præceptum
exivit ab Esdra, *in Jerusalem et Juda* :
quia per totam terram, in qua habitabant
Judæi reversi, fecit præceptum hoc, quod
fuit citatio populi, promulgari ; *ut congre-
garentur in Jerusalem infra triduum* : cui
præcepto fuit adjuncta gravis pœna con-
tra inobedientes, videlicet spoliatio totius
substantiæ possessionisve suæ, et quod non
venientes abjicerentur de synagoga, tan-
quam excommunicati. Unde et in Evange-
lio scriptum est, quod conspiraverunt Ju-
dæi, quia si quis confiteretur Jesum esse
Christum, extra synagogam fieret. Conve-
nerunt ergo infra tres dies. *Ipsa est mensis
nonus*, in quo convenerunt : qui apud He-
bræos dicitur Sileos*, et correspondet (ut
fertur) partim Novembri, et partim Decem-
bri ; *et sedit omnis populus in platea do-
mus Dei*, id est in atrio prope templum :
nam Josephus, Quum in superiori, inquit,
loco templi consedissem ; *tremantes pro
peccato et pluviis*, id est, ex doloris sui
excessu, et ex metu ultionis divinæ, atque
ex frigore hiemali, tremebant.

Joann. ix,
22.* Chisleus,
Casleu

Et dixit Esdras : Date confessionem Deo,
id est, Deum honorate, vestra peccata re-
cognoscendo, bonitatemque Dei et benefi-
cia ejus laudando. Sic et Josue dixit ad

Josue vii,
19.

Achan transgressorem : Fili mi, da gloriam Deo, et confitere, atque indica mihi quid feceris. *Et separamini a populis terræ, et ab uxoribus alienigenis*, id est, consortia atque connubia gentilium idololatrarum de cetero evitate, et uxores ex illis sumptas relinquitte, quum non sint veræ uxores : quum dispar cultus impediatur matrimonium contrahendum, dirimatque contractum, et viventibus uxoribus legitimis non potuistis sine peccato superinducere alias. Nec libellus repudii fuit permissus tanquam quid licitum, sed tanquam minus malum, ut vitaretur uxoricidium. Idcirco, quum Dominus dixisset, Quum odio habueris, supple, uxorem, dimitte eam ; mox addit, Operiet autem iniquitas vestimentum ejus.

Matth. xiv,
8 ; *Deut.*
xxiv, 1.

Malach. ii,
16.

Et respondit universa multitudo : Juxta verbum tuum sic fiat. Verumtamen, quia populus multus est, qui reus est criminis hujus, et tempus pluriæ, et non sustinemus stare foris propter imbrem hiemaleque frigus, constituentur principes in universa multitudine : qui pergant per civitates, ad perscrutandum eos qui peccaverunt in casu isto ; et omnes in civitatibus nostris qui duxerunt uxores alienigenas, veniant ad præsentiam principum temporibus statutis, id est præordinatis a principibus, qui intimabunt diem certum ; et judices ejus, videlicet cujuslibet urbis, veniant simul ad principes : sicque abjiciantur tales uxores, juxta sententiam principum et judicum. Atque, ut Josephus adjicit, Ordinaverunt ut illi eligerentur ad corrigendum hoc vitium, et ad separandum uxores illas a viris Judæis, qui non erant culpabiles in hoc facto. Nempe qui alios habet corrigere, debet esse immunis a vitiis, præsertim ab his, de quibus in-

A crepat alios, ne ei dicatur : Medice, cura te ipsum. *Luc.* iv, 23.

Et sederunt in prima die mensis decimi, ut quærerent rem, id est, negotium perscrutarentur, et executioni mandarent. Sicque celeriter processerunt ad vitia corrigenda, quoniam vicesimo die mensis noni decreverunt sic esse agendum. Et consummati sunt, id est, perfecte inventi, numerati atque correcti, omnes viri qui duxerunt uxores alienigenas. Et dederunt manus suas, id est, promptos se exhibuerunt, ut ejicerent uxores suas prædictas : quæ tamen (ut dictum est) non erant veræ uxores. Nec fuit inter Judæos et eas verum matrimonium : ad quod inseparabilitas pertinet, sicut in Evangelio loquitur Christus : Quos Deus conjunxit, homo non separat. Deinde exprimuntur in textu, hi qui in isto facinore erant rei, et planus est textus.

B Ecce quam multa bona facit virtuosus prælatus : cujus est subditorum peccata deflere, et pro eorum illuminatione, conversione, compunctione Deum lacrimose precari, ac jejuna pro illis, sicque iniquis gratiam prævenientem, et dura corda emollientem promereri et obtinere, sicut et Daniel se fecisse testatur : Lugebam, in-

Matth. xix,
6.

Dan. x, 2, 3.

Jer. xiv, 17.

ENARRATIO
IN LIBRUM SECUNDUM ESDRÆ

PROŒMIUM

N*EHEMIAS in memoria multi temporis, qui erexit nobis muros eversos, et stare fecit portas et seras, qui erexit domos nostras. Eccli. XLIX, 15.*

Liber iste dicitur esse pars libri Esdræ, quia de eadem tractat materia, estque velut prosecutio historiæ libri Esdræ. Propria tamen habet capitula, et alius est auctor. Nam ut Josephus scribit, Esdras post gloriam quam apud Deum habuerat, vitam in senectute veneranda finivit, atque in Jerosolymis cum multa liberalitate sepultus est. Quo defuncto, post prosperitatem sub eo habitam, passi sunt Judæi multiplicem adversitatem, et muri civitatis destructi sunt : quo cognito, Nehemias vir juvenis et pincerna regis Artaxerxis, a quo rege et Esdras fuerat honoratus, privilegiatus et missus, de ejusdem regis licentia venit Jerusalem, ejusque muros, portas, seras ac domos construxit : ideo æterna memoria dignus effectus est.

Ant. Jud.
lib. xi. c. 5.

ENARRATIO

IN LIBRUM NEHEMIÆ

QUI DICITUR

LIBER SECUNDUS

ESDRÆ

ARTICULUS PRIMUS

ELUCIDATIO CAPITULI PRIMI : VERBA NEHEMIÆ FILII HELCHIE.

VERBA *Nehemiæ filii Helchiæ*, supple, A sunt quæ sequuntur, quæ ab eo conscripta sunt : et fuit de stirpe sacerdotali.

Et factum est in mense Casleu : qui apud Hebræos (secundum Josephum) vocatur Sileos *, apud Latinos December ; anno vicesimo regni Artaxerxis, et ego eram in Susis castro, id est in fortalio quodam urbis illius, quæ fuit metropolis regni Persarum. Vel per castrum, intelligitur civitas ipsa instar castris fortissima, ut dictum est plenius super Esdras. *Et venit ad me Hannani unus de fratribus meis*, id est cognatis. Quod dictum est, Ad me, non est (ut fertur) de textu. *Ipsæ et viri ex Juda*, id est ex tribu Juda, vel ex populo Judæorum habitantium in Judæa. *Et interrogavi eos de Judæis, qui remanserant et supererant de captivitate*, id est, qui adhuc vixerunt, et in Judæa morabantur, reversi ex Babylonica captivitate, seu nati ex illis reversi, et de Jerusalem, id est, de statu civitatis Jerusalem eos specialiter interrogavi. Re-

fert Josephus, quod viri isti quasi peregrini ad urbem Susa declinaverunt. Obviavitque eis Nehemias ante metropolim, et audiens eos Hebraice colloquentes, interrogavit eos quæ dicta sunt.

Et dixerunt mihi : Qui remanserunt, et derelicti sunt de captivitate in provincia Judææ, in afflictione magna sunt, et in opprobrio : qui a Samaritanis et circumjacentibus gentibus graviter vexabantur et spernebantur. Imo, ut in Scholastica fertur historia, et ex Josepho sumptum est, per dies sustinebant impetum hostium : noctibus quoque intrabant latrunculi, et plateas Jerusalem implebant cadaveribus mortuorum. *Et murus Jerusalem dissipatus est, et portæ ejus combustæ sunt igni.*

Circa hoc scribit quidam : A tempore quo Nabuzardan incendit civitatem, et muros ejus dirupit, non fuerat data licentia reedificandi eam, sed solum templum et pertinentia ad ipsum, per Cyrum et Darium. Sicque juxta expositionem istius,

Ant. Jud.,
lib. xi, c. 5.
* Chisleus

I Esdr., vi, 2.

IV Reg. xxv.
9, 10.

- quod hic dicitur de dissipatione murorum Jerusalem, et de combustione portarum ipsius, intelligitur de destructione et combustionem facta per Nabuzardan principem militiæ Chaldæorum. Sed error dicti istius, supra in expositione libri Esther ostensus est; et ex expositione primi libri Esdræ patet. Nempe, quod civitas Jerusalem de Cyri regis licentia reædificaretur, Deus per Isaiam evidenter prædixit, ubi de Cyro loquens : Ipse, inquit, ædificabit civitatem meam. Et asserit idem Josephus. Denique destructionem murorum Jerusalem per Chaldæos factam Nehemias non ignoravit, nec aliquis Judæorum. Quod autem scriptura ista loquatur de dissipatione murorum Jerusalem Nehemiam latente, constat tam ex isto, quam ex sequenti capitulo. Subditur enim : *Quumque audissem verba hujusmodi, sedi et flevi, et luxi diebus multis; et jejunabam, et orabam.*
- Tob. XII, 8.* Bona namque est oratio cum jejuniis, prout angelus Raphael ait Tobię. Sed et lacrimæ, quæ ex caritatis fervore, seu vera contritione devotionisque pietate procedunt, orationem faciunt esse fortissimam. Insuper, sequenti capitulo loquitur Nehemias ad regem : Quare non mœreat vultus meus, quia civitas domus sepulchrorum patris mei deserta est, et portæ ejus combustæ sunt? Unde probatur, ista intelligenda esse de nova destructione, quam ante nescierat Nehemias. Denique, quod Jerusalem sub Zorobabel et Esdra fuerit aliquantulum reædificata, patet ex dictis in Esdra, in cujus libro primo scriptum est : Civitatem Jerusalem reædificant extruentes muros ejus.
- 1 Esdr. IV, 12.* Et dixi : Quæso, Domine Deus cœli, id est universorum cœlestium corporum, ac supernorum spirituum. Nam sicut per terram intelliguntur frequenter habitantes in terra, juxta illud, Omnis terra adoret te, Deus; ita per cœlum, habitantes in cœlo. *Fortis*, quia omnipotens; *magne*, quoniam infinitus es in omni perfectione; *atque terribilis*, videlicet justus et imperscrutabilis, in cujus manus incidere, est valde metuendum; *qui custodis pactum*, id est
- A promissum, seu amicitiae fœdus ac jus, et misericordiam his qui te diligunt, et custodiunt mandata tua : quibus fideliter imple et pie donas quod promisisti. *Fiant aures tuæ auscultantes, et oculi tui aperti, ut audias orationem servi tui, quam ego oro coram te hodie nocte ac die, pro filiis Israel servis tuis.* Loquitur autem Scriptura de supersimplicissimo et invariabili Deo affectu et more humano, quum tamen auris et oculi Dei, non sint nisi sapientia ejus, omnia noscens ac intuens, ut sit sensus : Per effectum exauditionis orationis meæ, ostende te nosse ac intueri meam orationem, qua oro pro servis tuis. Multum etenim placet Deo amor boni communis, et oratio fusa ex tali amore. *Et confiteor pro peccatis eorum, quibus peccaverunt tibi*, id est, confiteor eos peccasse, ut digneris eis ignoscere.
- Ego et domus*, id est cognatio, *patris mei peccavimus.* Hoc addit, ne videatur se inaniter justificare. Certumque est, quod et ipse Nehemias a venialibus non fuit immunis. *Vanitate seducti sumus.* Omne enim peccatum est vanitas quædam. Et Proverbiorum ait Scriptura : Stultus illudit peccatum. Et qui peccat, errat atque seducitur, judicans male, saltem in particulari. Propter quod omnis peccans, dicitur esse ignorans. Unde et Salomon protestatur : Omnis viri via, recta in oculis ejus. *Ibid. XXI, 2.* Hinc per Jeremiam Dominus loquitur : Quid invenerunt patres vestri iniquitatis in me, quia ambulaverunt post vanitatem, et vani facti sunt? Insuper, omnia ista terrena, transitoria et caduca, dicuntur vana et vanitates, juxta illud Ecclesiastæ, Vanitas vanitatum, et omnia vanitas : quibus seducuntur iniqui, secundum illud Sapientiæ, Creaturæ factæ sunt in tentationem animæ hominum, et in muscipulam pedibus insipientium. *Et non custodivimus mandatum tuum*, id est præcepta tua Decalogi, quæ dicuntur moralia, et cærimonias, id est præcepta cærimonialia, et judicia tua, id est mandata judicialia.
- Prov. XIV, 9.*
Ibid. XXI, 2.
Jer. II, 5.
Eccle. I, 2.
Sap. XIV, 11.

Memento verbi, id est, per effectum ostende te memorem promissionis seu pacti, *quod mandasti*, id est insinuasti, *Moyse servo tuo*, et per eum promulgari jussisti, *dicens : Quum transgressi fueritis*, ita enormiter, ut ultra tolerari non possit : juxta illud Jeremiæ, Non poterat vos Dominus ultra portare propter malitiam studiorum vestrorum ; *ego disperdam vos* peste, captivitate, gladio, fame : de quibus Dominus ait per Ezechielem, Mittam in eos quatuor judicia mea pessima ; *et si revertamini ad me*, cum condigna contritione et emendatione, *et congregabo vos*. Istud locutus est Dominus in Deuteronomio. *Obsecro, Domine, sit auris tua intendens ad orationem servorum tuorum, qui volunt timere nomen tuum*, id est te ipsum, filiali timore : ita ut etsi nondum sint in caritate, nec filialiter timeant te, tamen misericorditer eos prævenias, obicemque gratiæ tollas de corde ipsorum, et tuum spiritua-lem amorem ac filialem timorem ipsis infundas ; *et dirige servum tuum hodie*, id est me ipsum, in omnibus : specialiter ad proponendum convenienter regi meam petitionem ; *et da ei misericordiam ad virum hunc*, id est, coram rege Artaxerxe da mihi gratiam, qua ei acceptus sim in mea postulatione, ita ut pie impleat eam.

Jer. XLIV.
22.Ezech. XIV.
21.Deut.
XXXIII-XXX.

A Ego enim eram pincerna regis : ideo habui ei me præsentare, et potui eum ad placitum meum accedere.

Juxta mysticum sensum, per Judæos in angustiis constitutos, et ipsam Jerusalem construere cupientes, intelliguntur electi fideles, qui Ecclesiæ reformationem desiderant, et ejus ruinam deplangunt : qui ab invisibilibus hostibus atque a pravis hominibus multipliciter affliguntur. Per Nehemiam quoque designantur æmulatores legis divinæ, ac zelatores divinæ justitiæ : qui videntes se propriis viribus Ecclesiæ reformationem procurare non posse, per orationes, jejunia, lacrimas ad Deum confugiunt, quatenus ipse suam dignetur reformare Ecclesiam. Muri autem Ecclesiæ, sunt prælati, doctores et prædicatores, quorum est gregem dominicum circumvallare, custodire, munire : qui dum scandalose atque carnaliter conversantur, muri Jerusalem dissipantur ; de quorum dejectione est maxime contristandum, et pro eorum erectione orandum. Portæ autem Jerusalem, sunt virtutes et merita, per quæ patet ingressus in triumphantem Ecclesiam : quæ igne concupiscentiæ et carnalis amoris, flammaque iracundiæ et vitiorum incendio comburuntur in eis qui corruunt.

Sensus
mysticus.

ARTICULUS II

EXPOSITIO CAPITULI SECUNDI : FACTUM EST AUTEM IN MENSE NISAN.

NUNC recitatur, qualiter Nehemias de licentia regis Jerusalem venerit. *Factum est autem in mense Nisan* : qui cum nostro Aprili concurrit, aut partim cum Martio ; anno vicesimo Artaxerxis regis. Præcedenti capitulo dictum est, quod in mense Casleu, id est Decembri, vel secundum quosdam, Novembri, anno vicesimo Artaxerxis, Nehemias interrogavit de statu

II Esdr. I.
1.

Jerusalem : quomodo ergo eodem anno in mense Nisan factum est, quod hic narratur, quum isti duo menses non veniant in eodem anno, ita quod Nisan sequatur mensem Casleu, sicut hic agitur de mense Nisan, qui fuit post Casleu ? Ad quod quidam respondent, quod Nehemias hic loquitur secundum modum computationis Judæorum, dicentium, mundum esse creatum in

mense Tisseri, correspondenti partim nostro Septembri, et partim Octobri; et quod ille sit simpliciter primus mensis anni, et Casleu tertius, Nisanque septimus, quamvis postea ex eventu, mensis Nisan vocatus sit primus mensis anni, quia in eo filii Israel educti sunt de Ægypto. *Et levavi manum meam, et dedi regi vinum*, id est, vasculum in quo fuit vinum ei porrexi; *et eram quasi languidus ante faciem ejus*, id est pallidus ex præviis jejuniis, orationibus, fletibus, vigiliis atque tristitiis.

Dixitque mihi rex, suspiciens quod mali aliquid cogitarem in eum, quasi volens eum intoxicare, et ex timore deprehendendi de tanto facinore pallescens: *Quare vultus tuus tristis est*, id est, signa interioris mœroris ostendit, *quum te egrotum non videam?* *Non est hoc frustra*, id est absque causa notabili; *sed malum, nescio quid sit istud*, quia cordium secreta certo et determinate cognoscere, vires excellit humanas, *in corde tuo est*. Nam interiora per exteriora quædam, præsertim ex dispositione vultus et oculorum, probabiliter et in generali noscuntur, juxta illud Ecclesiastici: Ex visu cognoscitur vir, et ab occursum faciei cognoscitur sensatus; amictus corporis, et risus dentium, et ingressus hominis, enuntiant de illo. Unde et in Proverbiorum libro fertur: Quomodo in aquis resplendent vultus prospicientium, sic corda hominum manifesta sunt prudentibus.

Et timui valde ac nimis, ne forte rex excusationi meæ non crederet, et suæ suspicioni nimium inhæreret, sicque forsitan per pœnas extorqueret a me veritatem. *Et dixi regi: Rex, in æternum vive*. Quasi dicat: Vitam tuam cupio jugiter conservari et prosperari, atque post vitam hanc æternaliter felicitari. *Quare non mœreat*, id est, rationabiliter tristetur, *vultus meus, quia civitas domus sepulcrorum patris mei deserta est*, id est vastata, ita quod nunc pauci morantur in ea, respectu temporum quæ captivitatem nostram præcesserunt. Sed cur ait, Civitas domus sepulcrorum

patris mei, et non potius, Civitas domus sepulcri patrum meorum, quum apud Judæos consueverint patres et filii in eodem sepulcro recondi? Et respondendum, quod plurale frequenter pro singulari ponitur, et econtra. Sicque per patrem intelligit suos progenitores. *Et portæ ejus combustæ sunt igni*.

Et ait mihi rex, qui ex verbis præactis consideravit, quod Nehemias optaret civitatis suæ reparationem: *Pro qua re postulas? Et oravi Deum cæli*, oratione interna ac brevi, ut dirigeret me in petendo, regemque inclinaret ad consentiendum, *et dixi ad regem: Si videtur regi bonum: quasi dicat*, Tuæ discretioni totum committo; *et si placet servis tuis**, id est septem consiliatoribus tuis tibi adstantibus, de quorum consilio omnia agis, juxta morem regum Persarum atque Medorum: ut dictum est super Esdram, et Esther primo habetur; *rogo ut mittas me in Judæam, et ædificabo eam*, scilicet urbem Jerusalem, complendo ejus reædificationem a Zorobabel inchoatam, et ab Esdra auctam, et postea minoratam. *Dixitque mihi rex et regina: Usque ad quod tempus erit iter tuum, et quando reverteris?* id est, quamdiu quæris ibi manere? Ex quo patet, quod rex et regina non libenter caruerunt præsentia tam modesti et fidelis pincernæ. Porro quid ad hanc interrogationem responderit Nehemias, non scribitur hic: sed infra recitat Nehemias, se rediisse ad regem anno regni ejus tricesimo secundo: sicque absens fuit annis duodecim, quoniam anno regni ejus vicesimo abiit versus Judæam.

Et placui ante vultum regis, et misit me. Et constitui ei tempus, et dixi ei: Si regi videtur bonum, epistolas det mihi ad duces regionis, quæ est trans flumen Eufraten, officiatos regis, ut transducant me, donec veniam in Judæam, id est, cum securitate me ducant usque ad loca inter Judæos reversos sita; *et epistolam ad Asaph custodem saltus, id est silvæ regis, ut det mihi ligna, ut tegere possim portas templi, turre domus*, id est, cooperire

Esd. xii.
2.

* alias servus tuus

I Esdr. vii, 28; Esther. i. 13, 14.

Eccles. xii.
26, 27.

Prov. xxvii.
19.

II Esdr. v. 14.

summitatem templi instar turris constru-
cti, vel turris ædificandæ prope templum
pro ejus munitione, *et muri civitatis*, id
est, ad operiendum portas muri, seu turres
in eo fiendas, *et domum quam ingressus
fuero*, id est, etiam ad tegendum domum
quam inhabitabo. *Et dedit mihi rex juxta
manum Dei mei bonam mecum*, id est, fe-
cit quæ petii, secundum quod Deus gra-
tiose et favorabiliter adfuit mihi. Præter-
ea Josephus addit, quod Nehemias a rege
dimissus, cum principibus militum atque
equitibus venit Babyloniam, et secum in-
de duxit multos Judæorum eum sponte se-
quentes.

*Et veni ad duces regionis trans flumen,
dedique eis epistolas regis. Miserat autem
rex mecum principes militum et equites.
Et audierunt Sanaballat et Tobias.* Hi erant
hostes Judæorum, et de adventu Nehemiæ
dolebant.

Consequenter in textu describitur, qua-
liter Nehemias ad tempus suum celavit
propositum, et circuivit, consideravitque
urbem et muros destructos, qualiter pos-
set aptius reparari. Nec est difficultas in
littera; tamen aliqua tangam. *Et jumen-
tum non erat mecum, nisi animal cui se-
debam*, hoc est, ego solus equitavi, et qui
mecum circuibant, pedites erant. *Egressus*

* fontem sum ante frontem * Draconis, id est locum

A sic nominatum. *Non erat locus*, id est via
apta ad progrediendum, *jumento cui sede-
bam*, quia distorta erant itinera, et ruinæ
fuerunt ibidem factæ. *Et indicavi eis ma-
num Dei, quod esset bona mecum*, id est
adsistentiam et auxilium Dei prosperum
mihi ab ipso concessum. *Vobis autem Sa-
maritanis adversariis nostris gentilibus at-
que idololatræ, non est pars*, id est com-
munio neque hereditaria portio, *et justitia*,
id est cultus sincerus veri Dei, *et memo-
ria in bono in Jerusalem*: id est, omnino
B alieni estis a Deo et a fidei populo ejus
et ab urbe Jerusalem ad divinum cultum
electa.

Juxta tropologiam, prælatus cupiens
reformare Ecclesiam, debet omnes ejus
ruinas, deformitates et abusiones conside-
rare, et qualiter possint ac debeant refor-
mari, perpendere: sicque secreto suo ad
tempus opportunum absecondito, debet sibi
viros idoneos associare, ac suum proposi-
tum insinuare eisdem; et ipsos hortari, ut
sibi cooperentur et adsistant ad reforman-
dum collapsa, et ut confidant in Domino,
certi de adjutorio ejus, dummodo quod in
ipsis est, fecerint, et ne timeant adversa-
rios boni communis; imo parati sint pro
Deo, pro æquitate, pro proximorum salu-
te, et pro bono communi persecutiones
pati ac mortem subire.

ARTICULUS III

EXPOSITIO CAPITULI TERTII: ET SURREXIT ELIASIB SACERDOS MAGNUS.

HIC ipsa reædificatio civitatis Jerusa-
lem et murorum ac portarum ejus
describitur. *Et surrexit Eliasib sacerdos
magnus*, id est pontifex Judæorum: qui,
secundum Josephum et Magistrum in hi-
storiis, fuit filius Joachim seu Eliachim
pontificis, qui Joachim erat filius Josue
filii Josedec. *Et fratres ejus sacerdotes, et*

D ædificaverunt portam Gregis. Alia trans-
latio continet: Ædificaverunt portam et
Probatricam piscinam. Fuitque porta hæc
juxta templum: per quam inducebantur
greges animalium offerendorum. De pisci-
na autem Probatica habetur apud Joan-
nem. De hac porta quidam exponunt illud
Michæ: Et tu, turris Gregis nebulosa. Ta-

Joann. v, 2.

Mich. iv, 8.

men sicut ibi exposui, per turrim illam intelligitur ibi ad litteram templum. Denique in hac ædificatione decuit principem sacerdotum cum suis existere primum, et portam construere prope templum. *Ipsi sanctificaverunt*, id est, firmiter statuerunt eam ad Dei honorem : nam sanctum, uno modo idem est quod firmum ; *et statuerunt valvas ejus*, id est portas ejus seu januas : quæ a volvendo nomen sortitæ sunt, quia in apertione et clausura volvuntur ac revolvuntur, et per portas cointelliguntur vectes et seræ ; *et usque ad turrim centum cubitorum sanctificaverunt eam*, id est firmaverunt, ædificando juxta eam in muro usque ad turrim centum cubitorum ab una parte, *et usque ad turrim Hananeel*, ex alia parte. Unde prædictum fuit a Jeremia : *Ædificabitur civitas Domino a turre Hananeel. Et juxta eum*, id est prope ædificata a pontifice, *ædificaverunt viri Jericho*, hoc est oriundi ex urbe sic dicta ; *et juxta eum*, forsitan ex alio latere, *ædificavit Zachur filius Amri*, incipiendo ubi dimisit Eliasib.

Portam autem Piscium, sic vocatam quia per eam copia piscium inferebatur, *ædificaverunt filii Asnaa. Et ipsi texerunt*, id est construxerunt ; vel, *texerunt*, id est operuerunt eam lignis, ut et murus fortius cohæreret. Hæc porta, secundum Josephum, appellata est postea porta David, quoniam fuit ex opposito montis Sion, id est illius partis Jerusalem : quæ pars vocata est civitas David, ut patet secundo libro Regum. *Et juxta eos ædificaverunt Thecueni*, id est nati ex urbe Thecua : de qua fuit Amos propheta, et mulier sapiens quam Joab misit ad David, prout secundo libro Regum describitur. *Optimates autem*, id est superiores, *eorum*, non supposuerunt colla sua in opere Domini, id est, non adjuverunt in ædificiis istis : in quo eorum negligentia et vulgarium diligentia denotantur.

Et portam Veterem ædificaverunt Joia-da filius Phasea, et Mosollam filius Besodia. Hæc porta vocata est vetus, quia

vestigia ejus apparuerunt a diebus Jebusæorum atque Melchisedech, ut in Scholastica fertur historia. *Juxta eos ædificavit Meltias ; et Maspha* : quod est hic nomen viri, qui erat pro duce in regione trans flumen, id est, vices ducis illius supplevit : quia ut dicitur, dux quidam trans flumen, quamvis gentilis natione, cupiebat ad ædificandum contribuere ex devotione : quod fecit per virum prædictum. *Et dimiserunt Jerusalem*, extra eam ædificando, vel eam extendendo.

B Et portam Vallis, per quam ibatur de civitate ad vallem Josaphat, *ædificavit Hannun. Et portam Sterquilinii*, per quam tempore pluvioso immunditiæ civitatis decurrebant in torrentem Cedron. *Portam Fontis*, quæ et infra porta Aquarum vocatur, et a fonte sibi propinquo sic dicta est, *ædificavit Sellum*. Nempe portæ hic nominatæ, inveniuntur et alia nomina habere. *Princeps pagi*, id est villæ seu vici *Maspha* ; *et muros piscinæ Siloe in hortum regis*, id est, muros piscinæ sic nuncupatæ construxit usque ad hortum regis ; vel ædificavit muros piscinæ fluentis versus regis hortum. Dicit autem Isaias : Aquæ Siloe trans-eunt cum silentio. Apud Joannem quoque Evangelistam dicitur : Vade, lavare in natatoria Siloe, quod interpretatur missus. *Et usque ad gradus qui descendunt de civitate David*. Siquidem ad civitatem David, hoc est ad arcem Sion, ascendebatur per gradus.

Post eum ædificavit Nehemias filius Azboc, usque contra sepulcrum, id est ex opposito sepulcri, *David regis*, qui sepultus est in civitate David, ut legitur tertio Regum libro, *et usque ad domum fortium*, in qua fortes regis David seu agonistæ solebant manere : non quod domus illa adhuc stetit, sed usque ad locum ubi aliquando stabat, porrigebatur ædificatio hujus. *Nathinæi autem*, qui ligna et aquas comportabant ad domum Dei, *habitant in Ophel*, id est loco sic dicto, non remote a templo. *Sursum autem a porta Equorum ædificaverunt sacerdotes*. Hæc porta

Jer. XXXI, 38.

II Esdr. VIII, 1, 3, 16.

Is. VIII, 6.

Joann. IX, 7.

II Esdr. III, 15; XII, 36.

II Reg. V, 7, 9.

Amos I, 1; II Reg. XIV, 2.

III Reg. II, 10.

non fuit porta civitatis, sed posita erat ante atria templi : usque ad quam licuit equitando ascendere versus templum, atque exinde dicitur incepisse habitatio sacerdotum. Littera plana est.

Sensus
mysticus.

Mystice potest hoc loco per Nehemiam Christus intelligi, qui militantem ædificavit Ecclesiam. Cujus cooperatores fuerunt gloriosi Apostoli, ceterique discipuli ac prælati, prædicatores atque doctores : quorum quisque domum seu congregationem sibi commissam ædificavit exemplo et documentis. Porro, per septem portas, puta per sex portas civitatis, et per portam Equorum, rite intelliguntur septem ecclesiastica sacramenta, per quæ ad cæleste regnum pertingitur, vel septem dona Spiritus Sancti, seu tres virtutes theologice et quatuor cardinales. Specialiter demum, per portam Gregis, designatur spontanea resignatio sui ipsius, et mortificatio propriæ voluntatis, seu crucifixio propriæ carnis cum vitiis et concupiscentiis : per quæ omnia offert se homo suo Creatori, sicut per portam Gregis inducebantur pecora immolaticia Domino offerenda. Per portam Piscium, figurata est prædicatio Evangelii, per quam homines quasi pisces capti, Christo incorporantur, qui dixit ad summum Apostolum : Ex hoc jam homines eris capiens. Per portam Veterem, intelli-

Is. xi, 2, 3.

Galat. v, 24.

Luc. v, 10.

gitur cognitio Scripturarum veteris Testamenti, per quam fides corroboratur. Per portam Fontis, effusio lacrimarum desiderio regni cælestis, seu copia gratiarum, vel aqua sapientiæ salutaris. Per portam Vallis, sancta humilitas. Per portam Sterquilinii, recognitio propriæ defectuositatis et expurgatio vitiorum. Per portam Equorum, fortitudo, fervor, velocitas prædicatorum ac prælatorum, quorum est Christum undique circumferre.

Eccli. xv, 3.

Postremo, per optimates Thecuenorum non supponentes colla sua in opere Dei, recte intelliguntur, qui in Ecclesia fulgent ecclesiastica dignitate, sed per negligentiam torpent, et carnali conversatione fœdantur : qui pulchra dicunt magnæque prædicant, sed ea non exsequuntur. De quibus ait Salvator : Alligant onera gravia et importabilia, et imponunt ea super humeros hominum, digito autem suo nolunt ea movere. Similiter nobiles et potentes, quum dicat Apostolus : Quia non multi potentes, non multi nobiles sunt inter vos ; sed abjecta mundi elegit Deus, ut confundat fortia. Nam et teste Gregorio : Hos elegit Deus quos despiciit mundus. De quibus ait Psalmista : In labore hominum non sunt, et cum hominibus non flagellabuntur ; ideo tenuit eos superbia.

Matth. xxiii, 4.

1 Cor. i, 26, 27.

Ps. lxxii, 5, 6.

ARTICULUS IV

EXPOSITIO CAPITULI QUARTI : FACTUM EST AUTEM QUUM AUDISSET SANABALLAT.

PONITUR hic unum obstaculorum, quo adversarii Judæorum conati sunt Judæos ab ædificatione retrahere, utpote eos acriter impugnando. Factum est autem quum audisset Sanaballat inter Samaritanos præcipuus, quod ædificaremur murum, iratus est valde, invidens prosperitati ædificantium, et dicit : Quid Judæi faciunt

imbecilles, id est infirmi? quasi dicat : Non poterunt facere aliquid magni. Num dimittent eos gentes? id est, gentiles in eorum circuitu commorantes, non permittent eos opus inchoatum complere. Sed et Tobias Ammonites proximus ejus, ait : Ædificent, id est, non est curandum de ædificatione ipsorum. Si ascenderit vulpes,

transiliet murum eorum lapideum, tam bassus et debilis erit murus quem faciunt: et sic poterimus murum illum ad placitum dissipare.

Et dixit Nehemias. Hoc non est de textu. *Audi, Deus noster, quia facti sumus despectui, id est, injuste nos contempserunt. Convertite opprobrium super caput eorum, id est, pro eorum opprobrio quo nos aspernati sunt, puniantur a te; et da eos in despectionem in terra captivitatis: id est, pro eo quod nos spreverunt injuste, nec compassi sunt reversis a captivitate, fac eos juste contemni et captivari. Ne operias iniquitatem eorum, id est, inultam non deseras, et peccata eorum coram facie tua non deleantur, id est, non tradantur oblivioni a te, donec debite castigentur; quia irriserunt ædificantes urbem cultus divini et templum Dei. Non ex odio, sed potius zelo justitiæ, oravit hæc Nehemias, et ut in præsentī purgarentur et castigarentur. Vel quasi prophetice loquens hæc protulit. Sic enim et in libro Psalmorum multa dicuntur, ut est: Redde vicinis nostris septuplum in sinu eorum, improprium ipsorum quod exprobraverunt tibi, Domine. Et Jeremias: Induc (inquit) super eos diem afflictionis, et duplici contritione contere eos. Hi autem erant infideles, et obstinati in vitiis, ac publici hostes veræ religionis ac boni communis: ideo licuit contra eos sic exorare, non odiendo naturam neque personam secundum se, sed impietatem et impios secundum quod tales.*

Factum est autem, quum audissent quod obducta esset cicatrix muri Jerusalem, et cœpissent interrupta concludi, id est, interruptio muri esset reparata in rimulis et scissuris, irati sunt nimis, et congregati sunt omnes ut venirent pariter ad expugnandum nos. Et oravimus Deum, sine cujus auxilio non potuissemus illis prævalere, et posuimus custodes super murum. Dixit autem Judas, id est tribus seu populus Juda, aut aliquis vir notabilis Judas nomine: Debilitata est fortitudo portantis, id est, portantes onera sunt lassati,

et humus nimia est, hoc est, terra efferenda, ut convenientius fiant ædificia, est copiosa, ita ut laboriosum sit eam efferre. Nec apta est expositio, ut per terram intelligantur calx et arena: quæ propriis poterant nominibus designari. Et nos non poterimus ædificare, propter hæc impedimenta. Isti cœperunt animo frangi, pusillanimitateque dejici.

Et dixerunt hostes nostri: Nesciant, donec veniamus in medium eorum, id est, improvise irruamus in ædificantes. Factum est autem venientibus Judæis qui habitabant juxta eos, id est prope Samaritanos, qui avisabant Nehemiam et suos de adversariorum confœderatione et proposito veniendi contra ipsum et populum suum, statui post murum populum in ordine cum gladiis suis et lanceis, id est in acie ordinata ad standum extra civitatem, ut se opponerent hostibus. Et surrexi, et aio ad optimates: Nolite timere a facie eorum. Quum audissent inimici nostri nuntiatum esse nobis de eorum insidiis et adventu, dissipavit Deus consilium eorum, ingerendo eis timorem seu dissensionem.

A die illa media pars juvenum eorum, id est prædictorum bellatorum nostrorum, faciebat opus in muro, et media pars parata erat ad bellum, vacans ab opere, ut esset fortis et præcineta ad pugnam, et principes post eos, ad dirigendum juvenes circa pugnam. Et dixi ad optimates et reliquam partem vulgi: Deus pugnabit pro nobis, nos confortando, et adversarios prosternendo. Et dixi populo: Unusquisque cum puero suo, id est ministro aut filio, maneat in medio Jerusalem tanquam in loco magis munito, et ubi magis necessaria sunt auxilia contra hostes, et sint vobis vices, id est vicissitudines seu alternationes, per diem et noctem ad operandum, ut scilicet una parte operante et vigilante, alia paulisper repauset. Ego autem et fratres, id est cognati, mei et pueri mei et custodes, non deponebamus vestimenta nostra de nocte, quia modicissimo somno

Ps. LXXVIII,
12.

Jer. XVII,
18.

eramus contenti. *Unusquisque tantum undabatur ad baptismum*, id est, solum nudavit se ad aliquantulam horam, ut juxta morem et ritum legis lavaret, et lavando purificaret se, vel corpus suum a sudoribus immunditiisque ex labore contractis lavando mundaret.

Spiritualiter, per adversarios Judæorum præfatos, intelliguntur hæretici et perversi, persecutores et tyranni, qui profectui et reformationi adversantur Ecclesiæ : contra

A quos, sæculares fideles corporalibus armis armantur, et etiam divini invocatione subsidii; spirituales autem personæ, orationibus pugnant et lacrimis. Omnes quoque ædificantes et bonum Ecclesiæ promoventes, accincti sunt gladio spiritus, quod est verbum Dei, ac veræ discretionis judicio. Et sicut Nehemias ac sui, propter nullam adversantium improbitatem, ab incepto opere cessaverunt, ita debemus in sanctis actibus esse constantes.

Ephes. vi, 17.

ARTICULUS V

EXPOSITIO CAPITULI QUINTI : ET FACTUS EST CLAMOR POPULI.

REPREHENDUNTUR hic ditiores Judæorum de avaritia, immisericordia, et usura circa proximos suos extenuatos Judæos. *Et factus est clamor populi et uxorum ejus magnus*, id est, mediocres pauperesque Judæi et eorum uxores, querulose et miserabiliter clamaverunt, *adversus fratres*, id est cognatos, *suos Judæos* divites et potentes, a quibus gravabantur usuris : ita quod divites contra legem mutuaverunt pauperibus sub usura, imo filios ac filias indigentium Judæorum emerunt in servos et ancillas : quod et pauperes aliqui necessitate quadam compulsi, adhuc sponte pati proposuerunt, sicut subjungitur. *Et erant pauperes, qui dicerent : Filii nostri et filie nostræ nullæ sunt nimis* : ita quod eos alere non valemus ; *accipiamus pro pretio eorum frumentum, et comedamus et vivamus*, id est, vendamus eos divitibus, atque pro pretio accipiamus victualia. *Et erant qui dicerent : Agros nostros et vineas et domos nostras opponamus inopiæ nostræ*, id est, venditioni seu impignorationi exponamus ad subveniendum nostræ indigentiae. Ideo subditur, *et accipiamus frumentum in fame*, id est tempore famis seu caristiæ hujus. *Et alii*

Exod. xxi, 25; Lev. xxv, 36, 37; 39-46.

dicebant : Mutuo sumamus pecunias in tributa regis, id est, unus alteri concedat pecuniam ad usuram, ut persolvamus regi tributa, *demusque agros nostros et vineas*, exponendo eos (ut tactum est) venditioni vel impignorationi : quemadmodum in Genesi leguntur fecisse Ægyptii. *Et nunc sicut carnes fratrum nostrorum, ita et carnes nostræ sunt*, id est, corpora nostra merito essent a servitute aliena et libera, sicut et corpora divitum Judæorum, et ex eodem patriarcha Jacob sumus progeniti, ejusdemque legis ministri. Hinc in Joanne dixerunt Judæi : Semen Abraham sumus, et nemini unquam servivimus. *Et sicut filii eorum sunt liberi, ita et filii nostri merito liberi essent*. Potest quoque exponi opposito modo : Sicut carnes fratrum nostrorum qui manserunt in Babylone, sunt in servitute sub rege Persarum, ita et nos sumus in afflictione : et idem de filiis illorum ac nostris.

Gen. xlvi, 16, 17.

Joann. viii, 33.

Et iratus sum nimis ira per zelum, præsertim contra divites qui se tam immisericorditer et avare habuerunt circa egenos. *Cogitavitque cor meum mecum*, id est, intra me deliberavi quid dicerem, nec ex impetu locutus sum passionis ; et

increpavi optimates et magistratus, id est superiores et iudices Judæorum, *dicens* : *Usuras ne singuli a fratribus vestris egenis Judæis accipiatis* *. Tanquam dicerem : In hoc peccatis enormiter, quum in Deuteronomio jussum sit, Non scenerabis fratri tuo ad usuram. *Et congregavi adversus eos concionem*, id est congregationem, *magnam* : quatenus publice corriperebantur, qui publice peccaverunt, juxta illud Apostoli : Peccantes coram omnibus argue, ut et ceteri timorem habeant.

Et dixi eis : Nos, ut scitis, redemimus fratres nostros Judæos qui venditi fuerant gentibus, secundum possibilitatem nostram. Quamvis enim Cyrus rex Persarum et Artaxerxes rex dimiserunt Judæos gratis, quantum ad id juris, quod habuerunt in eos ratione captivitatis eorum in regnis suis, illi tamen Judæi qui venditi erant gentilibus, redimebantur ab his quorum servi empticii erant. Sicque redemerunt multos eorum, ipse Zorobabel, Esdras et Nehemias. *Et vos ergo vendetis fratres vestros*, id est, Judæos quos emistis in servos, vendere vultis, non gratis dimittere, et nos ememus eos? quasi dicat : Non decet nec licet, præsertim in casu et tempore isto. Verumtamen absolute loquendo, non fuit Judæis prohibitum, filios suos ac filias vendere in famulos et ancillas, cogente penuria, Judæis divitibus. Nec divitibus illis fuit prohibitum emere illos, sed ultra sex annos ipsos tenere in servitute fuit prohibitum, juxta illud Exodi : Si emeris servum Hebræum, sex annis serviet tibi ; in septimo egredietur liber gratis. Hinc a Jeremia arguuntur Judæi, quod talem libertatem non exhibuerunt servis empticiis. *Et siluerunt, nec invenerunt quid responderent* : quia in isto casu generalis afflictionis atque inopiæ, debebant proximis suis egenis gratis misericorditer subvenire.

Et dixi eis : Non est bona res quam facitis. Quare non in timore Dei nostri filiali aut saltem initiali ambulatis, custodiendo divina præcepta? quia qui timet

Deum, nihil negligit ; ne exprobetur nobis ab inimicis nostris, id est, ne adversariis subiciamur, et ne nobis insultent : juxta illud, Ne dicant inter gentes, Ubi est Deus eorum? Principaliter tamen Deum timere et honorare debemus ex caritate ipsius, quatenus ei complaceamus et uniamur. Istud dicendum est Christianis, ut scilicet timeant Deum, et obediant ei, ne exprobetur eis ab hostibus eorum, Turcis et Sarracenis.

Deinde Nehemias exemplo sui ipsius et suorum, hortatur Judæos ad liberalitatem et pietatem præactas. *Et ego et fratres mei et pueri mei domestici, commodavimus plurimis*, id est, gratis concessimus multis Judæis pauperibus, *pecuniam et frumentum*. Non repetamus in commune istud, id est, communiter in hoc concordemus, quod ista sic mutuata, non repantur ab eis qui facultatem non habent solvendi. *Æs alienum concedamus quod debetur nobis*, id est, pecuniam quæ nobis debetur a subditis ratione nostri ducatus, non exigimus nobis persolvi, sed quasi mutuatum quid relinquimus illis. *Reddite ergo eis agros suos et vineas, etc. Quin potius et centesimam pecuniæ, id est centesimam partem pecuniæ, frumenti, vini et olei, quam exigere ab eis solebatis, date pro illis*, id est, solvite pro ipsis pauperibus de bonis vestris, quum ipsi non habeant unde persolvant. Hæc centesima solvebatur regi pro tributo terræ. *Insuper et excussi sinum meum, et dixi* : Sic excutiat Dominus omnem virum, de quo loquor, *qui non compleverit verbum istud, etc.*

A die autem illa qua præceperat rex mihi, ut essem dux in terra Juda, id est per duodecim annos quibus præfui populo Judæorum ut dux, ex regis commissione, *ego et fratres mei annonas non comedimus*, id est, victum a populo non accepi, qui tamen mihi debebatur ratione ducatus mei, si exegissem. *Quin potius in opere muri ædificavi propria manu interdum, et agrum non eni*, quia propria commoda et divitias non quæsivi, sed Dei honorem

Eccle. vii, 19.

Ps. lxxviii, 10.

Deut. xxiii, 19.

1 Tim. v, 20.

1 Esdr. i, 2-4; vii, 42-26.

Exod. xxi, 2.

Jer. xxiv, 9-17.

et bonum commune. *Judari quoque et magistratus, centum quinquaginta viri, qui in officiis erant et a populo sustentari solebant, et qui veniebant ad nos de gentibus, in mensa mea erant: et sic fui hospes liberalis, ne populus gravaretur. Parabatur mihi, id est pro esu meo et eorum quos reficere volui, per dies singulos, id est quotidie, bos unus, arietes sex, et inter dies decem vina diversa, id est, plura dolia vinorum diversorum infra decem dies expendi cum commensalibus meis. Insuper et annonas ducatus mei non quæsivi. Valde enim attenuatus, id est per paupertatem exhaustus, erat populus pro majori parte. Memento mei, Deus meus, in bonum, id est ad hoc, ut mihi misericors sis et gratiose retribuas, secundum omnia quæ feci populo huic Judæorum, id est secundum merita beneficiorum quæ eis exhibui propter te; et sicut pie et liberaliter feci eis, ita fac mecum: juxta illud, Qua mensura mensi fueritis, remetietur vobis.*

Matth. vii, 2; Luc. vi, 38.

A Ex isto capitulo ad opera pietatis instruimur; sed heu! jam multi infelicissimi nomine tenus Christiani, Judæorum avaritiam imitantur, usuras committunt, pauperes gravant, opprimuntque subjectos, filios suos ac filias vendunt servituti peccati, et subdunt jugo diaboli, non reprimendo eos a vitiis, sed magis inducendo ad vanitates. Docentur quoque majores prælati exemplo Nehemiæ, peccantes quamvis potentes et magnos, sine personarum acceptione strenue increpare, salubriter B exhortari, atque ad condignam suorum executionem officiorum seriusissime admonere. Imo omnes qui præsent, docentur hic suis subditis in temporalibus et spiritualibus, præsertim inopiæ tempore liberaliter subvenire, non otio, loquacitati, voluptative gustus et tactus vacare; sed in omni opere virtuoso se ipsos in primis exemplares et alacres exhibere, et contentari sobrio cibo, modico potu, mediocrique somno.

1 Tim. v, 20.

ARTICULUS VI

EXPLANATIO CAPITULI SEXTI: FACTUM EST AUTEM QUUM AUDISSET SANABALLAT.

DESCRIBUNTUR hic insidiæ ipsi Nehemiæ illatæ. *Factum est autem quum audisset Sanaballat et Tobias et Gossem, qui inter adversarios Nehemiæ erant principales, quod ædificassem murum, et non esset in ipso interruptio, quia jam erat integratus et continuatus; miserunt ad me, dicentes simulatorie: Veni, et percutiamus fœdus, id est, pactum pacis et amicitiae ineamus firmissime: ideo additur, in vitulis*, id est, ipsum fœdus roborando per occisiones vitulorum, in signum quod morte dignus consisteret, qui pactum hoc violaret. Fuit namque antiquitus consuetudo, ut in confœderatione hujusmodi oc-*

** abas vitulis*

C cideretur vitulus unus aut plures, aut alia pecora, in signum firmitatis, atque ad designandum quod mortem mereretur qui fœdus transgrederetur. Hinc per Jeremiam loquitur Dominus: Dabo viros qui prævaricantur fœdus meum, et non observaverunt verba fœderis, quibus assensi sunt in conspectu meo, vitulum quem conciderunt in duas partes, et transierunt inter divisiones illas. Ex quo elicitur, quod in signum firmitatis consueverunt etiam semel ire inter partes animalis occisi atque divisi. *In campo uno*†. Volebant enim Nehemiam trahere extra urbem, quatenus in rure occiderent eum. Hinc subditur: *Ipsi*

Jer. xxxiv, 18.

† Uno

autem cogitabant ut facerent malum mihi. Deinde in littera ponitur excusatio Nehemias, et planus est textus.

Et misit ad me Sanaballat, juxta verbum prius, id est insidiose, sicut et ante; non tamen verba præferentia speciem amicitiae, sed comminationis. Aliquando tamen verba amicitiae addidit simulatorie, sicut subjungitur: *puerum,* id est ministrum, *et epistolam scriptam hoc modo:* *In gentibus auditum est,* id est, inter nos gentiles jam publice vulgatum est, *et Gossesem,* cui tanquam viro solenni credendum est, *dixit, quod tu et Judæi cogitetis rebellare contra regem Persarum. Propter quam causam et prophetas posueris, qui prædicent de te in Jerusalem,* id est, quosdam induxeris ad hoc, quod simulant se spiritum prophetiae habere, *dicentes quasi ex revelatione divina: Rex in Judæa est,* id est, ex Dei voluntate Nehemias iste est rex terræ et populi hujus: ideo ei, non regi Persarum, obediatis. *Auditurus est rex hæc,* id est, percipiet ista, et indignabitur tibi; *idcirco veni, ut ineamus consilium pariter,* qualiter possis te excusare. *Et misi ad eos, dicens,* specialiter ad Sanaballat, tanquam ad capitaneum iniquorum: *Non est factum secundum verba hæc quæ loqueris per epistolam quam misisti. Quam ob causam magis confortavi manus meas,* id est, tanto plus animavi me ad operandum, quanto multiplicius ac insidiosius impius ille volebat me impedire. Sic et nos debemus tanto ferventius Deo servire, vitiisque resistere, quanto importunius invisibiles adversarii nos impugnant, aut homines pravi impedire nostrum profectum nituntur.

Et ingressus sum domum Semaia Judæi, quem mihi fidelem esse putavi, qui ait: Tractemus nobiscum in domo Dei, id est, inter nos conferamus in templo, qualiter tu, Nehemia, evadere possis pericula, *et claudamus portas ædis,* id est domus Dei, ut intra templum maneat clausus; *quia venturi sunt Sanaballat et sui, ut interficiant te. Et dixi,* refutando talem sug-

gestionem: *Num quisquam similis mei fugit?* id est, numquid aliquis in Deo confidens, et quæ Dei sunt agens, fugere habet timore humano? *Et quis ut ego,* id est, quis similis mei in Dei confidentia, *ingredietur templum fugiendo hostes, et rivet?* ac si dicat: Si sic fugeret timore inordinato, mereretur divino privari auxilio, et occidi. Nihilo minus licitum est ex rationabili causa, et ex naturali mortis timore, præsidium fugæ assumere, et locum sacrum ac tutum intrare, sicut et David sanctus frequenter fugit a facie Saul. Non tamen id licitum est in derogationem justitiæ, atque in detrimentum boni communis, sicut in proposito isto. Ad hoc enim falsarius iste voluit Nehemiam in templo recludere, ut opus Dei negligeretur, et Nehemias notaretur de fuga formidolosa, quasi non sperans in Domino.

Et intellexi, ex divino instinctu seu consideratione industriæ meæ, *quod Deus non misisset eum,* id est, ex divina directione mihi talia non proferret. Sicque de C spirituali, non locali, missione intelligitur istud, quemadmodum tertio Regum Ahias senex et cæcus dixit ad uxorem Jeroboam ad se missam: Ego missus sum ad te durus nuntius. *Sed quasi vaticinans,* id est non vere, sed apparenter prophetans, *locutus esset ad me.* Magis enim debuerat consulere Nehemias, ut confidendo in Domino, præpararet se ad resistendum adversariis illis divini cultus ac boni communis, quam ut ita recluderet se. *Acceperat enim pretium,* id est pecuniam a Sanaballat, ut ita deciperet me, *et haberent malum,* id est, aliquam culpam scirent de me, *quod exprobrarent,* id est, insultarent atque objicerent, *mihi. Memento mei, Domine, pro Tobia et Sanaballat,* id est, a talibus erue me, *juxta opera eorum talia,* ut eis pœnam justam infligas, propter tam vitiosa verba eorum et gesta. Mihi autem miserearis, eo quod tanta ac talia ab ipsis injuste perpessus sim. *Sed et Noadiah prophetæ et ceterorum prophetarum qui terrebant me,* id est, illorum pseudoprophe-

III Reg. XIV, 6.

tarum volentium me perterrere, memento A per debitam eorum castigationem saltem in vita hac, ne pereant in æternum.

Completus est autem murus Jerusalem vicesimo quinto die mensis Elul : qui dicitur esse sextus mensis apud Judæos, ac correspondere communiter partim nostro Augusto, et partim Septembri; *quingenta duobus diebus*. Quo constat, quam ferventer ac fortiter laboraverunt. Unde de tam expedita et celeri consummatione muri, consternati sunt adversarii, videntes hoc fieri non potuisse absque speciali Omnipotentis subsidio. Et hoc est quod subditur.

Factum est autem quum audissent, etc. Sed et in diebus illis multæ optimatum Judæorum epistolæ mittebantur ad Tobiam, id est, multi majores inter Judæos miserunt frequenter epistolas ad Tobiam, Samaritanum habitatione, sed Ammoniten natione, ut patet supra; *et a Tobia veniebant ad eos epistolæ. Multi enim erant in Judæa habentes juramentum ejus*, id est, confæderati ei cum jurejurando, *quia gener erat*, id est, filiam habuit Secheniæ in uxorem : qui Sechenias fuit unus de præcipuis inter Judæos; *et Johanan filius ejus*, puta Tobia, *acceperat filiam Mosolam* inter Judæos notabilis viri. Sicque per

conjugia fuit inter istos Judæos et Samaritanos amicitia et confœderatio facta : quod periculosum fuit Nehemiæ, quum non sit nequior pestis, quam hostis familiaris, cui dum creditur, periculum improvise incurritur. Tamen quod dictum est, Johanan filius ejus, ad Secheniam posset referri. *Sed et laudabant eum*, puta Tobiam, *coram me*, ut inirem pactum cum illo. *Et verba mea nuntiabant ei* secrete per scripta seu nuntios.

Unde constat, quam verissime scriptum sit, Multæ tribulationes justorum : quia Nehemiam justum qui tam beneficus et liberalissimus fuit in suos, imo in totum populum Judæorum, tantaque bona exhibuit eis, et pro communi eorum bono tam infatigabiliter laboravit, ita sunt persecuti, non solum Samaritani et alieni, sed et populus ejus et notabiliores eorum. Patientiam ergo discamus, nec propter quamcumque persecutionem a via justitiæ recedamus, confidentes semper in Domino. Innotescit demum ex introductis, quod Judæi post reditum a Babylonica captivitate cito recesserunt a Domino pro magna parte : imo multa magna commiserunt peccata, ac profana contraxerunt contra legem connubia.

ARTICULUS VII

EXPOSITIO CAPITULI SEPTIMI : POSTQUAM AUTEM EDIFICATUS EST MURUS.

SENTENTIA hujus capituli quasi tota contenta est supra. Præmittitur tamen hic aliquid, quod ibi non legitur. *Postquam autem ædificatus est murus Jerusalem, prout præcedenti habetur capitulo, et posui valvas*, id est portas seu januas, in portarum structuris seu in templo, *et recensui*, id est numeravi, *janitores et cantores templi, et Levitas; et dixi* : *Non aperiantur portæ Jerusalem usque ad*

calorem solis, id est, quousque sol notabiliter super nostrum horizontem ascendat, ita quod calor ex reflexione radiorum solarium causetur in terra. *Quumque adhuc adsisterent mihi viri, quibus hæc dixi, portæ Jerusalem clausæ sunt* ante solis occasum, *et oppilatae*, id est obturatæ ad insultum hostium repellendum. Nam pauci adhuc in Jerusalem morabantur. *Et posui custodes* ad vigilandum per noctes, *secun-*

II Esdr. II.

Ibid. VI, 15.

Ps. XXXIII, 20.

Jer. XVII, 7.

dum vices suas et ex opposito domorum A suarum in muro. *Et non erant domus ædificatæ ad sufficientiam.*

Deus autem dedit in corde meo, id est, inspiravit mihi ut facerem quod subditur : et congregavi optimates et magistratus et vulgus, ut recensere eos, id est numerarem, sicque disponerem de populatione urbis Jerusalem ; et inveni librum census, id est numerationis, eorum qui ascenderant primum, id est, cum Zorobabel de Babylonia redierunt in prima licentia a *Cyro data, et inventum est scriptum in eo, B* *id est in libro illo : Isti filii provincie qui ascenderunt de captivitate, etc. Ista verba scripta sunt ab Esdra, ibique expo-*

¹ Esdr. II,
1 et seq.

sita, eademque summa totius multitudinis hic et ibi exprimitur ; sed quædam nomina variantur, quoniam multi eorum duo aut plura nomina habuerunt.

Nonnulli autem de principibus familiarum dederunt in opus. Hoc est quod supra scriptum est : Et de principibus patrum, quum ingrederentur templum Domini quod est in Jerusalem, sponte obtulerunt in domum Dei ad exstruendam eam in impensas operis auri solidos sexaginta millia, etc. Verumtamen quæ ibi dicuntur quasi in generali, hic specialius exprimuntur : et ita quantum ad particulares descriptiones, differentia invenitur inter verba hujus passus atque illius.

¹ Esdr. II,
68, 69.

ARTICULUS VIII

EXPLANATIO CAPITULI OCTAVI : ET VENERAT MENSIS SEPTIMUS SCENOPEGLE.

DESCRIPTA templi ac civitatis Jerusalem reædificatione, recitatur hic cultus Dei secundum legem in locis eisdem. *Et venerat mensis septimus secundum Hebræorum computationem : et agitur hic de anno consummationis murorum Jerusalem. Porro quod subditur in multis codicibus, Scenopégia sub Esdra et Nehemia, non est de textu. Congregatusque est omnis populus, præsertim in Jerusalem habitans, aliarumque urbium principales habitatores, quasi vir unus, id est concorderet et perfecte, in platea, quæ est ante portam Aquarum : quæ supra dicta est* *porta Fontis. In cujus opposito fuit atrium templi, in quo populus confluit ad orandum, audiendumque verbum Dei : quod quidam dicunt hic designari per plateam. Et dixerunt Esdræ scribæ, ut afferret librum legis.*

¹¹ Esdr. III,
15.

Attulit ergo Esdras legem coram multitudine in die... Et legit Esdras in eo aperte, id est intelligibiliter et distincte : quia

sic legi debet, præsertim divina Scriptura ; *de mane usque ad medium diem : in quo patet fervor suæ devotionis ; die prima mensis septimi : in quo die fuit festum Tubarum in memoriam liberationis Isaac ab immolatione in holocaustum, quando pro eo oblatus est aries, qui inter vepres cornibus hæsit, prout in Genesi scribitur. Hinc in Levitico loquitur Dominus : Mense septimo prima die mensis erit festum Tubarum. Et aures omnis populi erant erectæ ad librum : quia cum diligentia et aviditate audiendum est verbum Dei juxta illud Jacobi, Sit omnis homo velox ad audiendum. Hinc scriptum est in Ecclesiastico : Auris bona cum omni concupiscentia audiet sapientiam. In hoc quoque patuit audientium fervor, quod per tot horas non lassabantur verba salubria audiendo. Et benedixit Esdras Domino Deo voce magna, ipsum laudando. Et legerunt in libro legis distincte et aperte ; et intellexerunt quum legeretur, specialiter Esdras, deinde*

^{Gen. XII,}
13.

^{Lev. XXIII,}
24.

^{Jacob. I, 19.}

^{Ecclesi. III,}
31.

et Nehemias ac quidam Levitæ. Unde sub-
jungitur :

*Dixit autem Nehemias (ipse est Ather-
satha) et Esdras et Levitæ interpretantes
universo populo, id est exponentes turbæ
vulgarium quæ legebantur, vel successive,
vel unus uni parti, alter alteri, secundum
quod in Actis habetur : Nonne isti omnes
qui loquuntur, Galilæi sunt? Dies sanctifi-
catus est Domino Deo nostro, id est, dies
iste ad Dei honorem solennis est. Nolite
lugere. Flebat enim omnis populus, quum
audiret verba legis, ex compunctione et
contritione, quoniam verba legis audiendo,
consideraverunt suas transgressiones. Nec
malum fuit quod flebant, sed bonum. Me-
lius tamen pro die illo, ut gauderent in
Domino ex contemplatione bonitatis et pi-
etatis ipsius, beneficiorumque ejus. Actus
enim virtutum sunt exercendi loco et tem-
pore opportuno. Et dixit eis Nehemias :
Ite, comedite pingua, et bibite mulsum,
id est potionem ex aqua et melle confe-
ctam; vel, ut quidam exponunt, vinum
melle dulcoratum; et mittite partes his qui
non preparaverunt sibi, præsertim egenis.
Sic autem fuerant admonendi, quia a
mane usque meridiem audierant verbum
Dei, et quia solennitas erat jucunda. Gau-
dium enim Domini est fortitudo vestra, id
est, Deus per modum gaudentis se habet
de vestra spirituali confortatione in omni
actu virtutum, quoniam amat vos et ve-
stram cupit salutem. Qui in Jeremia testa-
tur : Lætabor super eis quum benefecero
eis. Etenim beneplacitum est Domino in
populo suo. Qui per Salomonem fatetur :
Deliciæ meæ esse cum filiis hominum.*

*Et invenerunt scriptum in lege, præce-
pisse Dominum in manu Moysis, id est
per vocem et obsequium Moysis, ut habi-
tarent filii Israel in tabernaculis factis de
arborum ramis, in die solenni, id est in
solennium dierum congerie, utpote sep-
tem diebus, mense septimo. Scriptum est
enim in Levitico : A quintodecimo die
mensis hujus septimi, erunt feriæ Taber-
naculorum septem diebus. Quod jussum*

A fuit in memoriam beneficii Dei, quo post
eductionem filiorum Israel ex Ægypto, fe-
cit eos habitare in tabernaculis et papilio-
nibus atque tentoriis in deserto. Ideirco in
Levitico Dominus ait : Ut discant posteri
vestri, quod in tabernaculis habitare fe-
cerim Israel, quum educerem eos de terra
Ægypti. Et ut prædicent et divulgent vo-
cem in universis urbibus suis. Nam ex
prætacto præcepto sacerdotes et scribæ
erant adstricti populum Israel de hujus fe-
sti observantia informare. Egredimini in
montem, et afferte frondes olivæ, et fron-
des ligni pulcherrimi, frondes myrti et
ramos palmarum, ut fiant tabernacula,
sicut scriptum est.

*Et egressus est omnis populus, et attu-
lerunt, id est, quidam de omnibus ad af-
ferendum ramos arborum : non itaque
secundo die quo audierunt istud festum
esse agendum, de quo die secundo, pau-
lo ante habetur in littera; sed appropin-
quante et jam imminente quintodecimo
die septimi mensis, quo die fuit hoc fe-
stum incipiendum. Feceruntque taberna-
cula unusquisque in domate suo, id est in
tecto plano suæ domus : quia in terra illa,
tecta domorum sunt plana, et tabernacula
ista sub dio fiebant; et in atriis suis. Non
enim fecerant a diebus Josue taliter filii
Israel, id est tam solenniter festum hoc
Tabernaculorum : quemadmodum quarto
Regum libro legitur, quod a diebus Judi-
cum non factum fuit tale Phase, quale
fecit Josias rex. Aliqui tamen dicunt, quod
comparatio ista sit intelligenda secundum
quid, non simpliciter. Sed securius reor
veritatem historiæ sequi et textum. Istud
enim festum poterat celeberrime fieri abs-
que notabili sumptu; et sub Esdra cele-
bratum est cum devotione præcipua et
grandi lætitia, atque a populo toto, et cum
formosis variisque materiis : quia ut fer-
tur in littera, attulerunt frondes olivæ ac
ligni pulcherrimi, frondes myrti, id est
arboris sic vocatæ, ramos palmarum, fron-
desque ligni nemorosi : in quibus omni-
bus sumitur singulare pro plurali.*

Lev. xxiii,
43.

IV Reg.
xxiii, 22, 23.

Jer. xxvii.

41.

Ps. cxviii.

4.

Prov. viii.

31.

Lev. xxiii

39-42.

Legit autem Esdras in libro legis per dies singulos mensis istius, seu festorum ipsius, a die primo hujus septimi mensis, usque ad diem novissimum mensis ejusdem; et fecerunt solennitatem Tabernaculorum septem diebus, et in die octavo, scilicet proxime subsequente ultimum diem solennitatis præfatæ, collectam juxta ritum, id est quamdam pecuniarum collectionem pro emendis requisitis in cultu templi, secundum jussionem et observantiam legis. Fuitque dies illa octava multum solennis. Sicque et in ea videtur Esdras legisse in libro legis. Hinc in Lev-

Lev. xviii.
36.

II Esdr.
x, 32, 33.

Moralitas.

At vero de spirituali significatione festi Tabernaculorum et Collectæ, dictum est

A super Leviticum. Debemus equidem septem diebus, id est omni tempore incolatus vitæ præsentis in tabernaculis habitare, tanquam peregrini et hospites in deserto sæculi hujus, et virtutum virore ornari ac adspirare ad patriam, quatenus die octavo, id est octava Resurrectionis seu mox post curriculum dierum hujus exsili, colligamur in regno cœlesti: de qua spirituali celebratione festi Tabernaculorum a Zacharia fit mysticus sermo. Insuper, ex isto capitulo instruuntur fideles diebus festivis vacare divinis et sacris sermonibus, ad ecclesiam convenire, et cum ingenti affectu verbum Dei audire: quod et singulis diebus festivis proponendum est eis intelligibiliter, distincte, aperte, plenarie. Et quamvis post hæc liceat paululum lautius refici, vitanda est tamen omnis carnalitas, superfluitas, et voluptas. Et de his quæ sobriæ supersunt refectioni, facienda est pauperibus eleemosyna liberalis, caritativa, et humilis.

Zach. xiv.
16-21

ARTICULUS IX

EXPOSITIO CAPITULI NONI: IN DIE AUTEM VICESIMO QUARTO MENSIS HUIUS.

DEVOTIO populi sua peccata humiliter confitentis, Deumque laudantis, et ejus beneficia grata mente recolentis, hoc loco describitur. *In die autem vicesimo quarto mensis hujus septimi, convenerunt filii Israel in jejunio, et in saccis, et humus super eos.* Audiendo namque quotidie legem, adverterunt enormitatem et multitudinem suorum excessuum. Festivitas autem Tabernaculorum septem durans diebus, et quintodecimo die septimi mensis inchoans, duravit usque ad diem vicesimum secundum mensis ejusdem exclusive; die autem vicesimo secundo fecerunt collectam, et die vicesimo tertio separaverunt alienigenas a sua communione: sicque statuerunt

C die sequente per jejunia et confessionem ac alia humilitatis compunctionisque signa et gesta, veniam deprecari, ac gratiam emendationis in posterum implorare. Convenerunt ergo in jejunio, id est concorditer jejunantes, et in saccis, id est vestibus asperis pœnitentialibus aut cilicinis induti, et humus, id est adpersio pulverum, super capita fuit eorum.

Et separatum est semen filiorum Israel ab omni filio alienigena. Hoc quidam exponunt de separatione conjugiorum initiorum inter Judæos et gentes: de qua separatione dictum est primo Esdræ libro. Alii autem exponunt de separatione eorum ab Ammonitis et Moabit, quia in lege audie-

I Esdr. x.

Deut. **XXIII.**
3. rant : Ammonites et Moabites non intrabunt in ecclesiam Dei. Additur etiam in Scholastica historia, quod statuerunt et ipsa iumenta debere jejungere : et pueros, usque ad pueros septem annorum. *Et steterunt et confitebantur peccata sua, et iniquitates patrum suorum*, quas fuerunt magna ex parte imitati : sicque et pro patribus suis defunctis orabant. Confitebantur autem peccata sua non sacramentali confessione, sicut fit in evangelica lege, sed coram Deo seu publice coram sacerdote, prout moris fuit in lege, juxta illud Psalmi : Dixi, Confitebor adversum me injustitiam meam Domino. Unde et Salomon dixit : Qui abscondit scelera sua, non dirigetur ; qui autem confessus fuerit, et reliquerit ea, misericordiam consequetur.

Ps. **XXXI.**, 5.

Prov.
XXVIII., 13.

Ps. **CXXIII.**
62.

Ibid. **104.**

Et consurrexerunt ad standum, ut lectionem legis audirent ; *et legerunt in volumine legis* Levitæ seu scribæ, *quater in die, et quater in nocte confitebantur*. In quo patet fervor devotionis eorum, et vigilantia magna in nocte. *Et adorabant Dominum*. De hoc Magister in historiis scribit : Convenerunt octies ad audiendum legem, quater in die, et quater in nocte. Lectione terminata, prostravit se populus ad orandum, et fiebant preces super eum a sacerdotibus, et tandem benedictio sacerdotalis. Ex quibus, secundum Bedam, Ecclesia traxit exemplum. Nam supra gradum fit lectio, prout paulo post leguntur Levitæ ascendisse super gradum, et Levitæ, id est diaconi, faciunt proclamationes in populo. Octies quoque infra diem et noctem ad ecclesiam convenitur, quamvis non penitus eodem modo quo tunc. Semel enim in nocte surgimus ad nocturnos, secundum illud, Media nocte surgebam ad confitendum tibi. In die vero septies psallimus, juxta illud, Septies in die laudem dixi tibi : videlicet in Laudibus, quæ consueverunt circa vel ante auroram cantari, et in Prima, Tertia, Sexta, Nona, Vesperis et Completorio. In singulis autem Horis pro lectione dicitur Capitulare. Postea prosternimur ad preces in diebus

non festis, et subditur Oratio pro benedictione.

Surrexerunt autem supra gradum Levitæ, qui in littera exprimuntur, *et dixerunt : Surgite et benedicite Domino viventi, ab æterno et usque in æternum* : cui in præsentī temporaliter, et in futuro æternaliter benedicunt electi ; *et benedicant omnes rationales creaturæ, nomini gloriæ tuæ*, id est tibi ipsi glorioso, *excelso*, id est residenti in summo cælo ; vel, in sublimi devotione id agant. Unde et angeli nato Christo ex Virgine cecinerunt : Gloria in excelsis Deo. *In omni benedictione*, id est plena et perfecta commendatione tuæ bonitatis et perfectionis in semetipsa, *et laude ejusdem* propter opera et beneficia sua, seu per respectum et habitudinem ad creata.

Luc. **II.**, 14.

Porro quod subditur, *Et dixit Esdras*, non est de textu, sed subintelligitur, secundum eos qui dicunt totum residuum esse verbum ipsius Esdræ. Alii dicunt non esse subintelligendum, nec verba sequentia esse solius Esdræ, sed aliorum quoque confitentium Deo. Potius tamen apparet quod sint a solo Esdra prolata, approbantibus aliis. Non enim videtur quod plures simul protulerunt verba ista, sicut tres Pueri in camino quasi ex uno ore Deum laudabant.

Dan. **III.**, 51.

Tu ipse, Domine, solus : quoniam solus es Deus verus, non plures dii ; *tu fecisti cælum*, id est omnes orbes cœlestes contentos sub summo cælo, *et cælum cœlorum*, id est cælum empyreum quod ambit et continet cuncta creata : estque immobile et mansio Beatorum ; dictum empyreum, id est igneum, non a calore, sed splendore ; *et omnem exercitum eorum*, id est cunctos ordines supernorum spirituum. Interdum vero planetæ ac sidera vocantur cœli militia : unde quarto libro Regum legitur Manasses adorasse omnem militiam cœli. Juxta quem modum possent dici exercitus cœli ac orbium. *Terram et universa quæ in ea sunt* : quæ sunt creata et facta a Deo, tanquam a prima causa mediate vel

IV Reg. **XXI.**
1.

immediate : *maria et omnia quæ in eis sunt : et tu vivificas omnia hæc.* Non est hoc intelligendum juxta quorundam insaniam, quod totus mundus sit unum animal, cujus partes sint quatuor elementa, et reliqua animata sint, vel quod Deus sit anima mundi aut omnium vita formalis ; sed omnia hæc, id est quædam de his omnibus, vivificat Deus, aut certe metaphoricè vivificat omnia, dando singulis aliquam operationem, motum seu inclinationem ad proprium finem. Vivum namque vocatur, quod movet se ipsum. *Et exercitus cæli*, id est universitas cælestium civium. *te adorat.* Qui autem dicunt corpora cælestia esse animata, affirmant exercitum cæli, id est universitatem planetarum, stellarum, orbiumque cælestium Deum proprie adorare. Et quamvis dicantur non esse animata, attamen adorant Deum materialiter, quoniam sua eminentia, claritate et perfectione ostendunt Creatorem suum esse adorandum. Juxta quem modum cuncta creata Deum benedicere et laudare dicuntur.

*Dan. iii, 57
et seq.*

Tu elegisti Abram per prædestinationem ab æterno, et tempore præordinato vocasti eum ad tuum obsequium, atque ad terram promissam. Hinc subditur : *Et eduxisti eum de igne Chaldæorum.* In Genesi legitur Abram exisse de Ur Chaldæorum : ubi per Ur, secundum quosdam, intelligitur villa seu locus nativitatis habitationisque Abram in Chaldæa. Alii asserunt per Ur intelligi ignem, dicentes ipsum Abram fuisse projectum in ignem de præcepto Nemrod, eo quod ignem noluerit adorare, et quod divina virtute exivit illæsus de igne. Cui dicto videtur hæc littera consonare. Posset tamen per ignem, tribulatio magna quam in Chaldæa toleravit, intelligi. Unde dicit Judith : Abraham tentatus est, et per multas tribulationes probatus, Dei amicus effectus est. *Et posuisti nomen ejus Abraham*, id est, eum qui antea vocabatur Abram, quod interpretatur pater excelsus, vocasti Abraham, quod interpretatur, pater multarum gentium, dicens ad eum : Nec

*Judith viii,
22.*

Gen. xvii, 3.

ultra vocabitur nomen tuum Abram, sed appellaberis Abraham, quia patrem multarum gentium constitui te. *Et invenisti cor ejus fidele coram te.* Quia in adversis et prosperis tibi constanter adhæsit, et fuit in fide præcipuus, qui contra spem in spem credidit.

Rom. iv, 18.

Et vidisti afflictionem patrum nostrorum in Ægypto, dicens ad Moysen : Vidi afflictionem populi mei in Ægypto, et clamorem ejus audiivi ; et sciens dolorem ejus, descendi ut liberarem eum. *Clamorem eorum audisti super mare Rubrum* : juxta illud Exodi, Clamaverunt filii Israel ad Dominum. *Ad montem quoque Sinai descendisti* : non locum mutando, sed mirabilia ibi agendo ; et per creaturam subiectam, quia per angelum in tua persona apparentem et loquentem apparuisti. Propterea subditur : *et locutus es cum eis de cælo aërio.* Quamvis enim angelus loqueretur Moysi tantum, non populo, decem tamen præcepta Dominus per angelum dedit, et protulit toto illo populo audiente, sicut in Exodo et Deuteronomio legitur.

*Exod. iii,
7, 8.*

*Ibid. xiv,
10.*

*Ibid. xix,
18, 20; xx,
1-17, 22;
Act. vii, 38.*

Unde Moyses ait ad populum : Interroga si facta est aliquando hujusmodi res, aut unquam cognitum, ut audiret populus vocem Dei loquentis de medio ignis, sicut tu audisti. *Et dedisti eis judicia recta*, id est judicialia præcepta veraciter justa, *et legem veritatis*, id est legem Mosaicam, in qua nihil est falsitatis, et ea quæ credenda sunt, proponuntur, ac veritas de Deo et creaturis docetur, *cærimonias*, id est præcepta cærimonialia, *et præcepta bona*, videlicet præcepta moralia ; *et sabbatum sanctificatum ostendisti eis*, jubendo ut diem septimum celebrarent.

*Deut. iv,
32, 33.*

*Exod. xx,
8, 10.*

Ipsi vero et patres nostri superbe egerunt, per rebellionem contra te et Moysen, qui loquitur eis : Locutus sum, et non audistis ; sed adversantes imperio Domini, et tumentes superbia, ascendistis in montem. *Et dederunt caput*, id est, cor suum inclinaverunt, *ut reverterentur ad servitutem suam pristinam in Ægypto*, atque ad consuetum jugum diaboli, obse-

Deut. i, 43.

Num. xiv. 3, 4. quiumque peccati, dicentes : Utinam per-
eamus, et non inducat nos Dominus in
terram istam, ne cadamus gladio. Nonne
melius est reverti in Ægyptum ? Dixerunt-
que alter ad alterum : Constituamus no-
bis ducem, et revertamur in Ægyptum. *Et*
quidem quum fecissent sibi vitulum con-
flatilem : quia Aaron compulerant, ut
per manum artificum formaret imaginem
vituli ; *et dixissent* : Iste est Deus tuus,
o Israel, qui te eduxit de Ægypto. In Exo-
do leguntur dixisse : Hi sunt dii tui, Israel,
qui te eduxerunt de terra Ægypti. Quomo-
do ergo hic narratur in singulari dixisse,
Hic est Deus tuus ? Respondetur, quod ibi
plurale pro singulari sumpserunt, ut sæpe
fit in Scripturis. *Feceruntque blasphemias*
magnas, sacrificantes idolo vano, et illud
Deum vocando, atque in circuitu ejus cho-
reas ducendo et concinendo, juxta quod
1 Cor. x. 7. Sedit populus manducare et bi-
bere, et surrexerunt ludere.

Et spiritum tuum bonum dedisti, qui
** alias du-* ducet * eos : quod intelligi potest de an-
ceret gelo sancto, qui columnam nubis et ignis
movendo, rectum eis iter ostendit. Unde
Exod. xxxii. in Exodo Dominus dixit : Ecce ego mittam
20. angelum meum, qui præcedat te et custo-
diat in via. Potest quoque intelligi de Spi-
ritu Sancto, quem Dominus infudit Moysi
ductori ipsorum, ut tam caritative et man-
sue perduceret perversum populum il-
lum : qui Spiritus per mirabilia multa
ipsos præcessit. Nam in Exodo legitur
Ibid. xxxiii. Moyses exorasse : Si non tu ipse præcedas
15. nos, ne educa nos de loco isto, etc. De

Ps. cxlii. quo Spiritu ait Propheta : Spiritus tuus
10. bonus deducet me in terram rectam. *Ni-*
hilque eis defuit de necessariis vitæ. In-
terdum tamen ad tempus sustinuerunt
penuriam, famem, sitim, sed misericordi-
ter et celeriter eis providit. *Vestimenta*
eorum non inveteraverunt, et pedes eorum
non sunt attriti, id est læsi aut lassitudi-
ne afflicti. Hoc est quod in Deuteronomio
scriptum est : Adduxit vos per desertum
quadraginta annis ; non sunt attrita vesti-
menta vestra, nec calceamenta pedum ve-

A strorum vetustate consumpta sunt : quod
fuit grande miraculum. Quod vero hic di-
citur, Pedes eorum non sunt attriti, poni-
tur contentum pro continente. Vel intelli-
gendum est de justis : quibus et manna
sapuit sicut volebant, secundum illud Sa-
pientiae, Ad quod quisque volebat, conver-
tebatur. Perversi autem fatigabantur, juxta
Sap. xvi. 21. illud Numerorum : Ortum est murmur po-
Num. xi. 1. puli quasi dolentium pro labore. Et rursus
in libro eodem : Cœpit tædere populum
Ibid. xxi. 4. itineris ac laboris. *Et dedisti eis regna*, id
B est regiones, imo terras triginta unius re-
gum, in terra promissionis, ut Josue dicit,
Josue xii. 24. *et populos eis subjecisti*.

Provocaverunt autem te ad iracundiam :
non concitando in te immaterialissimo
Deo aliquam passionem,urbationem, aut
alterationem, sed ad justæ ultionis effe-
ctum seu æquitatis rigorem, sicut per Je-
remiam testatus es : Numquid me ad ira-
cundiam provocant ? nonne semetipsos, in
Jer. vii. 19. confusionem vultus sui ? *Et in tempore*
tribulationis suæ clamaverunt ad te, et
C dedisti eis salvatores. Hoc frequenter fa-
ctum est tempore judicium, ut ex historia
libri Judicium elucescit. Scriptum est enim :
Suscitavit Dominus judices qui liberarent
eos. Quumque suscicaret judices, flecteba-
tur misericordia, et audiebat afflictorum
gemitus, et liberabat eos de cæde vastan-
tium. *Quumque requievisent*, id est, ces-
sationem ab hostium impugnatione ha-
buissent, *reversi sunt* ad pristina vitia ac
pejora. *Conversique sunt rursum ad te*,
vexatione eis intellectum præstante, *et li-*
berasti eos : quod sæpius accidit sub di-
Ibid. ii. 19. versis judicibus. Hinc in libro Judicium
inducitur : Quumque mortuus esset judex,
revertebantur, et multa majora (id est pe-
jora) faciebant. *Et dederunt humerum re-*
cedentem, id est, onus præceptorum tuorum
super se ferre recusaverunt, juxta illud
Is. xxviii. Zachariæ : Noluerunt attendere, et averte-
runt scapulas recedentes. Cor suum posu-
erunt ut adamantem, ne audirent legem.

Et protraxisti, id est prolongasti, *super*
eos annos multos, id est, multis annis eo-

rum punitionem et captivitatem distulisti, *et contestatus es eos in spiritu tuo*, id est, per revelationem propheticam a Prophetis prolatam sub testimonio veritatis, præ-nuntiasti et comminatus es eis flagella et adversa instantia. Unde per Jeremiam sæpe locutus est : Misi ad vos omnes servos meos Prophetas, ut reverteretur unusquisque a via sua mala. *In misericordiis autem tuis plurimis non fecisti eos in consumptionem*, id est, ex magna et infinita misericordia tua noluisti eos omnino perdere, extirpare, extinguere, sed reliquias reservasti ex eis : sicut in Ezechiele sæpe habetur. Unde per Jeremiam Dominus dixit : Castigo te in iudicio, ut non tibi videaris innoxius ; non autem te faciam in consummationem.

Nunc itaque, Deus magne, fortis et terribilis, ne avertas a facie tua omnem laborem qui invenit nos : id est, tribulationes, quas pro peccatis nostris incurrimus, misericorditer intueri, et per eas nobis ignosce, ac de cetero pacem et prosperitatem concede, quia post tempestatem facis tranquillum, et post fletum exultationem infundis, et quum iratus fueris, misericordiæ recordaberis, nec vindicas bis in id ipsum ; *a diebus regis Assur*, id est regis Assyriorum, puta Sennacherib, qui valde vexavit sanctum regem Ezechiam et populum ejus. Filius quoque regis illius captivavit Manassen filium Ezechiae, ut secundo libro Paralipomenon legitur. *Et ipsi in regnis suis*, id est reges nostri in regionibus terræ promissionis, videlicet in Judæa, Galilæa, Samaria et aliis, *non servierunt*

tibi, loquendo de regibus Israelitici populi multis, non omnibus. *Ecce nos ipsi hodie servi sumus*, id est subjecti jugo regis Persarum, *et tributarii*, quantum ad vulgus. *Et fruges ejus multiplicantur regibus quos posuisti super nos*, id est, blada terræ nostræ pro magna parte deveniunt in usum regum gentilium, qui præsident nobis, *propter peccata nostra* ; *et corporibus nostris dominantur et jumentis* : quia oportet ut serviamus eis, quum jusserint, in propriis personis et cum nostris jumentis ; mens tamen tali servituti non est obnoxia.

Super omnibus ergo his, etc., id est, de omnibus prædictis peccatis firmiter proponimus nos emendare, et de hoc *percutimus fœdus et scribimus*, id est, litteram testimonialem conficimus, *et signant*, id est, sigilla apponunt pro se et populo, *principes nostri*, in testimonium veritatis, ut inexcusabiles inveniamur, nisi egerimus ita.

Præterea possent hæc omnia spiritualiter interpretari ; sed sicut litteralis horum sensus præhabitus est in Scripturis præallegatis, ita et eorumdem mysticus intellectus : ideo prolixitatem devitans, pertranseo. Sed pensemus, qualiter vexatio præstet intellectum auditui. Etenim quidam convertuntur ad Dominum, introeunt claustrum, obsequuntur Altissimo ex sincero bonitatis et virtutis affectu seu Dei intuitu et amore ; quidam, desiderio præmii ; alii, timore supplicii. Primum est optimum ; secundum, commendabile ; tertium, dispositivum ad promerendum.

Jer. vii, 25 ;
xviii, 11,
etc.

Ibid. xxx,
11.

Tob. iii, 22.

Habac. iii,
2.

IV Reg.
xviii, 13 et
seq.

II Par.
xxxiii, 11.

Is. xxviii,
19.

ARTICULUS X

DECLARATIO CAPITULI DECIMI : SIGNATORES AUTEM FUERUNT NEHEMIAS
ATHERSATHA FILIUS HACHELAI, ETC.

SIGNATORES autem, id est sigillato-
res litteræ nostræ pactionis, de qua
in fine præcedentis habetur capituli, *fu-
runt* : Nehemias, qui alio nomine dictus
est *Athersatha* : qui fuit sacerdos, sicut et
ceteri in textu consequenter expressi, qui
secum sigillaverunt. Deinde nominantur
in littera Levitæ et capitanei signatores.
Ut ambularent, id est conversarentur, *in
lege Domini*. Et explicantur quædam in
singulari, quæ promiserunt servare, quum
subditur : *et ut non daremus filias nostras
in uxores populo terræ*, id est Samaritanis,
ceterisque gentilibus. Secundum fuit, quod
non emerent aliquid a gentibus, venalia
sua portantibus in die sabbati, neque in
alia die sanctificata, id est solenni. Et hoc
est quod dicitur : *Populi quoque terræ qui
important venalia, non accipiemus ab eis
sabbato*, etc. Cur ergo Christiani suas mer-
cationes non relinquunt diebus dominicis
et festivis ? *Dimitemus annum septimum*,
id est, agros nostros non seminabimus sal-
tem ad proprium usum tantum septimo
anno, juxta illud Levitici : Sex annis seres
agrum tuum, et sex annis putabis vineam
tuam, et colliges fructus ejus. Septimo
anno sabbatum erit terræ requietionis Do-
mini : agrum non seres, et vineam non
putabis. *Et statuemus super nos præcepta*,
hoc est, observantiis præceptorum subji-
ciemus corda nostra, *ut demus tertiam
partem sicli per annum*, id est, quolibet
anno quivis qui habet, offerat tertiam par-
tem sicli : quæ pecunia colligebatur die
sequente ultimam diem festi Tabernaculo-
rum, sicut istud expositum est supra.

*Sortes ergo misimus super oblationem
lignorum inter sacerdotes et Levitas et po-*

*pulum, ut inferrent in domum Dei no-
stri* : id est, per sortium eventum quæsi-
mus determinationem et certificationem,
quis, quando et qualiter deberet adducere
ligna, quibus nutriendus fuit ignis in al-
tari holocaustorum jugiter ardens : quæ
ligna apponere igni, ad sacerdotes specta-
bat, juxta illud : Ignis in altari semper ar-
debit, quem nutriet sacerdos, subjiciens
ligna mane per singulos dies. Levitæ ve-
ro sacerdotibus subserviebant. Adducere
autem ligna ad hoc, fuit Nathinæorum of-
ficio, ut legitur in Josue libro ; sed solu-
tio pretii pro hujusmodi lignis, pertinebat
ad populum.

*Et ut offerremus primogenita terræ no-
stræ*, id est, primos seu primitivos fructus
agrorum nostrorum adduceremus ad offe-
rendum hos Domino : quemadmodum in
Levitico et Deuteronomio legitur ; *et pri-
mitiva fructus omnis ligni*, id est primos
arborum fructus qui erant Domino offe-
rendi, *et primitiva filiorum nostrorum*.
Primogeniti enim omnium tribuum Israel,
C dempta tribu Levi, offerebantur Deo in
templo, et statim redimebantur pretio.
Nempe ex tempore quo Dominus percussit
omne primogenitum in terra Ægypti, san-
ctificavit sibi seu offerri deputavit omne
primogenitum filiorum Israel, tam in ho-
minibus quam in jumentis, prout in Exodo
legitur. *Et pecorum nostrorum*. Primoge-
nita enim pecorum secundum legem offe-
ribilium, immolabantur, atque in usum
sacerdotum venerunt. Primogenitum au-
tem asini interficiebatur, vel ove commu-
tabatur. Sed primogenita canum occideban-
tur, et ceterorum animalium primogenita
pretio redimebantur. *Et primitias ciborum*

Lev. vi, 12.

Josue ix,
24, 27.Lev. xxiii,
10 : Deut.
xvi, 9, 10 ;
xxvi, 2.Exod. xiii,
2, 13.Num. xviii,
17, 18.Exod. xiii,
13.Deut. xxiii,
18.
Num. xviii,
15.II Esdr. ix,
38.Lev. xxv,
3, 4.II Esdr.
viii, 18.

nostrorum et libaminum, id est potuum, *et decimam partem terræ nostræ*, id est terræ nascentium, dabimus *Levitis* : qui sustentabantur decimis. sicut sacerdotes sacrificiis.

Erit autem sacerdos de filiis Aaron, cum Levitis in decimis Levitarum, id est, ali-

quis sacerdos ex semine Aaron natus ad-
erit, dum Levitæ a populo accipiunt deci-
mas ; *et Levitæ offerent decimam partem*^{Num. xviii, 21.}
decimæ suæ. Levitæ namque solvebant
decimam decimarum pontifici, id est de-
cimam partem decimarum eis a populo
præstitarum.^{Ibid. 26, 28.}

ARTICULUS XI

EXPOSITIO CAPITULI UNDECIMI : HABITAVERUNT AUTEM PRINCIPES POPULI IN JERUSALEM.

RECITATUR hic, qualiter civitas Jeru-
salem reædificata, fuerit populata. *Ha-*
bitaverunt autem principes populi in Je-
rusalem, id est, principales Judæorum in
ipsa metropoli habitaverunt : qui erant
aptiores defendere eam ab hostibus, qui
in circuitu morabantur, et eam demoliri
optabant, ac sæpius infestabant. *Reliqua*
vero plebs de tribubus Juda, Levi ac Ben-
jamin, misit sortem, ut tolleret unam par-
tem de decem, id est, de decem viris unus
moraretur in urbe Jerusalem, *novem vero*
partes, id est ceteri, habitarent in civita-
tibus Judææ. *Benedixit autem populus om-*
nibus viris, qui se sponte obtulerant ut
habitarent in Jerusalem : quoniam peri-
culosius fuit habitare in ea, eo quod gen-
tiles per gyrum specialiter conarentur ip-
sam Jerusalem devastare : ideo populus
commendavit eos, et bona ipsis impreca-
batur, qui voluntarie elegerunt commorari
in ea.

Habitavit autem unusquisque in posses-
sione sua in urbibus Israel, sacerdotes,
Levitæ, Nathinæi, et filii servorum Salo-
monis. Istud exponitur de præactis jam
hominibus, qui non erant necessarii ad po-
pulationem custodiamque Jerusalem : ideo
permissi sunt habitare in oppidis, in qui-
bus vel ipsi, vel patres eorum antea habi-
taverunt. Quod etiam intelligendum est de
Israelitis natis ex novem tribubus, qui ma-

nus evaserunt Assyriorum, et ad Ezechiam
confugerunt, ac postmodum cum populo
regni Juda a Chaldæis capti fuerunt : quo-
rum posteriores redierunt cum populo Juda a
Babylonica captivitate, nec compulsi sunt
in Jerusalem habitare.

Et in Jerusalem habitaverunt de filiis
Juda et de filiis Benjamin hi qui expri-
muntur in textu, qui expositione non in-
diget, quantum ad illos. Deinde nominan-
tur sacerdotes et Levitæ, qui in Jerusalem
habitaverunt. *Et episcopus Levitarum in*
Jerusalem, Azzi filius Bani. Vir iste vo-
catur episcopus Levitarum per participa-
tionem episcopalis officii, et quantum ad
id a quo nomen imponitur. Episcopus nam-
que dicitur quasi superintendens : et sic
iste fuit specialiter præfectus Levitis, tan-
quam eorum præpositus et provisor. Nec
fuit pontifex Judæorum. *De filiis Asaph*
erant cantores in ministerio domus Dei.
Asaph quippe fuerat unus principalium
cantorum a David institutorum, ut primo
Paralipomenon scriptum est. Ideo posterius
ejus fuerunt cantores in cultu templi et
laudibus Dei. *Præceptum quippe regis su-*
per eos erat : id est, ex ordinatione et jus-
sione David regis antiqua, debebant sic
esse dispositi et psallentes ; *et ordo in*
cantoribus per singulos dies, id est, can-
tores successive in vice et ordine suo
suum fecerunt officium ordinate. *Et Pha-*

^{1 Par. xvi, 5, 7.}

thahia in manu regis, id est secundum A de Benjamin tribu, quia exprimuntur hic prædictam David regis institutionem, *juxta omne verbum populi*, id est, secundum quod populus approbaverat, ut juxta sortium eventum habitarent, et suum officium exercerent in Jerusalem.

De filiis Juda, etc. Hic nominantur urbes ad tribum Juda pertinentes, in quibus reliqui de tribu illa habitaverunt. *Filii autem Benjamin*, etc. Hic idem ostenditur

de Benjamin tribu, quia exprimuntur hic urbes tribus illius, in quibus habitaverunt filii Benjamin, qui in Jerusalem non sunt commorati. *Et de Levitis partitiones Juda et Benjamin*, id est, Levitæ et sacerdotes non deputati habitare in Jerusalem, manserunt in civitatibus tribuum Juda ac Benjamin : quæ sequestratæ et assignatæ fuerunt sub Josue pro habitatione sacerdotum ac Levitarum, ut legitur in Josue codice. *Josue xxi.*

ARTICULUS XII

EXPOSITIO CAPITULI DUODECIMI : HI SUNT SACERDOTES ET LEVITE QUI ASCENDERUNT.

DEDICATIO civitatis Jerusalem et murorum ejus, describitur hic. Fuit enim hæc civitas Deo specialiter consecranda et ejus cultui deputata, quia in ea fuit studium legis, templum et loca sacrificiorum ac divini obsequii, habitatio sacerdotum præcipuorum ac principum. Et quia dedicatio illa facta est multum solenniter, confluentibus ad eandem universis sacerdotibus ac Levitis, idcirco præmittitur sermo de sacerdotibus et Levitis, a principio ex licentia regis Cyri reversis.

Hi sunt autem sacerdotes et Levitæ qui ascenderunt de Babylonia ad Judæam cum Zorobabel : *Josue*, id est Jesus pontifex, filius Josedec pontificis : qui Josedec (ut primo Paralipomenon legitur) a Chaldæis ductus est in Babylonem, ejusque filius Josue cum Zorobabel rediit, et pontificis officio functus est; *Saraia, Jeremias, Esdras*, quem aliqui dicunt esse hunc Esdram auctorem libri præcedentis, dicentes quod primo rediit cum Zorobabel, postea ad regem Persarum redierit pro pluribus Judæis reducendis et pro privilegiis impetrandis. Alii potius opinantur, quod iste sit alius Esdras : quia verisimile est, quod illum Esdram Scriptura statim nominasset post Josue pontificem, et quod in descriptione eorum qui

cum Zorobabel redierunt, ipse fuisset nominatim expressus : quod non est factum, ut patet in libro Esdræ. Et de hac re dictum est supra in Esdræ expositione. *Isti principes sacerdotum*, non quod omnes fuerint pontifices, sed Josue tantum tempore illo. Ideo principes sacerdotum dicuntur, id est principales inter sacerdotes : sicut et David sub pontifice ordinavit viginti quatuor sacerdotes majores, prout primo Paralipomenon continetur. *Et fratres eorum, sacerdotes* minus principales, in diebus Josue pontificis memorati. Porro *Levitæ*, qui redierunt cum Zorobabel, fuerunt *Jesua*, et ceteri qui exprimuntur in littera.

Consequenter linea generationis sacerdotum describitur. *Josue autem pontifex genuit Joachim*, quem Judith vocat Eliachim, sub quo et historia Judith creditur contigisse. *Et Joachim genuit Eliasib*, de quo dictum est ante; fuitque pontifex tempore quo Nehemias cœpit muros Jerusalem reædificare. *Et Eliasib genuit Joiada*, quem Josephus vocat Judam, quia binomius fuit. *Et Joiada genuit Jonathan*, qui a Josepho Joannes vocatur : de quo forsán intelligendum est illud Machabæorum, Orationem faciebant sacerdotes, Jonatha inchoante,

II Mach. i.
24-29.

Ant. Jud.
lib. xi, c. 8.

quando et Nehemias specialem fecit orationem, ut secundo Machabæorum libro habetur. *Et Jonathan genuit Jeddoo*, quem Josephus nominat Jaddum : qui Jaddus, secundum eundem, obviavit in pontificalibus Alexandro Magno, ut suo loco Deo præstante narrabitur.

I Esdr. vi.
7, 8.

I Par. vi.
1 et seq.

Ibid. xvi.
4 et seq.

In diebus autem Joachim pontificis jam præfati, *erant sacerdotes* (qui fuerunt *et principes familiarum*, id est præcipui sacerdotalium familiarum) qui exprimuntur in textu. *Levitæ in diebus*, id est tempore pontificatus, *Eliasib. et Joiada, et Johanan*, qui paulo ante vocatus est Jonathan, *et Jeddoo, scripti principes familiarum*, id est descripti principales in familiis Leviticis, quæ ab eis duxerunt originem : quorum descriptio non venit ad nos; *et sacerdotes in regno Darii Persæ*, id est regnante Dario rege Persarum, qui templi inchoationem jussit compleri, ut patuit in Esdra. *Filii Levi principes familiarum* Leviticarum, *scripti in libro Verborum dierum*, id est Paralipomenon, ubi primo libro descripti sunt in sua radice, hoc est in patribus suis, non in propriis nominibus : qui manserunt in vita, saltem pro parte, *usque ad dies Jonathan* pontificis *filii Eliasib* : ita tamen, quod immediatus pater istius Jonathan fuit Joiada, sicut jam patuit. *Et principes Levitarum*, id est præcipui et nobiliores inter Levitas : *Hasebia, et Serebia, etc.*, et fratres eorum per vices suas, id est juxta suæ successionis ordinem in suo obsequio, *ut laudarent Deum, et confiterentur beneficia ejus, ac sua populi peccata, juxta præceptum*, id est ordinationem et jussionem *David regis*, primo libro Paralipomenon scriptam, *et observarent æque per ordinem*, id est, successive exsequerentur sua officia æqualiter, unusquisque in tempore suo. *Mathania, et ceteri qui sequuntur in textu, fuerunt custodes portarum templi et vestibulorum ante portas. Hi, supple, fuerunt, in diebus Joachim* pontificis et reliquorum qui in textu ponuntur.

Sequitur de ipsa murorum et civitatis

A Jerusalem dedicatione. *In dedicatione autem*, id est instante dedicatione, atque ad faciendum solenniter dedicationem *muri Jerusalem, requisierunt*, id est convenire fecerunt, *Levitas de omnibus locis suis, ut adducerent eos in Jerusalem. Et mundati sunt sacerdotes et Levitæ, et mundaverunt populum et murum*. Porro sacerdotum tanquam superiorum purgatio fiebat per corporum et vestium lotionem, per orationes, jejunia, continentiamque ad tempus ab uxorum amplexu, et per adspersionem B aquæ lustrationis, ac per sacrificia quædam. Interdum tamen ad purgationem eorum non concurrebant hæc omnia. Levitæ autem faciliiori ritu mundabantur, quam sacerdotes, quemadmodum secundo libro Paralipomenon legitur, videlicet per adspersionem aquæ lustrationis, orationes et lotiones et alia quædam; non tamen in omnibus fiebat mundatio uno modo. Sacerdotes vero et Levitæ sanctificabant populum, sacrificando et orando pro ipso, adspargendoque eum aqua præfata : de qua in Numerorum libro scribitur. Murum C vero sanctificabant aquæ istius adspersione.

Ascendere autem feci ego Nehemias, cujus sunt verba hæc, principes Juda super murum, et statui duos choros magnos laudantium Deum, divisos ab invicem. Et ierunt ad dexteram super murum, primus chorus, et principes quidam eos sequentes, sicut in textu subjungitur : quos et Esdras dicitur præcessisse, secundum quod infra habetur : Esdras scriba ante eos in porta Fontis. Laudabantque Deum in vasis D cantici David, id est in musicis instrumentis, in quibus ordinavit David psalmos et cantica decantari. Et contra eos ascenderunt in gradibus civitatis David. Civitas namque David et templum fuerunt in alto sita, ita quod per gradus ascendebatur ad templum : sicque aliqui ab inferioribus ascendebant usque ad murum obviam venientibus per eundem. Et chorus secundus gratiam referentium Deo de reparatione civitatis et murorum ac templi,

II Par.
xxix, 34.

Num. xix.

I Par. xvi,
4-6, 42; xxiii,
5.

ibat ex adverso, videlicet circumeundo per partem muri oppositam, quousque sibi invicem obviarent in reditu circa templum; *et media pars populi super murum ibat*, cum isto secundo psallentium choro, cum quo ivit una pars principum, atque pars populi sequens eos : propter quod dicitur ibi fuisse pars media populi; *et super*, id est prope, *turrim Furnorum* : juxta quam dicuntur fuisse fornaces; *et usque ad murum latissimum*, id est eam partem muri, quæ spissior fuit, eo quod ex illa parte poterat major impugnatio et periclitatio imminere civitati; *et super portam Ephraim*, id est juxta portam sic dictam, quia fortassis respexit ad terram et sortem tribus Ephraim, ac juxta ceteras portas, quæ consequenter nominantur in littera, *usque ad portam Gregis* sitam juxta templum, ut dictum est supra; *et steterunt in porta Custodiæ*, quæ fuit prope atrium templi. *Steteruntque duo chori psallentium* * in domo Dei, et ego, et dimidia pars magistratum mecum juxta chorum unum. *Et sacerdotes*, puta *Eliachim* pontifex, qui jam vocatus est *Joachim*, *Maasia*, et alii qui nominantur in littera. *Et immolaverunt victimas magnas*.

II Esdr. iii, 1.

* laudantium

Recensuerunt quoque in die illo viros super gazophylacia thesauri : id est, ordinarunt et numeraverunt viros fideles pro custodia arcarum seu receptaculorum, in quibus colligebantur quæ pro sustentaculo vitæ sacerdotum ac Levitarum offerebantur; *ad libamina*, id est ad recipiendum ibi liquida offerenda, quæ in usum ministrorum templi venerunt, *et ad primitias*, quæ sacerdotibus solvebantur, *et ad decimas*, quæ Levitis; *ut introferrent per eos principes civitatis*, id est, ut ipsi principes inducerent sacerdotes atque Levitas ad ministrandum in templo, et ad commorandum in ejus circuitu, habita ibi competenti provisione, in decore gratia-

rum actiones *, id est cum devota ac pulchra regratiatione ac laude divina; *quia laetatus est Juda*, id est populus tribus Juda ac Benjamin, *in sacerdotibus et Levitis adstantibus*, id est devotione, ornatu et obsequio adstantium sacerdotum ac Levitarum.

* actionis

Et custodierunt observationem Dei sui, id est, præcepta a Deo observari jussa adimpleverunt, *et specialiter observationem expiationis*, id est purgationis qua se ipsos ac populum purificabant. Oportet enim in primis purificare se ipsum, quoniam caritas incipit a suo subjecto; et in Ecclesiastico scriptum est : Ab immundo quid mundabitur? *Et cantores et janitores juxta præceptum David et Salomonis*, qui multa ordinaverunt observanda in cultu Dei ac templo, atque in ordine ministrorum; *quia in diebus David et Asaph*, qui fuit propheta, ab exordio, quo duo chori psallentium ordinati fuerunt a David in tabernaculo Dei, *erant principes constituti cantorum in carmine laudantium et confidentium Deo*, id est carminibus, psalmis et canticis Deo jugiter decantandis, prout primo libro Paralipomenon diffuse describitur.

Ecclesi. xxxiv, 4.

I Par. xvi.

Et sanctificabant Levitas, hoc est, populares aptabant ipsos Levitas ad obsequium, providendo eis necessaria vitæ ad ministrandum pro populo; dando quoque Levitis decimas, ostendebant se eis inferiores. *Et Levitæ sanctificabant filios Aaron*, id est sacerdotes, quibus se fatebantur inferiores, ac subserviebant in cultu Dei : sicque reddebant ipsos sacerdotes ad divini cultus obsequia aptos et expeditos, sed et pontificibus decimas decimarum suarum solvebant. Loquendo autem de sanctificatione consecrationis, superiores sanctificant eos qui inferiores consistunt, dicente Apostolo : Sine ulla contradictione, quod minus est, a majore benedicitur.

Hebr. vii, 7.

ARTICULUS XIII

ELUCIDATIO CAPITULI TERTHDECIMI : IN DIE AUTEM ILLO LECTUM EST IN VOLUMINE MOYSIS.

PONUNTUR hic vitia absente Nehemia commissa, et ab eodem reverso correctæ. *In die autem*, id est tempore illo, sicut frequenter in Scripturis dies pro tempore sumitur, *lectum est in volumine Moysis* ab Esdra seu alio scriba, *audiente populo*, quod non debeant introire Ammonites et Moabites in ecclesiam Dei usque in æternum : intelligendo per ecclesiam atrium mundorum, quia nec ipsi vulgares natione Judæi poterant introire Sancta, id est primam et exteriorem templi partem, sed sacerdotes. Sancta autem sanctorum pontifex tantum intravit. Alii per ecclesiam Dei intelligunt communionem in matrimonio. Illa tamen communio fuit alio præcepto prohibita, ut scilicet cum alienigenis idololatræ non sociarent connubia. *Eo quod non occurrerunt filiis Israel cum pane et aqua egressis de Ægypto, et conduxerunt adversum eos Balaam ariolum ad maledicendum filiis Israel*, hoc est ad dandum consilium quo dejicerentur, ut legitur in Numeris. Istud etenim fecit Balac rex Moab, qui etiam fuit rex Madian. Denique hoc præceptum de Ammonitis et Moabitis non ingressuris ecclesiam Dei, continetur in Deuteronomio.

Factum est autem quum audissent legem, id est præceptum hoc legis, *separaverunt omnem alienigenam*, id est gentilem idololatræ, *ab Israel*, id est a societate et copula Judæorum. Hoc tamen supra non capitulo legitur factum Nehemia præsentæ. Sed, ut infra patebit, ipso absente et reverso ad regem, rursus fuerunt sociata conjugia cum alienigenis. *Et super hoc erat Eliasib*, id est, pontifici illi commissum fuit prohibere de cetero tale scelus : quod tamen non adimplevit ; *proximus*

Tobiæ, id est amicus Tobisë Ammonitæ, ob causam quæ infra habetur.

vers. 28.

Fecit ergo sibi iste Eliasib gazophylacium grande, et ibi erant ante eum reponentes, id est, Levitæ et sacerdotes reposerunt in gazophylacio illo, *munera*, id est oblationes, *et thus et vasa sacra cultus divini, et decimam frumenti, vini et olei*, consecrata ad cultum Dei, usumque ministrorum ipsius : et hæc fuerunt inde ex voluntate pontificis hujus amota, et vasa ac thesauri Tobisë fuerunt ibi repositi. *In his autem non fui in Jerusalem* : ubi si fuisset, tales abusiones non permisisset. Esdras quoque interim fuit defunctus. *Quia anno tricesimo secundo Artaxerxis regis Babylonis*, id est regni Babylonis : fuit enim monarcha super regna illa orientalia ; *veni ad regem*, juxta tempus condictum ; *et in fine dierum*, id est circa finem dierum vitæ meæ, vel regis aut servitutis quam regi exhibui, *rogavi regem*, ut permetteret me ad Judæam et Jerusalem redire. *Et de ejus licentia veni in Jerusalem, et intellexi malum*, id est peccatum, *quod fecerat Eliasib Tobisë*, id est ad complacendum Tobisë, seu quasi ad commodum ejus, *ut faceret ei*, puta Tobisë, *thesauros*, id est, præberet ei repositoria thesaurorum suorum, *in vestibulis domus Dei*. *Et malum mihi visum est valde*, quod scilicet sacrum locum deputavit usui hominis idololatræ seu gentilis ; *et projecit vasa domus Tobisë*, faciendo ea efferri foras de gazophylacio memorato ; *præcepique ministris templi, et emundaverunt gazophylacium*, forsitan adpersione aquæ lustrationis, quoniam ex præfacto abusu fuit contaminatum. *Et retuli ibi vasa domus Domini, sacrificium et thus*.

Hebr. ix, 6, 7.

Deut. vii, 3.

Num. xxi, 5, 6.

Deut. xxiii, 3, 4.

II Esdr. ix, 2.

Sequitur aliud malum quod Nehemias A vel merito cessare sic debuissent, videlicet correxit. *Et cognovi quod partes Levitarum non fuissent datæ*, id est, quod populus aut pontifex non dedisset Levitis quod eis pro sustentatione vitæ fuerat pro eorum obsequio dandum, *et fugisset unusquisque de Levitis in regionem suam*, id est ad loca quæ sibi aptiora poterat invenire, vel ad urbes et villas quas habuerunt olim in regno decem tribuum, ad acquirendum necessaria sibi. *Et egi causam adversus magistratus, et pontificem, et ejus fautores, et dixi: Quare dereliquimus domum Dei?* Modeste loquitur propter dignitatem pontificis, et connumerat se illis reis, ut per hoc ad pœnitentiam compungerentur celerius. Et est sensus: Cur per subtractionem prætaetam fecit Levitas et cantores de templo abscedere? *Et congregavi eos*, id est, Levitas revocavi, *et feci eos stare in stationibus*, id est locis et officiis suis. *Et omnis Juda*, id est populus Juda, *apportabat decimam frumenti, vini et olei in horrea*, pro Levitarum refectione. *Et constituimus super horrea*, id est, pro custodia horreorum et rerum contentarum in eis ordinavimus, *Selemiam sacerdotem et Sadoc, etc.*, ut congruenter erogarent Levitis recollecta pro eis. *Memento mei, Deus, pro hoc*, id est merito hujus beneficentiæ meæ, *et ne deleas miserationes meas, quas feci in domo Dei mei*, id est, non permittas eas privari effectū beatæ remunerationis, nec eas despicias acceptare.

Deinde narrat, qualiter de violatione sabbati reprehenderit eos. *In diebus illis vidi in Juda*, id est in populo Juda, quosdam *calcantes torcularia in sabbato*, etc. *Et Tyrîi*, id est viri ex Tyro gentiles, *habitaverunt in ea*, scilicet in Judæa. *Et objugavi optimates Juda, et dixi eis: Vos additis super iracundiam Israel*, id est, taliter transgrediendi meremini ultionem divinam augeri in filiis Israel, et Deum facitis eis magis iratum, quantum ad similitudinem operis. *Factum est autem quum quievissent portæ Jerusalem in die sabbati*, id est, quum cessassent a motu apertionis,

vel merito cessare sic debuissent, videlicet circa vesperam diei sabbatum præcedentis, in qua vespera incepit sabbatum, id est quies, *dixi, et clausurunt januas portarum Jerusalem*, ne intrent aliqui ad vendendum quidquam sabbati die. *Dixi quoque Levitis, ut mundarentur secundum legem: juxta modum in præcedenti articulo introductum. Et pro hoc memento mei, Deus meus, et parce mihi secundum multitudinem miserationum tuarum.* Ecce quam humilis oratio fusa a viro tam B justo, qui in tot et tantis virtutum operibus misericordiam imploravit, et juxta ejus immensitatem sibi indulgeri expetiit, sciens quod bonis nostris sint multa mala admixta.

Sequitur reprehensio de illicitis conjugis: *In diebus illis vidi Judæos ducentes uxores Azotidas*, id est oriundas ex Azoto urbe Philistinorum. *Et maledixi eis*, zelo justitiæ; vel per modum propheticiæ prænuntiationis seu sub conditione, nisi se emendarent; aut certe temporales punitiōnes eis imprecando, ne in æternum perirent. *Et cecidi*, id est verberavi, *ex eis viros*, id est quosdam, *et decalvavi*, id est dehonestavi, faciendo abradi barbam, capillosve capitis talium transgressorum; sicut rex Ammonitarum abrasit barbam C servorum David: quod tunc erat ingens confusio. Constat quoque ex his, quam male servaverint Judæi sua promissa et jura-menta sigillis roborata, per quæ promiserunt violationem sabbati et conjugia cum alienigenis, multaque similia evitare, ut D patuit supra. Deinceps per exemplum ostendit, quam periculosa erant Judæis conjugia talia, eo quod sapientissimus Salomon per ea ad lapsum devenerit, sicut in textu, qui planus est, recitatur. *Et dilectus Dco suo erat.* Nam nato eo, Dominus III Reg. xi, 1-8. jussit eum vocari, Amabilem Domino. Qualiter autem dilexerit eum, super secundo Regum tractatum est. *Et posuit eum regem privilegio speciali, non jure primogenituræ. De filiis autem Joiada*, id est unus filiorum Joiada, *filiis Eliasib sacer-*

II Reg. x, 4.

II Esdr. ix, 38; x.

III Reg. xi, 1-8.

II Reg. xii, 24, 25.

dotis magni, id est pontificis, qui fuit avus illius filii Joiada, erat Sanaballat gener, id est, filiam ipsius Sanaballat duxit uxorem : ideo Eliasib fecit Tobiaë ea quæ dicta sunt, tanquam amicus ipsius propter Sanaballat, qui familiarissimus erat Tobiaë; quem filium Joiada, fugavi a me tanquam rebellem, quia uxorem illam sacrilegam dimittere recusavit. Recordare, Domine Deus meus, adversum eos qui pollunt sacerdotium : id est, per justam castigationem in vita hac, ostende te memorem iniquitatis ipsorum, qui sacerdotium et sui officii dignitatem ac privilegium inhonorant, ac per hoc tibi ingrati sunt. Ad sacerdotes autem illos legales pertinuit connubia specialiter honesta contrahere, ut patet Levitici vicesimo primo.

Igitur mundavi eos ab omnibus alienigenis uxoribus, nisi forsitan paucis induratis exceptis; et constitui sacerdotum ordines et Levitarum, unumquemque ordinem in ministerio suo : ut quilibet ordo illorum serviret in tempore suo in templo, quemadmodum primo libro Paralipomenon legitur David fecisse : tempore enim Nehemiaë sacerdotes jam erant multiplicati; et in oblatione et appositione lignorum in ignem perpetuum in altari holocaustorum semper ardentem, quem sacerdotes tenebantur nutrire, ponendo ligna in eo quotidie : ideo additur, temporibus constitutis; et in primitiis, id est in accipiendo

A primitias, hoc est primos præcipuosque fructus, a populo.

Postremo, librum suum in devota et humili oratione concludit, quasi de suis justitiis non præsumens, neque se jactans: *Memento, inquit, mei, Deus meus, in bonum.* Quasi dicat : Scio et fateor cum sancto Job, quod universorum memineris; et item, quod quorundam memor es in malum, hoc est ad debitam ultionem : juxta illud Amos : Juravit Dominus, Si oblitus fuero usque in finem omnia opera eorum. Unde et Salomon contestatur : Cuncta quæ fiunt, adducet Deus in judicium pro omni errato, sive bonum sit, sive malum. Ideo precor, Domine Deus meus, et cum hac oratione tuæ recomendo me pietati. Memento mei, Deus meus, in bonum.

Circa hoc Josephus scribit : Multa talia laudibus digna, dum cum summa fecisset magnificentia Nehemias, ad senectutem perveniens, defunctus est, vir benignus et natura justus, atque circa propriam gentem magnificentissimus, qui in memoria sui æterna muros Jerosolymitanos reliquit. Itaque tam fidelis ac fervidi viri imitemur usque in finem virtutes, et sanctam Dei Ecclesiam jugiter ædificare, roborare, perficere enitamur, pro ea indesinenter orando, exemplariter conversando, et proximos totis viribus adjuvando. Ad laudem et gloriam Omnipotentis, qui est super omnia Deus sublimis et benedictus. Amen.

ENARRATIO
IN PRIMUM LIBRUM
MACHABÆORUM

PROLOGUS

JUDA, te laudabunt fratres tui. Manus tua in cervicibus inimicorum tuorum.
Catulus leonis Juda. Gen. XLIX, 8, 9.

Possunt hæc verba de Juda Machabæo et fratribus ejus convenienter exponi. Et enim sicut inter duodecim Patriarchas filios Jacob, Judas fuit robustior; sic inter quinque filios Mathathiæ Judas filius ejus fortior erat, magnanimior quoque, et omni virtute ad justum et strenuum bellatorem pertinente, eminenter specialiterque ornatus. Hinc a fratribus suis et consanguineis, totoque populo suo, vere, fideliter, præcipue laudabatur, fuitque omnibus carus valde: nam bonum commune prætulit propriæ vitæ, et religionis divinæ defensionem magis quam omnem terrenam amavit prosperitatem. Fuit ergo legis zelo accensus, Dei amore ignitus, fraterna caritate repletus, fortitudine mentis et corporis decoratus, ex divinæ sapientiæ præordinatione datus populo Judæorum pro consolatione et ereptione eorum, quum extremis calamitatibus subderentur. Non enim repellit in sempiternum Dominus, nec plebem fidelem relinquit finaliter.

*Thren. III,
31.*

Denique in historiis hujus voluminis patent miseriæ conditionis humanæ, insania ambitiosorum, vanitas mundi, instabilitas regni terreni; providentia quoque Dei circa electos, et qualiter inter electos reprobosque discernat; atque quam magna pars hominum pereat gladio.

ENARRATIO IN PRIMUM LIBRUM MACHABÆORUM

ARTICULUS PRIMUS

EXPOSITIO CAPITULI PRIMI : ET FACTUM EST POSTQUAM PERCUSSIT ALEXANDER
PHILIPPI, MACEDO.

Joseph.
Ant. Jud.
lib. vii. c. 6,
etc.

GESTA Machabæorum multis annis post A
reditum a captivitate Babylonica contigerunt. Historia quippe Tobiae præcessit satis diu historiam Judith, historia quoque Judith historiam Esther, sed et historia Esther, historiam Machabæorum : quod, prolixitatem vitans, declarare non prosequor ; sed ad Josephum atque Scholasticam historiam mitto lectorem. Ponitur autem in exordio hujus libri aliquid de Alexandro Magno, et de divisione monarchiæ suæ, ut sic ordinate ad gesta deveniatur Machabæorum, imo ad notificationem providentiæ, justitiæ, misericordiæ et beneficiæ Dei circa populum Judæorum, durante adhuc cursu veteris Testamenti. Non est autem hic liber in canone : tamen ab Ecclesia tanquam verus receptus est.

Et factum est. Cur a conjunctione hac, et, incipit, quum nihil præmiserit, inter quæ mediet et connectat ? Et respondendum, quod incipit sic, ad innuendum quod multa omittat gesta historica, quæ mente consideravit, sed stilo non expressit. Ad ea ergo quæ mente intuebatur, ista con-

A exorsi sunt libros. *Postquam percussit Alexander Philippi filius, Macedo*, id est de Macedonia provincia Græciæ oriundus, in qua et primo regnavit, defuncto rege Philippo, ejus filius putativus fuit Alexander : quia revera (ut ejus testatur historia) fuit filius Nectanabis regis Ægypti, qui timore adversariorum suorum, mutato habitu, fugit et exivit Ægyptum, atque ad uxorem Philippi regis Macedonum veniens, ad mulieris illius familiaritatem receptus est, et cum ea concumbens, ex eadem genuit Alexandrum per adulterium. Philippus autem rex putavit se verum Alexandri patrem. Unde et nato Alexandro, Aristoteli scripsit : Natus est mihi filius, et magis regratior diis, quia natus est tuis temporibus, quam quia natus est, quoniam a te eum informandum confido.

B Præterea, Alexander dicitur Darium percussisse, non quod manu propria, aut per suum exercitum occiderit illum, sed quoniam fugavit ipsum in bello. Quumque fugiens Darius, pervenisset in suum palatium, a duobus de suis principibus est occisus. Alexander autem insequens eum, reperit eum adhuc semivivum, et multum

C

condoluit ei. Et tunc Darius utiliter admo-
nuit Alexandrum, ne ex victoriis super-
biret, et inter cetera ordinavit, ut filiam
suam Alexander duceret conjugem : quod
et factum est.

Sed quæri potest, quis fuerit Darius iste.
Ad quod quidam respondet, quod se-
cundum Hebræos fuit filius Assueri ac Es-
ther : quod stare non potest ; nec omnes
Hebræi hoc dicunt. Imo (ut refert ille) He-
bræi dicunt Darium illum qui post Cyrum
regem renovavit et dedit Judæis licentiam
ædificandi templum et urbem Jerusalem.
Fuit Darius ille filius Assueri et Esther, ita
quod favorabilis fuit Judæis, quia ex ma-
tre Hebræa exstitit natus. Et tamen nec
hoc verum est ; et certum est quod tem-
poribus illius Darii nondum erat Alexan-
der hic genitus. Nempe illi Dario successit
in regnum filius ejus Artaxerxes, sub quo
Esdras et postea Nehemias venerunt in Je-
rusalem : quod et Josephus attestatur,
quamvis alia nomina ponat. Post Artaxer-
xem regnavit Xerxes, quem Josephus dicit
fuisse Assuerum. Alii vero, quos Magister
in historiis sequitur, affirmant quod post
Artaxerxem regnavit Xerxes duobus men-
sibus ; post Xerxem, Sogdianus mensibus
septem ; post Sogdianum, Darius cognomen-
to Nothus ; post Darium Nothum, Ar-
taxerxes cognomento Mnemon, quem ut in
Scholastica fertur historia, dicunt Hebræi
Assuerum fuisse ; post quem regnavit Ar-
taxerxes, qui dictus est Ochus ; post Ochum,
Arsamus ; post Arsamum, filius ejus Da-
rius, quem Alexander devicit.

Qui Alexander primus regnavit in Græ-
cia, id est, primus fuit monarcha Græco-
rum, et in tota Græcia, totoque oriente
regnavit et imperavit, quoniam monar-
chiam Persarum destruxit, et transtulit
monarchiam ad Græcos : designatus in vi-
sione Danielis per hircum caprarum, qui
terram non tetigit, quia celerrime omnia
devastando pertransiit. *Egressus de terra
Cethim* : locus est Græciæ ; non solitudi-
nis, unde habetur in Numeris, Morabatur

1 Esdr. vi,
3-12.

Ibid. vii.
1 et seq. ;
II Esdr. ii,
1 et seq.

Dan. viii,
5, 21.

Num. xxv,
1.

* Settim eo tempore Israel in Cethim *. *Darium re-*

gem Persarum et Medorum. A tempore
enim Cyri regis fuerunt illa regna in uno
rege unita, defuncto avunculo Cyri, Dario
nomine, qui cum Cyro Babylonem destru-
xit. *Constituit prælia.* Nam Dario isto de-
jecto, perrexit ad Indiam contra Porum
regem Indorum ; et in via præliatus est
contra alios multos quos superavit. Unde
subjungitur : *et omnium obtinuit muni-
tiones*, hoc est loca munita, videlicet ca-
stra, fortalitia, oppida (inquam) omnium
repugnantium sibi. *Et siluit terra in con-
spectu ejus*, id est, habitantes in terra,
contra eum rebellare aut clamare non præ-
sumpserunt, præsertim postquam Porum
regem Indorum devicit.

Et congregavit virtutem, id est robur
bellicum, *et exercitum fortem nimis.* Nam
primo habuit parvum exercitum, compa-
rative loquendo ; sed ex gentibus quas de-
bellavit, conjunxit sibi auxilios multos
et elegantes, quemadmodum de Holoferne
narratur : De universis urbibus assumpsit
sibi auxilios viros fortes et electos ad
prælium. Et præsertim Persæ et Medi ab
Alexandro devicti, facti sunt ei multum
fideles, sicut et ipse exhibuit eis se ele-
mentem. Et regnum Persarum commisit
avunculo Darii ; duos quoque principes
qui Darium vulneraverunt usque ad mor-
tem, occidit. *Et pertransiit usque ad fines
terræ.* Transivit enim per maximam et
horribilem Indiæ eremum, in qua multa
pericula toleravit, et tandem devenit ad
arbores solis et lunæ, ubi responsum ac-
cepit de sua morte : sicque ad fines terræ
deveniens versus orientem, intravit Ocea-
num remotius quam Hercules ante eum,
et statuit illic columnas ultra columnas ab
Hercule positas. *Et exaltatus est potestate,*
honore atque latissima jurisdictione, *et
elevatum est cor ejus*, per superbiam et
ambitionem ; tamen audita responsione
quod cito moreretur, humiliavit cor suum
in multis. *Et obtinuit regiones gentium et
tyrannos ; et facti sunt illi in tributum,*
hoc est tributarii, hi quos vicit.

Et post hæc decidit in lectum, et cogno-

Judith iii.
8.

vit quia moreretur. Fuit enim infectus a Jolo suo pincerna, cui antea dederat alampam. *Et vocavit pteros suos nobiles,* id est collegas, *qui secum erant nutriti a juventute sua; et divisit illis regnum suum,* id est imperium, non unicum regnum, dum adhuc viveret. Fertur tamen in sua legenda, quod ex conjugē suā filia Darii genuit filium, qui adhuc erat infantulus. Divisit autem regnum suum seu monarchiam in duodecim partes, nolens quod aliquis ei par postea legeretur; sed dispositio illa fuit cassata, quoniam aliis abjectis, non nisi quatuor successerunt eidem, quemadmodum a Daniele fuit prædictum. Denique sumpto veneno in Babylone Ægypti, mox loquelam amisit, et extremam suam voluntatem scripto insinuavit. Jolus autem et frater ejus Cassander, etiam uxorem Alexandri et filium ejus infantulum peremerunt. *Et regnavit Alexander annis duodecim,* ex quibus (ut legitur) imperavit annis sex aut septem in pace; et vixit annis triginta duobus; *et mortuus est.*

Et obtinuerunt pueri ejus, id est sodales præfati, *regnum, unusquisque in loco suo sibi deputato:* quod tamen de quatuor principalibus pueris et successoribus ejus accipitur. *Et imposuerunt sibi omnes diademata post mortem ejus; et multiplicata sunt mala pœnæ et culpæ in terra:* quoniam successores Alexandri contra se invicem acerrime et implacabiliter pugnaverunt, et quidam eorum (sicut infra habetur) vehementissime oppresserunt Israeliticum populum, præsertim reges Syriæ et Ægypti, maxime vero Antiochus Nobilis, de quo subditur.

Et exiit ex illis radix peccati Antiochus Illustris, id est, ex semine regum illorum natus est Antiochus, dictus Illustris, quoniam acer et strenuus fuit in bellis. Et primo præbuit se cunctis benignum ac liberalem, propter quod vocaverunt eum Epiphanem, id est illustrem; qui factus rex, vitiositatem suam, quam diu absconderat, cœpit ostendere; et tam sceleratissimus fuit, ut merito appelletur

A radix peccati, quoniam per se et per subditos suos fecit innumerabilia et crudelissima mala, præsertim in populum Judæorum, imo et in consanguineos suos reges Ægypti; fuitque valde dolosus. *Filius Antiochi regis Syriæ,* qui vocatur Antiochus Major: de quo inter multa recitat Josephus, quod fuit Judæis valde fidelis et pius, sicut et infra secundo tangitur libro; *qui, Antiochus Illustris, fuerat Romæ obses,* id est obstagius. Quum enim pater ejus infestaret Ægyptum, missi sunt duo legati Romanorum, qui compulerunt eum inde recedere, et filium ejus seniores Seleucum, pro majori securitate, obsidem acceperunt. Antiochus vero sciens crudelitatem filii sui Antiochi, rogavit ut illum pro fratre acciperent obsidem: quod et fecerunt, ut Josephus narrat duodecimo libro Antiquitatum. *Et regnavit in anno centesimo tricesimo septimo regni Græcorum:* incipiendo hanc numerationem annorum a monarchia Græcorum, hoc est a regno monarchico quod incipit ab Alexandro; atque in ejus morte fuit monarchia illa finita. Et cito post hoc cœperunt Romani ad monarchiam adspirare: quam et post multa et magna bella obtinuerunt; et major fuit eorum monarchia quam Alexandri, nec adhuc in toto destructa.

In diebus illis exierunt ex Israel filii iniqui, et suaserunt multis, dicentes: Eamus et disponamus testamentum, hoc est fœdus amicitiae et ritum religionis, *cum gentibus quæ circa nos sunt,* id est cum gentilibus idololatriis; *quia ex quo recessimus ab eis per disparem cultum et resistantiam, invenerunt nos multa mala pœnalia,* id est, diversas et duras adversitates et persecutiones sumus perpassi. *Et bonus visus est sermo in oculis eorum:* id est, judicaverunt sic esse, non attendentes quod multæ sint tribulationes justorum, quos Deus exercet et purgat per impios; nec etiam considerantes, quod juxta Prophetarum oracula, tam regnum Juda quam regnum Israel fuerunt destructa, potissime propter idololatriæ ritum, et quod tempore

Dan. viii, 8,
22.

Pr. xxxiii,
20.

Ezech. vi,
xii.

Judic. pas-
sim.

Jer. xiv.
16-18.

Ibid. 20 et
seq.

Ps. xcv, 10.

judicum fuerunt hostibus traditi propter A
deorum culturam. Impii isti fuerunt simi-
les Judæis nequissimis, qui leguntur ad
Jeremiam dixisse : Verbum quod locutus
es ad nos in nomine Domini, non audie-
mus ex te; sed faciemus omne verbum
quod egredietur de ore nostro, ut sacrifi-
cemus reginæ cœli, id est lunæ, sicut fe-
cimus et saturati sumus, malumque non
vidimus. Ex eo autem tempore quo cessa-
vimus reginæ cœli sacrificare, indigemus
omnibus, et gladio et fame consumpti su-
mus. Quorum perfidiam et errorem repro-
bat ibi Jeremias.

*Et destinaverunt aliqui de populo, hoc
est, proposuerunt sic agere, vel miserunt
nuntios, et abierunt quidam ex parte illo-
rum ad regem Antiochum; et dedit illis
potestatem ut facerent justitias gentium,
id est opera idololatriæ, quæ gentiles justa
esse putabant. Et ædificaverunt gymna-
sium in Jerosolymis.* Gymnasium proprie
dicitur locus, in quo homines exercentur
ad luctam corporalem, et cursorum pro-
batur velocitas. Hinc transfertur ad signi-
ficandum scholas, locumque studii, in quo
est exercitatio animi ad opponendum ac
respondendum : et ita hic sumitur pro
schola, in qua docentur statuta et ritus
gentilium. *Et fecerunt sibi, hoc est, in se et
in suis esse permiserunt, præputia, non
circumcidendo filios suos, et ritu præputia-
torum vivebant; atque, ut Josephus scri-
bit, fecerunt circumcisioni suæ quædam
velamina, ne in denudatione viderentur
Græcis dissimiles. Nempe in sacris Priapi
incedebant totaliter nudi, sicut et feminae
in sacris Veneris. Et recesserunt a testa-
mento sancto, id est ab observantia legis
Mosaicæ; et juncti sunt nationibus, id est
gentilibus, quos Judæi quasi parvipenden-
do, propter eorum incredulitatem, com-
muni nomine nationes vocabant. Unde est
illud in Psalmo : Dicite in nationibus, quia
Dominus regnavit. Et venundati sunt, hoc
est, intuitu commodi temporalis se ipsos
tradiderunt, et quasi vendiderunt diabolo
per vitiosum consensum, ut facerent ma-*

lum. Sic tertio libro Regum Elias ait ad
Achab : Venundatus es ut faceres malum III Reg. xxi,
in conspectu Domini. 20.

Denique, sicut in Scholastica fertur hi-
storia : Causa tanti flagitii fuit Onias pon-
tifex, duos habens fratres contententes
pro pontificatu : qui ut placerent Antio-
cho, petierunt ut liceret eis facere gymna-
sium in Jerusalem, et ad idololatriam decli-
nare. Et vocabatur unus eorum Jesus, alter
Joannes. Verum ad placendum impio regi,
imposuerunt sibi gentilia nomina, ita quod
B Jesus vocavit se Jasonem, Joannes Mene-
laum : de quibus infra in secundo libro II Mach. 1,
habetur. 19, v.

*Et paratum est, id est ad obediendum
dispositum, regnum in conspectu Antio-
chi.* Quum enim adhuc Romæ existens,
percepisset patrem suum obisse, et sciret
fratris sui inertiam, clam, vel (ut aliqui di-
cunt) de senatorum consensu, recessit a
Roma, et venit in Syriam, ac mortuo fra-
tre suo, in regem susceptus est. *Et cœpit
regnare in terra Ægypti, ut regnaret su-
per duo regna, videlicet Syriæ, in qua pa-
ter suus regnavit, et Ægypti, quod nepos
ejus habebat.*

Circa hoc scribit quidam : Antiochus,
scilicet Magnus, ad confœderationem ipsius
cum rege Ægypti, dedit filiam suam Cleo-
patram Ptolemæo Epiphani, ex quibus na-
tus fuit Ptolemæus Philometor. Ergo mor-
tuo Ptolemæo Epiphane, Antiochus Illustris
rex Syriæ accepit aliquas civitates regis
Ægypti regno suo propinquas, quasi tutor
nepotis sui adhuc pueri : quas quum duces
D Ægypti repeterent pro puero, et ille nol-
let reddere, motum fuit bellum inter ipsos
et Antiochum, in quo devicti sunt duces
Ægypti, et per consequens Ptolemæus Phi-
lometor cum eis, adhuc juvenis; et spolia-
ta Ægypto, Antiochus venit Jerosolymam,
et fecit ibi mala quæ in textu sequuntur.
Hæc ille. Cujus narratio videtur a veritate
deficere, quia (ut Josephus et alii referunt)
Ptolemæus Philadelphus filiam suam Cleo-
patram dedit uxorem Antiocho regi Syriæ :
quod et Scripturæ concordat canonica,

Dan. xi. 6. quum scriptum sit in Daniele, Filia regis austri veniet ad regem aquilonis facere amicitiam : ubi per regem austri, secundum Hieronymum et ceteros expositores catholicos, intelligitur rex Ægypti, quæ fuit in plaga australi, et sic filia ejus venit ad contrahendum cum Antiocho rege aquilonis, id est Syriæ, quæ fuit versus aquilonem respectu Ægypti.

Itaque Antiochus Illustris ambitione ductus, voluit sibi usurpare regnum Ægypti. *Et intravit Ægyptum in multitudo gravi*, id est cum exercitu copioso ad sustinendum molesta, *cum curribus et elephantis*, quæ sunt animalia magna, super se ligneas turres gestantia, in quibus sunt bellatores desuper præliantes et jacula emittentes, *et equitibus et copiosa navium multitudo* : sicque invasit Ægyptum ex terra et mari, et forsitan bello pugnavit contra quosdam Ægyptiorum ; *et constituit bellum adversus Ptolemæum regem Ægypti*, etc. Post Alexandrum Magnum primus in Ægypto regnavit Ptolemæus Lagi filius, qui Ptolemæus cognominatus est Soter : a quo (ut legitur) posterius ejus vocati sunt Ptolemæi, quod fuit eis nomen commune, præter quod habuerunt propria nomina. Quod vero hic dicitur de Ptolemæo, quidam exponunt de Ptolemæo Philometore : quem tamen alii dicunt victum ab Antiocho Magno.

Et convertit Antiochus iter suum, et ascendit ad Jerosolimam. Et intravit in sanctificationem, id est in templum Dei sanctificantis, et in quo homines sanctificabantur, *cum superbia. Et accepit altare aureum*, id est deauratum forinsecus laminis aureis : et exponitur hoc de altari thymiamatis, super quod incendebatur thymia, eratque in templo, et in exteriori parte ejus, quæ dicitur Sancta ; *et candelabrum luminis*, super quod sitæ erant septem lampades, seu lucernæ aureæ, prout in Exodo jubetur : *et universa vasa ejus*, id est instrumenta, ut forcipes et emunctoria, quæ secundum Hebræi proprietatem sermonis, vasa vocantur ; *et mensam propositionis*, super quam omni sabbato pone-

Exod. xxx. 1 et seq.

Ibid. xxv. 1 et seq.

Abantur duodecim panes calidi, sublatis inde panibus qui præcedenti sabbato super eam positi erant, prout in Exodo tangitur : *et libatoria*, quæ erant vasa, in quibus ponebantur materiæ liquidæ, ex quibus fiebant oblationes ; *et phialas*, id est vascula thymiamatum et unguentorum ; *et mortariola* ; *et velum* in medio templi dependens et dividens inter Sancta et Sancta sanctorum, id est exteriorem interioremque partem templi ; *et coronas insertas* quibusdam utensilibus templi ; *et ornamentum aureum quod in facie templi erat* : per quod quidam intelligunt cortinam aurifrigiatam, circa ingressum templi pendentem ; *et comminuit omnia*, id est, a pristina forma frangendo, ad partes minutas redegit, ad faciendum inde aliqua sibi placentia, suoque usui deservientia.

Denique Ptolemæus Philadelphus, quum ad ejus petitionem Septuaginta interpretes transtulissent vetus Testamentum, misit in templum Jerosolymitanum præter alia aurea vasa, mensam auream gemmis impre-

Ctiabilibus insignitam, cujus crassitudo, id est spissitudo, quum esset dimidii cubiti, materiam tamen superabat artificii opus. An autem et illam mensam acceperit, quæri potest : et constat, quod sic, si reperit eam. Mensa autem propositionis per Moysen fieri jussa, fuit de lignis setim, ut patet in Exodo. Sed tertio Regum legitur Salomon mensam auream fecisse in templo, quæ jam diu fuit ablata. An vero pretiosissima mensa illa a Ptolemæo missa, fuerat deputata ad mensam propositionis, posset in-

Dquiri. Ecce, quid est violentus et impius rex, nisi magnus latro et pessimus fur ?

Et accepit argentum et aurum in templo reposita et oblata, et vasa concupiscibilia, id est pretiosa et pulchra ; *et accepit thesauros occultos quos invenit* per se et per suos satellites : in quo patet insatiabilis cupiditas ejus, quod tam exquisite perscrutatus est abdita loca, quum tamen in nullo offendissent eum Judæi ; *et sublatis omnibus, abiit in terram suam. Et fecit cadem hominum*, id est, multos occidit :

Exod. xxx. 23 et seq.

Ibid. 29, etc.

Ibid. 23.

III Reg. vii. 48.

in quo patet sua crudelitas. *Et factus est planctus magnus in Israel*, id est ab Israelitico populo, praesertim de templi profanatione, *et in omni loco eorum*, id est in civitatibus et villis Judaeorum. *Et ingemuerunt principes et seniores, et juvenes et virgines infirmati sunt et tristitia et dolore, et speciositas mulierum immutata est*, id est, alterata et versa in discolorationem, et pro vestibus pretiosis induerunt lugubres vestes. *Et commota est terra super habitantes in ea*, id est, habitantes in terra obstupuerunt propter tot et tanta mala facta in terra Juda. Ipsa quoque terra intuentibus praebuit materiam commotionis propter mala illata habitatoribus terrae. Sed et terra a suae dispositionis decore est alterata, propter tot calamitates inhabitantium eam.

Et post duos annos dierum. Cur, quum dixisset, Annos, addidit, Dierum? Forsan quia sicut in lege erant hebdomades dierum, hebdomadesque annorum, quarum quaelibet continuit septem annos, ita de annis. *Misit rex principem tributorum*, id est superiorem inter eos qui tributa levabant pro rege, *et venit Jerusalem cum turba magna*. *Et locutus est ad eos*, id est ad habitatores Jerusalem, *verba pacifica in dolo*, dicendo se venisse pro utilitate ipsorum; *et crediderunt ei*. *Et irruit super civitatem repente*, id est, statim quum fuerat intromissus, *et percussit eam plaga, et perdidit*, id est occidit, *populum multum*. *Et succendit eam*, scilicet urbem Jerusalem pro parte, non totam; *et destruxit domos ejus validiores, ex quibus potuissent Judaei resistere hostibus suis, et muros ejus in circuitu*, non dejiciendo muros totaliter, sed faciendo in muris hinc inde interruptiones et aperturas, per quas pateret eis ingressus in urbem dum vellent.

Et aedificaverunt civitatem David, id est arcem illam in sublimitate montis Sion, ubi David aliquando habitavit, *muro magno et firmo in gyro, vel muris fortibus loco parietum, et turribus firmis, ex quibus possent ejicere jacula; et facta est il-*

lis in arcem, id est, pro castro et fortalizio usi sunt ea. *Et posuerunt illic gentem peccatricem; et facti sunt in laqueum magnum*, id est, impii habitantes in arce, usi sunt ipsa arce tanquam laqueo, ad capiendum affligendumque Judaeos in Jerusalem commorantes. *Et factum est hoc ad insidias sanctificationi*, id est templo, ut scilicet ex arce impedirent Judaeos a templi ingressu, quod fuit juxta arcem, ejiciendo jacula super intrantes templum, *et in diabolum malum*, vel, ut aliqui habent, in diabolicum, id est maximum malum, *in Israel*: quia fuit destructivum cultus divini ac boni communis. *Et contaminaverunt sanctificationem*, id est, templum violaverunt.

Et facta est Jerusalem habitatio exterorum, id est extraneorum: ex quo patet quod non fuit tota destructa; *et facta est extera semini suo*, hoc est aliena a propriis civibus inibi natis. *Sanctificatio ejus desolata est sicut solitudo*, id est, templum destitutum est, et privatum suo honore, cultu ac ministrorum frequentia; *dies festi ejus conversi sunt in luctum*, id est, pro gaudiis solennitatum, successerunt lamenta. *Secundum gloriam ejus, multiplicata est ignominia ejus*: id est, quo major fuit apparatus templi in cultu, honore et gaudio temporibus pristinis prosperitatis, etiam Antiochi Magni, ut habetur libro secundo, eo sub impiissimo isto Antiocho major facta ejus inhonoratio.

His objici potest, quia (ut Josephus refert duodecimo libro Antiquitatum, et Magister in historiis) quum Antiochus redisset in Aegyptum, et inde esset repulsus per Romanorum legatos, quibus Aegyptii tunc erant confederati, post biennium rediit in Jerusalem cum furore, et fecit in ea quae jam recitata sunt hic, et alia plura: ergo personaliter venit, nec per principem tributorum commisit haec scelera, praesertim quum infra secundi libri capitulo quinto conscriptum sit, Eodem tempore Antiochus secundam profectionem paravit in Aegyptum. Et sicut in expositione illius

capituli dicunt Rabanus, Glossa et alii A nuntii Antiochi, vel majores Judæorum, expositores. Antiochus ab Ægypto tunc rediens, effrenatis animis venit Jerusalem. Ad istud videtur dicendum, scripturam istam, videlicet hujus primi capituli, non loqui de reditu illo Antiochi in Jerusalem, sed de adventu præacti principis tributorum, missi ab Antiocho paulo post quum recessisset Antiochus a civitate Jerusalem conculcata : de quo adventu præallegato secundi libri capitulo quinto habetur : Misit odiosum principem Apollonium cum exercitu viginti et duobus millibus, præcipiens eis, omnes perfectæ ætatis interficere. Quod autem princeps ille verba pacifica loquebatur in dolo, tangitur ibi his verbis : Qui quum venisset Jerosolymam, pacem simulans, quievit usque ad diem sanctum sabbati.

Et scripsit Antiochus omni regno suo, id est cunctis regionibus sibi subjectis, inter quas fuit tunc terra Judæorum, regibus Syriæ subdita, *ut essent omnes populus unus,* id est unius observantiæ et culturæ seu legis ac ritus. Unitas enim populi, ex unitate legis et observantiæ cærimoniarum perpenditur ; similiter ex unitate capituli seu prælati. Ad quod insinuandum ait Salvator : Fiet unus pastor et unum ovile. Hinc in Genesi Hemor et Sichem dixisse leguntur : Si circumcidamus masculos nostros, ritum gentis sequentes, unus efficiemur populus. *Et reliquerunt unusquisque legem suam,* id est quilibet subditorum Antiochi, qui aliam legem habuit ante, quam ipse. *Et consenserunt omnes gentes,* quæ erant sub ditione Antiochi, ejus edicto : non tamen simpliciter omnes, potissime in Judæa, ut infra habetur. *Et multi ex Israel consenserunt præcepto tyranni illius prætacto, et sacrificaverunt idolis, et coinquinaverunt,* id est, transgressi sunt, *sabbatum,* faciendo in eo servilia opera.

Et misit Antiochus libros, id est epistolas decretales, *in Jerusalem, ut sequerentur leges gentium terræ,* hoc est instituta idolatrarum regni sui, *et prohiberent vel*

holocausta et sacrificia et placationes fieri in templo Dei. Per holocausta intelliguntur oblationes quæ ad divinæ reverentiam majestatis totaliter comburebantur, in signum quod rationalis creatura debeat se omnino sui Creatoris obsequiis mancipare, et ejus amore succendi. Per sacrificia vero, hoc loco intelliguntur oblationes pacificæ atque spontaneæ ; per placationes autem, hostiæ pro peccato, quibus Dominus placabatur. *Et coinquinari sancta et sanctum populum Israel.* Hoc refertur non ad verbum illud, Ut prohiberent, sed ad illud, Misit ut sequerentur, etc. Et coinquinari sancta, id est loca sacra, ut templum et synagogas, sacramentaque legis, et populum Israeliticum ad veri Dei cultum electum, vitiis gentilitatis fœdari. *Et jussit edificari aras,* id est altaria, super quæ sacrificaretur diis et idolis suis, *et templa,* id est fana deorum, *et immolari carnes suillas,* id est porcinas, *et pecora communia,* hoc est immunda et lege prohibita ; *et ut immutarent omnes justificationes Dei,* id est, observantias omnium præceptorum Dei, per quas homo fit justus, omitterent, atque pro eis observantias gentilitatis assumerent.

Et congregati sunt multi de populo Israel ad eos, qui dereliquerant legem Domini, hoc est ad impiissimos illos Judæos, qui ante hanc Antiochi jussionem assumpserunt ritum gentilium, sicut præhabitu est, ut fuerunt Jason et Menelaus cum suis fautoribus ; *et effugaverunt populum Israel,* non acquiescentem eis, *in abditis,* id est ad speluncas, ad quas ex timore fugerunt.

Die quintadecima mensis Casleu, qui correspondet nostro Decembri, quamvis interdum concurrat cum Novembri, sicut antiqui Catholici, Beda, Haymo, Rabanus, Magister in historiis, et alii doctissimi, qui cum Hebræis sæpissime contulerunt, bene scripserunt : quamvis quidam posteriorum, de hoc reprehendere illos frequenter adjecerit. *Ædificavit Antiochus abominan-*

dum idolum desolationis, id est idolum A
 Jovis, sicut secundo libro plenius recita-
 tur : quod fuit causa desolationis fidelium
 Judæorum, et signum desolationis templi.
Et libros legis Dei, videlicet libros Moysis,
 et alios etiam libros veteris Testamenti, ut
 reor, *combusserunt* : sicut Chaldæi ante fe-
 cerunt. *In virtute sua*, id est potestate ty-
 rannica, *faciebant hæc populo Israël*. *Et*
sacriticabant idolo Jovis, super aram quæ

erat contra altare, id est ex opposito alta-
 ris Dei. Sicut enim ædificavit in templo
 idolum illud turpissimum, sic et aram
 ejusdem. *Et suspendebant pueros*, id est
 infantulos circumcisos, *a cervicibus*, id
 est in collis per funes euntes juxta cervi-
 ces. Verumtamen secundo libro leguntur
 duæ mulieres, quæ circumciderant parvu-
 los suos, fuisse præcipitatæ, infantibus ad
 ubera suspensis.

ARTICULUS II

EXPOSITIO CAPITULI SECUNDI : IN DIEBUS ILLIS SURREXIT MATHATHIAS FILIUS JOANNIS.

RECITATA Judæorum tribulatione acer-
 Rima, describitur hic exordium sub-
 ventionis eorum. *In diebus illis surrexit*,
 id est, ad gesta virilia se erexit, *Mathathias*
filius Joannis, filii Simeonis, sacerdos ex
*filiis Joarim** : qui Joarim fuit unus viginti
 quatuor sacerdotum post pontificem prin-
 cipalium, quos primo libro Paralipomenon
 David legitur instituisse. Verumtamen iste
 nominatur ibi alio nomine. Nam et infra
 Joarim iste vocatur Jarib. Surrexit, inquam,
 et abiit a *Jerusalem*, ubi ministravit in
 templo. Sic et Zacharias pater beatissimi
 Joannis Baptistæ dicitur fuisse de vice
 Abia. *Et consedit in monte Modin*, id est
 in oppido situato in loco montuoso, quod
 Modin vocatur. *Et habebat filios quinque*,
 quorum nomina et cognomina ponuntur
 in littera : et sicut virtus consistit in me-
 dio, sic medius inter illos fuit Judas Ma-
 chabæus, virtuosissimus et strenuissimus
 inter fratres suos. *Hi viderunt oculo ex-*
teriori et interiori mala quæ fiebant, etc.
Et dixit Mathathias : Væ mihi, tempo-
 ralis tristitiæ et doloris. Juxta quem mo-
 dum loquitur Michæas : Væ mihi, quia
 factus sum sicut homo qui colligit in au-
 tumno racemos vindemiæ. *Ut quid natus*
sum videre contritionem, id est destructi-

onem et desolationem, *populi mei*, de quo
 natus sum, *et contritionem civitatis sanctæ*
 Jerusalem, quæ fuit specialiter ad Dei cul-
 tum electa, *et sedere illic*, id est, ibi esse
 ad faciendum sacerdotale officium, si es-
 set possibile? Circa hæc verba, Væ mihi,
 ut quid natus sum videre, etc., quidam
 scribit : Quasi diceret, Minus malum mihi
 esset, simpliciter non esse, quam tanta
 populi mala et contemptum cultus divini
 videre. Quod non videtur idonee dictum.
 Nam quamvis minus malum sit, non esse
 simpliciter quam peccare, non tamen mi-
 nus malum est, non esse simpliciter quam
 videre mala quæcumque pœnæ et culpæ,
 præsertim dum videntur cum compassio-
 ne, displicentia, aut mentis renisu, prout
 Mathathias hic ea vidit. *Quum datur in*
manibus inimicorum. Sancta in manu
extraneorum facta sunt, id est, sacra loca
 et vasa templi gentibus tradita sunt ; *tem-*
plum ejus contemptum est, et vilibus usi-
 bus mancipatum, *sicut homo ignobilis. Quæ*
gens non hereditavit regnum ejus? quasi
 dicat : Valde diversæ nationes obtinuerunt
 successive Judæam, videlicet Assyrii, Chal-
 dæi, Syri et gentes eis admixtæ.

Omnis compositio ejus, id est decor seu
 venustas, ablata est. *Quæ erat libera, fa-*

II Mach.
vi, 2.

II Par.
xxxvi, 19.

* alias Jo-
arib

I Par. xiv.

Ibid. 7.

I Mach. xiv,
29.

Luc. i, 5.

Mich. vii, 1.

Thren. i, 1.

cta est ancilla : id est, Synagoga seu gens A Judæorum, quæ consuevit soli Deo esse subjecta, et ab humanæ servitutis oppressionisque jugo immunis, facta est gentilibus serviens sub tributo ac jugo gravissimo. Sic et Jeremias ait in Threnis : Facta est quasi vidua domina gentium ; princeps provinciarum facta est sub tributo. *Et ecce sancta nostra*, id est sacra observantia legis, *et pulchritudo nostra*, id est templi ac plebis venustas, *et claritas nostra*, id est nobilitas veræ libertatis, consistens in solius Dei obsequio, *desolata est, et coinquinaverunt*, id est corruerunt seu inhonoraverunt, *eam gentes*. Quo ergo nobis adhuc vivere ? id est, potius optare debemus, seu tolerabilius nobis esse debet bene mori, quam tot et talia mala conspiciere. Unde quarto libro Regum Dominus ait Josiæ : Colligam te ad patres tuos, ut non videant oculi tui omnia mala quæ inducturus sum super locum istum.

IV Reg. xvii, 20.

Et scidit Mathathias et filii ejus vestimenta sua, sicut moris fuit Judæis, et item quibusdam gentilibus in magnis adversis, in signum mœroris ; *et operuerunt*, id est induerunt, *se ciliciis*, affligendo corpus suum ad impetrandum misericordiam Dei ; *planxeruntque valde ex dolore de calamitatibus tantis*, præsertim de dissipatione divini cultus.

Et venerunt illuc missi a rege, ut cogerent eos qui confugerant in civitatem Modin, immolare diis et accendere thura ad honorem eorum, et a lege Dei discedere, etc. *Et respondit Mathathias, et dixit magna voce : Ego et filii et fratres mei*, id est cognati sive germani, *obedimus legi*, imo et actori datorique legis *patrum nostrorum*, etc.

Et vidit Mathathias Judæum quendam accedentem ad sacrificandum, et doluit de tanto facinore, præsertim quoniam erat scandalizativum omnium adstantium Judæorum ; *et contremuerunt renes ejus*, ex redundantia vehementium affectionum animæ sensitivæque partis in corpus, juxta

Is. xxi, 2, 4.

turbatus sum quum viderem ; emarcuit cor meum. *Et accensus est furor ejus*, id est, ira ejus per zelum inflammata est, *secundum judicium legis*, hoc est, sicut lex dictat, et vera requirit discretio : quoniam ira illa sic regulata, cooperatur ad exsequendum actum justitiæ, secundum Philosophum ; *et insiliens trucidavit eum*, scilicet Judæum illum idolo sacrificantem, *super aram* : quemadmodum Phinees perfodit Zambri Judæum, cum Cozbi Madianitide se commiscentem, prout in Num. xxv, 8.

Num. xxv, 8.

Sed et virum qui cogebat B *immolare idolo, occidit*, tanquam hostem reipublicæ, ac violentatorem ad recedendum a cultu Dei : imo secundum Josephum, Mathathias cum filiis suis, occidit virum illum cum militibus secum missis, qui pauci fuerunt. In Scholastica quoque fertur historia : Surgens Mathathias, trucidavit eum, scilicet præfatum Judæum, et nuntios regis interemit. *Et zelatus est legem*, id est, cum fervore eam dilexit, sicut opere demonstravit : quemadmodum C ait Elias, Zelo zelatus sum pro Domino exercituum. *Et exclamavit : Omnis qui zelum habet legis divinæ datæ per Moysen, statuens testamentum*, id est, firmiter proponens vetus Testamentum servare, *exeat post me. Et fugit ipse et filii ejus in montes*, id est ad loca montana deserti.

III Reg. xix, 10, 14.

Denique, ad intelligendum plene historiam hujus primi libri, oporteret habere recursum ad librum sequentem, videlicet secundum Machabæorum, ubi eadem recitantur pro magna parte quæ hic, et frequenter cum additione. Nam et de isto puncto habetur libro secundo Machabæorum. II Mach. vi.

II Mach. vi.

Et renuntiatum est viris regis, id est ministris ac ducibus Antiochi, qualiter quidam contempsissent præcepta illius, et confugissent ad loca deserti, *et abissent post illos multi fideles Judæi. Et statim perrexerunt ad eos viri Antiochi ; et concitaverunt adversus eos prælium in die sabbati*, scientes quod illa die non repugnarent Judæi. *Et non responderunt Judæi eis*, hoc est ministris regis : vel quia mo-

dicum responderunt, quod reputatur pro A nihilo; vel non responderunt ad ultimo interrogata; aut non responderunt ad vota seu voluntatem quærentium. Aliqua tamen verba responderunt, ut patet in littera. *Nec oppilaverunt*, hoc est non obstruxerunt, *loca occulta*, per quæ hostes poterunt eos accedere, ne tantumdem operando sabbatum violarent.

Dicentes: Moriamur omnes in simplici- tate nostra, id est in simplici fide, qua juxta superficiem litteræ videtur esse illicitum sabbato præliari, quum scriptum sit: Ni- hil operis facietis in eo. Et iterum: Maneat unusquisque apud semetipsum. Verumta- men ista simplicitas fuit partim columbi- na, quia simulatione et duplicitatis caruit plica; et partim, ut apparet, asinina, quia discretione et vera intelligentia præcepti de observantia sabbati, fuit privata. Excusabilis tamen fuit in istis, quoniam (ut videtur) nondum fuit ab Hebræorum do- ctoribus determinatum, quod in sabbato liceret pugnare: imo adhuc tempore Chri- sti inter Judæos conversantis, ipsi Scribæ et Pharisei præceptum de sanctificatione sabbati male intelligebant. Unde et Chri- stum de violatione sabbati frequenter re- prehenderunt, quibus ille convenienter re- spondit. Itaque per præceptum de sabbati celebratione, non prohibebantur necessa- ria ad damna vitanda, ut bovem et asinum solvere, et adaquandum deducere, et mi- nus ea quæ necessaria sunt ad vitæ defen- sionem, ut præliari aut persecutionem fu- gere, sicut Elias a facie Jezabel fugiens, ambulavit quadraginta diebus. *Et testes D erunt super nos cælum et terra*, id est, ci- ves cœlestes et habitantes in terra testa- buntur pro nobis coram summi Judicis tribunali, *quod injuste perditis*, hoc est occiditis, *nos*. Angeli etenim sancti testan- tur pro sibi commissis et justis in Dei ju- dicio; et viri perfecti, per modum assessor- iæ dignitatis, judicabunt cum Christo et ejus approbabunt sententiam. Hinc ait Pro- pheta de Deo: Advocabit cælum desursum et terram discernere populum suum.

Et intulerunt illis bellum sabbatis; et mortui sunt usque ad mille hominum ani- mas, id est mille supposita speciei humanæ: sicque sumitur pars pro toto, quemadmo- dum in Actorum libro, Eramus universæ animæ in navi ducentæ septuaginta sex. *Act. xxvii, 37.* Ex hoc ergo verbo non sequitur, quod ani- mæ hominum sint mortales.

Et dixit vir proximo suo, hoc est, unus Judæorum residuorum fidelium dixit ad alium: *Si non pugnaverimus pro anima- bus nostris*, id est pro defensione vitæ nostræ, *et justificationibus*, hoc est obser- vationibus legis, et pro conservatione cul- tus divini, *citius disperdent nos de terra*, id est, omnes nos trucidabunt, et ita ex erroneo intellectu præcepti de observantia sabbati, sequetur magis inhonoratio Dei et destructio legis, quam conservatio ejus. *Et cogitaverunt in die illa, dicentes: Qui- cumque venerit ad nos*, id est contra nos, *in bello die sabbatorum, pugnemus contra eum*. Hoc determinaverunt ex informatio- ne Mathathiaë, qui fuit peritus in lege, at- que ut Josephus refert, dixit: Si sic legem servaveritis, eritis hostes legis, dantes cau- sam ut pereat populus Dei, et lex cum plebe peribit. Et ex tunc inolevit consue- tudo Judæis pugnandi in sabbato, si bella consurgant in eo.

Tunc congregata est ad eos, puta ad Mathathiam et suos, *synagoga*, id est col- lectio Judæorum, *fortis viribus corporali- bus ac spiritualibus, omnis voluntarius in lege; et omnes qui fugiebant a malis, fa- cti sunt illis ad firmamentum. Et college- runt exercitum*, eligentes sibi Mathathiam in principem, *et percusserunt peccatores*, tam gentiles quos invenerunt, quam Ju- dæos incredulos ad paganismum conver- sos, *in ira sua per zelum; et ceteri qui eorum manus evaserunt increduli, fuge- runt ad nationes. Et circumvit Mathathias et amici ejus urbes et valles Judææ, et de- struxerunt aras idolis fabricatas, et cir- cumciderunt pueros incircumcisos*. In tali etenim casu non oportuit circumeisionem fieri die octavo a nativitate. *Et prospera-*

Exod. xii, 16.
Ibid. xvi, 29.

Matth. xii, 10; Marc. ii, 24; iii, 2; Luc. vi, 2; xiii, 14; xiv, 3; Joann. vii, 22; ix, 16.

III Reg. xix, 8.

Ps. xlix, 4.

tum est opus in manibus eorum, id est, opera bona quæ inceperunt, Deo auxiliante, expeditum habuerunt successum, prosperumque processum; *et obtinuerunt legem de manibus gentium et regum*, id est, observantiam legis Mosaicæ recuperaverunt, repulsa infidelium potestate, qua ad tempus fuit suppeditata; *et non dederunt cornu peccatori*, id est, sceleratissimo Antiocho non exhibuerunt exaltationem, sed magis depressionem suæ potestatis, quia ea abutebatur ad contumeliam Creatoris. Idecirco in talibus non fuit ei obediendum, sed resistendum.

Et appropinquaverunt dies Mathathiae ut moreretur, et dixit filiis suis: Nunc confortata est superbia, id est, Antiochus superbiam suam jam ad tempus potenter per tyrannicam abusionem exsecutus est, *et castigatio*, id est, afflictio nobis per ipsum inducta propter nostra peccata, magna fuit et fortis; *et tempus eversionis*, qua subversa est observantia legis divinæ, roboratum fuit adversus nos. Tempus autem sumit denominationem ab his quæ fiunt in tempore, ut dicatur bonum vel malum, prosperum aut adversum, forte seu debile. *Et ira indignationis*, id est ultio nostræ transgressionis, nobis inducta ex detestatione divinæ justitiæ, qua nostra delicta detestatus est Deus.

Nunc ergo, o filii, æmulatores estote legis, id est, tempore hujus adversitatis tanto ferventius diligite atque defendite legem, quo acrius impugnatur; *et date animas vestras*, id est, vitam vestram periculis mortis constanter exponite, *pro testamento patrum*, id est pro defensione veteris Testamenti patribus nostris dati in monte Sinai, ut in Exodo legitur. Quemadmodum enim quilibet homo pro defensione totius corporis sui exponit manum, seu quodcumque aliud membrum; sic pro defensione boni communis, potissime cultus divini, unusquisque debet se totum exponere. *Et mementote operum patrum*, ut ea sequamini, *et accipietis gloriam magnam*, id est copiosam a Deo mercedem, *et nomen*

æternum, id est famam laudibus plenam in præsentī et in futuro, juxta illud. In memoria æterna erit justus; et alibi, Memoria justi cum laudibus. Unde secundum Josephum, inter cetera dixit: Corpora quidem mortalia sunt; operum vero justorum monumenta, id est commemorationes, immortalitatis ordinem consequuntur. Ideo bona quæ nullo fine claudenda sunt, appetatis; et in quo quis melior fuerit altero, cedentes vobis invicem, propriis ministrate virtutibus.

B *Abraham nonne in tentatione inventus est fidelis?* id est, ex fide et fidelitate paratus Deo obedire in immolatione carissimi filii sui Isaac, ut in Genesi narratur; *et reputatum est ei ad justitiam*, id est, a Deo approbatus est, et justus reputatus pro obedientia illa et voluntate completa. Hinc Jacobus inducit: Abraham pater noster, nonne ex operibus justificatus est, offerens Isaac filium suum super altare? *Joseph in tempore angustiae suæ*, id est captivitatis servitutisque in Ægypto, *custodivit mandatum Dei* de adulterio evitando. Mandata namque Decalogi ad naturalem pertinent legem: quæ sunt de judicio naturalis rationis omnibus insito. Propter quod Joseph dixit ad feminam: Quomodo possum hoc malum facere, et

C *peccare in Deum meum?* ut scriptum est in Genesi. *Et factus est dominus Ægypti*, id est præpositus et princeps sub Pharaone, qui dixit ad Joseph, Uno tantum regni solio te præcedam: ut patet in Genesi.

Phinees pater noster, de cujus semine nos sacerdotes geniti sumus, *zelando zelum Dei*, id est, amando et exercendo zelum Deo placentem pro conservando Dei honore et impietate ulciscenda: ex quo zelo (ut tactum est) perfodit turpiter agentes; *accepit testamentum sacerdotii æterni*, id est pactum seu promissionem, quod sacerdotale officium permaneret ei ac posteris ejus per omne tempus veteris Testamenti, juxta illud Numerorum: Locutus est Dominus ad Moysen: Ecce do ei pacem fœderis mei, et erit tam ei quam semini ejus

Ps. cxi, 7.

Prov. x, 7.

Gen. xxii, 9, 10.

Jacob. ii, 21.

Gen. xxxix, 9.

Ibid. xli, 40.

Num. xxv, 8.

Ibid. x, 12, 13.

Exod. xx.

pactum sacerdotii sempiterni, quia zelatus A est pro Deo suo.

Jesus dum implevit verbum, factus est dux Israel, id est, Josue obediendo in omnibus his quæ sibi Moyses commisit aut jussit, meruit esse et factus est successor Moysis in regimine Israelitici populi, quem-

Numer. xxvii, 18, 20.

admodum scriptum est in Numeris : Dixit Dominus ad Moysen : Tolle Josue, virum in quo est spiritus Dei, et pone manum tuam super eum, et dabis ei partem gloriæ tuæ, ut audiat eum omnis synagoga filiorum Israel. *Caleb dum testificatur in ecclesia*, id est, testando coram multitudine filiorum Israel, bonam et fertilem esse terram promissionis, et filios Israel eam posse faciliter obtinere Deo juvante, *accepit hereditatem*, id est promissionem a Deo, quod hereditatem consequeretur in terra promissa : quod qualiter actum sit et impletum, in Numerorum et Josue libris reci-

Ibid. xiv, 30, 38; Josue xiv, 6 et seq.

tatur. *David in sua misericordia*, id est merito suæ pietatis, quam in multis, præsertim in inimicissimo sibi Saule sæpe monstravit : quia nec tunc voluit, nec permisit eum occidi, quando quærebatur ab ipso Saule ad occidendum. Unde legitur primo Regum libro : Dixit David ad Abisai : Ne interficias eum ; quis enim extendet manum suam in christum Domini, et innocens erit? *Consecutus est sedem regni.*

I Reg. xxvi, 9.

Elias dum zelat, id est, amat et implet, *zelum legis*, id est affectum quem habuit pro legis ac divinæ majestatis honore : ob quam causam restitit Achab regi, et prophetas Baal occidit, quinquagenariosque cælesti igne procuravit comburi ; *receptus est in cælum*, id est, in cælum aerium meruit elevari, atque in curru igneo ad paradisum transferri, prout quarto Regum libro describitur. *Ananias, Azarias, Misael credentes perfecte in Deum, liberati*

III Reg. xviii, 40; IV Reg. i, 10, 12.

IV Reg. ii, 11.

Dan. iii, 21 et seq.

sunt de flamma, hoc est, in medio fornacis ardentissimæ manserunt, et inde exierunt illæsi. Propter quod Nabuchodonosor dixit : Benedictus Deus eorum, qui misit angelum suum, et eruit servos suos, quia crediderunt in eum : prout in Daniele scri-

Ibid. 95.

ptum est. *Daniel in sua simplicitate columbina*, qua in omnibus Deum sinceriter coluit, nec adulantibus, nec comminantibus cessit, *liberatus est de ore leonum*, secundum quod ipse ait in libro suo Dario regi : Deus meus misit angelum, et conclusit ora leonum, et non nocuerunt mihi. Quod miraculum etiam secundo contigit Danieli sub Cyro rege, ut Danielis quarto-decimo est scriptum.

Dan. vi, 22.

Ibid. xiv, 30 et seq.

Et ita cogitate per generationem et generationem, id est, ea quæ acciderunt per generationum successiones et temporum intervalla fidelibus, ad memoriam revocate, prout in libris Moysis, Josue, Judicum, Regum, etc., continetur ; *quia omnes qui sperant in eum*, id est, in Deum confidunt spe formata, *non infirmantur*, id est, non deficiunt corde, sed roborantur in Domino mente et etiam sæpe in corpore. Ideo ait Psalmista : In Domino sperans non infirmabor. Ecclesiasticus quoque asserit : Nullus speravit in Domino, et confusus est. Et rursus hortatur Propheta : Exspecta Dominum, viriliter age, et confortetur cor tuum, et sustine Dominum.

Ps. xxv, 1.

Ecclesi. ii, 11.

Ps. xxvi, 14.

Et a verbis peccatoris, id est ex comminationibus Antiochi, *ne timueritis* timore carnali immoderato : secundum quod Christus ait in Evangelio, Nolite timere eos qui corpus occidunt. Unde et in Isaia habetur : Quis tu ut timeas ab homine mortali, et a filio hominis qui quasi fœnum arescet? Ideo Salomon loquitur : Qui timet hominem, cito corruet. *Quia gloria ejus stercus et vermis est*, id est, gloriatio ejus, inanis decor et apparatus, vilis est, foetida, et cito putrescens. *Hodie extollitur, et cras*, id est cito post hæc, *non invenietur*, quia per mortem erit sublatus : juxta illud in Psalmo, Vidi impium superexaltatum, et transivi, et ecce non erat. *Quia conversus est in terram suam*. Hoc quidam exponunt de corporali Antiochi reversione ad terram Syriæ, ut dictum est capitulo præcedenti. Sed expositio hæc non consonat litteræ præcedenti, pro cujus causa istud inducitur. Ideo sensus est : Quia conversus

Matth. x, 28.

Is. li, 12.

Prov. xxix, 25.

Ps. xxxvi, 35, 36.

est in terram suam, id est, post mortem A protinus resolvetur in terram, de qua secundum corpus formatus est, juxta illud :

Ps. cxlv, 4. Exhibit spiritus ejus, et revertetur in terram suam. Nam et primo parenti Dominus

Gen. iii, 19. dixit : In sudore vultus tui vesceris pane tuo, donec revertaris in terram, de qua sumptus es. Fuit autem hoc ipsum quod ait hic Mathathias, in Antiocho adimpletum, quia post paucos annos exspiravit ex ægritudine molestissima. qua de ejus corpore vermes ebulliebant, tantusque fœtor, quod nullus poterat eum ferre, ut infra B secundo libro narratur. *Et cogitatio ejus periet* *, id est, effectu optato frustrabitur, et damnationem recipiet.

II Mach. ix, 5 et seq.

* alias perit

Vos ergo, filii, confortamini, id est, vos ipsos invicem animate, et sperando in Domino robur accipite, atque pro confortatione corporis et animæ Deum fideliter invocare. Bellatoribus autem specialiter necessaria est fortitudo : quæ est virtus cardinalis, per quam homo viriliter aggreditur ardua, et in periculis mortis constanter se habet ac fortiter præliatur. Hinc C Josue Dominus jussit : Ecce præcipio tibi, confortare et esto robustus valde. *Et viriliter agite in lege*, ita ut eam personaliter impleatis, et a populo vestro observari pro viribus faciatis ; quia in ipsa gloriosi eritis, id est famosi et beati, si eam sic observaveritis.

Josue i, 9.

Et ecce Simon frater vester, scio quod vir consilii est, id est industrius, circumspectus et prudens, ad dandum consilia bona aptus : qui et in dono consilii abundavit ; ipsum audite auribus cordis D et corporis, semper, omni scilicet tempore opportuno, præsertim in bellicis rebus : in quibus prudentia plus valet quam corporalis fortitudo ; imo et fortitudinem, quæ est virtus, prudentia dirigit. Hinc scriptum

Sap. vi, 1.

in libro Sapientiæ : Melior est sapientia quam vires, et vir prudens magis quam fortis. Hoc Ecclesiastes plenius memorat : Eccle. ix, 16, 18. Melior est sapientia fortitudine. *Et ipse erit vobis pater*, id est loco patris, quantum ad consiliarem directionem. Siquidem

ratione eminentiæ in sapientia, aliquis non immerito pater vocatur. *Et Judas Machabæus fortis viribus a juventute*, id est ab exordio juventutis suæ, in qua adhuc est : imo nec ad senectutem pervenit, ut infra I Mach. ix, 18. patebit ; *sit vobis princeps militiæ* : quoniam aptus est stare in acie, et propriis factis alios animare ; *et ipse aget bellum populi*, id est, principalis erit in præliis vestræ communitalis.

Et adducetis ad vos omnes factores legis, id est, Judæos qui permanserunt in observantia legis, colligite et vobis associare. Nam et hi qui bene se habent in divinis, sunt melioris fiduciæ, secundum Philosophum, et magis adjuvari merentur a Domino. Propter quod secundo Paralipomenon libro Propheta ait Amasiæ regi Juda : O rex, ne egrediatur tecum exercitus Israel ; non enim est Dominus cum Israel. *Et vindicate vindictam populi vestri*, id est, vindicando exercete zelo justitiæ debitam ultionem in adversarios vestros pro crudelitatibus et sceleribus quæ commiserunt in populum vestrum, magis autem in Deum. *Retribuite retributionem*, id est justam vindictam, gentibus vos impugnantibus.

II Par. xxv, 7.

Et benedixit eos, id est, filiis suis imprecatus est bona, commendavitque eos Deo ; *et appositus est ad patres suos*, id est defunctus, et quantum ad animam suam, adjunctus patribus suis in limbo ac Abrahæ sinu, saltem post purgatorii pœnas, si quid purgandum detulit secum. *Et mortuus est centesimo et quadragesimo sexto anno*, non vitæ suæ, quia non vixit tam diu, sed regni Græcorum. Unde elicitur, quod uno tantummodo anno præfuit populo in ducatu prædicto. Antiochus enim I Mach. i, 21. intravit Jerusalem anno centesimo et quadragesimo tertio : deinde post duos annos misit principem tributorum, qui vastavit Jerusalem, ut patuit. Tuncque surrexit, et se erexit Mathathias cum suis contra Antiochum ; et obiit anno centesimo et quadragesimo sexto.

I Mach. i, 21. Ibid. 30.

Ex isto capitulo multipliciter informamur : principaliterque instituimur, quam

Moralitas.

cordialiter et amarissime debeamus rui-
nam Ecclesiæ deplorare, et pro ejus refor-
matione per orationes, lacrimas, abstin-
tias, humiliationes et corporum nostrorum
afflictiones jugiter laborare; qualiter etiam
principes christiani et cuncti fideles ad
hoc idonei, debeant adversariis fidei infa-
tigabiliter repugnare, et esse parati ad
mortem pro defensione christianæ religio-
nis ac boni communis, atque pro viribus
suis consilio et auxilio reformare collapsa.

A Insuper instruuntur prælati ac præsiden-
tes, ut morti appropinquant, solliciti sint
de fructuoso regimine subditorum suorum
post suam decessionem, et maxime ut vir-
tuosi, discreti, condigni ad præsidentiam
provehantur. Postremo docemur hic san-
ctorum patrum virtutes et exempla per-
pendere ac sectari, sicque confortari et spe-
rare semper in Domino, et inordinatum
timorem abjicere, et usque ad mortem ze-
lari pro Dei honore ac communi salute.

ARTICULUS III

ELUCIDATIO CAPITULI TERTII : ET SURREXIT JUDAS QUI VOCABATUR MACHABÆUS.

R ECITATUR hic, qualiter filii Matha-
thiæ exsecuti sint inelyti patris sui
præcepta in bellis; et excellentia Judæ
Machabæi hic declaratur. *Et surrexit*, id
est, ad actus strenuos se erexit, *Judas*; et
adjuvabant eum fratres sui, ac ceteri *qui*
se conjunxerant patri ejus, et præliaban-
tur prælium Israel cum lætitia, id est,
alacriter et jucunde exercuerunt prælia
pro communi bono Israeliticæ plebis. Ex-
ercuerunt enim prælia ex virtute multipli-
ci, videlicet ex caritate Dei et proximo-
rum, ex zelo justitiæ, ex fortitudine quæ
est virtus cardinalis, atque ex latria quæ
Deo cultum et cærimoniam exhibet. Si-
gnum autem virtutis est delectatio acti-
oni annexa. Ideo quod Aristoteles quærit
in Ethicis, an fortitudo habeat delectatio-
nem in actibus suis, ex isto habet respon-
sionem.

Et dilatavit gloriam populo suo, id est,
famam et jucunditatem auxit undique Is-
raeliticæ plebi; et *induit se lorica* sicut
gigas: imo veraciter gigas fuit, non cor-
poris mole, sed operum strenuitate; et
succinxit se arma bellica sua in præliis,
et *protegebat castra*, id est turbas Israel,
gladio suo. *Similis factus est leoni in ope-*

B ribus suis: quia sicut leo est fortissimus Prov. xix, 30.
bestiarum, ad nullius pavens occursum,
sic ipse fuit pro tunc fortissimus virorum,
nullum metuens inimicorum; et sicut *ca-*
tulus leonis rugiens in venatione. Nam
sicut catulo leonis, seu leone bestiam in-
sequente ut devoret eam, rugiente, bestia
præ timore figit gradum. sic adversarii
audito nomine hujus Judæ perterrebantur.
Ideo subditur: *Et persecutus est iniquos*,
et omnes *succendit flammis, et repulsi*
sunt, id est, fugerunt præ timore, *inimici*
ejus; et *directa est salus in manu ejus*, id
est, liberatio et prosperitas Israeliticæ ple-
bis expedite a Deo concessa et peracta est
per fortitudinem et obsequium Judæ: qui
fuit instrumentum et minister Omnipoten-
tis, qui per ipsum Judam decrevit sic
populo suo succurrere. *Et exacerbabat*, id
est, ad amaritudinem provocabat, *reges*
multos: quorum populos ac subditos ex-
pugnavit, videlicet Idumæos, Ammonitas,
Moabitas, Philistæos, Syros ac alios, ut in-
fra habetur; et in sæculum memoria ejus
in benedictione, id est cum laude et im-
precatione boni, quia qui audiunt gesta
ipsius, dicunt: Benedicatur seu benedictus
sit a Domino.

1 Mach. v.

Et perambularit civitates Juda, et perdidit impios ex eis, et avertit iram ab Israel, id est, Israeliticum populum liberavit a tribulationibus, quas diu sustinuit ab infidelibus ex ira illorum contra ipsum, vel ex ira Dei propter vitia populi, quem reduxit ad Dei devotum obsequium. *Et nominatus est usque ad novissimum terræ*, id est undique valde longe ac late, ut sit hyperbolica locutio : et potuit esse quod usque ad quosdam fines terræ habitabilis devenerit fama ejus, sicut et fama Hereulis ; *et congregavit pereuntes*, id est Judæos qui a gentilibus opprimebantur, et per timorem atque supplicia ad gentilitatis facinora trahebantur.

Et congregavit Apollonius gentes. Apollonius iste fuit unus de principibus Antiochi, duxque Samariæ : ad quod insinuandum subjungitur, *et a Samaria virtutem multam et fortem*, id est copiosum et robustum exercitum. *Et cognovit Judas ex revelatione quorundam, forsitan Israelitarum in Samaria commemorantium, vel exploratorum suorum ; et exiit obviam illi, antequam introiret Judæam, et occidit eum. Et gladium Apollonii abstulit ab occiso : quem exiit armis, secundum Josephum, sicut David ense Goliath ; et erat pugnans in eo*, id est cum gladio illo, omnibus diebus, quibus pugnavit : quo constat quod fuit gladius valde valens.

Consequenter describitur aliud bellum. *Et audivit Seron princeps exercitus Syriæ inferioris, quod congregavit Judas congregationem fidelium, et ecclesiam secum, et ait : Faciam mihi nomen*, id est celebrem famam, *et glorificabor in regno toto Antiochi, et debellabo Judam*. Ecce ambitio magna et præsumptio stulta : ideo Deus qui resistit superbis, prostravit impium illum per electum pugilem suum Judam. *Et præparavit se ; et ascenderunt cum eo*, id est cum Seron, *castra*, id est turbæ armatæ, *impiorum* : inter quos (ut fertur) fuerunt multi transgressores perfidique Judæi a Juda expulsi. *Et exiit Judas obviam illis cum paucis*, Deo sic

A disponente, ut victoria Judæ gloriosior fieret, et a Deo concessa evidenter agnosceretur. *Ut viderunt autem pauci qui erant cum Juda, exercitum adversariorum venientem obviam eis*, esse magnum et fortem, *dixerunt Judæ ex humano timore : Quomodo poterimus pauci pugnare ad*, id est contra, *multitudinem tantam tam fortem ?*

Et ait Judas : Facile est concludi, id est comprehendere et vinci, *multos in manu*, id est per manum et operationem seu potestatem, *paucorum* : et hoc, Deo auxiliante, sicut subjungitur. *Et non est differentia in conspectu Dei liberare in multis et in paucis*, id est, Deo omnipotenti æque facile est adversarios expugnare per paucos ab ipso adjutos, et per multos tales ; *quia non in multitudine exercitus victoria belli consistit tantum aut principaliter* : quia divinæ providentiæ cuncta subduntur, et Deus secundum censuram sapientiæ atque justitiæ suæ, largitur nunc isti, nunc illi victoriam, et frequenter ex occultissimis

C causis seu meritis, et ipse ad libitum suum corda bellantium immutat, confortat, debilitat, confundit, obstupefacit, afficit, ordinat, exhilarat et contristat. Hinc primo Regum libro bonus et magnanimus ille Jonathas ait : Non est Domino difficile salvare in multis vel in paucis. Secundo quoque Paralipomenon libro Asa rex loquitur Deo : Domine, non est apud te ulla distantia, utrum in paucis auxiliieris, an in pluribus. Et nisi ista pensentur, quasi incredibiles essent multæ historiæ Scripturarum de vario et inopinato eventu bellorum. Si autem hæc perpendantur, absque dubitatione creduntur. Hinc subditur : *sed de caelo fortitudo est*, id est, potestatem prævalendi atque victoriam Deus qui in cælo esse et habitare asseritur, præstat, juxta illud Proverbiorum : Equus paratur ad diem belli, Dominus autem salutem tribuet. *Ipsi veniunt ad nos in multitudine contumaci*, quia de viribus suis præsumunt, nosque despiciunt. *Nos autem pugnabimus pro animabus nostris et legibus*

1 Reg. xvii, 51.

1 Reg. xiv, 6.

II Par. xiv, 11.

Jacob. iv, 6.

Prov. xxi, 31.

nostris, id est pro defensione vitæ nostræ, ac legum seu institutionum nostrarum. Lex etenim Moysis, fuit lex una aggregative continens plures leges, id est jussiones particulares. Unde per Moysen Dominus dixit : Leges meas custodite. *Et Dominus conteret*, id est dejiciet, eos. Hoc fuit verbum bonæ spei, imo ex divina inspiratione prolatum. *Vos autem ne timueritis eos*.

Lev. XVIII,
5; XIX, 12.

Ut cessavit autem loqui, insiluit in eos subito, ex impulsu divino : sicut in libro Judicum de ipsis virtuosis iudicibus sæpius legitur, quod irruit in eos, seu factus est in eis Spiritus Domini, sicque fecerunt hoc aut illud. *Et contritus*, id est destructus, dissipatus, victus, est Seron et exercitus ejus, et ceciderunt ex eis octingenti viri. Refert Josephus, quod Judas occidit ipsum Seron ducem Syrorum et octo milia. *Et de præliis Judæ narrabant omnes gentes*, id est quædam de omnibus, vel omnes in circuitu Judææ morantes.

Judic. XI,
29; XIV, 6,
10; XV, 14.

Ut audivit autem Antiochus rex sermones istos, iratus est animo, quod Judæi, quos pro nihilo reputavit, et sine resistentia ad libitum tribulavit, ita prævaluerunt principibus et exercitibus suis ; *et congregavit exercitum universi regni sui*, volens Judæos funditus extirpare ; *et aperuit ærarium suum*, id est locum thesauri. *Et vidit quod defecit pecunia de thesauris suis*, id est in repositoriis thesaurorum, vel pecunia sumpta de thesauris suis, *et tributa regionis modica*, id est, quod regiones sibi subjectæ solverent sibi parva tributa : quoniam oderant eum, et paulatim rebellabant, eo quod abstulit eis leges eorum, et cultum deorum suorum. Unde subjungitur : *propter dissensionem et plagam quam fecit in terra, ut tolleretur legitima quæ erant a primis diebus*, id est ab antiquo, quo diversæ gentes deos suos colere inceperunt. *Et timuit ne non haberet sicut semel et bis, in sumptus*, id est, ne non haberet facultatem dandi exercitui sufficientia stipendia pro expensis, sicut antea sæpius dedit.

Et consternatus, id est deficiens et dejectus, animo erat valde, et cogitavit ire in Persidem ad colligendum ibi tributa regionum sibi tributariarum. Erat enim terra plurimum opulenta, præsertim in argento et auro, sicut ex libris Esther et Esdræ colligitur. *Et reliquit Lysiam hominem nobilem de genere regali*, qui infra vocatur cognatus regis, videlicet filii hujus Antiochi : ex quo elicitur, quod fuit cognatus Antiochi hujus aut suæ uxoris ; *super negotia regia*, ut esset quasi vicarius regis in regimine regni et negotiorum ad regem spectantium. *Et exiit Antiochus ab Antiochia civitate regni sui*, tunc metropolitana, videlicet Syriæ : cujus ante metropolis fuit Damascus, juxta illud Isaïæ, Caput Syriæ Damascus. Denique, urbs illa tempore Antiochi et ante vocabatur Emath, sicque vocatur in Zacharia propheta : quam Antiochus reparans, a nomine suo Antiochiam appellavit ; quæ antea vocabatur et Reblatha, ut quarto Regum libro, quo legitur quod Chaldæi adduxerunt Sedeciam regem ad regem Babylonis in Reblatha. Anno centesimo quadragésimo septimo regni Græcorum, etc., sicut expositum est, hoc est undecimo anno regni Antiochi : qui (ut supra habetur) cœpit regnare anno centesimo tricesimo septimo regni Græcorum monarchici, secundum sensum præhabitu.

II Mach.
XI, 35.

Is. VII, 8.

Zach. IX, 2.

IV Reg. XXV,
6.

I Mach. I,
11.

Et vidit Judas et fratres ejus, quod multiplicata sunt mala, id est adversa atque pericula eis imminencia, scilicet quod exercitus adversariorum a Lysia missus, copiosus, robustus, et expertissimos duces in rebus bellicis habens, quorum unus fuit Gorgias, qui libro secundo dicitur in talibus fuisse expertissimus, appropinquaret ad eos, sicut subjungitur : *et exercitus Syrorum applicabat ad fines eorum. Et cognoverunt Judas et sui verba regis Antiochi, quæ mandavit populo nostro videlicet facere in interitum et consummationem*, id est Judæos omnes occidere, et prorsus de terra auferre : sicque quod dicitur, Populo, posset referri ad verba ista sequentia, quod

II Mach.
VIII, 9.

scilicet jussit populo Judæorum inferri interitum et eradicationem finalem. *Et dixerunt unusquisque Judæorum cum Juda existentium, ad proximum suum, animando se invicem: Erigamus dejectionem populi nostri*, id est, ruinam et oppressionem plebis nostræ recuperemus, resistendo adversariis, quatenus plebs nostra dudum dejecta et hostibus subdita, jam eis prævaleat, *et pugnemus pro populo nostro et pro sanctis nostris*, id est pro conservatione legumstrarum et sacrorum locorum ac solennitatum. *Et congregatus est conventus Judæorum ad Judam ex diversis urbibus Judææ, ut essent parati ad prælium*, imo ad omnia necessaria et accommoda ad victoriam obtinendam, et quæ Judas eis præciperet, *et ut orarent, et peterent misericordiam*, id est pietatem gratiæ Dei, *et miserationes*, id est multiplices divinæ pietatis effectus contra diversas miseras eis inexistentes aut imminentes.

Et Jerusalem non habitabatur, sed erat sicut desertum; et sanctum, id est locus templi seu ipsum templum, *conculcabatur a pessimis et crudelissimis gentilibus prope templum morantibus, et circa templum seu per illud discurrentibus*. De quibus subjungitur: *et filii alienigenarum erant in arce; et ablata est voluptas a Jacob*, id est, a Judæis ex Jacob natis ablata est multiplex lætitia, quam consuebant habere in solennitatibus, in quibus confluebant ad templum, præcipue ter in anno, atque in sacrificiis quæ fiebant in templo; *et defecit ibi tibia et cithara*, id est musica instrumenta, quibus in officiis Dei ex devotione utebantur: imo cum instrumentis talibus et melodiis eorum solebant venire ad templum seu sacrificii locum, prout

I Reg. x, 5.

Et venerunt in Maspha, id est oppidum Judææ sic nuncupatum, *contra Jerusalem*, id est ex opposito: quatenus ab illo loco dirigerent facies suas versus templum in sua oratione, prout tertio libro Regum agendum esse innuitur ab his, qui ad templum venire non poterant; quemadmo-

Adum etiam Daniel se fecisse testatur, quum esset cum Dario rege; *quia locus orationis erat in Maspha ante in Israel*, id est, filii Israel, templo nondum constructo, solebant convenire in Maspha ad orandum. Scriptum est enim primo libro Regum: Dixit Samuel, Congregate universum Israel in Maspha, ut orem pro vobis Dominum. In Judicum quoque libro: Locutus est Jephthe omnes sermones suos coram Domino in Maspha. *Et jejunaverunt illa die, ad impetrandum misericordiam et miserationes*. Ob quam causam fecerunt et ea quæ sequuntur: *et induerunt se ciliciis, et cinerem posuerunt in capite suo*, id est, capitibus suis superspaserunt, humiliando se valde, in signum mœroris, sicut de amicis suis Job loquitur: Sparserunt pulverem super caput suum in cœlum. *Et destituerunt * vestimenta sua*, id est, in signum desolationis abjecerunt vestes valoris et alicujus jucunditatis, indueruntque lugubres vestes. Aliqui tamen exponunt, Destituerunt, id est, sciderunt.

Dan. vi, 10.

I Reg. vii, 5.

Judic. xi, 11.

Job ii, 12.

* alias disciderunt, vel, dissuerunt

C *Et expanderunt libros legis*: forsitan ad legendum aliqua capitula ex eis pro populo confortando; vel, ut aliqui dicunt, in signum quod parati erant se morti exponere pro lege tuenda; sive ut Deus dignaretur attendere et implere promissiones, quas in Deuteronomio repromisit zelatoribus et observatoribus legis, quod scilicet daret eis victoriam contra æmulos legis. *De quibus libris scrutabantur gentes similitudinem simulacrorum suorum*, id est, gentiles inquirebant comprobare cul-

Deut. xxxiii, 7.

D *turam idolorum suorum, quia ex libris legis probabant in tabernaculo Moysis ex præcepto Dei fuisse similitudines sive imagines Cherubim, juxta illud Exodi: Duos Cherubim aureos et productiles facies ex utraque parte oraculi*. Hæc autem probatio fuit inefficax, quia imagines non erant positæ ibi ut adorarentur vel colerentur, neque ut res quas repræsentabant, videlicet angelici spiritus, colerentur ut dii, sed ad designandum quod mentes illæ angelicæ jugiter Creatori adsistant ad obsequen-

Exod. xxv, 18.

dum. Gentiles autem ista scrutantes ex lege, fuerunt eruditi, et forsan philosophi, cognoscentes esse unum summum Deum, et nihilo minus deos suos colentes. Imo quidam philosophi, ut Porphyrius, concesserunt legem Moysis esse datam a Deo, nec idololatriam esse in lege prohibitam nisi Hebræis, dicentes quod Deus altissimus voluit solus coli ab illis, non tamen voluit deos non adorari ab aliis gentibus : ad quod allegabant illud Exodi, Diis non detrahes : et illud. Si dixerit servus, Diligo dominum meum, offeret eum dominus diis. Contra quam stultam opinionem arguit Augustinus in libro de Civitate Dei.

Et attulerunt ornamenta sacerdotalia, ad ostendendum quod libenter eis uterentur in templo Dei, si possent, et extra, si liceret, *et primitias et decimas,* quæ solebant in templo offerri ; *et suscitaverunt,* id est, ad invocandum Deum induxerunt, *Nazaræos,* videlicet quosdam specialiter Deo consecratos, *qui impleverant dies voti sui,* quo voverant se Deo vacaturos ad certum tempus : quo expleto, debebant sacrificia quædam offerre Deo, prout in Numeris scribitur. Aliqui vero erant nazaræi per totum tempus vitæ suæ, ut Samson et Samuel. Unde in Judicum libro loquitur Samson : *Nazaræus,* id est, consecratus Domino sum de utero matris meæ. Idem patet de Samuele primo Regum libro. *Et clamaverunt voce magna in cælum,* id est ad Deum cæli : cui magnitudo vocalis clamoris accepta non est, nisi in quantum procedit ex magnitudine devotionis et piæ affectionis : *Quid faciemus istis, et quos ducemus?* quasi dicant : Dolemus quod non possumus uti ornamentis sacerdotalibus aliisque prædictis, in templo, nec illuc ducere Nazaræos. Idcirco tu, Domine, subveni. *Et sancta tua conculcata sunt et contaminata,* id est, sacra templi loca ingressi sunt perfidi, et contaminaverunt ea vitiis gulæ atque luxuriæ ac idololatriis : prout secundo libro clarius continetur. *Et*

sacerdotes tui facti sunt in luctum et in humilitatem, id est, propter tam abominabilia scelera ploraverunt et humiliaverunt se et sunt despecti. *Quomodo poterimus subsistere ante faciem eorum, nisi tu, Deus, adjuves nos?* *Et tubis exclamaverunt,* id est, buccinis sacerdotalibus cecinerunt ad impetrandum auxilium Dei, sicut in Josue fecisse leguntur.

Et post hæc constituit Judas duces populi, id est, exercitum suum ordinate distinxit, et quosdam quibusdam juxta legem præfecit, videlicet *tribunos, et centuriones, et pentacontarchos, et decuriones.* Porro tribunus præfuit bellatoribus mille ; centurio, centum ; pentacontarchus, id est quinquagenarius, præfuit quinquaginta ; decurio, decem. De quibus in Exodo legitur : *Constituë tribunos, et centuriones, et quinquagenarios, et decanos.* *Et dixit Judas his qui ædificabant domos, et sponsabant uxores, et plantabant vineas, et formidolosis, ut redirent unusquisque in domum suam secundum legem.* Nam in Deuteronomii volumine jussum fuit, ut tales redirent ab exercitu ad propria loca, qui de novo erexerant sibi domum aut vineam, aut sponsam acceperant, seu pavidi cordis erant, ne desiderio novæ rei et timore separandi ab ea, vel ex formidine mortis fierent ad bella inepti, aliosque redderent pavidos.

Et moverunt Judas et sui, et etiam hostes, castra, id est turmas suas. *Et ait Judas bellatoribus suis : Accingimini,* id est, armis accingite vos, *et estote filii potentes,* id est fortes corde et corpore, confidentes in Deo ; *quoniam melius,* id est commendabilius, magisque meritorium, *est nobis mori in bello justo ex parte nostri,* quod inimus ex caritate et zelo justitiæ pro divini cultus et boni communis defensione : quod æquipollet martyrio ; *quam videre mala gentis nostræ et sanctorum,* id est adversitates, mortes et profanationes populi nostri et sacrorum locorum. *Sicut autem fuerit voluntas in cælo, sic fiat.*

Exod. xxi.
28.
Ibid. xxi.
5, 6.

Nom. vi.
13-17.

Judic. xvi.
17.

1 Reg. i. 11.
28.

II Machab.
15, 16 et xvi. 2.
5.

Josue vi.
passim.

Exod. xxi.
21.

Deut. xx.
5-8.

ARTICULUS IV

EXPLANATIO CAPITULI QUARTI : ET ASSUMPSIT GORGAS QUINQUE MILLIA VIRORUM.

I Mach. iii.
44 et seq.

EXSECUTIO belli, de cujus apparatu A dictum est in præcedentibus, describitur hic. *Et assumpsit Gorgias quinque millia virorum et mille equites electos*, ut in ipsa nocte improvise superveniret exercitui Judæ, et occideret eum. Erat enim Gorgias in hujuscemodi bellorum cautelis, insidiis et circumventionibus plurimum tritus. *Et filii qui erant in arce*, id est quidam gentiles in arce morantes, *erant illis duces*, id est, itinera aptiora ostenderunt Gorgiæ ac suis. *Et audivit Judas machinationem Gorgiæ* : quæ fuit sibi per aliquem revelata, Deo sic ordinante ; *et surrexit ipse Judas, et potentes*, id est fortes viri qui secum erant, *percutere virtutem exercituum regis*, id est ad interficiendum improvise totum reliquum agmen Antiochi missum a Lysia : ut sic ars arte illuderetur, et industria justî fraudem impij superaret. *Adhuc enim dispersus erat exercitus Gorgiæ a castris*, id est ab exercitu illo magno a Lysia misso : ad quem exercitum nondum reversus fuit Gorgias cum suis.

Et venit Gorgias in castra, id est loca castrorum seu tentoria, *Judæ nocte, et neminem invenit* ; *et quærebant eos in montibus*. In libro isto specialem difficultatem intelligendi textum, inducit frequens variatio nominum et verborum, quoad numerum, seu de numero singulari ad pluralem, et econverso, atque relatio ad diversam, et introductio appositivorum tertie personæ sine expressione suppositivorum. Ideo ad intelligentiam litteræ necessarium est, circumstantiam ejus et præcedentia ac sequentia intueri. Sic et nunc, quum singulariter dictum est, *Venit Gorgias et neminem invenit*, pluraliter additur, *Et quæ-*

rebant eos in montibus. Sensus est, quod Gorgias et sui quærebant Judam atque exercitum ejus in montibus, ad quos putavit Gorgias Judam et suos ex timore fugisse. Ideo subditur, *quoniam dixit ipse Gorgias : Fugiant hi a nobis*.

Et quum dies factus esset, apparuit Judas in campo cum tribus millibus virorum tantum, qui tegumenta et gladios non habebant : et hoc propter paupertatem, ut Josephus et Magister in historiis dicunt. Aliis nonnullis videtur hoc stare non posse, quia capitulo præcedenti narrantur Judas et sui in duobus præliis prævaluisse, et spolia occisorum tulisse. Ideo dicunt correctum textum hunc esse : Quoniam tegumenta et gladios non habebant. Ac si dicatur : Ideo non fuerunt cum Juda, nisi tria millia, quia non habuerunt arma et enses pro pluribus. Quamvis autem hoc dictum apparentiam habeat, securius tamen videtur sequi primam expositionem, quia et libri correcti communiter habent, *qui non* : quia et Josephus ita refert, qui tamen scribit octo millia fuisse occisa de exercitu Seron, ut patuit in expositione præcedentis capituli. Itaque dici potest, quod tria millia ista non habuerunt tegumenta et gladios ad sufficientiam : sicut aliquis dicitur nudus, quia male seu parum vestitus. Denique primo Regum volumine legitur : Quumque venisset dies prælii, non est inventus ensis et lancea in manu totius populi qui erat cum Saul et Jonatha, excepto Saul et Jonatha filio ejus ; et tamen ante prælium illud Saul cum suis expugnaverat Ammonitas, ut legitur primo Regum. Estque probabile quod eorum spolia abstulit, inter quæ erant et arma.

I Reg. xiii,
22.

Ibid. xi, 44.

Et viderunt hi qui erant cum Juda, castra gentium valida, et loricatedos esse pedites adversariorum, et equitatus, id est equestres, in circuitu eorum, pro defensione et subsidio peditum; et hi, puta equestres, erant docti ad prælium. Judæi autem non erant exercitati in bellicis rebus, nisi forsitan quidam eorum ad aliquantulum tempus. *Et ait Judas viris qui secum erant: Ne timueritis multitudinem eorum. Mementote quomodo salvi facti*

Exod. xiv, 21-31.

sunt, id est a morte et occisione. *Egyptiorum erepti, patres nostri in mari Rubro, id est in siccato fundo maris illius.* Tanquam dicat: Non propria et humana, sed divina virtute prævalere confidite. *Et nunc clamemus in cælum, id est ad Deum cæli, tam fervide, ut oratio nostra ad ipsum pertingat: qui tamen vere ubique est.* Juxta quod in Ecclesiastico dicitur: *Oratio justi penetrat cælos. Et miserabitur nostri Dominus, et memor erit testamenti patrum nostrorum, id est pacti quod iniit et percussit cum eis, dicens, quod pugnares in ipso confidentes juvaret.* Itaque Judas implevit illud Deuteronomii: Si exieris ad bellum, et videris equitatum et currus, et majorem quam tu habes, adversarii exercitus multitudinem, non timebis eos. Appropinquante autem prælio, stabit sacerdos ante faciem exercitus, dicens: Audi, Israel: vos hodie contra inimicos vestros pugnam committitis; nolite metuere, nolite cedere, quia Dominus in medio vestri est, et pro vobis dimicabit.

Eccli. xxxv. 21.

Deut. xx, 1-4.

Et levaverunt alienigenæ, id est exercitus Lysiæ, oculos suos, et viderunt eos, scilicet Judam et suos, venientes ex adverso. Et tuba cecinerunt qui fuerant cum Juda, in signum audaciæ et confidentiæ magnæ in Deo. Nempe, secundum Josephum, Judas inter cetera dixit ad suos: Etiam nudis corporibus pugnare debemus et Deum invocare, qui sæpius nos inermes contra plures et armatos victoriam fecit acquirere. Et persecutus est Judas alienigenas fugientes. *Et apparuit pars quædam prospiciens de monte, id est pars ex-*

ercitus quem Gorgias assumpsit ut Judam expugnaret: cujus exercitus pars prospexit in campum de monte, in quo Gorgias quæsierat Judam. Et vidit Gorgias quod in fugam conversi sunt sui, id est exercitus ille missus a Lysia: de quo exercitu Gorgias millia sua accepit; et succensa sunt castra, id est tentoria seu tabernacula suorum, quæ Judas succendit illis fugatis. Quibus illi, puta Gorgias et ejus exercitus, conspectis, timuerunt valde. Et fugerunt omnes in campo alienigenarum.

Et acceperunt Judas et ejus exercitus, aurum multum et argentum et hyacinthum et purpuram marinam et opes magnas: quæ omnia a fugientibus erant relicta in campo. Hyacinthus autem interdum pro flore, quandoque pro gemma, aliquando pro genere panni accipitur. Has autem divitias pro parte attulerunt mercatores, qui venerunt ad emendum Judæos in servos, quos præsupposuerunt vincendos. *Et conversi Judas et sui a collectione spoliolum, hymnum canebant, Deo gratias referendo, et ei, non suis viribus victoriam adscribendo, neque inaniter gloriando: ideo meruerunt majorem sortiri triumphum, sicut in textu consequenter describitur: quia et ipsum Lysiam personaliter contra eos venientem cum sexaginta millibus peditum et quinque millibus equitum superaverunt; nec est difficultas in littera. Et benedicebant Deum in cælum, erigendo corda sua cum manibus et vultu ad cælos, juxta illud Threnorum: Levemus corda nostra cum manibus ad Dominum*

Thren. iii, 41.

in cælos. *Et viderunt, Judas et sui, exercitum fortem Lysiæ, ut tactum est; et oravit Judas: Benedictus es, Salvator Israel, id est liberator et adjutor, imo et beatificator Israeliticæ plebis in te sperantis.* Incepitque Judas orationem suam a laudibus Dei, quoniam oratio laudibus Dei admixta, exaudibilior est, juxta illud Psalmi: *Laudans invocabo Dominum, et ab inimicis meis salvus ero. Qui contrivisti impetum potentis, id est Goliath gigantis, in manu*

Ps. xvii, 4.

David : qui (ut primo Regum legitur) di-
 1 Reg. xvii, 46. xit Goliath, Dabit te Dominus in manu
 mea, et auferam caput tuum : et tradidi-
 sti castra alienigenarum, scilicet Philisti-
 norum, in manu Jonathæ : quod qualiter
 Ibid. xiv, 6-15. factum sit, primo Regum diffuse narratur.
Conclude, id est, coarcta et vince, *exerci-
 tum istum in manu populi tui Israel, et
 confundantur in exercitu suo*, id est in
 præsumptione et confidentia, qua de sua
 multitudine præsumunt et extolluntur. Vel,
 In exercitu suo, id est in debellatione sui
 exercitus, quia hoc eis confusibile erit,
 quod tantus eorum exercitus a nobis mul-
 to paucioribus fuerit debellatus. *Da illis
 formidinem, et tabefac*, id est, stupidam
 ac debilem redde, *audaciam virtutis*, id
 est potestatis seu turmæ, *eorum*. Sic enim
 ad libitum alterare hominum corda, Deo
 1. est proprium, sicut est dictum. *Et commo-
 veantur contritione sua*, id est, de sua de-
 structione ipsimet admirentur, quia omni-
 potentiam tuam, operationemque intimam
 et secretam ignorant. *Dejice eos gladio di-
 ligentium te*. Cognovit enim Judas, quod C
 ipse et fideles qui erant secum, erant in
 caritate. Hoc in quantum cognovit, vel pro-
 babiliter per certa caritatis opera atque
 judicia, vel certitudinaliter ex revelatione
 divina seu inspiratione occulta.

*Et commiserunt prælium; et ceciderunt
 de exercitu Lysie quinque millia viro-
 rum. Videns autem Lysias Judæorum au-
 daciam, quia parati sunt aut vivere cum
 libertate et observantia legis, aut mori
 fortiter*, id est virtuose, pro defensione
 cultus divini et boni communis, abiit An-
 tiochiam.

Præterea Judas tot sortitus victorias, sol-
 licitus fuit de renovatione cultus divini,
 ut subditur. *Dixit autem Judas et fratres
 ejus : Ecce contriti*, id est destructi, victi,
 dissipati, *sunt inimici nostri pro magna
 parte; ascendamus nunc Jerosolymam in
 alto sitam, mundare sancta et renovare*,
 id est ad purgandum sacra loca, templum
 atque altaria a gentilibus profanata, et ad
 renovandum cultum Dei in eis. *Et congre-*

*gatus est omnis exercitus, et ascenderunt
 in montem Sion. Et viderunt sanctifica-
 tionem desertam*, id est, templum quasi
 in solitudinem versum, *et altare tam thy-
 miamatis quam holocausti, profanatum*,
 quia super unum illorum posuerat scele-
 ratissimus Antiochus idolum Jovis, *et in
 atriis templi virgulta nata, sicut in saltu*,
 id est in nemore, *et pastophoria diruta*, id
 est destructas mansiunculas quæ erant in
 circuitu templi pro requie sacerdotum dum
 ministrabant, seu refectione offerentium
 hostias, quarum partem cedentem in esum
 eorum, inibi comederunt. *Et sciderunt ve-
 stimenta sua præ dolore* : in quo osten-
 derunt fervidum zelum quem pro divinæ
 majestatis honorificentia habuerunt ; *et
 exclamabant tubis signorum*, id est tubis
 per quæ multa significabantur ; claxe-
 runtque tubis lugubri sonitu, ut sic ad
 ampliorem provocarentur lamentationem
 in casu tam tristi. Denique, per harum
 clangorem tubarum populus excitabatur,
 dum castra erant movenda ; populus quo-
 que et principes convocabantur ad tra-
 ctanda consilia. In bellis quoque et festis
 ac epulis erat usus tubarum istarum, prout
 in Numerorum libro plenius scriptum est.

Tunc ordinavit Judas viros, id est for-
 tes et strenuos milites, *ut pugnarent ad-
 versus eos qui erant in arce* : ne impii illi
 molestias inferrent per jacula, purganti-
 bus templum. *Et elegit sacerdotes sine
 macula*, id est, quos putavit magis devo-
 tos, qui erant magis idonei reformare col-
 lapsa, et purgare polluta ; *et tulerunt*, id
 est, extra templum portaverunt, *lapides
 contaminationis* : ex quibus constructa
 fuit ara Jovis circa altare Dei, super quod
 positum fuit Jovis simulacrum, ut patuit
 primo capitulo ; *in locum immundum*, id
 est vilem et sordidum, in detestationem
 idololatriæ. *Et cogitavit de altari holocau-
 storum, quod profanatum fuerat*, per hoc
 quod statua Jovis superposita erat ei, *quid
 de eo faceret. Et incidit illi ex illumina-
 tione divina, consilium bonum, ut destrue-
 ret illud*, propter abusiones sacrilegas in

Num. x, 2-
10.

1 Mach. i,
57.

eo commissas, *ne forte esset illis in opprobrium*, id est, ne ipse Judas et sui sustinerent confusionem, si altare illud relinqueret integrum, quod sic erat per idololatrias violatum. *Et demoliti sunt*, id est destruxerunt, *illud, et posuerunt lapides ejus in monte domus*, id est in monte Sion, in quo templum fuerat situm, *in loco apto*, id est mundo, eo quod lapides illi primo erant consecrati ad cultum et sacrificia Dei, *quoadusque veniret Propheta, et responderet de eis*, id est, ex divina revelatione doceret, quid esset agendum de illis lapidibus, seu cui essent usui deputandi. *Et acceperunt lapides integros secundum legem*, id est non sectos, juxta illud Exodi: Quod si altare lapideum feceris mihi, non ædificabis illud de sectis lapidibus. Et in Deuteronomio scriptum est: Ædificabis altare Domino de lapidibus quos ferrum non tetigit, id est de saxis informibus et impolitis. Cujus præcepti ratio litteralis ac mystica ibi expressa est. *Et ædificaverunt altare holocaustorum novum, secundum illud quod erat prius*, id est instar altaris prioris quod destruxerunt.

Et ædificaverunt Sancta, id est, exteriori templi partem, quæ dicebatur Sanctum seu Sancta, in qua erat altare thymiamatis, reparaverunt, in quibus erat corruptum aut læsum, *et quæ intra domum erant intrinsecus*, id est interiorem partem templi, quæ dicebatur Sancta sanctorum; *et ædem*, id est ædes seu mansiones sacerdotum, quæ erant in gyro atrii templi, in quibus tempore officii morabantur, *et atria sanctificaverunt*, extirpando virgulta ex eis, et aqua lustrationis cum oratione eadem adspargendo. *Et fecerunt vasa sancta nova*. Jam enim ex frequenti victoria, spoliis hostium, auro et argento fuerunt ditati. Et per vasa intelliguntur quæcumque instrumenta et utensilia cultus divini in templo. Antiochus namque rapuerat omnia.

Et intulerunt candelabrum aureum, super quod erant septem lucernæ seu lampades aureæ, *et altare incensorum*, super

A quod ponebatur et cremabatur incensum boni odoris, ut esset in templo odor suavis, non afflictivus, ex crematione animalium, quæ in holocaustum comburebantur, *et mensam propositionis in templum*. Hæc tria stabant in prima exteriorique parte templi. Atque, ut Dominus in Exodo jussit, mensa ponebatur in parte aquilonari, candelabrum in australi, altare incensi in medio ex opposito Sancti sanctorum. *Et incensum posuerunt super altare thymiamatis*: quod ex aromaticis speciebus fuit

B confectum, et congruo tempore incendebatur, prout in Exodo legitur; *et accenderunt lucernas septem quæ super candelabrum erant*, tres ex uno latere, tresque ex altero, et septima in supremo candelabri, sicut in Exodo describitur plenius. *Et posuerunt super mensam panes propositionis calidos sabbato. Et appenderunt vela*: unum in medio templi inter Sancta et Sancta sanctorum, aliud in introitu templi: de quibus velis et eorum materiis ac formaturis, habetur in Exodo. Prædicta quoque inungebantur oleo unctionis, quemadmodum in Exodo fieri jussum est: ad quod pertinere potest quod subditur, *et consummaverunt omnia opera quæ fecerant*. Illa namque inunctio, fuit quasi consummatio operum prædictorum.

Et ante matutinum, id est ante auroram, *surrexerunt quinta et vicesima die mensis noni*, nomine Casleu, de quo dictum est sæpe, *centesimi et quadragesimi octavi anni Græcorum. Secundum tempus*, id est eodem die, evolutis tribus annis, *renovatum est templum a Juda et suis*, quo die in specie fuerat profanatum ab Antiocho. Anno enim centesimo quadragesimo quinto, vicesimo quinto die mensis Casleu, exstitit profanatum; anno autem centesimo quadragesimo octavo, vicesimo quinto die mensis præfati, est renovatum: quod non est casualiter, sed divina providentia factum, quæ juxta mensuram culparum, infligit mensuram pœnarum. Renovatum est, inquam, *in canticis*, id est psalmis et laudibus Dei, *et citharis*, id est musicis in-

Exod. xx, 25.

Deut. xxvii, 5, 6.

Exod. xxvi, 35; xxx, 6.

Ibid. xxx, 34-36.

Ibid. xxv, 31-37.

Ibid. xxvi, 31-36.

Ibid. xxx, 26-28.

1 Mach. i, 23; n, 8, 9.

1 Mach. i, 62.

Deut. xxv, 2.

strumentis ad movendum factis, *et cingris et cymbalis*. Et cecidit omnis populus ibi præsens in faciem, prosternens se Deo humiliter ad regratiandum et exorandum.

Et fecerunt dedicationem altaris octo diebus, id est, dedicationem seu consecrationem altaris uno die factam, celebraverunt septem diebus sequentibus. Quemadmodum in Ecclesia festa solennia habent octavam : quod inde dicitur tractum. Et obtulerunt holocausta, et salutaria laudis, id est hostias gratiarum actionis, pacificas, spontaneas, et votivas. Et ornaverunt faciem templi coronis aureis, quoniam Rege cœli juvante, regibus terræ prævaluerunt, et scutulis, id est parvis scutis, in signum triumphorum eis desuper concessorum. Et statuit Judas, quem fecerunt principem sacerdotum, et fratres ejus, ut agatur, id est celebretur, dies Dedicationis altaris, ab anno in annum per dies octo, a quinta et vicesima die mensis Casleu, cum lætitia mentis, et gaudio redundante ex corde in corpus. De cujus festivitate Dedicationis fertur a Joanne : Facta sunt Encænïa in Jerosolymis ; et hiems erat. Mensi etenim Casleu correspondet December, quamvis interdum November in parte.

Et ædificaverunt in tempore illo montem Sion, id est, in monte illo pro defensione templi munimenta fecerunt. Ideo

subditur, *et per circuitum ejus muros altos, et turres firmas*. Josephus refert : Murum in circuitu civitatis et turres altissimas ædificavit Judas. Nequando venirent gentes, et conculcarent eum et templum et ædificia ejus in monte Sion constructa. Et munivit Bethsuram, id est urbem sic dictam, quam tam fortiter muris et turribus roboravit, quod ea quasi fortalitiu seu castro contra hostes poterat uti, præsertim contra Idumæos. Unde subjungitur, *ut haberet populus Judæorum munitionem contra faciem Idumææ*. Quemadmodum enim Esau persecutus est fratrem suum Jacob, sic Idumæi Judæos, prout etiam in Abdia propheta plenius continetur.

Postremo, præter præactam altaris Dedicationem, habuerunt Judæi festum Dedicationis templi Salomonis, ut patet tertio libro Regum : et fuit (ut dicitur) septimo mense, secundum computum Hebræorum. Habuerunt etiam festum Dedicationis templi post reditum a Babylone constructi, ut patet in Esdra. Et ut in Scholastica fertur historia, illa duo festa in dissuetudinem transierunt, ex tempore quo istud cœpit servari. De quo Josephus : Hanc, inquit, festivitatem celebramus, vocantes eam, Lumenta, id est festum Luminum, eo quod præter spem hoc nobis splendidum lumen colendæ religionis apparuit.

Gen. xxvii, 41.
Abdia 10
et seq.

III Reg. viii.

Ibid. 2.

I Esdr. vi, 18.

ARTICULUS V

DECLARATIO CAPITULI QUINTI : ET FACTUM EST, UT AUDIERUNT GENTES IN CIRCUITU.

DESCRIBUNTUR hic varia bella atque victoriae Judæ contra gentes, in gyro Judææ manentes, quæ prosperitati Judæorum communiter invidebant, sicut in Esdra et Nehemia præcipue innotescit. Et factum est, ut, id est postquam, audierunt gentes in circuitu Judæorum morantes,

quia ædificatum est altare templi, et sanctuarium, id est ipsum templum, renovatum est, id est instauratum in suo decore et cultu, ut prius, id est antequam ab Antiocho profanaretur, iratæ sunt valde, ex invidia, et quia idololatræ erant ; et cogitabant tollere genus Jacob, id est, de-

I Esdr. iv, v ; II Esdr. ii, 10, 19 ; iv.

creverunt trucidare Judæos qui erant inter eos, et ceperunt occidere quosdam de populo Judæorum.

Et debellabat Judas filios Esau, scilicet Idumæos, et eos qui erant in Acra bathane, id est urbe seu regione sic dicta, quia circumsedebant Israelitas, id est, arcabant Judæos. *Et recordatus est malitiam filiorum Bean*, id est habitatorum loci sic nominati, vel natorum ex viro sic dicto, qui erant populo Judæorum in laqueum et scandalum, decipiendo, impingendoque eos. *Et anathematizavit*, id est maledixit, eos, zelo justitiæ, tanquam adversarios Dei et populi sui, et incendit eos in turribus. *Et transivit ad filios Ammon*, et invenit manum fortem, id est robustum exercitum Ammonitarum, et Timotheum ducem eorum; et contriti sunt Ammonitæ in conspectu eorum, videlicet Judæ et suorum, imo ab ipso Juda et suis; et cepit Gaser, id est urbem famosam sic appellatam, et filios ejus, id est habitatores seu vicos aut oppida subjecta.

Et congregatæ sunt gentes. Describitur hic qualiter Judæi habitantes in terra Galaad, et item Judæi habitantes in Galilæa, miserunt ad Judam et ad fratres ejus pro subventionem, et planus est textus. *Ut audiuit autem Judas et populus ejus sermones, convenit ecclesia magna*, id est copiosa fidelium multitudo, *cogitare*, id est ad inquirendum et deliberandum, *quid facerent fratribus*, id est proximis suis, qui in tribulatione erant, et expugnabantur ab eis, id est ab inimicis suis, de quibus dictum est supra. Ex his elicitur, quod in arduis causis sit convocandum et celebrandum generale concilium. *Dixitque Judas*, post diligentem inquisitionem, *Simoni fratri suo: Elige tibi viros, et vade et libera fratres tuos in Galilæa*, etc. *Et dati sunt Simoni viri tria millia*; et assumpsit eos, puta Judæos, qui erant habitantes in Galilæa, cum omnibus quæ erant illis, id est cum omnibus rebus ad eos pertinentibus, et adduxit eos in Judæam, ne amplius infestarentur a gentibus.

Et Judas et Jonathas ... qui secum ceperunt octo millia, quia ad acriora pergebant bella. *Et occurrerunt eis Nabuthæi*: qui videntur fuisse quidam ex Israel sic vocati, et ipsius Judæ amici. *Et factum est diluculo quum elevassent Judas et sui oculos suos*, ecce populus multus, cujus non erat numerus, per hyperbolen, et erant gentiles, portantes scalas et machinas, ut comprehenderent munitionem, id est fortalitium in quod Judæi confugerant. *Et vidit Judas quia cepit bellum illorum gentilium*, oppugnantium locum illum munitum, et eos qui erant in illo; et clamor belli, id est bellantium, vel sonus collisionis armorum, machinarumque bellicarum, ascendit in cælum, id est multum alte. *Et venit tribus ordinibus post eos*. Divisit enim exercitum suum in tres partes, et sic tribus agminibus distinctis, aggressus est impios illos a tergo. *Et exclamaverunt tubis* hi qui erant cum Juda, juxta illud Numerorum: Si exieritis ad bellum de terra vestra contra hostes, clangentis ululantibus tubis, et erit recordatio vestri coram Domino Deo vestro, ut eruamini de manibus inimicorum vestrorum; et clamaverunt in oratione: quæ est spiritualis et sonantissima tuba. *Et cognoverunt castra*, id est exercitus, Timothei, quia Machabæus est, cujus prosperitatem et fortitudinem erant experti. *Et percusserunt eos plaga magna, et ceciderunt ex eis fere octo millia virorum*. *Et divertit Judas in Maspha*, id est ad urbem gentilium sic vocatam, non in Maspha, quæ fuit urbs Judææ.

Deinde describitur alia ac major debellatio Timothei a Juda. *Et misit Judas specularem exercitum*, id est, quosdam industriosos misit de suis ad considerandum quantitatem ac dispositionem exercitus Timothei; et renuntiaverunt ei, videlicet Judæ: *Quia convenerunt ad eum*, id est ad Timotheum, omnes gentes quæ in circuitu nostro sunt, etc. *Et dixit Timotheus: Si transierit Judas ad nos prior, transfretando per torrentem ad nos, non poterimus sustinere eum*: quia transfretatio illa fuit

Num. x, 9.

signum audaciæ et confidentiæ magnæ, A quæ multum valet in prælio.

*Et congregavit Judas universos Israeli-
tas, qui erant in Galaaditide, id est in
terra Galaad, quatenus secum morarentur
cum securitate in terra Judææ. Erat autem
Judas congregans extremos, id est ultimos,
ne quis hostium improvise irruens percu-
teret eos : quemadmodum Amaleciti in
deserto percusserunt extremos et lassos ag-
minis filiorum Israel, prout in Exodo et in
Deuteronomio legitur. Et exhortabatur po-
pulum per totam viam per se ipsum et per
scribas ac sacerdotes quos habuit secum,
admonendo populum ad virtutes, et grates
Deo reddendas. Et ascenderunt in montem
Sion, id est in templum situm in monte,
et obtulerunt holocausta, pro gratiarum
actione quod nemo ex eis cecidisset, donec
reverterentur in pace : quod fuit non so-
lum magnum beneficium Dei, sed et gran-
de miraculum, quum in obsidionibus, de
quibus in textu fit sermo, soleant fieri
strages utrinque.*

*Et in diebus quibus Judas et fratres
ejus erant absentes, audivit Josephus, et
Azarias princeps virtutis, id est exercitus
secum relictus : nam hi duo erant a Juda
relictus pro custodia terræ Judææ ; res bene-
gestas a Juda et fratribus ejus, et prælia
quæ facta sunt. Et dixit Azarias ille ad
Josephum : Faciamus et ipsi nobis nomen,
id est famam præclaram. Et præcepit Aza-
rias his qui erant in exercitu suo, ut per-
gerent secum ad pugnam : ad quod non
fuerunt obligati, quia a superiori suo, hoc
est a Juda, fuit ei prohibitum assumere
bellum, ipso Juda nondum reverso ; et ab-
ierunt Jamniam, id est ad provinciam sic*

*vocatam. Et exivit Gorgias de civitate, et
viri ejus obviam illis ; et ceciderunt de
populo Israel ad duo millia, et fugati sunt
Josephus et Azarias, etc. Cujus dejectionis
triplex causa assignatur ex littera. Prima,
quia contra virtutem obedientiæ
iverunt ad prælium. Secunda, quoniam ex
vanitate moti fuerunt, hoc est desiderio
famæ et laudis humanæ. Tertia, quia non
erant de semine Mathathias, per cujus fi-
lios Deus præordinavit populo suo victo-
riam dare.*

B *Et viri Juda, id est ipse Judas potis-
simus et fratres ejus post eum, deinde
propinqui et familiares auxiliarii ejus,
magnificati sunt valde potestate, honore,
fama, triumphis, et charismatibus gratiæ
Dei. Et convenerunt ad eos fausta accla-
mantes : id est, quidam gentilium, visis
tot victoriis et prosperitatibus Judæ ac
fratrum et virorum ipsius, venerunt ad
ipsos, ad componendum cum eis pacem
et amicitiam ; acclamabantque eis fausta,
id est laudes de eufortuniis seu prosperis
eorum successibus.*

*In illa die ceciderunt sacerdotes in bello. Quod quidam exponunt de prædictis
Josepho et Azaria, qui dicuntur fuisse de
stirpe sacerdotali : qui tamen in textu le-
guntur fugati, non interfecti. Potest quo-
que exponi de sacerdotibus quibusdam
profectis cum eis ad prælium. Dum voluit
fortiter facere, id est, quando sacerdos il-
le quicumque præsumpsit se fortiter ac-
turum, dum sine consilio veræ prudentiæ
exit in prælium. Et videtur scriptura ista
quasi despective loqui de illis, et a nume-
ro plurali ad singularem descendit, sicut
fit in libro isto frequenter.*

ARTICULUS VI

EXPLANATIO CAPITULI SEXTI : ET REX ANTIOCHUS PERAMBULAVIT SUPERIORES REGIONES.

MORS vitiosi Antiochi, et regnatio filii A
ejus, atque congressio Judæorum contra eum, hic describuntur. *Et rex Antiochus perambulavit* equitando superiores regiones, ad colligendum tributa ab eis. Specialiter autem nitebatur urbem quamdam ditissimam, Elymaidem nomine, spoliare; sed nequivit, quoniam habitatores urbis illius, agnita ejus rapacitate, fugaverunt eum. Quumque abiret cum ingenti tristitia, venit quidam annuntians ei quantas ruinas et mortes sustinuerunt duces ac subditi sui a Judæis, *et quia diruerunt*, id est, quod Judas ac sui destruxerunt, *abominationem*, id est idolum Jovis collocatum ab eo super altare templi, *et sanctificationem*, id est templum, *circumdederunt muris excelsis*.

Et factum est, ut audivit rex sermones istos, expavit Antiochus his auditis, *et commotus est valde admiratione, ira et impatientia*: imo sicut infra secundo libro habetur, repletus furore, jussit sine cessatione agitari currum, super quem sedit, comminans Judæis et templo ac urbi Jerusalem; moxque ex curru cum impetu cadens, læsus est usque ad mortem. *Et incidit in languorem præ tristitia*, et etiam ex illa ruina. Siquidem, Spiritus tristis exsiccat ossa; atque, ut iterum Salomon protestatur, Sicut vermis nocet ligno et tineæ vestimento, ita tristitia nocet cordi. *Et dixit amicis suis: Recessit somnus ab oculis meis, ex inquietudine phantasiæ, sollicitudine et timore*. Unde et Nabuchodonosor ex visione sua perterritus, ait: Sermo recessit a me. *Et dixi in corde meo: In quantam tribulationem deveni, et in quos fluctus tristitiæ, in qua nunc sum, qui jucundus eram et dilectus meis, qui-*

bus complacui, a quibus et Illustris quasi antonomastice sum vocatus! *Nunc vero reminiscor et malorum quæ feci in Jerusalem. Cognovi ergo, quia propterea invenerunt me mala ista*. Ecce quomodo vexatio dedit huic impio intellectum.

Et vocavit Philippum unum de amicis suis: cui dedit insignia regalia, committens ei administrationem totius regni sui, quousque filius suus Antiochus aptus esset ad regimen. Et mortuus est illic Antiochus sceleratissimus, anno centesimo

B *quadragesimo nono regni Græcorum: et sic regnavit vix annis duodecim*. Cœpit namque regnare anno centesimo tricesimo septimo, ut patuit supra. Sicque illud Job, Iniqui ante tempus suum sublati sunt, in ipso impletum est. Unde et ait Ecclesiastes: Non sit bonum impio, nec prolongentur dies ejus; sed quasi umbra prætereant, qui non timent faciem Dei. Circa hunc locum Josephus scribit: Miror Polybium, quod vir bonus existens, dicit ideo perisse Antiochum, quia voluit templum Dianæ in Perside devastare. Qui enim nullatenus egit peccatum, sed tantum cogitavit, nullo reatu tenetur. Ex quibus verbis eliciunt quidam Josephum æstimasse, non esse culpam in cogitatione aut appetitione, nisi procedat in actum. Auctor vero Scholasticæ historiæ sic concludit: Hic patet, secundum opinionem Josephi, quod lex cohibuit manum, non animum. *Et cognovit Lysias, quoniam mortuus est rex: quia ad talia denuntianda multi præcurrunt; et constituit ipse Lysias regnare Antiochum filium ejus regis defuncti*. Hoc celeriter fecit Lysias, ne adolescens Antiochus veniret sub tutela atque regimine præfati Philippi.

Is. xxviii, 19.

I Mach. 1, 11.
Job xxii, 16.

Eccle. viii, 13.

II Mach. ix, 4, 7.

Prov. xvii, 22.

Ibid. xxv, 20.

Dan. ii, 5.

1 Mach. 1,
12-14.

Et qui erant in arce, concluderunt Israel in circuitu sanctorum, id est, arcaverant ipsos sacerdotes et consistentes cum eis infra septa templi, ita quod non valebant libere introire et exire sicut cultus Dei exegit. Arx quippe, Josepho teste, altitudinem templi vicit. *Et convenerunt simul et obsederunt Judas ac sui eos qui erant in arce, et fecerunt balistas*, id est instrumenta ad jacienda spicula contra arcem, *et machinas alias bellicas*, ad arcem obtinendam idoneas. *Et exierunt quidam ex ipsa arce de nocte*, id est clam, *et adjunxerunt se illis impii ex Israel refugæ legis, et abierunt ad regem, et dixerunt: Nos decrevimus servire patri tuo Antiocho jam defuncto*. Isti fuerunt, qui et primo capitulo leguntur accessisse Antiochum pro licentia vivendi gentiliter. *Et filii nostri propter hoc abalienabant se a nobis, volentes in Judaismo manere; et quicumque inveniebantur ex nobis, interficiebantur a Mathathia et filiis ac adjutoribus suis*. *Et ecce applicuerunt hodie*, id est tempore isto, *ad arcem; et munitionem*, id est fortalitium in Bethsura urbe munierunt: sicut præhabuit est.

His auditis, commotus est rex; et collegit grandem et fortem, sicut patet in textu, exercitum, in quo erant *triginta duo elephanti docti ad prælium*, id est, per exercitationem multum dirigibiles facti in bellis. Nam et teste Philosopho, elephanti sunt inter bruta præcipue disciplinabiles, tanquam de ratione multum participant. *Et applicuerunt rex ac sui ad Bethsuram expugnandam, et fecerunt machinas; et exierunt Judæi a Juda constituto in fortalitio illo, et succenderunt eas machinas regis, et pugnaverunt viriliter*. Judas enim non posuit in fortalitio illo custodiendo ac defendendo, nisi fortissimos pugnatore valde audaces.

Et Judas recessit ab arce ad succurrendum suis in Bethsura. *Et surrexit rex ante lucem*, quia audivit Judam venire; *et comparaverunt*, id est, disposuerunt, *se exercitus tam regis quam Judæ, in prælium;*

A et elephantis ostenderunt sanguinem uræ et mori, id est materiam illam liquidam expressam ex uvis et moris eruori consimilem, *ad acuendum eos in prælium*. Ex talis namque materiæ intuitione provocantur ad pugnam, sicut et equi ex buccinarum clangore, juxta illud Job: Non reputat tubæ sonare clangorem; ubi audierit buccinam, dicit, Vah. *Et dividerunt ministri regis bestias*, id est elephantos, quæ videntur maximæ bestiarum, *per legiones*. *Sed et turres ligneæ super eos, scilicet elephantos*. *Et residuum equitatum hinc et inde*, id est ex utroque latere bestiarum, *statuit*, id est, ordinate divisit, *in duas partes*: sic quod una pars residui exercitus fuit a dextris bestiarum, alia a sinistris; *tubis exercitum commovere*, id est ex clangore buccinarum animare et excitare bellatores ad pugnam, *et perurgere constipatos in legionibus*, id est milites condensatos constringere seu dirigere ad processum, ut sic conjunctim progredientes, non possent ab hostibus separari ab invicem. *Et ut refulsit sol in clypeos aureos et æreos exercitus regis, resplenderunt montes ab eis, sicut lampades ignis*, ex repercussione radiorum splendentium. Jussit enim rex clypeos illos nudari, ut nimium suis claritatis fulgorem emitterent: et hoc forsitan fecit ad incutendum timorem Judæ ac suis. *Et distincta*, id est ordinate divisa, *est pars exercitus regis per montes excelsos*, per quos ivit, ne quis de exercitu Judæ effugeret per montes excelsos, *et alii*, hoc est, alia pars exercitus, *distincta est et processit per loca humilia*, id est bassa; *et ibant caute et ordinate*. Talis enim ordinatio valde utilis est in bellis: imo, secundum Vegetium, multitudo inordinata non est nisi hostium victima. *Et commovebantur quadam admiratione seu horrore omnes inhabitantes terram illam, a qua videri poterat et audiri exercitus ille, a voce multitudinis eorum et collisione armorum*. *Et appropinquavit Judas et exercitus ejus in prælium, et ceciderunt de exercitu regis sexcenti*

Job xxxix,
24, 25.

II Mach. xiii. *vir.* Porro, infra libro secundo aliqua aliter recitantur de prælio isto, quam hic : quæ ibi discutientur.

Et vidit Eleazar filius Saura bestiam unam loricatam loricis regis, et visum est ei quod in ea esset rex; et dedit se, ut acquireret sibi nomen æternum, periculo mortis corporalis pro bono communi. Et cucurrit ad eam audacter in medio legionis, interficiens a dextris et a sinistris. Et irit sub pedes elephantis, id est, prope et infra pedes illius elephantis, putans quod rex esset in ea, id est in turre superposita bestiae illi, et occidit eum, videlicet elephantem; et cecidit bestia super ipsum, et mortuus est illic, oppressus mole elephan-

Judic. xvi, 30.

tis : sicut et Samson exspiravit sub domo quam dejecit. Sed istud factum est in publico bello, in quo pro boni communis conservatione seu procuratione, exponenda est mortis discrimini vita corporalis particularium personarum. Quod autem Eleazar dicitur istud fecisse, Ut acquireret sibi nomen æternum, in bono accipitur,

Eccli. xli, 15.

I Mach. ii, 51.

Ibid. 5.

secundum quod ait Scriptura. Curam habere de bono nomine : prout supra expositum est. Præterea, ut Josephus refert, et Magister in historiis sequitur, Eleazar iste fuit frater carnalis Judæ Machabæi, et supra Eleazarus appellatur, eratque quartus inter filios Mathathiae. Nec obstat quod nominatur hic, filius Saura. Nam Saura potuit esse nomen matris suæ, sicut et Joab

I Reg. xxxvi, 6.

II Reg. ii, 13, 18.

I Reg. xvi, 4.

Is. xi, 1.

Matth. i, 5.

II Reg. xvii, 25.

et fratres ejus in libris Regum frequenter dicuntur filii Sarviæ. Vel Mathathias alio nomine vocatus est Saura, quemadmodum pater David, vocatus fuit Isai et Jesse ac Naas. Nam legitur in Regum libro, quod Amasa fuit filius Abigail filiæ Naas : et constat, quod Abigail illa fuit soror Sarviæ. Hunc Eleazar Judas vocavit Mauro-nem*, ut Josephus scribit.

Et videntes Judas et sui virtutem, id est potestatem, regis et impetum exercitus ejus, diverterunt ab eis. Festinabant enim ad templum redire, et illud munire ac custodire, ne præoccuparetur a rege.

Et fecit rex pacem cum his qui erant

in Bethsura, promittendo eis securitatem, dummodo exirent fortalitium, et dimitterent illud sibi : quod et fecerunt, necessitate quadam compulsi. Et exierunt de civitate, quia non erant eis alimenta ibi conclusis, id est, ipsi custodes loci illius obsessi ibidem a rege, non habuerunt necessaria vitæ, quia sabbata erant terræ, id est septimus annus, in quo Judæi terram non seminabant, prout in Levitico habetur, quo Dominus jussit : Sex annis seres agrum tuum. Septimo anno sabbatum erit terræ; agrum non seres. Sed qualiter istud potuit esse causa penuriæ Judæorum istorum? quum Dominus eodem dicat capitulo : Quod si dixeritis, Quid comedemus anno septimo, si non severimus anno sexto? Dabo benedictionem meam vobis anno sexto, et faciet fructus trium annorum. Ad quod quidam respondent, quod beneficium istud multiplicationis fructuum sexto anno, fuit subtractum Judæis post reditum a Babylone, sicut et alia quædam. Hæc tamen responsio probationem non habet, nec auctoritatem. Ideo dici potest, sicut et infra in isto capitulo tangitur, quod hi qui remanserant in Judæa de gentibus, consumpserant reliquias eorum, scilicet terræ nascentium, quæ repositæ erant. Vel ob aliquam populi culpam, fuit beneficium hoc subtractum pro tunc in parte vel toto.

Lev. xxv, 3, 4.

Ibid. 20, 21.

Et comprehendit rex Bethsuram egressis inde Judæis. Et applicuit castra ad Jerusalem ad locum sanctificationis, id est templi; et statuit balistas ad sagittandum contrarios, et ignis jacula ad incendendum, et tormenta, id est magna instrumenta, ad lapides jactandos, et scorpiones, id est instrumenta ad emittendum venenatas sagittas, et fundibula. Fecerunt autem et ipsi Judas et sui machinas bellicas, et pugnaverunt dies multos. Escæ autem, id est sufficientia victualium pro tempore notabiliter longo, non erant in civitate Jerusalem, eo quod septimus annus esset : sicut modo expositum est. Quibus verbis pro causa subjungitur : et qui re-

manserant in Judæa de gentibus, consumperant reliquias eorum, quæ repositæ fuerant. Et remanserunt in sanctis, id est in civitate et templo Jerusalem, viri pauci cum Judæa, quoniam obtinuerat eos fames: id est, ex inopia victualium, compulsi fuerunt occulte exire. Ideo Judas cum suis cito fuisset devictus per famem ex obsidione, nisi Deus subvenisset per modum qui subditur, et sicut liberavit sanctum David a circumdatione Saulis, per adventum Philistinorum in terram Saul.

I Reg. xxiii,
26-28.

Et audivit Lysias, quod Philippus reversus esset a Perside, etc. Festinavit ipse Lysias ire et dicere ad regem: Deficimus quotidie per mortem aliquorum ex no-

stris, etc., et incumbit nobis ordinare de regno: quasi dicat, Negligimus utiliora. Nunc itaque demus dexteras hominibus istis, et faciamus cum illis pacem; et ambulent in legitimis suis, etc. Et placuit sermo in conspectu regis; et misit ad eos facere pacem, et receperunt illam. Et juravit illis, videlicet Judæ et sociis ejus, rex, quod nihil ei noceret, nec templo: quod juramentum mox fregit, ingressus locum sanctum munitum, cujus muros dissipari præcepit, ut patet in textu.

Verumtamen ab hac narratione videtur plurimum discrepare, quod secundo libro de ista recitatur historia, sicut ibidem Domino concedente tangetur.

II Mach.
xiii.

ARTICULUS VII

DECLARATIO CAPITULI SEPTIMI: ANNO CENTESIMO QUINQUAGESIMO PRIMO.

BELLA Judæa habita contra successorem prædicti regis Antiochi, hic narratur. Anno centesimo quinquagesimo primo, exiit Demetrius, Seleuci filius, ab urbe Roma. Sicut præhabitu est, Seleucus iste fuit frater Antiochi Epiphanis, qui mortuo Seleuco, invasit regnum ipsius, nepote suo, videlicet filio præfati Seleuci excluso: qui filius, nomine Demetrius, profectus est Romam ad agendum contra avunculum suum Antiochum. Audiensque ipsum obisse, reversus est, et ascendit in civitatem maritimam, id est juxta mare sitam, et regnavit illic. Atque, ut Josephus refert, civitas illa fuit Tyrus. Et factum est, ut ingressus est in domum regni patrum suorum, id est, in urbem atque palatium Antiochiæ, quæ fuit metropolis Syriæ, comprehendit exercitus Antiochum, filium Antiochi Epiphanis, et Lysiam: ad quos exercitus conceperat displicentiam et rancorem, præsertim illi qui cum Philippo venerunt, quem Antiochus iste (secundum Josephum) paulo ante occidit.

Et venerunt ad eum, puta Demetrium, viri iniqui ex Israel, refugæ legis, et Alcimus dux eorum, qui volebat fieri sacerdos, id est princeps sacerdotum seu pontifex, ut post insinuat. Et accusaverunt populum Judæorum apud regem, dicentes: Perdidit, id est occidit, Judas amicos tuos, quos reperit in Judæa seu alibi. Et misit rex Bacchidem; et Alcimum impium constituit in sacerdotium, id est in pontificatum. Qui venerunt in Judæam cum grandi exercitu, verbisque dolosis voluerunt decipere Judam ac fratres ejus: qui non crediderunt illis iniquis. Porro alii quidam credebant illis, sicut subjungitur: Et convenerunt ad Alcimum et Bacchidem congregatio scribarum requirere quæ justa sunt, id est pertinentia ad bonum rei publicæ et ad conservationem cultus divini; et primi, Assidæi, qui erant in filiis Israel, et exquirebant ab eis, id est ab Alcimo et Bacchide, pacem. Porro Assidæi Judæi sunt dicti, qui assidue vacabant divinis. Dixerunt enim: Homo sa-

cerdos de semine Aaron venit, non decipiet A nos. Hi boni viri juxta suam sinceritatem judicaverunt de aliis, sed decepti fuerunt, et occisi ab impio illo usque ad sexaginta viros : quæ deceptio habuit in eis rationem pœnæ, non culpæ. Et incubuit timor et tremor in omnem populum Judæorum hæc considerantem : cujus timoris signum est, quia dixerunt : Non est in eis, videlicet Alcimo et societate ipsius, veritas verborum, quia nec juramenta servant neque promissa, et judicium, id est discretio veræ prudentiæ, seu judicium rectum in factis; transgressi sunt enim constitutum, id est ordinationem inter nos factam.

Et abiit Bacchides ad regem Demetrium, commissa Alcimo regione Judææ. Et satis agebat Alcimus pro principatu sacerdotii sui obtinendo et conservando. In quo notatur ejus ambitio; et Scriptura minus dicendo, plus notat, videlicet quod importune, impudenter, et per practicas vitiosas conatus sit pontificatum obtinere et possidere, prout ambitiosis est consuetudo. Numerari etenim vitia nequeunt, quot ex ambitione nascuntur : ex qua inter cetera oriuntur invidia, suspicio prava, crudelitas, simonia, simulatio, hypoerisis, falsitas, inquietudo, mendacium, perjurium, atque adulatio, prout in libro de Consideratione plenius docet S. Bernardus. Et vidit Judas omnia mala quæ fecit Alcimus, etc. Et fecit Judas vindictam in filios desertores, qui legem patrum suorum sanctam dereliquerant : qui tanquam apostatæ legis, fuerunt gentibus ferociores; et cessaverunt ultra exire in regionem, id est, adjutores Alcimi, præsertim qui erant in arce, non audebant amplius per Judæam discurrere ad prædandum et occidendum Judæos.

Et misit rex Nicanorem, etc. Et hostes parati erant rapere Judam. Quum enim Alcimus vidisset Judam sibi prævaluisse, ad regem reversus, accusavit Judam et suos multis criminibus. Propter quod rex misit Nicanorem cum Alcimo, habentem secum magnum exercitum, voluitque Judam ca-

pere dolo. Et innotuit sermo Judæ. Et conterritus est Judas ab eo. Nam, ut Josephus refert, quum Judas et Nicanor pariter starent, dedit Nicanor suis militibus signum, ut raperent Judam : quod sentiens Judas, subito territus, prudenter et fortiter exsilivit ab illo nequissimo. Et amplius noluit videre faciem ejus, puta Nicanoris, cum tali circumventionem et ad tempus. Postea tamen, sicut secundo habetur libro, erant multum concordēs. Deinde contra se invicem pugnaverunt. Et cognovit Nicanor, quia denudatum est consilium ejus, et exivit obviam Judæ in pugnam. Et ceciderunt de Nicanoris exercitu fere quinque millia viri, et fugerunt in civitatem David, id est ad arcem, ipse Nicanor et sui, ad gentiles ibi manentes et eis confœderatos.

Et post hæc verba, id est, post gesta designata per verba hæc, ascendit Nicanor in montem Sion, id est ad aliqua ejus loca eminentiora; et exierunt de sacerdotibus populi, id est, aliqui sacerdotes exiere de templo, salutare eum, et demonstrare ei holocausta quæ offerebantur pro rege. Specialiter enim orandum est pro præsidentibus et communitatibus etiam iniquis et perfidis, ut convertantur. Propter quod Jeremias mandavit Judæis in Babylonia captis, ut orarent pro pace civitatis ad quam translati fuerunt. Et irridens Nicanor, sprexit eos tanquam idololatra, et polluit, id est inhonoravit. Et locutus est superbe, et juravit cum ira, dicens : Nisi traditus fuerit Judas et exercitus ejus in manus meas, succendam domum istam, id est templum. Hanc præsumptionem sacrilegam, Deus superbis resistens plenarie refrenavit, et superbissimum illum extreme dejecit. Verumtamen inter hæc duo bella, inter Judam et Nicanorem habita, quorum unum præfactum, et aliud consequenter in littera describitur, notabile fluxit tempus, quo inter ipsos fuit concordia, prout secundo libro recitatur.

Consequenter describitur in hoc loco, qualiter sacerdotes zelo justitiæ oraverunt

II Mach.
xiv, 18-25.

Jer. xxix, 7.

I Petr. v,
5; Jacob. iv,
6.

II Mach.
xiv, 18-25.

pro justa dejectione obstinati Nicanoris, qui fuit tyrannus, et publicus hostis boni communis atque divini cultus. Ideo licuit contra eum sic exorare.

Et exiit Nicanor de Jerusalem, et castra applicuit ad Bethoron, et occurrit illi, puta Nicanori, exercitus Syriæ ad auxiliandum. Et Judas applicuit in Adarsa cum tribus millibus viris. Et oravit Judas : Qui missi erant a rege Assyriorum Sennacherib, Domine, quia blasphemaverunt te, percussit ex eis angelus centum octoginta quinque millia. Primo enim missi fuerunt

IV Reg.
xviii, 47, 49
et seq.: xix.
10-43, 35.

II Par.
xxii, 9-21.

a rege illo Rabsaces et alii quidam, qui Deum enormiter blasphemaverunt ex parte sceleratissimi regis. Propter quorum blasphemias aliaque facinora, interfectus fuit ab angelo totus pene exercitus regis illius, prout quarto Regum et secundo Paralipomenon enarratur. Sic contere exercitum istum, quia male locutus est super sancta tua, id est contra templum et sacrificia, et contra fideles tuos ministros.

Et commiserunt prælium tertiadecima die mensis Adar, id est Martii, et cecidit Nicanor primus in prælio. Quo cognito, fugit ejus exercitus. *Et tubis cecinerunt Judas et sui post eos sic fugientes, cum significationibus, quia sonitus tubarum ita fiebat et formabatur, quod designavit ho-*

stium fugam. *Et exierunt Judæi de omnibus castellis terræ suæ in circuitu, et ventitabant eos cornibus : id est, insequendo impios illos, agitaverunt eos hinc inde per angulos et cornua, et per loca diversa; vel sonando post ipsos per cornua; et convertebantur iterum ad eos undique occurrendo fugientibus, ita quod omnes ceciderunt.*

Postremo, quemadmodum Nicanor præ ceteris peccavit enormius, sic eum etiam mortuum confusibilius tractaverunt : quia jam interfectum decapitaverunt, ejusque caput in arcis apice suspenderunt. Et quia specialiter peccavit per manum et linguam, manum contra templum contumaciter extendendo, et per linguam blasphemando, multaque verba scelestissima proferendo, ideo absciderunt ei manum et linguam, sicut in ultimo secundi libri capitulo, ubi ista historia plenius describitur, continetur. *Et manum ejus suspenderunt contra Jerusalem.* In secundo libro habetur, Contra templum. Ideo intelligendum est, quod suspenderunt manum iniqui ex opposito templi et civitatis, in cujus extremitate situm fuerat templum. *Et siluit terra Juda paucos dies, hoc est, modico tempore plebs Judæa quievit a præliis, ut sequenti patet capitulo*

II Mach. xv,
30, 33.

Ibid. 33.

ARTICULUS VIII

ELUCIDATIO CAPITULI OCTAVI : ET AUDIVIT JUDAS NOMEN ROMANORUM,
QUIA SUNT POTENTES VIRIBUS.

DESCRIBITUR hic, qualiter Judas confugit ad humana præsidia, imo ad Romanorum idololatrarum auxilia. Propter quod videtur divini promeruisse subtractionem subsidii, quum jam dudum ante Deus per Prophetam suum dixisset ad regem Juda : O rex, ne egrediatur tecum exercitus Israel ad pugnam : non enim est

II Par. xxv,
7, 6.

D Dominus cum Israel. Quod si putas in robore exercitus bella consistere, superari te faciet Dominus ab hostibus : Dei quippe est adjuvare et in fugam vertere. *Et audivit Judas nomen, id est famam, Romanorum, qui tempore Judæ monarchiam pro magna parte fuerunt adepti : nondum tamen plenarie usque ad tempus imperii*

Julii, vel potius Octaviani; quia potentes sunt viribus, et acquiescunt ad omnia quæ postulantur ab eis rationabiliter: nam pii fuerunt; et quicumque accesserunt ad eos ad faciendum cum ipsis amicitiam, annuerunt.

Audierunt Judas et sui praelia eorum, scilicet Romanorum, qui victoriosi fuerunt in bellis, et virtutes bonas, id est benevolos actus, quas fecerunt in Galatia: quæ est regio Græciæ; quia obtinuerunt eos, et duxerunt sub tributum: id est, Romani subjugaverunt sibi Galatas in tributarios; ipsis quoque sic subjugatis fuerunt benevoli. Et quanta, id est quam magna et strenua opera, fecerunt in regione Hispaniæ, et quod in potestatem suam redegerunt metalla argenti et auri, quæ ibi sunt, et possederunt omnem locum, id est quædam loca de omnibus; vel, Omnem locum, pro quo obtinendo egressi sunt; consilio suo et patientia: quia ut allegatum est sæpe, ad prævalendum in praeliis plus confert prudentia, quam fortitudo. Consilium autem est actus prudentiæ. Patientia quoque plurimum proficit ad triumphum. Ipsos namque pugnatōres oportet frequenter multa et magna pati incommoda: in quibus patientia est necessaria, ne propter hujusmodi aspera labor bellicus omittatur. Hinc libro de Re militari scribit Vegetius, quod per nullam rem Romani ita sibi subjugaverunt orbem, sicut per prudentiam bellicam, exercitiumque armorum. Græci enim, ut ait, erant eis astutiores, Gallici numero plures, Hispani ferociōres, Teutonici corpore grandiores.

Et Philippum et Persen Cetheorum regem. Josephus dicit, Reges: et forsā ponitur hic singulare pro plurali. Et Antiochum magnū regem Asiæ contritum, id est victum, ab eis. Ille Antiochus fuit pater Antiochi Epiphanis, ut patuit in expositione primi capituli. Et statuerunt, id est, injunxerunt ei, ut daret eis, puta Romanis, tributum magnum et constitutum, id est, id quod exegerunt ab eo ultra tributum. Et regionem Indorum esse victam

ab eis, et Medos et Lydos de optimis regionibus eorum, supple, esse ejectos a Romanis; et acceptas eas ab illis, id est regiones Medorum atque Lydorum vi armorum obtentas ab ipsis Medis ac Lydis per Romanos, dederunt ipsi Romani Eumeni regi ipsis confœderato. Et quia qui erant apud Helladan, id est regionem seu locum sic dictum, voluerunt ire et tollere eos, videlicet Eumenem regem ac suos de præfatis terris Medorum et Lydorum, et innotuit sermo his, id est, propositum illorum exsistentium apud Helladan fuit patefactum Romanis. Et miserunt ad eos, id est ad Eumenem ac populum ejus, ducem unum cum suo exercitu in illorum subsidium, et pugnaverunt rex ille et dux missus a Romanis, contra illos exsistentes apud Helladan, et ceciderunt ex illis Helladanis multi; et captivas duxerunt Romani uxores.

Cum amicis autem suis, et qui in ipsis requiem habebant, id est, sub eorum defensione et confœderatione quiescebant, conservaverunt amicitiam.

Et in omnibus his nemo Romanorum portabat diademā, id est, nullus fuit inter eos imperator aut rex. Nempe primus rex Romanorum fuit Romulus conditor urbis cum fratre suo Remo: quo occiso a Fabio Romuli duce, Romulus factus est rex urbis. Post quem præfuerunt reges in urbe usque Tarquinium Superbum: quo cum filio suo Tarquinio feroce a Romanis expulso, cœperunt præesse et præfuerunt consules, deinde dictatores atque tribuni plebis usque ad Julium Cæsarem, qui usurpavit et invasit imperium: cui successit Octavianus, sub quo natus est Christus. Ideo tempore Machabæorum non præerant reges Romanis.

Et quia curiam fecerunt sibi, et quotidie consulebant, id est, de agendis et evitandis inter se conquirebant, trecenti * alias trecentos viginti consilium agentes semper de multitudine, id est, trecenti viginti illi erant ex multitudine Romanorum electi, tanquam prudentiores ad tractanda consilia.

Vel sensus est, quod trecenti viginti consulebant de multitudo, id est de ipsa communitate, quod scilicet prodesset reipublicæ et paci omnium subditorum. *Ut quæ digna sunt, gerant*, id est, vere expedientia et eorum majestatem decentia agant

Is. xxxii, 8. ac prosequantur, juxta illud Isaïæ : Princeps, quæ digna sunt principe, cogitabit, et ipse super duces stabit. Ecce qualiter Romani isti adhuc gentiles, agnoverunt quod in Proverbiis Salomon dixit : Qui cuncta agunt consilio, reguntur sapientia.

Prov. xiii, 10.

Ibid. xii, 20. Et rursus : Qui pacis ineunt consilia, sequetur eos gaudium. Itemque : Erit salus ubi multa consilia. Si Romani illi pagani ad temporalem prosperitatem suum regimen referentes, tam assidue atque quotidie inter se contulerunt et consuluerunt de bono communi : quanto magis Pontifex summus et curia ejus, quorum est ad æternam beatitudinem ordinare præsentiam suam, deberent quotidie inter se perscrutari, consulere, determinare ea, quæ ad totius Ecclesiæ et universorum statuum, graduum, potestatum, et ordinum ejus pertinet reformationem, profectum atque salutem ? Quod et suo modo unusquisque regum et principum, episcoporum et prælatorum deberet peragere, quatenus juxta dignitatem prælationum et officiorum eorum, esset et dignitas actionum ac gubernationum ipsorum. Verum, homo quum in honore esset, non intellexit ; comparatus est jumentis insipientibus.

Ps. xliiii, 13, 21.

Et committunt uni homini magistratum suum per singulos annos : qui præfuit ceteris universis tempore suo. Sicque regimen eorum fuit quodammodo monarchicum et regale : quod (teste Philosopho) optimum est, absolute loquendo, habetque admixtum aliquid, imo et multum de aristocratia et democratia. Et tale regimen in certo casu ex specialibus causis, et ad tempus potest optimum esse. *Et omnes obediunt uni* tempore præsentia suæ. Obedientia namque est summe necessaria et saluberrima res in omni communitate : sine qua nulla politia, nulla villa, nulla

A domus potest subsistere, ut in regula sua sanetus scribit Hieronymus. De ista materia multiplicis regiminis, et quid sit optimum, atque de antiquo illo regimine Romanorum, magistraliter tractat S. Thomas in libro suo de Regimine regum ; Ægidius quoque in libro de Regimine principum. *Et non est invidia neque zelus*, id est rancor aut contentio, *inter eos* : sicut solet inter ambitiosos consistere. Durante autem hac bonitate regiminis Romanorum, profecerunt in multis, et in brevi venerunt ad maximum incrementum, prout de hoc Cato et Tullius multa conscribunt. Postea vero fuit hoc regimen in ipsis corruptum : unde venerunt ad miserabile decrementum. Nempe, ut ait Hieronymus, et ante eum Sallustius, sicut concordia parvæ res crescunt, sic per discordiam res maximæ dilabuntur.

Et elegit Judas Eupolemitum et Jasonem, et misit eos Romam constituere cum illis, puta Romanis, *amicitiam et societatem, et ut Romani auferrent ab eis*, videlicet a Judæis, *jugum Græcorum*, id est grave dominium, quo reges Syriæ opprimebant populum Judæorum. Dicitur autem jugum illud, Græcorum, quoniam ex Græcorum imperio exstitit derivatum. *Et placuit sermo legatorum Judæ, in conspectu eorum*, scilicet Romanorum.

Et rescripserunt in tabulis æreis ad perpetuam rei memoriam : *Bene sit Romanis et genti Judæorum in mari*, id est bellis navalibus, negotiisque marinis, *et in terra in æternum*, id est per omne tempus vitæ eorum. *Quod si institerit bellum Romanis prius, aut omnibus sociis eorum*, id est cuicumque genti Romanis confœderatæ, *auxilium feret gens Judæorum, prout tempus dictaverit*, id est, dispositio temporis seu casus occurrens exegerit, *corde pleno*, id est prompto atque omnino spontaneo. *Et præliantibus*, id est, Judæis Romanos juvantibus, *non dabunt Romani triticum, arma, pecuniam*, id est stipendium, *vel naves, sicut placuit Romanis*, id est, prout Romani istud instituerunt ; *et custodient*

Judæi *mandata eorum*, videlicet Romano-
rum, *nihil ab eis*, id est Romanis, *accipi-*
entes ipsi Judæi, sed suis expensis servi-
entes ac subvenientes Romanis. *Similiter*
succurrent Romani Judæis; *adjuvabunt*
Romani, et *adjuvantibus* Romanis ipsos
Judæos, *non dabitur a Judæis triticum*,
etc., id est stipendium; sed Romani suis
expensis succurrent Judæis. *Quod si post*
hæc verba, hi aut illi, id est Romani sive
Judæi, *addere vel demere ad hæc* vel ab
his *aliquid voluerint, facient ex proposi-*

to suo, id est concordii deliberatione, seu
communi utriusque partis consensu. *Sed*
et scripsimus ei, id est Demetrio, *dicentes*:
Quare gravasti jugum tuum, id est pote-
statis tuæ tyrannidem et abusum, *super*
amicos nostros et socios Judæos? *Si ergo*
iterum adierint, id est accesserint, *nos*,
adversum te conquerendo, atque subsi-
dium postulando, *faciemus illis iudicium*,
id est judicialem vindictam, *et pugnabi-*
mus tecum, id est contra te, *mari*, id est
bello navali, *terraque*.

ARTICULUS IX

EXPLANATIO CAPITULI NONI : INTEREA, UT AUDIVIT DEMETRIUS QUIA CECIDIT NICANOR.

MORS Judæ et institutio fratris sui Jo-
nathæ, ac aliqua ejus bella hic de-
scribuntur. *Interea*, id est, inter ea quæ
dicta sunt, hoc est infra tempus quo lega-
ti Judæ et populi sui fuerunt in expeditio-
ne commissi eis negotii occupati, *ut au-*
divit Demetrius quia cecidit Nicanor et
exercitus ejus in prælio, apposuit Bacchi-
dem et Alcimum rursus mittere in Ju-
dæam, et dextrum cornu cum illis, id est
fortiores et constantiores de suo exercitu,
qui solent poni in dextera parte, et regi a
dextris adsistere. *Et abierunt, et castra*
posuerunt in Masaloth, et occupaverunt
eam, et peremerunt animas hominum mul-
tas, intelligendo per animas ipsos homi-
nes, qui quantum ad corpus, occideban-
tur. Per partem etenim totum exprimitur,
juxta præhabita.

Et Judas posuerat castra in Laia, et
tria millia viri electi cum eo, id est cum
Juda. *Et viderunt* qui erant cum Juda,
multitudinem exercitus Bacchidis, quia
multi sunt, scilicet viginti millia peditum
et duo millia equitum, *et timuerunt val-*
de: quum tamen frequenter prævaluissent
in bellis, in quibus comparative loquen-

do, pauciores erant respectu adversario-
rum, quam in isto occurso; sed ad Ro-
manos idololatrias confugiendo, meruerunt
privari confortatione animationis ac con-
fidentiae Dei; *et non remanserunt nisi oc-*
tingenti viri cum Juda. Et vidit quod de-
fluxit, id est, minoratus sic fuit, *exercitus*
ejus, et bellum perurgebat eum, id est,
valde arcebat eum, ita quod sine suorum
periculo non poterant declinare; *et con-*
fractus est corde, id est, solitam confiden-
tiam in Deo amisit pro parte, *quia non*
habebat tempus congregandi eos, qui de-
fluxerunt de suo exercitu; et dissolutus
est formidine quadam, subtracta sibi solita
magnanimitate et spe plena in Deo, quia
ad hominum infidelium confugerat opem.
Unde nec in isto congressu legitur suos
more solito ad confidendum in Domino
admonuisse, aut precem fudisse ad Deum,
sed potius cum ambiguitate quadam di-
xisse: *Eamus ad adversarios nostros, si*
poterimus pugnare adversus eos.

Verumtamen, quia habitum magnanimi-
tatis aliarumque virtutum in magna ex-
cellentia habuit, non fuit totaliter mente
dejectus, nec fugere acquievit; imo ad

moriendum pro bono communi exhibuit se paratum, dicendo : *Si appropriavit*, id est, si nunc instat, *tempus nostrum*, id est finis curriculi vitæ nostræ, *moriāmur in virtute*, id est in exercitio virtuoso fortitudinis, justitiæ, imo et caritatis fraternæ. Ideo subditur, *propter fratres nostros*, id est pro communi pace et salute proximorum nostrorum, quatenus liberati ab hostibus, Deo secundum legem deserviant. *Et non inferamus crimen gloriæ nostræ*, id est maculam famæ nostræ, vel opprobrium eminentiæ nostræ, neque excessum meritis nostris, pro quibus nobis debetur gloria æternalis.

Et movit exercitus Judæ de castris, id est tentoriis suis : in quo patet adhuc Judæ audacia, quod sic magnanimiter ivit obviam tanto exercitui inimicorum suorum ; *et divisi sunt equites Bacchidis in duas partes ; et fundibularii et sagittarii præibant exercitum Bacchidis ; et primi certaminis omnes potentes*, id est, viri existentes in dextro cornu cum Bacchide, qui erant primo pugnaturi, fuerunt validi pugnatores. *Et proximavit legio militum Bacchidis ex duabus partibus. Et commota est terra a voce exercituum*, id est, habitantes in terra sunt admirati et quodam horrore concussi. Vel ipsa terra quasi timere videbatur ex buccinarum et tubarum clangore, congregientiumque clamore et collisione armorum atque strepitibus ictuum.

Et vidit Judas quia firmior, id est robustior, *est pars exercitus Bacchidis in dextris*, id est in dextero cornu seu latere, *et convenerunt cum ipso Bacchide omnes constantes corde*, videlicet fortes et imperterriti ; *et contrita est dextera pars ab eis*, id est, dexterum cornu illud a Juda ac suis est dissipatum et victum, atque in fugam conversum, sicut subjungitur ; *et persecutus est eos [usque] ad montem Azoti*. In quo patet mira fortitudo, strenuitas, et elegantia Judæ et virorum suorum, et quod Deus omnipotens illum pusillum gregem suum in extremo illo conflictu non

reliquit, sed mirabiliter confortavit, quamvis eos pro magna parte permisit occidi, quia feliciter obierunt, et virilissime suas compleverunt ac concluserunt congressiones et expeditiones. Unde et Josephus circa hoc refert : Videns Judas Bacchidem cum suis electis in dextero cornu ordinatum, congregans animosissimos viros, invasit illam partem exercitus, et confligens ibi, ordinem eorum dirupit, et medios ad fugam convertit.

Et qui in sinistro cornu erant, viderunt quod contritum est dexterum cornu, et secuti sunt post Judam et eos qui cum ipso erant, a tergo. Et ingravatum est prælium contra Judam et suos, qui stabant in medio hostium adversariis circumsepti, jamque lassati, quia a mane usque ad vesperam pugnaverunt ; et ceciderunt multi ex his et illis ; plures tamen ex exercitu Bacchidis. Et Judas cecidit, et ceteri fugerunt, tali ac tanto capitaneo suo prostrato. Qui (ut Josephus scribit) fugere nolens, stans hostibus circumseptus et fortiter pugnans cum suis, multos interfecit adversariorum, et tandem percussus occubuit. Talis finis Judam invenit, virum fortem, magnum et bellicosum, mandatorum patris sui memorem, omnia pro libertate civium facere et pati paratum. Tali ergo virtute plenus, magnam sibi gloriam et monumenta servavit, liberans gentem suam a Macedonum servitute : qui quum principatum sacerdotii tribus annis habuisset, defunctus est. Hæc Josephus. *Et Jonathas et Simon tulerunt Judam fratrem suum*, id est, corpus ejus abstulerunt, non die eodem, sed paulo post : quod et ab hostibus redemerunt pecunia, ut in Scholastica (ex Josepho) fertur historia.

Et cetera verba, id est gesta, *bellorum Judæ et virtutum*, id est virtuosorum strenuorumque operum ejus, *non sunt descripta. Multa enim erant valde*, ita quod singula describi vix poterant.

Et factum est, post mortem Judæ emerunt, id est, de profundo malitiæ suæ diu absconditæ exierunt aut proruperunt ma-

nifeste in medium, exstincto eo cujus timore non audebant hoc facere, viri iniqui in omnibus finibus Israel, etc. In diebus illis facta est fames, id est caristia, magna valde in terra Juda, et tradidit se Bacchidi omnis regio eorum cum ipsis, id est, Judæi communiter subjecerunt se Bacchidi sub tributo, seu etiam aliis modis, pro necessariis vitæ adipiscendis. Et facta est tribulatio magna in Israel: quoniam Bacchides amicos Judæ confusibiliter crudeliterque peremit.

Et congregati sunt omnes amici Judæ, et dixerunt Jonathæ: Ex quo frater tuus Judas defunctus est, vir similis ei non est qui exeat contra inimicos nostros. Nunc itaque hodie te elegimus esse pro eo in principem et ducem. Et suscepit Jonathas tempore illo principatum ducatus et pontificatus, non ambitiose, sed ex communi et concordi populi sui electione, et tempore tantæ angustiae, ut esset primus in omni congressu et acie. Et fugerunt Jonathas ac sui, eo quod Bacchides vellet eos occidere: et fugerunt caute, non vituperabiliter timide, in desertum, quousque adunarent se invicem, et exercitum congregarent, et consederunt ad aquam lucus Asphar, id est Mortui maris, per quod transit Jordanis, juxta illud Josue: Aquæ Jordanis inferiores, in mare Solitudinis, quod nunc vocatur Mortuum, descenderunt. Et die sabbatorum venit Bacchides, ad impugnandum Jonathan: venitque sabbati die, vel in contemptum religionis Judæorum sabbato libenter quiescentium; vel putans Jonathan die illa non pugnaturum, aut saltem invite.

Et Jonathas misit fratrem suum ducem populi, id est, Jonathas fratrem suum Joannem misit cum aliquibus quibus eum præfecit, et rogavit Nabuthæos amicos suos: qui secundum Josephum, Nabuthæi dicuntur ab urbe nomine Nabath; ut commendaret illis apparatus suum, id est, supellectilem suam apud illos deponeret, quousque contra Bacchidem ipse Jonathas dimicaret. Aliqui tamen habent, Ut com-

modarent illis apparatus suum, id est, quatenus Nabuthæi concederent Jonathæ ac suis arma sua atque tentoria. Et exierunt filii Jambri ex Madaba, id est urbe sic dicta, et comprehenderunt Joannem præfatum Jonathæ fratrem, etc. Et recordati sunt sanguinis fratris sui: id est, Jonathas et Simon recolentes injustam fratris sui Joannis occisionem a filiis Jambri, fecerunt ultionem, quæ in textu qui planus est, recitatur. Et vindicaverunt, id est, vindicando exercuerunt, vindictam sanguinis, id est effusionis sanguinis, fratris sui, zelo justitiæ.

Et dixit ad suos Jonathas: Surgamus et pugnemus contra inimicos nostros, videlicet Bacchidem et ejus exercitum. Non est enim hodie, sicut heri et nudiustertius, id est sicut præteritis diebus, in quibus fuit nobis libertas eundi ac divertendi hinc inde. Nunc autem oportet nos pugnando prævalere, aut infelicitèr subdi seu trucidari. Nunc ergo clamate in cælum, Deum cœli invocando. Et commissum est bellum. Et extendit Jonathas manum suam percutere Bacchidem, quatenus princeps impiorum hostium interempto, celerius prævaleret. Estque probabile, quod Bacchides vir valde audax, animosus et fortis, appropinquavit ad Jonathan ut eum occideret. Et divertit Bacchides ab eo retro: alioquin fuisset occisus a Jonatha. Et ceciderunt de parte Bacchidis mille viri; et reversi sunt in Jerusalem ipse Bacchides et sui, occisis de eorum exercitu mille viris.

Et ædificaverunt, id est, captas muni-erunt, et in aliquibus extruxerunt, civitates munitas in Judæa; et posuit custodias in eis, id est custodes et raptores de populo suo, ut inimicitias exercerent in Israel, id est, populum Judæorum spoliarent ac molestarent. Et accepit filios principum regionis, id est, filios principalium Judæorum sumpsit, in obsides, ne vel ipsi vel patres eorum contra se rebellarent, Jonathan adjuvando. Et præcepit Alcimus destrui muros, id est parietes seu muni-

1 Esdr. v.
1 : vi. 14 :
Agg. i. 8.
14 : Zach.
1. 10 : iv. 9.

menta muralia, domus sanctæ interioris, id est Sancti sanctorum, et opera Prophetarum, id est ædificia templi facta ex investigatione Zachariæ et Aggæi prophetarum sanctorum, ut patet in Esdra et Aggæo. In illo tempore percussus est Alcimus, id est plagatus a Deo, et occisus propter facinora sua.

Et apprehendit de viris regionis, qui principes erant militiæ ipsius Bacchidis, seu principales in ejus exercitu, quinquaginta viros, et occidit eos. Hoc Jonathas fecit, quum post mortem Alcimi Bacchides redisset ad regem, et rursus expletis duobus annis ad Judæam fuisset reversus. Et contritus, id est victus, non occisus, est Bacchides ab eis, hoc est a Jonatha et Simone. Et misit ad eum, puta ad Bacchi-

dem volentem ad propria remeare, Jonathas legatos componere cum ipso Bacchide pacem, et reddere ei captivitatem. hoc est, ut Bacchides redderet Jonathæ eos quos de populo Jonathæ captivavit. Jonathas quoque præbuit se paratum reddere Bacchidi, quos captivos habuit de populo Bacchidis, ut Josephus refert. Et in hoc uterque consensit. Et cessavit gladius ex Israël, id est, populus Israël a solita hostium impugnatione est liberatus. Nihilo minus post hæc habuerunt et alia prælia, ut infra habetur, sed non tam dura neque ita assidua, sicut ante. Et habitavit Jonathas in Machmas, id est urbe Judææ sic nominata : de qua exponitur illud primi Regum libri, Erant cum Saul duo millia in Machmas. 1 Reg. xiii, 2.

ARTICULUS X

EXPOSITIO CAPITULI DECIMI : ET ANNO CENTESIMO SEXAGESIMO ASCENDIT ALEXANDER.

1 Mach. i.
11.

GESTA Jonathæ, bella ac prosperitas ejus sub multis regibus habita, hic narrantur. Et anno centesimo sexagesimo ascendit Alexander Antiochi filius, qui Alexander cognominatus est Nobilis, sicut avus ejus Epiphanes est cognominatus, sive Illustris. Aliqui autem accipiunt hoc loco Nobilem et Illustris pro eodem ; et addunt quod Alexander iste fuit filius Antiochi Nobilis seu Illustris, et frater Antiochi, qui Eupator vocatus est. Et occupavit Ptolemaidam ; et receperunt illum, et regnavit illic, id est in urbe illa Syriæ. Atque, ut Josephus refert, ex prodicione militum in Ptolemaida commorantium, Alexander fuit receptus : quia militibus illis displicuit Demetrius propter suam superbiam, quia dum se clausisset in quadam turre regali, quam non longe ab Antiochia construxerat, a nemine videbatur ; sed et rem publicam ut desidiosus neglexit, ideo

subditi oderant eum. Et misit Demetrius rex epistolam ad Jonathan verbis pacificis, ex timore, ne Jonathas auxiliaretur Alexandro, memor molestiarum et injuriarum quas a Demetrio toleravit. Et dedit ei potestatem congregandi exercitum, et fabricare arma. Unde elicitur, quod Judæi vehementer premebantur jugo regum illorum. Et habitavit Jonathas in Jerusalem, et cœpit ædificare, id est meliorare in structuris, et innovare civitatem. Et fugerunt alienigenæ, id est gentiles, qui erant in munitionibus, id est locis munitis, quas ædificaverat Bacchides prope arcem, vel secundum quosdam, extra et prope Jerusalem. Tantum in Bethsura remanserant aliqui ex his qui reliquerant legem, id est apostatæ legis ; in arce quoque, ut infra et in Josepho patet.

Et audivit Alexander rex, qualiter Demetrius scripserat Jonathæ : idcirco et ipse

scripsit ei amorosam epistolam ex affectu non ficto, misitque ei munera pretiosa, ut patet in littera, in qua non est difficultas. *Et induit se Jonathas stolam sanctam*, id est vestem pontificalem. Nam Alexander non solum constituit eum summum sacerdotem, sed etiam misit ei stolam, ut Josephus narrat, quamvis hoc textus non dicat. *In die solenni Scenopegiae*, id est dedicationis templi primi a Salomone constructi, ut quidam exponit : quæ expositio probatur inepta, quia in lege communiter per festum Scenopegiae intelligitur festum Tabernaculorum. Josephus quoque refert : Suscipiens epistolam Alexandri Jonathas, induit stola sacerdotali, festo Tabernaculorum instante. Festum quoque Scenopegiae occurrebat septimo mense, ut patet in Levitico ; de quo mense loquitur hic Scriptura, dicendo, *Et induit se Jonathas stolam sanctam septimo mense*. Verumtamen stolam illam a rege missam ipse consecravat, antequam utebatur ea in Dei obsequio.

Lev. xxiii,
34.

Et audit Demetrius verba ista, quod scilicet Alexander scripsit et munera contulit Jonathæ, *et ait consiliariis suis: Quid hoc fecimus*, id est, cur ita habuimus nos, quod hoc fieri permisimus, *quod præoccupavit nos Alexander apprehendere amicitiam Judæorum ad munimen sui*, id est ad suam protectionem et opem? *Scribam et ego illis verba deprecatoria et dignitates et dona, ut sint mecum in adjutorium. Et scripsit Demetrius eis*, Jonathæ ac populo ejus, *in hæc verba: Quoniam servastis ad nos pactum, et mansistis in amicitia nostra, et non accessistis ad inimicos nostros per confederationem, gavisum sumus*, etc. Hæc falsa erant et ficta, ut Jonathas erubesceret non adhærere Demetrio. *Et remitemus vobis præstationes multas*, id est multa quæ nobis dare solebatis certis temporibus : imo *dabimus vobis donationes*, id est munera. *Et nunc absolvo vos et omnes Judæos in meo dominio commorantes, a tributis, et pretia salis indulgeo*, id est pecunias quas solvistis pro sale,

A *quod confecistis in terra nostra ex aqua maris, super quod pro parte sita est terra Judææ*. Sicque aquæ de mari eductæ per alveos, super terram vertebantur in sal per solis calorem. *Et coronas remitto*, quas solvere consuevistis, *et tertias seminis*, id est tertias frugum partes. Merito ergo Esdras locutus est : *Fructus ejus multiplicantur regibus, quos posuisti super nos. Et dimidiam partem fructus ligni*, id est arborum, *in totum tempus præsentis meæ*.

II Esdr. ix,
37.

B *Et Jerusalem sit sancta*, id est, Dei cultus exerceatur in ea et in templo ipsius, *et libera a tributis ; et decimæ et tributa*, quæ nobis solvere solent, *ipsius sint*, id est, ei remaneant pro bono ejus communi. *Remitto etiam potestatem arcis*, ita ut nullus in ea moretur contra Jonathæ voluntatem. Ideo additur, *et do eam summo sacerdoti*, non simpliciter, sed *ut constituat in ea viros quoscunque ipse voluerit*, qui molestiam non ingerant intrantibus templum ; *qui custodiant eam pro rege*, ut C Josephus addit : quod et verbis sequentis concordat capituli. *Et omnem animam*, id est personam, *Judæorum captivam in omni regno meo, relinquo liberam gratis. Et omnes dies solennes*, id est majora festa, ut Paschæ, Pentecostes, Tabernaculorum et Tubarum, quæ semel venerunt in anno, *et sabbata in omni hebdomada venientia, et neomeniæ*, id est festa in exordiis mensium celebranda, *et dies decreti*, id est, pro celebrandis festivitatibus ex certis casibus instituti seu ordinati, quem-

D admodum dies Sortium pro interfectione Aman liberationeque Judæorum, et dies victoriæ Judith, *et tres dies ante diem solennem*, id est præcipuam legis solennitatem, *et tres dies post eam*. Josephus vero ait pluraliter, Ante eos, et, Post eos : et sic per diem solennem forsitan designantur solennes dies semel in anno venientes. Solennitas autem Paschæ et Tabernaculorum duravit septem diebus, prout in Levitico habetur. *Sint omnes dies immunitatis ab exactione, et remissionis a vectigali-*

Esdr ix,
21.

Judith xvi,
31.

Lev. xxiii,
6, 8, 34.

bus, omnibus Judæis qui sunt in regno meo; et nemo habebit potestatem agere aliquid contra Judæos in foro contentioso, et movere negotia adversus aliquem eorum in omni, id est quacumque, causa, in practactis diebus.

Et ut adscribantur ex Judæis in exercitu regis ad negotia bellica, pro defensione reipublicæ, qui sint quasi milites et stipendiarii regis, et præcipui defensores Judæorum in regno meo manentium, usque ad triginta millia virorum. Et dabuntur illis copiæ, id est necessaria ad sua officia peragenda, ut arma, stipendia aut consimilia, ut oportet dari omnibus exercitibus regis; et ex ipsis triginta millibus Judæorum, ordinabuntur aliqui per principes meos, qui sint custodes et propugnatores in munitionibus regis magnis, id est fortalitiis. Et ex his constituentur qui sint super negotia regni, id est aliqui officiiati ad expediendum negotia, quæ aguntur ex fide, id est, qui tantæ sint reputationis, quod eis credatur, et ambulent in legitimis suis, sicut præcepit rex in terra Juda, id est, ubique in regno meo permittantur vivere secundum legem patrum suorum, sicut præcepi eos permitti sic vivere in Judæa. Et tres civitates quæ additæ sunt Judææ ex regione Samariæ, cum Judæa reputentur, tanquam de jure pertinentes ad eam, ut sint sub uno, scilicet principe sacerdotum. Ideo subditur, et non obediant alienæ potestati, nisi summo sacerdoti. Judæi namque post reditum a Babylone per pontifices regebantur. Ptolemaida et confines urbes ejus, quas dedi donum sanctis qui sunt in Jerusalem, id est ministris templi, sacerdotibus ac Levitis, ad necessarios sumptus sanctorum, id est ministrorum illorum divinis consecratorum.

Et ego singulis annis dabo ad sacrificia aut consimilia, quindecim millia siclorum argenti, id est tantam pecuniam. Siclus autem, ut in lege habetur, viginti obolos habet. Sed sicli erant diversi. De rationibus regis, id est de rebus et bonis ad me de jure spectantibus. Et omne quod reli-

quum fuerit, dabunt qui præsumt negotiis in opera domus, id est ad ea quæ necessaria sunt in templo. Et super, id est ultra hæc quinque millia siclorum quæ accipiebant officiiati mei pro me, vel alii reges, de sanctorum ratione, id est de pertinentibus ad templi ministros, vel ad templum, ad sacerdotes pertineant, qui ministerio sacerdotali funguntur. Et quicumque confugerint in templum, et in omnibus finibus ejus, id est infra septa ipsius, obnoxii regi in omni negotio, id est adstricti ad satisfaciendum mihi pro culpa quacumque, dimittantur; et universa quæ sunt, id est attinent, eis, libera habeant. Et ad ædificanda vel restauranda opera sanctorum, id est ædificia templi et appendicias ejus, sumptus dabuntur de ratione, id est redditibus, regis.

Ut autem audivit Jonathas et populus ejus sermones istos, non crediderunt eis: nam ficti erant et blandi, ex timore prolati. Et complacuit eis in Alexandrum, qui ex sinceritate quadam scripsit et contulit eis; quia ipse fuerat eis princeps sermonum pacis, id est præcipuus repromissor atque exhibitor verborum pacificorum, non loquens nec scribens eis dolose, et ipsi Alexandro auxilium ferebant omnibus diebus opportunis. Circa hoc quæritur, an in hoc bene egerunt. Et apparet quod non: quoniam Alexander iste non habuit jus ad possidendum hoc regnum Demetrii. Fuit enim ex semine Antiochi Illustris qui regnum invasit, expulso filio fratris sui senioris Seleuci, cui regnum competebat de jure, ratione primogenituræ. Quid ad hanc respondendum sit questionem, non video, nisi forsitan quod Demetrius ob suam in Judæos tyrannidem, et ob alia crimina meruerit regno privari.

Et congregavit Alexander rex exercitum magnum, et admovit castra contra Demetrium. Et commiserunt prælium duo reges, et fugit exercitus Demetrii, etc. Et cecidit, id est occisus est, Demetrius in die illa. Circa hoc Josephus scribit: Demetrius fortiter pugnans, non paucos ho-

stium prostravit. Quumque fugans alios equus ejus cœni barathro, id est profundo luto, inhæsisset, minime fugere valens, occiditur. Videntes etenim hostes quod ei accidisset, reversi, circumdederunt eum; et omnibus in eum jacula destinantibus, quum ipse pedestris fortiter resisteret, postea perfossus vulneribus lapsus est. *Et misit Alexander ad Ptolemæum regem Ægypti legatos, dicens: Quoniam regressus sum ad regnum meum, etc. Et nunc statuamus ad invicem amicitiam, et da mihi filiam tuam uxorem: quod Ptolemæus libenter fecit. Et scripsit Alexander Jonathæ, ut veniret sibi obviam in Ptolemaida civitate.* Quo quum Jonathas pervenisset, dedit Alexandro ac Ptolemæo munera pretiosa et magna; et honoraverunt eum, præcipue Alexander, qui jussit eum purpura mox vestiri ac secum sedere, et primum esse amicorum suorum, ac ducem atque participem principatus. Denique, sicut in Scholastica fertur historia, quatuor sunt insignia regalia, scilicet purpura, fibula aurea, diadema, et sceptrum.

Consequenter describitur bellum Jonathæ contra Demetrium præacti Demetrii filium. *In anno centesimo sexagesimo quinto venit Demetrius filius Demetrii a Creta civitate: de qua ex parte matris fuerat oriundus; ideo patre suo occiso, illuc confugit.* In urbe illa postea fuit archiepiscopus ipse Titus apostoli Pauli discipulus. Jupiter quoque fuit rex Cretæ. De Cretensibus vero allegat Apostolus illud poetæ: Cretenses semper mendaces, malæ bestię, ventres pigri. *Et audivit Alexander adventum Demetrii, et contristatus est valde, timens ab illo vastari, quia Demetrius ille fuit de linea regalis prosapiæ, ex semine primogeniti magni Antiochi, et reversus est Alexander Antiochiam regni sui metropolim. Et constituit Demetrius Apollonium ducem, et congregavit exercitum magnum, ut in primis expugnaret Jonatham, quem scivit Alexandro fortiter confederatum; et accessit ad Jamniam in Judæa prope mare sitam, et misit ad Jo-*

nathan ipse Demetrius rex, vel Apollonius ex parte ipsius [dicens]:

Tu solus resistis nobis, id est, præcipue impedis nos, roborando audaciam Alexandri. Ego autem factus sum in derisum et in opprobrium ab Alexandro et suis, qui occupant terram patrum meorum, nec me volunt recipere, et etiam a te et tuis, propterea quia tu potestatem exerces adversus nos in montibus, ita quod in locis montanis, et in urbibus fortalitiisque hujusmodi confidis, ad quæ difficile est ascendere, præsertim equitibus. Nunc ergo si confidis in virtutibus tuis, id est robore tui exercitus, seu corporalibus viribus, aut justitiis, quibus facta tua coloras, descende ad nos in campum, ut in loco plano præliis apto pugnemus; quia mecum est virtus bellorum, id est fortitudo exercitus atque industria præliandi. Interroga, et discite quis sum ego: quasi dicat, Si excellentiam meam perpenderes, te mihi opponere non auderes. Loquitur autem comminatorie, præsumptuose, superbe, tanquam volens Jonathan perterrere: qui confidens in Domino magis quam in virtutibus suis, ex verbis tantæ improbitatis fuit magis ad magnanimitatem et confidentiam provocatus, sicut subjungitur.

Ut audivit autem Jonathas sermones Apollonii ex ore nuntii seu ex epistola, motus est animo ad justam indignationem, et ad iram per zelum atque audaciam, quemadmodum David ex verbis Goliath. Erant namque devoti cultores veri Dei: in quo confidentes, verba idololatrarum spernebant. Et elegit Jonathas decem millia virorum, etc. Et applicuerunt Jonathas et Simon frater ejus cum exercitu suo, in Joppen, id est extra et prope Joppen: nam subditur, et exclusit eum a civitate, id est, populus in Joppe exsistens, portas clausit, ne Jonathas introiret cum suis; quia custodia Apollonii Joppe erat, id est, milites ab Apollonio constituti in urbe illa, ad succurrendum sibi tempore opportuno; et oppugnavit Jonathas eam. Et exterius qui erant in civitate, ne caperet eam et

Tit. 1, 5.

Ibid. 12.

1 Reg. xvii, 26, 36, 45-47.

ipsos occideret, *aperuerunt ei*. Et praelium commiserunt contra se invicem Jonathas et Apollonius, non statim tunc, sed paulo post.

Et cognovit Jonathas, quoniam sunt insidiæ post se, id est, quod Apollonius aliquos dimisisset occulte, qui a tergo invaderent Jonathan et suos tempore praelii. *Et circuierunt Jonathas et sui castra ejus*, puta Apollonii, antequam pugnaverunt, ne includerentur a viris Apollonii, *et jecerunt milites et sagittarii Apollonii jacula in populum Jonathæ, a mane usque ad vesperam*. Populus autem stabat sicut præcepit Jonathas; et laboraverunt equi eorum, videlicet militum Apollonii. Circa hoc Josephus scribit: Jonathas suis præcepit, sagittas equitum testudine facta excipere. Quod quum fecissent, nihil lædebantur, quamvis hostes super eos frequentia tela vibrarent, usquequo suas evacuassent sagittas: nam sagittæ corpora clypeis septa minime contingebant, quum constipatione testudinis tela venientia refugarentur. *Et ejecit*, id est, ad bellandum repente direxit, *Simon exercitum suum*, videns adversarios jam lassatos, *et commisit contra legionem pedestrem*, quibus equites non valebant multum succurrere. Propter quod subditur: *Equites enim fatigati erant*

sagittando. *Et contriti sunt ab eo*, id est a Simone, hi qui erant in legione, *et fugerunt. Et intraverunt in Bethdagon idolum suum*, id est in domum seu templum Dagon dei vel idoli sui, *ut se*, id est eos, liberaret. *Et accendit Jonathas Azotum*, et templum illud cum existentibus in se. *Et fuerunt qui ceciderunt gladio, fere octo millia virorum*.

Et movit inde Jonathas castra, et applicuit [ea] Ascalonem, quæ fuit una de quinque principalibus urbibus Philistinorum; *et exierunt obviam illi*, videlicet Jonathæ, *in magna gloria*, non audentes se ei opponere.

Et ut audivit Alexander rex sermones istos, addidit adhuc glorificare Jonathan ad regatandum ei, quia expugnavit adversarios Alexandri. *Et misit ei fibulam auream, sicut est consuetudo dari cognatis regum*. Josephus dicit, Torquem auream. Porro jam supra in isto capitulo dictum est, quod misit Jonathæ purpuram, aureamque coronam. Quumque juxta præhabita, sint quatuor insignia regalia, patet quod misit Jonathæ tria, quartum (scilicet sceptrum) sibi reservans. *Et dedit ei Accaron*, unam quinque principalium civitatum Philistiim, *et omnes fines ejus*, id est urbes et villas Accaroni confines, *in possessionem*.

ARTICULUS XI

EXPOSITIO CAPITULI UNDECIMI: ET REX ÆGYPTI CONGREGAVIT EXERCITUM.

DESCRIBUNTUR hic gesta quædam plerumque regum, videlicet regis Ægypti, regumque Syriæ Alexandri et Demetrii, et principaliter gesta Jonathæ sub eisdem. *Et rex Ægypti Ptolemæus Philometor, secundum Josephum, congregavit exercitum copiosum, sicut arenam quæ est ad oram*, id est in littore, *maris*: quod hyperbolice accipi potest; *et quærebat obtinere regnum Alexandri dolo, et addere illud regno suo*: quod fuit detestanda ambitio, et multum innaturalis, quum Alexander esset gener ipsius, essetque spes quod ad nepotem aut neptem Ptolemæi ex filia sua Cleopatra Alexandri uxore, devolvendum esset regnum Alexandri. Sed infelix ambitio caret oculo, tamque crudelis est, quod nec patri parcit, nec fratri. *Et exiit Pto-*

lemæus de Ægypto in Syriam verbis pacificis, simulans se venisse ad profectum generi sui, et ideo urbes aperuerunt ei, præsertim quia Alexander hoc eis commisit.

Et ut appropinquavit Ptolemæus Azoto, ostenderunt ei Syri pergentes cum ipso, ut Josephus tangit, templum Dagon incensum, et Azotum quoque incensum, et cetera ejus demolita, id est destructa, et corpora occisorum projecta, et eorum qui cæsi erant in bello, tumulos, id est sepulcra, quia tanquam viliores erant sepulchra. Et narraverunt regi, quia hæc fecit Jonathas, ut invidiam facerent ei, id est, ut regem inflammarent invidia contra Jonatham; et tacuit rex, nolens contra Jonatham amicum Alexandri litem assumere, ne Alexander percipiendo tale litigium, malum aliquid suspicaretur contra Ptolemæum. Et occurrit Jonathas regi Ægypti in Joppen, volens pro posse pacem amicitiamque servare cum regibus propter commune populi sui bonum. Rex autem Ptolemæus obtinuit dominium civitatum Syriæ, auxilio militum suorum, quos in singulis posuit urbibus illis, usque Seleuciam maritimam, id est urbem sic appellatam ad mare sitam; et cogitabat in Alexandrum consilia mala, qualiter posset eum omnino opprimere fraudulenter.

Circa hæc gesta, multa scribit Josephus, quæ huic historiæ non concordant, nec cum ea videntur posse concordari, nisi forsitan multum extorte. Ideo magis credendum est huic libro.

Et misit legatos ad Demetrium, dicens: Veni, componamus inter nos pacta pacis et amicitiae fœdus, et dabo tibi filiam meam quam habet Alexander. Tale divortium fuit omnino illicitum. Pœnitet enim me quod dederim illi filiam meam. Quæsivit enim me occidere. Hoc secundum Josephum ita fuit. Nam refert Ptolemæum exisse Ægyptum ad præbendum solatia Alexandro, et tamen in Ptolemaida fuerit quasi occisus ex insidiis Alexandri, quas per Ammonium Ptolemæo paravit. Et aliqui dicunt

A quod voluit Ptolemæum inficere. Sed textus non consonat, asserens Ptolemæum egressum, ut dolo regnum Alexandri acquireret. Subditur: Et vituperavit eum, videlicet Ptolemæus Alexandrum, propterea quod concupierat regnum ejus. Et intravit Ptolemæus Antiochiam metropolim Syriæ, ut ibi coronaretur super Syriæ regnum. Unde subjungitur: Et imposuit capiti suo duo diademata, Ægypti et Asiæ. Quare non ait, Ægypti et Syriæ? nisi forsitan quoniam Syria est pars Asiæ, prout B Asia dicitur una de quatuor plagis vel partibus mundi.

Et audivit Alexander fraudes et practicas Ptolemæi, et venit ad eum in bellum, etc.; et fugavit eum, scilicet Alexandrum Ptolemæus. Occulta quippe sunt Ps. xxxv. 7. judicia Dei, qui permittit interdum peiores melioribus seu minus pravis prævalere, ex certa et legitima causa quæ homines latet: sicut in libro Judicium leguntur filii Benjamin injustissimam causam habentes, ceteris tribubus Israel justam pugnandi causam habentibus, imo ex divina revelatione ad bellum procedentibus, his prævaluisse. Certum est autem, Alexandrum istum fuisse idololatram, atque in multis culpabilem. Et fugit Alexander in Arabiam cum filio suo Antiocho ad parentes maternos; et abstulit Zabdiel Arabs caput Alexandri, et misit Ptolemæo. In Scholastica fertur historia: Rex Arabum timens potestatem Ptolemæi, occidit Alexandrum, et reservavit filium ejus. Ptolemæus vero, capite Alexandri viso, gavisus fuit. Et Ptolemæus mortuus est in die tertio, postquam caput acceperat Alexandri. Sicque Deus justo judicio punivit celerrime tantas Ptolemæi impietates. Et qui erant in munitionibus, id est hi quos rex Ægypti constituerat in munitis Syriæ locis, perierunt ab his qui erant intra castra, id est, opprimebantur a militibus et pugnatoribus Demetrii, quorum multi ante adhæserant Alexandro. Demetrius namque et Syri noluerunt loca sua munita ab Ægyptiis possideri. Judic. xx, 21, 25.

In diebus illis congregavit Jonathas eos qui erant in Judæa, ut expugnaret arcem, etc. Et abierunt quidam viri iniqui ad regem Demetrium, qui nuntiaverunt ei quod Jonathas obsideret arcem. Et ut audivit, iratus est, id est, Demetrius iratus est contra Jonathan, quum sibi denuntiatus esset a quibusdam perfidis apostatisque Judæis, quod Jonathas obsideret arcem. Et dedit se periculo, id est, Jonathas exposuit se periculo mortis, pergendo ad regem Demetrium cum sacerdotibus ac senioribus Judæorum, non obstante quod contra regis præceptum jussit continuari arcis obsidionem : de qua re intendebat regi causam rationabilem assignare. Et invenit gratiam in conspectu ejus, puta Demetrii, cui attulit munera pretiosa et multa, per quæ mentem Demetrii emollivit. Omnipotens quoque ad nutum immutat principum corda. Unde et Demetrius, præter spem Jonathæ, multipliciter honoravit exaltavitque Jonathan, quemadmodum Alexander, nec accusatoribus ejus audientiam præbuit.

PROV. XXI,
1.

Et postulavit Jonathas a rege ut immunitatem, id est a tributo seu obsequiis, vel gravaminibus solitis liberam, faceret Judæam, et tres toparchias, id est principatus urbes, id est Samariam, quæ fuit metropolis in regno decem tribuum, et confines ejus, id est duas urbes ei confines; et promisit ei, videlicet regi, talenta trecenta, in recompensam emolumentorum consuetorum. Et concessit rex, et scripsit Jonathæ epistolas de his omnibus, hunc modum, id est tenorem et formam, D

Rex Demetrius Jonathæ fratri salutem, et genti Judæorum. Exemplum epistolæ quam scripsimus Lastheni parenti nostro de vobis, misimus ad vos. Lasthenes iste creditur fuisse propinquus, carus et familiaris Demetrio, specialiter quoque honoratus ab eo : propter quod vocavit eum parentem. Propter quod etiam scripsit ei propria gesta : sicque gratiam et beneficia quæ concessit Jonathæ ac Judæis, si-

A gnificavit Lastheni, et formam epistolæ illi missæ, misit et Jonathæ ac populo ejus. *Genti Judæorum decrevimus benefacere, propter benignitatem quam erga nos habent. Statuimus ergo, id est, ordinamus et exhibemus, illis omnes fines Judææ, et tres civitates, videlicet Lydan et Ramathan quæ additæ sunt Judææ ex Samaria, hoc est ex civitatibus regni decem tribuum. Porro Samaria interdum accipitur pro speciali urbe regionis illius, et sic fuit tertia urbs, pro cujus immunitate instituit Jonathas. Sequestrari, id est separari, et ad inhabitandum concedi, omnibus Israelitis sacrificantibus in Jerosolymis in templo, id est veri Dei cultoribus, pro his donationibus et exactionibus, quæ ab eis rex Syriæ, scilicet ego seu quicumque prædecessor meus, prius accipiebat per singulos annos, et pro fructibus terræ et pomorum, id est arborum. Et alia quæ ad nos pertinebant decimarum et tributorum, ex hoc tempore remittimus eis pro trecentis talentis, quæ in horum recompensam*

C Jonathas nobis solvet. *Et areas salinarum, id est loca, in quibus conficitur sal, modo tacto præcedenti articulo : de qua re plenius scripsi super illud Proverbiorum, Acetum in nitro, qui cantat carmina cordi pessimo; et coronas quæ nobis deferebantur, id est, a Judæis persolvebantur, omnia concedimus, id est relinquimus eis, non exigimus, ex causa præhabita. Nunc ergo curate facere horum exemplum, id est, ista diligenter conscribite in materia bene durabili, et detur Jonathæ ad disponendum de ejus custodia, et ponatur in monte sancto Sion, in loco celebri templi ad perennem memoriam.*

1 Mach. x,
29.

PROV. XXV,
20.

Et videns Demetrius quod siluit terra in conspectu suo, id est, quod habitatores terræ sibi non repugnarent, dimisit exercitum suum, ex proprio populo suo collectum, excepto peregrino, id est alieno, exercitu, quem contraxit ab insulis gentium, id est a Creta ac aliis gentibus, quarum subsidio intravit terram regni patrum suorum : et inimici ei erant omnes exercitus

patrum ejus, id est proprius et nativus A exercitus, qui et patribus suis servierat. Indignabantur enim regi, quod peregrinum illum exercitum, ipsis licentiatis, apud se retinebat, et quia solitas eis diminuēbat annonas : imo, secundum Josephum, reges priores consueverunt eis dare annonas etiam tempore pacis, quatenus tempore praelii essent ad omnia promptiores.

Tryphon autem quidam erat partium *alias prius *Alexandri primus**, id est præcipuus inter fautores ac principes Alexandri, dum ille vixit : qui videns exercitum contra B Demetrium murmurare, intravit Arabiam, ut inde deduceret filium Alexandri, cui putavit exercitum mox adhæsurum. *Et mansit ibi*, id est in Arabia ipse Tryphon, *diebus multis* : quia Antiochus ille fuit nimis juvenis ad regnandum, et princeps qui eum nutrit, non cito neque faciliter acquievit petitioni Tryphonis, ut Josephus narrat.

Et misit Jonathas ad Demetrium, ut ejiceret eos qui in arce erant. Ex hoc non sequitur, quod Jonathas cessavit ab arcis obsidione, sed potius quod non poterat eam ad libitum expugnare. *Et qui in praesidiis erant*, id est in locis munitis Judææ hinc inde : *quia impugnabant Israel*, id est populum Judæorum ex fortalitiis illis, exeundo de illis ad deprædandum et impugnandum. Erant enim partim gentiles, partim Judæi apostatæ. Cui petitioni dixit se rex satisfacturum et majora facturum, præsertim si Jonathas sibi auxiliares transmitteret. *Misitque regi tria milia virorum fortium.* *Et occupaverunt qui D erant de civitate, itinera civitatis*, id est, vias et plateas urbis sic munierunt, ut nec rex posset aufugere, nec ab extra aliquis sibi in auxilium advenire. Sed per hoc sibi ipsis laqueum extenderunt, quoniam victi sunt, nec potuerunt fugere expedite propter hujusmodi impedimenta. *Et vocavit rex Judæos in auxilium, et convenērunt omnes simul ad eum, et dispersi sunt omnes per civitatem* : id est, Judæi undique discurrebant per urbem, inse-

quando, fugando, occidendoque æmulos ; *et occiderunt illa die centum millia hominum, et succenderunt civitatem pro parte* : quo viso, residui postulaverunt a rege pacem et veniam. Sicque Judæi famosi effecti sunt in regno Demetrii.

Verumtamen Josephus circa hæc multa refert, quæ non videntur multum consona textui huic, videlicet quod exercitus ille peregrinus adhuc cum Demetrio fuit, et quod Judæi ascenderunt super tecta domorum, quæ ibi plana fuerunt, atque ex alto contra adversarios præliabantur, jacula et alia emittendo, unde nec lædi valebant ; et quod transiliebant de tecto in tectum, ac multa similia.

Et siluit terra in conspectu ejus, id est Demetrii, post tantam victoriam, et metropolis suæ prostrationem ac subjugationem sub eo. *Et mentitus est omnia quæcumque dixit*, id est, quæ Jonathæ scripsit ac promisit de beneficiis impendendis gratiisque agendis.

Post hæc autem reversus est Tryphon ab Arabia, *et Antiochus puer adolescens*, filius Alexandri, *et regnavit, et imposuit sibi diadema regni Syriæ* ; *et congregati sunt ad eum exercitus, quos disperserat Demetrius, et pugnaverunt contra eum*, puta Demetrium, *et fugit Demetrius.* *Et accepit Tryphon bestias*, id est elephantos, vel secum adductas, vel a Demetrio fugiente sublatas, *et obtinuit Antiochiam.* *Et scripsit Antiochus adolescens Jonathæ* : et hoc de consilio Tryphonis, quatenus Jonathas adjuvaret Antiochum, sicut adjuverat ipsius patrem Alexandrum ; *dicens* : *Constituo tibi sacerdotium*, id est, pontificatum tibi concedo. Concessionem namque a Demetrio factam, reputavit Antiochus cassam. *Et constituo te principem super quatuor civitates extra regionem Judææ.* *Et misit Antiochus illi vasa aurea in ministerium templi vel mensæ suæ, et dedit ei potestatem*, id est auctoritatem, *bibendi in auro*, id est ex aureis scyphis, *et esse in*, id est indui, purpura, *et habere fibulam auream seu aureum torquem* ; *et Si-*

monem fratrem ejus constituit ducem, id est officiatum in aliqua dignitate, a terminis Tyri usque ad fines Ægypti, id est usque ad principium confiniorum regionis Ægypti exclusive, quia super Ægyptum non habuit principatum iste Antiochus.

Et exiit Jonathas, et perambulabat trans flumen Euphraten civitates, ut induceret eas ad cohærendum Antiocho. Et congregatus est ad eum omnis exercitus Syriæ ad faciendum hoc plenius. Et abiit Gazam propter eandem causam; et concluderunt se qui erant Gazæ, nolentes aperire Jonathæ, neque Antiocho obedire; et succendit quæ in circuitu erant civitatis attinentia Gazæ, et prædatus est eam, auferendo divitias ejus quas reperit extra urbem. Et rogaverunt Gazenses Jonathan pacem et veniam, et dedit illis dextram.

Et audivit Jonathas quia prævaricati sunt principes Demetrii, injuriando vel Jonathæ vel Antiocho, in Cades quæ est in Galilæa, quia in illo oppido fuerant congregati cum exercitu multo, volentes eum remove a negotio regni, id est a principatu sibi concessa ab Antiocho, imo et dudum a Demetrio; et occurrit illis. Fratrem autem suum Simonem reliquit intra provinciam Judææ ad ejus custodiam. Et applicuit Simon ad Bethsuram civitatem, in qua fuit fortalitium post arcem fortissimum, atque in eo adversarii Judæorum obedientes Demetrio, et conclusit eos, qui erant in oppido et fortalitio illo. Sicque nequibant egredi, aut necessaria adipisci. Et postulaverunt ab eo, id est a Simone, dexteras accipere, id est assecurationem vitæ, ut dimitterent ei locum, salva vita ipsorum: quibus in hoc acquievit. Et posuit in ea præsidium, id est, in Bethsura

et ejus fortalitio constituit custodiam armatorum de populo suo.

Et Jonathas et castra ejus applicuerunt ad aquam Genesar: quæ alio nomine appellatur mare Genesar, sive Genesareth, ac mare Galilææ; et ante lucem vigilaverunt, id est, vigiles ac parati ad prælium erant, in campo Asor civitatis. Et ecce castra alienigenarum, videlicet principes et exercitus Demetrii, occurrebant ei in campo, forsane eodem, et tendebant ei insidias in montibus, in quibus multi occulte manserunt. Et

B fugerunt qui erant ex parte Jonathæ omnes præter duos, quoniam territi erant videndo insidias ex montibus erumpere. Et scidit Jonathas vestimenta sua. Si fuit armatus, quomodo potuit suas scindere vestes? Respondetur quod scidit vestes aliquas, quibus ad ornatum fuit super arma indutus. Et posuit terram in capite, id est super caput, et oravit pro confortatione sui et suorum qui fugerunt, ut redirent ad ipsum. Sicque suo dolore, humiliatione et oratione, exquisivit auxilium Dei, qui exaudivit suum propugnatorem fidelem. Et conversus est Jonathas, cum duobus qui secum remanserant, ad eos, id est ad alienigenas, in prælium, et convertit illos, id est, fecit ipsos alienigenas reverti ad se, provocando eos ad bellum, qui fugientibus Judæis, cœperunt recedere ut victores. Et viderunt qui fugiebant partis ejus, id est, Judæi existentes ex parte Jonathæ, qui paulo ante fugerunt, viderunt Jonathan cum duobus invasisse adversarios suos; et reversi sunt ad eum animati exemplo audaciæ ejus, et insequabantur cum eo alienigenas usque ad Cades, ad castra sua, id est ad loca illa alienigenarum, ex quibus venerunt ad prælium. Et ceciderunt de alienigenis tria millia virorum; et reversus est Jonathas in Jerusalem.

Luc. v, 1;
Joann. vi,
1.

ARTICULUS XII

EXPOSITIO CAPITULI DUODECIMI : ET VIDIT JONATHAS QUIA TEMPUS EUM JUVAT.

MULTA hic gesta Jonathæ recitantur. A et specialiter, qualiter post renovationem amicitiae cum Romanis, cito fuit deceptus et captus. *Et vidit Jonathas quia tempus eum juvat.* Non est hoc intelligendum, quasi facta hominum tempori aut fato subiaceant; sed consuetudo est Scripturæ, ut tempori adscribantur ea, quæ contingunt in tempore: sicut et Christus in Evangelio loquitur, Crastinus dies sibi ipsi sollicitus erit; et rursus, Sufficit (inquit) diei malitia sua. Sicque dicitur tempus ipsum Jonathan adjuvisse, quia Deus in tempore ejus gratiose ei adfuit. Unde et Josephus hoc convenienter expressit, dicendo, libro Antiquitatum tertio decimo: Quum vidisset Jonathas omnia sibi divina providentia secundum suam accidere voluntatem, etc. *Elegit viros nobiles ac prudentes, ad tantæ legationis peragenda negotia aptos: qui infra exprimuntur in textu; et misit eos Romam, statuere et renovare cum eis amicitiam; et ad Spartiatas, id est Lacedæmonios, ut infra magis elucidabitur, et alia loca, id est ad habitatores aliorum locorum sibi dilectos, misit epistolas secundum eandem formam, qua scripsit Romanis, hoc est secundum similem sensum, videlicet, de institutione et renovatione amicitiae inter eos. Et dederunt illis epistolas per loca, id est, Romani dederunt legatis Jonathæ epistolas ad reges et principes inter Romam et Judæam commorantes, ut deducerent eos, putantes legatos Jonathæ, cum pace in terram Juda.*

Et hoc est exemplum epistolarum, quas scripsit Jonathas Spartiatis: Jam pridem, id est pristino tempore dudum evoluto, missæ erant epistolæ ad Oniam summum sacerdotem a Dario, qui pugnabat, id est,*

pugnando contra hostes regnavit, apud vos, id est in vobis et super vos, quoniam estis fratres nostri, id est cognati ex genere Abrahæ, sicut rescriptum continet quod subjectum est, id est, sicut epistola responsiva, ab Onia pontifice missa præfata regi Spartiatarum, includit. Porro forma epistolæ missæ a rege Spartiatarum Oniæ, non ponitur hic, sed Josephus tertio decimo Antiquitatum libro recitat eam hoc modo: Rex Lacedæmoniorum Arius, Oniæ salutem. Legentes scripturam aliquam, invenimus ex uno genere Judæos et Lacedæmones exstitisse, et familiaritatem cum Abraham socialiter habuisse. Justum ergo est, quum fratres existatis, et transmittere ad nos et petere quæ vobis necessaria judicatis. Facimus vero et nos idem, et vestra propria simul et nostra communia reputamus. Hæc Josephus. Et suscepit Onias pontifex virum qui fuerat missus a rege Lacedæmoniorum Dario, quem (ut tactum est) Josephus nominat Arium, cum honore; et suscepit Onias, epistolas regis præfacti: et forsitan fuit una et satis brevis epistola, quamvis pluraliter dicatur epistolæ, juxta morem loquendi, quo frequenter singulare ponitur pro plurali, et e converso; in quibus significabatur de societate et amicitia, habita et habenda inter Judæos et Spartiatis.*

Nos, hoc est ego Jonathas et populus meus, quum nullo horum indigeremus, id est nullo humano auxilio atque solatio præsentis, quia nunc pacem habemus, et prosperitate lætamur. Vel, ut Josephus tangit, iste est sensus: Nos, quum nullo horum indigeremus, id est, ad probandum vos esse nostros cognatos, non indigeremus extranea probatione, quia per sacras

Matth. vi,
34.
Ibidem.

* alias regnabat

* accepit

nostras Litteras, id est Scripturas, hoc esse credimus. *Habentes solatio sanctos libros, videlicet Scripturas veteris Testamenti, qui in manibus nostris sunt* : in quibus jam tempore pacis exercemur, et magnam ac spiritualem consolationem haurimus et experimur, juxta illud Psalmi : Quam dulcia faucibus meis eloquia tua ! Super mel ori meo. Etenim divina Scriptura est paradisus deliciarum, promptuarium sapientiæ atque scientiæ, recreatio intellectus, inflammatio voluntatis, doctrix fidei, genitrix spei, desperationem exstinguens, confidentiam veniæ præbens, mensa refectionis internæ, impinguatō mentis benevolæ, cibus et potus, medicina et lumen, opulentia animarum, conciliatrix ac conservatio gratiarum, via æternæ salutis. Hinc ait Apostolus : Quæcumque scripta sunt, ad nostram doctrinam scripta sunt, ut per patientiam et consolationem Scripturarum spem habeamus. *Maluimus mittere ad vos, quam hoc ipsum negligere, renovare fraternitatem et amicitiam, ea recolendo quæ conservativa et augmentativa earum sunt. Multa enim tempora transierunt ex quo misistis ad nos, scilicet tempore regis vestri præfati, et Oniæ. Nos ergo in omni tempore opportuno, sine intermissione, horis statutis, sicut subjungitur, in diebus solennibus, memores sumus vestri in sacrificiis et observationibus mandatorum, cærimoniarumque legis, orando et sacrificando pro vobis, ut fraterna requirit dilectio. Lætamur itaque de gloria vestra, hoc est, vestræ prosperitati et paci ex caritate congratulamur. Et nunc bene facietis, respondentes nobis ad hæc.*

Consequenter ponitur rescriptum Spartiatarum Jonathæ et suis remissum. *Onias**, qui fuit rex Spartiatarum tempore Jonathæ, sacerdoti magno, id est pontifici Judæorum, salutem. *Inventum est in Scriptura de Spartiatis et Judæis, quoniam sunt fratres, et quia sunt de genere Abraham. In quo libro Scripturæ veteris Testamenti scriptum sit istud, potest inquiri. Et dicunt quidam, quod in Genesi, ubi genera-*

iones Abrahæ describuntur, tam ex Isaac quam ex Ismaele, tam ex filiis Ceturæ, ex quibus teste Hieronymo innumerabiles gentes exortæ sunt. Verumtamen in nostra translatione non invenitur istud sub nomine Spartiatarum aut Lacedæmoniorum. Forsitan tamen in Hebræo sub aliis reperitur nominibus.

Quidam vero his objicit, quia in præacta epistola Arii regis Lacedæmoniorum, dicuntur Lacedæmones cum Abraham familiaritatem socialiter habuisse, non ergo fuerunt de semine ejus. Hinc ille concludit : Magis videtur quod Spartiatae descenderunt de Nachor fratre Abrahæ, qui cum Abraham diu socialiter vixit : cujus etiam generatio in Genesi describitur. Verum ista objectio probatur inepta, quoniam in præducta epistola, non solum Lacedæmones, sed et Judæi dicuntur familiaritatem cum Abraham socialiter habuisse. Si igitur Lacedæmones idcirco non sunt de genere Abrahæ, quia socialiter habuerunt familiaritatem cum eo, sequetur quod nec Judæi sint de genere aut semine Abrahæ, quia dicuntur familiaritatem cum ipso socialiter habuisse. Denique in textu apertissime dicitur : Inventum est in Scriptura de Spartiatis et Judæis, quoniam sunt fratres, et quia sunt de genere Abraham : non ergo de genere Nachor fratris Abrahæ. Porro, quod dicuntur familiaritatem socialiter habuisse cum Abraham, intelligi potest dupliciter. Primo, quantum ad patres eorum, quoniam Isaac per quem Judæi descenderunt de Abraham, et unus filiorum Ceturæ, per quem Spartiatae descenderunt de Abraham, socialiter familiariterque vixerunt ad tempus cum Abraham. Secundo, ut sicut in Scripturis sæpissime per Jacob intelligitur populus Israel natus ex Jacob, ita per Abraham intelligatur aliqua ejus posteritas, cum qua Judæi et Lacedæmonii familiaritatem ac societatem habuerunt, vel ad se invicem.

Pecora nostra et possessiones nostræ, vestræ sunt ; et vestræ, nostræ : id est, tanta est inter nos fraternitas atque dilectio, ut

Ps. cxviii, 103.

Rom. xv, 4.

Gen. xxii, 20-24.

* Arius

Gen. xxv.

bona nostra communia reputentur, et pa-
rati simus bona nostra pro vestra commo-
ditate exponere, sicut et vos vestra pro
nobis. Hoc consonat et alludit ei quod in
præmemorata epistola Arii regis Spartia-
tarum habetur : Vestra simul et nostra
communia reputamus.

Sequitur alius apparatus prælii, in quo
principes Demetrii fugerunt timore Jona-
thæ ac suorum. *Non enim dedit eis spa-
tium loci aut temporis, ut ingrederentur
regionem ejus*, id est Judæam, quia intu-
lissent aliqua damna fructibus terræ seu
aliis rebus. *Et misit speculatores in castra*,
id est circa et prope turbas eorum. *Reversi
speculatores nuntiaverunt Jonathæ, quia
constituunt alienigenæ supervenire illuc*,
puta ad Jonathan, nocte, ut improvise per-
cerent eum ac populum suum. *Et accen-
derunt focos in castris suis* : id est, alieni-
genæ quum cognovissent Jonathan et ejus
exercitum esse paratum ad prælium contra
eos, timuerunt et fugere decreverunt ; et
ne in fuga deprehenderentur a Jonatha in-
sequente, accenderunt luminaria quædam
in castris suis, quasi ad designandum quod
essent mansuri et pugnaturi. *Et divertit
Jonathas ad Arabas, qui vocabantur Za-
badæi ; et percussit eos*. Isti, secundum
quosdam, fuerunt qui supra vocantur filii
Jambri, qui Joannem fratrem Jonathæ oc-
ciderunt.

1 Mach. ix,
36, 37.

*Et reversus est Jonathas ; et cogitavit
ædificare præsidia*, id est loca munita seu
fortalitia in Judæa, et exaltare altitudinem
magnam, hoc est construere murum valde
sublimem et fortem, *inter medium arcis*,
quæ fuit in monte Sion, et civitatis, id est
residuæ partis civitatis Jerusalem, *ut se-
pararet eam*, scilicet arcem, a civitate, *ut
esset ipsa arx singulariter*, id est separate
consistens ab urbe, et neque emant neque
vendant, id est, existentes in arce, non

A possint habere communionem cum civi-
bus, nec ab eis necessaria vitæ acquirere.
*Et cecidit murus qui erat super torrentem
Cedron ab ortu solis*, id est situs prope seu
versus torrentem illum a parte orientali,
et reparavit eum, faciendo ibidem murum
robustiores. *Et Simon ædificavit Adiada
in Sephela*, id est munitionem in loco sic
dicto. Imo, secundum Josephum, fecit for-
talitia quædam in provincia, hoc est extra
Jerusalem in Judæa.

Consequenter describitur, qualiter im-
B piissimus Tryphon ambitiosissime optans
regnare in Asia, seu Syria Asiæ parte, de-
crevit fraudulentè trucidare Antiochum
regem ; sed metuens resistentiā pati a
Jonatha, proposuit in primis occidere Jo-
nathan, quem et fefellit, sicut in textu qui
planus est, recitatur.

*Et misit Tryphon exercitum suum et
equites in Galilæam*, ad interficiendum
triginta septem millia quæ Jonathas illuc
remisit. *At illi quum cognovissent quia
comprehensus est Jonathas* : hoc enim su-
C spicabantur pro certo, viso exercitu Try-
phonis eos insequente ; et periit. Putabant
namque eum jam esse occisum ; aut pro-
pe jam erat ut occideretur. *Hortati sunt
semetipsos* : et in hoc sapienter egerunt
atque virilius quam Assyrii, qui cognita
morte Holofernis principis sui in fugam
sunt versi. *Et videntes hi qui insecuti fu-
erant*, id est exercitus Tryphonis, *quia
pro anima res illis est*, id est, quod viri
Jonathæ parati erant pugnare tam fortiter,
ut deceat pro defensione propriæ vitæ, præ-
sertim dum [non] est spes fugiendi, *reversi
sunt ad Tryphonem*, non audentes contra
Judæos inire certamen. *Illi autem vene-
runt omnes cum pace in terram Juda* :
cum pace (inquam) temporis, non pecto-
ris : quia de Jonathæ et suorum deceptio-
ne doluerunt vehementissime.

Judith xv,
1-4.

ARTICULUS XIII

EXPOSITIO CAPITULI TERTIDECIMI : ET AUDIVIT SIMON QUOD CONGREGAVIT
TRYPHON EXERCITUM.

QUALITER post Jonathan præfuit Si-
mon frater ipsius, hic enarratur. *Et*
audivit Simon quod congregavit Tryphon
exercitum copiosum ad destruendum Ju-
dæam. Videns quia in timore populus est,
quia non habuit caput principemque re-
gentem, congregavit populum in Jerusa-
lem, et adhortans, dixit : Vos scitis quanta
ego et fratres mei et domus patris mei, id
est cognati mei, fecimus pro legibus no-
bis per Moysen datis conservandis, et pro
sanctis, id est pro templi et divini obse-
quii tuitione ; horum gratia perierunt, id
est, corporaliter occisi sunt, omnes fratres
mei, videlicet Joannes a filiis Jambri, Ele-
azarus ab elephante super eum cadente,
Judas a Bacchide, Jonathas a Tryphone ;
et relictus sum ego solus. Et nunc non mi-
hi contingat parcere animæ meæ, id est
vitæ corporali, ita quin eam exponam pe-
riculis mortis pro defensione legis divi-
næ ac plebis meæ ; non enim melior sum
fratribus meis. Vindicabo itaque gentem
meam, id est injurias populi mei zelo ju-
stitiæ. Et accensus est spiritus populi si-
mul, et responderunt Judæi voce magna,
hæc audientes : Tu esto dux noster. Itaque
Simon iste prudens et sagax, non ambi-
tiöse ad præidentiam se ingessit, sed ex
caritate et pro communi necessitate para-
tum se obtulit ad onera, pericula et labo-
res, magis quam ad honores. Pugna præ-
lium nostrum, etc.

Et congregans omnes viros bellatores,
acceleravit consummare muros. Et misit
Simon Jonathan filium Absalomi, et cum
eo exercitum novum in Joppen urbem : D
quam (ut præcedenti habetur capitulo) sibi
subjecit, atque in ejus fortalitio quosdam

A de suis constituit ; sed jam fortiores, plu-
res, et quibus amplius confidebat, voluit
in illo reponere, qui nullo modo Tryphoni
se subderent. *Et ejectis his qui erant in*
arce, mansit illic ipse. Hoc non videtur
posse exponi de arce montis Sion, quum
paulo post in isto dicatur capitulo : Qui
autem in arce erant, miserunt ad Trypho-
nem legatos, etc. Ideo potest intelligi de
arce fortalitiis siti in Joppe, in quo præ-
fatus Jonathas Absalomi filius mansit cum
suis pro certa custodia, aliis inde remotis.

B *Et ut cognovit Tryphon quia surrexit*
Simon in promotione ad ducatum, et quia
commissurus, id est pugnaturus, esset cum
eo, id est contra, prælium, nisi ipsemet
Tryphon cederet, misit ad eum, videlicet
Simonem, legatos, dicens : Pro argento
quod debebat frater tuus in ratione regis,
id est in exactione facienda fratri tuo ex
parte regis de debito persolvendo, deti-
nuimus eum. Et nunc mitte argenti ta-
lenta centum et duos filios ejus obsides,
pro securitate quod non resistet regi. Id-
eo subditur, ut non dimissus fugiat a
nobis, id est, ne ab hac captivitate rela-
xatus, recedat a nobis per rebellionem ; et
remitemus eum acceptis filiis ejus atque
pecunia.

Et cognovit Simon quod cum dolo lo-
queretur secum per nuntios. Erat enim
Simon vir perspicax et acutus. Jussit ta-
men argentum dari, id est Tryphoni mitti,
et pueros, ne inimicitiam magnam sume-
ret ad Israel, id est, ne ipse Simon incurre-
ret displicentiam et inimicitiam Israelitici
populi, qui mortem Jonathæ imposuisset
Simoni, nisi misisset argentum ac filios
Jonathæ. Populus namque dixisset, quod

vers. 21.

Simon ex avaritia vel ambitione non misisset pecuniam aut pueros. quatenus ipsemet Simon in principatu maneret. Tamen, ut Josephus refert, Simon exposuit populo et suis amicis fraudem Tryphonis. Nihilominus de consilio amicorum misit quæ implissimus Tryphon postulavit. Sicque videtur Simon in isto bene egisse ad vitandum scandalum communitatis et periculum magnum politiæ suæ totius: nam fuisset seditio mota in populo. Quod si objiciatur, non fuisse licitum innocentes juvenes ita exponere morti: respondetur, quod in tali casu id licuit, quia et corporalis mors puerorum fuit minus malum quam mala prædicta. Nam laudabiliter exponit quis se ipsum morti corporali pro bono communi.

Et Simon et castra, id est exercitus ejus, ambulabant in omnem locum quocumque ibant, id est per loca propinqua locis per quæ Tryphon cum suis transivit et gyravit ad impugnandum Judæam, ut ubique possent Tryphoni resistere. Qui autem in arce Jerusalem erant, miserunt ad Tryphonem legatos, ut festinaret venire per desertum, et mitteret illis alimonias, etc. Erat autem nix valde multa, quæ impedivit iter et adventum Tryphonis, quia præ nivis multitudine non patuit sibi via. Et quum appropinquasset Bascaman, id est loco sic dicto, occidit Jonathan et filios ejus. Ecce sic Deus omnipotens permittit in hoc sæculo nequam reprobos et iniquos, electis et justis prævalere ad electorum purgationem, sicut in Jonatha isto ac filiis ejus.

Et misit Simon, et accepit per manus nuntiorum suorum, ossa Jonathæ fratris sui, et sepelivit ea in Modin, in sepulcro parentum suorum. Et ædificavit super sepulcrum patris sui, et etiam matris, et fratrum suorum, ædificium altum visu, ita quod a remoto quivit videri, de lapide polito, id est ex politis lapidibus, ante et retro. Et statuit septem pyramidas, id est structuras altas et quadratas a latitudine incipientes, et in angusto finem sumentes, quia inferius erant latæ, superius arctæ:

A quæ antiquitus fiebant in sepulcris magnorum; unam contra unam, patri et matri, id est ex una parte unam pro patre, et ex parte opposita aliam pro matre; et simili ordine quatuor pyramidas, quatuor fratribus jam defunctis; septimam pro se. Et his circumposuit columnas magnas sustentantes structuram ædificii memorati. et super columnas arma ad memoriam æternam strenuissimorum operum bellicorum Mathathiæ filiorumque ejus; imo in recordationem divinorum auxiliorum ac triumphorum eis desuper concessorum; atque ad intuentium ædificationem, ut considerarent qualiter sit pugnandum pro defensione legis divinæ, et pro conservatione justitiæ, ac pro bono communi; et juxta arma, naves sculptas. De armis vero aliqui dicunt quod erant vera arma, sicut supra monumenta fortium pugnantium suspenduntur quandoque vexilla et scuta. Alii dicunt quod fuerant arma sculpta.

Tryphon autem quum iter faceret cum Antiocho rege adolescente, cujus exstiterat tutor, dolo occidit eum, et regnavit pro eo. Et imposuit sibi diadema Asiæ, alliciens sibi milites promissis et donis; et fecit plagam magnam in terra. Factus enim rex, ostendit suam ferociam quam ante celavit in multis. Et ædificavit Simon præsidia, id est loca munita, Judææ, ad resistendum Tryphoni, cujus tyrannidem novit.

Et misit ad Demetrium, ut faceret remissionem regioni, id est, Judæis faceret relevamen ab aliquibus gravaminibus, exactionibus seu tributis eis impositis, quia omnes actus Tryphonis per direptionem, id est dissipationem et deceptionem, fuerant gesti. Idcirco Simon cum suis maluit fovere partem Demetrii, quam Tryphonis, qui nihil juris habebat in regno. Et Demetrius respondit ei: Rex Demetrius Simoni summo sacerdoti et genti Judæorum. Coronam auream et bainem. Bainem, secundum Rabanum, est ornamentum colli ex aureis annulis factum. Itaque, Co-*

* alias bainem

ronam et bainem *quam misistis in signum* A amicitiae, *suscepimus* gratanter : et *parati sumus vobiscum* facere pacem *matignam*, ut cum vestro auxilio expugnem Tryphonem, et *scribere praepositis regis*, id est officiatis ac ducibus nostris, *remittere vobis quae indulsimus*, ne quid exigant a vobis ultra quam commisi eis. *Quaecumque enim constituimus*, id est, ordinavimus aut concessimus vobis, *constant*, id est, certa seu firma sunt. *Remittimus quoque vobis ignorantias et peccata*, id est, quocumque modo peccastis in nos, ferendo auxilium adversario nostro Antiocho. *Et si qui ex vobis apti sunt conscribi inter nostros milites vel amicos, conscribantur* quum fuerint comprobati.

Anno centesimo septuagesimo ablatum est jugum gentium ab Israel, id est, gravamen, tyrannicumque dominium regum gentilium et eorum satellitum, a Judaeis cessavit magis perfecte quam ante. Postea tamen habuerunt impugnationem ab illis, ut infra habetur, sed modicum fuit, et comparatione priorum gravaminum quasi nihil. *Et cepit populus Israel scribere in tabulis et gestis publicis*, id est historialibus libris publicorum notabiliumque gestorum, prospera et adversa quae eis sub Mathathia ejusque filiis acciderunt.

In diebus illis Simon applicuit ad Gazam, urbem Philistiim, et circumdedit eam castris, id est tentoriis seu pugnatorum turbis : quia fortassis adhæsit urbs illa Tryphoni ; et percussit turrem unam. *Et qui eruperant, erant intra machinam turris percussæ et civitatem*, ne occiderentur in turre, et factus est motus magnus, timor, ululatus, admiratio, desolatio, in civitate : quia viderunt se non posse Simonis manum evadere. Ideo postulabant sibi a Simone dexteras dari, id est pacem concedi : quæ per applicationem manus dextræ solet conferri. *Et ejecit eos*, scilicet illos idololatrias, de civitate Gazæ ; et emundavit aedes, id est templa et fana seu alia loca, in quibus fuerant simulacra, id est idola quæ inde ejecit, et loca aqua lustra-

tionis adpersit, seu aliis modis mundavit ; et tunc intravit in eam, scilicet civitatem, benedicens Dominum, qui sibi victoriam concessit. *Et ejecta ab ea omni immunditia*, id est idololatriæ spurcitia, collocavit in ea viros qui legem facerent, id est cultores veri Dei, qui legis præcepta implerent, et fecit sibi habitationem, id est, tam fortiter eam munivit, quod erat apta pro sua habitatione tempore opportuno.

Qui autem erant in arce Jerusalem, prohibebantur egredi, et ingredi regionem Judææ. Erant namque aretati et conclusi per murum altum et fortem, quem Jonathas fecit inter arcem et urbem Jerusalem, ut supra patuit. *Et clamaverunt* I Mach. xii, ad Simonem, ut dexteras acciperent, quatenus vivi dimitterentur ; et dedit illis, et ejecit eos inde, et mundavit arcem a contaminationibus idolorum atque similium spurcitiarum. *Et intraverunt Simon ac alii sacerdotes et majores de populo, in eam cum laude Dei, et ramis palmarum* in signum lætitiæ ac triumphi, et cinyris, id est musicis instrumentis, sonum magnum qui commovet aerem, facientibus : de quibus dictum est in expositione supra habita ; et cymbalis, et nablīs, id est citharis, et hymnis, id est psalmis et canticis aliis spiritualibus, quia contritus est inimicus magnus ex Israel, id est congeries hostium molestissimorum, qui tot annis fuerunt in arce. *Et constituit*, id est, Simon ordinavit, ut omnibus annis agerentur dies hi, quibus purgata et pacifice possessa est arx, cum lætitia, tanquam festivi in memoriam beneficii tanti. *Et munivit montem templi*, id est montem Sion in quo fuit templum, muris, turribus, armis et provisionibus ; et habitavit ibi juxta templum pontifex templi.

I Mach. xii, 36.

Ibid. iv, 54.

Et vidit Simon Joannem filium suum, qui postea nominatus est Joannes Hyrcanus, quod vir esset prælii, id est, aptus ad prælia præ ceteris filiis suis, videlicet audax, fortis, prudens, et diligens ; et posuit eum ducem universarum virtutum, id est principem omnium exercituum

seu pugnatorum suorum : tamen sub se. A hoc facto datur exemplum praelatis, ut eos Simon enim mansit supremus dux populi. *Et habitavit in Gazaris*, id est in Gaza urbe præfata, valde munita et bene provisa, ut in ea resisteret hostibus Israel. In quos viderint ceteris virtuosiores et prudentiores, præficient aliis, tanquam ad spiritualia certamina aptiores, omni personarum acceptione seclusa.

ARTICULUS XIV

DECLARATIO CAPITULI QUARTIDECIMI : ANNO CENTESIMO SEPTUAGESIMO SECUNDO.

PROSPERITAS magna Simonis et Judæorum sub ejus regimine, hic narratur. Aliqua tamen præmittuntur et inseruntur. *Anno centesimo septuagesimo secundo congregavit rex Demetrius exercitum suum, et abiit in Mediam*, id est in regnum Medorum, *ad contrahenda sibi auxilia contra Tryphonem*. Rex autem Medorum per unum principum suorum percussit exercitum Demetrii, ipsumque Demetrium princeps ille perduxit ad regem illum Medorum atque Persarum, qui et incarceravit Demetrium, ac paulo post interfecit, ut Josephus refert.

Et siluit terra Juda, id est, a notabilibus bellis quievit populus Judæorum, *omnibus diebus Simonis*, id est omni tempore sui ducatus. Aliquod tamen bellum fuit sub ejus ducatu, sed populus Judæorum in eo prævaluit. Et quod modicum est, reputatur pro nihilo. *Et quæsiuit bona genti suæ*, præsertim bonum spirituale, inducendo Judæos ad cultum Dei devotum : exteriorem quoque tranquillitatem eis quæsiuit et conservavit, referendo eam ad spirituales profectum. Et hoc ad omnem pertinet præidentem, potius quærere bonum commune populi sibi subjecti, quam propria commoda. *Et placuit illis potestas ejus* : quia viderunt quod quæreret bonum commune, et pie ac mansuete præesset, non opprimens quemquam injuste. *Et cum omni gloria sua accepit Joppen*, id est, inter cetera sua magnifica gesta, obtinuit et pos-

B sedit urbem nomine Joppen maritimam, *in portum*, ita quod ibi fuit navigantium quies et statio, *et fecit introitum in insulis maris*, id est, ordinavit quod a Joppe per aquam fuit iter publicum ad provincias in aquarum medio sitas. *Et congregavit captivitatem multam*, id est, Judæos hinc inde a captivitate redemit, et in Judæam reduxit. Vel sensus est, quod multos captivavit gentilium. *Et dominatus est Gazaræ*, id est Gazæ urbi, *et Bethsuræ* : quæ urbes specialiter exprimuntur, quia in eis erant fortalitia valde fortia, et a regibus frequenter possidebantur ; fuitque difficile ea sibi subjicere ; *et arci Jerusalem*, quam nec Judas, nec Jonathas potuit obtinere.

Seniores in plateis sedebant tempore suo, *et de bonis terræ tractabant*, conferendo de prosperitate Judææ ; *et juvenes induebant se gloriam*, id est præclarum amictum, et jucunditate multiplici replebantur, *et stolas belli*, id est bellicum apparatus ad exercitium, quatenus si causa D exigeret, essent ad bella periti. *Et civitatibus tribuebat alimoniam*, faciendo in eis provisiones communes ; *et constituebat*, id est, sic disposuit eas, *ut essent vasa munitiois*, id est apta instrumenta defendendi se contra hostes, et ut ipsi cives essent armati atque idonei se tueri. Nempe, secundum idioma Hebræum, vasa vocantur quæcumque instrumenta, seu media vel principia, alicujus effectus contentiva

Aet. ix, 15. aut productiva : sicque Paulus vocatus est, A
 vas electionis. *Quoadusque nominatum
 est nomen gloriæ ejus*, id est nomen ejus
 famosum et inclytum, *usque ad extremum
 terræ*, id est valde longe et late : ut sit
 hyperbolicus sermo, quo aliquid dicitur
 per excessum sine mendacio, ad insinuan-
 dum magnitudinem rei. *Et confirmavit
 omnes humiles populi sui*, id est obedien-
 tes Deo et sibi ; superbos autem et trans-
 gressores dejecit : ideo fuit verus famulus
 ejus, qui superbis resistit, humilibus au-
 tem dat gratiam. Hinc subditur : *et abstulit
 omnem malum et iniquum* pro posse.
 Nam collapsa et deformata reformavit pro
 viribus ; incorrigibiles autem tulit de me-
 dio. *Et legem exquisivit*, id est, circa le-
 gis intelligentiam ac adimpletionem dili-
 gens fuit. *Sancta*, id est sacra loca et
 contenta in eis divino cultui deputata, *glo-
 rificavit* ; *et multiplicavit vasa sanctorum*,
 id est vasa divi obsequii.

*Et auditum est Romæ quod defunctus
 esset Jonathas* : nam et in Roma multi
 morabantur Judæi ; *et usque in Spartia-
 tas*, de quibus jampridem dictum est, au-
 ditum est hoc. *Et contristati sunt valde*,
 quod ita dolose et impie est occisus cum
 filiis suis. Unde pro consolatione Simonis,
 tam Romani quam Spartiatæ scripserunt
 ad eum epistolas de renovatione amicitiae
 et societatis. Forma autem epistolæ Roma-
 norum non ponitur hic, sed forma episto-
 læ Spartiatarum subjungitur.

*Hoc exemplum epistolarum quas mise-
 runt Spartiatæ : Spartianorum princeps**,
 id est rex, *et civitates*, id est communitates
 seu civitatum rectores, *Simoni summo sa-
 cerdoti et populo Judæorum, salutem. Le-
 gati qui missi sunt ad populum nostrum
 ex parte vestri, nuntiaverunt nobis de ve-
 stra gloria*, id est excellentia, *et hono-
 re*, victoria *et lætitia*, quia nunc estis in
 præcipua prosperitate, *et gavisi sumus*.
 Quamvis enim de morte Jonathæ doleba-
 mus, tamen de subsecuta vestra exaltati-
 one lætamur. *Et scripsimus quæ ab ipsis
 legatis erant dicta in conciliis populi*, id

est in publicis ac solennibus congregatio-
 nibus majorum nostrorum. Vel, In consi-
 liis populi, id est in libris consiliorum, in
 quibus continentur decreta, ordinationes-
 que populi nostri, seu ipsum populum
 concernentes. Scripsimus, inquam, *sic*, id
 est sub hac forma : *Numenius Antiochi
 filius, et Antipater Jasonis filius*, qui fu-
 erunt Judæi, *legati Judæorum, venerunt
 ad nos* : hos quippe miserat Jonathas Spar-
 tiatis, ut habetur supra ; *renovantes no-
 biscum pristinam amicitiam. Et placuit
 B populo Spartiatarum excipere viros*, puta
 legatos prædictos, *gloriose*, id est cum gran-
 di honore propter honorabilitatem et di-
 lectionem eorum a quibus missi fuerunt,
 et quoniam causa legationis eorum acce-
 ptabilis fuit, *et ponere exemplum*, id est
 scriptum, *sermonum eorum in segregatis
 populi libris*, id est in codicibus nostræ
 communitatis seorsum sollicitè repositis
 et conservatis, *ut sit ad memoriam ami-
 citiæ et societatis inter nos et vos, populo
 Spartiatarum sicut et nobis. Exemplum
 C autem*, id est exemplarem epistolam, *ho-
 rum scripsimus Simoni magno sacerdoti*.

*Post hæc autem misit Simon Nume-
 nium et aliquos secum Romam, habentem
 clypeum aureum magnum, pondo mnarum
 mille*, id est, ponderantem mille mnas.
 Mna autem dicitur † pondus centum dra-
 chmarum, seu libra una vel talentum, se-
 cundum Papiam *. Secundum Hugonem
 vero est drachma, vel duæ libræ atque di-
 midia. *Ad statuendam*, id est firmandam,
 cum eis societatem. *Quum audisset autem
 D populus Romanus sermones istos legato-
 rum Simonis de amicitia roboranda, dixe-
 runt : Quam gratiarum actionem redde-
 mus Simoni, et filiis ejus patrem suum
 strenue adjuvantibus ? quasi dicant : Ple-
 ne ei regratiari non valemus, quum simus
 unum corpus effecti cum populo et fratri-
 bus ejus, pro quibus ipse tot et tanta fe-
 cit, laboravit, ac pertulit. Restituit enim
 ipse fratres suos*, id est, locum eorum sup-
 plevit, et ipsorum injurias ultus est, ac
 terram ipsorum reduxit ad prosperitatem

1 Mach. xii,
16, 17.

1 Petr. v.
5; Jacob. iv,
6.

1 Mach. vii,
2, etc.

* alias prin-
cipes

* Cf. Can-
gii Glossar.
vº Mna.

præcipuam. *Et statuerunt Romani ei, videlicet Simoni ac populo ejus, libertatem ab obsequiis quibusdam seu tributis; et descripserunt hæc ipsa in tabulis æreis, ut jugis maneret horum memoria; et posuerunt in titulis, id est, Judæi reposuerunt tabulas Romanorum inter scripta alia ad memoriam reservata, in monte Sion, id est in aliquo templi loco.*

Et hoc est exemplum scripturæ, id est decreti quod majores Judæorum inter se constituerunt de Simonis sublimatione: Octavdecima die mensis Elul, secundum Hebræos: cui apud nos dicitur correspondere Augustus; anno centesimo septuagesimo secundo regni Græcorum: quo anno intravit Demetrius regionem Persarum, et captus fuit, ut fertur in exordio hujus capituli; anno tertio sub Simone magno sacerdote, id est tertio anno pontificatus Simonis hujus, in conventu magno, etc., nota facta, id est publice declarata, sunt hæc:

Quoniam frequenter facta sunt prælia in regione nostra, scilicet in Judæa et a populo Judæorum contra gentiles; Simon autem Mathathiæ filius, ex filiis Jarib. Supra legitur, Ex filiis Joarib, et est idem nomen: sique ex dictis ibidem, patet sensus verbi istius. Et fratres ejus dederunt se periculo, id est, arduis bellis et discrimini mortis corporalis exposuerunt se, ut starent sancta ipsorum, id est, sacra loca, ut templum et attinentia ei ac sacrificia, et lex, id est, cultus Dei secundum legem Moysis, in suo manerent vigore, etc. Et Gazaram, id est urbem nomine Gaza, munivit; et quæcumque apta erant ad correptionem eorum, posuit in eis, id est arma et cetera per quæ hostes poterant refrenari et castigari, collocavit in uribus illis. Et in diebus ejus, scilicet Simonis, prosperatum est, ut tollerentur, id est expellerentur, gentes, quæ in civitate David, in arce erant, ut patuit in fine præcedentis capituli; de qua arce procedebant impii commorantes in ea, et contaminabant omnia quæ in circuitu sanctorum

A sunt, id est, loca sacra quæ erant in gyro templi, violabant, committendo in eis facinora seu idololatriæ vitia, et inferebant plagam magnam castitati, id est puritati cultus divini ac sacris ministris templi; vel etiam mulieres virginesque rapuerunt Hebræas, et polluerunt.

Et rex Demetrius statuit illi summum sacerdotium, ut præcedenti habetur capitulo. Audivit enim quod appellati sunt Judæi a Romanis amici et socii et fratres, tam tempore Judæ, quam Jonathæ ac Simonis. Romani autem jam monarchiam pro magna parte tenebant, et timebantur: ideo ad complacendum eis, atque ad evitandum eorum offensam, Demetrius honoravit Simonem ac Judæos; et item ut adjuvaretur ab ipsis, ut patuit. Et quia Judæi et sacerdotes eorum consenserunt eum esse ducem suum ac summum sacerdotem. Institutio enim fiebat a rege vi magis, quam jure; et ad institutionem accessit plebis consensus. Consenserunt autem in promotionem Simonis, non solum quoad suam personam, sed etiam quantum ad posterios. Ideo additur, in æternum, id est per omne tempus durationis veteris Testamenti, donec surgat Propheta fidelis, id est, quousque Deus per verum Prophetam revelet aliter esse debere. Judas quippe et fratres ejus quamvis functi sint sacerdotio summo ex privilegio speciali, non tamen erant de semine pontificum per lineam rectam; nec pater eorum pontifex fuit, nec filius pontificis, sed descendit ex uno viginti quatuor sacerdotum quos David instituit, ut tactum est. Quidam tamen exponunt sic: Donec surgat Propheta fidelis, id est, Christus nascatur ac veniat. Sicque impletum fuit: quoniam posteri Simonis præfuerunt in pontificio et ducatu usque ad Herodem Ascalonitam, sub quo natus est Dominus et Salvator. De quo in Deuteronomio Dominus reprobavit: Prophetam suscitabo eis de medio fratrum suorum tanquam te.

Et ut sit super eos dux, id est princeps in bellicis rebus atque civili regimine; et

I Mach. xiii, 36.

I Mach. ii, 1.

I Par. xxiv, 7.

I Mach. ii, 1.

Deut. xviii, 18.

Ibid. xiii, 49.

ut cura esset illi pro sanctis, id est pro A
conservatione cultus et observantiis, tan-
quam pontifici, in spirituali quoque regi-
mine præsidenti; *et ut constitueret præ-*
positos super opera eorum, id est diversos
officiatos super temporalia ac spiritualia,
et super regionem, qui certis præessent
urbibus, *et super præsidia*, id est fortali-
tia; *et ut audiat ab omnibus Judæis*, per
obedientiam; *et scribantur in nomine ejus*
omnes conscriptiones in regione, id est, in
descriptione notabilium actuum annotetur
tempus ab annis præsidentiae Simonis, ut B
ita dicatur, Anno secundo aut tertio pon-

tificatus Simonis gestum est hoc; *et ne*
liceat ulli Judæorum convocare conven-
tum, id est generalem congregationem,
sine ipso, id est absque licentia Simonis.

Et suscepit Simon principatum, non ex
ambitione, sed pro communi bono. *Et*
scripturam istam dixerunt, id est decre-
verunt, *ponere in tabulis æreis*, ut jugiter
in memoria permaneret, *et ponere eas in*
peribolo sanctorum, id est in muro atrii
domus Domini, totum templum ambiente
per gyrum. *Exemplum autem eorum*, id
est scriptorum istorum, *ponere in ærario*,
id est loco thesauri.

ARTICULUS XV

EXPOSITIO CAPITULI QUINTIDECIMI : ET MISIT REX ANTIOCHUS FILIUS DEMETRII EPISTOLAS.

PROCESSUS præsidentiae Simonis us-
que ad obitum ejus describitur hic. *Et*
misit rex Antiochus filius Demetrii a Per-
sis occisi, epistolas Simoni sacerdoti, con-
tinentes hunc modum : Rex Antiochus
Simoni sacerdoti magno et genti Judæo-
rum. Quoniam quidam pestilentes, ut Try-
phon et sui fautores, qui se ipsos ac alios
variis vitiis corruerunt, obtinuerunt re-
gnum patrum nostrorum; volo autem vin-
dicare regnum, id est injuriam regno meo
illatam, etc. *Volo autem Jerusalem san-*
ctam esse, id est deputatam cultui Dei, *et*
liberam a gravaminibus et tributo. Et om-
ne debitum regis, quod mihi aut patri D
meo tenebamini dare, et quæ futura sunt
*regia**, id est mihi præstanda ex terra tua,
remittuntur tibi a me, etc. — *Et insecutus*
est eum, puta Tryphonem Antiochus, et
venit Tryphon Doram, id est ad urbem
sic appellatam, *fugiens per maritima lo-*
ca, id est mari propinqua.

Consequenter per recapitulationem ponitur forma epistolæ, quam (ut præcedenti fertur capitulo) Romani miserunt Simoni pontifici, adhuc vivente Demetrio. *Venit*

autem Numenius et qui cum eo erant mis-
si Romam a Simone, ab urbe Roma, ha-
bentes epistolas regibus et regionibus scri-
ptas, ne bellum inferrent Judæis, in quibus
continebantur hæc : Lucius consul Roma-
norum, qui tunc per consules regebantur,
Ptolemæo regi Ægypti salutem. Epistola
autem expositione non indiget : ex qua
tamen elicitur, quod Romani jam tempore
illo longe ac late præsidebant.

Antiochus autem applicuit castra in
Doram, id est in circuitu urbis illius, *se-*
cundo : ex quo trahitur, quod primam ob-
sidionem interrupit ad tempus, forsitan ob
hiemem aut similem causam. Et misit ad
eum Simon duo millia virorum in auxi-
lium, etc. Et noluit Antiochus ea accipe-
re, quia videbat se non indigere auxilio
Simonis, propter quod ante amicabiliter
scripserat ei. Et misit ad eum Atheno-
bium, dicens : Vos tenetis Joppen et Gaza-
ram et arcem quæ est in Jerusalem, civita-
tes regni mei. In hoc rex iste erravit, quia
tam jure prælii, quam ex promissione di-
vina, præactæ urbes ad filios Israel per-
tinebant, imo et tota Philistæa, ut patet

I Mach.
xiv, 24-26.

Num.
xxxiv, 5, 6;
Josue xiii, 2,
3.

in Numerorum et Josue libris. *Nunc ergo tradite*, id est, nobis restituite, *civitates quas occupastis*, etc. *Et exterminii quod exterminastis et tributorum civitatum, alia quingenta talenta argenti*, id est, totidem argenti talenta persolvite nobis pro exterminio hominum et locorum, quod fecistis, exterminando habitatores locorum. *Et respondit Simon Athenobio ad se misso: Neque alienam terram sumpsimus: quia (ut dictum est) urbes præfatæ pertinebant de jure ad Israel. Nos vero tempus aptum bellandi habentes, vindicavimus*, id est, ad proprietatem nostram reduximus, et tenemus hereditatem patrum nostrorum. *Nam de Joppe et Gazara oppidis, quæ expostulas tibi restitui, ipsi qui erant in urbibus illis, faciebant plagam magnam in populo nostro: ideo habuimus justam causam expugnandi illos; et nihilo minus horum*, id est pro harum urbium possessione, *damus vobis talenta centum, ne*

A conqueramini contra nos. *Et non respondit Athenobius verbum aliquod Simoni, vel ex indignatione, vel quia nequivit respon- sionem Simonis reprobare.*

Tryphon autem fugit navi in Orthosia- da, id est ad loca sic nuncupata, et *constituit rex Cendebæum ducem maritimum*, id est in territoriis sitis juxta mare, forsan Mediterraneum; et *mandavit ei ædificare Cedronem*, id est fortalitium circa torrentem Cedron, ubi nascuntur cedri, prope Jerusalem, et *obstruere portas civitatis Je- rusalem lapidibus aut machinis bellicis per gyrum seu aciebus pugnatorum. Rex autem persequabatur Tryphonem: qui im- pius Tryphon tertio imperii sui anno, se- cundum Josephum, est occisus. Et pervenit Cendebæus Jamniam*, id est ad terram il- lam Judææ propinquam aut ejus partem, et *cœpit irritare plebem Judæorum, eam vexando; vel, cœpit exercitum suum irri- tare, id est provocare contra Judæos.*

ARTICULUS XVI

ELUCIDATIO CAPITULI SEXTIDECIMI: ET ASCENDIT JOANNES DE GAZARIS.

ET ascendit Joannes de Gazaris, et nun- tiavit Simoni patri suo: a quo voluit informari de modo resistendi Cendebæo. *Et elegit Simon de regione sua viginti millia virorum peditum et equites, et pro- fecti sunt simul pedites illi et equites cum Joanne et Juda filiis Simonis. Et surrexe- runt mane, et abierunt in campum, utpo- te parati ad prælium contra Cendebæum; et ecce exercitus copiosus Cendebæi veniens in obviam illis peditum et equitum, et fluvius erat inter medium ipsorum. Et admovit Joannes castra sua contra faciem eorum, id est adversariorum suorum; et vidit populum suum trepidantem ad trans- fretandum torrentem, quia adversarii erant plurimi valde, et transfretavit primus, suo exemplo confortans et animans suos; et*

C viderunt eum viri sui tam magnanimiter transfretantem, et transierunt transfre- tando post eum. Sic is qui præest, in om- ni actu virtutum et arduis causis ac spiri- tualibus pugnis, debet se exemplarem ac strenuum exhibere, subditos suis ædificare exemplis, ac formam victoriæ demonstra- re, et esse primus in acie. *Et exclamave- runt sacris tubis Joannes et sui, secundum legis mandatum, ut sæpe expositum est, et in fugam conversus est Cendebæus; re- sidui autem fugerunt in munitionem, id est in locum munitum. Tunc vulneratus est Judas frater Joannis. Postea tamen convaluit, et cum patre suo Simone fuit occisus, ut infra habetur. Joannes autem insecutus est eos, videlicet Cendebæum et suos, donec veniret Cedronem, id est ad*

Num. x, 9.

vers. 16.

munitionem ibi constructam, *quam edificavit* Cendebæus, ut dictum est supra in præcedenti capitulo.

1 Mach. xv.
39, 40.

Sequitur de deceptione interfectione-
que Simonis. *Et Ptolemæus filius Abobi*
constitutus erat dux in campo Jericho.
Simon enim præfecit eum parti Judææ,
videlicet locis per circuitum campi Jeri-
chuntini. *Et exaltatum est cor ejus ex suis*
divitiis, et quoniam gener exstitit Simo-
nis; et volebat obtinere regionem, id est
toti Judææ præesse: propter quod cogita-
vit Simonem socerum suum et filios ejus
occidere. Maledicta namque ambitio non
satiatur, et nemini parcit. *Simon autem*
perambulavit civitates quæ erant in re-
gione Judææ, non obstante senio suo, sol-
licitudinem gerens earum, id est sollicitus
pro bono communi et statu salubri in
temporalibus ac spiritualibus subditorum:
in quo patet fervor ac diligentia ejus. Per
quod instruuntur qui præsent, ut perso-
naliter aut per idoneos vicarios visitent
subditos suos, et deformata reformat, ac
sine personarum acceptione cunctis ju-
stum agant judicium, sicut et primo Re-
gum libro Samuel legitur peregrisse, et
secundo Paralipomenon Josaphat rex, per
aptos vicarios. *Et suscepit eos,* videlicet
Simonem ac filios ejus Mathathiam Ju-
damque, *in munitiunculam,* id est par-
vam et fortem turrim, *cum dolo,* ut fraude
faceret, quod nec potestate nec æquitate
facere quivit. Dolus namque, ambitionis
est comes ac filia venenata. *Et quum in-*
ebriatus esset Simon et filii ejus, id est be-
ne ac copiose relecti, non tamen gulose re-
pleti, *occiderunt eum et duos filios ejus et*
quosdam pueros ejus, id est ministros, præ-
dictus filius Abobi, imo diaboli, et ejus
ministri, qui tam venerabili seni non pe-
percerunt. *Et scripsit hæc Ptolemæus regi*
Antiocho, cui per hoc confidebat placere,
eo quod occidisset adversarium ejus. *Et*
misit alios in Gazaram tollere, id est ad
occidendum, *Joannem:* cujus interitum

1 Reg. vii,
15-17.
11 Par. xvii,
7-9.

A magis optavit, quoniam noverat magnani-
mitatem fortitudinemque ipsius.

Ut audivit autem Joannes a puero qui
evasit et præcucurrit, patrem et suos fra-
tres esse occisos, ac aliquos esse missos
pro ipso occidendo, *vehementer expavit*
de tam inopinato effectum et metuens cir-
cumveniri ac perimi, *et comprehendit vi-*
ros qui venerant perdere eum, et occidit
eos qui venerunt occidere eum. Sicque
omnes filii Mathathiæ occisi sunt.

Et cetera sermonum, id est rerum ge-
starum seu documentorum, *Joannis et bel-*
lorum ejus, quæ post patrem suum com-
misit: inter quæ fuit præcipuum illud, quo
vicit Hyrcanos: unde a victis Hyrcanis co-
gnominatus est Hyrcanus, quemadmodum
Scipio ille Romanus ab Africanis quos de-
bellavit, vocatus est Scipio Africanus; *et*
bonarum virtutum ejus, videlicet magnani-
mitatis, fortitudinis, justitiæ, caritatis seu
actuum strenuorum, *quibus fortiter gessit,*
et edificiis murorum quos extruxit in ur-
be forsam Jerusalem, aliarumve civitatum
C Judææ, *scripta sunt in libro dierum sacer-*
dotii ejus: quem librum non habet Eccle-
sia, sicut nec alia quædam volumina, quæ
in libris Regum ac Paralipomenon nomi-
nantur et allegantur; *ex quo factus est prin-*
ceps sacerdotum post patrem suum. Quem
Joannem Hyrcanum dicit Josephus fuisse
ducem atque pontificem ac prophetam.

Crudelissimus autem filius Abobi, vin-
culavit uxorem Simonis matrem Joannis,
et duos fratres ejus juniores. Quumque
Joannes acriter obsideret filium Abobi in
D oppido Achon*, pessimus ille fecit ma-
trem Joannis ac fratres ejus super muros
usque ad effusionem sanguinis flagellari,
comminando quod præcipitaret eosdem.
Sicque Joannes ex compassione matris ac
fratrum ab obsidione cessavit. Qui trigin-
ta annis optime præfuit, ac deinde quievit
in pace. Ad laudem et gloriam Omnipoten-
tis, qui est super omnia Deus sublimis
et benedictus. Amen.

* Dagon

ENARRATIO
IN SECUNDUM LIBRUM
MACHABÆORUM

PROŒMIUM

SICUT in Scholastica fertur historia, secundus liber Machabæorum non est historiæ prosecutio, sed prosecutæ recapitulatio. Est enim epistola, quam scripsit ^{II Mach. 1,} Judas Machabæus et senatus Judæorum ac Jerosolymitæ, dispersioni Judæorum, ^{1, 10.} id est Judæis dispersis, qui exulabant in partibus orientis, et maxime in Ægypto : in qua insinuaverunt eis duas solennitates a se institutas, unam de purificatione templi, aliam de victoria contra Nicanorem : ad quarum solennizationem illos exhortabantur. Porro alii dicunt, quod liber iste sit abbreviatio librorum Jasonis Cyrenæi, de factis Judæ Machabæi et fratrum ejus ac populi editorum, ut patet in fine secundi capituli ^{Ibid. u, 24.} hujus libri. Et horum utrumque potest verificari : quia hic liber in exordio sui continet præactam epistolam ; abbreviat quoque summatim Jasonis libros, et multa addit, quæ in primo Machabæorum volumine non habentur.

ENARRATIO IN SECUNDUM LIBRUM MACHABÆORUM

ARTICULUS PRIMUS

ELUCIDATIO CAPITULI PRIMI : FRATRIBUS QUI SUNT PER ÆGYPTUM JUDEIS. ETC.

FRATRIBUS *qui sunt per Ægyptum* A
Judæis : qui fratres nostri sunt, scilicet nati ex semine Jacob, sicut et nos, et ejusdem nobiscum sunt legis ac fidei ; salutem dicunt fratres qui sunt in Jerosolymis Judæi, et qui in regione Judæa, et pacem bonam, id est spiritualem, internam, imo et temporalem, ordinatam ad pacem spiritualem. Habitabant autem plurimi Judæorum in Ægypto, præsertim ab eo tempore quo Ptolemæus cognomento Soter, qui post Alexandrum Magnum primus in Ægypto regnavit, plurimos Judæorum a Jerosolyma et Judæa secum captivos in Ægyptum deduxit. Cujus successor Ptolemæus Philadelphus, cupiens sibi transferri libros veteris Testamenti, plurima millia Judæorum liberavit a servitute, et remisit Judæorum pontifici : a quo petiit sibi viros doctissimos mitti ad transferendum libros legis Mosaicæ de Hebræo in Græcum. Nihilo minus adhuc multi Judæorum in Ægypto manserunt, et multiplicati sunt ibi valde : quibus missa fuit ista epistola.

Benefaciat vobis Deus, benedicendo vobis in spiritualibus ac temporalibus bonis, et meminerit testamenti sui, id est,

A promissiones veteris Testamenti in vobis implere dignetur. Sicque per effectum ostendat se memorem pacti seu promissionis, quod iniit et percussit cum patribus nostris in monte Sinai legem dando, imo et ante cum Patriarchis, Abraham, Isaac et Jacob, quibus tam pro ipsorum personis, quam pro posteris eorundem multa promisit : ut in Genesi per diversa recitatur capitula. Hinc subditur, *quod ad Abraham, Isaac et Jacob locutus est*, qui sunt de numero *servorum suorum fidelium* : et sic

B aliquid hic suppletur. Potest tamen absque supplemento exponi : Meminerit testamenti sui, id est pacti sui, servorum suorum fidelium, id est concernentis servos suos fideles, et eis facti. De hoc pacto legitur in Genesi : Dixit Dominus ad Abraham : Faciam te in gentem magnam, et magnificabo nomen tuum, erisque benedictus ; et semini tuo dabo terram hanc. Et alio Genesis loco ait ad Isaac : Tibi et semini tuo dabo universas regiones has, complens juramentum quod spopondi Abraham patri tuo ; et benedicentur in semine tuo omnes gentes terræ. Præterea in Genesi locutus est ad Jacob : Terram hanc tibi dabo et semini

Gen. xu.
2, 7.

Ibid. xxvi.
3, 4.

Ibid. xxviii.
13, 14.

tuo. Eritque semen tuum sicut pulvis terræ; et benedicentur in te et in semine tuo cunctæ tribus terræ.

Et det vobis cor omnibus, id est, cordis illuminationem et devotionem det omnibus vobis, *ut colatis eum*, per observantiam legis divinæ. Et præsertim colitur Deus cultu interno per fidem, spem, et caritatem; deinde per latriam, cujus actus sunt devotio, oratio, laudatio, sacrificium, juramentum, et votum. *Et faciatis ejus voluntatem*, id est ea quæ Deo sunt placita, et in primis ejus præcepta, *corde magno*, id est cum ingenti cordis affectu. Potius enim respicit Deus ex quanto, quam quantum, hoc est, ex quali et quanto affectu cordis quid fiat, quam opus seu datum exterius. *Et animo volenti*, id est spontaneo, non coacto; atque ex caritate, non ex servili timore: quemadmodum in libro Josue legitur, Servite Domino corde perfecto atque verissimo. Unde et primo Paralipomenon volumine David hortatur: Fili mi, servi Deo corde perfecto et animo voluntario.

Adaperiat cor vestrum, intellectum illustrando, voluntatemque excitando ac inflammando, *in lege sua* intelligenda ac adimplenda: prout orat Psalmista, Da mihi intellectum, et scrutabor legem tuam, et custodiam illam in toto corde meo; et *in præceptis suis*, ut ea sincere intelligatis ac impleatis; et *faciat pacem* pectoris ac temporis: juxta illud Proverbiorum, Quum placuerint Domino viæ hominis, inimicos ejus convertet ad pacem. *Exaudiat orationes vestras*, quibus petitis vere salubria, et peti a Deo decencia, et *reconcilietur vobis*, misericorditer ignoscendo, *nec vos deserat in tempore malo*, id est in adversis, imo nec in vitiis et peccatis, sed in eis pie præveniat vos, et ad pœnitendum ac emendandum inducat. Denique tempus dicitur bonum aut malum, propter ea quæ contingunt aut fiunt in tempore, a quibus denominationem sortitur. *Et nunc hic*, scilicet in Jerusalem et in templo, *sumus orantes pro vobis*: in quo

patet caritas nostra ad vos; quod et tangimus, ut vos quoque oretis pro nobis.

Regnante Demetrio, anno centesimo sexagesimo nono. Supra in primo libro facta est mentio de duobus regibus nominis hujus. Primus Demetrius fuit filius Seleuci filii Antiochi Magni: qui Demetrius jussit occidi Antiochum regem, filium Antiochi Nobilis seu Illustris; qui etiam Demetrius intravit terram patrum suorum, et cœpit regnare anno centesimo quinquagesimo primo regni Græcorum, ut dictum est in primo libro. Hunc autem primum Demetrium vicit et interfecit Alexander rex, filius præfati Antiochi. Deinde, anno centesimo sexagesimo quinto, venit Demetrius, prænominati Demetrii filius, et regnare exorsus est, ut patuit in eodem libro; et regnavit usque ad annum centesimum septuagesimum secundum, in quo captus fuit et incarceratus a rege Medorum atque Persarum, sicut præhabitu est in primo libro. Quæritur ergo, de quo Demetrio intelligatur hæc littera, ac data hujus epistolæ: et videtur ex dictis, quod de secundo Demetrio, qui cœpit regnare anno centesimo sexagesimo quinto, occiso Demetrio patre suo; sed obviare videtur, quoniam glossa Rabani dicit hunc Demetrium filium fuisse Seleuci. Propter quod quidam hoc loco negat hanc glossam: quæ tamen posset salvari, dicendo, quod Demetrius iste vocetur filius Seleuci, quia fuit filius filii ejus, sicut in libris Regum etiam Asa et Josaphat ac Ezechias dicuntur filii David regis. Insuper dici posset, quod quota annorum istorum aliter sumitur hic, et aliter primo libro. Nam et in isto primo capitulo paulo post legitur, Anno centesimo octogesimo octavo, populus qui est in Jerosolymis, senatusque et Judas: quod de Juda Machabæo exponitur, qui tamen occisus fuit anno centesimo quinquagesimo secundo regni Græcorum, ut fertur in primo libro.

Nos Judæi, in Jerusalem commorantes, *scripsimus vobis* Judæis in Ægypto manentibus, *in tribulatione*, id est constituti

Josue xxiv,
14.

I Par.
xxviii, 9.

Ps. lxxviii,
34.

Prov. xvi,
7.

I Mach. vii,
1; x, 67.

Ibid. vii,
1-4.

Ibid. x, 50.

Ibid. 67.

Ibid. xiv,
1, 3.

III Reg. xv,
11, 24; xxii,
51; IV Reg.
xviii, 3.

vers. 10.

I Mach. ix,
3, 18.

in afflictione, et impetu, id est impetuosa et subita persecutione, qui impetus super-
venit nobis in istis annis, a regibus et eo-
rum principibus infidelibus, nos dire vas-
tantibus, ex quo, id est postquam, recessit
Jason a sancta terra, et a regno, id est a
terra patribus nostris promissa et data, ad
divinum cultum electa, et a regione Ju-
dææ. Portam succenderunt, id est, portas
Jerusalem combusserunt ministri regis An-
tiochi Epiphanis, et effuderunt sanguinem
innocentem, plurimos in Jerusalem occi-
dendo fideles. Quod qualiter factum sit, in
primo libro recitatur diffuse. De isto
Jasone, et qualiter adspiravit ad sacerdotii
principatum, infra habetur. Fuitque prin-
ceps eorum qui (ut primo libro scriptum
est) abierunt ad regem Antiochum, qui
dedit eis potestatem ut facerent justitias
gentium.

Et oravimus ad Dominum pro auxilio
contra hostes, et exauditi sumus ab eo,
quia ejus auxilio prævaluimus adversariis
nostris, et recuperavimus templum : in
quo recuperato et obtulimus sacrificium,
gratias referendo, et similaginem, id est
similam seu panes factos ex simila, quæ
est tritici farina mundissima, de qua pa-
nes propositionis fiebant ; et proposuimus
panes, id est, duodecim panes propositi-
onis posuimus in templo, super mensam ad
hoc deputatam, sicut in Exodo præcipi-
tur ; et accendimus lucernas, id est septem
lampades quæ erant super candelabrum
aureum. Præterea, qualiter factum sit to-
tum istud, primo libro plene narratur.

Et nunc frequentate, id est, omni anno
solennizate, dies Scenopægiæ mensis Cas-
leu, id est Decembris, vel Novembris, se-
cundum quosdam, ut in expositione quar-
ti capituli primi libri plenius dictum est.
Per dies autem Scenopægiæ, quidam in
expositione hujus capituli et alibi, intel-
ligit festum Purificationis Dedicationisve
templi, quod Judas et fratres ejus institu-
erunt. Quæ expositio videtur omnino ine-
pta, quia per festum Scenopægiæ in Scriptu-
ris veteris Testamenti designatur festum

A Tabernaculorum, sicut et Thomas in pri-
ma secundæ, Guillelmus quoque Parisien-
sis in libro de Fide et legibus, et Alexan-
der de Hales super tertium Sententiarum,
testantur. Unde Magister in historiis : Quin-
tadecima, inquit, die mensis septimi erat
Scenopægia, quod sonat, fixio tabernacu-
lorum, a σκῆνος, quod est umbra, et πῆγix,
quod fixio. Primo autem mense Judæorum
correspondet apud nos Martius vel Apri-
lis. Sicque septimo mense illorum apud
nos correspondet November aut Decem-
ber *. Itaque, Judæi Jerosolymitæ horta-
bantur Judæos Ægyptios, ut etiam festum
Scenopægiæ servarent, nec illud omitte-
rent occasione celebrationis novi festi ab
ipsis instituti, scilicet Dedicationis templi,
ad ejus celebrationem ipsos exhortaban-
tur. Sicque auctor Scholasticæ historiæ,
et alii antiqui expositores interpretantur
hunc passum.

Anno centesimo octogesimo octavo. Hic,
secundum quorundam expositionem, inci-
pit epistola missa Judæis in Ægypto mo-
rantibus, a Juda Machabæo et suis, distincta
a præinducta epistola quam dicunt missam
tempore Simonis post mortem Judæ et
Jonathæ, Judæis pacem habentibus. Cui
dicto obviare videtur quod in præhabita
epistola legitur, Nos Judæi scripsimus vo-
bis in tribulatione et impetu, ut dictum
atque expositum est. Quidam tamen expo-
nit sic, In tribulatione, id est de tribula-
tione : quæ expositio videtur extorta, nec
textui consona, nec Glossæ, nec Rabano,
nec Scholasticæ auctori historiæ. Verum-
tamen apparet quod ista sit alia ac spe-
cialis epistola, tam ex data ejus, quam ex
personis scribentibus, et ex forma dicta-
minis, ut intuentibus innotescit. Qui vero
vult dicere quod sit una epistola, poterit
respondere : quod personæ scribentes po-
nuntur hic magis in speciali, quæ supra
ponuntur solum in generali ; similiter per-
sonæ quibus hæc scripta sunt : et quod
data sit eadem in re, sed diversificatur se-
cundum quod numeratio annorum diver-
simode inchoatur.

I Mach. i.
12 et seq.

II Mach. iv.
7 et seq.
I Mach. i.
12, 14.

Exod. xxv.
30, 37.

I Mach. iv.
42 et seq.

Ibid. 59.

* Septem-
ber aut Oc-
tober

Quidquid autem de hoc dicatur, merito A quæritur, qualiter ista epistola missa a Juda ac suis, asseratur data anno centesimo octogesimo octavo, quum Judas occisus sit anno centesimo quinquagesimo secundo, sicut jam fuit probatum. Ad quod Lyra respondet : In epistola Judæ, numeratio annorum non fit a principio regni Græcorum, sed ante, ut hic innuit Glossa; sed ubi incipiat, non dicit. Additque Lyra : Potest rationabiliter dici, quod incipit a duodecimo anno regni Assueri, in quo populus Israel mirabiliter liberatus fuit a perse-

Esther m.
7.

cutione Aman, ut habetur in *Esther* libro. Nam liberatio illa fuit multum mirabilis, et similis liberationi Judæorum sub Antiocho factæ. In probatione autem hujus dicti, Lyra præsupponit unum, quod et alibi sæpius scripsit, quod scilicet Darius, de cujus licentia templum fuit consummatum sub Zorobabel et Aggæo, fuit filius Assueri regis et *Esther* reginæ, ac postea victus ab Alexandro Magno.

Quod dictum stare non potest : quia non solum contrariatur Josepho, Bedæ, Rabano, aliisque antiquis doctoribus; sed et B. Hieronymo super Aggæum et Daniele. ubi affirmat, Darium de cujus licentia consummatum est templum, fuisse filium Hystaspis : cui Dario successit in regno filius suus Xerxes, post quem regnavit Artabanus; cui successit in regno Artaxerxes, qui et Longimanus vocatus est, post quem Xerxes, atque post eum Sogdianus; cui successit Darius cognomento Nothus, post quem regnavit Artaxerxes, qui cognominatus est Mnemon, et ab Hebræis dicitur Assuerus; Assuero successit Artaxerxes qui dictus est Ochus, cui successit in regno filius ejus Arsamus, post quem filius ejus Darius, qui ab Alexandro est victus. Hæc secundum Scholasticam historiam sunt narrata. Ex quibus patet, quod inter Darium sub quo templum est consummatum, et Darium ab Alexandro prostratum, valde multi regnaverunt. Josephus tamen non ponit tam multos. Sed quod Darius ille qui templum jussit compleri, non fuerit ille

quem Alexander dejecit, tam Hieronymus quam Josephus aliique communiter tenent. Nec verum est quod Hebræi omnes dicunt, Darium, de cujus jussu consummatum est templum, fuisse filium Assueri, ut patet ex introductis : quæ omnia super Esdram plenius sunt probata. Ideo computatio præacta falso innititur fundamento. Sed quia epistola ista sub Juda Machabæo scripta est Judæis in Ægyptum abductis, posset forsitan computatio præacta inchoari a Ptolemæo Sotere rege Ægypti, qui juxta jam dicta, Judæos secum duxit captivos in regnum suum.

In I *Esdra*.
iv, 24; et I
Mach. i, 1.

Itaque, *Judas et senatus* Judæorum scripserunt *Aristobulo magistro Ptolemæi*. Aristobulus iste fuit natione Judæus, habitatione Ægyptius, peripateticus quoque philosophus; et Ptolemæo Philometori scripsit commenta super Moysis libros, atque in multis instruxit regem; propter quod ejus magister vocatur, prout hæc in Josepho et in Scholastica historia plenius describuntur. *Qui Aristobulus est de genere christorum sacerdotum*. Fuit namque de semine Aaron et posterorum ejus christorum, id est unctorum, quoniam sacerdotes in sua consecratione ungebantur, prout in Exodo

Exod. xxix,
7, 21; *Lev.*
viii, 12, 30.

atque Levitico refertur. *Et his qui in Ægypto sunt Judæis* fratribus, salutem animæ nunc in spe et merito, postea in re et præmio, et sanitatem corporalem ad salutem animæ ordinatam.

De magnis periculis, id est arduis impugnationibus, *liberati a Deo*, cujus auxilio et virtute prævaluimus hostibus, *magnifice*, scilicet totis præcordiis, *gratias agimus ipsi Deo*. Qui enim beneficia non advertit, nec gratias agit, damnabiliter est ingratus. *Utpote qui adversus talem*, id est tam ferocem et potentem, *regem*, scilicet Antiochum Illustrem, *dimicavimus*, victoriamque sortiti sumus. *Ipsæ enim ebullire*, id est copiose ac impetuose venire, *fecit de Perside*, id est regione Persarum, *eos qui pugnauerunt contra nos*, id est duces et principes suos cum auxiliariis suis, qui nos impugnauerunt, ut patuit primo libro.

I *Mach.* iii.
31 et seq.; iv.

Nam quum in Perside esset dux ipse. A
 Hoc exponitur non de Antiocho Nobili, sed
 patre ipsius, qui fuit dux et caput filii sui.
 Et cum ipso immensus, id est valde ma-
 gnus, exercitus, cecidit, id est, occisus est,
 in templo Naneæ, id est Dianæ vel Fortu-
 næ, secundum quosdam, consilio deceptus
 * alias Etc. sacerdotum Naneæ. Ut enim cum ea ha-
 bitaturus, venit ad locum Antiochus, id
 est, mox quum Antiochus Magnus a Ro-
 manis de bello fugatus venisset ad tem-
 plum Naneæ, quasi quieturus cum ipsa,
 hoc est reverentiam ei facturus ad tempus,
 et ut acciperet pecunias multas, in templo
 illo repositas, quas sacerdotes promiserunt
 ei dolose, ut comprehensum in templo
 occiderent : acciperet, inquam, dotis nomi-
 ne, id est sub ratione doni gratis exhibiti.
 Quumque proposuissent eas sacerdotes Na-
 neæ, id est, quum eas præsentassent An-
 tiocho, ut magis crederet ipsis, et amore
 pecuniarum allectus, ingrederetur loca se-
 cretiora ad paratas insidias. Unde subjun-
 gitur : et ipse cum paucis ingressus esset
 intra ambitum fani, id est templi, clause-
 runt templum ; apertoque occulto aditu, id
 est ingressu seu ostio templi, mittentes la-
 pides perculserunt ducem, id est Antio-
 chum lapidaverunt hi qui erant absconditi
 in abditis templi, quo ipse fuit inductus,
 et eos qui cum eo erant in templo, quo-
 niam templorum exstitit spoliator ; et di-
 viserunt membratim, et capitibus ampu-
 tatis foras projecerunt, in detestationem
 criminum ejus.

Per omnia benedictus Deus, qui tradidit
 impios illos in mortem : id est, divina ju-
 stitia benedicatur in isto effectui, in quan-
 tum impii, Deo volente, ita puniti sunt ;
 non in quantum in illa impiorum occisione
 fuerant multa peccata admixta, videlicet
 fraudes, mendacium, prava intentio interfi-
 cientium illos.

Facturi ergo, id est celebraturi, Purifi-
 cationem templi, sicut expositum est, ne-
 cessarium duximus, id est utile ad salutem,
 significare vobis, ut et vos quoque agatis
 diem Scenopægiæ, id est, non solum cele-

bretis nobiscum templi Dedicationem, sed
 nec omittatis ob hoc Tabernaculorum cele-
 britatem, nec festum de incensione ignis.
 Nam subditur : et celebretis diem ignis qui
 datus est miraculose a Deo, quando Nehe-
 mias, edificato templo et altari, obtulit sa-
 crificia. Fuit enim sacerdos, quemadmo-
 dum Esdras.

Nam quum in Persidem ducerentur
 patres nostri. Istud exponitur de captivi-
 tate Judæorum sub Nabuchodonosor rege,
 qui eos jussit duci in Babylonem ac Baby-
 loniæ regionem. Attamen ex illa multi Ju-
 dæorum devenerunt in regionem Persarum
 atque Medorum : sicque ducebantur et il-
 luc, quando in Babyloniam ducebantur.
 Sacerdotes qui tunc Dei cultores erant, ac-
 ceptum ignem de altari absconderunt in
 valle : id est, sacerdotes cum aliis in capti-
 vitate ducendi, ignem qui sub altari ho-
 locaustorum jugiter arsit, secum sumpse-
 runt, atque in valle (ut dicitur) Josaphat
 absconderunt, ubi erat puteus altus, id est
 profundus, et siccus. Sic et in Joanne legi-
 tur : Puteus altus est. Et in Psalmo : Veni
 in altitudinem maris. Atque in eo contutati
 sunt eum, id est, in lacu illo tute et clam
 posuerunt hunc ignem. Ex quo elicitur,
 quod et tunc erant aliqui sacerdotes de-
 voti et justii, quamvis perpauci. Ita ut om-
 nibus, præter hos sacerdotes, ignotus esset
 locus in quo ignis ille fuit absconditus,
 quoad hoc, quod erat locus absconsionis
 ignis ipsius. Puteus tamen ille pluribus
 fuit notus.

Quum præterissent autem dies multi,
 post septuaginta annos Babyloniæ capti-
 vitate et amplius, et placuit Deo ut mit-
 teretur Nehemias a rege Persidis ad re-
 edificandum Jerusalem : a rege (inquam)
 Artaxerxe, a quo Nehemias licentiam petiit
 redeundi, ut in Nehemia habetur ; nepotes sa-
 cerdotum illorum qui absconderant ignem,
 misit Nehemias ad requirendum ignem
 præfatum in valle prædicta ; et sicut nar-
 raverunt nobis, non invenerunt ignem il-
 lum, quia jam fuit extinctus, sed aquam
 crassam. Et jussit eos haurire ex puteo il-

1 Esdr. ii,
2.

IV Reg. xxv,
11, II Par.
xxxvi, 20.

Joann. iv,
11, II Par.
Ps lxxviii, 3.

II Esdr. ii,
1 et seq.

lo aquam crassam; et sacrificia quæ imposita erant altari holocausti, jussit sacerdos Nehemias adspergi aqua ipsa, et ligna quæ erant superposita sacrificiis, jussit similiter aqua illa adspergi. Utque, id est postquam, hoc factum est, et tempus adfuit quo sol refulsit, radios sensibilibiter emittendo, qui prius erat in nubilo, id est sub obscuro seu nube densa, accensus est ignis magnus divina virtute, angelico ministerio: quo ligna illa subito fuerunt incensa, ita ut omnes hæc intuentes ac percipientes, mirarentur: quum aqua soleat ignem exstinguere, non inflammare. Porro, de hac re nihil habetur in Esdra et Nehemia.

Orationem autem faciebant omnes sacerdotes dum consummaretur sacrificium: quia ab igne illo desuper dato devorabatur, sicut et sacrificium Eliæ, ut tertio Regum volumine habetur. Erant autem magna devotione succensi ex miraculo illo. Orabantque Deum ut sacrificium ipso- rum esset Deo acceptum. Jonatha inchoante. Iste non fuit Jonathas frater Judæ, sed quidam inter cantores præcipuus. Et ceteris respondentibus: sicut et nunc in ecclesia incipit cantor. Et Nehemiæ erat oratio hunc habens modum. Præterea Nehemias ponit quamdam orationem ejus; sed illam fecit adhuc cum rege Persarum existens, hanc vero in templo existens Jerusalem.

Domine Deus omnium creator: non quod universa et singula sint immediate a Deo creata, quum multa producantur a causis secundis, multa quoque generentur a principiis ejusdem speciei, ut cernimus; sed vel simpliciter et immediate, aut quoad primordiam materiam, vel quantum ad formam substantialem, omnia sunt a Deo creata. Terribilis: quoniam ei nullus potest resistere, neque ab eo appellare; suntque occulta judicia ejus, et nescimus an amore simus digni, an odio, aut quid finaliter eveniet nobis. Ideo dixit Apostolus:

Eccle. ix. 1.

Hebr. x. 31.

Ps. lxxv. 5.

Ara Dei terribilis in consiliis super filios hominum. Hinc sanctus Job: Considerans (inquit) eum, timore sollicitor. Et fortis, quia omnipotens; et justus, imo omnis justitiæ ac virtutis regula, fons, mensura, et causa; et misericors, non per compassionis affectum, quoad divinam naturam, sed per pietatis effectum; qui solus es rex bonus independenter, essentialiter et incircumscriptibiliter. Unde ait Salvator: Nullus bonus nisi Deus. Solus præstans, id est incomparabiliter dignus, et eminens, seu omnia donans; solus justus pure, perfecte et infinite: ejus comparisonem omnis creatura nullius videtur esse justitiæ, omnisque creata justitia, velut injustitia reputatur. Propter quod universæ justitiæ nostræ, sunt tanquam pannus menstruatae. Qui liberat Israel, id est Israeliticum populum in te confidentem, ab omni malo pœnæ et culpæ in vita præsentis aut futura; qui fecisti patres electos, id est sanctos Patriarchas, quibus dedisti esse naturæ, et sanctificasti eos per infusionem gratiæ ac virtutum.

Job xxiii.

15

Luc. xviii.

19.

Is. lxiv. 6.

Accipe sacrificium pro universo populo tuo Israel, et custodi partem tuam, id est Israeliticam plebem quam tibi præ ceteris elegisti. Congrega dispersionem nostram, id est populum nostrum hinc inde per diversas regiones dispersum, et reduce ad terram hanc patrum nostrorum; atque per fidem, spem et caritatem spiritualiter collige eos, ut sint unum mysticum corpus in te vivificatum Spiritu Sancto. Libera eos qui serviunt gentibus, sub tributo, vel in servos et ancillas eis venundati sunt, aut præ paupertate in exilio obsequuntur gentilibus, a quibus spernuntur. Unde subjungitur: contemptos et abominatos respice oculo pietatis, ut sciant gentes ex nostra gratiosa et miraculosa liberatione a te facta, quia tu es Deus noster: qui licet sis Deus omnium jure creationis et generalis dominationis ac gubernationis, specialiter tamen es Deus noster per providentiam specialem et gratiosam directionem, et per cultum ac adhæSIONem, qua tibi fideliter

adhæremus. *Afflige opprimentes nos*, id est, A in hac vita eos pie et juste castiga, et eorum tyrannidem reprime, qui adversantur bono communi cultuique divino, *et contumeliam facientes cultoribus tuis in superbia*, id est ex elatione : quod zelo justitiæ, non æmulatione aut affectu vindictæ, Nehemias rogavit. *Constitue populum tuum in loco sancto tuo*, id est in terra promissionis et in Jerusalem, *sicut dixit Moyses* : qui eis promisit hanc terram ; et in Deuteronomio dixit : Si ad cardines cœli fueris dissipatus, inde retrahet te Dominus, B et introducet in terram pro qua juravit patribus tuis.

Deut. xxx,
1, 5.

Quam autem consumptum esset sacrificium, id est omnino combustum ab igne prædicto : nam oblatum fuit in holocaustum ; *ex residua aqua* quæ super sacrificia non fuerat fusa, *Nehemias jussit lapides majores* in altari existentes, videlicet lapides (ut dicitur) laterales, *perfundi*. Quod ut factum est, *flamma ex eis accensa* est divina virtute : quemadmodum de præfacto igne est dictum ; *sed ex lumine*, C id est splendido igne, *quod lumen refulsit ab altari*, in quo fuit ignis prædictus, *consumpta est* : ita quod minor flamma videbatur absorberi a majore, et a duabus fieri una.

Ut vero manifestata est res, id est facto isto miraculoso de ignium horum productione et holocausti consumptione undique divulgato, *renuntiatum est regi Persarum* Artaxerxi, a quo missus fuerat Nehemias, *quod in loco in quo ignem absconderant sacerdotes*, videlicet in valle præfacta, *aqua apparuit*, de, id est cum, *qua Nehemias, et qui cum eo erant, purificaverunt sacrificia*, id est, carnes hostiarum laverunt (sicut in Levitico jussum est de carnibus animalium immolaticiorum), et igne inde succenso, sacrificia consummavit. *Considerans autem rex* Artaxerxes factum illud mirabile, *et rem diligenter examinans*, per testes et inquisitores, ne forte esset conficta, *fecit ei*, scilicet Deo ; vel Ei, utpote Nehe-

II Esdr. ii,
6.

Lev. i, 9, 13.

miæ, hoc est ad instantiam et propter reverentiam ejus ; *templum* Deo in Jerusalem.

Certum est autem, Nehemiam esse missum a rege Artaxerxe ad Jerusalem anno regni Artaxerxis vicesimo, scilicet diu post Esdram, sicut legitur in Nehemia ; et tunc II Esdr. ii, 1, 6. templum fuit factum et consummatum, quantum ad suam structuram ; imo sexto anno Darii regis Persarum, ut legitur in Esdra, exstitit consummatum : ideo factio templi non potest hic accipi proprie pro B ejus ædificatione. Idcirco dictum istud non consonat opinioni erroneæ Judæorum, et suorum sequacium, dicentium quod inter Cyrum et Darium istum non fuerunt intermedii reges, nisi Cambyses et Assuerus, ita quod Darius iste secundum eos fuit Artaxerxes. Imo ex isto loco probatur falsitas opinionis illius, si factio proprie accipiatur : quoniam factio ista templi, contigit diu post vicesimum annum regni Artaxerxis, ut patuit. Et tamen si Artaxerxes iste fuit Darius, necesse est dicere, C quod sexto anno regni ejus factum et completum sit ædificium templi. Quod autem inter Cyrum et Darium plures intermedii erant, constat ex dictis, et super Esdram magis est approbatum. Cf. in I Mach. i, 4.

Quod ergo Artaxerxes dicitur templum Deo fecisse, intelligendum est, quod templum illud ornavit et honoravit, atque per hoc opere demonstravit templum hoc esse factum Deo vero et summo. Et talis modus loquendi frequens est in Scripturis veteris Testamenti, ut aliquis dicatur quid facere, quia ostendit aut dicit hoc factum esse sive futurum. Hinc subditur : *ut probaret*, id est, opere approbaret aut testaretur, *quod factum erat*, videlicet miraculum illud de ignis productione et holocausti consumptione vere esse divinum. *Et quum probasset*, id est, factum illud taliter approbasset, *sacerdotibus* tanquam veri Dei ministris, *dedit multa bona, et alia atque alia munera*, ut orarent pro ipso ac regno suo, et ex donis illis sacrificia procurarent ; et multa talia dedit illis

per principes suos, qui præsidebant trans flumen : *et accipiens manu tribuebat illis*, id est, etiam propria manu contulit ipsis aliqua quæ accepit de bonis suis. Nam et Nehemias post duodecim annos cum sua comitiva ad Artaxerxem reversus est, et postmodum de licentia regis, rursus ad Jerusalemrediit, ut in Nehemia legitur : et tunc rex munera pretiosa contulit Nehe-

II Esdr. xiii,
6, 7.

miæ ac suis. *Appellavit autem Nehemias hunc locum*, id est diem seu festum loci istius, puta altaris seu templi, *Nephthar*, quod interpretatur purificatio. Et supra in isto capitulo vocatus est, dies ignis, etc., qui datus est de aqua crassa. *Vocatur autem apud plures*, id est ab aliis multis, *Nephi* : quod idem designat quod Nephthar.

vers. 18.

ARTICULUS II

ELUCIDATIO CAPITULI SECUNDI : INVENITUR AUTEM IN DESCRIPTIONIBUS JEREMIE.

HOC loco declarantur quædam in præcedenti capitulo dicta, præsertim de asportatione ignis altaris holocausti. *Invenitur autem in descriptionibus Jeremie*, id est in sermonibus a Jeremia, vel ex ore ipsius scriptis : quæ tamen descriptiones, nec a Catholicis, nec ab Hebræis habentur ; quod *jussit accipere ignem eos qui transmigrabantur*, id est, quod Jeremias præcepit sacerdotibus Dei cultoribus, qui a Judæa in Babyloniam transferebantur, quod secum acciperent ignem altaris holocaustorum, ut eum in valle absconderent Josaphat, *ut significatum est*, id est, prout dictum est capitulo præcedenti, *et ut mandavit transinigratis*, id est, sicut jussit sacerdotibus in Chaldæam translatis. Sic continetur in descriptionibus illis. *Et dedit illis legem*, id est, legem Moysis commisit Jeremias illis, ut eam implerent : et forsan librum legis Moysis præstitit eis ad legendum, recolendum, custodiendumque legem. Hinc subditur : *ne obliviscerentur præcepta Domini*, et ut non exerrarent mentibus, id est, ne corda eorum per infidelitatem errarent, *videntes simulacra*, id est idola, aurea et argentea, et ornamenta eorum, quæ in Babylone viderunt a Chaldæis adorari et coli. Et de hoc habetur in epistola

II Mach. 1,
19.

Ibidem.

Baruch vi,
3, 4.

B Jeremiæ missa Judæis in Babylone morantibus. *Et alia hujusmodi salubria documenta dicens Jeremias*, hortabatur præfatos *ne legem*, id est assiduam memoriam et observantiam legis, *amoverent a corde suo*.

Erat autem in ipsa scriptura, id est prætaetis descriptionibus Jeremiæ contentum, *quomodo tabernaculum Moysis et arcam per Beseleel factam jussit Propheta Jeremias*, divino responso ad se facto, *comitari*, id est per comites seu socios viæ portari *secum* ad spatium certum. Ex hoc apparet, quod Jeremias præscius destructionis civitatis Jerusalem, combustionisque templi a Chaldæis, sollicitus fuit pro area ceterisque prædictis, et Dominum exoravit, ut sibi revelare dignaretur, qualiter illa essent conservanda. Cujus piæ petitioni Dominus dedit responsum ut faceret quæ sequuntur, videlicet quod duceret ea secum, *usque quo exiit*, id est, quousque ipse Jeremias eundo pertingeret, *in montem in quo Moyses ascendit et vidit Dei hereditatem*, id est in montem Nebo in verticem Phasga, in cujus montis altitudinem Moyses Deo jubente ascendit, ad videndum terram promissionis : quæ vocatur hereditas Dei, id est terra quam Omnipotens filiis Israel præstitit hereditarie possidendam. Hinc scriptum est Deutero-

Exod. xxv,
9 et seq. ;
xxxvi, 1 et
seq.

Deut. nomii ultimo : Ascendit Moyses de campe-
xxxiv, 1-4. stribus Moab super montem Nebo, etc. *Et*
veniens ibi Jeremias, invenit locum spel-
luncæ, quam ex revelatione divina cogno-
vit ; et tabernaculum, id est materias ta-
bernaculi, et arcam, et altare incensi, id
est thymiamatis, intulit illuc, et ostium
speluncæ obstruxit.

Et accesserunt quidam simul, id est,
 pariter properaverunt ad locum prædi-
 ctum, *qui sequebantur Jeremiam, ut nota-*
rent sibi locum, in quo prædicta erant
abscoudita. Ut autem cognovit Jeremias
curiositatem illorum in inquirendo locum
præfatum, culpans, id est increpans, illos,
dixit quod ignotus erit locus ille taberna-
culi et altaris et arcæ, donec congreget
Deus congregationem populi, id est, popu-
lum Judæorum hinc inde dispersum, in
unum recolligat, et propitiis fiat populo
propitiatione perfecta ; et tunc Dominus
ostendet hæc, scilicet tabernaculum, ar-
cam, altare, et apparebit majestas Domi-
ni, id est, Deus omnipotentiam et gloriam
suam ostendet per effectus præclaros, et
nubes erit obumbrans populo Dei, sicut et
Moyse manifestabatur columna nubis, et
nubes quædam in consecratione taberna-
culi, juxta illud Exodi, Postquam cuncta
perfecta sunt, operuit nubes tabernacu-
lum testimonii, et gloria Domini implevit
illud.

Exod. xi.
 31, 32.

Joann. xi,
 51, 52.

Quæritur, an ista impleta sunt, an im-
 plenda. Circa hoc scribit Nicolaus de Ly-
 ra : Hanc congregationem et propitiationem
 expectant Judæi futuram in adventu
 Messiae ; et nos intelligimus eas factas in
 Christi adventu, juxta illud Joannis : Je-
 sus moriturus erat pro gente ; et non tan-
 tum pro gente, sed ut filios Dei qui erant
 dispersi, congregaret in unum. Quum ergo
 prædicta non sint in Christi adventu os-
 tensa, quia secundum Hebræos a tempore
 captivitatis Babylonicæ usque nunc, non
 est ostensa aut habitata arca Dei : propter
 hoc locus iste videtur aliquibus falsus aut
 saltem dubius. Posset tamen ad hoc dici,
 quod prædicta apparebunt in fine mundi,

T. 5.

A in conversione Judæorum ad fidem Chri-
 sti. Sed hoc videtur esse contra illud Jere-
 miæ : Non dicent ultra, Arca Domini ; neque
 ascendet super cor, neque recordabuntur
 illius, nec fiet ultra. Item, quod hic dici-
 tur de absconsione altaris et arcæ per Je-
 remiam, non habet apparentiam magnam :
 quoniam Jeremias fuit incarcerationatus usque
 ad captionem Jerusalem per Chaldæos, ut
 patet in Jeremiæ capitulis ; et sicut ante
 captionem civitatis ista non fecit, nec post-
 ea, ut videtur : quoniam capta civitate,
 Chaldæi mox confregerunt omnia pretio-
 sa, non solum aurea et argentea, sed etiam
 ærea, abstuleruntque secum, ut dicitur
 quarto Regum. Propter quod non videtur
 verisimile, quod Jeremiæ dimiserunt ar-
 cam et altare incensi, quæ erant de auro
 purissimo, ut habetur in Exodo. Igitur
 propter ista et alia supradicta de morte
 Antiochi et de tempore Demetrii, quæ cum
 difficultate magna vix possunt cum aliis
 Scripturæ locis concordari, ut patet ex su-
 pradictis, liber iste secundus, et maxime
 quantum ad suam præfationem, reputatur
 a multis multum apocryphus. Istud tamen
 majorum judicio derelinquo. Hæc Lyra.

Jer. iii, 16.

Ibid. xxxvii,
 20; xxxviii,
 6, 13, 28.

IV Reg. xxv,
 13-17.

Exod. xxv,
 11; xxx, 3.

Circa hæc recolo quæ Magister in hi-
 storiis recitat, S. Epiphanium episcopum
 de Jeremia dixisse : Hic est Jeremias, qui
 templum evertendum prænoscebat, arcam
 testamenti cum his quæ in ea erant, tulit,
 et precibus suis eam absorberi fecit in
 petra. Petram vero digito signans, nomen
 Dei impressit, scilicet tetragrammaton, ut
 dicitur. Et factum est sigillum in simili-
 tudinem sculpturæ, quæ ferro cavatur ;
 ipsumque Dei nomen operimento nubis
 celatum est, ut ex tunc nec locum quis
 cognoscere queat, nec ipsum legere no-
 men usque in diem hunc et usque in fi-
 nem. Et instar pristinæ figuræ, illic sæpe
 nubes, vel ignis nocturno fit tempore, eo
 quod gloria Dei ab ejus lege non desinat.
 Est autem petra illa in eremi terra inter
 duos montes, in quibus jacent Moyses et
 Aaron. Dixitque Jeremias præsentibus : Do-
 minus de Sion recessit ad coelos, inde rur-

sus in virtute venturus; et erit signum præsentiæ ejus, quando universæ gentes adoraverint lignum. Dixitque: Hanc arcam præter Aaron producere nemo poterit; et tabulas quæ in ea sunt, nullus aperiet sacerdotum, nisi electus Dei Moyses. Et in prima resurrectione resurget hæc arca, et exibit de petra, atque ponetur in monte Sina *, et omnes gentes congregabuntur ad eam, regressum Dei sustinentes, et adversarium qui eos quæsiturus est interimere fugientes. Hæc Epiphanius, cujus verba in aliquibus videntur dissonare a verbis litteræ hujus. Suntque verba illa Epiphani ad intelligendum difficilia, sicut et textus iste.

Certum est tamen, litteram istam, si salvari debeat, non ita esse intelligendam, quod in primo regis Messiae adventu fuerint tabernaculum Moysis, arca et altare incensi, realiter ac corporaliter ostendenda. Spiritualiter vero, et quantum ad res significatas per ea, ostensa sunt in primo Christi adventu, et deinceps. Quando autem et qualiter ostendenda sint realiter ac corporaliter, non scio, nec definire præsumo; tamen ut tetigi, littera ista a falsitate poterit per piam et mysticam expositionem aliquam excusari. Quum enim ab Ecclesia receptus sit liber iste ad legendum publice in divino Officio, non apparet tutum quod dicatur falsus sive apocryphus: quia, ut sanctus ait Hieronymus, apocrypha nescit Ecclesia.

Porro, quod in præmemoratis verbis Nicolai de Lyra habetur, arcam et altare incensi fuisse de auro purissimo, non potest stare secundum quod sonat. Arca namque fuit de lignis setim, ut legitur in Exodo. Fuerat vero deaurata intus et extra auro mundissimo, ut eodem patet capitulo. Altare quoque incensi fuit de lignis setim, secundum illud Exodi, Facies et altare ad adolendum thymiana de lignis setim: quod etiam fuerat deauratum, ut fertur ibidem. Insuper, quod in præhabitis Epiphani verbis asseritur, quod petra illa est in eremi terra inter duos montes, in qui-

bus jacent Moyses et Aaron, requirit intelligentiam piam. De Aaron equidem constat, quod in monte Hor sit sepultus, ut in Numeris recitatur. Moysen vero non in monte, sed in valle esse sepultum, probatur per id Deuteronomii ultimo: Mortuus est Moyses servus Domini in terra Moab jubente Domino, et sepelivit eum in valle terræ Moab.

Consequenter ad celebrationem Purificationis Dedicationisque templi, inducuntur facta Salomonis ac Moysis. *Et sicut quum Salomon petiit ut locus sanctificaretur magno Deo*: id est, Salomon exoravit ut templum a se ædificatum, consecraretur et acceptabile esset Deo immenso, ut tertio Regum describitur, secundo quoque Paralipomenon; *manifestabat hæc. Magnifice enim sapientiam tractabat*, id est, Salomon sapientiam sibi infusam, præclare ostendit in templi constructione et dedicatione, imo in increatæ Sapientiæ honoratione ac cultu; *et ut sapientiam habens, obtulit sacrificium dedicationis et consumptionis templi*: juxta illud tertii Regum:

Rex et omnis Israel cum eo, immolabant victimas coram Domino; et dedicaverunt templum Domini. *Sicut et Moyses orabat ad Dominum, et descendit ignis de cælo aërio, et consumpsit holocaustum*. Hoc fuit in consecratione Aaron filiorumque ejus, juxta illud Levitici: Egressus ignis a Domino, devoravit holocaustum, et adipēs qui erant super altare. *Sic et Salomon oravit, et descendit ignis de cælo, et consumpsit holocaustum*, a Salomone per manus sacerdotum oblatum, secundum illud secundi Paralipomenon: Quumque complasset Salomon fundens preces, ignis descendit de cælo, et devoravit holocausta et victimas.

Dixitque Moyses, eo quod non sit manducatum quod erat pro peccato: id est, Moyses reprehendit filios Aaron, quia non comederunt hostiam pro peccato oblatam; sed ipse Moyses invenit eam exustam. Unde in littera subditur: *et consumptum est*, id est igne altaris exustum, quod fuerat

Num. xx,
25, 29.

Deut. xxxiv,
5, 6.

III Reg. vii,
22 et seq.;
II Par. vi,
14 et seq.

III Reg. viii,
62, 63.

Lev. ix, 24.

II Par. vii,
1.

* alias Sion

Exod. xxv,
10.

Ibid. 11.

Ibid. xxx, 1.

Ibid. 3.

comedendum. Hinc scriptum est in *Lev. x, 16 et seq.* Levi: Inter hæc, hircum qui oblatus fuerat pro peccato quum quæreretur Moyses, exustum reperit; iratusque contra filios Aaron, ait: Cur non comedistis hostiam pro peccato, etc.? *Similiter et Salomon octo diebus celebravit dedicationem.* Tertio libro Regum de hac fertur celebritate: Fecit ergo Salomon in tempore illo festivitatem celebrem septem diebus et septem diebus, id est quatuordecim diebus. Quomodo ergo hic dicitur celebrasse dedicationem octo diebus? Ad quod quis dicere posset, quod numerus iste non ponitur hic per præcisionem numeri majoris, et quod minor non excludit majorem. Efficacius autem respondendum per illud secundi Paralipomenon: Fecit Salomon solennitatem in tempore illo septem diebus; fecitque die octavo collectam, eo quod dedicasset altare septem diebus. Itaque de illis primis octo diebus hic agitur. Nempe, quod Salomon dicitur quatuordecim diebus celebritatem fecisse, exponitur quod primis septem diebus celebritatem fecit de templi dedicatione, aliis septem celebravit festivitatem Tabernaculorum mox sequentem.

Inferabantur autem in descriptionibus et commentariis Nehemiæ hæc eadem: id est, de observanda festivitate Dedicationis templi tempore Esdræ et Nehemiæ ædificati, continebantur et concludebantur similia jam prædictis in quibusdam scripturis et commentis Nehemiæ: quæ scripta non habentur, sicut nec præallegatæ descriptiones Jeremiæ prophetæ. Verumtamen in Esdra habetur de solennitate Dedicationis templi illius. *Et qualiter construens,* id est, ipse Nehemias faciens, *bibliothecam, congregavit de regionibus libros et Prophetarum et David.* Tempore enim illo congregavit Esdras veteris Testamenti volumina a Chaldæis incensa, videlicet Pentateuchum, Psalterium, Prophetarumque libros: quos sic reparatos, Nehemias de regionibus Judææ, Samariæ et Galilææ, seu aliunde collegit, atque in bibliotheca

suam redegit. *Epistolas quoque regum Juda memoria dignas, sic congregavit; et de donariis,* id est, scripta de muneribus exhibendis seu offerendis collegit cum ceteris. *Similiter autem et Judas ea quæ didicerat per bellum, quod nobis acciderat, congregavit omnia:* id est, Judas Machabæus fecit conscribi ea quæ cognovit per bella quæ Judæis suo tempore contigerunt, in quibus bellis multa magna et mirabilia Dei auxilia apparuerunt, quæ æterna memoria sunt condigna. *Si ergo desideratis hæc,* id est, si libros istos habere optatis, *mittite qui perferant vobis,* id est, destinate aliquos ad nos, qui vobis eos deportent.

Acturi itaque Purificationem, id est, celebraturi festum de purgatione templi et consecratione altaris factis tempore Machabæorum, *scripsimus vobis,* ut et vos festum hoc celebretis. *Bene ergo facietis si egeritis hos dies solenniter.*

Deus autem qui liberavit populum suum frequenter, videlicet tempore Moysis et Judæi ac Regum, et nunc tempore Judæ ac fratrum ejus, dando victoriam in plurimis bellis, et reddidit hereditatem omnibus, id est, Judæis cum Juda collectis, Judæam ac hereditaria quæque bona restituit: quod tamen tempore Simonis magis impletum est, quando unusquisque sedit sub vite sua, et sub ficulnea sua, et coluit terram suam cum pace, ut dictum est in primo libro Machabæorum; *et regnum,* id est regionem patrum nostrorum, vel ducatum ac regimen. Nam Judas ac fratres ejus fuerunt duces et principes, imo et summi sacerdotes populi Judæorum: imo a tempore reversionis a Babylonica captivitate usque ad Herodem Ascalonitam, habuerunt Judæi aliquos rectores et principes de populo suo, quemadmodum in volumine Genesis Jacob testatus est: Non auferetur sceptrum de Juda, et dux de femore ejus, donec veniat qui mittendus est. Aristobulus vero, filius Joannis Hyrcani filii Simonis, primus imposuit sibi regium diadema post reditum a Babyloni-

* decide-
rant

1 Mach. xiv,
8, 12.

Gen. xlix,
10.

ca captivitate, quemadmodum Josephus A

tertiodecimo libro Antiquitatum describit. Et sacerdotium, id est sacerdotalem dignitatem seu pontificatum, et sanctificationem, id est templum seu sacram observantiam legis; sicut promisit in lege: quia per Moysen frequenter prædixit, quod pœ-

Lev. xxv,
41-45; Deut.
xxx, 1 et seq.

nitentibus et conversis Judæis redderet terram patrum suorum. Speramus quod

cito nostri miserebitur, dando nobis finalem liberationem per regem Messiam, vel erueno nos omnino a gentilium infestatione, et congregabit de sub cœlo in locum

sanctum, id est de diversis regnis in terram promissionis: quod et tempore Christi impletum est per congregationem spiri-

tualem in fide, spe et caritate, et in militante Ecclesia, quemadmodum Isaïæ

Is. lxxvi, 19,
20.

ultimo Dominus dixit: Mittam ex eis qui salvati fuerint, ad gentes in mari, in Africam et Lydiam, tenentes sagittam, in Italiam et Græciam, ad insulas longe; et adducent omnes fratres vestros.

Consequenter auctor hujus libri tangit materiam voluminis hujus, modumque pro-

cedendi, et quid moverit eum ad compilandum hoc opus. De Juda vero Machabæo, et fratribus ejus, et de templi magni in Jerusalem sub Zorobabel facti purga-

* purifica-
tione
Agg. ii, 10.

tionem *: de quo templo Aggæus prædixit, Magna erit gloria domus hujus novissimæ, magis quam primæ; et de aræ, id est altaris, dedicatione: de qua habetur in

1 Mach. iv,
56.

primis libro; et de illuminationibus, id est cœlestibus apparitionibus, cordiumque illustrationibus, quæ de cœlo factæ sunt

ad eos, id est ad Judam et ejus fratres ac adjuutores, qui pro Judæis fortiter fecerunt, id est, pro communi defensione Ju-

daici populi strenue pugnaverunt, ita ut universam regionem, quum pauci essent, vindicarent, id est, injurias toti populo

Judæorum illatas ab Antiocho rege ac suis ulciscerentur, quum tamen respectu adversariorum, essent perpauci, et barbaram, id est ferocem, gentium multitudi-

Ibid. iii.

nem fugarent: ut patuit in primo libro; et civitatem Jerusalem liberarent, et leges

quæ abolitæ erant, id est leges et præcepta Moysis per Antiochum quasi deleta et servari prohibita, restituerentur, id est, denuo servarentur et conscriberentur per

Judam et fratres ipsius, Domino cum omni tranquillitate propitio facto illis, id est Deo eis misericorditer auxiliante.

Itemque ab Jason Cyrenæo quinque libris comprehensa, id est diffuse conscripta in quinque codicibus, tentavimus nos uno volumine brevare. Ex hoc quidam

concludunt, quod in hac compilatione plures fuerunt. Quod stare non potest: imo unus fuit brevior et auctor hujus voluminis, ut patet in fine libri hujus, quo

ait: Ego quoque in his faciam finem sermonis: et si quidem bene, et ut historiæ

competit, hoc et ipse velim; si autem minus digne, concedendum est mihi. Est autem consuetudo magnis authenticisque personis, dictionibus pluralis numeri uti.

II Mach. xv,
38, 39.

Considerantes enim multitudinem librorum, et difficultatem eorum quos Jason de his rebus composuit volentibus aggredi

narrationes historiarum, propter multitudinem rerum: curavimus, id est, sollicite providimus his qui volunt rerum istarum historias legere, ne tædio afficiantur

ex prolixitate librorum, faciendo hunc librum compendiosum, volentibus quidem legere, ut esset animi oblectatio, id est, ut

hunc librum cum cordis delectatione breviter legant; studiosis vero providimus, ut facilius possint ista memoriæ commenda-

re; omnibus autem legentibus utilitas conferatur, id est, ut universi hæc legentes, ædificentur. Et nobis ipsis non

facilem laborem assumpsimus: quod tamen intuitu et amore communis utilitatis libenter peregrimus. Propterea subditur: Sicut hi qui præparant convivium, et

quærent aliorum voluntati parere, id est obedire, parando cibaria juxta eorum velle, propter multorum gratiam, id est profectum, libenter laborem sustinemus: veritatem quidem de singulis, auctoribus concedentes, id est, credentes quod ipsi auctores

librorum vera scripserunt de singulis re-

bus et gestis, de quibus hic loquimur: *ipsi autem secundum datam*, id est præconceptionem et tactam, *formam* scribendi per abbreviationem, *brevitati studentes*. *Sicut enim novæ domus architecto de universa structura curandum est*, id est, sicut principali constructori domus incumbit sollicitudo de toto ædificio et partibus ejus, et qualiter aggregentur ac redigantur in formam; *ei vero qui pingere curat*, id est per picturas et linitiones ornare domum jam factam, *quæ apta sunt ad ornatum, exquirenda sunt*, scilicet pulchri colores et confectiones, ex quibus fiunt adorationes ipsius domus: unusquisque enim habet exquirere ea, quæ ad suam pertinent artem; *ita æstimandum est et in nobis*, id est de nobis, qui non intendimus historicum librum originaliter compilare, sed potius descriptam historiam cum venustate abbreviare.

Denique quid historiographo competat, subditur: *Etenim intellectum colligere*, id est, rerum describendarum veram intelligentiam perscrutari ac adunare, *et ordinare sermonem*, utendo stilo convenienti ac clausulis aptis, *et curiosius*, id est satis

A diligenter, non immoderanter, *partes singulas quasque disquirere*, id est, investigare quascumque partes, ex quibus totum volumen est compilandum, hoc est singula quæque gesta ac verba recitatione condigna, vel singulas partes dictaminis, *historiæ congruit auctori*, id est historiographo. Quid autem congruat abbreviatori, subjungitur: *Brevitatem vero dictionis*, id est narrationis ac stili, *sectari, et executiones rerum vitare*, id est omittere digressiones declarantes qualiter quæque sint gesta, quando declarationes illæ non sunt utiles, *brevianti concedendum est*, id est, convenit ei qui scripta aliorum summam brevare intendit.

Hinc ergo, id est statim post hæc, utpote in exordio sequentis capituli, *narrationem*, id est exordium historicæ recitationis hujus libri, *incipiemus*: siquidem dicta hucusque, per modum prologi sunt induta. Unde subjungitur: *De præfatione tantum dixisse sufficiat*. *Stultum enim est, ante historiam effluere*, id est verbis superfluis abundare, *in ipsa autem historia succingi*, id est nimium festinare, et sermonem abrumpere.

ARTICULUS III

EXPOSITIO CAPITULI TERTII: IGITUR QUUM SANCTA CIVITAS HABITARETUR IN OMNI PACE.

DESCRIPTURUS auctor libri istius victorias Judæ Machabæi et suorum, et qualiter defenderunt populum Judæorum, præmittit qualiter populus ille post magnam prosperitatem et pacem, maximas incidit clades. Itaque in isto capitulo recitat miraculosam Judæorum consolationem, et adversarii eorum prostrationem sub Onia pontifice.

Igitur quum sancta civitas Jerusalem, ad Dei obsequium præelecta, in qua fuerunt templum et studium legis, sedes pon-

tificis, imo et thronus regis a tempore David usque ad Sedeciam, *habitaretur in omni pace*, id est multum pacifice, ita quod cives ejus devoti gaudebant pace pectoris et temporis, *leges etiam*, id est præcepta Mosaicæ legis, *adhuc optime custodirentur* ab habitatoribus civitatis, *propter Oniæ pontificis dispositionem et pietatem*, id est ex virtuosa et exemplari præsentia et gubernatione Oniæ, qui subditos sapienter disposuit et instruxit, atque in omni cultu Dei præcessit. Pietas quippe uno mo-

do idem est, quod cultus Dei seu latria; A alio modo sumitur pro misericordia; ter-
Is. xj, 2. tio, prout est unum de septem donis. Itaque
 causa bonæ conversationis civium, fuit
Eccli. x, 2. virtuositas prælati eorum, juxta illud Ec-
 clesiastici: Secundum judicem populi, sic
 et ministri ejus; et qualis est rector civi-
 tatis, tales et inhabitantes in ea. Unde et
Prov. xx, 8. Salomon in Proverbiis dixit: Rex qui sedet
 in solio judicii, dissipat omne malum intu-
 itu suo. *Et animos odio habentes mala*, id
 est ex bonitate cordis illorum, qui malum
 culpæ abhorrent: quia ad bona vere ho-
 nesta seu virtuosa, sincere afficiebantur.

*Fiebat ut et ipsi reges et principes gen-
 tiles locum*, id est urbem et templum Jeru-
 salem summo, id est valde magno, honore
dignum ducerent, tanquam summi Dei ha-
 bitaculum, et cultus divini mansionem ele-
 ctam, et templum maximis muneribus il-
 lustrarent, mittendo oblationes et dona
 copiosa ac pretiosa ad templum, sicut et
1 Esdr. vi, 8, 9; vii, 15-23; viii, 25;
II Esdr. iii, 7. Darius rex et alii quidam in Esdra et Ne-
 hemia fecisse leguntur: quia isti gentiles,
 quamvis et idola colerent, tamen unius
 veri et summi Dei aliqualem habuerunt
 notitiam; ita ut Seleucus Asiæ rex, filius
 Antiochi Magni, de redivis suis præsta-
 ret omnes sumptus ad ministerium sacri-
 ficiorum pertinentes. Verumtamen sicut in
 Scholastica fertur historia, Seleucus iste
 fuit iners et pessimus. Josephus vero re-
 fert patrem ejus Antiochum Magnum, fu-
 isse liberalem ad exhibendum necessaria
 pro sacrificiis offerendis. Sicque Seleucus
 iste ad tempus in hoc imitatus videtur fu-
 isse patrem suum, et postea pejoratus.

Deinde recitatur qualiter tribulatio cœ-
 pit in Jerusalem exoriri. *Simon autem de
 tribu Benjamin, præpositus templi consti-
 tutus ad disponendum negotia templi in
 exterioribus rebus*: non enim fuit ponti-
 fex vel sacerdos, quum fuerit de Benjamin
 tribu; contendebat, obsistente sibi princi-
 pe sacerdotum Onia, iniquum aliquid in
 civitate Jerusalem moliri, id est fabricare.
 Invidebat namque Oniæ pontifici, voluit-
 que plebem ad rebellionem inducere con-

tra illum. Impii enim quasi mare fervens *Is. lvii, 20.*
 quod quiescere non potest, ut dicitur in
 Isaia. *Sed quum vincere Oniam non pos-
 set*, id est contra pontificem prævalere,
 quia Onias vir pius, justus et sapiens, erat
 populo carus, et multos habebat fautores
 in civitate potentes, venit ad Apollonium,
 unum de principibus regis Seleuci, et nun-
 tiavit ei, pecuniis innumerabilibus ple-
 num esse ærarium, id est locum thesau-
 rorum, Jerosolymis. Erat autem ærarium
 istud locus situs juxta templum: in quo
 B ærario reservabantur deposita notabilium
 personarum et sustentacula vitæ paupe-
 rum quædam. *Et communes copias*, id est
 opes illas ad rem publicam pertinentes,
 quæ non pertinent ad rationem sacrificio-
 rum, id est ad emendum victimas oblatio-
 num, esse immensas, id est valde multas
 et magnas. Etenim quia Seleucus exhibe-
 bat sumptus pro sacrificiis, dixit Simon
 iste, opes illas ad sacrificia non spectare,
 præsupponens quod rex pertinentia ad sa-
 crificia invite auferret.

C *Statimque Heliodorus iter aggressus est
 versus Jerusalem, quia Seleucus commisit
 ei pecunias sibi afferre. Tunc summus sa-
 cerdos Heliodoro declaravit*, deposita esse*
hæc, id est opes illas esse ibi repositas, ad
 procurandum victualia viduarum et pu-
 pillorum egentium; quædam vero esse de-
 posita Hyrcani Tobia viri valde eminentis,
 id est excellentis et fidelis personæ. In
 Nehemia autem fertur ipse Nehemias eje-
 cisse de gazophylacio vasa Tobia infide-
 lis. *Decipi vero eos qui credidissent loco
 et templo, impossibile omnino esse*, id est
 fieri non posse nec esse permittendum a
 Deo, quod hi deciperentur, id est, rebus
 atque depositis suis spoliarentur, qui ea
 commendaverant templo, cum fide quod
 conservarentur a Domino in ipso templo
 seu prope illud, quod per universum mun-
 dum, id est per multa regna mundi (ut
 sit hyperbolicus sermo) honoratur, id est,
 famosum habetur, pro sui veneratione, id
 est venerabilitate, et sanctitate, seu pro
 veneratione quæ Deo exhibetur in ipso.

* ostendit

II Esdr. xiii, 8.

Sacerdotes autem ante altare cum sacer- A
dotalibus stolis, id est vestibus, iactaverunt
se, humiliando se intimo corde, et sacer-
dotaliter vestiti, ut sic benignius adspice-
rentur a Deo; et invocabant de cælo. Quare
non dicit, Invocabant de terra, quum isti
invocantes fuerint in terra, non in cælo?
Est igitur sensus: Invocabant, id est, au-
xilium sibi exhiberi implorabant de cæ-
lo, rogantes eum qui de depositis legem, id
est præceptum, posuit, ut his qui deposu-
erant ea, in præfato ærario, salva custodi-
ret Deus, ne diriperentur. Porro de depo- B
sitis Dominus aliqua jussit in Exodo. Jam
vero qui videret summi sacerdotis vultum,
mente vulnerabatur, id est, ex corde con-
doluit ei, tam miserabiliter disposito in
facie, in cujus pallore ac mortiformi dis-
positione vehementissimus dolor ac mæror
ac pavor cordis apparuerunt. Quemadmo-
dum enim cor gaudens exhilarat faciem,
sic in mærore animi dejecit spiritus,
prout Proverbiorum liber testatur. Accin-
ctæque mulieres ciliciis pectus, id est, as-
peritate vestis cilicinæ se affligentes ac
humiliantes, etc. Sed et virgines quæ con-
clusæ erant, id est, virorum juvenumque
adspectibus abstractæ, et ex virginali pu-
dore remanentes in domo vel circa tem-
plum reclusæ, et piis operibus occupatæ,
quousque maritarentur, procurrebant ad
Oniam, tanquam ad patrem spiritualem,
adsistentes ei per compassionem, oratio-
nem et fletum.

Erat autem misera commixtæ multitudi-
nis Judæorum ex personis utriusque sexus
congregatorum, et magni sacerdotis Oniæ D
in agone, id est in laboriosa mentis angus-
tia, constituti expectatio: quoniam cum
afflictione multiplici præstolabantur even-
tum finemque rei. Et hi invocabant Deum
omnipotentem, ut credita sibi, id est de-
posita eis commissa, his qui crediderant,
puta depositariis, cum omni integritate
conservarentur, ut nihil de ipsis posset
auferri.

Heliodorus autem quod decreverat, per-
ficiebat, id est, implere studebat. Sed spi-

ritus Omnipotentis, id est voluntas seu
animus Dei, imo Spiritus Sanctus ex Pa-
tre Filioque procedens, magnam fecit suæ
virtutis evidentiam, id est, omnipotentiam
suam publice demonstravit, perterrendo
et dejiciendo Heliodorum et ejus satellit-
es. Apparuit enim illis quidam equus
terribilem habens sessorem. Fuitque ange-
lus sanctus, in forma equitis metuendi
apparens, qui et corpus equi illius forma-
vit ac movit: sicut de curru et equis, qui IV Reg. ii,
bus vectus fuit Elias in cælum, tenetur. 11.

Alii etiam apparuerunt duo juvenes, id
est angeli in forma adolescentum, ad in-
sinuandum quod angeli nunquam invete-
rascunt, qui circumsteterunt eum, et ex
utroque parte Heliodorum flagellabant,
etc. Eumque multa caligine circumfusum,
id est præ timore et tormento nihil viden-
tem, rapuerunt, id est, sacerdotes appre-
henderunt, putantes quod mortuus esset, et
ne ex præsentia extincti cadaveris, præ-
sertim perfidi hominis, sacer locus con-
taminaretur, qui etiam ex ingressu vi-
ventis alienigenæ contaminabatur; atque C
in sella gestatoria, id est sede portatoria,
positum ejecerunt, id est, exportaverunt
de ipso ærario.

Considerans autem summus sacerdos,
ne forte rex Seleucus suspicaretur mali-
tiam aliquam ex Judæis circa Heliodorum
consummatam, id est, quod aliqui ex Ju-
dæis armati, taliter tractassent, aut magi-
ca arte affligi fecissent Heliodorum a ma-
lignis spiritibus, obtulit pro salute viri, id
est pro curatione Heliodori, hostiam salu-
tarem cum oratione. Aliqui vero dicunt
Heliodorum fuisse occisum et mortuum,
atque Oniæ precibus suscitatum, quia ha-
betur in textu, quod in supremo spiritu,
id est in agone, erat constitutus. Nihilo
minus littera ista magis insinuare vide-
tur, quod nondum expiravit, sed letaliter
exstitit vulneratus, moxque obisset, nisi
per preces Oniæ, vita, id est sanitas vitæ,
fuiisset ei donata. Heliodorus autem, hostia
Deo oblata per manum sacerdotis, pro gra-
tiarum actione quod fuit curatus, et votis

Exod. xxii,
7-15.

Prov. xv,
13; xvii, 22.

magis Deo promissis, etc., repedabat, id est remeabat, ad regem, etc. Eo quod in loco, id est in templo, vere sit Dei quædam virtus, id est potestas angelica locum custodiens, imo ipsemet Deus. Nam ipse

qui in caelis habet habitationem, visitator et adjutor est loci illius, id est gratus et potens defensor, quoniam locus ille Deo exstitit consecratus, qui per effectum multiplicem visitavit eundem.

ARTICULUS IV

EXPOSITIO CAPITULI QUARTI : SIMON AUTEM PREDICTUS, PECUNIARUM
ET PATRIÆ DELATOR.

RECITATUM est præcedenti capitulo, qualiter Deus virtuosum pontificem Oniam glorificavit. Hic describitur multiplex tribulatio atque injusta occisio ejus. *Simon autem prædictus, pecuniarum et patriæ delator, id est proditor, qui suos accusavit concives et proximos, prout in exordio præcedentis narratur capituli, male loquebatur habitatoribus Jerusalem de Onia, tanquam ipse Onias Heliodorum instigasset ad hæc, id est ad spoliandum ærarium; provisoremque civitatis, qui populo suo provisionem fecit de spiritualibus ac temporalibus bonis, ac defensorem gentis suæ Judaicæ, cujus pontifex fuit, quam et ab invisibilium hostium devoratione præservavit, ausus est insidiatorem regni dicere. Sic enim invidia mentem pervertit. Hunc impiissimum Simonem sequuntur iniqui, qui non solum se ipsos mendose excusant, sed alios quoque mendaciter criminantur, diffamant, et contra justos nituntur proximos inflammare.*

Sed quum inimicitia Simonis contra Oniam in tantum procederent, ut etiam per quosdam Simonis necessarios, id est amicos, homicidia fierent, ita quod quosdam adhærentes Oniæ interfecerunt; considerans Onias periculum contentionis inter concives : nam et intestina bella maxime nocent; et Apollonium insanire, id est omnino irrationabiliter irasci et indignari Judæis, ad augendam malitiam Simonis,

B cui Apollonius iste favebat, ut patuit præcedenti capitulo; *ad regem se contulit, id est, Seleucum accessit. Videbat enim, sine regali providentia impossibile esse, secundum viam humanam, pacem rebus, id est personis utriusque partis, dari : quas rex melius potuit cohibere. Reges quoque solent multos prudentes habere. Nec Simonem posse facili conatu cessare a stultitia sua, id est a stultis operibus quæ incepit. Erat enim habituatus in vitiis, atque pravissimæ consuetudinis mole victus.*

C *Sed post Seleuci vitæ excessum, id est post mortem Seleuci regis, quum suscepisset regnum Antiochus, ambiebat Jason frater Oniæ summum sacerdotium : quod ab Antiocho Epiphane emere studuit. Cui et promittebat et alia centum quinquaginta talenta argenti, si potestati ejus concederetur ab Antiocho gymnasium, id est scholam gentilis ritus, et ephebiæ sibi constituere, id est, prostibulum puerorum pulchrorum pro suo commodo facere : ephebus quippe vocatur puer formosus et lucidus; et eos qui in Jerosolymis erant, Antiochenos scribere, id est, in ritu gentilitatis esse et dici imitatores Antiochenorum.*

Quod quum rex annuisset, quia gentilis erat, et obtinisset ipse Jason principatum sacerdotii, statim ad gentilem ritum contribules suos, id est Judæos suæ tribus, videlicet sacerdotes et sibi ex parte matris

1 Mach. viii,
17.

propinquos, *transfere caput*, ut sic ad A
paganismum induceret alios quoque Judaeos. *Et amotis his*, id est ablatis a Judaeis beneficiis ac privilegiis his, *quæ humanitatis causa*, id est ex pietate, *Judeis a regibus Asiæ aut aliis fuerant constituta*, id est data, *per Joannem* natione Judæum, qui ista procuravit a regibus, *patriem Eupolemii* : qui Eupolemius apud Romanos de amicitia et societate functus est legatione, id est, a Juda Machabæo missus est ad Romanos, ad constituendum cum illis amicitiam ac societatem, quem admodum scriptum est in primo libro : Elegit Judas Eupolemium filium Joannis, et Jasonem filium Eleazari, et misit eos Romam ; *legitima civium jura destituens*, id est, tollens ac dissipans divina præcepta ac legis divinæ statuta seu jura, *prava instituta sanciebat*, id est, vitiosas ordinationes ac jussiones instituit. *Etenim ausus est sub ipsa arce*, videlicet prope templum, *gymnasium constituere*, et *optimos quosque epheborum*, id est elegantiores pueros quos potuit adipisci, *in lupanaribus ponere*, ad exercendum in illis Sodomiticum crimen.

Erat autem hoc non initium, sed incrementum quoddam et profectus gentilis et alienigenæ conversationis. Vitium enim contra naturam non pertinet directe ad infidelitatem, sed carnalitatem turpissimam. Est tamen augmentum conversationis gentilis, quæ veri Dei caret salutari notitia. Idcirco ad turpitudinem sine timore effundit se. *Propter impii et non sacerdotis Jasonis nefarium et inauditum scelus*, id est D congeriem scelerum ejus. Jason autem indignissimus fuit nomine sacerdotis, nec fuit sacerdos Dei, executione officii aut merito : nam et sacerdotes Dei ad idololatriam ac præfata gravissima traxit facinora. *Ita ut sacerdotes jam non circa altaris officia dediti essent, sed festinarent participes fieri palæstræ*, id est luctationis vel præfati gymnasii, et *præbitionis ejus injustæ*, id est vitiosæ exhibitionis institutionum Jasonis hujus, et in exercitiis di-

sei, id est ludi quo discus seu plumbea scutella projiciebatur in aerem, et nunc vocatur ludus projiciendi lapides. *Et patres quidem honores pro nihilo habentes*, id est, venerandas observantias legis a patribus eorum servatas vilipendentes, *Græcas glorias*, id est actus et ritus Græcorum gentilium, in quibus ipsi Græci gloriabantur, *optimis arbitrabantur*. In quo gravissima patet excæcatio mentis eorum, quod tam stolidissime atque falsissime judicabant. *Quarum gratia*, id est propter B quas glorias, *periculosa eos contentio habebat*, id est, intestinam dissensionem valde periculosam inciderunt : quia quibusdam idololatriæ illæ displicuerunt, aliis placuerunt ; ac per omnia his consimiles in cultu idololatriæ gentilitatisque ritu esse cupiebant, quos hostes et peremptores habuerant, videlicet Syris et Græcis ac Asianis.

In leges enim divinas impie agere, eas transgrediendo, impune non cedit : juxta illud Psalmistæ : Maledicti qui declinant a C mandatis tuis ; Job quoque : Deus inultum abire non patitur. *Sed hæc sequens tempus declarabit*, id est, veritas horum patebit ex sequentibus, in quibus et ea narratur, quæ contigerunt post tempus illud in quo contigerunt prædicta. Tempori autem adscribuntur ea quæ fiunt in tempore.

Quum autem quinquennalis agon, id est lucta seu concertatio exercitativa, quæ de quinquennio in quinquennium fiebat, *Tyri celebraretur*, id est, in loco illo sollemniter fieret, et rex, scilicet Antiochus D Nobilis, præsens esset. Fiebat enim lucta illa ad reverentiam Herculis, qui pugnator fuit fortissimus. *Misit Jason viros portantes argenti didrachmas trecentas in sacrificium Herculis* : quas postulaverunt hi qui asportaverunt, id est eas secum tulerunt, ne in sacrificiis Herculis erogarentur, quia non oporteret, id est, nec necessarium, imo nec utile esset. *Propter præsentem autem*, id est ad instantiam eorum qui aderant, *datæ sunt in fabricam navium triremium*, id est ad constru-

Ps. cxviii,
21.
Job xxiv, 12.

dum naves in quibus erant ordines tres A dam exponunt dicentes, quod fuit frater remorum.

Misso autem in Ægyptum Apollonio, quem illuc misit Antiochus propter primates Ptolemæi Philometoris regis Ægypti, cujus aliqua oppida occupavit Antiochus : quæ primates præfati Ptolemæi adhuc adolescentuli, requirebant ab Antiocho ; principes Ptolemæi contra eum, oppida illa reddere non volentem, pugnam moverunt. Quum cognovisset Antiochus alienum se a negotiis regni Ægypti effectum, venit Jerosolymam. Fuit enim ab Ægypto per Romanorum legatos repulsus, ut dictum est plenius in expositione primi libri. *Et magnifice a Jasone, quem ad pontificatum simoniace ac perverse promovit, et civitate susceptus, cum facularum luminibus et laudibus ingressus est ; et inde in Phœnicen exercitum convertit.* Verumtamen tunc, ut videtur, fecit mala multa et magna, quæ primi libri capitulo primo recitantur.

I Mach. 1,
22 et seq.

Et post triennii tempus misit Jason frater Oniæ, Menelaum, supradicti Simonis fratrem, portantem pecunias regi Antiocho, et de negotiis necessariis, id est de causis sibi commissis, responsa perlaturum, id est reportaturum a rege. Circa hæc incidit quæstio, quomodo Menelaus iste dicatur frater Simonis supradicti, qui (ut præcedenti fertur capitulo) de Benjamin fuit tribu ; Jason autem et Onias de tribu Levi et Aaron erant. Josephus autem apertissime scribit duodecimo Antiquitatum libro, quod Jason et Menelaus fuerunt fratres Oniæ. Hinc Lyra hoc loco negat Josephum, propter hujus libri auctoritatem. Verum Magister in historiis et alii multi authentici et antiqui Catholici, secuti sunt Josephum : et rationabiliter, ut videtur. Judæi enim non sustinuissent Menelaum in pontificatu, nisi de genere Aaron exstitisset. Nec post reditum a Babylonica captivitate leguntur Judæi unquam aliquem habuisse pontificem, nisi de stirpe Levi et Aaron. Quod autem Menelaus dicitur fuisse frater Simonis supradicti, qui

II Mach. III,
4.

ejus non carnis propagatione, sed imitatione et conformitate malitiæ. Juxta quem modum in Ecclesiastico scriptum est : Qui effundit sanguinem, et qui fraudem facit mercenario, fratres sunt. Posset etiam dici, quod quia tribus Levi poterat cum ceteris tribubus Israel matrimonia sociare, Menelaus iste ex parte unius parentis, præsertim matris, forsitan fuit de Benjamin tribu et Simonis frater.

Ecclesi.
xxxiv, 27.

At ille, videlicet Menelaus, commendatus regi Antiocho ab ejus ministris, qui ad hoc faciendum erant (ut creditur) a Menelao per dona inducti, quum magnificasset faciem potestatis ejus, id est, regem et ejus potentiam magnifice commendasset, in semetipsum retorsit summum sacerdotium, id est, procuravit illud sibi a rege donari ambitiose, simoniace, fraudulenter. Acceptisque a rege mandatis quid ageret, et ut pro pontifice susciperetur, venit, etc. Et Jason, qui proprium fratrem captivaverat, id est, causa fuit quod Onias seorsum reclusit se, ut infra habetur, in Ammonitem, id est regionem Ammonitarum, expulsus est. Illuc enim sacerdotii principatu privatus aufugit. *De pecuniis vero regi promissis Menelaus nihil agebat, id est, eas Antiocho non persolvit, quum exactionem faceret, id est, persolvi eas regi exigeret, Sostratus, sicut et vectigalia persolvi exegit ; qui Sostratus arci quæ fuit in monte Sion, præsidebat. Quam ob causam utrique, videlicet Menelaus et Sostratus, ad regem sunt evocati, ad reddendum rationem, cur Menelaus regi non solvit quod debuit. Et comperto quod Menelaus fuit in culpa, amotus est a sacerdotio, id est pontificatu, succedente Lysimacho fratre suo, qui de semine Aaron fuit, ut probabilius reputatur.*

Et quum hæc agerentur, contigit Tharsenses et Mallotas, id est cives ab urbibus suis sic nuncupatos, seditionem movere contra regem suum Antiochum, a quo videbantur contempti, eo quod Antiochi regis concubinæ dono essent dati, id est ob

hoc, quod Antiochus dedit eos pro munere A
suae concubinae, ut essent sub illius domi-
natione. *Festinanter itaque venit rex se-
dare illos, ne et concubinam suam con-
tristaret, aut subditos contra se acrius
provocaret, relicto suffecto, id est substi-
tuto, uno ex comitibus, id est principibus
seu sociis sui regiminis, Andronico in An-
tiochia, ex qua venit sedare praefatos. Ru-
tus autem, id est existimans, Menelaus
accepisse se tempus opportunum procuran-
di interfectionem Oniae, rege absente, au-
rea quaedam vasa de templo furatus (quod B
sacrilegium fuit) donavit Andronico, ut
ejus sibi amicitiam procuraret, sique per
eum obtineret Oniam occidi. Qui Andro-
nicus quum venisset ad Oniam, et suasisset
ei de asylo procedere, id est, de loco illo
in quo tutus fuit, nec poterat lædi, descen-
dere, statim eum peremit. Propter quod,
id est ob tam immanissimam impietatem,
indignati sunt Judæi et Græci in Antiochia
existentes, atque regresso regi conquesti
sunt : qui Deo instigante usque ad lacri-
mas condoluit interfecto; et Andronicum C
purpura exutum, veluti degradatum, fecit
occidi.*

Multis autem sacrilegiis, id est rerum
sacrarum abusionibus, a Lysimacho in
templo commissis, et divulgata fama de
tantis criminibus, congregata est multitu-
do Judæorum vitia Lysimachi abominan-
tium, adversus Lysimachum, multo jam
auro exportato de templo per Lysima-
chum, illud in usus proprios converten-
tem. Turbis autem insurgentibus contra
Lysimachum, Lysimachus armatis fere tri- D
bus millibus qui erant de parte ipsius,
iniquis manibus, id est adjutorio impio-
rum illorum, uti cepit. Et multi quidem
vulnerati de adjutoribus Lysimachi, qui-
dam autem et prostrati, id est occisi, om-
nes vero residui de ejus exercitu, in fu-
gam conversi sunt; ipsum etiam sacrilegum
Lysimachum, circa ærarium, scilicet extra
templum, interfecerunt.

De his ergo cepit judicium adversus
Menelaum agitari, id est, Judæi cæperunt

Menelao hæc crimina et sacrilegia Lysi-
machi imputare, quia consilio Menelai fa-
cta fuerunt. Et quum venisset rex Tyrum,
ad ipsum detulerunt negotium missi vi-
ri tres a senioribus Judæorum : qui tres
accusaverunt Menelaum coram rege. Et
quum superaretur Menelaus, id est, obje-
ctionibus et accusationibus contra se fa-
ctis respondere non posset, promisit Pto-
lemæo, amico seu consiliario regis, multas
pecunias ad suadendum regi, id est, ut
persuaderet Antiocho Menelaum reum non
esse, sed accusatores ipsius. Et ad senten-
tiam deduxit, id est, Ptolemæus ille ini-
quus induxit regem ad proferendum sen-
tentiam pro Menelao. Miseros autem, id
est accusatores Menelai miserabiliter cri-
minatos et circumventos, qui etiam si
apud Scythas, id est homines sic vocatos,
qui crudeles irrationabilesque dicuntur,
causam dixissent, id est, negotium contra
Menelaum proposuissent, innocentes judi-
carentur a Scythis, quia apertissime justa
fuit eorum causa; hos morte damnavit
C Antiochus. Cito ergo injustam poenam de-
derunt, id est, passi sunt (juxta quem mo-
dum loquendi ait Apostolus : Qui poenas
dabunt in interitu æternas), qui pro civi-
tate Jerusalem et populo Judæorum, et sa-
cris vasis templi, causam prosecuti sunt
contra Menelaum coram rege. Menelaus
autem propter eorum qui in potentia erant
avaritiam, id est propter cupiditatem prin-
cipum Antiochi, quibus munera contulit
Menelaus, permanebat in potestate, id est
sacerdotii principatu.

Ecce quanta fiunt in hoc mundo facino-
ra, et qualiter justi ac pii ab impiis oppri-
muntur, ipsique impii prosperantur ad
tempus, secundum dispensationem secre-
torum judiciorum Altissimi. Propter quod
Isaias dicit : Justus perit, et non est qui
recogitet in corde suo; et viri misericor-
diæ colliguntur, et non est qui intelligat.
Quæ res interdum movet fideles in ad-
mirationem, juxta illud Habacuc primo :
Quare, Domine, respicis contemptores, et
taces, conculcante impio justiorem se ?

II Thess. 1.
9.

Is. LVII, 1.

Habac. 1.
13, 4.

Propter hoc lacerata est lex, quia impius A amicus ad futuri sæculi retributiones, atque prævalet adversus justum. Propterea egreditur ad ordinem infinitæ sapientiæ providentiæ Dei, admiratio cessat.

ARTICULUS V

DECLARATIO CAPITULI QUINTI : EODEM TEMPORE ANTIOCHUS SECUNDAM PROFECTIONEM PARAVIT IN ÆGYPTUM.

GRAVISSIMA persecutio Judæorum per Antiochum facta, hic recitatur. Præmittitur tamen impugnatio Jasonis, et expugnatio ejus. *Eodem tempore Antiochus secundam profectionem paravit in Ægyptum*, id est, disposuit se ad ingrediendum et expugnandum Ægyptum altera vice. Qualiter autem bis intravit Ægyptum, in expositione primi libri narratum est.

1 Mach. i.
17-20.

Consequenter describitur, qualiter Deus futuram Jerosolymitarum prostrationem præmonstravit, per visiones et signa admonens illos ad vitæ correctionem. *Contigit autem per universam Jerosolymorum civitatem videri a civibus ejus, diebus quadraginta, certis horis ac quibusdam diebus infra spatium quadraginta dierum, quamvis, ut probabile est, non singulis illis diebus, per aera equites discurrentes, auratas stolas, id est vestes quæ super arma indui solent, habentes; et cursus equorum per ordinem digestos, id est, ordinate dispositos secundum bellicam artem; et congressiones fieri cominus, id est de prope prælia exerceri; et scutorum motus, quæ in bellis variis modis moventur, et ictibus opponuntur ad tuendum se; et galeatorum multitudinem, id est plurimos hominum galeas habentium, gladiis districtis, etc., id est multipliciter agitat, extensis, retractis. Denique hæc fiebant in aere ministerio angelorum bonorum sive malorum. Sic et S. Gregorius in homilia prima refert se igneas acies vidisse in cælo, antequam percuteretur Italia gladio. Similiter ante eversionem Jerusalem a Ro-*

manis, signa varia præcesserunt et visa fuerunt, quæ hic partim tanguntur in textu, pleniusque describuntur a Josepho libro de Judaico bello. *Quapropter omnes habitatores Jerusalem rogabant in bonum monstra converti, id est, signa illa monstratione digna, bonum aliquid præsignare, videlicet Judæorum victoriam: quorum tamen significabant ruinam.*

De bello
Jud. lib. vi.
c. 5.

Sed quum falsus rumor exisset, quasi vita excessisset, id est, quod obisset, Antiochus, assumptis Jason non minus mille viris, repente aggressus est civitatem Jerusalem, volens opprimere Menelaum, a quo fuit privatus pontificali officio, et illud recuperare, putans regem obisse, a quo erat depositus. Jason vero non parcebat civibus suis in cæde, id est, sine misericordia eos crudeliter interfecit; nec cogitabat prosperitatem adversus cognatos, id est, circa Jerosolymitas quorum multi erant consanguinei sui, non cogitavit prospera, sed adversa eis infligere; malum esse maximum, id est præcipuum damnum, arbitrans, hostium, et non civium se trophæa capturum, id est obtinere victoriam de vere hostibus suis, et non potius de suis concivibus, quos magis oderat quam gentiles vere inimicos et adversarios suos. Propter quod potius affectavit Judæos quam gentiles occidere. Et profugus iterum abiit in Ammonitem, id est in regionem Ammonitarum. Ad ultimum, [in] exitium, id est exterminium sui, conclusus ab Areta Arabum tyranno, omnibus odiosus, ut refuga legum, id est apostata

a Mosaicis legibus, *peregre periit, Lacedæmonias*, id est ad regionem, urbem, seu populum Lacedæmoniacum, *profectus*, quasi pro cognatione ibi refugium habiturus, id est tanquam defendendus et pie tractandus ab illis veluti a cognatis. Lacedæmonii etenim erant Spartiatæ, nati de semine Abrahæ, ut dictum est plenius in primo libro. *Et qui insepultos multos abjecerat*, quos occidit, ipse et illamentatus, id est non deploratus, et insepultus abjicitur, sepultura neque peregrina, id est alterius terræ monumento, neque patrio sepulcro participans. Unde elicitur, quod apud Spartiatas ejus pravitatem et apostasiam a lege noscentes, gratiam non invenit, sed occisus fuit ac insepultus abjectus.

His ita gestis, suspicatus est rex Antiochus societatem deserturos Judæos, id est recessuros a sua obedientia, communione ac tributorum persolutione: quod impiissimus Menelaus sibi forsitan persuasit per scripta seu alio modo. Crevit namque in malitia, et ad insidias civium, ut in fine præcedentis habetur capituli. *Et ob hoc rex profectus ex Ægypto*: quia Romani per legatos jusserunt ei ab Ægyptiorum impugnatione recedere; *effertis*, id est crudelibus, animis, civitatem quidem Jerusalem armis cepit. Habitatores enim urbis inter se discordes, ei non multum resisterunt: imo faventes ei, intromiserunt eum. Tuncque fecit per milites suos inhumanissimam et atrocissimam stragem in civitate, ut fertur in textu qui planus est.

Ausus est etiam intrare templum universæ terræ sanctius, id est sacratius fanis et templis gentilium, utpote vero Deo consecratum; *et scelestis*, id est vitiosis, manibus sumens sancta vasa templi, quæ ab aliis regibus et civitatibus, id est civitatum quarumdam rectoribus, erant posita, id est data, et per ministros templi collocata, ad ornatum loci et gloriam, ut Deo serviretur in eis. Cyrus enim rex Persarum, et Darius ac Artaxerxes atque Antiochus Magnus, et filius ejus Seleucus, rectores quoque nonnulli urbium aliquarum,

A exemplo regum suorum multa pretiosa decoraque vasa transmiserunt ad templum Jerusalem, ut partim ex dictis, et ex Esdra patescit. *Contrectabat indigne*, id est irreverenter, tanquam vasa communia, et contaminabat, applicando ea sacrilege usibus suis ac alienis.

Ita alienatus mente, id est vitiis et passionibus obscuratus, *Antiochus*, non considerabat quod propter peccata habitantium, civitati Dominus modicum fuit iratus, permittens eam ac templum ipsius

B sic profanari ad breve tempus, et citra condignum. Et hoc probat per castigationem Heliodoro inflictam, ut supra habetur. *Verum non propter locum gentem, sed propter gentem locum Dominus elegit*. Nam

minus principale ordinatur ad principale. Ideo locus ordinatur ad habitatores suos, et propter illorum profectum eligitur, non econtra. *Ideoque et ipse locus*, videlicet templum et civitas, *factus est particeps malorum pœnarium*, id est punitionum, populi sui, ita quod populus puniebatur

C in profanatione et contemptu loci sui et templi; *postea fiet socius*, id est participator, et bonorum, id est prosperitatum. Ista tamen est impropria locutio, quoniam inter rationalia et irrationalia ac inanimata, non est proprie loquendo societas. *Et qui derelictus est in ira*, id est justa ultione, Omnipotentis, iterum in magna Dei reconciliatione cum summa gloria exaltabitur: quod fuit impletum aliquo modo, quando Judas et fratres ejus templum recuperaverunt, purgaverunt et ornaverunt: sicut in primo libro et infra quoque habetur; plenius autem in Christi adventu, oblatione, prædicatione et miraculosa operatione in templo. Tunc enim impletum est quod Aggæus prædixit: Magna erit gloria domus hujus novissimæ magis quam primæ.

Igitur Antiochus mille et octingentis ablati de templo talentis, velociter Antiochiam regressus est, æstimans se præ superbia terram ad navigandum, etc. Quod per hyperbolen dictum est, ad insinuan-

1 Esdr. i, 7-11; v, 14, 15; vi, 5, 8, 9; vii, 1-3; 24; viii, 29; 1 Mach. xii, 18; xv, 26; 11 Mach. iii, 3.

1 Mach. xii, 21.

11 Mach. xv, 30.

11 Mach. iii, 25 et seq.

1 Mach. iv, 36 et seq.; 11 Mach. x, 1-8.

Agg. ii, 10.

dum indicibilem impiissimi illius elationem. *Reliquit autem præpositos*, id est quosdam de principibus suis, *ad affligendum gentem* Judæorum : *Ierosolymis quidem, Philippum ; in Garizim* loco Samariæ, *Andronicum*, non illum quem præcedenti capitulo legitur in Antiochia occidisse. Porro de hac templi spoliatione et civitatis Jerusalem afflictione, sanctique loci et vasorum ejus contaminatione, plenius dictum est in primo libro. *Quumque oppositus esset contra Judæos*, etc. Hoc ipsum scriptum est in primo libro, et est sensus : Quum Antiochus firmasset suum propositum ad persequendum Judæos, *misit odiosum principem Apollonium cum exercitu*, etc. Ista historia in primo libro habetur, quamvis nomen Apollonii ibi non exprimitur : quod tamen in primo libro est expressum. *Et tunc*, scilicet sabbato, *feriatis Judæis*, id est ab operibus cessantibus, *arma capere suis præcepit* : non quasi ad impugnandum Judæos, sed quasi ad exercendum hastiludia torneamentave aliqua : quia subjungitur, *Omnesque simul Judæos, qui ad spectaculum processerant, trucidavit*. Unde elicitur, quod Judæi non observabant se ob armationem præactam.

Judas autem Machabæus qui decimus erat. Judas hic dicitur decimus, non in ordine fratrum, inter quos tertius fuit, ut patet primo libro, sed in ordine summorum pontificum : non tamen incipiendo computationem pontificum ab Aaron, inter quem et Judam multo plures fuerunt, sed a principio regni Græcorum. Circa hæc scribit quidam : Regnum Græcorum, ut scribunt quidam expositores, incepit a Seleuco, qui in Syria successit Alexandro Magno. Et tunc, scilicet tempore Seleuci, summus sacerdos fuit Onias Jaddi filius, qui, secundum hoc dictum, fuit primus pontifex ; Simon justus, secundus ; Eleazarus Oniæ filius, tertius ; quartus, Manasses Eleazari avunculus ; quintus, Onias Simonis justii filius ; sextus, Simon Oniæ filius ; septimus, Onias hujus Simonis filius, quem occidit Andronicus ; octavus,

A Jason ; nonus, Menelaus ; decimus, Judas Machabæus. Hoc accipitur de glossa Rabani, quæ sumpta est ex dictis Josephi. Sed videtur deficere in duobus : Primo, quia Menelao successit Lysimachus. Et sic, quæ ratione numeratur Jason et Menelaus, numeraretur et iste Lysimachus decimo loco, et non Judas. Secundo deficit, quia ponit regnum Græcorum incipere a Seleuco : quod tamen incepit ab Alexandro Magno.

Circa hæc dico, quod redargutio ista nullius aut modici est valoris. Non enim putandum est, Rabanum ignorasse quod regnum Græcorum monarchicum seu imperiale ab Alexandro inceperit. Idecirco, dato quod dicat id, quod iste ei imponit, intelligendum est de regno Græco diviso : quo diviso in quatuor regna, primus post Alexandrum regnavit in Syria Seleucus pater Magni Antiochi, qui habuit filios duos, videlicet Seleucum et Antiochum Nobilem. Quod autem de Lysimacho objicitur, solveretur dicendo, quod modicissimo tempore præfuit, ita quod Menelaus cui ipse successerat, rursus ei occiso successit, ut patuit præcedenti capitulo : idcirco non numeratur. Nec verum est quod Judas ei successit. Nihilo minus dici potest, quod computatio ista ab Alexandro incipiat, ejus tempore pontifex Judæorum exstitit Jaddus : quo connumerato, aliisque præfatis, atque relictis Jasone et Menelao ac Lysimacho, qui illegitime ac pessime intraverunt, cultumque Dei dissipaverunt, et non exercuerunt, Judas est decimus, scilicet proximus post Oniam ab Andronico interfectum.

Itaque Judas cum suis *in desertum secesserat*, scilicet cum patre suo ac fratribus, ut dictum est in primo libro, *ibique inter feras vitam agebat ; et fœni cibo vescentes* Judas ac sui, [id est] rebus similibus fœno, utpote radicibus quibusdam et herbis ac fructibus terræ, quæ ibi poterant inveniri, *ne participes essent coinquinationis*, id est idololatriæ, transgressionisque legis Mosaicæ, ad quas Antiochus populum Judæorum coegit.

II Mach. iv, 38.

I Mach. i, 22 et seq.

Ibid. 30 et seq.

Ibidem.

Ibid. iii, 10.

Ibid. ii, 4.

II Mach. iv, 29, 42, 47, 50.

In II Esdr. xii, 11.

I Mach. ii, 28.

ARTICULUS VI

EXPOSITIO CAPITULI SEXTI : SED NON POST MULTUM TEMPORIS MISIT REX SENEM QUEMDAM.

I Mach. 1,
41 et seq.

DESCRIBUNTUR hic in speciali tribulationes per Antiochum et principes ejus inflictæ Judæis. *Sed non post multum temporis*, id est post breve tempus, *misit rex senem quemdam Antiochenum* tanquam authenticum, et cum eo alios quosdam, *qui compelleret Judæos* per minas et pœnas, *ut se transferrent a patriis et Dei legibus*, id est, leges divinas ab eorum patribus servatas, in patria sua relinquerent. Denique ista et multa subsequentiâ, dicta sunt atque exposita primo primi libri capitulo. Qui compelleret Judæos *contaminare etiam quod in Jerosolymis erat templum* : ita ut in eo sacrificarent Jovi, non vero Deo ; *et cognominare Jovis Olympii*, id est, templum illud vocare templum Jovis, cognomento Olympii, a loco illo sublimi in quo colebatur ; *et in Garizim*, prout erant hi qui locum inhabitabant, *Jovis Hospitalis*, id est, templum quod erat Deo constructum in monte Garizim in Samaria, cognominare templum Jovis Hospitalis, prout erant rogantes qui locum illum inhabitabant. Estque idem Jupiter, qui a diversis locis in quibus colebatur, diversa cognomina sortiebatur. Quocirca pensandum, quia ut Josephus refert, Manasses sacerdos, frater pontificis Judæorum, filiam Sanaballat Samaritani ac gentilis duxit uxorem. Propter quod prohibitus fuit ad altare accedere, nisi uxorem illam abjiceret : quam nolens relinquere, ad patrem uxoris Sanaballat est profectus, qui construxit ad ejus intuitum templum Deo in Garizim monte. Videntes autem Samaritani Judæos ab Antiocho propter cultum Dei ita oppressos, postulaverunt ab ipso, ut templum Dei inter ipsos situm, Jovi consecraretur, ne ab Antio-

cho aut ejus principibus instar Judæorum affligerentur.

Pessima autem et universis Judæis fidelibus gravis erat malorum, id est persecutionum, imo et transgressionum, *incursio*, id est, boni Judæi incurrabant gravissimas calamitates et persecutiones ex sceleratissimis actibus servorum Antiochi. *Nam templum luxuria et comestationibus gentium erat plenum*, id est, vitia carnis exercebantur in templo a gentilibus ac Judæis ad paganismum conversis ; *B sacratisque ædibus*, scilicet atriis templi et domunculis sacerdotum in gyro templi constructis, *mulieres impudicæ se ultro*, id est sponte ac libere, *ingerebant, intro ferentes*, id est in loca sacra secum portantes, *ea quæ non licebat illuc inferri*, videlicet cibos ac potus lege prohibitos, aut sacrificia profana Jovi sacrificanda. *Altare etiam holocausti plenum erat illicitis hostiis Jovis*. *Neque sabbata custodiebantur* a majori parte Judæorum, *neque dies solennes patrii servabantur*, id est alia festa legalia a patribus olim servata in patria illa, *nec simpliciter se quisquam Judæum confitebatur*, id est, tam pauci audebant confiteri se esse fide et ritu Judæos, quod respectu aliorum quasi nulli videbantur. Attamen aliqui erant, prout in primo libro et infra ostenditur.

I Mach. 11,
1, 14, 29.

Ducebantur autem Judæi cum amara necessitate, id est gravi mortis formidine, *in die natalis regis Antiochi ad sacrificia Jovis seu aliorum deorum quos coluit*. Verumtamen illa non fuit absoluta necessitas, sed conditionata, videlicet si vivere vellent : alioqui fuissent occisi, nisi sacrificassent sic. Ideo illa necessitas non excusavit eos a peccato mortali, quoniam tene-

bantur potius mori, quam transgredi legem Dei. Et quum Liberi, id est Bacchi, qui credebatur deus vini et vinearum, sacra celebrarentur, a ministris Antiochi, cogebantur Judæi hedera, id est tali herba con- simili viti, coronati, scilicet habentes super caput sertum factum de hedera, Libero circuire, id est ad honorem Bacchi ejus fanum seu altare in gyro perambulare, vel, ut aliqui dicunt, chorizare. Præterea, sicut dictum est super illud Jonæ, Præparavit Dominus hederam, hedera est arbuscula seu virgultum lata habens folia, et facit densissimam umbram, et oritur crebro in partibus Palæstinæ, secundum Hieronymum, maxime in locis arenosis : et cito crescit in altum, si habeat aliquod solidum aut stipitem, per quod ascendat ; alioqui super terram reptat.

Jonæ iv, 6.

Decretum autem erit in proximis gentili- um civitates, id est, præceptum Antiochi mittebatur hinc inde per oppida subdito- rum ipsius, suggerentibus Ptolemæis, id est imitatoribus et fautoribus impii Ptole- mæi : qui, ut supra habetur, induxit An- tiochum ad proferendum sententiam pro Menelao et contra fideles Judæos ; ut pari modo et ipsi gentiles urbium illarum ad- versus Judæos agerent, id est, Judæos in suis urbibus commorantes ad sacrifican- dum compellerent. Erat ergo videre mi- seriam, id est miserabilem et crudelem effectum, qui subditur.

II Mach. iv, 46.

Duæ enim mulieres Hebrææ fideles de- latæ sunt, id est servis Antiochi accusatæ, pueros suos circumcidisse : quos, infanti- bus ad ubera suspensis, quum publice per civitatem circumduxissent, ad aliarum mu- lierum Hebræarum terrorem, per muros præcipitaverunt : quod fuit crudelissimum opus, tam in matribus, quam in infantu- lis, qui suspensi fuerunt ad ubera matrum, quibus fuerant nutriendi : præsertim quum tam in Exodo, quam in Deuteronomio Do- minus jusserit, Non coques hædum in lacte matris suæ. Alii vero Judæi ad proxi- mas coeuntes, id est simul euntes, spelun- cas, et latenter diem sabbati celebrantes,

Exod. xxiii, 19; xxxiv, 26; Deut. xiv, 21.

A flammis succensi sunt, eo quod verebantur propter religionem et observantiam manu sibi auxilium ferre, id est, quia non aude- bant se defendere, hostibusque resistere, eo quod sabbatum esset, putantes illicitum se pugnare in sabbato : prout istud primi libri secundo capitulo plenius dictum est atque expositum.

I Mach. ii, 32 et seq.

Obsecro autem eos qui hunc librum le- cturi sunt, aut ejus lectionem audituri, ne abhorrescant propter adversos casus, id est, ne propter gravissimas istas tribulationes Judæis inflictas, scandalizentur, sive abhor- reant populum Judæorum tanquam Deo odibilem, vel quasi inane sit Deo servire, qui sibi servientes permittit tam atrociter trucidari ; sed reputent ea adversa quæ ac- ciderunt Judæis, non ad interitum, id est finalem perditionem seu totalem extirpa- tionem, sed ad correctionem esse generis nostri : ut scilicet, in hac vita paternaliter castigarentur a Deo, ne in æternum peri- rent : quod est divinæ dilectionis indicium et effectus. Propter quod scriptum est in Proverbiorum libro : Disciplinam Domini, fili mi, ne abjicias, et ne deficias quum ab eo corripieris. Quem enim diligit Domi- nus, corripit, et quasi pater in filio com- placet sibi. Etenim multo tempore non si- nere peccatoribus ex sententia agere, id est non permittere peccatores ad libitum diu peccare, sed statim ultiones adhibere, id est eos per temporales adversitates ac pœnas a peccatis reprimere, magni bene- ficii est indicium, id est evidenter benefi- cium grande, quum pœnæ vitæ præsentis sint medicinales, et incomparabiliter me- lius sit temporaliter castigari, sicque a vi- tiis refrenari, quam in tempore isto sine freno delectationibus frui, ac postea in æternum puniri.

Prov. iii, 11, 12.

Non enim, sicut in aliis nationibus idolo- latris, Dominus patienter expectat, id est, earum damnationem differt, emendatio- nemque, quantum in se est, præstolatur, ut eas quum judicii particularis in morte singulorum, vel generalis in fine mundi, dies advenerit, in plenitudine peccatorum

puniat, id est, secundum exigentiam omnium vitiorum eorum condemnet ac torqueat, quum mensuram iniquitatum suarum impleverint : *ita et in nobis Judæis statuit, ut peccatis nostris in finem derolueris*, id est usque ad mortem absque correctione protractis, *ita demum in nos vindicet* nostra peccata per infernaliam et æterna supplicia. *Propter quod nunquam misericordiam suam a nobis amovet in toto*, seu taliter sicut a gentilibus reprobis. *Corripuens vero paternaliter in præsentem in adversis, populum suum non derelinquit finaliter*, aut dona gratiæ subtrahendo electis, quamvis ad tempus permittat eos acriter infestari. Hæc de populo Judæorum pro cursu veteris Testamenti verificantur. Nunc autem ira Dei supervenit eis usque in finem. De populo autem christiano ista nunc

1 Petr. II, 9.

Matth. XX, 16.

Ps. LXXX, 13.

Ezech. XVI, 42.

dei possunt, qui est genus electum, gens sancta, populus acquisitionis, pars atque hereditas Dei : non quod universi electi sint, imo et ipsorum credentium multi sunt vocati, pauci vero electi ; sed quia præ ceteris gentibus plures electi in isto sunt populo. Itaque reprobos et iniquos ac vitiosos credentes præscitos, Deus omnipotens, justus, sanctus ac metuendus, permittit prosperari ac deliciari in sæculo isto, nec virga ejus est super eos. De quibus ait in Psalmo : Dimisi eos secundum desideria cordis eorum ; ibunt in adinventionibus suis. Unde hujusmodi populo ait per Ezechielem prophetam : Zelus meus recessit a te, non irascear tibi amplius.

Sed hæc nobis ad commonitionem legentium, id est ad eorum exhortationem, ne abhorrescant, etc., ut dictum est, *dicta sunt* * paucis verbis, magnam sententiam includentibus. *Jam autem veniendum est ad narrationem rerum gestarum*, in quibus adversa gravissima contigerunt populo nostro.

Igitur Eleazarus unus de primoribus, id est dignioribus majoribusque, *Scribarum*, qui erant legis periti, *vir ætate prorectus, et vultu decorus, aperto ore hians* ex violentia persecutorum, volentium eum

A ad esum carniū porcinarum compellere, *compellebatur carnem porcina manducare*. *At ille gloriosissimam mortem*, id est mortem virtuosam pro justitia et lege divina maximæ gloriæ meritoriam, *magis quam odibilem vitam*, id est conversationem vitiosam, *complectens, voluntarie præibat ad supplicium*, ex caritate ad aliorum ædificationem. *Intuens autem*, id est mente perpendens, *quemadmodum oporteret accedere*, id est, quam constanter atque fideliter necesse sit ad martyrium progredi in casu hujusmodi, *patienter sustinens destinavit*, id est, decrevit et deliberavit, *non admittere illicita*, id est non agere contra legis præcepta, *propter vitæ temporalis amorem*, quum vita præsens ordinanda sit ad vitam spiritualem æternalem ac gloriosam.

Hi autem qui adstabant, iniqua miseratione commoti, id est compassione fallaci trahente ad vitia, quæ venit non ex spirituali, sed sensuali amore, *propter antiquam viri amicitiam, tollentes eum secreto, rogabant afferri carnes quibus vesci licitum erat secundum legem ; et propter veterem amicitiam*, etc. Unde hi videntur fuisse Judæi a lege ad gentilitatem prolapsi. *At ille, scilicet Eleazarus, cogitare cepit ætatis suæ et senectutis eminentiam dignam* : quia non solum longitudine temporum, sed et decore virtutum fuit ornata. Senectus enim venerabilis est non diuturna, *etc.*, ut dicit Sapiens. *Et ingenitæ nobilitatis canitiem*, id est senium suum decoratum virtutibus, prout ingenita sua nobilitas ex Abraham et Patriarchis contracta requirebat : quoniam filius Abrahæ fuit non solum carne, sed et sanctitatis imitatione, secundum quod Christus in Joanne ait Judæis : Si filii Abrahæ estis, opera Abrahæ facite. *Respondit cito* : quia in re tam justa non fuit habenda longa consultatio ; *præmitti se velle in infernum*, id est, per mortem temporalem transire ad limbum patrum. *Non enim ætati nostræ, inquit, dignum est fingere*, id est decens uti simulatione : quæ in tali casu fuisset scandaliza-

Sap. IV, 8.

Joann. VIII, 39.

tiva et mortale peccatum, quum pro fidei ac legis divinæ defensione dandum sit testimonium evidens ac sincerum absque confictione. *Quamobrem vitam fortiter excedendo*, id est virtuose ac fideliter finiendo, *senectute dignus apparebo*, id est, ita me habebo sicut meam condecet senectutem, ita ut merito senex appeller. Maledictus enim puer centum annorum. *Si prompto animo pro gravissimis et sanctissimis legibus honesta morte perfungar*, id est, transitorie utar. Dicuntur autem leges Dei gravissimæ, id est honestissimæ ac summe maturæ, quemadmodum homo facetus et honeste se habens, dicitur moribus gravis.

His dictis, confestim ad supplicium traheretur. Sed quum plagis perimeretur, dixit: Domine, qui habes scientiam, etc., duos corporis sustineo dolores, præsertim quia tam senex sum, videlicet nonage-

narius; *secundum animam vero*, id est superiorem animæ portionem, videlicet secundum mentis dictamen et rationis censuram, et potissime secundum caritatis impulsus, *propter timorem tuum* filialem, qui caritatem includit, *libenter hæc patior*, ne te offendam, aut a te separer. *Et iste hoc modo decessit*, omnibus nobis ædificationem salubrem et grande exemplum relinquens, ut pro Deo, pro fide, pro justitia ad mortem quantumlibet duram simus parati, nec fictione aut duplicitate detestanda utamur.

Postremo, quoniam juxta doctrinam Apostoli, Corpora nostra templum sunt Spiritus Sancti, atque in sacris Ordinibus constituti, præsertim consecrati sunt Deo in templum, videamus ne et corpora nostra comensatione et luxuria polluantur, sed omni virtutum exercitio occupentur. I Cor. vi, 19.

ARTICULUS VII

EXPOSITIO CAPITULI SEPTIMI : CONTIGIT AUTEM SEPTEM FRATRES UNA CUM MATRE SUA APPREHENSOS, COMPELLI A REGE.

CELEBERRIMUM martyrium septem fratrum et venerandæ matris eorum, hic recitatur. *Contigit autem septem fratres una cum matre sua apprehensos, compelli a rege Antiocho contingere* * *contra fas*, id est contra præceptum legis comedere, *carnes porcinas, flagris et taureis cruciatos*, id est flagellatos extremitatibus virgularum colligatarum, atque flagellis factis de corio taurorum. *Unus autem ex illis qui erat primus, sic ait: Quid quæris, et quid vis discere a nobis? Parati sumus mori, etc. Iratus itaque rex, jussit sartagine, id est caldarias magnas, et ollas æneas succendi; et ei qui prior fuerat locutus, qui et primogenitus fuit, linguam amputari: quasi peccasset, tam constanter respondendo, per linguam; et cute capitis abstracta, summas quoque manus et pe-*

des, id est manus et pedes quæ sunt extrema membra in corpore hominis, *præscindi*. Aliqui tamen dicunt, extremitatem manuum ac pedum, id est digitos seu pollices, secundum quod in libro Judicum Adonibezec ait: Septuaginta reges, amputatis manuum ac pedum summitatibus, colligebant sub mensa mea ciborum reliquias. *Et quum per omnia inutilis factus esset*, id est ineptus ad opera vitæ præsentis, utpote membris privatus, nec diu vivere potens vita naturæ, *jussit ei ignem admoveri*, id est applicari, *et adhuc spirantem*, id est anhelitum trahentem, *torreri in sartagine*, id est cremari et uri in caldaria seu patella.

Quod quum fieret, mater et fratres ejus non terrebantur; sed desuper confortati, se mutuo hortabantur fortiter mori pro

* alias *edere*

Judic. 1. 7.

lege divina, *dicens* : Dominus Deus ad-
spiciet veritatem vitæ atque justitiæ, et
 veram fidei sanctæ confessionem appre-
 bando, et remunerando hæc omnia, et eos
 qui veritati et æquitati repugnant, dam-
 nando : *et consolabitur in nobis*, id est,
 nos consolabitur, atque pro temporali isto
 tormento gaudia conferet sempiterna. San-
 cti quoque martyres in ipsis suis marty-
 riis mirabiliter consolantur et exhilaran-
 tur desuper in cordibus suis, ita quod
 consolatio talis frequenter copiose redun-
 dat in partem sensitivam, ac tormenta
 alleviat. *Quemadmodum in protestatione*
cantici, id est in cantico suo cum invocaa-
 tione testificationis cœli ac terræ edito ac
 prolato, *declaravit Moyses*, in Deuterono-
 mio dicens : *Et in servis suis consolabitur*,
 id est, consolationem infundet cordibus
 servorum suorum. Nostra autem translatio
 habet, Et in servis suis miserebitur ; et
 redit in idem, quoniam consolatio ista est
 miseratio Dei, et misericordiæ ejus effe-
 ctus. Unde et Paulus fatetur : Benedictus
 Deus, qui consolatur nos in omni tribu-
 latione nostra. Et Psalmista : Secundum
 multitudinem dolorum meorum in corde
 meo, consolationes tuæ lætificaverunt ani-
 mam meam.

Mortuo itaque illo primo hoc modo, se-
quentem ducebant ad illudendum, et in-
terrogabant, etc. At ille respondit patria
voce : Non faciam, etc. *Et in ultimo spi-*
ritu constitutus, id est, secundus frater,
 videlicet primus in ordine post primoge-
 nitum, quum passus esset supplicia simi-
 lia suppliciis fratris sui defuncti, positus in
 agone et prope ultimam respirationem ac
 expirationem, ait : *Tu quidem, scelestis-*
sime, id est vitiosissime, utpote publicus
 persecutor justorum, et adversarius legis
 divinæ, crudelissimusque tyrannus, *in præ-*
senti vita nos perdis, id est interficis ; *sed*
Rex mundi, in æternæ vitæ resurrectione
nos suscitabit, id est resurrectione electo-
 rum, quæ erit via ad vitam beatam ac sem-
 piternam in corpore et anima. Quæ resur-
 rectio vocatur immutatio, id est ad melius

A mutatio, juxta illud Apostoli : Omnes qui-
 dem resurgemus, sed non omnes immuta-
 bimur. Christus quoque in Joanne : Proce-
 dent qui bona fecerunt, in resurrectionem
 vitæ (haud dubium quin gloriæ) ; qui ve-
 ro mala egerunt, in resurrectionem ju-
 dicii.

Post hunc tertius frater illuditur, id est,
 cum impiorum illorum derisione punieba-
 tur ac illusorie tractabatur. Verumtamen
 ipse a spe sua non illudebatur, nec stulte,
 sed sapientissime habuit se. *Et linguam*
 B *postulatus*, id est, exactus et jussus a tyran-
 no linguam extendere, ut abscinderetur, *ci-*
to protulit eam, tanquam ex corde paratus
 ad omnium membrorum suorum dilacera-
 tionem propter justitiæ defensionem, *et*
manus constanter extendit ad amputatio-
 nem ; *et cum fiducia æternæ remunera-*
tionis, ait : *E cœlo ista possideo*, id est,
 membra corporis mei a Deo creatore cœ-
 lorum accepi et habeo. Ad corporis quoque
 formationem et organizationem, corpora
 cœlestia et eorum motores, motu, lumine
 C et influentia cooperantur, tanquam instru-
 menta omnipotentis ac sapientiæ Creatoris.
 Videtur autem in hac narratione non
 servari ordo historiæ, quoniam sanctus
 martyr iste protulit verba hæc, antequam
 lingua sua amputabatur. Vel, si lingua
 abscissa protulit ista, magnum fuit mi-
 raculum : quod certum est fieri potuisse
 Omnipotentis virtute, sicut in novo Testa-
 mento multi beatissimi martyres Christi
 linguis abscissis noscuntur locuti. *Sed*
propter Dei leges implendas et defenden-
 D *das, nunc hæc ipsa despicio*, id est, viliter
 tractari permitto, et æquitati ac veritati
 postpono, quoniam ab ipso Deo me ea re-
 cepturum spero, melioranda ac glorifican-
 da quatuor dotibus corporum beatorum :
 quæ sunt, impassibilitas, claritas, agilitas
 atque subtilitas. Unde et sanctus Job fas-
 sus est : Credo quod Redemptor meus vi-
 vit, et in novissimo die de terra surrectu-
 rus sum ; et rursum circumdabor pelle
 mea, et in carne mea videbo Deum salva-
 torem meum.

Deut. xxxii,
 36.

II Cor. i, 3,
 4.

Ps. xlii, 19.

I Cor. xv,
 41.

Joan. ix, 25.

Job xix, 25,
 26.

Et hoc ita defuncto, quartum vexabant similiter torquentes. Et quum esset ad mortem, id est quartus frater morti jam proximus, ait : Potius est, ab hominibus morti datos, spem expectare a Deo, iterum ab ipso resuscitandos : id est, eos qui ab hominibus adjudicati sunt morti propter justitiam, melius est expectare a Deo promissam salutem, qui et resuscitandi sunt a Deo in die novissimo ; quam aliquid aliud huic contrarium facere. Tibi enim resurrectio ad vitam non erit, id est, non resurges in fine sæculi resurrectione beatæ immutationis seu gloriæ immortalis, sed resurrectione judicii condemnationis : quæ est mors secunda et infernalis. Omnes tamen resurgent ad vitam naturæ perpetuam. Istud autem intelligendum fuit sub conditione, videlicet nisi Antiochus pæniteret : vel per modum comminationis aut propheticæ denuntiationis.

Et quum admovissent quintum fratrem ad pœnam, vexabant eum. At ille respiciens in eum, dixit : Potestatem inter homines habes, et quum sis corruptibilis, facis quod vis. Noli putare genus nostrum, scilicet populum Judæorum, a Deo esse derelictum finaliter aut omnino ; vel quantum ad animarum salutem, quia hæc ipsa castigatio et persecutio nostra, est nobis causa coronationis æternæ, et signum dilectionis divinæ ad nos. Tu autem patienter sustine, id est, ad tempus et instar patientium præstolare, et videbis magnam potestatem ipsius, id est, omnipotentiam Dei per effectum diræ ultionis experieris. Hoc quasi prophetice dictum videtur, quia in brevi post hæc Antiochus durissime fuit plagatus, et infelicissime in gravissimis expiravit tormentis, atque deinceps deputatus fuit æternis suppliciis. Filius quoque ejus Antiochus cum suo cognato Lysia fuit occisus. Similiter Alexander filius filii ejus ; deinde Antiochus filius Alexandri, et multi de cognatis eorum. Possunt etiam per semen, omnes ejus imitatores intelligi.

Post hunc ducebant sextum, et is, scilicet sextus frater, mori incipiens, sic ait : Noli frustra errare, putando quod absque fructu hæc patiamur et sine dispositione providentiæ Dei. Nos enim propter nosmetipsos hoc patimur, pro nostra purgatione et coronatione, peccantes in Deum nostrum : per quod meruimus ista pati. Verumtamen frater iste hoc dixit in persona populi sui prævaricantis potius quam in sua persona, quemadmodum Esdras ait in sua peroratione : Deus meus, erubesco faciem meam levare ad te, quia peccata nostra creverunt usque ad cælum. Et digna admiratione facta sunt in nobis, id est adversa miranda. Tu autem ne existimes tibi impune futurum, id est sine ultione dissimulandum aut pertranseundum, quod contra Deum pugnare tentaveris, destruendo cultum ipsius, et ejus occidendo cultores : quibus ait per Zachariam, Qui tetigerit vos, tanget pupillam oculi mei. Unde et in Deuteronomio asseritur : Quia sanguinem servorum suorum ulciscetur.

C Hinc primo Regum libro inducitur : Si peccaverit vir in virum, placari ei poterit Dominus ; si autem in Dominum peccaverit, quis orabit pro eo ?

Supra modum autem communem, mater fratrum istorum mirabilis, propter excellentiam suæ virtuositatis : cui nec in lege naturæ, neque in lege Mosaica legitur aliqua par fuisse, quantum ad fortitudinem hujus constantiæ in filiorum martyrizazione ; et bonorum memoria, id est sanctorum hominum commemoratione digna ut eam sibi in exemplum proponant patientiæ ac virtutum ; quæ pereuntes, id est mortem patientes, septem filios conspiciens, bono animo ferebat, id est, æquanimiter tolerabat, propter spem quam in Deum habebat, id est propter speratam beatitudinem, quam exspectavit a Deo dandam sibi ac filiis suis, quam ex caritate ipsis optavit. Singulos illorum hortabatur patria voce, id est lingua materna, vel patrum sanctorum exhortatione, fortiter, repleta sapientia, id est dono sapientiæ et

Apoc. xx,
14.

1 Esdr. ix,
6.

Zach. ii, 8.

Deut. xxxii,
43.

1 Reg. ii, 25.

II Mach. ix,
5 et seq.

1 Mach. xii,
2, 4.
Ibid. xi, 17.
Ibid. xiii,
31.

illuminatione superna, qua contemplabatur divina, coelestia et æterna : quorum intuitu et amore vilipendit carnalia et caduca : *et femineæ cogitationi*, qua interdum ex primis motibus cœpit præsentibus filiorum suorum doloribus molliter ac muliebriter condolere, *masculinum animum inserens*, id est viriles considerationes adjiciens, atque virtutum motus et effectus admiscens, per quas refrenavit ac vicit cogitationes et compassionem femineas, *dirigit ad eos* :

Nescio qualiter in utero meo apparuitis, id est, qualiter sitis concepti, aucti et animati in ventre meo, ita quod per uteri mei tumorem, et corpusculorum vestrorum motionem, cœpit innotescere vos in alvo meo consistere. Nempe qualiter anima creetur ac infundatur, intellectus non capit humanus. *Neque enim ego spiritum et animam donavi vobis et vitam, et singulorum membra non ego compegi*, id est, membra vestra non formavi, sed Deus per causas secundas. Unde et sanctus Job loquitur Deo : Manus tuæ formaverunt me, et plasmaverunt me totum in circuitu. *Hinc scriptum est in Ecclesiaste* : Quomodo ignoras quæ sit via spiritus, et qua ratione compingantur ossa in ventre prægnantis ; sic nescis opera Dei qui fabricator est omnium. *Neque enim ego spiritum*, id est mentem, *et animam rationalem*, id est animam ipsam formam substantialem, corpus vivificantem, animantem, regentem, in qua est mens et inferiores sensitivæque vires, *et vitam naturæ aut gratiæ, vobis donavi*. Anima etenim rationalis non est ab intra, neque ex traduce, sed per creationem et infusionem a Deo. Itaque per hæc verba non est intelligendum, quod in homine sint duæ aut plures formæ substantiales ; sed anima una, plurium virium contentiva. Juxta quem modum ait Apostolus : Deus pacis sanctificet vos per omnia, ut integer spiritus vester et anima et corpus servetur. *Sed est mundi Creator, qui formavit hominis nativitatem*, id est, fontaliter ex sapientia et omnipotentia

sua instituit modum et processum generationis humanæ. Propter quod sanctus Job ait ad Dominum : Nonne sicut lac mulsisti me, et sicut caseum me coagulasti ? etc. *Quique omnium invenit*, id est, aliunde non accepit nec didicit, sed ex fonte sapientiæ suæ immensæ instituit, *originem*, hoc est exordium et processum cunctorum, inceptionem, cursum et ordinem universorum. Juxta hunc sensum in Baruch scriptum est : Qui fecit stellas, hic adinvenit omnem viam disciplinæ. Apostolus quoque : Ex ipso, inquit, et per ipsum, et in ipso sunt omnia. Atque Isaias : Cum quo iniit consilium, et instruxit eum ? *Et spiritum vobis iterum cum misericordia reddet et vitam*, id est, in resurrectione futura misericorditer rursus conjunget animas vestras intellectuales corporibus vestris : sicque vitam restituet vobis, et glorificabit corpus et animam ; *sicut nunc vos ipsos despicitis*, id est, morti huic despicabili exponitis, *propter leges ejus*, id est, ut ejus impleatis præcepta.

Antiochus autem contemni se arbitrat a fratribus interfectis, a quibus fuit acriter increpatus, imo et aspernatus secundum quod vitiosus : juxta illud in Psalmo, Ad nihilum deductus est in conspectu ejus malignus ; *simul et exprobrantis voce despecta*, id est, despiciens ipse Antiochus verba fratrum exprobrantium sibi, sicut despexit eorum personas. Sicque reputavit se despectum, primo, quia sic fuit reprehensus ab illis ; secundo, quia a tam vilibus secundum suam æstimationem fuit contemptus. *Quum adhuc adolescentior superesset*, ut saltem vinceret illum sua persuasionem, *non solum verbis hortabatur, sed et [cum] juramento affirmabat se divitem et beatum facturum illum*, id est prosperum in præsentibus bonis, et felicem secundum suam superstitionem.

Sed quum ad hæc adolescens nequam inclinaretur, vocavit rex matrem, ut adolescenti fieret in salutem, id est, persuaderet filio suo evadere mortem, et

Job x, 10.

Baruch, 35, 37.

Rom. xi, 36.

Is. xl, 14.

Ps. xiv, 4.

1 Thess. v, 23.

sanitatem ac prosperitatem hujus vitæ eligere. *Quum autem multis verbis eam esset hortatus, promisit se mater suam filio suo, non tamen secundum regis intentionem, sed secundum veram dilectionem. Suasit etenim filio suo, ut veram amplecteretur salutem, et propter eam subiret mortem. Et ait filio : Miserere mei, id est, non permittas me in maximum labi mœrorem, obediendo huic tyranno, quæ te novem mensibus in utero portavi, etc. Peto, nate, ut adspicias ad cælum et terram, et ad omnia quæ in eis sunt, et intelligas quia ex nihilo fecit illa Deus omnia. Ita fiet, id est, ex hoc concipies tantum timorem, dilectionem, et venerationem ad proprium Creatorem, ut non timeas carnificem istum, qui sic dilaniat homines, sicut carnifices bruta ; sed dignus fratribus tuis effectus particeps, id est, per constantiam promerens eorum frater vocari, non solum carne, sed et religione atque martyrio, suscipe mortem patienter et libenter propter Deum, ut in illa miseratione, id est in futura pia remuneratione ac coronatione, cum fratribus tuis te recipiam, id est, tibi rursus conjungar, et nunquam amplius a te separer, atque ex tua associatione plenius glorier ac jucunder, consors et particeps gloriæ tuæ : et tanto plus, quanto magis te diligo, et quo plus tibi cooperata sum ut pervenires ad tam beatificum finem.*

Quum hæc illa tam optima ac strenuissima mater Spiritu Sancto repleta, adhuc diceret, ait adolescens, inflammatus eloquio dilectissimæ ac fidelissimæ matris :

* *Quem Quid* sustinetis ? quasi dicat : Inaniter expectatis quod acquiescam persuasionibus regis. Non obedio præcepto regis in re tam illicita, sed præcepto legis. Tu vero, Antioche, qui inventor omnis malitiæ factus es in Hebræos, id est excogitator et inflictor tantæ persecutionis ac seductionis et subversionis in populum Judæorum, quorum multos crudelissime occidisti, multos a lege Dei ad idololatriam pertraxisti, non effugies manum Dei, id est potestatem ejus*

A vitia ulciscentem. Nos enim pro peccatis nostris hæc patimur : juxta sensum præhabitu ; et si nobis propter increpationem et correptionem Dominus noster modicum iratus est, id est, quia ex sua justitia castigavit nos propter peccata nostra citra condignum in sæculo isto, ne æternaliter pereamus, sed iterum reconciliabitur servis suis, id est, castigatis ignoscet, et post tot adversa tribuet prospera. Tu autem, sceleste, id est scelerate, et omnium hominum flagitiosissime, vel absolute, vel quantum ad aliquid, præsertim quantum ad homines tunc viventes, noli frustra extolli vanis spebus, id est confidentiis falsis, quibus præsumis te magna et felicia atque victorias jugiter adepturum, in servos ejus inflammatus, id est, ira, odio, persecutione accensus contra Dei cultores. Non enim omnipotentis Dei judicium effugisti. Nam fratres mei modico dolore nunc sustentato, id est tolerato isto temporali mortis supplicio parvo, tam respectu præmii gloriosi ac sempiterni, quam infernalis tormenti, sub testamento æternæ vitæ effecti sunt, id est, sub firma promissione et certa expectatione beatificæ fruitionis sunt constituti, quam in sinu Abrahæ infallibiliter præstolantur. Tu vero judicio Dei justas superbiæ tuæ pœnas exsolves. Ego autem trado me, invocans Deum maturius, id est cum gravitate internæ affectionis ; vel quod ait, Maturius, refertur ad verba sequentia, genti nostræ propitium fieri, id est, rogans Deum, ut celerius fiat clemens, et misericorditer agens populo Judæorum, et te cum tormentis et verberibus, id est plagis divinæ ultionis, confiteri, quod ipse est Deus solus. Hoc post paucos annos fuit impletum, et sic fuit exaudita oratio hujus sancti et magnanimi adolescentis, zelo justitiæ istud rogantis. In me autem et in fratribus meis desinet Omnipotentis ira, præsertim quum ad beatificam Dei pervenerimus visionem. Nam et in patribus existentibus in limbo, aliquo modo videtur mansisse ira Dei, in quantum propter originalis

II Mach. ix,
5 et seq.

peccati reatum retardabantur a gloria : A quæ retardatio fuit quædam peccati illius vindicta, et hæc ira Dei vocatur.

Tunc res accensus ira, in hunc crudelius desavit, etc. Novissime autem et mater post filios consumpta est, id est feliciter mortua, et (ut creditur) martyrizata.

His verbis Magister in historiis addit : Pro hac tanti prærogativa martyrii, asserunt plurimi, de his septem fratribus Ecclesiam solennizare.

Præterea, si in veteri Testamento, janua regni cœlestis nondum aperta, tam fervidi erant electissimi fratres isti ad sustinendum tam acerbum martyrium : quanto magis sub evangelica lege, aditu regni superni patefacto, debemus esse fervidi ac parati ad tolerandum quæcumque adversa, imo et amarissimas mortes pro Deo ?

Amplius, hujus venerandæ matris exemplo discant parentes sobolem suam vero, sancto et spirituali, non carnali aut sensuali amore diligere, eamque salubriter informare, nec a religionis ingressu (quæ est mors civilis atque martyrium quoddam) retrahere. Postremo, quoniam septenario universitas designatur, possunt per septem hos martyres, universi evangelicæ legis martyres figurari. Et sicut post martyres illos consummata est mater eorum, ita post eorum martyria qui in fine mundi sunt ab Antichristo et suis ministris martyrizandi, sancta mater Ecclesia consummabitur tota in gloria plena. Demum in novo Testamento invenitur simile præfatio martyrio in beatissima femina Felicitate, et septem filiis ejus martyribus gloriosissime coronatis.

ARTICULUS VIII

ELUCIDATIO CAPITULI OCTAVI : JUDAS VERO MACHABEUS, ET QUI CUM ILLO ERANT, INTROIBANT LATENTER IN CASTELLA.

QUONIAM Deus gloriosus post tempestatem tranquillitatem largitur, describitur hic qualiter populum suum lamentabiliter conculcatum cœpit mirabiliter exaltare, fecitque triumphare. Et quæ hic scribuntur, in primo libro præhabita sunt. *Judas vero Machabæus, et qui cum illo erant, videlicet fratres et consanguinei ejus, et qui in Judaismo permanserunt, introibant latenter in castella Judææ, quæ gentiles ministri Antiochi obtinuerunt et inhabitaverunt ad tempus injuste. Idcirco latenter et nocturnis temporibus ac per insidias poterant expugnari. Et invocabant Dominum, ut vocem sanguinis ad se clamantis audiret. Oppressio enim et interfectio innocentium, est unum de quatuor peccatis clamantibus ante Deum, quæ specialiter exigunt desuper fieri ultionem.*

Videns autem Philippus, quem Antiochus in Jerusalem posuit principem ad affligendum Judæos, ut dictum est ante, paulatim virum ad provectum venire, id est Judam successive magis ac magis prævalere, ad Ptolemæum ducem Cœlesyriæ et Phœnicis scripsit. Quæritur, an iste Philippus, fuerit cui in primo libro legitur Antiochus suum filium commisisse. Et dicunt quidam, quod imo. Contra quos objicit quidam : Primo, quoniam iste Philippus fuit in Jerusalem ; alius autem, cum rege in Perside, quando factum est bellum istud. Secundo, quoniam iste fuit Phryx natione, ut patuit ante ; alter autem erat collactaneus Antiochi, ut capitulo fertur sequenti. Sed istæ objectiones videntur inanes. Si enim bene pensentur quæ hic et tertio primi libri capitulo scripta sunt,*

II Mach. v, 22.

*profectum

I Mach. vi, 14, 15.

II Mach. v, 22.

Ibid. ix, 29.

I Mach. iii, 31 et seq.

I Mach. iii, 14.

missio ista ad Ptolemæum facta per Philippum, præcessit iter Antiochi ad Persidem. Ad aliam posset quis dicere, quod Philippus iste ex uno latere exstitit Phryx, ex alio collectaneus regis. Verumtamen parva est vis, an fuerit idem an alter.

At ille, scilicet Ptolemæus, velociter misit Nicanorem, datis ei viginti millibus, etc., adjuncto Gorgia. Videtur ista historia dissonare a dictis in primo libro, quum scriptum sit ibi: Elegit Lysias Ptolemæum et Nicanorem et Gorgiam, et misit cum eis quadraginta millia virorum et septem millia equitum. Porro, quod hic et ibi de eodem bello fit sermo, constat ex eo quod additur ibi et hic de conventionem mercatorum ad emendum Judæos, quos præsupponebant vincendos. Nam subditur hic: *Constituit autem Nicanor regi, id est, ad commodum regis Antiochi ordinavit, vel regi ante suum recessum asseruit, ut tributum quod erat dandum Romanis, quibus tributarius fuit Antiochus, de captivitate Judæorum suppleret, id est, de pecunia quam accepturum se præsumpsit pro Judæis vendendis, promittens se nonaginta mancipia, id est servos seu supposita, Judæorum, talento distracturum, id est pro uno talento daturum ac undique dispersurum.* Ad istud respondendum videtur, quod Philippus primo scripserit Ptolemæo, a quo missa fuerunt viginti millia: quibus paulo post, ante congressum contra Judam, Lysias addidit alia viginti millia, et equitum millia septem.

Ex quibus, scilicet Judæis cum Juda existentibus, quidam formidantes, propter multitudinem adversariorum, et non credentes divinæ justitiæ, id est non satis sperantes quod justitia Dei eis auxiliaretur, eorumque inimicis adversaretur, in fugam vertebantur. Alii vero Dominum deprecabantur, ut eriperet eos de impio Nicanore, qui eos priusquam cominus, id est prope, veniret, vendiderat dicendo, quod daret nonaginta mancipia Judæorum pro talento; et si non propter eos, id est, si non propter ipsorum merita, sed tamen

propter testamentum quod erat ad patres eorum, id est propter conservationem veteris Testamenti in suo vigore, vel propter adimpletionem promissionis factæ Patriarchis de conservanda eorum posteritate.

Convocatis autem Machabæus septem millibus, qui cum ipso erant. Contra hoc objici potest, quoniam primo libro habetur, quod erant tria millia tantum. Respondetur, quod ibi numerantur qui ceteris magis erant armati. *Rogabat ut fortiter contenderent, id est, pugnarent, ante oculos habentes, id est recordantes, contumeliam quæ in loco sancto esset illata, id est, quam perfidi illi intulerant templo; itemque injuriam civitatis Jerusalem habitæ ludibrio et contemptui; adhuc etiam veterum instituta convulsa, id est, præcepta patribus data, esse violata.* Vel, per veterum instituta, intelligendæ sunt ordinationes aliquæ a Judæorum senioribus factæ. Itaque, propter tanta adversariorum facinora, eos crederent expugnandos. *Admonuit autem eos de auxiliis Dei, id est, qualiter Deus adjuvit frequenter patres eorum, sicut in Exodo, Judicium, Regum, et Paralipomenon libris narratur; et de prælio quod eis adversus Galatas fuit in Babylonia, ubi ut ad rem, id est ad pugnam, ventum est, Macedonibus sociis hæsitantibus, id est metuentibus Macedonibus existentibus cum Judæis, ipsi Judæi soli existentes sex millia, peremerunt centum viginti millia.* De isto bello non legitur alibi in Scripturis, neque in Josepho: et tamen mirabilius fuisse videtur, quod in primo libro leguntur tria millia Judæorum missa a Jonatha regi Demetrio, occidis in Antiochia centum millia hominum.

Constituit itaque fratres suos duces utrique ordini, unicuique eorum commissio. Et dicunt aliqui, quod in quolibet ordine seu acie erant aliqui equites, et quidam pedestres, quum tamen nec in isto, neque in libro primo legatur Judas equis usus in præliis. *Simonem et Josephum et Jonathan.*

1. Mach. iii, 38, 39.

Ibid. 41.

1. Mach. iv, 6.

Ibid. xi, 44, 48.

Josephus iste dicitur fuisse is, qui primo libro Eleazarus appellatur : quem duodecimo libro Antiquitatum Josephus nominat : Saphum. *Ad hoc etiam ab Esdra lecto sancto libro.* Iste fuit alter ab Esdra de Babylone reverso. Itaque Esdras iste legit ex libro Moysis aliqua verba pro pugnatorum confortatione, juxta illud Deuteronomii : Appropinquante prælio, stabit sacerdos ante aciem, et loquetur : Audi, Israel, nolite timere, quia Dominus in medio vestri est. *Et dato signo de adjutorio Dei eis mox adfuturo.* Quod signum potuit esse clangor tubarum in ipso congressu, juxta illud Numerorum : Si exieritis ad bellum, elangetis ululantibus tubis, et erit recordatio vestri coram Domino, ut eruamini de manibus inimicorum vestrorum. *In prima acie ipse dux, scilicet Judas, commisit cum Nicanore, id est contra Nicanorem et aciem ejus. Et facto sibi adjutore Omnipotente, interfecerunt Judas et sui super novem millia hominum.* Verumtamen primo libro habetur, Tria millia. Ad quod respondetur, quod in acie Nicanoris tria millia corruerunt ; in toto autem adversariorum exercitu, novem millia. *Sed reversi sunt Judas et sui hora conclusi, id est detenti, quoniam imminabat hora in qua cœpit celebratio sabbati : in quo quamvis potuerunt pugnare se defendendo, non tamen sponte et sine necessitate alios invadendo aut insequendo.*

Et ex his qui cum Timotheo et Bacchide erant contra se contententes, id est con-

tra ipsos Judæos pugnantes, *super viginti millia interfecerunt* Judæi cum principe suo Juda. De isto bello habetur primo libro. Ibi tamen habetur, Octo millia ; sed additur ibi de alio bello, et poterant simul esse plus quam viginti millia. Ibi tamen non fit sermo de Bacchide ; putantque aliqui quod Bacchides iste sit alter ab illo, quem in primo libro legitur cum Alcimo misisse Demetrius. *Et quum arma eorum collegissent, diligenter omnia composuerunt in locis opportunis, ut suo tempore uterentur eisdem.*

Et quum epinicia, id est festa de victoriis contra hostes obtentis, ad regratandum Deo, agerentur in Jerusalem, eos qui sacras januas templi incenderant, id est, Callisthenem, qui fuit in hoc principalis, incenderunt, etc. Facinorosissimus autem Nicanor, qui mille negotiantes, id est mercatores, ad Judæorum venditionem a se faciendam adduxerat. Porro an mercatores illi fuerunt mille dumtaxat, an plures, ita quod ponatur hic numerus determinatus pro indeterminato, videtur ambiguum. *Humiliatus auxilio Domini ab his, quos nullos existimaverat, deposita veste gloriæ, id est veste sua pretiosa, ne agnosceretur, per mediterranea fugiens secretius quo valebat, solus venit Antiochiam, etc., vel quia omnino solus, vel quia cum paucis venit illuc ; et prædicabat protectorem Deum habere Judæos.* Hoc dixit, suam dejectionem excusando magis quam Deum laudando.

ARTICULUS IX

EXPLANATIO CAPITULI NONI : EODEM TEMPORE ANTIOCHUS INHONESTE REVERTEBATUR DE PERSIDE.

MORS sceleratissimi Antiochi hoc loco describitur. *Eodem tempore Antiochus inhoneste revertebatur de Perside. Intraverat enim eam urbem quæ dicitur Persopolis, quæ primo libro Elymaides nuncupatur : quam cur introierit, dictum est ibi. Et quum venisset circa Ecbatanam civitatem, etc. : de qua fit mentio in Judith*

Judith. 4.
3. Esdras. 1.
2.

et Esdræ libris. *Jussit agitari currum sine intermissione* : ut molestiam sibi factam in Judæis ulcisceretur : *coelesti enim judicio perurgente*, id est, Deo cœli justo judicio permittente impium illum sic furere contra Judæos; et ex consequenti præcipere currum sic agitari, ad quod consecuta est ruina et conquassatio corporis sui : quod fuit effective a Deo, qui permisit illum sic insanire, quatenus hanc plagam incurreret, *eo quod ita superbe locutus est venturam se Jerusolymam, et congeriem*, id est collectionem et cumulum, *sepulchri Judæorum cum facturum*, hoc est, quod occideret universos in Jerusalem commorantes Judæos, ita quod ipsa fieret occisorum sepulchrum.

Sed qui universa conspicit Dominus Deus, percussit eum insanabili et invisibili plaga, quæ intra viscera fuit latens. Non tamen fuit correctus. *Ut enim finivit hunc sermonem, apprehendit eum dolor dirus viscerum. Et quidem satis juste*, etc. *Super hæc autem et superbia repletus, ignem iracundiæ, indignationis, impatentiæ, animo spirans*, id est evaporans animo, id est corde et etiam corpore per verba comminatoria turbulentosque gestus, *in Judæos* : sicut de nequissimo Daciano sanctus recitat Augustinus ; *contigit illum impetu euntem*, id est celerrime procedentem in sua quadriga, *de curru cadere* : et forsân currus reversabatur. *Isque qui sibi videbatur fluctibus maris imperare, supra humanum modum superbia repletus, et montium altitudines in statera appendere*, etc., id est, tam superbe se habuit, ac si hoc putasset. Estque iste sermo hyperbolicus, ad innuendum inhumanum fastum et arrogantiam ejus. *In gestatorio*, id est instrumento facto ad portandum, *portabatur*.

Hinc ergo cœpit ex gravi deductus superbia, id est ex detestabili et importabili elatione ad extremam calamitatem dejectus, *ad agnitionem sui venire* : juxta illud Isaïæ, *Tantummodo sola vexatio dabit intellectum auditui*. Unde per Jeremiam Dominus : *Castigo te, inquit, ne tibi in-*

noxius videaris. Et ait : Justum est subditum esse Deo, ejus justam vindictam in me ipso experior, et mortalem non paria Deo sentire : ex quo apparet, quod divinum quid impie sensit de se. *Orabat autem seclæstas hic Dominum, a quo non esset misericordiam*, id est veniam peccatorum et gratiam, *consecuturus* : quoniam ejus oratio et pœnitentia non provenit ex zelo justitiæ, neque ex caritate, neque ex odio culpæ, sed ex timore pure servili, et desiderio evadendi afflictiones corporales quas

B incedit. Sic et de Esau scribit Apostolus, quod non invenit pœnitentiæ locum, quam cum lacrimis inquisisset eam. Deinde multa et magna promisit, ut misericordiam consequeretur, id est curationem et evasionem suppliciorum divini judicii. *Et civitatem Jerusalem, quam paulo ante volebat facere sepulchrum congestorum*, id est Judæorum occisorum simul accumulatorum, *optat reddere liberam a tributo, ac Judæos æquales in privilegiis Atheniensibus facere pollicetur*. Erant quippe Athenienses privilegiati et liberati in multis, quoniam philosophiæ studium vigit ibi.

Et *desperans* de sua curatione : nam sensit dolores suos augeri assidue ; *scripsit Judæis*, in quos scivit se gravius excessisse : *Optimis civibus Judæis plurimam salutem*, etc. *Si ex sententia cuncta vobis sunt*, id est, omnia prospere ad libitum vestrum vobis eveniunt, *maximas agimus gratias. Et ego infirmitate gravi apprehensus, non desperans memetipsum*. Jam dictum est, quod scripsit desperans de sua C curatione. Ideo videtur ista mendaciter loqui, præsertim quum subdat, *sed spem multam habens effugiendi infirmitatem*. Ex quibus etiam verbis elicitur, quod timore mortis et desiderio corporalis sanitatis, dixit et scripsit atque pœnituit, non amore virtutum.

Respiciens autem, id est ego perpendens, *quod pater meus Antiochus Magnus ostendit, qui post se susceperet principatum*, scilicet quod Seleucus filius ejus senior succederet sibi in regno, *ut si quid contra-*

Hebr. xii,
17.

Is. xxviii.
19.

Jer. xxx. 11.

rium accideret aut difficile nuntiaretur, id est, si aliqua ardua et adversa negotia evenirent, *scientes hi qui in regionibus erant*, id est habitatores regionum ipsius, *cui esset summa rerum derelicta*, id est gubernatio regni commissa, *non turbarentur immoderate*, videlicet certi ad quem deberent recurrere in talibus causis. *Ad hac considerans de proximo potentes quosque et vicinos*, id est reges aut principes in gyro regni mei habitantes, *insidiari temporibus*, id est observare quibus temporibus possent regnum meum commodius impugnare, *et eventum exspectantes*, id est opportunitatem seu effectum, in quo hoc possent implere: quod maxime esset, quando non sciretur quis esse deberet successor meus in regno: ideo *designavi Antiochum filium meum regem*, id est, institui quod ipse mihi succedat in regno, *quem sepe, recurrens in superiora regna*, scilicet Persarum atque Medorum aut aliorum, *multis vestrum commendavi*. Istud videtur blandum magis quam verum. *Et scripsi ad eum quæ subjecta sunt* in epistola ei missa.

Oro itaque vos memores beneficiorum publice et privatim, id est, rogo ut vos ipsi, recordantes beneficiorum quæ vobis exhibui manifeste et in privato (quæ tamen beneficia pauca aut nulla fuisse videntur: nisi forsitan ante confirmationem suam in regimine, quando suam occultans malitiam, cunctis se præbuit gratiosum), *ut unusquisque vestrum conservet fidem*, id est fidelitatem, *ad me et ad filium meum*. *Confido enim eum modeste et humane acturum*: quod utique spectat ad regem, ne

abutatur magnitudine potestatis, et elementia decoretur. Unde et rex apum caret aculeo. *Et sequentem propositum meum, communem vobis fore*, id est pium et iustum, sicut et ceteris, ne personarum acceptor exsistat.

Igitur homicida et blasphemus, pessime, id est atrocissime, nec ad salutem, *percussus a Deo, miserabili obitu vita defunctus est*, id est vita privatus. Unde elicitur, quod non vere pœnituit. *Transferebat autem corpus ejus de loco illo ad sepulcrum patrum suorum, Philippus collactaneus ejus*, id est eodem lacte nutritus: de quo primo libro plenius continetur. Dicitur autem hic, quod Antiochus obiit in montibus. Nihilominus præallegato capitulo legitur decidisse in lectum, videlicet post lapsum de curru, de quo ibi nil legitur. *Qui metuens Antiochi filium, ad Ptolemæum Philometorem, regem Ægypti, qui fuit filius Ptolemæi Epiphanis, abiit*. Primo tamen venit et occupavit Antiochiam, et præfuit ibi. Filius autem Antiochi adhæsit Lysiæ, et opposuit se Philippo, et eum in Antiochia oppugnavit: quam contra regem tenere non valens, fugit, ut dictum est, in Ægyptum.

Ex isto docemur capitulo, quam metuenda sint Dei judicia, et quam multa ad veram requirantur contritionem. Quod item plurimi videntur pœnitere in angustiis et extremis, non tamen salubriter: quoniam ex servili timore, non ex dilectione nec zelo justitiæ; nec sincere, quoniam Deum offenderunt, sed propter mala pœnaliam et æterna supplicia, quæ sibi imminere venturum. Tempore ergo sanitatis et juventutis est pœnitendum.

I Mach. vi,
44, 45, 55,
56.

Ibid. 8.

Ibid. 63.

Ibidem.

ARTICULUS X

DECLARATIO CAPITULI DECIMI : MACHABEUS AUTEM, ET QUI CUM ILLO ERANT.

PURGATIO templi, et varia bella Machabæi, hic describuntur. *Machabeus autem, et qui cum illo erant, Domino se protegente, templum et civitatem Jerusalem recepit*, id est recuperavit. *Aras autem, etc.* Ista plenius sunt descripta atque exposita primo libro : ideoque pertranscundum. *Et de ignitis lapidibus igne concepto*, id est excusso. Dicuntur autem igniti lapides, qui duri et apti sunt, ut ignis excutiat ex eis. *Rogabant Dominum, ne amplius malis talibus inciderent*, id est, tam feroces persecutiones et clades a perfidis sustinerent ; *sed ab ipso mitius corriperebantur, et non barbaris et blasphemis hominibus traderentur*. Ita et David ait : Melius est mihi incidere in manus Domini (multæ enim miserationes ejus), quam in manus hominum. In libro Judicum filii Israel etiam leguntur Deo offenso dixisse : Redde tu nobis quicquid tibi placet. *Thyrsos*, id est baculos seu medios frutices, ex quibus rami hinc inde procedunt ac oriuntur, *et ramos præferebant ei*, id est, adducebant ad reverentiam Dei, *qui prosperavit mundare locum suum*, id est, prosperum dedit successum purgandi templum per Judam et suos.

Hic, scilicet filius Antiochi, suscepto regno, constituit super negotia regni Lysiam quemdam. Et Antiochus pater hujus Antiochi constituit super negotia regni in magna parte Philippum, ut libro primo dictum est. Antiochus vero filius præfati Antiochi, a Lysia nutritus, præfecit eum totius regni negotiis. *Nam Ptolemæus qui dicebatur*, id est cognominatus est, *Machabæus* : nam supra facta est mentio de alio Ptolemæo ; *justi tenax erga Judæos esse constituit*, id est, decrevit se juste habere,

non tyrannice neque inique, circa Judæos. Condoluit enim eorum miseriis et pressuris, quas ab Antiocho et ejus ministris sustinuerunt. Idecirco non voluit eos injuste gravare. Hinc subditur : *et præcipue propter iniquitatem*, id est iniquam oppressionem, *quæ facta erat in eos ; et pacifice cum eis agere voluit*. Sed ob hoc accusatus ab amicis, vel suis, vel Antiochi regis : de quo subditur, *apud Eupatorem*, id est Antiochum Antiochi Nobilis filium ; *quum frequenter proditor audiret*, id est, quum sæpe audiret se proditorem vocari ; vel, quum Antiochus Eupator audiret multoties, quod Ptolemæus iste proditor esset, *eo quod Cyprum sibi creditam*, id est suæ commissam custodiæ a Philometore rege Egypti, *deservisset, et ad Antiochum Nobilem translatus*, id est sponte profectus, et de ejus familia factus, *etiam ab eo recessisset*, non satisfaciendo ejus crudelitati circa Judæos, *veneno vitam finivit* : et sic injuste interfectus est, saltem quoad causam Judæos respicientem.

Gorgias autem, quum esset dux locorum, id est princeps aliquarum terrarum vel urbium circa Judæam, *assumptis advenis*, id est extraneis ad ejus auxilium confluentibus, *frequenter Judæos debellabat* quosdam, videlicet quos hinc inde improvisè invasit. *Judæi vero qui tenebant opportunas munitiones*, id est congrua fortalitia in Judæa, *fugatos ab Jerosolymis gentiles*, id est a Juda aut suis inde expulsos, *suscipiebant ad pugnandum adversus eos*. *Hi vero qui erant cum Machabæo, multa vi insistentes*, id est valde fortiter obsistentes, *loca obtinuerunt*, id est, fortalitia Idumæorum, quibus præerat Gorgias, expugnaverunt. *Machabæus ad eas, quæ*

I Mach. iv.
36 et seq.II Reg. xxiv.
14.

Judic. x, 15.

I Mach. vi.
14.

Ibid. 17.

II Mach. ix.
21.

amplius perurgebant, pugnas conversus A *ut inimicis eorum esset inimicus, secundum*
est, id est, contra fortiores adversarios, et quod impii erant (odit enim omnes qui
contra impugnationes acriores personaliter dimicavit : in quo patet strenuitas et operantur iniquitatem, et odio sunt Deo
audacia ejus. impius et impietas), sic ut illos tempo-
raliter refrenaret atque prosterneret, ne
diutius populum Dei vexarent, et cultum
impedirent divinum. *Et post orationem*
longius de civitate Jerusalem proceden-
tes, ne adversarii intrando Judæam, damna
ei inferrent, proximi hostibus effecti, re-
sederunt.

Ps. v, 7 ;
Sap. xiv, 9.

Hi vero qui cum Simone erant, id est
Judæi existentes cum Simone fratre Ma-
chabæi, cupiditate ducti, a quibusdam qui
in turribus erant, suasi sunt pecunia ; et
septuaginta millibus didrachmis acceptis,
dimiserunt quosdam, id est, pecuniam ac-
ceperunt a quibusdam gentilibus obsessis
in turribus, quos permiserunt effugere. B
Quum autem Machabæo nuntiatum hoc
esset, congregatis principibus, id est du-
cibus sui exercitus, quos sibi substituit,
accusavit quod pecunia fratres vendidis-
sent, id est, quod pro pecunia permiserunt
fugere multos gentiles, qui postea occide-
runt Judæos, sicque illorum evasio fuit oc-
cisorum ab eis Judæorum perditio. Hos
ergo Judæos proditores factos per accepti-
onem pecuniæ pro adversariorum evasio-
ne, interfecit Judas.

Consequenter describitur mira, magna, ac C
cælestis victoria Judæis contra Timotheum
et suos concessa. At Timotheus, etc., con-
vocato exercitu peregrinæ, id est extra-
neæ, multitudinis, et congregato equitatu
Asiano, id est bellatorum ex Asia, advenit
quasi armis Judæam capturus. Macha-
bæus autem et qui cum ipso erant, depreca-
bantur Dominum, ad altaris crepidinem,
id est extremitatem in circuitu, provoluti,

Primo autem solis ortu, videlicet val-
de mane, utrique commiserunt pugnam,
scilicet Judas cum suo exercitu contra Ti-
motheum ac suos. Isti, scilicet Judas et
sui, victoriæ et prosperitatis sponsorem
cum virtute Dominum habentes : Dominus
enim in Deuteronomio et alibi sæpe, spo-
pondit fidelibus bellatoribus suis trium-
phum. Itaque cum virtute, id est cum ef-
ficacia, vel cum fide et spe habebant Deum
triumphi sponsorem, in quo solo spera-
bant. Illi autem, puta Timotheus ac sui,
ducem belli animum habebant, id est, in
propria animositate ac robore confide-
bant. Sed quum vehemens pugna esset, ap-
paruerunt adversariis, scilicet Timotheo
et suis, de cælo missi : nam sancti angeli
erant in Judæorum missi subsidium ; viri
quinque in equis, id est angeli in specie
virorum equestrium, Judæis ducatum præ-
stantes. Denique, quæ sequuntur difficul-
tatem non habent. De hoc autem prælio
videtur textus loqui primo libro.

Deut. xxviii,
1-14 ; Lev.
xxvi, 7, 8.

1 Mach. v,
6, 7, 37-44.

ARTICULUS XI

DECLARATIO CAPITULI UNDECIMI : SED PARVO POST TEMPORE, LYSIAS PROCURATOR REGIS.

MIRABILIS victoria contra Lysiam da- D
ta Judæis, hic recitatur. Sed parvo
post gesta in præcedenti capitulo scripta
tempore, Lysias, etc., congregatis octogin-
ta millibus, veniebat adversus Judæos, exi-

stimans se civitatem Jerusalem captam
gentibus habitaculum facturum. Præsum-
psit enim se occisurum aut evecturum om-
nes Judæos in Jerusalem commorantes, et
positurum in ea habitatores gentiles. Tem-

plum vero in pecuniæ questum habiturum, ita quod oblationes, decimas, primitias, et sacrificia quæ offerri solebant in templo, converteret in lucra ac commoda regis ac sua; *et per singulos annos venale sacerdotium*, id est venditurum omni anno pontificatum, etc.

Ut autem Machabæus et sui cognoverunt expugnari præsidia, id est fortalitia sua a Lysia, *hortatus est Machabæus ferre auxilium fratribus*, id est Judæis, qui in præsidiis erant obsessi, et a Lysia impug-

Psalm. xxi.
17.

gnabantur. In tempore enim angustiae comprobatur amicus. *Quumque pariter prompto animo procederent versus Lysiam*, qui munitionem Bethsuræ obsidebat, *apparuit præcedens eos eques armis aureis hastam vibrans*, ad ostendendum quod audacter aggredierentur adversarios suos. Fuitque eques ille angelus sanctus, in specie equestris viri apparens. *Tunc omnes simul benedixerunt misericordem Dominum, ferocissimas bestias et muros ferreos parati penetrare*, id est quæcumque ardua aggredi: estque hyperbole. De isto bello vide-

I Mach. ix.
28-34.

mentio fieri quarto primi libri capitulo. Ibi tamen legitur Lysias congregasse sexaginta millia et equitum quinque millia. Ibi quoque leguntur de ejus exercitu quinque millia corruisse; hic vero undecim millia peditum, equitum vero mille sexcenti. Hæc autem videntur posse concordari, per hoc quod additur ibi: Videns autem Lysias suorum fugam et Judæorum audaciam, abiit Antiochiam, et elegit milites, ut multiplicati, rursus venirent in Judæam. Sicque videtur post redisse cum pluribus, et majorem passus ruinam in suis.

Ibid. 35.

Et quia non insensatus, id est usu rationis carens, *erat Lysias*. Erat tamen insensatus, id est vera et spirituali sapientia destitutus, secundum quod quidam fatentur: Nos insensati, vitam illorum aestimabamus insaniam. Unde quibusdam deceptis scribit Apostolus: O insensati Galatæ. *Secum ipse reputans factam diminutionem*, id est, minorationem sui exercitus

Sap. v, 4.

Galat. iii. 1.

A pensans, et intelligens invictos esse Hebræos, Dei omnipotentis auxilio innitentes, id est eo quod divino subsidio inhærerent ac juvarentur, *misit ad eos*, etc., pro pace facienda inter se et eos; *et regem compulsurum amicum fieri*, id est, quod induceret regem prece et suggestionem, ad hoc quod reconciliaretur Judæis. *Annuit autem Machabæus precibus Lysiae*, et quæcumque Machabæus scripsit Lysiae, ut ea impetraret a rege in Judæorum favorem, *ea rex concessit*.

B Deinde in textu ponitur epistola Lysiae ad Judæos, in qua inter cetera dicitur: *Quæcumque regi potuerunt perferri*, id est ea quæ poterant Antiocho regi convenienter insinuari ac præsentari ex parte vestra, *exposui*, id est, declaravi ei per scripta vel nuntium; *et quæ res permittebat, concessit*, id est, id quod dispositio rerum rationabiliter admisit vobis impendi, rex indulsit. Subditur data litteræ hujus: *Anno centesimo quadragésimo octavo*: quod intelligitur de annis regni Græcorum; *Dioscori mensis*, scilicet Junii, in quo sol intrat signum Geminorum, qui Græce vocantur Dioscori. Sed oritur questio. Hæc enim epistola scripta est mortuo Antiocho Nobili, qui (ut in primo libro habetur) obiit anno centesimo quadragésimo nono: quomodo ergo scripta est ista epistola anno centesimo quadragésimo octavo? Respondetur, quod iste annus centesimus quadragésimus octavus fuit idem cum illo centesimo quadragésimo nono: sic tamen, quod exordia hujus anni diversimode accipiuntur.

Regis autem epistola, ista continebat: Rex Antiochus Lysiae fratri salutem. Illustres autem et nobiles, cognatos suos nominant fratres. Unde secundo Regum libro Joab ad Amasam: Salve, inquit, mi frater. *Patre nostro inter deos translato*, id est ad deorum societatem assumpto et deificato, quia fervens erat in cultu deorum suorum. Sic etenim reges paganorum putabant parentes suos post vitam istam deificari, sicut et nos ponimus viros san-

I Mach. vi.
16.

II Reg. xx.
9.

etos in obitu mox angelis sociari. *Nos volentes eos, qui sunt in regno nostro, sine tumultu agere*, id est pacifice vivere, *audivimus Judæos velle tenere suum institutum*, id est legem eis a Deo suo præfixam, *ac propterea postulare a nobis concedi sibi legitima sua*, id est, dari eis a nobis licentiam observandi legum suarum statuta. *Volentes igitur hanc quoque gentem quietam esse, statuente judicavimus templum restitui illis, etc.*, id est, dari eis libertatem servandi ritus et observantias legis suæ in templo : quod utique jam recuperaverant et habebant, quando ista epistola edita fuit.

Ad Judæos autem epistola regis talis erat : Rex Antiochus senatui Judæorum, id est congregationi majorum seu collegio seniorum gubernantium Judaicum populum. Dicitur enim senatus, a *senex* et *natus*, quasi natio seniorum : quoniam seniores prudentia et ætate, ad officium præsidentiae hujus eligebantur. *Si valetis*, id est, si prospere vobis succedit, *sic estis ut volumus* : quasi dicat, Diligimus vos, quia bona volumus vobis. Diligere enim, secundum Philosophum, est alicui bonum velle. *Adiit*, id est accessit, *nos Menelaus, dicens, vos velle descendere ad vestros qui sunt apud nos*, id est ad Judæos qui in urbibus regni nostri hinc inde morantur. *His ergo qui commeant*, id est, ad nostra transeunt loca ex loco et populo vestro, *usque ad diem tricesimum mensis Xanthici*, id est Aprilis, *dexteram damus securitatis*, id est salvum conductum, *ut Judæi inter nos habitantes, utantur cibis et legibus suis*, id est cibis eis licitis juxta legem suam, aliisque præceptis propriæ legis ; *et nemo eorum molestiam patiatur de his quæ per ignorantiam gesta sunt* : id est propter præteritas pugnas habitas

A inter nostros et populum Judæorum, in quibus Judæi putabant se juste moveri ; vel propter alia in quibus ex ignorantia contra nostra fecerunt præcepta. *Misimus autem et Menelaum*, id est, virum istum quem misistis ad nos, remisimus ad vos, *qui vos alloquitur*, informando vos ore tenus plenius de nostra voluntate. *Valete*. Hinc dicitur, quod iste Menelaus fuit alter a pessimo Menelao, de quo dictum est supra, et de quo infra continetur. Siquidem iste Menelaus missus videtur a Juda et B suis, pro impetranda licentia quod aliqui boni in lege periti, possent invisere Judæos inter gentiles mansionem habentes, ad informandum eos de observantia legis.

Miserunt etiam Romani, id est legati Romanorum constituti in via versus Antiochiam, *epistolam ad Judæos, ita se habentem : Quintus Memmius et Titus Manilius legati Romanorum*. Magni autem Romani communiter habuerunt nomina duo ac plura. *Populo Judæorum salutem*. *De his*, id est, quæ Lysias cognatus regis concessit vobis, *et nos concessimus*, ut sint rata. Jam enim Romani dominabantur regibus Syriæ et Ægypti ac aliis multis. Ideo auctoritatem habebant confirmandi aut revocandi concessa a regibus illis et eorum principibus. *De quibus autem ad regem judicavit referendum*, id est de majoribus causis, *confestim aliquem nuntium mittite ad nos*, insinuando nobis quid postuletis, *diligentius inter vos conferentes*, quid et qualiter deceat vos postulare, *ut decernamus*, id est determinemus, *sicut expedit* vobis*. Videtur autem epistola ista Romanorum missa Judæis, antequam Judas misit Romam ad ineundam societatem cum ipsis. Hoc enim fuit, Antiocho et Lysia occisis regnante Demetrio, ut patet primo libro.

II Mach. iv,
23 et seq.;
xiii, 3-8.

*congruit

I Mach. vii,
1, 2; viii, 1
et seq.

ARTICULUS XII

EXPOSITIO CAPITULI DUODECIMI : HIS FACTIS PACTIONIBUS.

DESCRIBUNTUR hic varia bella ac gesta Machabæi. *His factis pactionibus*, id est confœderationibus pacis inter regem Antiochum ac Judæos, *Lysias pergebant ad regem. Judæi autem agriculturæ operam dabant* : quod ante propter assidua bella facere non valebant, saltem tam plene. *Sed hi qui resederant*, id est aliqui ex principibus regis, qui juxta Judæam post Lysiæ recessum manebant, videlicet *Timotheus*, non ille qui in fine capituli decimi narratur a Judæis occisus, et *Apolonius*, sed et *Hieronimus*, et *Demophon* *Superbus* * : qui ita cognominatus est, forsitan ob suæ elationis excessum, quemadmodum rex Romanorum Tarquinius, vocatus est Tarquinius Superbus ; et *Nicanor Cypriarches*, id est princeps Cypri constitutus a rege, *non sinebant eos in silentio agere et quiete*, id est pacifice, et sine renissione.

II Mach. x, 37.

* alias super hos

Joppitæ vero, id est gentiles commorantes in urbe maritima nomine Joppe, *tale flagitium perpetraverunt* : rogabant deceptorie Judæos, cum quibus habitabant, id est secum morantes in Joppe, *ascendere scaphas*, id est naviculas, quas paraverant Joppitæ ad recipiendum in eis Judæos, cum uxoribus et filiis Judæorum ipsorum, etc. *Secundum commune itaque decretum civitatis Joppensis, et ipsis acquiescentibus*, id est, Judæis facientibus sicut communitas illa Joppensis decrevit fallaciter ipsos Judæos rogare, *quum in altum processissent*, id est longe a littore : ubi et aqua paulatim fit altior, tendens ad quamdam rotunditatem sicut et quælibet gutta, sicut in sphæra mundi probatur ; *submerserunt Joppitæ non minus ducentos Judæos. Quam fraudulentissimam*

A impiissimamque crudelitatem Judas, etc., tanquam communis patronus populi sui, zelo justitiæ viriliter vindicavit. Et sicut fecit Joppitis pro scelere facti, sic fecit Jamnitis gentilibus pro impia eorum voluntate, qua voluerunt tractare Judæos sibi cohabitantes sicut Joppitæ fecerunt. Innotuit namque Jamnitarum voluntas facinorosa per certa indicia.

Inde, scilicet a Jamnia civitate, *quum abissent Judas et sui, commiserunt cum eo*, id est, contra eum in via pugnaverunt *B Arabes, etc.*, qui victi, a Juda petebant *dexteris sibi dari*, id est pacem concedi, *promittentes se pascua daturus*, id est prætata et pascualia loca Judæis circa se morantibus, et pecora multa habentibus.

Aggressus est autem Judas cum suis civitatem quamdam firmam, quæ habitabatur a turbis promiscuarum, id est diversarum commixtarumque, *gentium. Hi autem qui erant in ea, remissius agebant*, non resistendo viriliter, quia in fortitudine sui oppidi confidebant, *maledictis lacessentes*, id est provocantes, *Judam, et loquentes quæ fas non est*, Deum Israel blasphemando aut maledicendo : quod scilicet ipsum Judam et suos juvare non posset, quemadmodum Sennacherib fecisse legitur. Quæ verba tam impia atque nefaria sunt, ut Scriptura denotet ea per eorum contraria, ut quum tertio Regum inducitur : *Benedixit Naboth Deo et regi. Job quoque primo : Nisi in faciem benedixerit tibi, id est maledixerit. Et item : Benedic Deo, et morere. Machabæus autem invocato magno mundi Principe, Deo majestatis immensæ : de quo et Aristoteles undecimo primæ Philosophiæ : Entia, inquit, nolunt male disponi. Pluralitas principum*

IV Reg. XVIII, 22, 30, 35; XIX, 10; Is. XXXVI, 7, 15, 20.

III Reg. XXI, 10, 13. Job I, 11; II, 5, 9.

Metaphys. XI in fine.

Job xxxiv.
13. mala : unus ergo princeps. De quo ait Scriptura : Quem constituit alium super terram ? aut quem posuit super orbem, quem fabricatus est ? *Qui sine arietibus, id est bellicis instrumentis sic appellatis, et machinis aliis, temporibus Jesu,* id est Josue, *præcipitabat Jericho,* deijciendo muros ejus, ut habetur Josue libro. *Irruit ferociter muris, et innumerabiles caedes fecit, etc.*

Josue vi. 20. *Inde venerunt Judas et sui ad eos, qui dicuntur Tubianæi, Judæos : qui secundum Glossam non erant Judæi natione, sed quidam Judæis confœderati, dicti Tubianæi, quasi aliena tuba vocati. Dositheus autem et Sosipater qui erant duces cum Machabæo, id est sub eo : quoniam Judas præfuit toti exercitui, seu parti quam sibi assumpsit ; illi vero parti exercitus, ut millenarii aut tribuni. Peremit Judas decem millia viros, a Timotheo in fortalitio quodam relictos. Cognito autem Judæ adventu, Timotheus præmisit mulieres et pueros sibi subjectos, et gentiles, ne a Judæis caperentur, in præsidium, id est*

1 Mach. v.
43. 44.

Judic. vii.
22.

fortalitium, quod Carnion dicitur. Erat enim inexpugnabile, id est valde difficulter expugnabile. Verumtamen Judas divina virtute expugnavit, et combussit illud cum existentibus in eodem, ut in primo libro legitur, ubi præsidium istud vocatur Carnaim. Quumque cohors Judæ prima apparuisset, id est, prima pars sui exercitus, sive prima ipsius turba seu societas venisset obviam hostibus, timor hostibus incussus est ex præsentia Dei, id est occulta operatione Dei ubique præsentis, populo suo gratiose adstantis. Deus enim invisibiliter corda immutat, perterret, confortat. Vel forte per aliquod signum visibile Deus præsentiam suam ostendit. Et in fugam versi sunt alius ab alio, id est ab invicem fugientes, et unus præ alio evadere nitens ; ita ut magis a suis deicerentur, id est, a se invicem perimerentur : sicut de Madianitis legitur in libro Judicum, quod mutua cæde se truncabant. Timotheus incidit in partes, id est in ma-

A num bellatorum qui erant sub ducatu Dosithei et Sosipatris.

Post horum fugam et necem movit Judas exercitum ad Ephron civitatem munitam, etc. Est autem historia ista primo libro scripta atque exposita.

1 Mach. v.
46-51.

Inde ad civitatem Scytharum abierunt Judas ac suus exercitus. Contestantibus autem, etc., id est, Judæis qui inter Scythas illos gentiles manebant, dicentibus Judæ Machabæo quod Scythæ fuissent et essent eis benigni, etiam temporibus infelicitatis, id est adversitatis ; Judas et sui admonuerunt Scythas, ut de cetero essent Judæis illis benevoli. Et sic venerunt Jerosolymam die solenni Septimanarum instante, id est festo Pentecostes imminente ; quod celebrabatur evolutis septem hebdomadibus, a primo die festivitatis paschalis, prout in Levitico scribitur.

Lev. xxiii.
13. 16.

Et post Pentecosten abierunt Judas et sui contra Gorgiam. Exivit autem Gorgias contra Judam cum peditibus tribus millibus, et equitibus quadringentis. Quibus congressis, contigit paucos ruere Judæorum : et hoc propter eorum iniquitatem, quæ paulo post subditur. Dositheus vero quidam de Bachinoris, id est de populo gentili sic dicto, Judæis confœderato ; vel de Judæis sic appellatis a loco in quo habitabant ; et iste Dositheus fuit alius a prædicto ; vir fortis, Gorgiam tenebat, etc. Atque ita Gorgias fugit in Maresa, id est in locum sic nuncupatum. At illis qui cum Esdrin erant, id est cum viro principali de parte Gorgiæ, diutius pugnantibus contra Judæos, et fatigatis ipsis, vel Judæis, ut aliqui dicunt : primum tamen magis consonat textui ; invocavit Judas Dominum, etc.*

Bacchoris

Et quum septimus dies, scilicet sabbatum, superveniret, secundum consuetudinem legis purificati aqua lustrationis propter contactum mortuorum in præliis, prout in Numeris fuit præceptum, sabbatum egerunt, quiescendo devote in laudibus Dei. Invenerunt autem Judæi qui erant cum Juda, sub tunicis interfectorum

Nam. xix.
16-19.

Judæorum in bello prætaeto, *de donariis idolorum*, id est aliqua pretiosa idolis dedicata, a quibus lex prohibet Judæos ne talia sibi assumerent, juxta illud Deuteronomii: Non assumes ex eis quidquam. Non inferes quidpiam ex idolo in domum tuam, ne fias anathema, sicut et illud est. Omnibus ergo Judæis ibi præsentibus, manifestum factum est ob hanc causam eos corruisse; et rogaverunt Dominum ut id quod factum fuerat delictum, oblivioni traderetur, id est, pie ignosceretur.

At vero fortissimus Judas, qui mente et corpore fuit fortissimus, *facta collatione*, id est pia distributione facta, [vel] tractatu cum suis habito de agendis pro prædictis occisis, *duodecim millia drachmas argenti*, id est argenteos nummos, qui drachmæ vocantur. Drachma namque nummus est certæ quantitatis, habens imaginem regis. Talium ergo nummorum duodecim millia *misit Jerosolymam*, in qua erat locus sacrificiorum, videlicet templum in quo fieri debuit ista oblatio. Ideo sequitur: *offerri pro peccatis mortuorum sacrificium*, id est, ut pecunia ista offerretur ibi Deo in sacrificium, hoc est ad usus divinos pro remissione peccati illorum, qui donaria idolorum assumpserant sibi, ut dictum est, et pro aliis eorum remittendis peccatis. Speravit autem Judas eos antequam exspiraverunt, de illo suo poenituisse peccato. Bene et religiose, id est pie atque fideliter, *de resurrectione futura et generali cogitans*. Nisi enim eos qui ceciderant per mortem corporalem ac temporalem, *resurrecturos speraret in die*

Job xix, 25. novissimo (sicut sanctus Job, In novissi-

mo, inquit, die de terra surrecturus sum), *superfluum videretur et vanum orare pro mortuis*, et eadem ratione sacrificium offerre pro ipsis esset inane.

Contra hoc argui potest, quoniam istud videtur sonare, ac si animæ non punirentur post vitam hanc, nisi resumptis corporibus. Possetque aliquis dicere, quod quamvis corpora non essent resuscitanda, pium tamen esset pro animarum a corpore separatarum reconciliatione et ereptione a pœnis orare atque sacrificare. Imo multæ fidelium animæ, a pœnis purgatorii liberantur per orationes et hostias ante corporum suscitationem. Et respondendum, quod plena animarum remuneratio absque corporum resuscitatione et glorificatione fieri nequit: ad quod insinuandum, istud satis extense prolatum est.

Et quia considerabat quod hi qui cum pietate, id est religione fidei cultuque Dei, *dormitionem*, id est mortem, *acceperant, optimam haberent repositam gratiam*, id est spem felicitatis æternæ, seu ipsum præmium beatificum eis paratum ac reservatum a Domino: sicut ait Apostolus ad Timotheum, *Reposita est mihi corona* II Tim. iv, 8. justitiæ, quam reddet mihi Dominus in die illa justus Judex. Sancta ergo et salubris est cogitatio pro defunctis exorare, eleemosynas facere, sacrificiumque offerre, ut a peccatis solvantur, id est, a pœnis quæ debentur eorum peccatis, liberentur: quæ peccata in contritione, quantum ad culpam, remissa sunt; et nisi in hac vita satisfiat pro ipsis, oportet quod restat post hanc vitam suppleri.

ARTICULUS XIII

EXPOSITIO CAPITULI TERTIDECIMI : ANNO CENTESIMO QUADRAGESIMO NONO.

HIC refertur, qualiter Judas contra Antiochum Eupatorem pugnavit : quæ res primo libro diffuse describitur. Verumtamen dicitur hic, quod Antiochus iste habuit in suo exercitu centum et decem millia peditum, et quinque millia equitum, elephantos quoque viginti duos ; in primo autem, quod habuit centum millia peditum, et viginti millia equitum, atque elephantos triginta duos. Respondetur, quod forsitan in exercitu regis fuerunt in primis centum millia, deinde in via adjuncta sunt millia decem. De equitibus vero aliqui dicunt, quod inter eos erant quinque millia ceteris elegantiora, et in acie regis disposita, quæ hic numerantur. Vel, primo exivit cum quinque millibus equitum, deinde alia millia accurrerunt. De elephantis etiam dicitur, quod viginti duo in eis erant elegantiores, qui hic ponuntur, alique tacentur. Sed et numerus minor simpliciter positus, non excludit majorem, et major includit minorem. Præterea quæritur, quomodo in præcedentibus plenius legantur factæ pactiones pacis et amicitiae inter Antiochum et Judæos, cur violatis pactionibus illis, rex venit adversus illos. Dicendum, quoniam Judas obsedit arcem, ideo quidam ex arce et alii iniqui Judæi accesserunt Antiochum, et conquerebantur adversus Judam et suos, prout sexto primi libri capitulo plenius recitatur. Habuit item rex *currus cum falcibus*, id est currus falcatos, *trecen-*
I Mach. xi, 28 et seq.
Ibid. 30.
I Mach. xi, 13 et seq.
Josue xxii, 16.
Judic. i, 19.

Commiscuit autem se illis Menelaus : de quo facta est mentio ante, et ad tempus fuerat princeps sacerdotum ; *et cum multa fallacia deprecabatur Antiochum non cessare, nisi Machabæo prostrato.* Ideo

A subditur : *non pro patriæ*, id est compatriotarum suorum, *salute* seu prosperitate, *sed sperans se constitui in principatum*, id est pontificatum. *Sed Rex regum*, videlicet Deus omnipotens, *suscitavit animos*, id est intellectum et voluntatem, seu motus et indignationes, *Antiochi in peccatorem*, id est contra Menelaum. Etenim cor regis in manu Dei est, qui quocumque voluerit, vertit illud. *Et suggerente Lysia, hunc Menelaum esse causam omnium malorum*, id est dissensionum et pugnarum inter Judæos et regem. Fuit enim unus de primis ambitiosis et iniquis Judæis, qui accesserunt ad Antiochum Nobilem, et concitaverunt eum contra Judæos. *Jussit eum apprehensum in eodem loco necari.* *Erat autem in eodem loco turris, aggestum*, id est cumulum seu adunationem, *undique habens cineris.* *Inde*, id est de turre illa, *in cinerem dejici jussit sacrilegum Menelaum*, qui enormiter fuit abusus sacris rebus vasisque templi ; *et satis juste*, ut scilicet pœna corresponderet culpæ, et per quæ peccavit, per eadem puniretur. *Nam quia multa erga aram*, id est circa altare, *Dei delicta commisit*, ut patet ex dictis in isto libro, *cujus altaris ignis holocausta consumens, et cinis ex combustis sacrificiis remanens, sanctus est*, id est ad divina obsequia ordinatur, quemadmodum vasa templi, sancta dicuntur ; *ipse in cineris morte damnatus est*, id est jussus occidi et mori per præcipationem sui a turre in cineris.

Sed rex mente effrenatus, id est prædominanter passionatus, ira et indignatione absque freno judicii rationis repletus, *veniebat, nequiores se patre suo Judæis ostensurus*, id est crudelius eos affligere

cupiens et intendens, quam erant a suo patre afflicti. *Omnes itaque Judæis per triduum continuum prostratis* in oratione, id est competentibus horis trium dierum illorum; *ipse vero Machabæus cum senioribus Judæorum, cogitavit exire obviam ad resistendum regi, antequam rex intraret Judæam, et obtineret civitatem Jerusalem, et Domini judicio*, id est dispositioni atque arbitrio providentiæ Dei, *committere exitum rei*, id est negotii inter se et regem: sic tamen, ut sperando in Deo, faceret quod in se erat. *Dans itaque potestatem omnium Deo*, id est, Deum esse omnipotentem protestans, et omnem potestatem ei adscribens, quum non sit potestas nisi a Deo, etc.

Rom. xiii, 1.

Et dato signo suis Dei victoriæ, id est adjuutores suos informans, atque confidere faciens de obtinenda victoria virtute divina: quod potuit eis persuadere per auctoritates Scripturæ, et per signa ac gesta quæ leguntur in ea; *nocte aggressus aulam regiam*, id est appropinquans tentorio regis, *in castris*, id est aciebus adversariorum, *interfecit viros quatuordecim milia*. In primo libro legitur, quod ceciderunt de exercitu regis sexcenti viri. Respondetur, quod Judas primo et improvise circa diluculum invasit regis exercitum, et tot millia interfecit in eo, sicut hic legitur. Deinde in clara die præliatus est contra regem in campo; et tunc occidit de populo regis viros sexcentos. *Et maximum elephantorum*. Hoc quoque in secundo illo conflictu dicitur factum: quamvis hic per anticipationem narretur. Fuitque elephantus ille, quem Eleazarus frater Judæ occidit, prout in primo libro fertur.

Ibid. 43-46.

Sed rex accepto gustu audaciæ Judæorum, id est hoc facto expertus eorum audaciam, *arte difficultates locorum tentabat*, id est, conabatur per industrias et bellicas artes aggredi et expugnare loca Judæorum munita difficulter accessibilia; *et Bethsuræ quæ erat Judæorum præsidium munitum*, quia in urbe illa habebant Judæi fortalitium valde forte, castra

admovebat, id est, suum exercitum applicare curavit; *sed fugabatur, impingebatur, minuebatur*, id est, quidam de ejus exercitu fugabantur, impellebantur, occidebantur a custodibus illius fortalitii impetum facientibus in quosdam de populo regis. *His autem qui intus erant*, scilicet in præsidio Bethsuræ, *Judas necessaria victui mittebat*. *Enuntiavit autem mysteria*, id est secreta Judæ et suorum, *hostibus videlicet Judæ, regi ac suis, Rhodocus quidam de Judaico exercitu*: et sic fuit et proditor populi sui, et secretorum manifestator, ideo summe vitandus, juxta illud Proverbiorum, *Ei qui revelat mysteria, ne miscearis*. Attamen quidam ait, quod Rhodocus iste ab adversariis captus, fuit ad revelandum hæc per tormenta compulsus. Cui dicto non videtur consonare quod subditur: *qui requisitus, comprehensus est et conclusus*. Unde apparet, quod Judas et sui sentientes sua mysteria hostibus revelari, requirebant a quo illud fieret: et comperto quod a Rhodoco, comprehendebant eum et expederunt. *Iterum rex sermonem habuit cum his qui in Bethsuris erant*, id est cum existentibus in fortalitio illo, ut traderent sibi præsidium illud, salva eorum vita: in quo consenserunt ei. Et ipse promisit nil mali facere eis, sicut subjungitur. *Dexteram dedit illis; accepit præsidium seu fidem ab illis de resignatione præsidii; abiit. Commisit cum Juda*, id est contra Judam; *superatus est rex*, quoniam ceciderunt de ejus exercitu viri sexcenti, ut dictum est primo libro. Aliqui tamen exponunt, quod superatus sit Judas: quia præfato capitulo scriptum est, *Videntes virtutem regis et impetum exercitus ejus, diverterunt ab eis*.

Prov. xx, 19.

I Mach. vi, 42.

Ibid. 47.

Ut autem cognovit rebellasse Philippum Antiochiæ. Istud præallegato primi libri capitulo expositum est. *Mente consternatus, Judæos deprecatus est rex de pace componenda, subditusque eis*, id est eorum petitioni acquiescens, *jurat de omnibus quibus justum visum est; et reconciliatus Judæis, obtulit sacrificium, honora-*

Ibid. 55, 56.

rit templum, munera posuit, Machabæum amplexatus est, et fecit eum a Ptolemaida usque ad Gerrenos ducem et principem. id est præfectum et officiatum in certis negotiis. Sed his contrariari videntur, quæ in primo libro continentur, quo legitur : Intravit rex montem Sion, et vidit munitionem loci, et rupit citius iuramentum, et mandavit destruere murum in gyro : sicque templum inhonoravit, et contra Judam

A hostiliter egit. Ad quod dicendum videtur, quod postquam taliter egit, ad mentem reversus, inde pœnituit, et fecit quæ jam dicta sunt hic. *Ut autem venit Ptolemaidam, graviter ferebant Ptolemenses amicitia conventionem factam inter Judæos et regem, indignantes de tali pacificatione, ne forte fœdus amicitia irrumperent, id est, violarent Judæi. Lysias autem populum sedavit, exponendo rationem facti illius.*

ARTICULUS XIV

EXPLANATIO CAPITULI QUARTIDECIMI : SED POST TRIENNI TEMPUS.

BELLA Judæ et suorum gesta contra Demetrium filium Seleuci, hic recitantur. Sed post triennii tempus a morte Antiochi Nobilis : quod tamen per synecdochen verificatur, quia Antiochus (ut in primo libro dictum est) obiit anno centesimo quadragesimo nono, et Demetrius venit anno centesimo quinquagesimo primo, ut in primo libro invenitur. Verumtamen annus qui ibi centesimus quadragesimus nonus vocatur, in isto libro centesimus quadragesimus octavus supra undecimo capitulo nuncupatur : quod qualiter concordetur, tactum est ibi. *Cognovit Judas Demetrium Seleuci filium, etc., tenuisse regiones adversus Antiochum : quia exercitus reliquit Antiochum, et adhæsit Demetrio, qui fuit filius senioris filii Magni Antiochi.*

Alcimus autem quidam, qui summus sacerdos fuerat ab Antiocho factus : de quo Alcimo multa sunt habita primo libro ; sed voluntarie coinquinatus est vitiis gentilitatis, temporibus commixtionis : quando jussit Antiochus ut omnes de regno suo essent populus unus, ut scriptum est primo libro ; considerans sibi nullo modo esse salutem, id est optatam prosperitatem, seu corporis sanitatem sub Juda, qui ipsum propter scelera sua fugavit, ne-

B *que accessum ad altare, Juda præsidente, venit ad Demetrium anno centesimo quinquagesimo. Primo libro legitur, Anno centesimo quinquagesimo primo ; sed concordatio est inducta. Offerens ei auream coronam, tanquam de jure regnanti, et palmam, forsitan auream in signum triumphi, et tanquam victori, et thallos qui templi esse videbantur, id est sublata de templo, aut similia thallis templi. Thallos autem dicuntur offertoria vasa, quibus in præcipuis festis utebantur sacerdotes, et instar turrium erant formata. Et ipsa die siluit de causa propter quam venit, ne videretur regi munera dedisse propter proprium commodum.*

*Tempus autem opportunum dementiae suæ nactus, id est consecutus ad aperiendum intentum insipientia ambitionisque suæ, convocatus a Demetrio ad consilium, etc. Ipsi qui dicuntur Assidæi Judæorum, id est inter Judæos assidue vacantes divinis, bella nutriunt, etc. Universæ accusationes hujus nequissimi Alcimi, sunt mendosæ. Sed oro, o rex, et regioni Judæorum, et generi, id est populo Judaico, secundum promulgatam * omnibus humanitatem tuam, prospice, id est, provide de pace juxta tuam clementiam omnibus notam. Nam quamdiu superest Judas, id est*

I Mach. vi.
62.

I Mach. vi.
16.

Ibid. vii. 4.

II Mach.
vi. 21.

I Mach. vii.
5, etc., ix. 1,
etc.

Ibid. i. 13.

* pericul-
galam

eo vivente, *impossibile est pacem esse negotiis* Judæorum. Sic ambitiosi et fraudulentis suos ornant sermones, et prophetant non posse esse pacem in communitate, nisi hi qui ipsorum ambitioni resistunt, tollantur.

Talibus autem ab hoc dictis, et ceteri amici Judæ ficti, vel amici Alcimi, *hostiliter se habentes contra Judam*, quem mendaciter accusabant, *inflammaverunt Demetrium*, id est ira, odio, indignatione adversus strenuissimum ac nobilissimum Judam. Dicit autem quidam hoc loco et alibi, quod licet Alcimus fuit de genere Aaron, non tamen descendit de eo per lineam sacerdotalem: quod non videtur posse salvari, nisi intelligatur de linea summi sacerdotii, quum in primo libro scribæ legantur dixisse de Alcimo, Homo sacerdos de semine Aaron venit. *Qui statim Nicanorem misit in Judæam*, etc.

1 Mach. vii, 14.

Audito Nicanoris adventu, Judæi conspersi terra: nam pro majore sui humiliatione superjecerunt capitibus suis terram, seu pulverem terræ; *rogabant eum qui populum suum constituit, ut in æternum custodiret*. Deus enim vult populum Judæorum manere usque in finem mundi, in quo et innumerabiles convertentur. *Imperante autem duce, videlicet Machabæo, statim inde moverunt sui ad occurrendum Nicanori. Nicanor tamen audiens audaciam* * *comitum*, id est principum sociorumque, Judæ, etc., *sanguine judicium facere metuebat*, id est, per belli congressum non audebat exquirere, quis justiorum causam haberet, Judas an ipse Nicanor: ideo misit quosdam ad Judam pro amicitii componendis. *Et quum diu de his consilium ageretur a Juda et suis, et ipse dux ad multitudinem retulisset*, id est, Judas causam hanc in generali sua convocatione proposuisset, *omnium Judæorum fuit una sententia, amicitii annuere*, id est consensum præbere.

* virtutem

Morabatur autem Nicanor Jerosolymis, nihilque inique agebat contra Judæos. Fuit tamen idololatra, et impie agens contra Deum. Gregeisque turbarum quæ congre-

Agatæ fuerant, id est, quas secum adduxerat ad pugnandum contra Judam, *dimisit redire ad propria seu alia loca. Habebat autem Judam semper carum ex animo, et erat viro inclinatus. Rogavitque eum ducere uxorem, filiosque procreare. Nuptias fecit*, etc. Verum de hac familiaritate et amicitia Judæ atque Nicanoris primo libro nil recitatur. Estque difficile hanc scripturam cum his, quæ in primo libro scripta sunt, concordare. Ibi enim legitur Demetrius misisse cum Alcimo Bacchidem, non Ni-

1 Mach. vii, 5 et seq.

canorem, in primo accessu Alcimi ad ipsum Demetrium. Quumque Bacchides esset ad Demetrium regem reversus, et Alcimus non posset Judæ resistere, ad Demetrium rediit, qui tunc cum eo Nicanorem misit. Quumque Nicanor quasi decepisset Judam, conterritus est Judas, et amplius noluit videre faciem ejus, puta Nicanoris. Et post hoc commisit Nicanor prælium duplex contra Judam, sicut ibidem narratur. Hinc pro concordia videretur dicendum, quod prima vice Demetrius misit cum Alcimo Bacchidem atque Nicanorem; vel, quod hoc loco penitus subticetur primus accessus Alcimi ad Demetrium, et missio Bacchidis cum Alcimo in Judæam: et ita, quod dictum est hic de accessu Alcimi ad regem, intelligeretur de secundo accessu Alcimi ad regem Demetrium, et quod tunc cum Alcimo fuit missus Nicanor, qui semel contra Judam pugnavit, et postea cum eo ad tempus habuit pacem, sicut hic scribitur.

Ibid. 8, 9.

Ibid. 20, 25, 26.

Ibid. 27, 30.

Ibid. 31, 43.

Alcimus autem videns caritatem illorum, scilicet Judæ et Nicanoris, *ad invicem*. Caritas hic extense sumitur pro amicitia sociali, non pro amore supernaturali infuso, quem certum est in Nicanore non fuisse. *Venit ad Demetrium, et dicebat Alcimus Demetrio, Nicanorem rebus alienis*, id est regi contrariis, *assentire, communicando cum Juda. Sed quia regi resistere non poterat Nicanor, opportunitatem observabat qua præceptum perficeret*, id est, quærebat capere Judam. Verumtamen non excusatur Nicanor a crimine, quod sic amicitiae fœdus initum cum Juda, rupit.

Imo magis debuit a Demetrio omnino recedere, quam ei in rebus ita illicitis obedire. At Machabeus videns austerius secum agere Nicanorem : quia per exteriora quædam indicia aversio Nicanoris patuit Judæ; occultavit se a Nicanore, non ex vituperanda formidine, sed ex prudentia et cautela. Ideo subditur : *Quod ut ille, puta Nicanor, cognovit, fortiter*, id est prudenter et virtuose, *se a viro præventum*, ita quod eum capere nequivit, *dixit sacerdotibus* : *Nisi mihi Judam vincitum tradideritis, templum hoc Libero patri consecrabo*, ita ut ad honorem Liberi seu Bacchi reædificetur. Asseruit enim Nicanor, quod templum combureret atque dejeceret.

Razias autem quidam de senioribus, delatus, id est accusatus, *est Nicanori* tanquam zelator Judæ ac boni communis Judæorum ; *vir amator civitatis Jerusalem*, cujus prosperitatem in temporalibus ac spiritualibus concupivit, ac pro viribus procuravit ; *et bene audiens*, id est rationabiliter discernens quæ audiebat, indigentibus quoque benevolus ; vel, Bene audiens, id est bene auditus a populo suo, sumendo activum pro passivo ; *qui pro affectu*, id est propter caritatem suam ad populum suum, *pater Judæorum appellabatur*. Hic multis temporibus continentie propositum tenuit in Judaismo. Si per continentiam castitas designetur, potest dici quod mortua conjuge, de cetero castus permanserit. Per continentiam tamen potest intelligi generalis quædam virtutum conditio, scilicet moderantia seu repressio animi ab excessu. *Corpusque et animam*, id est vitam animalem, *contentus tradere pro perseverantia*, id est paratus dare in mortem pro virtutum constantia. Ad quem comprehendendum misit Nicanor. *Putabat enim, si illum*, scilicet Raziam, *deceperet*, id est, spiritualiter aut corporaliter occidisset, compellendo illum per pœnas ad paganismum, alioqui eum atrocissime trucidando, *sese cladem maximam*, id est miseriam et mœrorem gravissimum, *Judæis illaturum*, occiso spirituali et generali pa-

tre ipsorum. Qui *quum jam comprehenderetur*, id est, comprehendi quasi inciperet, *gladio se petiit*, id est percussit, *eligens nobiliter potius mori*, scilicet propria manu, ut hic insinuari videtur, *quam subditus fieri peccatoribus*, id est a gentilibus illis ad eorum voluntatem male tractari, *et contra natales suos*, id est ad progenitorum suorum irreverentiam, *indignis injuriis agi*, id est lædi.

Videtur autem Augustinus in libro de Civitate Dei factum istud non commendare, et ad mollitiem asserit pertinere, se ipsum occidere ad evadendum graviora tormenta. Unde quod Samson se oppressit, et feminæ quædam sanctæ se ipsas submerserunt ne violarentur, ait non aliter excusari, nisi quod occulto Spiritus Sancti instinctu hoc egerint. Hebræi vero (ut fertur) dicunt licitum esse in duobus casibus, se ipsum occidere. Primo, ne quis acerbitate tormentorum ad infidelitatem trahatur. Secundo, ne in contemptum Dei vita sua ludibrio habeatur : et istud videtur C auctor hujus libri sensisse. Dictum tamen Augustini, quod Glossa hic sequitur, et Thomas in secunda secundæ, aliique doctores communiter, verius esse censetur. Unde qui Raziam istum excusare omnino voluerit, dicere potest, quod occulto Dei instinctu sic fecerit. Postremo, in secunda secundæ de hac re scribit Thomas quæstione 64 : Ad veram fortitudinem pertinet, non refugere mortem propter bonum commune ; sed si quis sibi inferat mortem ut vitet mala pœnalia, habet quamdam fortitudinis speciem (propter quod aliqui se ipsos occiderunt, æstimantes fortiter agere, de quorum numero fuit Razias) ; sed non est hoc vera fortitudo, sed quædam mollities animi dura perpeti non valentis, secundum Philosophum tertio Ethicorum, et Augustinum primo de Civitate Dei. Unde non licet se ipsum occidere ex timore consentiendi peccato : non enim sunt facienda mala ut proveniant bona, vel ut mala vitentur, præsertim quæ minora sunt et incerta.

Judic. xvi, 30.

Rom. iii, 8.

ARTICULUS XV

EXPOSITIO CAPITULI QUINTIDECIMI : NICANOR AUTEM UT COMPERIT JUDAM ESSE
IN LOCIS SAMARIE.

QUALITER Judas Nicanorem vicerit, hic *Mach. vii, 39 et seq.* narratur. Estque historia ista in primo libro scripta, sed aliqua hic adduntur, ibi non habita. *Nicanor autem ut comperit*, id est percepit, *Judam esse in locis Samariæ, cogitavit die sabbati*, in despectum legis ac Judæorum, vel ut Judas et sui tunc minus resisterent, *cum omni impetu*, id est ferociter ac viribus totis, *celerime committere bellum adversus Judam. Judæis vero qui illum per necessitatem*, id est timore mortis, *sequebantur* : qui tamen potius debuerunt propter justitiam mori, quam mortis timore illicita operari. Ideo necessitas illa fuit conditionalis, non absoluta, sic quod oportuit eos Nicanorem sequi, si mortem evaderent, alioqui eos interfecisset. Illis ergo *dicentibus, Ne ita ferociter feceris*, etc., ille, puta Nicanor, ait, *Et ego potens sum super terram* : comparans se Deo præsumptuose, de quo Judæi dixerunt, *Est Dominus potens in cælo; qui impero sumi arma* : quasi dicat, Non obstante præcepto Dei vestri, obediendum est mihi; *et negotia regis impleri. Tamen* non obtinuit ipse Nicanor, *ut consilium perficeret*, id est, id quod de morte Judæ ac suorum tractavit atque proposuit, adimplere non potuit. *Et cogitaverat commune trophæum statuere de Juda*, id est, proposuit ipsum dejicere, sicut et ceteros, vel fornicem triumphalem sibi erigere de Judæ occisione.

Machabæus autem confidebat cum omni fiducia, id est perfecta spe, *auxilium sibi adfuturum a Deo* : præsertim quia de hoc habuit visionem, sicut paulo post subditur. *Et allocutus illos qui secum erant*, videlicet tria millia, ut in primo libro le-

gitur, *de lege et Prophetis*, in quibus Deus multa bona promittit sperantibus in se, atque pugnantibus pro se; *admonens*, id est ad memoriam revocans, *etiam certamina quæ fecerant prius*, in quibus frequenter divina prævaluerunt virtute; *promptiores constituit eos. Singulos autem illorum armavit non clypei et hastæ munitione*, id est non tantum corporalibus armis, quibus tamen erant muniti, *sed sermonibus optimis et exhortationibus, exposito fide digno somnio*, id est visione seu oraculo facto in somno.

Erat autem hujusmodi visus, id est visio seu revelatio talis imaginaria, imo et prophetalis, quia revelativa futuri, cuius etiam significationem Judas intellexit. Itaque, vidit visu interiori imaginario et intellectuali *Oniam, qui fuerat summus sacerdos* : de quo supra tertio habetur capitulo; *virum bonum*, per caritatem, quæ facit hominem spiritualiter ac meritorie bonum; *et benignum* ad proximos ac egenos; *verecundum visu* : verecundia enim est laudabilis passio, præsertim in juvenibus, et est timor dehonestationis. Hic tamen sumitur potius pro virtute, seu pro columbino adpectu. *Modestum moribus, eloquio decorum, et qui a puero virtutibus exercitatus sit, manus protendentem ad Deum*, ut moris est orantibus, *orare pro omni populo Judæorum. Post hoc apparuisse et alium virum ætate et gloria mirabilem*, id est mirabiliter eminentem in senio sancto ac meritis, *et magni decoris habitudinem circa illum. Respondentem vero Oniam dixisse* : *Hic est fratrum amator, et*, pro id est, *populi Israel. Vel per fratres designantur sacerdotes, quia et Je-*

II Mach. iii, 1 et seq.

remias fuit sacerdos, quemadmodum Judas ac fratres ejus. *Hic est qui multum orat pro populo Judæorum fidelium* : quorum comparatione gentiles idololatræ erant quasi canes et bruta, non homines; *et universa sancta civitate, Jeremias propheta Dei*, unus de quatuor Prophetis majoribus. Eratque eximiæ sanctitatis et fervidæ caritatis. Itaque sancti in limbo detenti orabant pro viatoribus. *Extendisse autem Jeremiam dexteram, et dedisse Judæ gladium aureum, dicentem* : Accipe sanctum gladium, id est ordinatum ad sacrum usum, *munus a Deo*, quia significavit virtutem Judæ donandam, qua hostibus prævaleret. Ideo additur : *in quo deicies*, id est occides, *adversarios populi mei Israel*, id est mihi valde dilecti, de quo oriundus sum ego.

Exhortati itaque, id est admoniti et instructi, *sermonibus Judæ, de quibus extolli posset impetus*, id est, fervor ac promptitudo celerrima ad pugnandum oriri ac surgere, *et animi*, id est corda, *juvenum confortari, statuerunt configere fortiter, ut virtus de negotiis judicaret*, id est, fortitudo seu bonitas virtutum demonstraret, quæ pars in his rebus juste moveretur, et quæ injuste : ut scilicet Deus victoriam largiretur bene et rationabiliter motis ad præliandum ; *eo quod civitas sancta Jerusalem et templum ejus periclitarentur*, id est, destructioni essent exposita, nisi Deus suis subveniret cultoribus. *Erat enim pro uxoribus et filiis et cognatis minor sollicitudo quam pro templo ac saceris*. Ideo additur : *maximus vero et primus pro sanctitate timor erat templi*, id est, destructionem sancti templi maxime formidabant ac abhorrebant, etiam plus quam propriam ac suorum occisionem : sicque affectus gratiæ prævaluit in eis affectui naturæ.

Et quum omnes Judæi ista scientes, tam qui erant cum Juda, quam existentes in urbe Jerusalem, sperarent judicium futurum, id est quod Deus secundum censuram suæ justitiæ faceret Nicanorem superari cum suis, sicut promeruit ; *considerans Machabæus adventum multitu-*

dinis, id est copiosi exercitus adversariorum, *dixit* : Dominator cælorum, id est omnium civium supernorum atque cælestium orbium, *mitte angelum tuum bonam ante nos*, qui sit dux, protector et adjutor noster, *in timore et tremore magnitudinis brachii tui*, id est, ita ut majestatis tuæ timorem et tremorem incutiat hostibus nostris. Unde subjungitur : *ut metuant qui cum blasphemia veniunt*, scilicet Nicanor idololatra et milites ejus, *adversus sanctum populum tuum*, id est contra nos tuo cultui mancipatos ac tibi devotos.

Nicanor autem et qui cum ipso erant, cum tubis, id est tubarum clangore, *et canticis admonebant*, id est, ad prælium se monebant. Aliquæ enim melodiæ pariunt animositatem, audaciam atque lætitiā, per quas fiunt homines ad præliandum efficaciores. *Judas vero et sui per orationes congressi sunt* ; manibus præliantes et cordibus exorantes, *prostraverunt triginta quinque millia* : et ipse Nicanor corruit primus, ut primo libro ^{1 Mach. vii. 43.} scribitur ; *præsentia Dei*, id est ex gratuito Dei auxilio et consolatione ejus interna, *magnifice delectati. Facto itaque clamore, et perturbatione excitata*. Quum enim cognovissent Nicanorem corruisse, præ gaudio clamaverunt etiam cum tumultu, qui perturbatio hic vocatur. *Omnipotentem Dominum benedicebant*, laudando gratiasque agendo eidem, *cujus prævaluerunt auxilio*.

Præcepit autem Judas, qui per omnia corpore et animo mori pro civibus paratus erat. In quo patet virtuositas ejus et grandis dilectio ad subditos suos atque ad bonum commune, ejus promptitudo ad mortem pro re publica a corde redundavit ad corpus ipsius, appetitumque sensitivum, qui per corpus potest intelligi, quia organica potentia est. *Caput Nicanoris et manum cum humero abscissam, Jerosolymam perferri*. Istud in primo libro expositum fuit. *Accersiit*, id est, vocavit seu accessit, *et eos qui in arce erant*, qui erant de parte Nicanoris. Ideo voluit eos per

^{1 Ibid. 47.}

obtentam victoriam perterrere. *Linguam* A id est nunc istum nunc illo, *uti delectabile etiam impii Nicanoris præcisam*, id est abscissam, *jussit particulatim artibus dari* ad comedendum, propter blasphemias per linguam ejus prolatas; *manum autem dementis contra templum suspendi*, id est, dexteram insensati ac blasphemi Nicanoris amputatam, *jussit Judas ex opposito templi suspendi*, eo quod dexteram extendendo, fuerat comminatus quod templum ipsum destrueret. Sicque ad commendationem et laudem divinæ justitiæ et omnipotentiae Dei fecit Judas hæc omnia. *Omnes igitur cæli Dominum benedixerunt, qui locum suum incontaminatum servavit. Itaque omnes communi consilio decreverunt, nullo modo diem istum absque celebritate præterire.*

Igitur his erga Nicanorem gestis, et ex illis temporibus ab Hebræis civitate possessa, ego quoque in his finem faciam sermonis hujus voluminis. Et si quidem bene hæc scripsi, hoc et ipse velim; si autem minus digne, concedendum, id est ignoscendum, est mihi: quia feci diligentiam C meam pro posse. Sicut enim vinum semper bibere, aut semper aquam, contrarium est dispositioni naturæ, quæ secundum diversitatem suæ qualificationis diversa requirit pocula atque cibaria; alternis autem,

id est nunc istum nunc illo, *uti delectabile est hominibus: quia, ut ait Philosophus, Actio correspondet naturæ agentis. Ideo, sicut Deus est simplicissimus in fine totius simplicitatis formalis ac actualis per exclusionem universæ potentialitatis, sic ipse unica simplicissima actione æternaliter gaudet. Homo autem est ens maxime compositum, non quod plures habeat partes substantiales, quam corporalia cetera, sed quia plures habet potentias, proprietates et actiones: ideo in usu alternorum delectari potissime competit sibi. Ita legentibus si semper exactus sit sermo, id est, si stilus sit ubique exquisitè armatus, atque armate inquisitivus usque ad singula, non erit gratus, id est acceptus et placens, quoniam gravat et distrahit mentem. Hic ergo erit liber hic consummatus.*

Insuper ex isto capitulo instruuntur principes et milites omnesque pugnatores fideles, qualiter se debeant ad prælia præparare et in bellis se habere: ut scilicet per confessionem, orationem et satisfactionem se præparent; et in ipso prælio Deum exorent, sintque prompti pro bono communi mori. Ad laudem et gloriam Omnipotentis, qui est super omnia Deus sublimis ac benedictus. Amen.

COMMENTARIA
IN PSALMOS OMNES
DAVIDICOS

D. DIONYSII

CARTUSIANI

INSIGNE OPUS COMMENTARIORUM

IN PSALMOS OMNES

DAVIDICOS

QUOS ILLE MULTIPLICI SENSU, NEMPE LITTERALI, ALLEGORICO, TROPOLOGICO, ET ANAGOGICO,

QUANTUM FIERI POTUIT, NON NISI SOLIDISSIMIS

UTRIUSQUE TESTAMENTI SCRIPTURIS DOCTISSIME EXPLANAT.

Ad Colossenses III.

*Verbum Christi habitet in vobis abundanter in
omni sapientia, docentes et commonentes
vosmetipsos psalmis, hymnis, et canticis
spiritualibus, in gratia cantantes
in cordibus vestris Deo.*

EX EDITIONIBUS COLONIÆ

PETRI QUENTEL, MDXXXI; ITEM MDXXXIV; HEREDUM

JOANNIS QUENTEL, MDLVIII.

REVERENDISSIMO IN CHRISTO PATRI ILLUSTRISSIMOQUE PRINCIPI AC DOMINO,
DOMINO ERARDO DE MARKA, SANCTÆ ROMANÆ ECCLESIE, TITULI SANCTI
CHRYSOGONI PRESBYTERO CARDINALI, ARCHIEPISCOPO VALENTIÆ, EPISCOPO
LEODIENSI, DUCI BULLONENSI, COMITI LOSSENSI, ETC., DOMINO AC PATRONO
SUO COLENDISSIMO, THEODORICUS LOER A STRATIS, DOMUS CARTUSIENSIS
IN COLONIA HUMILIS MONACHUS, ET VICARIUS, SALUTEM ET OMNE BONUM
EXOPTAT.

INTER Christianæ Ecclesiæ ceteros scriptores, qui Spiritu divino afflati, Catholicæ fidei documenta mirum in modum suis studiis et laboribus illustrarunt, etiam eximius Pater Dionysius Leuwis a Rickel, ordinis nostri Cartusiani monachus, vir in divinis Scripturis illuminatissimus, haud immerito connumerari (ni fallor) debebit, Reverendissime Pater et illustrissime Princeps : nempe cujus doctrina omnium copiosissima, toto orbe terrarum procul dubio micantissimis splendescere poterat radiis, si non incuria vel ignavia fuisset hactenus neglecta, aut certe propter impensarum inopiam, quibus nos minime sufficimus, piis lectoribus nondum in vulgus edita. Tot equidem atque tantos scripsit saluberrimæ eruditionis tractatulos, libellos, epistolas, et opera, ut apud Latinos vix parem habuisse (ut res ipsa probat) credamus. Quorum aliquos jam utcumque licuit in bonum reipublicæ Christianæ chalcographorum typis excudi curavimus a proximo anno. Nempe Commentaria in omnes B. Pauli Epistolas et ceterorum Apostolorum, quas Canonicas vocant, et in Apocalypsim divi Joannis secretorum cœlestium cognitoris, item in septem psalmos pœnitentiales. Epistolam item paræneticam ad omnes Principes Christianos, quo pacto instituendum esset prælium adversus Turcas, cum tribus revelationibus Dionysio ipsi cœlitus factis de statu Ecclesiæ (quibus permotus eam hujusmodi epistolam ad præfatos Principes scripsit, Commentaria quoque in septem psalmos pœnitentiales). Insuper clarissimum Speculum amatorum mundi, de Arcta via salutis et contemptu mundi, de Gravitate et enormitate peccati, de Conversione peccatoris, de Fonte lucis et Semitis vitæ. Præterea Præcordiale (ut vocatur) Dionysii, et Meditationes ejus. Amplius Dialogum inter patronum et canonicum, Elementationem philosophicam, et Elementationem theologicam. Cetera adhuc sub prælo manent : Monopanton, id est unum ex omnibus Pauli Epistolis ad materias retractas opusculum. Insuper liber de Natura æterni et veri Dei, Exhortatorium novitiorum, de Professione eorundem, de Utili deductione temporis, de Mortificatione vivifica et reformatione interna, de Profectu spirituali et custodia

cordis, atque duo alii tomi minorum opusculorum. Quum hæc atque id genus illius præclari scriptoris monumenta in lucem dari curaverimus, eis tutelares quærentes patronos, indignum vehementer existimavimus, Reverendissime Pater et illustrissime Princeps, te omnium studiosorum fautorem, amicum et singularem patronum, nostro etiam Dionysio jamjam in publicum prodeunti, non conciliare patronum. Nulli equidem potius hæc opera dedicari poterant vel justius debebant, quam tibi Episcopo Leodiensi, in cujus ditione olim auctor eorum procreatus, ea multo studio atque labore conscripsit. Nos vero tui observantissimi, gravibus admodum curis et sollicitudinibus..., ea æneis imprimi characteribus enitimur pro nostra virili, nihil interim diffidentes, quin recte ab omni zoilorum seu æmulorum impetitione hic auctor sit defensus, ubi tanti Principis meruerit patrociniū. Et quis opportunius Dionysio patrociniabitur, illumque defendet, quam Erardus de Marka, adeo apud Summum Pontificem magnus, ut inter Ecclesiæ columnas firmissima basis, et tantus apud Romanorum Imperatorem semper augustum Carolum Quintum, ut nihil non possit quod ad bonum reipublicæ Christianæ attineat? Tibi itaque quum tanta sit in rem Christianam eaque innata pietas, ut acerrimus exsistas Catholice religionis propugnator, tam vigilans quoque Dominici gregis pastor, ut oves tibi commissas invadendi lupis illis rapacibus, ac vanæ et quidem perditissimæ hæreseos sectatoribus, nullus pateat aditus : nullus siquidem erroribus favens sub ditione tua delitescere, ne dicam hiscere de illis rebus ausit : usque adeo omnes tuam reformidant justitiam, qua in perditissimos quosque animadvertere soles. Quis mihi hic recensebit studium tuum, diligentiam, et sollicitudinem in fidei Christianæ tuitionem? quandoquidem semper exstitisti princeps pacificus, amator atque auctor pacis, ut non modo pacem et tranquillitatem sub tuo moderamine haberent tui subditi (quibus jam viginti et sex annis in pontificia majestate, dignus profecto reipsa pontificis nomine præfuisti, duplici, quod inquit Apostolus, honore dignus), quum tamen antea pluribus annis, ne dicam sæculis, prope assiduis bellis jactati fuerint. Sed et hoc curasti sedulo, ut et pacem componeres inter vicinos : quod Imperialia, Gallica, et Geldrensiū cum Brabantinis meis testantur sedata bella, inter quos nemo inficiabitur te unicum reformatorem fuisse pacis atque concordie, ut post Deum tibi acceptum referant, quod quiete potiantur. Et hæc mihi profecto maximo sunt argumento, te nostro Catholico auctori, et illi quidem a generalium studiorum Academiis approbato, facile et absque negotio pacem procuraturum, si qui leviusculi et bonorum osores, bella adversus eum moverint. Quis enim hoc assequetur facilius, ac tua Reverendissima Dominatio, qui ferme omnibus ultramontanis pacem pro innata tua prudentia tam magnifice sæpiusque procurasti? Quis equidem felicior est, admirabili prudentia et dexteritate in rebus etiam arduissimis obeundis, ut non nisi ad res maximas a Deo, in quem omnia sunt referenda, videre procreatus? Quid alioqui sacra Cæsarea Majestas, horum non inscia, nullius consilio libentius quoties ardui aliquid in hisce regionibus sese obtulerit, quam tuo omnium prudentissimo utitur? Nec est quod dubitem, clementissime Pater, hujus auctoris Commentaria luculentissima in Psalterium totum..., quæ tibi affatim nuncupanda censuimus, grata esse, vel eo potissimum nomine quod venerando quidem et humili licet stilo, instar priscorum alta profecto sensa complexus

sit. Davidicorum quippe carminum interpretationem, explanationem, seu elucidationem tam enucleatissime nobis aperto sermone et familiari eloquio, quo non esset simplicioris litteraturæ sacerdotibus et clericis intellectu difficilis, absque verborum involueris, fucis, lenocinioque tradidit, ut non minorem Ecclesiæ fructum attulisse mihi videatur, quam ceteri qui ante eum vel hactenus in regii Psaltis Soliloquium commentaria scripsere. Nec quidquam dubito, quin et priores se, quotquot habere potuerit (cujusmodi multi procul dubio fuere), viderit, legerit, eorumque sententiis una cum Theologorum (quos scholasticos vocant) dictis ad rem hanc accommodis hæc sua commentaria locupletarit. Ipse etiam omnem exponendæ Scripturæ modum observat, ut et litteralem et mysticos, nempe tropologicum, allegoricum et anagogicum, ubi littera patitur, quod hactenus nullus præstitit, prosequatur : et id quidem satis solide, sollicitè, pie et religiose, ut et mentes vero intellectu instruat, et corda legentium sursum ad cœlestia rapiat et inflammet. Ut autem operi majorem conciliaremus auctoritatem, curavimus ipsum post nostros labores ad editionem exornari per venerabilem, eximiumque insignis nostræ Coloniensis Academiæ Theologum, Joannem Romberch Kirspensem, in divinis litteris apprimè exercitatum, eruditumque : cujus studio et diligentia ad prototypum recognosceretur. Qui et ipsum diligenter emendavit et castigavit... Quare, si hoc opus hilari exceperis vultu, Reverendissime Domine et Pater clementissime, venerabilis Prioris mei nomine D. Petri Blomevennæ de Leydis (quem Gratia tua inter clientulos suos, jam olim ante annos aliquot connumerare cœpiti, atque cognati mei M. Theodorici Hezei Theologi, Ecclesiæque vestræ S. Lamberti Leodiensis canonici, in eo animum nobis facies, ut admittamur in majoribus tibi gratificari. Interim tuæ Reverendissimæ Dominationi, et illustrissimæ Gratiae nos omnes, nostrumque ordinem commendamus, exorantes, ut Deus optimus maximus, ad gloriam suam, et Christianæ religionis bonum diu te nobis servare dignetur incolumem. Ex Cartusia D. Barbaræ Coloniensis. Anno MDXXXI, mensis Martii die vicesimo secundo.

CLARISSIMO PRINCIPI AC DOMINO, D. GUILLELMO JULIACENSI, CLIVENSI, AC
MONTENSI DUCI, MARCKENSI AC RAVENSBURGENSEI COMITI, DOMINO IN RA-
VENSTEIN, ETC., DOMINO SUO CLEMENTISSIMO. S. P. D.¹

QUOD hoc nostri Dionysii Opus, jam tandem diligentissime excusum in ædi-
bus Quentelianis. Tuæ potissimum Celsitudini nuncupatum voluimus : non
debet id quidem admirationi esse T. C., Princeps clarissime, quum ea certe
ob multas animi præclaras dotes egregiaque decora, nulli non cumprimis sit suspi-
cienda et venerabilis, propterea quod paternis maternisque vestigiis insistens, justi-
tiam summopere colat, iniquitatem ferre non possit, et in eam curam velis remisque
omnibus incumbat, ut in ditionibus ipsius Christiana pietas perseveret. Quidni
igitur talem nostro quoque Dionysio patronum lubentes quæramus, qui ut est ipse
pietatis amantissimus, ita etiam facile ab omnium calumnia vindicare possit au-
ctorem longe piissimum? Crede mihi, clementissime Princeps, multas habes vel ab
ipsa natura tibi inditas virtutes, quas si (ut speramus in rem præsentem contuleris,
erit tui nominis apud posteros omnes gloria sempiterna, atque in eorum justissimis
nominibus album refereris, quibus nihil prius, nihil antiquius fuerit, quam ditiones
suas omnes in Catholicæ fidei puritate conservasse. Vidimus hac nostra ætate sum-
ma cum voluptate, quam fueris in asservanda Patrum prisca traditione, religione
et fide integer : speque bona fruimur, te semper tui similem futurum. Non deerunt
quidem, ut solent aukæ Principum diversa alere ingenia, qui te cupiant ab Ecclesia
separatum, idem sentire cum novis nostrorum temporum evangelistis, qui inter
sese dissident pugnantissime : sed Deus omnipotens, qui corda Principum mode-
ratur, aderit semper Tuæ Celsitudini, et mentem sanctissimam adspirabit, ut nihil
velis aliud, quam quod ad communem pacem, pietatem, religionem pertineat. A
quibus certe quantum abhorreant novi isti dogmatistæ, tædet me scriptis hisce in-
serere, quum nemo eos verius ac rectius prodat, quam ipsi se ipsos. Evangelistas se
vocant, nempe pacis nuntios, quum per eos omnis Germaniæ pax plane perturbata
sit. Quod utinam Principes plerique studio majori attendere voluissent : non sic ho-
die abjecta esset omnis illa Germaniæ prisca dignitas, nec tot inter nos sectis divide-
remur, quum jam olim in Germanis prædicata sit fides atque constantia. Quod vel
illo dumtaxat nomine libentius, Princeps illustrissime, commemorarim, ut tametsi
Germania misere jam dilacerata. et in multas sectas dissecta est, non tamen omnino
salutem ejus et novam quamdam in religione Catholica conspiracyem desperare
nos debere significem, quod in dies prodeant typis excusa elegantissimis clara egre-

¹ Epistola nuncupatoria tertiæ editionis.

giaque doctorum hominum monimenta, quorum consonantissima inter ipsos et cum priscis Patribus docendi ratione, in iis præsertim, quæ ad fidei summam pertinent, possimus facile, modo ne animi quædam pertinacia præpediat, ad eam pertingere fidei et Catholicæ religionis conformitatem, quæ superioribus sæculis unquam vel sperari potuerit. Nemo enim tam improbus esse potest, ut non malit illis accedere, quorum est in declarandis fidei articulis major auctoritas, et integrior consensus, quam iis, qui nec secum ipsi satis constant, et cum aliis etiam suæ farinæ hominibus pugnas gerunt implacabiles. Atque in eorum numero, quibus nova omnia suspecta semper fuere, antiquitas cumprimis venerabilis, haud absurde ego annumerari posse crediderim Dionysium nostrum Cartusianum, qui etsi non incidit in sæculum admodum felix, tamen tantum præstitit, ut se illi nemo facile ausit æquiparare ex recentioribus. Cujus ut ego, Princeps celeberrime, innumeras alias lucubrationes præteream, quibus certe nihil spectavit aliud, quam Christianæ prodesse reipublicæ, edidit ille commentaria in Psalmos Davidicos longe doctissima. Id vero quo tandem animo? Ut haberent, qui divino sunt mancipati cultui, unde sententiam Psalmorum solidam veramque caperent. Erunt fortassis, qui eum ob stili simplicitatem carpendum putent, sed illi suam prius carpant incitiam, quasi ille minus doctus censendus sit, qui minori pollet sermonis elegantia. Felices illos, quibus ea contingere tempora, ut possent et eruditionis et elegantiae fructus suaves carpere. Nec tamen propterea infelicem Dionysium nostrum, quod illi alterum horum defuerit, quum pro suæ ætatis consuetudine scripserit. Quod si illi in hoc sæculum incidere contigisset, certe nemini ego illum neque multiplici eruditione, neque sermonis splendore, neque linguarum peritia concessurum fuisse arbitror. Amabat enim et summopere avebat promovere pietatem, sed non aderant tunc illi semper ad manum opportuna instrumenta. Tamen certe omni laude prosequendus est, quod præstitit quantum ea temporis ratio sinebat. Quod si in illo minus placet sermo paulo incultior, qui illi cum omnibus scholasticis doctoribus communis est, ecce commodissime nobis excitavit Deus aliud genus hominum Religiosorum, qui licet habitu nihil admodum discrepent a Clericis, tamen revera pietati Christianæ excitandæ, promovendæ, ac in dies magis magisque augmentandæ addictissimi sunt. Vocantur ii Fratres de Societate nominis Jesu. Apud hos politiores litteræ non minori studio, quam quæ ad pietatem pertinent, traduntur. Et est revera illorum omnis mens et conatus eo perpetim intentus, ut plurimum accedat Christianæ pietati, vitia et incitia profligantur, redeat unitas et consensus in animis Christianorum. Imo vero etiam barbaras nationes et hactenus nulla veri Dei cognitione imbutas, maximo numero in dies Christo lucrifaciunt, atque apud amplissimas Indorum ditiones, itemque in Æthiopia, aliisque remotissimis regionibus tantis clarent virtutibus, tot animas e dæmonum manibus eripiunt, ut certe nemo satis mirari possit. Taceo interim de iis, quæ in multis Europæ regnis, atque adeo etiam Coloniarum per eos præclare gesta sunt, hodieque geruntur. Nec tamen licet ita affecti sint, æmulatorum iniqua judicia et obtrectiones evitare potuerunt. Fuerunt enim et sunt, eruntque semper qui illis derogent, sed mentietur iniquitas ipsa sibi dumtaxat, quum sint illorum fructus illustres et studia laudatissima, ex quibus Christus bonam arborem agnosci voluit. Speramus Catholicos Principes omnes, in quibus

non postremum obtinet locum Celsitudo Tua, hujus instituti professores, tanquam homines doctissimos atque piissimos, ut revera sunt, suis ad se stipendiis evocatos, ut jam plerique fecerunt, daturosque operam, ut talibus potius juventutem ditionum suarum in omni pietate quam rectissime instituendam tradant, quam pseudodoctoribus quibusdam, qui verbis multa promittunt, re autem vera nihil præstant aliud, quam quod simplicem illam rudemque ætatem pessimis moribus, pravissimis artibus, et perditissimis opinionibus imbutam, in tartara secum trahunt. Unde tanta hodie in Germaniæ præclarissima natione sectarum et hæresum varietas existit. Non putamus ignorare Celsitudinem Tuam quale sit hominum genus, quod hic commendamus. Atque utinam tales potius admitterentur ad plebem erudiendam, quam fæx ista excucullatorum monachorum, ac desertorum sacerdotum, qui quum nihil habeant melioris spei reliqui, omni se tradunt lasciviæ et impuritati. Quod ipsum certe argumento est nimis evidenti, eos non ea quæ Jesu Christi, sed quæ carnis suæ sunt, quærere: quum tamen e diverso certissima simus edocti experientia, eos qui de Societate nominis Jesu nomen sibi sumendum statuerunt, omnem profligare iniquitatem, virtutes et bonas artes impendio promovere, denique eo suos conferre conatus omnes, ut homines Christiani ad sui auctoris et assertoris gratiam revertantur. De quibus ego plura scriberem, nisi quibusdam ceu *πίεργα* videri posse timerem. Quod autem hoc Dionysii nostri in Psalmos omnes commentariorum Opus longe doctissimum, Tuæ Celsitudini potissimum dedicare voluimus, tuæ fecere virtutes, quas et nos non raro experti sumus. Rogamus autem, Princeps illustrissime, ut eo hæc excipias animo, quo a nobis offeruntur. Certe Tuæ Celsitudini pro multis beneficiis hac ipsa dedicatione vicem qualemcumque rependere voluimus. Dominus Jesus servet Tuam Celsitudinem, Princeps clementissime, in annos plurimos omnibus rebus bonis semper affluentem. Ex Cartusia Coloniensi, quarto Nonas Julias, MDLVIII.

Tuæ Celsitudinis

Capellanus humilis,

F. GERARDUS,
Prior Cartusiæ Coloniensis.

PRÆFATIO

D*IXIT David filius Isai ; dixit vir cui constitutum est de Christo Dei Jacob, egregius psaltes Israel : Spiritus Domini locutus est per me, et sermo ejus per linguam meam.* II Reg. xxiii, 1, 2.

Quemadmodum Unigenitus Dei Patris, Dominus noster Jesus Christus, ex semine David specialiter incarnari ac nasci elegit (unde et germen seu filius David singulariter appellatur) : sic Spiritus Sanctus animam beatissimi David prophetico lumine excellenter implevit, eumque de Christi mysteriis præcipue illustravit : quatenus David promissa Dei beneficia recognoscens, Deo largitori gratissimus esset, atque hæc ipsa toti mundo clarissime propalaret.

Hanc igitur gratiam prophetalem sibi tam eminenter divinitus datam considerans, grata et hilari cecinit mente verba nunc introducta, in quibus de se ipso tanquam de alio loquitur : Dixit, inquit, David filius Isai ; dixit vir cui constitutum est de Christo Dei Jacob, id est, cui specialiter facta est repromissio de Christo Dei, videlicet quod ex semine ejus Salvator mundi prodiret. Sic enim ad eum alibi ait : De fructu ventris tui ponam super sedem tuam. Hic quippe fructus seu filius David est is, de quo ad Virginem Matrem archangelus Gabriel dixit : Dabit illi Dominus Deus sedem David patris ejus, et regnabit in domo Jacob in æternum. De quo Isaias quoque prædixit : Super solium David et super regnum ejus sedebit. Quod qualiter impleatur in Christo, inquiri potest, præsertim quum ipse Pilato responderit : Regnum meum non est de hoc mundo. Unde et alibi protestatur : Vulpes terræ foveas habent, et volucres cœli nidos ; Filius autem hominis non habet ubi caput suum reclinet. Nam et requisitus a populo ut constitueretur in regem, fugit, seque abscondit. Non ergo de temporali dominio, mundanove regno exponenda sunt testimonia præinducta ; sed de spirituali regimine et æterno principatu, quibus nunc in domo Jacob et solio David, id est in militanti Ecclesia et cordibus electorum, regnat per gratiam, in futuroque sæculo regnabit sine fine per gloriam.

Merito igitur David, qui tam præclare vaticinatur de Christo, vocatur Egregius psaltes Israel, id est psalmista præcipuus populi Deum fideliter contemplantis. Quod autem adjungit, Spiritus Domini locutus est per me, ei concordat quod Christus

Matth. x. 20. discipulis dixit, Non vos estis qui loquimini, sed Spiritus Patris vestri qui loquitur in vobis.

Denique, præter alia multa quæ in verbis præhabitis innuuntur, hoc præcipue advertendum est, quam pulchre et clare trinitas Personarum in ipsis exprimitur. Tangitur namque persona Filii nomine *Christi*; persona vero Spiritus Sancti designatur nomine *Spiritus*; Patris autem persona exprimitur tam nomine *Dei*, quam nomine *Domini*. Christus enim, dicitur Christus et Filius Dei, sicut natus ex Deo

Ps. cx. 3. Patre æterno, quemadmodum scriptum est: Ex utero ante luciferum genui te. Sed Spiritus Sanctus, dicitur Spiritus Dei et Domini, tanquam spirative procedens ex

Joann. x. 30. Deo, id est Patre ac Filio, qui sunt unus Deus, ex quo tanquam ex uno principio æternaliter manat Spiritus Sanctus.

COMMENTARIA
IN PRIMAM QUINQUAGENAM
PSALTERII

COMMENTARIA IN PRIMAM QUINQUAGENAM PSALTERII

ARTICULUS PRIMUS

QUID SIT PROPHETIA, ET DE GRADIBUS EJUS, ET QUALIS PROPHETIA SIT DIGNIOR.

PROPHETIA autem ad intellectum potissimum pertinet. Est enim prophetia, supernaturalis futurorum cognitio, ex divina inspiratione adepta. Prophetæ namque dicuntur, qui Deo revelante cognoscunt ea, quæ ceteris abscondita sunt, et procul ab ipsis posita. Propter quod in libro Regum dicitur : Qui nunc dicitur Propheta, olim vocabatur Videns. Et Samuel ad Saul dixit : Ego sum Videns.

1 Reg. ix, 9.

Ibid. 19.

Porro prophetia ad gratias gratis datas pertinere cognoscitur, sicut operatio miraculorum, interpretatio sermonum, discretio spirituum. Tales enim ac similes gratiæ, communes sunt bonis et malis. Gratia vero gratis datæ, ad aliorum utilitatem dantur et ordinantur, quemadmodum ad Corinthios ait Apostolus : Unicuique datur manifestatio Spiritus ad utilitatem. In quantum igitur prophetalis notitia ordinatur ad hoc, ut aliis innotescat, sic prophetia secundo pertinet ad locutionem : sicque Propheta a præfando nomen accepit. Sed quoniam prophetia est de his, quæ naturalem rationem excedunt, neque naturali ratione probari possunt ; ideo tertio ad prophetiam pertinet operatio miraculorum, tanquam confirmatio horum

quæ prophetice annuntiantur. Et ita intelligendum est quod in Ecclesiastico scriptum est : Eliseus non timuit principem ; et mortuum prophetavit corpus ejus, videlicet quia post mortem mortuum suscitavit. In quo ostendebatur, eum verum fuisse Prophetam. Et simile de ossibus Joseph ait Scriptura.

Ecclesi. xlvi, 13, 14.

Ibid. xlix, 17, 18.

Porro, quemadmodum naturale lumen intellectus agentis, est omnium naturalium cognitionum intellectus possibilis principium ; sic lumen supernaturale atque divinum, est prophetarum cognitionum principium. Ideo, sicut naturalis cognitio intellectus possibilis ad omnia se extendit, seu omnium capax est, quæ per naturale lumen intellectus agentis, inveniri agnoscique possunt ; sic prophetalis cognitio circa omnia illa versatur, quæ per lumen supernaturale ac divinum ostendi valent ac seiri. Per lumen autem divinum omnia utique manifestari queunt, videlicet divina et humana, creata et increata, spiritualia et corporalia, naturalia atque moralia. Unde ad omnia ista extendit se prophetia. Facta est enim aliquando prophetica revelatio de his, quæ ad Dei maiestatem seu excellentiam pertinent : sicut

1 Cor. xii, 7.

Is. vi, 1. Isaias de se loquens, Vidi, inquit, Domi-

Ibid. 3. num sedentem super solium excelsum et elevatum : et quod audivit Seraphim ter clamantia, Sanctus : quod ad superbenedictæ Trinitatis pertinet revelationem. Dani-

Dan. vii, 10. lier millia millium ministrabant Deo, et decies millies centena millia adsistebant ei : quod ad supernorum spirituum prophetalem revelationem spectare non dubium est. Continet etiam prophetia, illa quæ ad mores hominum instruendos respi-

Is. lxxviii, 7. ciunt, ut est illud : Frange esurienti pan-

Mich. vi, 8. nem tuum. Et Michæas propheta : Indicabo (ait) tibi, o homo, quid sit bonum, et quid Dominus requirat a te : utique facere iudicium et justitiam, et sollicitum ambulare cum Deo tuo.

Quanto autem aliqua naturalem rationem magis excedunt, remotiusque a nostra cognitione distant, tanto amplius magisque proprie rationem prophetiæ concernunt, sicut sunt futura pure contingentia, ut actus humani. Propterea prophetia propriissime pertinet ad futurorum eventuum cognitionem. Sic namque Cassiodorus prophetiam definit, quum ait : Prophetia est inspiratio seu revelatio divina, rerum eventus immobili denuntians veritate. Et ideo Gregorius super Ezechielem testatur, quia prophetia ita vocatur, quoniam futura prænuntiat ; dum vero præterita aut præsentia manifestat, nominis sui rationem amittit.

Præterea, multi sunt gradus prophetiæ : quorum infimus dicitur, dum aliquis ex interiori Spiritus Sancti instinctu movetur ad exteriora opera : sicut frequenter in libro Iudicum scribitur, quod Spiritus Domini irruit in Jephthe vel Samson, ex quo inducebantur ad aliqua opera exterius exercenda. Secundus et altior prophetiæ gradus est, dum aliquis ex illustratione Spiritus Sancti, quædam supernaturali modo cognoscit et percipit, quæ tamen naturaliter cognosci possunt : quemadmodum de Salomone habetur, quod Dominus dedit ei sapientiam et prudentiam multam

nimis, ita quod disputavit super lignis, a cedro quæ est in Libano usque ad hyssopum quæ egreditur de pariete ; disseruitque de jumentis et volucribus, reptilibus ac piscibus. De talibus enim gentiles quoque philosophi plura disseruisse subtiliter inveniuntur. Unde hi duo gradus ad perfectam prophetiæ rationem non attingunt, quia ad supernaturalem veritatem non pertinent. Nihilominus aliqua Salomoni revelata sunt, quæ naturalis rationis limites omnino excedunt, præsertim in Canticis : B propter quorum cognitionem, Salomon vere et proprie Propheta vocatur.

Est ergo tertius gradus prophetiæ cognitionis, quando per imaginariam visionem alicui supernaturalis veritas revelatur : quemadmodum Daniel vidit Antiquum dierum, id est Deum æternum, sub similitudine imaginabilium rerum, quemadmodum apud Danielelem legitur : Adspiciebam, inquit, donec throni positi sunt, et Antiquus dierum sedit ; vestimentum ejus quasi nix candidum, et capilli capitis ejus

C quasi lana alba. Istiusmodi vero prophetiæ multi sunt gradus, prout Doctor sanctus in secunda secundæ pulchre deducit.—Prima distinctio est penes differentiam somnii et visionis sive vigiliæ. Interdum namque prophetica revelatio in somnio infunditur, sicut scriptum est : Per somnium in visione nocturna, aperit aures virorum. Interdum autem infunditur prophetia in visione vigiliæ, quemadmodum Danieli factum legimus. Et hic gradus est dignior primo : quoniam major est vigor prophetici luminis, quando animam vigilantis et circa sensibilia occupati, ad supernaturalia erigit, quam dum animam dormientis, atque a sensibilibus jam vacantis, ad divina ac supernaturalia elevat. — Secundo autem attenditur gradus prophetiæ penes differentiam imaginabilium sensibilibusque signorum, quibus mens Prophetæ ad intellectualem supernaturalis veritatis notitiam elevatur. Quanto enim signa hujusmodi fuerint expressiora, tanto prophetia erit sublimior. Quum ergo, secundum Augusti-

Dan. vii, 9.

Thom. 2, 2, q. 174, art. 3.

Job xxxiii, 15, 16.

Dan. x.

Judic. xi, 20, xix, 10, xx, 14.

III Regum. 29, 33.

num, inter signa primum ac summum lo-
cum teneant verba, constat quod prophetia
ejus qui vel in vigilando vel in dormien-
do audit verba secum loquentis, sit altior
prophetia ejus cui dumtaxat ostenduntur
res quædam seu similitudines aliarum re-
rum significativæ : quemadmodum septem
spicæ Pharaoni ostensæ, septem fertilita-
tis annos præfigurabant ; et olla succensa
Jeremiæ ostensa, civitatis Jerusalem in-
cendium designavit. — Tertio insuper gra-
dus prophetiæ attenditur penes accessum
ad causam ipsam propheticæ cognitionis.
Altior enim est gradus prophetiæ, dum
non solum verba loquentis percipiuntur,
sed ipse quoque loquens adspicitur : sicut
Zachariæ prophetæ ac Danieli multisque
aliis angeli, per quos (teste Dionysio) pro-
pheticæ revelationes administrantur ac in-
funduntur, apparuerunt. — Quarto autem
gradus prophetiæ pensatur ex conditione
apparentis atque docentis. Si enim qui vi-
detur, apparet in persona hominis, infe-
rior erit prophetia, quam si appareret in
persona angeli. Altissima vero censetur,

A si apparet in persona Dei, quemadmodum
Michæas ait : Vidi Dominum sedentem su-
per solium excelsum, et omnem exerci-
tum cœli adsistentem ei a dextris et a si-
nistris.

Postremo, summus atque dignissimus
prophetiæ gradus est, quando intelligibi-
lis supernaturalisque veritas absque ima-
ginaria visione ostenditur, puta per solam
anagogicam ac intellectualem illuminationem.
Et hic modus excedit rationem pro-
phetiæ proprie dictæ, ut Thomas affir-
mat. Unde hujusmodi modus potius dicitur
tertium genus prophetandi, quam gradus
prophetiæ. In ratione enim prophetiæ quæ-
dam obscuritas includi videtur, sicut in
ratione fidei. Propterea nec prophetia, nec
fides, comprehensoribus seu Beatis in pa-
tria convenit. Sed ad rationem prophetiæ
proprie sumptæ requiritur, ut per ima-
ginariam visionem, tanquam per medium,
mens Prophetæ ad intellectualem notitiam
perducatur. Hoc aliqui asserunt. Ideoque
secundum hos, gradus prophetiæ secun-
dum imaginariam visionem distinguuntur.

III Reg. xxi,
19.

Thom. 2, 2,
q. 174, art.
3.

ARTICULUS II

DE SPECIEBUS PROPHETIE. ET QUOMODO PROPHETIA INFALLIBILITER IMPLEATUR.

SICUT denique gloriosissimus Aposto-
lorum princeps in secunda sua Cano-
nica ait, Non voluntate humana allata est
aliquando prophetia ; sed Spiritu Sancto
inspirati, locuti sunt sancti Dei homines.
Objectum enim prophetiæ est veritas su-
pernaturalis, prout in divina cognitione
consistit, ac naturalem rationem transcen-
dit. Intellectus vero divinus futura ac pro-
phetabilia dupliciter cognoscit, videlicet
secundum se ipsa seu in se ipsis, prout
scilicet sunt fienda a Deo. Secundo cogno-
scit ea in suis immediatis ac propriis cau-
sis, id est secundum ordinem quem ha-

C bent ad eas. Prophetalis autem cognitio,
est quædam expressio seu derivatio a divi-
na scientia fluens, ac Prophetis infusa.

In quantum igitur Deus benedictus et
sanctus cognoscit res primo modo, accipi-
tur prophetia prædestinationis, quæ de ne-
cessitate semper impletur. — In quantum
vero agnoscit res secundo modo, accipitur
prophetia comminationis, quæ non semper
impletur, nisi forte secundum secretam
intelligentiam, ut de subversione Ninive,
et morte Ezechiae. In hac quippe prophe-
tia annuntiatur aliquid secundum ordinem
causæ ad suum effectum. Hic autem ordo,

Jonæ iii, 4.
Is. xxxviii,
1.

Gen. xli,
20.

Jer. i, 13 et
seq.

Zach. 1.
Dan. vii.

II Petr. 1,
21.

aliis ac fortioribus causis supervenientibus, impediri potest, præsertim dum divinæ voluntati, quæ est omnium rerum prima causa, placuerit. Et ideo talis prophetia non semper impletur, sicut nec prophetia promissionis, quemadmodum apud Jeremiam apertissime declaratur. Ibi enim Dominus ait : Repente loquar adversus gentem et regnum, ut eradicem et destruiam illud ; si pœnitentiam egerit gens illa a malo suo, agam et ego pœnitentiam. Et hoc ad prophetiam comminationis clarum est pertinere. De prophetia autem promissionis, mox subditur : Subito loquar de gente et regno, ut ædificem et plantem illud ; si fecerit gens illa malum in oculis meis, agam et ego pœnitentiam super bono quod locutus sum, ut facerem eis. Unde hujusmodi propheticæ annuntiationes semper intelligendæ sunt, nisi aliunde proveniat impedimentum, videlicet ex meritis sive demeritis hominum, aut alia simili causa. Hinc enim dicit Gregorius, quod Deus non mutat consilium, quamvis mutet sententiam. — Est autem et alia species prophetiæ, quæ dicitur prophetia

Jer. xviii, 7, 8.

Ibid. 9, 10.

A præscientiæ, quæ est de rebus, secundum quod Deus prænoscit futura, prout per nostrum arbitrium adimplentur : et ista est bonorum atque malorum.

Quatuor sunt ergo species prophetiæ ; verumtamen Glossa in principio libri Psalmorum, ponit duas dumtaxat species prophetiæ, videlicet præscientiæ et comminationis. Prophetia namque promissionis, sub prophetia comminationis comprehenditur, vel ad eam reducitur. Prophetia quoque prædestinationis, sub prophetia præscientiæ continetur, quia prædestinatio est pars præscientiæ. Dicitur enim præscientia, prænotio tam electorum, quam reproborum. Unde Apostolus interdum utitur nomine præscientiæ, quantum ad bonos, quemadmodum ad Romanos de Deo loquens : Quos, inquit, præseivit et prædestinavit conformes fieri imaginis Filii sui. Sed quoniam electorum prænotio proprium nomen habet, quod est prædestinatio ; ideo præscientia communiter sumitur, quantum ad malos, ita quod præseiti dicuntur mali et reprobi. Dicit etiam Glossa præacta, quod prophetia præscientiæ semper impletur.

Rom. viii, 29.

ARTICULUS III

AN DAVID FUIT EXCELLENTISSIMUS PROPHETARUM.

DIONYSIUS, primo Cœlestis hierarchiæ capitulo, duplicem tangit modum revelationis propheticæ, quæ sanctorum theologorum Prophetarumque mentibus est infusa. Interdum enim per sensibilia signa, demonstrata est veritas supernaturalis ac prophetalis ; quandoque vero per solam mentis elevationem in divina pure contemplata, sine sensibilibus tegumento formarum, et sine imaginariarum similitudine specierum. Prima autem harum revelationum, symbolica dicitur : quoniam symbolum est collatio sensibilibus forma-

rum, ad invisibilium demonstrationem. Secunda vero, anagogica nuncupatur. Anagoge namque est pura mentis ascensio ad divina.

Denique, secundum Augustinum, tribus modis causatur seu fit prophetaliū formarum ostensio. Aliquando enim fit sola imaginaria visio, sine intellectuali revelatione : sicut in Nabuchodonosor, qui vidit statuam grandem ; et in Balthasar filio ejus, qui vidit articulos ; atque in Pharaone, qui vidit septem boves et septem spicas : et horum nullus erat propheta. Ad prophetiam

Dan. ii, 31.

Ibid. v, 5.

Gen. xli, 2-7.

enim exigitur primo alicujus revelandi ostensio: secundo, propositæ veritatis perceptio. Propter quod in Daniele scriptum est: Intelligentia opus est in visione. Et ideo Joseph et Daniel, qui prædictas visiones imaginarias intelligebant et exponebant, Prophetæ fuerunt. Interdum autem in prophetali revelatione simul infunduntur imaginaria visio et intellectualis perceptio: et hoc modo omnes Prophetæ duodecim, quorum libros habemus, prophetaverunt. Interdum vero infunditur prophetia secundum solam intellectualem illustrationem: et hic modus prophetandi est purior atque præstantior. Sic David prophetasse ab omnibus dicitur. Unde Glossa in exordio Psalterii asserit, quod alii Prophetæ per quasdam rerum imagines et integumenta verborum prophetaverunt, videlicet per somnia, et dicta, ac facta: David autem solus Spiritus Sancti instinctu, sine omni exteriori adminiculo, suam edidit prophetiam.

Fit autem prophetia quatuor modis: Primo, per facta, ut arca Noe significavit Ecclesiam, et per sartaginem ferream, inter Ezechielem et Jerusalem positam, designabatur devastatio urbis Jerusalem. Secundo, prophetia fit per verba seu dicta, sicut ad Abraham dictum est: In semine tuo benedicentur omnes tribus terræ. Tercio, per visiones, sicut Moyses vidit rubum ardere, nec tamen consumi. Quarto, per somnium. — Præterea quædam est prophetia de præterito, sicut Moysi prophetica revelatione innotuit creatio mundi. Unde quod ait, In principio creavit Deus cælum et terram, prophetia est. Alia est prophetia de præsentī, sicut dum aliquis Spiritu Sancto revelante cognoscit, quid alius cogitat. Et sic Elisabeth de incarnatione Christi et ejus præsentia prophetavit: Unde (inquiens) hoc mihi, ut veniat Mater Domini mei ad me? Tamen ut dictum est, prophetia proprie dicta, non est nisi de futuro. — Et quia donum prophetiæ pertinet ad gratiam gratis datam, non ad gratiam gratum facientem; ideo per ma-

los etiam, spiritus prophetiæ aliquando loquitur, sicut per Balaam: qui quamvis ariolus et magus ac pessimus fuerit, pulcherrime tamen prophetavit, quemadmodum in libro Numerorum habetur.

Est igitur quæstio, an David sit maximus Prophetarum. Et quod sit ceteris Prophetis, qui imaginarias aut corporales visiones habebant, sublimior, palam est ex præinductis. Sed de hoc maxime est quæstio, an sit major Propheta quam Moyses.

Hanc vero quæstionem S. Thomas inducit; eamque solvendo testatur, quod omnibus consideratis, simpliciterque loquendo, Moyses excellit in dono prophetiæ sanctum David, quamvis vel David, vel alii, quantum ad aliquid, possint excedere Moysen: quia videlicet de Christi mysteriis plenius sunt locuti, ut David; vel quia majora fecerunt miracula, ut Josue, ad cujus præceptum sol et luna steterunt immobiles in cælo unius diei spatio. Quod vero Moyses, absolute loquendo, sit Propheta altissimus, probatur, quia ad prophetiam præcipue spectat visio tam imaginaria, quam intellectualis; item denuntiatio veritatis ostensæ, atque miraculorum ostensio. Moyses autem in omnibus his excellebat. Primo, quoad intellectualem visionem: quoniam secundum Augustinum, in hac vita vidit Deum per essentiam, sicut et Paulus in raptu, ut Augustinus duodecimo super Genesim ad litteram, et in libro de Videndo Deum, fatetur. Unde in libro Numerorum de Moyse dicitur: Palam et non per ænigmata Deum videt. Secundo, Moyses reliquos omnes præcellit, quantum ad imaginariam visionem, quam quasi ad libitum habuit, non solum audiendo et in somno, sed et videndo angelum colloquentem sibi, et vigilando. Et ideo in Exodo dicitur, quod loquebatur ei Dominus, id est angelus Domini, facie ad faciem, sicut loqui solet homo ad amicum suum. Tercio, Moyses excellit quoad denuntiationem, quoniam toti populo loquebatur, proponens ei legem. Quarto, excellit Moyses quoad miraculorum ostensionem, quia multa magna

Num. xxiv, 1 et seq.

Thom. 2, 2, q. 173, art. 4.

Josue x, 12, 13.

II Cor. xii, 2-4.

Num. xii, 8.

Exod. xxxiii, 11.

Gen. vi, 14.

Ezech. iv, 3.

Gen. xxi, 18.

Exod. iii, 2.

Gen. i, 4.

Luc. i, 43.

fecit miracula coram iniquis et populo A
universo.

Sed huic responsioni contradicit Nico-
laus de Lyra, præsertim in hoc, quod Tho-
mas ideo præfert Moysen David in do-
no prophetiæ, quia vidit in præsentī vita
Deum per essentiam, quoniam talis visio
ad prophetiam nil pertinet. Verumtamen
determinatio Thomæ conveniens est. Quam-
vis enim visio ista directe ad prophetiam
non pertinet, tamen eo modo quo miracu-

lorum operatio ad eam pertinere asseri-
tur, ipsa quoque ad eam pertinere cense-
tur. Unde in Deuteronomio scriptum est :
Non surrexit ultra Propheta in Israel sicut
Moyses, quem nosset Dominus facie ad
faciem, in omnibus signis atque portentis
quæ per eum fecit Dominus in terra Ægypti.

Deut. xxxiv,
10, 11.

Quod ergo David dicitur eximius Pro-
phetarum, intelligendum est quantum ad
hoc, quod de Christi mysteriis excellentius
et evidentius prophetavit.

ARTICULUS IV

DE QUADRUPLICI EXPOSITIONE SACRÆ SCRIPTURÆ, ET SEPTEM REGULIS AD INTELLIGENTIAM
SCRIPTURARUM SANCTARUM VALDE UTILIBUS.

TOTA fere sacra Scriptura, seu theolo-
gicalis doctrina, sub quibusdam figuris
ac similitudinibus mirabiliter est velata,
quatenus veritas indignis et pravis homi-
nibus occultetur, studiosis vero ac piis oc-
casio bonæ exercitationis præstetur; et
item, quoniam secundum Dionysium, im-
possibile est aliter nobis innotescere divi-
num radium, nisi varietate sacrorum ve-
laminum anagogice circumvelatum. Unde
Damascenus : Scire, inquit, oportet nos ho-
mines in hac grossa carne existentes, res
divinas et immateriales non posse agno-
scere, nisi quibusdam notis imaginibus et
connaturalibus formis usi fuerimus. Et id-
eo Augustinus ait : Notitia proprietatum
naturalium rerum, reserat nobis sancta-
rum abdita Scripturarum. Hinc ergo con-
tingit, quod sacra Scriptura multis modis
exponitur, eo quod non solum nomina si-
gnificent res, sed etiam res una significet
aliā. Nam res ipsæ comparantur ad pro-
fectum divinum, sicut verba ad profe-
rentem : quoniam ipse dixit, et facta sunt.
Sacratissima igitur theologia non solum
attendit vocum significationes, sed etiam
rerum proprietates.

Ps. cxlviii,
5.

Quatuor itaque modis exponitur sacra
Scriptura : videlicet litteraliter seu histori-
ce, et spiritualiter seu mystice. Sed mysticus
intellectus est triplex, scilicet allegoricus,
tropologicus seu moralis, et anagogicus.
Historia enim docet quid sit factum, al-
legoria quid credendum, tropologia quid
faciendum, anagogia quid sperandum. Hi-
storia autem est rei gestæ narratio. Sensus
vero historicus seu litteralis, est funda-
mentum seu basis intellectuum aliorum :
et ex eo solo valet argumentum ad fidei
probationem, sicut in epistola contra Vin-
centium Donatistam asserit Augustinus.
Denique sensus allegoricus est, quando ex
dicto vel facto alicujus personæ, aliud
quid intelligitur pertinens ad Christum et
corpus ejus mysticum, quod est Ecclesia :
sicut dum ea quæ in veteri Testamento ad
litteram sanctis patribus contigerunt, de
Christo intelliguntur; vel ea quæ ad Syna-
gogam spectabant, ad Ecclesiam referun-
tur. Omnia namque in figura contingebant
illis, et scripta sunt ad nostram eruditio-
nem. Sensus vero tropologicus est, quando
ea quæ de Christo vel de Sanctis scribun-
tur et recitantur, ad nostram moralem in-

I Cor. x, 11.

Rom. xv, 4.

formationem aptantur et exponuntur. Sensus autem anagogicus est, quando ex his quæ temporaliter facta sunt, ad contemplationem æternorum perducuntur; et ea quæ ad militantem Ecclesiam pertinent, ad statum triumphantis Ecclesiæ referuntur.

Horum autem solet poni exemplum in hac dictione, Jerusalem: quod quia commune est et pene omnibus notum, omitto; ponamque exemplum in integra oratione.

*Exod. xvi.
1 et seq.*

Id enim quod de manna scriptum est, secundum litteralem sensum exponitur de cibo illo, quem Deus pluit filiis Israel in deserto. Allegorice vero exponitur de superdignissimo corporis et sanguinis Christi Sacramento. Manna enim figura fuit Sacramenti altaris. Tropologice quoque exponitur de spirituali nutritione, qua Deus quotidie servos suos fideles in præsentis exilio interius alit, consolatur, ac roborat per caritatem et gratiam. Anagogice autem exponitur de felicissima illa refectione Beatorum in patria, ubi ipsa superessentialis Divinitas est Beatorum edulium per beatissimam fruitionem. Unde et scriptum est: Beatus qui manducabit panem in regno Dei. Et iterum: Inebriabuntur ab ubertate domus tuæ, et torrente voluptatis tuæ potabis eos.

Luce xiv. 15.

Ps. xxxv. 9.

Porro septem sunt regulæ, quas Augustinus, Beda et Haymo referunt a Tichonio positas, per quas omnes ambiguitates contrarietatis litteralis explanantur et dissolvuntur. His enim regulis sanctarum Scripturarum series variatur, atque expositio immutatur. — Prima regula est, quod interdum de Christo et corpore ejus mystico fit sermo sub una invariataque voce, et ita fit transitus de uno in aliud, ac si de eodem fieret sermo. Tunc ergo considerandum est, quid uni, et quid alteri congruere possit. Christus namque vicissim in persona membrorum suorum aliquid loquitur, quasi de se ipso, ut ibi: Quare me dereliquisti longe a salute mea? Et iterum: Esurivi, et non dedisti mihi manducare. Et rursus: Saule, Saule, quid me persequeris? — Secunda regula est, quod

Ps. xxi. 2.

Matth. xxv. 42.

Act. ix. 4.

A sancta Scriptura aliquando simul loquitur de corpore Christi mystico quod vere ad Christum pertinet, et corpore mystico quod solo nomine ad ipsum spectat, ut sunt reprobi: sicut dum dicitur, Quum occideret eos, quærebant eum, et revertebantur, et diluculo veniebant ad eum. In tali enim locutione videtur Scriptura de eisdem loqui, quum tamen de diversis loquatur. Nam alii occidebantur, et alii quærentes Deum, revertebantur. — Tertia regula est, quod sacra Scriptura interdum sub eadem voce, aliquid pro suo tempore faciendum litteraliter indicat, et Spiritus nobis ex hoc alia suo tempore facienda insinuat: sicut in præceptis caerimonialibus veteris legis, quæ modo ad litteram mortifera essent, sed tempore legis utiliter observari volebant. Unde Apostolus: Littera, inquit, occidit, spiritus autem vivificat. — Quarta regula est, quod divina Scriptura nonnunquam quasi sub eadem voce ac pari sententia, transit de genere ad speciem, de toto ad partem, et e converso: talisque modus loquendi, in Prophetis est maxime generalis, ut quando sub comminatione unius gentis seu regni, intendunt Prophetæ prædicere ea quæ omnibus generaliter sunt futura. Sicut dum Isaias de Babylone et Tyro vaticinatur, intendit similia esse ventura omnibus eadem mala agentibus in communi. Unde et Christus in Evangelio ait: Quod vobis dico, omnibus dico. — Quinta regula est, quum totum per partem, vel partem per totum Scriptura designat, sicut de triduo dominicæ sepulturæ. Tales modi loquendi, per synechocchen excusantur. Ad hunc autem modum referuntur omnes numerorum ac temporum defectus atque excessus: sicut dum ponitur præteritum pro futuro, vel aliquid minus de integro numero: tunc namque quod modicum est, pro nihilo reputatur. — Sexta regula est de recapitulatione et anticipatione, ut quum Scriptura redit ad ea quæ præterierat, quatenus aliquid addat, vel convenientius recitet: quemadmodum in Genesi postquam commemoravit Scriptu-

Ps. lxxvii.

36.

II Cor. iii. 6.

Marc. xiii.

37.

Gen. xi, 1, 6. ra filios Noe divisos per linguas et gentes, postmodum subdit, Et erat populus unus et labium unum : quod utique ante divisionem prædictum fuit. Simili modo, quod postea factum est, per anticipationem aliquando antea narratur. Talia ergo per hanc regulam verificantur et excusantur.—Septima regula est, de diabolo et corpore ejus, sicut dum ea quæ dæmonis sunt, reprobis adscribuntur, vel vice versa : ut in Isaia

A offendimus, quod sub persona regis Babylonis, fit sermo de Lucifero, qui caput est omnium malorum. Unde sic legitur : Quomodo cecidisti, Lucifer, qui mane oriebaris? Similiter in Ezechiele, sub persona regis Tyri, fit sermo de casu diaboli. Et Christus in Evangelio de Juda proditore dixit : Unus ex vobis diabolus est.

Hæc autem memoriter retinenda sunt, propter intelligentiam futurorum.

Is. xiv, 4
et seq.

Ibid. 12.

Ezech.
xxviii, 12 et
seq.

Joann. vi,
71.

ARTICULUS V

DE TITULO ET AUCTORE, AC VARIA TRANSLATIONE LIBRI PSALMORUM.

NUNC de titulo libri Psalmorum videndum est. Est igitur titulus talis : *Incipit liber Hymnorum, seu Soliloquiorum Prophetæ de Christo*. Hic titulus a catholicis doctoribus diversimode valde exponitur. Id tamen in quo omnes concordant, primo tangendum est. Dicitur igitur liber iste, liber Hymnorum, quoniam hymnus est laus Dei cum cantico. Canticum vero est exultatio mentis de bonis æternis concepta, in vocem prorumpens. Quoniam itaque liber iste docet nos Deum laudare cum exultatione habita de æternis non solum corde, sed etiam voce, ideirco congrue dicitur liber Hymnorum. Sunt vero hi hymni in Hebræo metrice scripti : quod in translatione servari difficile fuisset.—Additur autem in titulo : *Seu Soliloquiorum* : et hoc ideo, quoniam David ex sola Spiritus Sancti inspiratione, ac intellectuali revelatione, sine omni exteriori adminiculo, psalmos edidit ; sicque inter ipsum et Spiritum Sanctum, quasi quoddam soliloquium fuisse videtur. Vel ideo, quoniam liber iste de solo Christo principaliter tractat et loquitur. Vel ideo, quia devota mens psalmos decantando, cum Deo quoddam soliloquium habet : quod utique tanto suavius, affectuosius, ardentius, atque

B sincerius est, quanto anima virtutem ac sensum psalmorum profundius clariusque cognoscit et sapit. — Sequitur autem in titulo : *Prophetæ*. Omnes namque concordant in hoc, quod universi psalmi ex divina inspiratione conscripti sunt ab aliquo Prophetarum. Sed an ab uno dumtaxat, vel certe a pluribus, de hoc varia exstat opinio, sicut infra patebit. — Sequitur quoque in titulo : *De Christo*. Ecce materia seu subjectum libri Psalmorum. Est enim de Christo, non utique de sola Christi persona, sed de toto Christo, hoc est de ipso et ad eum pertinentibus, nempe de Sponso et Sponsa, seu capite et mystico corpore. Interdum enim agit de capite, id est de ipso Christo secundum se ; interdum de corpore ejus, id est Ecclesia. Interdum vero agit de Christo secundum utrumque. Denique, de Christo secundum se agit tripliciter. Primo secundum ejus divinitatem, ut ibi : Ego hodie genui te. Secundo, quoad ejus humanitatem, ut ibi : Ego sum vermis. Tertio transumptive, sicut dum Christus utitur voce membrorum, ut ibi : Deus, tu scis insipientiam meam.

Nunc considerandum est, in quo doctores dissentiant exponendo titulum istum.

Ps. ii, 7.

Ps. xxi, 7.

Ps. lxxviii, 6.

Primo ergo discordant in hoc quod dicitur, Incipit liber. Quidam enim dicunt quinque esse libros Psalmorum, propter quinque distinctiones quæ fiunt in libro isto per Fiat, fiat. Alii autem asserunt unum tantummodo esse librum, quoniam postea dicitur, In capite libri scriptum est de me. Et in Actibus Apostolorum dicitur, Sicut scriptum est in libro Psalmorum. Non dicitur, In libris; sed, In libro. Verumtamen videtur, salvo meliori iudicio, quod utraque positio posset verificari, ut videlicet dicatur unus liber totalis, et plures libri partiales, quemadmodum et liber Regum unus vocatur, qui tamen in quatuor libros partitur. Liber quoque duodecim Prophetarum dicitur unus, quem constat dividi posse in duodecim libros partiales, præsertim quum Nahum propheta, cujus vaticinium pene brevissimum est, in prophetiæ suæ exordio dicat, Liber visionis Nahum.

Secundo discordant circa hoc quod dicitur, Prophetæ, videlicet in auctore psalmorum. Quidam enim affirmant omnes psalmos a David compositos, nempe Augustinus, Cassiodorus, Glossator, et alii multi. Alii vero contra tenent oppositum, puta Hieronymus, Hilarius, Chrysostomus, quos sequitur Nicolaus de Lyra, asserentes Hebræorum doctores affirmare multos esse auctores psalmorum. Quid autem horum sit verius, certitudinaliter discernere nequeo.

Verumtamen sicut Gregorius primo libro Moralium super Job, supervacuum esse testatur multum inquirere quis fuerit auctor libri Job, quando certissimum est librum ipsum a Spiritu Sancto, sicut a principali auctore editum; sic etiam modo videtur supervacuum curiose scrutari, aut multum contendere, an solus David ediderit psalmos, quum utique planum sit omnes psalmos revelatione Spiritus Sancti esse conscriptos. Nihilo minus probabilius veriusque opinor, a solo David librum Psalmorum esse compositum. Alias namque verum non appareret, omnes psalmos

A ex anagogica Spiritus Sancti revelatione, id est sine omni exteriori adminiculo imaginariarum formarum, et corporalium specierum sensibilibusque signorum, fuisse revelatos ac editos. Vel certe David dici non poterit eximius Prophetarum, tanquam qui solus anagogica et non symbolica revelatione prophetavit. Præterea, quæ a Deo sunt, ordinata sunt. Quum ergo, ut pene omnes concorditer adstruunt, Esdras Spiritu Sancto revelante ac disponente, psalmos reparaverit, ac in unum collegerit, non videtur quod tam diversorum auctorum seu Prophetarum psalmos tam confuse misceret, ac inordinate disponderet, nunc unius, nuncque alterius psalmum describens: quasi liber iste esset rapiarius quidam, sive quoddam ex dictis diversorum collectum. Et mirum videtur, cur psalmos David non redegerit in librum specialem, quum certum sit, majorem partem psalmorum ab ipso compositam, præsertim quum in reparatione aliorum Prophetarum, talem formam servaverit. Quamvis enim duodecim Prophetarum vaticinia in unum collegerit librum, singulorum tamen scripta seorsum posuit, cuilibetque Prophetæ specialem ac partialem deputans librum, non obstante quod nonnulli eorum in materia multum concordent, et aliqui valde breves sint. Attamen, si non solus David edidit psalmos, tunc utique ista commixtio psalmorum non est inordinata dicenda, neque confusa, sed ex certa ratione facta: quam quia invenire non valeo, id quod modo dixi, probabilius puto, quamvis nihil determinative affirmo.

Advertendum autem est, quod S. Hieronymus ter transtulit librum Psalmorum. Primo, secundum Septuaginta interpretes: quod appellatur Psalterium Romanum, quoniam Ecclesia sancti Petri utitur eo. Secundo, ad instantiam Paulæ et Eustochii fecit aliam translationem, non multum a prima differentem, licet Hebraico magis vicinam: et dicitur Psalterium Gallicanum, quia Damasus Papa ad preces

Ps. xxxix.

Act. i. 20.

Rom. xiii. 1.

Hieronymi fecit illud in ecclesiis Gallicanis cantari; et ista translatio apud Latinos communior est. Tertio, transtulit librum hunc pure juxta Hebraicum, ad instantiam cujusdam sancti episcopi nomine Sophronii, qui cum Judæis frequenter disputabat. Unde indiguit textu per omnia simili

A Psalterio, quod in Hebræo habetur: nam illud solum a Judæis recipitur.

Intentio vero libri Psalmorum est, Christi mysteria pandere, sicque genus humanum in veteri Adam lapsum ac deformatum, in novo homine Christo erigere, reformare, ac beatificare.

ARTICULUS VI

DE VIRTUTE PSALMORUM, ET DE MODO ORANDI ATQUE PSALLENDI.

QUONIAM igitur psalmodia est quodam soliloquium Spiritus Sancti cum pia devotaque anima, constat neminem posse virtutem psalmorum vere et experimentaliter cognoscere, nisi eum qui puro et stabilito ac libero animo, sacratissima psalmorum verba decantat, munda ac fixa mente Deo intendens, sensumque verborum cum ingenti attentione advertens, et velut ex proprio affectu ea formans atque pronuntians. Hoc enim (ut ait Basilius) est psallere sapienter, quatenus cum intellectuali dulcedine et interno sapore verba Spiritus Sancti promamus, cum omni reverentia et cordis custodia nosmetipsos ante Dei conspectum, qui vere ubilibet præsens est, statuendo, ac recolendo quod scriptum est: Meditatio cordis mei in conspectu tuo semper. Et iterum: Vivit Dominus, in cujus conspectu sto hodie. Illud quoque Jeremiæ: Maledictus homo qui facit opus Dei negligenter. Nam Spiritus Sanctus qui est ignis innocue ardens, ac ardentissima caritas, affectuosissima verba in psalmis deprompsit, omnique generi hominum convenientes sermones descripsit: nunc ea proponens quæ perfectos respiciunt, et ex magno caritatis fervore canenda sunt; nunc vero proponens quæ pœnitentes et imperfectos concernunt. Imo omni virtuoso affectui apta cantica exhibet. Interdum enim proponit quæ in persona Christi dicenda sunt, interdum quæ

B in persona Ecclesiæ, interdum quæ in persona peccatoris ac pœnitentis, interdum quæ in persona efficaciter proficientis, interdum quæ in persona perfecti et fervide diligentis, interdum quæ in persona justi et cum Deo æquitatem zelantis, interdum quæ in persona gratias agentis. Unde qui psalmos cum perfecta devotione cantare seu legere cupit, necessario indiget ut suum affectum sensui psalmorum conformet, omniumque prædictarum personarum similitudinem sibi assumat, prout C psalmorum sententia exigit. Ait namque Dionysius tertio Cœlestis hierarchiæ capitulo, quod psalmi per modum divinæ laudis, includunt et continent quidquid sacra Pagina comprehendit.

Idcirco verissime dictum est, quod nullus mortalium potest vel mente concipere, vel verbis exprimere virtutem psalmorum. Omnium enim vitiorum eradicationem, omnium virtutum adeptionem, omnisque perfectionis plenitudinem docent; fidem illuminant, spem roborant, caritatem inflammant, humilitatem instruunt, mansuetudinem specialissime commendant, patientiam ceterasque virtutes erudiunt, mentem devote psallentis vehementer oblectant, omnem vitiosam sæculique tristitiam auferunt. Et qui in continua psalmorum decantatione lætatur, cœliformem atque angelicam vitam in hoc sæculo nequam ducit, carnales delectationes fasti-

Ps. XVIII.
45.
III Reg.
xviii, 1; IV
Reg. iii, 14.
Jer. XLVIII.
40.

dit, vanos et infructuosos sermones, sæculares rumores ac temporis amissionem vehementer abhorret, ab humano colloquio separari satagit, cum Deo sermoeinari conatur, omniumque gratiarum splendore incessabiliter adornatur. Insuper in psalmis ignitissimæ et affectuosissimæ orationes continentur, et jucundissima gratiarum actio, humillima peccatorum confessio, excellentissima Dei laudatio, omnis boni commendatio, omnis mali detestatio, et præclara ac sublimissima ad Deum mentis erectio. In psalmis quoque descripta sunt impiorum tormenta, electorum merces et gaudia, incipientium rudimenta, proficientium progressio, perfectorum plenitudo, vita activorum, speculatio contemplativorum.

De modo autem psallendi quid aptius potest doceri, quam quod devotissimus atque dulcissimus ille Bernardus inducit? Moneo, inquiens, vos, dilectissimi fratres, strenue laudibus interesse divinis, ut sicut reverenter, ita et alacriter Domino adsiatis, non pigri, non somnolenti, non oscitantes, non parcentes vocibus, non verba dimidia præscindentes, non integra transilientes, non fractis et remissis vocibus muliebre quiddam balbe de naribus resonantes; sed virili, ut dignum est, sono atque affectu voces Sancti Spiritus depromentes, nec aliud quam quod canitur cogitantes. Spiritus enim Sanctus gratum non habet, quidquid ei obtuleris, neglecto eo ad quod teneris. Nempe, ut ait Basilius, Deus orandus est atque laudandus, non vaga et huc illucque discurrente anima; sed in spiritu sollicito ac timorato adorare oportet, et ante orationem animam præparare, varias et impertinentes occupationes abjiciendo, ac aliquid salutare interioribus imprimendo, et magno serio inchoando, ne modicus error in principio, augeatur in prosecutione, magnusque fiat in fine.

Sed sic orare et psallere, multa requirit, et sanctam conversationem efflagitat, quatenus homo ante orationem ita se habeat, ut possit per gratiam Dei in ipsa oratione ac laudis tempore, stabili mentis intuitu

atque ardenti affectu Deo intendere, ac sensum perpendere, divinorum eloquiorum virtutem gustare. Omnino enim oportet aggravantem vitare tristitiam, solventem odio habere lætitiā, inordinatum timorem, immoderatam sollicitudinem, omnemque irrefrenatam concupiscentiam, et irrationabilem animæ passionem expellere: et quanto poterimus animam nostram ab omnium inferiorum virium operationibus magis suspendere, et a sensibilibus memoria et amore magis abstrahere; tanto poterimus divinis præconiis sanctisque precibus, affectuosius, dulcius atque salubrius intendere ac vacare. Spiritus enim est Deus, et eos qui adorant eum, in spiritu oportet adorare.

Denique in cantu omnis curiositas, omnis dissolutio, omnis discordia, summe vitandæ sunt; et summopere satagendum, ne alicui placere intendamus, nisi Altissimo, in eo dumtaxat spiritualiter gloriantes, ab eo solo videri, audiri, ac præmiari optantes, sensui verborum semper et Deo magis quam cantui et modo cantandi intendentes, illud dictum B. Augustini pensando: Dum mihi contingit, ut me cantus magis quam res quæ canitur, moveat, poena committere digna me profiteor, et tunc mallet non audire cantantem. Conemur ergo, ut id in mente nostra versetur, quod ore profertur. Et si quispiam tantæ scientiæ non est, ut Scripturas sanctas intelligat, et proinde psalmodiæ sensum mente considerare nequeat; vel certe si id quod canitur, quantum ad superficiem atque historicum sensum, tale sit, ut nullam vel modicam videatur devotionem includere, cujusmodi est illud, Etenim passer invenit sibi domum, et turtur nidum sibi, ubi ponat pullos suos: tunc studere debemus, ut mentem nostram cum cordiali affectu ad Deum levemus, pensantes nos ante Dei conspectum adstare, et summo universorum Dominatori ac Judici ministrare. Sicque divinam majestatem aut aliud aliquid divinum considerantes, poterimus cum magna devotione Deo adstare.

Super Cantica, scilicet, 47.

Eccl. xxi, 23.

Joann. iv, 24.

Ps. lxxxiii, 4.

ARTICULUS VII

DE INTENTIONE ET FORMA PROCEDENDI PRÆSENTIS EDITIONIS.

QUAMVIS autem sacra Scriptura jam a sanctis et magnis ac orthodoxis doctoribus plenissime videatur exposita, præsertim liber Psalmorum, nullusque possit David perfecte exponere, nisi Spiritus Sanctus qui per David locutus est animam ejus copiose illustraverit, docuerit atque perfecit; nihilo minus in Dei bonitate vehementer confidens, conabor quod proprias vires prorsus excedit, nempe ipsum Psalterium utcumque elucidare, spe præmii quod Sapientia pollicetur, dicens : Qui elucidant me, vitam æternam habebunt. Et iterum : Qui multos erudiunt ad justitiam, fulgebunt quasi stellæ in perpetuas æternitates. Quod de iis intelligere congruit, quorum vita seu conversatio doctrinæ concordat. Peccatori autem dixit Deus : Quare tu enarras justitias meas? Imo sicut B. Thomas super quartum Sententiarum ostendit, qui non implet quod alios docet, eo ipso quo sibi docendi onus assumit, mortaliter peccat : quoniam quantum in se est, intentionem sacræ Scripturæ evacuat. Porro cujus vita ad docendum idonea est, profecto aureolam promeretur, etiam si nunquam ore populo prædicet, sed sacram Scripturam exponendo, seu de theologia codices componendo, universis qui eos legerint, ad eruditionem loquatur.

Sed ne quis opus istud omnino superfluum putet, intendo speciali quodam modo librum Psalmorum exponere : sic tamen speciali, ut dictis Sanctorum concordet, nec proprio sensui credam. Intendo ergo Psalterium secundum multiplicem intellectum, prout Dominus dederit, explanare : videlicet litteraliter, allegorice, tropologice et anagogice, quantum textus ipse permittit, et mihi possibile fuerit, ejusdem litteræ nunc plures, nunc pauciores expositiones tangendo, prout materia exigit. Postremo, quemadmodum a Superioribus meis mihi injunctum est, propono stili colorem, loquendi difficultatem, et impertinentes subtilitates vitare, et plano ac simplici modo procedere.

Quod ut digne ac fructuose exsequi possim, ad superbenedictæ et supergloriosissimæ Trinitatis honorem, omniumque legentium ac audientium utilitatem, totis præcordiis oro et invoco benignitatem Spiritus Sancti copiosam et incessantem : quia sicut in libro Job habetur, Spiritus est in hominibus, et inspiratio Omnipotentis dat intelligentiam. Nam de Spiritu Sancto loquens Christus discipulis : Paracletus, ait, Spiritus Sanctus, quem mittet Pater in nomine meo, ille vos docebit omnia, et suggeret vobis omnia quæcumque dixerō vobis.

Ecclesi. xxiv, 31.
Dan. xii, 3.

Ps. xlix, 16.

Dist. 19, q. 2, art. 2.

Job xxxii, 8.

Joann. xiv, 26.

NOTA HUIUS EDITIONIS AD ART. VIII ET SEQ. : Numeri versiculorum textu inclusi, in editionibus Coloniae reperiuntur ; qui autem in marginibus ad lectoris utilitatem adduntur, Vulgatæ editionis sunt.

ARTICULUS VIII

DE PRIMA (VIDELICET LITTERALI) EXPOSITIONE PSALMI PRIMI : BEATUS VIR QUI NON ABIIT.

Prefatio
Auctoris de
ratione ti-
tuli.

ESDRAS, scriba velox, qui et propheticus spiritu fulsit, libros canonicos veteris Testamenti a Babyloniis combustos, Spiritu Sancto revelante, dicitur reparasse, præter Pentateuchum, id est quinque libros Moysis, quos apud Samaritanos invenit. Ipse ergo Psalterium reparavit, et hunc primum psalmum per modum præfationis seu prologi, libro Psalmorum præmisit, sicut vulgariter dicitur. Unde nec psalmo huic titulum præsignavit, quum psalmus iste sit quasi titulus libri sequentis : quoniam continet summam atque materiam totius libri, tractatque de his in generali, de quibus in toto hoc libro tractatur in speciali.

4

DENIQUE psalmus iste ad litteram de quolibet homine virtuoso intelligi potest. Et quæ sequuntur de impiis et de vanitate atque tormentis ipsorum, de omnibus malis possunt exponi. Ait ergo auctor præsentis psalmi : (1) *Beatus vir qui non abiit in consilio impiorum*. Consilium est actus prudentiæ. Sed sicut prudentia duplex est, scilicet vera et falsa ; ita consilium, aliud verum, aliud falsum. Verum consilium ad eos pertinet, qui diligenter inquirunt quibus viis ac mediis ad veram felicitatem pertingant. Falsum vero consilium horum est, qui vias excogitant quibus desideratam malitiam ad effectum perducant. Itaque ait : Beatus vir qui non abiit in consilio impiorum. Dupliciter aliquis abit in consilio impiorum : primo, aliis malum consilium dando ; secundo, perverso consilio consentiendo seu acquiescendo. Igitur, Beatus vir qui non abiit, id est, a Deo non recessit, in consilio impiorum, per hoc quod aliis male ac false consuluit, vel aliorum fallaci consilio acquievit. Qui enim

aliis male consulit, causa et princeps est omnium malorum quæ ex suo perverso consilio fiunt. Abit autem homo seu recedit a Deo in consilio impiorum : non loco, quoniam Deus ubique est, et omnia penetrat, omnibusque æque immediatus est, secundum Dionysium ; sed dissimilitudine, quoniam per consilium impiorum facit se homo dissimilem Deo, qui justus est, et iniqua consilia odit, gratiamque abeunti in consilio impiorum aufert, et pietatis suæ præsentiam nobis subtrahit.

B Per nihil enim abimus a Deo, nisi per id quo separamur et elongamur ab ipso. Nil vero separat nos a Domino Deo nostro, nisi vitia nostra, quemadmodum Isaïas testatur : Peccata, inquit, vestra diviserunt inter Deum vestrum et vos. Nihil quoque unit ac retinet nos in Deo, nisi virtutes, quarum est peccata auferre. Et ideo Isaïas iterum ait : Hic est omnis fructus, ut deleatur iniquitas. Is. lxx, 2.

Denique, quid est dicere, Beatus vir qui non abiit in consilio impiorum, nisi, Beatus vir qui permansit in consilio piorum, tam aliis recte consulendo, quam aliorum recto consilio consentiendo ? Ideo enim in Proverbiis Salomon ait : Salus, ubi multa consilia. Et Tobias filium instruens : Consilium, inquit, semper a sapiente require. Præterea, quid aliud est, Beatus vir qui non abiit in consilio impiorum, nisi, Infelix seu miser, qui abiit in consilio impiorum, vel male consulendo, vel male consulenti se conformando ? Hinc namque sacratissimus Isaïas ex Dei persona fatur : Væ, filii desertores, ut faceretis consilium, et non ex me ; et ordiremini telam, et non per Spiritum meum. Ibid. xxvii, 9.

Est autem homo beatus dupliciter, sci-

Prov. xi, 14.
Tob. iv, 19.

Is. xxx, 1.

licet in spe, et in re. In spe vero est aliquis beatus dupliciter : primo, secundum dispositionem remotam seu potentialem, quem admodum pueros bonæ indolis appellamus beatos ; secundo, quantum ad dispositionem propinquam ac habitualement, sicut ait

Matth. x. Salvator : Beati mundo corde, quoniam ipsi Deum videbunt. Porro in re beatus est, qui Deo perfecte jam fruitur. Beatitudo ergo in spe, viatoribus competit, et de ea nunc loquimur.

Per id quoque quod ait, Beatus vir, non existimemus mulierem exclusam. Vir namque hoc loco vocatur, non a proprietate sexus, sed ratione virtutis : qui nec prosperis elevatur, nec adversis deprimitur ; qui non est sicut arundo vento agitata, sed fixus in Domino, regia via incedit : qualis exstitit nobilis ille Josue, qui non declinavit a dextris vel sinistris a lege Moysis. Sed hoc modo existere virum, feminis etiam competit, illis utique quæ tales sunt.

Prov. xx. qualis est illa de qua Salomon ait : Mulierem fortem quis inveniet ? Et iterum : *Ibid. 17.* Accinxit fortitudine lumbos suos. Annon hoc

modo vir dici valet Virgo mater, de qua Dominus ad diabolum sub appellatione serpentis dixit, Inimicitias ponam inter te et mulierem, ipsa conteret caput tuum ? Et hanc utique virilem Mulierem quædam viriles feminae præcesserunt figurative : sicut sanctissima illa Esther, quæ in omni regali suo decore atque incomparabili excellentia temporali, nunquam lætata est ; fortissima quoque illa Judith, quæ crudelissimum Holofernem tam viriliter interfecit.

Ex. i. Ex malo consilio oritur operatio prava. Operatio autem via vocatur, quia per eam ad terminum pervenitur. Nam operatio bona ducit ad jucunditatem æternam, et operatio mala, ad sempiternam miseriam. Beatus ergo, qui in via peccatorum non stetit : qui in operatione iniqua non permansit, nec male agentibus acquievit ; qui non gloriatur quum male fecerit, neque exultat in rebus pessimis. De hac via ait Salo-

mon : Est via quæ videtur homini bona : *Prov. xiv.* et novissima ejus deducunt ad mortem. Et ^{12.} rursus : Via impiorum tenebrosa : nesciunt *Ibid. iv, 19.* ubi corruant. Quo contra de viis Domini scriptum est : Viæ ejus, viæ pulchræ : et *Ibid. iii, 17.* omnes semitæ ejus pacificæ.

Ex. i. Pestilentia est morbus infectivus. Cathedra vero est sedes doctoris vel judicis. Unde in cathedra pestilentia sedere, est alios falsa doctrina, aut malo exemplo corrumpere vel scandalizare, et fratribus offendiculum ponere. Quod quam damnable sit, Salvator manifestat : Qui scandalizaverit, *Matth. xviii.* inquit, unum ex his pusillis, expedit ^{6.} ei ut suspendatur mola asinaria in collo ejus, et demergatur in profundum maris. Et iterum : Væ homini per quem scandalum venit. Unde et Apostolus : Non ergo judicemus amplius ; sed hoc judicate potius, ne ponatis offendiculum fratribus vel scandalum. Ille utique, qui nec dicto nec facto aliis occasionem peccandi præbet, in cathedra pestilentia non sedet, et talis merito vocatur beatus.

Triplex autem peccatum in hoc primo versu tangitur, et vitandum docetur, videlicet peccatum iniquæ cogitationis, peccatum injustæ actionis, et peccatum perverse instructionis. Primo quoque peccato adjungitur hoc verbum, Abiit, quod motum designat. Secundo vero adjungitur, Stetit : et tertio, Sedit : quæ ambo quietem designant. Sed major est quies seu fixio in sedente, quam stante : quoniam qui sola cogitatione peccat, faciliter revocatur : qui vero ad opus procedit, difficilior

redit : sed qui jam habituatur in malo, et alios inficit, difficillime emendatur. Denique, quia non sufficit mala non facere, sed oportet etiam bona peragere, sicut Salvator testatur, dicens, Omnis arbor quæ non facit fructum bonum, excidetur, et in ignem mittetur ; propterea in versu sequenti ostendit, quid boni pertineat ad virum beatum, prædicta mala vitantem. Ait ergo : ^{2.} Sed *Ex. i.* *Matth. iii.* id est, desiderium cordis ejus et tota men-

Matth. iii.
10; vii, 19.

tis suae affectio tendit ad hoc, ut legem Dei adimpleat, et secundum altissimam Dei voluntatem, omnem suam conversationem gubernet. Debemus enim divinis mandatis sponte et prompte, non coacte aut pigre, obtemperare, et ex filiali amore potius quam ex servili timore, cuncta implere, ut dicere Deo possimus : Domine,

Ps. XXXIII,
10.

Rom. XII, 2.

Ibid. XIII,
15.

I Par.
XXVIII, 9.

Rom. XII, 1.

ante te omne desiderium meum. Hoc namque hortatur Paulus, dicens : Probetis quae sit voluntas Dei bona, beneplacens, et perfecta. Et iterum : Non accepistis spiritum servitutis iterum in timore, sed accepistis spiritum adoptionis filiorum, in quo clamamus, Abba (Pater). Hinc quoque David dixit : Tu autem, fili mi, scito Deum patris tui, et servi ei corde perfecto et animo voluntario. Sed quia voluntas de se caeca est, et amoris impetum, affectionisque impulsus sequi solet, ideo ratio- nis directione indiget, quatenus rationale obsequium Deo exhibeat.

Talem ergo rationis directionem ac discussionem ad virum beatum pertinere, consequenter declaratur, dum subditur : *C et in lege ejus meditabitur die ac nocte* : examinando quid Deo complacet, quid ei displiceat, quid praecipit, quid prohibuit, qualiter homo compendiosius proficere possit, quanta beneficia Deus hominibus praestitit, quanta bona in futuro promisit, quanta est caecitas ingratorum, quanta tormenta reproborum. Ista atque similia fideliter contemplari, est in lege Domini meditari.

Sed quomodo hoc modo potest homo meditari in lege Domini die ac nocte? Nonne vicissim dormire, ac aliis necessitatibus hujus miserabilis vitae vacare oportet? Et respondendum, quod homo justus in lege Domini meditari debet die ac nocte, non quod quolibet horae spatio, singulisque momentis, possit actuale habere divinae legis memoriam, vel incessabiliter speculari divina; sed quia quolibet tempore debito ac opportuno facit hoc. Sic quippe semper dicitur aliquis aliquid facere, quoniam nunquam negligit id facere

quando debet : quemadmodum dicimus, Iste semper scribit, Iste semper frequentat ecclesiam. Secundum hunc sensum dicit Apostolus : Sine intermissione orate. Et Moyses : Erunt verba Domini in corde tuo, et narrabis ea filiis tuis; meditaberis in eis sedens in domo tua, et ambulans in itinere, et dormiens atque consurgens. Ali- ter etiam dici potest, quod aliquis dicitur orare et meditari dupliciter : primo, quoniam actus tales exercet; secundo, quia secundum actus tales operatur et vivit : B sicque incessanter die ac nocte in lege Domini meditatur et orat, qui totam vitam suam secundum tenorem praeceptorum divinae legis gubernat, quemadmodum docet Apostolus : Omne, inquit, quodcumque facitis in verbo aut opere, omnia in nomine Domini Jesu Christi facite.

Porro, quia connaturale est nobis, ut ex similitudine sensibilibus rerum ad spiri- tualium rerum notitiam perducamur, idcirco in versu sequenti comparat Scriptura sacra justitiam viri beati ligno juxta aquas plantato. Vel comparat virum beatum ac justum ligno hujusmodi, ratione justitiae, ita quod virtus justitiae quae est spirituale bonum, est causa formalis comparisonis istius. Ideo subditur : (5) *Et erit tanquam lignum quod plantatum est secus decursus aquarum, quod fructum suum dabit in tempore suo.* Lignum juxta decursus aquarum seu aquas fluentes plantatum, conveni- enti tempore floret, et fructum producit, quoniam radix ejus ex fluentibus aquis attrahit alimentum, videlicet humorem. Unde in Evangelio Christus dicit, quod se- Luc. VIII, 6.

4 *Et propterea folium ejus non defluet* : id est, sermo ejus a rectitudine legis divinae non cadit, quoniam implet illud

I Thess. V,
17.
Deut. XI, 19,
7.

Coloss. III,
17.

Rom. I, 20.

3

Ps. LXXXIII,
8.

Coloss. iv, 6. Apostoli : Sermo vester semper in gratia sale sit conditus, id est discretionem or-natus. Non enim est proeox ad loquen-dum, sed moderatur labia sua. *Et omnia quaecumque faciet, prosperabuntur.* Sci-mus enim (teste Apostolo) quoniam di-ligentibus Deum, omnia cooperantur in bonum. Omnia itaque quæ faciet homo, prædicto modo beatus ac justus, prospera-buntur, id est, omnes operationes suæ pro-ficient sibi ad veram beatitudinem, seu vitam æternam. Nam et mala quæ fortasse committit, occasionaliter cooperantur sibi in bonum, eo quod cautior surgat, custo-ditior fiat, humilior pœniteat, imo et ar-dentius diligit : quoniam teste Salvatore,

Luc. vii, 17. Cui plus dimittitur, plus diligit. Propter

Rom. v, 20. quod et Apostolus ait : Ubi abundavit delictum, superabundat et gratia. Ideo etiam de viro electo inferius dicitur : Quum ce-ciderit, non collidetur, quia Dominus sup-ponit manum suam.

Ps. xxxvi, 24.

Considerandum vero, quod sermo com-paratus est folio, et operatio fructui. Sicut enim floritio arboris inutilis est et inanis, quando fructus nullus subsequitur ; sic pulcher sermo atque magna seu decora verborum prolatio vana est, dum vita ver-bis non consonat. Ideo enim Dominus ma-ledixit ficulneæ folia habenti, non fructus.

Marc. vi, 13, 14. Consequenter in isto psalmo agitur de vanitate impiorum, et differentia eorum a justis, dum subditur : (5) *Non sic impii, non sic* : id est, ita non erit de impiis sicut de justis prædictum est. Nam non pos-sunt comparari ligno juxta decursus aqua-rum plantato, sed arido ligno et sterili palmiti, membroque a capite separato. Non enim habent radicem cordis fixam in Deo, nec Christo per gratiam uniuntur, nec sta-bili fundamento innituntur : propterea pul-veri comparantur, sicut subjungitur. *Sed tanquam pulvis quem projicit ventus a facie terræ* : id est, tales sunt impii sicut pulvis a vento jactatus. Sicut enim pul-vis omni vento circumfertur, sic impii va-riis passionibus commoventur, et a recta ratione discedunt ; nec Deo stabili mente

adhærent, sed propter amorem rerum tem-poralium a divina dilectione recedunt, cre-aturas Creatori præponentes. Quid vero ex hoc consequatur, sequens versus explanat.

(6) *Ideo non resurgunt impii in judicio.*

Hoc dupliciter intelligi potest : Primo, de judicio discretionis, quo quotidie homines justi et vere pœnitentes se ipsos exami-nant, et conscientias suas discernunt, at-que omne vitiosum quod in se inveniunt, dijudicant, reprobant, damnant, deflent, et vindicant, sicut scriptum est : Scrutemur

B vias nostras, et quæramus, et revertamur ad Dominum ; levemus corda nostra cum manibus ad Deum in cœlos. De hoc salu-bri judicio ait Apostolus : Quod si nosmet-ipsos dijudicaremus, non utique judicare-mur. Hoc modo judicantes se ipsos, adversa æquanimiter ferunt, illud dicentes : Et nos

ergo non ulciscamur nos pro his quæ pa-timur ; sed reputantes peccatis nostris hæc ipsa supplicia minora esse, flagella Domini (quasi servi qui corripimur) ad emendati-onem nostram evenisse credamus. Secun-

C do, intelligitur de futuro extremo judicio, in quo impii non resurgent, quantum ad beatam immortalitatem atque felicem im-mutationem, sed quantum ad damnationem majorem. Omnes enim (ut ait Apostolus) resurgemus, sed non omnes immutabimur.

Sed prima expositio magis concordat ver-bis sequentibus. Additur enim : *neque pec-catores in consilio justorum.* Consilium ju-storum est, ut præterita mala corrigant et deplangant, atque de cetero ad cavendum futura solliciti ac timorati existant. Huic

D consilio non se conformant peccatores, et ideo a vitiis suis non resurgunt in consilio justorum, consilio justorum acquiescen-do, et dignos pœnitentiæ fructus agendo.

Postremo ostenditur causa prædictæ di-stinctionis inter justos et impios. (7) *Quo-niam novit Dominus viam justorum*, id est, quoniam Deus notitia approbationis novit atque acceptat viam, id est opera-tionem seu vitam justorum. Ideo impii separabuntur a bonis secundum modum prædictum, et opera impiorum non pro-

5

Thren. iii.
40, 41.

1 Cor. xi, 31.

Judith viii,
26, 27.1 Cor. xv,
51.Matth. iii,
8.

6

sperabuntur, id est, ad veram beatitudi- A temporales delicias habebunt æternam tri-
nem non perducentur, nec felicem exi- stitiam. Unde in die novissimo, dum vide-
tum sortientur. Et ideo subditur : *et iter* rint se errasse, sero pœnitebunt, et dicent :
impiorum peribit, id est, vita, actio et Erravimus a via veritatis, et lassati sumus *Sap. 7, 6, 7.*
delectatio eorum destruentur, quia post in via iniquitatis et perditionis.

ARTICULUS IX

EXPOSITIO EJUSDEM PRIMI PSALMI SECUNDUM ALLEGORICUM INTELLECTUM.
VIDELICET DE CHRISTO.

SICUT ostensum est, allegorice sacra Scriptura exponitur, dum ea quæ in lege et Prophetis et Psalmis scripta sunt, de Christo exponuntur : quod intelligen- dum est de illis Scripturis, quæ de Christo ad litteram non exponuntur. Hic ergo psalmus, qui litteraliter de quolibet viro justo et impiis in communi intelligi potest, de Christo allegorice multum convenienter exponitur.

1 Ait enim : *Beatus vir*, videlicet Christus, qui a primo instanti suæ conceptionis in Virgine matre, fuit vir perfectus atque beatus : perfectus quidem non ratione ætatis, sed propter plenitudinem gratiæ, eminentiamque virtutum, ac sapientiæ perfectionem : in quibus omnibus perfecta creata est anima Christi ; nec profecit in istis quantum ad habitum, sed quantum ad exercitium. Unde scriptum est : Novum creabit Dominus super terram : Mulier circumdabit virum, id est, Virgo præelecta in utero habebit puerum ætate, sed virum perfectione. Fuit etiam Christus ab exordio maternæ conceptionis beatus, propter perfectissimam Divinitatis fruitionem, et clarissimam ejus beatificamque visionem : quia tam clare, tamque beate vidit anima Christi Deum a primo creationis suæ momento, sicut et modo ; nec unquam profecit in essentiali præmio Beatorum. Quoniam enim humanæ naturæ Christi, a primo suæ creationis exordio, datum est esse

B unitum Verbo personali seu hypostatica unione, hoc est subsistere in eodem esse personali, in quo Unigenitus Dei æternaliter subsistit, quum sit assumpta ad esse increatum Filii Dei ; multo clarius patet, quod animæ Christi a sui principio concessa est beatifica Dei visio, prout Damascenus testatur et Thomas. Minus est enim Deum beatifice contemplari, quam ei personaliter uniri. Sic ergo est Christus beatus vir. Dicitur quoque vir, quoniam a vera fortitudine nunquam defecit, sed in omnibus virtuosissime egit.

Beatus itaque vir, scilicet Christus, *qui non abiit in consilio impiorum* : quia tentatori præcipitium et sui adorationem consulenti non acquievit, neque Scribarum ac Phariseorum malignis consiliis favit ; sed consilio, quod est unum septem donorum Spiritus Sancti, plenissimus fuit. *Et in via peccatorum non stetit* : quia ab omni peccato immunissimus fuit. Detrahiles enim defectus non assumpsit, sed naturales atque pœnales, ut sunt fames, sitis, timor, dolor et mors. *Et in cathedra pestilentiae non sedit*. Nulli enim malum exemplum præbuit, neque perversa dogmata protulit, quamvis Judæi frequenter scandalizabantur ex verbis et actibus ejus : tale enim scandalum non erat nisi ex malignitate vel infirmitate ipsorum. Porro vita Christi, totius sanctitatis ac perfectionis exemplar fuit ; et omnis ejus actio, nostra instructio

Damasc. lib.
III ; Thom.
3. q. 10.

Matth. iv,
6, 7, 9, 10.

Is. xi, 2.

Matth. xv,
12.

Jer. xxxi,
22.

Joann. xiii. 12. est, sicut et ipse ait : Ego sum lux mundi : qui sequitur me, non ambulat in tenebris. Christus quoque saluberrimam mundo doctrinam advexit, legalibusque præceptis evangelica consilia, universæ perfectionis plenitudinem continentia, addidit. Non enim venit solvere legem, sed adimplere.

Matth. v. 17.

Tanguntur hic tria, per quæ Christus a protoplasto parente distinguitur. Adam namque in consilium impiorum abiit, quando serpentis et Evæ instigationi consensit. Et in via peccatorum stetit, dum de prohibiti ligni fructu comedit. Et in cathedra pestilentiae sedit, quum proprium crimen excusavit, illudque in mulierem, imo Creatorem quodammodo retorquere satagit : Mulier, inquit, quam dedisti mihi sociam, dedit mihi de ligno, et comedi. Horum autem nullum in Christo fuisse jam patuit.

2

Sed in lege Domini voluntas ejus. Hoc Christo singulariter et perfectissime convenit. Nam ipse solus præceptum caritatis divinæ perfecte implevit in hac vita, et multo perfectius quam aliquis Beatorum in patria ipsum potuerit adimplere. Nam toto corde, tota mente, ex omni fortitudine, et tota anima semper actualiter ferebatur in Deum, ipsum contemplando, diligendo, honorando, atque in omnibus sibi obediendo, quemadmodum in Evangelio ipsemet de Patre loquens, testatur : Quia quæ placita sunt ei, facio semper. Et de-nuo : Ego, ait, non quæro gloriam meam, sed honorifico Patrem meum. Et ergo passioni jam proximus, dixit ad Patrem : Non quod ego volo, sed quod tu. Id quoque quod sequitur, solus Christus ut homo in hac vita perfecte actualiterque implevit : *Et in lege ejus meditabitur die ac nocte*, id est omni tempore et omni momento. Intellectualis enim operatio Christi, impediri non potuit nec interrumpi per somnum vel actum exteriorem, aut per sensitivum appetitum, neque per aliquid aliud. Sed omnia quæ in ipso fuerunt, ordinatissima erant, semperque inferius deservivit supe-

Joann. xiii. 29.

Ibid. 49, 50.

Matth. xxvi, 39.

A riori, et secundum illius movebatur imperium. Sic itaque anima Christi meditabatur divina sine interruptione. Nam et omnia quæ sunt, fuerunt, et erunt, et præsertim ea quæ ad mysterium humanæ redemptionis pertinent, cognovit et semper actualiter vidit in Verbo, sicut et modo.

Et erit tanquam lignum quod plantatum est secus decursus aquarum, quod fructum suum dabit in tempore suo. Hic designatur Christi fecunditas atque utilitas per comparisonem ad lignum, juxta aquarum fluentia plantatum. Tale enim lignum tempore suo floret, et fructus producit, sicque delectabile est intuenti, utile manducanti, honestum possidenti. Ita Christus, qui est speciosus forma præ filiis hominum, in quem desiderant angeli prospicere, delectabilis est ipsum sinceriter contemplanti, utilis spiritualiter manducanti, honestissimum quoque bonum, ipsum per caritatem et gratiam possidenti. Quemadmodum etiam arbor fertilis copiosum fructum producit, et plurimos reficit, sic Christus multum fructum attulit, dum pretiosissimo suo sanguine genus humanum redemit, totque poma produxit, quot animas electorum sua morte salvavit. Unde ad passionem jam transiens, et crucem sibi bajulans, semetipsum viridi ligno comparavit, dum mulieribus ipsum plangentibus dixit : Nolite flere super me ; sed super vos ipsas flete et super filios vestros : quia si in viridi ligno hæc faciunt, in arido quid fiet ?

Potest quoque istud exponi de ligno vitæ in paradiso plantato, cui ideo Christus comparatur, quoniam sicut homo semper vixisset, si de ligno illo edere potuisset, ita qui Christum digne manducat, non morietur in æternum. Potest etiam per lignum intelligi ipsa sapientia, de qua Salomon ait, quod sit lignum vitæ omnibus apprehendentibus eam. Christus vero est sapientia Dei Patris. Sapientia autem juxta decursus aquarum plantata, est unigenitus Dei Filius, veraciter incarnatus, et inter homines peccatores, qui comparantur

3

Ps. xlii, 3.

1 Petr. i, 12.

Luc. xiii, 28, 31.

Gen. ii, 9.

Joann. vi, 52.

Prov. iii, 18.
1 Cor. i, 24.

Baruch iii, 38.

fluentibus aquis, sine macula conversatus. Secundum hunc igitur sensum innuitur incarnatio Verbi Dei; et hæc vox, Tanquam, non solum dicit similitudinem, sed etiam exprimit veritatem, quoniam hoc modo ipsemet Christus est ipsum lignum juxta aquarum decursus plantatum.

Et folium ejus non defluet, quia Christi sermo, prædicatio atque oratio non erunt inanes, neque peribunt, nec cassabuntur; sed fructificabunt in cordibus electorum, et verificabuntur in finem, quemadmodum ipsemet ait: Cælum et terra transibunt, verba autem mea non transibunt. *Et omnia quæcumque faciet, prosperabuntur*. Omnis operatio Christi meritoria fuit: imo quidquid cogitavit, dixit et fecit, in quantum viator, meritorium exstitit. Unde semper actualiter meruit. Sed quia ipse etiam ut homo, habens humanitatem Verbo unitam, perfectissimus comprehensor fuit, quantum ad superiorem animæ partem, idcirco sibi ipsi de præmio essentiali nil meruit, nec in illo unquam profecit. Nihil minus tota vita ejus essentialis præmii meritoria fuit: quoniam quidquid cogitavit, dixit et fecit, ex excellentissimo divinæ caritatis fervore processit. Cui ergo essentielle præmium meruit, nisi membris suis seu corpori mystico, quod est Ecclesia? Nobis igitur tota vita Christi meritoria fuit. Sicque omnia quæcumque Christus fecit, prosperabuntur, id est, ad æternam vitam proficient prædestinatis, quibus per sacramenta Ecclesiæ, et fidem ac caritatem meritum Christi applicatur, et cooperatur ad felicitatem æternam. Hoc est quod per Isaiam Dominus ait: Egredietur de ore meo justitiæ verbum; et non revertetur ad me vacuum, sed faciet quæcumque volui, et prosperabitur in his ad quæ misi illud.

Consequenter agit Scriptura de his qui Christo non uniuntur, nec ejus vestigia imitantur. Ait namque: *Non sic impii, non sic*. Nullus Sanctorum potest Christo esse æqualis, sed similis. Nam Christus, in quantum Deus, omnes in infinitum exce-

dit in omni perfectione; sed ut homo, etiam major ac dignior, Deoque carior est, quam tota universitas electorum, angelorum simul ac hominum. Non enim ad mensuram dat Deus spiritum homini Christo. Boni ergo fideles, qui Christum regem fideliter assequuntur, quemadmodum scriptum est, Qui se dicit in Christo manere, debet sicut ille ambulavit, et ipse ambulare: hi tales Christo in prædictis bonis aliquo modo assimilantur, non abeundo in consilio impiorum, nec stando in via peccatorum, nec sedendo in cathedra pestiferorum, sed in lege Domini voluntas eorum. Sed impii non sic. Ipsi enim nullo modo sunt similes Christo, similitudine virtutis et gratiæ, nec amantur ab ipso secundum præsentem justitiam amore caritatis gratifico, quum similitudo sit causa amoris; imo perfecto odio odit eos. Propterea quales sint, statim ostenditur. *Sed tanquam pulvis quem projicit ventus a facie terræ*. Quemadmodum enim ventus projicit pulverem de loco suo: sic sermo Christi projiciet impios de superficie terræ, de congregatione justorum, de societate Sanctorum, quando separabit agnos ab hœdis; quando purgabit aream suam, mittens triticum in horreum suum, et paleas inextinguibili igne comburens; quando dicturus est his qui a sinistris erunt, verbum illud asperrium, Ite, maledicti, in ignem æternum.

Ideo non resurgent impii in judicio: 5

quia a Christo divisi sunt, et omni gratia destituti, idcirco non resurgent in judicio.

Quod intelligi potest tam de judicio discretionis, quo boni se ipsos dijudicant, (de quo Propheta, Indicabo tibi, o homo, quid sit bonum, utique facere judicium; et Job, Judicium eligamus, et inter nos videamus quid sit melius; et, Numquid qui non amat judicium, sanari potest?) quam de judicio beatæ remunerationis, ut supra proximo articulo explanatum est. *Neque peccatores in consilio justorum resurgent*. Consilium proprie appellatur inquisitio rationis de agendis vel omittendis. Justo-

Joann. III, 34.

I Joann. II, 6.

Ps. CXXXVIII, 22.

Matth. XXV, 33.
Luc. III, 17

Matth. XXV, 41.

Mich. VI, 8.

Job XXXIV, 4.
Ibid. 17.

Matth.
XXIV, 35.

Is. LV, 11.

4

rum ergo consilium est, ut Deum præ omnibus diligant, ut ei reverenter deserviant, ut in caritate et gratia ejus quotidie crescant, atque de perpetratis malis digne pœniteant. In tali autem consilio impii non resurgunt, sed manent in facibus vitiorum et sordibus passionum. Non audiunt Paulum clamantem : Surge, qui dormis, et exsurge a mortuis. Et iterum : Quæ sursum sunt sapite.

Ephes. v.
14.
Coloss. iii.
2.

6 Quoniam novit Dominus viam justo-

rum : id est, ea quæ nunc de differentia impiorum atque justorum prædicta sunt, veritatem habent : quoniam Dominus Jesus Christus, qui est Rex regum et Dominus dominantium, Judex quoque vivorum et mortuorum, novit viam justorum, id est, acceptam habet operationem bonorum, quorum utique et capilli capitis numerati sunt. Et iter impiorum peribit. Non enim ad ultimum finem, qui est Deus benedictus, pervenient.

Apoc. xix,
16.
Hebr. xii.
23.

Luc. xii, 7.

ARTICULUS X

EXPLANATIO EJUSDEM PRIMI PSALMI JUXTA SENSUM TROPOLOGICUM.

RECORDANDUM est autem, quoniam, sicut ostensum est, tropologicus seu sensus moralis Scripturæ est, quando ea quæ de Christo vel de Sanctis scribuntur aut recitantur, ad singulorum moralem eruditionem trahuntur. Quæcumque enim de Christo capite nostro scripta sunt, ad nostram eruditionem scripta sunt. Nec solum quæ de Christo scribuntur, sed etiam quæ de Sanctis ejus leguntur, ad imitationem trahenda sunt, secundum Augustinum. Denique utilissimum est sacram Scripturam tropologice intelligere, quatenus sic Christum et Sanctos, sacram Scripturam commemorando seu proferendo, laudamus, ut ea quæ scripta sunt, ad propriam informationem trahamus : et sic imperfectum nostrum cognoscendo, salubriter doleamus, eorumque perfectionem quos laudamus, imitari studeamus.

Tropologica autem expositio hujus psalmi, non differt a prima ac litterali expositione, nisi quod sicut illa expositio docet quid factum sit, sic ista instruit quid sit faciendum. Et est sensus omnino idem. sed ad diversa refertur. Unde secundum istum sensum, scilicet tropologicum, dicit

1. Scriptura, *Beatus vir qui non abiit in con-*

silio impiorum : ut scilicet hortetur ac doceat unumquemque fidelem, ne malig- nis consiliis acquiescat, et ne stet in via peccatorum male agendo, et ne in cathedra pestilentiae sedeat malum exemplum præbendo, seu falsam doctrinam introducendo. Sicque omnia quæ sequuntur legenda sunt, quatenus omnia convertat et trahat devotus quilibet ad animæ suæ spirituales doctrinam. Nam si ea quæ dicit, legit vel audit, ad impiorum tormenta vel derelictionem pertinent : potest ex his sanctum timorem concipere, ne et ipse similia patiat ; aut gratiarum actionem et amoris inflammationem, quia miserante Deo a talibus præservatum se videt ; seu bonam tristitiam, si se talia mala pro quibus torqueri ac deseri meruit, incidisse considerat. Si vero quæ dicit vel audit, ad perfectionem beatitudinemque justorum pertinent, potest ad imitandum succendi, et ad sperandum roborari.

Igitur secundum hunc sensum dicat devotus vel pœnitens seu alius quilibet : Beatus vir qui non abiit in consilio impiorum : hocque dicendo, proponat nunquam malo consilio assentire ; pœniteat quoque se unquam perversis consiliis acquievis-

se; et oret Deum ut in omnibus se dirigat ad inveniendum, et consentiendum sanis consiliis, sicut Tobias docet: *Omni tempore benedic Deum, et pete ab eo ut viam tuam dirigat, et omnia consilia tua in ipso permaneant. Indigemus namque, ad hoc quod non abeamus in consilio impiorum, illuminari ac dirigi a Spiritu Sancto dono consilii, quemadmodum Sapiens dicit: Quis hominum potest scire consilium Dei? aut quis poterit cogitare quid velit Deus, nisi tu, Domine, dederis sapientiam, et miseris Spiritum tuum de cœlis?*

Per hunc modum formare debet hominum affectum in singulis quæ sequuntur, secundum exigentiam singulorum verborum: sicut quum dicit, *et in via peccatorum non stetit*, cogitet de cetero non peccare, et de operatione mala præterita doleat. Dum vero dicit, *et in cathedra pestilentiae non sedit*, proponat nullum inficere, nullum scandalizare, ne perdat animam ejus pro quo Christus mori dignatus est. Simili modo quum dicit, *Sed in lege*

tur, *et in lege ejus meditabitur die ac nocte*; hocque dicendo, omnes infructuosas et malas mentis suæ occupationes repellat, atque divinis meditationibus cor suum implere semper labore, quemadmodum Dominus ait: Auferte malum cogitationum vestrarum ab oculis meis.

Porro dum psallit, *Et erit tanquam lignum quod plantatum est secus decursus aquarum*, oret, cordialiterque desideret, ut sit sicut arbor bona, quæ bonos fructus facit: quatenus bene vivendo, alios verbo et exemplo ædificet, et non tam loquendo quam operando informet, ut illud Salvatoris adimpleat: Sic luceat lux vestra coram hominibus, ut videant bona facta vestra, et glorificent Patrem vestrum qui in cœlis est. Dum vero ait, *Et folium ejus non defluet*, proponat se semper loquendo modestum et cautum habere. Quumque adjungit, *et omnia quaecumque faciet, prosperabuntur*, cupiat in eorum consortio numerari, de quibus ait Apostolus: Scimus quoniam diligentibus Deum omnia cooperantur in bonum.

Ex his vero quæ sequuntur, *Non sic impii, non sic*, sollicitus fiat, ne ea quæ de impiis scripta sunt, sibi conveniant; sed in judicio discretionis a peccatis resurgat, et in consilio justorum permanere conetur.

ARTICULUS XI

EXPOSITIO EJUSDEM PRIMI PSALMI SECUNDUM ANAGOGICUM INTELLECTUM.

ANAGOGICE insuper hic psalmus exponi potest, videlicet de comprehensionibus seu Beatis in patria, ut sciamus ex hujus psalmi expositione, quid de nobis ipsis sperare debeamus.

1 Ait ergo Scriptura: *Beatus vir qui non abiit in consilio impiorum*. Vir, hoc loco non a sexu, sed a cordis vigore voca-

tur: et ita angeli sancti viri dici possunt, quoniam ad omnia divina opera exercenda viriles atque fortissimi sunt. Unde de angelis dicitur: Ecce duo viri adstiterunt juxta illos. Et Gregorius: Angelus, inquit, rationale est animal, non quod sit materialis aut sensitivæ naturæ, sed propter intellectualem perfectionem. Angeli

Tob. iv, 20.

Sap. ix, 13, 17.

Rom. xiv, 15.

Is. i, 46.

Matth. v, 16.

Rom. viii, 28.

Act. i, 10.

autem sancti non abierunt in consilio impiorum, quia non consenserunt consilio Luciferi atque cadentium angelorum. Nullus quoque Beatorum hominum abiit in consilio impiorum, in ipso finaliter permanendo, sed ab hac vita in bona dispositione discessit.

Itaque, *Beatus vir*, omnis electus, in virtutibus fortis, homo vel angelus, Deo jam feliciter fruens, *qui non abiit in consilio impiorum*, ruentium scilicet angelorum, aut hominum perversorum. *Et in via peccatorum non stetit*, id est, cum Luciferi aliisque Deo rebellibus non peccavit, contra Creatorem superbiendo, seu ejus similitudinem temerarie et præsumptuose ambiendo. *Et in cathedra pestilentiae non sedit*, id est, alios ad peccandum non induxit, quemadmodum Lucifer et infectores proximorum suorum. *Sed in lege Domini voluntas ejus*. Hoc universis Beatis in patria plenissime convenit, quia præceptum de dilectione Dei perfectissime implent, et toto affectu ad Deum conversi sunt, eique inavertibiliter semper adhærent. *Et in lege ejus*, id est in præcepto quod ipsis a Deo præfixum est in diligendo et operando : in hac lege meditantur *die ac nocte*, id est in ævo, quod omne tempus includit, considerantes incessabiliter qualiter Deo reverenter adsistant, prompte obediant, atque in omnibus ordinem suum custodiant.

Et erit tanquam lignum, etc. Omnis Beatus Deo jam fruens, ligno juxta aquarum decursus plantato optime comparatur, quoniam inebriatur torrente divinæ voluptatis : sicque copiosissimum fructum affert, quia indesinenter sanctissimis actionibus occupatur, et nunquam otiosus aut infecundus est. sed in continua Divinitatis contemplatione ac dilectione æternaliter permanet. *Et folium ejus non defluet*, id est, laudatio qua Deum honorat, nunquam cessabit. *Et omnia quaecumque*

A faciet, prosperabuntur, id est, ad divinum honorem infallibiliter ordinantur : nec potest aliquid adversitatis eis accidere, sed perpetua securitate Deo conjuncti sunt.

Non sic impii, non sic : id est, apostatæ angeli hominesque injusti, non sic, id est, non sunt beati sicut jam de angelis et sanctis hominibus dictum est. *Sed sunt tanquam pulvis quem projicit ventus a facie terræ*. Nam angeli mali statim quum peccaverunt, cœlo projecti sunt, sicut in Evangelio ait Salvator : Videbam Satanam sicut fulgur de cœlo cadentem. Et Isaias : Quomodo, inquit, cecidisti, Lucifer, qui mane oriebaris? *Ideo non resurgunt impii in judicio*. Dæmones enim non pœnitent, sed sunt obstinati in malo, sicut et omnes damnati. Ideo non resurgunt a sua pessima voluntate in judicio discretionis, se ipsos discutiendo et corrigendo. *Quoniam novit Dominus viam justorum*. Nam omnis operatio Beatorum in patria, Deo semper gratissima est et summe accepta. *Et iter impiorum peribit*. Iter cadentium angelorum, fuit desiderium ascendendi ad similitudinem Dei immoderate. Sed hoc iter, seu talis superbia peribit, quia nunquam adipiscentur quod adipisci optabant.

Porro ad hanc beatitudinem electorum in patria nos quoque perventuros speramus, si ea pro posse nostro quæ ipsi fecerunt, agamus, videlicet non abeundo in consilio impiorum, nec stando in via peccatorum, nec sedendo in cathedra pestilentiae.

PRECATIO.

Auctor omnium bonorum Deus, reple nos, quæsumus, gratia tua, ut voluntas nostra dirigatur semper in lege tua : quatenus te inspirante, die ac nocte in ea sic meditemur, ut fructum æternæ felicitatis percipere mereamur.

4

Luc. x, 18.

Is. xlv, 12.

5

6

Ps. xxxv, 9.

ARTICULUS XII

EXPOSITIO LITTERALIS PSALMI SECUNDI : QUARE FREMUERUNT GENTES, ETC.

TITULUS psalmi nunc exponendi talis est : *Psalmus David*. Considerandum est autem (ut ait Hieronymus) quod liber Psalmorum est quasi magna domus, plures habens cellas sive cubicula, et quaelibet cella propriam habet clavem ac januam. Ostium vero totius domus istius, est primus psalmus, cujus clavis est Spiritus Sanctus. Ceteri autem psalmi tanquam speciales cellulæ, proprias habent claves, id est titulos appropriatos. Nam sicut se habet clavis ad domum, et signum ad hospitium, ita se habent tituli psalmorum ad psalmos, quia per eos datur introitus ad intellectum psalmorum.

Porro titulus psalmi præsentis varie explanatur, prout psalmus hic diversis modis exponitur. Quidam enim ipsum exponunt ad litteram de populo Judæorum a captivitate Babylonica redeuntium. Alii vero, de ipso David, asserentes David fecisse hunc psalmum ad laudem Dei propter victoriam Philistinorum, quos ipse deviecit, quando ascenderunt contra eum, eo quod audissent eum unctum in regem totius Israeliticæ plebis. Et quamvis hic psalmus ad hunc sensum aliquo modo exponi posset ac trahi, hoc tamen improprie fit. Nam quod sequitur, Dominus dixit ad me, Filius meus es tu, ego hodie genui te, nec populo Judæorum, nec David proprie competit, maxime si profunde atque subtiliter exponatur, sicut patebit. Denique, si verum est quod Nicolaus de Lyra refert, nec omnes Judæorum magistri psalmum istum ita exponunt. Narrat enim Rabbi Salomonem, maximum Judæorum doctorem D modernum, circa hunc psalmum testari ac dicere : Majores nostri hunc psalmum exposuerunt de rege Messia seu Christo,

sed propter hæreticos exponatur de David. Vocat autem hæreticos, Judæos ad fidem Christi conversos. Unde patet quod ipse hunc psalmum exponit de David, ad evadendum argumenta quæ Judæi conversi sumpserunt ex psalmo isto pro christianæ fidei approbatione. Verumtamen, quidquid sit de istis, nullum christianum expositorem decet vel licet hunc psalmum ad litteram exponere, nisi de Christo. Nam Act. 4, et ad Hebr. 1, inducitur psalmus iste ad fidem probandam. Probatio autem fidei B per sacram Scripturam, non valet ex sensu mystico, sed litterali dumtaxat, quemadmodum in epistola contra Vincentium Donatistam adstruit Augustinus.

Itaque, psalmum hunc de Christo litteraliter exponendo, titulus ejus prædictus sic intelligendus est : *Psalmus*, id est tractatus iste, qui dicitur psalmus, quoniam ad bene operandum hortatur, attribuitur *David*, id est Christo. David enim, manu fortis vel desiderabilis adpectu interpretatur : et hoc Christo potissimum convenit, quum ipse sit Dominus virtutum, qui principem hujus mundi deviecit, et speciosus forma præ filiis hominum consistit.

Act. iv, 25,
26; Hebr. 1,
5.

Ps. xxxiii, 10.
Joann. xii,
31.
Ps. xlii, 3.

SANCTUS ergo David, Spiritu Sancto revelante prænosceus impietatem malignorum, Christum persequentium et occidentium, quasi admirans eorum malitiam, dicit : *1 Quare fremuerunt gentes ?* id est, cur gentiles, cur Romani milites, cur Herodis ac Pilati ministri, tanquam feræ seu bestię, irrationabiliter malignati ac moti sunt, et hoc contra Filium Dei ? *Et populi*, id est filii Israel, ad quos specialiter missus est Christus, *meditati sunt inania*, utpote cogitantes consilia quæ non

4

Ps. xx, 12.

potuerunt stabilire? Volebant namque extinguere nomen Domini Jesu, interficiendo eum sicut seductorem et impium, quem admodum de eis scriptum est: Mittamus (inquiunt) lignum in panem ejus, et eradamus eum de terra viventium. Sed hujus oppositum accidit, quia post mortem Christi, nomen ejus ubique innotuit, et fides ejus per totum mundum diffusa est. Unde et ipse ante passionem dixit: Ego si exaltatus fuero a terra, omnia traham ad me ipsum. (2) *Adstiterunt reges terræ, et principes convenerunt in unum, adversus Dominum et adversus Christum ejus.* Qui sunt isti reges, nisi Herodes qui Jesum adhuc infantulum perimere voluit, atque Herodes qui eundem cum exercitu suo sprexit, ac veste alba illum ad Pilatum remisit? Et qui sunt principes isti, nisi Annas et Caiphas ac Pilatus? Qui convenerunt adversus Dominum, id est Deum Patrem, et adversus Christum ejus, id est Filium ejus unigenitum ac dilectum. Dicitur autem uterque Herodes adstitisse contra Christum: non quia eodem tempore adstiterunt, quum tempore passionis primus Herodes obierit; sed quoniam pari malitia et infidelitate contra Christum commoti sunt.

Consequenter ponuntur verba regum ac principum horum, dum subditur: (3) *Dirumpamus vincula eorum*, id est, destruamus legem ac religionem Patris et Filii, occidendo Christum, et ejus doctrinam reprobando. Hoc dixerunt, non quod agnovissent Jesum esse Filium Dei agnitione certa et stabili, vel quia putaverint eum, qui

Jesum occideret, Deo resistere: si enim cognovissent, nunquam Dominum gloriæ crucifixissent; sed et Jesum tanquam blasphemum et seductorem interfecerunt, arbitantes obsequium se præstare Deo. Verumtamen ista ignorantia eos nequaquam excusat, quoniam excæcavit eos malitia eorum, nec voluerunt credere divinis miraculis. Quomodo ergo impii isti dixerunt, *Dirumpamus vincula eorum*, nisi quoniam ille quem ipsi occiderunt tanquam im-

A pium, vere Filius Dei erat, cui qui resistit, Patri quoque resistit? Qui enim non honorificat Filium, non honorificat Patrem qui misit illum. Bene autem per vincula intelliguntur lex Dei atque religio, quia per legem refrenantur et constringuntur iniqui, ne peccatis habenas relaxent. Religio etiam a religando vel ligando vocatur, quoniam religat hominem a mundo, et ligat eum sub divino obsequio. *Et projiciamus a nobis jugum ipsorum*, id est, non obediamus Dei Patris et Christi præceptis.

B Noluerunt enim prædicti reges et principes Christi saluberrimis consentire doctrinis.

4 *Qui habitat in cælis irridebit eos.* Hic ponitur merces seu præmium malitiæ hominum prædictorum. Qui habitat in cælis irridebit eos: id est, Deus justus judex, qui habitat in puris sanctisque cordibus, resuscitando Filium suum a mortuis tertia die, ostendet illos irrisione dignos. Item irridebit eos in die finalis judicii. *Et Dominus subsannabit eos.* Mos est sacræ Scripturæ, secundum Augustinum, ut idem sub aliis verbis resumatur, quatenus veritas clarius innotescat, et audientes sive legentes magis attendant. Ita nunc fit. Quod enim prædixit, Qui habitat in cælis irridebit eos, nunc repetit dicens, Et Dominus subsannabit eos: demonstrando eos omni contemptu dignissimos, quum converterit malignitatem eorum in caput ipsorum, feceritque evenire omnino contrarium machinationi ipsorum. Unde Sapientia ait de impiis: Ego quoque in interitu vestro ridebo, et subsannabo, quum vobis quod timebatis evenierit. Dicitur autem Deus irridere et subsannare, non corporali motu vel modo carnali, sed propter similitudinem operis, seu ratione effectus: videlicet quia talem pœnam infligit, sicut irrisor et subsannator.

(3) *Tunc, videlicet quando irridebit eos, loquetur ad eos in ira sua.* Hoc in die extremi judicii maxime fiet, quando tota Trinitas judicabit auctoritative, et Christus ut homo ministerialiter et executive. Tunc

4

Ps. vii, 17.

Prov. i, 26.

5

tota Trinitas dicet reprobis per Christum, *Matth. xxy. 41.* qui sententiam proferet : Ite, maledicti, in ignem æternum. Potest quoque exponi de locutione, qua locutus est malis et reprobis per Apostolos sanctosque prædicatores : per quos loquitur Dominus in ira sua, quando foris facit reprobis prædicari verbum Dei, sed intus non aperit corda ipsorum, nec tangit affectum ; sed exigentibus culpis ipsorum, indurat eos, et obstinatos relinquit. Sic loquebatur Judæis incredulis per sanctos Apostolos. *Et in furore suo conturbabit eos.* Hoc in Judæis Christum occidentibus videmus impletum, quia a tempore destructionis eorum a Tito et Vespasiano, de terra promissionis ejecti sunt, et multis ærumnis oppressi. In die quoque universalis iudicii conturbabit eos, *Job x. 22.* quando in ignem projicientur, ubi (ut ait Job) umbra mortis et nullus ordo, sed semipiternus horror inhabitat.

Consequenter inducit Propheta verba Christi, de se ita dicentis : *6 Ego autem :* tanquam dicat, Illi hoc modo peribunt, Ego autem *constitutus sum rex ab eo.* Christus C in quantum Deus, plenam habet auctoritatem omnium creaturarum : nec sic constituitur rex super aliquid, sed ipse cum Patre et Spiritu Sancto est unus et idem omnium rerum creator ac Dominus, iudex et rex ; sed prout homo est, sic data est ei omnis potestas in cœlo et in terra, sicut *Matth. xxviii. 18.* Matthæus scribit. Sic etiam constitutus est rex ab eo, scilicet Deo Patre, imo a tota superbeatissima Trinitate, cujus opera sunt indivisa. *Super Sion montem sanctum ejus,* id est super populum Israel, illum præsertim qui credidit : qui dicitur mons, propter legis sublimitatem et gratiam electionis. Omnes quippe Prophetæ Messiam appellant regem Israel. Vel per Sion, quod interpretatur speculatio, intelligenda est : Ecclesia militans, id est populus christianus Christum contemplans, et ejus lege, fide ac gratia sublimatus præ ceteris gentibus, sicut mons elevatur super circumjacentes terræ partes. *Prædicans præceptum ejus,* id est, legem evangelicam docens,

T. 5.

A primo per me ipsum, deinde per Apostolos Spiritu Sancto repletos. — In isto versu tactum est de humana Christi natura : in sequenti agitur de ejus divina natura ac generatione æterna, dum dicitur :

7 Dominus, scilicet Deus Pater, *dicit ad me,* scilicet Jesum Christum : *Filius meus es tu.* Hoc in baptismatione et transfiguratione Christi dictum esse a Patre ad Filium, ex Evangelio constat. Et dicitur Christus Filius Dei, non ut ceteri Sancti per gratiam adoptionis, sed Filius per identitatem naturæ, seu unitatem essentiæ : quoniam ex substantia Patris est genitus ab æterno. Et ideo additur : *Ego hodie genui te,* id est in die æternitatis : in qua non est prius et posterius, novum vel vetus, mutatio vel vicissitudinis obumbratio ; sed dies ista est ipsamet æternitas, quæ est interminabilis vitæ tota simul perfecta possessio. Ista æternitas omne tempus comprehendit, atque per omnem temporis differentiam significatur : quia dicimus, Deus fuit, Deus est, Deus erit ; convenientius tamen designatur per præsens tempus, quod habet se per modum quieti et fixi. Volens ergo Propheta æternam Christi generationem subtiliter insinuare, usus est tempore præsentis, dicens, Ego hodie genui te : quæ sunt verba Patris ad Filium. Quidquid enim Pater agit et scit, hoc Filio dicit : et generando dicit, quoniam generando dat Filio divinam essentiam : quam dando, dat omnis veritatis notitiam, quum divina essentia sit ipsa sapientia, cujus non est numerus. *Ps. cxlvi. 5.*

D *8 Postula a me, et dabo tibi gentes hereditatem tuam.* Verba sunt Patris ad Christum hominem, cui non competit postulare a Patre secundum quod Deus. Dicit ergo ad Filium incarnatum Deus Pater : O Fili, postula a me, et dabo tibi gentes. Hoc Christus frequenter fecit, quando pro mundi salute rogavit : et passio ejus erat postulatio efficacissima, quia per eam meruit sibi regnum militantis Ecclesiæ. Et dabo tibi gentes hereditatem tuam. Hanc promissionem Pater implevit, quando per prædica-

27

tionem Christi et Apostolorum ac successorum ipsorum gentiles convertit ad Christum : sicque gentiles, qui ante possidebantur a dæmone, possidentur a Christo ; et facti sunt ejus hereditas, qui olim ad mundi principem pertinebant. *Et possessionem tuam terminos terræ* : id est, dabo tibi non unam provinciam, unam linguam, unumve regnum, sed terminos terræ, id est, fines mundi tuæ legi subjeciam. In omnem namque terram exivit Apostolorum doctrina. Unde inferius dicitur : Et dominabitur a mari usque ad mare, et a flumine usque ad terminos orbis terrarum. De hac regia Christi dignitate et mundi subjectione, Daniel dicit : Antiquus dierum, id est Deus æternus, dedit ei potestatem, et honorem, et regnum ; et omnes populi, tribus, et linguæ servient ei.

9 *Reges eos in virga ferrea.* Christus regit Ecclesiam in virga ferrea, id est in constanti et immobili æquitate. Nam lex christiana et Christi doctrina, quibus reguntur Christifideles a Christo per ejus vicarios seu prælatos, comparantur ferreæ virgæ, propter rigorem justitiæ : quoniam omne malum quantumcumque sit parvum, prohibent et condemnant aliquo modo. *Et tanquam vas figuli confringes eos* : non utique conterendo naturam, vel corrumpendo existentiam naturalem ; sed vitia exstirpando, mores corrigendo, propriam voluntatem eorum frangendo.

10 *Et nunc, reges, intelligite.* Hic ponitur salubris doctrina præsidentium, imo et omnium. Et nunc, id est sicut prædictum est de regimine Christi, reges, id est omnes vicarii Christi, qui ejus populo præsidentis, imo et singuli qui reges esse debetis, regendo vos ipsos secundum rationis imperium, intelligite dicta atque dicenda. *Erudimini, qui judicatis terram*, id est, acquiescite meæ informationi, qui judicatis habitantes in terra.

11 *Servite Domino in timore*, ut sitis timorati atque solliciti, quomodo digne

A regatis subjectos, et reverenter ambuletis coram Deo, ne elatione aut vana securitate seducti, negligenter agatis quæ vobis præcepta sunt. Ideo namque scriptum est : Si non in timore Domini tenueris te instanter, cito subvertetur domus tua. Nam timor Dei expellit peccatum. *Et exsultate ei cum tremore* : id est, o reges terræ et homines universi, exsultate ei, id est, gaudeate ad laudem Dei : gaudete, inquam, in exercitiis cultus divini, in laudibus Dei, in omni ejus obsequio, et præsertim in contemplatione ac dilectione ipsius : et hoc, cum tremore, id est cum magno ac reverentia timore, ne exultationem vestram dissolutio aliqua consequatur vel incustodia cordis ; sicque spiritualis jucunditas in carnalem lætitiā convertatur, quemadmodum accidit his, qui spiritu inchoant, sed carne consummant. Hæc autem non de servili timore, sed initiali aut filiali intelligere congruit.

12 *Apprehendite disciplinam*, id est, libenter amplectamini informationem fraternam, increpationem caritativam et flagella Dei, et æquanimiter ferte adversa ; *nequando irascatur Dominus*, propter negligentiam vestram et impatientiam ; *et pereatis de via justa* : nam dum Deus irascitur peccatori, tunc eum relinquit ; quum vero a Deo homo relinquitur, et gratia ejus privatur, tunc statim perit, cadit, et errat de via justa, id est de observatione præceptorum et de omni meritoria actione.

13 *Quum exarserit in brevi ira ejus*, id est, quum ira Dei vehementer fuerit inflammata, sicut præcipue erit in die judicii ; tunc *beati omnes qui confidunt in eo*, id est, omnes qui modo sperant in Domino, tunc invenientur beati. Dicitur autem, In brevi, quia finale judicium non diu durabit ; vel, In brevi, quia nescimus diem neque horam, qua de præsentī vita migraturi sumus : quando utique juste judicabimur, quoniam secundum opera sua unusquisque recipit, mox quum de corpore exit.

Pe. XVIII, 5;
Rom. x, 18.

Ps. LXXI, 8.

Dan. VII, 14.

Eccli.
XXVII, 4.

Ibid. I, 27.

Galat. III, 3.

Matth. XXV,
13.

Rom. II, 6;
I Cor. III, 8.

ARTICULUS XIII

EXPOSITIO EJUSDEM SECUNDI PSALMI TROPOLOGICA.

DENIQUE tropologicè explanando hunc A psalmum, tunc hoc quod dicitur, Quare fremuerunt gentes, sunt verba cuiuslibet Christiani, Christi vestigia cruciformiter imitantis, qui cupit pati cum Christo, quatenus postea regnet cum eo.

Quilibet ergo vere fidelis, malignitatem persequentium homines justos admirans, 1 dicat : *Quare fremuerunt gentes*, id est homines infideles, Turcæ, pagani, Judæi, hæretici? *et populi*, id est mali Christiani, mundi amatores ac carnaliter sapientes, *meditati sunt inania*? *Adstiterunt reges terræ*, id est imperatores ac alii reges increduli, persecutores atque tyranni; *et principes*, id est reliqui omnes iudices, et etiam principes, solo nomine christiani, *convenerunt in unum*, id est, similem malitiam conceperunt, et in idem consilium concordaverunt, *adversus Dominum*, id est adversus Deum omnipotentem, *et adversus Christum ejus*, id est contra quemlibet hominem christianum. sacro chrismate unctum, vel gratia Spiritus Sancti spiritualiter unctum ac plenum. Qui enim C contra Dei servos insurgit, contra Deum insurgit, quemadmodum Christus testatur : Quod uni minimo ex meis fecistis, mihi fecistis. Et Paulo adhuc persequenti : Quid me, inquit, persequeris ?

Matth. xxv.
40.
Act. ix, 4.

3 *Dirumpamus vincula eorum*, id est, destruamus legem ac religionem Christianorum : sicut in præcedenti articulo expositum est. Hoc enim prædicti increduli persecutores intendebant, ut Nero, Domitianus, Diocletianus. *Et projiciamus a nobis jugum ipsorum*. Hæc sunt verba Christianorum male viventium, qui se fidem habere fatentur, sed opera fidei aspernantur, atque devotos persequuntur. Hi dicunt : Projiciamus a nobis jugum ipsorum,

Tit. i, 16.

id est, repellamus a nobis prædicationem ac comminationem et reprobationem eorum, qui nostræ voluntati contraria prædicant, qui nobis Dei flagella pœnasque æternas minantur, et vitam nostram tanquam injustam et pessimam arbitrantur : docentes verbo vel opere ostendentes, mundum et omnem ejus honorem, et voluptatem ac gloriam esse spernendam, parentes, propinquos, uxorem et agros, propter Christum esse derelinquenda.

Matth. xix,
29.

Qui habitat in cœlis, id est Christus qui 4 sedet ad dexteram Patris, *irridebit eos*, id est omnes prædictos malignos; *et Dominus*, id est tota superfelicissima Trinitas, quæ est unus Deus unusque Dominus, *subsannabit eos*, et hoc propter Christum, qui secundum quod homo, proferet sententiam contra injustos ex totius Trinitatis commissione, quemadmodum in evangelio S. Joannis habetur : Pater omne iudicium dedit Filio. *Tunc*, id est in die iudicii, quando prædicta irrisio fiet : tunc, inquam, Christus *loquetur ad eos*, id est in justos et bonorum persecutores, *in ira sua*, dicens : *Ite, maledicti, in ignem æternum*. *Et in furore suo conturbabit eos*, faciens eos absorberi a terra, et cum dæmonibus infernali carcere recludi.

Matth. xxv,
41 et seq.

Joann. v,
22.
5

6 *Ego autem constitutus sum rex ab eo super Sion*. Hoc bonis prælatis ac sanctis episcopis, fidelibusque prædicatoribus maxime convenit. Horum enim quilibet dicere potest : *Ego autem*, etc., quasi diceret : Illi ita peribunt, sed ego *constitutus sum rex*, id est prælatus, rector, seu doctor, *ab eo*, id est a Christo, tanquam ejus vicarius, *super Sion montem sanctum ejus*, id est super populum christianum divina speculantem, *prædicans præceptum ejus*, id est, docens Christi mandata servari. Potest

et hic versus de unoquoque fideli exponi : A quoniam unusquisque constitutus est rex, id est dominus operationum suarum, super Sion montem sanctum ejus, scilicet
 17. ^{1 Cor. III,} super se ipsum. Templum enim Dei sanctum est, quod estis vos, ait Apostolus. Quilibet enim terrena despiciens, cœlestia speculans, dici potest Sion et mons sanctus Domini, quia in sublime defigit mentis suæ affectum, estque erectus in Deum. Dicitur autem homo rex super se ipsum, quoniam libere agit, et secundum rationis imperium vivere debet, et juste gubernare
 Eccli. XV. 14. se ipsum. Unde in Ecclesiastico : Deus creavit hominem, et reliquit eum in manu consilii sui. Prædicat quoque quilibet præceptum Dei, quando informat et excitat semetipsum, corde revolvens testimonia sacræ Scripturæ.

7 *Dominus dixit ad me : Filius meus es tu, etc.* Hoc est quod ait Apostolus : Ipse Spiritus reddit testimonium spiritui nostro, quod filii Dei sumus. Cuilibet ergo devoto dicit Dominus per inspirationem internam : Filius meus es tu ; ego hodie genui te, id est in die qua in fonte Baptismatis regeneravi te. Imo quandocumque infunditur nobis caritas et gratia Spiritus Sancti, tunc Deus spiritualiter generat nos, dans nobis esse spirituale, divinum, atque cœleste.

8 *Postula a me, et dabo tibi gentes hereditatem tuam.* Hereditas appellatur, qua aliquis ad libitum utitur, convertens ipsam ad propriam utilitatem. Sic homines justi ac sancti hereditate possident gentes, scilicet peccatores gentiliter conversantes, quoniam ad libitum suum ipsis utuntur. Nam quidquid gentes hujusmodi agant, hoc totum justi ad utilitatem suam convertunt, sicque omnia cooperantur eis in bonum. Si namque honorentur et laudentur ab impiis, non extolluntur, sed per humilitatem merentur ex hoc. Si vero vilipendantur ac molestentur ab ipsis, non opprimuntur, sed per patientiam manent immobiles. *Et possessionem tuam terminos terræ :* id est, ego Dominus dabo tibi

terminos terræ ad possidendum. Unde Apostolus : Tanquam nihil, inquit, habentes, et omnia possidentes. Justi enim tantum habent de terra quantum desiderant, si fideliter petant, quemadmodum Salvator ait : Primum quærite regnum Dei et justitiam ejus, et hæc omnia adjicientur vobis. ^{Matth. VI, 33.} Bonis quoque prælatis dat Dominus [gentes] in hereditatem, quatenus semper eas bene regendo possideant. Denique omnis prælatus et Christi fidelis, dignus Christi vicarius, regit sibi commissos in virga ferrea, id est in constanti justitia, et justa disciplina ; et tanquam vas figuli confringit eos, quia facit eos concupiscentias refrenare, mores corrigere, seipsosque frangere.

Et nunc, reges, intelligite. ¹⁰ Ista atque sequentia, exponenda sunt sicut superius factum est. Ponitur hic admonitio optima, rectoribus præcipue opportuna. Prælati namque maxime indigent continuo Dei timore, imo et magno tremore, ne negligentius agant, ne eos principatus delectet, et ne per exteriorem occupationem interius C vacui fiant.

Moraliter itaque docemur ex psalmo isto, ne deficiamus in adversis, ne frangamur iniquorum persecutionibus ; sed considerantes divini judicii ultionem, ac impiorum damnationem æternam, viriliter assequamur Caput nostrum seu Christi vestigia : qui proposito sibi gaudio sustinuit crucem, confusione contempta ; qui etiam suis fidelibus clamat, Qui vult venire post me, abneget semetipsum, et tollat crucem suam quotidie, et sequatur me. Item ex eo D quod dictum est, Dominus dixit ad me, Filius meus es tu, docemur et admonemur considerare eminentiam gratiæ Dei et magnitudinem beneficiorum quæ nobis collata sunt, ut simus Deo grati, et ejus amore ardent, sicque amplioribus donis impleamur a Domino. Habenti enim dabitur, id est ei qui gratus est Deo, et gloriatur non in se ipso, quasi non acceperit, sed in Domino solum ; ei vero qui non habet, id est ingrato, et quod videtur habere, auferetur ab eo.

ARTICULUS XIV

QUOD PSALMUS ISTE NON SIT ALLEGORICE EXPONENDUS. QUAMVIS ANAGOGICE
POSSIT EXPONI.

EX quo autem ostensum est psalmum A *xit ad me : Filius meus es tu.* Viatores dicuntur filii Dei, propter gratiam adoptionis et similitudinem imperfectam; sed bene in patria nuncupantur filii Dei, propter beatificæ fruitionis gloriam, similitudinemque perfectam, quoniam vident Deum sicuti est. Ideirco unicuique Beatorum optime convenit dicere : *Dominus dixit ad me : Filius meus es tu*, quia perfecte conjunctus ac assimilatus es mihi. *Ego hodie*, id est in die qua te mea visione beatificavi, *genui te*. Tunc enim de viatore

1-4 Verum anagogice exponi potest, ut id quod dicitur, *Quare fremuerunt gentes*, usque ibi, *Qui habitat in cœlis*, sint verba cujuslibet Beati in patria, qui ista dicit ad insinuandum enormitatem peccati eorum qui adversus Deum et Christum ejus, id est contra eos qui nunc Deo fruuntur, convenerunt quando in vita hac fuerunt. Et convenit vox ista præsertim sanctis martyribus, qui se conformando divinæ justitiæ, optant vindictam de impiis, atque ob hanc adipiscendam sic dicunt : *Quare fremuerunt*, etc. Unde scriptum est : Sub

Apoc. vi, 9,
10.

Pet. LVIII, 11.

6 Denique quilibet Deo jam fruens, dicere potest : *Ego autem constitutus sum rex ab eo super Sion montem sanctum ejus* : id est, in cœlo empyreo coronam victoriæ et regium diadema recepi, pro tribulationibus atque laboribus in mundo perpensis; *prædicans*, id est extollens seu laudans, *præceptum ejus*, scilicet Domini, quoniam justum est, et quia illud implendo, felicitatem adeptus sum. *Dominus di-*

B seu imperfecto ac misero, facit Deus comprehensorem, et perfectum atque felicem. *Postula a me, et dabo tibi gentes hereditatem*, etc. Istud Dominus dixit ad Beatos, quando vivebant in sæculo, secundum intellectum in præcedenti expositione tactum. Vel nunc quoque dicit istud ad ipsos, quoniam Sancti in patria habent sibi subjectos populos mundi hujus, quemadmodum apud Sapientiam legitur : *Judicabunt justî nationes, et dominabuntur populis. Reges eos in virga ferrea.* Certum 8
9 est viatores regi ab angelis sanctis in virga ferrea, id est justa ac forti directione. Animæ quoque Beatorum regunt nos, orando pro nobis. *Et tanquam vas figuli confringes eos.* Sanctis qui judicabunt cum Christo, hoc verbum competit, quia simul cum Christo confringent et conterent impios ab omni esse spirituali, beato, et glorioso.

Sap. III, 8.

Porro quæ sequuntur, *Et nunc, reges, intelligite*, usque ad finem, sunt verba triumphantis Ecclesiæ ad Ecclesiam militantem. Angeli enim qui sunt administratores spiritus, ex parte Dei ac omnium Beatorum hortantur homines, et eos præcipue qui aliis præsident, dicentes per 10-13
14

Hebr. I, 14

inspirationem mentalem, quæ est occulta interiorque locutio : Et nunc, reges, intelligite. Et sunt verba hæc exponenda sicut exposita sunt.

Itaque ex anagogica expositione psalmi istius, docemur contemplari gloriam Beatorum in patria, quantam videlicet felicitatem sortiti sunt, et quantum præmium receperunt pro temporali et modica tribulatione vitæ præsentis : atque ex hac contemplatione inflammari debemus ad obtinendam hanc felicitatem, et propter ejus amorem fortiter sequi exempla, vitam, mo-

res, ac tribulationes Beatorum, quatenus eorum consortio post præsens exilium feliciter copulemur.

PRECATIO.

Miserator et piissime Deus, qui tibi famulantes ubique tueris et defendis, dona nobis in Christo Filio tuo fideliter vivere, eique jugiter servire in timore et exultare cum tremore : ut apprehensa justitiæ disciplina, in ea persistentes beati in perpetuum existamus.

ARTICULUS XV

EXPLANATIO LITTERALIS PSALMI TERTII : DOMINE. QUID MULTIPLICATI SUNT. ETC.

1 Hujus psalmi talis est titulus : *Psalmus David, quum fugeret a facie Absalon filii sui*. Quidam autem hunc psalmum ad litteram exponunt de David, et ita titulus difficultatem non habet. Constat enim scienti Scripturas, quemadmodum narratur Absalon cupidum regni, voluisse patrem suum sanctum David occidere, ut eo occiso ipse regnaret ; et congregato exercitu, volebat obsidere Jerusalem. Quo audito, David cum suis fugit ; et tandem ejus exercitus vicit atque fugavit exercitum Absalon. Joab quoque princeps militiæ interfecit Absalon de quercu pendentem. In hac ergo persecutione, fecit David hunc psalmum, qui ad litteram de ipso intelligi potest, quamvis verius et efficacius exponatur de Christo.

II Reg. xv-
xviii.

2 LOQUENS ergo David de se ipso ad Deum : *Domine, inquit, quid multiplicati sunt qui tribulant me*, id est ob quam causam ? quasi dicat : Non est rationabilis causa, sed conjuratio valida. Quamvis enim David peccavit, adulterium et homicidium committendo, quia Bethsabec cognovit, et virum ejus Uriam interfeci or-

II Reg. xvi, 4,
15.

B dinavit, tamen vehementer pœnituit : et tamen in pœnam tanti peccati, permisit Dominus sibi hanc fieri persecutionem ; sed persequentes movebantur injuste, putantes eum omnino reprobatum a Deo. *Multi*, scilicet omnes Absaloni faventes, *insurgunt adversum me*, volentes me de regno expellere atque occidere. *Multi dicunt animæ meæ*, id est, multi loquuntur de anima mea : *Non est salus ipsi in Deo ejus*, id est, omnino maledicta et reprobata est propter scelerum ejus enormitatem, scilicet homicidii et adulterii. Unde Achitophel et alii multi persuaserunt populo, quod Deus abjecisset David, et ergo sine peccato persequerentur eum, et Absaloni adhererent.

3

3 *Tu autem, Domine, susceptor meus es*. Hæc sunt verba David consolantis se ipsum, et amorose atque gratanter ad Deum loquentis, quasi dicat : Illi ita desperant de me ; tu autem, Domine, susceptor es animæ meæ, id est miserator meus, recipiens pœnitentiam meam, et precem meam exaudiens ; *gloria mea*, id est objectum et causa gloriæ meæ, quia in te solo glorior, II Cor. x, 17.

4

et gratiam hujus sanctæ gloriationis tu A
mihi infundis. Et ideo sequitur : *et exal-*
tans caput meum, id est erigens mentem
meam ad te, dansque fiduciam elevandi
5 oculos meos ad te. Ideirco, *4 Voce mea ad*
Dominum clamavi, petens liberari ab eo
a malo pœnæ et culpæ, et ejus voluntati
me totum committens. Nec frustra, nam
sequitur : *et exaudivit me de monte sancto*
suo, id est de sublimi throno solii sui, vel
de excelsa ac summa clementia sua.
6 *5 Ego dormivi, et soporatus sum*. Ad lit-
teram, somnus valet ad mitigationem tri-
stitiæ, sicut et balnea. David ergo dormien-
do relevamen suæ tristiciæ sumpsit, tam
ex causa naturali, scilicet somni, quam ex
infusione consolationis divinæ. Propterea
ait : *et exsurrexi, quia Dominus suscepit*
me, id est, per gratiam et misericordiam
suam adjunxit me sibi, et roboravit cor
7 meum in se. Unde subjungit : (6) *Non time-*
bo millia populi circumdantis me, id est,
nullam multitudinem contra me insurgen-
tem verebor; et ut in hac fortitudine animi
stabilis perseverem, *exsurge, Domine*, non
de loco surgendo, sed succurrendo et mo-
do exsurgentis te habendo; *salvum me*
fac, Deus meus.

7 Quoniam tu percussisti omnes adver-
santes mihi sine causa. Hic redditur cau-
sa, non ejus quod dictum est, sed ejus
quod sequitur : non enim ideo oravit Da-
vid salvari a Deo, quoniam Deus percussit
omnes adversantes sibi, nam illa percus-
sio orationem ejus secuta est. Sed quia
Dominus percussit adversarios David, vel
terrendo, vel lædendo, vel interficiendo
eos qui Absaloni favebant; ideo dñtes
peccatorum contrivit, id est, ora obloquen-
tium ipsi David clausit, et verba eorum
B maligna repressit. Ideo subdit : *dentes pec-*
catorum contrivisti.

Verum quoniam omnis ista victoria a
Deo collata est David, ideo addit : (8) *Do-*
mini est salus, id est, liberatio ab ad-
versariis a Deo confertur, et ipsi recte
adscribitur. Consequenter David mutat per-
sonam, per figuram quæ dicitur metapla-
smus; et loquens ad Dominum, ait : *et*
super populum tuum, id est super eos qui
mihi adhæserunt, *benedictio tua*, id est
collatio munerum tuorum, protectio atque
C redemptio : quia exercitus David, quam-
vis modicus esset in comparatione exerci-
tus Absalonis, tamen Deo auxiliante præ-
valuit.

ARTICULUS XVI

EXPOSITIO EJUSDEM PSALMI TERTII ALLEGORICA.

DOCTORES catholici, Augustinus, Cas-
siodorus et alii, exponunt hunc psal-
mum ad litteram de Christo; qui vero eum
litteraliter de David exponunt, ipsum al-
legorice de Christo intelligunt. Sed quid-
quid dicatur, de Christo convenienter ex-
ponitur. Titulus tamen mystice exponendus
est. David enim (sicut ostensum est) ratio-
ne interpretationis, figura est Christi. Ab-
salon vero, qui interpretatur *pax patris*,
typus est Judæ traditoris, de quo postea
Ps. xl, 10. dicitur, Etenim homo pacis meæ in quo

D speravi; qui etiam in Evangelio filius
Christi seu Sponsi inter ceteros discipulos
nuncupatur, ubi Christus ait : Non possunt
filii sponsi, quamdiu eum illis est spon-
sus, jejuna. Sensus ergo tituli est : *Psal-*
mus David, quum fugeret a facie Absalon
fili sui, id est, psalmus loquens de Chri-
sto, quum fugeret a mente Judæ quondam
discipuli sui. Tunc enim Christus recessit
a corde Judæ, quando post buccellam in-
troivit in eum Satanas. Matth. ix, 15.

Sic igitur Christus ad Deum Patrem, vel

Joann. xiii, 27.

etiam ad totam supersanctissimam Trinitatem loquendo, vel certe Christus ut homo, loquens ad se ipsum ut est Deus :
 2 *Domine*, inquit, id est, o Deus Pater; vel, o Deus trine ac simplex, qui es omnium Dominus; vel, o Verbum ac Fili Dei, qui meam humilitatem ad tuam personalitatem assumpsisti; *quid*, id est quo meo demerito, *multiplicati sunt, qui tribulant me*, id est, qui quærunt occidere me, et obloquuntur, convitianturque mihi? quasi dicat, Nullo: non enim Christus fecit peccatum pro quo pati meruit. *Multi insurgunt adversum me*, illi scilicet qui tribulant me, scilicet Pharisei et Scribæ, cum principibus sacerdotum ac populo. *Multi dicunt animæ meæ: Non est salus ipsi in Deo ejus*. Tales erant prædicti infideles Judæi, qui Christum reputabant blasphemum, voratorem, dæmoniacum, et insanum, sicut in Evangelio sæpe habetur.

Marc. II, 7;
Matth. XI, 19; *Joann.* X, 20.

4 *Tu autem, Domine, susceptor meus es*: id est, tu, Verbum atque Unigenite Dei secundum divinam naturam, susceptor meus es quantum ad naturam humanam. Christus enim ut Deus, suscepit atque assumpsit in unitate personæ naturam humanam. *Gloria mea*, id est objectum beatitudinis meæ: quia gloria humanitatis Christi consistit in unione ac speculatione propriæ deitatis. Unde subjungitur: *et exaltans caput meum*, id est, elevans intellectum meum creatum, sive humanum, ad claram ac beatificam divinæ essentiæ visionem, quam Christus ut homo, vidit a primo instanti suæ conceptionis in Virgine matre, ut dictum est. — Vel sic: *Tu autem, Domine, susceptor meus es*: id est, tu, Deus Pater, vel tota Trinitas, susceptor meus es, id est exauditor et conservator meus, a cujus amore et beneplacito separari nec volo nec valeo; *gloria mea*, id est causa et ratio omnis lætitiæ meæ; *et exaltans caput meum*, id est, honorans atque glorificans me in signis et virtutibus, quibus hominibus innotescere potest me esse verum Christum ac Filium tuum, imo et verum Deum. Sicque per caput intelligi po-

A test Christi divinitas: caput enim Christi Deus, secundum Apostolum. Et hanc Deus Pater, seu Deus Trinitas exaltavit, quando per Spiritum hominibus revelavit Christum esse Deum ac hominem, non in una natura, sed in una persona. Unde Christus ait: Clarifica me tu, Pater, apud temetipsum, claritate quam habui antequam mundus fieret: non quod Christus claritatem, quam ante mundi constitutionem habuit, unquam amisit; sed oravit ut vera sui cognitio hominibus innotesceret. Unde iterum ait: Pater, venit hora, clarifica Filium tuum, ut Filius tuus clarificet te: ubi, nisi in cordibus hominum?

I Cor. XI, 3.
Matth. III, 16, 17.

Joann. XVII, 5.

Ibid. 1.

Voce mea ad Dominum clamavi. Sicut Evangelistæ testantur, Christus erat pernoctans in oratione Dei, et passione instanti, ter Patrem oravit: nec frustra, quoniam subditur, *et exaudivit me de monte sancto suo*, id est de excelso habitaculo suo, vel de sublimi justitia sua. Infra enim habetur: Justitia tua sicut montes Dei. De hac ergo justitia exaudivit Deus Christum, quoniam divina dictante justitia, decessit Christum in omni oratione a Deo exaudiri, sicut et ipse Deo in omnibus obedientissimus fuit. Nam orationem illam quam ante passionem effudit, dicens, Transeat a me calix iste, Deus implevit. Non enim absolute oravit a passione liberari, sed hoc finaliter desideravit atque oravit ut Patris impleretur voluntas, dicens: Non mea voluntas fiat, sed tua. Quare ad Hebræos de Christo Apostolus: Exauditus est, inquit, pro sua reverentia. Christus quoque dicit ad Patrem: Pater, gratias ago tibi, quoniam exaudisti me; ego autem sciebam quoniam semper me audis.

5
Luc. VI, 12.
Matth. XXVI, 39-44.

Ps. XXXV, 7.

Matth. XXVI, 39.

Luc. XXII, 42.

Hebr. V, 7.

Joann. XI, 41, 42.

Consequenter Christus loquitur de sua passione, sepultura, ac resurrectione, dicens: *Ego dormivi*, somno mortis in cruce; *et soporatus sum*, tribus diebus ac noctibus jacens in tumulo. Mors quippe Sanctorum, somnus vocatur, quia ad vitam immortalem a Deo suscitabuntur. Et sepelitio Christi, bene soporatio appellatur, quia tam cito (utpote tertia die) suscita-

batur. Unde subjungitur, *et exsurrexi*, de A clauso sepulcro, sicut egressus sum de clauso Virginis utero; *quia Dominus suscepit me*, id est, de numero mortuorum reduxit me.

7 *Non timebo millia populi circumdantis me*. Hæc possunt esse verba Christi post

Rom vi. 9. resurrectionem, quoniam surgens a mortuis, jam non moritur, quia immortalis surrexit. Et ideo de cetero non timebo millia populi, id est quaecumque multitudinem mihi resistere cupientem, vel me circumdantem : non quod post resurrectionem valuerint adversarii Christi ipsum circumdare, quoniam inter impios post mortem conversatus non est, neque inju-

Act x, 41. stis apparuit, sed testibus præordinatis a Deo; sed ideo dicit, Non timebo millia populi circumdantis me, id est, qui tempore passionis circumdedit me (illos enim post passionem non timuit), quia impassibiliter resurrexit. — Possunt et hæc verba de Christo intelligi ante passionem. Quamvis enim naturalem timorem sponte admisit,

Mat xxvi, 37; *Marc* xiv, 33.

Luc xxii, 44.

Joann xviii, 5, 7.

quando passione instante cepit contristari ac mœstus esse, pavere atque tædere, et quando factus est sudor ejus sicut guttæ sanguinis decurrentis in terram; tamen ab oratione surgens, turbis impiorum intrepidus obviavit, et dixit : Quem quæritis? Sic itaque ait, *Non timebo millia*

populi circumdantis me; et ut non formidem, oro, o Domine, *exsurge*, subveniendo; *salvum me fac*, Deus meus, a morte, non deserendo me in sepulcro, nec derelinquendo animam meam in inferno, sed ad cœlos recipiendo me.

Quoniam tu percussisti omnes adversantes mihi sine causa. Sæpe in Prophetis ponitur tempus præteritum seu præsens pro futuro, propter certitudinem prophetiæ. Ita hic ponitur præteritum pro futuro : quod tamen modo impletum videmus. Quoniam tu percussisti, id est quia percuties,

omnes adversantes mihi sine causa, id est persecutores ac crucifixores meos, incredulosque Judæos, qui æterna pœna percussi sunt, et posteri eorum usque in præsens capti sunt, expulsi, et multis miseriis involuti, illis exceptis qui pœnituerunt. *Dentes peccatorum contrivisti*, id est, blasphemias, irrisiones et oblocutiones eorum qui mihi in vita et in morte atque post mortem illudebant et detrahebant, conteres, ostendendo falsitatem eorum, et digna eos

pœna torquendo. *Domini est salus*, id est, a Deo est ista mea salvatio de manibus iniquorum; *et super populum tuum*, id est super eos qui in me credunt, et mea vestigia insequuntur, *benedictio tua*, id est collatio gratiarum tuarum, o Domine Pater. Hæc enim sunt verba Christi ad Deum.

ARTICULUS XVII

TROPOLOGICA EJUSDEM PSALMI TERTII EXPLANATIO.

INSUPER exponendus est psalmus iste de quolibet justo seu tota militante Ecclesia, quatenus ex his quæ de prioribus justis ac Sancto Sanctorum Domino nostro Jesu Christo scripta sunt, accipiamus moralem doctrinam, et instruiamur quid nobis agendum sit, dum talia nobis eveniunt, qualia antiquis Sanctis, Deique Filio

contigerunt. David enim non solum Christi, sed et cujuslibet justis atque Ecclesiæ tenet figuram, quia Ecclesia per virtutem sponsi sui Christi Jesu, quilibet quoque fidelis, est David, id est manu fortis et desiderabilis adspectu. Absalon vero typus est mundi, et horum qui justos persequuntur ac tentant. Unde secundum tropolo-

Ps xv, 10.

8

9

1 *giam, sensus tituli hujus psalmi est : Psalmus David, quum fugeret a facie Absalon filii sui, id est, canticum Ecclesiae omniumque justorum, quum se per bonam conversationem abstrahunt a consortio mundi ac impiorum, qui sunt filii Ecclesiae potentia, non actu; nomine, non re.*

Dicat ergo Ecclesia, dicat et quaelibet rationalis creatura, variis tentationibus, multis tribulationibus atque miseriis pulsata,
2 *pressa ac fatigata : Domine, id est, o Deus aeternae, omnipotens, adorande; vel, Domine, id est, o Jesu Christe; quid multiplicati sunt qui tribulant me? scilicet mundus, caro et diabolus, quia tres sunt inimici justorum. Multi insurgunt adversum me, utpote homines saeculares, concupiscentiae carnales, et aeriae potestates : hi enim infestant et tribulant justos. Multi dicunt, id est, verbo vel opere asserunt, animae meae : Non est salus ipsi in Deo ejus. Mundani ac impii vitam justorum putant insaniam, et finem illorum sine honore : et ideo habent eos in derisum et in similitudinem improprietatis.*

Deinde sequitur verbum dulcissimum, atque consolatio optima : quod verbum unicuique in tribulatione ac tentatione constituto, cum magna et amorosa fiducia ad Deum dicendum est. *Tu autem, Domine, susceptor meus es, ad quem in adversis confugio; gloria mea, ad quam in omni mœrore propero et respiro; et exaltans caput meum, id est, ab omni dejectione eripiens animam meam. Unde scriptum :*

Quum ignoremus quid facere debeamus, hoc solum habemus residui, ut oculos nostros dirigamus ad te. *Voce mea ad Dominum clamavi.* Hoc versu docetur omnis fidelis, quid tempore tribulationis sibi agendum sit. Debet enim voce sua clamare, id est vehementi et alto cordis affectu clamare, ad Dominum : et tunc Dominus exaudiet eum, ita ut se relevatum sentiens, dicat, *et exaudivit me de monte sancto suo.*

Sed perseveranter orare oportet, imo sine intermissione.

6 *Ego, scilicet Ecclesia seu quilibet justus,*

A *dormivi, id est, tribulationibus opprimebar, ut tæderet animam meam vitae meae, et præ tædio dormirem; et soporatus sum, per tempus perseverando in tali angustia; et exsurrexi, id est, consolationem recepi, atque prævalui, non viribus aut meritis meis, sed quia Dominus suscepit me, id est, misericordia ejus amplexata est me et precem meam admisit. Vel sic : Ego dormivi, id est, in peccatis prostratus fui et jacui; et soporatus sum, id est, in peccatorum delectatione permansi, et propter pigritiam a bonis operibus cessavi. Peccatori autem clamat Apostolus : Surge, qui dormis. Et Salomon : Usquequo, piger, dormies? Dormit enim qui nec contemplatur cœlestia, nec verba Dei audit, nec aliqujus spiritualis sensus operationem exercet. Et exsurrexi, quia Dominus suscepit me, id est, a vitiis desii, et juste vivere cœpi, quia Dominus misertus est mei, indulgentiam gratiamque præstando. Unde subdit : Non timebo millia populi circum-*

7 *catervam verebor. Cor enim in Deo firmatum nihil timet præter Deum : quia si timet hominem, hoc est propter Deum. Justus enim, quasi leo confidens, absque terrore erit. Et, Qui timet hominem, cito corruet. Sed quia fortitudinem non habet aliquis a se ipso, ideo additur : Exsurge, Domine; salvum me fac, Deus meus. Oportet enim ut Deus in nobis bona inchoet, continuet, et consummet : ideoque incessabiliter ad ipsum clamare debemus.*

8 *Quoniam tu percussisti omnes adversantes mihi sine causa. Christus in Evangelio discipulis dixit : Confidite, ego vici mundum. Ipse quoque superavit principem hujus mundi. Sic ergo Ecclesia et unusquisque devotus ad Christum dicere potest : Quoniam tu percussisti, id est, superasti ac reprobasti, omnes adversantes mihi sine causa, id est mundum seu homines saeculares ac dæmones, qui mihi adversantur conando me a te summo bono avertere, et vitiis implicare. Dentes peccatorum contrivisti, id est, sermones seu ora eorum*

Job x, 1.
Ps. cxviii, 28.

Ephes. v, 14.
Prov. vi, 9.

Ibid. xxviii, 1.
Ibid. xxix, 25.

Joann. xvi, 33.

Sap. v, 4.

Ibid. 3.

II Par. xx, 12.

I Thess. v, 17.

qui vitam bonorum diffamant, et famam ipsorum honestam dilacerant, contrivisti, saltem per prohibitionem. — Potest autem exponi hic versus, accipiendo præteritum pro futuro, modo locutionis propheticae. *Quoniam tu percussisti*, id est, tu, Domine Jesu Christe, omnium judex, percuties in die iudicii, *omnes adversantes mihi sine causa*, id est eos qui modo me injuste vexant ac tribulant : et tunc *dentes peccatorum*, id est verba detractorum ac invidorum, *contrivisti*, id est, conteres, retundes, damabis.

Hunc igitur psalmum decantet, qui ten-

tationibus tribulationibusque pulsatur : et si eum attente cantaverit, magnum utique relevamen experietur, sentietque quam vere atque salubriter Jacobus in Canonica sua consulat : Tristatur aliquis vestrum ? Oret æquo animo, et psallat.

PRECATIO.

Voce nostra ad te, Domine Deus noster, oratione clamantes, exaudi nos de monte sancto tuo : exsurge in adjutorium nostrum, But tua opitulatione salutem et æternam benedictionem consequamur.

ARTICULUS XVIII

EXPOSITIO QUARTI PSALMI : QUUM INVOCAREM, ETC.

PORRO psalmus iste talem habet titulum : *In finem, psalmus cantici David* : id est, tractatus iste, qui ad bene operandum hortatur, est psalmus cantici, id est spirituales jucunditatem includens, et de æternis bonis gaudere nos faciens ; David, id est factus ab ipso ; in finem, id est dirigens nos ad Christum, qui est omnium rerum Alpha et Omega, principium et finis. Est enim duplex finis, videlicet consumens, sicut de candela jam igne consumpta dicimus. Finita est candela ; et est finis consummans seu perficiens, ut de domo jam completa asserimus, Finita est domus. Et hoc secundo modo Christus est omnium rerum finis, quoniam ipse est consummata perfectio atque felicitas nostra. Continet igitur psalmus iste spiritualem doctrinam seu informationem moralem, spei inflammationem et internam lætitiā.

LOQUENS itaque Propheta in persona Ecclesiæ seu cujuslibet justi : (1) *Quum invocarem*, inquit, *exaudivit me Deus justitiæ meæ* : id est, quum intus Deum ro-

garem, quum ex interno affectu ad ipsum clamarem, dum tota mentis occupatione in Deum versante ac fixa orarem ; exaudivit me Deus justitiæ meæ, id est, a quo omne est bonum quod habeo, omnis justitia quam exerceo. Et in hoc Propheta instruit nos, ut Deum intime invocemus in omni nostra angustia. Per id vero quod addit, Exaudivit me Deus justitiæ meæ, inflammat atque confortat spem nostram, ut fudicialiter invocemus, quasi diceret : Quemadmodum Deus me invocantem exaudivit, sic vos quoque exaudiet, si pure, perseveranter et sine omni hæsitazione deprecati fueritis, non in vestris justitiis, sed in Dei miserationibus confidentes. *In tribulatione dilatasti mihi* : id est, in ipsa spiritus mei afflictione, seu corporis infirmitate, interius consolatus es me, dando patientiam veram, per quam cuncta adversa lætanter sustineo, et æquanimiter fero, ita ut cor meum ex mentali et sancta lætitia dilatetur in semetipso. Per tristitiam namque cor constringitur et coarctatur, sed per lætiam dilatatur seu amplificatur. Unde Apo-

Apo. 1, 8;
xvi, 6; xvii,
13.

Jacobus 1,
13.

stolus, ex discipulorum suorum memoria
 11 *Cor.* vi, 11. exhilaratus: Cor, inquit, nostrum dilatatum
 est. Verum, quoniam homo semper debet
 esse timoratus atque sollicitus quamdiu in
 præsenti versatur exilio, nec sic propter
 adeptam a Deo gratiam et consolationem
 securus sit, quin semper sit de periculis
 futuris anxius, quemadmodum scriptum
 est, Beatus homo qui semper est pavidus;
 10 *Prov.* xxxiii, 14. ideo subditur: 2 *Miserere mei*, compati-
 endo mihi ne futura pericula incidam, ne
 susceptam gratiam perdam, ne tibi ingra-
 tus inveniar; et *exaudi orationem meam*.
 Per hoc inflammatur, et quasi recalescit
 affectus, desiderando ut Deus misereatur
 ipsius.

Præterea, quoniam caritas fraterna exi-
 git, ut homo gratiam sibi divinitus im-
 pertitam, proximis suis communicare de-
 sideret, orando, docendo, aut exemplariter
 conversando: sicut in prima sua Canoni-
 ca gloriosissimus apostolici ordinis prin-
 ceptus hortatur, Unusquisque, inquit, sicut
 10 *1 Pet.* iv, 10. accepit gratiam, in alterutrum illam admi-
 nistrantes, sicut boni dispensatores multi-
 formis gratiæ Dei: ideo Ecclesia seu
 3 quilibet justus, postquam coram Domino
 cor suum orando effudit, ad aliorum se
 informationem convertit, et ait: (5) *Filii*
hominum. In Hebræo habetur, Filii Adam.
 Adam enim apud Hebræos non solum est
 nomen proprium, sed etiam appellativum,
 designans idem quod homo. Itaque, Fi-
 lli hominum, filii Adam, filii primorum
 parentum, qui portatis imaginem terreni,
 10 *1 Cor.* xv, 49. non cœlestis, id est, qui imitami præ-
 varicationem Adæ, non obedientiam Chri-
 sti, *usquequo gravi corde?* id est, quamdiu
 habebitis cor deorsum? quousque in re-
 bus transitoriis affectum demergitis, non
 quærentes quæ sursum sunt? *Ut quid di-*
ligitis vanitatem, id est temporalia ista
 vanissima? quæ dum plus amantur quam
 Deus, vanissima sunt, quia mentem a sum-
 mo bono avertunt, et vilissimis consolatio-
 nibus implicant; et *quæritis mendacium*,
 decipiendo mutuo vosmetipsos? Vel, Ut
 quid quæritis mendacium, id est sensi-

bilis bona, atque carnalia oblectamenta?
 quæ satietatem et felicitatem quamdam
 promittunt amanti; sed fallunt, quoniam
 desiderium non quiescit in ipsis: imo
 amor et delectationi carnali multæ admi-
 scentur miseriæ, angustiae, tristitiæ atque
 malitiæ.

Consequenter ponit Scriptura conside-
 rationem, quæ peccatores merito debet a
 terrenis avertere, et ad Dei obsequium in-
 flammare. 4 *Et scitote*, id est, sapienter
 pensate, *quoniam mirificavit Dominus san-*
 4 *ctum suum*, id est, mirabiliter adornavit
 et exaltavit sanctum suum, id est quemli-
 bet sibi perfecte et pure ministrantem, vel
 per gratiam excellentem in præsenti, vel
 per gloriam jam in cœlo, vel per divina
 miracula, per quæ Deus ostendit homini-
 bus quam accepta sit sibi vita sanctorum.
 Vel sic: Scitote quoniam Dominus, id est
 Deus Pater, mirificavit Sanctum suum, id
 est Jesum Christum, qui in evangelio Mar-
 ci dicitur Sanctus Dei: quem mirificavit
 ante nativitatem, prædicendo per Prophe-
 10 *Marc.* i, 24. tas eum nasciturum; in nativitate, edu-
 cendo eum ex clauso Virginis alvo; post
 nativitatem, quoniam angeli ejus nativita-
 tem pastoribus nuntiabant; atque in de-
 10 *Luc.* ii, 9-12. serto, dum erat cum bestiis, et angeli sibi
 ministrabant; in morte quoque, per solis
 supernaturalem eclipsim; atque post mor-
 tem, per resurrectionem, ascensionem, ac
 Spiritus Sancti missionem. *Dominus ex-*
audiet me, quum clamavero ad eum. Hoc
 est verbum bonæ spei, quæ ex amore ad
 Deum nascitur. Nam qui diligit Deum, fir-
 10 *Matth.* iv, 4, 11; *Marc.* i, 13. miter sperat, nihil eorum quæ ad veram
 salutem spectant, sibi a Deo fore negan-
 dum. In hoc quoque verbo, præstatur nobis
 spes adipiscendi gratiam Domini, per quam
 efficiamur sancti, et mirificemur ab ipso.

5 *Irascimini, et nolite peccare*. Quædam
 est ira procedens ex zelo justitiæ, et ratio-
 nem sequens ac sponte assumpta, quate-
 nus homo per eam opus virtuosum fortius
 exsequatur. Hæc autem ira est bona, nisi
 fortasse excessive fervereat seu accenda-
 tur, vel graviores pœnam exposcat, quam

4

Marc. i, 24.*Luc.* ii, 9-12.*Matth.* iv, 4, 11; *Marc.* i, 13.*Luc.* xxiii, 44, 45.

5

culpa meretur. De hac igitur ira exhortando dicitur : Irascimini, scilicet contra vitia, contra diabolum, contra negligentias vestras ; et nolite peccare, id est permittere ut iræ commotio ita crescat, ut ratio perturbetur, vel immoderata ultio appetatur. Denique alia est ira per vitium, quæ rationem præcedit, et ei frequenter resistit, cujus tamen primi motus sunt veniales : et de ista ira intelligi potest quod dicitur, irascimini ; sed tunc dicitur hoc, non exhortando ut irascamur, sed remedium atque consilium exhibendo, quid nobis agendum sit quando motus iræ insurgit. Unde subjungitur, Et nolite peccare, id est, reprimate iram, ne per verba aut gestus aliis innotescat, aut certe in opus procedat : et hoc verba sequentia planius pandunt. *Quæ dicitis in cordibus vestris*, id est, in animo cogitatis, *in cubilibus vestris compungimini*, id est, in secreto mentis vestræ pœnitentiam agite de peccato cogitationum vestrarum, ne suggestioni illicitæ consentiatis. Corda enim sunt quasi cogitationum cubilia.

Quia vero non sufficit a vitiis abstinere, ideo subditur : (6) *Sacrificate sacrificium justitiæ*. Sacrificium appellatur, quod Deo offertur. Externum autem sacrificium, signum est sacrificii interioris, quo spiritus se ipsum Deo offert per sanctam devotionem, veram caritatem, ac intimam humilitatem, se ipsum et omnia sua Deo adscribens, ejusque venerationi impendens quidquid est, potest, et agit. Itaque, *Sacrificate sacrificium justitiæ*, id est, omnia opera vestra interiora et exteriora ad Dei honorem exercete ; et ut Deo grata sint, satagite laudabiliter conversari, iusteque vivere. Sed quia ex tali conversatione posset aliquis se ipsum extollere, et quasi de propriis meritis gloriari atque confidere, ideo addit : *et sperate in Domino* : non in vestris justitiis, sed in misericordia ejus, a quo est omnis sufficientia vestra. Ignorantes enim Dei justitiam, et suam volentes constituere, justitiæ Dei non sunt subjecti.

II Cor. III, 5.

Rom. x, 3.

Multi dicunt : Quis ostendit nobis bona? Hæc est questio malignorum, qui vel providentiam Dei negant, vel esse aliam vitam post istam non putant. De quibus Malachias dicit : *Prævaluerunt super me verba vestra*, dicit Dominus, et dixistis : *Vanus est qui servit Domino ; et quod emolumentum, quia custodivimus præcepta ejus, et ambulavimus tristes coram Domino?* Hi itaque dicunt : *Quis ostendit nobis bona?* id est, quis novit si spiritus filiorum Adam ascendat, et an sit vita in qua unicuique justa retributio fiat? Potest quoque verbum istud aliter introduci. Multi namque, videlicet Academici, asserebant non posse hominem aliquid certo scire : unde de omnibus dubitabant, et solum opinative loquebantur. De his ergo ait Propheta : *Multi dicunt, Quis ostendit nobis bona?* id est, quis facit veritatem certo cognoscere? Ad hanc vero quæstionem respondet Propheta :

7 Signatum est super nos lumen vultus tui, Domine : id est, animæ nostræ im-

pressa est quædam participatio luminis vultus tui, hoc est divini intellectus ; et in claritate hujus lucis ostenduntur nobis bona, id est, intellectualiter videmus animæ immortalitatem, divinam providentiam, justam omnium præmiationem, et certitudinaliter rerum veritates agnoscimus. Hoc autem lumen signatum super nos, quamvis dici posset naturale lumen intellectus humani, per quod philosophi multa de prædictis veraciter cognoverunt ; melius tamen intelligitur supernaturale lumen, videlicet fides et splendor gratiæ Dei, reformans in nobis imaginem beatissimæ Trinitatis, seu donum sapientiæ atque scientiæ. *Dedisti letitiam in corde meo* : id est, o Domine, ex hoc quod scio esse signatum super me lumen vultus tui, spiritualiter gaudeo, et vehementer exulto : quod utique gaudium, ne ingratus existam, tibi adscribo.

8 A fructu frumenti, vini et olei sui, id est ex abundantia temporalium rerum, *multiplicati sunt*, id est, ab illo summo

Malach. III, 13, 14.

Eccle. III, 21.

7

8

Luc. x, 42. uno, quod solum necessarium est, multiplicititer aversi sunt, miserabiliter vagantes atque distracti. Qui? nisi de quibus jam dixit, Multi dicunt, Quis ostendit nobis bona? id est, homines sæculares, mundi divitiis et carnis deliciis obtenebrati: qui cor suum in Deo nequaquam simplex esse sinunt, sed in caducis bonis ipsum dispergunt. De quibus Osee ait: Divisum est cor eorum; nunc interibunt. Et apostolus Judas in sua Canonica: Hi sunt qui segregant semetipsos, animales, spiritum non habentes. Verumtamen est quoddam frumentum et quoddam vinum, a quorum fructu bonum est multiplicari, hoc est fecunditate ac numero augeri. De quibus Zacharias: Quid bonum Domini, et quid pulchrum ejus, nisi frumentum electorum, et vinum germinans virgines? Quod melius exponi non potest, nisi de Sacramento corporis ac sanguinis Christi. Similiter de quodam oleo postea dicitur: Impinguasti in oleo caput meum. Sed ista non sunt frumentum, vinum, et oleum eorum de quibus nunc ait Scriptura, sed electorum: et ideo addidit, Sui.

Hi ergo jam dicti, sic multiplicati, sunt instabiles, vagi, distracti; sed ego (dicit Ecclesia vel quilibet justus), *(9) In pace in id ipsum dormiam et requiescam.* Pax est tranquillitas bonæ ordinationis, seu quies a perturbatione: sicut dum caro obedit spiritui, sensualitas rationi, et ratio Deo. Id ipsum vero, est Deus sublimis et benedi-

ctus, apud quem non est transmutatio nec vicissitudinis obumbratio, quia semper et invariabiliter æque perfectus, æque beatus, et æque gloriosus existit. Itaque, *In pace*, id est in vera mentis tranquillitate ac stabili ordinatione, *in id ipsum*, id est in Deum æternum qui semper idem ipse est, *dormiam*, id est, ab exteriori occupatione, a sensibilibus attrectatione cessabo, et *requiescam*, id est, in divinæ dulcedinis degustatione, in divinæ bonitatis contemplatione, in divini amoris ardore suaviter repausabo, nunc quidem inchoative per gratiam, in futuro autem consummative per gloriam: et hæc ob id, o Domine Deus, dicere audeo, *(10) Quoniam tu, Domine, singulariter in spe constituisti me.* Quamvis siquidem de nullo desperandum sit in vita præsentis, sed omnibus dederit Deus spem posse adipisci ea, quæ nec oculus vidit, nec auris audivit; tamen homines justos constituit Deus singulariter in spe, quia ex receptione præsentium munerum certa fit eis expectatio futurorum. Ipsa etiam divina consolatio in præsentis experta, quid aliud est, nisi pignus et arrha felicitatis futuræ, gaudiiq; cœlestis prælibatio quædam? Justus igitur beneficia Dei sibi collata considerans, atque ex divinæ pietatis contemplatione, specialem et magnam ad Deum fiduciam mente concipiens, secure ac amore dicat Altissimo: Quoniam tu, Domine, singulariter in spe constituisti me.

ARTICULUS XIX

QUOMODO PSALMUS ISTE QUARTUS MULTIPLICITER POSSIT EXPONI; ET SPECIALITER DE EXPOSITIONE EJUS IN PERSONA CHRISTI.

QUONIAM quidem psalmus iste jam ad D litteram expositus est de ipsa Ecclesia et quolibet homine justo, certum est ipsum litteraliter posse exponi de David, qui auctor est psalmi istius, eo quod ipse in numero contineatur Sanctorum: et ipse veraciter a Deo sæpe exauditus est quum invocaret, et in tribulationibus suis Domi-

nus contulit ei patientiam magnam, ita ut A dilataretur cor ejus, quia agnovit in spiritu, quod postea evidenter Apostolus docuit, quod non sunt condignæ passionibus hujus temporis ad futuram gloriam. Hoc quoque quod sequitur, Et scitote quoniam mirificavit Dominus sanctum suum, de David litteraliter verum est. Nam de manu Saulis, ac multis periculis, et variis persecutionibus, mirabiliter valde a Deo præservatus salvatusque fuit; et ipse leonem ac ursum occidit, quemadmodum in libris Regum scribitur; et spiritu prophetiæ impletus est, viditque angelum Domini percutientem populum Israel.

Porro secundum hanc expositionem litteralem de David vel Synagoga, exponeretur hic psalmus de quolibet homine justo vel Ecclesia secundum tropologiam; sed quia nunc psalmus iste de Ecclesia ac quolibet justo expositus est, alia expositione non eget. Sed diligenter pensandum est omni devoto hunc psalmum legenti, ut intente advertat propria verba, sicque conversari conetur, ut in propria persona hunc psalmum vere possit proferre. Quod utique fiet, si semper assuescat orare, si in omni causa et necessitate fiducialiter recurat ad Deum, sicut ad unicum Salvatorem, fidelissimum adiutorem, spemque singularem: tunc enim non solum credet, sed experimentaliter sentiet, se frequenter exaudiri a Domino; sicque cum magna gratiarum actione concinet: Quum invocarem, exaudivit me Deus justitiæ meæ. Insuper, tanta gratia implebit eum Dominus, ut non solum dura et aspera quæ sibi contingunt, lætanter sustineat; sed paratus erit pro Dei amore et peccatorum suorum emundatione semper graviora perferre. Et hoc est vere in tribulationibus dilatari, habere animum ad duriora paratum, exemplo sancti David, qui quum fugeret a facie Absalon, dixit: Si inveni gratiam in oculis Domini, reducet me; si autem dixerit, Non places, præsto sum, faciat quod bonum est coram se, id est, de regno expellat me, vel si ei placet, occidat me.

Potest etiam psalmus hic specialiter satis de Christo exponi, eritque expositio talis allegorica, si de David litteraliter exponatur. Verumtamen de nullo tam proprie potest exponi sicut de Christo, solam litteram assequendo. Christus igitur ratione naturæ assumptæ, vel Propheta in persona Christi loquens, ait: *Quum invocarem, exaudivit me Deus justitiæ meæ*, id est Deus unus ac trinus, vel ipsummet Verbum ac Filius Dei, qui meam humanitatem assumpsit. Jam enim superius dictum

est, quod Christus semper exaudiebatur a Deo pro sua reverentia. *In tribulatione dilatasti mihi*. Hoc Christo potissime competit, quoniam in omni persecutione et passione, quam ab hora nativitatis usque ad mortem crucis sustinuit, nunquam inordinate tristatus est; sed omnia pro mundi salute libentissime atque affectuosissime pertulit, paratus semper ad duriora, si Patri placuisset. Iterum illud convenit Christo, quia in omni sua adversitate et pœna habuit gaudium beatificæ fruitionis, et ita Deus spiritualiter dilatavit et lætificavit mentem ipsius. Oravit quoque Christus sibi a Deo misereri, non propter propriæ culpæ remissionem, sed vel propter Ecclesiæ culpam, vel propter corporis sui a morte resurrectionem et glorificationem.

Et scitote quoniam mirificavit Dominus sanctum suum. Quomodo hoc competat Christo, in præcedenti expositione tactum est; et nunc adjiciendum, quod Deus benedictus et sanctus Filium suum mirificavit per totum mundum, dando Apostolis aliisque sanctissimis Christi ministris gratiam miraculorum, spiritum prophetiæ, genera linguarum, excellentiam vitæ, idololatriæ exstirpationem; et hactenus non cessat mirificare Filium suum dilectum, et glorificare fidem ipsius per magna prodigia, appendens sigillum testimonii sui Evangelio Christi.

Irascimini, et nolite peccare. Hoc est verbum Christi ad Judæos incredulos, tanquam dicat: Si oritur in vobis aliquis motus iracundiæ contra me, dum auditis

Rom. xiii, 18.

I Reg. xliii, xxiii, etc.

II Reg. xliii, 31. I Par. xvi, 10.

II Reg. xliii, 17. I Par. xvi, 10.

2

Hebr. v, 7.

4

Marc. xvi, 17, 18.

5

Matth.
xxvi, 64.

Joan. v.
36.

Hebr. x. 1.
6.

Is. lxxv, 3.

8

me dicere quod Christus sim, iudex mundi et Filius Dei, eo quod videatis me carnis infirmitati ac mortalitati subjectum : nolite peccare, id est, nolite consentire, nolite blasphemare, nolite esse increduli, quia videtis me talia facere, qualia alius nullus facere valet. Opera enim quæ dedit mihi Pater, testimonium perhibent de me.

Hoc est verbum Domini Salvatoris ad orthodoxam Ecclesiam, imo ad omnes qui post Evangelii promulgationem salvari desiderant, quasi dicat : Cessate a sacrificiis veteris legis, quæ non possunt auferre peccatum, nec accedent gratiam, quia non continent gratiam, sed figurant. Unde Isaias : Qui immolat bovem, quasi qui interficiat virum ; qui mactat pecus, quasi qui excerebret canem. Ab his ergo sacrificiis tempore novæ legis cessate, et sacrificate sacrificium justitiæ, id est Sacramentum altaris, quod est finis et consummatio, ac veritas omnium sacrificiorum legalium. Hoc, inquam, sacrificate, id est, Deo offerre, vel celebrando, vel celebranti adstando.

A fructu frumenti, vini et olei multiplicati sunt. Quamvis istud superius de malis expositum sit, potest tamen de bonis exponi, sicut et S. Thomas in cantu de festo Corporis Christi intelligit, ubi ex verbis istis talem antiphonam sumpsit : A fructu frumenti, vini et olei multiplicati fideles, in pace Christi requiescunt. Est igitur sensus : Fideles multiplicati sunt, fide et merito, a fructu frumenti, vini, id est ab effectu et gratia corporis et sanguinis Christi, et olei sui, id est a fructu spiritualis consolationis, quam in Eucharistiæ communionem percipiunt.

9

In pace Christi dormiamus et requiescam. Hoc Christus de sua morte ac sepultura affirmat. Dormivit enim in cruce, et requievit in monumento, nec in aliquo horum interior mentis suæ tranquillitas concussa est, turbata, vel diminuta, sed

A in omni sua pœnali angustia constans, solidus, atque in Deo immobilis mansit. Denique aliter exponi potest. Anima enim Christi semper videbat faciem Dei Patris, quia viatrix non erat : sicque a primo suæ creationis momento, in summa ac tranquillissima pace fuit : et in Deo ab omni distractione atque aversione dormivit, et in ipso ab omni inquietudine immobiliter requievit. Quoniam tu, Domine, singulariter in spe constituisti me. Verba sunt Christi, ut homo est, ad Deum. Christus autem quia purus viator non exstitit, ideo nec fidem habebat, nec spem, prout spes est virtus theologica, habens Deum pro immediato objecto, sicut quum dicimus, quod spes est expectatio futuræ beatitudinis. Nunquam enim beatitudo, futura vel absens fuit animæ Christi. Sed prout spes est quæcumque expectatio boni futuri, sic Christus habuit spem. Expectabat enim resuscitari a morte, et glorificari in corpore. Ob hanc expectationem ait ad Patrem : In pace dormiam, etc., quoniam tu, Domine, singulariter in spe, videlicet resurrectionis et glorificationis, constituisti me. Quamvis enim omnes fideles habeant spem resurgendi et glorificandi in die novissimo, Christus tamen ut homo, constitutus fuit in spe resurgendi ac glorificandi singulari modo, quoniam die tertia speravit in corpore impassibili et glorioso resurgere.

Cetera autem quæ nunc exposita non sunt, ex dictis in præcedenti expositione plana sunt.

PRECATIO.

Da, quæsumus, omnipotens Deus, lætitiā Spiritus tui in corde nostro : ut sacrificantes sacrificium justitiæ, ac jugiter in te sperantes, instante termino vitæ, in pace Christi dormiamus, et in ejus regno perenniter requiescamus.

40

Matth. xvi.
21: xx. 19:
Marc. ix. 9
Luc. ix.
12: xvi. 33.

ARTICULUS XX

EXPLANATIO PSALMI QUINTI : VERBA MEA AURIBUS PERCIPE, ETC.

1 Est autem titulus psalmi hujus : *In finem pro ea quæ hereditatem consequitur.* A inter hæc assignari distinctio, ut dicatur :

Gen. xvi. 1-14. In Genesi legitur quemadmodum Abraham duas habebat uxores : quarum una,

videlicet Sara, cum Isaac filio suo mansit in domo, et hereditatem obtinuit ; altera, videlicet Agar, cum filio Ismaele expulsa est. Posset ergo hic psalmus ad litteram explanari secundum istam historiam, quod psalmus iste conscriptus sit pro Sara et filio ejus ; sed multo convenientius exponitur de re significata, videlicet de Ecclesia, quæ significatur per Saram ; Synagoga, quæ significatur per Agar, dimissa ac reprobata. Est igitur sensus : Psalmus iste dirigens nos *in finem*, id est in Christum, vel in hereditatem coelestem seu vitam æternam, est *pro ea*, scilicet Ecclesia, *quæ consequitur hereditatem*, id est Deum vel Dei fruitionem. Deus namque appellatur nostra hereditas, quoniam ipse alit et continet nos ; nos quoque dicimur hereditas Dei, quia colit et regit nos, et sanguine suo redemit nos.

Galat. iv. 22-31.

2 **L**OQUENS Propheta in persona Ecclesie, pro se suisque membris orantis, primo proponit orationem, et ait : (1) *Verba mea auribus percipe, Domine ; intellige clamorem meum.* (2) *Intende voci orationis meæ.* Eundem cordis affectum ter explicavit, quatenus desiderium cordis tanto interior arderet calidius, quanto verbis exprimeretur frequentius. Quanto namque verba cordis affectum significantia sæpius iterantur, tanto affectio cordis amplius inflammatur, et ita oratio citius effectum
3 sortitur. Unde modus Scripturæ est in his quæ affectum respiciunt, idem sæpe repetere, ut accendatur affectus. Posset tamen

Verba mea, id est orationem vocalem, auribus percipe, Domine ; et intellige clamorem meum, id est cordis affectum. Per clamorem enim intelligit sacra Scriptura spiritualem clamorem. Aures Domini sunt sapientia ejus et bonitas. Per sapientiam quippe cuncta cognoscit ac percipit. Per bonitatem vero dona naturæ et munera gratiæ præstat, dans omnibus affluenter, et
Jacob. i, 5.

B possit aliquid non intelligere : omnia enim aperta et nuda sunt oculis ejus ; sed, Intellige, inquit, id est, per approbationem agnosce, per affectum adverte, per sapientiam tuam succurre. *Rex meus*, ratione gubernationis, et *Deus meus*, ratione creationis. Sed quum Deus sit omnium rex et Deus, cur dicit, Rex meus et Deus meus, nisi propter specialem providentiam, qua providet suis electis, et dirigit eos in vitam æternam, a malis præservans, a periculis eruens ? Sic dicit : Deus meus, quia
C te specialiter colo, tibi soli adhæreo, me totum tibi committo. Hoc dicere nequeunt, quorum deus venter est, aurum, vel ali-
Philipp. iii, 19.

4 *Quoniam ad te orabo, Domine, mane exaudies vocem meam* : id est, quia orabo, o Domine, ad te, dirigendo affectum ad te, vel ad te adipiscendum atque fruendum, ut possideam te in patria in æternum ; vel, Ad te, id est, ordinans precem meam ad honorem et gloriam nominis tui. Quoniam ergo ita orabo ad te, ideo mane
D exaudies vocem meam, id est cito et festinanter ; vel, Mane, id est, quum lucem miserationum tuarum effuderis super me ; vel, Mane, id est initio operationum bona-

rum. Et antequam finiatur oratio mea, exaudies me : nam sicut per Isaïam testatus es, Adhuc, inquit, illis loquentibus, ego dicam, Adsum. Et dicit, Mane exaudies, non præsumendo, sed sperando, et misericordiam provocando. (4) *Mane*, id est, quum Christus, qui est sol justitiæ et splendor lucis æternæ, illuminaverit animam meam sedentem in tenebris, atque ejecerit a me ignorantiae cæcitatem et viti-
 5 *orum* caliginem ; *adstabo tibi*, offerendo tibi cor meum, ad ministrandum ac obediendum affectuose paratum : *et videbo*, id est, splendide contemplabor, et certo cognoscam, *quoniam non Deus volens iniquitatem tu es* : imo omnis iniquitas et omnis impuritas culpæ displicet tibi ; nec vis eam effective, sed permissive.

6 (5) *Neque habitabit juxta te malignus* : id est, non erit tibi conjunctus, nec moram faciet prope te malignus, id est, qui aliis cupit nocere : non quod spatio locorum distabit a te, qui ubique es et omnia penetras ; sed quia propter dissimilitudinem peccati recedit a te, sancto justoque Deo :
 7 *neque per gloriam in futuro* : quemadmodum scriptum est, Tollatur impius ne videat gloriam Dei. *Neque permanent in-
 8 *justi ante oculos tuos**, id est ante præsentiam majestatis tuæ, ante conspectum miserationis tuæ. Vel sic : Non permanent in-
 9 *justi ante oculos tuos*, id est, non agnoscentur a te per approbationis noti-
 10 *tiam*. Unde inferius dicitur : Deleantur de libro viventium. Et alibi : Nescio vos.

Is. xxvi, 10,
juxta LXX.

Ps. lxxviii,
29.
Matth. xxv,
12; Luc. xiii,
25, 27.

7 6 *Odisti omnes qui operantur iniquitatem*. Odium, prout est passio animæ, non competit Deo, nisi transumptive, quemadmodum ira. Sed prout est detestatio voluntatis malum volentis, sic potest competere Deo : et ita Deus odit male agentes, quia detestatur et abjicit eos a se. Odit autem eos non ratione naturæ, sed culpæ.

Sap. xi, 25. Unde Sapiens dicit : Diligis omnia quæ sunt, et nihil odisti eorum quæ fecisti. Nihilominus in eodem libro habetur : Odio

A sunt Deo impius et impietas ejus. *Perdes omnes qui loquuntur mendacium*, id est, æternaliter condemnabis mentientes, nisi pœniteant. Propter quod in libro Sapien-
 11 *tiae* scriptum est : Os quod mentitur, occi-
 12 *dit animam*. Quæ de mendacio pernicioso intelligenda sunt, quod fit intentione fallendi atque nocendi, et ex malignitate procedit, estque Deo contrarium et mortale peccatum, quum Deus sit ipsa veritas. Est autem mendacium officiosum, quod pro alieujus salute aut commodo dicitur. Et est
 13 *mendacium* jocosum, quod ex levitate procedit, et causa solatii dicitur. Ista vero duo mendacii genera non sunt peccata mortalia, sed venialia. (7) *Virum sanguinum*, id est homicidam, re vel affectu : nam qui odit fratrem suum, homicida est, secundum Joannem. Itaque, *Virum sanguinum*,
 14 *et dolosum*, id est bilinguem, simulatorem, falsum doctorem, atque hypocritam, *abominabitur Dominus*, despiciens eum, et expellens a consortio electorum.

Sap. i, 11.

1 Joann. iii
15.

Deinde Ecclesia seu quilibet justus ad Deum convertens sermonem, ait : *Ego autem in multitudine misericordiæ tuæ*, sup-
 15 *ple*, a prædictis peccatis et pœnis eripiar, in tua gratia perseverabo, et beato fine concludar. Et hoc est verbum bonæ spei, vel potest intelligi per modum orationis.

8 *Introibo in domum tuam*, id est in Jerusalem cœlestem seu triumphantem Ecclesiam post præsentis vitæ exilium, ut ædificentur ex me muri Jerusalem ; interim vero introibo quotidie per affectum, cupiens dissolvi et esse cum Christo. *Adorabo
 9 *ad templum sanctum tuum** : id est, in omni oratione et adoratione dirigam intentionem meam, et figam desiderium meum ad civitatem cœlestem, ut ad eam pervenire promerear. Adorabo autem, non intimorate vagaque mente, sed adorabo in timore
 10 *tuo* : quia cum magna reverentia et ingenti cordis custodia decet te, Dominum majestatis altissimum, adorare.

Denique, quatenus ad prædictam beatitudinem tandem perducam, oro nunc, o Domine, 9 *Deduc me in justitia tua* : id est,

da gratiam ambulandi in via recta perveniendi ad te, ut scilicet tuis præceptis obediam, et in omni sancta operatione tua legi obtemperem. Deduc me ne errem, ne passiones et vitia intellectum obnubilent et corruam in conspectu adversariorum meorum : sed esto tu dux meus, ostendendo mihi per illuminationem Spiritus Sancti, quomodo caute ambulem, de virtute in virtutem proficiam, atque feliciter cursum meum consummem. *Propter inimicos meos dirige in conspectu meo* * *viam tuam* * : id est, quia vides, o Domine Deus, me in medio laqueorum jam positum, et inimicis meis, qui sunt caro, mundus atque aeriae potestates, undique circumvallatum ; ideoque dirige, id est pone, et clare memoriterque propone, in conspectu meo, id est in consideratione intellectus mei, viam tuam, id est legem mandatorum tuorum, ne unquam obliviscar eorum quæ mihi mandasti, et quæ tibi accepta sunt.

10 *Quoniam non est in ore eorum, scilicet inimicorum meorum, veritas, sed dolus. Cor eorum vanum est, id est a summo bono, ab incommutabili Deo, ab æterna veritate aversum, et ad caduca inaniaque conversum. II Sepulcrum patens est guttur eorum, id est simile aperto sepulcro, in quo homo facile labitur, et ex quo cito inficitur. Sic guttur impiorum se habet, quia mortua atque pestifera verba ex ipso procedunt ; et sermo ipsorum cadere facit, ac inficit innocentes ac simplices, nisi Deus provideat. Linguis suis dolose agebant, proponendo mala sub specie boni, ut magis decipiant.*

11 *Judica illos Deus. Hoc dicit Propheta seu quilibet justus, non optando vindictam, sed prænuntiando veritatem, vel conformando se divinæ justitiæ. Itaque, Judica illos Deus, id est, justo tuo judicio eos condemna. 12 Decidant a cogitationibus suis : id est, non obtineant quod adipisci nituntur, sed apprehende astutos in astutia ipsorum : simulatores enim et callidi provocant iram Dei, quemadmodum in Job habetur. Secundum multitudinem impie-*

tatum eorum expelle eos : id est, secundum gravitatem scelerum suorum projice eos a te in justa tormenta, quatenus quantum glorificaverunt se in malis, tantum recipiant in tormentis. *Quoniam irritaverunt te, Domine*, id est, ad iracundiam et indignationem provocaverunt : non quod invariabilis ac tranquillissimus Deus veraciter irritetur, amaricetur, aut provocetur, sicut Jeremias ait : Numquid me ad iracundiam provocant? dicit Dominus; nonne se ipsos in confusione vultus sui? Dicitur ergo Deus ad iracundiam provocari et irritari propter similitudinem operis, quia tanquam irritatus se habet, dum impios terribiliter torquet. Et in hoc verbo, Irritaverunt, notatur quam enorme sit Deum offendere, quamque horrendum sit in manus Dei viventis incidere.

13 *Et latentur omnes qui sperant in te, id est, in interiori et sancta hilaritate exsultent, qui totam spem suam fixerunt in tua elementia. In æternum exsultabunt : quia nunc temporaliter consolantur a te, et tandem regnabunt in æternum apud te ; et habitabis in eis per caritatem et gratiam. Templum enim Dei sanctum est, quod estis vos, ait Apostolus. Unde Salvator dicit : Si quis diligit me, sermonem meum servabit, et Pater meus diliget eum ; et ad eum veniemus, et mansionem apud eum faciemus.*

14 *Et gloriabuntur in te omnes qui diligunt nomen tuum. Caritas Dei otiosa esse non valet, sed semper, ut potest, procedit in actum tam interiorem quam exteriori. Actus autem caritatis sunt, dilecto bonum velle, de ejus perfectione lætari, ejus beatitudini congratulari. Propterea, qui vere diligit Deum, de immensa ejus perfectione summe lætatur, et ejus felicitati cordialiter conjucundatur : et talis gloriatio est divinissima, ac Deo gratissima, summeque meritoria. Ideo autem diligentes te, Domine, gloriabuntur in te, quoniam tu benedices, id est, gratiam tribues, et copiosa munera dabis justo : imo faciem tuam ei ostendes, in cujus contem-*

ApoC. XVIII, 7.

Jer. VII, 19.

Hebr. X, 31.

12

I Cor. III, 17.

Joann. XIV, 23.

43

platione totius lætitiæ plenitudo consistit: A
Ps. xv, 11. sicut postea dicitur, Adimplebis me lætitia
Joann. xiv, 21. cum vultu tuo. Unde in Evangelio: Qui
 diligit me, diligitur a Patre meo; et ego
 diligam eum, et manifestabo ei me ipsum.

13^a Domine, ut scuto bonæ voluntatis
 tuæ coronasti nos: id est, o Domine, corona-
IPetr. ii, 9. sti nos, id est, genus regium et sacerdotale
Joann. i, 12. fecisti nos, dando nobis potestatem filios
 Dei fieri, et de adversariis triumphandi,
Ps. viii, 8. ornando nos variis donis Spiritus Sancti,
 atque omnia subjiciendo sub pedibus no-

stris. Quomodo autem coronavit nos, pan-
 dit, quum addit: Ut scuto bonæ voluntatis
 tuæ, id est tegumento benignissimæ pie-
 tatis tuæ. Quasi dicat: Sic coronasti nos,
 id est, undique gratia tua ornasti ac subli-
 masti nos, ac si essemus scuto quodam
 operati atque protecti: imo scuto bonæ vo-
 luntatis tuæ, id est ipsamet bona seu pia
 voluntate tua, quæ est nobis ut scutum,
 coronasti nos, præveniendo per gratiam,
 conservando per misericordiam, et beatitu-
 dinem promittendo per consummationem.

ARTICULUS XXI

QUOMODO PSALMUS ISTE QUINTUS SPECIALITER ET CONGRUENTER EXPONI
 POSSIT DE CHRISTO.

1 **P**ORRO, quum titulus libri istius sit ta-
 lis, Incipit liber Hymnorum Prophetæ
 de Christo, debemus in hoc sacratissimo
 libro omnia pro posse ad Christum refer-
 re. Potest ergo non solum hic psalmus, sed
 etiam titulus ejus convenienter de Christo
 exponi, ut sit tituli sensus: *In finem pro*
ea quæ consequitur hereditatem, id est,
 psalmus iste dirigens nos in finem, id est
 felicitatem æternam, est pro ea quæ con-
 sequitur hereditatem, id est, tractat de
 Christi humana natura, quæ unita est hy-
 postatica unione Verbo Dei, sicque tam
 specialiter, tamque eminenter consecuta
 est hereditatem, id est omnium divino-
 rum charismatum plenitudinem atque fe-
 licissimam Dei fruitionem, ut per eam to-
 tum genus humanum perducatur ad vitam
Joann. i, 16. beatam: quia de plenitudine ejus accepi-
 mus omnes gratiam pro gratia, sicut Joan-
 nes ait.

Christus ergo ratione humanæ naturæ
 orans, ait ad Patrem seu totam Trinitatem,
 vel ad se ipsum, secundum quod Deus
 2 est: *Verba mea auribus percipe, Domine.*

B Quæ sunt verba, quæ Christus a Deo ex-
 audiri precatur, nisi orationes illæ quas
 pro membris suis, id est pro nobis, effu-
 dit? De quibus in Evangelio Joannis legi-
 tur: Non pro mundo rogo, sed pro his
 quos dedisti mihi de mundo. Non rogo ut
Joann. xvii, 9.
 tollas eos de mundo, sed ut serves eos a
Ibid. 15.
 malo. Et denuo: Pater sancte, conserva eos
Ibid. 11.
 in nomine tuo quos dedisti mihi, ut sint
 unum, sicut et nos. Alibi quoque ad Pe-
 trum: Ego, inquit, rogavi pro te, Petre, ut
Luc. xxii, 32.
 non deficiat fides tua. Rogavi, inquit, pro
 te, id est pro tota Ecclesia. Unde rursus
 ad Patrem dicit: Non pro his, scilicet Apo-
Joann. xvii, 20, 21, 23.
 stolis, rogo tantum, sed pro eis qui cre-
 dituri sunt per verbum eorum in me, ut
 omnes unum sint, sicut tu, Pater, in me,
 et ego in te, ut omnes sint consummati
 in unum. Insuper addit: *Intellige clamo-*
rem meum. Quis est iste clamor Filii Dei,
 quem cupit a Patre intelligi? nisi oratio
 quam pendens in cruce emisit, dum di-
 xit, Pater, ignosce illis, quia nesciunt quid
Luc. xxiii, 34.
 faciunt; et iterum, quando clamans voce
 magna, dixit, Pater, in manus tuas com-
 2 *Ibid. 46.*

Joann. xix. 28. mendo spiritum meum: et rursus. Sitio, id est, hominum salutem desidero.

3 *Intende voci orationis meae, Rex meus:* omnium quidem rex, sed specialiter rex meus, quoniam ita rexisti me Filium tuum incarnatum, quod nunquam peccavi, nunquam a via recta erravi, nunquam imperfecte me habui; *et Deus meus:* omnium quidem Deus, sed singulariter Deus meus, quoniam ego solus, in quantum sum homo, magis te diligo, magisque colo ac veneror, quam omnes simul intellectuales creaturæ.

4 *Quoniam ad te orabo, Domine.* Hoc competit Christo, quoniam diabolo dicenti, *Matth. ix. 9. 10.* Hæc omnia tibi dabo, si procidens adoraveris me, ipse respondit: Vade retro, *Deut. vi. 13.* Satana; Dominum Deum tuum adorabis, et illi soli servies. *Mane exaudies vocem meam*, id est cito. Quomodo enim Filio suo carissimo, in quo sibi complacuit, aliquid denegaret Pater cælestis? *Mane adstabo tibi, et videbo, quoniam non Deus volens iniquitatem tu es.* Mane, id est primo omnium et ante omnem aliam occupationem; adstabo tibi: quemadmodum scriptum est, *Ibid. vi. 33.* Primum quærite regnum Dei et iustitiam ejus. Istud Christo specialissime competit, quoniam ipse a Deo constitutus est justorum impiorumque iudex. Et ideo adstat Deo tanquam ex ejus commissione judicans, et ejus justitiæ summe concordans, voluntatique ejus semper plene consentiens: et ita videt, id est, clare cognoscit, quoniam Deus qui est iudex per auctoritatem, non vult iniquitatem. *Neque habitabit juxta te malignus, etc.* Quumque sit ita, ideo, o Deus Pater, judicabo sicut te sentire cognosco, separando bonos a malis; et bonos in palatio gloriæ tuæ recolligam, malos autem in ignem æternum projiciam.

6 *Ego autem in multitudine misericordiæ tuæ:* id est, ego Filius tuus magna et multa misericordia tua præventus sum, in quantum homo: quoniam sola divina dignatione et misericordia unita est humanitas mea Verbo tuo, omni gratia adimpleta, sine præ-

8 *Ego autem in multitudine misericordiæ tuæ:* id est, ego Filius tuus magna et multa misericordia tua præventus sum, in quantum homo: quoniam sola divina dignatione et misericordia unita est humanitas mea Verbo tuo, omni gratia adimpleta, sine præ-

viis meritis ab omni culpa præservata, et in omni bono completa. Merito ergo dico me esse in multitudine misericordiæ tuæ.

Introibo in domum tuam, scilicet in die ascensionis, quando reversus sum in domum cælestem. Vel, In domum tuam, id est in templum tibi in Jerusalem consecratum: in quo Christus prædicavit atque miracula fecit, et de quo vendentes et ementes eiecit, dicens, Domus mea domus orationis vocabitur. In hoc enim templum Dominum Christum fuisse introiturum, Aggæus propheta ita prædixit: Veniet Desideratus cunctis gentibus, et implebo domum istam gloria, dicit Dominus. In hoc quoque templo Christus adoravit in timore Domini: quia replevit eum spiritus timoris Domini, juxta Isaïæ oraculum. De Christo etiam ad dexteram Patris jam residente ait Apostolus, quia interpellat pro nobis.

Domine, deduc me in justitia tua. Hanc orationem facit Christus pro corpore suo mystico, quod est Ecclesia. Ipse enim non oravit duci in via Dei, quia confirmatus erat in bono, neque mereri potuit sibi, neque proficere, quoniam comprehensor fuit perfectus. Oravit tamen interdum pro se, scilicet pro corporis sui glorificatione, vel aliquo simili.

Cetera hujus psalmi patent ex dictis in præcedenti explanatione.

Quomodo autem hic psalmus moraliter possit exponi, jam satis ostensum est, nec est difficultas in hoc. Docemur vero ex psalmo isto, quatenus cum magna attentione oremus. Qualiter enim Deo dicere possumus, Verba mea auribus percipe, Domine, si nos ipsi non percipiamus auribus cordis quid loquamur? Et quomodo dicimus ei, Intellige clamorem meum, si non mentaliter, sed vocaliter solum clamamus? Denique, quid apparentiæ habet, ut Deus voci orationis nostræ intendat, si nos ipsi inattenti ac vagi corde fuerimus? Et ideo scriptum est: Ante orationem præpara animam tuam, et noli esse quasi homo tentans Deum. Docet enim nos hic psalmus diligenter pensare, quam enorme at-

Matth. xxi. 12, 13.

Agg. ii. 8.

Is. xli. 3.

Rom. viii. 34.

9

Sensus moralis.

Eccli. xviii. 23.

que damnabile sit Deo non obedire, nec A
Sap. xiv, 9. iuste conversari, eo quod Deus impios
Matth. xxv, 41. odio habeat, et æternaliter separet eos a
 se, tradens eos æternis suppliciis. Pos-
 tremo, docemur in Deo sperare, speran-
 do lætari, lætando diligere, diligendo qui-
 escere.

PRECATIO.

Rex et Deus noster, deduc nos in justi-
 tia tua propter inimicos nostros, et dirige
 in conspectu tuo viam nostram : ut in no-
 bis scuto bonæ voluntatis tuæ coronatis,
 in æternum exsultes et habites.

ARTICULUS XXII

EXPLANATIO SEXTI PSALMI : DOMINE, NE IN FURORE, ETC.

- PRESCRIBITUR autem psalmo huic titulus B
 1 iste : *In finem, psalmus David, pro octa-
 va.* Cujus sensus est : Psalmus iste a san-
 cto David compositus est, et dirigit nos in
 finem seu Christum, qui est terminus pe-
 regrinationis nostræ ; pro octava, id est,
 scriptus ac editus est timore extremi judi-
 cii, quod fiet in die novissimo, quæ vo-
 catur octava, quoniam sequitur tempus
 sæculi hujus, quod septem diebus evolvi-
 tur. Denique verba sunt signa eorum quæ
 versantur in mente. Unde secundum di-
 versas animæ affectiones, et diversa for-
 mantur verba orationis ac laudis. Interdum
 enim afficitur anima vehementi timore,
 interdum ardenti amore, interdum dele-
 ctatione insolita, interdum vero ingenti
 tristitia : et secundum hoc variantur ser-
 mones forinsecus. Clarum est quoque, ex
 vehementiori affectu verba affectuosiora
 procedere.
- IGITUR anima fidelis ac timorata deli-
 quisse se pensans, atque futuri judicii
 districtiorem considerans, quasi vehemen-
 ter perterrita, et Judicem suum interim
 mitigare affectans, talem precem effun-
 dit : (1) *Domine, inquit, ne in furore tuo
 arguas me* : id est, o Domine, ne ita in
 præsentī vita relinquant me impēniten-
 tem, inemendatum, incastigatum, ut in die
- judicii arguas me in furore tuo, id est
 secundum districtissimum zelum justitiæ
 tuæ, quando jam pœnitentiæ locus non
 erit, nec misericordia miseris fiet, sed sum-
 ma justitia omnibus impendetur. Et ideo
 tunc quasi furiosus, quantum ad repro-
 bos, apparebis per examinis districtiorem
 sive asperitatem, et supplicii acerbitatem :
 et iste effectus tuæ justitiæ, furor vocatur.
 Sed modo da gratiam deplangendi pecca-
 ta, vitandi pericula, faciendi opera virtu-
 osa, ne tunc in furore tuo arguas me. Non
 enim bis vindicabis in id ipsum. *Neque Nahum 1,*
in ira tua corripias me : id est, nec ita
 9. modo permittas me indultum pœnitentiæ
 tempus negligere, ut in hora particularis
 judicii mei, quando scilicet anima mea
 egredietur a corpore, et tuo tribunali præ-
 sentanda est, corripias me in ira tua, id
 est in severitate æquitatis divinæ, condem-
 nando animam meam in infernum, donec
 in die novissimo corpori reunita, simul
 cum illo sortiatur duplicem pœnam. Du-
 plex constat esse judicium, scilicet uni-
 versale, quod fiet in fine sæculi, quando
 omnes homines simul judicabuntur. Aliud
 est judicium particulare, quo singuli judi-
 cantur, quum moriuntur. Universale au-
 tem judicium terribilius est particulari ju-
 dicio, quia in illo anima et corpus simul
 damnabuntur, et judex tunc terribilior ap-

parebit : multaque alia erunt quæ illud A
iudicium horribilissimum facient, ut ar-
dens mundus, hians infernus, dæmones
accusantes, angeli adstantes, coram omni-
bus angelis, hominibus, atque dæmonibus
accusari, reprobati, confundi, damnari :
quoniam singulorum peccata singulis in-
notescent, ut omnes cognoscant iudicem
esse justissimum. Unde furor, qui sonat
aliquid majus quam ira, ad universale ju-
dicium pertinet; ira vero, ad particulare
iudicium.

Potest etiam aliter explanari quod dici- B
tur, ut sit sensus : *Domine, ne in furore*
tuo arguas me, id est, ne in æternum con-
demnes me; *neque in ira tua corripas*
me, id est, neque in purgatorio torneas
me : sed nunc quotidie purga me paterna-
liter corrigendo, dulciter inflammando me
tuo sancto amore, quoniam caritas operit
multitudinem peccatorum; et secundum
mansuetudinem tuam fac mecum. Ideo
enim sanctus Job orat : Dimitte me, Domi-
ne, ut plangam paululum dolorem meum,
antequam vadam, et non revertar, ad ter-
ram tenebrosam et opertam mortis caligi-
ne. Jeremias insuper futuri iudicii furorem
se ferre non posse perpendens, sic orat :
Corripe me, Domine, verumtamen in ju-
dicio et non in furore tuo, ne forte ad
nihilum redigas me.

Peccator ergo vere pœnitens, et de se
Deo respondere ac satisfacere non posse
adspiciens, oret, et dicat quod sequitur :

3 2 *Miserere mei, Domine*, compatiendo mi-
seriæ meæ, id est per modum patientis
te habendo, videlicet succurrendo mihi in
omni angustia et indigentia; *quoniam in-*
firmus sum, quia ex me ipso nil possum,
sed tota sufficientia mea ex te est, ex gratia
tua dependet, ex misericordia tua emanat.

Infirmus sum, non possum tibi responde-
re unum pro mille; non possum, imo nec
opto resistere vultui tuo : et ideo *sana me*,
Domine, id est, a peccatis quæ sunt vul-
nera animæ meæ, purga et eripe me, non
solum culpam, sed etiam pœnam relaxan-
do; *quoniam conturbata sunt ossa mea*,

id est, virtutes animæ meæ concussæ et
motæ sunt. Adversitates namque, passio-
nes et vitia, actum virtutum frequenter
impediunt atque commaculant, atque per
hoc ipsi habitus virtuosi debilitantur. Et
ideo propter admixtionem imperfectionum
nostrarum cum actu virtutum, omnes no-
stræ justitiæ sunt tanquam pannus men-
struatæ. Unde ad removendum impedi-
menta virtutum, indigemus donis Spiritus
Sancti, quæ a virtutibus distinguuntur, et
in adjutorium earum præstantur.

5 *Et anima mea turbata est valde*, sci-
licet recordatione præteritorum malorum,
consideratione futurarum pœnarum, con-
templatione divinæ justitiæ, et propter
difficultatem perveniendi ad veram per-
fectionem, quam vehementer desiderat.
Sed tu, Domine, usquequo? id est, quam-
diu in tanta tribulatione relinquis me?
quousque non subvenis exaudiendo, et
desideratam gratiæ plenitudinem infun-
dendo?

4 *Convertere, Domine*, id est, converte
me ad te; vel, Convertere, ut qui grati-
am subtrahendo propter peccata mea re-
cessisti a me, per gratiæ infusionem re-
vertaris ad me; convertere ab ultione ad
indulgentiam, a rigore justitiæ ad suavita-
tem clementiæ; *et eripe animam meam*,
ab omni periculo, a sterilitate et tædio
proficiendi in bonis, et a turbatione præ-
missa. *Salvum me fac*, nunc per gratiam,
et in futuro per gloriam : et hoc non pro-
pter meam justitiam, sed *propter miseri-*
cordiam tuam. Scio enim, o Domine, te
per sanctum Ezechielem dixisse : Non pro-
pter vos ego faciam, dicit Dominus, no-
tum sit vobis, sed propter nomen sanctum
meum.

5 *Quoniam non est in morte qui memor*
sit tui : id est, nullus in peccato mortali
existens, memor est tui memoria merito-
ria : et ideo peto gratiam mihi infundi, ut
opera mea meritoria fiant. Vel, Non est in
morte, id est post mortem, qui memor sit
tui memoria salutari : et hoc verum est
de his qui sine caritate et gratia mortui

Is. LXIV, 6.

4

5

Ezech.
XXXVI, 22,
32.

6

1 Petr. IV, 8.

Job X, 20,
21.

Jer. X, 24.

II Cor. III,
5.

Job IX, 3.

sunt. Nam qui in purgatorio sunt, Dei sunt A memores : alias non sperarent liberari a pœnis. *In inferno autem quis confitebitur tibi ?* quasi dicat, Nullus : quoniam nec confessio laudis divinæ, neque confessio propriæ culpæ in inferno invenitur. His
 10. *Eccle. ix,* consonat autem quod Salomon ait : Quodcumque potest facere manus tua, instanter operare : quia nec opus, nec ratio, nec sapientia, nec scientia erunt apud inferos, quo tu properas.

Hucusque beatissimus David in persona veraciter pœnitentis loquens, ostendit B quomodo a peccatore pœnitentiam agente orandus sit Judex cœlestis. Nunc insuper proprio exemplo docet quid pœnitens agere debeat, ut non solum verbo, sed etiam opere Deum conciliet. Ait enim :

7 (6) *Laboravi in gemitu meo* : id est, sic interius de peccatis meis contritus sum, quod exteriores pœnitentiæ actus et satisfactionis labores non omisi, sed flendo, abstinendo, sacris vigiliis insistendo, me ipsum afflixi. Peccatum namque, quoniam delectationem habet annexam, per laborem cui adjuncta est quædam afflictio, indulgetur. Hoc quoque quod dicitur, Laboravi in gemitu meo, de interiori labore accipi potest, imo interior labor exteriorem excedit, sicut et dolor interior exteriorem. Sic igitur, Laboravi in gemitu meo, id est, in interiori cordis tristitia laboravi, interius meditando, me ipsum spernendo, Deum mentaliter exorando. Nam, ut ait Agathon anachoreta, Non est labor tam grandis, ut Deum intente orare. Laboriosum est enim cor diu servare in summo, propter fragilitatem et instabilitatem mentis humanæ.

Lavabo per singulas noctes lectum meum. Qui hoc ad litteram posset implere, vere pœnitens probaretur ; nec videtur impossibile hoc ipsum litteraliter adimplere, si sane intelligatur, ut sit sensus : Lavabo per singulas noctes, id est aliquo tempore singularum noctium, lectum meum, id est aliquam partem lecti, sic quod præ abundantia lacrimarum non tantum facies mea,

sed etiam pars lecti vultui proxima humectetur. Debet enim se homo in lecto quasi in tumultu ponere, et peccatorum suorum ac mortis atque divini iudicii recordari ; sicque adspirare ad Deum, et vultum et lectum sanctis lacrimis lavare : et ideo additur, *lacrimis meis stratum meum rigabo* : et hoc est explanatio ejus quod dictum est. Possumus tamen per noctes, intelligere peccata ; et per lectum, conscientiam seu delectationem malam ; et per stratum, consuetudinem pravam. Ut sit sensus : *Lavabo*, seu mundabo, *per singulas noctes*, id est per singula vitia, gemendo pro singulis memoriæ occurrentibus et magis ponderandis, *lectum meum*, id est conscientiam meam, ea abjiciendo de quibus remorsum conscientiæ habeo ; vel, *Lectum meum*, id est delectationem malam, in qua tanquam in lecto prostratus jacui et quievi. Hanc lavabo, pro ea me ipsum castigando, atque ab ea me de cetero subtrahendo. *Stratum meum*, id est consuetudinem pessimam, *lacrimis meis rigabo*, id est, copiose deplangam, nec cessabo donec ipsam funditus extirpavero, habitumque virtutis ei oppositum adeptus existero : quod utique magno et longo eget labore.

(7) *Turbatus est a furore oculus meus* : id est, consideratio mentis meæ turbata est, concussa seu perterrita, a furore, id est a distictione iudicii Dei, seu propter gravem vindictam divinæ justitiæ. Vel sic : Turbatus est a furore oculus meus, id est, intellectus meus inquietatus est et intranquillus effectus a furore, id est ex vehementi ira seu indignatione, quam concepi contra me ipsum, propter enormitatem peccatorum meorum. Passiones quippe quamvis sint bonæ et sponte assumptæ, solent tamen rationem aliququaliter perturbare, secundum Thomam in prima secundæ. Hujus verourbationis causa subjungitur : *In-*
 8 *veteravi*, id est, animo vetus factus sum, et prope interitum factus, in vitiis jacens sordidus, et a spirituali juventute, quæ est reformatio mentis per gratiam, elongatus :

Thom 1, 2,
 q. 22 et de-
 incept.
Hebr. viii,
 13.

et hoc, *inter omnes inimicos meos*, id est inter omnes qui me a summo bono conantur avertere, qui sunt mundus, diabolus, vitia, et concupiscentiæ carnis. Inter hos inveteravi ipsorum suggestionibus consentiendo, atque ipsorum operibus me conformando. Non acquievi divino Apostolo exhortanti : Exspoliare veterem hominem cum actibus suis, et induite novum, qui secundum Deum creatus est, qui renovatur de die in diem in agnitione ejus qui creavit eum.

Coloss. iii,
9, 10.

Rom. xiii,
12.

9

Nunc autem obedire cupio ei qui ait, Abjiciamus opera tenebrarum : et ergo, (8) *Discedite a me*, id est, nolite me ad peccandum inducere ; discedite consilio, similitudine, vita, affectu, *omnes qui operamini iniquitatem* : qui mecum pœnitere non vultis. Nolo enim vestro consentire consilio, nolo vobis similis esse, nolo imitari vestram vitam neque affectum. Et hoc ideo, *quoniam exaudivit Dominus vocem fletus mei*, id est interiorem affectum, ex quo vox et fletus oriuntur, et propter quem exaudiri dicuntur. Non enim clamor, sed amor, non fletus oculi, sed cordis contritio, penetrant cœlos, et in aures Dei introeunt.

10

Denique hanc suam exauditionem bis repetit, ad ostendendum quam gratus sit Deo, quamque jucundus in Domino pro beneficiis ejus. Ait enim : (9) *Exaudivit Dominus deprecationem meam*, indulgentiam donans ; *Dominus orationem meam suscepit*, gratiam præstans. Nunquam enim peccatum mortale dimittitur, nisi simul gratia gratum faciens infundatur.

11

Sed quoniam piæ amorosæque mentis est, ut eandem gratiam aliis optet ac oret, quam sibi divinitus datam cognoscit, idcirco pro aliis orans veraciter pœnitens, (10) *Erubescant*, inquit, id est, de malis culpæ verecundentur, *et conturbentur vehementer ea conturbatione*, qua ego turbatus sum, scilicet commotione ad bonum, *omnes inimici mei*, id est, qui me odiunt, quia me a Deo avertere cupiunt ; sed ego diligo eos propter bonum naturæ, quo bea-

titudinis sunt capaces : nisi enim diligere eos et essent amici mei, nequaquam orarem pro eis. *Convertantur* a vanis atque caducis ad verum et incommutabile bonum, *et erubescant*. Repetitio verbi, est affectionis indicium. Erubescant igitur *valde velociter*, quia periculum est in mora. Unde scriptum est : Non tardes converti ad Dominum, et ne differas de die in diem, et dicas, Miseratio Dei magna est : subito enim veniet ira ejus, et in die qua non speras, disperdet te.

Ecclesi. v, 8,
6, 9.

B Postremo certum est, psalmum hunc ad litteram posse exponi de David, quoniam ipse non solum peccator ac pœnitens fuit, sed magna quoque peccata commisit, et omnium pœnitentium spes atque exemplar effectus est, efficacissime pœnitendo, plenissimam indulgentiam consequendo, et excellentissimam gratiam acquirendo. Creditur etiam frequenter ad litteram implevisse quod dictum est : Laboravi in gemitu meo ; lavabo per singulas noctes lectum meum. Si igitur sic intelligeretur de David, tunc allegorice exponeretur de quolibet efficaciter pœnitente, sicut et modo expositus est. Sed quoniam expositiones istæ non differunt, nisi quod una docet quid sit factum, alia quid sit faciendum, idcirco unica ista expositio sufficit.

Expositio
litteralis
alia de Da-
vid.

Est autem hic psalmus primus inter pœnitentiales psalmos : qui omnes cum summa diligentia perscrutandi et intelligendi atque legendi sunt, quia in eis tanquam in libro ac speculo docetur peccator se ipsum D respicere, peccatorum suorum enormitatem pensare, divinum iudicium formidare, devotissimas quoque et affectuosissimas, imo et efficacissimas orationes ad Dominum fundere, quæ cito exaudiri merentur, si tamen cum gustu cordis ac præcordiali contritione fundantur. Considera ergo, o peccator ac pœnitens, sanctum David ; labora cum eo in gemitu cordis tui ; non des requiem tibi, donec reconcilies tibi Judicem tuum ; lava per singulas noctes lectum tuum, quemadmodum Jeremias desiderat,

Jer. xiv, 17. Deducant, inquit, oculi mei lacrimas A

per diem et noctem, et non taceant. Unde

Job iii, 24. et sanctus *Job* ait : Antequam comedam, suspiro ; et quasi inundantis aquæ sic rugitus meus. Non tantum emundat et ornat candidissimum pannum ex incuria maculatum lotio aquæ, quantum purgat et ornat rationalem animam pœnitentialis profusio lacrimarum.

PRECATIO.

Piissimam clementiam tuam, omnipotens Deus, suppliciter imploramus : ut qui assiduis excessibus te offendimus, non in furore tuo arguas, neque in ira tua corripas ; sed converte et ab æterna damnatione eripe animas nostras, et salvos nos fac propter misericordiam tuam.

ARTICULUS XXIII

EXPLANATIO LITTERALIS SEPTIMI PSALMI : DOMINE DEUS MEUS, IN TE SPERAVI.

1 PRÆPONITUR demum psalmo huic hic titulus : *In finem, psalmus David, quem cantavit Domino pro verbis Chusi filii Jemini*. Titulus iste variis modis exponitur, secundum quod psalmus iste diversimode explanatur. Secundum litteralem ergo intelligentiam psalmi istius, sensus tituli facilis est. Legitur enim in libro Regum, quemadmodum David persecutionem Absalon fugiens, remisit amicum suum Chusi ad Absalon, quatenus ejus consilia exploraret, et regi David continuo nuntiaret : quod et factum est. Itaque, verborum occasione quæ Chusi intimaverat David, edit sanctus David hunc psalmum. Qui licet convenientius exponatur de re significata, quam de significante figura, potest tamen exponi de ipsa re gesta ac significante. Unde sic primo exponendus est, sed breviter valde atque cursorie, eo quod talis expositio sit minus fructuosa seu dulcis, et devotioribus fratribus parum suavis ac placens.

Ibid. xvii, 1-4. **D**AVID igitur ab insidiis, quas sibi Absalon ex consilio Achitophel præparavit, cupiens liberari, sic orat : (1) *Domine Deus meus, in te speravi* : et ita quodammodo merui exaudiri, quoniam scio quod non deseris sperantes in te : propter quod

B fiducialiter ad te confugio et exoro ; *salvum me fac ex omnibus persequentibus me, et libera me* ; (2) *Nequando*, id est ne unquam seu aliquo tempore, *inimicus meus rapiat animam meam*, id est, exstinguat vitam meam, *ut leo*, qui animalia mansueta occidit : ne, inquam, sic rapiat, *dum non est qui redimat, neque qui salvum faciat*, id est, quia non est qui redimat et salvet, nisi tu redimas, salvumque facias.

Consequenter excusat se David a peccato, quod adversarii sui ei impingebant, asserentes se juste persequi eum, quemadmodum in expositione tertii psalmi plenius dictum est. Ait igitur : (3) *Domine Deus meus, si feci istud*, quod mihi imponitur, et *si est iniquitas in manibus meis*, de qua jam non sum contritus ; (4) *si reddidi retribuentibus mihi mala*, id est, si reddidi malum pro malo : si, inquam, aliquod horum in me est, *decidam merito*, id est, juste cadam et vincar, *ab inimicis meis inanis*, id est vanus et a gratia vacuus. David enim puerum Absalon servari præcepit, ne occideretur, et Sauli aliisque suis æmulis benefecit. Denique clarius istud prosequitur : (5) *Persequatur inimicus meus, scilicet Absalon et omnis ei adhærens, animam meam, et comprehendat*, id est, me ipsum vel vitam meam corporalem exstinguat,

3

Ps. iii, 2.

4

5

II Reg. xviii,

3.

I Reg. xxiv,

4-8; xxvi, 7-

13, et alibi.

6

Judith xiii, 17.

et me captivet seu perimat; *et conculcet* A *in terra vitam meam*, eam penitus exstinguendo, *et gloriam meam in pulverem deducat*, id est, regia potestate me privet.

7 Sed quia ita non est, propterea 6 *Exsurge, Domine*, auxiliando, *in ira tua* pugnando pro me, et impios juste corripiendo in præsenti, ne æternaliter pereant; *et exaltare in finibus inimicorum meorum*, id est, triumphare et prævalere in loco et terra adversantium mihi, dando mihi victoriam contra eos, ut desinant dominari in terra, in qua violenter dominium obtinent. (7) *Et exsurge*, id est, ad actum justitiæque procede, *Domine Deus meus*, in præcepto quod mandasti: id est, per ipsum tuæ legis præceptum ostende impietatem adversariorum meorum. Lex enim præcepit ut filii honorarent parentes, et subditi regem: contra quod faciebant Absalon et ejus fautores, David de regno expellentes.

Exod. xx, 12.

II Reg. xv, et alibi.

8 *Et synagoga populorum*, id est congregatio bonorum atque fidelium, *circumdabit te*, id est, ex omni parte convolabit ad te, adhærendo tibi, et tuam justitiam approbando. (8) *Et propter hanc*, id est propter salutem et informationem synagogæ seu populi tui, *in altum regredere*, id est, majestatem justitiæ tuæ declara, impios et superbos dejiciendo, humiles vero ac pios sublimando. Vel, Regredere, id est, redi in altum, id est in summum justitiæ tuæ, ut qui malos permisisti ad tempus regnare, nunc juste reprimas eos, ne diutius præsidendo, gravius condemnentur.

9 *Dominus judicat*, id est, discernit, ac D *juste remunerat, populos*, dando unicuique secundum opera sua. (9) *Judica me, Domine, secundum justitiam meam*, id est secundum exigentiam meritorum meorum, *et secundum innocentiam meam super me*: id est, secundum abstinentiam meam a malo, restitue mihi, faciendo mihi sicut ego feci proximis meis: quatenus sicut ego illis non nocui, ita nec tu noceas mihi. Istud est verbum hominum perfectorum: et beatus qui tuta conscientia de se

ita loqui potest ad Deum omnia cognoscentem. (10) *Consumetur*, id est, finem accipiat, *nequitia peccatorum*, ne addant peccata peccatis, et thesaurizent sibi iram divinæ vindictæ; *et diriges justum*, id est, in rectam viam deduces, atque perficere facies justum, *scrutans corda et renes, Deus*, id est, discutiens et intime videns cogitationes, et concupiscentias seu delectationes examinans.

10

Rom. II, 5.

(11) *Justum adjutorium meum a Domino, qui salvos facit rectos corde*. Quia enim superius dixit, Si est iniquitas in manibus meis, etc.; et, *Judica me secundum justitiam meam*: ideo sequitur, ut juste mereatur adjuvari a Domino, cujus est rectos corde seu justos salvare. (12) *Deus iudex* 12 *omnium infallibilis, justus*, apud quem non est personarum acceptio, *fortis*, cujus sententiæ nemo resistere potest, *et patiens*, id est longanimitèr sustinens; *numquid irascitur*, id est, ulciscitur et juste remunerat, *per singulos dies*, id est tam cito ut mali merentur? quasi dicat: Non; sed diu et æquanimiter tolerat impios, ut convertantur.

Rom. II, 11.

Verumtamen, o impii, ne dilatio iræ Dei vos pigros et intemoratos, securosque reddat, ideo dico vobis: (15) *Nisi conversi fueritis ad penitentiam salutarem, gladium suum vibrabit*, id est, manifestam vindictam exercebit, præsertim in futuro, id est universali judicio, quando videbit omnis caro Christum judicem. *Arcum suum tetendit*, id est, occultam ultionem minatus est impiis, quoniam subtrahit gratiam suam ac paternam correctionem: quæ est occulta atque dirissima pœna divinæ justitiæ; *et paravit illum*, scilicet arcum ad sagittandum, id est letaliter et æternaliter condemnandum ingratos et du- 14 *Et in eo*, scilicet in arcu suo, *paravit vasa mortis*, id est in effusione ultionis suæ mortíferas pœnas, imo et æterna tormenta. *Sagittas suas*, id est inflictiones pœnarum, *ardentibus effecit*, id est, in illicitæ concupiscentiæ ardorem resolutis paravit.

13

Job xix, 26; Matth. xxv, 31 et seq.

14

- 15 15 *Ecce parturit iniquitatem*, id est, A incidit malum culpæ ac pœnas æternas. impius suggerente diabolo operatus est. Istud in Absalone impletum est, qui alios 11 *Reg.* xv, 10-12.
contra divinum præceptum; *concepit dolorem*, id est animum inordinatum ac induxit; sed incidit in foveam quam fecit, quoniam in fugam conversus est, et 11 *ibid.* xviii, 7-15.
malum propositum: animus enim inordinatus sibi ipsi est pœna; *et peperit iniquitatem*, id est, ad effectum perduxit quod animo cogitavit. (16) *Lacum aperuit*, id est, non solum in se ipsum peccavit, sed aliis quoque occasionem peccandi exhibuit: lacum aperuit, id est, malum exemplum seu falsum consilium ministravit proximis; *et effodit eum*, id est, lacum hunc quantum in se fuit, foris ad operationem malam eduxit; vel, Effodit, id est, profunde in cordibus aliorum eum infixit; vel, Effodit, id est, industrie et penetrative cogitavit quomodo lacum hunc aliis aperiret, eosque in ipsum induceret; *et incidit in foveam quam fecit*, id est, fraudem et malum seu laqueum quem aliis præparavit, ipsemet incidit. Uniuscujusque iniquitas in proprium redundat auctorem, et ipsi primo atque præcipue nocet: imo dum alium decipere cupit, ipse a dæmone fallitur; et dum alii parat malum pœnæ seu temporalia damna, ipse
- 17 *Convertetur dolor ejus in caput ejus*, id est, malitia impii in se ipsum et in rationem ejus revertatur, et noceat ei, habeatque conscientiæ vermem de vitiis suis; *et in verticem ipsius*, id est in intellectum ipsius, qui est summa potentia animæ, *iniquitas ejus descendet*, seu redundabit. Hoc ait, non desiderando, sed prophetando; vel certe desiderando ut temporaliter puniatur a Domino, ne æternaliter crucietur.
- (18) *Confitebor Domino*, confessione laudis, id est, laudabo Dominum, et laudem ejus cantabo, *secundum justitiam ejus*, id est, prout justitia ejus declarat eum omni laude dignissimum, eo quod unicuique reddat quemadmodum meruit; *et psallam nomini Domini altissimi*, id est ipsimet Domino, cujus nomen est super omne nomen: sumit enim nomen pro nomine nominato, non pro voce nominante.
- 17 18

Rom. ii, 6;
1 Cor. iii, 8.

Philipp. ii, 9.

ARTICULUS XXIV

EXPOSITIO ALLEGORICA PSALMI ISTIUS SEPTIMI.

PRÆTEREA, secundum allegoricam explicationem psalmi istius, qua scilicet de Christo exponitur, oportet titulum psalmi mystice declarari. Per David enim intelligitur Christus; per Absalon, populus Judaicus Christum persequens. Per Achitophel, qui interpretatur ruina fratris, intelligitur Judas, qui prodidit Christum, qui se ipsum fratrem hominum appellare dignatus est. Per Chusi, qui interpretatur silentium, intelligitur mysterium humanæ redemptionis Judæis justè occultatum, gentibus autem misericorditer revelatum, videlicet incarnatio Filii Dei, passio et resurrectio ejus. Per Jemini, quod interpretatur dexter, intelligitur Deus Pater, qui gentibus dexter seu favens fuit, illuminando corda eorum ad cognoscendum mysteria Christi. Est igitur tituli sensus: *In finem, psalmus David*, id est, psalmus iste dirigens nos in finem, id est in Deum ac vitam æternam, attribuitur David, id est, tractat de Christo, in cujus persona David hic loqui-

Matth.
xvii, 47-50.
Ibid. xvii, 49,
50; Marc.
iii, 34, 35,
etc.

1

tur : *quem cantavit Domino*, id est ad gloriam Patris, *pro verbis Chusi*, id est pro revelatione secreti, videlicet pro manifestatione Incarnationis : Chusi, dico, *filii Jemini*, id est pro revelatione secreti a Deo Patre revelati, qui hoc revelando fuit nobis Jeminus, id est favens atque propitius.

Igitur de Christo exponendo hunc psalmum, Christus ait ad Deum Patrem seu totam superbeatam Trinitatem : *Domine Deus meus, in te speravi*. Christus in quantum homo, est servus Dei, quemadmodum habetur : Ecce intelliget servus meus, et exaltabitur, et elevabitur, et sublimis erit valde. Itaque, *Domine*, cujus præceptis semper obedio, secundum quod homo ; *Deus*, qui creasti me, quantum ad formam servi quam accepi : sicut per Isaiam Dominus ait, Ego Dominus creavi illum ; *meus*, quem singulariter colo, ardentissime diligo, incessanter contemplor, et cui immobiliter semper adhæreo ; *in te speravi*, non sicut ceteri viatores, videlicet per spem quæ est theologica virtus, sed per quamdam fiduciam qua opto liberari a te a malo pœnæ, et glorificari in corpore ; *salvum me fac*, per gloriam resurrectionis, et per præservationem a pœnis, quas mihi inferre optabant Judæi, antequam venit præordinata hora passionis. Sic igitur salvum me fac *ex omnibus persequentibus me*, scilicet principibus sacerdotum, Phariseis et Scribis : non ut non occidar ab eis ; sed ut resurrectionem meam acceleres, et in triduo suscites me ; *et libera me* ab omni angustia vitæ præsentis : hoc enim Christus optavit, quemadmodum in Evangelio protestatur : O generatio incredula, quamdiu apud vos ero ? quamdiu patiar vos ? Quamvis vero Christus certissime præcognovit se taliter liberandum, nihilo minus oravit pro salvatione hujusmodi, quia sciebat sic præordinatum a Deo, ut per orationem acquireret eam.

Nequando rapiat ut leo animam meam, id est, ne inimicus meus omnino extin-

guat vitam meam corporalem, servando corpus in tumulto clausum, atque ab anima diutius separatum, quam triduo : sicque fides credentium pereat. Desideravit autem Christus animam corpori cito reuniri, quoniam vita sua corporalis desiderabilissima ac nobilissima fuit propter personalem unionem cum Verbo. Vel sic : Nequando ut leo, id est diabolus qui est ut leo, rapiat animam meam, in inferno eam tenendo, sicut aliorum sanctorum. Unde passione instante, Christus discipulis dixit : Venit ad me princeps mundi hujus, et in me non habet quidquam. Ne, inquam, rapiat animam meam, *dum non est qui redimat, neque qui salvum faciat* : quoniam nullus alius me redimere potest, ac salvum facere resuscitando a mortuis, nisi tu.

Consequenter Christus ostendit immunitatem suam ab omni peccato, dicens : *Domine Deus meus, si feci istud*, id est, si illa commisi, quæ Judæi mihi imponunt, dicentes : Homo vorax, potator vini ; insanit ; in Beelzebub principe dæmoniorum ejecit dæmonia. *Si est iniquitas in manibus meis* : quemadmodum coram Pilato dicebant, Hunc invenimus subvertentem gentem nostram, et prohibentem tributa dari Cæsari, et dicentem se Christum regem esse. *Si reddidi retribuendis mihi mala*. Christus non solum non reddidit malum pro malo, sed reddidit bonum pro malo, docendo, orando, miracula perpetrando, quatenus incredulos ad fidem converteret. Imo tandem in cruce pendens, pro impiissimis deicidis deprecatus est, dicens : Pater, ignosce illis, quia nesciunt quid faciunt. Propter quod, juxta Prophetam, Christus ad Patrem ait : Numquid redditur pro bono malum, quia foderunt foveam animæ meæ ? Recordare quod steterim in conspectu tuo, ut loquerer pro eis bonum, et averterem indignationem tuam ab eis.

Decidam merito ab inimicis meis inanis : id est, si ista vel aliqua horum commisi, tunc juste occidar ab adversariis

Is. III, 13.

Ibid. XIV, 8.

Thom. 2.2.
q. 17, art. 5.Marc. IX,
18.Joann. XIV,
30.Matth. XI,
19; Joann.
X, 20; Luc. VI,
15.Luc. XXIII,
2.

Ibid. 34.

Jer. XVIII,
20.

meis, tanquam a gratia vacuus. Qui enim culpam commisit, pœnam merito sustinet. Et debet homo magis velle mortem corporalem subire, quam minimum veniale peccatum committere. Denique ait :

6 *Persequatur inimicus animam meam et comprehendat* : id est, si prædictis malis pollutus sum, tunc inimicus, id est Judæus seu quilibet infidelis, persequatur me, quærendo me occidere, et comprehendat, id est, voluntatem suam in me exerceat ; *et conculcet in terra vitam meam*, id est, operationes meas contemnat, vilipendat, et opprimat, tanquam injustas atque terrenas ; *et gloriam meam in pulverem deducat*, id est, nominis mei honorem, famæ excellentiam, reprobet, auferat, penitusque extinguat, ostendendo me non esse Christum, sed pseudopropheta.

Post hæc Christus orat pro infidelium conversione, pro fidei divulgatione, et adversariorum dejectione. *Exsurge, Domine, in ira tua* : id est, quia, Domine, sine omni peccato persecutionem et mortem perperussus sum, pro tuo honore et mundi salute ; idcirco exsurge, id est, a quiete ad actum procede, in ira tua, id est in justo judicio, vel in tranquilla tua justitia districte omnia judicante ; *et exaltare*, id est, principare ac regna per fidem et laetiam, *in finibus inimicorum meorum*, id est in terris gentilium, seu cordibus incredulorum, convertendo eos ad christianæ fidei puritatem, quemadmodum mihi superius promisisti : Dabo, inquit, tibi gentes hereditatem tuam, et possessionem tuam terminos terræ. Vel, Exaltare in finibus inimicorum meorum, id est in omni possessione diabolorum, qui male viventes tanquam proprios possident. Fines ergo inimicorum meorum, id est corda a dæmonibus excæcata et miserabili servitute ab eis possessa, subjice mihi, et tuo obsequio subde, quatenus qui te spernebant, et tibi inobedientes fuerunt, per me credendo, te venerentur atque honorent.

Et exsurge, Domine Deus meus, in præ-

A *cepto quod mandasti* : id est, sicut in lege jussisti aliis facere, ita tu age. Jussisti enim ut justis et innocentibus honor et gloria impendatur, impiis vero et persecutoribus pœna atque confusio. In hoc ergo præcepto exsurge, faciendo juxta ipsius tenorem : me Christum unicum Filium tuum innocenter occisum suscitando, hominibus per Apostolorum prædicationem revelando, et in corde credentium sublimando ; obstinatos vero Judæos damnando, dispergendo, derelinquendo. Et est hoc B potius prædictio quam imprecatio.

Et synagoga populorum circumdabit te : id est, si prædicto modo exaltatus fueris, et nomen meum hominibus cognitum feceris, tunc utique synagoga populorum, id est congregatio verorum Israelitarum omniumque electorum, circumdabit te, adhærendo tibi per caritatem et cultum sincerum. Sed quoniam Deus immensus est, quæri potest quomodo populus ipsum circumdare potest. Et respondendum, quod homines Deum circumdant, non quod Deum C intra se claudant aut ambient, sed quoniam mente amorosa et corde purissimo, ipsum cordialiter amplectuntur brachiis sancti amoris, quemadmodum in Canticis Sponsa Unigenito Dei incarnato ait : Quis mihi det te fratrem meum, ut inveniam te foris, et deosculer, et apprehendam te ? Vel dicitur populus Deum circumdare, quia per modum circumdantis se habet, dum ex omni parte ad ipsum recurrit, et quasi circulariter ei se applicat. *Et propter hanc*, id est propter electorum salutem, *in altum regredere*, id est, te ipsum magnifica, et te solum adorandum ostende, qui te quodammodo parvificasti, quando idololatriam atque peccata sic invalescere permisisti.

Dominus judicat populos, examinando, separando, et remunerando. *Judica me, Domine, secundum justitiam meam, et secundum innocentiam meam super me*. Hoc soli Christo summe et optime dicere competit, sicut ipse ab omni labe peccati purissimus exstitit. Ipse ergo tutissime ait :

8

Cant. viii,
1, 2.

9

- Judica me, Domine, id est, discerne causam meam, et eripe me ab impiis; atque restitue mihi secundum justitiam meam, id est secundum dignitatem et merita vitæ meæ, quatenus sicut ego te semper honoravi, sic tu honores atque glorifices me, sicut per Samuelem dixisti: Quicumque honorificaverit me, glorificabo eum; qui autem contemnunt me, erunt ignobiles. Et secundum innocentiam meam super me: id est, sicut ego in nullum deliqui, sed toti generi humano æternæ beatitudinis remedia præstiti; sic non invalescat in me impiorum malignitas. *Consumetur nequitia peccatorum*, id est, Judæorum et persecutorum meorum malitia terminetur, et justa pœna plectatur. *Et diriges justum*, id est, me Sanctum Sanctorum ad te ipsum in ascensione perduces, et ad dexteram tuam locabis: quemadmodum modo impletum est.
- Justum adjutorium meum a Domino*: quia enim in omnibus Patris honorem quæsi, justum est me adjuvari ab eo.
- Deus judex*, per auctoritatem ac interiorum examinationem, *justus, fortis*, imo omnipotens, *et patiens*: non illa patientia quæ est virtus moralis, passionem tristitiæ refrenans ac ordinans, quemadmodum mititas iram; sed patiens, propter longanimitatem expectationem ac pœnæ dilationem. *Numquid irascitur per singulos dies?* id est, numquid repente et statim ulciscetur se de crucifixoribus atque homicidis ac adversariis Christi Filii sui dilecti? quasi dicat: Non; sed diu satis post Christi passionem expectavit Judæorum conversionem. Et istud dicit Spiritus Sanctus per Prophetam, ad confutandum errorem vel potius cæcitatem Judæorum. Sic enim dicebant apud semetipsos: Si hic est Christus electus Dei, utique Deus eripiet eum de manibus nostris, et non desinet eum occidi: propterea per tormenta tentemus, an ipse sit Filius Dei. Et istud in Sapientiæ libro pulchre innuitur. Contra hos igitur dicitur: Numquid Deus irascitur per singulos dies? id est, numquid
- A statim eripiet justum, et vindicabit injuriam ejus?
- Sed, o Judæi, ne longanimitas Dei fiat vobis occasio damnationis majoris: quia, *Nisi conversi fueritis ad Christum, quem negastis, et suspendistis in ligno, Deus judex gladium suum vibrabit; arcum suum tetendit, et paravit illum*. Hoc de occisione ac vastatione eorum, quæ per Vespasianum ac Titum impleta est, convenienter accipitur. Gladius enim et arcus Vespasiani et Titi, dicitur gladius et arcus Dei, quoniam ex divina ordinatione venerunt ad persequendum Judæos. Unde in Ezechiele Dominus gladium regis Babylonis nominat gladium suum. *Et in eo, scilicet in arcu suo, Dominus paravit vasa mortis*; et quæ sint vasa mortis, mox insinuat: *sagittas suas ardentibus effecit*. Sagittæ enim dicuntur vasa mortis, quia causaliter continent mortem, et subito inferunt eam. Has sagittas Deus effecit, seu præparavit ardentibus, id est Judæis contra Christum furentibus.
- Eccc parturit* populus Judæorum *injuriam* calumniando opera Christi, et dæmoni ea attribuendo; *concepit dolorem*: quia tristabantur propter gloriam miraculorum Christi, et de hoc quod multi credebant in eum. Unde etiam cogitabant occidere Lazarum a Christo resuscitatum, quoniam propter illum multi credebant in eum. *Et peperit iniquitatem*: id est, plebs Hebræorum ex dolore quem contra Christum concepit, ad gravissimam illam iniquitatem prorupit, qua unigenitum Filium sceleratissimis atque sacrilegis manibus occidit. *Lacum aperuit*, id est, Christo occasionem ruinæ proposuit, seu laqueum mortis præparavit, *et effodit eum*, profundando consilium quomodo nomen atque memoriam Jesu prorsus exstingeret; *et incidit in foveam quam fecit*, quoniam Christum occidendo, meruerunt occidi, dispergi, et minorari: sicut et factum esse cernimus. *Convertetur dolor ejus in caput ejus*: quia quod populus Judæorum Christo facere cogitavit, ipsemet passus

1 Reg. ii, 30.

13

Ezech. xxi,
3-5, xxx, 24,
25, xxxii 10,
11.

14

Luc. xi, 15.

Joan. xii,
10, 41.

16

17

Sap. ii, 17,
18.

est; *et in verticem ipsius iniquitas ejus* A fine sæculi, quando fiet unus pastor et *descendet* : id est, peccatum Judæorum, unum ovile. Joann. x, 16.

quo Christum negabant, occidebant, atque *clamabant*, Sanguis ejus super nos et super filios nostros, descendet. Prophetia est, quæ modo impleta est. Descendet, inquam, id est, redundabit et revertetur in verticem ipsius, id est in intellectum populi hujus : ita ut penitus obtenebrentur corda ipsorum, et obstinentur in malo ; neque recedat ab eis ista malitia, nisi in

Confitebor Domino secundum justitiam 18
ejus. Verba sunt Christi regratiantis Deo sublimi de omnibus nunc prædictis. Confitebor (inquit) Domino, id est Deo Patri vel summæ Trinitati, secundum justitiam ejus, qua me exaudivit, liberavit, et suscitavit, atque incredulos perdidit ; *et psallam nomini Domini altissimi*, id est, laudem dicam Deo trino ac simpliciter.

Matth.
xxvii, 25.

ARTICULUS XXV

EXPLANATIO TROPOLOGICA PSALMI ISTIUS SEPTIMI.

- 1 **I**NSUPER, juxta tropologicam expositionem, talis est sensus tituli psalmi istius : *In finem, psalmus David*, id est, psalmus iste dirigens nos in finem, id est in Christum, attribuitur David, id est fideli, cui facta est revelatio mysteriorum Christi : *quem* psalmum ille fidelis *cantavit Domino*, id est ad laudem Dei, *pro verbis Chusi*, id est pro manifestatione alti silentii, quo Christus dimicavit contra Judæos, occultans eis mysterium suæ passionis.
- 2 Fidelis igitur Deum cupiens exorare, C primo prætendit meritum, dicens : *Domine Deus meus, in te speravi* : quatenus aures divinæ pietatis tali præludio attrahat, et in se ipso majorem fiduciam exauditionis concipiat. Sperans enim in Domino, meretur exaudiri ab ipso. Itaque, *Domine universorum ; Deus meus*, propter singularem affectum, et cordis fervorem in te ;
- Jer. xvii, 5. *in te speravi*. Nam maledictus qui confidit in homine, et ponit carnem brachium suum. Idcirco speravi in te, quia tu solus potes salvare me. Sed vide, o serve Dei, ut
- D *Domine Deus meus, si feci istud* quod sequitur, nempe, *si est iniquitas in manibus meis*, id est in operationibus et conversatione mea : non quod nunquam
- B ei adhæreas, omnem affectionem a summi boni amore elongantem abjicias : quoniam unum est necessarium. Beatus homo qui hoc modo Domino dicere potest : Deus meus. Non est hoc omnium, sed perfectorum dumtaxat. Sacratissimus enim ille atque divinissimus Dionysius in libris suis scribit : Deus, et si fas est dicere, meus. Non audebat absolute dicere, Deus meus : quod tamen verissime dicere potuit, quia instar ferri candentis atque carbonis igniti, in Dei amore mirabiliter æstuabat.
- Luc. x, 42.
- C *Salvum me fac ex omnibus persecutionibus me*, ne tentationibus dæmonum vincar, vel carnis illecebris maculer, aut a mundo seducar ; *et libera me a vinculis peccatorum*, et a malis futuris. *Nequando* 3 *rapiat persecutor ac hostis ut leo animam meam*, alliciendo eam ad consensum peccati, aut alio modo eam fallendo. Unde in prima Petri docemur : Sobrii estote et vigilate, quia adversarius vester diabolus tanquam leo rugiens circuit, quærens quem devoret : cui resistite fortes in fide.
- 1 Petr. v, 8, 9.
- D *Domine Deus meus, si feci istud* quod sequitur, nempe, *si est iniquitas in manibus meis*, id est in operationibus et conversatione mea : non quod nunquam

1 Joann. 1.
8.
Job xv, (an-
tiq. vers.)

5

Rom. xii,
21.

6

Jer. xvii, 13.

peccaverim, vel ab omni peccato immunis A
sim (si enim dixerimus quia peccatum non
habemus, nosmetipsos seducimus; et ne-
mo mundus a sorde, etiamsi unius diei sit
vita ejus super terram); sed ideo dico, Non
est iniquitas in manibus meis, quoniam
non intendo alicui nocere, et tibi, o Do-
mine, propono fideliter obedire, et de ma-
lis præteritis doleo: sicque me ab omni
peccato mortali purum confido, præser-
tim propter id quod sequitur. Si reddidi
retribuentibus mihi mala, id est, si vindi-
cavi me ipsum, si non indulsi proximis
meis, si non implevi illud Apostoli, Noli
vinci a malo, sed vince in bono malum;
decidam merito ab inimicis meis inanis,
id est, tunc merito prævalebit adversarius
meus in me. Si namque invenitur iniqui-
tas in manibus meis, id est consensus
peccandi, propositumque nocendi, et si
me ipsum ulciscor, tunc merear non ex-
audiri a te: et ita destitutus ope et gratia
tua, protinus cadam atque deficiam. Hoc
autem quod dicitur, Decidam merito ab
inimicis meis inanis, et, Persequatur, etc.,
non dicitur imprecaundo vel desiderando,
sed veritatem pandendo.

Si, inquam, reddidi retribuentibus mi-
hi mala, *persequatur inimicus animam
meam, et comprehendat*: id est, quia tum
utique merui ut hanc persecutionem pati-
ar. Persequatur inimicus, id est tenta-
tor, scilicet dæmon vel mundus seu fomes
peccati, animam meam, conando eam ad
culpam inducere; et comprehendat, id est,
eam in lege peccati captivam obtineat; et
conculcet in terra vitam meam, id est, af-
fectum animæ meæ temporalibus terrenis-
que rebus subjiciat, et operationes meas
infimis ac vilibus rebus agglutinet: quem-
admodum Jeremias ad Dominum ait, Re-
cedentes a te, in terra scribentur; et *glo-
riam meam in pulverem deducat*, id est,
intellectualem animæ meæ portionem, per
quam a bestiis separor, ac summæ Trini-
tatis imagine ornor, ita obtenebret, ut
tanquam irrationabilis existimer, et ju-
mentis insipientibus comparer.

T. 5.

Ex his autem docetur et commenda-
tur nobis patientiæ virtus, ne alicui vel
noceamus vel nocere optemus, nullam exi-
gendo vindictam, nec zelum amarum ge-
rendo ad aliquem, sed cordialiter remit-
tendo: quia nec aliter a Domino exaudiri
possumus; sed omnibus insidiis inimico-
rum nostrorum nos ipsos exponimus at-
que patefacimus, quemadmodum Sapiens
inquit: Qui vindicari vult, a Deo inveniet
vindictam. Homo homini reservat iram,
et a Deo quærit medelam? In hominem
sibi similem non habet misericordiam:
quis exorabit pro peccatis illius? Sunt
quoque patientiæ tres gradus. Primus est,
pro culpa commissa illatam pœnam æqua-
nimiter ferre. Secundus est, pœnam inju-
ste illatam sine tristitia sustinere. Tertius
est, non solum illata gaudenter tolera-
re, sed etiam pro malis reddere bona. Ho-
rum patientiæ graduum primus est infi-
mus, et de necessitate salutis: de quo ait
Salvator, In patientia vestra possidebitis
animas vestras. Secundus est altior: de
quo Petrus in prima sua Canonica as-
serit, Hæc est gratia, si propter conscien-
tiam Dei sustinet quis tristitias patiens
injuste. Tertius vero gradus est summus:
quem imitari christianæ perfectionis est.

Post hæc orat fidelis pro resurrectione
Christi, quæ sibi divinitus occulte est re-
velata. Et poterat ista esse oratio antiquo-
rum Sanctorum, dicentium: *Exsurge, Do-
mine*, o Christe et rex Messia, a mortuis,
in ira tua, juste derelinquendo obstinatos
incredulos, misericorditerque vocando ad
fidem electos; et *exaltare in finibus ini-
micorum meorum*. Hoc in præcedenti ex-
positione satis tractatum est. Potest quo-
que aliter iste locus exponi: *Exsurge*,
Domine, id est, mihi succurre, et fac me
exurgere a torpore pigritiæ, ab omni-
que vitio: et exaltare in finibus inimicorum
meorum, id est, per caritatem ac fidem
regna et habita in corpore meo, et in om-
nibus membris meis, in quibus viget lex
peccati, atque in viribus animæ meæ, in
quibus amplius dominatur originalis cul-

Ecclesi.
xxviii, 1, 3-5.

Luc. xxi, 19.

1 Petr. ii,
19.

7

Rom. vii, 23.

pæ infectio seu fomes. Hæ autem vires sunt appetitus concupiscibilis et irascibilis, ratio atque voluntas, in quibus sunt quatuor vulnera animæ : nam in concupiscibili est concupiscentia ; in irascibili, infirmitas ; in ratione, ignorantia ; et in voluntate, malitia. In his ergo, o Domine, exaltare et regna, vitia expellendo, corpus spiritui subjiciendo, vires naturales virtutibus adornando, ne ultra sint fines inimicorum meorum, id est, ne de cetero regnet in eis dæmon et vitium.

Et exsurge, Domine Deus meus, me exaudiendo et adjuvando in præcepto quod mandasti, id est, dando virtutem exsequendi ac implendi præceptum, quo mandasti nos a carnalibus desideriis abstinere, et *sobrie, juste ac sancte ac pie incedere. Et* ⁸ *synagoga populorum circumdabit te* : id est, si dederis mihi hanc gratiam tam sancte vivendi, profecto multi exemplo mei ædificabuntur, et convertentur ad te : sicque congregatio populi convolabit ad te gratiam deprecando, ut dones eis vitam talem qualem mihi dedisti. Et ideo subditur : *Et propter hanc*, id est synagogæ seu populi fidelis salutem, *in altum regredere*, id est, in supremo animæ meæ principare ac præside, omnia opera mea dirigendo secundum divinæ legis ac rectæ rationis imperium.

⁹ *Judica me, Domine, secundum justitiam meam.* Hæc est oratio viri perfecti, de sua perfectione non elati, sed Domino grati, scientis sua merita esse Dei dona ; atque bona sua commemorantis non ad propriam laudem, sed ad Creatoris honorem. Itaque ait : Judica me, Domine, id

A est, discerne ac segrega me a societate malorum, ne eis actu aut voto communem. Quamvis enim modo cum eis localiter habitem, in vita tamen futura separabis me ab eis loco et gloria, secundum justitiam meam, qua bona commisi, *et secundum innocentiam meam*, qua a malo declinavi. *Consumetur nequitia peccatorum*, id est, non diu duret, sed finem accipiat omnis persecutio, atque tentatio malignorum qui opprimunt justos. Breve enim est omne quod nos modo affligit ; sed æterna sunt ¹⁰ *gaudia, quæ justis reposita sunt ; æterna quoque tormenta impiis restant. Et diriget justum* : id est, cogitationes ejus, affectus, verba et opera ordinabis ; et recte perduces ad te, qui es omnium rerum ultimus finis. Cetera autem quæ restant, exponenda sunt sicut ante exposita sunt.

Sed attende tibi, o frater, quum psalmum hunc cantas vel legis, ne os tuum condemnet te, videlicet si sit iniquitas, id est mala voluntas, et cor impœnitens, in manibus tuis, id est in viribus operativis ; ^C et ne velis male facientibus malefacere, sed redde bonum pro malo. Et dimitte si quid habes adversus aliquem, ut et Pater cœlestis tibi ignoscat. Patientia nempe nobis summe necessaria est : et qui eam non habet, nunquam vel raro quietus erit.

PRECATIO.

Domine Deus noster, in quem speramus, libera fideles tuos ex omnibus se persequentibus inimicis visibilibus, ut te protectore securitate accepta, sine timore jugiter psallamus nomini tuo benedicto.

Rom. viii,
18.

1 Thess. v.
15: Rom. xii,
17: 1 Petr.
iii, 9; Marc.
xi, 25.

ARTICULUS XXVI

EXPOSITIO PSALMI OCTAVI : DOMINE, DOMINUS NOSTER, QUAM ADMIRABILE, ETC.

1 Est autem titulus psalmi hujus : *In A finem, pro torcularibus, psalmus David* : id est, psalmus iste a David compositus est, et in finem, id est in Christum nos dirigens, scriptus et editus pro torcularibus, id est pro congregatione fidelium, qui in præsenti multis tribulationibus tanquam quibusdam torcularibus molestantur, quatenus expurgati a vitiis, Deo acceptabiles fiant.

2 **L**OQUENS ergo Propheta ad Deum in persona militantis Ecclesiæ, vel cujuslibet fidelis Christi vestigia imitantis, ait : (I) *Domine omnium per universalem præsidentiam, Dominus noster per specialem providentiam, qua dirigis nos ad vitam æternam, impedimenta salutis tollendo, atque per fidem et cultum, quibus tibi soli sicut vero Deo singulariter adhæremus ; quam admirabile est nomen tuum in universa terra !* id est, quam imper-scrutabilis, incomprehensibilis, et excellens atque magnificus es in universis hominibus toto orbe terrarum diffusis ! Deus C gloriosus et sanctus, in se ipso omnino invisibilis, superessentialis, et prorsus ignotus est omni menti humanæ ac viatori : propter quod inaccessible lucem inhabitare censetur, et ad Moysen dixit, Non videbit me homo, et vivet.

1 Tim. vi, 16.

Exod. xxxiii, 20.

Porro in tantum cognoscimus eum, in quantum per suos effectus nobis innotescere potest. Duplex vero est Dei effectus, videlicet naturalis et supernaturalis : et quanto effectus Dei sunt sublimiores et incomprehensibiliores, tanto ex contemplatione ipsorum Deus mirabilior comprobatur, magnificentiorque apparet. Supernaturales autem effectus, qui ad mysteria

gratiæ pertinent, sublimiores et multo incomprehensibiliores sunt naturalibus effectibus, qui spectant ad legem ordinemque naturæ : et tamen in utrisque apparet Deus admirabilis ; sed in supernaturalibus admirabilior esse ostenditur. Semper igitur et ubique fuit Deus sublimis et benedictus admirabilis, quantum ad naturales suos effectus : ex quorum speculatione omnibus semper innotescere potuit, quam incomprehensibilis opifex esset Deus. Sed quoad supernaturales effectus, erat Deus præcipue admirabilis tempore Mosaicæ legis in terra Hebræorum : sicut et postea dicitur, Notus in Judæa Deus, in Israel Ps. lxxv, 2. magnum nomen ejus. Sed tempore gratiæ atque evangelicæ legis, factus est Deus admirabilis, non solum in una terra, scilicet in Judæa, imo in universa terra, ubicumque prædicatum est Evangelium regni Dei : quoniam Deus per servos suos in omnibus finibus mundi mirabilia magna fecit, atque hominibus occulta et secreta suæ sapientiæ demonstravit, per prædicationem Apostolorum revelando mysterium incarnationis, passionis, resurrectionis, ascensionisque Christi, et alia mirabilia testimonia legis et fidei christianæ : ex quibus omnibus valde admirabile et penitus imperscrutabile factum est nomen Domini in omnibus finibus mundi, quemadmodum Apostolus ait : O altitudo divitiarum sapientiæ et scientiæ Dei ! quam incomprehensibilia sunt judicia ejus, et investigabiles viæ ejus !

Matth. iv, 23.

Rom. xi, 33.

Prævidens ergo in spiritu beatissimus David supernaturalia opera Dei, in Christi adventu futura, et toti mundo manifestanda, admirando sic ait : Domine, Dominus noster, quam admirabile est nomen tuum

in universa terra ! Et quamvis hoc dici A stolus dicit, Quæ infirma sunt mundi, ele- 1 Cor. i, 27.
 posset ad Deum Patrem seu quamlibet di-
 vinam Personam, specialiter tamen refer-
 tur ad Filium. Unde statim causam hujus
 admirabilitatis insinuat : (2) *Quoniam ele-*
vata est magnificentia tua : id est, tu ipse
 qui es magnus atque magnificus, exalta-
 tus es *super cælos* : quemadmodum ait

Ephes. iv.
10.

Apostolus, Qui descendit, ipse est et qui
 ascendit super omnes cælos, ut adimple-
 ret omnia. Ex hoc enim quod Christus
 usque ad Dei Patris consessum ascendit,
 factum est nomen ejus admirabile in uni-
 versa terra : quia ex tunc misit Spiritum
 Sanctum, et Apostolos prædicare præce-
 pit quia ipse est qui constitutus est a Deo
 judex vivorum et mortuorum. Denique
 Christus secundum utramque suam natu-
 ram admirabilis est, maxime tamen secun-
 dum naturam divinam : elevatio autem
 competit ei ratione humanæ naturæ.

Act. x. 42.

3

(5) *Ex ore infantium et lactentium per-*
fecisti laudem propter inimicos tuos. Istud
 melius exponi non potest, quam ad litte-
 ram de illa laudatione, qua in die Palma-
 rum pueri Hebræorum Christo occurrentes
 clamabant : Hosanna filio David ; benedi-
 ctus qui venit in nomine Domini, Rex Is-
 rael. Nam Christus principibus sacerdotum
 indignantibus, quod pateretur se ita lau-
 dari, respondit : Nunquam legistis, Quia
 ex ore infantium et lactentium perfecisti
 laudem ? tanquam diceret : Vos qui estis
 magistri in Israel, merito cognosceretis
 hoc esse prophetatum de me, et nunc il-
 lud impleri in me.

Matth. xxi.
9 ; Joann.
xii, 13.

Matth. xxi,
16.

Ait ergo Ecclesia ad Christum : *Ex ore*
infantium et lactentium, id est ex ore pu-
 erorum atque simplicium hominum : qui
 dicuntur infantes, quia illitterati ; et la-
 tentes, quia innocentes, quemadmodum
 ait Apostolus, Nolite pueri effici sensi-
 bus, sed malitia parvuli estote ; *perfecisti*,
 o Christe, *laudem*, quia per inspirationem
 Spiritus Sancti qui procedit a te, instruxi-
 sti corda prædictorum puerorum, ut te ita
 laudarent ; *propter inimicos tuos*, id est
 propter incredulos confutandos, prout Apo-

1 Cor. xiv.
20.

B legem, quam dicebant non servari a Jesu.
 Dicebant enim : Non est hic homo a Deo,
 qui sabbatum non custodit.

Joann. ix,
16.

Potest quoque hic locus aliter explanari,
 ut sit sensus : *Ex ore infantium et lacten-*
tium, id est ex prædicatione et doctrina
 Apostolorum, qui nominantur infantes et
 lactentes, non ratione ætatis, sed propter
 comparisonem ad puerorum proprieta-
 tem, prout ait Salvator : Nisi conversi
 fueritis et efficiamini sicut parvuli, non
 intrabitis in regnum cælorum. Et Aposto-

Matth.
xviii, 3.

C lus : Sicut modo geniti infantes, rationa-
 biles, sine dolo, lac concupiscite. *Perfeci-*
sti, o Domine, *laudem*, id est, promulgasti
 evangelicam legem, in qua continetur laus
 tua ; *ut destruas*, id est, confundas ac re-
 probes, *inimicum*, id est omnem mundi hu-
 jus philosophum extollentem se ipsum, et
 simplicitatem fidei irridentem, *et ultorem*,
 id est omnem tyrannum ac persecutorem
 fidelium. Ex hoc enim, quod totus mun-
 dus ad tam incomprehensibilem ac super-
 mirabilem Christi fidem conversus est per

1 Petr. ii, 2.

D homines illos illitteratos, ineloquentes, pau-
 cos et simplices, evidenter probatur fides
 ista esse a Deo : quia nisi Deus supernatu-
 raliter per homines illos operatus fuisset,
 nequaquam mundum convertere potuis-
 sent. Sicque confunditur philosophorum
 inanis loquacitas, atque tyrannorum sævis-
 sima rabies, dum ipsis relictis ac spretis,
 illitterati et simplices a Deo electi sunt, et
 ad tantum gratiæ culmen promoti, quemad-
 modum infra de Apostolis dicitur : Quoniam
 dii fortes terræ vehementer elevati sunt.

1 Cor. i, 17
et seq.

Ps. xlvii, 10.

4 *Quoniam videbo cœlos tuos.* Istud dupliciter exponi potest, videlicet spiritualiter seu mystice : sicque refertur ad ea quæ dicta sunt, nam causa illorum nunc assignatur, ut sit sensus : Domine, Dominus noster, quam admirabile est nomen tuum in universa terra ! et, Ex ore infantium et lactentium perfecisti laudem : et hoc ideo dico, et scio, *quoniam videbo*, id est, spiritualiter contemplantur et considerabo *cœlos tuos*, id est, sanctos Apostolos, in quibus quasi in cœlestibus habitas, *opera digitorum tuorum*, id est, creaturas sapientiæ tuæ, quas ordinatissime distinxisti, dando diversa munera gratiarum. Et non solum videbo hos cœlos, sed etiam considerabo *lunam*, id est, militantem Ecclesiam, omne lumen suum a Sole justitiæ Christo recipientem, *et stellas, quæ tu fundasti*, id est, homines orthodoxos admodum fideles, seu sanctos doctores, qui verbo, vita et sapientia alios instruunt : de quibus Daniel ait, Qui ad justitiam erudiunt plurimos, quasi stellæ fulgebunt in perpetuas æternitates. Has stellas tu, Deus, fundasti, id est, per Spiritum Sanctum instruxisti, et in fide fixisti fortissime, sicut stellæ figuntur in orbe.

Dan. xii, 3.

Prov. iii, 19.

5 Præterea exponi potest hic locus ad litteram, sicque refertur ad ea quæ subsequuntur, ut sit sensus : *Quoniam videbo cœlos tuos*, id est, ex quo considerabo et sciam cœlos esse tuos, id est, a te creatos ; et videbo *lunam et stellas, quæ tu fundasti*, id est, de nihilo ad stabile ac incorruptibile esse produxisti : quemadmodum scriptum est, Dominus sapientia fundavit terram, stabilivit cœlos prudentia. Ex quo, inquam, ista videbo, propterea adverto et dico, o Domine : (5) *Quid est homo quod memor es ejus ?* id est, ex hoc quod scio cœlos, lunam, et stellas esse opera tua, constat quod homo est res tam vilis et modica, præsertim per comparisonem ad te, ut mirum sit quod memor sis hominis, subveniendo ei per pietatem et gratiam. Aut quid est *filius hominis*, id est, Christus, secundum quod homo et creatura aliquo

A modo, *quoniam visitas eum*, assumendo humanam ejus naturam ad divinæ tuæ naturæ personalem unionem ? Hoc enim, o Domine, per solam gratiam tuam incretam factum est, non per merita prævia hominis Christi.

Porro, quod istud atque sequentia, de Christo ad litteram intelligenda sint, hinc constat, quod Apostolus per istam scripturam ostendit excellentiam Christi præ angelis. Ait namque : Non enim angelis subjecit Deus orbem terræ ; eum vero qui mor-
B dico quam angeli minoratus est, videmus Jesum, propter passionem mortis, gloria et honore coronatum. Argumentum autem ex auctoritate Scripturæ non valet, nisi secundum intellectum litteralem, ut dictum est.

Hebr. ii, 5, 9.

6 *Minuisti*, o Domine Deus, *eum*, scilicet Christum hominem, *paulo minus ab angelis*, id est, quoad aliquid fecisti eum angelis inferiorem, nempe quod fuit passibilis et mortalis. *Gloria et honore coronasti eum*. Gloria est clara cum laude notitia ; honor vero, est exhibitio reverentiæ in signum virtutis. Deus ergo coronavit, id est, undique et multipliciter adornavit, Christum gloria, quatenus revelavit hominibus majestatem ipsius, dando eis clarum de Christo notitiam ; coronavit eum etiam honore, in quantum omnes electos inducit ad venerationem ipsius. Denique coronavit Christum honore et gloria, quoniam propter meritum suæ obedientiæ, passionis ac mortis, suscitavit eum a mortuis, glorificavit in corpore, exaltavit eum super omnes cœlos, et collocavit a dextris suis. Et hoc est quod ait Apostolus : Christus factus est pro nobis obediens usque ad mortem ; propter quod et Deus exaltavit illum, et dedit illi nomen quod est super omne nomen, ut in nomine Jesu omne genu flectatur cœlestium, terrestrium, et infernorum.

Philipp. ii, 8-10.

Et constituiti eum super opera manuum tuarum. Denique Deus constituit eum super opera manuum suarum, quia prætulit atque præposuit eum omni creaturæ. Nam Christus ut homo etiam summos

6

7

angelorum purgat, illuminat et perficit, A secundum Dionysium; et de plenitudine ejus omnes accipiunt. Et istud evidentius manifestat, dicens: 7 *Omnia subjecisti sub pedibus ejus*: id est, non solum Christum secundum quod homo est, visitasti modo prædicto, sed etiam omnia subjecisti sub pedibus ejus, id est, totum universum, visibilia et invisibilia, rationalia et irrationalia, intellectualia ac reliqua omnia subdidisti potentiae Christi, quatenus homo est. Omnia enim quæ Christus ut Deus creavit, sibi ut homini a Deo Patre seu tota Trinitate subjecta sunt: sicut post resurrectionem, Data est (inquit) mihi omnis potestas in cælo et in terra. Imo a primo incarnationis suæ momento, omnia sibi erant subjecta propter unionem cum Verbo; sed post resurrectionem, subjectio ista magis innotescere cœpit, quando in nomine Christi cœperunt miracula magna ac plurima fieri.

Joann. i, 16.

8

Matth.
xxviii, 18.

9

Marc. xxi,
17, 18.

Consequenter quod in communi dixit, magis specificat: *Oves et boves universas, insuper et pecora campi*, (8) *volucres cæli et pisces maris, qui perambulant semitas maris*: quod quibusdam videtur non debere litteraliter accipi. Sed quamvis congruentius mystice exponatur, potest tamen ad litteram exponi de bestiis, quæ Christo dicuntur subjectæ, non solum ut ceteris hominibus, sed quia obediunt ei in his quæ naturalem legem et ordinem rerum transcendunt, nempe in miraculosis effectibus. Unde Christus Apostolis dixit: Signa eos qui crediderint, hæc sequentur: In nomine meo dæmonia ejicient, linguis loquentur novis, serpentes tollent, et si mortiferum quid biberint, non eis nocebit. Multisque Sanctorum, animalia hujusmodi in virtute Christi supernaturaliter paruerunt.

Joann. xxi,
17.

Verum mystice exponendo, per oves intelliguntur boni fideles: de quibus ad Petrum Dominus, Pasce, inquit, oves meas. Per boves intelliguntur doctores, qui verbis divinis corda credentium colunt atque fecundant. Per pecora campi intelliguntur deliciosi atque carnales, qui velut pecora

pascunt se ipsos. Per volucres cæli accipiuntur superbi et jaectantes se ipsos; vel etiam contemplativi, quorum conversatio est in cælis. Nam per pecora accipi possunt optimi Christiani, qui sequendo Christum dicere possunt: Quoniam propter te mortificamur tota die, æstimati sumus sicut oves occisionis. Per pisces autem maris intelliguntur, qui in rebus mundanis vagantur et fluctuantur: isti enim perambulant semitas maris, id est, sæculi hujus, de quo postea dicitur, Hoc mare magnum et spatiosum manibus. Omnia ista hominum genera subjecta sunt Christo: quia quos vult, salvare potest, et universos et singulos potenter ac juste judicabit; et quoniam etiam reprobi modo in Ecclesia cum electis conjuncti sunt, et Christo per fidem subduntur, aliqui quoque malorum convertuntur ad ipsum per caritatem et vitæ munditiam, sicut testatur Apostolus, quoniam Christus venit in hunc mundum peccatores salvos facere.

Philipp. iii,
20.Rom. viii,
36.

Ps. ciii, 25.

I Tim. i, 15.

Postremo ex consideratione horum mirabilium inflammatus, et spiritualiter exhilaratus sanctus Propheta, repetit psalmi hujus exordium, dicens: (9) *Domine, Domine noster, quam admirabile est nomen tuum in universa terra!*

10

In hoc igitur psalmo de duplici natura Christi, videlicet divina et humana, et de unitate personæ in ipso evidentissime locutus est sanctus David, sicut etiam in psalmo secundo fecit, et infra sæpius faciet.

Quoniam autem psalmus iste ad divinam pertinet laudem, et ad commemorationem beneficiorum ipsius, debemus eum semper cum ingenti cordis lætitia et magno caritatis fervore depromere, quatenus congratulemur Domino Deo nostro, et grati inveniamur beneficiis ejus.

MORALITER autem exponi potest psalmus iste, ab eo loco ubi dictum est, Quid est homo, de quolibet homine, ut sit sensus: *Quid est homo quod memor es ejus*, assumendo naturam humanam pro eo? aut filius hominis, id est quilibet de genere

Expositio
moralis.

5

Baruchw.
35, 36, 38.

6

7

8

Adæ, *quoniam visitas eum*, non solum spiritualiter per gratiæ infusionem, sed etiam corporaliter post Incarnationem inter homines conversando? quemadmodum Baruch dicit: Qui fecit stellas, hic est Deus noster; et post hæc in terris visus est, et cum hominibus conversatus est. Vel, Visitas eum, per apparitionem angelorum, per oracula Prophetarum, per prædicationem Apostolorum, per operationem signorum. *Minuisti eum paulo minus ab angelis*: id est, tam vehementer hominem sublimasti per beneficia ista prædicta, ut videatur quasi angelis parificatus, et parum distans a dignitate ipsorum. Et hoc clarius probat, *Gloria*, inquit, *et honore coronasti eum*, id est, fecisti eum spectabilem et honorabilem in mentibus angelorum. Ex hoc enim quod Deus ita visitavit et benefecit hominibus, angeli sancti reputant eos dignos gloria et honore, et diligentius eos custodiunt, reverentialiusque ipsis ministrant. Vel, Gloria et honore coronasti eum, id est, imagine sanctæ Trinitatis ornasti animam ejus: propter quod sublimior atque præstantior est omni creatura irrationali. Et ideo additur: *Et constituisti eum super omnia opera manuum tuarum*. Omnia enim elementa et mixta condidit Deus propter nos, ordinavitque ea ad nostram utilitatem, necessitatem, et usum.

Omnia subjecisti sub pedibus ejus: non

A simpliciter omnia, sed omnia de quibus subjungitur, *Oves et boves universas*, etc. Non quod omnia ista cunctis hominibus ad nutum obediant, nullique noceant; sed quoniam homo naturaliter dignior eis est, quia ad imaginem et similitudinem Dei creatus est. Verumtamen dicere possumus, quod etiam angeli atque cœlestia corpora aliquo modo sunt subjecta homini, in quantum ei ministrant: quia de angelis ait Apostolus, quod omnes sunt administratorii spiritus in ministerium missi propter electos. De orbibus quoque cœlorum et planetis ac astris Moyses dicit: Ne oculis elevatis ad cœlum, videas solem et lunam et omnia astra cœli, atque errore deceptus adores ea, et colas quæ creavit Dominus Deus tuus in ministerium cunctis gentibus quæ sub cœlo sunt.

Sive autem de Christo, sive de quolibet homine exponatur hic locus, semper ostenditur ex eo error Manichæorum, dicentium hæc corruptibilia ac corporalia non esse creata a Deo lucis; error etiam quorundam philosophorum, ponentium ista variabilia atque irrationalia divinæ providentiæ non esse subjecta: ex quorum persona in Job dicitur: An cogitas quod Deus excelsior cœlo sit, nec nostra considerat, et circa cardines cœli perambulat? Destruitur insuper ex his Pythagoricorum opinio, qui dicebant esse sacrilegum brutum occidere et manducare.

Hebr. i, 14.

Deut. iv, 19.

Job xxii, 12, 14.

ARTICULUS XXVII

EXPOSITIO ANAGOGICA PSALMI EJUSDEM OCTAVI.

DENIQUE, juxta anagogicum intellectum, exponendus est psalmus iste de triumphante Ecclesia, seu quolibet Beatorum in patria. Ecclesia ergo triumphans (quæ ex angelorum et hominum societate constat) faciem sanctæ Trinitatis semper contemplans, nec tamen eam perfecte com-

prehendere valens, ait: *Domine omnium per tuam omnipotentiam, Dominus noster per beatam fruitionem et gloriam consummatam, quam admirabile est nomen tuum*, id est incomprehensibile, *in universa terra*, id est in omni regione viventium, in tota terra viventium, in menti-

2

bus universorum cœlestium civium ! Solus A de se ipsis ad Deum : *Ex ore infantium et lactentium*, id est ex intellectu humilium angelorum et hominum, *perfecisti laudem* tuam, ostendendo eis essentiam tuam, quam intuendo, te semper laudant, *propter inimicos tuos*, id est, ut reprobes superbos angelos et omnes superbæ filios, *ut destruas*, id est, desiderato fine privas, æternaliterque condemnes *inimicum et ultorem*, id est, aerias potestates, contra quas

Ephes. vi.
12.

1 Joann. iii,
2.

eo Sancti in patria, quamvis videant Deum sicut est, scilicet per speciem, non tamen cognoscunt Deum tam clare et plene, sic- B ut ex se ipso cognoscibilis est : propterea dicunt, Elevata est magnificentia tua, non per motum aut locum, quum sit immobilis et illocalis, sed per dignitatem et incomprehensibilitatem.

3

Ex ore infantium et lactentium perfecisti laudem. Hoc Beati in patria ad litteram dicere possunt, ad gloriam Dei, de animabus sanctorum Innocentium ab Herode interfectorum, imo de spiritibus omnium parvulorum electorum, ante tempus discretionis defunctorum, qui tempore legis naturæ salvabantur fide parentum, tempore legis scriptæ per circumcisionem, sed tempore legis gratiæ per Baptismum. Ex horum enim ore, id est mente, Deus in patria perficit laudem suam, quoniam facit eos incessabiliter laudare se ipsum. *Propter inimicos tuos* confundendos, videlicet ut confundas Luciferum et angelos ejus, dum vident animas puerorum sublimari ad gloriam illam, de qua ipsi prolapsi sunt; *ut destruas inimicum*, id est primum illum apostatam, humani generis adversarium, *et ultorem*, id est eumdem : qui ultor vocatur, quia seduxit primos parentes, et per satellites suos tentare non cessat genus humanum.

Matth. ii,
16.

Potest quoque istud exponi de omnibus Sanctis in patria : quoniam quantumcumque sint sapientes ac magni, tamen per comparisonem ad immensam sapientiam, atque infinitam potentiam Creatoris, sunt quasi infantes atque lactentes. Unde ex humilitate sui, et ex reverentia Dei dicunt

Deinde triumphans Ecclesia seu quilibet Beatorum, ait ad Deum : *Quoniam videbo cœlos tuos, opera digitorum tuorum*, id est omnes angelicos ordines, animasque beatas, in quibus per caritatem fructivam et gloriam habitas; et videbo *lunam*, id est Christi humanitatem, quæ est unita Soli justitiæ, Verbo seu Filio Dei, *et stellas*, id est, summos quosque Beatorum, qui instar stellarum præ ceteris ex divini luminis infusa plenitudine radiant, aliosque illustrent; *quæ tu fundasti*, id est, beatifica tui visione æternaliter confirmasti.

4

Et quoniam sic est, o Domine Deus, *Quid est homo quod memor es ejus*, convertendo eum ad te, atque ad æternam beatitudinem perducendo? *aut filius hominis, quoniam visitas eum*, non solum per gratiam in via, sed etiam per gloriam in patria? *Minuisti eum paulo minus ab angelis* : quia licet in naturalibus sit inferior angelis, tamen in supernaturalibus similis est. Promittitur enim et datur hominibus similis beatitudo cum angelis, sicut ait

5

D Salvator, quod erunt sicut angeli Dei. *Gloria et honore*, id est jucunditate et excellentia, *coronasti eum*, dando ei felicitatem angelicam; *et constituisti eum super opera manuum tuarum* : nam, *Omnia subjecisti sub pedibus ejus*. Istud potissime referendum est ad Christum hominem, quoniam ipse est super omnes angelicas hierarchias exaltatus; omnesque angeli ipsi ad nutum ministrant. Cetera vero quæ restant, in præcedenti expositione satis videntur exposita.

Matth. xxii.
30. Marc.
xii, 25.

6

7

8

PRECATIO.

Per admirabile nomen tuum in universa terra, Domine Jesu Christe, per Aposto-

A los propagatum, perfice laudem victoriae tuæ in nobis, qui sumus opera digitorum tuorum : ut destructo inimico, perpetuo gloriae et honoris coronemur triumpho.

ARTICULUS XXVIII

EXPOSITIO NONI PSALMI : CONFITEBOR TIBI, DOMINE.

- 1 **TITULUS** psalmi istius est : *In finem, pro occultis filii, psalmus David* : id est, psalmus iste dirigens nos in Christum, factus et scriptus est a David pro occultis filii, id est de duplici Christi judicio, nobis occulto, quia incomprehensibilia sunt judicia ejus. Primum est iudicium discretionis, quo modo quidam vocantur per misericordiam, alii vero relinquuntur per justitiam. Secundum autem est iudicium discussionis et retributionis, quod fiet in fine sæculi : quod licet aperte ac visibiliter fiet, tamen dies et hora ejus occultæ sunt. *Rom. xi, 33.* Loquitur ergo Propheta in isto psalmo in persona Ecclesiæ, seu cujuslibet fidelis, de duplici Christi judicio, et de judiciaria potestate ipsius, de multis quoque beneficiis sibi collatis, et de malitia ac damnatione Antichristi. *Matth. xxiv, 36.*
- 2 **AIT** igitur : (1) *Confitebor tibi, Domine, in toto corde meo*, id est, laudabo te integro ac sincero affectu, tanquam totaliter tibi adhærens, et a rebus vanis omnino me abstrahens ; vel, *In toto corde meo*, id est ratione et voluntate, ita quod laudis meæ confessio ex sapientia et caritate procedet. Ille quippe in toto corde confitetur et laudat Dominum, cujus cor non est ex aliqua parte rebus caducis inhærens, neque ad inutilia inclinatum, sed in Deo totaliter recollectum. *Narrabo*, id est, aliis ad laudem tuam intimabo, *omnia mirabilia tua*. Videtur hoc esse contrarium ei, quod in Ecclesiastico dicitur : Multa sunt abscon-
- B** dita majora his ; pauca enim (inquit) vidimus operum ejus. Et in Job : Ecce hæc ex parte dicta sunt viarum ejus ; et quum vix parvam stillam sermonum ejus audierimus, quis poterit tonitruum magnitudinis illius intueri ? Sed et in Evangelio Joannis ait Scriptura : Multa alia fecit Jesus, quæ non sunt scripta in libro hoc : quæ si scribantur per singula, nec ipsum arbitror mundum posse capere eos, qui scribendi sunt, libros. Denique quis hominum novit universa mirabilia, quæ Deus omnipotens et immensus indesinenter facit in cœlo et in terra atque in abyssis ? Est igitur sensus : Narrabo omnia mirabilia tua, id est omnia magnalia tua in lege tua conscripta, vel mihi a te revelata. Et hoc in Ecclesiastico habetur : Nonne Dominus fecit Sanctos suos enarrare omnia mirabilia sua, quæ confirmavit Dominus omnipotens stabilis in gloria sua ? *Job xxvi, 13.* (2) *Lætabor*, mentali lætitia, et *exultabo*, exteriori gaudio ex interiori lætitia procedente, *in te*, o Domine, non in carnalibus et vilibus rebus ; *psallam*, id est, bene operando laudem dicam, *nomini tuo*, id est tibi ipsi, o *Altissime*, cui nullus est similis ; vel, altissime adverbialiter, id est excellentissimo modo, videlicet exhibendo tibi patriæ cultum, seu adorationem tibi soli competentem. Attende ergo, qui verba hæc legis, ut secundum hunc modum ad Deum te habeas, confitendo ei non vago et sordido animo, alibi quam in Deo delectante. *Joann. xx, 30; xxi, 25.* *Eccli. xlii, 17.*
- 3

4 5 *In convertendo inimicum meum retrorsum* : id est, quando, o Domine, converteris inimicum meum, scilicet quemlibet adversantem saluti meæ, retrorsum, expugnando eum, et dando mihi virtutem ut ei resistam; tunc *infirmabuntur*, id est debilitabuntur, *et peribunt*, id est deficient, *a facie tua*, id est a præsentia gratiæ tuæ, per quam eis resistam et prævalebo. Primo ait, Inimicum, indeterminate, ponens singulare pro plurali; deinde adjungit, *Infirmabuntur*, ubi pluraliter exprimit quod ante singulariter nominavit. Moraliter potest quilibet tentatus a dæmone, carne vel mundo, hunc versum ad Deum clamare, tanquam dicat: Ego quidem propria virtute resistere nequeo adversariis istis, sed, o Domine, te convertente inimicos meos retrorsum, deficient. Nam si Deus pro nobis, quis contra nos? Potest quoque hic versus specialiter esse verbum Ecclesiæ ad Christum, ut sit sensus: In convertendo inimicum meum retrorsum, id est, dum per meritum tuæ passionis superaveris dæmonem, tunc infirmabuntur, id est, infirmati sunt omnes adversarii mei. Vel, quando in finali judicio condemnaveris eum, tunc peribunt omnino a facie tua, quia ibunt in ignem æternum.

Rom. viii,
31.

5 4 *Quoniam fecisti judicium meum*, id est, decrexisti per tuam justitiam inter me et inter adversarios meos, me approbando, et illos reprobando: hoc namque judicium Deus quotidie facit; *et causam meam* fecisti, judicando pro me, et rationem pro qua judicor, commendando. Hoc Deus semper facit occulte, quia semper boni sibi placent, et mali displicent. Fecit etiam hoc per Prophetas atque Apostolos; et quotidie facit hoc per ministros Ecclesiæ seu prælatos, quorum est bonos laudare, et impios reprobare. Vel sic: *Quoniam fecisti judicium meum*, id est, sustinuisti judicium mortis quod ego promerui, quando a Pilato jussus es crucifigi; et hoc pro peccatis meis perpressus es: propter quod adducitur, *et causam meam* fecisti, id est, pœnam pertulisti pro culpis meis, propter

Matth.
xxvii, 26.

A quas ego mortem promerui. Et tunc hoc verbum, Fecisti, sumitur quasi passive. Potest quoque intelligi de judicio extremæ discussionis ac remunerationis, ut sit sensus: Quoniam fecisti, id est facies, judicium meum in die novissimo, quando separabis Ecclesiam electorum a corpore impiorum loco et præmio: et tunc etiam facies causam meam, approbando justitiam meam.

Sedisti super thronum, qui judicas justitiam. Deus incircumscripibilis et incorporeus, specialiter fertur sedere super thronum, id est super angelos de ordine Thronorum: qui sunt infimi in prima hierarchia cœlesti, quia per eos judicia sua discernit, et ipsi familiariter apti sunt ad recipiendum Deum in se. Unde in ipsis habitare, eisque præsidere, et super eos sedere dicitur. Sic igitur ait, Sedisti, imo et semper sedes super Thronum, id est super quemlibet angelum de ordine illo. Potest quoque per thronum judiciaria Christi potestas intelligi, ut sit sensus: *Sedisti*, o Christe, *super thronum*, id est, quiescis et demoraris in potestate judicandi, quia omnium constitutus es iudex, et cum tranquillitate judicas. Sic enim dicere solemus de aliquo: Ille sedit ibi tribus annis, id est, fuit atque moratus est ibi tanto tempore. *Qui judicas justitiam*, id est, districte eam examinas, an sit vera et pura justitia; et si quid injustitiæ ei inhæserit, hoc punies. Unde propter districtum istud judicium Petrus in sua Canonica dicit: Si *justus vix salvabitur, peccator et impius* ^{1 Petr. iv, 18.} ubi apparebunt? Vel, Judicas justitiam, ab injustitia eam discernendo, ac juste remunerando.

Act. x, 42;
Sap. xii, 18.

6 5) *Increpasti gentes*, per Prophetas, per te ipsum et per sanctos Apostolos arguendo peccata eorum; *et periit impius*: id est, peccator ad emendationem conversus est, et ita periit, non per corruptionem naturæ, sed per expulsionem culpæ, quemadmodum in Proverbiis scriptum est: *Verte impios, et non erunt*. Vel, Periit impius, id est, diabolus ex cordibus pœnitentium

Prov. xii, 7.

Joann. xii,
31.

est ejectus, ut Salvator ait : Nunc judicium est mundi, nunc princeps hujus mundi ejicietur foras. *Nomen eorum*, id est gentium increpatarum, et ad Christum finaliter conversarum, *delesti in aeternum et in saeculum saeculi* : quia qui olim dicebantur et erant idololatræ, infideles, filii dæmonum; post conversionem ad Christum, facti et dicti sunt Christiani, id est filii Dei. — Vel sic : *Increpasti gentes*, id est, obstinatos et rebelles juste damnasti. Increpatio enim quandoque in malum accipitur, juxta illud Zachariæ : Increpet Dominus in te, Satan. *Et perit impius*, id est, ab esse spirituali et ab existentia gratiæ prorsus defecit et cecidit. Et ideo, Domine, *nomen eorum delesti in aeternum* : unde? nisi a libro vitæ et a numero eorum qui misericordiam consequuntur.

Zach. iii, 2.

7 *6 Inimici defecerunt frameam in finem*. Per frameam, quæ est gladius ex utraque parte acutus, intelligitur multiformis versutia dæmonum, quibus* homines tentant et superant. Frameæ ergo, id est deceptiones et laquei, inimici, id est dæmonis, defecerunt in finem, id est, æternaliter perierunt, quantum ad electos, per pretium sanguinis et meritum mortis Christi. *Et civitates [eorum]*, id est corda et corpora impiorum, in quibus olim regnabat et habitavit diabolus, quasi in civitatibus a se possessis, *destruxisti*, obstinatos perdendo, et pœnitentes salvando : sicque obstinatos destruxisti ab esse gratiæ, pœnitentes vero ab esse culpæ. (7) *Perit memoria eorum cum sonitu* : id est, maligni et a gratia Dei destituti, traditi sunt oblivioni

7

* qua

apud Deum, secundum quod dicit, Nescio vos unde sitis : non enim cognoscuntur per approbationem, nec unquam acquirunt divinæ pietatis respectum. Cum sonitu, id est, velociter et quasi repente oblivioni traduntur : quia quacumque hora peccat homo mortaliter, meretur a Deo relinqui; et si in peccato mortali decedit, subito sempiternæ oblivioni donatur, omniumque justitiarum quas fecit obliviscitur Dominus. *Et Dominus in aeternum*

Luc. xiii,
27.

permanet. Ipse enim est invariabilis et æternus.

8 *Paravit in judicio thronum suum* : id est, Jesus Christus omnium judex ac Dominus, ordinavit judicariam suam potestatem ad judicandum, ut nihil omnino indiscussum vel impræmiatum relinquat. *Et ipse judicabit orbem terræ*, id est habitantes in terra, *in æquitate*, id est dando singulis secundum opera sua; *et populos in justitia* : exponit quid dixit, Orbem terræ. Judicabit ergo Dominus populos in justitia : non enim est personarum acceptor

9 *Deus*, sed in omni gente, qui timet Deum et operatur justitiam, acceptus est illi.

Act. x, 34,
35.

10 *9 Et factus est Dominus refugium pauperi* : id est, Christus qui in morte singulorum et in extremo judicio est justus atque terribilis judex, nunc interim factus est refugium nostrum, id est advocatus noster, quemadmodum Joannes in sua Canonica testatur : Advocatum, inquit, habemus apud Patrem, Jesum Christum justum; et ipse est propitiatio pro peccatis nostris. Ipse quippe ostendit Patri latus et vulnera, imo naturam nostram quam pro nobis assumpsit : sicque interpellat pro nobis tanquam pro fratribus suis, ut dicit Haymo. Vel, Dominus, id est Deus trinus et simplex, factus est refugium pauperi, quia semper paratus est exaudire orantes, et auxiliari recurrentibus ad ipsum cum plena fiducia : factus est refugium pauperi, id est contrito et humili, sicut Isaias ait : Ad quem respiciam, nisi ad pauperculum et contritum spiritu, et trementem sermones meos?

I Joann. ii,
1, 2.

Is. lxxvi, 2.

D Pauper est, qui non confidit in propriis viribus, nec gloriatur in semetipso de propriis meritis, neque in terrenis divitiis inordinate afficitur, sed habens victum et quibus tegatur, his contentatur.

I Tim. vi, 8.

Quomodo autem Dominus factus est refugium pauperi, subdit : *adjutor in opportunitatibus, in tribulatione*. Dominus enim factus est adjutor in opportunitatibus, conferendo gratiam et ea quæ ad salutem necessaria sunt, conservando videlicet hominem, ne extollatur in prosperis, sed

Ezech.
xviii, 24.

8

gratias referat; et factus est Dominus adiutor in tribulatione, dando patientiam in adversis, et liberando a malis. Indigemus enim adiutorio Dei in prosperis et adversis, quatenus ubique regia via tendamus, secundum quod scriptum est: In die bonorum ne immemor sis malorum, et in die malorum ne immemor sis bonorum.

11 (10) *Et, quoniam sic est, ideo, o Domine, sperent in te qui noverunt nomen tuum*, id est, qui ex interna inspiratione, aut Scripturarum eruditione, aut propria consideratione cognoscunt quam bonus, dulcis, fidelis ac pius sit Dominus, prout

Thren. III, 25.

Jeremias in Threnis testatur: Bonus est Dominus sperantibus in eum, animæ quærenti illum; *quoniam non dereliquisti quærentes te, Domine*, si tamen perseveranter ac fideliter pulsant, nec fatigentur quærendo, dicentes cum sancto Job: Etiam si occiderit me, in ipso sperabo. Longanimiter ergo et cum certissima fide expectandus est Dominus, secundum quod

Is. XXX, 18.

Isaias hortatur: Deus iudicii Dominus; beati omnes qui expectant eum.

Quoniam ergo tam bonus est Dominus, propterea 11 *Psallite, bene vivendo, et gratias semper agendo, Domino qui habitat in Sion*, id est in sanctis et contemplativis spiritibus, tam triumphantis quam militantis Ecclesiæ. Et, o Sion, id est spirituales viri, qui nunc per fidem, non per speciem, ambulatis, *annuntiate inter gentes*, id est, aliis prædicate, *studia ejus*, id est virtuosa opera atque beneficia Dei humano generi præstita. Potest quoque istud specialiter referri ad Apostolos et primos Evangelii prædicatores, ut sit sensus: Annuntiate inter gentes studia ejus, id est, prædicate evangelicam legem gentibus, et ne timeatis hoc facere, quia non frustra facietis hoc, sed erit merces operi vestro. Et ideo additur:

II Cor. v, 7.

13 12 *Quoniam requirens sanguinem eorum recordatus est*: id est, ipse Dominus requirens sanguinem annuntiantium gentibus studia sua, recordatus est, quantum videlicet annuntiatores studiorum suorum

laboraverint et fecerint pro eo, quanta etiam sustinuerint a persecutoribus et tyrannis propter justitiam: propter quod ista recordando, requireret sanguinem eorum, id est, persecutionem ac mortem quam injuste perpassi sunt, vindicabit, impios affligendo. *Non est oblitus Dominus clamorem pauperum*, id est prædicationem, laudationem, orationem humilium: quia tempore suo reddet eis copiosam mercedem, quamvis interdum videatur quasi oblitus, quia diu differt, et sanctos suos tribulari permittit.

Post hæc ostendit quis sit iste clamor pauperum, qui etiam esse potest oratio singulorum mundi vanitatem spernentium. 15 *Miserere mei, Domine, opem ferendo*; *vide humilitatem meam*, id est, considera oppressionem et pœnam quam patior, *de inimicis meis*, id est a persecutoribus et tyrannis: et hoc oro, non ut illos in æternum condemnes, sed ut in me gratiam augeas, fortitudinem patientiamque corrobore. 14 *Qui exaltas me de portis mortis*, id est, qui per passionem et sanguinem Christi Filii tui liberas me a morte æterna, vel a peccatis mortalibus, quæ sunt via spatiosa ac lata per quam multi gradiuntur ad pœnam inferni, quæ est mors æterna. Et ideo, o Domine, exaltas me de portis mortis, *ut annuntiem*, id est, regratiando commemorem, aliosque docendo ac inflammando decantem, *omnes laudationes tuas*, id est sermones ad laudem tuam pertinentes, *in portis filiæ Sion*, id est in fide, spe et caritate, per quas itur ad regnum cœlorum, tanquam per portas filiæ Sion, id est militantis Ecclesiæ, cuius mater est triumphans Ecclesia. Omnia enim quæ agimus, in fide, spe et caritate agere nos oportet, si meritorea esse debeant. Vel, In portis filiæ Sion, id est in ipsa militante Ecclesia, seu in conspectu fidelium. Debemus namque alios ad laudem Dei inducere, prædicando, docendo, seu exemplariter conversando, secundum quod uniuscujusque vocatio exigit, prout ait Salvator: Sic luceat lux vestra coram

14

15

Matth. VII, 13.

Ibid. v, 16.

hominibus, ut videant opera vestra bona, et glorificent Patrem vestrum qui in cœlis est.

16 15 *Exsultabo in salutari tuo*, id est in beatitudine mihi promissa a te, in qua nunc gaudeo per spem, postmodum autem gaudebo in ea per rem; vel, *Exsultabo in salutari tuo*, id est in salvatione mihi impensa a te; vel, *In salutari tuo*, id est in Christo Filio tuo, qui (teste Simeone) est salutare tuum, quod parasti ante faciem omnium populorum. In hoc, inquam, salutari exsultabo, contemplando beneficia ejus mihi collata, et expectando ejus promissa, mihi reposita atque parata.

Luc. II, 30.

Ps. VII, 16.

Infixæ sunt gentes in interitu quem fecerunt. Hoc est quod in septimo psalmo prædictum est: Incidit in foveam quam fecit. Gentes itaque, et impie conversantes, infixæ, id est demersæ et captæ sunt, in interitu quem fecerunt, id est in morte quam sanctis hominibus intulerunt: quia pro morte corporali ac temporali sanctis illata, ipsi spirituales atque perpetuam mortem incurrerunt. Multi quoque tyranni propter mortem sanctis inflictam, etiam in præsentī vita miserabiliter perierunt, sicut in chronicis invenitur. (16) *In laqueo isto quem absconderunt*, id est in malo quod aliis occulte paraverunt, *comprehensus est pes eorum*, id est, juste punitus est affectus ipsorum, quia malum quod aliis paraverunt, ipsi etiam in præsentī passi sunt: ut Aman qui in patibulo, quod Mardocheo præparavit, suspensus est. Et si in præsentī non fiat retributio talis, tamen procul dubio in futuro terribilior fiet: et tunc in laqueo quem absconderunt, comprehendetur pes eorum, quoniam dolus atque malitia ipsorum redundabit in caput eorum, præsertim in die judicii. Propter quod subditur:

Esther VII, 10.

17 (17) *Cognoscetur Dominus judicium faciens*: in futuro enim judicio videbit omnis caro salutare Dei nostri, et tunc Christus manifeste apparebit; omnibusque patebit quod ipse sit judicium faciens, seu omnia juste judicans. *In operibus manuum su-*

arum comprehensus est peccator: opera enim illorum sequuntur eos. Et ergo quem Dominus in peccatis decessisse invenerit, hunc in iniquitate sua comprehendit ac damnat. 18 *Convertantur peccatores in infernum*: id est, in die judicii in infernum retrudentur omnes obstinati in malo: illi videlicet de quibus subjungitur, *omnes gentes quæ obliviscuntur Deum*, id est, quæ Deum a sua memoria expellunt, non contemplando nec diligendo ipsum, sed contemnendo aut non curando mandata ipsius. 19 *Quoniam non in finem oblitio erit pauperis*: id est, fidelis et humilis homo, quamvis ad tempus videatur derelictus a Deo, tamen finaliter in memoria æterna erit justus, quia in die judicii salvabitur in æternum. *Patientia pauperum non peribit in finem*, id est, non carebit debito præmio, sed æterna felicitate ditabitur.

Apoc. XIV, 13.

18

19

Ps. CXI, 7.

In sequentibus Ecclesia loquitur Christo de Antichristi dejectione. 20 *Exsurge, Domine*. O Christe judex, tempore Antichristi exsurge, fidelibus auxiliando, atque ad judicium properando: quia tanta erit persecutio ejus, ut nisi breviati fuerint dies illi, non fieret salva omnis caro. *Non confortetur homo*, id est, non prævaleat contra Ecclesiam Antichristus: qui erit pessimus homo, et adeo quidem, ut ejus malitiam ferre non poterit humana conditio. *Judicentur gentes in conspectu tuo*: id est, omnes Antichristi satellites ac fautores ei finaliter adhærentes, judicentur judicio reprobationis a te in extremo judicio.

Matth. XXIV, 24, 22.

20

Interim quoque seu ante finale judicium, quod statim sequetur post Antichristi persecutionem, prout in Evangelio patet, 21 *Constitue legislatorem*, id est Antichristum, qui legem blasphemiarum Christi plenam adducet, *super eos*, id est super gentes injustas ab eo fallendas. Advertendum est autem, quod malum pœnæ est effective a Deo: sicut per Amos prophetam dicitur, Si erit malum in civitate, quod Dominus non fecit? Malum vero culpæ est a Deo permissive et indirecte, quia non impedit ipsum: quemadmodum Dominus di-

Ibid. 29.

21

Amos III, 6.

Exod. ix.
12; Deut. ii.
30; Num.
xxi, 33.

II Thess. ii.
8-10.

PSALM. X
SEC. HEBR.

1

citur indurasse cor Pharaonis, et obfirmasse cor Sehon regis Amorrhæorum, et Og regis Basan. Sic quoque dicitur Dominus constituere Antichristum super gentes, quia permittit hoc fieri propter peccata eorum. Unde de Antichristo loquens Apostolus : Tunc, inquit, revelabitur ille iniquus, cujus adventus erit secundum operationem Satanæ, in omni virtute et signis et prodigiis mendacibus, et in omni seductione iniquitatis his qui pereunt, eo quod caritatem veritatis non receperunt, ut salvi fierent : et ideo mittet illis Deus operationem erroris, ut credant mendacio. *Sciant*, id est, per experientiam pœnæ cognoscant, *gentes* Antichristo credentes, *quoniam homines sunt* vanitate seducti, non filii Dei, sicut putabant : nam æstimabunt Antichristum esse verum Christum, et se per fidem ejus fieri filios Dei. Sed, o Domine juste, judica eos, ut se errasse vel in pœnis inferni cognoscant, qui in præsentī vita vero Christo adhærere noluerunt.

22 *Ut quid, Domine, recessisti longe?*

Hoc dicit ad Christum Ecclesia, ad designandum sævissimam rabiem persecutionis Antichristi. Tanta equidem erit persecutionis illius severitas, ut videatur Deus quodammodo relinquere suos. Quanta enim erit persecutio illa, dum pius martyr corpus suum pœnis exponet, et impius persecutor ante oculos patientis miracula faciet? Imo Ecclesia tunc creditur non esse factura miracula, nisi forte Elias et Enoch vel alii pauci. Mirando ergo dicit Ecclesia : Ut quid, Domine, recessisti longe? id est, ita te habebis, ac si longe abesses. *Despicias*, id est, per modum despicientis te habebis, *in opportunitatibus*, id est in necessitatibus Christianorum, *in tribulatione*, quam ipsi in persecutione illa amarissima sustinebunt : quia enim permittes eos tradi manibus impiorum, atque tam graviter tribulari, ut nunquam fuerit, nec sit, neque futura sit tribulatio tanta; et ob id apparebit, ac si omnino despiceres orationes fidelium.

2

(25) *Dum superbit impius*, id est Anti-

christus, qui se Filium Dei vocabit, et teste Apostolo, Extollitur super omne quod dicitur Deus : dum, inquam, ita superbiat homo peccati, filius perditionis, *incenditur pauper*, id est, tunc variis pœnis occidetur populus christianus, qui tunc multum pauper contemptusque erit. Solet autem Scriptura per ignem omne genus pœnarum significare. Ad litteram etiam accipi potest, quoniam Antichristus multos Christianorum igne comburet. *Comprehenduntur in consiliis quibus cogitant* : id est, Antichristus et ejus ministri comprehenduntur et capiuntur seu cruciabantur a Christo in consiliis quibus cogitant : quia quod ipsi cogitabunt facere Christianis, hoc Christus faciet eis ; quoniam attestante divo Apostolo, Jesus interficiet Antichristum spiritu oris sui. Quod Isaias quoque prædixit : Spiritu, inquit, labiorum suorum interficiet impium, id est Antichristum.

Deinde ponitur causa confirmans Antichristum in suo errore. 24 *Quoniam laudatur peccator in desideriis animæ suæ* : id est, Antichristus qui est caput malorum, a suis laudabitur in omni suo affectu et opere. Desiderium enim ipsius est, ut fidem Christi Jesu omnino evellat, quatenus ipse Christus esse credatur : in hoc autem desiderio a suis laudabitur. *Et iniquus*, id est Antichristus, impietatis magister, *benedicitur*, id est, a suis cultoribus tanquam deus benedicetur.

25 *Exacerbavit*, id est, vehementer offendet, *Dominum Jesum peccator*, id est Antichristus; *secundum multitudinem iræ suæ*, id est secundum exigentiam multorum peccatorum suorum, quibus iram Dei merebitur, *non quæret* pœnitentiam, scilicet quoniam obstinatus erit in malo.

26 *Non est Deus in conspectu ejus* : id est, Antichristus non considerabit vindictam sibi a Deo paratam et imminentem, neque timebit Deum ; sed quemadmodum Daniel prophetavit, Adversus omnem deum, et adversus Deum deorum loquetur. *Iniquitæ sunt viæ illius* : id est, vitiosæ sunt operationes Antichristi, *in omni tempore*,

II Thess. ii.
4.

Ibid. 3.

Ibid. 8.

Is. xi, 4.

3

4

5

Dan. xi, 36.

id est a primo instanti quo ceperit uti A ratione : imo tota vita ejus erit peccatum. Diabolus enim Lucifer descendet in eum in utero matris, et diriget eum in omnibus.

27 *Auferantur judicia tua a facie ejus :* quia in tantum excæcabit eum superbia sua, ut non putet se judicandum a Deo ; et forte ex admirabili cæcitate putabit se esse verum Christum, eo quod videat sibi omnia ad nutum succedere, nec Deum se de ipso in aliquo vindicare. Non tamen excusabitur de peccato, quia non erit possessus a dæmone, quemadmodum arrepticii et amentes : sed erit compos rationis, et si voluerit advertere, sciet se errare. Auferantur ergo judicia divina a facie ejus, id est a consideratione sui intellectus. *Omnium inimicorum suorum dominabitur,* id est, omnium sibi nolentium obedire dominabitur, quia occidet eos ; vel fugient et abscondent se ab eo. Unde apud Daniele legimus : Adspiciebam, et ecce cornu illud faciebat bellum adversus sanctos, et prævalebat eis. 28 *Dirigit enim in corde suo,* id est, cogitavit illud quod sequitur : *Non movebor a generatione in generationem,* id est, non deiciar a potestate ista et regno et gloria, a generatione in generationem, id est ullo tempore, vel aliqua duratione qua generationes sibi invicem succedere possunt : quia putabit regni sui non esse finem venturum, quamdiu ipse fuerit. Quoniam enim judicia Dei auferentur ab oculis ejus, consequens est ut non æstimet se ab aliquo superandum, sed quasi perpetuo duraturum. *Sine malo.* Hoc refertur ad pronomen, Ego, subintellectum, ut sit sensus : Ego sine malo, id est, ego vivens et regnans sine omni impedimento et pœna, non movebor, etc.

7 29 *Cujus maledictione os plenum est,* id est blasphemii contra Christum, *et amaritudine,* id est comminatione austera : quoniam sibi non obedientibus comminabitur mortem ; *et dolo,* nam multos blandimentis decipiet ; vel, Dolo, id est subdola ac fallaci allegatione et expositione sacræ Scripturæ. Allegabit enim Scripturam ve-

teris Testamenti pro se ; sicque eam exponet, ut videatur quasi impleri in eo, ac per hoc Christus esse putetur : imo per hoc a multis Christus esse putabitur. *Sub lingua ejus labor et dolor :* quia mente tractabit et ore loquetur, quomodo sanctis hominibus inferat laborem servilem et dolorem mortiferum, non solum per se, sed et per suos fautores. Unde subjungitur :

50 *Sedet in insidiis,* id est, sedet insidians, modos nocendi occulte excogitans more latronum, *cum divitibus,* id est cum suis ministris, quos divites faciet, quatenus plures sibi alliciat, *in occultis,* id est secretis modis fallendi. Nam magnam apparentiam habebunt ea per quæ mundum decipiet ; eritque tunc valde difficile inter verum et falsum, et inter bonum et malum discernere. Decipiet enim mundum variis modis, videlicet per miraculorum operationem, per Scripturarum allegationem, per sanctitatis simulationem, per suorum falsam felicitatem, et per innumerabilem multitudinem adhærentium sibi. Sedet autem prædicto modo in insidiis, *ut interficiat innocentem,* id est populum christianum pium et caritativum.

51 *Oculi ejus,* tam cordis quam corporis, *in pauperem,* id est in fidelem Christianum, *respiciunt :* quatenus vel attrahendo seducat, vel resistentem sibi occidat ; *insidiatur in abscondito,* id est, occulte machinatur insidias, *quasi leo in spelunca sua.* Leo quippe in spelunca sua animalibus mansuetis insidians, est sævus et fortis : sic Antichristus piis hominibus erit severus et prævalens. 52 *Insidiatur ut rapiat pauperem,* scilicet ut comprehendat Christianum, non in se, sed in Domino confidentem ; et insidiatur rapere pauperem dum attrahit eum. Hoc dupliciter exponi potest. Primo sic : Insidiatur rapere pauperem, id est, ut interficiat eum spiritualiter, auferendo ei fidem et gratiam Christi, dum attrahit eum, id est, dum inducit et allicit eum ad legem suam. Secundo sic : Insidiatur rapere pauperem,

8

9

quatenus interficiat eum corporaliter, dum A attrahit eum ad tormenta.

10 (55) *In laqueo suo*, id est in deceptionibus et fraudulentis suis, *humiliabit eum*, id est, opprimet et affliget pauperem et fidelem. Nam persecutio Antichristi non solum erit violenta, sicut est persecutio tyrannorum, nec solum fraudulenta, ut hæreticorum; sed erit simul violenta propter sæcularem potentiam, et fraudulenta propter vitæ apparentem sanctitatem, et signorum operationem. Unde de Antichristo scriptum est: Habebat cornua duo similia agni, id est mendacia signa et vitam simulatam.

Apoc. xiii, 11.

Inclinabit se, et cadet quum dominatus fuerit pauperum: id est, Antichristus postquam hæc omnia fecerit, tunc necessitate compulsus inclinabit se, id est, humiliabit se non per veram humilitatem, sed coacte deponet animi sui tumorem: quemadmodum figura ejus Antiochus, qui quum gravissimo laboraret dolore, non ex vera pœnitentia, sed ex pœnarum experientia dixit,

II Mach. ix, 12.

Justum est subditum esse Deo, et mortalem non paria Deo sentire. Et cadet, id est, occidetur a Christo, quum dominatus fuerit pauperum, scilicet Christianorum. Dominabitur autem pauperum seu militantis Ecclesiæ, persequendo opprimendoque eam tribus annis cum medio, prout in Daniele prophetatum agnoscimus: Tradentur, inquit, sancti in manus ejus usque ad tempus et tempora, et dimidium temporis. Hebræi enim per tempus intelligunt annum; per tempora, duos annos; per medium temporis, medium annum. Et hoc est quod de Antichristo et suis fau-

Apoc. xi, 2.

toribus dicitur: Civitatem sanctam calcabunt mensibus quadraginta duobus, id est, militantem Ecclesiam opprimet tribus annis cum medio. Nam menses quadraginta duo, tres annos cum medio faciunt.

Ibid. xiii, 5.

Unde rursus in Apocalypsi dicitur: Datum est illi os loquens magna et blasphemias; et data est illi potestas facere menses quadraginta duos. Hoc igitur tempore evoluto, cessabit persecutio Antichristi: quia

sicut gravissima erit, ita brevissima fiet. Nam Salvatore testante, propter electos breviabuntur dies illi.

Matth. xxiv, 22.

Deinde subjungitur causa casus et mortis Antichristi: 54 *Dixit enim in corde suo: Oblitus est Deus*, id est, non attendit opera mea ut judicet ea; *avertit faciem suam*, id est considerationem, *ne videat in finem*, id est, ne unquam condemnet me. Istud Antichristus in corde suo dicet, vel quia propter excæcationem suæ mentis ita putabit, vel quia ita vivet, ac si Deum B æstimaret non esse judicem hominum. Sed non est putandum quod aperte dicet hæc verba: imo dicet Deum omnia judicaturum, etiam se esse Filium Dei, ac judicem universorum. Sed an hoc dicet ex animi sententia, ita esse putans, vel ut alios sub specie boni defraudet, non est adeo certum.

(55) *Exsurge, Domine Deus*. Hæc est oratio Ecclesiæ, quæ orat pro Antichristi finali dejectione, fideliumque plena liberatione. *Exsurge, Domine Deus*, qui diu differendo, et non exaudiendo, quasi dormiens videbaris; sed nunc exsurge, auxiliando, et per modum stantis te habendo; *et exaltetur manus tua*, id est, manifestetur potentia tua, occidendo atque damnando Antichristum; *ne obliviscaris pauperum*, id est, ne diutius subtrahas protectionem et opem misericordiæ tuæ a populo tuo. 56 *Propter quid*, id est quo fructu seu utilitate, *irritavit*, id est offendit, *impius*, scilicet Antichristus, *Deum?* *Dixit enim in corde suo: Non requiret*, id est, Deus non exiget rationem de actibus meis, nec D ulciscetur sanguinem Christianorum quos occido.

41

42

43

44

Insuper convertit se Ecclesia ad Deum. (57) *Vides*: id est, falsum est quod Antichristus dicit, te avertisse faciem tuam, ne videas in finem: imo tu vides, nam oculis tuis omnia nuda sunt et aperta; et hoc patet ex eo, *quoniam tu laborem et dolorem consideras*, id est, tu diligenter attendis laborem et dolorem, quos sancti tui ab Antichristo et suis perpassi sunt; *ut tradas eos in manus tuas*, id est, ut ac-

Hebr. iv, 13.

ceptes et gratos habeas laborem et dolorem sanctorum, retribuendo eis æternam quietem perpetuamque lætitiā. Vel, Ut tradas eos, videlicet Antichristum et suos, in manus tuas, id est in potestatem iustitiæ tuæ, quatenus æternaliter eos condemnes.

58 *Tibi, o Domine, derelictus est pauper*, id est populus christianus, quia non est alius qui pugnet pro eo, nisi tu, Domine Deus, præsertim tempore Antichristi; *orphano*, id est populo desolato, qui præter te nullum habet consolatorem, et est quasi non habens patrem auxiliantem, aut matrem consolantem: quemadmodum erit plebs christiana tempore Antichristi; *tueris adjutor*, quia redimes eos, nec dereliques electos tuos finaliter.

15 59 *Contere*, id est, ad nihilum redige, *brachium peccatoris et maligni*, id est potestatem Antichristi: qui secundum Danielis vaticinium, tamdiu conteret sanctos Altissimi, donec conteratur. *Quæretur peccatum illius, et non invenietur*: id est, omnis voluptas et gloria atque malitia Antichristi sic destruetur, quasi nunquam fuisset. Vel sic: Quæretur peccatum illius, et non invenietur: quia post mortem Antichristi, quidam de suis obstinatis ministris persistent in sua malitia, et quærent peccatum principis sui occisi, desiderantes deliciari et prævaricari quemadmodum ille fecit; sed peccatum illius non invenietur ab illis. Nam quum dixerint, Pax et securitas, tunc (Christo testante) superveniet eis repentinus interitus.

1 Thess. v.
3: Luc. XXI.
34, 35.

16 40 *Dominus*, id est Jesus Nazarenus, qui est verus Christus et omnium creator ac Dominus, *regnabit in æternum et in sæculum sæculi*, quoniam regni ejus non erit finis; nec etiam fides catholica, per quam regnat in sæculo isto, unquam mundo durante in toto deficiet, quamvis tempore Antichristi magis quam ante decreseat. *Peribitis gentes*, id est impii, qui Antichristo adhæsisistis, nec pœnituitis, *de terra illius*, id est de regione vivorum, quia expellemini a regno cœlorum: imo

Luc. i., 33.

A de terra ista inferiori et elementari peribitis, quia retrudemini in infernum: et hoc ideo, quoniam 41 *Desiderium pauperum*, id est orationem fidelium, *exaudivit Dominus*; *præparationem cordis eorum*, id est promptitudinem, qua tibi in adversis fideliter adhæserunt, *audivit*, o Domine, *auris tua*, id est, acceptavit et remuneravit sapientia tua. 42 *Judicare pupillo et humili*, id est, tale atque tam justum judicium profer, ut ab omnibus judicaris, id est, justus cognoscaris et approberis: B sicut inferius dicitur, Ut justificeris in sermonibus tuis, et vincas quum judicaris; pupillo et humili, id est ad salutem et gloriam pupilli ac humilis, videlicet ut judicando salves pupillum et humilem, id est unumquemque terrena ista spernentem, et se ipsum pro nihilo reputantem; *ut non apponat ultra magnificare se homo super terram*, id est, ut finem accipiat Antichristi superbia, neque præsumat de cetero velle aliis dominari.

17

18

Ps. L., 6.

C DENIQUE passus iste, qui ad litteram de Antichristo expositus est, moraliter posset exponi de membris ipsius, videlicet de persecutoribus Ecclesiæ, aliisque injustis: quibus vel omnia, vel multa jam prædicta conveniunt, ut illud, Dum superbit impius, incenditur pauper; et, Quoniam laudatur peccator in desideriis animæ suæ; et alia pene omnia. Ea quoque quæ exposita sunt de Ecclesia pro tempore Antichristi, exponi possent de Ecclesia et quolibet justo pro quolibet tempore magnæ persecutionis; sed propter prolixitatem vitandam, et quia expositio moralis faciliter patet, et elici potest ex expositione inducta, idcirco eam omitto. Verumtamen videat sibi quilibet, qui se ad Christum pertinere confidit, ne sibi aliquo modo convenient quæ nunc de Antichristo recensita sunt. Videat sibi ne inveniat superbus, pauperumque oppressor, aut irrisor simplicium, vel contemptor infirmorum. Non cupiat laudari in desideriis vitiosis, neque applaudentibus ac blandi-

Expositi-
uncula alia.

2

3

- entibus sibi in malo delectetur; sed co- A rari, atque cum Christo altissimo æterna-
 gitet semper Dei præsentiam, et judicem liter in cœlestibus triumphare.
- Christum penset ubique considerantem
 omnia opera sua, ne ei conveniat quod de
 5 Antichristo expositum est, Non est Deus
 in conspectu ejus, et, Auferuntur judicia
 tua a facie ejus. Non sit maledicus, com-
 minator, amarus, dolosus, sed taliter sa-
 tagat Domini Jesu Christi vestigia imitari,
 quatenus in die novissimo mereatur ab
 Antichristo ac ejus infelici collegio sepa-

PRECATIO.

Refugium pauperum tuorum, Deus, qui
 in necessitatibus suis te quærentes non
 derelinquis, ad te nos in tribulatione cla-
 mantes non despicias; sed exalta nos de
 portis mortis: ut hic et in æternum ex-
 sultemus in laudibus tuis.

ARTICULUS XXIX

EXPOSITIO LITTERALIS PSALMI DECIMI: IN DOMINO CONFIDO.

- 1 DENIQUE titulus psalmi istius est: *In fi-* B *do*, id est, spem salutis meæ in Filio Dei
nem, psalmus David: id est, psalmus iste
 dirigens nos in Christum seu Deum, est
 ipsius David, qui loquitur hic in persona
 confidentis in Domino. Advertendum au-
 tem, quod sicut doctores catholici Scri-
 pturas veteris Testamenti, quæ conveni-
 enter applicantur cuilibet fidei et etiam
 toti congregationi fidelium, exponunt ad
 litteram de Ecclesia et quolibet vero Chri-
 stiano; ita Hebræorum doctores Scripturas
 has exponunt ad litteram de Synagoga et
 quolibet vere Judæo seu Israelita. Unde C
 quemadmodum nostri doctores exponunt
 Cantica Canticorum de Christo et de Ec-
 clesia, sic Judæorum doctores exponunt
 ea de rege Messia et Synagoga. Iste itaque
 psalmus sicut præcedens, ad litteram ex-
 poni posset de David et Synagoga, et de
 hæreticis veteris legis, cujusmodi erant
 Sadducæi, et alii quidam: et ita expone-
 retur de Ecclesia et quolibet ejus membro
 tropologice, et de Christo allegorice.
- 2 BREVITER ergo tangendo primam ex- D
 positionem, David in persona sua ac
 cujuslibet Judæi seu Synagogæ spirituali-
 ter intelligentis, ait: (1) *In Domino confi-*
- do, id est, spem salutis meæ in Filio Dei
 incarnando, in rege Messia futuro, consti-
 tuo, quia per fidem ejus salvari exspecto.
 Et quia sic est, *quomodo*, o Judæi (le-
 gem carnaliter intelligentes), *dicitis ani-*
ma mea. Transmigre in montem sicut
passer, id est, ascende et convola ad legem
 divinitus datam, et in monte Sinai primo
 receptam, constituendo spem tuam in ea?
 quasi sine fide et gratia Christi salvari
 possem, videlicet per solam observantiam
 legis: quemadmodum multi Judæi puta-
 bant. De quibus scribit Apostolus: Igno-
 rantes Dei justitiam (scilicet quod justus
 ex fide vivit), et suam volentes constitue-
 re (confidentes in propriis viribus et ex-
 teriori observatione legis), justitiæ Dei non
 sunt subjecti.
- 3 2 *Quoniam ecce peccatores*, id est car-
 nales hæretique Judæi, *intenderunt ar-*
cum, id est, assumpserunt pro suo errore
 legem secundum litteralem ipsius intelle-
 ctum: de quo ait Apostolus, Littera occi-
 dit; *paraverunt sagittas suas*, id est quas-
 6. dam allegationes in lege conscriptas, quæ
 videntur eorum errori apparentiam face-
 re, *in pharetra*, id est in ore suo, ex quo
 proferunt jacula mortis; *ut sagittent*, id

Exod. xx.

Rom. x, 3.

Ibid. 1, 17.

II Cor. iii,

est, perverse instruant, *in obscuro*, id est A in his quæ difficultatem habent, qualiter intelligi debeant, *rectos corde*, id est justos ac simplices, quibus exponunt obscura talia pro suo errore corroborando.

4 5 Quoniam quæ perfecisti, id est sacras legis ac Prophetarum Scripturas a te perfecte et pure inspiratas, *destruxerunt*, per expositiones suas extortas. *Iustus autem*, id est verus Judæus eorum assertioni non credens, *quid fecit?* Et respondet:

5 6 Dominus in templo sancto suo, id est, Deus per fidem et gratiam habitat in homine justo, qui templum Dei vocatur. Et ergo si quærat quid fecit justus, respondetur quod speravit in Domino, quoniam Dominus est in eo, sicut in templo, per fidem et spem. *Dominus in caelo sedes ejus*: id est, sedes Domini est in cælo, id est in anima justī, quæ est sedes sapien-

tīæ; vel in cælo empyreo, in quo Deus specialiter sedere perhibetur, quoniam ibi excellentius operatur, clariusque videtur. Incorporeus autem Deus materialem sedem non habet; sed sedes ejus sunt sanctæ mentes, in quibus quiescit per fidem et gratiam in præsentī, per speciem vero et gloriam in patria. Et quoniam quies atque inhabitatio Dei per speciem et gloriam est eminentior quiete et inhabitatione per fidem et gratiam, ideo Deus magis proprie excellentiusque esse, habitare et sedere dicitur in cælo et comprehensoribus, quam in terra ac viatoribus.

Porro sequentia verba hujus psalmi secundum quamlibet expositionem satis conformiter, et quasi eodem modo exponuntur: ideirco ipsorum expositionem nunc differo usque ad principalem psalmi istius explanationem.

ARTICULUS XXX

EXPOSITIO TROPOLOGICA PSALMI EJUSDEM DECIMI IN PERSONA ECCLESIE ET UNUSCUIUSQUE FIDELIS, QUI EST VERUM AC VIVUM MEMBRUM ECCLESIE.

PREVIDENS igitur sanctus propheta David in Spiritu Sancto, fraudulentos doctores sive hæreticos tempore christianæ legis futuros, ait in persona Ecclesiæ: 2 (1) *In Domino confido*, id est, in Deo pono spem meam, veritatibus sacræ Paginæ credo, sanctorum Patrum catholicorumque doctorum expositiones recipio: propterea, o hæretici, *quomodo*, id est qua ratione, *dicitis animæ meæ, Transmigre in montem*, id est, ascende propriam rationem, crede proprio sensui, ingenio tuo confide, et Scripturam sacram intellige secundum nostram expositionem, qui propter subtilitatem nostri ingenii montes vocamur? Quomodo, inquam, dicitis animæ meæ, Transmigre de securo et humili simplicitate ad periculosam sublimitatem,

et majestatis prohibitam perscrutationem, *sicut passer*, id est velociter alte volando, in mirabilibus super te ambulando, et terminos a patribus constitutos transferrando? Vana est ista vestra persuasio: quoniam Salomon ait, Qui ambulat simpliciter, ambulat confidenter; et iterum, Deus protegit gradientes simpliciter. Qui vero scrutator est majestatis, opprimetur a gloria. *Ps. cxxx, 1.*
Prov. x, 9.
Ibid. ii, 7.
Ibid. xxv, 27.

Consequenter Propheta ostendit, quod hæretici istud irrationabiliter dicunt, (2) *Quoniam ecce peccatores*, puta hæretici, *intenderunt arcum*, id est, disposuerunt ingenium suum ad male docendum, armando se auctoritate divinæ Scripturæ, quam perverse intelligunt; *paraverunt sagittas suas in pharetra*, id est, in promptu habent

verba simulata atque fallacia in corde et lingua, quæ videntur simplicioribus rationabilia esse ac justa : sicque sub specie boni decipiunt, præsertim dum auctoritate Scripturæ se muniunt ; *ut sagittent*, id est, sua doctrina corrumpant, *in obscuro*, id est latenter et insidiosè, *rectos corde*, id est fide et opere Christianos. Et in isto graviter peccant, o Domine, (5) *Quoniam quæ perfecisti*, id est, divinas Scripturas, Patrum sanctorum decreta ac ordinationes, *destruxerunt*, id est, subverterunt, introducendo novas ac vanas doctrinas. *Justus autem quid fecit?* id est, quomodo istis hæreticis restitit? Et respondet :

3 (4) *Dominus in templo sancto suo*, id est, Dominus manet in corde justi, ut protegat eum a fraudibus perversorum, et in vera fide ipsum conservet. Quasi dicat : Justus quidem non acquiescit hæreticis, sed resistit : non tamen propria virtute, sed Dominus in eo per gratiam habitans, dat efficaciam resistendi, quemadmodum ait Apostolus : Orate Dominum, ut liberemur ab importunis et malis hominibus. Vel, Dominus in templo sancto suo, id est, in congregatione electorum suorum habitat, ut eos ab omni hæreticorum pravitate defendat. *Dominus in cælo sedes ejus*. Hoc in præcedenti expositione satis expositum est.

II Thess. III,
1, 2.

Ejusdem
loci exposi-
tio alia.

II Cor. X,
17.

Galat. VI, 3.

Insuper locus iste de quolibet fideli, a spiritu elationis et vanæ gloriæ tentato, exponitur. Dicat ergo verus humilis, qui non in se, sed in Domino gloriatur, nec cupit præesse aut apparere : *In Domino confido*, a quo est omne bonum quod habeo. *Quomodo* ergo, o tentator diabole, vel homo inanis, vel cogitatio propria : quomodo, inquam, *dicitis animæ meæ*, interius suggerendo, aut foris loquendo, aut occasionem superbiendi ministrando, *Transmigre in montem*, id est, extolle te ipsum, reputando te aliquid esse quum nihil sis, et hoc, *sicut passer?* Non quod isti manifeste dicant animæ, ut erigat se ad alta sicut passer : nam si hoc dicerent, persuasio ipsorum apparentiam non ha-

beret, neque deciperet animam, quoniam passer est animal petulans, inquietum et leve : imo ipsi dicunt, Euge, euge, quam bene fecisti, quam laudabiliter vixisti ! merito te magnum et sanctum reputant homines. Sed quoniam ista suggestio tendit ad hoc, ut homo inaniter gloriatur et extollatur, atque per hoc passeri inquieto conformetur ; idcirco homo justus et humilis ponit, non verba seductorum istorum, sed rem : in quo designat se advertere calliditatem ipsorum, nec velle consensum præbere. Et ideo addit : *Quoniam ecce peccatores*, videlicet prædicti persuasores fallaces, *intenderunt arcum*, id est, excogitaverunt nociva consilia, ex quibus velut ex arcu procedunt verba et actus, quibus decipiunt alios ; *paraverunt sagittas suas in pharetra*, id est, disposuerunt sermones adulatorios in ore suo, seu deceptoriam opera in vita sua, scandalizando, tentando, inficiendoque alios. Vita namque peccatoris, in cathedra pestilentiae residentis, pharetra appellatur, quia per eam vulnerat animam proximi sui. *Ut sagittent*, inducendo ad peccatum, *in obscuro*, proponendo mala ac falsa sub specie boni et veri. Nam teste Apostolo, Sathanas transfiguratur se in angelum lucis : similiter et ministri ipsius transfigurant se in ministros justitiæ. *Rectos corde*, id est innocentes ac simplices. Tales enim faciliter inficiuntur a simulatoribus et verutis, quoniam æstimant alios tales esse quales ipsi sunt : propter quod scriptum est, Innocens credit omni verbo. Hoc tamen valde cavendum est, quoniam Sapiens dicit : Qui cito credit, levis est corde, et minorabitur. Unde innocentes ac simplices discretionem cautelaque indigent ; et bona informatio experti viri eis necessaria est : imo, nisi Deus qui protegit gradientes simpliciter, protegeret eos, raro vel nunquam evaderent laqueos seductorum. *Quoniam quæ perfecisti*, id est veram et immaculatam justitiam divinorum præceptorum atque consiliorum, quam tu, Domine, præcepisti, consuluisti, et opere

II Cor. XI,
14, 15.

Prov. XIV,
15.

Eccli. XIX,
4.

Prov. II, 7.

Act. 1, 4. implevisti: qui cœpisti facere et docere; et A
 Matth. v. 17. qui non venisti solvere legem, quantum
 ad præcepta moralia, sed implere; *de-*
struxerunt peccatores prædicti, qui con-
 tra caritatem Dei ac proximi alios moli-
 untur subvertere.

3) *Oculi ejus*, id est misericordia et
 providentia Dei, *in pauperem*, id est hu-
 milem seu terrena despicientem ac sponte
 egenum, *respiciunt*, exaudiendo preces ip-
 sius, et præservando eum a malis. *Palpe-*
bræ ejus, id est patientia et longanimitas
 Sap. xi, 24. Dei, qua dissimulat peccata hominum, dif-
 ferendo vindictam; qua etiam differt red-
 dere justis mercedem; *interrogant*, id est
 examinant, *filios hominum*, inquirendo, et
 quasi probando, an peccatores omnino
 obstinati existant; et an justī, veraciter
 justī consistent. Nempe ex hoc quod Deus
 sic differt judicium, innotescit an mali
 penitus mali esse velint, perseverando in
 vitiis; an etiam justī constanter sint ju-
 sti, æquanimiter omnia tolerantes. Propter
 Eccl. viii, 11. quod in Ecclesiaste habetur: Quia non
 cito profertur contra malos judicium, abs-
 que ullo timore filii hominum perpetrant
 mala. Et rursus sapientissimus Salomon
 Ibid. ix, 3. ait: Hoc est pessimum inter omnia quæ
 sub sole fiunt, quia eadem cunctis eveni-
 unt; unde et corda filiorum hominum
 implentur malitia et contemptu. Conve-
 nienter autem per palpebras Dei, intelli-
 gitur longanimitas et patientia ejus: nam
 palpebræ sunt tegumentum atque opercu-
 lum oculorum seu visus. Deus vero, ex
 hoc quod tam longanimis patiensque ex-
 sistit, videtur quasi non considerare atque
 D nescire opera hominum. Secundum quod
 Habacuc, quasi impatiens et admirans, ad
 Dominum ait: Mundi sunt oculi tui ne vi-
 deas malum, et respicere ad iniquitatem
 non potes: quare non respicis super ini-
 que agentes, et taces devorante impio ju-
 stiore se? Dicitur enim Deus iniquos
 non respicere, quia non vindicat statim.
 Ex hoc quoque quod Deus permittit justos
 variis modis affligi, neque in præsentī re-
 munerat eos, solent interdum corda infir-

morum turbari, et quasi de providentia
 Dei dubitare, atque a virtuosa conversatio-
 ne deficere. Ex quorum persona scriptum
 est: Invaluerunt super me verba vestra, Malach. iii,
 13, 14. dicit Dominus: et dixistis: Vanus est qui
 servit Domino, et quod emolumentum,
 quia custodivimus præcepta ejus, et quia
 ambulavimus tristes coram Domino? Sed
 horum errorem David redarguens, addit:

6) *Dominus interrogat justum et impium*, 6
 id est, prædictis modis probat, tentat et
 discutit homines, scilicet per tribulationes
 B et hæreses atque adversa, ut appareat qui
 vere ad Deum pertineant. Propter quod
 Moyses dixit: Recordaberis cuncti itineris Deut. viii, 2.
 per quod adduxit te Dominus Deus tuus,
 ut affligeret te atque probaret, et nota fie-
 rent quæ versabantur in corde tuo, utrum
 custodires mandata illius, an non. *Qui au-*
tem diligit iniquitatem, id est, qui dele-
 ctatur in malo, et appetit quæ non licet,
odit animam suam, id est se ipsum. Nam
 sicut amare, aliud nihil est quam alicui
 bonum velle; ita odire, aliud non est quam
 C alicui malum velle. Qui ergo illud deside-
 rat quod salutī animæ suæ repugnat, ille
 veraciter odit se ipsum.

7) *Pluit*, scilicet Dominus, *super pecca-* 7
tores laqueos. Hic ponitur pœna, scilicet
 diligentium iniquitatem. Dominus enim
 pluit, id est, effundit, super eos laqueos in
 vita præsentī, in morte, in futuro judicio,
 et in inferno. In præsentī enim constrin-
 guntur vinculis vitiorum, ita ut nil meri-
 torium agere possint, neque ad Deum men-
 tem per caritatem erigere; sed serviunt
 D diabolo, a quo, secundum Apostolum, ca- 11 Tim. ii,
 ptivi tenentur ad ipsius voluntatem. Pro- 26.
 pterea Salomon asserit: Iniquitates suæ Prov. v, 22.
 capiunt impium, et funibus peccatorum
 suorum constringitur. In morte etiam Do-
 minus pluit laqueos super peccatores, quia
 post mortem nunquam converti possunt
 ad Dominum, sicut nec angeli mali post
 casum: quoniam Damascenus ait, Quod in
 angelis est casus, hoc in hominibus est
 mors. Quemadmodum namque angeli ma-
 li inconvertibiliter a Deo aversi sunt, et

æternaliter in illo affectu manent, in quo erant quando peccando ceciderunt ; sic animæ in mortali peccato decedentes, inconvertibiliter avertuntur a Deo, in æternumque permanent in illa mentis dispositione et affectione, in qua erant dum a corpore exierunt. In futuro autem iudicio pluet Deus laqueos super peccatores, quoniam tradet eos damnationi æternæ, quam evadere non valebunt, sed et in inferno ligabuntur : projicientur enim ligatis manibus et pedibus in tenebras exteriores. Et in inferno erunt *ignis* inextinguibilis, *sulfur*, id est fœtor horribilis, et *spiritus procellarum*, id est intolerabilis strepitus clamoris ac ululatus miserorum, aeris intempestas, et variorum tormentorum gravissimus strepitus, *pars calicis*, id est pœnæ, *eorum*. Tanta enim est pœna ipsorum, quod tota explicari non potest, nec plene ac integre cogitari : nam alia multa genera tormentorum, quæ hic enumerata non sunt, imo quæ nulli hominum innotescunt, in inferno erunt et sunt.

Deinde ponitur causa tantæ damnationis C
8 malorum. (8) *Quoniam justus Dominus et justitias dilexit* : Deus quippe naturaliter et substantialiter justus est. Et sicut divinus intellectus est mensura et fons omnis veritatis, ita divina voluntas est mensura, causa et fons omnis justitiæ. Unde scriptum est : Quum ergo sis justus, Domine, omnia juste disponis ; virtus enim tua, justitiæ initium est. Quidquid ergo Deo justum videtur, et quidquid ab eo procedit, eo ipso quo ei justum videtur, vel ab

A ipso causatur, justum est. Et ideo quædam leguntur a Deo præcepta hominibus, quæ alias justa non fuissent, nisi videlicet a Deo fuissent præcepta : sicut quod Abraham præcepit filium innocentem occidere ;² et quod in Osee habetur : Principium loquendi Domino ad Osee. Et dixit Dominus ad Osee : Vade, sume tibi uxorem fornicationum, et fac tibi filios fornicationum. Similitudo autem est causa dilectionis : et ideo Dominus qui justus est, dilexit justitias, id est opera justa propter se, operatores vero justitiæ propter justitiam. *Æquitatem vidit vultus ejus*, id est, æqualitatem retributionis qua singulis redditur prout digni sunt, approbavit intellectus divinus.

Liquet igitur ex præinductis, quam sententiosus et medicinalis atque moralis sit psalmus iste. Et debes, o frater, quando psalmum hunc legis, omnia verba ejus ad tuam informationem convertere, quatenus assuescas, quotiescumque inani gloria aut spiritu elationis tentaris, dicere intra te : In Domino confido, etc. Dum autem peccata impiorum commemoras, attendas tibi, ne inveniantur in te quæ condemnas in aliis. Ita quum dicis, Oculi ejus in pauperem respiciunt, etc., adverte providentiam Dei, et pensa quomodo ante oculos Judicis cuncta cernentis sollicite ambules. Postremo dum dicis, Pluit super peccatores laqueos, etc., concipere debes magnum et sanctum timorem districtæ ultionis Dei, et pœnarum inferni. Et qui ita assueverit legere psalmos, mirabilem fructum atque saporem in psalmodia reperiet.

Gen. xxii,

Osee i. 2.

Matth. xxii.
13.Sap. xii.
15, 16.

ARTICULUS XXXI

EXPOSITIO ALLEGORICA EJUSDEM PSALMI DECIMI DE CHRISTO.

2 **S**ANCTUS ergo Propheta loquens in D
Christi persona, *In Domino*, inquit, *confido* : quemadmodum postea dicitur, Domine, spes mea a juventute mea. Quo-

Ps. lxx, 5.

modo ergo, o Scribæ et Pharisei, dicitis animæ meæ, *Transmigra in montem*, id est, laude ac adulatione emollitus inaniter gloriare, et quære placere hominibus, at-

que a vera humilitate recede, et dic quæ A placent hominibus, quamvis sint falsa?

3 Quoniam ecce peccatores, videlicet Judæi prædicti, *intenderunt arcum*, id est insidias, *paraverunt sagittas suas*, id est verba dolosa, *in pharetra*, id est in corde et lingua, *ut sagittent in obscuro rectos corde*, id est Christum et ejus discipulos :

Marc. II, 16.

quibus dicebant. Quare cum peccatoribus et publicanis manducat et bibit magister vester? Christo quoque blandientes, dice-

Matth. xxii, 16.

bant : Magister, scimus quia verax es, et viam Dei in veritate doces, et non est tibi cura de aliquo. Ecce quomodo conabantur eum transferre in montem ut passerem, quatenus laude hac inaniter delectatus,

4 responderet pro voluntate eorum. Quoniam quæ perfecisti, o Christe, *destruxerunt*, id est, vitam tuam perfectissimam optimamque doctrinam, detrahendo ac blasphemando corruperunt. *Justus autem*, id est Jesus Christus, qui est forma justorum et Sanctus Sanctorum, *quid fecit ad hæc*? Et respondet :

5 Dominus, id est Verbum Dei, humanam C naturam assumens, *in templo sancto suo*, id est in humana Christi natura, tanquam in templo sanctissimo, fuit ac mansit, conservans ac protegens eam ubique et semper. Unde Christus corpus suum, templum vocavit : Solvite, inquit, templum hoc, et in tribus diebus suscitabo illud.

Johann. II, 19, 21.

Dicebat autem de templo corporis sui. Hoc tamen intelligendum non est, quasi unio Verbi cum humana natura in Christo, fuerit solum accidentalis et per gratiæ inhabitationem (sicut putabat inimicus Dei Nestorius, qui erat Constantinopolitanus episcopus), et non potius personalis atque per duarum naturarum immediatam unionem. Christus ergo, secundum assumptam humanitatem, dicitur templum Verbi atque totius beatissimæ Trinitatis excellentissimo modo, quoniam plenus erat omni caritate et gratia, nec unquam separatus a Deo fuit. *Dominus in cælo*, id est in anima Christi, *sedes ejus*, quia in ea inseparabiliter requievit a primo creationis suæ momento, multo excellentius quam in Thronis cœlestibus, qui specialiter sedes Dei dicuntur. *Oculi ejus*, scilicet Domini, *in pauperem respiciunt*, id est in Christum, qui quum dives esset, propter nos egenus factus est. Cetera verba psalmi istius satis exposita sunt.

Unio facta est in persona.

II Cor. viii, 9.

PRECATIO.

Qui es Deus æternus, esto nobis propitius in te confidentibus : tribue nos tuo munere passeribus esse dissimiles ; fac nos tua virtute sagittas maligni extinguere, æquitate gratiæ tuæ vivere, qua nobis dones tibi in sempiternum complacere.

ARTICULUS XXXII

EXPOSITIO LITTERALIS PSALMI UNDECIMI : SALVUM ME FAC, DOMINE, QUONIAM, ETC.

1 PRESENTIS psalmi titulus est : *In finem*, D judicii appellatur octava, quia post septem mundi ætates adveniet.

psalmus David, pro octava : id est, psalmus iste dirigens nos in finem, scilicet Christum, est David, qui loquitur hic in persona viri perfecti, pro octava, id est adventu futuri judicii, ejus diem desiderat propter multiplicationem malitiæ hominum, quam destrui cupit. Dies autem

LOQUENS ergo Propheta in persona justi, pro Deo zelantis et mundo compatiens, ait : (1. *Salvum me fac, Domine*, a collegio peccatorum, a periculo vitiorum, ab omni malo præterito, præsentis atque fu-

turo, *quoniam defecit sanctus*, id est, quia non est qui legem tuam custodiat : et ergo multa mihi pericula instant, quum sit periculosum inter impios conversari ; nec habeo adjutorium proficiendi in mundo, quia omnes me ad peccandum suo exemplo alliciunt : idcirco peto salvari a te, ne

Sap. iv, 11.

malitia immutet cor meum, aut fictio decipiat animam meam. *Quoniam diminutæ sunt veritates a filiis hominum*. Diminuta est enim veritas vitæ, quia invaluit perversitas morum ; diminuta est veritas doctrinæ, quoniam multiplicata sunt documenta errorum ; diminuta est veritas iustitiæ, quia omnes quærun quæ sua sunt, et nemo quæ Jesu Christi. Dicit autem vir justus, Saluum me fac, Domine, quoniam defecit sanctus : non quod æstimet nullum esse sanctum in mundo præter se ipsum, sed quia tam pauci sunt sancti comparatione malorum, ut videantur quasi penitus defecisse. Nam quod modicum est, pro nihilo reputatur. Sicque ait Elias ad Dominum : Prophetas tuos occiderunt gladio, et relictus sum ego solus. Propter quod etiam dixit, Tolle animam meam : quasi diceret, Saluum me fac, Domine, quoniam defecit sanctus. Secundum hunc quoque intellectum dicit Apostolus : Omnes quæ sua sunt quærun, et nemo quæ Jesu Christi.

Philipp. ii, 21.

III Reg. xix, 10, 14.

Ibid. 4.

Philipp. ii, 21.

3

Consequenter ostendit quomodo diminutæ sunt veritates a filiis hominum. (2) *Vana*, inquit, *locuti sunt unusquisque cum proximo suo* : id est, quasi omnes locuti sunt sibi invicem falsa et frivola, decipiendo, inficiendo et contaminando se mutuo : sicque unus trahit alium ad mortem, quum merito unus traheret alium suo exemplo et verbo ad vitam. Ideo autem locuti sunt vana, quoniam *labia eorum sunt dolosa in corde*, quia aliud sonant in ore, et aliud in corde prætendunt, et ita bilingues sunt simulatores et callidi. Unde subjungit : *et corde locuti sunt*, id est, ex intentione locuti sunt vana et falsa. Quod quam vitiosum sit, in Ecclesiastico scriptum est : Qui sophisticè loquitur, odibilis est ; in omni

Eccli. xxxvii, 23, 24.

re defraudabitur. Non est illi data a Domino gratia, omni enim sapientia defraudatus est. Et iterum ait Scriptura : Denotatio pessima super bilinguem. Et sanctus Job : Simulatores, inquit, et callidi provocant iram Dei. Fugiamus ergo hoc vitium pessimum, quoniam sequitur :

Eccli. v, 17.

Job xxxvi, 13.

5 *Disperdat Dominus universa labia dolosa*, id est, tollat seu auferat omnes dolosos de congregatione fidelium, *et linguam magniloquam*, id est hominem præsumptuosum. Hos itaque Deus disperdat, (4) *Qui dixerunt : Linguam nostram magnificabimus*, id est, magna et præsumptuosa ac mirabilia de nobis ipsis loquemur, quatenus ab hominibus honoremur ; *labia nostra*, id est eloquentia nostra atque sermonis subtilitas, *a nobis sunt*, id est, nobis adscribenda sunt : et nos inde laudandis sumus. *Quis noster Dominus est ?* Hoc vel aperte dicunt, vel si ore non dicant, tamen corde ita superbiunt, ac si Dominum non haberent : quemadmodum ad Pharaonem Ezechiel, Audi, inquit, Pharaon rex Ægypti, draco magne, qui dicis : Meus est fluvius, et ego feci me ipsum. Hoc vero quod dictum est, *Disperdat Dominus universa labia dolosa*, etc., dupliciter intelligi potest : Primo, per modum orationis, videlicet ut Dominus donet dolosis gratiam pœnitendi ac emendandi : sicque disperdantur quantum ad culpam, non quantum ad salutem, videlicet ut non sint quales erant, sed convertantur et spiritualiter vivant. Secundo intelligi potest per modum propheticæ denuntiationis, ad ostendendum quod nisi pœnituerint, æternaliter disperdentur a Domino, et peribunt.

4

5

Ezech. xxix, 3.

Deinde Dominus manifestat se exaudisse orationem viri perfecti, dicentis : Saluum me fac, Domine, etc. Ait enim : (5) *Propter miseriam inopum*, id est, quatenus libere inopes a sua miseria, id est ab imperfectionibus vitæ præsentis, a cunctis periculis atque a pœnalitatibus quotidianis, et propter gemitum pauperum, id est propter crebra suspiria affectuosasque preces pauperum spiritu, puta humilium, nunc

6

exurgam, id est, statim auxiliabor et faciam pro quo rogatus sum, *dicit Dominus*.

6 *Ponam in salutari*, id est, inopes et pauperes collocabo in subsidio gratiæ meæ, vel in statu salutis stabiliam eos; *fiducialiter agam in eo*, id est, fideliter protegam eos in tali subsidio, nec permittam eos a perversis perverti. Et ne, o inopes, dubitetis de veritate promissionis Domini, quoniam 7 *Eloquia Domini, eloquia casta*, id est pura et omni falsitate impmixta, videlicet sacra Scriptura; *argentum igne examinatum*: id est, eloquia Domini assimilantur argento per ignem probato: quoniam sicut tale argentum est splendidum atque dulcisonum, sic sacra Scriptura est lucida, devotæque menti suavis et sapida. Et eloquia Domini sunt argentum, *probatum terræ*, id est probatum ab omni fæce terrena, *purgatum septuplum*, id est omni modo mundatum. Septenario enim universitas designatur. Eloquia ergo Domini comparantur argento ita probato atque purgato, quoniam faciunt homines non terrenam et carnalem, sed cœlestem atque angelicam vitam in hoc sæculo ducere; et eos qui ipsi obediunt, faciunt septem donis Spiritus Sancti impleri.

Potest autem hic locus aliter et convenientius explanari, ut sit sensus: *Propter miseriam inopum*, id est ad succurrendum miseriis paganorum, qui omni miseria pleni erant, quia nec fidem, nec gratiam Dei habebant; *et gemitum pauperum*, hoc est ad consolandum tristitiam fidelium adventum regis Messiæ optantium in veteri Testamento; *nunc exurgam*, mittendo Filium meum in mundum, ut liberet eum, *dicit Dominus Deus Pater*. *Ponam auxilium ac mundi salutem, in salutari*, id est in Filio meo incarnando, per quem omnes

Luc. II, 30. electi salvantur: de quo Simeon ait, Quia viderunt oculi mei salutare tuum; *fiducialiter agam in eo*, hoc est, efficaciter et infallibiliter operabor per ipsum mundi redemptionem. *Eloquia Domini*, id est christiana doctrina, *eloquia casta*, id est sincera atque verissima: quoniam possi-

Ibid. XVI, 33.

bilis est cœlum et terram transire, quam minimum verbum evangelicæ legis perire.

8 *Tu, Domine, Creator omnipotens, servabis nos a malo, et custodies nos in bono, a generatione hac*: de qua jam dictum est, Disperdat Dominus universa labia dolosa, ne communicemus malis operibus ejus; *in æternum*: hoc est, in præsentī custodies nos ab eorum culpa, et in futuro ab eorum pœna. Et est istud verbum bonæ spei, estque implicite quædam oratio. Nam sensus est: Tu, Domine, servabis nos, id est, ex caritate et magna fiducia quam gero ad te, Domine, spero quod servabis nos: imo hoc oro intente.

9 *In circuitu impij ambulant*, id est, non tendunt per arctam et rectam viam, quæ ducit ad vitam, sed in caducis rebus circumquaque vagantur. *Secundum altitudinem tuam*, id est secundum majestatem seu magnitudinem potentiæ tuæ, *multiplicasti filios hominum*, hoc est posteros primorum parentum, multiplicando individua speciei humanæ: in qua sunt tam innumerabilia supposita, ut ex eorum multitudine clareat quam alta sit potentia Creatoris. Vel, *Secundum altitudinem tuam*, id est secundum quod decet te sublimem ac summum Dominum, multiplicasti filios hominum, non solum numero, sed merito; non exterioribus bonis, sed gratia, fide, donis Spiritus Sancti, atque universis virtutibus: quod tempore novæ legis præsertim impletum est, ex quo gratia Spiritus Sancti copiosissime est effusa.

Denique psalmus iste moraliter docet nos vitia linguæ totaliter exsecrari, quemadmodum scriptum est: Qui moderatur labia sua, prudentissimus est. *Prov. X, 19.*

PRECATIO.

Tu, Domine, fidelium custos, conserva et custodi nos a generatione pravorum in æternum, et conjunge nos generationi iustorum eloquia tua casta custodientium: ut et in dilectione tua semper maneamus, et tuæ protectionis auxilio, perpeti salute gaudeamus.

ARTICULUS XXXIII

ELUCIDATIO PSALMI DUODECIMI : USQUEQUO, DOMINE, OBLIVISCE- RIS, ETC.

1 HABET psalmus iste hunc titulum : *In fine*, psalmus David : id est, psalmus iste in Christum nos ducens, adscribitur sancto David loquenti hic in persona fide- lium, Christi præsentiam vehementer optantium. Et est psalmus iste carmen ar- dentissimi amatoris, verba ignea atque omni affectu plenissima continens, quem- admodum vere devoto, hunc psalmum cor- dialiter decantanti, constat.

POTEST autem hic psalmus ad litteram exponi de Synagoga ac singulis Sanctis veteris Testamenti, primum Christi adven- tum, videlicet incarnationem Filii Dei, toto corde desiderantibus. In horum ergo per- sona ait Propheta : (1) *Usquequo, Domine, oblivisceris me in finem?* id est, quamdiu, o Fili Dei, o Verbum Patris æterni, coæter- num Deo Patri, ita te habes circa me, ac si omnino oblitus esses mei, videlicet tam diu differendo tuum adventum? *Usquequo avertis faciem tuam a me?* id est, quous- que elongas ac subtrahis a me præsentiam tuam, non solum divinam, per quam sem- per ubique es, sed etiam corporalem, quam in fine sæculorum induisti? Hanc nempe Christi corporalem præsentiam antiqui San- cti ardentissime affectabant, quemadmo- dum in exordio cantici amoris Salomon in persona Synagogæ seu antiquorum patrum loquens, demonstrat : Osculetur me, in- quiens, osculo oris sui, id est, Unigenitus Dei conjungat se meæ naturæ immediata

Cant. i, 1.

Is. LXIV, 1.

Habac. i, 2.

2 (2) *Quamdiu ponam consilia*, id est du-

A biosas inquisitiones, *in anima mea?* Nam homo qui aliquid adipisci vehementer de- siderat, multa consilia et varias vias cogi- tat, quibus possit sortiri quod cupit. Sic veteres Sancti multipliciter cogitabant et inquirebant, quibus obsequiis possent ef- ficacius impetrare misericordiam Dei, vi- delicet missionem Christi in mundum. Et quamdiu ponam *dolorem*, id est tristi- tiam propter dilationem et moram adven- tus Christi, *in corde meo per diem*, hoc est incessanter et quolibet die? Nam spes quæ differtur, affligit animam.

Prov. xii, 12.

3 (3) *Usquequo exaltabitur inimicus meus super me?* hoc est, quamdiu prævalebit diabolus et fomes peccati atque reatus ori- ginalis peccati adversum me? Nam sine Christi adventu nemo Sanctorum intrare potuit regnum cælorum, sed descenderant omnes in limbum inferni. Potestas quoque diaboli et fomitis, multo major ac fortior erat ante Christi incarnationem ac mor- tem, quam postmodum : et ideo inimicus tunc quasi exaltabatur super Sanctos. Chri- stus vero alligavit fortem armatum, id est

Marc. iii, 27.

Itaque, ne amplius exaltetur inimicus meus super me, *Respice et exaudi me, Do- mine Deus meus*, assumendo naturam hu- manam, et redimendo me de manu om- nium qui oderunt me. (4) *Illumina oculos meos*, hoc est, fide, gratia et illuminatione Spiritus Sancti, doce intellectum meum. tam speculativum, ut recte cognoscam, quam practicum, ut juste vivam. Vel, Il- lumina intellectum meum, apparendo et conversando per Incarnationem inter ho-

4

Joann. 1. 9. mines, atque docendo evangelicæ legis perfectionem : quia tu es lux vera, quæ illuminas omnem hominem venientem in hunc mundum. Et hoc, o Fili Dei, ideo fac, *ne unquam*, id est ut nunquam, *obdormiam in mortem*, id est, ne aliquo tempore cadam in mortale peccatum : in quod cadendo, obdormio et spiritualiter morior, quia a caritate et gratia Dei deficio ; *nequando*, hoc est ut nullo tempore, *dicat inimicus meus*, qui adversatur saluti animæ meæ : *Prævalat adversus me*, inducendo eum ad peccati consensum, vel in damnationem perpetuam.

5 *Qui tribulant me*, tentando atque conando ut avertant me a te, *exsultabunt si motus fuero*, id est, gaudebunt si eorum perversitati consensero, et a te summo et incommutabili bono per instabilitatem cecidero. *Ego autem in misericordia tua speravi*, id est, spem victoriæ sumpsî, non de propriis viribus, sed per gratiam Christi salvari et prævalere confisus, et ab omni peccato purgari, a quo per

A legem mundari non potui. Unde in Actibus Apostolorum Paulus ad Judæos loquens : Per Jesum, inquit, remissio peccatorum annuntiatur vobis, ab omnibus a quibus non potuistis in lege Moysis justificari. Act. xiii, 38.

6 *Exsultabit cor meum* spirituali lætitia *in salutari tuo*, hoc est in incarnato Filio tuo, o Pater æterne, qui est Salvator et salus omnium hominum. In hac quidem vita exsultabo in eo, per fidem ipsum contemplando, et per spem ipsum expectando. In futuro autem sæculo exsultabo in eo, per speciem ipsum videndo, videlicet facie ad faciem : quia videbo eum sicuti est, et cognosecam eum sicut et cognitus sum. (7. *Cantabo Domino qui bona tribuit mihi*, hoc est, laudem dicam et gratias agam, semperque gratus ero Filio Dei Salvatori meo, qui tanta beneficia contulit mihi ; *et psallam nomini Domini altissimi*, id est, non solum verbo, sed verbo simul et opere laudabo altissimum Deum unum ac trinum. 1 Cor. xiii, 12.

ARTICULUS XXXIV

EXPOSITIO TROPOLOGICA EJUSDEM PSALMI DUODECIMI.

1 MORALITER vero exponendo hunc psalmum, Propheta in persona cujuslibet hominis sancti sive Ecclesiæ, adventum Christi in præsentî per gratiam, atque in futuro per gloriam desiderantis, ait : *Usquequo, Domine* Deus omnipotens, cui proprium est misereri semper et parcere, *oblivisceris me*, servum et pauperem tuum, *in finem*, id est tam diu, non dando desideratam vitæ et gratiæ perfectionem in conversatione præsentî ? Desidero enim tibi in sanctitate et justitia deservire. Et oro te quotidie, ut des mihi omnes passiones re-

C strems ; sed non obtineo gratiam istam a te secundum desiderium meum. Et hoc utique, o Domine, non est ex defectu tuæ bonitatis, sed propter indignitatem meæ conversationis, quoniam obicem pono, et me ipsum gratiæ tuæ incapacem efficio. Sed, o Domine, a te est omne bonum : et ergo in quocumque vides me ex me deficere, in illo digneris mihi ex tua benignitate succurrere. Usquequo ergo oblivisceris me in finem, non exaudiendo cordis mei affectum ? *Usquequo avertis faciem tuam a me ?* id est, quamdiu suspendis gratiosam pietatis tuæ præsentiam atque dulcissimam gratiæ tuæ consolationem a me de-

solato et sterili, afflicto et arido, qui non A gusto quam dulcis est Dominus, neque proficio sicut opto et teneor? Interdum enim Deus ad tempus suspendit a bonis hominibus gratiæ suæ consolationem, non quidem auferendo gratiæ habitum, sed operationem et experimentalem devotionem, atque optatam alacritatem : et hoc plerumque contingit ex dispensatione divina propter negligentiam nostram. Quandoque autem contingit ex dispensatione divina, videlicet ne inaniter gloriemur et extollamur, dum gratia nobis arridet et adest; et ut Deum ardentius, frequentius, ac fiducialius invocare assuescamus.

Deinde exponi potest hic versus de homine amoroso, qui cum Paulo cupit dissolvi, et esse cum Christo. Ait itaque homo talis : *Usquequo, Domine, oblivisceris me in finem*, non liberando me de corpore mortis hujus, et ab incolatu præsentis miserandi exsilii? *Usquequo avertis faciem tuam a me?* hoc est, quamdiu denegas mihi beatificam tuæ essentiæ visionem, non transferendo me a fide ad speciem, et de via ad patriam?

2 *Quamdiu ponam consilia in anima mea*, inquirendo et anxie cogitando qualiter tibi perfecte adhæream, atque proficiendo semper complaceam, quomodo etiam tandem ad beatissimæ tuæ bonitatis fruitionem perveniam? *dolorem in corde meo per diem*, id est, quamdiu affligam me ipsum in animo meo quotidie, propter multitudinem imperfectionum mearum, et propter absentiam gratiæ tuæ aut gloriæ?

3 *Usquequo exaltabitur inimicus meus super me?* id est, quamdiu ero subjectus tentationibus diaboli, carnis ac sæculi, propter quorum instantiam sæpius cado, et servus peccati efficior? Et si non mortaliter pecco, tamen, proh dolor! venialiter sæpius

pecco, quia justus septies in die cadit : et quantum ad hoc, exaltatur et prævalet inimicus meus super me. Habeo enim domesticum inimicum : de quo ait Apostolus, Video aliam legem in membris meis, repugnantem legi mentis meæ. Hæc lex membrorum, est fomes peccati et concupiscentia carnis. Unde Petrus in sua prima Canonica ait : Obsecro vos tanquam advenas et peregrinos abstinere a carnalibus desideriis, quæ militant adversus animam. Et Paulus : Qui, inquit, in carne sunt, Deo placere non possunt.

Ut ergo inimicis istis efficaciter repugnem, *Respice et exaudi me, Domine Deus meus* : respice me per misericordiam, qui omnia respicis per scientiam. *Illumina oculos meos*, hoc est, doce et dirige intellectum meum atque memoriam, quatenus quæ tibi placent agnoscam et impleam, *ne unquam obdormiam in mortem*, hoc est, ne unquam in anima moriar, recedendo a te fonte felicitatis ac vitæ, ne mortaliter peccem; et si mortaliter peccavero, ne saltem in peccato tali permaneam aut finiar moriendo in eo; *nequando dicat inimicus meus : Prævalui adversus eum*, separando eum a Deo.

Qui tribulant me, scilicet dæmones et ejus ministri, *exsultabunt, si motus fuero*. Hoc atque sequentia, jam in præcedentibus satis exposita videntur.

PRECATIO.

Omnipotens sempiterne Deus, illumina oculos cordis nostri lumine Spiritus tui, ne unquam in perversis actibus dormitemus; sed tua gratia opitulante, in præceptis ejus jugiter vigilemus : ut ad præmium supernæ vocationis, Christo adveniente, transeamus.

ARTICULUS XXXV

EXPOSITIO LITTERALIS PSALMI TERTHDECIMI : DIXIT INSIPiens IN CORDE SVO.

1 TITULUS psalmi istius est : *In finem*, A qui faciat bonum ex his ita abominabilibus et corruptis, quia nullus eorum fecit bonum seu opus meritorium, quoniam iustus ex fide vivit : et ideo addit, *non est* usque ad unum, id est, tam vere nullus est qui faciat bonum ex illis, ut nec unus reperiatur in eis qui faciat bonum : et ita Unum ponitur inclusive. Unde incredulis Judæis Christus dixit : Quomodo potestis bona loqui, quum sitis mali ? De quibus Jeremias : Induraverunt (ait) facies suas super petram, et noluerunt reverti, sed

*Habac. ii,
4; Galat. iii,
11.*

EXPONITUR autem hic psalmus ad literam de induratis reprobisque Judæis, illis præsertim qui Christo corporaliter in mundo conversanti atque miracula facienti credere contempserunt. Ait ergo :

1 *Dixit insipiens in corde suo*, id est, infidelis Judæus, Christi (qui est sapientia Dei æterna) doctrinam despiciens, cogitavit, et intra se affirmavit, ac sensit : *Non*

*Matth. xiii,
55, 56.*

*Marc. ii. 16.
Joann. ix,
16.*

*Jer. v, 14,
12.*

est Deus : hoc est, Jesus iste Nazarenus, cujus mater et fratres apud nos sunt, qui cum peccatoribus manducat et sabbatum non custodit, non est Deus, nec Filius Dei, Deo Patri consubstantialis ac coæternus, sed potius peccator atque blasphemus. Hoc nempe Judæos fuisse dicturos de Christo, a Jeremia prophetatum agnoscimus, ubi sic legitur : Prævaricatione prævaricata est in me domus Israel et domus Juda, dicit Dominus ; negaverunt Dominum, et C dixerunt, Non est ipse.

(2) *Corrupti sunt* putredine vitiorum et consuetudine criminosa, et mentis integritatem perdiderunt, propter aversionem a summo, uno et vero Deo Jesu Christo, Judæi increduli ; *et abominabiles facti sunt in studiis suis*, hoc est, contemptibiles facti sunt Deo et homini prædicti Judæi, in operibus, verbis et cogitationibus suis : quia cœlestis Magistri doctrinam ac fidem spreverunt, et rebus temporalibus inhæserunt. Nam superbi avarique erant, et cordibus incircumseisi. *Non est qui faciat bonum*. Non dicit simpliciter nullum esse operatorem boni ; sed, Non est, inquit,

B renuerunt capere disciplinam.

5 *Dominus*, id est Christus Verbum Dei ac Deus, *de cœlo*, id est de humanitate assumpta, in qua velut in cœlo habitavit divinitas ejus, *prospexit super filios hominum*, hoc est, attendit et consideravit Judæos : ad quos specialiter missus fuit, juxta illud, Non sum missus nisi ad oves quæ perierunt domus Israel : *ut videat si est intelligens aut requirens Deum*, id est, an sit aliquis per fidem cognoscens Deum Patrem, et quem misit Jesum Christum.

2

*Matth. xv,
24.*

(4) *Omnes declinaverunt*, id est, nullum talem invenit ex illis corruptis ; sed omnes declinaverunt, id est, per incredulitatem a Christo recesserunt ; *simul inutiles facti sunt* : quia nec se ipsos possunt salvare, nec digni sunt Deum laudare. *Non est qui faciat bonum ex illis incredulis, non est usque ad unum*, hoc est, omnino nullus est ex eis benefaciens. Si autem quod dictum est de Judæis, Non est qui faciat bonum, et, Omnes declinaverunt, etc., accipiat simpliciter absoluteque dictum de omnibus, tunc intelligendum est per synecdochen, et per comparisonem : quia videlicet major pars Judæorum incredula mansit, imo tam multi infideles

*Joann. xvii,
3.*

3

permanserunt, ut comparatione eorum ceteri qui crediderunt, quasi nulli viderentur.

5) *Sepulcrum patens est guttur eorum*, id est simile sepulcro patenti : quia quemadmodum ex tali sepulcro fœtor atque infectio quædam mortifera profluunt ; sic ex cordibus Judæorum per guttur, linguam et ora ipsorum, verba blasphemia, fœtida ac animam occidentia, processerunt. *Linguis suis dolose agebant*. Nam sæpe ten-

Matth. xxii, 15.

taverunt Christum, ut caperent eum in sermone, et haberent causam contra eum. Principes quoque et Scribæ eorum seduxerunt alios, avertendo eos a Christo, quia

Ibid. xxvii, 20.

in Passione quoque persuaserunt populo ut peterent sibi dari Barabbam, Jesum vero occiderent. *Venenum aspidum*, id est verba infectiva et animæ interfectiva, *sub labiis eorum*, hoc est in ore infidelium Judæorum, qui Auctorem vitæ et mundi Salvatorem negaverunt, diffamaverunt, et occiderunt. 6) *Quorum os maledictione*, id est blasphemia contra Christum, *et amaritudine*, id est condemnatione Christi ad

Ibid. xxvi, 66.

mortem, *plenum est* : dixerunt enim, Reus est mortis. *Veloces pedes eorum ad effundendum sanguinem*. Nam mente et corpore parati fuerunt et prompti, ut occiderent Christum : sicque ex invidia cordis, etiam pedes corporis festinabant currendo ad Christi occisionem.

7) *Contritio*, id est spiritualis esse comminutio, caritatis destructio, gratiæ extinctio, *et infelicitas*, hoc est omnis beatitudinis privatio, et a summo bono aversio, *in viis eorum*, id est in conversatione et studiis perversorum Judæorum. Quoniam principem vitæ, fontem gratiæ, et Deum salutis suæ persequabantur ; ideirco omne spirituale esse gratiæ gratificantis, in eis contritum seu comminutum atque confectum est : propter quod opera eorum infelicia exstiterunt, et ad infernalem miseriam eos duxerunt. *Et viam pacis*, id est Christi doctrinam, per quam pervenitur ad pacem æternam, *non cognoverunt*, per approbationem et imitationem, sed

A eam spreverunt. Vel, *Viam pacis*, id est pœnitentiam, non cognoverunt, sed indurati in malo sunt : quemadmodum Isaias prædixit, *Incrassatum est*, inquit, cor populi hujus. *Non est timor Dei ante oculos eorum* : quoniam Christum non timeverunt, nec ejus comminationibus intenderunt, neque miracula de ipso testimonium perhibentia curaverunt ; sed odio excæcati, impleverunt mensuram patrum suorum, quia ut illi occiderunt Prophetas, sic ipsi Christum regem ac Dominum Prophetarum.

Is. vi, 10 ;
Matth. xiii, 15.

Matth. xxiii, 32.

8) *Nonne cognoscent omnes qui operantur iniquitatem*, id est prædicti maligni, *qui devorant plebem meam*, id est, Christum et ejus discipulos in principio nascentis Ecclesiæ occiderunt, *sicut escam panis* ? Nonne, inquam, cognoscent veritatem, scilicet se errare ? quasi dicat, Non : quia in præsentem sæculo non cognoverunt, sed obstinati manserunt, quemadmodum postea dicitur, *Obscurentur oculi eorum ne videant*. Et Isaias prædixit : *Quis cæcus, nisi ad quem misi servos meos*, id est populus Judæorum ? Vel sic : Nonne cognoscent omnes, etc. ? quasi dicat, Imo : quia in die judicii quando videbunt in quem transfixerunt, tunc per experientiam pœnæ veritatem cognoscent.

4

Ps. lxxviii, 24.
Is. xlii, 19.

9) *Dominum*, id est Deum Patrem et Filium ejus unigenitum, *non invocaverunt*, id est, mente per caritatem et fidem atque internum affectum non oraverunt. *Illic trepidaverunt timore*, *ubi non erat timor*, id est, ubi merito non debuissent timere. Nam plus timebant homines quam Deum ; et magis timebant temporalia damna quam spiritualia detrimenta, et perdere regna cœlestia. Unde dicebant : *Quid facimus*, quia hic homo (scilicet Jesus) multa signa facit ? Si dimittimus eum sic, omnes crederent in eum, et venient Romani, et tollent locum nostrum et gentem. Sed de hoc quod Christo homines adhærebant, non debebant dolere, nec propter justitiam persecutionem timere : cujus rationem Prophetas assignat :

5

Ibid. xi, 47.
ibid.

Joann. xix, 37.

6 10 *Quoniam Dominus in generatione A* *justo est* : id est, Deus omnipotens in conventu fidelium et congregatione Christo adhaerentium commoratur, estque in eis per caritatem et gratiam. Et ita erat in multitudine eorum qui ex Judæis primitus Christum sequebantur, sicut erant Apostoli, alique discipuli, et quædam feminæ religiosæ. Sed, o vos Judæi increduli, *consilium inopis confudistis*, id est, evangelica Christi consilia contempsistis, nolentes terrena relinquere, atque cœlestia toto corde appetere. Ideo namque, ut Evangelista testatur, quum Christus contra avaritiam disputaret, dixistis adstantibus : Insanit ; quid eum auditis ? Christus vero inops vocatur, quia Apostolus ait : Quoniam quum dives esset, propter nos egenus factus est. Et cur hoc, nisi ut ejus temporalis ac corporalis inopia fieret nobis spiritualis abundantia, locupletatioque æterna ? De hoc inope Christo Zacharias ait : Jubila, filia Jerusalem, ecce rex tuus veniet tibi justus et salvator ; ipse pauper et ascendens super asinam. Ideo autem confudistis consilium inopis, *quoniam Dominus spes ejus est*, id est, quoniam docuit in solo Deo esse sperandum, non in incerto divitiarum, nec in copia temporalium rerum.

Luc. vii. 2.
3. xxxvi. 10.

Joan. vi. 20.

II Cor. xiii. 9.

Zach. ix. 9.

I Tim. vi. 17.

7 Deinde sanctus David de finali Judæorum conversione vaticinans, II *Quis*, inquit, *dabit ex Sion*, id est, quis procedens ac nascens ex populo Synagogæ, seu stirpe Judæorum, dabit *salutare*, id est redemptionem, *Israel*, hoc est Israeliticæ plebi ?

A quasi dicat, Quis salvabit eos ? Et respondet : *Quum acriterit Dominus captivitatem plebis suæ*, id est, quum Christus expulerit ex cordibus Judæorum malitiam eos excæcantem, atque diabolum in eis regnantem, ipsosque in captivitate perfidiæ et peccati ligatos tenentem ; tunc *exsultabit Jacob*, id est, gaudebit populus ex Jacob exortus, vitiorum supplantator, et *lætabitur Israel*, scilicet idem populus Deum contemplans : tunc enim gaudebunt, quia cognoscent verum Messiam, et credent in eum, ministrabunt ei corde jucundo et mente gratissima. Hæc autem eorum conversio fiet in fine sæculi ad prædicationem Eliæ. De quo Malaechias dicit : Ecce ego *Malach. iv. 5, 6.* mittam vobis Eliam prophetam, antequam veniat dies Domini magnus et horribilis ; et convertet cor patrum ad filios, et cor filiorum ad patres. Per hoc namque quod faciet Judæos verum Christum recipere, et eum devotissime colere, sancti patres defuncti, qui erant a Judæis propter ipsorum incredulitatem aversi, convertentur ad eos et diligunt ipsos : similiter filii qui tempore infidelitatis erant a patribus sanctis aversi, per fidem Christi convertentur ad ipsos. Propter quod in Evangelio ait Salvator : Elias quum venerit, restituet omnia. Quod *Matth. xvi. 41.* autem ista scriptura, scilicet ultimus versus psalmi istius, congrue exponatur de conversione Judæorum futura, hinc patet, quod Apostolus ad Romanos istam scripturam inducit ad probandum conversionem Judæorum futuram. *Rom. xi. 26.*

ARTICULUS XXXVI

EXPOSITIO MORALIS EJUSDEM PSALMI TERTIDECIMI.

1 **D***IXIT insipiens*, id est divinatorum cognitionem non habens, nec Christum (qui est sapientia Dei) vita et moribus sequens, *in corde suo* : *Non est Deus*, hoc

D est, non est aliquis qui sit omnium judex ac Dominus, et providentiam de actibus hominum habens. Quamvis enim pauci vel nulli sint, qui putent Deum absolute non

esse, multi tamen fuerunt, qui putabant A Deum non esse eo modo, quo fides catholica adstruit eum esse, videlicet omnium provisorem, iudicem et remuneratorem.

Posset hic introduci quædam difficultas, scilicet, quomodo aliquis possit dicere in corde suo, Non est Deus, quum Deum esse sit per se notum, ut ait Anselmus : cui consonat Damascenus, qui primo libro ait, Omnibus naturaliter inserta est cognitio Deum existendi. Thomas vero et Scotus tenent oppositum. Hanc autem difficultatem omitto, quia in libro de Divina natura eam diligenter tractavi; tenuique probabiliter cum Anselmo, quod Deum esse sit maxime per se notum, etiam magis quam prima principia. Nec obstat, quod insipiens dixit in corde suo Deum non esse, quia nonnulli philosophi negaverunt prima principia, quæ nihilo minus sunt per se nota. Nunc autem breviter dico, quod omnis qui Deum inhonorat, contemnit, et in vitiis perseverat, dicit in corde suo, Non est Deus. Quamvis enim nec in corde suo affirmet, nec ore pronuntiet, Deum non esse; tamen sic vivit, quasi Deum non esse putaret. Propterea enim Apostolus dicit : Dicunt se nosse Deum, factis autem negant. De quibus Propheta subjungit :

Tit. 1, 16.

Corrupti sunt et abominabiles facti sunt in studiis suis. Corruptum et integrum opponuntur, et non nisi in rebus corporeis proprie inveniuntur; in spiritualibus autem transumptive, seu similitudinarie accipiuntur. Quemadmodum ergo integritas mentis, est ejus ad Deum perfecta conversio; sic mentis corruptio, est ejus a Deo aversio. Itaque, peccatores corrupti sunt, id est mente a Deo aversi, et vitiis vulnerati; et abominabiles facti sunt in studiis suis, id est in occupationibus interioribus et exterioribus, quoniam Creatore relicto ac spreto, in rebus caducis, vanis et turpibus occupantur, quærentes ditari, deliciarum, aut dominari. *Non est qui faciat bonum ex illis, sed a minimo usque ad maximum omnes circa illicita student; non est usque ad unum, hoc est, nullus ex eis bene vivens.*

Vel potest Usque ad unum, exclusive exponi, et illud quod dicitur, Non est qui faciat bonum, absolute intelligi, ut sit sensus : Non est qui faciat bonum, id est, nullus homo ex propriis viribus bene vivit, quia non est volentis neque currentis, secundum Apostolum, sed Dei miserentis. Et in Osee legimus : Perditio tua, Israel, ex te; in me tantummodo auxilium tuum. Sic igitur, Non est qui faciat bonum, non est usque ad unum, id est præter unum : quoniam unus est qui propria virtute bene agit, ac naturali proprietate sanctus ac justus est, scilicet Christus. Et ideo ait Apostolus : Conclusit Deus omnia sub peccato, ut omnium miseretur.

Rom. ix, 16.

Osee xiii, 9.

Rom. xi, 32.

Dominus de cælo, id est, qui habitat in cælo, secundum modum prædictum, *prospexit super filios hominum*, id est, consideravit cogitationes, verba et opera singulorum, *ut videat si est intelligens aut requirens Deum*, hoc est, si sit aliquis intelligens Deum, non utique informi et nudo intellectu, sed intellectu formato, et ad operationes sanctas se extendente; aut requirens eum per pœnitentiam, per orationes ferventes, per conversationem sollicitam. Hoc est quod in Jeremia habetur : Fortissime, magne, potens, Dominus exercituum nomen tibi; magnus consilio, et incomprehensibilis cogitatu; cujus oculi aperti sunt super omnes filios Adam, ut reddas unicuique secundum viam suam. Dicitur autem Deus de cælo respicere ut videat, non quod sua cognitio ex aliqua causa dependeat, sed humano modo loquitur Scriptura de Deo. Vel quod dicitur, Ut videat, intelligendum est, Ut alios videre faciat, quia in die judicii universis ostendet quis bene vel male operatus est. Secundum hunc intellectum scriptum est : Dixit Dominus ad filios Israel (quando videlicet adoraverunt vitulum) : Jam nunc depone ornatum tuum, ut sciam quid faciam tibi, id est, ut sciri faciam, debitam pœnam pro culpa infligendo.

Jer. xxxii, 18, 19.

Exod. xxxiii, 5.

Omnes, videlicet illi corrupti, declinaverunt a lege Dei, et ideo simul inutiles

3

facti sunt, hoc est inanes ac perdit. *Non est ex eis qui faciat bonum, non est usque ad unum* : quum enim caritatem, quæ est animæ vita, non habeant, nihil Deo vivo ac vero acceptum agere possunt. *Sepulcrum patens est guttur eorum* : quoniam pestifera proferendo per guttur, se ipsos occidunt, devorant, et quasi sepeliunt, aliosque vitiosorum verborum fœtore commaculant. *Linguis suis dolose agebant*, decipiendo alios, imo fallendo se ipsos. Nam qui alium decipit, primo se ipsum seducit : quia uniuseujusque perversitas primo redundat in se ipsum, et prius nocet agenti quam alteri. *Venenum aspidum*, id est rancor nequissimus seu sermo dolosus, *sub labiis eorum*, ut quum poterunt, evomant illud, et tanquam aspis inficiant proximum. *Quorum os maledictione † plenum est*, quia maledicentibus remaledicunt, et contra, benedicentibus aut nihil nocentibus e diverso maledicunt, *et amaritudine*, hoc est indignatione et zelo amaro contra Deum et proximum, *et dolo*, id est occultis insidiis. *Veloces pedes eorum*, hoc est cordis affectus, et etiam corporis pedes, *ad effundendum sanguinem*, propter causas injustas. *Contritio*, id est gratuiti esse destructio, *et infelicitas in viis*, id est in operibus eorum ; *et viam pacis*, id est conversationem amorosam, per quam venit ad pacem æternam, *non cognoverunt* per imitationem. *Non est timor Dei ante oculos eorum*, id est, Deum non timent. Nam si Deum timerent, tot mala non facerent, quoniam scriptum est : Timor Domini expellit peccatum. Et Salomon ait : Qui timet Deum, nihil negligit.

Cf. Ps. x, 7.
sec. Hebr.
Ecclesi. i, 27.
Ecclesi. vii, 19.

4 Nonne cognoscent omnes qui operantur iniquitatem ? imo cognoscent quam male faciant : quia mox ut de corpore exierint, et ante Christi tribunal pervenerint, scient quid meruerunt, et per pœnas cognoscent quod jam scire contemnunt ; *qui devorant plebem meam*, hoc est, contristant, opprimunt, vel occidunt pauperes spiritu, innocentes ac simplices, *sicut escam panis*, hoc est tanquam panem qui est esca. Hanc

T. 5

A vero sententiam in Osee invenimus pulchre expressam : Judicium, inquit, Domino cum habitatoribus terræ ; non est veritas, et non est misericordia, et non est scientia Dei in terra. Maledictum, et mendacium, et homicidium, et furtum, et adulterium, inundaverunt, et sanguis sanguinem tetigit. *Dominum non invocaverunt*. Versus iste jam prius satis expositus est.

6 *Quoniam Dominus in generatione justa est*, id est, inter justos per gratiam habitat. De quibus æterna Sapientia per Salomonem dicit : Deliciæ meæ esse cum filiis hominum ; et in Apocalypsi : Ecce tabernaculum Dei cum hominibus, et habitabit cum eis. *Consilium inopis confudistis*, id est, increpationem, admonitionem et informationem humilium, piorum ac religiosorum virorum, o impii, contempsistis, quemadmodum scriptum est : Impius quum in profundum peccatorum venerit, contemnit. Et ideo illud sprevestis, *quoniam Dominus spes ejus est*, hoc est, quoniam prædicat in solo Deo spem esse ponendam, et omnia carnalia oblectamenta, temporales honores ac sæculares vanitates esse spernendas.

7 *Quis dabit ex Sion*, id est, quis contemplativorum ac sanctorum virorum, ex Sion, hoc est ex congregatione speculantium Deum procedens tanquam unus illorum, pertinensque ad sortem seu numerum ipsorum, dabit salutare, id est veram felicitatem, *Israel*, hoc est collectioni fidelium, Deum nunc per fidem videntium ? Et respondet : *Quum averterit Dominus captivitatem plebis suæ*, id est, quum Christus liberaverit Christianos ab omni servitute peccati ac jugo diaboli : quod non erit universaliter, nisi in die judicii ; tunc *exsultabit Jacob*, id est fidelis, mala supplantans, et vitiis efficaciter jam resistens, *et lætabitur Israel*. Idem est, Exsultare Jacob, et, Lætari Israel, quia idem est Jacob et Israel ; sed fidelis quisque in præsentia vita dicitur Jacob, quamdiu luetatur cum vitiis ; in futuro autem veraciter dicetur Israel, quando videbit Deum facie

Osee iv, 1, 2.

5

6

Prov. viii, 31.
Apoc. xxi, 3.

Prov. xviii, 3.

7

31

ad faciem. Jacob equidem interpretatur, *supplantator*; Israel vero interpretatur, *vir videns Deum*. Fidelis ergo qui peccata supplantat, est Jacob; et idem est Israel, in quantum est Deum contemplans. In die autem judicii Jacob et Israel, hoc est qui libet vere fidelis, lætabitur mente, et exsultabit corpore, quando audiet Judicem dicentem: Venite, benedicti Patris mei; percipite regnum quod vobis paratum est ab origine mundi. Tunc enim absterget Deus omnem lacrimam ab oculis Sanctorum. Et tunc mortale hoc induet immortalitatem; implebiturque quod ab Isaia ex persona Dei prædictum est: Ecce servi mei laudabunt præ exultatione cordis; et vos, o impii, præ dolore cordis clamabitis: quoniam oblivioni traditæ sunt angustiae priores. Unde Malachias de futura gloria Beatorum sic dicit: Egrediemini et salietis quasi vituli de armento, et calcabitis impios in die quo facio, dicit Dominus.

Sed attende tibi, o frater, qui psalmum

A hunc cantas, audis, vel legis, ne ea quæ in ipso de reprobis scripta sunt, tibi conveniant. Examina et diligenter scrutare conscientiam tuam; et si horum vitiorum quidpiam in te repereris, pœnitentiam age, et de cetero cave. Non vivas quasi non sit Deus, sed reverenter ac cum timore coram Domino ambula. In choro quasi Deo præsentem, teque adspiciente, in omnibus devotè ac tremebundè te habere, cordialiter semper advertens quod dictum est: Dominus de cœlo prospexit super filios hominum, ut videat si est intelligens aut requirens Deum; denique: Maledictus homo qui facit opus Dei negligenter.

PRECATIO.

Perpetuam captivitatem, Deus Pater, a populo tuo averte; et pacem in illo, qui facit utraque unum, nobis, rogamus, concede: in qua Jacob homo noster exsultet in carne, donec effectus Israel, mereatur te Deum videre.

ARTICULUS XXXVII

EXPOSITIO PSALMI QUARTIDECIMI: DOMINE. QUIS HABITABIT, ETC.

4 TITULUS psalmi est: *Psalmus David*: Cuius id est, psalmus iste est sancti David hic loquentis.

VOLENS namque Propheta nos moraliter informare, quemadmodum vere pertinere possimus ad numerum electorum in præsentem per gratiam, et in futuro per gloriam, Deum interrogat: (I. Domine, quis habitabit in tabernaculo tuo? id est, quis vere perseverat in militanti Ecclesia, scilicet re et nomine, tanquam vivum Christi membrum a capite Christo motum ac vitam (id est operationem ac gratiam) recipiens, sicut membra corporalia a pro-

prio capite? Multi enim habitant in Ecclesia solo nomine, ut mali Christiani atque hæretici. De quibus ait Joannes in sua Canonica: In nobis erant, sed non erant ex nobis; nam si ex nobis fuissent, permansissent utique nobiscum. Aut quis, o Domine, requiescet in monte sancto tuo, id est, post præsens exilium laboriosum, æterna requie perfruetur in cœlo empyreo, in quo post vitam hanc suaviter requiescent, qui nunc pro Dei amore piis laboribus fatigantur?

Insuper, Propheta quasi eruditus a Domino, qui pulsantibus aperit, ad hanc questionem respondet. Videtur autem hæc

Jer. XLVIII.
10.

I Joann. II.
19.

Luc. XI, 9.

quæstio bipartita : quia primo inquit, A quis habitet in Ecclesia militanti; secundo, quis moraturus sit seu quieturus in Ecclesia triumphanti. Sed quæstio ista, est quasi una aut simplex. Nam quicumque nunc vere et perseveranter pertinet ad militantem Ecclesiam, in futuro veraciter pertinebit ad triumphantem Ecclesiam. Idcirco ad utramque quæstionem datur una responsio, quæ est :

2

2 *Qui ingreditur sine macula*, id est, qui declinat a malo, qui nemini nocet, qui sine mortali crimine conversatur. Cur potius B dixit Propheta, Qui ingreditur, quam, Qui egreditur, quum tamen utrumque dici pos-

Joann. x, 9.

sit, Salvatore contestante, qui ait : Per me si quis intraverit, salvabitur; et ingreditur, et egreditur. Accipit ergo Propheta hoc loco ingressum pro operatione, quæ sine errore ducit ad finem, qui Deus est. Multi

Sap. v, 6, 7.

autem errant a via, et hi non ingrediuntur sine macula, sed seducuntur in via, ambulantes vias difficiles, et viam Domini ignorantes. Quoniam vero non sufficit declinare a malo, propterea addit : *et operatur justitiam*, hoc est actum justitiæ, prout justitia dicitur virtus communis, et virtualiter est omnis virtus; vel etiam, prout

3

justitia est virtus specialis. (3) *Qui loquitur veritatem in corde suo*, hoc est, in se ipso sincerus et verus est, et vera intra se cogitans, ut non sit simulator atque hypocrita; *qui non egit dolum in lingua sua*, hoc est, verbis fraudulentis atque mendacibus alios non decipit; (4) *nec fecit proximo suo malum*, hoc est, nulli Christiano exterius nocuit, sed proximum diligit tanquam se ipsum; *et opprobrium non accepit adversus proximos suos*, hoc est, verba detrahentium, maledicentium et invidiorum non advertit, nec libenter audivit, sed reprobavit; ac repulit detractorem, quemadmodum in Proverbiis Salomon monet : Detrahentia labia sint procul a te. Et iterum scriptum est : Quasi a facie colubri fuge a detractore. Ejusdem enim impietatis est, detrahere et detrahenti applaudere : quia utrumque ex suo genere

Prov. iv, 24.

Cf. Eccli.

xxi, 2.

est mortale peccatum magis quam furtum. Et si non esset qui audiret, nec esset qui detraheret.

3 *Ad nihilum deductus est in conspectu ejus malignus* : hoc est, peccator in quantum peccator, nullius est reputationis in anima justi, nec est honore dignus ut peccator, quum honor sit exhibitio reverentiæ in signum virtutis. Potest tamen malignus honorari, in quantum est superior, seu ad Dei imaginem factus : quemadmodum Petrus præcipit servis, ut IPetr. ii, 18. obediant dominis suis, non solum modestis, sed etiam dyscolis. Et secundum hunc intellectum Aristoteles dicit, quod magnanimus est contemptivus aliorum : non quod simpliciter alios spernat, sed vitiosos parvi pendit, et neminem honorandum existimat, nisi quem virtus nobilem facit. Quamvis autem justus peccatores contemnere debeat incommuni, non tamen judicare debet de aliis in singulari, nisi in manifestis et certis peccatis; nec sic debet contemnere ut naturam contemnat, sed vitium. Pro natura vero offerat caritativam precem. *Timentes autem Dominum*, id est virtuosos, *glorificat*, id est, reputat et honorat.

(6) *Qui jurat proximo suo, et non decipit*, id est, qui jurat ubi, quando, et in quibus, et propter quid jurandum est, et juramentum adimplet atque verificat. Vel, Qui jurat, id est, firmiter aliquid asserit et proponit, et non decipit. *Qui pecuniam suam materiale non dedit ad usuram*, quemadmodum usurarii faciunt; *et mu-* 5 *nera super innocentem non accepit*, id est, dona nulla accepit, quatenus opprimat inferiorem in judicio, aut in alia qualibet causa. Ex hoc igitur versu constat, quod usura non erat Judæis concessa, vel præcepta ut licita; sed solum permissa, quatenus erat majoris mali prohibitiva, sicut libellus repudii. Unde Aristoteles naturali ratione instructus, affirmat quod usura est maxime contra naturam. Verumtamen in Evangelio Dominus ait servo nequam : Oportebat te pecuniam meam dare num-

Deut. xv, 6;
xxiii, 19, 20.Matth. xix,
8.Polit. i,
c. 3 in fine;
Ethic. iv, c. 1.Matth. xxv,
27.

Luc. XIX, 23.

mulariis; et ego veniens recepissem illam A cum usura. Sed ibi pecunia sumitur pro commisso talento, id est pro gratia data, et specialiter pro cognitione sacræ Scripturæ: quam qui acceperit, alios instruere debet. Et ita usura est fructus scientiæ datæ, vel gratiæ aut beneficii. Ab eo namque qui plus accepit, plus exigitur.

Hic ergo Propheta describit virum justum, attribuendo ei decem actus virtutum. Et subdit: (7. *Qui facit hæc, non movebitur in æternum.* Porro in præsentia adhærebit Domino, et stabilis erit in Deo B per gratiam; in futuro autem sæculo confirmabitur in eo per beatitudinem sempiternam. De tali nempe viro seu homine Dominus in Evangelio dicit: Similabo eum viro sapienti, qui ædificavit domum suam supra petram. Non sunt autem hæc intelligenda, quasi necesse sit hominem justum nunquam vitia incidisse, semperque his virtuosius actibus fuisse intentum; sed quia non permanet in peccatis mortalibus, imo redit ad se, et studet in his operibus sanctis exercitari: in quibus si C vitam finierit, æternaliter salvus erit.

Matth. VII, 24.

Ex horum itaque virtuosorum operum et bonarum proprietatum contemplatione attende tibi, o frater, an vere sis membrum Christi, et inhabitator Ecclesiæ, atque in statu salutis. Vide an sine mortali vivas peccato, an quæ tibi præcepta sunt, impleas; an talis sis foris in verbo et opere, qualis intus in corde; an nulli facias quod tibi fieri non vis; an divites, potentes, in carne florentes, et in naturalibus eminentes et sæculares magis reputes et honores, D quam pauperes, debiles, corpore castigatos, gratuitis adornatos, claustrales, ac religiosos. Attende quos amplius diligis, cum quibus libentius conversaris ac loqueris, et quorum vitam ac mores studiosius imitaris.

Postremo, psalmus iste specialiter exponi posset de Christo. Videns enim Propheta in spiritu multos esse venturos, qui se Christum assererent, et maxime propter discretionem veri Christi, scilicet Jesu Nazareni, ab Antichristo, interrogat: *Domine, quis habitabit in tabernaculo tuo?* id est, quis omnium horum, quorum unusquisque dicit se esse Christum, morabitur et permanebit in militanti Ecclesia, tanquam princeps et caput atque Salvator fidelium? *Aut quis requiescet in monte sancto tuo?*

Expositio allegorica.

B id est, quis omnium horum ascendet super omnes cælos, usque ad dexteram tuam, ut regnet tecum sine fine? *Qui ingreditur sine macula*, id est, nec Antichristus, nec pseudopropheta, nec aliquis se ipsum exaltans et Christum se simulans; sed Jesus, qui est Agnus sine macula, qui peccatum non fecit, nec est inventus dolus in ore ejus.

4

2

1 Petr. II, 22.

Quomodo autem sequentes actus virtutum Christo vere ac summe convenient, facile est intueri. Christus enim implevit omnem justitiam: et ideo quoniam ista fecit, *non movebitur in æternum.* Nam regni ejus non erit finis, quemadmodum Zacharias prædixit: Ecce vir, Oriens nomen ejus (translatio autem Chaldaica habet, Messias nomen ejus), et ædificabit templum Domino (scilicet militantem Ecclesiam), et ipse portabit gloriam, et sedebit et dominabitur in solio suo.

5

Luc. I, 33.

Zach. VI, 12, 13.

PRECATIO.

D Visita nos, quæsumus, Domine, abs te peregrinantes in corpore, et in tuo sancto servitio confortare dignare: ut justitiæ operationi assidue intenti, sine macula inhabitatores æterni mereamur esse tabernaculi.

ARTICULUS XXXVIII

EXPOSITIO LITTERALIS PSALMI QUINTIDECIMI : CONSERVA ME, DOMINE.

1 ADSCRIBITUR autem huic psalmo hic titulus : *Tituli inscriptio, ipsi David*. Hic vero titulus non de veteri Testamento creditur sumptus, sed ex Evangelio, ubi narratur, quod crucifixo Jesu Christo, Pilatus posuit causam ipsius scriptam, scilicet titulum istum, in vertice crucis : Jesus Nazareus rex Judæorum. Hoc enim esse futurum, Esdras Spiritu Dei revelante cognovit. Et est sensus tituli : Triumphus ac regnum, quæ per tituli prædicti inscriptionem signantur, attribuuntur ipsi David, id est Christo. Nam titulus quem affixit cruci Pilatus, est titulus triumphalis, significans quod Christus per mortem mundum fidei subjeceret, dæmonesque foras ejiceret.

Matth.
XXIII, 37;
Joann. XIV,
19.

Joann. XVII,
5.

2 CHRISTUS ergo, secundum quod homo et aliquo modo viator, ait ad Patrem : (1) *Conserva me*, id est, fiat voluntas tua in me, eripe me a periculis, et clarifica me claritate quam habui, antequam mundus fieret, Domine, Pater æterne. Christus vero, quia comprehensor erat et confirmatus in bono, non oravit conservari a culpa : nisi intelligatur hoc dicere pro corpore suo mystico, quod est Ecclesia, ut sit sensus : Conserva me, Domine, id est, custodi credentes in me, et omnes prædestinatos averte a malo, eosque conserva in bono. Et decet, o Pater, ut audias me, *quoniam speravi in te*, hoc est, omne bonum tibi adscribo, et effectum precum mearum a te exspecto. *Dixi ego Christus*, in quantum homo, *Domino*, Deo uni et trino : *Deus meus es tu*, singularissimo modo. propter summam reverentiam atque dilectionem mei ad te : sicut frequenter expositum est. Et ideo Deus meus es tu, *quoniam bonorum meorum non egres* : quia licet hu-

A manitas mea unita sit Verbo, quatenus mundus per eam salvetur, tamen hoc factum non est propter tuam indigentiam, sed propter hominum utilitatem. Nil enim tibi, o Domine, perfectionis accrescit ex honore et gloria, tibi a creaturis tuis impensis.

Deinde Christus mutans personas, et quasi Ecclesiæ loquens de beneficiis Dei Patris, (2) *Sanctis*, inquit, *qui sunt in terra ejus*, id est sanctis Apostolis, aliisque præelectis hominibus, qui ad litteram erant in B terra promissionis, quæ specialiter dicitur terra Dei ; vel, Qui sunt in terra ejus, id est, quorum conversatio est in cælo, quod est terra viventium, vita beata : his, inquam, Sanctis, *mirificavit*, id est, mirabiliter et copiosissime adimplevit Deus Pater, *omnes voluntates meas in eis*, id est omnia desideria, omnesque preces meas, videlicet Christi Filii sui. Sæpe enim accipitur voluntas pro actu sive effectui voluntatis. Christus vero ut homo, multa consideravit a Patre pro membris suis, puta C fidelibus : ut est illud, Ego rogavi pro te, Petre, ut non deficiat fides tua. Rursus, Ego rogabo Patrem, et alium Paracletum dabit vobis. Et, Volo, Pater, ut ubi ego sum, illic sit et minister meus. In omnibus vero his et similibus exauditus est Christus a Patre pro sua reverentia. Misitque Pater Spiritum Sanctum, qui dedit Apostolis omnia quæ Christus oravit pro eis : propterea Christus precem suam, quæ dixit pro membris suis, Conserva me, Domine, exauditam declarans, ait : Sanctis D qui sunt in terra ejus, hoc est, qui sunt in regione vivorum, sive per rem, sive per spem, mirificavit omnes voluntates meas in eis.

Philipp. II,
20.

Luc. XXII,
32.

Joann. XIV,

16.

Ibid. XVII,

24; XII, 26.

Hebr. V, 7.

4 5 *Multiplicatae sunt infirmitates eorum* : A hoc est, peccata et defectuositates eorum, qui per fidem et gratiam sancti effecti sunt, multa erant antequam converterentur ad Christum. *Postea acceleraverunt* : hoc est, postquam cognoverunt per inspirationem divinam, et sanctam prædicationem, prædictas suas infirmitates, tunc festinaverunt converti ad Dominum, et ad Baptismatis gratiam, in quo universa peccata donantur. Et istud de gentibus conversis præsertim verum ac planum est, quæ antequam converterentur, sedebant in tenebris et umbra mortis, idolis serviendo : super quo peccato omnis ingemiscit natura.

Rom. VIII.
22.

LUC. XIX. 10.

Ezech.
XVIII. 21, 22.

Ps. LXXVI,
11.

Osee II, 24.

Rom. IX. 25.

Is. LV, 5.

Ibid. LXV.

15.

5 5 *Dominus pars hereditatis meæ et calicis mei* : id est, Deus est portio creden-

tium in me, qui cœlestia præponunt terrenis, et Creatorem præeligunt creaturis ; et ipse Dominus est pars calicis mei, id est, Deus est finis et merces passionis meæ, quoniam ideo passus sum, quatenus homines ultimo fini. scilicet Deo. beatifice uniantur, et ejus visionem pro mercede sui laboris ac meæ passionis recipiant. Vel sic : Dominus pars hereditatis meæ, id est, Deus est illud bonum, quod ego Christus ut homo, præ omnibus bonis creatis elegi, dilexi, tenui, et possedi quasi hereditariam partem, quamvis ipse me prior elegit atque dilexit. Hoc modo Deus per Moysen de Levitis dixit : Non dabis eis possessionem et hereditatem inter filios Israel, quia ego possessio et hereditas eorum. Per Levitas vero figurantur clerici novi Testamenti. Et ideo quum primo tonsurantur, dicunt versiculum istum, tanquam qui specialiter deputantur ad cultum divinum, et quorum hereditas Deus efficitur. Dicitur enim Deus hereditas nostra, quoniam colimus eum venerando, et possidemus eum amando sive fruendo. Nosque appellamur hereditas Dei, quoniam et ipse colit et alit nos perficiendo, et possidet nos in nobis regnando. Et ideo Christus subjungit :

Tu es, o Deus Pater, qui restitues hereditatem meam mihi, id est, qui per gratiam tuam trahes ad me omnes quos prædestinasti in me, omnesque electos qui sunt hereditas mea, reduces ad me per meritum passionis et mortis meæ : qui antequam redimerentur a me, erant in captivitate diaboli atque sub reatu originalis peccati : propter quod nullus eorum regnum æternæ beatitudinis ingredi potuit. Hos ergo restitues mihi, quemadmodum in Evangelio dixi : Nemo venit ad me, nisi Pater qui misit me. traxerit eum. Et rursus : Omne quod dat mihi Pater, ad me veniet. Ideo namque Apostolus ait : Elegit nos in ipso (scilicet Pater in Filio) ante mundi constitutionem : et rursus : Gratificavit nos in dilecto Filio suo. Quod non est intelligendum quasi aliquid sit causa prædestinationis, prout in Deo est, sed quia effectum

Num. XXVIII.
20; Deut. x.
9; XVIII. 1. 2;
Josue XIII.
33.

Joann. VI,
41.
Ibid. 37.

Ephes. I. 4.

Ibid. 6.

prædestinationis statuit Deus nobis impendere per meritum Filii sui. Hanc utique hereditatem restituit Deus Christo, quando impletum est quod in Actis Apostolorum Lucas testatur: Crediderunt, inquit, quotquot præordinati erant ad vitam æternam. Imo quotidie restituit eam sibi, vel quando peccatores revertuntur ad gratiam, vel quando iusti ingrediuntur ad gloriam.

Act. xiii,
48.

6 *Funes ceciderunt mihi in præclaris:* id est, divisiones, quibus Deus quosdam misericorditer vocavit, et aliquos juste reliquit, contigerunt mihi in præelectis et pretiosis, Deoque caris hominibus. Quum enim sint multi vocati et pauci electi, sors mea cecidit super electos, ita quod ipsi sunt portio mea, in qua æternaliter tanquam in hereditate regnabo, nunc quidem per gratiam, in futuro vero per gloriam.

Matth. xx,
16. xxiii, 14.

Ibid. xxx,
34.

Luc. xii, 32.

Joann. x,
15.

Ipsi enim sunt benedicti Patris mei, quibus paratum est regnum cœleste a mundi constitutione. Loquitur autem de funibus metaphorice. Funes namque dicuntur mensuræ seu termini, quibus hereditas terrena dividitur. *Etenim hereditas mea*, hoc est multitudo prædestinatorum ab æterno: de qua in Luca scriptum est, Nolite timere, pusillus grex, quia complacuit Patri vestro dare vobis regnum. Hæc, inquam, hereditas, *præclara*, id est multum dilecta, nobilis, ac pretiosa, *est mihi* Christo, quia animam meam pono pro ea; tamque præclara est mihi, ut sit sponsa mea, quam redemi sanguine proprio.

Insuper Christus ut homo, gratias agens Deo pro omni sapientia animæ suæ collata a primo creationis suæ instanti, in quo etiam unita est Dei Verbo, et facta contemplatrix Divinitatis per speciem, ait: 7 *Benedicam Dominum qui tribuit mihi intellectum*, id est intellectualem notitiam omnium prædictorum.

Et non obstante quod hoc facturum sum, tamen *insuper*, id est ultra hoc, *et usque ad noctem*, id est usque ad terminum vitæ meæ seu mortis occasum, *increpauerunt me*, hoc est, reprehenderunt, blasphemaverunt, et persecuti sunt me, *renes mei*, id

est Judæi et etiam tribus Juda, de quorum carne et sanguine incarnatus et natus sum. Sed frustra conati sunt me subvertere, quoniam ego Christus (8) *Providebam Dominum in conspectu meo semper*: id est, in prosperis et adversis, in omni causa, loco, et tempore proposui Deum coram oculis cordis mei, et semper actualiter eum adspexi; *quoniam a dextris est mihi*, hoc est, immediate conjunctus est mihi, et semper de proximo mihi adsistit. Nam Verbo unita est mea humanitas unione personali; B toti vero Trinitati, quæ est unus verus simplex Deus, unita est beatifica fructio. Idcirco autem a dextris est mihi Dominus, *ne commovear*, id est, ne aliquo modo a medio virtutis, a recta ratione, a Dei voluntate recedam; ne prosperis elever, aut adversis dejiciar, sed regia via semper incedam.

8

(9) *Propter hoc lætatum est cor meum*, hoc est, intellectus atque affectus animæ meæ, de tantis beneficiis gratias Deo agentes, spiritualiter in Deo gavisi sunt. Unde C in Evangelio dicitur: Exsultavit Jesus Spiritu Sancto, et dixit: Confiteor tibi, Pater, Domine cœli et terræ. *Et exsultavit lingua mea*: hoc est, ex magna exuberantia interioris jucunditatis, etiam lingua corporis mei mota est ad jucundam Dei laudem, et beneficiorum suorum delectabilem commemorationem. *Insuper et caro mea*, id est corpus meum, in triduo mortis ab anima, non tamen a Verbi divinitate, separatum, *requiescet in spe*, hoc est, in sepulcro jacebit in spe tali, quod tertia die resurget; sed spes illa fuit subjective in anima Christi, et ideo subdit:

9

Luc. x, 21.

10 *Quoniam non derelinques animam meam in inferno*. Tanquam dicat: Idcirco caro mea requiescet in spe resurrectionis prædictæ tam proximæ, quoniam non derelinques, id est, non diu permanere permittes animam meam in inferno, id est limbo patrum. Nam anima Christi ibi non fuit, nisi usque ad horam resurrectionis tertio die factæ: statim quippe, quando Christus in cruce spiritum tradidit,

10

anima Christi ad limbum patrum descendit, animasque Sanctorum ibidem beatifica Dei visione glorificavit, quia tunc pro reatu originalis peccati, pro quo solo dilationem divinæ visionis patiebantur, satisfactum fuit : sed non mansit ibi nisi usque ad tertium diem. *Nec dabis sanctum tuum videre corruptionem*, id est, non sines corpus sanctissimum Filii tui, qui est Sanctus Sanctorum, corrumpi, incinerari, putrefieri, sed cito suscitabis illud a tumulo.

- 11 (H *Notas mihi fecisti vias vitæ*, id est, dedisti mihi scientiam salutarem, per quam actus virtutum, quæ sunt viæ vitæ, implevi, et alios docui. Vel, *Notas mihi fecisti vias vitæ*, hoc est, experimentaliter notificasti, et sensibiliter ostendisti mihi resurrectionem tertia die mihi peractam, et ascensionem quadragesima die completam. Per resurrectionem namque et ascensionem ad immortalem vitam pertingitur. *Adimplebis me lætitia*, id est, quum per ascensionem usque ad consedendum tecum in dextera tua pervenero, tunc dabis mihi plenam beatitudinem, ut non solum in anima felix sim, quæ nunquam in essentiali præmio profecit, nec solum in corpore gloriosus sim, in quo glorifica-

tus surrexi; sed etiam super omnes cœlos, *Ephes. iv.*^{10.} super omnes creaturas, super omnes angelicos spiritus exalter, ut omnia impleam, et in nomine meo omne genu flectatur : *Philipp. ii.*^{10.} sicque in accidentali præmio *cum vultu tuo*, hoc est, in præsentia majestatis tuæ, quæ in cœlo præcipue esse censetur, perfecte implear. *Delectationes*, id est variæ et ineffabiles jucunditates, *in dextera tua usque in finem*, hoc est in favorabili tua præsentia, tanquam dicat : Hi quibus prospere ades, quibus per gloriam præsens es, quibus per caritatis favorem adsis, habent delectationes multiplices tam essentialis quam accidentalis præmii : quia oculus non vidit, nec auris audivit, nec in cor hominis ascenderunt, quæ præparasti, Deus, diligentibus te usque in finem. Vel sic : *Delectationes*, supple, sunt mihi Christo, in dextera tua, id est, per hoc quod collocatus sum ad dexteram tuam.

Porro, quod psalmus iste ad litteram de Christo intelligi debeat, hinc constat, quod gloriosissimus apostolici agminis princeps beatissimus Petrus, in Actis scripturam psalmi istius inducit ab eo loco, quo dictum est. Providebam Dominum in conspectu meo semper, ad probandum quod Christus resurrexit a mortuis.

Is. lxiv, 4;
1 Cor. ii, 9.

Act. ii, 25-28.

ARTICULUS XXXIX

EXPOSITIO TROPOLOGICA SEU MORALIS EJUSDEM PSALMI QUINTIDECIMI.

- 1 POTES autem unusquisque fidelis hunc psalmum ad sui ipsius informationem in propria decantare persona ad gloriam Dei, ita ut dicat : *Conserva me, Domine*, ne in vitiis jaceam, ne gratiam perdam, sed in omni eventu in te stabilis perseverem; *quoniam speravi in te*, non in perfectione aut viribus meis. *Diri Domino* omnium per generalem causalitatem et providentiam : *Deus meus es tu* : id est,

D propter specialem benignitatem mihi a te collatam, et cultum quo te summe ac unice colo, tu es specialiter Deus meus, in quo omne et totum bonum meum constituo, extra quem nihil requiro, et cujus voluntati me totum offero atque subicio; *quoniam bonorum meorum non eges*. In te enim est omnium bonorum omniumque pulchrorum ac desiderabilium perfecta et immensa perfectio : et ideo merito

in te spero, et te solum in Deum mihi A
constituo, quia sufficis tibi in te, et per
te, et solus salvare potes me, qui in nullo
indiges me.

Denique homo in Dei amore succensus,
vehementer desiderat quatenus honor et
gloria Dei augeatur in omnibus : ideo ad-
dit, *Sanctis qui sunt in terra ejus*, id est

II Cor. v, 6.

huc peregrinantur a Domino, vel in Eccle-
sia triumphanti jam perfruuntur vultu di-
vino, *mirificavit omnes voluntates meas*
in eis, id est, miro modo implevit in eis
quidquid desideravi pro ipsis : quoniam
viatoribus Sanctis contulit multa copiosa-
que munera gratiarum ; Sanctis vero com-
prehensoribus præstitit tantum, ut am-
plius desiderare non possint de præmio

4

essentiali. *Multiplicatæ sunt infirmitates*
eorum, postea acceleraverunt. Hic versus
ex præcedenti expositione satis patet. *Non*
congregabo conventicula eorum de san-
guinibus, id est, non colligam eos ad nu-
merum Beatorum, neque apponam eos ad
patres priores, quatenus sunt conventus
maligni, et de sanguinibus vitiosi, videli-
cet secundum quod multiplicatæ sunt in-
firmitates eorum ; *nec sic memor ero no-*
minum eorum per labia mea, ut reputem
eos, secundum quod tales sunt, pertinere
ad sortem Sanctorum ; sed secundum quod
postea acceleraverunt, id est, secundum
quod frequenter ad Dominum conversi
sunt, æstimabo eos ad consortium Beato-
rum spectare : quemadmodum per Zacha-
riam dictum est, Convertimini ad me, et
convertar ad vos, dicit Dominus.

Zach. i, 3.

5

Dominus est pars hereditatis meæ : non
quod aliquid plus velim possidere quam
Deum, ideoque ipse sit non totum bonum
meum, sed pars boni ac hereditatis meæ ;
sed Dominus est pars hereditatis meæ, id
est, ipse est mea hereditas, quam ex om-
nibus et præ omnibus rebus dilexi : quem-
admodum postea dicitur, Deus cordis mei
et pars mea Deus in æternum ; *et calicis*
mei, id est, Dominus est illud bonum, pro-
pter quod omnes adversitates, persecutio-

Ps. LXXII,
26.

nes, et pœnitentiales labores libenter sus-
tineo ; propter quod tota die mortificor,
atque per ignem et aquam incedo. *Tu es*
qui restitues hereditatem meam mihi. Ante
dixit Dominum esse hereditatem : nunc
autem dicit Dominum esse restitutum
sibi hereditatem suam. Quid ergo est, Tu
es qui restitues hereditatem meam mihi,
nisi, Tu reddes mihi te ipsum ? Nam pec-
cando Deum amittimus, nec possumus eum
readipisci de condigno, nisi ipse præve-
niant nos per suam misericordiam, gratiam
B infundendo, quam recipiendo, Deum ac-
quirimus. Vel sic : Tu, o Christe, es qui
restitues hereditatem meam mihi, id est,
qui per meritum passionis tuæ recupera-
bis mihi vitam æternam : quæ etiam dici
potest hereditas nostra.

Rom. viii,
36; Ps. xliii,
22; LXX, 12.

Funes, id est, partitiones, separationes,
vel sortes bonorum Domini : qui aliqui-
bus dat bona terrena dumtaxat, quibusdam
vero dat bona cœlestia ac divina ; *cecide-*
runt mihi in præclaris, id est, contige-
runt mihi in bonis æternis et invisibili-
bus, quæ parata sunt mihi in cœlis : ita
quod Dominus mihi daturus est bona illa
præclara pro parte mea hereditaria. Et
hoc ideo spero, *etenim*, id est quoniam,
hereditas mea, id est vita æterna, *præcla-*
ra est mihi, id est præ omnibus bonis ca-
ra et pretiosa. Nam propter ejus amorem
omnia temporalia bona corporalemque vi-
tam contemno. Nemo vero sine speciali
Dei revelatione scire potest, an adepturus
sit hanc hereditatem cœlestem : sed dum
sentit se hanc præ omnibus rebus deside-
D rare, atque pro ea Deo fideliter deservire,
tunc confidere potest quod Dominus ip-
sum ad hanc hereditatem elegit, potestque
fiducialiter hunc versum decantare, Funes
ceciderunt mihi, etc., quemadmodum ait
Hieronymus, Nihil felicius Christiano, cui
promittuntur regna cœlorum. Verum ei
qui magis laborat pro temporalibus, quam
pro æternis bonis acquirendis, non est
præclara hereditas ista, nec eam acquire-
re potest.

6

Benedicam Dominum qui tribuit mihi

7

intellectum, ad cognoscendum hæc omnia A ac cetera beneficia sua, et ut ad eum converterer, et gratus sibi efficerer : non enim fecit taliter omni nationi.

Ps. cxlvii, 20.

Insuper et usque ad noctem, id est usque ad peccati consensum, quo anima obtenebratur, *increperunt me renes mei*, id est, restiterunt ac repugnaverunt rationis iudicio concupiscentiæ et ceteræ passionis partis sensitivæ. Propter quod ait Apostolus : Video aliam legem in membris meis, repugnantem legi mentis meæ. Et

Rom. vii, 23.

Jacob. iv, 1.

Jacobus ait : Unde bella et contentiones in vobis ? nonne ex concupiscentiis vestris ?

- 8 *Providebam Dominum in conspectu meo semper*, id est, consideravi Deum iudicem meum : et ideo non acquievi motibus appetitus sensitivi, sed in iudicio rationis permansi. Ideo autem providebam Dominum, *quoniam ipse a dextris est mihi*, id est, per gratiam suam favorabiliter et prospere mihi adssistit, *ne commovear*, id est, ne a ratione abducar, ne a Deo recedens instabilis fiam, et vitiis subdar.

- 9 *Propter hoc*, id est, propter tantam misericordiam et gratiam Dei super me, *lætatum est cor meum*, non in se, sed in Domino, *et exsultavit lingua mea*, gratias ei agendo. *Insuper et caro mea*, id est corpus istud corruptibile, *requiescet*, id est, rationis iudicio stabiliter subicietur, et animæ ministrabit cum tranquilla quiete, mitigatis motibus ejus carnalibus. Sic vero requiescet *in spe*, id est in expectatione felicitatis futura : quia si modo subicitur animæ in Dei obsequio, postea glorificabitur cum anima in regno cælorum. Vel sic : *Insuper et caro mea* requiescet in spe, post separationem ejus ab anima in sepulcro, in spe resurrectionis beatæ : quemadmodum Sapiens dicit, Corpora Sanctorum in pace sepulta sunt.

Eccli. xlv, 14.

- 10 *Quoniam non derelinques animam meam in inferno*, id est, non permittes me mori in peccato mortali, neque æternaliter condemnabis me ; sed si propter insufficientem satisfactionem in hac vita factam descendero in infernum, id est in

purgatorium, non derelinques me in eo : nam debita pœna soluta, statim ad regnum cælorum perduces animam meam. In Scripturis enim aliquando infernus accipitur pro purgatorio. Unde etiam Ecclesia cantat : Domine Jesu Christe, libera animas fidelium defunctorum de pœnis inferni, id est purgatorii. *Nec dabis sanctum tuum*, id est servum tuum fidelem, *videre corruptionem*, id est experiri mortem æternam, quæ est irreparabilis atque perfecta corruptio ab omni esse spirituali atque beato.

Hæc omnia sunt verba bonæ spei, et implicite sunt verba orantis sic fieri. Ideoque, o Domine, spero hæc omnia adimpleri in me, quoniam *Notas mihi fecisti vias vite*, id est vitam et mores Christi : ejus doctrinam et vestigia imitando, recte ambulo ad vitam æternam. Quod si fecero perseveranter, *adimplebis me lætitia cum vultu tuo*, dando mihi felicissimam tui vultus visionem : qua adeptam, nihil amplius desiderare valebo. *Delectationes puræ et intellectuales, in dextera tua*, id est in potioribus bonis tuis, *usque in finem* consummantem, et sine fine consumente, videlicet æternaliter. Tanquam dicat : Delectationes erunt his qui tecum morabuntur in dextera tua, id est in cœlestibus ac invisibilibus bonis tuis : quæ sunt dotes animæ, scilicet tentio, visio, et fructio, de quibus infra dicetur : ibi scilicet, Replebimur in bonis domus tuæ. Non est autem de incircumscribibili Deo intelligenda dextera corporalis.

44

- D Porro, beatus homo qui taliter conversatur, ut psalmum istum in propria persona canere possit ; qui ita a rebus terrenis ac vilibus affectum suum expurgat, ut veraciter dicat, Dominus pars hereditatis meæ ; qui tam frequenter* cupit dissolvi, et regnum possidere cœleste, ut dicere queat, Etenim hereditas mea præclara est mihi : quod ei competit, qui cum Apostolo dicere potest, Omnia arbitror ut ster-
cora, ut Christum lucrifaciam. Beatus qui in hac vita Dominum semper providet, ita

Ps. lxiv, 5.

* ferventer

Philipp. iii, 8.

ut cum beatissimis illis Elia ac Eliseo ve-
raciter fateatur : Vivit Dominus, in ejus
conspectu sto hodie. Huic enim Dominus
a dextris est, ne commoveatur : quoniam
non permittit eum tentari supra id quod
potest, sed facit etiam cum tentatione pro-
ventum.

III Reg.
xvii. 1. IV
Reg. iii. 14.

1 Cor. x. 13.

PRECATIO.

Sperantes in te, clementissime Deus,
tua protectione conserva ; notas nobis fac
vias vitæ, quas te duce usque in finem
constanter incedentes, æterna lætitia ad-
impleri, et vultu tuo delectemur satiari.

ARTICULUS XL

EXPOSITIO PSALMI SEXTIDECIMI : EXAUDI, DOMINE, JUSTITIAM MEAM.

1 PRÆTEREA titulus istius psalmi est : *Ora-
tio David*. Et quamvis hic psalmus ad lit-
teram possit exponi de ipso David, sicut
et in sequenti explanatione exponetur de
Ecclesia, cujus David membrum prænobili-
le est, ac unoquoque perfectorum, quorum
David non minimus est ; tamen propter
proximitatem ac tædium evitanda, exposi-
tionem istam omitto, præsertim quum ex
sequentibus facillime innotescat. Igitur ex-
ponendo ipsum de Christo, sensus tituli
est : Oratio David, id est oratio conveniens
Christo significato per David.

CHRISTUS ergo ratione humanitatis as-
sumptæ, ait ad Patrem, vel ad totam
Trinitatem : (1) *Exaudi, Domine, justiti-
am meam*, id est, fac illud propter quod
juste vixi, et nunquam a vera justitia re-
cessi, sed usque ad mortem obediens fui.
Christus autem omnes justitias vitæ suæ
fecit, non propter propriam beatitudinem
acquirendam, nec propter essentielle præ-
mium augmentandum, quoniam semper
comprehensor fuit ; sed propter felicitatem
nobis adipiscendam omnia fecit, et
quolibet vitæ suæ actu vitam nobis æternam
excellenter modo promeruit : quoniam
quidquid egit, ex ardentissima Dei et
proximi caritate processit. Quid ergo orat
Christus dum ait, Exaudi, Domine, justiti-
am meam, nisi, Da mundo salutem, con-

Philipp. ii.
8.

B cede hominibus gratiam, salva omnes ele-
ctos, quia ob hanc causam justitiam feci ?
Christus quoque justitias suas fecit propter
accidentale proprium præmium, in quo
profecit, videlicet propter gloriam resur-
rectionis, ascensionis, judiciariæ potesta-
tis : idcirco orat justitiam suam exaudiri
pro hac etiam causa, scilicet, ut accelera-
retur resurrectio et ascensio ejus. *Intende
deprecationem meam*, id est, intus ac di-
ligenter adverte quid deprecor. 2 *Auribus
pietatis tuæ percipe orationem meam* : non
C quod Deus aliquid de novo percipiat ; sed,
Percipe, id est, intelligendo adimple. Sæ-
pe reiterat eandem sententiam, ad desi-
gnandum affectus sui ardorem pro mundi
salute. Percipe, inquam, orationem meam
non in labiis dolosis effusam : quemad-
modum de quibusdam Isaïas scribit, Po-
pulus hic labiis me honorat, cor autem
eorum longe est a me. Dolosis enim labiis
orat, cujus vocalis oratio non procedit ex
mentali affectu ; vel qui id orat, quod suæ
saluti non expedit : talis namque in pri-
mis fallit se ipsum.

Is. lxxix. 13;
Matth. xv.
8.

5 *De vultu tuo judicium meum pro-
deat*, id est, a te omnibus manifestetur
qualis sim ego. Non enim sic vixi, ut eru-
bescam agnoscere : quia omnis qui facit ve-
ritatem, venit ad lucem, ut manifestentur
opera ejus, quia in Deo facta sunt. Chri-
stus ergo ait ad Patrem : *De vultu tuo, id*

2

Joann. iii.
21.

est de manifestatione sapientiæ tuæ, *iudicium meum*, id est cognitio omnium quæ assumpsi, feci ac pertuli pro humani generis redemptione, *prodeat*, id est, per Apostolos aliosque doctores universis hominibus publicetur, ut omnes sciant quam injuste iudicatus et passus sum. *Oculi tui*, o Domine Pater, *videant æquitatem*, id est, intellectus tuus consideret meam justitiam, et secundum illam restituat mihi gloriam corporis, atque pro aliis audiat precem meam.

3

Eccli.
XXVII, 6.

4 *Probasti cor meum*, secundum quod tentatio tribulationis probat homines justos : probasti, inquam, cor meum, id est, per multarum adversitatum patientissimam tolerantiam invenisti illud probatum ac rectum coram te ; *et visitasti me nocte*, id est, per adversa visitasti me, permit- tendo me mala pati a perversis Judæis ; *igne me examinasti*, id est, pœna mortis

Joh XXIII,
10.

inquisisti me : sicut Job ait, Probavit me Dominus quasi aurum quod per ignem transit. Dicit autem se Christus probatum et examinatum a Patre, non quod Pater ignoraverit Filium suum esse sine omni peccato ; sed quia per modum probantis et examinantis se habuit, dum Filium suum unigenitum tot et tanta pati permisit, quatenus cunctis constaret quanta esset perfectio et obedientia Christi. Et ideo subditur : *et non est inventa in me iniquitas* : Christus enim (ut Isaias testatur) iniquitatem non fecit. Et istud quod de mea perfectione dixi et dicam, o Domine, dico sine jactantia et gloria vana : (5) *Ut non loquatur os meum opera hominum* : id est, sic dixi et dico, ut os meum non loquatur opera hominum, id est superbiam, præsumptionem et ingratitude, aliquid scilicet mihi adscribendo, quemadmodum moris est filiis hominum.

Is. LIII, 9.

4

5 *Propter verba labiorum tuorum*, id est propter legem et prophetias divinitus inspiratas, ut eas implem, *ego custodivi vias duras*, recipiendo circumcisionem, pati- endo famem, sitim ac lassitudinem, et tandem moriendo in cruce. (6) *Perfice gres-*

5

sus meos, id est, ea quæ pro mundi salute cœpi facere et sufferre, ad felicem finem perduc, ut per passionem meam genus humanum salvetur ; *in semitis tuis*, id est, sic perfice gressus operationum mearum, ut in semitis tuis permaneant ; *ut non moveantur vestigia mea*, id est, ut opera mea non fraudentur merito festinatæ resurrectionis et gloriosæ ascensionis.

7 *Ego* Christus *clamavi* ad te, ferventer orando, *quoniam exaudisti me*, Deus : id est, fiduciam clamandi hinc sumpsi, quod semper me a te exauditum experior : idcirco quoque nunc fac sicut hucusque fecisti, scilicet, *inclina aurem tuam mihi*, id est, misericordiam tuam converte ad me, *et exaudi verba mea* : quæ sequuntur.

8 *Mirifica*, id est, mirabiles esse declara, *misereticordias tuas*, copiose dando mihi quod opto, et reconciliando tibi mundum per me, atque gratias tuas affluenter et mirabiliter tempore evangelicæ legis præstando. *Qui salvos facis sperantes in te*. 9 *A resistentibus dexteræ tuæ*, id est

ab induratis rebellibusque Judæis, qui opera gratiosa et miraculosa per me a te facta, dæmonibus adscripserunt, et omnem doctrinam meam spreverunt, *custodi me*, ne vel ante præordinatum tempus possint occidere me, vel ab eis detinear in sepulcro ultra tertiam diem : et tam diligenter custodi me, *ut pupillam oculi*, quæ sollicite custoditur. Dicit autem Christus ad Patrem, A resistentibus dexteræ tuæ :

quia qui Filio resistit, resistit et Patri ; et qui non honorificat Filium, non honorificat Patrem qui misit illum. (10) *Sub umbra alarum tuarum*, id est, sub defensione omnipotentis atque clementis tuæ, *protege me*, secundum modum prædictum, *a facie*, id est a dura præsentia et invidioso aspectu, *impiorum qui me afflixerunt* : scilicet Judæorum ac aliorum qui me persecuti sunt.

11 *Inimici mei animam meam*, id est me ipsum *circumdederunt*, tentando, explorando, capi- endo, ligando, et occiden- do ; *adipem suum concluderunt*, id est, vi-

Matth. XII,
24.

Joann. V,
23.

9

10

seera internæ pietatis a me subtraxerunt, A non condolendo mihi neque parcendo; *os eorum locutum est superbiam*, contra me dicendo, Blasphemavit; et, Reus est mortis; et, Nos scimus quia hic homo peccator est. 12 *Projicientes me, nunc circum-*

Matth.
xxvi, 65, 66;
Joann. ix,
25.

11

Luc. iv, 29.

dederunt me: quemadmodum in Evangelio legitur, quod ejecerunt eum extra synagogam, et duxerunt eum ad supercilium montis ut præcipitarent eum; *oculos suos statuerunt declinare in terram*, id est, intellectum suum averterunt a veritate divina, et passiones suas secuti sunt, respicientes deorsum, non sursum, neque volentes credere signis quibus Pater testimonium perhibuit Filio suo. 15 *Sus-*

12

Matth.
xxvi, 59, 67;
Joann. xviii,
12, 24.

Jer. xii, 7,
8.

ceperunt me sicut leo paratus ad præ-
dandam, et sicut catulus leonis habitans in
abditis, quando videlicet cohors et tribunus et ministri Judæorum accesserunt et iniecerunt manus in Jesum, et ligaverunt atque duxerunt ad Caiphiam. Quod Jeremias prophetavit de Christo: Dedi (inquit) dilectam animam meam in manu inimicorum meorum; facta est mihi hereditas mea (id est populus Judæorum) quasi leo in silva: dedit contra me vocem suam, ideo odi vi eam.

13

Luc. xxi,
43.

14 *Exsurge, Domine, ad succurrendum; præveni eum*, ita ut prius mihi in adiutorium venias, et illos cæcitate cordis percutias, quam ipsi mihi nocere prævaleant. Unde in Evangelio legitur, quod apparuit Christo angelus de cælo, confortans eum, passione jam imminente. *Et supplantat eum*, id est, dejice populum istum Judæorum me persequentem, ita ut perdant regnum et sacerdotium. *Eripe animam meam ab impio populo isto*, non derelinquendo eam diu cum generatione hac pessima, sed tertia die eam corpori impassibili reuniendo. *Frameam tuam*, id est potestatem seu gladium quem contulisti eis contra me,

14

Joann. xiv,
11.

eripe ab inimicis manus tuæ, id est a persecutoribus et crucifixoribus meis, ne mihi de cetero nocere possint. Christus enim Pilato dixit: Non haberes contra me potestatem ullam, nisi tibi datum esset desu-

per. Et ad Judæos: Hæc est, inquit, hora vestra et potestas tenebrarum. Hanc Christus orat Judæis auferri, ne diutius ipsum persequi possint quam a Deo præfixum erat. Propter quod passione instante Apostolis dixit: Etenim ea quæ sunt de me, finem habent. Vel sic: Frameam tuam, id est animam meam, quæ dicitur framea, id est potestas tua et gladius tuus, quia per eam principem hujus mundi vicisti, et mortem occidisti, ruinam angelorum reparasti, universum sæculum reparasti et tuo imperio B subdidisti: hanc frameam eripe de inimicis manus tuæ, id est de potestate Judæorum, reassociando eam corpori immortal.

Luc. xxi,
53.

Ibid. 37.

Consequenter orat Christus pro generali Judæorum dejectione, quam desiderat in quantum se divinæ voluntati ac æquitati conformat. 15 *Domine, a paucis de terra divide eos in vita eorum*. Tanquam dicat: O Domine Pater, divide eos de terra, id est, expelle eos de Terra sancta, et per diversa loca disperse eos; et per gladium, famem ac captivitatem destrue eos, ac divide a paucis, id est ab electis fidelibus, qui C comparatione reproborum pauci sunt: et hos paucos non dividas, sed in unitatem Ecclesiæ congrega eos per fidem, spem et caritatem; illos vero divide modo prædicto in vita eorum, quemadmodum per Vespasianum ac Titum impletum est.

De absconditis tuis, id est de præcipuis et maximis bonis tuis corporalibus et terrenis, *adimpletus est venter eorum*, id est, saturati et divites facti sunt. Nam terram omnium terrarum præcipuam, melle et lacte manantem, dedisti eis; ipsi vero tibi ingrati fuerunt, et me unicum Filium tuum occiderunt. Vel sic: De absconditis tuis, id est de peccatis et concupiscentiis pravis, quæ ignorantur a te per approbationem, saturatus est venter eorum, id est carnalis ipsorum affectus, cui satisfecerunt, quia avari, luxuriosi, et ambitiosi fuerunt. 16 *Saturati sunt filii*, quia fecunditatem carnalis propaginis eis dedisti, multiplicando eos ut stellas cæli; *et dimiserunt reliquias suas*, id est ea quæ ipsi

superfluxerunt, *parvulis suis*, id est successoribus. Commemorat namque Christus beneficia Dei ipsis collata, ut peccatum ipsorum amplius aggravetur. Vel sic : Saturati sunt filiis, id est malis operibus. Opera quippe vocantur filii operantis : quoniam omne agens quale est, tale operatur. Et ita operatio, secundum rationem similitudinis, ab agente procedit ; filiatio autem in similitudine consistit. Et dimiserunt Judæi increduli reliquias, scilicet infidelitatis, maledictionis ac vitiorum, parvulis suis, id est posteris. Pervenit enim ira Dei super eos usque in finem, secundum Apostolum. Et impletum est in ipsis, quod coram Pilato de Christo clamabant : Sanguis ejus super nos, et super filios nostros.

1 Thess. II,
16.

Matth.
xxvi, 28.

A Illi ergo ita peribunt a te ; 17 *Ego autem in justitia apparebo conspectui tuo*, id est, semper juste et sancte ambulabo coram te, et consummato humanæ redemptionis mysterio, post ascensionem apparebo tecum in gloria, sedens a dextris tuis, et interpellans pro electis. *Satiabor omni jucunditate accidentalis præmii, quum apparuerit gloria tua*, id est, quum manifestata fuerit omnibus Sanctis in cælo et in terra gloria tua, quam mihi dedisti, et quam ego mea passione mundo promerui. Tunc enim satiabor salute generis humani, propter cujus desiderium in cruce clamavi, Sitio. Tunc quoque satiabor, videns honorem tuum recuperatum per me, murosque cœlestis Jerusalem reædificatos per me.

45

Joann. xix,
28.

ARTICULUS XLI

EXPLANATIO EJUSDEM PSALMI SEXTIDECIMI DE ECCLESIA ET QUOLIBET VIRO PERFECTO AC FIDELI.

SECUNDUM sensum autem moralem, hoc quod dicitur, Exaudi, Domine, justitiam meam, potest esse oratio ejuslibet hominis perfecti, qui non solum de misericordia Dei, sed de propriis meritis confidit ; quamvis hæc sua merita, sciat esse Dei dona, a divina misericordia sibi concessa. Ut sit sensus : *Exaudi, Domine*, non solum orationem vocalem, sed *justitiam meam*, ita ut omne opus bonum et meritorium quod facio, tibi sit placitum, præstesque mihi quod cupio, propter vitæ meæ justitiam. Nam opus bonum et meritorium coram Deo, est oratio ; nec cessat orare, qui non cessat laudabiliter vivere. Beatus vero est, qui cum secure et humili conscientia allegare potest coram Domino vitæ suæ perfectionem ac propria merita. Talis plane exstitit Ezechias, de quo Isaias ait : Flevit Ezechias fletu magno, et dixit :

4

Is. xxxvii,
3.

C Obsecro, Domine, memento quomodo ambulaverim coram te in veritate, et quod bonum est in oculis tuis fecerim. Denique quam efficax sit oratio illa, constat ex eo, quod non solum orationem Ezechiae Deus implevit, adjiciendo vitæ suæ priori, quæ naturaliter finienda erat, quindecim annos ; sed insuper ad ejus instantiam reversus est sol decem lineis, per gradus quos descenderat in horologio Achaz.

Is. xxxviii,
5, 8.

Potest etiam hoc quod dicitur, Exaudi, Domine, justitiam meam, esse oratio hominis imperfecti, propriam imperfectionem humiliter cognoscentis, tanquam dicat : *Exaudi*, id est, acceptam habe, *Domine, justitiam meam*, non despiciendo eam propter imperfectiones annexas : scio namque verum esse quod in Isaia habetur, Quasi pannus menstruatae universæ justitiæ nostræ ; sed suppleat, Domine, pietas tua id

Ibid. lxiv,
6.

in quo deficit fragilitas mea, et exaudi justitiam meam, quæ non est digna absolute appellari justitia, sed potius injustitia.

Intende deprecationem meam, qua peto mihi mala omnia indulgeri. *Auribus percipe orationem meam*, qua postulo virtutes et gratiam mihi semper donari : orationem, inquam, *non in labiis dolosis* factam, id est, non mente vaga et intemorata, atque in peccandi proposito existentem effusam.

2 *De vultu tuo judicium meum prodeat*, id est, omne quod judico de me ipso vel aliis, procedat de vultu tuo, id est, dirigatur secundum veritatem tuam divinam, ut nil temerarie aut fallaciter judicem, nec aliquem ex suspicione condemnem, nec contra evangelicam sapientiam de aliquo judicare præsumam. Vel sic : *De vultu tuo*, id est de pio adspectu tuo, *judicium meum*, quo a te judicandus sum, *prodeat*, ne juste condemner, sed misericorditer salver. *Oculi tui videant*, id est, benigne respiciant, ac respiciendo perficiant, *æquitatem*, id est conversationis meæ justitiam.

3 *Probasti cor meum per prospera et adversa*, tentando et experiendo an tibi in omnibus fidelis permaneam; *et visitasti nocte*, id est, per flagella venisti ad me, adhibendo castigationes paternas, quemadmodum in Apocalypsi testatus es : Ego quos amo, arguo et castigo. *Ignem me examinasti*, id est, per impetuosas et durissimas tribulationes scrutatus es me, probando an usque ad mortem constans persistam; *et non est inventa in me iniquitas*. Hoc dicit Ecclesia seu homo justus, vel quia mortaliter non peccavit, quod de multis Sanctis creditur; vel quia de peccatis pœnituit; vel quia si peccavit, tamen per probationem, visitationem, et examinationem præmissas, de peccatis suis purgatus est, sicut in Job habetur : Beatus homo qui corripitur a

4 Domino. *Ut non loquatur os meum opera hominum*, id est, non propter inanem gloriam dico ista, prout est moris vanis hominibus, qui opera hominum, non Dei laudem loquuntur.

A *Propter verba labiorum tuorum*, id est propter sermones sacræ Scripturæ adimplendos, *ego custodivi vias duras*, hoc est, custodivi cor meum, quo nihil laboriosius est, et feci actus virtutum, qui sunt viæ duræ : quia secundum Philosophum, ars et virtus sunt circa difficilia. Et hoc quantum ad incipientes, maxime verum est, quibus pœnale est veteri vitæ renuntiare, ab omni illicita concupiscentia abstinere, et per angustam portam intrare; quantum vero ad proficientes, alicqualiter verum es-

B se videtur. Sed quantum ad perfectos, verum est quod ait Salvator : Jugum enim meum suave est, et onus meum leve. Et in Ecclesiastico : Nihil, inquit, dulcius quam respicere in mandatis ejus. Nulla siquidem forma operatur tam prompte atque suaviter, sicut amor. Idcirco quanto in divino amore proficimus, tanto omnia dura fiunt nobis faciliora ac dulciora, quoniam fortis est ut mors dilectio. Ecclesia ergo perfectorum, quæ non solum custodivit Dei mandata, sed etiam adimplevit

C Christi consilia, verissime dicit Domino : *Propter verba labiorum tuorum*, quibus, o Christe, dixisti de his qui implent consilia, quia centuplum accipient, et vitam æternam possidebunt, *ego custodivi vias duras*, id est præcepta atque consilia, quæ saltem in principio mihi dura fuerunt, et naturæ dura essent nisi gratia tua adesset.

Sed quoniam nemo est in hac vita tam perfectus, aut mundus, ut non sit magis magisque perficiendus, præsertim quum dicat Apostolus, Ego me non arbitror comprehendisse, sed quæ priora sunt oblitus, in anteriora extendo me ipsum; idcirco adjungit, *Perfice gressus meos*, hoc est, omnes affectiones et opera mea, quibus tendo ad finem, *in semitis tuis*, id est mandatorum atque consiliorum tuorum observationibus, *ut non moveantur*, hoc est, ut non recedant a lege tua, *vestigia mea*, id est opera quibus ad te incedo.

Ego clamavi voce, quoniam exaudisti me, Deus, id est, quia orationem meam mentalem, qua petivi a te ut inspirares

Ethic. ii, c
3 in fine.

Matth. vii,
13.

Ibid. xi, 30.

Ecclesi. xxi,
37.

Cant. viii,
6.

Matth. xix,
29.

Philipp. iii,
13.

5

6

Apoc. iii,
19.

Job v, 17.

mihi salubrem tibi que placentem orationem, exaudisti, dando mihi interius quod orarem ore tenus. Nam illam orationem exaudis, quam tu ipse inspiras. Vel sic : Ego clamavi, nunc te orando, quoniam exaudisti me, Deus, ante seu alias dum orarem ; sicque ex illa exauditione audaciam sumpsisti nunc te orandi. *Inclina aurem tuam mihi*, id est, benigno favore mihi approxima, *et exaudi verba mea*, quæ sunt interni affectus indicia.

7 *Mirifica misericordias tuas*, id est, quanto vides me miserabiliorem, indigniorem, et indigentiorum, tanto amplius subveni mihi in omnibus, in quibus ope tuæ pietatis indigeo, quatenus misericordia tua mirificetur, hoc est, mirabilis esse noscatur in me : quæ tanto amplius mirificatur in me, quanto ego pejor et vilior sum. Itaque, Domine, mirifica misericordias tuas, id est, multas pietatis tuæ gratias ostende in me,

Acl. ix, 15.

Rom. ix, 21-23.

8

A resistentibus dexteræ tuæ, hoc est a tentationibus dæmonum, a vanitate sæcularium hominum, et ab omni vitio superbiorum, resistentium quantum in se est, dexteræ tuæ, id est justitiæ tuæ et voluntati tuæ rectissimæ ; vel, Dexteræ tuæ, id est legi Christi ac gratiæ, per quam pervenitur ad dexteram tuam in cælis ; *custodi me*, ne illis consentiam, ne tibi per inobedientiam resistere velim : et non qualitercumque, sed diligenter in omni causa, loco et tempore, custodi me *ut pupillam oculi*, quæ diligentissime custoditur. *Sub umbra alarum tuarum protege me*. Loquitur transumptive de Deo, sicut ex hujus versiculi præcedenti expositione satis clarescit. Sub umbra (inquit) alarum tuarum, id est sub latitudine bonitatis et multitudine misericordiæ tuæ, protege me *a facie impiorum*, hoc est, ab invasione mundi, carnis et diaboli, *qui me afflixerunt*, tentando, persequendo, deordinando. Nam animus inordinatus sibi ipsi afflictio est.

9

Inimici mei, qui me moliuntur a Deo

A abstrahere, *animam meam*, quæ in medio laqueorum posita est, *circumdederunt*. Nam dæmones eam circumdant, vitia suggerendo ; carnales concupiscentiæ, stimulando ; mundus, ad illicita attrahendo. *Adipem suum concluderunt*, id est, carnalia blandimenta inter se absconderunt, ut sub specie boni ad mala me pertrahant, delectabilia proponendo. *Os eorum locutum est superbiam*, quia conati sunt me facere Deo rebellem, et ea ausi sunt mihi proponere atque laudare, quæ divina lege prohibita sunt. *Projicientes me nunc*, inimici mei isti prædicti, a contemplatione divina ad curiositates inanes, a stabilitate in Deo ad evagationem cordis in mundo, a Dei amore ad creaturarum inordinatum affectum, *circumdederunt me* malis consiliis ac variis dolis ; *oculos suos statuerunt declinare in terram*, quia considerationes suas a cœlestibus ac divinis bonis averterunt, et temporalia atque caduca amando adspexerunt, aliosque et me ad talia inclinare laboraverunt. *Susceperunt me*, quando peccavi, et servitute ac vinculis vitiorum ligaverunt me, ne statim redirem ad te Creatorem ac Judicem meum. *Susceperunt*, inquam, me *sicut leo paratus ad prædam*, quia statim sub suo dominio redegerunt me, et spiritualiter devoraverunt ac interfecerunt me ; *et sicut catulus leonis habitans in abditiis*, hoc est in locis occultis. Unde Petrus : Adversarius, inquit, vester diabolus tanquam leo rugiens circuit, quærens quem devoret.

40

41

42

Exsurge, Domine, ad adjuvandum me ; *præveni eum*, id est, antequam adversarius meæ salutis noceat animæ meæ, tu adesto, gratiam tribue, victoriam præsta ; *et supplanta eum*, ut tua ope ei, scilicet diabolo, mundo et omni peccato prævaleam. *Eripe animam meam ab impio*, id est ab omni inimico prædicto. *Frameam tuam*, id est potestatem persequendi, nocendi, fallendi, inimicis a te collatam : nam omnis potestas a Deo est, etiam illa qua impii abutuntur : hanc frameam eripe *ab inimicis manus tuæ*, id est, a dæ-

1 Petr. v, 8.

43

Rom. xiii, 1.

44

mone, mundo et carne, qui adversari nuntur potentiae tuae, ne mihi praevalcant publice, neque fallant occulte. Dæmones quoque potestate sibi concessa uti non possunt pro libitu suo, sed quantum permittuntur a Deo, qui eos per angelos sanctos coercet, ne quantum volunt et possent, hominibus noceant. Orat ergo fidelis pro coercitione potestatis diaboli, dum ait : Frameam tuam, etc.

Domine, a paucis de terra, id est ab electis qui sunt de terra formati quantum ad corpus, *divide eos*, scilicet inimicos praedictos, separando eos a justis, *in vita eorum*, id est nunc per iudicium discretionis, et postea per iudicium retributionis. Vel sic : Domine, a paucis divide eos de terra, id est, separa eos de militanti Ecclesia, quae modo peregrinatur in terra : separa, inquit, inimicos et reprobos a paucis, id est electis, in vita ipsorum, scilicet inimicorum, id est nunc. Nunc enim separat Deus malos a bonis voto ac merito ; postea autem separabit eos loco et praemio, quando ibunt hi quidem in vitam aeternam, hi autem in ignem aeternum.

Matth. xxv,
46.

De absconditis tuis, id est de peccatis tibi per approbationem ignotis, *adimpletus est venter eorum*, id est immundus appetitus eorum, in quo velut in stomacho ventris congregantur spurcitiae vitiorum, foetores concupiscentiarum, ac superfluitates universorum malorum : propter quod etiam tibi odibiles sunt, et foetidi, vani atque miserrimi reputantur a te. *Saturati sunt filiiis*, quia multos et innumerabiles filios genuerunt per imitationem peccati. Quot enim filios habet daemon ille nequissimus, qui est rex super omnes filios superbiae ? Denique stultorum, qui aeternae Sapientiae, scilicet Christo, non acquiescunt, infinitus est numerus : et hi omnes sunt filii, scilicet diaboli, carnis, et mundi : propter quod saturati dicuntur filiis. Vel, sicut expositum est, Saturati sunt filiiis, id est malis operibus quae gignuntur ex vitiosis habitibus intus latentibus, de quibus praedixit, De absconditis tuis adim-

Job xli, 25.

Eccle. i, 15.

pletus est venter eorum. *Et dimiserunt reliquias suas parvulis suis*, id est, quos diaboli et homines saeculares per se ipsos decipere nequeunt, hos relinquunt posteris suis decipiendos. Vel, Dimiserunt reliquias suas, id est malas suarum perversitatum memorias et mala exempla, et cetera quae ex vitiis consequuntur, parvulis suis, id est filiis paterna peccata sectantibus.

Ego autem, qui per gratiam tuam, o Domine, ad istorum sortem non pertineo, sed tibi ferventer ministro, *in justitia*, quam feci, *apparebo conspectui tuo*, quum fuero tribunali tuo praesentatus : opera namque singulorum sequuntur illos. Et, ut ait Apostolus, Omnes nos manifestari oportet ante tribunal Christi. *Satiabor*, id est, omni bono replebor, et tanta felicitate ditabor, ut nil amplius cupere possim, *quum apparuerit gloria tua*, id est, quum manifestaveris te ipsum mihi sicuti es, ut videam te per speciem, qui te jam cerno per fidem. Nil enim satiare potest rationalem appetitum, nisi bonum infinitum ; nec aliquid implere potest intellectum, nisi veritas aeterna. Tunc ergo satiabitur desiderium iusti, quum divinae veritatis claram visionem, atque divinae immensae bonitatis beatificam fruitionem adeptus fuerit. Nihilo minus, animae Beatorum in patria exspectant et optant gloriam corporis et resurrectionem futuram : quomodo ergo nunc satiantur ? Satiantur utique nunc quantum ad praemium essenziale, quod est visio Dei : quia tam clare Deum vident, tamque suaviter eo fruuntur ut desiderant. Post diem autem iudicii satiabuntur etiam quantum ad praemium accidentale : quod tamen tam modicum est comparatione praemii essentialis, ut quasi pro nihilo reputari possit. Et ideo nunc quoque dici potest, quod omnes Beati in patria, satiati sunt omni bono. Nam teste Philosopho, Quod modicum est, pro nihilo reputatur.

15

Apoc. xiv,
13.

II Cor. v, 10.

I Joann. iii,
2.

Physic. ii,
c. 3 in fine.

O quanta est virtus hujus psalmi ! O quam ignitae ac fervidae orationes conti-

nentur in ipso, quarum ardor dulciter sapienter ei qui psalmum hunc pura mente decantat! Specialiter vero tres illi versus, videlicet, Mirifica misericordias tuas, cum duobus sequentibus, igne Spiritus Sancti et omni sancto affectu plenissimi sunt: quorum primus maxime competit incipientibus, secundus proficientibus, tertius autem perfectis. Quoties ergo, o frater, miseriis tuis opprimeris, quoties tentationibus fatigaris, quoties vitiorum stimulis agitaris, clama ad Dominum: Mirifica misericordias tuas in me, qui salvos facis sperantes in te. Studeamus igitur semper,

et praesertim tempore orationis animam nostram taliter inutilibus phantasmatibus denudare, ut possimus hunc psalmum intente ac saporose cantare, orationumque ipsius effectum copiose sortiri.

PRECATIO.

Mirifica, Deus, misericordias tuas, ut sub umbra alarum tuarum nos protegas, ut pupillam oculi custodias: quo perfectis gressibus nostris in semitis tuis, in justitia tibi appareamus, et satiemur quum apparuerit gloria tua.

ARTICULUS XLII

EXPOSITIO PSALMI SEPTIMIDECIMI: DILIGAM TE, DOMINE, ETC.

1 PSALMI hujus iste est titulus: *In finem, puero Domini David, qui locutus est Domino verba cantici hujus, in die qua eripuit eum Dominus de manu inimicorum suorum et de manu Saul.* In libris Regum et Paralipomenon scriptum est, quemadmodum David post diversas victorias sibi divinitus concessas, atque post mortem Saul cantaverit Domino psalmum istum pro gratiarum actione beneficiorum Dei. Unde qui psalmum hunc ad litteram de David exponere vellet, expositione tituli parum indigeret, quia sic titulus planus esset. Sed quia hic psalmus de Christo toto, id est de ipso Christo et corpore mystico, quod est Ecclesia, quæ comprehendit omnes electos ab Adam usque ad finem mundi, potius exponendus est; ideo titulus declarandus est. Est igitur sensus tituli: *Verba cantici hujus* dirigentis nos *in finem*, videlicet Christum, conveniunt *David puero Domini*, id est Christo Filio Dei: quæ verba Christus *locutus est Domino*, id est ad gloriam Patris pro se ac suis fidelibus, *in die qua eripuit eum Do-*

minus de manu inimicorum suorum, hoc est in die resurrectionis, quando surrexit a mortuis, liber a potestate Judæorum, et quando Ecclesiam liberavit a captivitate diaboli, *et de manu Saul*, id est de potestate mortis. Nam Christus resurgens ex mortuis, jam non moritur. Rom. vi, 9.

2 PRO hac itaque spirituali liberatione, Christus Deo gratias agens, dicit: *(I) Diligam te, Domine.* Et convenit principium hujus psalmi Christo homini, atque Ecclesiæ, imo cuilibet vere fideli. Ait ergo: *Diligam te, Domine*, id est, semper amabo te, tum propter immensam tuam bonitatem, propter quam sine mensura amabilis es, tum propter beneficia tua mihi collata, tum propter promissa tua mihi parata. Amor quippe est primum et maximum donum, et in ipso omnia dona gratuita dantur. Idcirco non possumus Deo pro beneficiis suis, imo nec alicui benefactori aliquid majus aut dignius rependere, nisi amorem. Christus autem ut Deus, diligit Patrem amore simpliciter infinito; sed

ut homo, diligit Deum majori dilectione quam omnes simul electi. Unusquisque vero nostrum tanto ardentius tenetur Deum diligere, quanto plura beneficia ab ipso receperit. Potest quoque verbum istud per modum orationis intelligi, ut sit sensus : Diligam te, Domine, id est, da ut amem te, Domine. *Fortitudo mea*, id est causa totius fortitudinis meæ, sine quo nihil possum. *Dominus est firmamentum meum*, id est stabilimentum meum, et causa stabilitatis meæ. Nam Christus in omni passione constans et solidus mansit, nec in aliquo actus rationis vel operationes virtutum impediabantur aut turbabantur in ipso : quod valde supernaturale fuit. *Et refugium meum*. Nam Christus, passione instante, ad Patrem confugit, dicens : Mi Pater, si fieri potest, transeat a me calix iste. *Et liberator meus*, de tentatore diabolo, et de persecutione Judæorum, qui me frequenter occidere conabantur, quando nondum venit hora mea : vel. *Liberator meus*, quia resuscitavit me ad impassibilem vitam.

2 *Deus meus est adiutor meus*, in quantum homo sum. Christus enim miracula fecit, non humana aut naturali, sed divina virtute. *Et sperabo in eum*, id est, expectabo omne bonum ab eo quod nondum habeo. Quomodo autem Christo conveniat sperare in Deum, frequenter dictum est. (5) *Protector meus*, id est, Deus est defensor humanitatis meæ, defendens eam ab omni malo culpæ; *et cornu*, id est excelsa et eminens causa, *salutis meæ*, id est felicitatis tam corporis, quam animæ meæ, beatificando me in anima statim, quando creavit eam ; et in corpore, quando a mortuis suscitavit me ; *et susceptor meus*, id est, Deus Dei Filius, ad suam personalem subsistentiam assumpsit humanitatem meam.

4 (6) *Laudans invocabo Dominum*. Frequenter in Evangelio legitur Christus Patrem cum laude et gratiarum actione invocasse, ut apud Joannem : Gratias, inquit, ago tibi, Pater, quoniam audisti me. *Et ab inimicis meis*, puta Judæis, *salvus ero*, per

A resurrectionem a mortuis. Nam et Christus orando meruit ut tam cito resurgeret, quamvis ex aliis causis debebatur ei resurrectio festinata, præsertim propter unionem suæ humanitatis cum Verbo.

5) *Circumdederunt me dolores mortis*, id est pænæ atque tristitiæ mortis : quia in Evangelio dicitur, Cœpit Jesus pavere, tædere et contristari. In cruce autem circumdederunt eum dolores mortem inferentes, quando undique penis repletus, dixit, Consummatum est ; et inclinato capite, tradidit spiritum. *Et torrentes iniquitatis*, id est abundanter multæ iniquitates, scilicet persecutiones injustæ mihi a Judæis illatæ tempore passionis, *conturbaverunt me*, id est, inferiorem animæ partem ac corporalem naturam a naturali sua dispositione immutaverunt, propter acerbicatem pænæ inflictæ : non tamen turbaverunt vel deordinaverunt actum rationis in Christo. Est autem quædam conturbatio bona et sponte assumpta, de qua Joannes ait, quod Jesus conturbavit se ipsum, et infremuit spiritu, et flevit.

6 *Dolores inferni*, id est dolores venientes ex consideratione damnationis hominum in inferno, *circumdederunt me*. Nam dum Christus pendens in cruce dixit, Sitio, significavit se hominum liberationem siti-
re : et eadem hora vehementissimo cordis torquebatur dolore, quoniam consideravit passionem suam tam multis non debere prodesse, sed eos in infernum propter ingratitude suam debere descendere. Ideo ait : Dolores inferni circumdederunt me, id est, animam meam invaserunt. *Præocupaverunt*, id est prævenerunt, *me laquei mortis*, id est deceptiones ad mortem ducentes : non quod Christo aliquid ex improvise contigerit, aut aliquis eum decipere quiverit ; sed quia infideles Judæi putabant eum nescire consilia, quibus tractabant quomodo eum dolo tenerent et occiderent, ac nescientem, ne fugeret, anticiparent. Est enim mos Scripturarum, aliquid enarrare prout est in opinione multorum.

5

Marc. xiv, 33; Matth. xxvi, 37.

Joann. xix, 30.

Ibid. xi, 33, 35.

6

Ibid. xix, 28.

Matth. xxvi, 4.

3

Matth. xxvi, 39.

Joann. vii, 30; viii, 20.

4

Ibid. xi, 41.

7 (7) *In tribulatione mea*, scilicet passione instante, *invocavi Dominum* : quia, ut scriptum est, Procidens Jesus in faciem suam, prolixius oravit, et factus est sudor ejus sicut guttæ sanguinis decurrentis in terram : *et ad Deum meum clamavi* : quoniam teste Apostolo, Christus cum clamore valido et lacrimis exoravit. (8) *Et exaudivit Dominus de templo sancto suo*, hoc est de summo cælo, vel de corde meo, in quo sicut in electissimo templo habitavit non solum per gratiam, sed etiam per suppositalem unionem, intelligendo per cor ipsam animam, *vocem meam*, id est orationem quam fudi ; *et clamor meus*, id est fervens cordis mei affectus, *in conspectu ejus*, id est coram eo, *introivit in aures ejus*, hoc est, placuit auribus misericordiæ suæ, ut exaudiret eum.

8 9 *Commota est et contremuit terra*. Hoc ad litteram in Christo in cruce suspensio impletum est, quia tunc terra mota est. Similiter in die resurrectionis, angelo ad sepulcrum Christi descendente, terræ motus factus est magnus. *Fundamenta montium conturbata sunt et commota sunt* : quoniam tempore passionis, Terra sancta quæ fertur esse montuosa, tam valde mota est, ut etiam petrae scinderentur, prout Evangelista testatur ; *quoniam iratus est eis*, scilicet Dominus : id est, Dominus iram suam, qua hominibus Filium suum dilectum occidentibus irascebatur, ostendit in elementis, turbando atque movendo inanimata : ut vel sic rationales creaturæ errorem suum adverterent, dum inanimata suspensio in cruce sic condolere conspicerent.

Vel sic, et melius : *Commota est*, per admirationem, *et contremuit*, per timorem, *terra*, id est habitantes in terra, videlicet Judæi et gentiles, præsertim in Terra sancta, quando videbant, Christo moriente, solem supernaturaliter eclipsari, terram moveri, et Jesum alta voce clamantem exspirare. Unde in Evangelio scriptum est : Centurio autem et qui cum ipso erant, videntes quæ fiebant et quia sic clamans ex-

spirasset, timuerunt valde. Et glorificavit Deum Centurio, et ait : Vere Filius Dei erat iste ; hic homo justus erat. Et omnis multitudo eorum qui aderant ad spectaculum istud, et videbant quæ fiebant, percutientes pectora sua, revertebantur. *Fundamenta montium*, id est capitanei superborum, videlicet principes sacerdotum, Pilatus et Herodes, *conturbata sunt et commota sunt* : quia visis prædictis mirabilibus, utique ad tempus perterriti erant, maxime principes sacerdotum, quando videbant velum templi scissum, et custodes sepulcri referre quæ facta erant ad monumentum per angelum ; potissimum quoque, quando mortui illi qui simul cum Christo surrexerunt, eis (ut creditur) apparuerunt. Ideo autem turbati et commoti sunt, *quoniam iratus est eis*, scilicet Dominus. Ira Dei, est vindicta divinæ justitiæ. Hæc vero vindicta, quantum ad impœnites, hic incipit, et in futuro æternaliter perseverat. Prædicta autem fiebant a Deo in ultionem peccati eorum qui Christum interfecerunt, quantum ad eos qui non pœnituerunt : quia ex hoc quod his visis non sunt conversi, gravius sunt damnati. Idcirco, quoniam iratus est eis Dominus, derelinquendo eos justissime, ob id conturbati sunt et commoti sunt, non ad pœnitentiam et fidem, sed ad admirationem et obstinationem. Vel, *Fundamenta montium*, id est magistri philosophorum, conturbata sunt et commota sunt, hoc est, admirati et obstupefacti sunt, Christo patiente, propter mirabilissimam solis eclipsim dicentes : Vel Deus naturæ patitur, aut astra mentiuntur, aut machina mundi peribit. De qua re in epistola ad Polycarpum scribit Dionysius.

Consequenter describitur pœna persequentium Christum, videlicet obstinatorum Judæorum, qui propter ista et mirabilia per Apostolos et Stephanum aliosque primitivæ Ecclesiæ Sanctos facta, non sunt conversi, dum subditur : (10) *Ascendit fumus*, hoc est vapor incendii quo Titus combussit Jerusalem ac reliquas urbes vicinas, *in ira ejus*, id est in ultione qua Deus Pa-

Luc. xxiii. 47, 48.

Matth. xxviii. 11.

Ibid. xxviii. 52, 53.

ter vindicavit injuriam a Judæis Christo A
illatam; *et ignis prædictæ combustionis,*
a facie ejus, hoc est a conspectu divinæ
justitiæ omnia justissime judicantis, *exar-*
sit, cuncta velociter devorando. *Carbones,*
id est perversi Judæi, tenebris infidelita-
tis obscuro et vitiis nigri, *succensi sunt ab*
eo, scilicet Deo, in combustione eorum.
Vel, *Carbones,* id est materia combustibilis,
succensi sunt ab eo, quia Deo ordinante
et instigante, principes Romani succende-
runt habitacula Judæorum.

10 11 *Inclinavit cælos* ipse Christus, id est B
habitantem in cælo, videlicet semetipsum,
descendens a regalibus sedibus in uterum
dulcissimæ Virginis: exinanivit namque
se ipsum, formam servi accipiens; *et de-*
scendit in inferiores partes terræ, secun-
dum Apostolum. *Et caligo,* hoc est omnis
obscuritas tenebrarum ac vitiorum, *sub pe-*
didibus ejus, id est longe ab eo: quoniam ip-
se est lux vera, et tenebræ non sunt in eo
ullæ, secundum Joannem. Vel, *Caligo,* id
est diabolus corda hominum obscurans,
sub pedibus ejus: quia Christus diabolum C
conculcavit et penitus vicit. Unde Joan-
nes in prima sua Canonica: In hoc, in-
quit, apparuit Filius Dei, ut destrueret ope-
ra diaboli.

11 12 *Et ascendit,* scilicet Christus, *super*
Cherubim, hoc est supra ordinem illum
angelicum in die ascensionis, *et volavit*
usque ad dexteram Patris. Vel, *Super Che-*
rubim, id est supra omnem plenitudinem
creatæ scientiæ, quoniam Christus trans-
cendit omnem capacitatem intellectuum
creatorum. *Volavit super pennas vento-*
rum, hoc est super omnem speculationem
rationalium animarum. Contemplatio nem-
pe est penna animæ; et anima ventus vo-
catur, juxta Isaiam: *Flatus ego faciam,* hoc
est animas. Anima namque instar venti
velociter mobilis est.

12 15 *Et posuit tenebras,* hoc est incompre-
hensibilem propriæ lucis plenitudinem,
latibulum suum, hoc est occultam habi-
tationem suam. Nam Deus propter im-
mensitatem suæ perfectionis ac lucis latet

nos. Unde secundum Apostolum, lucem 1 Tim. vi,
habitat inaccessibilem; et secundum sa- 16.
cratissimum principem theologorum Dio-
nysium in epistola ad Caium monachum,
Invisibilis plenitudo divini luminis appel-
latur divina caligo seu tenebræ Dei. Hanc
ergo caliginem seu tenebras istas ponit
Deus latibulum suum, quia propter eas
incomprehensibilis est. Propterea Diony-
sius: Divinæ, ait, tenebræ cooperiuntur
omni lumini, et absconduntur omni visi-
oni, propter incircumscribibilem et su-
perplenissimam proprii splendoris clari-
tatem. Vel, *Posuit tenebras,* id est formas
sacramentales, *latibulum suum,* quia sub
illis in Sacramento altaris Christus inef-
fabiliter occultatur; vel, *Tenebras,* hoc
est carnem mortalem quam assumpsit,
quoniam divinitas in ea mirabiliter latuit.
In circuitu ejus, hoc est in his qui undi-
que ad eum accedunt, scilicet in omnibus
sanctis in cælo et in terra, *tabernacu-*
lum ejus, quia in illis habitat Deus, qui
ad eum accedunt: et in sanctis terrenis
est tabernaculum ejus, quod vocatur Ec-
clesia militans; in sanctis vero cœlesti-
bus est tabernaculum ejus, quod dicitur
triumphans Ecclesia.

Tenebrosa aqua, hoc est obscura scien-
tia, est in nubibus aeris, hoc est in san-
ctis Prophetis atque Apostolis: de quibus
Isaias dicit, Qui sunt isti qui ut nubes vo-
lant? Omnis enim cognitio viatorum ob-
scura est, prout testatur Apostolus: Co-
gnoscimus, inquit, nunc per speculum
in ænigmate; et, Nunc cognosco ex parte.
Dicuntur autem Apostoli atque Prophetæ
nubes aeris, quia præ ceteris hominibus
divinæ lucis illustrationes prius copio-
siusque receperunt, et per contemplatio-
nem altius volaverunt. Dicuntur autem nu-
bes aeris, ad differentiam angelorum qui
nuncupantur nubes cœli, secundum Dio-
nysium ultimo Cœlestis hierarchiæ ca-
pitulo. Non autem tam alte volaverunt,
quamdiu in terris peregrini et hospites
erant, sicut angeli sancti, qui recipiunt
illuminationes divinas receptione prima,

Is. lx, 8.

1 Cor. xiii,
12.

Is. lvii, 16.

clara ac immediata : homines vero recipiunt eas receptione secunda, symbolica ac mediata, quia per angelos deferuntur ad eos, secundum Theologum.

Potest autem verbum istud Psalmistæ specialiter referri ad Apostolos ante Christi passionem, quando propter suam ruditatem a Christo meruerunt audire : Adhuc et vos sine intellectu estis? Et etiam ante Christi ascensionem, quoniam Joannes de se ipso dicit pro tempore illo, quod nondum sciebat Scripturas, scilicet quod oportet Christum a morte resurgere, quum tamen Christus ante passionem suam hoc frequenter et clare prædixerit. Ex quo ostenditur, quod Apostoli mirabiliter simplices erant usque ad missionem Spiritus Sancti : in quo utique fides christiana immobiliter confortabatur, videlicet quod per homines paucos tam rudes ac simplices idololatria extirpata est, et fides tam supernaturalis per totum mundum diffusa. Hoc enim esse non potuit, nisi quod post Christi passionem supernaturaliter illuminati ac docti fuerunt, quemadmodum Christus ante passionem eis promisit.

- 14) *Præ fulgore*, hoc est præ claritate doctrinæ, et propter illuminationem Christi, quam ipse Apostolis tradidit, *in conspectu ejus*, id est in beneplacito et in præsentia pii respectus Domini Salvatoris, *nubes*, hoc est sancti Apostoli, *transierunt* in universum mundum prædicare Evangelium omni creaturæ. Tanquam dicat : Præ claritate sapientiæ, et propter illuminationem præfulgidam, quam Christus Apostolis in die Pentecostes infudit, ipsi Apostoli transierunt in conspectu Domini cuncta cernentis ; et exierunt audaces atque securi, qui ante propter metum Judæorum clausi consederant in conclavi. Est enim consuetudo Scripturæ, ut aliquid dicatur fieri coram Domino vel in conspectu Domini, quando placet Domino : sicut dicitur, quod Jesse genuit David, qui ambulavit coram Domino. Sic ergo Apostoli transierunt in conspectu Domini, quia placuit Domino transitus ille. Vel sic : Præ fulgore in conspectu

A ejus nubes transierunt, quoniam Christus adhuc inter discipulos in mundo conversans, misit illos binos et binos ante se in omnem locum quo ipse erat venturus. *Luc. x, 1.*
Vel sic et bene : *Præ fulgore*, id est propter excellentiam perfectionis, claritatis ac sapientiæ Christi, *in conspectu ejus*, id est in comparatione ipsius, *nubes*, id est omnes Sancti, *transierunt*, id est defecerunt, et quodammodo evanuerunt : quoniam quantumcumque sancti ac docti fuerunt, tamen comparatione Christi quasi nihil fuerunt, in tantum ut de maximo illo gigante Joanne Baptista Evangelista affirmet, Non erat ille lux. Unde Origenes ait, quod Petrus et Paulus per comparationem ad Christum sunt tenebræ. Potest quoque quod dicitur, *Præ fulgore*, esse una dictio, ut sit sensus : Præfulgoræ, id est præfulgidæ, nubes in conspectu ejus, etc. ; sed convenientius puto, ut duæ dictiones dicantur.

Itaque, *Præ fulgore* in conspectu ejus nubes transierunt, id est Apostoli, qui non solum sunt nubes, sed etiam *grando*, dura tormenta impiis comminando, falsitati fortiter resistendo, atque audientium corda per increpationem feriendo ; et ipsi sunt *carbones ignis*, mundum illuminando, et mentes credentium divino amore accendendo ; vel, *Carbones ignis*, id est igne tribulationum exusti, tanquam carbones igniti.

- 15) *Et intonuit de cælo Dominus*, scilicet Christus in die Pentecostes, quando factus est repente de cælo sonus tanquam advenientis spiritus vehementis, seditque Spiritus Sanctus super singulos eorum ; et *Altissimus*, id est Christus, *dedit vocem suam*, quia illo die implevit quod paulo ante Apostolis spondit : Ego dabo vobis os et sapientiam, cui non poterunt resistere et contradicere omnes adversarii vestri. Tunc ergo dedit vocem suam, quando loquebatur per eos, sicut prædixit : Non vos estis qui loquimini, sed Spiritus Patris vestri, qui loquitur in vobis. Vox enim Dei est sacra Scriptura : et quoniam Scriptura

Matth. xv, 16.

Joann. xx, 9.

Matth. xvi, 21 ; xvii, 9, 22 ; xv, 19 ; xxvi, 32 ; xxvii, 63.

Marc. xvi, 15.

Act. ii, 4.

Joann. xx, 19.

Joann. i, 8.

14

Act. ii, 2, 3.

Luc. xxi, 15.

Matth. x, 20.

rarum notitiam dedit discipulis, ideo dedit A vocem suam. Vel, Altissimus dedit vocem suam, nam Christus post resurrectionem præsentialiter loquebatur Apostolis : cuius vox est *grando et carbones ignis*, propter causas prædictas.

15 16 *Et misit*, scilicet Christus, *sagittas suas*, id est verba sua acutissima, per os

Hebr. iv. 12. Apostolorum loquendo. Vivus est enim sermo Dei, et acutior omni gladio ancipiti,

pertingens usque ad divisionem animæ et spiritus. *Et dissipavit eos*, separando electos a reprobis, fideles ab infidelibus, bonos a malis : sicut in die Pentecostes,

Act. ii. 41. Petro loquente verba acuta ac ignea, tria millia Judæorum conversa sunt, aliis iridentibus. *Fulgura*, hoc est signa præclara, ac magna miracula, *multiplicavit*,

per fideles et sanctos suos, quemadmodum eis prædixit : Qui credit in me, opera quæ ego facio, et ipse faciet, et majora his faciet ; *et conturbavit eos*, scilicet auditores et inspectores, quosdam ad pœnitentiam, quosdam ad admirationem, quosdam vero ad timorem.

16 17 *Et apparuerunt*, per Christi illuminationem et Apostolorum prædicationem, *fontes aquarum*, id est rivi sapientiæ salientes in vitam æternam. Hi fontes, id est

Ibid. iv. 14. sacræ doctrinæ, apparuerunt, id est, manifestatæ sunt cordibus hominum, prout

Ibid. vii. 38. Salvator disseruit : Qui credit in me, flumina de ventre ejus fluent aquæ vivæ. *Et revelata sunt fundamenta orbis terrarum* :

hoc est, sancti Prophetæ qui sunt fundamenta orbis terrarum, id est militantis Ecclesiæ per totum orbem diffusæ, intellecti et veraces inventi sunt per Christum et ejus discipulos. Nam ante Christi adventum verba Prophetarum obscura erant, sed per illuminationem Spiritus Sancti Apostolis missi, clarissime intellecta sunt et gentibus explanata. Christus quoque in se ipso manifestavit veritatem Prophetarum, implendo in se quod illi de ipso vaticinati fuerunt. Propter quod Joannes ait : Lex per Moysen data est, gratia et veritas per Jesum Christum facta est.

Ibid. i. 17.

Hæc autem peracta sunt 18 *Ab inspiratione tua, Domine*, qua per te ipsum et per sanctos prædicatores increpasti homines, quatenus pœniterent, sique ad recipiendum prædictas apparitiones ac revelationes sacræ Scripturæ idonei fierent. Et facta sunt hæc *ab inspiratione spiritus iræ tuæ*, id est ab instinctu Spiritus Sancti, corda peccatorum interius perterrentis. Spiritus enim Sanctus primo salubriter irascitur electis in præsentī, puniendo eos pœna temporali per pœnitentiam, ne irascatur eis in futuro, puniendo eos pœna æterna per condemnationem. Deinde Spiritus Sanctus mentibus pœnitentium consolationem infundit, veritatem ostendit, et eas lumine implet, ita ut eis appareant fontes aquarum. Primo siquidem purgat, secundo illuminat, tertio perficit.

Deinde Christus voce naturæ assumptæ loquens ad Patrem, ait : (19) *Misit*, scilicet Deus Pater, *de summo*, id est de sinu suo, Verbum suum æternum ; *et Verbum ejus accepit me*, uniendo suæ personalitati divi-

C *vinæ et increatæ meam humanitatem* ; et Deus Pater *assumpsit me de aquis multis*, hoc est, de variis tribulationibus sublevavit me in die resurrectionis et ascensionis, quando ab omni passibilitate et iniquorum cohabitatione assumpsit me ad se. 20 *Eripuit me de inimicis meis fortissimis*, hoc

est a principibus sacerdotum, *et ab his qui oderunt me*, id est a ceteris persecutoribus meis ; *quoniam confortati sunt super me*, hoc est, quia permissi sunt ad tempus prævalere contra naturam meam passibilem, quam afflixerunt et occiderunt.

21 *Prævenērunt me multis accusationibus et fallacibus interrogationibus*, ut haberent causam mortis contra me, *in die afflictionis meæ*, scilicet in die passionis ; *et factus est Dominus protector meus*, ne animæ meæ nocerent.

22 *Et eduxit me de angusto sepulcro, in latitudinem paradisi* ; vel, Eduxit me de angustiis mortis, in latitudinem gaudiorum. *Salvum me fecit a morte per resurrectionem, quoniam voluit me*, id est, quia

17

18

19

20

Matth. III,
17; XVII, 5.
21

dilexit me. Hic est (inquit) Filius meus carissimus, in quo mihi complacui. (25) *Et retribuet mihi Dominus* accidentale præmium, in quo proficere potui : utpote resurrectionem festinatam, corporis glorificationem, ascensionem beatam ; *secundum justitiam meam*, id est secundum exigentiam meritorum meorum. Deus enim cui libet tribuit secundum quod meruit. *Et secundum puritatem manuum mearum*, hoc est secundum perfectionem operationum mearum, *retribuet mihi*, in die resurrectionis meæ : sicut modo impletum est.

22 (24) *Quia custodivi vias Domini*, id est, omnes actus virtutum, præsertim dilectionem Dei et proximi, adimplevi ; *nec impiegessi*, contra legem divinam agendo, aut recedendo a Deo meo. Et ideo non recessi

23 ab eo, (25) *quoniam omnia judicia ejus*, hoc est omne quod ipse dictat esse vel bonum vel malum, *in conspectu meo*, id est in consideratione animæ meæ sunt, ut ea observet ; *et justitias ejus*, hoc est observantias mandatorum suorum, *non repuli a me*, per inobedientiam, negligentiam vel contemptum. Unde Christus in Evangelio

Joann. XIV,
31.

ait : Sicut præceptum dedit mihi Pater,

A sic facio. Et rursus : Quæ placita sunt ei, facio semper. Joann. VIII,
20.

Quoniam ergo tam juste vixi, ideo (26) *Et ero immaculatus* ab omni peccato, *cum eo*, id est ipsi firmiter adhærendo ; vel, Cum eo, id est, sicut ipse immaculatus est : juxta quod scriptum est, Sancti eritis, sicut et ego sanctus sum Dominus Deus vester. *Et observabo me ab iniquitate mea.* Lev. XI, 45;
XIX, 2; XX,
26.

Christus iniquitatem non fecit nec habuit : quomodo ergo ait, Et observabo me ab iniquitate mea ? Nisi sic exponatur, Obser-

B vabo me ab iniquitate, quam habere potuissem, nisi me Dominus præservasset. Si enim a Christo homine gratiam tollas, non est in quo ab aliis differat, secundum Augustinum. (27) *Et retribuet mihi Dominus secundum justitiam meam*, in die extre-

mi judicii, quando merito passionis meæ beatificabit omnes electos : de quorum beatificatione aliquid mihi accidentaliter præmii adjungetur, quia congratulabor sponsæ meæ quæ est Ecclesia electorum. 25

Et secundum puritatem manuum mearum, scilicet, quam habui, *in conspectu oculorum ejus*, id est coram eo omnia conspiciente, supple, restituet mihi.

ARTICULUS XLIII

PROSECUTIO EXPOSITIONIS EJUSDEM PSALMI SEPTIMIDECIMI DE CHRISTO.

26 (28) **C**UM sancto sanctus eris, et cum viro innocente innocens eris. Cum sancto, inquit, id est cum Christo, qui est Sanctus Sanctorum et naturaliter atque totaliter sanctus, sanctus eris, o quilibet homo fidelis, si ei constanter adhæseris, neque a vestigiis ejus recesseris ; et cum viro innocente, hoc est cum Christo, qui quantum in se est, nulli unquam nocuit, sed omnibus summe et maxime profuit, innocens eris, si ipsum fueris imitatus. (29) *Et cum electo*, id est cum Christo qui ratione

27

D naturæ assumptæ vocatur electus : quia secundum Apostolum, Ipse prædestinatus est Filius Dei in virtute secundum spiritum sanctificationis. Et in Isaia : Ecce, ait, puer meus quem elegi ; complacuit sibi in illo anima mea : quod de Christo ad litteram dici, sequentia verba ostendunt. Cum hoc ergo electo, si ipsi perseveranter servieris, *electus eris* : non quod aliquis de novo eligatur, quoniam omnes electi, ab æterno electi fuerunt ; sed, Electus eris, id est, beatitudinem electorum

Rom. I, 4.

Is. XLIII, 1.

consequeris. Secundum quem sensum ait Augustinus : Si non es prædestinatus, fac ut prædestineris, id est, si suspicaris te non esse prædestinatum, noli propterea ab opere bono cessare, sed sic vive, ut gloria prædestinatorum dignus habearis. *Et cum perverso*, id est cum eo qui Christum non sequitur, *perverteris*, si mores ejus sequaris.

28 Et hæc ideo vera esse constat : 50 *Quoniam tu*, o Domine, *populum humilem saluum facies*, in præsentī secum habitando per gratiam, et in futuro per gloriam, sicut in Evangelio dicis : Beati pauperes spiritu, id est humiles, quoniam ipsorum est regnum cœlorum. Et denuo :

Matth. v. 3.

Luc. xiv, 11; xviii, 14.

Qui se humiliat, exaltabitur; et qui se exaltat, humiliabitur. *Et oculos superborum*, id est, præsumptiones et æstimationes eorum qui magni sunt in oculis suis reprobabis, et ipsos superbos *humiliabis* usque ad profundum inferni. Omnibus quoque Sanctis ostendes, præsertim in die iudicii, quam abominabiles atque damnandi sint omnes superbi. Unde et scriptum est : Odibilis coram Deo et hominibus est superbia.

Ecclesi. x. 7.

29 51 *Quoniam tu illuminas lucernam meam*, id est rationem meam, quæ est directrix ac domina operationum mearum : nam ratio dirigit voluntatem et ceteras vires; Domine Jesu Christe, qui es lux vera, illuminans omnem hominem venientem in hunc mundum : et non solum illuminans me lumine naturali, sed etiam lumine gratiæ. Et quoniam sic est, o *Deus meus, illumina tenebras meas*, id est me tenebrosum, vel interiora mea : quæ propter magnam imperfectionem suam ac vitiorum caliginem, tenebræ nuncupantur, quemadmodum homines multum virtuosī ac eruditi, lumina appellantur. Itaque, Domine Christe, illumina tenebras meas, id est, expelle ab anima mea ignorantiae cæcitatem, passionum obtenebrationem, peccatorumque omnium maculam : quatenus illud mihi conveniat, Quum sedero in tenebris, Dominus lux mea est, et educet

Mich. vii, 8, 9.

A me Dominus in lucem, et videbo justitiam ejus.

52 *Quoniam*, o Domine, *in te*, id est tua virtute et gratia, *eripiar a tentatione*, id est ab omni impugnatione diaboli ac Judæorum me persequentium; et *in Deo meo*, id est, in virtute et adjutorio Dei mei, *transgrediar murum*, id est, vincam omne obstaculum quod me a Deo retrahere nititur. Vel ad litteram, Transgrediar murum : quoniam Christus resurrexit de clauis clausis, sicque pertransivit lapidem monumento superpositum ostiumque conclavis, quæ nomine muri intelligi possunt.

Matth. xxvii, 66; Joann. xx, 19, 26.

55 *Deus meus*, qui est Trinitas sancta ac simplex Divinitas, *impolluta via ejus*, id est immaculata lex per quam itur ad Deum : quemadmodum Salomon ait, Viæ Domini, viæ pulchræ, et omnes semitæ ejus pacifiæ; *eloquia Domini*, scilicet præcepta, consilia, testimonia, ac tota sacra Scriptura, *igne examinata*, id est claritate Spiritus Sancti purificata, atque tam pulchra ac si essent igne decocta; *protector est Dominus omnium sperantium in se*. Quod ideo verum est, 54 *Quoniam quis*

Prov. iii, 17.

Deus præter Dominum? id est, quis est verus Deus, potens in se sperantes salvare, et ab omni periculo defensare, præter Dominum, qui est universorum creator, provisor ac princeps? quasi dicat, Nullus. Aut quis est verus Deus præter Deum nostrum, id est Deum Christianorum? qui est unus in essentia, et trinus in Personis; qui in Deuteronomio ait : Videte quod ego sim solus, et non sit alius Deus præter me. Et rursus Moyses dicit : Non est Deus alius, ut Deus rectissimi; magnificentia ejus discurrunt nubes, habitaculum ejus sursum, et subter brachia sempiterna.

Deut. xxxii, 39. Ibid. xxxiii, 26, 27.

55 *Deus qui præcinxit me* Christum, secundum quod homo sum, *virtute*, id est omni fortitudine Spiritus Sancti, ad currendam viam, et ad exsequendum ac patiendum invictissime atque promptissime, quidquid ad humanæ redemptionis mysterium pertinet, et ad debellandum aerias

33

- potestates. Anima enim Christi omnibus A donis Spiritus Sancti, ac omni virtute perfecta plenissima fuit. *Et posuit immaculatam viam meam*, id est totam conversationem meam et operationem, quam in mundo deduxi. Nam Christus nullo unquam peccato maculatus est.
- 34 (56) *Qui perfecit pedes meos*, id est gressus et actus meos, *tanquam cervorum*: videlicet, ut velocissime et efficacissime operarer, ac paterer in mundo quidquid Patris voluntati complacuit; sicque sitirem hominum salutem in omni vita mea, B quemadmodum cervus cursu lassatus cupit aquarum fluentia. *Et super excelsa*, id est in cordibus hominum contemplativorum per spem in cœlis erectorum, *statuens me*, id est, faciens me per gratiam talium corda inhabitare, sicut ait Apostolus: Flecto genua mea ad Patrem Domini nostri Jesu Christi, ex quo omnis paternitas in cœlo et in terra nominatur, ut det vobis secundum divitias gloriæ suæ virtutem, corroborari per Spiritum ejus in interiori homine, Christum habitare per fidem in cordibus vestris. Vel, Super excelsa, id est super altitudinem omnium cœlorum, ad dexteram suam statuens me in die ascensionis. Vel, Super excelsa, id est, in vertice universarum virtutum statuens me, concreando animæ meæ omnes virtutes perfectas. (57) *Qui docet manus meas*, id est intellectum practicum et voluntatem, quæ sunt duæ principales potentiae operativæ, *ad praelium* contra diabolum et Judæos omnesque adversarios humanæ salutis.
- 35 Deinde Christus mutat personam, et ait ad Patrem: *Et posuisti ut arcum æreum brachia mea*, id est virtutes meas, quibus mundum atque diabolum vici. Quemadmodum enim arcus æreus fortiter vulnerat, sagittamque festinanter valde emittit, ita virtutes Christi mortem celerrime occiderunt, quemadmodum ait, Ero mors tua, o mors; diabolum vulneraverunt ac minuerunt, sicut per eundem testatur, Ero morsus tuus, inferne; atque operationes optimas, tanquam sagittas incessabiliter produxerunt. (58) *Et dedisti mihi*, o Pater, *protectionem salutis tuæ*, id est, protexisti me protectione salubri, per quam ego salvatus sum, quantum ad resurrectionem et gloriam corporis. Mundus vero per eam salvatus est a morte æterna, et beatificatus beatitudine mentis et corporis sempiterna, quam in die judicii plene consequentur electi. *Et dextera tua*, id est gratiosa tua præsentia ac felix, *suscepit me*, exaudiendo preces meas, et de omni malo sæculi hujus nequam ac generationis pessimæ eripiendo naturam quam assumpsisti.
- (59) *Et disciplina tua*, id est paterna ac pia castigatio tua, *correxit*, id est punivit, *me in finem*, id est usque ad consequendam vitam æternam electis. Correxit autem atque punivit me non propter propriam culpam, sed propter mundi tollenda peccata, quemadmodum scriptum est: Disciplina pacis nostræ super eum, cujus livore sanati sumus; ipse autem vulneratus C est propter peccata nostra. Unde Apostolus: Factus est, inquit, propter nos maledictum, ut nos de maledicto liberaret. *Et disciplina tua*, id est passio quam tu, Domine Pater, voluisti me subire, *ipsa me docebit* per experientiam compati, sicut testatur Apostolus: Debit, inquit, per omnia fratribus assimilari, ut misericors fieret. Et iterum: Non habemus, ait, pontificem qui non possit compati infirmitatibus nostris.
- (40) *Dilatasti*, id est, per caritatem latos, D copiosos ac multos fecisti, *gressus meos [subtus me]*, id est actus animæ meæ, quibus te honoravi, et mundum salvavi: quia a primo conceptionis maternæ instanti usque ad ultimum vitæ meæ momentum, nunquam cessavi ab actuali exercitio operis virtuosius; *et non sunt infirmata vestigia mea*, id est opera mea quæ sunt signa atque indicia internæ dilectionis atque dispositionis meæ: quia non egi segniter, nec desii ab opere cœpto, donec pendens in cruce, dixi, Consummatum est.

36

Is. lxxx, 5.

Galat. iii, 13.

Hebr. ii, 17.

Ibid. iv, 15.

37

Joann. xix, 30.

38

41 *Persequar inimicos meos*, id est diabolos, expellendo eos de cordibus peccatorum et templis idolorum. Unde in Evangelio leguntur clamasse ad Christum : Quid nobis et tibi, Jesu Nazarene? Venisti ante tempus torquere nos? Hæc autem persecutio est diabolo tanto pœnaliior, quanto invidia ejus contra homines est major. *Et comprehendam eos*, vincendo eos atque ligando; *et non convertar*, id est, non redibo neque cessabo a persecutione dæmonum, *donec deficient*, id est usque in diem judicii, quando penitus separabuntur ac damnabuntur. Nam quotidie Christus per angelos sanctos et homines virtuosos persequitur, cruciat, et vincit diabolos. 42 *Confringam illos*, hoc est voluntatem eorum qua nituntur electos seducere, *nec poterunt stare*, resistendo potentiae meae; sed cadent victi *subtus pedes meos*, id est, omnino opprimuntur ac supplantabuntur a me. Nam dæmones potestati Salvatoris prorsus subjecti sunt.

Vel sic : *Persequar inimicos meos*, hoc est Judæos incredulos per adventum principum Romanorum, propter quorum metum omnes confugerunt in Jerusalem; *et comprehendam eos*, id est, intra Jerusalem faciam eos capi, sicut factum est; *et non convertar* ab ira mea, *donec deficient*, hoc est, donec interficiantur, vendantur, vel dispergantur, et omni priori potestate, gloria et habitatione priventur. Sed *confringam illos*, propter obstinatam suam perfidiam; *nec poterunt stare* : sicut expositum est. Et hoc est quod Dominus ait :

Osee III, 4. Dies multos sedebunt filii Israel sine rege, et sine principe, et sine sacrificio, et sine altari, et sine ephod, et sine theraphim. Et in Daniele idem clare prædictum est :

Dan. ix, 26, 27. Post hebdomadas, inquit, sexaginta duas occidetur Christus, et non erit ejus populus qui eum negaturus est; et civitatem et sanctuarium dissipabit populus cum duce venturo; et finis ejus vastitas, et usque in finem perseverabit desolatio. Et quamvis omnia ista modo impleta sint, nihilo minus excæcatissimi Judæi in sua

A incredulitate perdurant, quatenus Prophetæ qui hanc prædixerunt, in hoc quoque inveniantur veraces.

45 *Et præcinxisti me virtute ad prælium* *. Hoc jam prædictum atque expositum est. *Et supplantasti*, id est dejecisti, *insurgentes in me*, hoc est persecutores meos, *subtus me*, id est sub potestate mea : quia eorum Christus constitutus est iudex, qui eum dijudicaverunt.

44 *Et inimicos meos dedisti mihi dorsum*, id est, fecisti eos tanquam victos fugere a me. Nam qui fugit ab aliquo, faciem suam ab eo avertit, et dorsum suum ad ipsum convertit : et ideo per Prophetam de peccatoribus Dominus ait, Vertentur ad me dorsum, et non faciem. Tunc ergo inimici Christi (id est increduli) facti sunt Christo dorsum, quando a facie Christianorum fugerunt : quod sæpe impletum est. Potestque in bono exponi, ut sit sensus : *Inimicos meos*, hoc est Judæos, qui me aliquando persequiebantur, *dedisti mihi dorsum*, id est, subjecisti mihi, ita ut

C tollerent jugum meum super se, et discederent a me quia mitis sum et humilis corde, ferrentque pondus diei et æstus super dorsum cordis et corporis sui : sicut de illis octo millibus a Petro conversis, et de Paulo qui supra modum (ut ipsemet dolens fatetur) persequabatur Ecclesiam, patet. De talibus enim Christus ante passionem Judæis dixit : Quum exaltaveritis Filium hominis, tunc cognoscetis quia ego sum. — Verumtamen primæ expositioni magis concordat quod sequitur : *et odientes me*, hoc est Judæos de quibus in Evangelio ait Salvator : Nunc autem oderunt et me et Patrem meum gratis. Hos ergo, Domine Pater, *disperdidisti*, in persecutione Titi, et postea per totum mundum, dando eos in captivitatem istam usque in finem sæculi duraturam. Vel, *Disperdidisti*, id est, diversis modis eos perdidisti, privando eos in præsentī gratia, et post hanc vitam gloria, ac aliis calamitatibus eos opprimendo, sicut nuncusque opprimuntur, quia nec principem, nec terram, nec

40

* bellum

41

Jer. II, 27;
xxxII, 33.Matth. XI,
29.

Ibid. xx, 12.

Act. II, 41;
IV, 4.
Galat. I, 13.Joann. VIII,
28.Ibid. xv, 24,
25.

hereditatem aliquam habent, sed inimicorum suorum dominio subjiuntur.

42 45 *Clamaverunt* prædicti Judæi, quando vastabantur a Tito : quia, ut Josephus refert, multas preces et hostias pro sua liberatione Domino obtulerunt; *nec erat qui salvos faceret* eos ab illis periculis.

Ps. LII, 6.

Quoto Christi anno auctor hæc scripserit.

quoniam Dominus sprexit eos. Ipsi tamen clamaverunt, non ad falsos deos, quemadmodum patres eorum sæpe fecerunt, sed *ad Dominum*, qui est verus Deus; *nec exaudivit eos*, eo quod Filium suum occidissent : imo usque in præsentem diem non audit eos, quum jam currat annus Domini millesimus quadringentesimus trigessimus quartus. Hoc autem esse non posset, nisi aliquo gravissimo peccato obnoxii essent, et tanto graviori peccatis patrum eorum, quanto ista eorum captivitas major et gravior atque prolixior est omni captivitate patrum suorum. Tale vero peccatum esse non potest, nisi occisio Christi. Unde convincuntur Christum interemisse : nam pro illo dumtaxat peccato sancti Prophetæ prædixerunt eos perpetuo desolandos, ut modo ostensum est, et plenius (si Dominus dederit) ostendetur.

43 46 *Et comminuum eos*, scilicet inimicos meos prædictos, *ut pulverem ante faciem venti*, privando eos omni esse spirituali, sicque spiritualiter moriuntur. In gladio quoque et fame eos corporaliter occidendo, atque in omnes mundi fines ipsos dispergendo, quemadmodum pulvis ante faciem venti, id est a præsentia venti, dispergentur. *Ut lutum platearum*, quod ad alium locum defertur, *delebo eos* a terra patrum suorum.

Deinceps Christus dicit ad Patrem :
44 47 *Eripies me de contradictionibus populi* Judæorum, qui Pilato dicenti, Regem vestrum crucifigam? dixerunt, Non habemus regem nisi Cæsarem. Ab hoc populo contradicente, Christus per resurrectionem ereptus est. *Constitues me*, o Pater, *in caput gentium*, id est in ducem et principem gentilium ad fidem catholicam conversorum, sicut per Isaiam dixisti : Ecce

Is. LV, 4.

A testem populis dedi eum, ducem ac præceptorem gentibus. Nam militantis Ecclesiæ ex gentibus præsertim collectæ, Christus est caput ac legislator.

Ephes. I, 22; v. 23, et alibi.

48 *Populus quem non cognovi*, id est gentiles quos tempore infidelitatis et vitiis suorum per approbationem non scivi, *servivit mihi* fideliter, postquam ad fidem conversus est; *in auditu auris*, id est prompte et statim quum verba mea audisset, *obedivit mihi*, implendo divina mandata. Hoc est quod Isaias ad Dominum

B clamat : Ecce gentem quam nesciebas, vocabis; et populi qui non cognoverunt te, ad te current. Vel sic : Populus quem non cognovi, id est peccatores reputati inter Judæos, quemadmodum publicani et Samaritani, servivit mihi : quoniam de illis dixit Christus, Non veni vocare justos, sed peccatores; et denuo, Venit Filius hominis quærere et salvum facere quod perierat. Ex quibus erant Matthæus, Zachæus, et Magdalena : qui etiam in auditu auris obedierunt Christo, prout Evangelistæ testantur.

Is. LV, 5.

49 *Filii alieni*, id est solo nomine filii, sicut Pharisei et Scribæ, incredulique Judæi : de quibus Christus asseruit, Filii regni ejicientur in tenebras exteriores; quibus etiam aperte dixit, Quia publicani et meretrices præcedent vos in regno cælorum : hi ergo filii *mentiti sunt mihi*, dicentes se regem Messiam expectare, et velle in eum credere, me vero regem Messiam et verum Christum in præsentia eorum positum abnegantes. Hi mentiti quoque sunt mihi, simulatoria ac adulatoria verba miscendo, quatenus fallerent me. Et *filii alieni inveterati sunt* in vitiis, et obdurati in malis : non enim audierunt illud, Novate vobis novale, et nolite serere super spinas; et *claudicaverunt a semitis suis*, id est, non recte ambulaverunt in præceptis Dei eis commissis.

Matth. IX, 13.
Luc. XIX, 10.

Ibid. v. 27, 28; XIX, 5-8; VII, 37 et seq.

Insuper de conversione gentilium ac ceteris beneficiis jam prædictis Christus homo gratias agens Deo, ait : (50) *Vivit Dominus* trinus ac simplex, qui est fons

46

Matth. XVI, 12.

Ibid. XXI, 31.

Jer. IV, 3.

47

vitaë, et naturaliter ipsa pura ac beatissima vita, totaliter et superessentialiter vivens. Itaque de immensa beatitudine vitaë Dei congratulans Christus, dicit : Vivit Dominus qui hæc omnia operatur ; et benedictus Deus meus, id est, in se ipso est sanctus, et omni laude dignus, omnisque benedictionis largitor, qui est Deus meus secundum formam servi quam accepi. *Et exaltetur Deus salutis meæ*, id est, ab omnibus cognoscatur, diligatur, ac honoretur cum omni reverentia et obedientia. Hoc enim ad veram pertinet caritatem Dei ac proximi, ut toto affectu optemus Deum ab omnibus exaltari, quum hoc sit honor Dei et nostra felicitas : quorum primum exigit caritas Dei, secundum vero caritas proximi.

48 *¶ Deus qui das vindictas*, id est prædictas justas ultiones atque victorias, *mihi, et subdis populos sub me*, dando eis fidem et gratiam, quibus convertuntur ad me, et mihi ministrant, *liberator meus de inimicis meis iracundis*, id est de Judæis furientibus contra me, quos dejecisti. (52) *Et ab insurgentibus in me exaltabis me*, id est ab infidelibus et tyrannis, et maxime ab Antichristo : de quo subditur, *a viro iniquo eripies me*, quoniam ipse est homo peccati, filius perditionis. Ab his, inquam, exaltabis me, destruendo pravitatem eorum, et ostendendo justitiam meam. Præcipue autem in die judicii exaltabis me ab his, quia tunc facies me justum exercere judicium de omnibus illis. Tuncque illud implebitur quod ait, Ad eum (scilicet Christum) venient, et confundentur omnes qui repugnant ei.

50 Et quia sic est, (53) *Propterea confitebor tibi in nationibus, Domine*, id est, per me ipsum et per Apostolos aliosque discipulos laudabo te coram gentibus et Judæis :

A quemadmodum modo impletum est ; et *nomini tuo*, id est tibi ipsi, *psalmum dicam*, id est, ore et opere te laudabilem profitebor. Et hoc merito faciam, quoniam ipse est (54) *Magnificans salutes*, id est magnam faciens felicitatem animæ et corporis, *regis ejus*, id est Christi Filii sui ; et *faciens misericordiam christo suo David*, id est Jesu Nazareno, cujus humanam naturam sola pietate assumi fecit a Verbo, omnique gratia implevit, ac tertia die resuscitavit. Solent autem sancti Prophetæ

B nomine David intelligere Christum, quemadmodum in Ezechiele Dominus ait : Salvabo gregem meum, et suscitabo super eum pastorem unum, qui pascat eum, David servum meum, id est Christum ; et servus meus David princeps eorum. Et Jeremias : Servient, inquit, David regi suo, id est Messiaë, secundum omnes expositores. Et non solum est Dominus faciens misericordiam christo suo David, sed et *semini ejus*, id est populo christiano, in Christo spiritualiter regenerato, *usque in*

C *sæculum*, id est in æternum. Unde propter magnitudinem misericordiæ Dei super populum christianum, tempus evangelicæ legis vocatum est tempus novæ legis, id est tempus gratiæ. Quod in Zacharia pulchre innuitur ubi habetur : Erit qui offenderit ex eis in die illa quasi David, et domus David quasi Dei, sicut angelus Domini in conspectu eorum : id est, sicut David post culpam suam magnam misericordiam consecutus est, sic qui offenderit ex eis, id est ex populo christiano, in die illa, id est

D tempore gratiæ, misericordiam consequetur. Propter quod dicitur majestas Dei innotuisse philosophis, æquitas Judæis, misericordia vero Christianis. De hoc semine scriptum est : Si posuerit pro peccato animam suam, videbit semen longævum.

Philipp. II.
7.

51

Ezech.
XXXIV, 22-24.

Jer. XXX, 9.

II Thess. II.
3.

Zach. XII, 8.

Is. XLV, 25.

Is. LIII, 10.

ARTICULUS XLIV

EXPOSITIO ALLEGORICA EJUSDEM PSALMI SEPTIMIDECIMI.

PORRO, secundum allegoricam explanationem psalmi istius, per David intelligitur Ecclesia, et quilibet fidelis. Et ita
 1 sensus tituli præinducti est talis : *Verba cantici*, id est psalmi *hujus* dirigentis nos *in finem*, id est in Christum, conveniunt *David puero Domini*, id est Ecclesiæ vel
 2 fideli, qui est filius Dei per gratiæ adoptionem : quæ verba fidelis quisque *locutus est Domino*, id est ad laudem ipsius, *in die qua eripuit eum de manu inimicorum suorum*, hoc est ab omni molestia tentatorum, *et de manu Saul*, id est de imperio mortis.

Unusquisque ergo fidelis beneficia Dei sibi exhibita pensans, seque a Christo redemptum considerans, atque ad bona futuræ felicitatis se invitatum attendens, gratissima, jucundissima ac ardentissima
 2 mente Domino dicat : *Diligam te, Domine*,

Ps. LXXII. 28.

3 tibi præ omnibus adhærendo, nec propter aliquod bonum creatum a te recedendo, qui es *fortitudo mea*. *Dominus firmamentum meum* : istud satis expositum est ; *et refugium meum*, ad quod in omni necessitate confidenter recurro, sicut ad fidelissimum amatorem, invictissimum adjutorem, et benignissimum salvatorem, qui
 4 ubique et semper apertas habet misericordiæ ulnas ad amplexandum confugientem ad se ; *et liberator meus* : quoniam Pater misit Filium suum ad liberandum me, et
 5 Filius proprio sanguine me redemit.

Joann. III.
16 : Rom.
VIII, 32, 34.

Deus meus, quem affectuosissime colo, est *adjutor meus*, cooperando mihi per gratiam suam ; *et ideo sperabo in eum*, non in aliqua pura creatura : nec solum sperabo in eum non desperando, sed sperabo
 6 in eum fideliter operando quod possum : nec tamen in meis meritis principaliter, sed in eum, sperabo, quia sine ejus adju-

Joann. XV.
5.

torio perseverare non possum in bono. Et ipse Dominus est *protector meus* ab insidiis dæmonum, a fraudibus hominum, et ab eventu omnium periculorum, *et cornu*, id est revelator seu insinuator, *salutis meæ*. Nam ipso revelante cognoscimus, in quo vera salus nostra consistit. Sicque
 7 Deus dicitur cornu propter similitudinem. Cornu enim est instrumentum cujus sono aliquid insinuari aliis solet. Quoniam ergo per naturalem rationem agnoscere homo non potuit, in quo vera beatitudo seu salus
 8 consisteret, sed per divinam revelationem hoc sibi innotuit, jam Deus dicitur cornu salutis nostræ. Alia autem expositio hujus verbi præhabita est. *Et susceptor meus*, id est exauditor precum mearum, et per
 9 misericordiam me amplectens.

Ponuntur hic multa nomina, idem realiter significantia, vel se invicem includentia, quatenus homo Deum tam variis nominibus affectuosis exprimendo, totaliter inflammatur amore ; semperque intellectus nominis posterioris sic suum affectum
 10 in mente producat, ut prioris nominis affectum roboret, renovet, atque accendat. Unde hic est devotissimus et efficacissimus modus Deum orandi et laudandi, multa nomina amorosa se mutuo includentia proferre ac Deo adscribere, sicut nunc factum est. Idecirco subjungitur :

Laudans invocabo Dominum, hoc est, multa prædicata commendatoria Deo attribuiam, et illis verba deprecatoria admiscebo, dicendo : O Deus æterne, omnipotens, immense, superglorioso, naturaliter
 11 bone, suscipe me, posside, perfice semper et salva me. Quum enim laudare et orare sint duo nobiles actus latriæ, sitque laudare Deum nobilius quam orare, con-

4

stat quod actus ex utroque commixtus, sit nobilissimus : et hoc est laudando Deum orare, seu orando laudare ; et est hic actus forte remedium contra omnes tentationes, adversitates atque tristitias. Propter quod subdit, *et ab inimicis meis salvus ero*, id est, a tentationibus liberabor ; nec aliquid animam meam lædet, quamvis carnem affligat. Hinc scriptum est : Tristatur aliquis vestrum ? Oret æquo animo, et psallat. Quum ergo te, frater, aliquid gravat, laudans invoca, id est, intus et cordialiter voca Dominum in tuum subsidium : quod si perseveranter feceris, ab inimicis tuis salvus eris.

5 Et merito dico, Ab inimicis meis salvus ero, quoniam *Circumdederunt me*, hoc est, undique vallaverunt et infixi sunt mihi, *dolores mortis*, id est inordinate affectiones ac passiones pœnales, ut ira, invidia, tristitia, quæ sunt animum affligentes, et ad perpetuam mortem trahentes. Vel, Dolores mortis, id est pœnæ ex originali peccato secutæ, videlicet molestiæ corporis, et virium animæ infectiones. *Torrentes iniquitatis*, id est capitalia vitia, ex quibus tanquam ex fontibus cetera derivantur, *conturbaverunt*, id est inquietaverunt *me*, impugnando, vel ad consensum trahendo. Vel, Torrentes iniquitatis, id est iniquitas tentationum et persequentium me instar aquarum magna ac multa, conturbaverunt me, recreando ac blandiendo aut simili modo. *Dolores inferni*, id est diabolica mala, seu afflictiones tam graves, ut videantur posse comparari doloribus inferorum, id est pœnis inferni, *circumdederunt me* miserum tantis malis expositum in hac valle lacrimarum ; *preoccupaverunt*, hoc est, possederunt et ante alia mala invaserunt *me laquei mortis*, id est originale peccatum : quod licet sit unum formaliter, scilicet privatio originalis justitiæ debitæ in esse, secundum Anselmum, est tamen multa materialiter, propter suos effectus seu quatuor vulnera animæ, quibus infectæ sunt ejus potentiæ, sicut prædictum est. Ideo hoc peccatum appellatur

A pluraliter, Laquei mortis : capit enim animam suo reatu, et facit nos nasci filios iræ ; fuimusque propter ipsum prius damnati, quam nati. Unde de ipso pluraliter inferius scriptum est : Ecce enim in iniquitatibus conceptus sum.

In tribulatione mea, id est tempore tentationis et angustiae, *invocaui*, id est, interno affectu vocavi, *Dominum* ad meum succursum ; *et ad Deum meum*, in quo totam meam fiduciam fixi, *clamavi*, clamore vocali, ex interioris fervoris excessu nascente. Et tu ergo, o frater, in omni tribulatione et necessitate assuesce Dominum invocare, quoniam sicut in libro Paralipomenon habetur, Quum ignoremus quid agere debeamus, hoc solum habemus residui, ut oculos nostros dirigamus ad Dominum. Nec potest inanis esse invocatio talis, quia subjungitur : *Et exaudivit* (scilicet Dominus) *de templo sancto suo*, id est de loco habitationis suæ, *vocem meam*. Quemadmodum dicitur Deus esse in templo seu loco, vel in aliqua creatura, sic dicitur C agere et exaudire de templo illo et loco seu creatura illa. *Et clamor meus in conspectu ejus introivit in aures ejus* : quia ut in Ecclesiastico dicitur, Oratio justi penetrat cœlos (alias, Oratio humiliantis se nubes penetrat). Unde Moyses ait : Quum quæsieris Dominum Deum tuum, invenies eum ; si tamen toto corde quæsieris eum, et tota tribulatione animæ tuæ.

Commota est et contremuit terra : hoc est, incolæ terræ, hominesque terreni, audita prædicatione Christi et Apostolorum D atque fidelium aliorum, mente commoti sunt ad pœnitentiam, et corpore expaverunt ad satisfactionem. *Fundamenta montium*, id est tyranni et principes superbiorum, *conturbata sunt*, propter magna prodigia quæ viderunt a Sanctis ac martyribus fieri, *et commota sunt*, non ad emendationem, sed ad indurationem, dicentes miracula illa magica fieri arte : et hoc ideo, *quoniam iratus est eis*, id est, quia Dominus juste subtraxit eis gratiam, tradens eos in reprobum sensum.

Ephes. II, 3.

Ps. I, 7.

7

II Par. XX, 12.

Eccli. XXXV, 21.

Deut. IV, 29.

8

Rom. I, 28.

9 *Ascendit fumus*, hoc est lacrimosa oratio, A filios tonitruui, prout Marcus evangelista inducit.

Matthæxv.
41.

in ira ejus, id est ex timore iræ Dei seu ultionis peccati : quoniam peccatores, audita prædicatione Evangelii quod impii ibunt in ignem æternum, compuncti sunt corde, et cum lacrimis veniam postulaverunt. *Et ignis a facie ejus exarsit*, hoc est, amor divinus in cordibus prædictorum pœnitentium accensus est post veniæ impetrationem ; a facie ejus, id est ab adspectu et miseratione pietatis divinæ. Nam post lacrimosam pœnitentiam de peccatis, infundere solet pius Dominus dulce ac fervidum desiderium pro gaudiis sempiternis adipiscendis, sicut de eo Scriptura testatur : Post tempestatem tranquillum facis. *Carbones*, id est Æthiopes mente et corpore olim nigri, ac alii peccatores vitiis denigrati, *succensi sunt ab eo*, hoc est, a Deo divino amore impleti sunt. Nam ubi superabundavit iniquitas, superabundat et gratia.

Tob. iii, 22.

Rom. v. 20.

10 *Inclinavit cœlos*, hoc est, Deus misit an-

Hebr. i, 14.

gelos sanctos, qui omnes sunt administratorii spiritus ad homines custodiendos, ut suo adventui in cordibus humanis viam pararent : qua parata, *et ipse descendit*, id est, benignitatem gratiæ suæ infudit, atque per fidem et caritatem in mentibus electorum habitationem sibi constituit, prout in Zacharia propheta habetur : Ecce ego venio, et habitabo in medio tui, dicit Dominus. Non autem descendit Deus motu locali, sed dignatione clementi.

Zach. ii, 10.

Porro quæ sequuntur in psalmo isto, usque ibi, Et intonuit de cœlo Dominus, exponenda sunt sicut in priore expositione declarata sunt.

14 *Et intonuit de cœlo Dominus*, hoc est,

Joann. vii.
46.

Deus Pater per Filium suum incarnatum locutus est mundo, forti et inconsueto ac mirabili modo : quemadmodum Judæi a principibus suis missi ad Christum, redeuntes dixerunt, Nunquam sic locutus est homo, sicut hic loquitur. Vel sic : Et intonuit de cœlo Dominus, id est, de ore Apostolorum, qui cœli dicuntur, locutus est fortia verba, tanquam tonitrua. Nam et

Marc. iii, 17.

Christus Joannem et Jacobum appellavit

Deinde Ecclesia ait : *Misit de summo*, id est, Deus Pater de throno gloriæ misit Unigenitum suum, *et accepit me* in spon- sam gloriosam, non habentem rugam aut maculam, et dando membris meis, id est fidelibus, potestatem filios Dei fieri. Vel, *Accepit me*, hoc est, naturam meæ speciei assumpsit Filius Dei missus ad me. *Et assumpsit me de aquis multis*, id est, de morte æterna, plena doloribus, me re- B demit.

17

Ephes. v.
27.

Joann. i, 12.

Eripuit me de inimicis meis fortissimis, *et ab his qui oderunt me*, hoc est de po- testate et servitute dæmonum : quibus hu- mana fragilitas non posset resistere, nisi gratia Dei succurreret. Idcirco subjungi- tur : *quoniam confortati sunt super me*, hoc est, fortiores sunt naturali potentia mea, quum sint invisibiles, astutissimi, et infa- tigabiles. *Prævenierunt me*, id est, primo invaserunt me, vindicando sibi jus quod- dam in me, *in die afflictionis meæ*, hoc

18

19

C est in die qua in utero conceptus sum, vel de ventre egressus sum. Quoniam enim in originali peccato concipimur et nascimur, statim in principio nostri esse, dæmones nocent nobis : quia dæmonis suggestionem factum est, ut primi nostri parentes tali peccato naturam inficerent. Bene autem per diem afflictionis intelligitur dies nati- vitatis, quia in illo ad dolorem et laborem, atque ad multas miseras nascimur ; sed ab hujus peccati reatu, et ab aliis malis libera- vit nos Christus. Ideo additur : *et factus*

Gen. iii, 1-6.

D est Dominus protector meus. *Et eduxit me* de vinculis peccatorum, *in latitudinem caritatis*. Nam et in Baptismo, ubi origina- le peccatum dimittitur, fides, spes, cari- tas, virtutesque ceteræ infunduntur : sic- que anima dilatatur, ut Deum recipiat intra se. *Salvum me fecit*, non propter merita mea, sed *quoniam voluit me*, id est, quia complacuit sibi, et quia elegit me : ut apud Ezechielem legimus, Non propter vos ego faciam, ait Dominus, notum sit vobis, sed propter nomen sanctum meum.

20

Ezech.
xxxvi, 22,
32.

- Deinde Propheta in persona hominis virtuosus dicit : *Et retribuet mihi Dominus.* **21** Christus justus iudex, *secundum justitiam meam*, id est secundum exigentiam bonae conversationis meae ; *et secundum puritatem manuum mearum*, hoc est secundum munditiam cordis et actuum meorum, *retribuet mihi*, in praesenti gratiam, in futuro gloriam : ut in Apocalypsi etiam scriptum est, Ecce venio cito, et merces mea mecum est, dare unicuique secundum opera sua. *Quia custodiri vias Domini*, etc., hoc est mandata sive consilia, ambulando per viam angustam.
- 22** *Cum sancto sanctus eris*, quia bona ejus exempla ad imitationem te provocabunt ; *et cum viro innocente*, id est nulli malum faciente, *innocens eris*, sequendo innocentiam ejus. *Et cum electo electus eris*, hoc est, gloriam electorum acquires, mores eorum et vitam sectando ; *et cum perverso perverteris*. Hinc patet quantum noceat societas mala, quantumque prosit societas bona. Vitandum est ergo homini volenti in Deo proficere, ne sit socialis, et maxime, ne sit familiaris ei qui non est sincerus, timoratus, atque sollicitus in Dei obsequio : quia, ut ait Scriptura, Qui tetigerit picem, inquinabitur ex ea. Et **23** Apostolus : Exite, ait, de medio eorum, et immundum ne tetigeritis. Denique esse socialem ac familiarem homini virtuoso, maxime confert volenti spiritualiter crescere. Propter quod scriptum est : Cum viro sancto assiduus esto, quemcumque cognoveris observantem timorem Dei, cujus anima est secundum animam tuam.
- 24** *Deus qui praeiunxit me virtute*, id est, animam meam armavit fortitudine spirituali, quoniam quidquid virtutis in me est, ab ipso mihi donatum est ; *et posuit immaculatam viam meam*, hoc est, conversationem meam a peccatis mortalibus immunem servavit ; vel si talia incidi, per poenitentiam me purgavit. *Qui perfecit pedes meos*, id est gressus animae meae, scilicet affectus meos, quibus ad Deum accedo, *tanquam cervorum*, id est quasi
- A** pedes cervorum : ita quod sicut cervus velociter currit et alta conscendit, sic anima mea ferventi affectu et corde promptissimo custodiret et adimpleret quidquid Deo placere cognovit, servando mandata, vel potius viam mandatorum currendo, id est consilia observando, quia consilia faciunt hominem expeditum ad servandum mandata ; omnia quoque haec faceret propter gloriam Dei et felicitatem aeternam, non propter temporalia commoda, aut laudes humanas ; ac per hoc, tanquam cervus ad alta montium, id est ad mansionem caelestem, adspiraret. Propterea subdit, *et super excelsa statuens me*, id est, per contemplationem et spem in caelestibus collocans me, dando mihi vitam angelicam in carne ducere : sicut ait Apostolus, Nostra conversatio in caelis est. Hoc convenit ei qui illud implet : Servite Domino corde perfecto atque verissimo.
- Qui docet manus meas ad praelium*, hoc est, qui dat mihi discretionem spirituum, et instruit rationem meam qualiter singulis vitiis resistendum sit, quomodo demoni, quomodo mundo, quomodo carni obviare oporteat, quomodo proprias passiones extirpare, et omnem pigritiam vincere debeam. Qui docet manus meas, id est operationes meas, ad praelium, ita ut propter nullam adversariorum impugnationem a bono opere cessem, nec amore, nec favore emolliar, nec terrore frangar, nec tristitia aut pusillanimitate dejiciar ; sed sic ad spirituale praelium instructus sim, quemadmodum Judas Machabaeus, cujus verba **D** totius spiritualis praelii formam ostendunt, scientiamque pugnandi praescribunt. De quo legitur : Machabaeus autem confidebat semper cum omni spe, auxilium sibi a Domino adfuturum, et hortabatur suos ne formidarent, sed sperarent ab Omnipotente sibi futuram victoriam ; et allocutus eos de lege et Prophetis, singulos armavit, non hasta aut clypeo, sed sermonibus optimis. Et iterum : Judas autem, et qui cum eo erant, manibus quidem pugnabant, cordibus vero Dominum exorabant. Sic et nos

Ps. cxviii, 32.

Philipp. iii, 20.

Josue xxiv, 14.

35

II Mach. xv, 7-9, 11.

Ibid. xx, 27.

agere contra tentatores oportet, manibus (id est bonis operibus) pugnando contra malignos, cordibus autem Dominum exorare pro triumpho, quemadmodum per *Is. l., 10.* Isaïam dicitur : Quis ambulat in tenebris, et non est lumen ei? Speret in nomine Domini, et innitatur super Deum suum. Nihilo minus debemus facere semper quod in nobis est.

Deinceps in persona viri perfecti ait Propheta : *Et posuisti, o Domine, ut arcum arcum brachia mea,* id est virtutes et opera mea, stabiliendo me in omni virtute et sancta vita, quibus vici diabolum, carnem, ac mundum, sicut per arcum æreum inimicus facile lædatur atque occiditur. 36 *Et dedisti mihi protectionem salutis tuæ,* id est, protexisti me in adversitatibus et tentationibus ad salutem animæ meæ, quæ est tua salus, quia præstatur a te; *et dextera tua,* id est benignitas gratiæ tuæ et pia præsentia tua, *suscepit me,* confugientem ad te.

Et disciplina tua, id est pia ultio qua in præsentī electos tuos castigas, ne postea gravius punias, *correxisti me,* id est, pro peccatis emendavit atque afflixit me, *in finem,* id est ad hoc, ut adipiscar felicitatem æternam, quæ est finis noster, quemadmodum dicit : Ego quos amo, arguo et castigo. Quum enim peccata perseverare non possint inulta, magna pietas Dei est, atque præcipuum divinæ dilectionis indicium, dum Deus in præsentī sæculo peccatorem flagellat. Propter quod ait Apostolus : Quod si extra disciplinam estis, ejus participes facti sunt omnes, ergo adulteri et non filii estis. Patienter ergo ferre debemus quidquid nobis adversitatis contingit, rogareque Dominum ut tales momentaneas pœnas reputet nobis pro peccatis nostris, quatenus taliter expurgati, gratiæ ejus capaciores reddamur in via, et gloriam ejus exuberantius sortiamur in patria. Nam sicut dicit Apostolus, Id quod in præsentī est momentaneum et leve tribulationis nostræ, supra modum in sublimitate æternum gloriæ pondus operatur

A in nobis. — Vel sic : *Disciplina tua,* id est disciplinaris instructio tua et illuminatio salutaris, *correxisti me,* id est, pro peccatis meis fecit me pœnitere, et pœnam satisfactoriam sponte assumere, atque propter vitam æternam omnia agere : ideo subdit, *in finem.*

Et disciplina tua, id est pœna pie inflata, *ipsa me docebit* de cetero a peccatis cavere, me ipsum humiliare, et aliis posse consulere. Vel, Disciplina tua, id est instructio tua, ipsa me docebit, ut cognoscam me ipsum, et sollicite ambulem coram te. Disciplina nempe Dei, expertos nos facit, probatos et exercitados. Scriptum est enim : Qui non est tentatus, quid scit? Et iterum : Vir in multis eruditus, cogitabit multa. *Mich. vi., 8.*

Dilatasti gressus meos subtus me, id est, per caritatis fervorem et gratiæ multiplicationem, fecisti actus meos amplos et copiosos seu multos sub rationis meæ imperio, quatenus abundarem in operibus bonis, essentque subjecti rationis dominio passionibus et motibus, seu affectionibus sensu- *Eccl. xxxiv., 9.* alitatis. Ideo addit : *et non sunt infirmata vestigia mea,* id est, non defecerunt opera mea virtuosa, quibus te sequor, et ad tuam beatitudinem proficiscor. *II Cor. ix., 8.*

Quoniam ergo, o Domine, tantam mihi gratiam contulisti, ideo confidenter dico : *Persequar inimicos meos,* qui conantur me a divinæ legis observantia impedire : hos persequar oratione devota, lacrimis pœnitentiæ, moribus bonis, et sancto affectu. Per hæc enim dæmones maxime affliguntur, et eorum ministri, videlicet homines pravi, dejiciuntur. *Et comprehendam eos,* id est, vincam tentationes eorum ; *et non convertar* ab isto proposito, *donec deficiant,* victi a me. *Confringam illos,* id est, malam voluntatem eorum suo effectum cassabo in me, *nec poterunt stare,* id est resistere mihi. *Cadent subtus pedes meos,* id est, victi ab operibus meis deficient. 38

Et præcinxisti me virtute, id est spiritualibus armis, *ad bellum* contra omnes tentationes ; *et supplantasti insurgentes* 39 40

- 42 *in me subtus me*, quoniam totam victoriam meam tibi attribuo. *Clamaverunt inimici mei*, scilicet homines mali tempore suae angustiae pro adiutorio, *nec erat qui salvos faceret* eos ab ultione divinae iustitiae, quae saepe in praesenti incipit vindicare peccata reproborum, quae in futuro aeternaliter vindicat. Et quoniam nemo adjuvare poterat, ideo clamaverunt tandem *ad Dominum* : *nec exaudivit eos* : quoniam clamor orationis eorum non venit ex poenitentia cordiali, nec ex divino amore, sed ex poenali angustia, atque ex servili timore, qui nihil meretur, quemadmodum de Antiocho scriptum est : Orabat autem scelestus Dominum, a quo non esset misericordiam consecuturus. *Et comminuam eos ut pulverem ante faciem venti*, hoc est quod ante jam dixit : Confringam illos, nec poterunt stare. Comminuam, inquit, eos, non naturam eorum, sed perversitati eorum resistam. Propterea, *ut lutum platearum delebo eos*, id est, repellam atque projiciam eos a meo consensu.
- 43 Insuper ait ad Christum Ecclesia : *Eripias me de contradictionibus populi*, id est de perfidia et impugnacione haereticorum, schismaticorum, omniumque detrahentium mihi. Nam Deus in perpetuum non derelinquit suos electos, sed tandem liberat eos. *Constitues me in caput gentium*, id est, facies me in dominam omnium populorum. Populus enim christianus est omnium populorum dignissimus, atque excelsior gentibus universis : ad quem princeps Apostolorum sic ait, Vos autem genus electum, regale sacerdotium, gens sancta, populus acquisitionis. Vel sic : Constitues me, id est praelatos et sacerdotes Ecclesiae, in caput gentium; id est in rectores et dominos ceterorum. *Populus quem non cognovi*, id est peccatores indurati atque increduli, *servivit mihi*, postquam ad poenitentiam vel fidem conversi sunt; et tunc *in auditu auris obedivit mihi*, id est praecceptis Ecclesiae. *Filii alieni*, id est solo nomine Christiani, simulatores, contumaces, hypocritae, falsi religiosi, *mentiti sunt*
- A *mihi* : quoniam aliud dicunt, aliud agunt : aliud ostendunt in habitu, aliud agunt in victu. Veniunt in vestimentis ovium, intus vero sunt lupi rapaces. *Filii alieni inveterati sunt*, id est obdurati in vitiis. Non enim advertunt Apostolum, Colossenses exhortantem : Exspoliate vos veterem hominem cum actibus suis, et induite novum, qui renovatur in agnitionem Dei. Et alibi : Renovamini spiritu mentis vestrae, et estote invicem benigni, misericordes, donantes invicem, sicut et Deus in Christo donavit vobis. *Et claudicaverunt a semitis suis*, id est, erraverunt a doctrina et lege Dei sibi propositis.
- Denique Ecclesia, Deo regratiando de beneficiis jam commemoratis, ait : *Vivit Dominus*, etc. Qui versus in praecedenti explanatione satis expositus est. *Deus qui vindictas mihi*, puniendo persecutores justorum atque Ecclesiae : quemadmodum scriptum est, Mihi vindictam, et ego retribuam, dicit Dominus; *et subdis populos sub me*, convertendo peccatores ad gremium matris Ecclesiae, et ad obedientiam sanctam, vel, subjiciendo incredulos potestati fidelium; *liberator meus de inimicis meis iracundis*, utpote daemonibus : in quibus (secundum Dionysium) est furor irrationalis, amens concupiscentia, et phantasma protervum *. Quod tamen sagaciter intelligendum est, quum daemones incorporei existentes, materiales passiones non habeant. Et non solum liberator meus es, Domine, de daemonibus, sed et ab hominibus iracundis, perversis et reprobis.
- D *Et ab insurgentibus in me*, scilicet ab adversariis qui contra me insurgunt, quamdiu in praesenti exsilio vivo, sicut ait Augustinus : Persevera usque in finem, quia tentatio perseverat usque in finem. Ab his ergo *exaltabis me*, dando mihi victoriam in praesenti, atque coronam gloriae in futuro; *a viro iniquo*, id est a quolibet homine pestifero, *eripies me*, ne ab eo inficiar.
- Propterea*, id est propter tanta beneficia tua, *confitebor tibi in nationibus, Domine*,

Matth. vii, 15.

Coloss. iii, 9, 10.

Ephes. iv, 23, 32.

II Mach. ix, 13.

47

48

Rom. xii, 19.

* phantasia proterva

I Petr. ii, 9.

49

50

prædicando et gloriose laudando nomen A
 tuum coram populo, eisque beneficia tua
 ac pietatem tuam gratanter et affectuosis-
 sime insinuando. Hoc quotidie agit Ecele-
 sia per prædicatores verbi divini. *Et no-*
mini tuo, o Domine, psalmum dicam, ore
 et opere te laudando. Hoc unusquisque per
 se agere potest et debet, quoniam Domi-
 nus est *magnificans salutes*, id est magni-
 pendens, et multum appretians redempti-
 onem ac felicitatem seu duplicem stolam,
regis ejus, id est cujuslibet Christiani atque
 electi : qui dicitur rex, quoniam diabolo B
 dominatur, ac proprio animo, sicque for-
 tior est rege urbes et castra expugnante.
 In tantum quippe magnificavit ac ma-
 gni pendit Deus salutem nostram, id est
 glorificationem corporis et animæ nostræ,
 ut propter eas recuperandas Unigenitum
 suum mitteret in mundum. Talem namque
 ac tantum legatum non misit propter mo-
 dicam causam. Et tu ergo, magnifica et
 magni pende salutem hanc tuam; noli pro-
 pter carnalia oblectamenta, propter sensi-
 bilia commoda, propter temporales hono- C
 res eam negligere : sed indue virilem ac
 nobilem animum, et propter æterna atque
 invisibilia bona mercanda parvi pende et
 sperne omnia transitoria, vana ac vilia. *Et*
Dominus est faciens misericordiam Chri-
sto suo David, id est cuilibet homini per-

Joann. III.
16.

Galat. IV.
19.

Afecto, Spiritus Sancti unctione excellenter
 uncto, *et semini ejus*, id est his quos ipse
 in Christo spiritualiter generat, verbo et
 opere eos docendo : quemadmodum de
 quibusdam ait Apostolus, Filioli mei, quos
 iterum parturio donec formetur Christus
 in vobis; *usque in sæculum*.

Quæ autem in præcedentibus duabus
 expositionibus declarata sunt, hic omit-
 tuntur.

Postremo, quam beatus est qui ista ma-
 gnifica dona Dei ac sublimes perfectiones,
 de se ipso psallere et Domino canere po-
 test ad gloriam ejus ! Qui vero tantam
 perfectionem nondum adeptus est ut ista
 in propria persona dicere queat, discat ex
 his quantum a vera perfectione distet, quo
 tendere habeat, quid sibi a Domino postu-
 landum sit; studeatque vitam suam tali-
 ter ordinare, ac talem perfectionem acqui-
 rere, ut prædicta omnia de se ipso ad Dei
 honorem possit cantare prompto atque
 gratissimo corde.

PRECATIO.

Amove a nobis, Domine, peccatorum no-
 strorum obscura, et illumina corda nostra
 consubstantialis Verbi tui lucerna : ejus
 nos, quæsumus, virtute præcinge, et viam
 nobis in eo immaculatam ostende.

ARTICULUS XLV

EXPOSITIO PSALMI OCTAVIDECIMI : COELI ENARRANT GLORIAM DEI.

PRÆSCRIBITUR denique psalmo huic ti- D
 1 tulus iste : *In finem, psalmus David* : id
 est, iste psalmus adscribitur David, respi-
 cienti in finem, id est in Christum. Nam
 loquitur hic de primo Christi adventu, qui
 factus est in fine sæculorum et in pleni-
 tudine temporum. Loquiturque de præ-
 dicatoribus evangelicæ legis, et de legis
 christianæ sinceritate, et ait :

Galat. IV, 4.

1 CÆLI enarrant gloriam Dei. Quod
 tripliciter intelligi potest.

Primo sic : *Cæli*, id est sancti Evange-
 listæ atque Apostoli, *enarrant gloriam Dei*,
 id est, prædicant regnum et excellentiam
 Christi. *Et opera manuum ejus*, id est ma-
 gna Christi, scilicet opera ejus miracu-
 losa : quæ sunt opera manuum suarum, id
 est virtutes divinæ ac humanæ. Miracu-

2

la enim Christi, divina virtute facta sunt principaliter, humana vero virtute instrumentaliter. Unde humanitas Christi comparatur ad naturam ejus divinam, sicut instrumentum conjunctum ac animatum ad ipsum artificem. *Annuntiat firmamentum*, id est Ecclesia : in qua homines perfecti firmantur, sicut stellæ in cœlo figuntur ; et ipsa Ecclesia in firma petra, quæ Christus est, firmiter stabilitur. Dicuntur autem Apostoli et Evangelistæ, Cœli, propter conversationem cœlestem, et propter divinam inhabitationem, et propter eminentiam gratiarum : sicque omnes viri ac spirituales, cœli vocantur, quemadmodum Moyses ait : Audite, cœli, quæ loquor, et audiat terra verba oris mei. Et Isaias : Audite, cœli, et auribus percipe, terra. Merito quippe cœli dicuntur homines spirituales, quibus Apostolus loquitur : Vos in carne non estis, sed in spiritu. *2 Dies diei eructat verbum* : id est, divinitus illuminati sapientesque homines eruant, seu pleno corde pronuntiant diei, id est spiritualibus ac eruditis hominibus, verbum, id est Christum, secundum quod Deus est : prout ait Apostolus, Sapientiam loquimur inter perfectos ; et rursus, Et si cognovimus Christum secundum carnem, tamen jam non novimus. *Et nox nocti indicat scientiam* : id est, homines parvæ scientiæ, vel prædicti viri perfecti, assumentes imperfectorum personam (quemadmodum Apostolus asserit, Omnibus omnia factus sum, infirmis infirmus), docent homines adhuc carnales ac rudes, scientiam, id est notitiam pertinentem ad Christi naturam creatam, videlicet ad humanitatis suæ mysteria, quomodo illam sectentur : prout rursus dicit Apostolus : Ego, fratres, non potui vobis loqui, quasi spiritualibus, sed quasi carnalibus ; quasi parvulis in Christo lac vobis potum dedi, non escam.

Secundo exponitur hic locus sic : *Cœli*, id est orbes cœlestes, *enarrant gloriam Dei*, id est, majestatem et potestatem ejus ostendunt. Dicuntur enim cœli enarrare

A gloriam Dei, sicut dicuntur benedicere Deo, eumque laudare, videlicet quoniam præbent intuentibus occasionem atque materiam contemplandi Creatoris potentiam, sapientiam, et perfectionem. Propter quod scriptum est : Levate in excelsum oculos vestros, et videte quis creavit hæc. *Et simili modo, opera manuum ejus*, id est creaturas divinæ potentiæ, *annuntiat firmamentum*, id est, sphaera octava, in qua fixæ sunt stellæ, annuntiat quidem opera Dei materialiter, quoniam est objectum B contemplandi quam potenter et gloriose cetera omnia a Deo sint condita. *Dies diei eructat verbum*, etc. Dicitur namque tempus facere id quod fit in tempore : sicque dies et nox dicuntur eructare verbum et indicare scientiam, quoniam opera talia facta sunt per temporum intervalla, et de die in diem atque de nocte in noctem crevit cognitio Dei seu prædicatio Christi. Secundum hunc modum legitur libro primo Machabæorum : Vidit Jonathas quia tempus eum juvat.

C Tertio exponitur passus iste anagogice, ut sit sensus : *Cœli*, id est angelici spiritus omnesque Beati, *enarrant gloriam Dei*, quoniam incessabiliter laudant Deum ; *et opera manuum ejus*, id est effectus divinæ virtutis, *annuntiat firmamentum*, id est Christus, qui est caput et robur omnium Sanctorum, et ipse omnes comprehensores in patria illuminat de rationibus divinorum effectuum. *Dies diei eructat verbum*, id est, angeli superiores de plenitudine suæ cognitionis infundunt inferioribus angelis, purgando, illuminando, perficiendoque eos, secundum Dionysium. *Et nox nocti indicat scientiam*, quoniam dæmones sæpe perversis hominibus quædam secreta revelant.

Quamvis autem magis litteralis secunda expositio videatur, prima tamen, secundum veritatem, litteralis est ad intentionem Prophetæ et magis conveniens, eique sequentia consonant.

5 *Non sunt loquela, neque sermones.* id est, nullum est genus idiomatis et ser-

1 Cor. x, 4.

Deut. xxxii, 1.

Is. i, 2.

Rom. viii, 2.

3

1 Cor. ii, 6.

II Cor. x, 16.

I Cor. ix, 22.

Ibid. iii, 2.

Is. xl, 26.

I Mach. xii, 1.

4

- monis, quorum non audiantur voces eorum, id est ab eis, puta a cœlis prædictis et Apostolis. Nam Apostoli omnium lingua loquebantur. Et Paulus inquit : Gratias ago Deo meo, quod omnium vestrum linguis loquor. (4) *In omnem terram exivit sonus eorum*, id est Apostolorum; et *in fines orbis terræ verba eorum* : quia Apostoli, facta divisione ipsorum, per se ipsos atque per suos discipulos prædicaverunt Evangelium Christi in quatuor plagis terræ, et in principalibus partibus mundi. Et hoc est quod ab Isaia prædictum est : A finibus terræ audivimus laudes, gloriam Justi. Et rursus per Isaiam Dominus aper-
tissime dicit : Mittam ex eis qui salvati fuerint, ad gentes in mare, in Africam, in Lydiam, tenentes sagittam, in Italiam et Græciam, ad insulas longe; et annuntiabunt gloriam meam gentibus. Porro quod dictum est, *In omnem terram*, etc., allegat Apostolus ad ostendendum, quod fides est ex auditu, et ex prædicatione Apostolorum. Unde consequitur, quod psalmus iste loquatur de Christo atque Apostolis ac prædicatione evangelicæ legis.
- Deinde de Christi incarnatione subjungit : (5) *In sole*, id est in mundo inferiori, sub sole, videlicet in oculis hominum, *posuit Filius Dei tabernaculum suum*, id est corpus assumptum, quod dicitur templum invisibilis Deitatis : quia, ut a Propheta dicitur, Ipse in terris visus est, et cum hominibus conversatus est : quatenus qui ante latebat in sinu Dei Patris, appareret in forma assumptæ carnis; et qui ante habitabat lucem inaccessibilem, jam per incarnationem exhiberet se ipsum visibilem oculis, atque palpabilem manibus, sicut Joannes contestatur : Quod vidimus oculis nostris, quod audivimus, et manus nostræ contrectaverunt de Verbo vitæ. Denique hanc Dei incarnationem a Zacharia prædictam cognoscimus, ubi sic dicitur : Lauda et lætare, filia Sion, quia ecce ego venio, et habitabo in medio tui, dicit Dominus. Per Isaiam quoque Dominus ait : Ecce ego ipse qui loquebar, adsum. Et iterum : Primus, id est Deus æternus, ad Sion dicit, Ecce adsum. — Vel sic : *In sole*, id est in beata virgine Maria, *posuit Christus tabernaculum suum*, id est corpus suum, habitans in utero ejus novem mensibus, quemadmodum Jeremias ait : Novum creavit Dominus super terram; femina circumdabit virum. Felicissima namque virgo Maria sol dicitur, propter excellentissimum divinarum gratiarum in ea splendorem. De qua in Canticis Sponsus ait : Tota pulchra es, amica mea. Et iterum : Pulchra ut luna, electa ut sol. *Et ipse Christus tanquam sponsus procedens de thalamo suo*, id est de utero virginali : in quo carnem induendo desponsavit sibi Ecclesiam, sicut ante per Prophetas diu et frequenter sponpondit.
- (6) *Exsultavit ut gigas ad currendam viam*, id est, Christus lætanter advenit, et libenter descendit in uterum suæ carissimæ Filiæ, amabilissimæ Virginis, ad currendam viam, id est ad festinanter prosequendum humanæ redemptionis mysterium; vel, ad currendam viam, id est ad conversandum in hoc sæculo, cujus vita est via ad vitam beatam. *A summo cælo egressio ejus*. Nam Christus descendit de sinu Patris in uterum Virginis; descendit a cælo intellectuali in terram sensibilem. Ipse enim ait : Nemo ascendit in cælum, nisi qui descendit de cælo, Filius hominis qui est in cælo. Descendit autem, non locum mutando, sed noviter apparendo; descendit, non ratione essentiali, sed effectus. Ipse est namque qui per Jeremiam testatur : Cælum et terram ego impleo.
- (7) *Et occursus ejus*, id est Christi regressus sive ascensio, *usque ad summum ejus*, id est usque ad eundem locum unde exivit, videlicet ad dexteram Patris, sicut ait : Exivi a Patre, et veni in mundum; iterum relinquo mundum, et vado ad Patrem. *Nec est qui se abscondat a calore ejus*, id est, nemo se excusare potest a Christi amore, quoniam ista beneficia, tanta tamque potentia sunt, ut ignorantia nullum excuset. Ideirco Christum omnes super

Is. xli, 27.

Jer. xxxi, 22.

Cant. iv, 7.

Ibid. vi, 9.

7

Joann. iii, 13.

Jer. xxiii, 24.

Joann. xvi, 28.

omnia amare tenentur. Vel sic : Nec est A
qui se abscondat a calore ejus, id est ab
operatione seu examinatione Spiritus San-
cti, qui est ardentissimus amor Patris et
Filii. Christus enim de Spiritu Sancto præ-
dixit : Quum venerit ille Spiritus veritatis,
arguet mundum de peccato, et de justitia,
et de judicio. Arguet enim homines de
peccato commisso, de justitia omissa, et
de judicio quod præconsiderare atque ti-
mere contemnunt. Vel quod dicitur, Nec
est qui se abscondat a calore ejus, ideo
dicitur, quia tanta est liberalitas gratiæ
Spiritus Sancti tempore novæ legis, ut
merito nullus se abscondere debeat a re-
ceptione ipsius.

8 (8 *Lex Domini*, id est christiana religio
et Christi traditio, *immaculata*, nil habens
vitii vel impuritatis admixtum, *convertens*
animas, id est homines (ponit enim par-
tem pro toto), quia retrahit eum qui sibi
obedit, a rebus illicitis et caducis ad ope-
ra sancta, atque ad summum et incom-
mutabile bonum. *Testimonium Domini fi-
dele* : id est, articuli fidei christianæ sunt
veri, non fallaces; *sapientiam præstans*
parvulis, id est, cognitionem divinorum
præbens humilibus, qui suum intellectum
fidei subdunt, et quod credunt opere at-
testantur. Unde Isaias ait : Nisi credideri-
tis. non intelligetis. Et Salvator : Confi-
teor (inquit) tibi, Pater, quia abscondisti
hæc a sapientibus et prudentibus, et re-
velasti ea parvulis, id est fide et con-
versatione humilibus. Testimonium autem
proprie pertinet ad credenda, sicut præ-
ceptum ad agenda.

9 (9 *Justitiæ Domini*, id est divina præ-
cepta, *rectæ*, et justæ, ad beatitudinem
sine errore ducentes, *lætificantes corda*
eorum qui per caritatem eas observant.
Naturaliter enim delectabile est virtuose
vivere, et Deo in omnibus obedire. Propter
quod (secundum Philosophum) signum vir-
tutis est delectatio operationi adjuncta.
Præceptum Domini lucidum, id est cla-
rum ac splendidum, tanquam radius di-
vinæ justitiæ ac lucis æternæ, *illuminans*

oculos cordis, videlicet intellectum et me-
moriæ, ne in tenebris vitiorum mergan-
tur, sed in Deo permaneant.

10 *Timor Domini sanctus*, id est, timor
filialis, amicabile et castus, non servilis
aut humanus, est *permanens in sæculum*
sæculi : quia hic incipit, et in patria perse-
verat quantum ad habitum; et etiam quan-
tum ad aliquem suum actum manet in
patria, scilicet quoad reverentialem subje-
ctionem. Non autem manet in patria quan-
tum ad fugam, quæ pertinet ad timorem :
B quia Beati sciunt se a Deo non posse averti,
ideo non metuunt malum futurum, sed Deo
cum reverentiali timore subiecti sunt.

Judicia Domini, id est omne dictamen,
et omnis sententia divinæ sapientiæ, *vera*
sunt, *justificata in semetipsa* : quoniam
eo ipso quo sunt Dei judicia, necesse est
ea fore justa et sancta; nec est alia ratio
requirenda, vel auctoritas major invocan-
da, quoniam Deus est mensura et ratio
omnis veritatis et æquitatis. (11 *Deside-*

rabilia super aurum et lapidem pretio-
sum multum. Nihil enim corporalium sen-
sibiliumque bonorum tam amabile, tamque
optabile esse potest, sicut divina judicia,
id est præcepta et testimonia legis divi-
næ, quæ a Deo data sunt et approbata, et
ad æternam felicitatem perducunt. Unde
inferius dicitur : Bonum mihi lex oris tui
super millia auri et argenti. *Et dulciora*
super mel et favum, id est, in observan-
do divina judicia seu præcepta, consistit
major dulcedo quam in aliqua re carnali
sive sensibili. Spirituales enim delectati-

D ones, ex sua natura majores sunt delecta-
tionibus corporalibus, quamvis interdum
ex parte nostri oppositum accidat propter
imperfectionem nostram et pronitatem ad
mala; sed viris perfectis, quam suavis est
Dominus expertis, dulciora sunt divina
quam quæcumque carnalia : imo quo di-
vina amplius gustant, eo sensibilia ipsis
magis desipiunt.

12 *Etenim servus tuus custodit ea*, non
solum per memoriæ, sed etiam per cari-
tatem et obedientiam, quatenus impleat

Joann. xvi,
8.

Is. vii, 9
juxta LXX.
Luc. x, 21.

Ps. cxviii,
72.

Ps. xxxiii,
9; 1 Petr. ii,
3.

ac faciat ea. Nec frustra, quia *in custodiendis illis retributio multa*, id est, vita æterna reddetur pro præmio ei, qui divina judicia seu præcepta custodit. Hoc est quod Christus in Evangelio suis imitatoribus spondet: Qui reliquerit patrem aut matrem, etc., centuplum accipiet, et vitam æternam possidebit. Centuplum namque accipit in præsentī, quia hic incipit præmium ejus: nam gratiam recipit, Deus eum diligit, mundum et carnem suppeditat, virtutibus splendet, spiritualem delectationem acquirit.

13 15 *Delicta quis intelligit?* id est, singula quæque peccata quis advertere potest?

Prof. XXIV.
16.

Job IX, 2, 3.

quasi dicat, Nullus. Justus enim septies cadit in die; et tanta est nostra fragilitas, ut quotidianos defectus sigillatim cognoscere, deplorare, atque vitare nequaquam possimus. Propter quod in libro Job habetur: Non justificabitur homo compositus Deo; et si voluerit cum eo contendere, non poterit respondere unum pro mille. Quoniam igitur ita est, oro, o Domine, *ab occultis meis*, id est ab istis peccatis latentibus, mihi ignotis, *munda me*, dando mihi eorum memoriam, quantum oportet aut expedit, vel infundendo pœnitentiam in communi sufficientem, vel dando ea de cetero, quantum possibile est, præcavere; *et ab alienis*, id est a diabolo et ab adversariis meæ salutis, *parce servo tuo*, non permittendo eos prævalere in me per tentationes nefarias, sicut quotidie in Oratione dominica dicimus: Et ne nos inducas in tentationem, id est in consensum illicitum, vel in tentationem tam fortem

Matth. VI,
13.

I Cor. X, 13.

14 ut repugnare non possimus, sed fac eum tentatione proventum.

14 *Si mei non fuerint dominati*, id est, si hostes prædicti non prævaluerint adversum me, rationem vincendo, *tunc immaculatus ero*, id est immunis a labe peccati, ad quod me inducere optant. Tentatio enim cui non consentitur, non est peccatum, sed virtutis et meriti exercitium, ac triumphandi occasio. *Et emundabor a delicto maximo*, id est a consuetudi-

ne mala seu habitu vitioso. Ex hoc namque quod sæpe tentatori succumbimus, generatur in nobis consuetudo mala seu habitus pravus: a quo emundamur, dum tentatori resistimus perseveranter; quo facto, impletur quod sequitur:

15 *Et erunt ut complacent eloquia oris mei*: id est, si talis fuerit conversatio mea, ut sic ab occultis munder, et inimicis prævaleam; tunc eloquia oris mei erunt ut complacent tibi, id est, tunc tibi placebunt verba mea. Nam cujus vita virtuosa

est, ejus sermo gratus est tibi. Peccatori vero dixit Deus, Quare tu enarras justitias meas? *Et meditatio cordis mei in conspectu tuo semper*: id est, si prædictam vitam habuero, tunc cogitatio mea erit semper in conspectu tuo, id est in approbatione seu complacentia sapientiæ tuæ cuncta cernentis, et omne bonum approbantis. Vel sic: Meditatio, etc., id est, omnis cogitatio mea, sive sit bona, sive mala, est cognita tibi, qui omnia conspicias, renesque et corda scrutaris: quemadmodum

C Elias ait, Vivit Dominus, ante cujus conspectum sto. Et Job loquens ad Dominum, dicit: Tu quidem gressus meos dinumerasti. Quam cæcus est ergo, et quam infelix, qui sine sollicitudine vivit, et coram Deo timorate non ambulat! Certe incidet post hanc vitam horribiliter in manus Dei viventis, qui in præsentī negligit honorare vultum divinæ præsentiae universa spectantis.

16 *Domine, tu es, vel esto, deprecor, adjutor meus, cooperando mihi per gratiam, et redemptor meus* a cunctis periculis, qui proprio sanguine liberasti me.

O quam gratulabundo ac devotissimo animo cantandus est psalmus iste omni Christiano, in quo christianæ fidei fundamenta narrantur; Apostolorum prædicatio, Verbi incarnatio, evangelicæ legis commendatio, propriæ quoque fragilitatis recognitio, atque divinæ misericordiæ imploratio, mirabiliter continentur! Tanto (ni fallor) unusquisque fidelis hunc psalmum dulcius decantabit, præcordialius puriusque concinet, quanto bonum commune, id

15

Ps. XLIX, 16.

Ps. VII, 10.

III Reg.
XVII, 1.

Job XIV, 16.

Hebr. X, 31.

est fidem catholicam Christique incarnationem, ardentius diligit.

PRECATIO.

Domine, adjutor noster et redemptor,

justitiæ tuæ rectæ lætificent corda nostra, occulta nostra verbi tui gratia emunda : quo nobis a delictis maximis expiatis, placeat in conspectu tuo meditatio cordis, et eloquia oris nostri.

ARTICULUS XLVI

EXPOSITIO PSALMI NONDECIMI : EXAUDIAT TE DOMINUS, ETC.

1 **TITULUS** Psalmi præsentis, videlicet, *In B finem, psalmus David, ex prædictis* satis est evidens. In multis enim jam psalmis titulus talis expositus est.

2 **PRIMO** autem exponi potest de Christo, cui orat Propheta dari a Deo Patre, quæ Spiritu Sancto revelante noverat ei esse donanda. Ait itaque : (1) *Exaudiat te,*

o Christe, *Dominus Deus omnipotens, in die tribulationis,* id est in tempore peregrinationis tuæ in hoc mundo, in quo tota conversatio tua tribulationibus plena fuit, et sæpe pro mundi orasti salute. Vel, In die tribulationis, id est in die passionis, quando pro transgressoribus exorasti, dicens : Pater, ignosce illis, quia nesciunt quid faciunt. *Protegat te nomen Dei Jacob,* id est Deus verus, non a malo culpæ, quia nunquam potuisti peccare, sed a malo pœnæ, quod tibi Judæi sæpe parabant ante tempus. (2) *Mittat tibi auxilium :* non

Luc. XVIII.
35.

Ibid. XXII.
43.

3 propter tuam indigentiam aut necessitatem ; sed propter dispensationem, quemadmodum apparuit tibi angelus de cœlo, confortans te ; *de sancto,* id est de se ipso. Vel sic : Mittat tibi auxilium, id est, naturæ tuæ assumptæ conferat opem et gratiam, ad liberandum genus humanum ; de sancto, id est de te ipso, secundum quod Deus es. Quidquid enim virtutis in humana Christi natura fuit, a divinitate Verbi profluxit. *Et de Sion,* id est de cœlestibus, *tueatur te ab adversis :* sicut prædictum est.

5 *Memor sit omnis sacrificii tui,* id est omnium operum quæ ei pro salute hominum obtulisti, prædicando, orando, laborando, jejunando ; *et holocaustum tuum,* id est natura tua humana, quam in cruce Patri totaliter immolasti, igne passionis consumptam, *pingue fiat,* id est efficax atque exuberans ad succurrendum. Hoc orat Propheta : non quod sacrificium et holocaustum Christi possint esse inaccepta Patri æterno, quum ipse sit Agnus sine macula, Filiusque dilectus, in quo Patri complacuit ; sed ut Deus merito sacrificii et holocausti Christi, mundo subveniat, parcat, et eum salvificet. (4) *Tribuat tibi,* o Christe Deus, *secundum cor tuum,* id est quidquid desideras ; *et omne consilium tuum,* quo decrevisti mundum redimere, *confirmet,* id est, ad salutarem effectum perducatur, videlicet ut mundus felicitatem acquirat, quemadmodum in Evangelio deprecatus es : Volo, Pater, ut ubi sum ego, illie sit et minister meus.

Exod. XII. 5.

Matth. III.
17; *XVII. 26.*

Joann. XVII.
24; *XII. 26.*

Quibus peractis, 5 *Lætabimur,* o Pater cœlestis, *in salutari tuo,* id est in Christo Filio tuo salvatore nostro, qui dicitur Salutare tuum, quia per ipsum salvasti nos. Vel, Lætabimur, o Christe, in salutari tuo, id est in salvatione qua salvasti nos. *Et in nomine Dei nostri,* id est in virtute et fide sanctæ Trinitatis, *magnificabimur* magnitudine spiritali, ita ut simus filii Dei coheredesque Christi.

Rom. VIII.
17.

6 *Impleat Dominus omnes petitiones tuas,* o Christe, tam illas quas pro proprii

Joann. XVII.

Rom. viii,
34.

corporis glorificatione fudisti, quam illas A
quas pro aliis obtulisti, quam etiam illas
quibus jam, ad dexteram Patris sedens,
pro hominibus interpellas, ostendendo Pa-
tri latus et vulnera.

Nunc ego David per Spiritum *cognovi*,
quoniam saluum fecit Dominus Christum
suum, resuscitando eum a mortuis. Et lo-
quitur de futuro per verbum de præterito,
propter certitudinem prophetiæ. (7) *Exau-*
diet illum, scilicet Christum Deus Pater,
de cælo sancto suo, id est de throno gloriæ,
seu de cælo empyreo : de quo dicitur Deus
exaudire, quia in eo specialiter esse et ha-
bitare censetur. *In potentatibus*, id est in
magnis virtutibus seu fortibus Dei auxili-
is, consistit et est *salus dexteræ ejus*, id est
beatitudo seu redemptio hominum, proce-
dens a dextera ejus, id est a benigno Dei
favore seu misericordi ejus adsistentia.
Salus enim nostra a Dei pietate donatur
nobis, et in actibus præcipuarum virtutum
consistit, qui mentem corroborant atque
in Deo stabiliunt.

8 (8) *Hi in curribus*, id est, quidam sæcu-
larium in transitoriis ac volubilibus mun-
di bonis confidunt ; *et hi in equis*, id est,
quidam eorum in vanitatibus, pompis,

nos autem, qui veraciter Christo conne-
ctimur per caritatem et fidem, *in nomine*
Domini Dei nostri, id est per Christum
Dei Filium, *invocabimus Patrem* : quem-
admodum ipse in Evangelio docet, Quid-
quid petieritis Patrem in nomine meo, da-
bit vobis. (9) *Ipsi*, in curribus et equis
confidentes, *obligati sunt* vitiis, atque ob-
noxii facti variorum peccatorum reatibus,
et ceciderunt a gratia et bono statu mentis;
nos autem surreximus per pœnitentiam a
B peccatis, *et erecti sumus* per contempla-
tionem ad Deum.

Joann. xiv,
13; xvi, 23.

9

10 *Domine Pater, salvum fac regem*,
id est Christum, imponendo brevem fi-
nem angustiis ejus, et ad immortalem sta-
tum eum resuscitando ; *et exaudi nos* per
Christum, scilicet merito ejus exaudiri
optantes, *in die qua invocaverimus te*,
id est in quacumque hora te deprecati
fuerimus : nam semper dum te invoca-
mus, spiritualiter nobis dies est, quoniam
Christus qui est intellectualis dies et sol
C justitiæ, lucet per fidem et gratiæ clarita-
tem in cordibus nostris : præsertim quum
oratio non sit nisi ascensus mentis in
Deum.

10

ARTICULUS XLVII

EXPOSITIO EJUSDEM PSALMI NONDECIMI DE ECCLESIA AC UNOQUOQUE FIDELI.

Act. iv, 32.

2 Q UONIAM universos electos caritas Dei
congregat, et unum in Domino facit ;
ut legitur in Actis Apostolorum, quod mul-
titudinis credentium erat cor unum et ani-
ma una : ideo sanctus Propheta, caritate
urgente, pro tota Ecclesia atque pro quo-
libet ejus membro orat et ait : *Exaudiat*
te, o Ecclesia Dei et unusquisque fidelis,
in die tribulationis, id est in hora tentatio-
nis, necessitatis, seu adversitatis ; *protegat*
te nomen Dei Jacob, sancti videlicet Pa-
triarchæ, ne succumbas, nec pericliteris.

D *Mittat tibi auxilium*, per quod consolati-
onem victoriamque obtineas, *de sancto*, id
est de sanctissima liberalitate suæ bonita-
tis immensæ, per quam (teste Jacobo) dat
omnibus affluenter, et non improperat ; *et*
de Sion, id est de Ecclesiâ triumphanti,
quæ eum per speciem contemplatur, *tuea-*
tur te contra adversa, mittendo videlicet
angelos sanctos ad tuam custodiam, pro-
tectionem ac liberationem.

Jacob. i, 5.

3

Memor sit omnis sacrificii tui, id est
totius obsequii quod ei impendis, reci-

4

piendo illud benigne, et beatitudinem tibi A pro eo restituendo. *Et holocaustum tuum*, id est interna illa ac caritativa oblatio, qua te ipsum Domino offers et mactas : sicut inferius dicitur, Quoniam propter te mortificamur tota die ; *pingue fiat*, id est, bonis operibus adornetur, et copiosa mercede impleatur atque ditetur. Holocaustum quippe in veteri lege appellabatur, quod ad Dei honorem totaliter cremabatur : sicut qui se ipsos totaliter abnegant, et Christi crucem super se bajulant, se ipsos holocaustum Domino offerunt. Sicque per holocaustum intelligi potest ipsa voluntas seu anima, quæ tunc pinguis fit, dum Christi amore saginatur, divinisque consolationibus dilatatur.

Vel sic : *Memor sit Dominus*, o Ecclesia, *sacrificii tui*, id est Sacramenti altaris, quod est sacrificium novæ legis : cujus petit Propheta Dominum reminisci, non quod ipsum sacrificium displicere possit, sed ne Deus per peccata offerentis offensus, effectum sacrificii hujus non donet

27. *I Cor. xi*, fidelibus. Nam, ut ait Apostolus, Quicumque manducaverit panem hunc, vel biberit calicem Domini indigne, reus erit corporis et sanguinis Domini. Unde sacerdos quoque in Missa orat, ut Sacramentum corporis et sanguinis Christi acceptum sit Deo, dicens : Supra quæ propitio ac sereno vultu, etc. *Et holocaustum tuum*, o Ecclesia, id est prædictum sacrificium quod holocaustum vocatur, quoniam Christus se ipsum perfecte ac integre obtulit Patri in odorem suavitatis, secundum Apostolum : hoc, inquam, holocaustum *pingue* D *fiat*, id est, recipientes et offerentes, spiritualiter pingues efficiat, dando eis effectus sacramentales.

5 *Tribuat tibi Deus secundum cor tuum*, id est secundum rationabile desiderium cordis tui ; *et omne consilium tuum confirmet*, quatenus consilia tua in ipso permaneant, atque ab ipso inspirentur, dirigantur, et perficiantur : quod fit per hoc quod Deus dat animæ donum consilii, per quod fit bene mobilis a Spiritu Sancto in

omni inquisitione consiliativa. Debemus quoque semper Dominum invocare pro dono consilii, quemadmodum Dominus ait apud Isaiam : Væ, filii desertores, ut faceretis consilium, et non per me ; et ordiremini telam, et non per Spiritum meum. Indigemus namque hoc dono, ne decipiamur in consulendo, propter variabilitatem rerum humanarum, et varias circumstantias atque eventus : quæ omnia considerare non possumus, nisi per Spiritum Sanctum moveamur in consulendo, quia B scriptum est : Cogitationes mortalium sunt timidæ, et incertæ providentiæ nostræ. Merito ergo orat Propheta, Et omne consilium tuum confirmet.

Nunc cognovi quoniam salvum fecit Dominus Jesus Christus christam suum, id est quemlibet fidelem unctione Spiritus Sancti interius unctum, sicut ait Joannes : Vos unctionem habetis a Sancto, et nostis omnia. *Exaudiet Christus illum* sic unctum de *carlo sancto suo*, in quo ipse cum Patre et Spiritu Sancto vivit, regnat ac residet.

Domine, salvum fac regem, id est quemlibet Christianorum rectorem, principem, seu prælatus. Vel, Regem, id est unumquemque se ipsum rationabiliter gubernantem, ac animo proprio dominantem. Cetera ex præcedenti expositione satis clarescunt.

Denique unusquisque dicere potest hunc psalmum pro se ipso orans, videlicet dirigendo sermonem ad propriam animam : sicque a sacerdote celebraturo, se ipsum alloquente, convenienter diceretur. Specialiter quoque tres versus in ipso contenti, videlicet, Mittat tibi auxilium de sancto, cum duobus sequentibus, valde congruenter dici possunt ab adstantibus, quando se vertit sacerdos in Missa ad populum, petens orari pro se.

PRECATIO.

Exaudi nos, quæsumus, Domine, in die tribulationis, et protege nos ab omnibus malis : ut surgentes et erecti stantes, prostratis hostibus, in te Domino Deo nostro semper exsulemus.

Is. xxx, 1.

Saj. ix, 14

I Joann. ii, 20.

10

ARTICULUS XLVIII

EXPOSITIO LITTERALIS PSALMI VICESIMI : DOMINE, IN VIRTUTE TUA, ETC.

1 PRETEREA psalmi nunc exponendi talis A est titulus : *In finem, psalmus David* : id est, psalmus iste attribuitur David, dirigenti mentis suæ intuitum in Christum : de quo et cujus regno, psalmus hic ad litteram exponendus est.

2 PRIMO autem ostendit gloriosus Prophe-
ta beneficia humanitati Christi collata
a sua divinitate, et ait : (1) *Domine Pater*,
Ephes. iii, 15. ex quo (secundum Apostolum) omnis pa-
ternitas in cælo et in terra nominatur, *in*
virtute tua, id est in omnipotentia tuæ
majestatis tanquam in objecto, *lætabitur*
Apoc. i, 5; xviii, 14; xix, 16. *rex*, id est Dominus Jesus, qui est rex regum
et princeps regum terræ. Christus enim ut homo, gloriatus est de perfectione
et potestate divina, per quam faciebat miracula; et non lætabatur de se, secundum
quod homo, nisi in Deo. *Et super salutare tuum*, id est de salvatione sui corporis per
resurrectionem, et de omni beatitudine ei
a te collata, præsertim de personali unione
suæ humanitatis cum Verbo, *exsultabit vehementer* : quoniam Christus ut homo,
tanto vehementius gaudet in Deo, quanto
se videt magis electum ab eo, pluraque
salutaria dona sortitum ab ipso.

3 2. *Desiderium cordis ejus tribuisti ei*,
exaudiendo eum in omnibus, et beatificando
animam ejus a suæ creationis principio;
et *voluntate labiorum ejus*, id est effectum
orationum, instructionum, ac aliorum
sermonum suorum, *non fraudasti eum*,
sed exaudisti eum, ejusque doctrinam
fecisti in cordibus electorum fructificare
in vitam æternam; imperioque oris
sui subjecisti spiritus immundos : nam ad
imperium Christi ejiciebantur dæmonia,
Matth. iv, 24; xiii, 16; 32; et alibi. quemadmodum Evangelistæ testantur.

Ideo autem hæc Christo homini competunt, (3) *Quoniam prævenisti eum in benedictionibus dulcedinis* : omni enim gratia
excellentissime adornasti animam Christi
ab instanti suæ creationis, conservando
eam ab omni peccato originali et actuali
immunem, universisque donis Spiritus
Sancti dulcissimis eam replendo, et quod
super omnia est, beatifica tua visione ipsam
felicitando : et hoc sine præcedentibus
meritis ejus. Benedictio equidem Dei
vocatur collatio gratiæ ejus. Anima ergo
B Christi præventa est benedictionibus
dulcedinis, id est gratuitis donis divinæ
collationis sine præviis meritis.

Posuisti, o Domine Pater, *in capite ejus*,
id est in superiori parte animæ Christi, in
qua Trinitatis imago consistit, videlicet in
intellectu ipsius, *coronam triumphalem*,
salutem, seu victoriosam felicitatem, *de*
lapide pretioso, id est de perfecta atque
firmissima caritate compactam : quoniam
beatitudo intellectus, per actum caritatis
perficitur, stabilitur, et immobilizatur.
C (4) *Vitam*, id est resurrectionem festinatam
a morte, scilicet ut tertia die suscitaretur,
petiit Christus a te, Domine Pater, *et*
tribuisti ei, resuscitans eum tertia die :
nec solum dedisti ei vitam, sed et vitam
impassibilem et æternam (quemadmodum
ait Apostolus, Christus resurgens ex mortuis,
jam non moritur). Ideo subdit, *longitudinem*
dierum in sæculum et in sæculum sæculi,
id est, dedisti ei vitam æternam, cujus
duratio omne tempus includit. Et ergo
5 *Mayna est gloria*, id est delectatio, *ejus*
6 *in salutare tuo*, id est in salutifera conjunctione
ad te. Gloria enim Christi hominis, est in
unionem suam beatam ad Deum : et
tanto est hæc gloria ejus major, quanto

Rom. vi, 9.

propinquius Deo unitus est. *Gloriam*, id est animæ iucunditatem de electorum salvatione, ac cœlestis Jerusalem reædificatione, *et magnam decorem*, id est corporis splendidissimam glorificationem, *impones super eum*, scilicet Christum, sicut in die resurrectionis et ascensionis jam factum est. Vel sic : *Gloriam*, id est claram notitiam, *et magnam decorem*, id est præclarum ornatum, *impones super eum*, videlicet copulando sibi Ecclesiam immaculatam, sui Sponsi claram cum laude notitiam habentem, eumque decorantem et lætificantem, sicut sponsa ornat et lætificat sponsum suum.

7 Ideo autem hæc facies, o Deus Pater, 6 *Quoniam dabis eum*, scilicet Christum, *in benedictionem in sæculum sæculi* : ita ut non solum sit in se ipso æternaliter benedictus, sed etiam alii benedicantur per ipsum : prout inferius dicitur, Et benedicentur in ipso omnes tribus terræ. *Lætificabis eum in gaudio*, id est, omni gaudio Christum implebis, *cum vultu tuo*, id est ex adspectu vultus tui, in cuius visione beatitudo consistit : ita ut Christus jam tibi præsens, gaudeat non solum de propria felicitate, sed de omnium quoque salvandorum per ipsum salute.

8 Talis vero accidentaliter merces et gloria Christo debetur, 7 *Quoniam rex*, id est Christus, *sperat in Domino*, id est, omne bonum nondum adeptum, ab eo exspectat et ei attribuit ; neque creatam potentiam sibi sufficere ad felicitatem existimat, sed totam fiduciam in Deo ponit ; *et in misericordia Altissimi non commovebitur*, id est, sperando in misericordia Dei non derelinquetur, nec a Domino separabitur. Nam Christus nunquam motus est vel separatus a Domino.

9 Consequenter agit Propheta de reprehensione hostium Christi, et ait : 8 *Inveniat*, o Christe iudex, *manus tua*, id est potestas tua ulciscens peccata, *omnibus inimicis tuis*, videlicet hæreticis, schismaticis et impœnitentibus, ita ut experiantur in pœnis tuam iustitiam, qui

A noluerunt in via acquirere tuam clementiam. *Dextera tua*, id est rectissima atque districta tua iustitia, *inveniat*, per examinationem ac pœnæ inflictionem, *omnes qui te oderunt*, id est perversos incredulosque Judæos, qui te per invidiam occiderunt. Hos gravior pœna possideat, quoniam gravius peccaverunt. Et ita erit, nam 9 *Pones eos ut cibatum ignis*, inflammando eos [in] corpore igne sensibili, et [in] anima vi doloris ac verme conscientiae, *in tempore vultus tui*, id est in die

B iusti iudicii, quando per retributionem adspicies quæ modo per longanimitatem dissimulas. *Dominus Christus in ira sua*, id est in ultione suæ iustitiæ, *conturbabit eos*, projiciendo eos in tenebras exteriores, ubi umbra mortis et nullus ordo, sed sempiternus horror inhabitat ; *et devorabit eos ignis infernalis*, non ut consumpti moriantur, sed ut miseriis involuti, æternaliter crucientur, sicut in libro Judith legitur : Dominus omnipotens iudicabit in eis, in die iudicii visitabit illos. Dabit enim

C ignem et vermem in carnem ipsorum, ut urantur, et sentiant usque in sempiternum. 10 *Fructum eorum*, id est delectationem ipsorum carnalem ac turpem, *de terra perdes*, id est, a regione vivorum separabis, ne gaudeant in cœlis cum Deo, qui nunc illicite deliciantur in sæculo ; *et semen eorum*, id est opera eorum, *perdes a filiis hominum*, id est a beata societate eorum qui in mundo rationabiliter et humane et pie vixerunt, quemadmodum scriptum est : Tollatur impius ne videat gloriam Dei.

Tota ista sententia, quæ inter bonos et malos discernit, etiam per Malachiam pulchre innuitur : Convertimini, inquit, et videbitis quid sit inter justum et impium, et inter servientem Deo et non servientem ei. Ecce dies veniet succensa quasi caminus ; et erunt omnes superbi et omnes facientes impietatem stipula ; et inflammabit eos dies veniens, dicit Dominus, quæ non derelinquet eis radicem.

Insuper ista specialiter et convenienter

Matth.
xxvii, 18.

10

Ibid. xxv,
41.

Job x, 22.

Judith xvi,
20, 21.

11

Is. xxvi, 10.

Malach. iii,
18.

Ibid. iv, 1.

Ps. lxxi, 17.

ter, imo et litteraliter exponi possunt de A
oppressione, occisione, et combustione Judæorum per Romanos principes facta, ut sit sensus : *Inveniatur*, o Christe, *manus tua omnibus inimicis tuis*, id est, experiantur infideles Judæi potentiam tuam ac justam vindictam. *Pones eos ut clibanum ignis*, replendo magnis ac variis calamitatibus : *in tempore cultus tui*, id est in die ultionis, qua per Titum et suos respexisti vindicare mortem tibi illatam. *Dominus in ira sua conturbabit eos* timore atque dolore ; *et devorabit eos* B
ignis, id est, magna et vehemens pœna consumet eos, sicut et factum est. *Fructum eorum de terra perdes*, etc. Nam in prædicta persecutione de terra sua expulsi sunt et ipsi et filii eorum usque in diem præsentem.

Quæ autem sequuntur, de prædictis Judæis optime exponuntur. Subjungit enim causam tantæ oppressionis, et dicit : II *Quoniam declinaverunt*, o Christe, *in te mala*, imponendo tibi grandia crimina. Nam
12 coram Pilato clamabant : Si non esset hic C
malefactor, non tibi tradidissemus eum ; et iterum : Tolle, tolle, crucifige eum. *Cogitaverunt consilia quæ non potuerunt stabilire*. Frequenter namque excogitaverunt Judæi, qualiter aliquam occasionem contra Christum invenirent ; sed non potuerunt sua consilia stabilire, quia non poterant rationabilem causam reperire, nec suas accusationes probare aut verificare.

Joann. VIII.
30.

Ibid. XIX.
15 : Luc.
xxiii, 18, 21.

12 *Quoniam pones eos dorsum*, id est, per- 13
mittes eos excæcari, indurari, et omnino averti a te, ita ut fugiant a lege et fide tua, vertentes ad te dorsum, non faciem
mentis. *In reliquiis tuis*, id est in paucis 33.
quos tibi elegisti ex illis, de quibus ad Romanos ait Apostolus, Reliquiæ salvæ
fient, *præparabis*, id est, recte dispones et ordinabis, *vultum eorum*, id est scientiam legis ac Prophetarum : quam ipsi male atque carnaliter intellexerunt ; seque in ea sapientes esse jactabant, sed
ita non erat. Verum Christus per Spiritum Sanctum contulit reliquiis suis verum et sanum intellectum legis ac Prophetarum, sicque electis suis reliquiis præparavit, seu perfecte paravit, vultum vel cognitionem carnalium Judæorum.

15 *Exaltare, Domine Christe, in virtute 14*
tua, id est, propria potestate resurge, ascende, te ipsum mundo declara per doctrinam atque miracula Apostolorum, principem hujus mundi ejice foras, in cordibus
fidelium regna, et totum mundum tuo imperio subde. Quo facto, *cantabimus voce et psallemus* vita ac moribus *virtutes tuas*, id est sanctitatem ac perfectionem conversationis tuæ, miracula quoque et cetera quæ ad nominis tui honorem et gloriam pertinent. Statim enim post Christi ascensionem et Spiritus Sancti missionem, cœpit Ecclesia publice securaque mente cantare et psallere, prædicare et scribere virtutes sui Salvatoris.

Jer. XXXII,
33.

Rom. IX. 27.

Joann. XII,
31.

ARTICULUS XLIX

EXPOSITIO ANAGOGICA EJUSDEM PSALMI VICESIMI.

DENIQUE, secundum anagogicum in- D
tellectum, exponitur psalmus iste de quolibet Beatorum in patria. Nam Ecclesia in natalitiis martyrum, magnam partem cantus assumpsit ex psalmo præsentem.

Ait ergo : *Domine simplex ac trine*, qui 2
es fons universæ sanctæ lætitiæ, *in virtute tua*, id est in te ipso, qui es virtus tua ; vel. In virtute tua, id est in Christo Filio tuo, qui (teste Apostolo) est virtus et sa- 1 Cor. I. 24.

pientia tua : *letabitur rex*, id est quilibet A
 comprehensor in patria : quoniam in vi-
 sione tua ac Filii tui consistit beatitudo
 æterna, quemadmodum Unigenitus tuus
 testatur : Hæc est, inquit, vita æterna,
 ut cognoscant te solum Deum verum, et
 quem misisti Jesum Christum. Omnes enim
 Beati in patria, merito reges vocantur,
 quum sint præelecti perfectique filii æter-
 ni Regis, quemadmodum in Apocalypsi
 scriptum est : Videbunt faciem ejus, et re-
 gnabunt in sæcula sæculorum. *Et super*
salutare tuum, id est de salutari tui noti-
 tia, seu clara visione tuæ essentiae, *exul-*
tabit vehementer, imo ineffabiliter, et om-
 ni viatori incomprehensibiliter : prout per
 Prophetam Dominus ait : Orietur vobis
 timentibus nomen meum Sol justitiæ, et
 sanitas in pennis ejus. Saliatis quasi vituli
 de armento, et calcabitis impios. Et sa-
 cratissimus Apostolorum princeps in Ca-
 nonica sua : Videntes, inquit, Jesum, exul-
 tabitis lætitia inenarrabili et glorificata,
 reportantes finem fidei vestræ, salutem
 animarum vestrarum. Et Paulus : Non sunt,
 ait, condignæ passionis hujus temporis
 ad futuram gloriam quæ revelabitur in
 nobis.

3 fine vehementer, quoniam *desiderium cor-*
dis ejus, id est bonum desideratum a cor-
 de suo, *tribuisti ei*, dando ei te ipsum in
 præmium. Vel, Desiderium cordis ejus tri-
 buisti, id est, affectum quo te desideravit
 videre præsentem, perduxisti ad actum,
 ostendendo ei te ipsum, ac illud evange-
 licæ veritatis ei dicendo : Euge, serve bo-
 ne, quia in modico fidelis fuisti, supra
 multa te constituam ; intra in gaudium
 Domini tui. Proprie autem sumendo de-
 siderium pro affectu boni futuri, sic San-
 cti in patria non habent desiderium re-
 spectu præmii essentialis, sed amorem,
 quoniam amor est de bono præsentem ; sed
 respectu accidentalis præmii desiderium
 habent. Nihilo minus Petrus loquens de
 Christo, dicit quod angeli desiderant in
 ipsum prospicere : in quo utique prospe-

A etu præmium essenziale consistit. Sed ibi
 desiderium sumitur pro amore fastidium
 excludente. *Et voluntate labiorum ejus*, id
 est desiderio orationum oris sui, quibus
 in via semper oravit pervenire ad pa-
 triam, *non fraudasti eum*. Et hoc ideo,
quoniam prævenisti eum in benedictioni-
bus dulcedinis, id est, quoniam ab æterno
 elegisti eum ad hanc gloriam benedictam
 atque duleissimam : sicut Apostolis ait :
 Non vos me elegistis, sed ego elegi vos.
 B Vel, Prævenisti eum in benedictionibus
 dulcedinis, id est, virtutes theologicas, sci-
 licet fidem, spem et caritatem, per quas
 benedicimur et Deo conjungimur, infudi-
 sti ei in via sine prævio merito. Has enim
 virtutes nullus de condigno meretur, sed
 nec habitum gratiæ novum ; sed Deus mi-
 sericorditer prævenit nos secundum or-
 dinem prædestinationis æternæ, providens
 nobis de omnibus necessariis ad adipi-
 scendum vitam æternam.

Posuisti in capite ejus, id est in intel-
 lectu ejus, qui est suprema vis animæ,
 secundum Thomam, *coronam*, id est es-
 sentiale præmium, quod theologi auream
 nominant, scilicet visionem divinæ essen-
 tiæ : et hanc coronam posuisti in capite
 ejus, *de lapide pretioso*, id est de objecto
 æterno seu summo bono causatam, quia
 ex unione intellectus ad Deum, causatur
 in ipso ista felicitas. Sicque corona San-
 ctorum est de lapide pretioso, non sicut
 de causa materiali, sed sicut de finali ac
 efficienti : nam Deus sublimis ac benedi-
 ctus, est effector et finis omnis creatæ
 D felicitatis. Hac corona non coronatur, nisi
 qui legitime certaverit, et mundo corde
 Deo servierit. Hæc enim corona facit nos
 Deo perfecte similes, seu deiformes, quem-
 admodum apud Joannem legitur : Carissi-
 mi, nunc filii Dei sumus, et nondum ap-
 paruit quid erimus. Scimus quoniam quum
 apparuerit, similes ei erimus, quia vide-
 bimur eum sicuti est.

Vitam æternam et cœlestem *petiit a te*,
 dum adhuc peregrinabatur in sæculo isto :
 ejus vita est potius mors dicenda quam

Joann. xvii.
3.

Apoc. xxi.
4. .

Malach. iv.
2. 3.

I Petr. i. 8.
9.

Rom. viii.
18.

Matth. xxv.
21. 23.

I Petr. i. 12.

4

Joann. xv.
16

II Tim. ii. 5.

I Joann. iii.
2.

5

vita, secundum Gregorium ; *et tribuisti ei* A quod petiit, scilicet *longitudinem dierum in sæculum et in sæculum sæculi*, id est diem æternum qui non causatur a sole

Apoc. xvi.
23.

6 eam, et lucerna ejus est Agnus. *Magna est gloria ejus*, scilicet comprehensoris ejuslibet, *in salutari tuo*, id est in contemplatione Verbi æterni : in Christi enim visione beatitudo reposita est. *Gloriam et magnum decorem*, id est duplicem stolam, videlicet animæ felicitatem, et corporis claritatem, *impones super eum*, in resurrectione mortuorum, quando mortale hoc induet immortalitatem, et quando justii fulgebunt sicut sol in regno Patris eorum. Vel sic : *Gloriam*, id est tres dotes animæ, scilicet visionem quæ succedit fidei, ten-
tionem quæ succedit spei, et fruitionem quæ succedit caritati, *et magnum decorem*, id est quatuor dotes corporis, utpote claritatem, impassibilitatem, agilitatem, et subtilitatem, *impones super eum*.

1 Cor. xv.
54.

Matth. xiii.
43.

7 *Quoniam dabis eum in benedictionem*, id est, facies eum adhærere benedictioni tuæ, quatenus sit benedictus *in sæculum sæculi*, id est sine fine : nam quilibet comprehensor est confirmatus in bono ; *lætificabis eum in gaudio cum vultu tuo*, id est ex claro ac immediato adspectu vultus tui : sicut superius dictum est, Adimplebis me lætitia cum vultu tuo.

Ps. xv, 11.

Omnia autem prædicta bona habet comprehensor unusquisque in patria, quia in hac vita speravit in bonitate divina. Ideo D subdit : *Quoniam rex sperat in Domino*, non in patria, sed in via. In patria enim non manent fides et spes, quoniam fides includit obscuritatem notitiæ, spes autem absentiam boni optati : quorum neutrum in patria manet. *Et in misericordia Altissimi non commovebitur*, id est, confidendo in Deo, et innitendo gratiæ et misericordiæ ejus, non cadet, neque damnabitur. Ideo Salomon ait : Turris fortissima nomen Domini ; ad ipsum currit justus, et ex-

Prov. xviii.
10.

altabitur. Et Isaias : Qui autem sperant in Domino, mutabunt fortitudinem, assumment pennas ut aquilæ, volabunt, et non deficient.

Is. xl, 31.

Postremo Ecclesia triumphans dicit Domino, non orando, sed regratiando : *Exaltare, Domine, in virtute tua*, id est, secundum magnitudinem tuæ potentiae, ostende nobis altitudinem tuam immensam, manifestando nobis te ipsum sicut es : sicque æternaliter *cantabimus et psallemus virtutes tuas*, id est, laudabimus perfectiones tuas, videlicet sapientiam, justitiam, omnipotentiam, felicitatem, liberalitatem, etc. Vel sic : *Exaltare, Domine, in virtute tua*, damnando ac deiciendo adversarios tuos, omnes videlicet reprobos, sicut in Apocalypsi habetur : Sub ara Dei Sancti clamabant, Usquequo, Domine, non vindicas sanguinem nostrum ? Quo facto, *cantabimus nos et psallemus virtutes tuas*, laudando tuam justitiam atque potentiam. Unde scriptum est : Exultate, cœli et sancti Apostoli et Prophetæ, quoniam judicavit Deus judicium vestrum. Cetera in præcedenti expositione declarata sunt.

Apoc. vi,
9, 10.

Ibid. xviii,
20.

Ecce audivimus ex elucidatione præsentis psalmi inæstimabilem beatitudinem electorum, atque horribiles pœnas malignorum. Eligat ergo sibi unusquisque, cum quibus post hanc brevem ac labilem vitam locari ac præmiari desiderat ; studeatque illorum nunc opera imitari, cum quibus vult in futuro demorari. Si cum Beatis regnare desideramus in cœlo, satagamus cum eis compati Christo, mundum despiciere, passiones immoderatas et vitia abhorrere ; atque ordinata, munda, ac stabili mente omnipotenti Domino deservire.

PRECATIO.

Virtutum meritis, Domine, nos exalta, quibus devote cantemus et psallamus virtutes tuas : da nobis benedictionem perpetuam consequi, et gaudio per ævum cum vultu tuo desiderabili lætificari.

ARTICULUS I.

EXPOSITIO LITTERALIS PSALMI VICESIMI PRIMI : DEUS, DEUS MEUS, RESPICE, ETC.

1 Hic insuper psalmi iste est titulus : *In finem, psalmus David, pro susceptione vel assumptione seu cerva matutina* : id est, psalmus iste in finem nos dirigens, est David, id est Christi per David figurati, pro assumptione vel susceptione matutina, id est pro sua resurrectione, quæ mane facta est, in psalmo isto orantis ; vel, Pro cerva matutina, id est pro Christi humana natura, quæ comparatur cervæ, quoniam ad similitudinem cervæ semper per contemplationem alta conscendit, et terrena transiliit.

Quod autem hic psalmus ad litteram de Christo sit exponendus, constat ex eo quod beatissimi Evangelistæ allegant verba psalmi hujus in Christi passione esse impleta, sicut patebit. Dicuntque Hieronymus et alii multi, quod Christus in cruce cecinit totum hunc psalmum cum psalmis sequentibus usque ad illum versiculum, In manus tuas commendo spiritum meum : quod satis probabile est. Matthæus enim et Marcus testantur Christum in cruce dixisse principium hujus psalmi, scilicet, Deus, Deus meus, ut quid dereliquisti me ? Lucas vero commemorat eum dixisse versum illum, In manus tuas commendo spiritum meum. Unde videtur intermedios quoque versus dixisse. In Hebræo namque psalmus iste sic incipit : Eli, Eli, lamma haza-babthani ? Quod autem adjungitur in nostra translatione, Respice in me, non est in Hebræo, nec in translatione Hieronymi juxta Hebræum, sed a Septuaginta interpretibus additum creditur.

Porro Psalmus iste pulcherrimus valde est, et omni devotione plenissimus : estque cum fideli ac pia compassione Christi cantandus ; et qui eum sine affectu promit, nescio si Christo gratus est, eumve

A diligat. Non est enim aliquis psalmus qui tam evidenter, determinate, ac proprie Christi passionem describat, sicut hic psalmus ; ita ut potius historia videatur, quam prophetia. Nec recolo in toto veteri Testamento tam diffuse et clare descriptam Christi passionem, sicut in hoc loco, et Isaïæ quinquagesimo tertio capitulo. Quamvis etenim Daniel apertissime dixerit Christum occidendum, non tamen ita prolixè ac determinate describit modum et acerbiter hujus occisionis, quemadmodum B David et Isaïas in locis præallegatis. Dili-genter ergo et affectuose, quantum Dominus dare dignabitur, exponendus est psalmus iste dulcissimus, et mira virtute repletus, cujus singula verba sunt faculæ quædam ignis divini amoris, qui est Spiritus Sanctus. O quam clare et condolenter vidit sanctissimus David in spiritu acerbiter hujus occisionis, et quod Christo patienti compatiendum sit, quando hunc psalmum conscripsit ! et quomodo virtus C causæ principalis hujus psalmi, videlicet virtus Spiritus Sancti, resultat et continetur in hoc suo effectum, scilicet in psalmo præsentem !

A IT ergo Propheta in persona Christi, vel potius ipsemet Christus ratione humanitatis assumptæ : (1) *Deus, Deus meus*. Repetitio Dei, indicium est ferventis desiderii. Itaque, *Deus* universorum, *Deus meus* specialissimo modo, sicut frequenter expositum est. Unde post resurrectionem

D Christus Mariæ Magdalene ait : Ascendo ad Patrem meum et Patrem vestrum, Deum meum et Deum vestrum. In quo designat, quod sicut Deus est specialiter suus Pater ratione divinæ naturæ, quam per genera-

Is. LIII.

Dan. IX, 26.

Ps. XXX, 6.

Matth.
XXVIII, 46 ;
Marc. XV,
34.Luc. XXIII,
46.

2

Joann. XX,
17.

tionem a Patre recepit; sic specialiter est A
suis Deus ratione humanitatis assumptæ :
quam Pater plus diligit quam totum univer-
sum; et ipsa quoque Deum plus diligit quam
totum universum : sicut ostensum est.

Ait itaque unicus atque amantissimus
Dei Filius, in crucis patibulo pendens,
et inexcogitabilibus pœnis circumdatus :
Deus, Deus meus, respice in me, id est,
attende et vide quid pro tuo honore ac
mundi salute sustineo. Quomodo sic aver-
tis, vel potius avertere videris faciem tu-
am a puero tuo, de quo toties asseruisti, B
Hic est Filius meus dilectus? Respice in
me, id est, condole mihi, qui semper re-
spexi in te cum omni reverentia, faciendo
quæ tibi sunt placita.

Quare me dereliquisti? id est, cur ita
te habes circa me, quasi omnino non per-
tinerem ad te, sed displicerem tibi et es-
sem traditus oblivioni, sicut et illi de
quibus ait Scriptura, Nescio vos? Quare
me dereliquisti in manus impiorum? Qua-
re me dereliquisti, subtrahendo patienti
naturæ ac inferioribus viribus solitam di-
vinæ consolationis dulcedinem, seu con-
suetam redundantiam gaudii a superio-
ribus animæ viribus ad inferiores ejus
potentias? In hora enim passionis, non fi-
ebat aliqua redundantia felicitatis quam
habuit Christus in supremis animæ suæ
potentiis, per comparisonem earum ad
Verbum, ad inferiores suas potentias; sed
tam graves patiebatur pœnas in corpore,
et tantis in anima afficiebatur doloribus,
quasi derelictus videretur a Deo. Non ta-
men simpliciter derelictus erat, quia nec
personalem unionem cum Verbo, nec be-
atificam fruitionem mentis in Deo amisit:
imo intellectus et voluntas animæ Christi,
tempore passionis erant simul et semel
in maximo gaudio beatæ fruitionis, at-
que in summo dolore per comparisonem
ad humanam ejus naturam, quæ tota in
afflictionibus fuit quatenus totam huma-
nam naturam redimeret. Hinc quoque pro-
batur, quod nunquam aliquis martyrum
amariorem pertulit mortem Christo. Mar-

tyres namque in suis passionibus mirabi-
les habebant consolationes, adeo ut multi
eorum quodammodo non sentirent tor-
menta foris illata. Ad insinuandum igitur
acerbissimum passionis suæ dolorem, et
ut te quoque ad piam ac christianam pro-
vocet compassionem, Christus ait : Quare
me dereliquisti, ita ut videar omnino con-
temptus a te? Hoc est quod apud Isaiam
legimus : Nos putavimus eum quasi lepro-
sum, et percussum a Deo et humiliatum.

Denique quod sequitur, *longe a salute*
mea, referri potest ad ea quæ dicta sunt,
scilicet, Quare me dereliquisti? ut sit sen-
sus : Quare a corporis sanitate seu a cor-
porali salute dereliquisti me, exponendo
me tantis miseriis? Deinde subjungit cau-
sam hujusmodi derelictionis, et ait : *verba*
delictorum meorum, id est, strepitus vi-
tiorum in auribus Dei male sonantium :
quæ vitia sunt meorum, id est hominum
per me liberandorum. Hæc verba sunt cau-
sa passionis meæ : quemadmodum Isaias
testatur, Ipse autem vulneratus est pro-
pter iniquitates nostras, attritus est pro-
pter scelera nostra. Sicque Delictorum, et
Meorum, divisim construenda sunt. Pos-
sunt tamen conjunctim construi, ita ut
propter unitatem Christi et Ecclesiæ, seu
capitis et membrorum, Christus peccata
nostra dicat sua delicta.

Potest etiam, quod dicitur, *Longe a sa-*
lute mea, referri ad id quod sequitur, sei-
licet, *Verba delictorum*, ut sit sensus :
Verba delictorum meorum, quæ sunt lon-
ge a salute mea, quoniam dividunt inter
Deum et homines, sunt causa quod ita
relinquor ac patior : sicut Jeremias fate-
tur, Spiritus oris nostri, Christus Domi-
nus, captus est in peccatis nostris. Christus
enim passus est, ut mundi peccata aufer-
ret, juxta illud Apostoli : Christo confixus
sum cruci, qui dilexit me, et tradidit se-
metipsum pro me. Unde in Daniele aper-
tissime scriptum est : Dixit Gabriel ad
Danielem : Septuaginta hebdomades ab-
breviatæ sunt super populum tuum, ut
deleatur iniquitas, et adducatur justitia

Is. lxx, 4.

Ibid. 5.

Ibid. lxx, 2.

Thren. iv, 20.

Galat. ii, 19, 20.

Dan. ix, 22, 24.

Ps. lxxviii, 18.

Matth. iii, 17; xvii, 5.

Joann. viii, 20.

Matth. xxv, 12; Luc. xiii, 25, 27.

sempiterna, et impleatur visio et propheta, et ungatur Sanctus Sanctorum.

3 2 *Deus meus, clamabo per diem* : nam Christus in die Parasceves circa horam nonam clamavit : Eli, Eli, lamma hazabthani? sicut jam patuit. *Et non exaudies*, minuendo corporis mei dolorem, animique tristitiam, sed morte amarissima atque turpissima me occidi permittes. *Et nocte clamabo*, videlicet ante diem passionis, quando ter oravi eundem sermonem, et dixi : Mi Pater, si fieri potest, transfer calicem istum a me. Sed nec tunc exaudies : non tamen oratio mea indecens aut reprehensibilis fuit. Unde subjungitur : *et non ad insipientiam mihi*, id est, nec a te, nec ab aliquo poterit mihi ad stultitiam seu indiscretionem imputari, quod ea rogavi in quibus exauditus non sum.

Matth.
xxviii, 40.

Marc. xiv,
36. *Luc.*
xxii, 42.

Joann. xi,
41, 42.

Hebr. v, 7.

Habent autem ista difficultatem non parvam. Apud Joannem namque habetur Christum dixisse : Pater, gratias ago tibi, quoniam audisti me ; ego autem sciebam quia semper me audis. Quomodo ergo nunc ait, Deus meus, clamabo per diem, et non exaudies? Ad Hebræos insuper evidenter ait Apostolus, quod Christus in diebus carnis suæ, preces supplicationesque ad Deum qui possit illum salvum facere a morte, cum clamore valido et lacrimis offerens, exauditus est pro sua reverentia.

Dicendum ergo, quod sicut Damascenus affirmat, Oratio est petitio decentium a Deo ; et secundum Augustinum, ea licet orare, quæ licet desiderare. Christus vero nunquam petivit a Deo aliquid indecens aut illicitum. Propterea quidquid unquam absolute oravit, id est, quidquid ex deliberata voluntate petivit, semper obtinuit. Prædictæ vero postulationes, in quibus se Christus asserit non exauditum, non erant orationes simpliciter fusæ, sed cum quadam conditione ; procedebantque magis ex affectu doloris et motu sensitivæ partis, quam ex rationis pleno judicio, non tamen contra ordinem rationis. Voluit autem Christus has orationes effundere, quas sciebat non esse exaudiendas : primo, ut

A ostenderet se veraciter incarnatum atque passibilem, ad confundendum hæreticos oppositum opinantes ; secundo, propter nostram instructionem, videlicet, ne fatigemur, nec desperemus, dum non exaudimur statim vel pro voto a Domino ; sed exemplo Christi, subjiciamus et commitamus nos beneplacito Creatoris, certi quoniam ipsi cura est de nobis.

1 Petr. v, 7.

Quod autem prædictæ orationes non erant simpliciter et absolute orationes dictæ, constat ex hoc, quod dum Christus dixisset, Pater, transfer calicem istum a me, protinus subdidit, Verumtamen non mea voluntas, sed tua fiat : non quod Christi humana voluntas fuerit divinæ voluntati contraria, sed in hoc Christus omnem suum appetitum, etiam sensitivum, subjecit voluntati divinæ. Sicque absolute loquendo, exauditus est pro sua reverentia, quamvis non sit exauditus quantum ad naturalem suæ humanitatis appetitum, secundum se consideratum, quoniam naturaliter abhorruit mortem ; sed tamen quantum ad istum appetitum, ad superiorem rationem ac divinam voluntatem relatum, exauditus est, quia finaliter et absolute optavit mori pro mundi salute. Propter quod post trinam suam orationem processit festinanter et intrepide obviam Judæis, dicens : Quem quæritis ? Alias non videretur ipse personaliter implevisse quod alios docuit : Nolite, inquit, eos timere qui corpus occidunt, animam autem non possunt occidere ; sed eum timete qui habet potestatem et corpus et animam perdere in gehennam ignis.

Marc. xiv,
36. *Luc.*
xxii, 42.

Joann. xviii,
6, 7.

Matth. x,
28.

4 3 *Tu autem in sancto habitas*. Tanquam dicat Christus : Merito dixi, Et non ad insipientiam mihi reputabitur quod non sum exauditus, quia ex hoc non sequitur me aliquo modo esse aversum a te ; sed tu, Domine Pater, in sancto, id est in me Filio tuo sancto ac prædilecto, habitas, et semper in me es ac permanes. Unde ait Salvator : Tu, Pater, in me, et ego in te, quia dilexisti me ante mundi constitutionem. Et alibi : Verba, inquit, quæ ego

Joann. xviii,
21, 24.
Ibid. xiv,
10.

loquor vobis, a me ipso non loquor; Pa-
ter vero in me manens, ipse facit opera.
Tu ergo in sancto habitas. *laus Israel*, id
est objectum laudis meæ, qui sum verus

Joann. 3, 47.

5

4 *In te*, id est in tua benignissima boni-
tate, *speraverunt patres nostri*, videlicet
Patriarchæ, Prophetæ, et ceteri justī; *spe-*
raverunt, nec frustra, quoniam *et liberasti*

Judith viii,
22-25.

eos. Propter quod alia scriptura dicit: Me-
mores esse debetis, quomodo pater noster
Abraham tentatus est, et per multas tribu-

lationes probatus, Dei amicus effectus est.
Sic Isaac, sic Jacob, sic Moyses, et omnes
qui placuerunt Deo, per multas tribulationes transierunt fideles. Illi autem qui tenta-

6

patientia, exterminati sunt. (5) *Ad te cla-*
maverunt, tempore necessitatis atque an-
gustiae, *et salvi facti sunt*, quantum ad
animam, quamvis interdum permissi sint
in corpore graviter flagellari, lædi, sive
occidi. *In te speraverunt, et non sunt con-*

1 Mach. ii,
52, 53, 60, 61.
Gen. xxi.
2-10.

Ibid. xxxix,
12; xli, 41.

Dan. vi. 22;
xiv, 30-40.

fusi: quia quod desiderabant obtinere a
te, videlicet vitam beatam et requiem sem-
piternam, post hanc temporalem afflictio-
nem sortiti sunt, et non sunt fraudati spe

sua: Hoc est quod venerabilis ille Matha-
thias commemorat: Abraham nonne in
tentatione inventus est fidelis, et reputa-
tum est ei ad justitiam? Joseph in tempo-
re angustiae custodivit mandatum Dei, et
factus est dominus Ægypti. Daniel in sua
simplicitate liberatus est de ore leonis: et
omnes qui sperant in Domino, non infir-
mantur.

7

6 *Ego autem sum vermis, et non homo*:
id est, in passione mea tam lamentabiliter,
tamque horribiliter dilaceratus sum, con-
culeatus et exeruciatus, ut similior viderer
vermi, quam homini; imo in tantum spre-
verunt me persecutores mei, ac si irratio-
nabile brutum fuissem: sicut apud Isaiam
prophetatum est, Non est ei species ne-
que decor; unde nec reputavimus eum.
Et Lucas ait: Viri qui tenebant Jesum,

Is. liii, 2, 3.

Luc. xxii,
63, 64.

A illudebant ei, cædentes eum, et velave-
runt eum, et percusserunt faciem ejus, et

Marc. xiv,
65.

cœperunt conspuere eum, et exspuerunt
in faciem ejus. Ecce quantus contemptus,
ecce quid pertulit Dominus majestatis, ut
sua confusio tam pœnalis, fieret nobis ho-
nor æternus ac beatitudo cœlestis. *Op-*

probrium hominum: id est, factus sum
Judæorum opprobrium, coram Pilato di-
centium: Hunc invenimus subvertentem

Luc. xxiii, 2.

gentem nostram. Et iterum: Noli scribe-
re, Rex Judæorum, sed quia ipse dixit, Rex

Joann. xix,
21.

B sum Judæorum. *Et abjectio plebis*, ita ut
omnibus vilior apparerem: quemadmodum
in Evangelio narratur, ubi sic legitur: Tunc
apprehendit Pilatus Jesum, et flagellavit;

Ibid. 1-3.

et milites (præsidis) plectentes coronam
de spinis, imposuerunt capiti ejus, et ve-
ste purpurea circumdederunt eum; et ve-
niebant ad eum, et dicebant: Ave, rex
Judæorum; et dabant ei alapas, etc. Ex-

Ibid. 5, 6.

ixivit ergo Jesus, portans coronam spineam
et purpureum vestimentum. Et dicit eis:
Ecce homo. Quum ergo vidissent eum pon-

C tifices et ministri, clamabant, dicentes:
Crucifige, crucifige eum. Ecce, o Christia-
ne, et corde fideli perpende, quid pro te
pati dignatus est Christus rex gloriæ. Hoc

spectaculum imprime indesinenter animæ
tuæ, quemadmodum in Cantico Christus
hortatur: Pone me ut signaculum super
cor tuum.

Cant. viii,
6.

7 *Omnes videntes me, deriserunt me*: 8
non simpliciter omnes, quia Nicodemus,
Joseph ab Arimathea, alique multi non
deriserunt eum; sed omnes, de quibus

Joann. xix,
38, 39; Luc.
xxiii, 50, 51.

D prædixit, Factus sum opprobrium homi-
num et abjectio plebis, videlicet omnes
perversi. Vel, Omnes simpliciter, ut sit
distributio pro generibus singulorum, non
pro singulis generum. Vel, Omnes, id est

tam multi, quod comparatione eorum, alii
qui non deriserunt me et adfuerunt, quasi
nulli videntur. Omnes itaque videntes me,
deriserunt me. Tunc itaque omnes isti

deriserunt Filium Dei et Sapientiam Pa-
tris æterni, quando Christum sprexit He-
rodes cum exercitu suo, et illusit (ut ait

1 Cor. i, 24.

Luc. xxiii,
11.

Luc. XIII, 24. Lucas) indutum veste alba; et quando Pilatus adjudicavit fieri petitiones eorum, tradens Jesum flagellatum voluntati eorum ut crucifigeretur; et quando bajulans sibi crucem, exivit; et quando crucifixerunt eum, et latrones hinc et hinc, medium autem Jesum. Propter quod prædictum est: Inglorius erit inter viros aspectus ejus. Et Jeremias ait: Factus sum in derisum omni populo, canticum eorum tota die. Unde, quemadmodum sanctus propheta Ezechiel in figura Christi toties vocatus est filius hominis, sic in figura Christi dictum est ei a Domino: Ego dedi te in portentum domui Israel. Hæc dices filiis Israel: Ego portentum vestrum. Et iterum: Ezechiel erit portentum vestrum.

Is. LII, 14.
Thren. III, 14.
Ezech. XII, 6, 11.
Ibid. XXIV, 24.
Locuti sunt labiis multas blasphemias contra me; et moverunt caput, congratulando miseriis meis, et detestando atque ut pseudopropheta me subsannando.
9 Quid autem locuti sint, subdit: (8) *Speravit in Domino*. Hoc derisorie asserebant, quasi dicerent: Dixit se sperare in Domino. Et ergo *eripiat eum* de istis tormentis, *salvum faciat eum* ab ista turpissima morte, *quoniam vult eum*, id est, quoniam ipse dixit se electum a Deo et Filium Dei. Sicut enim sacratissimi Evangelistæ affirmant, suspenso in cruce Domino Jesu, illuserunt ei principes et Pharisei cum aliis, et dicebant: Si rex Israel est, vel, Si hic est Christus Dei electus, descendat nunc de cruce. Confidit in Deo, liberet eum nunc, si vult. Dixit enim, Filius Dei sum. O admiranda concordia evangelicæ historiæ cum denuntiatione prophetica!

Sed quoniam ista Christo conveniunt propter formam servi, quam pro nobis accepit, ideo addit: (9) *Quoniam tu, Domine Pater, es qui extraxisti me*, supernaturali et ineffabili modo, juxta illud, Generationem ejus quis enarrabit? *de ventre*, id est de incorrupto et clauso atque virgineo utero Mariæ, non obsistentibus exitui meo de Virginis ventre dimensionibus corporum; *spes mea*, secundum quod homo sum, *ab uberibus matris meæ*: quia Chri-

A stus ut homo, semper a principio incarnationis speravit in Domino, non per spem, quæ est virtus theologia, sed per expectationem seu quamdam fiduciam, qua bonum futurum a Deo exspectavit, et quidquid boni habuit, ei attribuit, sicut jam sæpe ostensum est. *In te, o Pater, projectus sum*, jactu amorosæ adhæSIONIS ac filialis fiduciæ, *ex utero*: quia ab instanti quo Christus de Virgine natus est, Patri æterno adhæsit, atque in ipso confirmatus fuit, quemadmodum infra habetur:

B Dominus spes mea a juventute mea, in te confirmatus sum ex utero. *Ps. LXX, 5, 6.*

10 *De ventre matris meæ Deus meus es tu*: quem incessabiliter colo, summe honoro, ardentissime diligo, indesinenter aspicio: et ideo *ne discesseris a me*, derelinquendo me penitus. Quod ideo oro, (11) *Quoniam tribulatio proxima est*, id est, quoniam passio mea jam instat, *et non est qui adjuvet*, liberando me de crudelitatem volentium crucifigere me. Hoc est quod apud Isaiam Christus inducit: Circumspexi, et non erat auxiliator; quæsi, et non fuit qui adjuvaret. Et alibi: Fra-meæ, suscitare super pastorem meum, et super virum coherentem mihi, dicit Dominus. Percute pastorem, et dispergentur oves gregis. Quæ dicta esse de Christo, evangelista Matthæus insinuat.

12 *Circumdederunt me vituli multi*, id est persecutores Judæi, homines instar vitulorum indomiti et lascivi; *tauri pingues*, id est magistratus et principes eorum, et etiam gentiles ac servi Pilati, homines instar taurorum superbi et duri. Unde in Ecclesiastico dicitur: Non te extollas in cogitatione tua velut taurus. Hi ergo *obscderunt me*. Nam Evangelista testante, quum Christus dixisset Judæis, Tanquam ad latronem existis cum gladiis et fustibus comprehendere me; tunc cohors et tribunus ac ministri Judæorum accesserunt, et injeecerunt manus in Jesum, et ligaverunt eum. Mane quoque facto in die Parasceves, duxerunt eum in concilium suum, dicentes: Si tu es Christus, dic no-

11

12

*Is. LXIII, 5.**Zach. XIII, 7.**Matth. XXVI, 31.*

13

*Ecclesi. VI, 2.**Matth. XXVI, 55.**Joann. XVIII, 12.**Luc. XXII, 66.*

14 his palam. 15 *Aperuerunt super me os suum, sicut leo rapiens et rugiens.* Quando? nisi dum ante Pilatum clamabant, Crucifige, crucifige eum. Et quanto ille magis laborabat eum eripere, tanto amplius illi clamabant. Tolle, tolle; et, Si hunc dimittis, non es amicus Cæsaris. Et invalescebant voces eorum. Quum vero misisset ad Herodem Pilatus Jesum, stabant (ut Lucas testatur) principes sacerdotum constanter accusantes eum. Ipse vero non respondit ullum verbum, quatenus impleret quod dictum est per Prophetam: Tanquam oris ad occisionem ducetur, et sicut agnus coram tondente se obmutescet, et non aperiet os suum. Et alibi: Ego quasi agnus mansuetus, qui portatur ad victimam.

15 *14 Sicut aqua effusus sum*, id est, toto corpore exhaustus sum sanguine, propter frequentem sanguinis mei effusionem in die Parasceves, scilicet in corporis dirissima flagellatione, in capitis mei spinea coronatione, præsertim quando percusserunt caput meum arundine, in pedum ac manuum mearum perforatione; *et dispersa sunt omnia ossa mea*, id est, a se invicem disjuncta sunt, et a juncturis naturalibus dissoluta propter violentissimam corporis extensionem in cruce.

15 Factum est cor meum tanquam cera liquescens. Interdum in Scripturis per cor intelligitur mens ipsa vel voluntas, quemadmodum Christus ait: Beati mundo corde. Interdum vero accipitur cor pro organo corporali partis sensitivæ; sicut ait Philosophus, quod in animali cor est primum vivens et ultimum moriens. Primo igitur modo sumendo cor, tunc sensus est: Factum est cor meum tanquam cera liquescens, id est, mens mea præ nimia affectione divini honoris atque humanæ salutis, et etiam præ vehementi dolore patientis naturæ, et præ tristitia propter ingratitudinem reproborum, spiritualiter resoluta est, mollificata, et defluens quodammodo a se ipsa, quemadmodum in Canticis Sponsa ait: Anima mea liquefacta est, ut

A dilectus locutus est. Et ad designandum horum affectuum impetum et ardorem, Christus in Cœna novissima discipulis dixit: Desiderio desideravi hoc pascha manducare vobiscum antequam patiar. Si vero sumatur cor secundo modo, tunc sensus est, quod sicut cera resolvitur seu liquefeit calore ignis, sic cor Christi corporaliter immutatum est, et liquefactum præ magna tristitia et afflictione patientis naturæ, omniumque animæ virium. Passiones enim seu affectiones sensitivæ partis B fiunt cum corporali transmutatione. Denique ex magna affectione superioris appetitus, scilicet voluntatis, sequitur semper immutatio aliqua in inferiori appetitu seu corde. Et ita cor Christi instar ceræ liquefactum est tempore passionis, tum propter redundantiam affectionum voluntatis in ipsum, tum propter sensibiles dolores appetitus inferioris. Videtur tamen hoc loco accipi cor secundo modo, quia subiungitur: *in medio ventris mei*, id est in medio interiorum meorum.

C *16 Aruit tanquam testa virtus mea*: id est, quemadmodum fragmen ollæ igne siccat atque arescit, sic fortitudo mea defecit et aruit propter naturalis harmoniæ corruptionem, sanguinis effusionem, atque vitalium humorum defectum; *et lingua mea adhæsit faucibus meis*, præ siccatate et siti corporali; *et in pulverem mortis*, id est in corruptionem corporeæ vitæ, *deduxisti me*, o Domine Pater, id est, permisisti me in eam induci. Tunc enim corporalis vita Christi quasi in nihilum redacta est, quando anima ejus separabatur a corpore.

D *17 Quoniam circumdederunt me in cruce pendentem canes multi*, id est homines insanientes et furentes adversum me, et sanguinem meum sitientes, ac undique me mordentes verbis blasphemis, irrisionibus invidiosis, et ictibus dolorosis; *consilium * malignantium obsedit me*, id est consiliatores maligni, videlicet Scribæ, Pharisei ac alii, cogitantes quomodo exquisitis tormentis ac morte turpissima

Luc. xxii, 15.

46

47

* alias consilium

Sap. ii, 19, 20.

Joann. xix, 6, 12, 15; Matth. xxvii, 23.

Luc. xxi, 23, 7, 10, 9.

Is. liii, 7.

Jer. xi, 19.

Matth. v, 8.

Cant. v, 6.

Job xvi, 11. occiderent me, ut satiarentur angustiis meis. Hi tales undique vallaverunt me.

18 *Foderunt manus meas et pedes meos*, id est, clavis magnis, spissis et obtusis perforaverunt ac cruci affixerunt manus meas et pedes. O bone Jesu, o innocens Agne, o sancte Fili Dei, quanta sustinui- sti pro me ! Vere, ut ait Apostolus, Pater

Rom. viii, 32.

cælestis proprio Filio non pepereit, qui te tam horrendæ, tamque pœnalissimæ morti exposuit. Hæc autem perfossio pedum ac manuum Christi, erat una de gravissi- mis ejus pœnis. Mors enim confixorum

18

gravissima est, quoniam loca in quibus configuntur, loca nervorum sunt, et ma- xime sensibilia ac passiva. *Dinumerave- runt omnia ossa mea*, id est, dinumerare poterant : quia ob violentam extensionem membrorum apparebant ossium juncturae, præsertim quum Christus nudus cre- datur suspensus, sicut et Adam nudus pec- cavit. Hæc quoque extensio sacratissimi corporis Christi, super omnem æstimationem pœnalissima fuit.

Gen. iii, 10.

19 *Ipsi vero, persecutores et hostes mei, consideraverunt et inspererunt me*, blasphemando, deridendo, et tanto cordi- alius exultando, quanto me gravius vide- bant pati. *Diviserunt sibi vestimenta mea*

19

quatuor milites crucifixo- res, et super ve- stem meam, id est super tunicam incon- sutilem, *miserunt sortem*, cujus esset tota, quia nolebant eam dividere. Hanc vero scripturam allegat evangelista Joannes in Christo impletam.

Joann. xix, 23, 24.

Porro his quæ nunc de Christi passione inducta sunt, consonant quæ de sancto Job leguntur : Nunc, inquit, oppressit me dolor meus, et in nihilum redacti sunt omnes artus mei. Rugæ meæ testimonium dicunt contra me, et suscitavit falsiloquus adversus faciem meam contradictionem. Collegit furorem suum in me, et commi- nans mihi, infremuit contra me denti- bus suis ; hostis meus terribilibus oculis me intuitus est. Aperuerunt super me ora sua exprobrantes, percusserunt maxillam meam, saturati sunt pœnis meis. Conclu-

Job xvi, 8, 13, 16, 17, 18.

A sit me Deus apud iniquum, et manibus impiorum me tradidit. Tenuit cervicem meam, confregit me, et posuit me sibi quasi in signum. Concidit me vulnere super vulnus, irruit in me quasi gigas. Facies mea intumuit a fletu, et palpebræ meæ caligaverunt. Hæc passus sum abs- que iniquitate manus meæ.

Sapiens autem de Christi passione, ac Judæorum consilio pulchre ac notabiliter scribens : Dixerunt, inquit, impii apud se : Circumveniamus justum, quoniam contra- rius est operibus nostris, et improperat nobis peccata legis. Promittit se scientiam Dei habere, et Filium Dei se nominat. Gra- vis est nobis etiam ad videndum, quoniam dissimilis est aliis vita illius. Tanquam nugaces æstimati sumus ab illo, et gloria- tur patrem se Deum habere. Videamus ergo si sermones illius veri sint. Si enim est verus Filius Dei, suscipiet eum, et libera- bit eum de manu contrariorum. Contu- melia et tormento interrogemus eum, ut sciamus reverentiam ejus, et probemus patientiam illius. Morte turpissima con- demnemus eum : erit enim respectus ex sermonibus illius. Hæc cogitaverunt et er- raverunt : excæcavit enim illos malitia eorum.

Sap. ii, 1, 12, 13, 15-21.

Denique ex his et aliis multis sacræ Scripturæ testimoniis evidenter ostendi- tur cæcitas Judæorum, qui putant Chri- stum in primo suo adventu in tanta maje- state et gloria esse venturum, ut totum mundum sibi subiciat, etiam gladio cor- porali, universaque regna plebi Judæorum subdat, deservireque cogat. Hæc autem a vero intellectu Prophetarum discordant. Sancti namque Prophetæ loquuntur de du- plici adventu, quorum primus est in hu- militate ac paupertate, ut judicetur et moriatur ; secundus in majestate et glo- ria, quatenus judicet et regnet. De primo adventu apud Zachariam legitur : Exsulta satis, filia Sion, ecce rex tuus veniet tibi justus et salvator ; ipse pauper, et ascen- dens super asinam et super pullum filium asinæ. Et Jeremias ait : Quare quasi colo-

Zach. ix, 9.

Jer. xiv, 8, 9.

nus venturus es in terra, et quasi viator A declinans ad manendum? Quare venturus es velut vir vagus, et fortis qui non potest salvare? O quam notabilia atque pulcherrima sunt verba hæc beatissimi Jeremiæ! Ex his namque clarissime demonstratur, Christum esse verum Deum et hominem. Nam quod ista de Deo dixerit, qui per incarnationem pauper in mundum venit velut colonus, constat ex eo quod paulo ante præmisit: Tibi peccavimus, expectatio Israel, salvator in tempore tribulationis. Moxque subjungit, Quare quasi colonus venturus es, etc.? Cui prophetiæ concordat quod in Evangelio Christus de se ipso testatur: Volucres cœli nidos habent, et vulpes terræ foveas; Filius autem hominis non habet ubi caput suum reclinet. Et beatus Apostolus loquens de Christo: Propter nos, inquit, factus est pauper, quum dives esset, ut ejus inopia divites essemus.

Jer. xiv. 7,
8.

Matth. xiii,
20; Luc. ix,
58.

II Cor. viii,
9.

Nos ergo, fratres, imaginem crucifixi Jesu cordibus nostris firmiter imprimus, singula ejus tormenta mentibus nostris indelebiter infigamus, quatenus cum Apostolo singuli dicere valeamus: Christo confixus sum cruci; vivo autem jam non ego, vivit vero in me Christus. Et iterum: De cetero, inquit, nemo mihi molestus sit; ego enim stigmata Domini Jesu porto in corpore meo. Non est enim efficacius remedium vincendi omnes tentationes, nec compendiosior via discendi omnes virtutes, quam Christum in cruce suspensum jugiter contemplari, affectuose pensare, ac diligenter attendere. Quomodo enim aliquid carnale eum poterit delectare, qui non cessat Christi pro se passi amarissimas pœnas recolere? Et quomodo poterit Deum non amare, vel Christo ingratus esse, qui considerat Deum propter se proprio Filio non pepercisse, Filium quoque propter se usque ad mortem Patri obedisse?

Galat. ii,
19, 20.

Ibid. vi, 17.

Rom. viii,
32.

Philipp. ii,
8.

ARTICULUS LI

PROSECUTIO EXPOSITIONIS HUIUS PSALMI VICESIMI PRIMI.

POSTQUAM Christus quæ pertulit commemoravit, pro gloria resurrectionis orans, nobisque orandi formam præscribens, subjungit: 20 *Tu autem, Domine, Pater æterne, ne elongaveris*, id est, ne diu differas, *auxilium tuum**, sed statim, scilicet tertio die, resuscita me; *ad defensionem meam conspice*, id est, adspice ut defendas me, non ut non moriar, sed ne in morte detinear, et ne post mortem diu derideant me hostes mei, dicendo: Ecce quomodo seductor ille surrexit a mortuis. (21) *Erue a framea*, id est a morte seu gladio, id est ab omni læsivo, *animam meam*: non quod essentia animæ secundum se posset lædi aut mori, quippe quæ immaterialis atque perpetua scitur et cre-

ditur; sed ne a corpore suo diu permaneat separata; *et de manu canis*, id est de potestate furibundi ac rabidi populi Judæorum, contra me more canum latrantium, *erue unicum meam*, id est animam meam tibi summe dilectam, quæ sola redemptore non eget, nec similem habet. 22 *Salva me ex ore leonis*, id est a devoratione superbæ plebis, quæ me penitus conterere voluit, et tanquam falsum prophetam in æternum confundere; *et a cornibus unicornium*, id est a præsumptionibus atque superbiis malignorum, *humilitatem meam*, id est me inter homines pauperem, humilem, et abjectum: ab his, inquam, salva me, me humilem exaltando, et illos superbos humiliando. Et bene nomine Unicorn-

22

20

* tuum a me

Cf. Matth.
xxvii, 63, 64.

21

D

nis designantur præsumptuosi, quoniam unicornis est animal superbissimum: quod (ut fertur) ex indignatione moritur, si contra desiderium suum teneatur.

23 25 *Narrabo nomen tuum, Domine Pater omnipotens, fratribus meis, scilicet sanctis Apostolis, aliisque discipulis. Nam post resurrectionem Christus frequenter istis apparuit, eosque de Patris ac Filii divinitate, totiusque Trinitatis gloria informavit, quemadmodum evangelica docet historia. In medio Ecclesiarum, id est inter fideles, laudabo te per me atque alios. Christus enim per se ipsum laudavit Patrem ante ascensionem suam, stando in medio discipulorum suorum; et post missionem Paracliti laudavit eum per totum mundum per prædicationem Apostolorum ac ceterorum fidelium. Hunc autem versum allegat Apostolus de Christo prædictum*

Hebr. II, 11, 12.

Joann. XX, 17.

Itaque Christus ad Patrem ait: In medio Ecclesiæ laudabo te. Sic autem laudabo,

24 sicque laudans te pronuntiabo: (24) *Qui timetis Dominum, timore casto et sancto, laudate eum, omne bonum ipsi fontaliter adscribendo, ac omnia ad laudem et gloriam ejus agendo. Universum semen Jacob, id est omnes qui vere filii estis patriarchæ Jacob, non solum carnis propagine, sed fidei quoque ac vitæ imitatione, vitia*

Gen. XXV, 25; XXVIII, 36.

I Tim. I, 17.

Is. XLII, 8.

25 *Ego Dominus, hoc est nomen meum; gloriam meam alteri non dabo. 25 Timeat eum omne semen Israel, id est omnes filii Jacob, qui dictus est Israel quoniam vidit Deum. Omnes ergo homines contemplativi, videlicet mundi corde et simplices, atque quietem amantes, sunt semen Israel,*

A id est, vita et contemplatione sanctum Jacob, secundum quod Israel dictus est, imitantes. In Genesi enim legitur: Factus est Esau vir gnarus venandi et homo agricola; Jacob autem vir simplex habitabat in tabernaculis. Ideo autem, Omne semen Israel timeat Deum timore reverentiali ac filiali, ne sit Deo ingratum de beneficiis Christo et per consequens toti generi humano collatis. Nam subditur: *quoniam non sprevit, displicentia interiori, neque despexit, exteriori repulsa, deprecationem pauperis, scilicet mei, Filii ipsius, qui pauper vixi in mundo. Nec avertit faciem suam, id est pietatis suæ respectum, a me; et quum clamarem ad eum, exaudivit me.* Videtur hoc contrarium his quæ superius dixit: Deus meus, clamabo per diem, et non exaudies. Sed quoniam ibi ostensum est, quod licet Christus non sit exauditus a Patre quantum ad aliquid, simpliciter tamen exauditus est; ideirco quod nunc dicitur, prædictis consonat, et ea corroborat.

Deinde Christus ait ad Patrem: 26 *Apud te laus mea in Ecclesia magna: id est, laus qua ego laudor, teque laudari exhortor, est apud te, id est, tibi placet, et refertur ad te in Ecclesia magna, id est in Ecclesia christiana, quæ per orbem terrarum longe ac late diffunditur: quia per totam plebem catholicam Deus Pater et Filius ejus laudantur. Propter quod Dominus ait: Ab ortu solis usque ad occasum, magnum est nomen meum in gentibus. Et rursus: Cantate Domino canticum novum, laus ejus ab extremis terræ. Vota mea, id est sacrificium novæ legis, videlicet sacrificium corporis et sanguinis mei, reddam, id est, per sacerdotes meos offerri faciam Domino, in conspectu timentium eum, id est præsentibus atque cernentibus populis christianis. Reddidit quoque Christus vota, id est desideria sua, Deo Patri in conspectu timentium eum, dum post Cœnam instante jam passione oravit, et orando desideria sua expressit, quæ habuit pro Patris clarificatione, sui ipsius*

Gen. XXV, 27.

26

Malach. I, 11.

Is. XLII, 40.

glorificatione, et discipulorum omniumque electorum salvatione. Unde apud Joannem loquitur : Pater, venit hora, clarifica Filium tuum, ut Filius tuus clarificet te. Et rursus : Pater, serva eos in nomine tuo quos dedisti mihi.

27 *27 Edent pauperes*, id est, humiles manducabunt Sacramentum altaris, non solum sacramentaliter, sed etiam spiritualiter : ideo *et saturabuntur*, id est, mentaliter impinguabuntur caritate, gratia, consolatione ac donis Spiritus Sancti ; *et laudabunt Dominum* Jesum Christum, qui est in hoc Sacramento dator ac donum, *qui requirunt eum* affectu, fide et opere, sequendo vestigia ejus ; *vivent corda eorum*, spirituali vita, *in sæculum sæculi*, id est sine fine. Nunc enim vivunt per fidem et caritatem ; consummatoque cursu præsentis exsilii, vivent per contemplationem et gloriam. Vivent enim, quoniam fontem vitæ, scilicet Christum, digne recipiunt, sicut et ipse testatur : Ego sum panis vivus qui de cælo descendi. Si quis manducaverit ex hoc pane, vivet in æternum.

Insuper sanctus David, totius mundi conversionem ad Christum prænuntians, ait : 28 *Reminiscentur*, id est, delictorum suorum, divinatorumque beneficiorum quæ non pensabant, recordabuntur, *et convertentur ad Dominum* Salvatorem *universi fines terræ*, audita evangelicæ veritatis prædicatione. Ecce hic conversio gentium apertissime denuntiatur. Quam et Daniel prædixit sub his verbis : Ecce in nubibus cæli quasi Filius hominis venit, et ad Antiquum dierum pervenit ; et dedit ei potestatem et honorem et regnum ; et omnes populi, tribus et linguæ servient ei. Et Isaias ait : Paravit Dominus brachium sanctum suum in oculis omnium gentium ; et videbunt omnes fines terræ salutare Dei nostri. 29 *Et adorabunt in conspectu ejus*, id est, ipsum Dominum tanquam præsentem adorabunt, *universæ familiæ gentium*.

29 *30 Quoniam Domini Salvatoris est regnum*, cujus non erit finis. Ipsius enim

est regnum militantis ac triumphantis Ecclesiæ, quemadmodum Jeremias prædixit : Regnabit rex et sapiens erit. *Et ipse Dominus dominabitur gentium* sibi per fidem obedientium. Unde in Zacharia de Christo habetur : Et loquetur pacem gentibus ; potestas ejus a mari usque ad mare, et a fluminibus usque ad fines terræ.

31 *Manducaverunt* corpus et sanguinem Christi sacramentaliter vel spiritualiter, *et adoraverunt* ipsum Sacramentum, scilicet Christum in Sacramento contentum, *omnes pingues terræ*, id est omnes in gratia Dei atque virtutibus divites : de quibus Dominus per Isaiam ait, Delectabitur in crassitudine anima vestra ; et in Canticis, Comedite, amici, et bibite, et inebriamini, carissimi. *In conspectu ejus cadent*, id est, Christum devote colent atque humiliter adorabunt, *omnes qui descendunt in terram*, id est omnes nascentes ac habitantes in mundo, secundum quod ad Abraham dicitur : In semine tuo, videlicet Christo, benedicentur omnes cognationes terræ. Istæ vero distributiones intelliguntur de generibus singulorum, non de singulis generum. 32 *Et anima mea illi vivet* : id est, ad honorem et gloriam ejus totam suam vitam Dei obsequio mancipabit ; *et semen meum*, id est, qui meo exemplo convertuntur ad Dominum, *serviet ipsi*. Hoc ad litteram de David accipi potest, quoniam anima ejus Deo fidelis fuit, et multi filiorum suorum Deo devotissimi erant.

33 *Annuntiabitur Domino generatio ventura*, id est, populus christianus dicitur ad Christum pertinere, et per annuntiationem prædicatorum convertetur ad Christum ; *et annuntiabunt cæli justitiam ejus*, id est, Apostoli alique cœliformiter conversantes in terra, prædicabunt evangelicam legem, *populo qui nascetur*, id est populo in Christum credenti, *quem fecit Dominus*, id est, quem ex aqua et Spiritu Sancto regeneravit. Mirabilis videtur ista connexio, quia verbo futuri temporis, puta Nascetur, adjungit verbum præteriti tem-

Joann. xvii.
1.

Ibid. 11.

Ibid. xli, 51.
52.

Dan. vii.
13, 14.

Is. lvi. 10.

Jer. xxiii. 5.

Zach. ix. 10.

30

Is. lvi. 2.

Cant. v. 1.

Gen. xxi.
18.

34

32

Joann. iii.
5.

poris, scilicet Fecit. Nam quod sanctus A cundum prædestinationem æternam; tam-
Propheta vidit futurum quoad tempora- que certissime cognovit futurum, ac si jam
lem successionem, vidit jam factum se- factum fuisset.

ARTICULUS LII

EXPOSITIO MORALIS EJUSDEM PSALMI VICESIMI PRIMI.

DENIQUE sancta Ecclesia, seu unus- quisque fidelium, Capiti suo se con-
formans, ac Christi vestigia cruciformiter
sequens, atque variis tribulationibus gra-
viter molestatus, cum Christo clamare po-
test ad Dominum : *Deus, Deus meus*, id
est, o Creator meus, quem unice diligo,
cui me totum committo, in quo plenissime
spero, *respice in me* miserum et afflictum,
non oculis ulciscantis justitiæ, sed oculis
tuæ paternæ dilectionis, tuæ infinitæ pie-
tatis, tuæ liberalissimæ bonitatis. *Quare*
me dereliquisti taliter cadere, tam dure
tentari, tam dire affligi, in tanta mentis ari-
ditate ac desolatione vexari, ita ut videar
esse *longe a salute mea*, id est ab interiori
unione cum te Deo ac Domino meo? Ve-
rum tamen id dico non quasi existimans
aliquid sine rationabili causa fieri vel per-
mitti a te. Unde perpendo causam hujus
derelictionis meæ esse peccata mea: quem-
admodum in Isaia legitur: Ecce non est ab-
breviata manus Domini ut salvare nequeat,
neque aggravata est auris ejus ut non ex-
audiat; sed iniquitates vestræ diviserunt
inter Deum vestrum et vos. Unde Jeremias

Is. LIX, 1, 2.

Thren. III,
42.

Job xv, 41.

ait: Nos inique egimus, et te ad iracun-
diam provocavimus; ideo tu inexorabi-
lis es. Ideo derelictionis suæ causam
designans ait fidelis: *Verba delictorum*
meorum, id est insolentia seu clamor vi-
tiorum meorum, id exigit: sicut et ali-
bi scriptum est: Numquid grande est ut
consoletur te Deus? Sed peccata tua hoc
prohibent.

3 *Deus meus, clamabo corde et ore per*
diem, id est quotidie, imo indesinenter,

sicut ait Apostolus: Sine intermissione ^{1 Thess. v.}
B orate; *et non exaudies* ad votum vel se- ^{17.}
cundum desiderium meum: secundum
quod Jacobus ait, Petit, et non accipitis, ^{Jacob. iv, 3.}
eo quod male petatis. Male enim petitur,
quod non in nomine Salvatoris rogatur, id
est, quod ad veram beatitudinem non suf-
fragatur. Ego itaque clamabo ad te more
ægri, qui propter doloris molestiam sæpe
petit, quod sanitati, quam optat, repu-
gnat; sed tu, Domine, more piissimi ac
expertissimi medici non exaudies, quo-
niam diligis me. Ideo enim non exaudies,
C quia animæ meæ, quod peto, non expe-
dit; exaudies tamen ad salutem, si perse-
veranter pulsavero: dabis enim mihi quod
nosti prodesse ad beatitudinem animæ. Sic
indulgentissimus pater filio insipienti ne-
gat quod postulat, et præstat ei quod non
postulat, vel etiam quod non vult. *Et no-*
cte, et non ad insipientiam mihi, id est, ^{Luc. xi, 5-}
^{13.}
per noctes clamabo ad te, qui non exau-
dies; sed clamor meus non imputabitur
mihi ad insipientiam, dummodo intentio
bona sit. Non enim possumus semper in
D speciali agnoscere quid nobis expediat.

Instruimur ergo hoc loco, ut non de-
ficiamus, nec pusillanimitate frangamur
orando, dum non exaudimur secundum
desiderium nostrum; sed dilationem et
inauditionem iniquitati nostræ adscriba-
mus, vel etiam interdum nostræ utilitati,
seu dispositioni divinæ; credamusque fir-
missime verbis Christi, Prophetarum, ac
Apostolorum, quoniam quidquid a Deo pe-
timus, si petimus sicut petendum est,
scilicet perseveranter, salubriter, et pro

nobismetipsis, tunc absque omni ambiguitate sortiemur a Deo quod petimus. Non enim mentiri potest Christus qui ait : Omnis qui petit, accipit; et qui quærit, invenit; et pulsanti aperietur.

Itaque, Domine, non exaudies, sed non ad insipientiam mihi, propter id quod sub-

4

Ps. LXXXV,
2.

Is. LVII, 1-3.

Propter quod scriptum est : Hæc dicit Dominus excelsus et sublimis, habitans æternitatem, et sanctum nomen ejus, in excelso et in sancto habitans, et cum contrito et humili spiritu, ut vivificet spiritum humilium, et vivificet cor contritorium. *Tu ergo in sancto*, id est in mundo corde, *habitas* per caritatem, fidem et gratiam, *laus Israel*, id est, quem laudat omnis Israelita seu homo contemplativus, qui vitia supplantavit; ejus cum Apostolo conversatio est in cœlis, et revelata facie gloriam Domini speculatur.

Philipp. III,
20.
II Cor. III,
18.

5

In te speraverunt patres nostri, sancti Apostoli, martyres, anachoretæ, eremitæ, omnesque viri christiani adulti; *speraverunt*, et *liberasti eos* a præsentī miseria, et ab æterna damnatione, atque ab universis animarum salutī contrariis. *Ad te clamaverunt* cum certa, perseveranti ac inconcussa fiducia, quasi dicentes cum

Job XIII, 15.

6

Job : Etiam si occiderit me, in ipso sperabo. *Et ideo salvi facti sunt*, tanquam æternam felicitatem adepti. *In te speraverunt*, et *non sunt confusi* : quemadmodum in Ecclesiastico legitur : Respice, filii,

Ecclesi. II,
11, 12.

7

Ego autem sum vermis, et non homo. Hoc quilibet dicere potest vel propter mala pœnæ, vel propter mala culpæ. Unde qui variis pœnis mente et corpore cruciatur, ad provocandum misericordiam Domini, clamare potest ad eum : *Ego autem sum vermis*, quia pœnis atque doloribus conculcatus, et *non homo*, id est non similis homini-

bus aliis, sed miserabilior ipsis. Idecirco sum *opprobrium hominum et abjectio plebis*. Nam omnes aspernantur, vilipendunt et deserunt me. Ideo subjungitur : *Omnes videntes me, deriserunt me; locuti sunt labiis contra me, et moverunt caput, sub-* sannando illudendoque mihi. Sicque deridendo dixerunt : *Speravit in Domino, eripiat eum*. Hoc homines carnales dicunt dum vident justos affligi, non intelligentes quod Deus electos suos in præsentī vita expurgat, quatenus emendatos post mortem statim recipiat. Hinc nempe legitur : Stabunt justī in magna constantia adversus eos qui se angustiauerunt. Et de impiis subdit : Videntes turbabuntur timore horribili, dicentes : Hi sunt quos aliquando habuimus in derisum, et in similitudinem improprietatis. Nos insensati, vitam illorum æstimabamus insaniam, et finem illorum sine honore. Unde et Christus discipulis dixit : Eritis odio omnibus hominibus propter nomen meum.

8

9

Sap. V, 1.

Ibid. 2-4.

Matth. X,
22.

Denique quod dictum est, Ego autem sum vermis, exponi potest de homine propter mala culpæ, ut sit sensus : *Ego autem sum vermis et non homo*, id est, tam irrationabiliter vixi, tantis peccatis subjectus sum, ac tantis culpis oppressus sum, ut dignus non sim homo vocari, sed vermis. *Omnes videntes me*, id est diaboli, *deriserunt me*. Tunc enim nos irridet diaboli, dum seducti ab eis, a via Dei recedimus, atque eorum suggestionibus consentimus. Ideo autem mundanæ mentes derident me : sicut et Job ait, Deridetur

Job XII, 4.

D justī simplicitas.

Quoniam tu, Domine, es qui extraxisti me de ventre, id est, de sacro Baptismo renatum in Christo eduxisti me per tuos ministros. Mater enim nostra est Ecclesia, ejus venter dici potest sacrum Baptisma, in quo spiritualiter regeneramur. De hoc Deus extrahit baptizatos, quoniam gratia atque virtutibus adornatos educit. Et tu, Domine, es *spes mea*, id est objectum, causa, et finis spei meæ, *ab uberibus matris meæ*, id est ab uberibus sanctæ matris

10

Ecclesiae. Ubera autem Ecclesiae sunt sapientia et caritas. Ait ergo homo fidelis ad Deum : Spes mea ab uberibus matris meae, id est, in te confisus sum ex eo tempore, quo ab Ecclesia informatus sum instructione sapientiae salutaris, atque expertus viscera caritatis tuae circa me. Hoc competit eis, qui vestem innocentiae in Baptismo receptam, custodierunt immaculatam. De his uberibus in Canticis scriptum est : Meliora sunt ubera tua vino, fragrantia unguentis optimis. Et alibi : Gaudete gaudio magno omnes qui lugebatis, ut potemini a lacte, et satiemini ab uberibus consolationis ejus. Demum haec ubera hortatur nos sugere excellentissimus Archiapostolus in prima sua Canonica, dicens : Quasi modo geniti infantes, rationabiles, sine dolo, lac concupiscite, ut in eo crescat in salutem.

Hic igitur justus, cujus Deus sic spes est ab uberibus matris suae, dicere potest quod sequitur : *In te projectus sum ex utero*, id est, ex fonte Baptismatis conjunctus sum tibi per fidem, spem et caritatem. Nam in Baptismo non solum peccata donantur, sed etiam gratia, virtutes et dona divinitus infunduntur. *De ventre matris meae* jam dicto, scilicet ab ipso Baptismo Ecclesiae, *Deus meus es tu*, per cultum, quoniam interim fide et opere colui te solum ut Deum.

Dum ista, o peccator, dicis vel audis, ingemisce ex compunctione cordis tui, quod vestem innocentiae perdidisti, quod rursus ad vomitum reversus, ista de te ipso dicere nequis ; et satage gratiam recuperare amissam, et cura ne recuperatam perdas, sed in ea incessanter proficias.

Ne discesseris a me, gratiam subtrahendo, aut non exaudiendo ; *quoniam tribulatio*, id est tentatio multiplex, mundi, carnis ac daemonum, *proxima est* mihi, qui in medio periculorum versor ac fluctuo. Ideoque ne discesseris a me, *quoniam non est qui adjuvet*, id est, adjuvare me possit, praeter te. Nam si alius me juvat, hoc facit tua virtute, sicut testatus es : Ego

A Dominus, et non est alius ; Deus justus et salvans non est praeter me. *Circumderunt me vituli multi*, id est homines luxuriosi, petulantes, instabiles, qui nituntur me ad vitia inclinare, quibus ipsi sordescunt ; *tauri pingues*, id est superbi vitiis pleni, *obsederunt me*, quatenus vel minis vel blanditiis avertant me a tuo obsequio. *Aperuerunt super me os suum*, calumniando et persequendo me, *sicut leo rapiens et rugiens*, quoniam animam meam conantur spirituali vita privare.

B *Sicut aqua effusus sum*, id est, ex molestia tentationum lassatus sum animo, exhaustusque viribus et victus, virtutes et gratiam perdidi, atque per hoc effusus sum, id est mente evacuatus ; *et dispersa sunt omnia ossa mea*, id est, virtutes animae meae infirmatae sunt propter adversitates insurgentes continuo. Istud vero de sanctis martyribus plane intelligi potest, qui pro Christo sanguinem effuderunt, et corpore lacerati sunt. *Factum est cor meum tanquam cera liquescens*, id est,

C praed desiderio futurorum bonorum resolutum est cor meum in te, et praet timore atque dolore variorum malorum mollificatum est tanquam cera, *in medio ventris mei*, id est corporis mei. *Aruit tanquam testa virtus mea*, id est, fortitudo animae meae confracta est, et quasi praet taedio atque acedia defecit : quando videlicet gratiam tuam atque consolationem internam subtrahis vel suspendis a me ; *et lingua mea adhæsit faucibus meis*, quoniam propter animae sterilitatem atque inopiam

D gratiae, non habui in ore verbum consolationis aut informationis, ut aliis possem prodesse. Dum enim Spiritus Sanctus intus non agit, lingua oris mox deficit. Propter quod ad Ezechielem Dominus ait : Linguam tuam adhærere faciam palato tuo, et non eris quasi vir objurgans. Quocontra per Isaiam dictum est : Dominus dedit mihi linguam eruditam, ut sciam sustentare eum, qui lassus est, verbo. O quam magnum donum est hoc, atque praelatis maxime necessarium ! *Et in pulverem mor-*

Cant. i. 1, 2.
Is. lvi. 10.
11.

Petr. ii. 2

II Petr. ii.
22.

12

Is. xlv. 18.
21.

13

14

15

16

Ezech. iii.
26.

Is. i. 4.

tis deducisti me, id est, caritatem, quæ A
est vita animæ, permisisti exstingui aut
minorari in me, exigentibus culpis meis.
Hæc etiam de martyribus corporaliter in-
telligi possunt, in quibus tempore passio-
nis eorundem, propter sanguinis exhalationem
virtus corporalis exaruit, sicut de
Christo ostensum est.

47 *Quoniam circumdederunt me canes mul-
ti*, id est detractores, iracundi, furiosi : qui
vel blandiendo vel deterrendo conantur
animam meam mordere, id est a mansue-
tutine, humilitate, ac tranquillitate aver-
tere, et suis caninis operibus conformare.
De quibus ad Philippenses ait Apostolus :

Philipp. iii.
2.
* alias con-
ciliatum
Ps. i. 1.

Videte canes, videte malos operarios, videte
concionem. *Consilium* malignantium ob-
sedit me*, id est, homines in cathedra pesti-
lentiæ sedentes, videlicet verbo aut opere
alios inficientes, vallaverunt me, quate-
nus decipiant me. *Foderunt manus meas
et pedes meos*, id est, læserunt, corrupe-
runt, seu imperfectos fecerunt, vel peni-
tus impediunt operationes meas ac ani-
mæ meæ gressus. Frequenter enim perversi C
impediunt bonos ab aliquibus operibus
bonis : et tunc manus eorum ac pedes
quasi confodiunt, ligant, et immobiles red-
dunt. *Dinumeraverunt omnia ossa mea*,
id est, opera mea virtuosiora seu firmiora
consideraverunt, non ut imitentur, sed ut
male interpretentur, aut occasionem ca-
lumniandi scrutentur.

Ipsi vero, prædicti homines mali, con-
sideraverunt mente, et inspexerunt oculis
corporis me ex invidia, quatenus noceant
mihi. *Diviserunt sibi vestimenta mea*, id D
est, exteriora bona mihi abstulerunt, vel
animæ virtutes, quibus ipsa spiritualiter
adornatur, quantum potuerunt, corrupe-
runt in me ; *et super vestem meam*, id est
super caritatem quæ est vestis nuptialis
electorum ad cœnam æterni convivii, *mi-
serunt sortem*, consulendo inter se, quis
eorum tam cautus esset, quod caritatem
in me occidere posset, ac per hoc me pe-
nitens perdere. Sæpenumero enim homines
sæculares, dum vident aliquem Deo forti-

ter adhærentem, seu omnia relinquentem,
atque monasterium introeuntem, diligen-
ter inquirunt seductorem subtilem ac lu-
pum veste ovina oblectum, ut vestem
conversi diripiat, id est, caritatis fervo-
rem in eo occidat, sicque in frigidatum ad
pristinam conversationem reducat.

Matth. vii.
15.

*Tu autem, Domine, ne elongaveris au-
xilium tuum a me*, in tantis tribulationi-
bus constituto ; *ad defensionem meam con-
spice*, id est, vide quibus auxiliis egeo, et
sicut indigeo, sic semper succurre. *Erue* 20

a framea, id est a peccato mortali, quod
est ensis et mors rationalium creatura-
rum, *animam meam*, indulgendo mihi pœ-
nam et culpam ; *et de manu canis*, id est
de potestate et nocumento eorum, de qui-
bus prædixi, *erue unicam meam*, id est
animam meam, quæ non est nisi una in
me : quod est contra eos, qui ponunt plu-
res formas substantiales in uno individuo.
Vel, *Unicam meam*, id est animam meam,
quam solam præ omnibus rebus creatis
custodire, salvare ac diligere teneor, sic-
ut tu, Domine, in Evangelio testaris :

Quid proficit homo si lucretur universum
mundum, se autem ipsum perdat, et de-
trimentum sui faciat? *Salva me ex ore* 22

Luc. ix, 25;
Matth. xvi,
26.

leonis, id est a devoratione diaboli, qui cir-
cuit tanquam leo rugiens, quærens quem
devoret. De quo scriptum est : Ecce ab-
sorbebit fluvium, id est animas sæcula-
res, et non mirabitur, et habet fiduciam
quod influat Jordanis, id est animæ reli-
giosæ, in os ejus. *Et salva a cornibus uni-
cornium*, id est a perditione et pompa
animosorum, *humilitatem meam*, id est
paupertatem et vilitatem meam, videlicet
me vilem et pauperem. Humilis quippe,
non humilis, sed vilis appellari desiderat.
Unde, dum homo pius se humilem nomi-
nat, non intendit sibi humilitatis virtutem
adscribere, sed vilitatem et abjectionem
suam cupit ab aliis sciri, quemadmodum
David ait : Ego sum vir pauper et tenuis.
Et alibi : Ludam, inquit, et vilior fiam
plus quam factus sum, et ero humilis (id
est vilis) in oculis meis.

1 Petr. v, 6.

Job xl, 18.

1 Reg. xviii,
23.
II Reg. vi,
22.

23 *Narrabo*, o Domine, *nomen tuum* fra-
tribus meis, id est, laudem tuam aliis nun-
tiabo; *in medio Ecclesiae*, id est inter fi-
deles, *laudabo te*, nec erubescam nomen
Luc. xii. 8. 9 tuum coram hominibus, sed in conspectu
 eorum confitebor tibi mente, ore et ope-
 re. Quidam narrant, laudant, seu prædi-
 cant Deum ore, non opere, quia non agunt
 quod docent: et eo ipso quo sic docent,
 mortaliter peccant, quoniam veritatem Scri-
 pturæ ac Spiritus Sancti (qui est princi-
 palis auctor Scripturæ) intentionem, quan-
 tum in se est, evacuunt. Alii docent vita
 et fama dumtaxat, quemadmodum mona-
 chi; et hi bene sufficienterque agunt,
 dummodo non teneantur ad informatio-
 nem vocalem; alias intelligeretur de eis
Is. lvi. 10. illud Isaïæ, Canes muti, non valentes la-
 trare. Alii docent ore et opere: de quibus
Dan. xii. 3. dicitur, Qui multos erudiunt ad justitiam,
 fulgebunt quasi stellæ in perpetuas æter-
 nitates.

26 *Apud te*, Domine Deus, *laus mea in Ec-*
clesia magna, id est, laus quam ego tibi
 attribuo in Ecclesia christiana, est apud C
 te, id est in conspectu tuo, qui omnia vi-
 des, et complacet tibi. *Vota mea*, id est
 desideria atque orationes ac hostias, red-

Adm, id est, divinæ majestati offeram, *in*
conspectu timentium eum, publice bene
 agendo, et Domino immolando: quemad-
 modum in Evangelio monet Salvator: Sic
Matth. v. luceat lux vestra coram hominibus, ut vi-
 deant opera vestra bona, et glorificent Pa-
 trem vestrum qui in cælis est. Quod in-
 telligendum est de his bonis, ad quæ ex
 debito obligamur, et quæ notam singu-
 laritatis aut simulationis non continent.
Edent pauperes, id est, spiritualiter a Do-
 mino cibabuntur, quemadmodum scriptum
 27 *Est: Cibabit illum pane vitæ et intelle-*
ctus; et saturabuntur, pietate divina at-
Eccl. xv. que consolatione æterna in præsentī in-
 choative, et in futuro complete. Cetera ex
 præcedentibus satis elucescunt.

PRECATIO.

Deus Pater omnipotens, qui Filium tuum
 Dominum nostrum Jesum Christum ad pas-
 sionem in mundum mittere, et hominem
 ligni vetiti gustu seductum, et a paradisi
 felicitate ejectum, ad cœlestia regna re-
 vocare voluisti: respice nos ad te claman-
 tes, libera nos a verbis delictorum, et sal-
 vos facias in te sperantes in æternum.

ARTICULUS LIII

EXPOSITIO PSALMI VICESIMI SECUNDI: DOMINUS REGIT ME, ETC.

1 *Adscribitur* demum præsentī psalmo D
 titulus talis: *Psalmus David*: id est, psal-
 mus iste convenit David et significatis per
 ipsum, videlicet Christo et Ecclesiæ ac sin-
 gulis vere fidelibus.

EXPONENDO ergo primo hunc psalmum
 de Ecclesia et unoquoque fideli; sic
Sap. xii. 13; ait: *I Dominus*, cui cura est de omnibus,
I Petr. i. 7. *regit me* in hujus peregrinationis exsilio:
regit me, id est, ad æternam beatitudinem

dirigit me, de necessariis tam menti quam
 corpori, providet mihi, et impedimenta
 perveniendi ad ipsum tollit a me; regit
 me, quoniam suæ legi ac fidei facit me
 subditum, et a dominio dæmonum ac ser-
 vitute peccati defendit me. Quoniam ergo
 sic regit me, idcirco *et nihil mihi deerit*:
 eo modo quo inferius dicitur, *Timete Do-*
 minum, omnes Sancti ejus, quoniam nihil
 deest timentibus eum: non quod simpli-
 citer nihil desit eis; alias essent perfecte

Ps. xxxiii.
10.

beati, nec aliam vitam optarent : sed nihil deest eis eorum quæ necessaria sunt saluti, vel eorum quæ petunt a Domino.

Matth. vi. 33. Unde Dominus in Evangelio ait : Primum quærite regnum Dei et justitiam ejus, et hæc omnia adjicientur vobis. Nihil quoque deest ei quem Deus regit per specialem providentiam : quoniam bona futura quæ nondum habet in re, habet in spe et in propinqua dispositione : imo jam unum pedem habet in cælo.

2 Itaque nihil mihi deerit, sed ubi ? Subjungit, *in loco pascuæ*, id est in domo militantis Ecclesiæ, in qua sunt sacramenta saluberrima, Scripturæ divinæ, virtutes diversæ ; *ibi me collocavit*, faciens me fidele atque obediens membrum Ecclesiæ, ita ut stando et perseverando in ecclesiastica unitate, possim frui prædictis Ecclesiæ pascuis, quibus spiritualiter impinguntur fideles animæ. Istud ergo est primum beneficium gratiæ Dei, quod Deus ponit hominem in unitate Ecclesiæ, quæ in sacra Scriptura frequenter dicitur regnum Dei. Propter quod ait Apostolus : Gratias agimus Deo et Patri, qui nos transtulit in regnum Filii dilectionis suæ. Et Petrus : *I Petr. ii. 9.* Virtutes annuntietis ejus, qui de tenebris vos vocavit in admirabile lumen suum.

Deinde commemoratur secundum beneficium Dei. 2 *Super aquam refectionis educavit me*, id est, salutaris eruditione enutrivit me, ita ut possim inter bonum ac malum discernere in virtutibus, et ad spiritualis incrementi perfectionem venire. Aqua refectionis, est divina doctrina mentem consolans, confortans et alens,

Ecclesi. xv. 3. juxta illud Ecclesiastici : Aqua sapientiæ salutaris potabit illum. Et ad Romanos :

Rom. x^o. 4. Quæcumque scripta sunt, ad nostram doctrinam scripta sunt, ut per patientiam et consolationem Scripturarum, spem habeamus. Super hanc igitur aquam educatur homo a Deo, quando illuminatur a Spiritu Sancto, vel proprio studio, vel alterius magisterio intelligit quæ ad interiorem profectum respiciunt, sicut monet Apostolus : Docentes et commonentes vosmet-

Coloss. iii. 16; Eph. v. 19.

A ipsos in hymnis et psalmis et canticis spiritualibus, cantantes et psallentes Domino in cordibus vestris semper. Et Isaias ait : Haurietis aquas, id est spirituales doctrinas, in gaudio de fontibus Salvatoris, id est de Evangeliiis seu instructionibus Christi.

Is. xli. 3.

Deinde ponit tertium beneficium Dei. *Animam meam convertit*, id est, per salutarem eruditionem accendit animam meam divino amore, qui unit mentem creatam proprio Creatori : quæ unio amorosa vocatur conversio mentis ad Deum. Itaque, Animam meam convertit a multis ad unum, a turbatione ad quietem, a creatis caducisque rebus ad increatum incommutabileque bonum.

3

Post hæc subdit de quarto beneficio. 3 *Deduxit me super semitas justitiæ*. Semitæ justitiæ, sunt opera præceptorum divinorum. Itaque, Deduxit me super semitas justitiæ, id est, gratia sua auxiliante ac duce, fecit me divina præcepta servare, mandata caritatis Dei et proximi adimplere : et hoc contulit mihi non propter mea merita, sed *propter nomen suum*, id est propter propriam suam bonitatem et caritatem ad gloriam nominis sui : quemadmodum Salomon ait, Universa propter semetipsum operatus est Dominus. Unde per *Osee Dominus dicit : Perditio tua, Israel, ex te ; in me tantummodo auxilium tuum.* Nullus ergo lætetur in se, nullus de sua justitia gloriatur in se ipso ; sed ut ait Apostolus, Qui gloriatur, in Domino gloriatur.

Prov. xvi. 4.

Osee xiii. 9.

II Cor. x. 17.

Attende autem pulcherrimum ordinem horum : primo, educatur anima super aquas refectionis ; secundo, convertitur ; tertio, super justitiæ semitas deducitur. Primo enim oportet animam illuminari ad cognoscendum ; deinde, ex veritatis cognitione inflammari ad amorem boni ; tertio, ex amore ad exterioris conversationis rectitudinem tendere.

Possunt autem hæc de populo novæ legis specialiter explanari, ut sit sensus : *Super aquam refectionis*, id est in fonte Baptismatis hominem spiritualiter regene-

* alias refo-
ventis
rantis, et gratia reformatis *, *educavit*
me, id est, de imperfecto puerilique statu
ad statum perfectum transtulit animam
meam. *Deduxit me super semitas justi-*
tiae, id est, evangelica consilia dedit mihi
adimplere : et in hoc deduxit me, quo-
niam ipse prior implevit ea, quatenus ego
sequar vestigia ejus.

4
Insuper ponitur quintum beneficium,
quod est quasi signum prædictorum bene-
ficiorum. *Nam et si ambulavero in me-*
dio umbræ mortis, id est, si fuero inter
magna pericula, quæ tam propinqua sunt
morti, ut umbra caligini, *non timebo mala*,
id est, non timebo incidere malum culpæ,
neque timebo perpeti mala pœnæ, propter
fiduciam mentis et animi fortitudinem,
quam mihi dedisti. Unde subjungit : *quo-*
niam tu mecum es, scilicet per gratiam.

Rom. viii.
38, 39.

Jer. xx, 11.

Talis erat Apostolus : Certus sum, inqui-
ens, quia neque mors, neque vita, neque
angeli, etc., neque creatura alia poterit
nos separare a caritate Dei. Hoc est quod
apud Jeremiam dicitur : Dominus mecum
est quasi bellator fortis ; idcirco qui per-
sequuntur me, cadent et infirmi erunt. —
(5) *Virga tua*, id est paterna tua corre-
ctio, *et baculus tuus*, id est pia subventio
tua, *ipsa me consolata sunt* : quia ex tali
vicissitudine visitationum tuarum concepi
fiduciam in te, credens me pertinere ad
numerus filiorum tuorum, quos in præ-
senti vita per virgam præsentis tribula-
tionis emendas, atque per baculum piæ
consolationis sustentas. Talis quoque vi-
cissitudo facit me cognoscere propriam
infirmi-
tatem, et experiri tuam clemen-
tiam. Gaudeamus ergo dum adversis con-
cutimur : quia, ut Job ait, Beatus homo qui
corripitur a Domino ; et in Apocalypsi Do-

Job v, 17.

A minus, Ego, inquit, quos amo, arguo et
castigo. Et hoc est sextum beneficium Dei.

Apoc. iii, 19.

6 *Parasti in conspectu meo mensam*,
id est communionem corporis et sanguinis
Christi, *adversus eos qui tribulant me*, id
est contra omnes tentationes hostium ani-
mæ meæ. Vel, Mensam, id est divinam
Scripturam, in qua tot sunt fercula, quot
salutares sensus continentur in ea. Istud
quoque est septimum beneficium Dei. —

5

(7) *Impinguasti in oleo caput meum*, id
est, animam meam spirituali jucunditate
implesti : quod est octavum beneficium.

Et calix meus inebrians, id est sanguis
Christi contentus in calice benedictionis,
mentem divino amore inflammans, et velut
ebriam faciens, quoniam facit eam inferi-
orum immemorem, ac divinorum sitibun-
dam, *quam præclarus est!* id est, multum
clarus, sanctus et nobilis est, imo plus
quam dici possit vel credi. — Postremo
ponitur nonum beneficium. (8) *Et miseri-*
cordia tua subsequetur me omnibus diebus
vite meæ, id est, gratia tua quæ me pie
prævenit, permanebit in me ; neque relin-
quar a te, donec ad te summum bonum
beatificandus pervenero : et hoc est ver-
bum bonæ spei.

6

Omnia autem prædicta, mihi, o Domi-
ne, præstitisti propter id quod sequitur :
(9) *Et ut inhabitem in domo Domini*, id
est, ut post præsentem miseriam demorari
merear in regno cœlorum, quod est do-
mus tua : de qua in Evangelio scriptum
est, In domo Patris mei mansiones multæ
sunt. Ad hunc etenim finem referenda².

Joann. xiv,

D sunt omnia dona et opera vitæ præsentis.
Ut, inquam, inhabitem in domo tua, non
modico aut tempore finito, sed *in longitu-*
dinem dierum, id est in æternum.

ARTICULUS LIV

EXPOSITIO ANAGOGICA EJUSDEM PSALMI VICESIMI SECUNDI, DE CHRISTO
ET DE BEATIS SEU COMPREHENSORIBUS.

ALITER reguntur viatores a Deo, et aliter comprehensores. Viatores enim reguntur per hoc, quod ad beatitudinem nondum adeptam, seu finem a se distantem, diriguntur; comprehensores vero per hoc reguntur a Deo, quod immobiliter in ipso fine adepto seu beatitudine conservantur. Christus ergo ut homo seu comprehensor, singulique Beati dicere possunt in patria, commemorando beneficia Dei ad gloriam Creatoris : *Dominus regit me,*
1 quia in nullo sinit me errare, *et nihil mihi deerit,* quia æternaliter contentantur in Deo ; *in loco pascuæ,* id est in supercelesti paradiso beatissimæ voluptatis, *ibi me collocavit,* id est inter angelicos choros. Vel, *In loco pascuæ,* id est in affluentia coelestium deliciarum.

Super aquam refectionis educavit me, id est, visione clara per speciem seu beatifica cognitione divinæ essentiæ aluit me.

Ps. xxxv, 9.

De qua visione infra habetur : *Torrente voluptatis tuæ potabis eos.* Ipsa namque visio Dei, est omnium Beatorum refectio, universæ jucunditatis plenitudinem continens : et hac visione anima Christi ab initio suæ incarnationis excellentissime plena fuit. *Animam meam convertit,* id est, inavertibiliter sibi conjunxit, confirmando eam in sui amore, ita ut nil inordinate possit appetere. *Deduxit me super semitas justitiæ propter nomen suum.* Beati in patria, Deo attribuunt quod salvati sunt, eique de sua salvatione regratiantur, dicentes inter se : *Deduxit me super semitas justitiæ,* quando adhuc peregrinabar in mundo, et non dereliquit me falli ;
3 sed propter nomen suum perduxit me recto tramite de via ad patriam. *Nam et si ambulavero in medio umbræ mortis, non*
4

timebo mala, quoniam tu mecum es. Hunc versum Beatis competere certum est, quoniam nec malum culpæ, nec malum pœnæ possunt timere. Quamvis enim in ipsis permaneat donum timoris, non tamen quantum ad hoc quod actus ejus est fugere malum, sed prout actus ejus est Deum revereri.

Virga tua et baculus tuus, quibus in via visitasti me, *ipsa me consolata sunt,* id est, ad istam consolationem cœlestem provexerunt me. Nam flagella pro peccatis inflicta, quæ nomine virgæ signantur, purgant animam, ut luci divinæ fiat unibilis ; consolationes vero divinæ in hac vita a Deo elementer infusæ, animam accendunt ad concupiscendam perfectam dulcedinem patriæ. Beati ergo in patria, regratiantes Deo quod eos in hac vita tam paterne correxit, atque tam dulciter sustentavit, dicunt : *Virga tua et baculus tuus ipsa me consolata sunt.* — Sed videtur, quod istud Beatis convenire non possit, videlicet ut recordentur in patria eorum quæ passi sunt in via, quoniam in Isaia habetur : *Oblivioni traditæ sunt angustiae priores, et non erunt*
C in memoria. Et respondendum, quod Sancti in patria recordantur malorum quæ passi sunt in via, quatenus talis memoria est ipsis materia gaudiorum ; non autem, in quantum memoria mali seu pœnæ est occasio alicujus tristitiæ. Nam et Christus in corpore suo gloriosissimo sibi retinuit signa quinque vulnerum, non solum ut in die judicii ingratis ostendat quid pro eis passus sit, sed ut in æternum homines
D sancti in patria videant quid pro ipsorum salute pertulerit, atque ex hoc inæstimabili inflammentur amore ac gratiarum actione.

Is. lxxv, 16, 17.

5 *Parasti in conspectu meo mensam ad-*
versus eos qui tribulant me. Istud Beatis
 non competit, quoniam nullus tribulat eos :
 sed de Christo, secundum quod conversa-
 batur in mundo, et passibilis erat tanquam
 aliquo modo viator, exponi potest. Ait er-
 go Christus ad Deum : Parasti in conspe-
 ctu meo mensam, id est, pane illo pavisti
 me semper, de quo in Evangelio scriptum
 est : Beatus qui manducabit panem in re-
 gno Dei. Illa enim mensa, quæ modo pa-
 ratur Beatis in patria : de qua dicit Salva-
 10 *Ibid. xxi.*
 29, 30. tor, Ego dispono vobis regnum, ut edatis
 et bibatis super mensam meam in regno
 meo : illa (inquam) mensa, animæ Christi
 semper parata fuit, quia semper Deum per
 speciem vidit, sicut Beati. Hæc vero mensa
 intelligi potest ipsa felicitas, in qua velut
 in mensa constitutæ sunt omnes deliciæ :
 quoniam teste Boetio, Felicitas est status
 omnium bonorum aggregatione perfectus.
 De hac itaque mensa ait Christus ad Pa-
 trem : *Parasti in conspectu meo mensam,*
 id est, animæ meæ ostendisti ac præstiti-
 sti felicitatem perfectam, *adversus eos qui* C
tribulant me, puta Judæos. Hæc siquidem
 mensa in tantum confortavit et immobi-
 litavit animam Christi, quod adversarios
 non expavit.

Impinguasti in oleo caput meum, id est,
 perfecta dulcedine atque dulcissima beati-
 tudine lætificasti mentem meam. Hoc om-
 nibus comprehensoribus convenit. *Et calice*
meus inebrians, id est fons vitæ ad satiet-
 tatem me potans, vel ipse sapor æterni

A fontis me plene reficiens, *quam præclarus*
est ! id est, quam incomparabiliter omnem
 sensibilem delectationem excedit ! Quod
 nemo novit nisi expertus. *Et misericordia* 6
tua subsequetur me omnibus diebus vite
meæ, id est, lumen gloriæ, quod est gratia
 consummata, et beatitudo cœlestis, quæ
 est vita æterna, mihi misericorditer, id
 est ultra condignum, collata, in me perse-
 verabunt sine fine, quatenus sim securus
 de æternitate beatitudinis meæ. *Et ut in-*
habitem in domo Domini, id est in cœlo
 B empyreo : quod est locus beatificæ con-
 templationis ; *in longitudinem dierum,* id
 est per sæcula infinita, seu in ævo : quod
 est mensura durationis Beatorum, infinitos
 dies, si essent, complectens.

Ecce in psalmo isto brevi verbis, sed
 non brevi virtutibus, commemoravit dei-
 formis Propheta multa et magna atque
 præcipua beneficia Dei. Idcirco decet nos
 hunc psalmum tanto cordialius, jucundius,
 atque devotius decantare, quo tantum be-
 nefactorem ardentius obligamur diligere,
 ejusque piissima ac liberalissima dona di-
 ligentius considerare, magni pendere, ac
 amare. Et utique qui psalmum istum at-
 tente pronuntiat, ipsum promendo vehe-
 menter in Dei amore incalescere potest.

PRECATIO.

Propter nomen tuum, Domine, deduc
 nos super semitas justitiæ : subsequatur
 nos misericordia tua, ut in sempiternum
 habitemus in domo tua.

ARTICULUS LV

EXPOSITIO PSALMI VICESIMI TERTII : DOMINI EST TERRA, ETC.

1 Denique hujus psalmi iste est titulus : D
Psalmus David, prima sabbati. Prima sab-
 bati, est dies dominica, qua Dominus a
 morte surrexit. Judæi enim propter reve-
 rentiam sabbati, omnes dies septimanæ
 appellant a sabbato. Nam diem immediate
 sequentem diem sabbati nominant primam
 sabbati ; secundo sequentem, secundam
 sabbati, sicque de aliis. Gentiles vero vo-
 cant dies nominibus planetarum, dicentes,

Dies solis, dies lunæ, etc. Christiani autem dies nuncupant ferias, quoniam semper feriandum est a peccatis. Est igitur hujus tituli sensus : *Psalmus David*, id est, psalmus iste conscriptus est a David, pro gloria resurrectionis Christi, quæ facta est *prima sabbati* valde mane.

Marc. xvi.
2, 9.

AIT itaque : (1) *Domini*, cujus nutui omnia parent, *est terra et plenitudo ejus*, id est ipsum elementum et omnia in ipso contenta, videlicet homines, terræ nascentia et jumenta : quod consequenter clarius exponit. *Orbis terrarum*, id est omnis circumferentia partium terræ, *et universi qui habitant in eo*. Omnia ista sunt Domini, sicut creatoris, gubernatoris et conservatoris, quemadmodum in libro Job de Deo habetur : Quem constituit alium super terram? aut quem posuit super orbem quem fabricatus est? In quo hæresis Manichæi ac Valentini, dicentium ista inferiora non esse creata a Deo lucis, confunditur.

Job xxxiv.
13.

Signum autem hujus, scilicet quod Domini est terra et plenitudo ejus, est id quod subditur : (2) *Quia ipse Dominus super maria*, id est super aliqua brachia maris Oceani, quod terram cingit et ambit, *fundavit*, id est, firmiter collocavit, *eum*, scilicet orbem terrarum : non quod terra simpliciter sit superior aqua, quoniam terra est centrum universi : unde necesse est ipsam esse in medio mundi, et per consequens ab aqua cingi, et in medio ejus locari pro majori sua parte. Dicitur ergo terra super maria fundata, quia divina virtute factum est, ut non sit tota aquis operta, nec mare erumpens ipsam operiat : sed pars ejus est superior mari, quantum ad partes maris terræ vicinas, quatenus animalia commorari possint in ea. Idcirco subjungit : *et super flumina præparavit eum*, id est, fecit orbem terræ, quantum ad aliqua loca, eminentiorem ripis fluviorum, præparans eum habitationi viventium. Et in isto apparet ineffabilis sapientia, atque omnipotens virtus Creatoris, quemadmodum per Jeremiam Dominus

2

A ait : Audi, popule stulte, qui non habes cor. Me non timebitis, qui posui arenam terminum mari, præceptum sempiternum quod non præteribit? Intumescant fluctus ejus, et non transibunt illud. Ad beatum Job quoque : Quis, inquit, conclusit ostiis mare, quando erumpebat quasi de vulva procedens? Circumdedit illud terminis meis, et posui vectes et ostia; et dixi, Hucusque venies, et non procedes amplius.

Jer. v. 21, 22.
Job xxxviii,
8, 10, 11.

Potest autem hic locus magis spiritualiter explanari. Ut sit sensus : *Domini est terra*, id est militans Ecclesia in terra peregrinans, atque instar bonæ terræ uberes fructus sanctæ conversationis producens, *et plenitudo ejus*, id est, tota virtus, gratia atque perfectio fidelium, Domino adscribenda est, sicut datori qui dedit, et fini propter quem omnia fieri debent. *Orbis terrarum*, id est hæc ipsa Ecclesia per totum mundum diffusa, seu ex populis omnium finium mundi collecta, *et universi qui habitant in eo*, id est, omnes Christifideles in ecclesiastica unitate, fide et opere stabiles, sunt Domini Jesu Christi, qui proprio sanguine sibi acquisivit eandem, secundum Apostolum. Cujus rationem subjungit : *Quia ipse super maria*, id est super homines sæculares, tanquam mare fluctuantes de vanitate in vanitatem, et nunquam in Domino stabilitos; vel, Super maria, id est super tribulationes et amaritudines fluctusque sæculi; *fundavit eum*, id est, corroboravit Ecclesiam : non quod prædicta sint fundamenta Ecclesiæ; sed quia Christus stabilivit Ecclesiam adversus prædicta, ne obruatur vel penitus superetur ab eis, fecitque Ecclesiam firmiorem ac sublimiorem prædictis, super quæ fundata asseritur. Propter quod subditur : *et super flumina*, id est super vitia tanquam flumen fluentia : sicut luxuria atque cupiditas, quæ in bonis delectabilibus et utilibus inordinate et sine quiete discurrunt, nec satiant, sed magis accendunt. Super hæc itaque flumina præparavit eum, id est Ecclesiam seu fidelium congregationem, disponendo eam ad bel-

Act. xx,
28; Ephes.
v. 25-27.

II Cor. x 3. 4. lum contra vitia ista, quemadmodum ait Apostolus : In carne ambulantes, non secundum carnem militamus. Nam arma militiæ nostræ non carnalia sunt, sed potentia Deo.

3 Postquam Propheta testatus est omnia Domini esse, nunc sciscitatur atque declarat qui ad Dominum tantæ majestatis pertingere possint, et ait : 5 *Quis ascendet in montem Domini?* id est, quis de naturalibus perveniet ad apicem gratiæ? quis de sæculo nequam intrabit sanctam religionem? quis de servitute peccati ascendet ad obedientiam matris Ecclesiæ? quis de imperfectione ascendet ad perfectionem? quis de hac valle lacrimarum ascendet ad regnum cælorum? *Aut quis stabit in loco sancto ejus?* id est, quis usque in finem perseverabit in monte Domini jam prædicto atque exposito? Ascendunt enim interdum etiam reprobi, sed non stant nisi electi. Omnes interrogationes istæ, in idem redire videntur, et omnes per responsionem sequentem solvuntur. Respondet enim Propheta :

4 (1) *Innocens manibus*, id est, qui alteri operando non nocuit, *et mundo corde*, id est a sorde peccatorum purgatus, *qui non accepit in vano animum suum*, id est, qui non neglexit implere id, propter quod anima sua creata est, corporique infusa. Creata enim et corpori conjuncta est anima, ut virtutibus adornetur, scientiam salutarem adipisci conetur, Domino cum omni obedientia famuletur. Qui igitur ista acquirit et implet, non accepit in vano animum suum. *Nec juravit in dolo proximo suo*, id est, nil promisit quod non solvit, nil firmiter affirmavit quod verificare non potuit, nil cum juramento asseruit ut alium falleret. 5 *Hic*, qui ista observat, *accipiet benedictionem*, id est gratiarum dona et multiplicationem eorum, *a Domino*, et *miserecordiam*, id est indulgentiam, et omne quod petit, *a Deo salutari suo*, id est a Deo in quo salus sua consistit, vel a Christo salvatore.

Deinde quod singulariter dixit, omnibus

A applicat justis. (6) *Hæc*, id est, qui taliter vivunt, *est generatio quærentium eum* : quia isti sunt renati in Domino, pertinentes ad numerum regeneratum in Christo ; et quærunť Dominum per fidem et sancta desideria bonaque opera. Nec solum quærunť Dominum per fidem ; sed hæc est (inquit) generatio *quærentium faciem Dei Jacob*, id est desiderantium videre Deum in patria clare per speciem : qui in præsentī quærunť eum, contemplari volentes eum sicut nunc possunt ; sed in futuro cupiunt eum cognoscere sicut et cogniti sunt. Si ergo tu Deum quæris, si eum videre, si ei conjungi desideras, fac proximo quod tibi vis fieri ; talem te exhibe fratri, qualem optas ut se Deus exhibeat tibi. Ab omni vanitate et vili occupatione atque malitia purga aciem mentis, quoniam Deus non nisi a purgatissimis mentibus cernitur, nilque vel minimæ maculæ esse potest in anima quæ divinæ luci immediate jungetur, quoniam tantum a Deo distamus, quantum vitiis subjacemus.

C (7) *Attollite portas, principes, vestras*. Hæc est vox angelorum sanctorum, cum Christo ad inferos descendantium, eumque præeuntium ut famuli dominum, et ad dæmones ita loquentium : Attollite, id est aperite, o principes tenebrarum, portas vestras, id est claustra inferni, seu potestatem et jus quod hucusque habuistis in animas electorum propter originalis peccati reatum : ob quem impediabantur ab ingressu regni cælorum. *Et elevamini, portæ æternales*, id est aperiimini, prædictæ portæ, quæ ab origine mundi clausæ fuistis universis, et sine fine clausæ manebitis reprobis quantum ad liberationem. Vel, Elevamini, portæ æternales, id est, ad Christi contemplationem erigite vos, o animæ electorum, quas Christus modo ingreditur per beatificam visionem, et in æternum in vobis manebit. Propterea subditur : *et introibit rex gloriæ* : quod ad utramque expositionem refertur. Nam infernum (id est limbum patrum) Christus intravit ; mentes quoque animarum illic captiva-

6

1 Cor. xiii, 12.

Tob. iv, 16.

7

rum ingressus est. Nam statim ut anima Christi a corpore suo gloriosissimo separata fuit, infernum intravit, et omnes animas Sanctorum clara Divinitatis visione beatificavit: quoniam pro originali plenissime satisfecit, propter cuius reatum animæ sanctæ retardabantur a visione beata.

- 8 Ad hanc vocem, admirati dæmones, aiunt: (8) *Quis est iste rex gloriæ*, qui tam inconsuete, tam gloriose, tamque secure descendit ad nos? Quibus angeli sancti respondent: *Dominus fortis*, ratione divinitatis, *et potens*, ratione humanitatis, per cuius passionem, mortem ac dæmones superavit: *Dominus potens in perlio*, id est in passione qua principem huius mundi alligavit, foras eiecit, et vasa ejus diripuit. Hic ergo est rex gloriæ. Porro, per hoc quod isto in versu vocatur Christus rex gloriæ, atque in versu sequenti, Dominus virtutum, manifeste probatur quod ipse sit verus Deus. Nulla enim pura creatura dici potest rex gloriæ, aut Dominus virtutum, quia auctoritatem regni atque domini ex se ipsa non habet.

Matth. xii, 29.

- 9 (9) *Attollite portas, principes, vestras*. Hæc est vox sanctorum angelorum, Christum in ascensione præcedentium, et cœlestibus civibus atque principibus clamantium: Attollite, o principes, id est angelicæ potestates, portas vestras: id est, reserate ingressum regni cœlorum, parantes introitum Filio Dei ac venientibus secum, quatenus cum reverentia debita suscipiatis eundem. *Et elevamini, portæ æternales*, id est, patefacite vos, januæ vitæ æternæ. Portæ istæ non sunt corporaliter intelligendæ; sed facultas, virtus, seu jus ingrediendi vitam æternam, est porta cœlorum. *Et introibit rex gloriæ*: sicut ait

Hebr. ix, 24.

- 10 Interea angeli audientes hanc vocem, adspicientesque Christum tam gloriose ascendere, inquirunt ab angelis superioribus: 10 *Quis est iste rex gloriæ?* tanquam

a doctioribus cupientes plenius edoceri. Quibus angeli cum Christo venientes respondent: *Dominus virtutum*, id est ipsemet Deus Unigenitus Dei Patris, qui est Dominus Sabaoth, id est exercituum atque universarum virtutum cœlestium, *ipse est rex gloriæ*, id est princeps lætitiæ, fons felicitatis æternæ, rex tantæ excellentiæ: cui secundum quod homo est, data est omnis potestas in cœlo et in terra.

Matth. xxviii, 18.

- Advertendum est hic, quod juxta doctrinam divini ac magni Dionysii, septimo Cœlestis hierarchiæ capitulo, Christo ascendente, angeli tres quæstiones fecerunt. Prima fuit inferiorum, quærentium a superioribus cum Christo venientibus: Quis est iste rex gloriæ? Non enim tam perfecte noverunt mysteria Christi, ut superiores, quamvis secundum Augustinum, omnes angeli sancti agnoverunt a principio mundi mysterium Christi, videlicet incarnationem Filii Dei, et hoc saltem in generali. Secunda erat quæstio angelorum primæ ac summæ hierarchiæ, quærentium inter se: Quis est iste qui venit de Edom, tinctis vestibus de Bosra? Edom interpretatur, sanguinea; Bosra vero, munita. Est igitur sensus: Quis est iste, tam præclarus et candidus, qui venit de mundo sanguineo per peccata, ac munito contra Deum per malitiam? Hanc autem quæstionem faciunt angeli summi inter se, non quasi volentes a se invicem edoceri, quoniam omnes immediate illuminantur a Deo; sed quærunt sic conferendo inter se, quatenus ostendant se scientiam sanctam appetere, neque audere divinam in eos processivam instructionem anticipare, aut præfixos sibi terminos transilire: quasi deliberent primo inter se, ut fiant idonei ad illuminationem divinam. Unde et Christus per se ipsum eis respondet: Ego qui loquor justitiam, et propugnator sum ad salvandum. Tertia quæstio est, quam angeli summi faciunt, Christo dicentes: Quare ergo rubrum est indumentum tuum, et vestimenta tua sicut calcantium in toreulari? Indumentum Christi, est corpus ejus, quod

Is. lxiii, 1.

Ibidem.

Ibid. 2.

fuit suæ divinitatis templum atque latibulum. Est itaque sensus : Quare sanguine rubricatum fuit corpus tuum, sicut cicatrices testantur, si tam justus es, et idem salvator ? Quibus Christus respondet : Torcular calcavi solus, et de gentibus non est vir mecum, id est, diabolum, peccata, et mundum solus devici, et passionem pro omnibus pertuli, nec est aliquis patiens mecum pro mundi sceleribus. Has quæstiones faciunt angeli summi, quia nec ipsi penetrare possunt profunditatem incarnationis ac aliorum mysteriorum Domini B salvatoris.

Ecce psalmus iste lucifluus, breviter docuit nos majestatem contemplari divinitatis, cujus imperio universa subduntur, quatenus excitet nos ad reverentiam ac

A sanctum timorem altissimi Creatoris. Docuit quoque, qualem esse oporteat eum qui ad Dominum pertinere desiderat, quatenus exhortetur nos ad cordis munditiam. Postremo, docuit nos de Christi felicissima ascensione, quatenus erigat corda nostra ad superna : quemadmodum ait Apostolus : Quæ sursum sunt quærite, ubi Christus est in dextera Dei sedens ; quæ sursum sunt sapite, non quæ super terram.

Coloss. iii, 1, 2.

PRECATIO.

Domine virtutum et Rex gloriæ, purifica conscientiam nostram : ut innocentes manibus et mundi corde semper existentes, benedictionem et misericordiam æternam a te percipiamus.

ARTICULUS LVI

EXPOSITIO PSALMI VICESIMI QUARTI : AD TE, DOMINE, LEVAVI, ETC.

1 TITULUS psalmi est : *In finem, psalmus David* : id est, psalmus iste in finem perfectientem seu consummantem, id est in Christum, nos dirigens, est David loquentis hic in persona pœnitentis per flagella correcti. Est enim hic psalmus oratio Ecclesiæ atque cujuslibet vere contriti, consolationem ac opem quærentis contra mala culpæ et pœnæ.

2 IT itaque : I *Ad te Deum totius salutis meæ, summumque bonum cordis mei, Domine, levavi animam meam*, per fidem certissimam te contemplando, carnalia ac sensibilia deserendo, atque in te omnium rerum altissimo vertice mentis meæ intuitum affectuosissime figendo : quemadmodum Isaïas monet, Excutere de pulvere, consurge. *Deus meus, quem summe ac unice colo et diligo, in te confido*, non in rebus caducis : ideo non eru-

Is. lvi, 2.

C *bescam*, id est, da mihi ut nil dignum erubescencia agam, videlicet ut non peccem. Est enim erubescencia, timor de aliquo turpi. Nil autem peccato turpius esse potest. Vel sic : Non erubescam, id est, non timeam propria peccata confiteri, sed impleam illud : Fili mi, da gloriam Deo Israel, et confitere atque indica quid feceris. Vel : Non erubescam de opere bono : de quo imperfecti sæpius erubescunt propter aliquod consequens, scilicet propter pœnam vel irrisiōem aliorum. Itaque, Non erubescam, ne mihi contingat quod tu, Domine Jesu, in Evangelio dicis : Qui me erubuerit et meos sermones, hunc Filius hominis erubescet, quum venerit in regno suo. Verumtamen est quædam erubescencia bona, de qua ait Philosophus quod sit optima passio. Est enim timor de aliquo inhonesto. De hac ergo non loquitur hic Propheta, imo rogare debe-

Josue vii, 19.

Luc. ix, 26.

mus Dominum ut omnino erubescamus. *Jer. III, 3.* illud nobis dicatur : Frons mulieris meretricis facta est tibi ; noluisti erubescere. Nam qui in malo habituati sunt, non erubescunt.

Vel : Non erubescam, id est, non confundar a te, in die iudicii mei particularis, quando anima mea a corpore exiens, statim judicabitur a te, neque in die universalis iudicii. Unde subjungitur : (2) *Neque irrideant me inimici mei*, scilicet dæmones, qui suos ministros modo occulte derident, sed in die utriusque iudicii, maxime tamen in die extremi iudicii, eos manifeste irridebunt. *Etenim universi qui sustinent te*, id est, qui nunc omnia quæ sibi contingunt, æquanimiter ferunt, et tibi ultionem iudiciumque committunt, quemadmodum scriptum est : Mihi vindictam, et ego retribuam, dicit Dominus. Isti *non confundentur* in tempore iudiciorum istorum ; sed audient verbum illud honorificum atque dulcissimum, Venite, benedicti Patris mei, percipite regnum, etc.

(5) *Confundantur omnes iniqua agentes supervacue* : id est, peccatores qui inutiliter et vane malitias perpetrant, confundantur in præsentī vita ad pœnitentiam salutarem, ne æternaliter confundantur, quemadmodum scriptum est : Confundimini et erubescite super viis vestris, dicit Dominus. Et hoc modo, quod dicitur, Confundantur, optando exponitur. Vel sic : Confundantur omnes iniqua agentes supervacue, id est, vituperentur a te, in æternumque pereant, sicut comminaris :

Dabo, inquit, vos in opprobrium semipiternum et ignominiam æternam, quæ nunquam oblivione delebitur. Et ita, quod dicitur, Confundantur, intelligendum est prophetative, non optative, nisi Propheta dicat hoc de his qui obstinati permanent, vel conformando affectum suum divinæ justitiæ.

(4) *Vias tuas*, id est mandata tua, Domine, demonstra mihi, id est, lumen gratiæ tuæ mihi infunde, quatenus tua præcepta

actualiter pensem, ac diligenter observem. *Et semitas tuas edoce me*. Aliud nihil dicit, nisi quod dictum est ; sed dictum, aliis verbis resumit, propter affectus sui fervorem, atque ut corda nostra inflammet. Vel, Semitas tuas, id est vias perfectas, quæ sunt evangelica consilia, edoce me : non solum ut ea informiter sciam, quod et reprobis competit ; sed ut opere et veritate ea perficiam. (5) *Dirige me* ad te ipsum et ad beatitudinem sempiternam, ut ad tuum honorem omnia agam ; *in veritate tua*, id est in lege divina, quatenus secundum ejus rectitudinem et doctrinam, omnia opera mea disponam ac ordinem ad ultimum finem ; *et doce me*, ut sciam quid acceptum sit coram te omni tempore, sciamque (prout hortatur Apostolus) quæ sit voluntas Dei bona, beneplacens et perfecta. Idcirco autem oro doceri a te, *quia tu es Deus salvator meus*, qui animam tuam posuisti pro me, et a peccatis, a jugo diaboli, a damnatione æterna redemisti me. *Et te sustinui tota die* : id est, omni tempore quo vivo sub sole, præstolatus sum tuam clementiam, et me ipsum ac omnia quæ mihi eveniunt, tuæ pietati commisi. Idcirco :

6. *Reminiscere miserationum tuarum, Domine, et misericordiarum tuarum quæ a sæculo sunt*. Reminiscencia et oblitio in incommutabili Deo proprie non cadunt ; sed per transumptionem dicitur Deus reminisci, dum exaudit, parcit, succurrit ; oblivisci vero, dum opposito modo se habet. Denique misericordia, prout in Deo esse censetur, non est nisi bonitas ejus piissima. Misericordia Dei, est effectus misericordiæ ejus. Multæ ergo possunt esse miserationes Dei, quoniam multa sunt opera pietatis divinæ ; sed misericordia Dei non est nisi una, quæ est divina essentia. Cur ergo modo pluraliter ait, Et misericordiarum tuarum, nisi quod divina misericordia, quæ in se una et simplex est, pluraliter nominatur, propter diversitatem suorum effectuum ? Igitur, Domi-

Rom. XII, 19; Hebr. X, 30.

Matth. XXV, 34.

Ezech. XXXVI, 32.

Jer. XXIII, 40.

5

Sap. IX, 10.

Rom. XII, 2.

Joann. X, 15.

6

ne, reminiscere miserationum tuarum, id est, attende quantam pietatem et gratiam prioribus sanctis dedisti : et mihi fac quemadmodum illis fecisti, indulgendo mihi semper in omnibus. Et reminiscere misericordiarum tuarum quæ a sæculo sunt, id est, recorderis pietatis tuæ æternæ, quæ ab origine mundi fuit in te, et effunde benignitatis tuæ effectus in me ; clementiæ tuæ abyssum, atque totius misericordiæ tuæ pelagus, in æternum ostende in me.

7 *7 Delicta juventutis meæ*, id est peccata commissionis facta in juventute, *et ignorantias meas*, id est peccata omissionis, *ne memineris* reservando mihi poenam æternam pro eis ; sed in præsentī da mihi ea delere. Vel : Delicta, id est peccata ex malitia seu electione mali perpetrata, et ignorantias, id est peccata ex infirmitate admissa, ne memineris. Omnis enim qui peccat : vel peccat ex passione, et iste faciliter emendatur, quia passione cessante, cessat peccatum ; vel ex habitu malo, videlicet ex certa malitia, et iste difficulter corrigitur, quia difficile est habitum extirpare. Theologi vero dicunt, peccatum procedere, vel ex infirmitate, quod est peccatum contra Patrem, cui appropriatur potentia ; vel ex ignorantia, quod est peccatum contra Filium, cui appropriatur sapientia ; vel ex certa malitia, quod est peccatum contra Spiritum Sanctum, cui appropriata est bonitas. Sed hæc tria reduci possunt ad duo prædicta. (8) *Secundum misericordiam tuam memento mei tu* : id est, non secundum mea peccata, non secundum justitiæ tuæ rigorem, sed secundum misericordiam tuam fac mihi. peccata ignoscendo, gratiam infundendo, meque in omni bono conservando : et hoc fac *propter bonitatem tuam, Domine*, id est propter te ipsum et nominis tui honorem. Hoc est quod Nehemias ait : Memento mei, Deus meus, in bonum ; et ne deleas miserationes tuas a me.

II Esdr. xiii.
31, 14.

8 *9 Dulcis et rectus Dominus*, id est suavis in se et aliis pius, rectus quoque, id

est justus : imo ipse est universæ dulcedinis causa fontalis, ejus dulcedo in se ipso vere simpliciterque immensa existit. *Propter hoc legem dabit delinquentibus in via*, id est hominibus qui sæpe delinquant in vita præsentī, quæ est peregrinatio et via ad vitam æternam. Triplicem legem contulit Deus hominibus, scilicet legem naturalem, legem scriptam, et legem evangelicam : et omnes hæc leges sunt datæ hominibus, quatenus juste vivant ; et Deus propter suam dulcedinem et æquitatem præstitit eas hominibus, quoniam pium ac justum fuit ut Creator rationali creaturæ legem vivendi præfigeret. Propter quod in Ecclesiastico dicitur : Ostendit Deus hominibus bona et mala ; et lege vitæ hereditavit illos. Justitiam et judicia sua ostendit illis ; et dixit eis : Attendite vobis ab omni iniquo. Quod autem hic dicitur, Dulcis et rectus Dominus, convenienter de Christo accipitur, qui legem evangelicam dedit in monte, ubi octo beatitudines discipulis declaravit.

Eccli. xvii,
6, 9-11.

C *10 Diriget* ipse Dominus per inspirationem et gratiam Spiritus Sancti, *mansuetos*, id est patientes, *in judicio* discretionis, ut se ipsos vere discutiant, judicent, et emendent. Diriget equidem eos, quoniam impatientia, quæ rationis judicium plurimum impedit, carent ; ac per hoc capaces ac digni sunt a Domino dirigi per dona Spiritus Sancti. Nam per donum sapientiæ judicamus de divinis ; per donum scientiæ, de creatis ; per donum consilii, de actibus humanis. *Docebit mites vias suas*, id est, Dominus informabit homines, qui iracundiæ motus vicerunt, operationes salubres ac sanctas, quia ad omne bonum dirigit eos. Communiter accipi solent mansuetudo et mititas pro eodem ; sed quia Propheta loquitur de eis distincte, idcirco mansuetudo jam sumpta est pro patientia, quæ est virtus moralis refrenans passionem tristitiæ, sicut et mititas iram restringit.

Matth. v,
1 et seq.

9

II *Universæ viæ Domini*, id est omnia opera Dei, sunt *misericordia et veritas* :

10

id est, in omnibus effectibus Dei apparent atque relucet misericordia Dei et justitia ejus. In aliquibus tamen misericordia Dei evidenter apparet, ut in electis; et in quibusdam manifestius apparet justitia, sicut in reprobis. Tamen quoniam reprobi citra condignum a Deo in hac vita relinquuntur et in inferno torquentur, idcirco in eis misericordia Dei apparet. Electi vero ultra condignum præmiantur, sicut in eis misericordia locum habet: et quod istud est verum, constat *requirentibus testamentum ejus et testimonia ejus*, id est hominibus qui in hac vita requirunt legem divinam, et veritates quæ in ea credendæ traduntur. Possent hic multa dici, quomodo in omni opere Creatoris commiscerentur misericordia et veritas. De quibus Anselmus in suo Proslogio pulcherrime tractat, ostendens quædam esse justa ex parte Dei, ut quod malis miseretur: quia tam bonus est Deus, ut justum sit eum etiam malis benefacere. Quædam vero sunt justa ex parte Dei et nostri, sicut dum bonis benefacit. Cur vero potius Deus juste eligat misereri uni malo, quam alteri, a nobis inveniri non potest: imo, ut ait Augustinus, Hoc noli investigare, si non vis errare. Sed de ista materia transeo, et ad Anselmum studiosos remitto.

11 12 *Propter nomen tuum*, id est propter te ipsum, et ut ostendas divitias misericordiæ tuæ in me, *propitiaberis peccato meo*, ut spero; *multum est enim*: non quod multitudo peccati sit causa meritoria indulgentiæ Dei, sed quia est causa propter quam peccati remissio dici potest propitiatio. Ponit autem hic singulare pro plurali, dum ait, Propitiaberis peccato meo: quoniam sensus est, Propitiaberis omnibus peccatis meis. Unum namque mortale peccatum, sine alio nunquam dimittitur in eo qui plura mortalia habet: sed unum veniale, sine alio potest dimitti.

12 Interea Propheta mutat personam, et subdit: 15 *Quis est homo qui timet Dominum* casto ac filiali timore? Hic talis magnus et felix est, quoniam Dominus

A *legem statuit ei*, id est, legem divinam proposuit ei, *in via quam elegit*, id est in sancta conversatione quam sponte assumpsit, malam conversationem contemnens.

14 *Anima ejus* qui sic timet Dominum, *in bonis demorabitur*, id est, in præsentī vita perseverabit in gratia atque virtutibus, et in futuro æternaliter permanebit in gloria cum electis: eritque utrobique dives in Christo. *Et semen ejus*, id est fructuosa vita sua, *hereditabit terram*, id est, in hoc sæculo habebit corpus sibi ac rationi subjectum, in futuroque sæculo possidebit regnum cœlorum, quod est regio vivorum seu terra viventium. Et de utraque hac terra exponi potest, secundum modum prædictum, quod Christus in Evangelio dicit: Beati mites, quoniam ipsi possidebunt terram. 15 *Firmamentum*, id est causa omnis stabilitatis ac perfectionis, *est Dominus timentibus eum*: quemadmodum Apostolus, Optimum, inquit, est gratia stabiliri cor. *Et testamentum ipsius*, id est, lex Dei ad hoc data est, ut C *manifestetur illis*, id est, quatenus agnoscat et impleatur ab ipsis.

Sequitur versus dulcissimus ac saluberrimus: 16 *Oculi mei semper ad Dominum*, id est, intentio et contemplatio cordis mei ad Deum erecta est semper, id est in omni tempore debito, vel semper actu aut habitu. Hoc convenit his qui cum Apostolo dicere possunt: Nos autem revelata facie gloriam Domini speculantes, in eadem imaginem transformamur de claritate in claritatem. Unde ait Jeremias: Levemus corda nostra cum manibus ad Deum in cœlos. Ideo autem, Oculi mei semper ad Dominum, *quoniam ipse evellet de laqueo*, id est, liberabit de insidiis inimici, de omni tentatione et vitio, quibus anima captivatur, *pedes meos*, id est peregrinationem meam, seu actus vitæ meæ in isto exsilio, laqueis pleno.

17 *Respice in me*, implendo cordis mei affectum in bonis, *et miserere mei, quoniam unicus*, id est solus, et præter te adiutorem ac miseratorem non habens, et

13

Matth. v, 4.

14

Hebr. xiii, 9.

15

II Cor. iii, 18.

Thren. iii, 41.

16

pauper, id est indigens gratia tua, et nil boni potens per me, *sum ego*. Hoc modo unica et pauper fuit illa sanctissima Esther, quæ dixit ad Dominum : Adjuva me solitariam, et ejus præter te nullus alius auxiliator est.

17 *Tribulationes cordis mei multiplicatæ sunt* : quia affligor pro peccatis commissis, affligor propter defectum perfectionis, affligor timore pœnarum et desiderio gaudiorum. Spes enim quæ differtur, affligit animam. Affligor molestia tentationum et compassione proximorum. Quoniam ergo tantis malis nunc tribulor, ideo oro, *de necessitatibus meis erue me*, id est, ab indigentis istis corporalibus cibi, potus, somni, vestitus, atque similibus libera me, ut non tam frequenter impediunt animam a contemplatione divina, sed utar eis solum quantum oportet, non quantum delectat ; nec sim sollicitus de crastino, sed primo quæram regnum Dei, ac per hoc omnia illa mihi adjiciantur.

18 19 *Vide humilitatem meam*, id est, benigne considera vilitatem et contritionem meam, quomodo me ipsum contemno, *et laborem meum*, id est satisfactionem pro culpis meis, atque conatum quo facio quod in me est pro gratia acquirenda ; *et dimitte universa delicta mea*, quoad pœnam et culpam. 20 *Respice inimicos meos*, id est, dæmones reprime, et homines malos converte, meque ab eis conserva, *quoniam multiplicati sunt* : id est, quia propriis viribus eis resistere nequeo, propterea ad tuam pietatem confugio ; *et odio iniquo oderunt me*, quia spiritualia bona mihi auferre conantur, et a te Deo meo elongare me cupiunt : quod est pessimum odium, et peccatum in Spiritum Sanctum, quod dicitur, invidentia fraternæ gratiæ.

20 21 *Custodi animam meam* in profectu virtutum et omni bono. Scio enim quod utiliter Scriptura admoneat : Omni custodia serva cor tuum, quia ex ipso vita procedit. Sed quoniam non sufficio per meam virtutem hoc ipsum implere, quia (ut Jeremias ait) non est in homine via ejus ;

A idcirco, o Domine, custodi tu per continuam gratiam atque angelicam opem animam meam, ne recedat a te. *Et erue me*, a malis præteritis, præsentibus et futuris. *Non erubescam, quoniam speravi in te*. Hoc in primo hujus psalmi versu satis expositum est.

Deinceps commemorat beneficium sibi collatum a Domino, seu fructum sperandi in Deo, et ait ad gloriam Creatoris : 22 *Innocentes et recti*, id est simplices, nulli nocentes, sed recedentes a malo, et juste facientes bonum, *adhæserunt mihi* cordis consensu, approbando opera mea, et opitulando studiis meis, *quia sustinui te*, id est, te longanimiter atque fiducialiter expectavi in omni eventu. Unumquodque enim applaudit suo simili, quoniam similitudo est causa amoris. Ideo boni bonis adhærent : et hæc sola est vera et sancta dilectio, quæ in similitudine virtutis ac bono honesto fundatur. 23 *Libera, Deus, Israel*, id est populum te fideliter contemplantem, *ex omnibus tribulationibus suis*, dando ei vitam ac requiem sempiternam, post hujus sæculi peregrinationem pœnalem.

Ecce quam affectuosissimæ et efficacissimæ orationes continentur in psalmo isto ; et quam suaviter atque præclare laudatur Deus in eo, tam quoad se ipsum, quam in ordine ad suos effectus. Studeamus ergo hunc psalmum prænobilem cum cordiali contritione, cum gustu mentali, cum caritate divina, cum delectatione divini præconii, cum ardenti affectu proficiendi cantare, ut devotæ orationis effectum, divinæque laudis fructum mereamur sortiri.

PRECATIO.

Memento nostri, Domine, secundum misericordiam et bonitatem tuam, et pedes nostros de laqueo inimicorum evelle : ut qui aliquando ad mala currendo proni existebant, vias et semitas justitiæ tandem te docente apprehendant, easque constanter et perseveranter incedere non desistant.

ARTICULUS LVII

EXPOSITIO DE CHRISTO. PSALMI VICESIMI QUINTI : JUDICA ME, DOMINE, ETC.

1 BREVIS demum est titulus psalmi istius, scilicet : *Psalmus David*. Et dicunt aliqui expositores, quod hoc loco per David non intelligitur Christus, sed quilibet homo perfectus. Verumtamen quidquid sit de hoc, videtur omnino psalmus iste posse exponi de Christo, etiam aptius quam de aliquo alio.

*Matth. xvii,
16; Marc. ix,
18.*

*Joann. xvii,
5.*

CHRISTUS ergo ut homo, ait ad Deum : *1* *Judica me, Domine*, id est, a malis discerne et separa me, atque secundum justitiam meam restitue mihi accidentale præmium. Christus enim optavit a malis secerni, ad Patrem redire, et beatificari in corpore. Unde in Evangelio ait : O generatio mala et incredula, quamdiu apud vos ero? quamdiu patiar vos? Et iterum : Pater, clarifica me claritate quam habui, antequam mundus esset, coram te. Deus quoque judicavit Christum hominem judicio discretionis et remunerationis. Ideo autem judicari peto, o Domine, *quoniam ego in innocentia mea ingressus sum*, id est innocenter in omnibus conversatus sum, *et in Domino sperans, non infirmabor* mente, licet in corpore patiar : nam animo stabilis ero ac fixus in Domino. Christus namque a perfecta fortitudine mentis nunquam defecit, quamvis spontanea dispensatione quasdam passiones animæ assumpsit. Illæ quippe passiones non impediverunt actum rationis in ipso. Nulla enim passio appetitus sensitivi prævenit rationem in Christo, sed ipse quas voluit, sponte admisit.

2 (*2* *Proba me, Domine*, id est, permitte me pati adversa ac dura pro mundi salute, ut omnes agnoscant me probatum et tibi acceptum. Itaque, *Proba me*, id est,

A per pœnas experire obedientiam meam, non ut tu aliquid de novo agnoscas, sed ut aliis probationem ac approbationem meam ostendas. *Et tenta me*, id est, tentari me sine a Satana, et a Pharisæis ac Scribis : quatenus mea tentatio fiat aliis causa vincendi tentationes : et mea resistentia atque victoria fiat aliis forma resistendi tentationibus, superandique eas. *Ure, igne passionis, renes meos et cor meum*, id est naturam sensitivam et appetitum ipsius. Nam tota natura corporea Christi, vehementi dolore passa fuit ; dolor quoque interior et timor atque tristitia, prout sunt passiones animæ, affligerunt cor, id est appetitum sensitivum, animæ Christi. Vel sic : *Ure, igne Sancti Spiritus, renes meos et cor meum*, scilicet, ut fervor caritatis in voluntate existens, redundet in inferiorem partem animæ, faciatque appetitum sensitivum ardentem paratum ad sustinendum ignominiam mortis pro mundo. Istud autem in Christo impletum est. Nam, postquam ab oratione sur- C rexit, Judæis intrepidus obviam ivit, et dixit : Quem quæritis? ita quod tunc natura inferior, promptissime et sine pavore sequebatur appetitum intellectualem ac rationem.

*Joann. xviii,
4, 7.*

Porro quod ista Christo conveniant, patet ex eo quod Apostolus ait : Non habemus pontificem qui non possit compati infirmitatibus nostris ; tentatum autem per omnia pro similitudine, absque peccato. Et iterum de Christo loquens : Debuit, inquit, per omnia fratribus similari. In quo D enim passus est ipse et tentatus, potens est et eis qui tentantur, auxiliari. Ideo etiam Christus orat probari, tentari et uri, quia aliter non potuit gloriam suam intra-

Hebr. iv., 15.

*Ibid. ii., 17,
18.*

re ac mundum salvare, eo modo quo ipse A false accusantur, facere possunt. *Et circumdabo altare tuum, Domine* : id est, caritatem qua diligo te et proximum, undique adornabo operibus sanctis, agendo et patiendo quidquid caritas exigit. Bene autem caritas appellatur Dei altare, quia necesse est omnia in caritate offerre et facere. Unde in Levitico habetur : Ignis est iste perpetuus, qui nunquam

Luc. xxi, 26.

Consequenter rationem assignat, cur tam secure ista desiderat, et ait ad Deum :

3 *Quoniam misericordia tua ante oculos meos est*, id est, quia incessanter confido in te; et in gratia tua, quam mihi misericorditer præstitisti, confirmatus sum : ex quo certus sum non me posse deficere; *et complacui in veritate tua*, id est, in tua iustitia, et secundum exigentiam seu dictamen divinæ tuæ iustitiæ, placui tibi, eo quod nihil unquam peccati contraxi aut feci. Unde nil erat in me, unde displicere tuæ iustitiæ possem. Hoc est quod Evangelistæ Patrem dixisse testantur ad Christum : Hic est Filius meus dilectus, in quo mihi bene complacui.

Matth. iii, 17. Marc. i, 11.

4 *Non sedi cum consilio vanitatis*, id est, cum vanis consiliatoribus vana et mala quærentibus non feci moram, adjuvando eorum consilia, vel eis consensum præbendo; *et cum iniqua gerentibus non introibo* viam injustam, faciendo quæ ipsi faciunt, vel communicando operibus eorum infructuosis : et hoc ideo, quia (5) *Odi*

Ephes. v, 11.

5 *vi ecclesiam malignantium*, id est congregationem eorum qui ex proposito peccatis insistant : hos odio, in quantum sunt malignantes, non in quantum sunt homines. Odio igitur in eis non naturam, sed culpam : imo Christus peccatores dilexit, instruxit, convertit, redemit, quoniam Filius hominis venit quærere et salvum facere quod perierat. *Et cum impiis*, qui peccant in Deum, *non sedebo*, mente approbando quæ agunt. Christus tamen (sicut in Evangelio scribitur) cum publicanis et peccatoribus interdum comedit, bibit, et sedet : non utique nisi ut eos ab errore reduceret, sciens quod infirmi medico indigerent.

Luc. xix, 10.

Matth. ix, 10, 11.

Ibid. 12.

6 *Lavabo inter innocentes manus meas*, id est, opera mea pura exhibebo; vel me ab omni peccato, quod Judæi imputant mihi, veraciter me coram te, Domine, excusabo : sicut et omnes innocentes, qui

Ut audiam vocem laudis : id est, propterea circumdabo altare tuum, ut audiam vocem laudis, videlicet ut mente advertam quod mihi Deus de sua majestate per modum laudis revelat : quemadmodum infra habetur, Audiam quid loquatur in me Dominus Deus. Et de Christo apud Isaiam legitur : Dominus Deus aperuit mihi aurem; ego autem non contradico, retrorsum non abii. Propter quod subditur hic : *et enarrem universa mirabilia tua*. Christus enim prædicando narravit mirabilia Dei hominibus, secundum quod ipse Apostolis dixit : Omnia quæcumque audivi a Patre meo, nota feci vobis. Omnia enim quæ Deus inspiravit animæ Christi, ut ea hominibus manifestaret, illa Christus enarravit; non tamen simpliciter universa mirabilia Dei narravit, quia nec mundus ea capere posset.

Lev. vi, 13.

7

Ps. lxxxiv, 9.

Is. l, 5.

C quoniam anima justi sedes est sapientiæ; et Deus per fidem habitat in cordibus nostris, teste Apostolo. Vel sic : Domine, dilexi decorem domus tuæ, id est domum tuam decoram, videlicet Ecclesiam militantem, quam mihi elegi in sponsam, non habentem maculam neque rugam : hanc dilexi, quia pro ejus salute sanguinem fudi. Dilexi quoque *et locum habitationis gloriæ tuæ*, id est Ecclesiam triumphantem, quia ut reædificaretur ejus ruina, descendi in mundum et pertuli mortem;

Joann. xv, 15.

Ibid. xxi, 25.

8

Prov. xiv, 33.

Ephes. iii, 17.

Ibid. v, 27.

sed et ego cum magno affectu ascendi in A
locum illum cœlestem. Hoc est quod ait

Hebr. II, 10. Apostolus : Decebat enim eum, propter
quem omnia, et per quem omnia, qui mul-
tos filios in gloriam adduxerat, auctorem
salutis eorum per passionem consummare.

9 9 *Ne perdas eum impiis. Deus, ani-*
mam meam, dimitte eam diutius in
inferno, quam usque ad tertium diem :
sicut sæpe prædictum est. *Et ne perdas*
cum viris sanguinum, id est peccatori-
bus, *vitam meam* corporalem, differendo
resurrectionem meam ultra tertium diem.

10 10 *In quorum impiorum manibus,* id est
operibus, *iniquitates sunt :* quia opera
eorum sunt vitiosa. *Dextera eorum,* id est
actio eorum quæ justa videtur, *repleta est*
muneribus : propter quæ a recta via rece-
dunt. Est enim munus a lingua, scilicet
adulatio, aut favor humanus : munus a
manu, ut pecunia seu res terrena ; munus
ab obsequio, sicut servitium impensum.
Propter hæc munera multorum dextera, id
est apparens justitia, obligatur atque in-
ficatur : quoniam teste Scriptura, Munera C
excæcant oculos etiam sapientium.

Eccl. XIII.
8: Eccl. XV.
31.

11 11 *Ego autem Christus Filius tuus in*
innocentia mea ingressus sum : quia sine
dolo et injustitia vixi ; *redime me a ma-*
lis præsentis sæculi, et miserere mei, ac-
celerando resurrectionem corporis mei.

12 12 *Pes meus,* id est gressus totius conver-
sationis meæ, *stetit in directo,* id est, mansit
et stabilis fuit in via arcta et recta, quæ
ducat ad vitam : quemadmodum scriptum
est, Quia diligo Patrem, et sicut mandatum
dedit mihi Pater, sic facio. [In ecclesiis be-
nedicam te, Domine.]

Matth. XVI.
14.

Joann. XIV.
31.

POSTREMO, locus iste de Christo litterali-
ter exponi potest : quod breviter tangere
congruit. Ait itaque Christus : *Non sedi cum*
consilio vanitatis, scilicet Judæorum, quo-
rum consilio nunquam interfui, vel con-
sensi ; *et cum iniqua gerentibus,* id est cum
Scribis et Phariseis, legem Moysis carna-
liter intelligentibus et male servantibus,
non introibo, ut sim particeps pravitatis

4

eorum. *Odavi ecclesiam malignantium,* ut-
pote prædictorum Judæorum, quæ potius
fuit synagoga Satanæ quam Dei, *et cum* Apoc. II, 9.
impiis istis non sedebo in cathedra pesti-
lentiæ, docendo quæ non ago, quemad-
modum ipsi. In his autem verbis tangit
Christus causam, ob quam Judæi inflam-
mati sunt invidia contra eum, et ipsum
occiderunt. Nam quia vituperavit vitam
eorum, seque ab ipsis subtraxit, idcirco
oderunt eum, quemadmodum alio loco
scriptum est : Dissimilis est aliis vita il-
lius, et tanquam nugaces æstimati sumus
ab illo, et abstinet se a viis nostris tan-
quam ab immunditiis, et gloriatur se Deum
patrem habere. Idcirco probemus patienti-
am ejus, et morte turpissima condemne-
mus eum.

5

Ps. I, 1.

Sap. II, 15,
16.

Ibid. 19, 20.

Lavabo inter innocentes manus meas, id
est, inter Apostolos, aliosque meos disci-
pulos, immaculatam vitam agam, et irre-
prehensibiliter conversabor ; *et circum-*
dabo altare tuum, Domine, id est altare
templi, quod fuit in Jerusalem, in quo
Christus sæpe intravit et docuit. Vel, Al-
tare, id est mensam illam, in qua Christus
primam Missam celebravit in die Cœnæ.
Hoc altare Christus circumdedit, quando
singulis Apostolis corpus suum sangui-
nemque porrexit. *Ut audiam vocem lau-*
dis : nam in utroque horum altarium erant
aliqui boni Deum laudantes, quorum vo-
ces Christus libenter audivit ; *et enarrem*
universa mirabilia tua. Ideo enim Chri-
stus altare templi atque altare cœnaculi
circumdedit, quatenus mirabilia Dei doce-
ret ac prædicaret, sicut scriptum est : Ve-
niet ad templum suum Dominator quem
vos quæritis ; et sedebit conflans et emun-
dans argentum, et purgabit filios Levi.

6

Matth. XXI,
12, 23.

Ibid. XXVI,
26-28.

7

Domine, dilexi decorem domus tuæ, scili-
cet templi in Jerusalem : propter quod
ejeci de illo omnes vendentes et emen-
tes, et dixi : Nolite facere domum Patris
mei, domum negotiationis. *Et dilexi lo-*
cum habitationis gloriæ tuæ, quia in tem-
plo illo Deus se velle habitare perhibuit.

Malach. III,
1, 3.

8

Matth. XXI,
12; Marc. XI,
15; Joann.
II, 15, 16.

Ne perdas cum impiis Judæis, Deus,

9

animam meam, dimittendo me in manibus eorum; *et cum viris sanguinum*, qui Prophetas occiderunt, meque occidere volunt, ne perdas *vitam meam* corporalem. *Dextera eorum repleta est muneribus*, quoniam pro pecunia procuraverunt a discipulo meo ut traderet me, sicut seri-

ptum est: Dixi: Si bonum est in oculis vestris, afferte mercedem meam; et si non, quiescite. Et appenderunt mercedem meam triginta argenteos. Et dixit Dominus ad me: Projice eos ad statuarium, decorum pretium quo appretiatum sum ab eis. Cetera satis exposita sunt.

ARTICULUS LVIII

EXPOSITIO EJUSDEM PSALMI VICESIMI QUINTI TROPOLOGICA, DE UNOQUOQUE VIRO PERFECTO.

DENIQUE in persona hominis virtuosius loquens Propheta, ait: *Judica me, Domine*. Quum dicat Apostolus, Horrendum est incidere in manus Dei viventis; et Salomon, Nescit homo, an amore dignus sit, an odio, sed omnia in futurum servantur incerta: videtur incautum ac presumptuosum, dicere Domino, *Judica me, Domine*. Verum, quamvis hæc secundum communem legem ita se habeant, nemoque noverit sine speciali inspiratione aut revelatione, an placeat Deo; tamen si quis veram perfectionem sortitus est, ut cum Apostolo dicere possit, Cupio dissolvi; et iterum: Quis nos separabit a caritate Dei, quæ est in Christo Jesu Domino nostro? et rursus, Ipse Spiritus testimonium reddit spiritui nostro, quod sumus filii Dei: hic talis secure dicit, *Judica me, Domine*, id est, secundum justitiam meam fac mihi, et a malis divide me nunc merito, atque in futuro divide me ab eis mercede seu præmio. Ait ergo vir sanctus, *Judica me*, non ex presumptione meritorum suorum, sed ex conscientie testimonio, et ex caritate divina, quoniam cupit soli Domino adhærere, nilque cum malis commune habere.

Itaque, *Judica me, Domine*, jam nunc judicio discretionis, ne facias mihi sicut et impiis, quibus gratiam non das, sed

eos relinquis; mihi autem da gratiarum augmenta, et libera me ab his qui malum merentur. Hoc judicio se privatum fuisse conqueritur Job, quantum ad hoc quod sustinuit mala pœnalia: Vivit, inquit, Dominus qui abstulit judicium meum. Ipsumque desideravit piissimus ille Ezechias, qui dixit: Obsecro, Domine, memento quomodo ambulaverim coram te in veritate et corde perfecto. Unde causam subjungit Propheta, cur audeat judicium implorare: *Quoniam ego in innocentia mea ingressus sum per viam mandatorum tuorum, et conversatus sine offensa et nocumento alterius*. Quoniam igitur scio quia qua mensura mensus fuero, remetietur mihi; et non sum mihi conscius de injustitia aliqua contra Deum vel proximum: ideo judicari non timeo. Hanc igitur perfectionem suam fatetur vir bonus, non se ipsum inaniter jactando aut aliis præferendo, sed Deo humiliter gratias agendo. Hoc enim sancti homines sæpe leguntur fecisse, sicut Job ait: Donec deficiam, non recedam ab innocentia mea. Et Jeremias: Diem hominis non concupivi, tu scis. Quid ergo peccavit Pharisæus qui dixit, Gratias ago tibi, quia non sum sicut ceteri hominum? Utique statim constat ex verbis suis quod alios sprexit, nec bona sua sincere Deo attribuit: pro-

Matth. XXIII, 34.

Ibid. XXVI, 15.

Hab. X, 34.

Eccle. IX, 1, 2.

Philipp. I, 23.

Rom. VIII, 35, 39.

Ibid. IX.

Zach. XI, 12, 13.

Job XXVII, 2.

IV Reg. XX, 3.

Matth. VII, 2.

Job XXVII, 5.

Jer. XVII, 16.

Luc. XVIII, 11.

Eccii. III,
20.

pterea se ipsum exaltavit ac aliis præ-
lit. Quocontra scriptum est : Quanto ma-
gnus es, humilia te in omnibus.

Denique, quod ista non dixit homo
perfectus ex aliqua vanitate aut elatione,
aut in sua virtute confidens, patet ex eo
quod subdit : *et in Domino sperans non*
infirmabor : id est, ideo judicari deside-
ro, quia in Deo confido ; et in ipso spe-
rando, non infirmabor in anima, id est,
nulla tentatione vincar, nulla adversitate
dejiciar, sed de die in diem in omni gra-
tia roborabor atque proficiam. Propterea

2

adhuc dicere audeo : *Proba me, Domine,*
per adversa et prospera, et per correption-
es tuas paternas examina me, non ut tu
me agnoscas, sed ut me probatum osten-
das atque coronas, quemadmodum proba-
sti sanctum Job, dicentem : Probavit me
Dominus quasi aurum quod per ignem
transit. Sic probari opto, quoniam scio
quod omnes qui volunt pie vivere in Chri-
sto, persecutionem patientur. Et, ut ait
Apostolus in Actibus Apostolorum, Per
multas tribulationes oportet nos intrare
in regnum cælorum. Igitur, Domine, pro-
ba me, quatenus ad illorum societatem
pertineam, de quibus dicitur : Tanquam
aurum in fornace probavit electos Domi-
nus, et quasi holocausti hostiam accepit
eos. Ideo nunc additur :

Et tenta me. Tentare, est experimentum
de alio sumere. Deus autem omnia novit,
et ideo proprie non convenit Deo tentare.
Propter quod Jacobus in sua Canonica di-
cit : Nemo, quum tentatur, dicat quoniam
a Deo tentatur. Ipse enim neminem ten-
tat. Sed advertendum, quod diversi sunt
fines tentationis. Interdum enim aliquis
tentat alium, ut noceat ac fallat ; inter-
dum vero, ut sciat ; interdum autem, ut
instruat et succurrat. Primo modo tentat
dæmon et mundus : et de hac tentatione
intelligitur quod in Oratione dominica di-
cimus, Et ne nos inducas in tentationem.
Secundo tentat ignorans, de alio certifi-
cari desiderans qualis sit. Tertio tentat
Deus, quemadmodum in Genesi habetur :

Matth. VI,
13.

A Tentavit Deus Abraham. An vero debeat
aliquis desiderare tentationes diaboli et
mundi, de hoc diversi diversimode senti-
unt ; sed videtur quod perfecti eas de-
siderare possunt sine periculo, eo quod
gaudeant in adversis. Desiderant tamen
eas cum moderamine et præsuppositione *
divini auxilii.

* alias præ-
sumptione

Ure renes meos, id est, labore abstin-
tiæ et afflictione pœnitentiæ reprime et
extingue in me delectationes et culpas
carnales : sic *ure et cor meum*, id est af-
fectiones et cogitationes inordinatas ac
spiritualia vitia. Vel sic : *Ure* igne divini
amoris, et flamma caritatis accende *renes*
meos, id est appetitum sensitivum : qui in
concupiscibilem irascibilemque partitur ;
et cor meum, id est appetitum intellectu-
alem seu voluntatem, ita quod ignis Spi-
ritus Sancti voluntatem tam vehementer
accendat, ut amor seu ignis iste in infe-
riorem appetitum redundet, eumque per
omnia rationi ac sanctæ voluntati subji-
ciat. Vel sic : *Ure*, igne tribulationis in
præsenti, *renes meos et cor meum*, id est
corpus et animam : quatenus sic in utro-
que expurger a vitiis in hoc sæculo, quod
aliam pœnam sustinere non cogar in pur-
gatorio, et ut Christo mente et corpore
compatiar atque conformer, sicut decet
servum condolere et conformari Domino
suo.

Idcirco autem, o Domine, omnia ista
tam fiducialiter peto, *Quoniam misericor-*
dia tua ante oculos meos est, id est, quia
pietatem tuam agnosco, eam semper con-
sidero, nec ab ejus fiducia discedere vo-
lo ; *et complacui in veritate tua*, id est in
vero judicio justitiæ tuæ. Innocentes enim
et justii complacent tibi. Ideo autem com-
placui tibi, quia *Non sedi cum consilio*
vanitatis, id est, consensum non præbui,
nec opem contuli consiliariis vanis : id-
circo beatus sum, quia superius dictum
est, Beatus vir qui non abiit in consilio
impiorum.

3

4

Ps. I, 1.

Et circumdabo altare tuum, Domine.
Secundum Ambrosium, altare Dei est Chri-

6

stus ut homo : quia in ipso et per ipsum A omnia opera atque sacrificia nostra offerri et fieri debent. Quid est ergo. Circumdabo altare tuum, Domine, nisi, Filio tuo Jesu Christo adhærebo, ad eum accedam, eum sequar, et per contemplationem ambiam eum? Altare quoque Dei, est mens devota, in qua Deo offertur spiritus contribulatus. Itaque, Circumdabo altare tuum, Domine, id est, ad me ipsum redibo, mentem meam discutiam, eamque sanctis affectibus adornabo. *Ut audiam*, auribus cordis : de quibus in Evangelio dicitur, Qui habet aures audiendi, audiat; *vocem laudis*, id est doctrinam Christi ac sacram Scripturam : sicut scriptum est, Qui ex Deo est, verba Dei audit; et iterum, Beati qui audiunt verbum Dei, et custodiunt illud. *Et enarrem universa mirabilia tua*, id est, ut ea quæ audiavi et didici de laude divina ac sacra Scriptura, annuntiem aliis, vel saltem in ore proprio ea revolvam, laudando benedicendoque Dominum, qui tanta mirabilia hominibus fecit, sicut Scriptura divina testatur.

8 *Domine, dilexi decorem domus tuæ*, id est prosperitatem, profectum, ac perfectionem fidelium : quorum congregatio est domus Dei, quæ vocatur Ecclesia. Debemus enim bonum commune, et spirituales profectum totius Ecclesiæ vehementissime desiderare, orare atque diligere, ut nobis conveniat quod de Jeremia dicitur : Hic est fratrum amator et populi Israel; hic est qui multum orat pro populo et universa sancta civitate. Vel, Dilexi decorem domus tuæ, id est interiorum splendorem et sanctitatem animæ meæ, desiderans tibi cordis mei hospitium immaculatum ac placitum exhibere, sicut consulitur mihi : Præparare in occursum Dei tui, Israel. Dilexi et locum habitationis gloriæ tuæ, id est mansionem cœlestem et regnum cœlorum. De quo ait Apostolus : Scimus, quoniam si terrestris domus nostra hujus habitationis dissolvatur, quod ædificationem habemus ex Deo, domum non manufactam, æternam in cœlis. Et ipse Salvator :

A Vado, inquit, parare vobis locum; et iterum venio, et accipiam vos ad me ipsum, ut ubi sum ego, et vos sitis. Hunc locum, Domine, diligo, non propter ipsum locum, sed propter te habitatorem ac Dominum loci illius, ut videant oculi mei te Regem gloriæ in decore tuo. Joann. xiv, 2, 3.

Præterea totus hic psalmus ad sacerdotes specialiter applicari posset, præsertim ab eo loco quo dicitur, Lavabo inter innocentes manus meas. Dicat ergo devotus ac dignus Christi sacerdos : *Lavabo*, quando ad celebrationem accessurus sum, *inter innocentes*, id est cum sanctis ac veris sacerdotibus novæ legis : quorum est nulli nocere, sed verbis et exemplis cunctis prodesse; *manus meas*, non solum corporales, quibus Christi sacramenta tractabo, sed etiam affectus, cogitationes et opera : istas lavabo in confessione, quoniam teste Scriptura, omnia in confessione lavantur. Sed et sacerdos antequam ad celebrandum accedit, digitos, vel potius digitorum extrema, lavat : primo, propter reverentiam Sacramenti; secundo, ad designandum spirituales lotionem, qua mentem purgari oportet a maculis peccatorum. Lotio enim extremarum partium digitorum, secundum Dionysium, signat abstersionem minimarum culparum. Debet namque sacerdos non solum mortalia ac graviora venialia abhorrere, confiteri ac fugere, sed et minima quæque vitare, ut omnino mundus et mente collectus, affectuque fervens ac stabilis, Deo adsistat, habens Christum et passionem ejus ac cetera beneficia Dei firmiter cordi suo impressa. Ps. xxxi, 5; Prov. xxviii, 13.

Et circumdabo altare tuum, Domine, videlicet materiale altare ecclesiæ : in cuius utroque cornu ac medio stabo, dum celebraz. *Ut audiam vocem laudis*, id est cantum Ecclesiæ, responsionemque chori, vel saltem ministri mei : quorum voces Deum collaudant, ut tanti sacramenti mysterium digne agatur; *et enarrem in Missa universa mirabilia tua*, id est omnia Christi admiranda mysteria, scilicet incarnationem, passionem, resurrectionem et

ascensionem, de quibus fit memoria in A
8 officio Missæ. *Domine, dilecti decore a do-*
mus tuæ, id est devotionem ministrorum
I Cor. xi, 27. altaris ac populi, ne indigne celebrando et
communicando, rei efficiamur corporis et
sanguinis Christi; *et locum habitationis*
gloriæ tuæ, quoniam cupio jam in militan-
ti Ecclesia Christum sub sacramentorum
velamine tam reverenter atque fideliter
contrectare, ut postmodum in triumphan-
ti Ecclesia merear ego, et omnes pro qui-
bus oro ac celebros, ipsum clare conspi-
cere: sicut ipse digno ministro promisit, B
Manifestabo ei me ipsum.

Joann. xiv.
21.

9 *Ne perdas cum impiis*, id est malis
sacerdotibus et ingratibus hominibus, *Deus,*
animam meam, deserendo eam in præsen-
ti a gratia, repellendoque eam in futuro a
gloria; *et cum viris sanguinum*, qui cor-
pus Christi manducant et sanguinem ejus
I Cor. xi, 29. bibunt indigne, vel a communione sacra
penitus abstinent propter odium Christi,
seu negligentiam sui, ne perdas *vitam*
meam, derelinquendo me vitiose et turpi-
ter vivere, et postea in infernum damnan-
do me. C

11 *Ego autem in innocentia mea ingressus*
sum, ambulando in hoc mundo per fidem,
spem et caritatem. Ideo, Domine, *redime*
me, ne incidam culpam, et perdam inno-
centiam hucusque servatam. Non enim de-
beo esse securus durante hujus exsilii via,
Mich. vi, 8. sed sollicitè ambulare cum Domino. Et

miserere mei, ignoscendo imperfectioni
justitiæ meæ. quæ est sicut pannus men-
struatæ, si comparetur ad perfectionem
divinæ justitiæ, et ad sanctitatem mentis
æternæ. substantialiter, totaliter ac incir-
cumscriptibiliter sanctæ. *Pes meus*, id est 12
conversatio mea qua tendo ad te, *stetit in*
directo, id est in observantia præcepto-
rum tuorum. *In ecclesiis*, id est inter fide-
les, *benedicam te, Domine*, laudando be-
neficia tua mihi concessa, et glorificando
nomen tuum æternaliter benedictum. Cete-
ra nunc omissa, in præcedenti expositione
satis elucidata videntur.

Ecce ex psalmo isto sententioso et splen-
dido, audivimus quid ad Christianum per-
fectum pertineat. Si igitur aliquid horum
in nobis invenimus, Deo gratias refera-
mus, et ad perfectionem feramur. Si au-
tem prædictæ perfectiones viri perfecti
longe a nobis sunt, ingemiscamus, emen-
demus, atque juxta verbum gloriosi Apo-
stoli, cum timore et tremore nostram ope-
remur salutem. Philipp. ii, 12.

PRECATIO.

Deus innocentiae auctor, et rectarum
mentium sanctificator, ure renes nostros
et cor nostrum, castimoniae pacem nobis
inserendo; non sedeamus cum consilio va-
nitatis: ut stantibus pedibus nostris in
directo, digne in ecclesiis nomen tuum
benedicamus.

ARTICULUS LIX

EXPOSITIO PSALMI VICESIMI SEXTI: DOMINUS ILLUMINATIO MEA.

PREPOMITUR autem huic psalmo hic titu-
4 lus: *In finem, psalmus David, priusquam*
liniretur. Pro cujus intellectu sciendum,
quod David in libris Regum describitur
I Reg. xvi, 13. ter unctus fuisse: primo, in domo patris
II Reg. ii, 4. sui, in signum futuri regni; secundo, in
Ibid. v, 3. Hebron super tribum Juda; tertio, super

totum populum Israel. Similiter Christia-
nus ter ungitur: primo, in Baptismo, in
quo accipit pignus Spiritus Sancti; secun-
do, in Confirmatione; tertio, in Extrema
Uctione. Hic vero psalmus intitulatur de
David, antequam ungeretur secundo: nam
secunda ejus unctio ad præsentem perti-

net psalmum. Est igitur sensus tituli : *Psalmus* iste dirigens nos *in finem*, id est beatam consummationem et Christum, est *David*, id est, convenit cuilibet fideli, *priusquam finiretur* secundo, id est, antequam perveniat ad beatitudinis patriam, in qua omnes Beati perfecte unguuntur a Spiritu Sancto. Quemadmodum enim David post primam suam unctionem maximas habuit persecutiones a Saule, et alias quas post secundam suam unctionem sub Isboseth filio Saul, quasdam etiam post tertiam suam unctionem a proprio filio, scilicet Absalone; sic Christianus post unctionem Baptismi multas patitur tribulationes a dæmone, mundo et carne, donec Confirmationis unctionem recipiat : qua adepta, adhuc variis tribulationibus fatigatur a satellitibus dæmonum, filiis superbæ, usque ad extremum vitæ suæ : quo ultimo ungitur ; et nec tunc quidem tribulationibus caret, donec ad unctionem cœlestem pertingat. In hoc itaque psalmo demonstratur, quanta oporteat pati hominem Dei in præsentī exilio : contra quæ in exordio psalmi inducuntur arma fortissima, utpote elevatio mentis in Deum, confidentia de bonitate ipsius, atque memoria beneficiorum Dei.

AIT ergo : (1) *Dominus illuminatio mea*, id est illuminator animæ meæ, illuminans me lumine naturali atque gratuito, seu donis naturæ et gratiæ, illuminans rationem ne erret, ne fallatur, ne peccet. Ideo Michæas ait : Quum sedero in tenebris, Dominus lux mea est. *Et salus mea*, id est, ipse Dominus est objectum et causa salutis meæ, dator et conservator totius perfectionis et gratiæ meæ. Propterea, *quem timebo* ? quasi dicat, Nullum, nisi Dominum Deum meum : quia, ut ait Apostolus, Si Deus pro nobis, quis contra nos ? Si ipse illuminet, quis obtenebret ? Si ipse me salvet, quis condemnare me poterit ? Ideo Salomon dicit : Justus quasi leo confidens, absque terrore erit.

(2) *Dominus protector vitæ meæ*, id est

defensor ab his qui contrariantur spirituali vitæ animæ meæ ; qui etiam per angelorum custodiam protegit nos ab adversitatibus mentis et corporis, et si non ab omnibus propter nostra demerita, tamen a multis propter suam elementiam. Quum ergo sit ita, *a quo trepidabo* ? tanquam dicat, Nec dæmones, nec mundum, nec carnis impugnationem verebor. Hæc autem intelligenda sunt de timore inordinato, scilicet carnali, humano, et pure servili. Nam cujus mens in Deo fixa est, ac dono fortitudinis in ipso firmata, is nil metuit, sciens certissime Deum sibi ubique præsentem, ac paratus omnia sustinere quæ Deus sibi evenire aut infligi jubet vel sinit : imo in adversitatibus gaudet, sicut Apostoli, qui ibant gaudentes a conspectu concilii, quoniam digni habitus sunt pro nomine Jesu contumeliam pati. Nec mirum, quum magnum sit donum Altissimi propter justitiam pati, prout testatur Apostolus : Vobis datum est a Christo, non solum ut credatis in eum, sed etiam ut patiamini pro illo. Non ergo in adversis et improperiis atque injuriis contristemur.

5 *Dum appropiant super me nocentes*, id est, dum contra me insurgunt maligni, *ut edant carnes meas*, id est tam invidiose et valide me invadentes, ac si carnem meam devorare deberent. Unde ad Galatas ait Apostolus : Si invicem mordetis et comeditis, videte ne ab invicem consumamini. Itaque nec tunc trepidabo, dum sic appropiant super me nocentes : et hoc id eo, quia (4) *Qui tribulant me*, scilicet *inimici mei*, utpote dæmones hominesque injusti, *ipsi infirmati sunt* virtute passionis Christi et angelorum præsidio, qui dæmones prohibent, ne quantum volunt, impugnent. Homines etiam mali quanto amplius roborantur contra justitiam, tanto corda eorum magis debilitantur a gratia, suntque magis subjecti vitiis atque dæmonibus, et ad omne bonum infirmi. *Et ceciderunt*, id est, prædicti inimici mei per gratiam victi sunt a me, quoniam tentationibus re-

I Reg. xvii.
xxvii.

II Reg. ii.
8 et seq. ;
iii, 1.

III. i.
Ibid. xv.
xxviii.

Act. v, 41.

Philipp. i,
29.

2

Galat. v,
15.

Mich. vii, 8.

Rom. viii,
31.

Prov.
xxviii, 1.

stiti, nec propter adversa a Deo recessi. A cessabo petere, donec pulsanti aperiat. Et Luc. xi, 10. Hunc versum ad gloriam Dei dicere potest et debet, qui se tentationes ac laqueos adversariorum suæ salutis per gratiam Dei vicisse cognoscit. Sicque ex priori triumpho fortius sperans in Domino, non expavescat de cetero aggredi viam justitiæ; sed Domino auxiliante, prævalere contra tentantes ac persequentes confidens, dicat quod sequitur.

3 (5) *Si consistent adversum me castra*, id est dæmonum acies me tentantes ac persequentes, *non timebit cor meum* vinci ab eis, vel separari a Christo, propter firmitatem spei et caritatis quam habeo in Christo. Hoc est quod dicit Apostolus: Certus sum, quia neque mors, neque vita, neque angeli, neque principatus, neque virtutes, etc., poterunt nos separare a caritate Dei, quæ est in Christo Jesu. Per angelos autem et reliquos quos inducit, certum est eum intelligere dæmones. Hoc itaque loco, per castra intelligit sancta Scriptura dæmones; interdum vero, per castra intelligit angelos sanctos. Unde alio loco

Gen. xxviii, 1. 2.

Joel ii, 11.

Ps. cii, 20.

Job xvii, 3.

Luc. xxi, 9.

4 (7) *Unam petii a Domino*. Juxta proprietatem idiomatis Hebræorum, adjectiva atque pronomina substantivantur in feminino genere, quemadmodum apud Latinos in neutro. Quum ergo ait, Unam, sensus est, Unum aliquid, seu unam rem. Itaque, Unam petii a Domino, a quo bona cuncta procedunt, *hanc requiram*, id est, non

B id est, mente in cœlestibus sim per spem et desiderium: prout ait Apostolus, Nostra Philipp. iii, 20. conversatio in cœlis est. — Vel sic: *Ut inhabitem in domo Domini*, id est in regno cœlorum post præsens exilium; *ut videam voluntatem Domini*, id est, perfecte cognoscam, et sine periculo videam quid Domino placeat, ita ut in omnibus ejus voluntati perfecte obediam, sicut et angeli sancti nunc faciunt; *et visitem templum ejus*, id est, ad ipsum Deum incessanter accedam, eumque sicut amicum C carissimum videam, alloquar, et sine fine possideam. Deus enim est templum Jerusalem civitatis supernæ, quemadmodum ait Joannes: Templum non vidi in ea; Dominus enim omnipotens, templum illius est et Agnus.

Apoc. xxi, 22.

Hæc autem confidenter oro: (9) *Quoniam abscondit me in tabernaculo suo in die malorum*: id est, tempore tribulationis et tentationis jam currente, occultavit me in fide et unitate Ecclesiæ ab adversariis meis, quatenus non invenirent me consentientem D operibus suis, vel pertinentem ad numerum reproborum, quamvis me corporaliter invenirent ad persequendum. Ideo subdit: *protegit me ab insidiis æmulorum istorum*, scilicet dæmonum hominumque malorum, *in abscondito tabernaculi sui*, id est in communione Ecclesiæ, scilicet in mutua oratione fidelium pro se invicem; prout Jacobus dicit, Orate pro invicem ut salvemini. Devota quippe oratio fidelium pro se invicem, ex interna caritate procedens, merito appellatur abs-

5

Jacob. v, 16.

conditum tabernaculum Dei, quoniam ex affectu soli Deo agnito profluit : et in abscondito fieri debet, quia Christus docuit : Tu, inquit, quum oraveris, intra in cubiculum tuum, et clauso ostio, ora Patrem in abscondito. Hæc autem oratio fideles multum defendit ac adjuvat. Propterea abhorrendum est valde, excommunicari, imo et in mortali peccato esse, quoniam sola caritas facit communionem sanctorum.

6 *10 In petra*, id est in fide Christi, de qua ait Apostolus. *Petra erat Christus. creavit me*, dando mihi per fidem et gratiam Christi ista terrena despicere, et cœlestia desiderare, et divinis fideliter inhærere ; *et nunc*, in præsentī vita, *exaltavit caput meum*, id est rationem meam, quæ est principalis vis animæ, *super inimicos meos*, dando mihi victoriam tentationum, et vincere hostes invisibiles atque visibiles. Hoc convenit bonis fidelibus, illis præsertim qui propter Christum omnia reliquerunt, et in claustro Regi gloriæ militant, sicut et Dominus ait : Qui vult venire post me, abneget semetipsum, et tollat crucem suam quotidie, et sequatur me. Talibus quippe dicit denuo Christus : Nolite timere, pusillus grex, quia complacuit Patri vestro dare vobis regnum.

Ps. xi, 9. II) *Circuivi*. Superius dixit, In circuitu impii ambulant ; nunc vero in persona hominis justi ait, Circuivi. Est ergo quidam circuitus malus, et quidam bonus. Circuitus enim est quædam gyratio rerum creatarum. Sed mali in rebus creatis gyrando versantur, ita quod in eis quiescunt, amorem, delectationem et finem sibi constituendo in ipsis. Boni vero eas contemplando circumeunt, referendo amorem scientiamque earum ad gloriam Creatoris, quem solum finaliter intendunt ac diligunt. Hoc igitur modo nunc asserit : *Circuivi*, id est, omnia ista visibilia circumspexi, quatenus invisibilia Dei ex eis cognoscerem : imo universa creata pro viribus consideravi, ut ex eis ad cognitionem Creatoris pertingerem ; *et immolavi*

A in tabernaculo ejus, id est in cubiculo animæ meæ, vel in ipsa Ecclesia, *hostiam vociferationis*, id est sacrificium affectuosæ seu altæ orationis, sicut infra habetur : Immola Deo sacrificium laudis. Et *Ps. xlix, 14.* in Osee : Dicite Domino : Omnem aufer iniquitatem ; et reddemus vitulos labiorum nostrorum, id est, preces atque præconia oris nostri immolabimus tibi. *Cantabo*, id est, ore laudabo, *et psalmum dicam Domino*, id est, opere ipsum glorificabo et confitebor. Cantare namque, est sola voce laudare ; psallere vero, est bonis actibus Deum venerari ac prædicare.

Denique, post commemorationem beneficiorum Dei et boni propositi sui, denuo redit ad implorationem pietatis divinæ, quoniam sine cessatione oportet orare : et quanto homo plus proficit, tanto amplius proficere cupit, atque frequentius et dulcius orat : imo orando indesinenter accenditur ad orationem. Ait ergo : *12 Exaudi, Domine, vocem meam qua clamavi ad te*, id est orationem quam ardenti affectu transmissi ad te ; *miserere mei*, dimittendo peccata, *et exaudi me*, desideratam perfectionem præstando.

15 *Tibi dixit cor meum*, id est, tecum locutus est intellectus meus, desiderium animæ meæ tibi offerendo. Quemadmodum de sanctissima Anna recolitur : Porro Anna loquebatur in corde suo, tantumque labia illius movebantur, et vox penitus non audiebatur. Unde et Christus ait : Veri adoratores adorabunt Patrem in spiritu et veritate. *Exquisivit te facies mea*, id est, te solum quæsivit, et ex aliis te invenire ac possidere optavit mens mea, vel fides mea, quæ est vultus et oculus animæ meæ : quoniam omnem scientiam rerum creatarum, et omnia opera mea ad te, sicut ad ultimum finem, dispono ac refero. Ideo additur : *faciem tuam*, id est elaram tui notitiam, imo te ipsum per speciem intuendum, *Domine, requiram*, id est, incessanter adipisci conabor. Hanc faciem Moyses exquisivit, qui ait ad Dominum : Si inveni gratiam in conspectu tuo, os-

tende mihi faciem tuam, ut sciam te. Hanc superbeatissimam faciem, in qua est omnium deliciarum plenitudo immensa, in præsenti videre non possumus, sicut et Moysi Deus respondens : Faciem, inquit, meam videre non poteris. Non enim videbit me homo, et vivet. Propterea requirere et semper desiderare debemus hanc faciem, et pura mente Domino ministrare, ut via ista decursa, mereamur Deum videre sicuti est : quo sic viso, nil erit quod amplius desiderari possit.

Sed ut ista obtineam, Domine, rogo, **9** (14. *Ne avertas jam faciem tuam*, id est pietatis tuæ adspectum, seu gratiæ tuæ præsentiā, *a me*; *ne declines in ira a servo tuo*, id est, propter peccata mea non recedas a me, gratiam denegando : cujus denegatio ira vocatur hoc loco. (15. *Adjutor meus esto, Domine*, cooperando mihi, ut beatitudinem tandem acquiram; *ne derelinquas me in tribulatione et angustia*; *neque despicias me, Deus salutaris meus*, id est Deus salvans me. Ecce quam ignita et fervida sunt omnia verba ista : quorum tamen unum includit aliud, imo fervor unius, mentem inflamat ad affectuosam prolationem alterius. (16. *Quoniam pater meus et mater mea*, id est carnales progenitores mei, *dereliquerunt me*, indignando mihi, eo quod sequerer te, et eos dereliquerem. Vel : Pater meus et mater mea, id est primi parentes, videlicet Adam **10** et Eva, dereliquerunt me, inducendo super me originale peccatum, et poenaltates varias ex illo peccato sequentes. *Dominus autem assumpsit me*, per suam misericordiam exaudiendo me, et conservando in se. Vel, Dominus assumpsit me, induendo naturam meam, factus homo.

11 (17. *Legem pone mihi, Domine*. Cur petitur hoc? Nonne jam nobis lex posita est, quam observemus, tam naturalis, quam divina? Quid ergo petit dum ait, Legem pone mihi, Domine, nisi ut lex divina, quæ omnibus posita est, sibi ponatur ante oculos cordis sui, ita quod per gratiam Dei eam actualiter penset ac impleat? Ait er-

A go : Legem pone mihi, Domine, id est, legem tuam pone in memoria mea, ut ambulem *in via tua*; *et dirige me in semita recta*, id est in observatione præceptorum tuorum, quæ justa et recta sunt : et hoc fac *propter inimicos meos*, id est occasione inimicorum meorum, videlicet ut evadam insidias mihi ab eis paratas. (18. *Ne tradideris me in animas tribulantium me*, id est in potestatem et malam voluntatem diabolorum ac hominum malignorum, ut eis conformer atque consentiam : et hoc **B** oro, *quoniam insurrexerunt in me testes iniqui*, videlicet tribulatores prædicti, qui insurgunt in me, conando ut fallant me : qui sunt testes iniqui, quoniam falsa affirmant et consulunt, meque sub specie boni decipere student; et si non consentio eis, nihilo minus me false accusare tentabunt. Verumtamen ista eorum iniquitas fallit eos, non me : nam nocet eis, sed mihi cooperatur ad gloriam, dummodo non consensero eis. Hoc est quod subditur, *et mentita est iniquitas sibi*, id est, **C** pravitatis eorum eos fefellit.

19. *Credo*, fide formata et inconcussa, **13** *videre bona Domini*, quæ oculus non vidit, nec auris audivit, nec cor concepit, **1** *in terra viventium*, id est in regno cælorum : quod dicitur terra, quoniam est locus quietus et permanens, sicut et terra **Eccle. 1, 4.** inferior, quæ non movetur, sed (teste Scriptura) in æternum stat. Propter hanc spem et propter hanc fidem omnia æquanimiter fero, sciens quod non sunt condignæ **Rom. viii, 18.** passiones hujus temporis ad gloriam illam. Sed neminem frangat difficultas perveniendi ad beatitudinem istam. Ideo consolatorie subdit :

20 *Especta Dominum*, longanimiter **14** sperando in ipso; *viriliter age*, quæcumque noveris placere Deo, quoniam erit **Jer. xxxi, 16.** merces operi tuo; *et confortetur cor tuum*, per virtutes ac dona Spiritus Sancti, contra omnia mundi hujus adversa ac dæmonum tentamenta; *et sustine Dominum*, inter prospera et adversa, nec fatigeris animo tuo. Versus iste dulcissimus omnem

Exod.
xxxiii, 20.

12

13
1 Cor. ii, 9.

Eccle. 1, 4.

Rom. viii,
18.

14

Jer. xxxi,
16.

militem Christi, omnem utique laborato-
rem, qui Deo cum metu et reverentia de-
servire contendit, ineffabiliter consolatur
ac roborat. Itaque, o famule Christi, ex-
specta Dominum. Apparebit Dominus in
finem, et non mentietur; si moram fece-
rit, exspecta eum, quia veniens veniet,
et non tardabit. Unde Jacobus admonet :
Exemplum accipite longanimitatis, labo-
ris et patientiæ, Prophetas. Ecce beatifi-
camus eos qui sustinuerunt. Sufferentiam
Job audistis, et finem Domini vidistis.
Denique, viriliter age, quia hortatur Apo-
stolus : Fratres mei dilecti, stabiles estote
et immobiles, abundantes in omni opere

A Domini semper, scientes quod labor ve-
ster non est inanis in Domino. Confor-
tetur quoque cor tuum, quemadmodum
Josue Dominus jubet : Ecce, inquit, præci-
pio tibi : confortare et esto robustus val-
de; noli metuere et noli timere, quoniam
tecum est Dominus Deus tuus in omni-
bus ad quæcumque perrexeris. Postremo,
sustine Dominum, quatenus dicere queas
cum sancto Job : Etiam si occiderit me,
in ipso sperabo. Versus iste acediam fu-
gat, caritatem inflamat, longanimitatem
instruit, stabilitatem inducit, omnemque
torporem, diffidentiam, pusillanimitatem,
negligentiam, ac desperationem expellit.

ARTICULUS LX

EXPOSITIO EJUSDEM PSALMI VICESIMI SEXTI DE CHRISTO.

1 **E**XPONENDO insuper psalmum istum
de Christo, sensus tituli erit : *In fi-
nem, psalmus David*, id est, psalmus iste
Christo conveniens, *priusquam* ipse Chri-
stus *liniretur* secundo, id est, antequam
glorificaretur in corpore. Prima enim li-
nitio, est glorificatio animæ ejus, quam
ab initio conceptionis in Virgine habuit.
Secunda autem ejus linitio, est glorifica-
tio corporis ejus, quam in resurrectione
accepit : de qua glorificatione ait Joannes,
Spiritus nondum erat datus, quia Jesus
nondum erat glorificatus.

Joann. vii,
39.

Christus ergo ut homo, sic ait : *Domini-
nus*, id est Deus Trinitas, est *illuminatio
mea*, id est causa totius sapientiæ meæ
creatæ, et ab instanti creationis animæ
meæ illuminavit eam lumine gloriæ atque
beatifica visione. Ubi pensandum, quod in
Christo erat Sapientia increata, quæ est
idem quod divina essentia ac Verbi perso-
na : et per hanc Christus actualiter æter-
naliterque cognoscit quidquid Pater et Spi-
ritus Sanctus ; imo hæc Sapientia est una

C in tribus Personis. Erat quoque in Chri-
sto sapientia creata, et hæc multiplex fuit.
Habuit enim sapientiam patriæ seu Bea-
torum, cognoscendo cuncta in Verbo per
unionem divinæ essentiae cum intellectu
ipsius, per modum formæ intelligibilis co-
pulatæ. Habuit etiam sapientiam inditam
seu infusam, qua ab exordio suæ conce-
ptionis in Matre, cognovit res omnes in
propriis earum naturis, per species intel-
ligibiles sibi concreatas. Præter hanc qui-
dam attribuunt Christo homini sapientiam
D acquisitam seu experimentalem, in qua
profecerit, non tamen ab aliis quidpiam
discendo, sed per propriam inventionem :
ita quod per naturale lumen intellectus
agentis, abstraxit a phantasmatibus intel-
ligibiles species, easque in intellectu pos-
sibili reposuit, atque per hunc modum
scientiam acquisivit. Nulla enim natura-
lis perfectio aut operatio defuisse videtur
animæ Christi. Nam, ut adstruit Damasee-
nus, nihil eorum Christo defuit, quæ Deus
in nostra natura plantavit.

Ob has scientias animæ Christi collatas, A ait Salvator : *Dominus illuminatio mea, et ipse est salus mea*, id est objectum felicitatis meæ creatæ; *quem timebo?* Nullum utique, nisi sponte voluero passionem timoris assumere, sicut et passione instante peregi, quando cœpi contristari et mœstus esse : quas utique passiones sicut sponte assumpsit, sic imperialiter eas deposuit. *Dominus protector vitæ meæ*, singularissimo ac excellentissimo modo intus custodiens me a malis culpæ ac periculis animæ, ita quod talia in me esse non poterant; et foris, a læsionibus corporis, nisi in quantum humani generis redemptio exigebat me pati. Nam quando Judæi quærebant eum præcipitare et lapidare, Jesus abscondit se ipsum, Domino ipso protegente. Quando etiam dæmon reliquit eum in monte altissimo, statim angeli accesserunt, et ei ministrabant. *A quo trepidabo?* quasi dicat, Nec Judæos neque gentiles neque tentatorem diabolum formidabo : secundum modum prædictum.

2 *Dum*, id est pro eo tempore, quo *appropiant super me nocentes*, id est Judæi cum paganis, me capientes atque ligantes in nocte ante passionem, *ut edant carnes meas*, id est, ut occidant me. *Qui tribulant me inimici mei, ipsi infirmati sunt, et ceciderunt*. Hoc jam in Judæis hostibus Christi videmus impletum. Infirmati sunt enim, fidem et gratiam amittentes; et ceciderunt, sceptrum et principatum omnemque legis honorem perdentes. 3 *Si consistent adversum me castra*, id est acies Judæorum, qui ante Herodem et Pilatum stabant fortiter proclamantes, Crucifige, crucifige eum; *non timebit cor meum* eos, qui corpus occidere possunt, sed animæ detrimentum inferre non prævalent. *Si exsurgat adversum me prælium*, id est impugnatio persecutorum me crucifigere affectantium, *in hoc ego sperabo*, id est, in tali articulo confidam in Domino quod victurus sim, scilicet mortem destructurus, peccatum ablaturus, mundum redempturus, dæmones dejecturus, tertio die resurrecturus, atque incredulos judicaturus.

Matth. xxvi, 37.

Luc. iv, 29.
30; Joann. viii, 59.

Matth. iv, 11.

Ibid. xxvii, 23; Luc. xxi, 21.

Matth. x, 28.

Unam, id est unum quoddam præcipuum, petii a Domino : hanc requiram, perseveranter orando; et hæc una est, ut inhabitem in domo Domini omnibus diebus vitæ meæ, id est, ut per gratiam habitem in cordibus hominum, et in militanti Ecclesia regnem per fidem. Christus enim ut homo, frequenter oravit pro mundi salute, videlicet ut Deus aperiret corda hominum ad recipiendum inhabitationem Christi per fidem : imo propter hoc passus est, ut habitaret in nobis. Propterea dixit etiam Christus ad Petrum : Ego pro te rogavi, ut non deficiat fides tua. Nos enim sumus domus Dei, et Christi Filii ejus, in qua Christus habitare desiderat. Propter quod ait Apostolus : Christus tanquam filius fidelis erat in domo sua : quæ domus sumus nos, si fiduciam usque in finem firmam retineamus. *Ut videam voluntatem Domini*, id est, ideo habitare petii in domo Domini, ut videam fideles divinæ voluntati obedientes. Sæpe enim accipitur divina voluntas pro effectu et signo voluntatis divinæ, sicut ait Apostolus : Hæc est voluntas Dei, sanctificatio vestra. Et in Oratione dominica dicimus : 1 *Fiat voluntas tua*, id est, impleatur præceptum tuum. *Et visitem templum ejus*, id est, mentes humanas per gratiam et consolationem Spiritus Sancti ingrediar, et per sacramenta mea cum hominibus maneam. Unde Christus loquens Ecclesiæ, Ecce, ait, ego vobiscum sum omnibus diebus usque ad consummationem sæculi.

4

Luc. xxi, 32.

Hebr. iii, 6.

1 Thess. iv, 3.

Matth. vi, 10.

Ibid. xxviii, 20.

Vel sic : *Ut inhabitem in domo Domini*, id est, ut ascendam ad cœlos, sedeamque ad dexteram Patris. Sicut enim ostensum est, Christus interdum oravit pro sui corporis glorificatione et exaltatione. *Ut videam voluntatem Domini* impleri ab omnibus civibus cœli, qui omnes Deo ad nutum obtemperant; et *visitem templum ejus*, id est, ut mittam angelos sanctos de cœlo, ad visitandum et custodiendum Ecclesiam militantem; vel, ut mittam paraclætum Spiritum Sanctum Apostolis aliisque discipulis, quem non mitterem, nisi

- primo ascenderem : quemadmodum apud A apud Joannem ait Salvator : Ego non quæ- Joann. viii, 50, 49.
- Joann. xvi, 7. Joannem scriptum est, Nisi ego abiero, Paracletus non veniet ad vos.
- 5 Denique ista rationabiliter oro, *Quoniam ipse Dominus abscondit me in tabernaculo suo*, id est in umbraculo atque custodia suæ divinitatis : in qua sicut in tabernaculo non manufacto omnes Beati morantur; *in die malorum*, id est tempore quo me persequiebantur Judæi : quemadmodum et in Evangelio habetur, Jesus autem abscondit se, et exivit de templo. Et Lucas, Ibid. viii, 50.
- Luc. iv, 30. Ipse, inquit, transiens per medium illorum, B *quisivit te facies mea*, id est, tota intentio mea semper quæsit nominis tui honorem et gloriam. *Faciem tuam*, id est claram atque beatam tuæ essentiae visionem, *Domine, requiram* : non ut eam mihi ostendas, quoniam ab initio vidi eam per speciem tanquam comprehensor perfectus ; sed ut eam ostendas electis, pro quorum salute misisti me. Hoc est quod Christus ait : Pater, quos dedisti mihi, volo ut videant claritatem quam dedisti mihi, quia dilexi te ante mundi constitutionem. Ibid. xvii, 23.
- 6 *In petra*, id est in immobili caritate Dei et proximi, et in certa fiducia nominis sui, *exaltavit me* ab omni defectu et vitio, stabiliens me in se ipso : in quo stabiliri, est maxime exaltari ; *et nunc*, id est in die resurrectionis, *exaltavit caput meum*, id est me ipsum : ponit enim partem pro toto ; *super inimicos meos*, id est super aerias potestates, quas vici, et super Judæos, qui me in sepulcro custodiri fecerunt.
- Circuivi*, quando inter homines conversabar, Judæam et alias multas terras, prædicando Evangelium regni Dei, et sanando infirmos : quemadmodum de Christo Petrus D testatur, Pertransiit, inquit, benefaciendo, et sanando omnes oppressos a diabolo. Act. x, 38. *Et immolavi in tabernaculo ejus*, id est in synagogis et in templo in Jerusalem, *hostiam vociferationis*, id est duræ et altæ increpationis malorum, devotæ orationis pro eorum conversione, ac laudis divinæ. Hanc Christus frequentissime obtulit Deo. *Cantabo, et psalmum dicam Domine*, per me ipsum et per meos ministros, Deum laudando ac venerando. Propterea et
- Exaudi, Domine Pater, vocem meam* 7 *qua clamavi ad te*, offerendo tibi prædictam hostiam vociferationis, et subveni mundo, per gratiam incessantem ; *misere-re mei*, liberando me a molestiis vitæ præsentis, *et exaudi me* pro mundi salute. *Tibi dixit cor meum*, id est, mens mea te 8 semper interius allocuta est, contemplando atque laudando te indesinenter ; *ex-quisivit te facies mea*, id est, tota intentio mea semper quæsit nominis tui honorem et gloriam. *Faciem tuam*, id est claram atque beatam tuæ essentiae visionem, *Domine, requiram* : non ut eam mihi ostendas, quoniam ab initio vidi eam per speciem tanquam comprehensor perfectus ; sed ut eam ostendas electis, pro quorum salute misisti me. Hoc est quod Christus ait : Pater, quos dedisti mihi, volo ut videant claritatem quam dedisti mihi, quia dilexi te ante mundi constitutionem. Ibid. xvii, 23.
- Ne avertas faciem tuam a me*, repellendo preces istas quas fundo ; *ne declines in ira a servo tuo*, id est, ne propter peccata hominum differas adimplere quæ peto pro eis : ego qui secundum formam servi quam accepi, sum servus tuus, de quo per Isaiam prophetam dixisti : Ecce servus meus, suscipiam eum ; et iterum per alium : Ecce ego adducam servum meum Orientem, et auferam iniquitatem terræ illius, id est populi sui, in una die, videlicet in die passionis suæ. *Adjutor meus esto, Domine Pater*, cooperando mihi in omnibus ; *ne derelinquas me in manu impiorum*, vel in sepulcro, *neque despicias me*, id est corpus meum mysticum, puta Ecclesiam, pro qua passus sum, *Deus salutaris meus*, id est salus mea, in quantum homo sum. *Quoniam pater meus et mater mea*, id est 10 populus Hebræorum, ex quorum semine natus sum, *dereliquerunt me*, quoniam noluerunt recipere me : prout in Evangelio habetur, In propria venit, et sui eum non receperunt. *Dominus autem assumpsit me*, Joann. i, 11.

resuscitando me ad immortalem statum. A et convertendo gentiles ad me.

11 *Legem ponam mihi, Domine, etc.* Hunc ver-

12 quod ita dilexit sicut se ipsum. *Ne tra-*

dideris me in animas tribulantium me, id est in potestatem Judæorum : non ut penitus non moriar, sed ne in morte detinear ; *quoniam insurrexerunt in me testes iniqui.* Hoc in Christo tempore passionis esse impletum Evangelistæ commemorant, quemadmodum apud unum eorum

Matth.
xxvi, 60, 61.

scriptum est : Quum multi falsi testes accessissent, novissime surgunt duo falsi testes, dicentes : Nos audivimus eum dicentem, Possum destruere templum Dei, et in triduo reædificare illud. *Et mentita est iniquitas sibi,* id est, falsitas eorum decipit atque damnavit eos, et mihi nil nocuit, sed causa magni meriti fuit.

13 *Credo videre bona Domini,* id est gratiam et dona Spiritus Sancti, *in terra viventium,* id est in Ecclesia militanti. Nam propterea pati dignatus sum, ut homines cœlestia bona participarent, cœliforem-

C que vitam in mundo deducerent. Vel sic : Credo videre bona Domini, id est accidentale præmium recipere, in terra viventium, id est in patria, et etiam corporali oculo cernere gloriam Dei in suis effectibus. In hoc ergo versu tangit Christus fru-

ctum et præmium passionis suæ. Non autem convenit Christo credere per fidem, quæ est virtus theologica, quoniam fidem talem non habuit ; sed sumitur Credere, hoc loco, pro quacumque agnitione, ut sit sensus : Credo videre, id est, visurum me scio.

Postremo Christus consolatur et animat fidelem suum imitatore, et ait : *Exspecta Dominum, viriliter age,* etc. Qui versus cum ceteris nunc transcurtis, in præcedenti expositione satis declaratus est.

B Ecce psalmus iste pulcherrimus, quomodo in principio sui mentem psallentis ad Dominum elevat, fiduciam excitat, timorem inordinatum excludit. Nos ergo ad consequendum hæc bona, devotissime cantemus hunc psalmum. Videturque multum idoneus et fructuosus atque conveniens ad hoc, quod vesperi a quolibet devote et intente cantetur contra tenebras, formidines et insidias noctis.

14

PRECATIO.

Deus omnipotens, adjutor et protector vitæ nostræ, protege nos ab hostium insidiis, et ab omnibus periculis animæ et corporis : ut tuæ pietatis dono, placitis tibi operibus perseveranter insistentes, bona tua in terra viventium videre digni inveniamur.

ARTICULUS LXI

EXPOSITIO LITTERALIS PSALMI VICESIMI SEPTIMI : AD TE, DOMINE, CLAMABO.

Est autem titulus psalmi jam exponendi : *Psalmus ipsi David.* Dum dicitur in titulo, Ipsi, intelligendus est Christus ad litteram. Est ergo sensus tituli : Psalmus iste attribuitur et convenit ipsi David, id est Christo, quem sancti Prophetæ frequenter David appellant, sicut ostensum

D est. Quibus jam adjici potest quod Amos scripsit : In die illa suscitabo tabernaculum David quod cecidit. Quam scripturam Jacobus apostolus Spiritu Sancto repletus, introducit in Actibus Apostolorum de Christo sub aliis verbis, videlicet secundum translationem Septuaginta interpretum, sic

Amos ix,
11.

Act. xv, 16. dicens : Reædificabo tabernaculum David A quod cecidit, id est, reparabo militanter Ecclesiam Christi. Hic itaque psalmus convenit Christo in passione constituto.

1 **A**IT igitur Christus homo : 1 *Ad te, Domine, Pater æterne, clamabo*, id est, affectuose orabo, pendens in crucis patibulo : in quo Christus affectuosissime dixit, Pater, ignosce illis. Et alia multa in cruce oravit intra se, quæ scripta non sunt : imo credendum est, quod nunquam amorosius oraverit pro mundi salute, quam tempore quo pendebat in cruce. *Deus meus, ne sileas a me*, id est, ne per modum silentis et non exaudientis te habeas, sed responde mihi per inspirationem internam verba bona, verba consolatoria ; *nequando*, id est ne aliquo tempore, *taceas a me*, differendo quod peto, *et assimilabor descendantibus in lacum*, id est, similis ero descendantibus in sepulcrum et in infernum, quorum corpora detinentur in terra, et animæ in gehenna. Christus enim, ut Isaias ait, cum sceleratis reputatus est ; et ipse (secundum Apostolum) factus est propter nos maledictum, ut nos de maledicto legis eriperet. Scriptum est enim : Maledictus omnis qui pendet in ligno. Ob id igitur Christus asserit assimilari se peccatoribus descendantibus in lacum, non secundum veritatem, sed secundum iniquorum æstimationem, sicut inferius dicit : *Æstimatus sum cum descendantibus in lacum*. Vel sic : Assimilabor descendantibus in lacum, id est sanctis patribus, qui ante passionem meam descendebant in limbum D inferni. His assimilatus est Christus secundum veritatem, quoniam anima ejus in hunc limbum descendit statim quando a corpore emigravit. Propter quod Apostolus ait : Debuit per omnia fratribus assimilari.

2 **2** *Exaudi, Domine, vocem deprecationis meæ*, id est cordialem precis meæ clamorem et ferventem affectum, *dum oro ad te*, id est, dum oro ut adipiscar te ipsum, quantum ad accidentalis præmii sus-

ceptionem : quantum vero ad beatificationem, Christus homo ab incarnationis principio Deum possedit, nec sic eum adipisci oravit. Et intentionem ad te finaliter dirigo, *dum extollo manus meas corporales in ara crucis, ad templum sanctum tuum reædificandum*, id est ad redimendum genus humanum, quod est templum Dei vivi. Hoc est quod ait Salvator : Ego si exaltatus fuero a terra, omnia traham ad me ipsum. Vel sic : Dum extollo manus meas, id est, desideria cordis mei erigo, ad templum sanctum tuum, id est ad cœlestem patriam : quatenus ego in brevi post passionem illuc ascendam ; atque electi mei, pro quibus hæc patior, merito mortis meæ ad eam perveniant.

3 **3** *Ne simul tradas me potestati malorum, cum peccatoribus*, id est, quemadmodum illos tradis, quos permittis non solum corporaliter occidi, sed etiam in sepulcris putrefieri, et in inferno teneri. *Et cum operantibus iniquitatem ne perdas me*. Christus qui comprehensor fuit, et confirmatus in bono, nequaquam oravit ne damnaretur aut peccaret. Quid ergo est, Et cum operantibus iniquitatem ne perdas me, nisi, Corpus meum non permittas in terra corrumpi, vel diu ab anima separari, sed statim resuscita me ? Itaque, Ne simul tradas me cum peccatoribus, id est cum Pharisæis et Scribis, ceterisque perversis Judæis : 4 *qui loquuntur pacem*, id est verba pacifica fraudulenter, *cum proximo suo*, id est mecum, qui sum frater et proximus eorum, quia de eorum genere natus sum ; *mala autem*, id est invidia, dolus, affectus me occidendi, *in cordibus eorum*. Frequenter enim, ut aiunt Evangelistæ, convenerunt Judæi ut caperent Jesum in sermone, adulatoria verba promentes, sed corde fallaciam intendentes.

4 **4** *Da illis, Domine omnium, juste Judex, secundum opera eorum, et secundum nequitiam adinventionum ipsorum*, id est, secundum quod maligna eorum consilia promerentur. 6 *Secundum opera manuum eorum tribue eis*, id est, secundum actus

Joann. xvi, 32.

3

Matth. xvi, 13, et alibi.

4

- eorum interiores et exteriores restitue eis; A mystico. (9) *Dominus adjutor meus*, co-
redde retributionem eorum ipsis, tradendo 7
eos in manus principum Romanorum, et operando mihi in omnibus per gratiam
Rom. i, 28. in reprobum sensum, et in iram finalem. suam, dandoque mihi idoneitatem ac effi-
Eandem sententiam sæpius repetit, ad in- caci-
Am. i, 28. sinuandum cordis sui affectum pro obser- ciam satisfaciendi pro sæculo universo.
vanda justitia. Hæc autem Christus dicit, Christus enim ut homo meruit; sed ejus
non optando vindictam simpliciter, sed humanitas a Verbo sibi unito efficaciam
prænuntiando quid eis futurum esset. Vel promerendi præmium tam immensum re-
dicit hæc etiam optative, conformando cor- ceptit. *Et Dominus est protector meus*, in
dis affectum divinæ justitiæ, quemadmo- adversitatibus; sicut jam sæpe dictum
dum Sancti in patria. Secundum hunc in- est. *Et in ipso speravit cor meum*, id est,
tellectum apud Jeremiam Christus ait : B in ejus bonitate ac ope semper confisa est
Jer. xvii, 18. Confundantur qui me persequuntur, et anima mea, sciens omne bonum ab ipso *Jacob. i, 17.*
et non confundar ego; induc super eos diem
afflictionis, et duplici contritione contere
eos, Domine Deus noster. Et apud Isaiam :
Is. lxxiii, 4. Dies ultionis in corde meo, annus retribu-
tionis meæ venit.
- 5 Ideo autem sic pereant, (7) *Quoniam non*
intellegerunt opera Domini, id est divi-
na miracula Christi, quæ Christus fecit
in nomine Domini, *et in opera manuum*
ejus, id est opera Christi humana, videli-
cet conversationis suæ sanctitatem atque C
doctrinæ veritatem. Nam miracula ejus
adscripterunt Beelzebub principi dæmo-
niorum. Vitam vero arguebant, dicentes :
Matth. xii, 23. Homo vorax, potator vini, amator publica-
Ibid. xi, 19. norum, transgressor legis, non custodiens
Joan. ix, 16. sabbatum. Doctrinam quoque irridentes,
dicebant : Insanit, quid eum auditis? et :
Ibid. x, 20. Hunc invenimus subvertentem gentem no-
Luc. xxiii, 2. stram. Propterea, Domine Pater, *destrues*
illos gladio, fame, siti, ac venditione at-
que expulsionem de terra natali : quæ om-
nia inducta sunt eis per Titum. Et non D
ædificabis eos : id est, nec intus repara-
bis eos, ædificando corda eorum in habi-
taculum tibi per fidem ac gratiam; nec
foris recuperabis eos, reducendo eos ad
terram patrum suorum, sed usque ad fi-
nem sæculi deseres eos.
- 6 Deinde Christus de sua exauditione gra-
tias agit, et ait : 8 *Benedictus Dominus*
Pater, seu Trinitas Deus, *quoniam exau-*
divit vocem deprecationis meæ jam præ-
missæ, qua oravi pro corpore meo vero ac
- (9) *Dominus fortitudo plebis suæ*, id est 8
conservator eorum in bono, et causans in
eis quiddam virtutis et perfectionis ac
fortitudinis habent; *et protector salvatio-*
num Christi sui est. Salvationes Christi
sunt salutare effectus suæ beatissimæ
passionis, videlicet liberatio a peccato, in-
fusio gratiæ, apertio januæ regni cœle-
stis. Harum Christi Filii sui salvationum
est Deus Pater protector, quia defendit ele-
ctos, ne istis effectibus spoliarentur a ten-
tatore, et protegit eos finaliter ut sal-
ventur.
- Insuper Christus homo, mediator Dei ac 9
hominum, pro Ecclesia quam redemit pre-
catur, et ait : (12) *Salvum fac populum*
tuum, Domine, id est populum tuum fi-
delem, vel omnem populum, etiam infi-
delem, convertendo eos ad fidem : omnes
namque sunt tui per creationem; *et bene-*
dic, id est, munera gratiarum multiplici-
ter tribue, *hereditati tuæ*, id est plebi
christianæ, quam tu specialiter colis, pos-
sides et fecundas. *Et rege eos*, dirigendo

eos in vitam æternam, *et extolle illos*, id est, sublimem conversationem et alta merita præsta eis in præsentī, *usque in æternum*, id est, tandiu rege eos atque extolle, donec ad æternam felicitatem pertingant.

Ecce, cur metuis? cur pusillanimis es? cur non plenissime speras, o Christiane? Attende quid Christus oret pro te. Vide

quoniam Creator tuus factus est Salvator tuus, Deus tuus factus est frater tuus, iudex tuus factus est advocatus tuus. Qui cum Patre et Spiritu Sancto exaudit, ipse pro te Patrem ac Spiritum Sanctum exorat. Accedamus ergo cum fiducia ad thronum gratiæ ejus, ut misericordiam consequamur, et gratiam inveniamus in auxilio opportuno.

Hebr. iv, 16.

ARTICULUS LXII

EXPOSITIO TROPOLOGICA SEU MORALIS EJUSDEM PSALMI VICESIMI SEPTIMI.

MORALITER denique convenit psalmus iste cuicumque fidei, mente vel corpore, aut in utroque afflicto, qui pro relevamine clamat ad Dominum: *Ad te, Domine, clamabo* in omni tribulatione et angustia, non ad aliquem alium: quoniam tu solus es Deus totius salutis meæ, in quo solo finaliter immobiliterque confido, ita quod licet occideris me, nihilo minus considerem in te, sciens possibilibus esse cælum et terram annihilari, quam in tua bonitate sperantem fraudari. Idcirco, *Deus meus, ne sileas a me*, sed intus instrue me, *nequando taceas a me*, dissimulando aut repellendo desideria mea; sed loquere, Domine, quia audit servus tuus. Loquere mihi per inspirationem internam, per sacræ Scripturæ exhortationem, per devotorum famulorum tuorum informationem. Consolare, o Domine, animam meam, abstrahe eam a mundanarum rerum tumultu, et quiescentem alloquere atque illumina, quemadmodum de anima pia testatus es: Ecce, inquiens, ego lactabo eam, et ducam eam in solitudinem, et loquar ad cor ejus. *Et assimilabor descendentibus in lacum*: id est, tot tribulationibus erucior, tot malis afficio, ut similis videar descendentibus in infernum, in quibus est plena miseria. Vel sic: Et as-

similabor descendentibus in lacum, id est, nisi tu preces meas pie exaudias, descendam et ego cum aliis in lacum, id est in profundum vitiorum, in voraginem periculorum, et in foveam carceris infernalis.

Exaudi, Domine, vocem deprecationis meæ, dum oro ad te, id est, dum adoro te, *dum extollo manus meas corporales et spirituales ad templum sanctum tuum*, id est ad patriam Beatorum, elevando manus meas corporeas cum ardentibus desideriiis mentis ad triumphantem Ecclesiam, salutans eam, et petens ad eam perducī: quemadmodum Jeremias monet, Levemus corda nostra cum manibus ad Dominum in cœlos. Unde Apostolus dicit: Volo viros orare in omni loco, levantes puras manus sine ira et disceptatione. Ecce quam frequenter vir sanctus eandem sententiam orando repetiit. Ardens nempe affectus mensuram ignorat, nec satiatur orando, sed indesinenter accenditur, et flamma flammam producit, ignisque amoris ignem affectuosæ orationis nutrit et augeat. Et enim divinarum rerum nulla saturitas est, sed quo magis gustantur, eo amplius appetuntur, quemadmodum scriptum est: Qui edunt me, adhuc esuriunt; et qui bibunt me, adhuc sitient.

2

Thren. iii, 41.

1 Tim. ii, 8.

Ecclesi. xxiv, 29.

1

Job xiii, 15.

1 Reg. iii, 10.

Osee ii, 14.

- 3 *Ne simul tradas me cum peccatoribus*, A id est, ne permittas me iugo peccati et servituti diaboli subijci : quibus peccatores subduntur, sicut in Evangelio habetur, Omnis qui facit peccatum, servus est peccati ; et qui a diabolo in tentationibus vincitur, ejus ditioni infelix subijcitur. *Et cum operantibus iniquitatem*, id est in malo perseverantibus, *ne perdas me*, subtrahendo mihi gratiam in præsenti, et gloriam in futuro. *Qui loquuntur pacem cum proximo suo, mala autem in cordibus eorum*, id est, qui ore benedicunt, et corde maledicunt. ut sunt adulatores, mendaces, fallaces. Tales, proh dolor ! multi sunt : imo pauci inveniuntur fideles ac integri amici. Propterea optime dictum est, quod utinam efficaciter pensaretur.
- Ait enim Propheta : Periit sanctus de terra, et rectus in hominibus non est. Vir fratrem suum venatur ad mortem. Ab ea quæ dormit in sinu tuo, custodi claustra oris tui : quia filius contumeliam facit patri ; et inimici hominis domestici ejus. Nam ut ait* Apostolus, Omnes quæ sua sunt quærunt.
- 4 *Da illis secundum opera eorum.* Hic versus cum sequenti ex præcedenti expositione patescit. Ideo autem redde illis debitas pœnas, o Domine, *quoniam non intellexerunt opera Domini*, id est exempla Jesu Christi : cujus tota vita est informatio nostra ; *et in opera manuum ejus*, id est Christi, non intellexerunt : id est, judicia Christi, quibus bonis dat vitam æternam, et malis pœnas perpetuas, non consideraverunt. Hæc opera Domini non intelligunt mali, quia etsi se intelligere asserant, fatentur tamen negant, et se nescire ostendunt, quemadmodum scriptum est : Sapientes sunt ut faciant mala, bene autem facere nescierunt. *Destrues illos*, o Domine, auferendo eis esse spirituale, et voluntatem eorum privando bonis cupitis, quando in pœnas æternas dejicies ipsos ; *et non ædificabis eos* interius per illuminationem et gratiam Spiritus Sancti, nec ordinabis, neque stabilies interiora eorum, sed erunt miseri et caduci.
- 6 *Benedictus Dominus*, id est, benedictus sit ipse Dominus, et benedicatur ab omnibus, *quoniam exaudivit vocem deprecationis meæ*, sicut ex interna inspiratione jam sentio, vel experior per effectum. Interdum enim devoti famuli Dei, antequam orationem suam finiant, se exauditos mox sentiunt. Propter quod Dominus ait : Antequam clament, ego exaudiam ; adhuc illis loquentibus, ego audiam. *Dominus adjutor meus*, in faciendo quæ bona sunt, *et protector meus*, in declinando ab his quæ mala sunt ; *et in ipso speravit cor meum*, sine quo nil boni cogitare, loqui aut facere possum, *et adjutus sum* per gratiam ejus, nec succubui hostibus animæ meæ. *Et refluoruit caro mea* : id est, corpus meum, quod ante peccatis subjaecuit, quod pollutionibus variis commaculatum erat, et iniquitatibus deservivit, hoc modo per adjutorium Dei subjectum est rationis imperio, caritatis obsequio ; continentiae flore jam nitet, et castitatis odore nunc fragrat : quemadmodum jubet divinus Apostolus : Non regnet peccatum in vestro mortali corpore ; neque exhibeatis membra vestra arma iniquitatis peccato, sed arma justitiæ Deo. *Et ex voluntate mea*, id est sponte ac prompte, *confitebor ei*, videlicet Domino. Confitebor, inquam, ei mea mala ac vitia, me ipsum dijudicando, contemnendo et castigando. Confiteborque ei sua bona ac beneficia, ipsum laudando, venerando atque amando.
- 8 *Dominus fortitudo plebis suæ*, id est causa fortitudinis servorum suorum, quemadmodum Moyses dicit : Noli timere ; Dominus Deus tuus, qui ductor est tui, ipse pugnabit pro te ; *et protector salvatorum*, id est conservator virtutum salvantium, *Christi sui est* : id est, ipse Dominus est defensor et conservator virtutum et gratiarum cujuslibet Christiani chrismate sacro ac Spiritu Sancto uncti. Virtutes enim et gratiæ Dei sunt salvationes nostræ, quas necesse est defendi a Deo, ne vitiis ingredientibus expellantur ac pereant.

9 Postremo homo fidelis, sui oblitus, communisque boni accensus amore, pro omnibus orat ex caritate fraterna : *Salvum fac populum tuum, Domine* : ejus expositio in præcedenti articulo patet. Vere puleher suavisque psalmus, qui a singulari caritate orditur, et in communi amore finitur : in quo homo devotus primo orat pro se, et tandem se exauditum glorians, ac Deum collaudans, tanquam idoneus factus orat pro omni populo christiano. Et est oratio hujus versus admodum sententiosa ac fervida : quam debemus quotidie

A intentissima mente effundere, sicut et totum psalmum debito tempore, quoniam totus fructuosus consolatoriusque consistit.

PRECATIO.

Ad templum sanctum tuum manus cum genibus * levantes invalidas, quæsumus, * genitibus Domine, ne tradas cum peccatoribus non te agnoscentibus animas nostras : non nos deseras, non nos cum operantibus iniquitatem perdas ; sed nos regendo, tecum in B cœlesti regno extollas.

ARTICULUS LXIII

EXPOSITIO PSALMI VICESIMI OCTAVI : AFFERTE DOMINO, FILII DEI.

4 TITULUS psalmi est : *Psalmus David, in consummatione tabernaculi*. Primo libro Paralipomenon legitur, quod arca Domini de terra Philistinorum reducta, manserit ad tempus in Silo. Postmodum vero David ædificavit ei tabernaculum : in quod quum introduxisset eam, hortatus est populum ad hostias immolandas. Ab hac ergo historia sumptus est titulus psalmi præsentis, possetque littera ejus applicari ad illam historiam ; sed multo congruentius exponitur de re figurata, quam de figura. David enim est evidens figura Christi, et arca est typus Ecclesiæ ; consummatio quoque tabernaculi, Ecclesiæ perfectionem designat. Sicut enim David reduxit arcam in tabernaculum suum, sic Christus reduxit Ecclesiam in regnum cœlorum. Est igitur tituli sensus : *Psalmus David*, id est, psalmus iste adscribitur David hic loquenti, *in consummatione tabernaculi*, id est, conscriptus est ex perfectionis Ecclesiæ præconsideratione. David namque in Spiritu Sancto prænoscebat totum mundum ad Christi fi-

dem per Apostolos convertendum, alloquitur hic universalem Ecclesiam, quatenus digna Deo sacrificia offerat. Ait enim :

1 **A**FFERTE, id est, ad gloriam Creatoris aliquid apportate, *Domino*, ejus sunt omnia, o *fili*i *Dei* adoptivi, quibus Christus dedit potestatem filios Dei fieri. De quibus scriptum est : Carissimi, nunc filii Dei sumus, et nondum apparuit ^{Joann. 1, 12.} ^{1Joann. 3,} quid erimus. Et iterum : Videte qualem ^{Ibid. 1.} caritatem dedit nobis Pater, ut filii Dei nominemur et simus. Itaque, o omnes fideles, in testimonium quod omnia quæ habetis, a Deo recepistis, afferte ei, id est, aliquid ipsi offerte. Quemadmodum enim omnia quæ habemus, a Deo recepimus ; sic totum quod sumus, possumus, agimus et habemus, Deo offerre, id est ejus obsequio mancipare, debemus : quia non sumus nostri, sed ejus qui condidit nos. Propterea ait Apostolus : Nemo nostrum sibi vivit. ^{Rom. xv, 7.} Et rursus : Omne quodcumque facitis in ^{Coloss. 3,} verbo aut opere, omnia in nomine Domini ^{17.}

Cf. I Par.
xiii.

Ibid. xv,
xvi.

nostri Jesu Christi facite, gratias agentes A Deo et Patri per ipsum. Unde quod hic ait Psalmista, Afferte Domino, filii Dei, Moyses ita inducit : Non apparebit vacuus ante Dominum ; sed offeret unusquisque secundum quod habuerit. Exterior namque oblatio, signum est interioris oblationis, qua spiritus semetipsum immolat Deo per obedientiam ac reverentiam. De qua interiori oblatione in Ecclesiastico legitur : Salutare sacrificium est attendere mandatis.

Deut. xvi,
16, 17.

Ecclesi.
xxv, 2.

Deinde declarat quid filii debeant Deo afferre. *Afferre Domino filios arietum*, id est vosmetipsos, qui estis filii Apostolorum : qui arietes appellantur, quoniam duces sunt ovium Christi, atque fortissimi protectores earum, inducentes easdem in ovile Christi. Nemo enim aliquid majus afferre potest Deo de suis, quam se ipsum. Ergo afferte vos ipsos, id est, corde et opere appropinquate, adhærete et ministrare ei.

Sed ne quis male intelligat quomodo debeat se ipsum Deo offerre, velitque se ipsum occidere, et more pecudum offerre : ideo consequenter ostendit, quid sit afferre se ipsum. (2) *Afferre Domino gloriam et honorem* : id est, ita afferte vos Domino, ut glorificetis et honoretis Dominum, quantum potestis, tam in vobis quam in aliis : sicut in Evangelio ait Salvator : Sic luceat lux vestra coram hominibus, ut videant opera vestra bona, et glorificent Patrem vestrum qui in cœlis est. Hoc est quod quotidie in Oratione dominica deprecamur : Sanctificetur (in nobis) nomen tuum, id est, da nobis gratiam taliter tibi serviendi, ut ex puritate et sanctitate nostræ conversationis, omnibus innotescat quam vere sanctus sis tu, Domine Deus, cui tale obsequium placet. Ergo, Afferte Domino gloriam et honorem, quemadmodum fecit Apostolus, dicens : Regi autem sæculorum immortalis, invisibili, soli Deo honor et gloria in sæcula sæculorum. Et David : Tua est, Domine, magnificentia et potestas, et gloria atque victoria ; tibi laus, tuæ divitiæ, tua est gloria : tua enim

Matth. v, 16.

Ibid. vi, 9.

I Tim. i, 17.

I Par. xxix,
11, 12, 14.

sunt omnia ; et quæ de manu tua accepimus, dedimus tibi.

Afferre Domino gloriam nomini ejus. Gloria est clara cum laude notitia. Quid est ergo, Afferte Domino gloriam nomini ejus? nisi, Ore et opere manifestate aliis notitiam Dei, ut sciant quam sanctus et justus est Dominus, et quomodo omnia nostra bona ac merita sint ejus dona, ac per hoc studeant Deo in sanetitate et justitia deservire, atque omne bonum ei cum incessabili adscribere laude. Hoc est sacrificium placitum Deo, quod ipse a nobis summe requirit, quemadmodum Michæas pulcherrime scribit : Quid dignum offeram Domino? Curvabo genu Deo excelso? Numquid placari potest Dominus in millibus arietum? Indicabo tibi, o homo, quid sit bonum, aut quid a te Dominus requirat : utique facere judicium, et diligere misericordiam, et sollicitum ambulare cum Deo tuo. *Adorate Dominum in atrio sancto ejus*, id est in ecclesiastica unitate, vel in cubiculo cordis vestri, orando Patrem in abscondito et in spiritu ac veritate. Spiritus enim est Deus, et eos qui adorant eum, in spiritu et veritate adorare oportet. Et spiritus noster est atrium Dei, quia in ipso moratur et epulatur Altissimus, quemadmodum in Apocalypsi ipse testatur : Ego sto ad ostium, et pulso. Si quis audierit vocem meam, et aperuerit mihi januam, intrabo ad illum, et cœnabo cum eo, et ipse mecum.

Luc. i, 75.

Mich. vi, 6-8.

Matth. vi, 6.

Joann. iv, 24.

Apoc. iii, 20.

Insuper sanctus David describit constitutionem Ecclesiæ, dicens : (3) *Vox Domini*, id est prædicatio Christi, *super aquas*, id est super populum Judæorum : de quo in Evangelio Christus ait, Non sum missus, nisi ad oves quæ perierunt domus Israel. Nam illis Christus specialiter promissus fuit ac missus, et eis primum prædicavit per se ipsum et suos discipulos. *Deus majestatis*, id est Christus rex gloriæ, *intonuit*, id est, altissima documenta proposuit, docens ea quæ omnem rationem transcendunt, videlicet, Deum esse unum ac trinum, se esse Deum ac homi-

3

Matth. xv, 24.

nem, carnem suam vere esse cibum. In-
tonuit quoque, id est, terribilia edocuit de
futuro iudicio et pœnis inferni : et in
omnibus excellentissime loquebatur, sicut
Judæi ad eum missi, redeuntes dixerunt :
Nunquam sic locutus est homo, sicut hic
loquitur. *Dominus super aquas multas* :
id est, prædicatio Christi etiam super gen-
tiles effusa est : quia (ut Evangelistæ tes-
tantur) Christus interdum per Tyrum et
Sidonem, aliasque terras gentilium ambu-
lavit et prædicavit. Designantur autem per
aquas populi, quoniam in Apocalypsi di-
citur : Aquæ multæ, populi multi sunt. Et
Salomon : Mitte, inquit, panem tuum su-
per transeuntes aquas, id est populum
mendicantem. Vel sic : *Vox Domini*, scilicet
Patris æterni, *super aquas*. Nam Chri-
sto in Jordane baptizato, vox Patris facta
est (id est, *Deus majestatis*, id est Pater
cœlestis, *intonuit*), dicens : Hic est Filius
meus dilectus. *Dominus super aquas mul-
tas*, id est, virtus Christi purgativa pec-
cati, ex tunc collata est omnibus aquis.
Christus enim tactu suæ mundissimæ car-
nis, vim regenerativam tribuit omnibus
aquis.

4 *Vox Domini in virtute* : id est, prædi-
catio Evangelii facta est a Christo ac ejus
discipulis in magna miraculorum poten-
tia, quemadmodum in Evangelio scriptum
est : Illi autem profecti, prædicaverunt
ubique, Domino cooperante, et sermonem
confirmante sequentibus signis. *Vox Domi-
ni in magnificentia* : id est, prædicta præ-
dicatio in magna excellentia facta est, tam
propter sanctitatem vitæ prædicantium,
quam propter magnalia quæ Deus per eos
effecit, dando eis os et sapientiam, cui
non poterant resistere et contradicere om-
nes adversarii eorum. Hinc ait divinus ac
sanctus Apostolus : Abundantius oportet
nos observare ea quæ audivimus, ne forte
pereffluamus. Quomodo enim effugiemus,
si tantam neglexerimus salutem, quæ in
nos confirmata est, contestante Deo signis
et portentis, et variis virtutibus, et Spiri-
tus Sancti distributionibus ? Nam (ut alibi

docet Apostolus) alii per Spiritum datur
sermo sapientiæ, alii sermo scientiæ, alii
gratia sanitarum, alii operatio virtutum,
alii prophetia, alii discretio spirituum, alii
genera linguarum, etc. Propter hæc ergo
facta est vox Domini in magnificentia.

(5) *Vox Domini confringentis cedros* : id
est, sermo Christi, vel ipse Christus, qui est
vox, sermo et verbum Patris æterni, con-
fringit superbos, qui instar cedrorum in
propriis oculis magni atque sublimes sunt.
Hos Christus confringit tripliciter : Pri-
mo, corrumpendo in eis passiones immo-
deratas ac vitia, et extinguendo in eis
superbiam. Et ista confractio pia est et
salubris. Istæ sunt cedri, qui discunt a
Christo quia mitis est et humilis corde.
Secundo, Christus confringit has cedros,
subtrahendo vel non dando eis esse spiri-
tuale, sed spiritualiter eas occidendo. Ter-
tio, eas confringet in die iudicii, quando
æternaliter damnabuntur. Et hoc modo
confregit cedrum altissimam, puta Luci-
ferum. De quo legitur : Cedri non fuerunt
altiores illo in paradiso Dei. Sed hoc loco
accipitur cedrus in bono, quia per cedros
intelliguntur angeli, quorum Lucifer sum-
mus fuit. Sæpe enim sumit Scriptura ce-
dram in bono, quemadmodum in Eccle-
siastico Sapientia dicit : Ego quasi cedrus
exaltata sum in Libano. Cedrus namque
est arbor altissima. Sed altitudo quædam
est bona, et aliqua mala.

Et confringet Dominus cedros Libani :
id est superbos prælatos ac principes, de
carnis claritate ac famæ splendore, vel
ingenii aut scientiæ eminentia, seu sæcu-
lari potentia, inaniter gloriantes. Libanus
enim candidatio interpretatur. Has cedros
Libani Deus confringit secundum tripli-
cem modum prædictum. Unde sacratissi-
ma atque Christifera virgo Maria : Depo-
suit, inquit, potentes de sede, et exaltavit
humiles. Cui concordat illud Ecclesiastici :
Sedes ducum superborum destruxit Deus,
et sedere fecit pro eis mites. (6) *Et com-
minuet eas tanquam vitulum Libani* : id
est, cedros prædictas conteret Dominus,

sicut conteritur vitulus nutritus in Libano, auferendo eis vel culpam, vel gratiam, vel salutem æternam. Sicut enim tripliciter intelligi potest cedrorum confractio, ita quoque earum comminutio tripliciter accipi potest. *Et dilectus*, id est humilis, Deoque placens, erit *quemadmodum filius unicornium*, id est, non comminuetur ut cedri, sed fortis atque securus erit in Domino Deo suo, et tanquam pullus unicornis seu rhinocerotis, qui est fortissimum, grande atque imperterritum animal. In hoc ergo quod ait, Et dilectus quemadmodum filius unicornium, ponit distinctionem inter superbos et in suis viribus confidentes, et humiles in Deo sperantes.

- 7 (7) *Vox Domini intercidentis flammam ignis* : id est, Dominus ipse per rorem gratiæ suæ interrumpit et exstinguit in servis suis ignem seu inflammationem iræ atque luxuriæ, perducendo eos ad refrigerium mansuetudinis et castitatis. Ad litteram quoque Christus sæpe exstinxit et scidit ignem materiale, cui sancti martyres aut fideles, ad martyrium præparati, injecti fuerunt, sicut de sancta Agnete narrat Ambrosius : imo multi Sanctorum in igne omnino illæsi manserunt. Christus etiam scidit flammam ignis, quando quosdam Judæorum contra se furentium misericorditer illuminavit, et quosdam in sua incredulitate juste reliquit. *Vox Domini concutientis desertum* : id est, sermo Christi excitat corda infructuosa, pigra ac arida, concutiendo ea sancto timore ac divino amore, ut fiant agilia, fructuosa et fervida. Cor enim peccatoris, desertum vocatur, 8 tanquam a Deo relictum, et ab humore, ac fructu salutis et gratiæ alienum. *Et commovebit Dominus* ad pœnitentiam et vitam laudabilem, *desertum Cades*, id est cor electorum et fidem Dei habentium. Cades enim, immutata vel sancta interpretatur. Electi igitur, quoniam ad tempus errare possunt, sed finaliter perire non valent, commovebuntur a Domino ad salutem, antequam moriantur. Posset autem per desertum Cades, Judæa intelligi, quæ

A legem a Deo recepit, et in fine sæculi immutanda ad fidem est. Hanc Dominus commovebit in fine mundi, ut convertatur ad Christum, quemadmodum Osee testatur : Post hæc revertentur filii Israel, et quærent Dominum Deum suum, et David regem suum, id est Messiam, ut omnes exponunt.

Osee III, 5.

8¹ *Vox Domini præparantis cervos* : id est, Christus per suum sermonem disponit ad currendum velociter viam præceptorum suorum servos suos ferventes; et ipse præparavit Apostolos, dando eis primitias Spiritus Sancti, ut per totum mundum disseminarent verbum Dei, proseguendo velociter onus sibi injunctum, quemadmodum cervi veloces sunt in actibus suis. *Et revelabit condensa*, id est, illuminabit corda servorum istorum, ut intelligant abdita Scripturarum. Hoc enim Christus in Apostolis ac aliis multis effecit. *Et in templo ejus omnes dicent gloriam*, id est, in Ecclesia Dei omnes fideles Deo gloriam ac laudem attribuent.

9

Ps. cxviii, 32.

Rom. viii, 23.

C (9) *Dominus diluvium*, id est plenitudinem seu exuberantiam gratiarum, *inhabitare facit* in cordibus electorum, præsertim tempore evangelicæ legis, quod propter supereffluentem misericordiam Dei Christianis exhibitam nuncupatur tempus gratiæ. *Et sedebit Dominus rex in æternum*, id est, æternaliter præsidebit fidelibus suis, et habitabit in eis, modo per gratiam, in futuro autem per gloriam : quemadmodum Zacharias de Christo prædixit, Ipse portabit gloriam, et sedebit et dominabitur in * solio suo, et erit sacerdos. (10) *Dominus virtutem populo suo dabit*, ut declinent a malis, et faciant bona. *Dominus benedicet populo suo*, id est, gratiam multam tribuet eis, *in pace*, id est, dum tranquillii fuerint et mente quieti. Corda enim turbata et inquieta, non sunt divinæ benedictionis capacia. Vel, In pace, id est ad finem illum, ut veram ac stabilem pacem consequantur. Vel, In pace, id est in se ipso : Christus enim (ut ait Apostolus) est pax nostra, qui fecit utraque unum.

10

Zach. vi, 13.

* super 44

Ephes. ii, 14.

PRECATIO.

A cunctis malis exime nos, Domine, et tribue nobis cor contritum et humiliatum

A pro peccatis nostris tibi offerre : ut tua virtute et magnificentia sedatis scandalis, quæ operantur iniquitatem, populo tuo benedicas in pace.

ARTICULUS LXIV

EXPOSITIO LITTERALIS PSALMI VICESIMI NONI : EXALTABO TE, DOMINE.

1 Huius denique psalmi titulus est : *Psalmus cantici, in dedicatione domus David*. Psalmus, bonam operationem vel laudem cum operatione significat; canticum vero, spiritualem lætitiā. Deductio vero domus David, est resurrectio corporis Christi. Sapi-
Prov. ix, 1. entia namque Dei ædificavit sibi domum, quando corpus assumpsit humanum. In resurrectione vero dedicavit hanc domum, resuscitans corpus suum ad impassibilem, inviolabilem ac solennissimum statum. Est igitur tituli sensus : *Psalmus*, id est laus operosa, et ad bene operandum nos instruens : laus, inquam, *cantici*, id est, spiritualem lætitiā continens, *in dedicatione domus David*, id est pro resurrectione corporis Domini Salvatoris.

2 Igitur Christus pro sua resurrectione Deo Patri gratias agens, ait : (1. *Exalta- bo te, Domine Pater*, id est, laudabo te, et alios illustrabo, ut te exaltem et venerentur, teque immensum agnoscant, et omnibus creaturis incomparabiliter digniorem; *quoniam suscepisti me* in resurrectione ad impassibilem statum, et in ascensione ad dexteram tuam; *nec delectasti inimicos meos super me*, id est, non permisisti eos finaliter aut diu gaudere de afflictionibus meis. Nam quamvis Judæi ad tempus gavisii sunt de Christi occisione, non tamen tam diu sicut putabant. Putabant enim omnino exstinguere nomen atque memoriam ejus, et corpus ejus corrumpendum æstimabant in tumulto; sed dum a custodi-

B bus monumenti audierunt quæ facta erant, contristari cœperunt, præsertim propter testimonium illud, quod mortui cum Christo resuscitati perhibuerunt de Christi resurrectione. Venerunt enim (sicut testatur Matthæus) in sanctam civitatem, et apparuerunt multis : quod principes sacerdotum non latuit; imo et eis apparuisse leguntur. Maxime autem contristati sunt in die Pentecostes, et postmodum, quando videbant in Christi discipulis tam manifesta miracula Dei, et tot millia converti ad Christum. Porro diaboli ad tempus gavisii sunt de tribulationibus Christi. Nisi enim dæmon optasset Jesum occidi, nequaquam misisset in cor, ut eum Judas Simonis Iscariotis traderet. Verumtamen in ipsa nocte videns admirabilem patientiam Jesu, et alia quædam, ex quibus conjici potuit Jesum esse verum Christum, cœpit timere, et de ejus traditione dolere. Unde uxorem Pilati sollicitavit de nocte per visum, ut marito consuleret ne justum illum occideret. Quum ergo agnovissent dæmones Jesum, cujus mortem procuraverunt, esse Christum, tunc omnis delectatio, quam de ejus persecutione habebant, cessavit. Hinc ergo ait Salvator ad Patrem, Nec delectasti inimicos meos super me. Et secundum hanc intelligentiam, per inimicos designantur tam infideles Judæi quam dæmones.

2. *Domine Deus meus, clamavi ad te :* 3
 passione instante, dum dixi, Non mea voluntas fiat, sed tua; atque in cruce, dum
Luc. xxii, 42.

Ps. XXX, 6;
Luc. XXIII,
46.

4

dixi, Pater, in manus tuas commendo spiritum meum; *et sanasti me* a læsione mortis, reuniendo animam corpori immortalis et glorificato. (5) *Domine, eduixisti ab inferno*, id est a limbo patrum, *animam meam*, in die resurrectionis; *salvast me a descendantibus in lacum*, id est, præservast me, ne essem de eorum consortio, qui in infernum inferiorem descendunt.

Ps. LXXXV,
13.

5

Idecirco hortor vos ego Christus: (6) *Psallite Domino Deo Patri*, qui tanta bona contulit mihi, o omnes *sancti ejus*, et *confitemini memoriæ sanctitatis ejus*, id est, confessione laudis enuntiate atque recolite misericordiam divinæ sanctitatis seu sancti Dei, per quam recordatus est vestri, mittendo me Filium suum in mundum. ut redimerem vos. Hortatur itaque Christus, ut psallamus Domino propter bona quæ præstitit sibi, et ut confiteamur ei qui tam benigne recordatus est nostri, qui obliti eramus illius, propter beneficia quæ dedit nobis per Christum.

6

(7) *Quoniam ira*, id est humani generis perditio seu originalis criminis ultio, est *in indignatione ejus*, id est ex justa detestatione divina: quæ illud peccatum in tantum detestata est, ut non remitteretur, nisi ego pro eo mortem subirem; imo et ipse Pater quodammodo ultus est illud peccatum in me, sicut per Isaiam testatur: Propter scelus populi mei percussi eum.

Is. LIII, 5.

Et vita, id est humanæ naturæ redemptio ac mea resuscitatio, est *in voluntate ejus*, id est, ex pio beneplacito Dei Patris procedit. Deus enim omnia libere facit, quemadmodum Apostolus ait: Omnia operatur secundum consilium voluntatis suæ. Et ita ex misericordissima voluntate profluxit, quod per Christi passionem liberatus est mundus a morte peccati, et gratiæ vitam sortitus.

Ephes. 1,
11.

(8) *Ad vesperum demorabitur fletus*: id est, Christo in cruce jam mortuo, magnus planctus ac vehemens dolor fuit in suis discipulis et amicis; imo, ut ait Evangelista, centurio et omnis turba eorum qui simul aderant, percutientes pectora sua,

Luc. XXIII,
47, 48.

A revertebantur. *Et ad matutinum lætitia*, id est, Christo surgente valde diluculo, incepit consolatio prædictorum lugentium. Nam in die resurrectionis Christus quinquies apparebat, et corda suorum lætificabat. Vel sic: *Ad vesperum*, id est tempore hujus exsilii, quo sedemus in tenebris et umbra mortis, *demorabitur fletus*, id est, Christo condolere oportet et compati, et propter nostram ingratitude nem lacrimari; *et ad matutinum lætitia*, id est, in die beatæ remunerationis ac lucis cœlestis, erit exsultatio his qui in prædicto vespere lugent, quemadmodum ait Apostolus: Si compatimur, et conregnabimus.

Luc. 1, 79.

Rom. VIII,
17; II Tim.
II, 12.

7

(9) *Ego autem dixi in abundantia mea*, id est, ego Christus existens in plenitudine gratiæ et exuberantia consolationis divinæ, dixi: *Non movebor in æternum*, id est, non semper agitor persecutione omnium impiorum. Unde et in novissima Cœna Christus discipulis dixit: Etenim ea quæ sunt de me, finem habent. Vel, *Non movebor in æternum*, id est, ab obedientia Patris mei nunquam recedam, nec a rectitudine sanctæ conversationis unquam deflectar, sed immobilis ero in Deo. Christus enim propter abundantiam gratiæ suæ comprehensor fuit, et confirmatus in bono: propterea dicere potuit, *Non movebor in æternum*. (10) *Domine Pater, in voluntate tua*, id est in beneplacito tui amoris ac pii favoris, *præstitisti decori meo*, id est sanctæ et immaculatæ ac splendidæ conversationi meæ, *virtutem*, id est stabilitatem prædictam in te.

Luc. XXII,
37.

8

Verumtamen (11) *Avertisti faciem tuam a me*; id est, tempore passionis subtraxisti internam ac solitam consolationem ab inferioribus viribus animæ meæ, et ita me tractari permisisti ac inter latrones suspendi, ac si non fuissem Filius tuus dilectus. Unde clamare compulsus sum: Deus meus, Deus meus, ut quid dereliquisti me? *Et factus sum conturbatus*: non conturbatione culpæ, quia superius dixi, *Non movebor in æternum*; sed conturba-

Matth.
XXVII, 46;
Ps. XXI, 2.

tionem pœnæ seu naturalis vehementisque afflictionis. Quemadmodum a Joanne scriptum est : Quum hæc dixisset Jesus, turbatus est spiritu, et protestatus est, et dixit : Unus ex vobis me tradet. Et Lucas ait : Factus in agonia, prolixius orabat; et factus est sudor ejus, sicut guttæ sanguinis decurrentis in terram.

Nihilo minus post hanc turbationem, 9 *Ad te, Domine, clamabo*, orando in cruce pro crucifixoribus meis, totiusque mundi salute. Deinde Christus mutans personam, hoc idem quod dixit ad Patrem, dicit Ecclesiæ, ut eam ad similia facienda informet, et ait : *et ad Deum meum deprecabor*, non cessando ab invocatione ipsius propter angustiam tribulationis acerbitatemque passionis. Et hoc rationabiliter ago : nam, 10 *Quæ utilitas in sanguine meo*, id est, quis fructus esset incarnationis et vitæ meæ atque effusionis sanguinis mei, *dum descendo in corruptionem*, id est, si in sepulcro relinquor, et in cinerem redigor? Christus enim incarnatus et passus est, ut mundum converteret. Si autem ipse non resurrexisset, mundus in eum nullatenus credidisset, sicque nulla videretur utilitas passionis suæ ac mortis. Propter quod ait Apostolus : Si Christus non resurrexit, ergo inanis est prædicatio nostra, inanis est et fides vestra. Unde Christus consequenter probat quod dixit, subjungens : (12) *Numquid confitebitur tibi pulvis?* id est, numquid caro mea incinerata atque corrupta, erit occasio atque materia credendi et confitendi nomini tuo? *Aut ipsa sic pulvis effecta, annuntiabit veritatem tuam?* apparendo Apostolis, et ostendendo eis cicatrices, atque dicendo, Palpate et videte; et verificando

A Prophetarum scripturas, qui omnes concorditer vaticinantur carnem meam protinus resurrecturam. Ideo enim post resurrectionem Christus discipulis dixit : Necessè est impleri omnia quæ scripta sunt in lege Moysis, et Prophetis, et Psalmis de me.

(15) *Audivit Dominus orationes præmissas, et misertus est mei*, eripiendo me de universis pœnalitatibus vitæ præsentis; *Dominus factus est adjutor meus*, dando mihi omnem potestatem in cœlo et in terra. 14 *Convertisti*, o Domine, *planctum meum*, id est tristitiam qua dixi, Tristis est anima mea usque ad mortem, *in gaudium mihi* : quoniam tribuisti pro illa temporali tristitia, sempiternam lætitiæ præmii essentialis cunctis electis, et gaudium accidentalis præmii mihimetipsi, transferendo me ab ignominia passionis ad gloriam resurrectionis. Sicut enim testatur Apostolus, Christus cum clamore valido et lacrimis supplicationes fudit ad Deum. *Conscidisti saccum meum* : id est, C corpus meum, animæ atque divinitatis meæ contemptum latibulum, permisisti in passione multis vulneribus lacerari, ita ut a planta pedis usque ad verticem capitis, non esset in eo sanitas; *et circumdedisti me lætitiâ*, id est, corpus gloriosum reddidisti animæ meæ in resurrectione; (15) *ut cantet tibi gloria mea*, id est, ut ego anima et corpore glorificatus, laudem te, *et non compungar*, id est, non amplius patiar. Nam Christus resurgens ex mortuis, jam non moritur. *Domine Deus meus, in æternum confitebor tibi*, laudando te secundum quod homo sum, sine fine in regno cœlorum, ubi tecum sedeo ad dexteram tuam.

Luc. XXIV, 44.

11

Math. XXVIII, 18.
12
Ibid. XXVI, 38.

Hebr. v, 7.

Is. 1, 6.

13

Rom. vi, 9.

Hebr. 1, 3.

Joann. XII, 21.

Luc. XXV, 43, 44.

Ibid. XXIII, 34.

1 Cor. XV, 14. Joann. XX, 31.

Luc. XXIV, 39.

ARTICULUS LXV

EXPOSITIO TROPOLOGICA EJUSDEM PSALMI VICESIMI NONI.

- M**ORALITER autem exponendo hunc A psalmum, per domum David, intelligitur Ecclesia, vel quicumque fidelis, in quo Deus per fidem et gratiam habitat. Et per dedicationem hujus domus, intelligitur deputatio seu exhibitio qua exhibemus nos ipsos servire Deo vero ac vivo.
- 4 Sicque tituli sensus est : *Psalmus cantici, in dedicatione domus David*, id est pro exhibitione gratiarum actionis atque obsequii, quibus corde, ore et moribus regratiamur Altissimo pro beneficiis suis, ejusque famulatu nos ipsos voluntarie exhibemus.
- Ecclesia igitur vel quilibet Christianus, se a multis periculis præservatum vel liberatum a Deo perpendens, gratias agat
- 2 et dicat : *Exaltabo te, Domine*, me ipsum humiliando, et tibi reverenter obsequendo, tuam altitudinem confitendo, omnem perfectionem, bonitatem et gratiam tibi attribuendo. Quanto enim nos ipsos profundius humiliamus, tanto Deum gloriosius exaltamus. Idcirco autem Exaltabo te, Domine, *quoniam suscepisti me*, id est, C orationem meam et pœnitentiam ac servitutem meam grata ac placita habuisti, et non contempsisti, nec repulisti me vilem et pauperem peccatorem ; *nec delectasti inimicos meos super me*, id est, non permisisti homines malos ac dæmones, qui delectantur de adversitatibus meis, finaliter gloriari super me ; sed a pœnis vel vitiis eripuisti animam meam, et ita delectasti angelos sanctos piosque homines
- Luc. xv, 10. super me, quoniam gaudium est angelis Dei super uno peccatore pœnitentiam D agente.
- 3 *Domine Deus meus, clamavi ad te*, pro indulgentia peccatorum, infusione virtutum, ac relevamine pœnarum seu persecutionum ; *et sanasti me*, ab interiori læsione peccati, vel etiam ab exteriori tribulatione, seu morbo corporali. *Domine, eduxisti ab inferno animam meam*, id est, a reatu et macula mortalium peccatorum, per quæ homines merentur infernum, liberasti me ; *salvastis me a descendantibus in lacum*, id est, non permisisti me perseverare in malis, quemadmodum illos qui in infernalem foveam, seu vitiis profunditatem descendunt. Ecce B quantum beneficium Dei est hoc ! quod illis potissimum datur, qui Deo inspirante, mundum et omnia quæ in mundo sunt, derelinquunt, et Christo in religione fideliter serviunt. Hi a pristina conversatione et societate malorum conversi, hunc verum verissime dicere possunt, imo cum magna ac devotissima jucunditate dicere debent. Considerare enim debemus nos, qui mundum reliquimus, vel ad veram ac perseverantem pœnitentiam conversi sumus, quot propinquorum, coætaneorum, C consortium nostrorum jam infernus absorbuit, qui paulo ante nobiscum conversati sunt, et forte multo meliores nobis fuerunt. Quantum ergo regratiari tenemur Deo altissimo, qui illos jam juste damnavit, et nobis tam pie pepercit, et ad vitam meliorem transvexit !
- Unde vir sanctus, pro tam ineffabili beneficio digne regratiari Deo nequaquam per se solum sufficiens, omnes sanctos qui vel in cœlo sunt, sive in terra, ad laudem Dei et gratiarum actionem invitans, subjungit : *Psallite Domino, sancti ejus, et confitemini*, confessione laudis, *memoriæ sanctitatis ejus*, id est sanctæ memoriæ Dei, seu sancto Deo nostri misericorditer
- 5

recordanti, qui a se aversos ac sui oblitos A non est oblitus, sed reduxit ad se. Hinc enim Dominus ait per Isaiam : Numquid oblivisei potest mulier infantem suum, ut non misereatur filio uteri sui? Et si illa oblita fuerit, ego tamen non obliviscar tui. Nos ergo non obliviscamur misericordiarum Domini, qui nos ita prævenit in omni pietate et gratia. Sed illud Isaiæ intente dicamus : Miserationum Domini recordabor, laudem Domini super omnibus bonis quæ reddidit nobis Dominus, quæ largitus est secundum indulgentiam suam. B Illud quoque Jeremiæ : Misericordiæ Domini quia non sumus consumpti ; quia non defecerunt miserationes ejus.

Ibid. LXIII,
7.

Thren. III,
22.

6 Quoniam ira, id est effectus divinæ justitiæ, scilicet privatio gratiæ, ultio culpæ, inductio poenæ, est in indignatione ejus, id est ex justo judicio Dei, quo ingratum et impiis indignatur ; et vita, id est vivificatio mentis per gratiam, omnisque effectus misericordiæ Dei, est in voluntate ejus, id est, ex divinæ pietatis beneplacito oritur et causatur. Ad vesperum, id est in adversis et consideratione propriæ tenebrositatis ac imperfectionis, demorabitur fletus, pro peccatis et incolatu vitæ præsentis ; et ad matutinum, id est in prosperis, et ex contemplatione divinæ perfectionis beneficiorumque Dei, demorabitur lætitia, id est, lætabuntur homines boni qui fleverunt ad vesperum.

7 Ego autem, post peccata conversus ad te, dixi in abundantia mea, id est in excessiva confidentia fervoris mei : Non movebor in æternum, id est, nunquam revertar ad priora peccata, nunquam desolabor aut tristis ero, nunquam a semita Dei recedam. Solet enim istud contingere noviter conversis, ut dum insolitam consolationem et gratiam Spiritus Sancti percipiunt, statim incaute præsumant, et quasi nunquam perdituri sint dulcedinem talem, magna lætanter proponunt, non satis propriam fragilitatem pensantes. Sed istud incaute fit. Ideirco subjungit : Domine, in voluntate tua, id est secundum quod tibi

complacuit, præstitisti decori meo, id est interiori renovationi animæ meæ, quæ renovatur quotidie de claritate in claritatem, virtutem, id est gratiæ stabilitatem. Tanquam dicat : Non sicut ego præsumo et aestimo, sed sicut tibi decens et bonum videtur, tribuisti mihi gratiæ dona. Propterea non debui tam inconsulte in abundantia mea præsumere. Propter quod subditur :

Avertisti faciem tuam, id est pium consolationis tuæ subsidiique respectum, a me, et factus sum conturbatus, id est tristis et piger, tanquam fraudatus spe illa, qua dixi, Non movebor in æternum. Verumtamen pro conversione vultus tui ad me, Ad te, Domine, clamabo ardenti affectu, et ad Deum meum deprecabor, pro omni re qua indiget anima mea. Et merito : nam, Quæ utilitas in sanguine meo, id est in vita mea (sanguis namque sedes est animæ, a qua vita causatur), dum descendo in corruptionem, id est, dum spiritualiter morior, atque in anima pereor ? quasi dicat, Nulla : imo melius esset mihi non esse, quam sine gratia esse, quoniam sine gratia tibi placere non valeo. Ideo sequitur : Numquid confitebitur tibi pulvis, id est homo inconstans, superbus, atque impænitens : de quo in primo psalmo præhabuit est, quod erit tanquam pulvis, quem projicit ventus a facie terræ ; aut annuntiabit veritatem tuam homo talis, te digne laudando, aut alios efficaciter admonendo ? Non utique, quoniam non est speciosa laus in ore peccatoris.

Audivit Dominus ista, quæ dixi ad pro- D vocandum et concutiendum viscera misericordiæ suæ, et misertus est mei, liberando me a miseriis multis. Dominus factus est adjutor meus, cooperando mihi per gratiam. Convertisti, o Domine, planctum meum in gaudium mihi, id est, post dolorem de peccatis, infudisti mihi de spe veniæ gratiam consolationis. Quemadmodum Propheta dicit : Quum iratus fueris, misericordiæ recordaberis. Et alius : Filii, patienter sustinete iram quæ supervenit vobis. Qui enim induxit vobis mala, ipse

II Cor. III,
18.

9

10

Ps. I, 4.

EccI. XV,

11

12

Habac. III,
2.
Beruch. IV,
25, 29.

rursus adducet vobis lætitiā sempiter-
nam cum vestra salute. *Conscidisti saccum*
meum, id est, laboribus pœnitentiæ, scilicet
abstinentia, vigiliis, disciplinis, mace-
rasti et afflixisti corpus meum, *et cir-*
cumdedisti me lætitiā, id est, spirituali
exultatione replesti animam meam post
prædictos labores. Qui enim se ipsos in
labore pœnitentiali digne affligunt, om-
ni consolatione divina refrigerari idonei
fiunt, quemadmodum Apostolus ait : Om-
nis disciplina in præsentī quidem videtur
esse non gaudii, sed mœroris ; postea au-
tem fructum pacatissimum exercitatis per
eam, reddet iustitiæ. Idcirco autem Cir-
cumdedisti me lætitiā, non ut glori-
er in me ipso : sed *ut cantet tibi gloria mea*. id
est, ut omnis gratia, omnisque gloria, et
quidquid boni in me est, sit mihi occasio
atque materia laudandi te, et gratias re-

Hebr. xii.
11.

13

A ferendi nomini tuo excelso, *et non com-*
pungar, id est, non stimuler conscientia
mala, sed nihil mihi conscius sim, nilque
in anima mea remaneat, de quo merito
remorsum pati possit mens christiana.

Postremo, vir sanctus et Domino gra-
tus, se offert paratum ad hoc, quod gloria
sua cantet Deo, et ait : *Domine Deus meus,*
in æternum confitebor tibi, id est, quam-
diu fuero : et hoc est verbum bonæ spei
ac sancti propositi, non præsumptionis ex
abundantiā erumpentis, sicut superius di-
xit, Non movebor in æternum. Confitebitur
autem in æternum, quoniam vita contem-
plativa, ad quam spectat confessio laudis
divinæ, hic incipit, et in futuro æternali-
ter perseverat, prout in Apocalypsi habe-
tur : Requiem non habebant, die ac nocte
dicentia : Sanctus, Sanctus, Sanctus, Do-
minus Deus omnipotens.

Apoc. iv, 8.

ARTICULUS LXVI

EXPOSITIO EJUSDEM PSALMI VICESIMI NONI ANAGOGICA.

A NAGOGICE demum, per domum Da-
vid, intelligitur quilibet Beatorum, in
quo Deus habitat per gratiam consumma-
tam in genere, caritatem perfectam, ac
unionem immediatam. Per dedicationem
quoque hujus domus, intelligi potest as-
sumptio electorum ad beatificam fruitio-
nem. Secundum anagogicum igitur intel-
lectum sensus tituli est : *Psalmus cantici,*
id est ineffabilis atque cœlestis lætitiæ, *in*
dedicatione domus David, id est pro as-
sumptione electorum ad gloriam.

1

2

Quilibet ergo comprehensor in patria,
ait : *Exaltabo te, Domine*, qui es objectum
et causa ac fons totius cœlestis lætitiæ, *quo-*
niam suscepisti me in heredem ac filium
felicitatis æternæ ; *nec delectasti inimicos*
meos, videlicet dæmones, *super me* : qui
tunc gaudebant de me, quando in mundo

C injuste vixi, et in purgatorio affligebar ;
nunc vero tristantur, quoniam a culpa et
pœna ereptus sum, et in cœlo locatus. Por-
ro angeli sancti et animæ innocentium, et
qui nunquam peccaverunt, ut Christus et
Virgo beata, dicunt : Nec delectasti inimi-
cos meos super me, quia nunquam permi-
sisti me vitio maculari. Nam et dæmones,
quum sint invidissimi, contristantur de
permanentia et felicitate angelorum san-
ctorum. Ipsi vero angeli sancti, de sua fi-
xione in bono regravantur Deo, et dicunt :
Exaltabo te, Domine, quoniam suscepisti
me, nec delectasti inimicos meos super me.

Domine Deus meus, clamavi ad te, dum
eram in mundo vel in purgatorio, *et sana-*
sti me ab omni tormento. Animæ namque
in purgatorio existentes sciunt se libe-
randas, et vehementissime liberari deside-

3

rant : imo dilatio gloriæ est eis ita pœnalis, ut nulla pœna sensibilis hujus mundi æquari possit pœnæ quam habent propter gloriæ dilationem. Jam enim via in eis finita est, et ergo non retardantur a patria sine amarissima pœna. Istud itaque desiderium earum, clamor dicitur. Nil tamen clamando proficiunt, et mereri non possunt, nec se ipsas juvare. Verumtamen dum ad patriam veniunt, gaudent de evasione pœnarum, et dicunt : Domine Deus meus, clamavi ad te, per me ipsam, et per eos qui oraverunt pro me. Deinde homines jam salvati dicunt : Domine, eduixisti ab inferno animam meam, quia non permisisti me mori in peccato mortali : de quo Beati ineffabiliter Domino grati sunt ; salvasti me a descendantibus in lacum, id est, illis relictis atque damnatis, me assumpsisti ac beatificasti.

Propterea comprehensores cohortantur se mutuo ad gratiarum actionem ac laudem divinam, dicentes : Psallite Domino, Sancti ejus, et confitemini memoriam sanctitatis ejus : quoniam ira, id est vindicta seu pœna quam passi sumus pro culpis nostris, fuit in indignatione ejus, id est ex zelo divinæ justitiæ, quæ nil mali impunitum relinquit. Vel, ut verbum istud omnibus Beatis conveniat, sic exponitur : Quoniam ira, id est reproborum damnatio, est in indignatione ejus, id est ex offensa Dei et contemptu quo despiciuntur a Deo : unde nec corrigi possunt, nec pœnitent, quemadmodum Salomon ait : Considera opera Dei, quod nemo possit corrigere quem ille despexerit. Et vita, id est nostra felicitas, quæ est vita æterna, est in voluntate ejus, id est, ex divinæ voluntatis beneplacito et amore nobis collata est. Ad vesperum, id est in exterioribus tenebris ergastuli infernalis, demorabitur, id est, semper manebit, fletus : sicut in Evangelio asserit Christus, Ibi erit fletus et stridor dentium ; et ad matutinum, id est in regno cælorum, ubi lux divina incessabiliter oritur, demorabitur lætitia, quoniam ibi est jucunditas plena atque perpetua.

Ego autem, qui sum comprehensor, dixi in abundantia mea, id est in plena lætitia de mea securitate : Non movebor in æternum, id est, nunquam a Deo avertar. Omnes enim Beati sciunt se confirmatos in bono, ideo secure affirmant, Non movebor in æternum. Domine, in voluntate tua præstitisti decori meo, id est beatitudini meæ, quæ est summus ornatus mentis, virtutem, id est securam stabilitatem seu confirmationem in te. Avertisti faciem tuam a me, quando adhuc peregrinabar in mundo, et factus sum conturbatus pro tempore illo ; nunc vero ostendisti mihi faciem tuam, ideo salvus sum. Ad te, Domine, clamabo, orando pro amicis et familiaribus meis, et his qui implorant suffragium meum ; et ad Deum meum deprecabor pro resurrectione corporis mei. Sancti enim in patria, resurrectionem futuram desiderant. Quæ utilitas in sanguine meo, id est, quid mihi, quid meo prodesset corpori, quod ita cooperatum est animæ in divino obsequio, dum descendo in corruptionem, id est, si ipsum corpus maneret corruptum, neque resurgeret ? Interdum enim aliquid attribuitur toti ratione partis, quemadmodum Christus dicitur jacuisse in sepulcro, et Maria Magdalene corpus Christi sublatum credens, dixit : Tulerunt Dominum meum, et nescimus * ubi posuerunt eum. Simili modo comprehensor, ratione corporis quod reliquit in terris, ait, Dum descendo in corruptionem.

Audivit Dominus preces has, et miseratus est mei, non pro me ipso qui miser non sum, sed pro miseris pro quorum salute precatus sum, et pro resurrectione ac glorificatione corporis mei. Dominus factus est adjutor meus, dando mihi virtutem supernaturalem, per quam sibi inavertibiliter adhærebo. Convertisti planctum meum in gaudium mihi, id est, fletum quem pro peccatis et pro adeptione felicitatis effudi in terra, commutasti in jucunditatem cœlestem ac sempiternam : quemadmodum scriptum est, Beati qui lugent, quoniam ipsi consolabuntur. Unde in Isaia Christus

7

8

9

10

Joann. xv.
13.
* nescio

11

12

Matth. v. 5.

Eccle. xii.
14.

Matth. xvi.
12; xvi. 12.
50. xvi. 13;
xvi. 14;
xxv. 30;
Luc. xvi. 28.

Is. LXI, 4, 3. ait : Spiritus Domini super me, ut darem A
lugentibus coronam pro cinere, oleum
gaudii pro luctu, pallium laudis pro spi-
ritu mœroris. *Conscidisti saccum meum*,
Gen. III, 19. id est, corpus meum redegisti in pulve-
rem : quemadmodum scriptum est, Cinis
es, et in cinerem reverteris ; *et circumde-*
disti me lætitia, id est, æterna felicitate
13 omnifariam adornasti me ; *ut cantet tibi*
gloria mea, id est, ut beatitudo et omnis
excellencia mihi a te impertita, sit mihi
causa et ratio laudandi te laude perfecta
ac indesinenti, *et non compungar*, id est, B
nullo dolore de cetero unquam afficiar :
Apoc. VII, prout in Apocalypsi dicitur : Absterget
17: XXI, 4. Deus omnem lacrimam ab oculis Sancto-
rum, et mors non erit ultra, neque luctus,
sed nec ullus dolor. *Domine Deus meus*,
in æternum confitebor tibi, id est, inces-

santer, sine interruptione, fatigatione ac
tædio, laudabo te Deum sublimem et be-
nedictum.

Ecce quam compendiosus, speciosus ac
dulcis est psalmus iste, ex divinæ sapientiæ
thesauro emanans, qui tam multipliciter
exponi potest. Hunc ergo ad gloriam Cre-
atoris, in commemoratione beneficiorum
suorum et resurrectionis glorificationis-
que Christi, devotissime concinamus.

PRECATIO.

Audi, Domine, preces nostras et misere-
re nobis ; converte planctum nostrum in
gaudium, et circumda nos lætitia salutis :
ut pro universis beneficiis tuis tibi cante-
mus et confiteamur in beata sede æter-
nitatis.

ARTICULUS LXVII

EXPOSITIO DE CHRISTO PSALMI TRICESIMI : IN TE, DOMINE, SPERAVI.

PRÆSCRIBITUR denique huic psalmo titu- C
lus talis : *In finem, psalmus David, pro*
1 *ecstasi* : id est, psalmus iste sancti David,
qui loquitur hic in persona Christi atque
fidelium ; psalmus, inquam, dirigens nos
in finem ultimum, scilicet Deum, est scri-
ptus, tractans ac habitus pro ecstasi, id
est excessu mentis Christi membrorum-
que ejus : qui excessus contingit vel ex
pavore tribulationis magnæ imminantis,
vel ex contemplatione sublimium verita-
tum in rebus divinis. Hic itaque psalmus,
de Christi passione ac fidelium persecuti- D
one conscriptus est. Unde primo de Christo
exponendus est.

CHRISTUS ergo ut homo, propter pas-
sionem sibi instantem, ait ad Patrem :
2 *In te, Domine, speravi*, in quantum homo
et aliquo modo viator, videlicet quantum

ad naturam passibilem nondum glorifica-
tam. Jam enim toties dictum est quomodo
Christo convenit sperare seu spes, ut fasti-
dium pariat si denuo repetatur. Itaque, Do-
mine Pater, non in mea natura creata, sed
in te speravi, expectans atque confidens,
tua virtute et gratia cooperante, redimere
genus humanum, a morte resurgere, om-
nemque mundi ac dæmonum malitiam su-
perare. Idcirco, o Pater, *non confundar in*
æternum, id est, nunquam confundar con-
fusionem illa, quæ oritur ex aliquo acciden-
ti quod inest ei qui confunditur, scilicet
ex defectu aut inordinatione naturæ, cul-
pæ, vel pœnæ. Vel : Non confundar in
æternum : id est, quamvis ad tempus in
hoc mundo a Judæis irrideor et confundor
ante passionem, in passione, et post pas-
sionem ; non tamen duret ista confusio in
æternum, sed statim resuscita me, per mi-

Jer. xvii, 18. racula quoque glorifica me, ut confundantur qui me persequuntur, et non confundar ego de cetero. *In justitia tua*, id est secundum censuram sive dictamen tuæ divinæ justitiæ, *libera me* a passibilitate corporis et imperio mortis. Vel, *In justitia*, id est propter justitiam meam mihi a te collatam, libera me.

3 2 *Inclina ad me aurem tuam*, impendendo mihi misericordiæ tuæ effectum : *accelera ut eruas me*, id est, cito age quod rogo, et tertia die resuscita me. 3 *Esto mihi in Deum protectorem* : id est, non solum sis mihi Deus meus eo modo quo es omnium Deus, sed per specialem curam ac gratiam esto Deus meus, videlicet ut in omni adversitate defendas me, protegend

Ibid. xv, 15. quod apud Jeremiam ait Salvator : Tu seis, Domine, recordare mei, et visita me, et tuere me ab his qui persequuntur me. Esto mihi quoque, o Domine, *et in domum refugii*, id est pro domo refugii, quatenus in omni necessitate ad te confugiam, atque in te securus sim. Quemadmodum homo ab hostibus insecutus, ad domum munitam fugit, et in ea tute quiescit ; sic oro et ego in te quiescere, stabiliri, et imperterritus permanere. *Ut salvum me facias* a corporis passibilitate, ac morte corporea.

4 Et hoc ideo oro, 4 *Quoniam firmamentum meum et refugium meum es tu* : id est, præter te aliud firmamentum non habeo, neque refugium ; sed tu es firmamentum meum, id est causa totius stabilitatis meæ, et refugium in quo sicut in ultimo fine quiesco. *Et propter nomen tuum*, id est propter te ipsum, seu nominis tui clarificationem ac venerationem, *deduces me* a cruce in sepulcrum, a sepulcro ad discipulos in conclave et alio, et ab eis, utpote a monte Oliveti, in regnum cœlorum ; *et enutries me*, transferendo me a nutrimento status mortalis, ad alimentum impassibilis status, et a cibo terreno ad cibum cœlestem. Vel, *Enutries me*, id est corpus meum mysticum, vide-

licet congregationem fidelium, dando eis gratiam paulatim proficiendi, ac spiritualis virtutem augmenti. Primitivam quoque Ecclesiam Deus enutrivit, quoniam de die in diem auxit fideles merito et numero, sicut in Actibus Apostolorum Lucas testatur : Verbum, inquit, Domini crescebat, et confortabatur valde, et Dominus auxit quotidie qui salvi fierent.

Act. vi, 7;
xii, 24; ii, 47.

5 *Educes me de laqueo hoc*, id est a mortis periculo, *quem laqueum absconderunt mihi*, id est, quem putabant Judæi se mihi occulte parare, et me eorum nequitiam ignorare. Putabant namque Judæi Christum nescire studia eorum contra se. Ideo autem Educes me de laqueo isto, *quoniam tu es protector meus*, sicut paulo ante precatus sum, dicens : Esto mihi in Deum protectorem. Et quia omnino sic est, idcirco ego Christus pendens in cruce, dico tibi, Pater : 6 *In manus tuas*, id est in potestatem et caritatem tuam, *commendo spiritum meum*, id est animam meam, commendatione gratiarum actionis, ut eam corpori statim reunias ; *redemisti me* ab omni pœna in ipsa separatione animæ meæ a corpore, *Domine, Deus veritatis*, id est causa, mensura et conservator omnis veritatis creatæ. Nam mors Christi fuit finis suæ miseriæ, et principium suæ felicitatis seu glorificationis in corpore. In proferendo hujus versus principium, scilicet, *In manus tuas commendo spiritum meum*, libenter sequi solent homines boni, qui vere sunt membra Christi, Caput suum, utpote Christum : ita ut ipsi dicant morti jam proximi, *In manus tuas commendo spiritum meum*. Et utinam, Domine Jesu, talem vitam mihi conferre digneris, ut in hora mortis meæ, hæc verba dulcissima, digne, fiducialiter atque affectuosissime promam.

5

6

Luc. xxiii,
46.

7 *Odisti*, o Domine, *observantes vanitates*, id est peccatores vana sectantes, *supervacue*, id est inutiliter. Quomodo autem Deus dicatur peccatores odio habere, quum tamen nihil eorum quæ fecit odio habeat, dictum est in expositione quinti psalmi,

7

Sap. xi, 25.

Ps. v. 7. in quo dicitur : Odisti omnes qui operantur iniquitatem. (8) *Ego autem in Domino speravi*, et non in me, sicut illi qui vanitates observant : de quibus Michæas ait,

Mich. ii. 1. Væ qui cogitatis inutile, et operamini malum in cubilibus vestris. Idcirco, Domine

8 Pater, *exsultabo forinsecus, et lætabor intrinsecus, in misericordia tua*, id est, contemplando tuam misericordiam, vel recipiendo ejus effectum. Hoc modo exsultavit atque lætatus est Christus in die resurrectionis.

9 *Quoniam respexisti oculo paternæ dilectionis ac piæ subventionis, humilitatem meam*, id est me Filium tuum mitem et humilem : *salvast de necessitatibus animam meam* : id est, de pœnis quas necesse fuit me pati propter verificandas Prophetarum Scripturas, eripuisti me per resurrectionem beatam. 10 *Nec conclusisti me in manibus inimici*, id est, non permisisti me comprehendi ac detineri finaliter in pœnis atque convitiis, quæ inferebantur mihi ab adversariis meis. Vel sic : Nee conclusisti me in manibus inimicorum, id est, non permisisti me superari et opprimi ab hostibus meis, sed ego potius superavi oppressique eos. Ideo subdit : *statuisti in die ascensionis, in loco spatioso*, id est in regno cœlorum, *pedes meos*, id est, me ipsum collocando ad dexteram tuam in solio majestatis tuæ. Hoc

Apoc. iii. 21. est quod in Apocalypsi ait Salvator : Qui vicerit, dabo ei sedere mecum in throno meo, sicut et ego vici, et sedi cum Patre meo in throno ejus. Vel sic : Statuisti in loco spatioso, id est in toto universo, pedes meos, id est virtutem meam operativam : quemadmodum apud Matthæum dicitur, Data est mihi omnis potestas in cœlo et in terra. Vel sic : Statuisti in loco spatioso, id est in latitudine caritatis, quæ angustari et coarctari non novit, pedes meos, id est opera mea et desideria. Nam Christus indesinenter caritatem habet ad nos, et caritative interpellat pro nobis. Vel : Statuisti in loco spatioso, id est, per totum mundum misisti, dispersisti ac col-

Matth. xxviii. 18.

Rom. viii. 31.

A locasti, pedes meos, id est sanctos Apostolos aliosque prædicatores devotos, qui sunt columna, basis ac pedes Ecclesiæ.

11 *Miserere mei, Domine*, liberando me in resurrectione ab istis miseriis, quibus pro hominibus crueior et occidor, *quoniam tribulor*, in passione variis pœnis ; *conturbatus est in ira oculus meus*, [anima mea et venter meus.] Quomodo hoc conveniat Christo, pensandum est. Nam in eo inordinata ira non fuit, nec aliqua passio ejus intellectum (qui nomine oculi designatur) impedivit in actu suo aut obnubilavit. Est igitur sensus : *Conturbatus est* conturbatione pœnali, non conturbatione culpabili, *in ira*, id est propter iram et iræ effectum, videlicet persecutionem inimicorum meorum Judæorum, *oculus meus*, id est ratio mea seu consideratio virtutis cogitivæ. Jam enim ostensum est, quod tempore passionis etiam intellectus atque voluntas animæ Christi patiebantur, secundum quod erant naturales potentie humanitatis Christi, quæ tota exstitit in dolore. Potest quoque per oculum intelligi corporalis oculus Christi : quoniam in passione, propter vehementissimam Christi pœnam, oculi ejus corporei obtenebrati, lacrimati, et item eversi sunt. 12 *Quoniam defecit in dolore vita mea*, id est, propter acerbitem pœnarum, extincta est in cruce vita mea corporalis, *et anni mei in gemitibus* : id est, tota conversatio mea in mundo a nativitate usque ad passionem, adversitatibus et compassionibus proximorum tam plena fuit, quod quasi defecisse, id est ab exultatione et prosperis minorata, videretur. Christus enim semper elegit quod carni molestius est, quatenus imitemur vestigia ejus.

13 *Infirmata est in paupertate virtus mea* : id est, omnipotentia mea seu divina potestas est infirmata, id est infirmæ ac debili potestati similis reputata, et apparen- ter assimilata : quoniam actionem suam suspendit, et naturam quam assumpsit, quodammodo dereliquit in paupertate, id est tempore abjectissimæ mortis meæ. Vel

10

41

Christus ex parte naturæ assumptæ sic ait : Infirmata est, id est variis infirmitatibus naturalibus atque defectibus indetrahilibus subdita, virtus mea, id est persona Verbi quod est virtus et sapientia Patris, et etiam virtus mea assumptam naturam fulciens et conservans. Hæc virtus infirmata est in paupertate, id est in humanitate assumpta, ita quod prædicationes prædictæ conveniunt ei ratione naturæ assumptæ, quamvis ipsa secundum se propriamque naturam impassibilis sit. Nam de persona Verbi seu Filio Dei, imo de vero et incommutabili Deo, vere conceditur quod sit incarnata, passa ac mortua, et per consequens infirmata. In Christo enim divina conveniunt homini, humanaque Deo ; sed quid, propter quid dicatur, intueri oportet. *Et ossa mea conturbata sunt*, id est, caro mea et tota corporalis natura infirmata est in gemitibus propter afflictionum mearum molestiam : sicut superius dictum est, Sicut aqua effusus sum, et dispersa sunt omnia ossa mea. Denique quod dictum est, Infirmata est in paupertate virtus mea, exponi potest de virtute seu fortitudine Christi corporali, humana et naturali, secundum illum intellectum quo antea dixit, *Aruit tanquam testa virtus mea*.

12 14 *Super omnes inimicos meos*, id est plus quam adversarii mei, *factus sum opprobrium*, id est contemptus et vilipensus, *vicinis meis*, id est his qui aliquando me sequebantur, et opera mea laudabant, jamque videbantur pertinere ad me. His factus sum opprobrium [valde], præsertim in passione, quando quidam eorum ex instructione principum sacerdotum, clamabant coram Pilato : Non hunc, sed Barabbam dimitte nobis. Factus sum quoque *et timor notis meis*, id est causa timoris his qui familiariter mihi adhærebant, videlicet Apostolis aliisque discipulis, qui ex timore fugerunt a me, et post passionem clausi sedebant in conclavi propter metum Judæorum. (15) *Qui videbant me, foras fugerunt a me* : id est, tam horribiliter et misera-

biliter patiebar, tractabar et apparebam, quod homines ex solo adpectu abominati sunt me, atque aversi a me. *Oblivioni datus sum, tanquam mortuus a corde* : id est, statim dum eram sepultus, obliti sunt mei infideles Judæi : non simpliciter, quia fecerunt custodiri sepulcrum ; sed quantum ad hoc, oblivioni datus sum, quod nihil curabant de me, nec reputaverunt me pro aliquo quasi resurrecturus essem a morte, sed inter damnatos et reprobos aestimaverunt computandum. Hoc modo usque in hodiernum diem datus est oblivioni in cordibus Judæorum : non tamen simpliciter obliti sunt ejus, quia quotidie blasphemant nomen ejus, et orant pro destructione Romani imperii atque extinctione nominis christiani.

(16) *Factus sum tanquam vas perditum* : id est, ita a Judæis contemptus sum, quasi nulli utilitati proficius essem, nec aliquid boni continerem in me, sed essem fraudibus atque blasphemiiis plenus. Reprobi enim dicuntur vasa perditia, quoniam a gratia vacui sunt, nilque meritorium continent ; electi vero appellantur vasa felicia, sicut de Paulo Christus, *Vas*, inquit, electionis est mihi iste. Ideo autem ego Christus assero me factum tanquam vas perditum, *quoniam audiivi vituperationem multorum commorantium in circuitu*. Nam in diebus azymorum, populi universæ Judææ in circuitu Jerusalem habitantes confluerant ad ipsam urbem Jerusalem : et hi pene omnes consenserunt in mortem Christi, vituperantes eum. (17) *In eo tempore dum convenirent simul adversum me*, scilicet in die Parasceves, *accipere animam meam consiliati sunt*, id est, occidere vitam meam corporalem consulerunt. Nam coram Pilato clamabant : Tolle, tolle, crucifige eum.

(18) *Ego autem in te speravi, Domine* : sicut in exordio psalmi dictum est atque expositum. *Dixi : Deus meus es tu*, id est, coram hominibus confessus sum, teque veraciter colui, ideirco false accusor et injuste condemnor ; *in manibus tuis*, id est

13

Matth.
xxvi, 61 66.

Act. ix, 15.

14

Joann. xix,
15.

15

16

Ps. xxi, 15.

Ibid. 16.

Joann. xviii,
40.Matth.
xxvi, 56.Joann. xx,
19.

in virtute ac dispositione tua, sunt *sortes meæ*, id est eventus mei vel tempora mea. Quasi dicat : Quidquid mihi contingit, in potestate tua repositum est, et potes me liberare ab illo ; nec aliquid evenit mihi, nisi secundum moderamen sapientiæ tuæ : propterea patienter cuncta sustineo, sciens te non sine magna ratione permittere.

19 *Eripe me*, per resurrectionem beatam et acceleratam, *de manu inimicorum meorum*, id est de potestate Judæorum crucifigentium me, *et a persequentibus me*, id est, corpus meum mysticum tuere a persecutoribus suis. Unde Paulo adhuc sæ-

Act. ix, 4.

Matth. xxv,
40.

17

vientis Christus dixit : Saule, Saule, quid me persequeris ? Hoc ergo Christus pro Ecclesia orat, quia quod fidelibus suis infertur, ipse sibi ipsi inferri testatur. 20 *Illustra faciem tuam super servum tuum*. Christus a principio sapientia plenus fuit, et comprehensor perfectus : non ergo pro illuminatione sui intellectus nunc orat. Quid itaque est quod ait, *Illustra faciem tuam super servum tuum*, nisi quod alibi ait, *Clarifica me tu, Pater*, apud temetipsum, claritate quam habui priusquam mundus esset ? Orat igitur Christus ut lux divina corpus suum claritate gloriosa adornet, atque hominibus gloriam suam revelet. *Salvum me fac a morte et pœnalitatibus corporis, in misericordia tua*, id est propter te ipsum, et nominis tui bonitatem. Quamvis Christus justissime meruit tertio die resurgere, tamen potius quærit exaudiri a Patre propter divinam bonitatem, quam humanam justitiam. In quo præstat nobis exemplum, quatenus quantumeumque profecerimus aut justi fuerimus, semper in misericordia Dei principaliter confidamus.

Joann. xvii,
5.

18

Domine, non confundar, id est, non inveniar falsum dixisse, asserendo me tertio die resurrecturum, *quoniam invocavi te*, id est, interna affectuosaque prece, pro hac re deprecatus sum te. Itaque, Non confundar ego, sed potius 21 *Erubescant impii*, id est blasphemæ Judæi, *et deducantur in infernum*, in æternum damnati.

A Hoc Christus dicit, vel prædicendo quod futurum erat, vel se divinæ justitiæ conformando, vel explicando quid reprobis mereantur. *Muta fiant labia dolosa* : id est, ora Judæorum, qui me dolose occidere tentaverunt, retundantur atque claudantur, et comprehendantur astuti in sua astutia ; 22 *Quæ loquuntur adversus justum iniquitatem*, id est, quæ mihi Sancto Sanctorum, et justo Filio Dei, peccata imposuerunt, *in superbia*, qua me aspernabantur et vilipendebant, *et abusione*, qua

19

B beneficiis meis abusi sunt, omnia opera mea atque miracula dæmoni adscribendo, et meam doctrinam tanquam seductionem reputando : ac per hoc abusi sunt bonis meis, quia unde meliorari debebant, inde pejores effecti sunt. Hinc Stephanus dixit Judæis : Dura cervice et incircumcisi corde et auribus, vos semper restitistis Spiritui Sancto, sicut et patres vestri. Quem Prophetarum non sunt persecuti patres vestri ? Et occiderunt eos, qui annuntiaverunt de adventu Justi : ejus vos nunc C proditores et homicidæ fuistis.

Act. vii, 51,
52.

25 *Quam magna multitudo dulcedinis tuæ, Domine !* Hoc noverunt, qui eam experti sunt. Et quoniam nemo eam tam plene experiebatur in hac vita ut Christus, idcirco nemo tam congruenter dicere potest verbum istud, quam Christus. Denique multitudo dulcedinis Dei, in suo fonte, videlicet in ipso Deo, est vere immensa, imo intensive atque simpliciter infinita ; sed et multitudo dulcedinis Dei, quam ipse carissimis suis ministris in D præsentī vita sæpe infundit, magna est nimis, et omnem carnalem dulcedinem prorsus excedens : et ista dulcedo est quoddam præambulum futuræ dulcedinis Beatorum.

20

Quam abscondisti timentibus te. Duplex est timor, videlicet filialis atque servilis. Secundum hoc dupliciter potest exponi hic locus. Primo sic : *quam dulcedinis tuæ multitudinem, abscondisti*, id est, occultasti, ignotam fecisti et inexpertam, *timentibus te* timore servili. Tales enim neque digni sunt, neque capaces degustationis

divinæ dulcedinis, quoniam operantur bona, non amore boni, sed horrore supplicii. Secundo sic : *quam abscondisti*, id est, occulte ostendisti, et per gustum internum in cordis abscondito declarasti, *timentibus te* timore filiali. Hi enim, quoniam omnem inordinatam lætitiā, omnem corporalem delectationem, omnemque superfluum consolationem contemnunt, et semper solliciti sunt ne Deum quem filialiter super omnia diligunt, aliquo modo offendant; propterea experiri merentur quanta sit multitudo dulcedinis Dei. Verumtamen interdum timentes Deum timore initiali, sicut noviter conversi, ad horam admittuntur ad mensam filiorum, ita ut paululum gustent dulcedinem Dei, et clament ad Dominum : Quam magna est multitudo dulcedinis tuæ, Domine ! Sed hoc eis præstat Sapientia Dei Jesus Christus, quatenus eos sibi alliciat, ab exterioribus revocet, ad interiora invitet, in adversis constantes efficiat, faciatque eos in die malorum, memores esse bonorum. Unde hujusmodi magna egent cautela et discretione præcipua, ne dum prædicta consolatione diutius carent, pusillanimes fiant, vel eam importune desiderent : imo Domino committendum est quando eam donare dignetur.

Hanc divinæ dulcedinis multitudinem experiri, est edere de micis quæ cadunt de mensa dominorum suorum, scilicet beatorum comprehensorum; estque ad mensam Christi sedere, ad quam Sapientia Dei Patris invitat suos electos, dum ait : Comedite, amici, et bibite; et inebriamini, carissimi. Et : Transite ad me, omnes qui concupiscitis me, et a generationibus meis implemini; spiritus enim meus super mel dulcis, et hereditas mea super mel et favum. Ad hanc quoque mensam sedit beatissimus Jeremias, qui diem hominis, id est delectationem temporalem et corporalem aut humanam, non concupivit, quemadmodum ipse de se in libro visionum suarum profitetur : Factum est mihi verbum tuum, Domine, in gaudium et lætitiā cordis mei. Et alio loco : Factus est,

A inquit, sermo Domini in corde meo, quasi ignis exæstuans, claususque in ossibus meis; et defeci, ferre non sustinens. Hinc ait Apostolus : Sicut abundant passionēs Christi in nobis, ita et per Christum abundat consolatio nostra.

24. *Perfecisti eis qui sperant in te, in conspectu filiorum hominum* : id est, prædictam dulcedinis tuæ multitudinem perfecte ostendisti, et gustare fecisti eos qui non erubescunt nomen tuum coram hominibus, qui propter spem quam habent in

B te, patienter ferunt adversa, et in omni persecutione atque contemptu sperant in te, non erubescences viam justitiæ.

25. *Abscondes eos in abscondito faciei tuæ, a conturbatione hominum* : id est, corda eorum qui dulcedinem tuam degustant, convertes ad te, et ab exterioribus reduces ad interiora, ut ponant se in præsentia vultus tui per contemplationem sinceram, ne ab hostibus conturbati, amittant gustum internum et tranquillitatem mentis. Absconditum enim faciei divinæ, est ipsa con-

C templatio ejus, per quam occulte ad Deum convertimur; vel ipsamet facies Dei, quæ mundanis hominibus abscondita est, quoniam in malevolam animam non introibit sapientia. Hoc modo abscondit Deus contemplativos ac solitariam vitam ducentes : quorum animabus competit quod per Osee Dominus dicit, Ecce ego lactabo eam, et ducam eam in solitudinem, et loquar ad cor ejus. 26. *Proteges eos in tabernaculo tuo*, id est in militanti Ecclesia, vel potius in ipso eorum cordis cubiculo, in quo intra se conversi, stant in Deo securi, a contradictione linguarum, id est a strepitu adversantium veritati, et ab omni tumultu eorum qui interiorem suavitatem auferre conantur. Ex quibus ostenditur quam sit necesse, eum qui vult divinam experiri dulcedinem, fugere homines, fugere lites et contradictiones, omnesque sæculares tumultus, ut sit corde tranquillus ac stabilis.

27. *Benedictus Dominus*, id est, laudatus sit Deus, et benedicatur ac glorificetur

II Cor. 1, 5.

Luc. ix, 26;
I Petr. ix,
16.

21

Sap. 1, 4

Osee ii, 14.

22

Eccli. xi,
27.

Matth. xv,
27.

Cant. v, 1.

Eccli.
xxx, 26, 27.

Jer. xxi, 16.

Ibid. xx, 16.

Ibid. xx, 9.

ab omnibus. *quoniam mirificavit misericordiam suam mihi*, id est, mirabiliter magnam gratiam misericorditer mihi impendit, *in civitate munita*, id est in Ecclesia militanti ac triumphanti, quarum utraque firma est, et Deo protegente munita. Hoc maxime convenit Christo : nam ejus humanitas, sola misericordia Dei, assumpta est ad personalem unionem cum Verbo, ab omni culpa præservata, et omni gratia adimpleta, quantum creata potest capere natura. Hanc autem misericordiam contulit Deus Christo homini, primo in terris : et deinde in cœlis conservavit et adimplevit eamdem. Vel : Benedictus Dominus, quoniam mirificavit misericordiam suam mihi, id est ad laudem et gloriam meam, in civitate munita, id est in populo christiano, dando eis diversa charismata Spiritus Sancti, atque ineffabilem gratiam ejus, præsertim in primitiva Ecclesia, et in die Pentecostes, dum misit ad instantiam meam Spiritum Sanctum in igneis linguis. Unde Christus discipulis dixit : Ecce ego rogabo Patrem, et alium Paracletum dabit vobis, ut maneat vobiscum in æternum, Spiritum veritatis, quem mundus non potest accipere.

28 *Ego autem dixi in excessu mentis meæ*, id est in magna passione et cordis mei ecstasi quadam : *Projectus sum a facie oculorum tuorum*, id est derelictus ab adspectu tuæ pietatis paternæ. Christus enim in cruce clamavit : Deus meus, Deus

meus, ut quid dereliquisti me? Quod qualiter intelligendum sit, in expositione psalmi vicesimi primi præhabitu est. 29 *Idcirco*, id est, quia in tanta angustia invocavi te, *exaudisti vocem orationis meæ, dum clamarem ad te*, dicendo in cruce : Pater, ignosce illis, et, In manus tuas commendo spiritum meum. Idcirco, 30 *Diligite Dominum, omnes sancti ejus*, id est, qui immaculatam vitam ducitis, et sine reprehensione atque querela Domino servitis, *quoniam veritatem requirit Dominus*, id est, justitiam exiget, et pro me, qui tanta patior sine propria culpa, judicabit, nilque indiscussum relinquet ; *et retribuet abundanter facientibus superbiam* : quia pro culpa temporali infliget eis pœnam æternam, quemadmodum scriptum est : Si ascenderit usque ad cœlum superbia ejus, et caput ejus nubes tetigerit, quasi sterquilinum in fine perdetur. Luet quæ fecit omnia, nec tamen consumetur ; juxta multitudinem adinventionum suarum sustinebit. Idcirco in Apocalypsi habetur : Quantum glorificavit se, et in deliciis fuit, tantum date illi tormentum et luctum. Et apud Sophoniam Dominus ait : Visitabo super omnem qui arroganter ingreditur. 31 *Viriliter agite præcepta sive consilia Christi, et confortetur cor vestrum in gratia Dei* : sicut ait Apostolus, Optimum est gratia stabiliri cor ; *omnes qui speratis in Domino*. Qui enim in se ipsis confidunt, deficient.

Luc. xxiii, 34, 46.

24

Job xx, 6, 7, 18.

Apoc. xviii, 7.

Soph. i, 9.

25

Hebr. xiii, 9.

ARTICULUS LXVIII

EXPOSITIO EJUSDEM PSALMI TRICESIMI DE ECCLESIA, ET QUOCUMQUE FIDELI IN TRIBULATIONIBUS CONSTITUTO.

PORRO Ecclesia, quilibetque fidelis persecutionibus, tentationibus et variis pœnis lassatus, in se ipso quoque deficiens, ad Deum confugiat, et corde devotissimo dicat : *In te, Domine, speravi*, non

in viribus meis : ideo *non confundar in æternum*, id est, non cadam a spe mea, nec priver effectu ipsius, nec a tentationibus vincar, atque æternam confusionem incidam post vitam præsentem. *In justitia*

- tua*, quæ est ipsa essentia tua : in hac A loco, tempore, atque negotio eum paterne
justitia, qua sperantes in te salvas, et præ-
sumentes de se atque malignos relinquis,
libera me a tentationibus et omni pericu-
lo interioris salutis. Vel, In justitia tua, id
est propter meritum justæ conversationis,
quam mihi dedisti, ita ut sperarem in te;
libera me, non permittendo me tentari,
affligi et concuti supra id quod possum
sufferre, sed faciendo eum tentatione pro-
ventum, sic ut omnia cooperentur mihi
in bonum.
- 1 Cor. x, 13. Rom. viii, 28.
- 3 *Inclina ad me aurem tuam*, id est, mi- B
sericordiam tuam effunde super me, et
preces meas pio favore proseguere. Satis
autem dictum opinor, quomodo in Deo
non sunt corporeæ aures; sed misERICOR-
dia per quam exaudit, et sapientia per
quam universa cognoscit Deus, sunt aures
ejus. *Accelera ut eruas me*, id est, cito et
immediate succurre, quoniam vehemen-
ter indigeo. *Esto mihi in Deum protecto-*
rem, id est, sis tu Deus protector meus,
et in domum refugii, id est salvator, ad
quem semper fiducialiter fugiam; *ut sal-*
vum me facias, id est, eruas me ab omni C
peccato cordis, oris et operis. *Propter no-*
men tuum deduces me in isto exilio, os-
tendendo mihi viam bonam per illumina-
tionem internam, deducesque me de via
ad patriam; *et enutries me*, dando mihi
panem quotidianum, panem sacramenta-
lem, panem gratiarum, panem lacrima-
rum, et ab omni imperfecto animalique
statu, ad statum spiritualem atque perfe-
ctum me transferendo.
- Matth. vi, 11.
- 5 *Educes me de laqueo hoc quem abscon-* D
derunt mihi: id est, ab insidiis omnium
adversariorum meorum, præcipue dæmo-
num, quorum laquei tanto sunt periculo-
siores quo invisibiliores, salvabis me. Ab
his laqueis educit nos Deus per angelorum
custodiam, per Sanctorum suffragia, per
orationum merita, gratiam conferens, per
quam illuminamur, roboramur, et vitiis
reluctamur. *In manus tuas commendo spi-*
ritum meum, tam in corpore existentem
quam de corpore egredientem, ut in omni
- 7 *Ego autem in Domino speravi*, id est in bonitate et misericordia Christi, et
in virtute ac merito passionis ipsius, spe-
rans ab ejus misericordia adipisci quidquid
mihi salubre est, per sanguinis sui pre-
tium mortisque meritum, atque per digni-
tatem et sanctitatem totius conversationis
suæ in sæculo isto. *Exsultabo et lætabor*
in misericordia tua, id est in contempla-
tione tantæ pietatis ac beneficentiæ tuæ.
- 8 *Quoniam respexisti humilitatem meam*,
id est, pie considerasti paupertatem, vili-
tatem, parvitatemque meam, et subvenisti
mihi egeno et fragili. Nam *salvast* de ne-
cessitatibus animam meam, id est de ma-
lis quæ evadere nequeo : ut sunt mala
venialium peccatorum, de quibus salvat
nos Christus per pœnitentiam; mala na-
turalium passionum atque hostilium per-
secutionum, de quibus salvat nos Christus
per patientiam; mala quoque corporalium
indigentiarum, de quibus salvat nos Chri-
stus per temperantiam. Ab his necessita-
tibus jam salvati sumus in spe, et in futu-
ro salvabimur de eis in re, quando mortale
hoc induet immortalitatem, et corruptibili
incorruptionem. Unde Apostolus : Spe,
inquit, salvati estis. Et Isaïas : In silen-
tio, ait, et spe erit fortitudo vestra. *Nec*
conclusisti me in manibus inimici, id est,
non permisisti me superari et rapi ab ho-
stibus meis, nec damnasti me, dum di-
gnus eram damnatione, in mortali peccato
vivendo; sed *statuisti in loco spatioso*, id
est in ipsa Ecclesia, quæ per orbem terra-
rum longe ac late diffunditur, *pedes meos*,
id est me ipsum et opera ac desideria
mea, subjiciendo me præceptis ac monitis
sanctæ matris Ecclesiæ.
- 10 *Miserere mei, Domine*, misericorditer
indulgendo, celeriter succurrendo, et for-
titer triumphando, *quoniam tribulor* con-

cupiscentiis malis, tentationibus variis, A
pœnis diversis; *conturbatus est in ira*
oculus meus, id est, passio iræ interdum
immoderata fuit in me, perturbans ratio-
nis iudicium. Vel sic: Conturbatus est in
ira oculus meus, id est, propter peccata
mea tam iratus fui mihi ipsi, sicque ultus
sum ea in me, ut oculus meus tam inte-
rior quam exterior aliqualiter turbaretur,
non tamen vitiose: nam et ira per zelum,
rationem aliquo modo perturbat; ira vero
per vitium, eam excæcat. Vel: Conturba-
tus est in ira, id est propter iram adversa-
riorum meorum contra me, oculus meus.
Anima mea, id est vita mea sensitiva ac
animalis, *et venter meus*, id est corpus
ipsum. Passio enim iræ fit cum corporali
transmutatione, et ita conturbat et afficit
totam naturam irascentis. Per ventrem ta-
men intelligi potest memoria, quæ est
velut venter et locus specierum et cogita-
tionum. *Quoniam defecit in dolore vita*
mea, id est, tantis miseriis, angustiis, pœnis
atque tristitiis plena fuit, quod ad defe-
ctum sive interitum multum appropinqua-
vit. Passiones quippe, præsertim pœnales,
ut odium, ira, tristitia, timor et dolor, cor-
poralem vitam vehementer abbreviant, et
nonnunquam omnino extinguunt, propter
innaturalem transmutationem quam cor-
pori inferunt. *Et anni mei*, id est conver-
satio mea, per annos exacta, defecit in
gemitibus et singultibus, quibus affligor
et gemo, propter mala quibus mundum
repletum conspicio, quibus et ego afficior
ac diversimode crucior.

Infirmata est in paupertate virtus mea:
id est, perfectio cordis mei et exercitatio
bona, frequenter interrumpitur ac debili-
tatur, propter carnis fragilitatem et neces-
situdines corporales; *et ossa mea*, id est,
fortiores virtutes animæ meæ, *conturbata*
sunt, id est ab actione sua suspensæ, im-
peditæ ac motæ: quoniam passiones inte-
riores et exteriores frequenter impediunt
actum virtutum, eo quod anima circa unius
potentiæ operationem intenta, minus queat
vacare operationi alterius potentiæ.

Super omnes inimicos meos, id est ma-
gis quam omnes hostes mei: non quod
ego odio habeam eos, sed quia odiunt me;
factus sum opprobrium vicinis meis, id
est conchristianis et proximis seu carne
propinquis, *valde*, ita ut multum abhor-
reant ac spernant me, propter adversa et
mala quæ mihi contingunt; *et timor no-
tis meis*: id est, tantis miseriis et affli-
ctionibus sum repletus, ut familiares mei
me viso timerent, meque relinquerent, ne
similia mala inciderent.

B Iste versus cum tribus sequentibus, ma-
xime convenit Ecclesiæ vehementer op-
pressæ a tyrannis, hæreticis, schismaticis
et persecutoribus, sicut erat primitiva Ec-
clesia, et sicut erit Ecclesia tempore An-
tichristi; unicuique quoque fidelium, cui
multum successus adversi eveniunt, et qui
infortunatus videtur, atque præ ceteris
sibi propinquis ac notis contemptus, qua-
lis erat beatissimus David auctor psalmi
præsentis, quando Saul eum persequeba-
tur. Nam et occasione illius persecutionis
C creditur fecisse hunc psalmum. Unde et
psalmus iste facile de eo exponi posset,
si devotionem importaret. Præcipue ergo
competunt verba ista sanctis martyribus
et iustis hominibus a toto mundo con-
temptis. Talibus namque Christus in Evan-
gelio ait: Trademini autem a parentibus
et propinquis et amicis, et eritis odio om-
nibus hominibus propter nomen meum.
Et: Amen, amen dico vobis, quia plorabi-
tis et flebitis vos, mundus autem gaude-
bit; vos autem contristabimini, sed tristitia
vestra vertetur in gaudium.

Prædictis denique convenit quod sequi-
tur: *Qui videbant me* ita afflictum et mi-
serum, *foras fugerunt a me*, ne fierent
participes pœnarum mearum, vel ne vi-
derentur consentientes mihi, atque ob hoc
associarentur mihi in pœnis. Hoc est quod
sanctus Job ait: Fratres mei elongaverunt
a me, et noti mei quasi alieni recesserunt
a me. *Oblivioni datus sum tanquam mor-
tuus a corde*, id est, prædicti vicini ac
noti mei, obliti sunt mei, nil curando de

12

1 Reg. xlviii-
xxi, xxiii,
xxiv, xxvi.

Luc. xxi, 16,
17.

Joann. xvi,
20.

Job vi, 15;
xix, 13.

13

me, nec compatiendo, neque succurrendo A
miseriis meis. *Factus sum tanquam vas*
perditum, id est, omnino vilis et inutilis
reputatus sum, quasi ad aliud nihil va-
14 lens, nisi ad conculcationem : *quoniam*
audivi vituperationem multorum commo-
rantium in circuitu : id est, vicini et noti
mei inter quos habito, vituperant me, de-
trahendo, calumniando, et persequendo. *In*
eo casu, conventu, negotio vel tempore,
dum convenirent simul adversum me, facti
concordes ad infestandum virum inno-
xium, *accipere animam meam consiliati*
sunt, id est, consilium habuerunt inter
se, ut vitam meam exstingerent, læde-
rent, aut suæ voluntati perversæ subjee-
rent, conantes me a via recta subvertere, et
suis injustitiis conformare.

15 *Ego autem in te speravi, Domine,* con-
fidens tua pietate præservari ac trium-
phare. *Dixi ex corde et animo : Deus*
meus es tu, quem singulariter colo et di-
16 ligo, et cui æternaliter adhærebo. *Eripe*
me de manu inimicorum meorum, id est
de potestate adversariorum meorum, ne
eis in malo consentiam, *et a persequenti-*
bus me, ne vitam meam corrumpant malo
17 exemplo, fraude, aut simili modo. *Illu-*
stra faciem tuam, id est, radium tuæ noti-
tiæ ac lucem sapientiæ tuæ effunde *super*
me servum tuum, illuminando fidem, di-
rigendo in omnibus rationem, et cœle-
stium contemplationem intellectui infun-
dendo ; *salvum me fac,* in præsentī ab
omni peccato per gratiam, *in misericordia*
tua, id est propter bonitatis tuæ clemen-
18 tiam. *Domine, non confundar propria pec-*
cata confiteri, tuam legem servare ; nec
confundar, repellar, seu reprober a te,
præsertim quum fuero tuo tribunali obla-
tus, quoniam invocavi te.

Erubescant impii, id est, confusione
digni appareant, *et deducantur in infer-*
num post vitam præsentem. Hoc dicit Chri-
stianus fidelis de impiis, eo modo quo
Christus, videlicet prædicando quid res-
tat, vel insinuando quid mali merentur,
19 vel conformando se divinæ justitiæ. *Muta*

fiant labia dolosa : id est, fraudulenta ver-
ba proferre prohibeantur a te, et cessent
detrahere, vel jam per pœnitentiam, vel
in futuro per pœnam ; *quæ loquuntur ad-*
versus justum, quicumque sit ille, *ini-*
quitatem, eum mendaciter criminando, *in*
superbia, id est ex proprii cordis tumore,
et abusione, id est ex perversa interpreta-
tione, qua vitam justi ex simulatione seu
vana intentione procedere asserunt ; et
sic abutuntur bono exemplo justorum :
nam inde invidia inflammantur, unde ædi-
B ficari debebant.

Benedictus Dominus, id est, gratias ago 22
Deo, et laudo eum, *quoniam mirificavit,*
id est magnam fecit, *misericordiam suam*
mihi, dando mihi gratiam magnam, in-
dulgentiam integram, profectum in bono,
et alia dona mihi indignissimo contulit :
in quo constat, quam mirabiliter magna
sit misericordia ejus. Hanc autem miseri-
cordiam suam mirificavit mihi *in civitate*
munita, id est in anima mea, quæ est
civitas regis cœlestis, quando virtutum
C consonantia venustatur ; vel, In civitate
munita, id est in congregatione devota
seu claustrum ; vel certe in ipsa Ecclesia,
faciens me vivum fideleque membrum
ipsius. *Ego autem dixi in excessu mentis*
meæ, id est ex abundantia tribulationum,
et ex quadam alienatione cordis mei a se
ipso, quæ accidit ex dolore, timore, seu
acerbissima aliqua afflictione : *Projectus*
sum, id est derelictus sum, *a facie oculo-*
rum tuorum, id est ab effectu tui piissi-
mi respectus, videlicet a gratia et miseri-
D cordia tua. Superius dixit ex abundantia
divinæ consolationis et gratiæ, Non move-
bor in æternum ; nunc dicit ex abundan-
tia tribulationis et miseriæ, Projectus sum
a facie oculorum tuorum. Et videtur utrum-
que esse incautum, quoniam inter prospe-
ra et adversa semper regia debemus in-
cedere via, ne in prosperis extollamur aut
nimium gloriemur, nec in adversis deji-
ciamur, quemadmodum scriptum est : In
die bonorum ne immemor sis malorum,
et in die malorum ne immemor sis bo-

22

23

Ps. xxix, 7.

Eccli. xi,
27.

II Cor. vi,
4, 7.

norum. Et sapientissimus Paulus : In omnibus exhibeamus nos sicut Dei ministros in multa patientia, per arma justitiæ a dextris et a sinistris. Quæ autem jam exposita non sunt, ex præcedenti expositione satis innotescunt.

Ecce quam præclarus, mysterialis, affectuosusque psalmus, in quo tam ardentissimæ preces continentur, in quo verba bonæ spei abundant, in quo Christi passio explicatur, in quo divinæ dulcedinis copia commemoratur, in quo Dei beneficia describuntur, in quo humanæ infirmitatis fragilitas reseratur, et quid nos pati oporteat, si Christi vestigia sequi optamus, ostenditur. Cum quanta ergo ardentissimæ dilectionis devotione, cum quanta spei fiducia et orationis fervore cantare nos

A deet psalmum tam splendidum, præsertim in Completorio, usque ad illum versum, In manus tuas commendo spiritum meum! Quem versum dicendo, recommedare debemus nos ipsos totaliter fidei Creatori nostro, cum ingenti affectu ac plena fiducia contra omnes noctis molestias.

PRECATIO.

Spes et salus fidelium Deus, in te sperantes non confundamur in æternum, lapsis nobis te exorantibus aurem clementiæ inclina propitius, et laxando debita mitis nos justifica, atque indulta delictorum venia, salva nos ineffabili misericordia tua.

ARTICULUS LXIX

EXPOSITIO PSALMI TRICESIMI PRIMI : BEATI QUORUM REMISSÆ SUNT INIQUITATES.

PSALMUS nunc exponendus, hoc titulo prænotatur : *Intellectus David*, id est cognitio veraciter pœnitentis. Docet enim hic psalmus, quid necesse sit intelligere peccatorem vere pœnitere volentem, scilicet ut expurgatos a vitiis, beatos existimet, seque ad eorum statum perducere desideret. Quod quoniam fieri nequit, nisi propria confiteatur atque deplangat peccata, et divinæ pietati ac gratiæ totaliter innitatur; ideo docet hic psalmus priorum peccatorum humilem confessionem, ac fiducialem ad misericordiam Dei refugium.

4 **D**AVID ergo in persona pœnitentis loquens, ait : (1) *Beati quorum remissæ sunt iniquitates*, id est, quibus Deus omne peccatum dimisit, per pœnitentiam salutarem, gratiam baptismalem, aut simili

C modo; et beati sunt quorum tecta sunt peccata, id est per emendationem et gratiam ita deleta, quasi nunquam fuissent : sic quod Deus ea ignorat, quoniam non commemorat nec vindicat ea de reliquo, quamvis ejus agnitionem nil lateat. Realiter vero idem sunt, iniquitatis remissio, peccatique tectio. (2) *Beatus vir*, id est felix homo : felix, inquam, in spe et gratia, futurus felix in re et gloria; cui non imputavit Dominus peccatum, id est, qui divino judicio reputatur a peccato immunis et absolutus. Deus enim non fallitur, sed homo decipi potest. Idcirco non propterea beatus, cui homo non imputavit peccatum; sed multum beatus est, cui Deus peccatum non imputavit, præsertim egredienti de corpore. *Nec est in spiritu*, id est in intentione et voluntate ejus dolus, id est simulatio, falsa confessio, pal-

liata excusatio; sed ex intimo corde peccata sua deplangit, confitetur, emendat.

Hi ergo beati sunt, sed ego infelix et miser sum. 5 *Quoniam tacui*, id est, abscondi vitia mea, idcirco *inveteraverunt ossa mea*, id est, vetustate pravae consuetudinis et diuturnitate peccati consumptæ sunt virtutes animæ meæ, mihi in Baptismo aut postmodum infusæ, seu acquisitæ. Peccata enim non confessa neque contrita, caritatem et gratiam omnesque virtutes mortificant et expellunt. Inveteraverunt itaque ossa mea, *dum clamarem tota die*, id est, dum incessanter loquerer vana, et magna de me ipso præsumerem, aliosque aspernarer. Non ergo celemus vitia nostra, nec veterascat peccatum in mentibus nostris; sed attendamus illud Jer. iv, 14. Jeremiæ: Usquequo morabuntur in te cogitationes noxiæ? Illud quoque Job: Si abscondi quasi homo peccatum meum, et celavi in sinu meo iniquitatem meam.

4 *Quoniam die ac nocte*, id est, indesinenter, *gravata est super me manus tua*: id est, adversitates et pœnæ quæ infliguntur a tua justitia pro peccatis, multiplicatæ et aggravatæ sunt in me, ita ut castigans castigasti me flagellis diversis, quatenus redirem ad te: quod etiam feci. Nam sequitur: *conversus sum in ærumna mea*: id est, propter afflictiones, adversitates atque misérias quæ mihi tuo moderamine evenerunt, attendi peccata mea, et discussi conscientiam meam; intellexique mihi tanta adversa contingere propter peccata mea quibus offendi te. Idcirco in hac ærumna conversus sum ad te, *dum configitur spina*, id est, dum ærumna seu miseria mea variis doloribus atque pœnarum puncturis afficitur. Hoc convenit his qui compelluntur intrare: qui quamdiu prosperantur, Deum contemnunt, sed quum adversitatibus fatigantur, incipiunt se ipsos attendere. Hæc autem aggravatio manus Dei super peccatores in vita præsentī, ad magnam misericordiam pertinet. Electos namque solet Deus in hoc sæculo castigare et tribulare, ne æternaliter per-

397
eant. Unde hanc castigationem Jeremias desiderans: Corripe (inquit) me, Domine, Jer. x, 24. verumtamen in iudicio, et non in furore tuo, ne forte ad nihilum redigas me. Hinc et apud Michæam habetur: Iram Domini Mich. vii, 9. portabo, quia peccavi ei. Et per Osee Dominus ait: Ecce ego sepiam viam tuam Osee ii, 6. spinis, et sepiam eam maceria. Et apud Jeremiam: Castigabo te in iudicio, ut non Jer. xxx, 11. tibi videaris innoxius.

5 *Delictum meum*, id est peccatum omissionis, *cognitum tibi feci*, humiliter B confitendo: non quod Deus aliquid nesciat, sed loquitur ad Deum humano more, secundum quem dicitur aliquid alteri notificari, dum publice revelatur; *et injustitiam meam non abscondi*, id est, peccata commissionis confessus sum. Debe- mus enim non solum nos ipsos discutere, judicare, damnare et corrigere propter mala quæ fecimus, sed etiam propter bona quæ omisimus: quia non solum arbor faciens fructum malum, in ignem mittitur; sed et illa quæ non facit fructum bonum, excidetur et comburetur. Superius dixit beatos, quorum tecta sunt peccata; nunc asserit se peccatum suum publicasse Domino, et non abscondisse; in quo innuit, quod illorum peccata Deus tegit, et dæmon accusare non valet, qui sua peccata integre confitentur, nec abscondunt. Ideo subditur:

6 *Dixi*, id est, mente proposui: *Confitebor adversum me*, id est, me ipsum non alios accusando et inculpando, *injustitiam meam Domino*, id est ad gloriam Dei quem D offendi. Sic tu confiteri debes peccata tua, omne malum tuæ ignaviæ, malitiæ, seu fragilitati attribuendo, non te ipsum excusando, et alios criminando. Alias timendum est tibi quod Dominus ait: Ecce ego judicio contendam tecum, eo quod dixeris, Non peccavi. Et iterum: Arguet te malitia tua, et aversio tua increpabit te. Itaque, Dixi, Confitebor adversum me injustitiam meam Domino: nec frustra, quoniam sequitur, *et tu, Domine, remisisti impietatem peccati mei*, id est impium

Jer. x, 24.

Mich. vii, 9.

Osee ii, 6.

Jer. xxx, 11.

5

Matth. iii, 10; vii, 19.

Luc. xiv, 23.

Jer. ii, 35.

Ibid. 19.

peccatum meum. Ecce quanta benignitas Dei, qui naturaliter bonus est, essentialiter clemens, cui proprium est misereri semper et parcere. Mox quippe ut dixit se confessurum Domino, Dominus ei indulsit. Quocumque enim momento peccator gemuerit pro peccato, iudicium et justitiam fecerit, Deus protinus ei ignoscit. Nihilominus debet Christianus, quum opportunum fuerit, confiteri vicario Dei : alias propter inobedientiam damnaretur. Nec confessio coram Deo meretur nunc remissionem peccati, nisi aliquo modo includat propositum confitendi presbytero, si possibile fuerit : ideo propositum executioni mandandum est. Debet autem confessio non ex solo servili timore procedere, sed etiam ex caritate : alias meritoria non esset de condigno. Tamen si facit peccator quod in se est, Dominus gratiam statim infundit, sicque confessio et pœnitentia ex caritate emanare incipiunt.

6 (7) *Pro hac re*, id est pro remissione peccati, *orabit ad te omnis sanctus*, id est omnis viator quantumcumque perfectus, *in tempore opportuno*, id est determinato et congruo tempore, non semper.

Quamvis enim justus in principio accusator sit sui, et veniæ implorator, tamen vir justus, perfectus, sanctus, diuturnius atque ferventius occupare se debet in altioribus actibus, scilicet in contemplatione divinorum, in actuali Divinitatis amore, in meditatione passionis dominicæ, in studio perfectionis majoris acquirendæ. Verum-

tamen quoniam (Salomone attestante) non est homo super terram qui faciat bonum, et non peccet ; ideoque omnis sanctus in tempore opportuno orare indiget pro remissione peccati. Qui vero adhuc passionibus languet, et ad vitia pronus est, neque de transactis criminibus condignam pœnitentiam egit, quasi continuo orare debet pro remissione peccati : et tali tempus opportunum orandi pro remissione peccati, est totum tempus vitæ suæ, donec ad perfectionem deductus, in diviniorem exercitiis occupare se queat.

(8) *Veruntamen in diluvio aquarum multarum*, id est homines in fluxu luxuriæ et superfluitate gulæ, ac ceteris vitiis carnalibus seu spiritualibus perseverantes, *ad eum*, scilicet Deum, *non approximabunt* : quoniam peccata eorum dividunt inter eos et Deum, et quamdiu in peccati proposito atque in actibus vitiosis perdurant, in regione dissimilitudinis sunt, et longe a Deo, non loco, sed voto ; non conditione, sed dilectione ; non natura, sed gratia ; non conservatione, sed cultu. Ideo scriptum est : Scimus quoniam peccatores Deus non audit ; sed si quis Dei cultor est, et voluntatem ejus facit, hunc exaudit. Itaque si vis Deo appropinquare, propositum peccandi relinque ; si vis ei propior fieri, serva mandata ; si vis ei proximus esse, imple consilia.

Denique pœnitens post confessionem peractam, ampliorem ad Deum sumens fiduciam ex peccati remissione et gratiæ infusione, confidenter et amorose ad Deum confugit, et ait : (9) *Tu es refugium meum*, id est, is in quo solo spero salvari, *a tribulatione*, id est persecutione, tentatione et pœna, *quæ circumdedit me*, id est, multipliciter et undique insurgit et oritur in me, a suggestionem dæmonis, a persuasionem seu molestationem mundi, et a lege peccati quæ viget in membris meis ; et tu, Domine, es *exsultatio mea*, id est objectum interioris lætitiæ meæ, causa gaudii mei spiritualis, et finis totius gloriationis meæ : ideo *erue me a circumdantibus me*, id est, libera me ab his qui prædictas tribulationes inferunt mihi, videlicet ab hostibus visibilibus et invisibilibus.

Insuper misericors Deus ostendens se recepisse preces pœnitentis, consolatorie ait ad eum : (10) *Intellectum tibi dabo*, id est intellectualem notitiam ; *et instruam te*, ut cognoscas et penses tuam miseriam, defectibilitatem, malitiam, et omnia quæ expedit tibi scire de rebus creatis ; et item, ut cognoscas et contempleris meam bonitatem, perfectionem, misericordiam et gratiam, et beneficia cuncta quæ tibi dona-

Is. LIX, 2.

Joann. IX, 31.

7

8

Ezech. XVIII, 21.

Prov. XVIII, 17.

Eccle. VII, 21.

vi : *in via hac qua gradieris*, id est in peregrinatione hujus exsilii. *Firmabo super te oculos meos* : id est, per sapientiam meam providebo tibi de necessariis ad salutem, et per misericordiam meam erigam te labentem, ac semper custodiam, ita ut dicere possis quod infra habetur : Dominus sollicitus est mei. Ecce, carissimi, quam fructuosa atque salubris est vera et humilis peccatorum confessio, quæ tantam gratiæ plenitudinem promeretur, videlicet ut pœnitenti dicatur a Domino, quod versus iste proposuit. Quam vere beatus ac tutus est, quem Deus ita illuminat et custodit !

Sed quoniam caritas fraterna deponit, ut quilibet nostrum gratiam sibi divinitus datam aliis communicare conetur, secundum quod status suus permittit, juxta illud, Unusquisque sicut accepit gratiam, in alterutrum illam administrantes, sicut boni dispensatores multiformis gratiæ Dei; idcirco pœnitens misericordiam consecutus, tanquam a Deo illuminationem sortitus, convertit se ad aliorum exhortationem, et ait : *11 Nolite, o peccatores, fieri sicut equus*, id est, ne sitis superbi et rebelles lumini, *et mulus*, id est, ne sitis ad divina pigri, *quibus*, scilicet equo et mulo, *non est intellectus*, id est ratio potens passionibus appetitus sensitivi refrenare : imo vos, quum sitis rationales creaturæ, nolite irrationabiliter vivere, sed per rationem passiones refrenate, et humiliter atque ferventer confessionem peragite. Nam (ut Aristoteles ait) homo peccator decies milles peior est bestiis. — Verum quia oratio interdum plus proficit quam exhortatio, ideo pœnitens iste ex abundantia caritatis orat pro aliis, ut suam admonitionem adimpleant, et ait ad Deum : *12 In camo et freno*, id est per varias adversitates et per magnas ac parvas afflictiones, *maxillas eorum constringe*, id est, linguam et ora retunde, claudere, compesce : *eorum*, inquam, *qui non approximant ad te*, id est superbiorum, præsumptuosorum, et confiteri nolentium, quatenus eruditi

verberibus et doloribus castigati, convertantur ad te.

15 Multa flagella peccatoris, id est, variorum sunt peccatoris pœnæ, ejus præsertim qui perseverat in vitiis. Nam in præsentia a Deo relinquitur, et in futuro æternis pœnis torquetur. *Sperantem autem in Domino misericordia*, id est effectus pietatis divinæ, *circumdabit* : quoniam anima ejus implebitur gratia, virtutibus, et consolatione Spiritus Sancti, et angeli Dei custodient eum, eritque incessanter sub umbrarum sui Creatoris securus.

Postremo, de tantis beneficiis misericordissimi Dei cupit pœnitens, jam perfectus et justificatus, omnes lætificare, et sui gaudii participes facere, atque ad gratias Deo referendas inducere, dicens : *14 Lætami- ni in Domino*, non in rebus carnalibus, vanis et transitoriis ; *et exsultate*, id est, signa interioris lætitiæ foris ostendite, Deum vocaliter collaudando, cærimonias honorando, atque exteriori latriæ cultu hilariter ministrando, o *justi*, qui redditis unicuique quod suum est : sicut hortatur Apostolus, Nemini quidquam debeatis, nisi ut invicem diligatis ; *et gloriamini, omnes recti corde* : id est, in Deo, non in vobis, in cruce Christi, non in vanitate sæculi, læti estote, omnes quorum corda sunt recta, id est ad nullum vitium obliquata, ad nihil illicitum inclinata, sed divinæ legi in omnibus subdita : ita ut Deus dicere possit unicuique vestrum, quod dixit ad hujus psalmi auctorem, Inveni David filium Jesse, virum secundum cor meum, qui faciet omnes voluntates meas.

Ecce iste est pœnitentialium psalmorum secundus, parvus quantitate, sed magnus virtute, instructivus valde et accensivus pii pœnitentisque cordis : quem decet nos cum profundissima cordis contritione, humilitate et affectione depromere, quatenus in primis indulgentiam consequi, deinde spem magnam in Domino adipisci, tertio ab eo in omnibus dirigi et custodiri, sicque ad cœlestem beatitudinem promoveri mereamur.

Ps XXXI,
18.

1 Petr IV,
10.

9

10

11

Rom. XIII, 8.

Ps. LXXXVIII,
21, juxta
LXX: Act.
XIII, 22.

PRECATIO.

Domine Jesu Christe, sapientia Dei Patris, da nobis intellectum, et instrue nos

A de præceptis tuis; firma super nos oculos tuos in via qua gradimur: ut te ductore, ad te qui es via, veritas et vita, sine errore perveniamus.

ARTICULUS LXX

EXPOSITIO PSALMI TRICESIMI SECUNDI: EXSULTATE, JUSTI, IN DOMINO.

SECUNDUM beatum Hieronymum in prologo libri Psalmorum, multi sunt psalmi, videlicet decem et septem, qui apud Hebræos titulis carent, videlicet psalmus primus, psalmus quoque secundus, et iste nunc exponendus, alii quoque nonnulli sequentes. Verumtamen communiter intitulatur in Bibliis et expositionibus Latinorum, quibus conformari me decet. Est igitur titulus ejus: *In finem, psalmus David*: id est, psalmus iste in Deum nos dirigens, adscribitur David, qui hic in persona devoti ac fervidi amatoris, laudat Deum super excellentia suæ potentiae et misericordiae, et de operibus creationis ac recreationis.

IT ergo: (1) *Exsultate, justi, in Domino*, id est, toto et exuberanti affectu gaudete in primo universorum principio. Gaudium autem est diffusio animi in conceptu boni, et oritur ex unione potentiae cum objecto convenienti. Consequitur enim aliquam operationem connaturalem seu virtuosam: idcirco impiis non convenit, quoniam operationes eorum sunt innaturales et vitiosæ. Peccatum enim est recessus ab eo quod est secundum naturam et ordinem, secundum Dionysium et Damascenum. Unde scriptum est: Non est gaudere impiis, dicit Dominus. Et Philosophus ait, quod signum virtutis est delectatio operis. Operationes vero, quibus rationalis creatura immediate conjungitur Deo tanquam objecto, sunt operationes in-

B tellectus et voluntatis, videlicet contemplatio veritatis, et dilectio bonitatis. Exultatio itaque mentis in Deo, procedit vel ex contemplatione, vel ex sancta et ordinata dilectione, vel ex aliis actibus virtutis, qui a ratione et voluntate imperantur, causantur et diriguntur. Quid ergo est, Exsultate, justi, in Domino? nisi, Considerate Deum ejusque opera, et diligite eum, ac facite ea quæ Deo sunt placita; et in his cordialiter exsultate, non in vobis, tanquam propriis viribus bona agatis, aut aliquid a vobismetipsis habeatis, sed in Domino, a quo est omne datum optimum, et omne donum perfectum. Interdum autem accipitur Exsultare, gaudere, lætari, magis communiter atque improprie pro Gestire: et ita Scriptura divina tribuere solet injustis prædicta. Secundum quod Salomon ait: Lætantur quum male fecerint, et exsultant in rebus pessimis; et Job: Tenent tympanum et citharam, et gaudent ad sonitum organi. Rectos decet collaudatio, id est, justum et condecens est ut recti Deum collaudent: primo, quoniam ipsi digni sunt laudare Deum; secundo, quoniam dona majora a Deo receperunt.

2 *Confitemini Domino in cithara, in psalterio decem chordarum psallite ei*. Ad litteram sanctus David hortabatur ministros templi in his musicis instrumentis Domino laudes offerre; sed secundum spirituales intelligentiam, per citharam intelliguntur misericordiae opera, et per psal-

Cf. Is. LVII, 21.

Jacob. I, 17.

Prov. II, 14.

Job XXI, 12.

terium, custodia præceptorum. Cithara enim aperturam habet inferius, et ab inferiori reddit sonum; habetque sex chordas, vel septem secundum quosdam: per quas sex opera misericordiæ intelliguntur, quæ circa corporalem necessitatem versantur. Psalterium vero decem habet chordas, et a superiori sonum causat: per quas intelliguntur divina præcepta, quæ de cælestibus profluxerunt, atque sublimem ac cœliformem melodiam in auribus Dei efficiunt. Itaque, Confitemini Domino in cithara, id est, laudate eum per opera misericordiæ; in psalterio decem chordarum psallite ei, id est, per divinorum observantiam præceptorum glorificate Dominum, non tam ore quam opere.

3 ¶ 3. *Cantate ei*, corde devoto et ordinato, *canticum novum*, id est laudem ex recenti fervore et novo affectu manantem. Fervida namque dilectio fatigari non potest in laude dilecti, sed nova semper præconia suggerit, et mille modis in laudem dilecti accenditur et prorumpit. *Bene psallite ei in vociferatione*: id est, sic laudate Deum ore seu vocibus, ut vita consonet verbis, idque observetis in moribus quod vocibus prædicatis, ne vobis conveniat quod per Isaiam Dominus ait: Populus hic labiis me honorat, cor autem eorum longe est a me.

Is. XLIX, 13.

4 Ideo autem debetis bene psallere, ¶ 4. *Quia rectum est verbum Domini*, id est, sacra Scriptura et omnis sermo divinus, justi sunt, veri et sancti; *et omnia opera ejus in fide*, id est, fidelia et irreprehensibilia sunt, nihil habentia de admixtione fallaciæ. Vel, Omnia opera ejus in fide, id est, quidquid Deo placet et meritorium esse debet, necesse est in fide fundari, et ex ea procedere: quoniam teste Apostolo, Quidquid non est ex fide, peccatum est. Et

Rom. XIV, 23.

Habac. II, 4.

5 ¶ 5. *Diligit Dominus misericordiam*, id est mutuam atque fraternam compassionem, subventionem, et celerem offensæ remissionem. Hoc est quod in Evangelio

A ait Salvator: Beati misericordes, quoniam ipsi misericordiam consequentur. Et in tantum Dominus misericordiam diligit, ut in die judicii de operibus misericordiæ præsertim perhibeat se inquisitionem facturum. Propterea monet nos divinus Apostolus: Induite vos sicut electi Dei, viscera misericordiæ, benignitatem, humilitatem, modestiam, patientiam, supportantes invicem, et donantes vobismetipsis, si quis adversus aliquem habet querelam, sicut et Christus donavit vobis. Hinc de immisericordi homine alibi scriptum est: Homo homini servat iram, et a Deo quærit medelam? In hominem sibi similem non habet misericordiam, et de peccatis suis deprecatur Altissimum? Quis orabit pro delictis illius?

Matth. V, 7.

Ibid. XXX, 35 et seq.

Coloss. III, 12, 13.

Eccli. XXVIII, 3-5.

Itaque, Dominus diligit misericordiam, *et judicium*, id est actum justitiæ, scilicet ut judicet homo se ipsum et alios sibi commissos, cum diligenti examinatione et justa correctione. Propter quod Apostolus ait: Quod si nosmetipsos dijudicemus, non utique judicaremur. Denique hanc sententiam per Zachariam Dominus præcepit: Judicium, inquit, verum judicate, et misericordiam et miserationes facite, unusquisque cum proximo suo. Et Michæas: Indicabo tibi, o homo, quid sit bonum, et quid Dominus requirat a te: utique facere judicium, et diligere misericordiam. Verumtamen est quoddam judicium temerarium, quo homo incerta judicare præsumit, vel suum superiorem, vel sibi non commissos. De quo Christus: Nolite, inquit, judicare, et non judicabimini. Et Apostolus: Tu quis es qui judicas alienum servum? Suo domino stat aut cadit. Et: Tu quid judicas fratrem tuum? Omnes enim stabimus ante tribunal Christi. Diligit quoque Dominus judicium remunerationis: quod duplex est, scilicet particulare in morte singulorum, et generale in die novissimo. Hoc utrumque judicium Dominus diligit, facit aut faciet.

1 Cor. XI, 31.

Zach. VIII, 9.

Mich. VI, 8.

Luc. VI, 37.

Rom. XIV, 4.

Ibid. 10.

Misericordia Domini plena est terra: id est, beneficiis Dei, gratia Christi, et

variis donis Spiritus Sancti repleti sunt homines christiani in terra peregrinantes : imo omnes homines aliquo modo pleni sunt misericordia Dei, quoniam Deus omnes longanimitè exspectat, et omnibus, quantum in se est, gratiam suam offert, atque ubique terrarum Evangelium regni prædicari disposuit.

6 (6) *Verbo Domini*, id est per Sapientiam

Patris æterni, quæ est Christus Dominus, cœli, id est orbes cœlestes, *firmati sunt*, id

Joann. 1. 3. est fundati et stabiliti. Omnia enim per ipsum

Coloss. 1. 12-16. facta sunt, quemadmodum ait Aposto-

lus : Gratias agimus Deo et Patri, qui nos transtulit in regnum Filii dilectionis suæ, qui est imago Dei invisibilis, primogenitus omnis creaturæ, quia in ipso condita sunt universa in cœlo et in terra, visibilia et invisibilia. Et ad Hebræos loquens,

Hebr. 1. 3. de Filio dicit : Qui quum sit splendor gloriæ et figura substantiæ ejus, portansque omnia verbo virtutis suæ, sedet ad dexteram majestatis in excelsis. *Et spiritu oris*

ejus, id est a Spiritu Sancto, qui est Spiritus Patris, ab ore (id est a voluntate) Patris procedens : ab hoc Spiritu est *omnis virtus eorum*, id est omnis potestas et decor cœlorum. Virtus autem cœlorum, in stellis atque planetis præsertim consistit.

Job xxvi. 13. Unde alibi scriptum est : Spiritus ejus ornavit cœlos. Vel sic : *Verbo Domini cœli*, id est sancti Apostoli, *firmati sunt*.

Joann. xv. 5. Nam illis Christus dixit : Sine me nihil potestis facere. *Et spiritu oris ejus*, id est

Spiritu Sancto, qui a Filio quoque procedit, *omnis virtus eorum*, id est tota potestas faciendi miracula, efficaciterque lo-

Act. ii. 4. quendi. Unde scriptum est : Cœperunt Apostoli loqui variis linguis, prout Spiritus Sanctus dabat eloqui illis.

7 Denique ipse Dominus est (7) *Congregans sicut in utre aquas maris* : id est, ipsum elementum aquæ seu mare Oceanum, quod ambit et cingit terram, Dominus claudit et servat in uno loco, sicut homo claudit aliquam partem aquæ in utre, id est in vase de corio facto. Hoc

Job xvi. 12. est quod Job inducit : In fortitudine illius

repente maria congregata sunt. Et Salomon : Certa lege et gyro vallavit abyssos. *Prov.* viii. 27. *Ponens in thesauris abyssos*, id est, locans

ac retinens ipsum mare, quod appellatur abyssus, id est sine termino, propter inestimabilem suam profunditatem. Propter

quod Sapientia Dei, scilicet Christus, unigenitus Filius Patris æterni, ait : Gyrum cœli circuivi sola, et profundum abyssi

penetravi. Itaque Dominus locat ac retinet abyssos in thesauris, id est inter ripas secretas receptaculorum suorum, quemadmo-

dum ad Job loquens asserit : Quis conclusit ostiis mare, quando erumpebat quasi de vulva procedens, quum ponerem nubem vestimentum ejus, et caligine illud

quasi pannis infantiae involverem ? Circumdedit illud terminis meis, et posui vectes et ostia, et dixi : Hucusque venies et non procedes amplius, et hic confringes tumentes fluctus tuos.

Quoniam ergo tanta est majestas Dei, et tanta excellentia atque omnipotentia Creatoris in operibus suis, idecirco, (8) *Timeat*

Domini, timore filiali et casto, *omnis terra*, id est universi incolæ ejus. Unde his qui Creatorem ex consideratione effectuum suorum prædictorum non timent,

ipsemet per Jeremiam ait : Audi, popule stulte, qui non habes cor : me non timebitis qui posui arenam terminum mari,

præceptum sempiternum quod non præteribit ? *Ab eo autem*, id est ex consideratione divinæ potentiæ, *commoveantur* ad pœnitentiam ac salutarem conversionem, *omnes inhabitantes orbem*, id est sphæram

seu circumulum terræ. Hoc est quod scriptum est : Non est similis tui, Domine. *Ibid.* x. 6, 7.

Magnus es tu, et magnum nomen tuum in fortitudine. Quis non timebit te, o rex gentium ? (9) *Quoniam ipse Deus omnipotens dixit*, id est, intra se practico intellectu intellectualiter protulit producenda, et

statim *facta sunt* ; *ipse mandavit*, id est, per voluntatem imperialiter voluit, ut quæ non erant, essent, et mox *creata sunt*. Ex quo innotescit, quod Deus est causa rerum per intellectum et voluntatem. Nam

Eccli. xxiv. 8.

Eccli. xxiv. 8.

Job xxxviii. 8-11.

8

Jer. v. 21, 22.

9

Dicere, pertinet ad intellectum; Mandare, A ad voluntatem. Ad intellectum pertinet, ordinare, distinguere, specificare: ad voluntatem, exsequi quæ ab intellectu disposita sunt.

10 *Dominus dissipat consilia gentium*, id est, confundit, destruit, disperdit, et ab effectu optato impedit inquisitiones et studia idololatrarum, et etiam Christianorum gentiliter conversantium. Horum consilia Dominus dissipat finaliter, quamvis interdum ad tempus permittat eos regnare et prosperari. *Reprobat autem cogitationes populorum*, non omnium, sed infidelium et malorum. De quibus apud Isaiam testatur: Sicut exaltantur cæli a terra, sic exaltatæ sunt cogitationes meæ a cogitationibus vestris, et viæ meæ a viis vestris. *Et Dominus reprobat consilia principum*, qui tales sunt, quales gentes et populi nunc descripti, videlicet iniquorum; non autem principis boni, de quo habetur, Princeps ea quæ digna sunt principe, cogitabit. Unde ait et alia scriptura: Deus potentes non abiecit, quum et ipse sit potens.

Ibid. xxxii, 8.

Job xxxvi, 5.

11 *Consilium autem Domini in æternum manet*. Consilium proprie sumptum, non competit Deo: nam consilium est inquisitio de agendis; inquisitio autem ignorantiam præsupponit, et ideo Damascenus dicit, quod consilium est ignorantis naturæ. Verumtamen sacra Scriptura frequenter attribuit Deo consilium, sed tunc sumitur consilium secundum id perfectionis, quod in ejus ratione includitur. Adscribitur namque Deo consilium, non in quantum includit inquisitionem dubiosam, sed in quantum D excludit improvidam determinationem. Deus enim nil agit fortuito, sed secundum æternas atque incommutabiles rationes omnia agit. Itaque, Consilium Domini in æternum manet, quoniam nullus ei resistere potest, sed subest ei quando voluerit, posse, quemadmodum ipse ait: Consilium meum stabit, et omnis voluntas mea fiet.

Sap. xii, 18.

Is. xlii, 10.

Cogitationes cordis ejus in generatione et generationem. Nihil enim volubile, nihil instabile, nihil mutabile esse potest in

Deo æterno, qui etiam alibi dicit: Ego Dominus, et non mutor. Ideo non est in

Malach. iii, 6.

Deo vicissitudo, aut variatio consilii aut cogitationum, præsertim quum quidquid in Deo sit, sit ipsemet Deus sublimis et benedictus. Sed videtur obviare, quod Zacharias ait: Sicut cogitavi ut affligerem vos, quum me ad iracundiam provocassent patres vestri; sic conversus in diebus istis, cogitavi ut benefaciam Jerusalem et domui Juda. Et alio loco: Repente loquar adversus gentem et regnum, ut eradicem

Zach. viii, 13, 15.

Jer. xviii, 7, 8.

B et destruam illud. Si pœnitentiam egerit gens illa super malo quod fecit, agam et ego pœnitentiam super malo quod cogitavi ut facerem ei. Sed hæc atque similia, non sunt intelligenda quasi aliquid in Deo varietur; sed propter diversitatem effectuum dicitur Deus converti et pœnitere, seu aliter aliterque se habere: per quæ designatur mutatio in creatura, non in Creatore. Quidquid enim Deus operatur circa creata, hoc ipse ab æterno se acturum præscivit atque decrevit: sicque ab invariabili C et æterna voluntate summi opificis, procedere possunt temporales ac recentes effectus, sine omni mutatione ipsius: quoniam quidquid Deus operatur in mundo, hoc prævidit se acturum in illo momento in quo fit, secundum omnem modum et circumstantiam sui effectus: et circa hoc quidam philosophi graviter erraverunt. Unde Gregorius asserit, quod Deus non mutat consilium, quamvis mutat sententiam: non illam quæ exprimit æternam divinæ sapientiæ dispositionem, sed illam quæ explicat naturalium seu proximarum causarum ordinem: sicut prædixit D Ezechiam moriturum, et Niniven subvertendam, quia utrumque futurum erat secundum proprias suas causas, scilicet secundum infirmitatem Ezechiae, et crimina Ninivæ; sed divina ordinatio, quæ omnes causas secundas complectitur et excedit, aliter præagnovit, et illius consilium non est mutatum.

IV Reg. xx, 1.
Jonæ iii, 4.

12 *Beata gens* nunc per gratiam et spem, *cujus est Dominus omnium, Deus*

12

ejus speciali modo, videlicet per fidem et A cultum. Et merito dicitur gens talis beata, quoniam ipsa est *populus quem elegit Dominus in hereditatem sibi*: ita quod ipse vult eum possidere per providentiam singularem, et gratiam consummatam, ne pereat in æternum, sed ad cœlestem beatitudinem perducatur. Propterea scriptum habetur: Beati sumus nos, quoniam quæ Deo placita sunt, manifesta sunt nobis.

Baruch iv,
4.

13 15 *De cœlo respexit Dominus*: id est, Dominus, qui specialiter dicitur in cœlo esse et habitare, simili modo dicitur de cœlo respicere. Respexit ergo Dominus de cœlo, quoniam ipse est omnium provisor, rector, judex, considerator ac testis, quem admodum per Jeremiam ait: Ego sum judex et testis. *Vidit*, id est, intellexit, et ab æterno cognovit, *omnes filios hominum*, id est totam posteritatem Adæ ac Evæ. Non enim nomine filii, exclusæ sunt filiæ.

Jer. xxi,
23.

14 14 *De præparato habitaculo suo*, id est de summo cœlo, quod ipse sui ipsius et Beatorum habitationi aptavit, *respexit super omnes homines qui habitant terram*, ut reddat unicuique quod meretur, imo et indignis misereatur. Propter quod in Ecclesiastico dicitur: Oculi Domini multo plus lucidiores super solem, circumspectantes omnes vias hominum. Domino enim Deo, antequam crearentur, omnia sunt cognita. Et per Jeremiam ipse ait iterum: Putasne Deus e vicino ego sum, dicit Dominus, et non Deus de longe? Si occultabitur vir in absconditis, et ego non videbo eum, dicit Dominus? 15 *Qui Dominus finxit*, id est creavit, *sigillatim*, id est singulariter et seorsum, *corda eorum*, id est animas hominum. Anima enim creando infunditur, et infundendo creatur. Per hoc ergo quod Propheta asserit animas sigillatim produci, destruitur error ponentium omnes animas rationales simul creatas a principio mundi cum angelis. *Qui intelligit omnia opera eorum*, Dominus enim agnoscit omnia opera hominum interiora et exteriora.

Ecclesiasticus
28, 29.

Jer. xxi,
23, 24.

15 16 *Non salvatur rex per multam vir-*

tutem: id est, nec corporalem salutem, puta victoriam, neque interiorem salutem, utpote beatitudinem, consequetur propriis viribus, aut per fortitudinem sui exercitus; sed secundum divinæ providentiæ ordinationem datur victoria per virtutem divinam, secundum quod Salomon ait: Equus paratur ad diem belli, Dominus autem salutem tribuit. Et sine gratia non potest adipisci felicitas. Unde Jonathas ait: Non est Domino difficile salvare in multis vel in paucis. Et sæpe divina virtute pauci multos vicerunt. *Et gigas non salvabitur in multitudine virtutis suæ*: id est, nec corpore prævalebit, nec corde beatus erit sua naturali virtute, nisi in quantum Deus ei præstiterit, qui utique potest per hominem mediocre gigantem dejicere, sicut dejecit Goliath per David. 17 *Fallax equus ad salutem*, id est, insufficiens est suo sessori ad salvationem, imo decipiet eum, si in ipso speraverit; *in abundantia autem virtutis suæ*, id est in magna potentia equi, *non salvabitur* sedens in equo.

Prov. xxi,
31.

1 Reg. xiv,
6.

Ibid. xvii,
49.

17

C Propterea Dominus ait: Non gloriatur sapiens in sapientia sua, et non gloriatur fortis in fortitudine sua, et non gloriatur dives in divitiis suis; sed in hoc gloriatur, qui gloriatur, scire et nosse me.

Jer. ix, 23.
24: I Cor. i,
31: II Cor.
x, 17.

18 *Ecce oculi Domini*, id est sapientia providens, et misericordia parcens, *super justos; et aures ejus*, id est pietas ac liberalitas, per quam exaudit et donat, *in preces eorum*; 19 *ut eruat a morte*, id est a peccato quod mentem occidit, *animas eorum*: vel a morte etiam corporali interdum, quando expedit bono communi vel animæ justis; *et alat eos in fame*, id est, mentes eorum sitientes justitiam impleat gratia, et corpora, si necesse fuerit, nutriat pane. Unde Salvator in Evangelio asserit: Primum quærite regnum Dei et justitiam ejus, et hæc omnia adjicientur vobis.

18

Cf. Ps.
xxxiii, 16.

19

Math. vi,
33.

20 *Anima nostra sustinet Dominum*, id est, æquanimiter ac longanimiter expectat eum, sperans sibi semper a Domino gratiam et misericordiam adfuturam; nec in adversis recedit ab eo, desperando vel

20

diffidendo de bonitate ipsius : *quoniam* A
adjutor in bonis, et protector noster a ma-
lis, est ipse Dominus. Nam ipse per gra-
 tiam cooperatur atque defendit. Et signum
 hujus quod ipse est adjutor protectorque
 21 noster, est quod sequitur : 21 *Quia in eo*
lætabitur cor nostrum : id est, in contem-
 platione atque dilectione ipsius, atque de
 omni opere bono et beneficiis ejus, non in
 nobis, sed in Domino lætabimur. *Et in*
nomine sancto ejus sperabimus. Hoc au-
 tem nequaquam possemus, nisi ipse Do-
 minus nos adjuvaret. Et istud est verbum
 bonæ spei ac sancti propositi, non præ-
 sumptionis aut confidentiæ propriæ per-
 fectionis. Quoniam ergo, o Domine, in te
 22 sperabimus, ideo (22) *Fiat misericordia*
tua, Domine, super nos, id est, effectum
 misericordiæ tuæ, scilicet opem et gra-
 tiam, et dona Spiritus Sancti nobis infun-
 de, *quemadmodum speravimus in te,* id
 est tam copiose et cito, sicut de tua boni-
 tate confidimus. Et tu ergo, quum hunc
 versum dicis, attende quomodo aut quan-
 tum speres in Domino, et ante orationem
Eccli. xviii,
23. hanc, præpara animam tuam, ne sis sicut
 homo tentans Deum. Si enim mente va-
 ganti hæc dicis, non actualiter speras in
 Domino.

Ecce quam gratæ atque pulcherrimæ
 laudes Altissimi continentur in psalmo
 isto. Et primo omnium hortatur omnes
 generaliter ad laudem divinam ; deinde
 præconia Dei prosequitur ; et tandem sa-

luberrimam ponit doctrinam, ostendens in
 solo Deo esse salutem. Et tu igitur, dum
 ais, Rectos decet collaudatio, vide ut recta
 sit anima tua cum Deo, ne inveniaris in-
 dignus Dei laudator. Denique ex contem-
 platione magnificentiæ Dei atque mirabi-
 lium operum ejus, concipe reverentialem
 timorem ad ipsum ; et age quod psallis,
 dum ais, Anima nostra sustinet Dominum ;
 et, In eo lætabitur cor nostrum. Nam quam
 fructuosum sit Dominum sustinere, osten-
 ditur ubi scriptum est : Eruis sustinentes
 B te, et liberas eos de omni angustia, Domi-
 ne Deus noster. *Eccli. i, 12.*

Postremo contemplandum est, quam evi-
 denter tangatur Trinitas superbenedicta
 in versu illo, Verbo Domini cœli firmati
 sunt. Nam nomine Verbi, exprimitur Fi-
 lius, de quo alio loco habetur, Fons sapi-
 entia Verbum Dei in excelsis ; et iterum,
 In principio erat Verbum. Nominem autem
 Domini, intelligitur Pater. Et per spiritum
 oris ejus, accipitur Spiritus Sanctus, qui
 procedit a Patre et Filio, sicut ab uno
 C principio, uno spiratore, ac uno super-
 splendidissimo fonte. *Ibid. i, 5.*
Joann. i, 1.

PRECATIO.

Verbum Patris æterni, Christe, quo cœli
 firmati sunt, munere Spiritus tui nos illu-
 stra, et in opere bono confirma : ut fide
 Trinitatis et operatione tibi placita justi-
 simus, et cum populo in hereditatem tibi
 deputato, in æternum glorificandi.

ARTICULUS LXXI

EXPOSITIO PSALMI TRICESIMI TERTII : BENEDICAM DOMINUM IN OMNI TEMPORE.

ASSIGNATUR demum psalmo jam expo- D
 1 nendo titulus talis : *Psalmus David, quum*
mutavit vultum suum coram Abimelech,
et dimisit eum, et abiit. Primo Regum nar-
 1 Reg. xvi,
 19-45. ratur, quemadmodum sanctus David perse-

cutionem Saulis perpressus, venit ad Achis
 regem Geth, qui alio nomine appellatur
 Abimelech, ut salvaretur in terra ipsius.
 Philistæi vero famuli Achis, agnoscentes
 ipsum David, dixerunt ad regem : Nonne

iste est David rex terræ, id est futurus rex? A
quasi dicerent : Expedi nobis interficere
eum, ne promotus ad regnum, impugnet
et opprimat terram nostram. Quo audito,
voluit eum rex occidere. Quod sentiens Da-
vid et resistere nequiens, simulavit amen-
tiam, et feriebat manibus suis, et impin-
gebat in portam, decurrebantque salivæ ex
ore ipsius. Quo viso, ait Abimelech servis
suis : Vidistis hominem insanum ; ad quid
adduxistis eum, ut fureret me præsentem?
Fecit ergo eum expelli, et ita salvatus est Da-
vid. Unde ad litteram fecit hunc psalmum,
pro liberatione ista gratias referens Deo.

Sed secundum spirituales ac mysticum
intellectum, per David intelligitur Chri-
stus, et per Abimelech, qui interpretatur,

Matth. viii,
12.

Ibid. xv, 24.

Luc. xx, 14.

Joann. xi,
48.

Luc. xxiii,
9, 11.

Joann. x, 20.
Marc. xiv,
64.

Ps. xxi, 23.

regnum patris mei, intelliguntur Judæi,
de quibus in Evangelio ait Salvator : Filii
regni ejicientur in tenebras exteriores. Ve-
nit ergo David ad Abimelech, id est Chri-
stus ad Judæos, secundum quod ipse ait :
Non sum missus nisi ad oves, quæ peri-
erunt domus Israel. Quem quum vidissent
Judæi, dixerunt : Hic est heres, venite, oc-
cidamus eum, et nostra erit hereditas, id
est, ne veniant Romani, et tollant nostrum
locum et gentem. David autem simulavit
amentiam, quum voluissent eum occide-
re. Sic et Christus nihil respondit Herodi :
propter quod reputavit eum insanum, fe-
citque eum tanquam fatuum alba veste
indui atque illudi. Abimelech quoque di-
xit de David ad servos suos : Vidistis ho-
minem insanum. Et Judæi dixerunt de
Christo, Insanit. Et Caiphas, Audistis, in-
quit, blasphemiam : quæ est insania ma-
xima. David autem liberatus a rege iniquo
et populo ejus, gratias egit Deo, et cecinit
psalmum præsentem. Sic et Christus in
resurrectione liberatus de principibus sa-
cerdotum et malitia Judæorum, gratias re-
tulit Patri, secundum quod ante dixit :
Narrabo nomen tuum fratribus meis, in
medio Ecclesiæ laudabo te. Hic itaque
psalmus convenit Christo, imo cuilibet
Christiano a variis tribulationibus libera-
to, et inde gratias Domino referenti.

IN horum ergo persona loquens Prophe-
ta, volensque universos accendere ad
Deum laudandum, ait : (1) *Benedicam Do-*
minum, id est, bona de Domino dicam,
eumque laudabo, et omne bonum ipsi at-
tribuam, *in omni tempore* opportuno, et
ad actualem laudem mihi convenienti seu
deputato. Vel simpliciter, Omni tempore
benedicam Dominum, non ore, sed opere,
vel cessatione ab opere, scilicet somno,
quoniam omnia ordinabo ad gloriam Dei.
Semper laus ejus in ore meo. Repetit quod

B prædixit, ad designandum amoris sui fer-
vorem, quem habet ad hoc, ut sit Domino
gratus. Nil enim aliud est, Dominum be-
nedicere, quam esse laudem ejus semper
in ore. Nam sicut est benedictio mentalis,
et benedictio vocalis : ita est et os interius
seu mentale quo angeli colloquuntur, et
quo verbum cordis profertur ; est quoque
et os exterius seu corporale, quo verbum
sonans ac transiens dicitur : et de utroque
intelligi potest quod ait, *Semper laus ejus*
in ore meo. Unde scriptum est : Laudabit
usque ad mortem anima mea Dominum.
Et Tobias ait : Omni tempore benedic
Deum, et pete ab eo, ut viam tuam diri-
gat, et omnia consilia tua in ipso perma-
neant. Et Apostolus : Cantantes, inquit, in
cordibus vestris Domino semper.

Ecclesi. i, 8.

Tob. iv, 20.

Coloss. iii,
16.

Semper ergo, o frater, sit laus Dei in
ore tuo, fac tibi consuetudinem bonam, et
nullam des requiem labiis tuis ; assuesce
indesinenter psalmos in ore revolvere, Do-
mino psallere, in laudibus Dei gaudere :
et quamvis ad tempus sit tibi laboriosum
hoc continuare, tamen si constanter labo-
raveris in hoc ipso, fiet tibi in brevi leve
ac dulce, quod ante fuerat grave atque
pœnale. Consuetudo namque seu habitus,
est altera natura, et ideo delectabiliter
agit. Cogita quam miserabile sit, tempus
infructuose expendere, et quod nulla sit
occupatio vitæ præsentis diviniore atque
præstantior, tamque angelica ac cœlestis,
ut Deum laudare : et ex hac consideratio-
ne, noli fatigari in laudibus Dei, quoniam
ipse ait : Ego glorificantes me glorifico.

1 Reg. ii, 30.

Porro Domino Salvatori, sicut et comprehensoribus, versus iste primus perfecte semper convenit, ita quod Christus ut homo, a primo suæ maternæ conceptionis instanti, actualiter omni tempore Dominum benedixit, et laudem ejus suo ore, saltem interiori, revolvit. Non enim somnus, eibus, collocutio et similia, unquam animam Christi ab actuali Divinitatis contemplatione, amore, aut laude suspenderunt aut impediunt.

3 2 *In Domino laudabitur anima mea :*

id est, si quis velit me laudare propter virtutes quas videt in me, non in me ipso, sed in Domino laudet me, quoniam ab ipso est omnis perfectio mea. Nec aliquid

1 Cor. iv, 7.

habeo quod non aliunde acceperim : idcirco nec volo, nec debeo in me ipso laudari. Nemo itaque aduleatur mihi, nemo mihi applaudat, sed Domino gratias referat de omni virtute et bonitate in rebus creatis repertis : quemadmodum ait Apostolus, Soli Deo honor et gloria. Volentibus vero in se ipsis laudari, Dominus per

1 Tim. i, 17.

Is. iii, 12.

Isaiam dicit : Popule meus, qui te beatum dicunt, ipsi te decipiunt, et viam gressuum tuorum dissipant. Quotiescumque ergo palpari te sentis tentatione inanis lætitiæ, seu motu elationis propter bona quæ habes, responde : In Domino laudabitur anima mea.

Audiant mansueti hoc quod dixi : nam ipsis sapit quod dictum est. Iracundi enim, indignabundi, atque superbi, in se ipsis, non in Domino, volunt laudari. Mansueti vero qui iram, et per consequens indignationem superbiamque vicerunt : quia ex superbia oritur indignatio, et ex indignatione impatientia, ex impatientia vero ira : mansueti itaque in Domino solum laudari desiderant ; et dum laus eorum aliis cedit ad ædificationem, et Deo ad gloriam, tunc libenter audiunt sua præconia. Imo ob hanc causam aliquando pandunt propria bona : quemadmodum Paulus in epistolis

II Cor. xii,

41.

suis frequentissime facit : Nihil, inquit, arbitror me minus fecisse ab his, qui

1 Cor. xv, 10. sunt supra modum Apostoli ; et, Abundan-

tius illis omnibus laboravi : et, Scio hominem in Christo raptum usque ad tertium celum ; et. In faciem restiti Cephæ, id est Petro archiapostolo, quia reprehensibilis erat ; multaque alia. Itaque audiant mansueti quod dixi, in Domino animam meam debere laudari, *et lætentur*, id est, gratiæ mihi collatæ congratulentur, meumque desiderium imitentur, quærentes in Domino solum laudari : sicut Sophonias ait, Quærite Dominum, omnes mansueti terræ, qui iudicium ejus estis operati.

II Cor. xii, 2.

Galat. ii, 14.

Soph. ii, 3.

B Deinde vir sanctus, non sufficiens per se Dominum, sufficienter laudare, alios incitat ad Dei præconia, dicens : (3) *Magnificate Dominum mecum*, id est, magnitudinem Dei, videlicet immensam ejus perfectionem, agnoscite, confitemini, honorate, sicut et ego ; *et exaltemus*, id est, reverenter veneremur, *nomen ejus in id ipsum*, id est concordii affectu et simili fide : prout monet Apostolus, Id ipsum dicatis omnes, docentes et commonentes vosmetipsos in hymnis et psalmis et canticis spiritualibus.

4

1 Cor. i, 40.

Coloss. iii, 16.

4 *Exquisivi Dominum* : quemadmodum Isaias hortatur : Quærite Dominum dum inveniri potest ; invoke eum dum prope est. Et si interrogas quando est hoc, respondet Apostolus : Ecce nunc tempus acceptabile, ecce nunc dies salutis. Nunc enim prope est Dominus. Nam omnis qui quærit, invenit. Et ipse in Apocalypsi testatur : Ecce ego sto ad ostium, et pulso. Sic ergo, Exquisivi Dominum, fideliter contemplando, ardentè amando, bene vivendo, et affectuose orando, *et exaudivit me* : ita quod reperi eum, et unitus sum ei per caritatem et gratiam ; *et ex omnibus tribulationibus meis eripuit me*, vel omnino auferendo eas a me, vel dando mihi gratiam patienter sustinendi. Christo quoque istud convenit : nam et ipse Deum orando exquisivit, et in die resurrectionis Deus eum ab omnibus tribulationibus eripuit.

5

Is. lv, 6.

II Cor. vi, 2.

Philipp. iv,

5.

Matth. xii,

8.

Apoc. iii, 20.

Ut ergo et vos, o fratres et proximi mei, eandem gratiam obtineatis, (5) *Accedite ad*

6

eum, non corporis motu, sed cordis affectu; non pede, sed fide; non solo verbo, sed opere et veritate. *Et illuminamini*: id est, si sic accesseritis, tunc utique illuminabimini intus in anima lumine gratiæ, et sapientiæ claritate atque decore justitiæ. Unde beatus Jacobus inquit: Si quis indiget sapientia, postulet a Deo, qui dat omnibus affluenter. et dabitur ei. Postulet autem in fide nihil hæsitans. Et apud Malachiam Dominus ait: Orietur vobis timentibus nomen meum Sol justitiæ. *Et facies vestra non confundentur*, id est, intellectus vestri seu corda non fraudabuntur spe sua, nec patebunt contemptui, sed certissime adipiscuntur quod quærunt. Et hoc constat ex eo: (6) *Iste pauper*, scilicet Christus, qui quum dives esset, propter nos egenus effectus est; vel, *Iste pauper*, scilicet David, qui in libro Regum de se asserit, Ego sum vir pauper et tenuis; vel, *Iste pauper*, id est quicumque humilis et parvus in oculis propriis, qui imperfectum suum attendit. Itaque, *Iste pauper clamavit*, ardenti affectu et prece devota, pro misericordia Dei impetranda; et Dominus exaudivit eum, et de omnibus tribulationibus mentis et corporis, salvavit eum, in præsentī vita per relevamen et spem, et post vitam præsentem per omnimodam amotionem malorum, secundum quod scriptum est: Absterget Deus omnem lacrimam ab oculis Sanctorum suorum.

7 *Immittet angelus Domini adjutorium suum, in circuitu timentium eum*, scilicet Dominum: id est, ex omni parte proteget eos, arcendo ab eis dæmonum impugnationem, mundi pericula, atque interius eos ad bonum persuadendo ac illustrando. Quidam namque angelici spiritus præsumt communitati, sicut Archangeli: et horum unus defendit et adjuvat multos, ut Michael, qui nunc tuetur Ecclesiam, sicut in veteri Testamento tuebatur Synagogam. Alii vero angelici spiritus singulis præsumt hominibus, ut angeli infimi ordinis, et horum singuli singulos protegunt. Unde si

A de his intelligatur quod ait, Immittet angelus Domini, etc., tunc ponitur singulare pro plurali, quemadmodum in Exodo scriptum est, Venit musca gravissima in domum Pharaonis. *Et eripiet eos*, scilicet angelus homines a multis malis. Nullus enim tam impius est, quin angelus sanctus custos ipsius, a multis peccatis eum præservet.

8 *Gustate et videte*, id est, taliter vivite, tam sancte, pure atque interne Domino adhærete, ut gratia tanta vobis præstetur, per quam certo et experimentaliter agnoscatis quod sequitur: *quoniam suavis est Dominus*. Deum namque esse suavem, omnes sciunt per intellectum, sed non omnes sapiunt per affectum. Per naturalem rationem Dei dulcedo cognoscitur, sed per gratiam degustatur. Nil autem dulciter sapit, nisi ametur: idcirco amor est causa saporis. Ad hoc ergo quod homo divinam dulcedinem experiatur, oportet ut Deum fervide diligat: quod esse non potest, nisi excludat a se quæ caritatem diminuunt. Caritatis autem venenum et diminutio, est cupiditas seu amor privatus et ad se inordinate reflexus. Incrementum vero seu profectus caritatis, est privati amoris minoratio. Perfectio autem caritatis, est privati amoris mera expulsio: quando videlicet homo diligit se pure in Deo, utpote nihil desiderans, nihilque amans, nisi Deum propter se, et se in ordine ad Deum, et alia in quantum per ipsa ad Deum perducitur. Qui ergo ita diligit Deum, omnes corporales delicias, omnes delectationes carnales, omnes temporales honores, et universa caduca et vana contemnit et fugit, quoniam per talia elongatur a Deo. Porro carnis macerationem, mundi contemptum, irrisiōnem, adversa et dura, sacras vigiliās, continuas orationes, atque similia amat, quia per talia Deo conjungitur.

Qui itaque talis est, gustare potest quoniam suavis est Dominus. Vere enim suavis est Dominus, et fons universæ dulcedinis, a quo omnia dulcia dulcedinem sortiuntur: et ipse Deus excelsus et benedictus, essentialiter dulcis est, et dulcedo separa-

Exod. viii, 24.

9

Jacob i, 5.
6.

Malach. iv.
2.

II Cor. viii.
9.

I Reg. xviii.
23.

Apoc. xxi,
4.

Dan. xii. 1.

- ta, immensa, supersubstantialis atque fontana, omni creaturæ, quantum ad suam plenitudinem, inexperta. Et vere omnino dignissimum est, ut qui hanc divinæ bonitatis dulcedinem gustare desiderat, omnem indignam et vilem ac transitoriam delectationem abhorreat, et cum omni mentis custodia, caritate ac reverentia, Deo ministret. Hæc enim degustatio, est futuræ beatitudinis certa ac supernaturalis prælibatio, quam nemo philosophorum aut superborum theologorum unquam gustavit; sed mites et humiles corde, qui totum suum affectum in illo uno, quod solum necessarium est, figunt, eam sapere promerentur. Hanc autem dulcedinem gustavit sacratissimus Isaias, dum verba illa super mel et favum suavia dixit: Nomen tuum et memoriale tuum, Domine, in desiderio animæ. Anima mea desideravit te in nocte, sed et spiritu meo in præcordiis meis de mane vigilabo ad te. Jeremias quoque, dum ait: Factus est sermo Domini in corde meo, quasi ignis exæstuans claususque in ossibus meis; et defeci, ferre non sustinens. Unde alio loco scriptum est: O quam bonus et suavis est, Domine, spiritus tuus in omnibus!
- Beatus vir qui sperat in eo.* Hoc jam frequenter expositum est.
- Denique ut gustare mereamini dulcedinem Dei, (9) *Timete* timore filiali, amoroso et sancto, *Dominum*, omnes sancti ejus, qui adhuc peregrinamini in terra, et adspiratis ad patriam, *quoniam non est inopia timentibus eum.* Nam in spiritualibus et corporalibus bonis providet eis Dominus sufficienter: imo et in bonis interioribus dat eis quotidianum augmentum et copiam magnam, quemadmodum in Evangelio ait Salvator: Habenti, id est grato et coram Domino sollicitè ambulanti, dabitur et abundabit. (10) *Divites eguerunt*, id est, in divitiis hujus mundi gloriantes, vel eas superflue desiderantes, eguerunt gratia et virtutibus animæ. Nam ut ait Christifera Virgo, Deus divites dimisit inanes, id est, a spiritualibus gratiis vacuos. *Et esu-*
- rierunt*, non utique justitiam et regnum Dei, sed opes mundanas: quoniam, sicut in Ecclesiaste dicitur, Avarus non impletur pecunia. Quanto enim plura acquirunt divites isti, tanto plura desiderant. *Inquirentes autem Dominum*, id est esurientes ac sitientes justitiam, *non minuentur omni bono.* Imo incessanter proficient, donec æternam beatitudinem evolantes inveniant.
- (11) *Venite, filii, audite me*, id est, in domum disciplinæ congregate vos, et in formationem meam percipite auribus cordis; *timorem Domini docebo vos*, id est, ostendam vobis quid pertineat ad Dei timorem, et quomodo acquiratur, conservetur, ac perficiatur. Et debetis libenter audire me, quoniam instructio mea valet ad obtinendum vitam æternam, quam quia diligitis, expedit vobis acquiescere mihi. Ideo sequitur: (12) *Quis est homo qui vult vitam religiosam, spiritualem et sanctam, diligit dies videre bonos?* id est, quis est qui cupit acquirere vitam æternam? Ille advertat quod dicam:
- (13) *Prohibe linguam tuam a malo*, id est, cohibe te ipsum ab omni sermone illicito; *et labia tua ne loquantur dolum*, id est, te ipsum compesce ne aliquem fallas. (14) *Declina a malo*, id est, recede a peccato: quemadmodum alibi scriptum est, Quasi a facie colubri fuge peccatum; *et fac bonum*, id est, serva mandata, et quæ Deo sunt placita. *Inquire pacem*, id est, stude et satage in mente tranquillitatem habere, atque cum proximis tuis concordiam: maxime vero omnia age ac ordina, quatenus ad cœlestis patriæ pacem merearis perducere; *et persequere eam*, id est, perfecte et infatigabiliter sequere eam, amplectendo et operando quæ proficua sunt ad pacem acquirendam ac conservandam, ea quoque vitando quæ pacem corrumpunt, videlicet lites, propriæ sententiæ defensionem pertinacem, verba pungitiva et derisionem. Hinc enim dicit Apostolus: Si fieri potest, quod in vobis est, cum omnibus hominibus pacem habete.

Rom. XIV. 19. Et iterum ait : Quæ pacis sunt, sectemur ; A et quæ ædificationis sunt, invicem custodiamus. Et ad Colossenses : Pax Christi exsultet semper in cordibus vestris.

Præterea in eo quod ait Psalmista, Declina a malo et fac bonum, tangit duas partes justitiæ, in quarum observatione totius perfectionis summa consistit. Et has duas justitiæ partes Christus in Evangelio tangit, dum ait : Sint lumbi vestri præcincti, id est, abstinete a malo ; et lucernæ ardentes in manibus vestris, id est, facite bonum. Patet quoque ex his, quam magna sit virtus, linguam refrenare ab omni sermone nocivo. Idcirco Salomon ait : Qui custodit os suum, custodit animam suam ; qui autem inconsideratus est ad loquendum, sentiet mala. Et alibi : Vidisti hominem velocem ad loquendum ? Stultitia magis speranda est, quam illius correctio. Et rursus scriptum est : Qui multis utitur verbis, lædit animam suam ; qui vero moderatur labia sua, sapientissimus est. Et Jacobus ait : Si quis se putat religiosum esse, non refrenans linguam suam, hujus vana est religio.

16 (15) *Oculi Domini super justos*, id est, adspectus divinæ pietatis expansus est super eos qui Deo obediunt, ut eos conservet et dirigat ; *et aures ejus*, id est miseratio et liberalitas Dei, *in preces eorum*, ut eas exaudiat. Nam oratio humiliantis se nubes penetrabit. 16 *Vultus autem Domini*, id est adspectus divinæ justitiæ, *super facientes mala*, ut perdat de terra memoriam eorum, id est, excludat eos a regno cœlorum, quod est terra viventium, vita beata, ita ut nullus Sanctorum in cœlo sit memor eorum in bonum, videlicet condolendo eis, aut intercedendo pro ipsis.

18 17 *Clamaverunt justi*, orando ferventer pro divino auxilio ; *et Dominus exaudivit eos*, et ex omnibus tribulationibus eorum liberavit eos, vel in præsentī vita, vel certe post vitam præsentem, dando eis requiem sempiternam, sicut patet in sanctis martyribus. 19 18 *Juxta est Dominus*, per gratiam et misericordiam suam, *his qui tribulato*

sunt corde, id est, qui propter justitiam tribulantur, aut bono dolore (scilicet pro peccatis) afficiuntur, aut adversitates propter Deum æquanimiter ferunt : imo et omnibus tribulatis prope est, quantum ad hoc quod citius inclinatur ad miserendum, indulgendum, succurrendumque eis, quam aliis, loquendo in genere, et ceteris paribus : quoniam (teste Apostolo) abjecta et infirma mundi elegit Deus, ut confundat fortia. Unde Baruch ait : Anima quæ tristis est super magnitudine mali, et incedit curva et infirma, et oculi deficientes, dant gloriam et justitiam tibi Domino. Nam in eis relucet divina justitia, et ideo, quoniam in hac vita torquentur, Deus pronus est ut misereatur eorum. *Et humiles spiritu salvabit* : quemadmodum in Evangelio dicitur : Beati pauperes spiritu, quoniam ipsorum est regnum cœlorum. *Matth.* v, 3.

19 *Multæ tribulationes justorum* : nam corde et corpore affliguntur variis modis, et propter causas diversas, scilicet propter propria crimina, propter perfectionis carentiam, propter proximorum errorem, et propter Dei inhonationem, ac similes causas ; *et de omnibus his liberabit eos Dominus*, partim in hoc sæculo per consolationem Spiritus Sancti, et perfecte in sæculo futuro, quando beatitudinem plenam possidebunt. Propter quod ait Scriptura : Bonus Dominus et confortans in die tribulationis, et sciens sperantes in se. *Nahum* i, 7.

20 *Custodit Dominus omnia ossa eorum*, id est, Dominus conservat virtutes justorum, quæ sunt robur et fixio ac fulcrum mentis in Deo ; *unum ex his non conteretur*, id est, nulla virtus justorum peribit, sed Domino conservante, in tentatione servabitur, ne vitio obruatur. Hoc verum est de electis et perseverantibus usque in finem. Vel sensus est, quod quorum ossa (id est virtutes) conservantur, non ab ipsis, sed a Domino custodiuntur. Potest quoque exponi de ossibus corporis, quæ licet in passione, vel post mortem conterantur et corrumpantur, custodiuntur tamen a Domino, neque finaliter ma-

nebunt contrita, sed resuscitabuntur, et animæ copulabuntur, sicut et caro in die novissimo. Secundum hunc modum Christus in Evangelio ait : Capillus de capite vestro non peribit.

Luc. xxi,
18.

22 21 *Mors peccatorum pessima* : quoniam ipsa est via ad mortem æternam, et non potest esse reparatio gratiæ post eam ; *et qui oderunt justum, delinquent* : nam odium justī est magnum peccatum, et majus quam odium peccatoris, quum tamen utrumque sit mortale peccatum, sicut et odium inimici. 22 *Redimet Dominus animas servorum suorum*, indulgendo eorum peccata, et de via hujus exsilii transferendo eos ad patriam ; *et non delinquent omnes qui sperant in eo* : non quod nunquam peccabunt, sed quoniam pœnitentiam agent, nec in peccato finaliter perseverabunt. Secundum hunc intellectum, alio etiam loco scriptum est : Qui natus est ex Deo, non peccat, quoniam semen ipsius in eo manet, et non potest peccare, sed generatio Dei conservat illum.

1 Joann. iii,
9.

Ecce quam admirabilis est virtus hujus psalmi ; quam consolatorium atque jucun-

dum, attente depromere psalmum hunc ipsum. Primo omnium continet laudes Altissimi. Deinde excitat omnes ad laudem ipsius ; narrat quoque varia beneficia Dei, et ad divinæ dulcedinis gustum nos invitat. Exhortationem etiam saluberrimam et præcepta perfecta proponit. Postremo inter justos et impios præclare distinguit, et sæcularium hominum vanitatem ostendit, ipsumque omnium Creatorem asserit singulos intueri, ut vel sic studeant homines vivere timorate coram Deo omnia considerante. Studeamus ergo cum omni stabilitate, attentione atque fervore cantare hunc psalmum : quod si fecerimus, mirabilem suavitatem in ipso experiemur, ad proficiendum accendemur, et ad mundi contemptum erudiemur.

PRECATIO.

Propitiator omnium Deus, fac nos declinare a malo, et facere bonum ; da nobis pacem semper inquirere et sectari, per quam, suavitatem tuam gustantes et videntes, præveniente clementia tua, beatificemur in te sperantes.

ARTICULUS LXXII

EXPOSITIO PSALMI TRICESIMI QUARTI : JUDICA, DOMINE, NOCENTES ME.

1 HABET autem psalmus jam exponendus hunc titulum : *Psalmus ipsi David* : id est, psalmus iste a David compositus, convenit Christo per David præfigurato, et membris ipsius. Primo igitur exponendus videtur de Christo, deinde de membris ipsius.

CHRISTUS ergo ut homo, passione jam ingruente, ait ad Patrem æternum, seu totam superfelicitissimam Trinitatem : (1) *Judica, Domine, nocentes me*, id est, profer sententiam tuæ justitiæ contra Judæos

me persequentes ; *expugna impugnantes me*, id est, vince, dejice, et potestate, regno ac patria priva Judæos, me verbis atque verberibus invadentes. Hoc impletum est in Judæis per principes Romanorum, qui eos gravissime vastaverunt, expugnaverunt, expulerunt, aut occiderunt. (2) *Apprehende arma et scutum*, id est, armis et scutis muni ac robora principes Romanorum, videlicet Vespasianum ac Titum cum populo suo, adversus Judæos ; *et exsurge in adjutorium mihi*, id est, per manum illorum debella adversarios meos. (5) *Ef-*

2

3

funde frameam, id est, extrahe gladium, A sibi infligendam formident, *quærentes animam meam*, id est, extinguere cupientes vitam meam. Hoc modo confusi atque reveriti sunt Judæi in præsentī vita, et post eam. Nam modo ab omnibus contemnuntur et opprimuntur, et post hanc vitam cadunt in pœnam æternam. (5) *Avertantur retrorsum*, id est, mentis cæcitate obtenebrentur, et non convertantur ad te, sed per obstinationem recedant a te, *et confundantur*, id est, per experientiam tormentorum erubescant de suis malitiis in

Vel sic, et spiritualius : *Apprehende arma et scutum*, id est, accipe virtutem tuam divinam ac omnipotentem, per quam in te ipso fortis es et quasi armatus, aliosque potens defendere. Hæc virtus Dei est ipsemet Deus omnipotens ; sed dum Deus B hac potestate non utitur, utpote sinens homines justos tribulari a malis, tunc videtur quasi deponere arma sua et scutum, id est virtutem suam, secundum quod Pro-

Habac. 1.
13.

pheta alius inquit : Quare non respicis contemptores, Domine, et taces, conculcante impio justiore se ? Dum autem Deus potestatem suam exercet, bonos eripiens, impiosque affligens, tunc accipere dicitur virtutem suam, id est arma et scutum. Juxta hunc sensum scriptum est :

Apoc. xi,
17.

Gratias agimus tibi, Domine Deus omnipotens, qui es, et qui eras, qui accepisti virtutem tuam magnam, et regnasti. Quamdiu enim permisit idololatriam ita invalescere, et dæmones hominibus prævalere, quasi deposuit suam virtutem ; sed quum

Ps. xviii, 6.

incarnatus venit in mundum, exsultans ut gigas ad currendam viam, aeriasque potestates expugnans ac homines redimens, tunc accepit suam virtutem, et regnavit in his, in quibus ante regnavit diabolus.

— Sic ergo ait Christus homo ad Deum Patrem : *Apprehende arma et scutum*, et D exsurge in adjutorium mihi, id est, a mortalitate redime me per resurrectionem beatam ; *dic animæ meæ*, id est vitæ meæ corporali : *Salus tua ego sum*, id est, tertio die reparabo te, et immortalem te faciam, uniendo animam corpori immortalī. In his itaque precibus Christus orat pro resurrectione corporis sui.

4

(4) *Confundantur*, id est, confusione digni appareant, et pœnam suæ perversitatis incurrant, *et revereantur*, id est, pœnam

hoc sæculo, vel in inferno, *cogitantes mihi mala*, id est, qui mala concepiunt contra me, cogitantes quomodo possint me capere in sermone, et accusare atque occidere.

Luc. xx,
20; Joann.
xi, 53.
5

(6) *Fiant tanquam pulvis ante faciem venti* : id est, Judæi prædicti tam facile superentur ab hostibus suis, et per totum mundum dispergantur, privati proprio solo, quam facile pulvis a vento impellitur, et per aera dispergitur ; *et angelus Domini coarctans eos*, id est, Michael qui erat aliquando princeps atque protector Synago-

Dan. xii, 1.

C gæ, jam deserat eos vastari et coarctari per populum Romanum in obsidione Jerusalem a Tito. Potest quoque per angelum intelligi angelus malus, cujus cooperatione tam atrociter coarctabantur, et interficiebantur Judæi in ultionem sanguinis Christi. (7) *Fiat via*, id est vita seu operatio, *illorum*, scilicet Judæorum, *tenebræ*, id est excæcata ac privata lumine fidei, agnitionisque Christi, *et lubricum*, id est vaga atque inconstans : ita ut in propriæ habitationis terra stare non possint, nec alicui stabili fundamento inni-

6

tantur, eo quod Christum negaverint : qui est solum et verum fundamentum omnium electorum, quemadmodum ait Apostolus : Fundamentum aliud nemo ponere potest, præter id quod positum est, quod est Christus Jesus ; *et angelus Domini persequens eos*, id est, angelus sanctus sinat eos persecutionibus fatigari. Vel, angelus malus persequatur eos, detinendo corda eorum in obstinatione perfidiæ, suisque tentationibus eos fallendo.

I Cor. iii,
11.

- 7 Et ista eis contingant, (8) *Quoniam gra-* A *lectabitur interiori lætitia, super salutari*
tis absconderunt mihi interitum laquei suo, id est de omni beatitudine quam Do-
sui : id est, sine culpa mea tetenderunt minus præstitit ei. (11) *Omnia ossa mea*, id
insidias, et fecerunt consilia contra me, 10 est tota fortitudo mea et omnes virtutes
quomodo mortem mihi inferrent. Mors animæ meæ, *dicent* : Domine, quis similis
namque hoc loco vocatur interitus laquei, tui ? quasi dicat : Nullus, quoniam tu om-
id est laqueus interimens. Judæi enim do- nia in infinitum excedis in omni nobili-
losissime et quidem occulte tractabant in- tate et gloria. Vel sic : Omnia ossa mea
ter se, quomodo Christum occiderent. Su- dicent, id est, ossa corporis mei signis et
perperracne exprobraverunt animam meam, gestibus devotis declarabunt interiorē
id est, superflue et inutiliter imposuerunt lætitiā, quam habeo in te ex conside-
mihi crimina multa, atque contumeliis af- ratione tui ac beneficiorum tuorum. Ma-
fecerunt me, dicentes : Homo vorax, se- B gna namque hilaritas cordis redundat in
ducit populum, insanit, atque similia. corpus, et facit in eo gestus jucundos, in-
(9) Veniat illi, id est populo me per- ternam lætitiā demonstrantes. Domine,
sequenti, laqueus quem ignorat, id est quis similis tui ? (12) *Eripiens inopem,* id
tribulatio improvisa morsque incerta ; et est me Christum adeo pauperem, ut non
captio quam abscondit, id est comprehen- haberem ubi caput reclinarem, *de manu* Luc. ix, 58.
sio, tentio seu ligatio, quam inter se pro- *fortiorum ejus,* id est de potestate et ra-
ponebant mihi inferre, ac intulerunt in bie Judæorum, qui quantum ad hoc visi
nocte passionis meæ, dum cohors et tri- sunt fortiores me fuisse, quod permissi
bunus ac ministri Judæorum injecerunt sunt prævalere in me, mortem corpori in-
manus in me, apprehendat eum, id est, ferendo ; et eripiens in die resurrectionis
fiat eis causa, meritum et occasio, qua ab meæ, *egenum* in temporalibus bonis, qui
adversariis suis capiantur, ligentur ac de- C de aliorum facultatibus vixi, *et pauperem,*
tineantur ; et in laqueum cadat in ipsum, id est abjectum et humilem, *a diripienti-*
id est, captio ista quam absconderunt, fiat bus, id est crucifigentibus eum.
eis nociva et laqueus mortis, mihi vero
non noceat, sed causa honoris et gloriæ
fiat mihi. Hoc totum in Judæis et Christo
impletum videmus.
 Porro hæc omnia dicit Christus, non im-
 precando seu optando adversariis suis ma-
 la, imo (ut infra habetur) ipse oravit pro
 eis ; sed conformando se divinæ justitiæ et
 futura prædicendo, ac insinuando quid cul-
 pa illorum promeruit. Verumtamen quod D
 dictum est, Confundantur et reveantur
 quærentes animam meam, etc., exponi
 posset in bono, et per modum orationis, ita
 ut Christus intelligatur desiderasse con-
 versionem Judæorum, et castigationem eo-
 rum in præsentī, ne æternaliter puniren-
 tur, quemadmodum patebit in sequenti
 expositione.
 9 10 *Anima autem mea exsultabit in Do-*
mino : anima enim Christi semper erat in
 actuali gaudio beatificæ fruitionis ; et de-

Matth.
xxvi, 4 ;
xxvii, 1.

Thol. xi, 19 ;
Luc. xxiii, 5 ;
Joann. viii,
12 ; xi, 20.

8

Joann. xxi
12.

Matth.
xxvi, 59, 60.

12

Joann. x, 32.

Jer. xviii,
19, 20.

meæ? Itaque, Retribuebant mihi mala pro bonis, scilicet *sterilitatem animæ meæ*, id est, bonorum infecunditatem, seu vitia, quæ sunt sterilitates animæ, imposuerunt mihi.

13 (15) *Ego autem, quum mihi molesti essent*, id est, dum me persequerentur Judæi, præsertim tempore passionis, *induebar cilicio*. Ad litteram non legimus, Christum usum fuisse cilicio, sed jejunasse. Quid ergo per cilicium, nisi carnis infirmitas, et similitudo carnis peccati significatur?

Itaque Christus in persecutione et passione sua cilicio induit se, id est, sub mortalis carnis tegumento divinitatem abscondit, ita ut potius videretur vermis quam Deus.

Ps. xxi, 7.

Matth. xi, 6. Propter quod ipse in Evangelio ait: Beatus est qui non fuerit scandalizatus in me, id est, qui propter humilia et abjecta, quæ corporaliter ago aut patior, non abnegat in me confiteri Divinitatis naturam. Et

Is. liii, 3. Isaias de Christo inquit: Quasi absconditus vultus ejus et despectus. (16) *Humiliabam in jejunio animam meam*, id est,

Matth. iv, 2. deserto, ubi quadraginta diebus ac noctibus sine omni cibo vixi. *Et oratio mea*,

Luc. xxiii, 34. quam fudi pro his qui noluerunt converti, dicendo in cruce, Pater, ignosce illis; et alias sæpe pro Judæis orando; *in sinu meo*, id est ad me ipsum, *convertetur*, id est,

effectus et meritum orationis redundabit in me. Sed videtur huic sententiæ repugnare quod jam sæpe inductum est, puta Christum semper exauditum a Patre, quemadmodum ipse testatur: Pater, gratias ago tibi, quoniam audisti me; ego autem sciebam quoniam semper me audis. Sed hujus dilutionem satis arbitror posse patere ex his, quæ dicta sunt in expositione psalmi vicesimi primi, ubi dictum est atque expositum ex persona Christi, Deus meus, clamabo per diem, et non exaudies.

Joann. xi, 41, 42.

Ps. xxi, 3. sti, Deus meus, clamabo per diem, et non exaudies.

14 (17) *Quasi proximum, et quasi fratrem nostrum sic complacebam*. Hoc dupliciter exponi potest. Primo sic: Quasi proximum, et quasi fratrem nostrum, subaudi,

A arbitrans populum Judæorum et unumquemque eorum; sic complacebam, id est, sic de eorum profectu et prosperitate gaudebam. Vel sic: Quasi proximum, etc., id est, tanquam de proximo et fratre sic complacebam, id est, sic mihi in eis complacui, et de eorum affinitate gaudebam, atque pro eis tanquam pro carissimis propriam animam posui, qui mihi (sicut prædictum est) retribuebant mala pro bonis, et me tandem crucifixerunt. *Quasi lugens oculis corporis, et contristatus, compassionem pii affectus, sic humiliabar*, id est, sic me ipsum pro eorum salute humiliavi atque afflixi. Unde scriptum est: Videns Jesus civitatem, flevit super eam, id est super populum ejus. Et rursus: Contristatus est Jesus super cæcitate cordis eorum. Et utique quanto populus ille sibi propinquior fuit, tanto de eorum ingratitude atque duritia amplius doluit.

Joann. x, 15.

Luc. xix, 41.

Marc. iii, 5.

Denique ingratitude Judæorum Christus consequenter insinuat, dicens: (18) *Et adversum me lætati sunt*, id est, de adversitatibus meis ex odio gavis

15

C versitatibus meis ex odio gavis sunt: quemadmodum in Luca habetur: Abiit Judas et locutus est cum principibus sacerdotum, quomodo illum traderet eis; et gavis

Luc. xxii, 4, 5.

sunt, et pacti sunt pecuniam illi dare. *Et convenerunt*, id est, consilium contra me ad invicem habuerunt, sicut Joannes testatur: Collegerunt pontifices et Pharisei concilium, et dicebant: Quid facimus, quia hic homo multa signa facit? Et Matthæus: Congregati sunt principes sacerdotum et seniores populi, etc., et consilium fecerunt, ut Jesum dolo tene-

Joann. xi, 47.

Matth. xxvi, 3, 4.

D et consilium fecerunt, ut Jesum dolo teneant et occiderent. *Congregata sunt super me flagella*, id est persecutiones et pœnæ, præsertim in die Parascæves, quando satisfati sunt pœnis meis, et *ignoravi*, id est,

Job xvi, 11.

per modum ignorantis me habui, quia non fugi. Vel, Ignoravi, id est, de causa tantarum pœnarum, videlicet de culpa, mihi conscius non fui. Vel, Ignoravi, secundum æstimationem eorum et etiam Judæ. Secundum hunc sensum scriptum est: Ego quasi agnus mansuetus qui portatur ad

Jer. xi, 19.

victimam, et non cognovi quia super me A cogitaverunt consilia.

16 19 *Dissipati sunt*, id est cordibus dissoluti, ex pavore mirabilium quæ tempore passionis fiebant, quando videlicet adspiciebant terram moveri, solem obscurari, et velum templi esse conscissum; *nec compuncti*, id est, de peccato suo nequaquam poenituerunt, sed in incredulitate manserunt. Vel sic: Dissipati sunt, id est ab invicem dispertiti, et per totum mundum dispersi; nec compuncti, id est, ex tanta sua pœna non advertunt se propter peccatum in me commissum, a Deo relinqui. *Tentaverunt me*, dicendo, Magister, scimus quia verax es, ac aliis modis, ut aliquid reprehensionis invenirent in me; *substantiaverunt me substantiatione*, quando in cruce pendenti illudendo dixerunt, Si rex Israel est; vel, Si hic est Christus Dei electus, descendat nunc de cruce; *frenduerunt super me dentibus suis*, id est, furibundo rancore stridebant in me, sicut dum caput meum spinis punxerunt, arundine percusserunt, et coram

Matth. XXIII, 16.

Matth. XXIII, 32. Luc. XXIII, 30.

Joann. XIV, 12.

Job XVI, 11.

17 20 *Domine, Pater cœlestis, quando respicies?* id est, quando oculo paternæ subventionis te ista videre ostendes? *Restitue animam meam* suo corpori per resurrectionem, *a malignitate eorum*, id est, de persecutione Judæorum eam salvando; *a leonibus*, id est a Judæis superbis ac feris, restitue seu libera *unicam meam*, id est animam meam tibi summe ac unice prædilectam; vel, *Unicam*, id est unam solam in corpore meo existentem. Nam in uno corpore animato non est nisi una anima.

18 21 *Confitebor tibi Deo Patri in ecclesia magna*, id est in plebe catholica per me ipsum et meos ministros, quando restitueris animam meam a malignitate eorum; tunc quoque *in populo gravi*, id est in

populo christiano, probitate morum honesto atque maturo, *laudabo te*. Hoc est quod superius dictum elucidatumque est: Narrabo nomen tuum fratribus meis; in medio ecclesiæ laudabo te. Est autem et aliud genus populi gravis, in quo Christus Patrem non laudat. De quo dicitur: Væ populo gravi iniquitate; dereliquerunt Dominum, blasphemaverunt Sanctum Israel. De quo in Apocalypsi ait Joannes: Dicunt se Judæos esse, et non sunt, sed sunt synagoga Satanæ. Verumtamen in hoc quoque populo Christus aliquo modo laudat Patrem, in quantum per se ipsum suosque discipulos verbum salutis prædicavit, atque misericordiam Dei ac beneficia ejus ipsis patefecit.

Ps. xli, 23.

Is. i, 4.

Apoc. ii, 9.

22 *Non supergaudeant mihi*: id est, o Domine Pater, etsi permittis Judæos gaudere de pœnis meis usque ad crucis patibulum, tamen non supergaudeant mihi, id est, post passionem non diu, neque superflue gaudeant de meo interitu, quasi omnino extinctus sim, nec resurrecturus; *qui adversantur mihi inique*, id est Judæi, qui sine culpa mea quærunt opprimere et prorsus delere nomen ac memoriam meam: quemadmodum scriptum est ex persona eorum: Mittamus lignum in palem ejus, id est, morte crucis cibemus eum, et eradamus eum de terra viventium. *Qui Judæi oderunt me gratis*, id est sine demerito meo, quia nil nocui eis, et *annuunt oculis*, id est, inter se gestus irrisationis fingunt, quibus se mutuo cohortantur ad deridendum me. Hanc autem

19

Jer. xi, 19.

D scripturam allegat Christus, dicens: Si opera non fecissem in eis, quæ nemo alius fecit, peccatum non haberent; nunc autem et viderunt, et oderunt et me et Patrem meum: sed ut impleatur sermo qui in lege eorum scriptus est, Quia odio habuerunt me gratis. Ex quo apparet, quod psalmus iste ad litteram sit de Christo exponendus: quoniam allegatio seu probatio non valet nisi ex sensu literali, secundum Augustinum. Propterea expositio exponentium psalmum istum ad litteram de

Joann. xv, 24, 25.

David, non placet, quamvis littera possit applicari ad David, sicut ad ceteros justos, quemadmodum in sequenti expositione introducam.

Quidam vero nimis litteraliter exponit hunc librum Psalmorum. Nam non solum psalmum præsentem, sed et alios plurimos psalmos, qui manifeste loquuntur de Christo et ejus passione atque mysteriis, exponit ad litteram de David, nullam de Christo mentionem inducens: quos tamen psalmos sancti atque catholici doctores, videlicet Hieronymus, Augustinus, Cassiodorus et Hugo, de Christo exponunt. Præterea psalmum præhabitu, scilicet tricesimum, cujus exordium est, In te, Domine, speravi, qui evidenter de Christo pertractat, non exponit nisi de David: cujus defectus ex suo argumento ostenditur. Psalmum enim vicesimum primum, cujus principium est, Deus, Deus meus, respice in me, probat ad litteram exponendum esse de Christo, per hoc quod Christus pendens in cruce, protulit principium hujus psalmi, tanquam dictum ex sua persona. Si ergo ob hanc rationem psalmus ille explanatur de Christo, pari ratione et psalmus tricesimus ad litteram exponendus erit de Christo: quoniam Christus pendens in cruce, protulit prosecutionem illius psalmi, utpote versum illum, In manus tuas commendo spiritum meum, tanquam dictum ex sua persona. Pariformiter et de psalmo præsentis argui potest, in quo ait Propheta, Oderunt me gratis: quod Christus apud Joannem clare fatetur de se prophetatum. Alias non dixisset, Ut impleatur sermo, etc., quia si de ipso David hoc ad litteram dictum fuisset, tunc utique sermo ille diu fuisset impletus ante Christi adventum.

20

Deinde Christus ait: 25 Quoniam mihi quidem pacifice loquebantur Judæi increduli, id est verba quæ videbantur esse amorosa atque pacifica: sicut ex Evangeliorum patet decursu, ut est illud: Magister, quod est mandatum magnum in lege? Et de muliere in adulterio deprehensa: Ma-

gister, inquit, quid tibi videtur? Et: Magister, volumus a te signum videre. Et in iracundia terræ, id est ex ira orta ex vitioso amore rei terrenæ, loquentes inter se et etiam mecum, dolos cogitabant, videlicet ut possent me reprehendere, tanquam transgressorem legis. Judæi enim terrena inordinate amabant, videlicet divitias, honorem et gloriam temporalem: et quoniam Christus reprehendit eos de hoc, invidiam conceperunt contra eum, atque ex ira cordis locuti sunt secum verba dolosa. Et

B ideo ait Salvator in Evangelio: Me odit mundus, quia ego testimonium perhibeo de illo, quia opera ejus mala sunt. (24) Et dilataverunt super me os suum, id est, lato ore deriserunt, vituperaverunt, et blasphemaverunt me, maxime tempore passionis, tuncque dixerunt: Euge, euge, id est, valde bene jam accidit, quoniam captus es. Viderunt oculi nostri, id est, nos ipsi vidimus mala quæ tibi imponimus, scilicet quod seduxisti populum, et legem transgressus es, dicendo te Christum esse.

C Hoc est quod Judæi coram Pilato dicebant: Nos legem habemus, et secundum legem debet mori, quia Filium Dei se fecit. Sæpe autem in Scripturis accipitur visus pro quolibet sensu communiter.

25 Vidisti, Domine Pater, omnia mala mihi injuste illata; ne sileas, id est, profer sententiam, approbando meam justitiam, et reprobando illorum malitiam. Domine, ne discedas a me, id est a natura humana quam assumpsi, sed da mihi tertio die resurgere, et quadragesimo die ascendere. (26) Exsurge, id est, per modum surgentis te habe, mihi adsistendo et succurrendo, quantum ad corporis glorificationem; et intende judicio meo, id est, considera judicium, quo tam injuste et ignominiose adjudicatus sum morti, et pro illo judicio da mihi judicariam potestatem, quoad manifestationem, ut sim iudex vivorum et mortuorum per executionem. Hanc enim potestatem, hocque activum judicium meruit Christus, eo quod judicium iniquum passus sit. Itaque, Intende

Matth. xii. 38.

Joann. vii. 7.

21

Luc. xxiii. 35-39.

Joann. vii. 12.

Ibid. xix. 7.

22

23

Act. x. 42.

Matth. xxvii. 46.

Luc. xxiii. 46.

Joann. vii. 25.

Matth. xxii. 36.

Joann. viii. 4.

judicio meo, et judica me judicio prædictæ remunerationis, *Deus meus*; et tu qui es *Dominus meus*, secundum quod formam servi accepi, intende in causam meam, id est, respice ob quam rationem ista sustineo, videlicet propter tuum honorem ac mundi salutem, et non propter aliquam culpam meam, quemadmodum latrones, inter quos ad mortem ducor atque in cruce suspensor. Hoc est quod in libro Job scriptum est: Causa tua quasi impii judicata est; causam judiciumque recipies.

Matth.
xxvii, 38.

Job xxxvi,
17.

24 27 *Judica me* judicio remunerationis, quantum ad præmium accidentale, secundum justitiam tuam, id est secundum dictamen tuæ divinæ justitiæ; vel secundum justitiam meam, mihi a te collatam, *Domine Deus meus*. Hoc Christus secure rogavit, quoniam sine omni malitia fuit, et se esse Filium Dei, in quo Patri summe complacuit, novit. *Et non supergaudeant mihi*. Hoc jam semel in psalmo præsentis expositionis est.

Matth. iii,
17. xvii, 3.

vers. 19.

25 28 *Non dicant in cordibus suis*, id est, non cogitent amplius: *Euge, euge, animæ nostræ*: id est, quam delectabiliter contigit nobis, quod ita potuimus turpissima morte occidere istum, qui erat nobis gravis ad videndum! *Nec dicant: Devorabimus eum*, id est, nomen atque memoriam ejus, et omnes ejus sectatores exstinguemus; sed per miracula demonstra me resuscitatum a mortuis. Unde Petrus, quum sanasset claudum ex utero, dixit Judæis: Viri Israelitæ, Deus patrum nostrorum glorificavit Filium suum, id est, vivum et gloriosum ostendit, per istud miraculum.

Sap. ii, 20,
15.

Act. iii, 12.
13.

Ibid. v, 28.

26 que Christus subjungit: (29) *Erubescant* Judæi increduli de peccatis commissis in me, et morte mihi ab ipsis inflicta, et re-

A vereantur simul, id est, pariter timeant divinæ justitiæ ultionem, qui gratulantur malis meis, id est, qui de pœnis meis lætati sunt ex mera invidia. Eandem autem sententiam sequens versus sub aliis verbis includit. (30) *Induantur confusione et reverentia*, id est, mente et corpore confundantur et expavescant, atque totaliter operiantur erubescencia et timore, quemadmodum homo tegitur vestimento, qui maligna loquuntur super me, id est, qui crimina gravia mihi imponunt.

B 31 *Exsultent* exteriori lætitia, et latentur mentali delectatione, qui volunt justitiam meam, id est, qui amant, approbant, et sequuntur doctrinam, vitam et passionem meam; et dicant semper, *Magnificetur Dominus*, id est, incessabiliter laudent Deum, qui volunt pacem servi ejus, id est, qui adipisci desiderant, vel adeptam affectuose custodiunt pacem Christi: qui est servus Dei, quemadmodum per Zachariam Dominus ait, Ecce ego adducam servum meum Orientem. Orat itaque Christus, ut filii pacis, qui pacem veram affectant, Deum collaudent, quoniam digni sunt Deum laudare tanquam filii ejus, ut Christus ipse testatur, dicens: Beati pacifici, quoniam filii Dei vocabuntur. Pax Christi alia est a pace mundi, ut idem ipse affirmat: Pacem relinquo vobis, pacem meam do vobis; non quomodo mundus dat, ego do vobis. De pace autem mundi iterum ait: Non veni pacem mittere, sed gladium. Itaque pax Christi in interiori homine sita est. Est enim tranquillitas mentis seu quies a perturbatione peccati, consistens in hoc, quod caro perfecte obedit spiritui, sensualitas rationi, et ratio legi divinæ, ut sit homo fixus in Deo, et mente tranquillus, nil habens amaritudinis contra aliquem. Porro pax mundi, est quieta fruitio temporalium bonorum, exclusis his quæ carnalem delectationem transitoriasque delicias auferunt sive diminuunt. Hæc pax non est vera pax, sed pessima quies, quia non est pax impiis, dicit Dominus. Hanc ergo Christi pacem quæramus, diligamus

27

Zach. iii, 8.

Matth. v, 9.

Joann. xiv,
27.

Matth. x,
34.

Is. lvii, 21.

et conservemus, si volumus esse idonei A *tuam*, o Pater cœlestis, docendo evangeli-
laudatores Altissimi. cam legem, quæ est lex perfectæ justitiæ,

28 52 *Et lingua mea meditabitur*, id est, ex
interiori meditatione loquetur, *justitiam*

tota die laudem tuam, id est, indesinenter
atque quotidie laudabit te.

ARTICULUS LXXIII

EXPOSITIO MORALIS EJUSDEM PSALMI TRICESIMI QUARTI, DE QUOCUMQUE
JUSTO ATQUE ECCLESIA.

MODO videndum est, quomodo quilibet B
nostrum possit ac debeat psalmum
istum in propria persona cantare, ipsum-
que intelligere de Christi Ecclesia, quæ
capiti suo ac sponso semper conformari
desiderat. Fidelis ergo christiformiter vi-
vens, et variis tribulationibus circumse-
ptus, atque considerans se propriis viribus
prævalere non posse, clamet ad Deum :
Judica, Domine, nocentes me, etc.

1 Totus hic locus, quo petitur auxilium
contra hostes, uno modo exponi potest de
invisibilibus hostibus, ut sit sensus : *Ju-
dica, Domine*, id est, juste condemna, *no-
centes me*, id est dæmones me tentantes,
meque a profectu frequenter impedi-
entes, immittendo mihi phantasmata inutilia
tempore divinorum. Sed quum dæmones
jam judicati sint, et irreparabiliter con-
demnati, quid necesse est orare ut judi-
centur ? Sciendum ergo, quod dæmones
nondum habent omnem pœnam quam ha-
bituri sunt : imo frequenter de novo au-
getur pœna eorum. Quamvis enim sint in
termino, tamen sicut angeli sancti me-
rentur præmium accidentale, homines cu-
stodiendo ; sic dæmones promerentur au-
gmentum miseriæ accidentalis, videlicet
pœnam sensus, homines pios tentando.
Sed quantum ad essentialem miseriam,
quæ est aversio a summo bono, seu divinæ
visionis carentia, sunt omnino in termi-
no : et quantum ad eam, nec merentur, nec
demerentur, sicut nec animæ in inferno

B jam existentes. Dum ergo ait, *Judica, Do-
mine*, nocentes me, scilicet dæmones, sen-
sus est : Argue et afflige eos. Et juxta
hunc sensum in Zacharia scriptum est :
Incipet Dominus in te, Satan, et incipet
Dominus in te. *Expugna impugnantes me*,
id est, acrias potestates me tentationibus
variis molescentes, aliosque ad me perse-
quendum incitantes debella, præstando
gratiam mihi, per quam eorum suggesti-
oni efficaciter resistam, et adversa quæ
mihi ex eorum machinatione contingunt,
C patienter sustineam. Unde Apostolus ait :
Deus pacis conteret Satanam sub pedibus
vestris velociter. *Rom. xvi. 20.*

2 *Apprehende arma et scutum*, id est, po-
testatem tuam exercendo assume, meque
per eam conforta et protege ; *et exsurge
in adjutorium mihi*, ne tentationi suc-
cumbam, ne concupiscentiam sequar, ne
infirmitate dejiciar. *Effunde frameam*, id
3 est increpationem et pœnam super tenta-
tores prædictos, *et conclude adversus eos
qui persequuntur me*, id est, fac bonam ac
D triumphalem conclusionem pro me et con-
tra illos, ita ut eorum malitia revertatur
in caput ipsorum, et mihi non noceat. *Dic
animæ meæ*, per Spiritus Sancti instin-
ctum, seu revelationem internam, atque
per experientiam misericordiarum tuarum :
Salus tua ego sum, id est causa salutis
tuæ, et salvabo te de periculis istis. Hoc
est quod ait Apostolus : Ipse Spiritus testi-
monium reddit spiritui nostro, quod filii *Ibid. viii. 16.*

Dei sumus. Itaque oro, o Domine, dic animæ meæ, Salus tua ego sum : id est, dic mihi per inspirationem secretam, verba illa bona, verba consolatoria, quæ apud Michæam scripta sunt : Nunc quare mœrore contraheris? Numquid rex non est tibi, aut consiliarius tuus periit, quia comprehendit te dolor sicut parturientem? Salva bo te, et liberaberis ; noli timere.

Mich. ix. 9.
10.

4 *Confundantur*, id est, confusibiliter a me repellantur ac superentur, et se victos erubescant, atque a te æternaliter confundantur in die novissimo, *et reveantur*, id est, me timeant impugnare de cetero. Dum enim dæmones a sanctis vincuntur, tunc metuunt eos, nec sine formidine eos invadunt. Itaque, *Reveantur*, id est, tantam virtutem ac gratiam mihi concede, o Domine, quatenus dæmones a conspectu meo quasi perterriti fugiant, dicentes : Castra Dei sunt hæc ; fugiamus Israel, quoniam Dominus pugnat pro eo. *Quærentes animam meam*, id est diaboli, qui quærent eam a Deo avertere, et suo infelici collegio sociare. *Avertantur retrorsum*, id est, victi cadant ac fugiant, *et confundantur*, sicut jam dictum est, *cogitantes mihi mala*, id est dæmones, intra se consiliantes quomodo animam meam decipiant, et pœnam æternam ei procurent.

Gen. xxxv.
2.
Ezod. xiv.
28.

5 *Fiant tanquam pulvis ante faciem venti*, id est, tam cito, tamque facile commoveantur ac repellantur a me, sicut movetur atque impellitur pulvis a vento, ita ut nequaquam eis aperiatur janua cordis mei seu portam consensus : quemadmodum docet Apostolus, Nolite locum dare diabolo ; *et angelus Domini coarctans eos*, id est, sanctus angelus Dei, qui custos est animæ meæ, reprimat malignitatem eorum, et a me rejiciat eos. *Fiat via illorum*, id est machinatio tentatoria, *tenebræ et lubricum*, id est obscura et vacillans, sic ut non pertingat ad consensum meum sub specie boni, sed agnoscat falsitas dæmonum a me : ad quod necessarium est donum discretionis spirituum. Nam Satanæ transfigurat se in angelum lucis, apparetque via

Ephes. iv.
27.

II Cor. xi.
14.

A ejus luminosa ; sed dum per illuminationem divinam advertimus ejus fallacias, tunc via ejus fit tenebræ et lubricum. *Et angelus Domini persequens eos*, id est, angelus bonus prælietur pro nobis, et eos affligat. Vehementer enim diaboli affliguntur, dum per adjutorium angelorum sanctorum vincuntur a nobis.

Quoniam gratis, id est sine justa et rationabili causa, *absconderunt mihi*, id est, in occulto præparaverunt diaboli, *interitum laquei sui*, id est mortem tentationum suarum, seu tentationes mortiferas animam occidentes ; *supervacue exprobraverunt animam meam*, id est, infructuose insultaverunt mihi. Interdum enim tentat nos dæmon, impropere nobis peccata præterita, quatenus in desperationem nos pertrahat, vel rursus ad sæcularem vitam reducat. Unde quibusdam peccatoribus magnis, efficacissime pœnitentibus, dæmones visibiliter apparuerunt, dicentes : Ecce, postquam tanto tempore in omni spurcitia et iniquitate vixisti, et nobis in omnibus paruisti, nostrisque voluptatibus satiatus es, jam ad Christum converti vis, nosque relinquere ! prout S. Hieronymus refert. *Veniat illi*, id est dæmoni seu dæmonum congregationi, *laqueus quem ignorat*, id est, improvise ac subito coarctetur ab angelo sancto ; *et captio quam abscondit*, id est captivitas seu nocumentum quod mihi occulte paravit, *apprehendat eum*, id est, noceat ei, eumque in inferno liget captivum, *et in laqueum cadat in ipsum*, id est, captio ista quam mihi abscondit, fiat ei laqueus damnationis et causa tormenti.

7

8

PRÆTEREA, totus hic locus de visibilibus quoque hostibus, scilicet hominibus impiis, exponi potest, ut sit sensus : *Judica, Domine, nocentes me* : id est, homines me injuste persequentes, et a tuo obsequio impedire conantes, discerne, distingue, et separa a me : nunc quidem affectu et merito, quod pertinet ad judicium discretionis ; et in futuro, loco et præmio, quod pertinet ad judicium remunerationis. Hæc

1

autem atque similia orat Ecclesia seu fidelis quicumque, non appetitu vindictæ, sed zelo justitiæ, præsertim nisi pœniteant : et est potius prænuntiatio futuri, quam imprecatio mali. Propter quod Cassiodorus affirmat hunc locum et similes passus Scripturæ, in quibus videtur oratio fieri pro damnatione seu pœna inimicorum, non debere exponi de visibilibus hostibus, sed de dæmonibus, maxime quum jubeamur inimicos diligere atque adversariis benefacere. Sed quidquid sit, omnino videtur, quod loca hujusmodi possint exponi etiam de hostibus visibilibus, quantum ad pœnas temporales, videlicet ut in præsentem emendentur, ne æternaliter pereant.

Sic quod dictum est, *Judica, Domine, nocentes me*, intelligi potest de judicio remunerationis. quo Deus plerumque in præsentem vindicat et castigat perversos, ut vel sic cessent a malis. Possumus quoque eorum dejectionem et afflictionem, quantum ad mala temporalia, scilicet damna et pœnas vitæ præsentis, appetere, qui adversantur bono communi et fidei christianæ ac unitati Ecclesiæ, in quantum per hæc coercentur a malis. Propter quod subditur : *expugna impugnantes me*, id est, pugna pro me et vince adversarios meos. Hoc maxime orat Ecclesia contra infideles et tyrannos, hæreticos et schismaticos, quorum interdum corporalem mortem licite optat, quia eorum saluti aliter providere non valet.

2 *Apprehende arma et scutum.* Hoc jam satis expositum est. *Et exsurge in adjutorium mihi*, id est, paratus et facilis esto ut mihi succurras, ne hominum impiorum mala exempla, fallacia blandimenta, minæ hostiles, infectivæ doctrinæ seu persecutiones tyrannicæ, me a tua voluntate ac lege abducant, scandalizent aut superent. 3 *Effunde frameam*, id est, emitte castigationes et adhibe flagella paternæ correctionis, *et conclude adversus eos qui persequuntur me*, id est, induc ea super homines malos me tribulantes, ac per hoc restringe et cohibe malignitatem eorum, ne sint de cetero potentes ut faciant mala, sed infirmi-

Atatibus corporis atque doloribus animæ castigati, discant bene agere.

Confundantur, de irrationabili studio suo et vita injusta, *et reveantur*, id est, pœnas sibi imminentes expavescant, *querentes animam meam* subvertere, vel vitam meam perimere. *Avertantur retrorsum*, id est, a proposito malo cessent, et ab opere inchoato recedant, *et confundantur*, quod tam inhoneste egerunt, *cogitantes mihi mala. Fiant tanquam pulvis ante faciem venti*, id est, faciliter moveantur ad pœnitentiam, nec obdurentur ut lapis; sed sicut pulvis sequitur impetum venti, sic isti sequantur internam directionem angelis sancti. Ideo sequitur : *et angelus Domini sit coarctans eos*, id est, a malo retrahat eos, et si opus est, per tribulationem compellat. *Fiat via illorum tenebræ et lubricum*, id est, operatio eorum similis fiat tenebrosæ ac lubricæ semitæ : ut sicut homo in tali semita sæpe offendit, cadit, lassatur, nec ad finem faciliter pertingere potest, sed redit; sic in operatione sua injusta impediuntur, fatigentur, nec ad effectum pervenire sinantur, sed convertantur et vivant; *et angelus Domini persequens eos*, id est, angelus sanctus puniat vel puniri permittat peccata eorum in sæculo isto, nec desinat eos exsequi desideria sua mala. Hoc enim multum desiderabile est, quemadmodum in secundo libro Machabæorum habetur : Etenim multo tempore non sinere peccatoribus ex sententia 13. agere, sed statim ultiones adhibere, magni beneficii est indicium.

Hæc autem mala eveniant eis in vita præsentem : *Quoniam gratis*, id est sine causa, *absconderunt mihi interitum laquei sui*, id est, deceptiones atque insidias præparaverunt adversum me; *supervacue exprobraverunt animam meam*, id est, inutiliter contumeliis, maledictis et insultationibus affecerunt me. Hunc versum, sicut et præcedentes, præsertim dicit Ecclesia de hæreticis, schismaticis, infidelibus et tyrannis. *Veniat illi*, id est unicuique eorum, *laqueus quem ignorat*, id est tribu-

Matth. v.
44: Rom. xii.
20.

II Mach. vi.

13.

latio improvisa qua corrigatur; *et captio quam abscondit*, id est malum quod mihi inferre occulte tentavit, *apprehendat eum*, id est, revertatur in ipsum, sic quod ipse se ipsum pro peccato suo castiget; *et in laqueum cadat in ipsum*, id est, in jugum Christi portandum super se convertatur eidem, videlicet ut ex consideratione peccati sui ardentior fiat, et jugum Christi perfectius tollat, quatenus ubi abundavit delictum, superabundet et gratia.

Rom. v. 20.

Porro, si ea quæ dicta sunt ab illo versu. Effunde frameam, exponantur quantum ad damnationem perpetuam, seu quantum ad justam ultionem divinæ æquitatis in peccatores (quæ expositio litteræ magis concordat, sicut et in præcedenti expositione declarata sunt), tunc intelligenda sunt hæc non optando, sed prænuntiando, quemadmodum sæpe ostensum est.

9

Anima autem mea exsultabit in Domino, id est, in misericordia ejus respirabit, et ex consideratione passionis Christi consolationem recipiet: imo et libenter omnia sustinebit, quatenus conformetur Domino suo; *et delectabitur*, delectatione mentali ac intellectuali, *super salutari suo*, id est de salvatione qua me redemit, et de beatitudine quam promisit: sicut ait Apostolus, *Gloriamur in spe adoptionis * filiorum Dei*. Et Isaias: Ecce Deus noster, exultabimus et lætabimur in salutari ejus. Et

Ibid. 2.

* gloriæ

Is. xxv. 9.

10

tu, Domine, es *eripiens inopem*, id est me pauperem et afflictum, *de manu fortiorum ejus*, id est de potestate et persecutione inimicorum visibilium ac invisibilium: quibus propria potestate resistere non valerem. Quis enim sua industria subtilitati dæmonum resistere posset? Et tu es *eripiens egenum et pauperem*, id est quemlibet temporalia contemnentem et spiritu pauperem, *a diripientibus*, id est infestantibus, deprædantibus, seu occidentibus *eum*: quemadmodum in Isaiâ habetur: Domine Deus meus, exaltabo te, quia factus es fortitudo pauperi et egeno in tribulatione sua.

Ibid. 1. .

11

Surgentes testes iniqui, quæ ignorabam

A interrogabant me, id est, quæ non feci objecerunt mihi. Hoc quilibet Christianus, falsorum testium accusatione seu contestatione gravatus, dicere potest, qualis erat Naboth Jezraelita, quem Ambrosius in libro de Officiis, sanctum ac martyrem vocat. *Retribuiebant mihi mala pro bonis*. Hoc convenit Ecclesiæ atque universis fidelibus et bonis corde, qui pro adversariis orant, et ab ingratis odium pro dilectione, ac maleficia pro beneficiis recipiunt. *Sterilitatem animæ meæ*, subaudi, retribuiebant pro fecunditate, tanquam dicat: Ego, quantum ad eos, eram in benefaciendo fecundus; ipsi autem, quantum ad me, steriles erant, nil boni reddentes, nec in spiritualibus nec in temporalibus me ditare optantes.

III Reg. xxi, 13.

12

Ego autem, quum mihi molesti essent homines impii et ingrati, induabar cilicio, id est veste pœnitentiali. *Humiliabam in jejuniis animam meam*, id est, abstinencia me afflixi, quatenus impetrarem illis veniam, et mihi subsidium. Istud frequenter agit Ecclesia, dum hæreses aut schismata oriuntur, aut bella gravissima imminent: sicut Josaphat rex Juda et omnis populus ejus fecisse leguntur. Similiter sanctissima illa Esther et venerabilis Judith fecisse scribuntur. Et nos ergo horum exemplo ita agamus: dum nobis perverſi fiunt molesti atque ingrati, patientiam servemus, gloriantes in hoc, quod Domino Salvatori conformari meremur. Talia enim pati, est donum Dei, quemadmodum ait Apostolus: Vobis datum est a Christo, non solum ut credatis in eum, sed etiam ut patiamini pro illo. *Et oratio mea in sinu meo convertetur*, id est, oratio quam pro adversariis et reprobis aut damnatis seu indignis fundo, mihi ipsi meritoria erit et satisfactoria pro propriis culpis. Quamvis enim illis non prosit propter indignitatem vel incapacitatem eorum, non tamen ob hoc infructuosa manebit: imo omnis actus ex caritate procedens, est meritorius vitæ æternæ.

II Par. xx, 3.
Esther iv, 16.
Judith viii, 6.

Philipp. i, 29.

14

Quasi proximum, et quasi fratrem nostrum reputans unumquemque fidelem,

- etiam inimicum, *sic complacebam*, id est, A sic de ejus profectu ac prosperitate gaudebam; *quasi lugens et contristatus sic humiliabar*, id est, sic de ejus adversitate afflictus sum. Hoc est quod ait Aposto-
 Rom. XII. 15.
 lus : Gaudete cum gaudentibus, et flete cum flentibus. Hoc modo sanctus evangelista Joannes sibi in filiis suis complacuit, III Joann. 4.
 qui ait : Majorem horum gratiam non habeo, quam ut audiam filios meos in veritate ambulantes. Non ergo de adversitate inimici lætemur, sed ejus profectui congratulemur, quatenus cum sancto Job dicere mereamur : Si gavisus sum ad ruinam ejus qui me oderat, et exsultavi quod invenisset eum malum. Et iterum : Flebam, inquit, quondam super eo qui afflictus erat, et compatiebatur anima mea pauperi. Ista perfectio ad praelatos maxime pertinet.
 Job XXXI. 29.
 Ibid. XXX. 25.
 15 Ego igitur tanta bona feci illis; sed quid illi? Sequitur : *Et adversum me lætati sunt*, id est, de meis infortuniis et pœnis ac malis gavisii sunt, *et conveniunt*, quatenus me multitudine vincerent, quem per rationem superare non possunt; *congregata sunt super me flagella, et ignoravi*, id est, improvise acciderunt mihi persecutiones hominum, tentationesque dæmonum. Dissipati sunt, id est, adversarii mei prædicti a vera constantia fracti sunt, et a caritate divisi, *nec compuncti*, id est, de malo suo non pœnituerunt; *tentaverunt me*, terrendo, blandiendo, torquendo, cogendo, *subsannaverunt me subsannatione*. Hebraici idiomatis consuetudo est, talem facere replicationem seu repetitionem ejusdem, quemadmodum Zacharias
 Zach. I. 2.
 16 dicit : Iratus est Dominus patribus vestris iracundia. Ait ergo Ecclesia seu unusquisque vir justus : Subsannaverunt me subsannatione, id est, inimici mei quibus non nocui, sed benefeci, insultaverunt illuseruntque mihi. Hoc est quod dicit Apostolus :
 I Cor. IV. 12, 13.
 Maledicimur, et benedicimus; blasphemamur, et obsecramus. *Frenduerunt super me dentibus suis*, quasi ex fervore rancoris et impetu passionis devorare me vellent.
- Domine, quando respicies? id est, quam-
 17 diu dissimulasti et dereliquisti me tribul-
 lari? Sed nunc respice, *restituë animam meam* in pristina pace et gratia tua, *a malignitate eorum ereptam*; *a leonibus unicam meam*, id est, a dæmonibus, qui tan-
 I Petr. V. 8.
 quam leones rugientes circumeunt, atque
 superbis hominibus, qui opprimunt inno-
 centes, quemadmodum ovem leones, re-
 stituë unicam meam, id est animam meam,
 quam tam unice custodiri indigeo, ut non
 prosit mihi, si universum mundum lucra-
 B tus fuero, et eam perdidero.
 Consequenter ait fidelis : *Confitebor ti-
 bi*, id est ad gloriam tuam, confessione
 tuæ laudis, et item confessione meæ ini-
 quitatis, *in Ecclesia magna*, christiana,
 apostolica, atque catholica. *Non super-
 gaudeant mihi*, id est, de ruina animæ
 19 meæ et seductione ipsius non superflue
 gaudeant, *qui adversantur mihi inique*,
 id est dæmones et homines perfidi ac pe-
 stilentes, qui mihi spirituale damnum in-
 ferre nituntur : de quibus superius di-
 C ctum est, Qui tribulant me, exsultabunt
 si motus fuero; *qui oderunt me gratis*, id
 est sine demerito meo, *et annuunt oculis*,
 id est, sibi mutuo me ostendunt ad
 persequendum ac illudendum. *Quoniam
 mihi quidem pacifice loquebantur* : id est,
 20 dæmones sub specie boni suggererunt
 mala mihi, et homines fraudulentis verba
 concordie locuti sunt mecum in dolo, sic-
 ut Joab cum Abner et Amasa; et *in ira-
 cundia terræ loquentes, dolos cogitabant*.
 Dæmones loquuntur nobis interius in ira-
 cundia terræ, id est ex ira quam habent
 contra nos, eo quod possessuri sumus
 terram viventium, quam ipsi per super-
 biam perdiderunt; et cogitant dolos, vi-
 delicet ut inducant nos ad amorem sen-
 sibilem atque carnalium rerum, sicque
 amittamus regnum cœlorum. Homines ve-
 ro mali loquuntur justo in iracundia ter-
 ræ, id est ex ira concepta contra eum pro-
 pter amorem terrenorum bonorum : sicut
 dum homines sæculares invident et ira-
 seuntur religiosiis, eo quod temporalia bo-

21 na possideant. *Et dilataverunt super me os suum*, id est, lato ore locuti sunt contra me id quod sequitur. *Dixerunt : Euge, euge*, id est, bene, bene, *viderunt oculi nostri* malum quod accidit tibi, et ergo gaudemus.

22 *Vidisti, Domine*, ista, qui omnia nosti ; *ne sileas* a prolatione sententiae, sed iudica pro me, et loquere mihi per inspirationem occultam. *Domine, ne discedas a me*, consolationem et gratiam subtrahendo.

23 *Exsurge et intende iudicio meo, Deus meus*, id est, diligenter considera quale iudicium merear, qui tanta mala sustineo propter justitiam. Hoc secure oro, quoniam scriptum scio : Beati qui persecutionem patiuntur propter justitiam, quoniam ipsorum est regnum cœlorum. *Et tu qui es Dominus meus*, intende *in causam meam*, id est, vide justitiam meam pro qua ab impiis iudicor velut injustus : nam propter bona quæ facio, odiunt me.

24 *Judica me secundum justitiam tuam, Domine Deus meus*, id est, secundum justitiam quam per gratiam tuam operatus sum, redde mihi. Semper tamen admisce misericordiam tuam iudicio meo. *Et non supergaudeant mihi* : sicut nunc dictum est.

25 *Non dicant de cetero in cordibus suis : Euge, euge, animæ nostræ* : id est, quam jucunde accidit nobis, quod seduximus istum, et pœnis eum affliximus ! *Nec dicant : Devorabimus eum*, occidendo in eo caritatem Dei ac proximi et cetera dona

26 Spiritus Sancti. *Erubescant et revereantur*

simul, etc. Hoc est quod in principio psalmi dictum est : Confundantur et revereantur quærentes animam meam.

Exsultent et lætentur in te, Domine Deus, et tibi gratias agant, *qui volunt justitiam meam*, id est, quibus placet profectus meus in spiritualibus rebus, et qui cooperantur mihi in bono ; *et dicant semper. Magnificetur Dominus, qui volunt pacem servi ejus*, id est, qui desiderant me famulum Christi veram ac stabilem pacem habere. *Et lingua mea meditabitur*

justitiam tuam, id est, legem tuam loquetur, et alios informabit, *tota die laudem tuam*, id est, omne bonum tibi semper adscribet. Cetera ex præcedenti expositione patent.

Ecce quam sententiosus, quamque diversimode exponibilis est psalmus iste, quam late describit mysteria Christi, quam evidenter instruit caritatem, docet patientiam, atque ad omnem perfectionem informat fideles. Cum omni itaque attentione eum legamus, taliterque vivamus, ut quæ in eo scripta sunt, nobis vere conveniant.

PRECATIO.

Deus potens et fortis, apprehende arma et scutum, et contra nos impugnantem exsurge nobis in adiutorium, et ab eorum malignitate fragilitatem nostram ubique defende : ut in te exsultantes et lætantes, te semper tuti magnificemus, et tota die perennitatis laudes tibi decantemus.

ARTICULUS LXXIV

EXPOSITIO PSALMI TRICESIMI QUINTI : DIXIT INJUSTUS UT DELINQUAT.

1 Adscriptus est denique psalmo huic talis titulus : *In finem, servo Domini psalmus David* : id est, psalmus iste in finem, id est in Deum, nos dirigens, ad quem per

humilitatem ascenditur, est psalmus sancti David, servo Domini, id est ad instructionem cujuslibet famuli Dei. Vel, est psalmus David servo Domini, id est con-

veniens ipsi David servo Domini, intelligendo per David quemcumque vere fidelem. Docet enim hic psalmus superbiam abhorrere, humilitatem amplecti, totamque spem in Domino figere, ac omne bonum ei adscribere.

2

AIT itaque : (1) *Dixit injustus*, id est, apud se statuit, et fixe proposuit, ut delinquat in semetipso, id est, quod ex deliberata ratione et ex pleno consensu faciat malum. Ut enim Philosophus dicit, dupliciter peccat homo, videlicet ex passione, et ex habitu malo : quod theologi ita dicunt, quia uno modo peccat homo ex infirmitate, alio modo ex certa malitia. Idem autem est dicere, ex habitu malo, ex certa malitia, ex deliberata ratione, et ex pleno consensu peccare. Qui vero ex passione seu infirmitate peccat, cito poenitet et emendat : nam passione cessante, quæ non est nisi actualis motio appetitus sensitivi, ex apprehensione boni vel mali sensibilis, cessat peccatum, ut patet de incontinente ; sed qui ex habitu malo peccat, difficulter corrigitur, nec cessat faciliter : imo secundum Philosophum, quasi incorrigibilis est, eo quod ratio peccandi, videlicet habitus vitiosus, sit radicata in ipso, ut patet de intemperato. Verumtamen per gratiam Dei subito tales frequenter convertuntur, et virtuosissimi fiunt : gratia enim dominatur naturæ. Hoc itaque modo proponit peccare injustus, id est, qui habituatus est in malis, et ex consuetudine legem transgreditur divinam. Boni vero ita non peccant, sed ex infirmitate et passione. Virtuosi quoque non cito deveniunt ad tantum lapsum, ut ex electione et habitu peccent. Unde Origenes in Periarcho dicit : Nemo eorum qui in perfecto summoque gradu exstiterint, subito evacuatur ; sed paulatim atque per partes necesse est eum deficere.

Consequenter tangitur causa, cur injustus ita delinquit : quoniam *non est timor Dei ante oculos ejus*, id est, timorem Domini non habet, nec oculis cordis conside-

Arat ea quæ ad timorem Dei inducunt, utpote Deum judicem omnia cernere, nil mali inultum relinquere, et pœnas æternas non timenti infligere. Timor autem Domini (ut ait Scriptura) expellit peccatum. Et iterum scriptum est : Qui timet Deum, nihil negligit. Quod vero timor Dei non sit in conspectu injusti, hinc constat, (2) *Quoniam dolose egit in conspectu ejus*, id est, Deo præsentem, videntem ac prohibentem, ausus est fallaciter agere, ac dolum in proximum suum committere, ut inveniatur iniquitas **B** *ejus ad odium*. Id dicitur non causaliter, sed consecutive. Non enim ideo agit dolose, ut inveniatur iniquitas ejus ad odium, id est, ut malitia sua sit Deo ac omnibus sanctis odibilis ; sed hoc consequitur ad id, quod est, non habere timorem Dei, sed dolose agere coram eo.

3 *Verba oris ejus iniquitas et dolus*, id est iniqua et fraudulenta ; *noluit intelligere ut bene ageret*, id est, non acquievit sanctæ doctrinæ, nec voluit scire testimonia Scripturarum, quæ docent quanta tormenta immineant malis. Multi enim sunt, qui ut securius et delectabilius peccent, nolunt advertere, scire aut discere veritatem Scripturæ. De quibus sanctus Job ait : *Dixerunt Deo, Recede a nobis, scientiam viarum tuarum nolumus. Isti ex habitu vitioso peccant, et ut dictum est, difficillime emendantur : sicut de talibus in Jeremia legitur, Si mutare potest Æthiops pellem suam, et pardus varietates suas, et vos poteritis benefacere, quum didiceritis malum. Si ergo vis declinare a malo et facere bonum, disce Scripturas, audi verbum salutis, veritatem ama atque intellige. Hinc enim hortatur nos sermo divinus : Erudire, ait Dominus, ne forte recedat anima mea a te. Et rursus : Interrogate quæ sit via bona, et ambulate in ea, et invenientis requiem animabus vestris. Et Apostolus : Attende lectioni, exhortationi, doctrinæ. Omnis namque Scriptura divinitus inspirata, (teste eodem divino Apostolo) utilis est ad docendum, ad arguendum, ad corripiendum, ad erudiendum in justitia, ut*

Eccli. i, 27.

Eccli. vii, 19.

3

4

Job xxi, 14.

Jer. xiii, 23.

Ibid. vi, 8.

Ibid. 16.

I Tim. iv, 13.

II Tim. iii, 16, 17.

perfectus sit homo Dei, ad omne opus bonum instructus. Verumtamen multi sunt qui volunt intelligere, non ut bene agant, sed ut sapientes appareant : volunt scire non propter virtutem, sed propter vanitatem. De quibus Isaias ait : Sapientia tua et scientia tua deceperunt te; et denuo : Vae qui sapientes estis in oculis vestris, et coram vobismetipsis prudentes. Hi infelices sunt, et omni damnatione dignissimi : quia ut Petrus ait, Melius erat illis non cognoscere viam iustitiæ, quam post agnitionem retrorsum reverti.

5 (4) *Iniquitatem meditatus est* injustus in cubili suo, id est in corde suo, et hanc meditationem ad effectum perduxit, quoniam *adstitit omni viæ non bonæ*, id est, omni operationi iniquæ adhæsit ; *malitiam autem*, id est peccatum, non odivit, sed dilexit. Non tamen diligitur malitia sub ratione malitiæ, sed sub ratione boni apparentis, in quantum est delectabilis peccatori. Unde secundum Dionysium, nullus respiciens ad malum (ut malum) operatur.

6 (5) *Domine, in cælo misericordia tua* : id est, in electis, videlicet in angelis sanctis ac bonis hominibus, qui sunt cives cæli, maxime apparet ac splendet misericordia tua, sicut in reprobis iustitia. Electi enim sunt vasa misericordiæ in honorem, et reprobi sunt vasa iræ in interitum. *Et veritas tua usque ad nubes* : id est, illuminatio tuæ veritatis ad prædicatores sanctos pertingit, et eos illustrat. De quibus Isaias admirando dicit : Qui sunt isti qui ut nubes volant? Dionysius autem

ait, per nubes in sacra Scriptura intelligi angelos sanctos, quoniam sicut nubes materiales prius ac copiosius illuminantur a sole quam terra, sic angeli prius ac plenius illustrantur a Deo quam homines. Potest ergo de eis exponi quod dicitur, Et usque ad nubes veritas tua, ut sit sensus : Veritas tua, id est Christus, qui est Sapientia, Verbum ac Filius tuus, usque ad nubes, id est, usque ad angelicas mentes radios suæ illuminationis expandit ac in-

A fluit. Nam Christus (etiam ut homo talis) omnes angelos illustrat multo excellentius, quam aliquis angelus superior inferiorem.

6 *Iustitia tua sicut montes Dei, judicia tua abyssus multa.* Quemadmodum judicia Dei comparantur abyssu multæ, id est pelago quantum ad nos infinito, ita divina iustitia comparatur montibus Dei. Sicut enim montes altissimi, quantum ad nostrum intuitum, infinitæ altitudinis sunt, ita ut visus noster adspicere nequeat cacumen eorum, nec mensurare quam alti sint; sic divina iustitia nostri interioris oculi adspectum excedit, nec comprehendere potest a nobis. Simili modo sicut abyssus, id est mare magnum, propter suam latitudinem ac profunditatem a nobis taliter videri non potest, nec mensurari; sic divina judicia propter suam profunditatem incomprehensibilia sunt, prout clamat Apostolus : O altitudo divitiarum sapientiæ et scientiæ Dei! quam incomprehensibilia sunt judicia ejus, et investigabiles viæ ejus! Judicium autem est actus iustitiæ. Unde per judicia intelligi possunt electio bonorum et reprobatio malorum, active videlicet, prout in Deo sunt, juxta illud quod Dominus dicit : Jacob dilexi; Esau autem odio habui. Vel per judicia intelliguntur occulti effectus divinæ iustitiæ, scilicet prædestinatio, vocatio, obstinatio, passive acceptæ. Quum ergo judicia Dei sunt abyssus multa, non præsumamus discutere ea, quia ut Salomon dicit : Sicut qui multum comedit mel, non est ei bonum; sic qui perscrutator est majestatis, opprimetur a gloria. Propter quod ait et Apostolus : O homo, tu quis es qui respondeas Deo?

7) *Homines et jumenta*, id est Judæos et gentiles, vel spirituales et animales, *salvabis, Domine.* Nam pro omnibus mortuus est Christus, et omnes sua morte salvavit, et per gratiam suam peccatores convertit, ac de animalibus spirituales facit. *Quemadmodum multiplicasti misericordiam tuam, Deus*, id est, sicut copiose ac mirabiliter effudisti super genus humanum benignita-

tem ac gratiam tuam, omnes tibi reconcilians, et quasi intrare compellens. Potest quoque quod dicitur, Et jumenta, exponi de brutis, quæ Deus salvat, quantum ad vitam corporalem, dans eis necessaria vitæ, sicut inferius : Qui dat, inquit, jumentis escam ipsorum. Et in libro Job : Quis præparat corvo escam, quando pulli ejus clamant ad Deum, vagientes eo quod non habeant cibos ? Et in Evangelio ait Salvator : Respicite volatilia cœli, quoniam non serunt, neque metunt, neque congregant in horrea, et Pater vester cœlestis pascit ea.

8) *Filii autem hominum*, id est, posteritas primorum parentum, seu Ecclesia militans, et maxime homines non bestialiter, sed humane et pie rationabiliterque viventes, *in tegmine alarum tuarum*, id est in defensione misericordiæ tuæ atque

9) *Inebriabuntur ab ubertate domus tuæ*. Domus Dei, intelligi potest Ecclesia militans vel triumphans. Ubertas militantis Ecclesiæ, est affluentia gratiarum Spiritus Sancti, qui-

bus Deus implet electos in vita præsentī, quemadmodum ait Apostolus : Misit Deus Spiritum Filii sui in corda nostra. Ubertas autem triumphantis Ecclesiæ, est beatitudo Sanctorum. Itaque, Filii hominum in tegmine alarum Dei sperantes, inebriabuntur, id est, tam copiose implebuntur affluentia gratiarum Spiritus Sancti, ut a se ipsis abstrahantur ac alienentur, et in Deum absorbeantur per caritatis fervorem in via. In patria vero beatitudine implebuntur tanta, ut sine interruptione et fine, perfectissime transformentur in Deum per assimilationem deiformem, juxta illud : Similes ei erimus, quia videbimus eum sicuti est.

1 Joann. iii, 2.

Et torrente voluptatis tuæ, id est te ipso, qui es fontalis torrens et prima origo totius puræ et internæ voluptatis, *potabis eos*, id est, irrigabis ac fecundabis corda hominum prædictorum, ostendendo eis te ipsum : in qua ostensione consistit felicitas mentis creatæ : quæ utique felici-

tas est rivus tuæ increatæ voluptatis, et potus quo potas et inebrias omnes Beatos. Hoc est quod Dominus per Isaiam ait : Ecce ego declino in eos ut flumen pacis, et ut torrens inundans gloriæ. Unde et Apostolus ait : Oculus non vidit, nec auris audivit, nec in cor hominis ascenderunt, quæ præparavit Deus diligentibus se. Quid enim liberalissimus ac superdulcissimus Deus præparavit amatoribus suis, nisi se ipsum ? Ipse namque est immediatum obiectum et proxima causa universæ gloriæ electorum, quemadmodum Moyses asserit : Ipse Dominus est vita tua et longitudo dierum tuorum. Ipse quoque est cibus et potus, ad quorum spirituales gustum ac sobriam ebrietatem ipsemet electos invitat, dicens : Comedite, amici, et bibite ; et inebriamini, carissimi. Ecce quanta est electorum felicitas. Sed quam immaculatam ac sanctam esse oportet intellectualem creaturam, quæ immensæ pulchritudinis fonti atque infinitæ sanctitatis ac sincerissimæ voluptatis torrenti, Deo excelso et benedicto, tam unice et intime copulatur ! Certe oportet eam tam immunem et puram existere ab omni reatu et vitio, ut audire mereatur a Domino : Tota pulchra es, amica mea, et macula non est in te. Si ergo cupis Deum videre, stude cor mundum habere : quoniam tanto clarius eum conspicias, quanto affectum tuum magis purgaveris. Propter quod ipsemet per Prophetam ait : Lava a malitia cor tuum, ut salva fias.

Sic autem, o Domine, potabis inebriabisque homines in via inchoative, et in patria consummative : 10) *Quoniam apud te est fons vitæ*, id est, in te ipso est fontana indeficiensque origo omnis vitæ, videlicet vitæ naturæ, vitæ gratiæ, et vitæ gloriæ : imo tu ipse es prima, superessentialis, atque incommutabilis vita et beatitudo creata, quæ est quædam participatio tuæ beatissimæ vitæ. Quoniam ergo tu, Domine, es vita per essentiam, et fons vitæ per communionem, idcirco potes inebriare electos : sicut ostensum est. *Et in*

Is. lxxvi, 12.

1 Cor. ii, 9.

Deut. xxx, 20.

Cant. v, 1.

Ibid. iv, 7.

Jer. iv, 14.

10

Joann. i. 9.

I Joann. iii.
2.
I Cor. xiii.
12.

Ibidem.

11

lumine tuo videbimus lumen. Hoc triplici-ter potest exponi. — Primo sic : O Deus Pater, *in lumine tuo*, id est in Verbo incarnato, quod est lux vera, illuminans omnem hominem, *videbimus in patria lumen*, id est totam supergloriosissimam Trinitatem, quæ est unum infinitum ac simplicissimum lumen, in cujus visione consistit felicitas. Dicuntur enim Beati omnia videre in Verbo, quoniam Verbo appropriatur sapientia. — Secundo sic : *In lumine tuo*, id est per divinam essentiam per modum intelligibilis formæ unitam, *videbimus*, o Deus trine et simplex, *lumen*, id est te ipsum qui es purum perfectum-que lumen. Non enim potest intellectus creatus Deum videre per speciem et sicuti est, seu ut ait Apostolus, facie ad faciem, per aliquam formam creatam : quoniam omnis forma creata, in infinitum distat a perfectione divina. Propterea eam repræsentare non potest sicuti est. Necesse est ergo, ut ipsa divina essentia uniatur mentibus Beatorum per modum intelligibilis speciei seu formæ : non quod C sit forma inhærens, sed illustrans. Quum autem hoc modo viderimus Deum, erimus ei veraciter similes, et cognoscemus sicut et cogniti sumus, ut ait Apostolus. Nam sicut in Deo sunt idem, quod videt, et quo videt (Deus enim videt se per se) ; sic in nobis tunc idem erunt, quod videamus, et quo videmus, quia videbimus Deum per se ipsum. Sed quoniam unio ista mentis creatæ cum divina essentia, est omnino supernaturalis ; ideo indiget mens creata aliqua dispositione supernaturali, per quam elevetur et apta fiat ad hanc unionem deificam : et ista dispositio appellatur lumen gloriæ, cujus luminis est gratia viæ inchoatio quædam. — Unde de lumine gloriæ tertio modo exponitur : *In lumine tuo*, id est mediante lumine gloriæ menti infuso, *videbimus lumen* divinum, quod est totius felicitatis objectum.

[II *Prætende*, o Domine, *miserecordiam tuam scientibus te*, id est his qui te jam per fidem toto corde perquirunt, in te so-

lo sperantes : de quibus superius dictum est, Et sperent in te qui noverunt nomen tuum ; *et justitiam tuam his qui recto sunt corde*, id est, justis auge justitiam, dando eis pro bonis operibus gratiarum augmenta in via, et vitam æternam in patria. (12) *Non veniat mihi pes superbiæ*, id est, affectus elationis non oriatur in corde meo : qui affectus vocatur pes, quia per eum incedit homo ad infernum. Vel sic : Non veniat mihi pes superbiæ, id est, homo superbus et persecutor tyrannicus non superveniat mihi, nec opprimat me. *Et manus peccatoris*, id est potestas dæmonis seu operatio hominis mali, *non moveat me* ab observatione legis divinæ ; sed maneam fixus et rectus in te, Domine Deus meus. (15) *Ibi*, id est in affectu superbiæ, *ceciderunt* a statu salutis ac gratiæ, in statum damnationis ac mortis æternæ, omnes *qui operantur iniquitatem*, id est, qui de peccato suo non pœnitent. In omni enim peccato includitur superbia, quia in omni peccato contemnitur Deus, dum violantur et parvi penduntur ejus præcepta. *Expulsi sunt*, prædicti iniqui a Deo, a caritate, a societate humilium. Nam per superbiam a Deo aversi sunt ; et caritate amissa, ad societatem bonorum non pertinent. *Nec potuerunt stare* in via salutis : non quod penitus non potuerunt, sed quoniam voluntatem suam subjecerunt peccato, et facti sunt servi peccati.

Ecce psalmus iste brevis in verbis, quam mirabiliter virtuosus est, sententiosus, et inflammativus. Primo enim describit virum iniquum, ut ejus malitia evitetur. Secundo, commendat Deum ratione suæ misericordiæ apparentis in cœlo, ratione suæ veritatis pertingentis ad nubes, ratione suæ justitiæ assimilatæ montibus, ratione suorum inscrutabilium judiciorum abyssonum similium. Tertio, commemorat beneficia Dei et bona promissa fidelibus, quatenus corda nostra accendat divino amore. Postremo, devotissime ac compendiosissime orat, ne a tantorum bonorum adeptione impediatur. Semper ergo cum reveren-

Ps. ix, 11.

12

13

Joann. viii,
34.

tia, affectu, ac stabili mente decantemus A hunc psalmum.

PRECATIO.

Confugientibus ad te, Domine, miseri-

cordiam nobis prætende : ut spiritu humilitatis uncti et sanctificati, pedem superbiæ a nobis removeamus ; et eodem spiritu ducti, humili pede gressus nostros rectos faciamus.

ARTICULUS LXXV

EXPOSITIO PSALMI TRICESIMI SEXTI : NOLI EMULARI IN MALIGNANTIBUS.

1 BREVIS autem et planus est titulus psal-
mi istius, videlicet : *Psalmus ipsi David* :
id est, psalmus iste convenit sancto Da-
vid, tanquam auctori. Qui hic loquens in
persona Christi sive Ecclesiæ, pulcherri-
me disputat contra temporalem prosperi-
tatem malorum, ostendens felicitatem sæ-
cularium hominum vanam esse ac falsam,
nec appetendam ; neque debere aliquem
scandalizari aut infirmari ex considerati-
one prosperitatis impiorum, vel ex con-
sideratione adversitatis bonorum. Solent
Rom. x, 2. namque pusilli ac debiles, qui zelum Dei
habent, sed non secundum scientiam, mi-
rari, affligi, tristari et scandalizari, dum
vident impios prosperari, atque innocen-
tes opprimi. Ex quorum persona in Jere-
mia scriptum est : Justus quidem tu es,
Domine, si disputem tecum. Verumtamen
justa loquar ad te : Quare via impiorum
prosperatur, et bene est omnibus qui præ-
varicantur ? Perfectos autem istud non
moveret, quoniam intelligunt quod ait Apo-
stolus : Omnes qui volunt pie vivere in
Christo, persecutionem patientur. Et ipse
Jer. xii, 1. Deus : Ego, inquit, quos amo, arguo et
castigo.

II Tim. iii,
12.

Apoc. iii,
19.

INSTRUENS ergo Propheta pusillos, ne
scandalizentur in tali eventu, ait : (1) *No-*
li æmulari in malignantibus. Æmulari
interdum significat amare, sicut dum ait
II Cor. xi,
2. Apostolus : Æmulor vos Dei æmulatione.
Interdum significat imitari, ut quum idem

B ait Apostolus : Æmulamini charismata me-
lora. Quandoque vero significat invidere, *I Cor. xii,*
31.
et vicissim inflari. Hic vero accipi potest
pro invidere et imitari, ut sit sensus : No-
li torqueri invidia propter malignantium
prosperitatem, nec imiteris eos. *Neque ze-*
laveris facientes iniquitatem, id est, non
afficiaris amorose iniqua agentibus. Zelus
ex amore causatur. Et sicut amor est du-
plex, scilicet divinus, et privatus, sic zelus
est duplex : scilicet bonus et * spiritualis : * ac
de quo ait Elias, Zelo zelatus sum pro
III Reg. xix,
10. Domino exercituum ; et inferius Christus
dicit, Zelus domus tuæ comedit me. Alius
Ps. lxxviii,
10. est zelus inordinatus, privatus, carnalis,
secundum quem viri zelantur suas uxores,
et superbi superbos, ne unus impediatur ex-
cellentiam quam alius amat : et de isto
zelo nunc loquitur psalmus.

Deinde subjungit causam suæ doctrinæ.

2 *Quoniam tanquam fœnum velociter are-*
scent : id est, maligni qui prosperantur
ad tempus, subito a prosperitate sua defi-
cient, quemadmodum fœnum quod hodie
est, et eras in elibanum mittitur. Unde
Isaias ait : Vere fœnum est populus. *Et*
Matth. vi,
30. *tanquam * olera herbarum cito decident* :
Is. xl, 7. * *quemad-*
modum
id est, sicut herbæ virentes, quæ nunc flo-
rent in terra, et statim eradicantur atque
marcescunt ; sic impii dum florere et pro-
sperari videntur, cito labuntur ac pereunt.
Sed apparet oppositum, quoniam impii
sæpe longo tempore regnant, et prævalent
bonis, sicut et Saul diu persequabatur Da-
I Reg. xviii-
xxvii.

vid. Et respondendum, quod licet temporalis prosperitas impiorum interdum appareat diuturna, tamen in comparatione miseriæ quæ eam consequetur, est velut momentanea. Et hoc modo Apostolus dicit tribulationem justorum in hoc sæculo, momentaneam fore, quæ tamen frequenter durat usque ad mortem. Unde dicit : Id quod in præsentī est momentaneum et leve tribulationis nostræ, æternum gloriæ pondus operatur in nobis. Secundo dicendum est, quod impiorum prosperitas cito decedit, quoniam incessabiliter breviatur, donec penitus terminetur. Hinc enim Matthæ ait : A verbis peccatoris ne timebitis, quia gloria ejus stercus et vermis. Hodie extollitur, et cras non invenietur : quoniam conversus est in terram suam, et cogitatio ejus periit.

II Cor. iv, 17.

I Mach. ii, 62, 63.

3
Prov. iii, v.

Eccle. ix, 10.

Josue xxix, 14.

Matth. v, 4.

5) *Spera in Domino* : secundum quod alibi legitur, Habe fiduciam in Domino ex toto corde tuo ; *et fac bonitatem*, id est, laudabiliter vive. Quasi dicat : Non sic speres in Deo, ut negligas facere quod in te est, quemadmodum homines vani, qui sic de misericordia Dei præsumunt, ac si justitia in eo non esset. Spera ergo in Domino, non spe informi, sed formata, id est, sperando fac opera bona : secundum quod Salomon dicit, Quidquid potest manus tua, instanter operare. Non enim ignavis, sed fervidis ; non dormientibus, sed vigilantibus provenit regnum cælorum. Propter quod Josue inquit : Time Deum, et servite ei corde perfecto atque verissimo. *Et inhabita terram* : id est, per obedientiam et fidei puritatem permanere in unitate Ecclesiæ. Vel, Inhabita terram, id est, posside et subjectum habere proprium corpus, ne caro dominetur animæ, et sensualitas rationi. Vel, Inhabita terram, id est, per desiderium et spem demorare in regno cælorum, quod est terra viventium. Et hoc utroque modo intelligi potest quod ait Salvator : Beati mites, quoniam ipsi possidebunt terram. *Et pascersis in divitiis ejus* : id est, anima tua aletur et impinguabitur gratis Christi,

A consolationibus Spiritus Sancti, sacramentalis Ecclesiæ, et præsertim pretiosissimo corpore et sacratissimo sanguine Filii Dei. Hæ sunt divitiæ sanctæ matris Ecclesiæ, de quibus scriptum est : Quid bonum Domini, et quid pulchrum ejus, nisi frumentum electorum et vinum germinans virgines ?

Zach. ix, 17.

4) *Delectare in Domino* : id est, prompto et hilari animo famulare ei, atque in consideratione ac delectatione bonitatis divinæ beneficiorumque ejus exsulta : quemadmodum apud Tobiam legitur, Ego autem et anima mea in Deo lætabimur. Non ergo lætemur in rebus sensibilibus et caducis, neque in aliqua creatura, nisi in quantum per ea manuducimur et adjuvamus in via perveniendi ad Deum. Si hoc egeris, experieris quod sequitur : *et dabit tibi petitiones cordis tui*, id est, orationes tuas exaudiet. Oratio autem est non quarumlibet rerum, sed decentium a Deo petitio, secundum Damascenum, scilicet ut spiritualia bona propter se ipsa petantur, et corporalia in ordine ad spiritualia, nec magis quam ad spiritualia sunt necessaria, sicut ait Apostolus : Habentes victum et quibus tegamur, his contenti simus. Nam qui volunt divites fieri, incidunt in tentationes et laqueum diaboli. (3) *Revela Domino*, qui omnia novit, *viam tuam* : id est, cor tuum fiducialiter coram eo effunde, peccata tua accusa, indigentias tuas expone, de imperfectionibus tuis conquerere, et totam vitam tuam coram Deo, sicut coram fidelissimo amico, recale pertracta ; *et spera in eo* : id est, sic faciendo, confide certissime quod quidquid desideras, impetrabis, dummodo constanter quæsieris. Ideo subdit : *et ipse faciet* quod tu cupis, videlicet vitia indulgendo, gratiam conferendo, consolationem præstando.

Tob. xiii, 9.

De Fide orth., lib. III, 24.

1 Tim. vi, 8, 9.

5

6) *Et educet quasi lumen justitiam tuam* : id est, vitam tuam aliis manifestabit ad ædificationem ipsorum, ita ut impleatur in te quod scriptum est : Luceat lux vestra coram hominibus ; et iterum : Non

Matth. v, 16, Ibid. 14.

potest civitas abscondi supra montem posita; *et judicium tuum tanquam meridiem*: id est, Dominus prædicto modo educet judicium tuæ discretionis, quo te ipsum judicas et Christo obsequi eligis, tanquam meridiem, id est, sicut clarum lumen. Dum enim divina ordinatione contingit, ut homo justus et humilis, qui semper latere ac sperni desiderat ab omnibus, justus esse cognoscatur, honoretur et aliorum rector efficiatur, tunc utique Dominus educit judicium ejus tanquam meridiem. Educit enim illud de occulto ad publicum, secundum quod Christus in Evangelio mystice loquitur: Neque accendunt lucernam, et ponunt eam sub modio; sed super candelabrum, ut luceat omnibus qui in domo sunt. Lucerna est homo justus, quemadmodum de Joanne Christus testatur: Ille erat lucerna ardens et lucens. Hanc lucernam Christus divino amore accendit, et lumine gratiæ suæ illuminat, non ut sub modio occultetur, sed ut aliis luceat vita, fama, seu documento; et dum homo talis in veritate et judicio constans permanserit, tunc Dominus educit judicium ejus tanquam meridiem, ponens eum super candelabrum, id est in sede prælationis, vel in alta opinione aliorum: sic ut impleatur in eo quod per Isaiam dictum est, Omnes qui viderint eos, cognoscent illos, quia isti sunt semen cui benedixit Dominus.

7 *Subditus esto Domino*, id est, serva mandata, *et ora eum*: quoniam illorum oratio placet Deo, quorum vita consonat precì, quemadmodum in Ecclesiastico asseritur: Oratio humiliantis se, penetrat nubes.

7 *Noli æmulari*, id est invidia torqueri, vel imitari quod vides, *in eo qui prosperatur in via sua*, non in via Dei, videlicet cui temporaliter bene succedit, utpote in homine faciente injustitias, qui sequitur et implet propriam voluntatem, non legem divinam. (8) *Desine ab ira* per vitium, non ab ira per zelum, quæ cooperatur justitiæ: de qua superius dictum est,

A Irascimini, et nolite peccare. Itaque, Desine ab ira, id est, cessa ab appetitu vindictæ, et ignosce proximo tuo, et errantibus fraterne condole; *et derelinque furorem*, id est inflammata iracundiam, rationis judicium penitus perturbantem. *Noli æmulari*, id est imitari seu affici, *ut maligneris*, id est, ut malus efficiaris, et nequiter agas in te et in proximum tuum. (9) *Quoniam qui malignantur*, id est, qui maligna operantur et aliis nocent, *exterminabuntur* a grege ovium Christi, et a regno cælorum: quemadmodum scriptum est, Tollatur impius ne videat gloriam Dei. *Sustinentes autem Dominum*, id est, qui in adversis eum longanimitèr fiducialiterque expectant, *ipsi hereditabunt terram*, id est, hereditate possidebunt regnum cælorum, et etiam corpus proprium in resurrectione sanctorum, quando implebitur illud Apostoli: Christus reformabit corpus humilitatis nostræ, configuratum corpori claritatis suæ. Tunc namque anima habebit corpus sibi unitum unione perpetua, gloriosa atque beata: ideo tunc veraciter hereditabit terram, id est proprium corpus.

10 *Et adhuc pusillum*, id est, modicum præstolare, et parum patienter expecta, *et non erit peccator*, id est, non subsistet in vita præsentì. Jam enim dictum est, quod malignantes tanquam fœnum velociter are-scent. *Et quæres locum ejus, et non invenies*. Locus enim proprius, de quo hic loquitur, et locatum, sunt simul, secundum Philosophum: quoniam locus est ultima superficies corporis continentis. Subtraeto ergo locato, locus ejus non manet. Itaque, Quæres locum ejus, et non invenies, id est, si quæres, non reperies. Vel, Quæres locum ejus, id est, usum quem habet in rerum natura: qui usus est, ut innocentem exercitet. Sic ergo peccator et locus ejus ac opus cito deficiunt. Propter quod scriptum est: Laus impiorum brevis est, et gaudium hypocritæ ad instar puncti. Velut somnium avolans non invenietur: transiet quasi visio nocturna. Unde et impii

Ps. iv, 5.

9

Is. xxvi, 10
juxta LXX.Philipp. iii,
21.

10

Job xx, 5,
8.Matth. v,
15.

Joann. x, 35.

Is. lxi, 9.

Eccli.
xxx, 21.

Sap. v. 8, 9. deprehensi in pœnis, dicunt : Quid nobis A
13. profuit superbia ? aut divitiarum jaectantia
quid contulit nobis ? Transierunt omnia
illa tanquam umbra, et tanquam nuntius
præcurrens ; sic et nos nati, continuo des-
ivimus esse, et in malignitate nostra con-
sumpti sumus.

11 II *Mansueti autem*, id est homines qui
iræ impetum vincere didicerunt, *heredita-
bunt terram* : sicut jam dictum atque ex-
positum est de sustentibus Dominum ;
et delectabuntur in multitudine pacis, id
Philipp. iv. est, pace Christi, quæ omnem sensum ex-
superat, copiose fruentur, nunc quidem
interdum per gratiam, in futuro autem in-
desinenter per gloriam. Maxime enim man-
sueti cordis pacem jam habent, et in se ip-
sis suaves sunt, quoniam dictum est, quod
pax est tranquillitas ordinis. Hanc vero
tranquillitatem nil impedit, nisi turbatio.
Ira autem et vitia quæ ex ea nascuntur,
maxime generanturbationem in animo,
et faciunt hominem irrationalibus simi-
Eccles. xii. lem, sicut Ecclesiastes dicit : Ira in sinu
10. stulti requiescit. Propterea mansueti seu
mites, quoniam iram superaverunt, am-
pliores, dulciorem ac stabiliorem pacem
sortiuntur. Et est mansuetudo, magna at-
que amabilis virtus, redditque hominem
non solum Deo, sed cunctis quoque homi-
nibus diligibilem, quemadmodum ait Scri-
Eccles. iii. ptura : Fili, in mansuetudine opera tua
10. perface, et super hominum gloriam dilige-
ris. Dionysius quoque in epistola ad De-
mophilum monachum, mansuetudinem ve-
hementer commendat, affirmans Moysen
et Joseph ac David, aliosque nonnullos, id-

circo maximam gratiam apud Dominum
invenisse, quoniam mansueti erant. Si er-
go desideramus perfrui pace Christi, au-
diamus et impleamus exhortationem, imo
præceptum ejus quo ait : Discite a me,
quia mitis sum et humilis corde. Unde in
Vitis Patrum scriptum est, quod iracundus
quamvis mortuos suscitet, Deo tamen non
placet. Et iterum : Sicut fumus expellit
hospitem, sic ira expellit a corde Spiritum
Sanctum.

12 *Observabit peccator justum*, id est,
opera ejus explorabit intentione nocendi,
et stridebit super eum dentibus suis, ex
crudelitate animi et furore. (15) *Dominus*
13 *autem iridebit eum*, id est, confusione
dignum ostendet : sicut in psalmo secun-
do habetur, Qui habitat in cœlis, iridebit
Ps. ii, 4. eos : quod illic plenius pertractatum est.
Quoniam prospicit quod veniet dies ejus :
id est, ipse Dominus novit diem futuræ
ultionis atque judicii, in quo peccatori
reddet quod meruit : in quo die implebi-
tur quod ipse apud Isaiam testatur, Heu !
Is. i, 24. ego consolabor super hostibus meis, et
vindicare de inimicis meis.

14 *Gladium evaginaverunt peccatores*. 14
Est quidam gladius linguæ, de quo inferi-
us dicitur : Lingua eorum gladius acutus.
Ps. lvi, 5. Hunc gladium evaginare, est verba commi-
natoria, pungitiva, fallacia, contumeliosa
proferre. Alius quoque est gladius, de quo
Christus Petro dixit : Convertite gladium
tuum in vaginam. Hunc gladium evagina-
Matth. re, est armis alium impetere. Et utrumque
xxvi, 52; Jo-
ann. xviii, 11.

C *gladium evaginaverunt peccatores. Inten-
derunt arcum suum*, id est insidias vel
arcum materiale, *ut decipiant pauperem*,
id est humilem et in temporalibus indi-
gentem, *et inopem*, id est aliorum auxi-
lium non habentem, *ut trucident rectos
corde*, id est, ut justos corporaliter vel spi-
ritualiter occidant. Gladio oris atque insi-
diis volunt decipere, gladio manus et arcu
corporali volunt occidere. (15) *Gladius eo-
rum intret*, id est intrabit, *in corda ipso-
rum* : omnis enim qui acceperit gladium,
15

D *gladio peribit*. Non quod gladius materia-
lis ingredi possit mentem seu animam, vel
quod omnes qui gladium accipiunt, gladio
pereant, sicut nec latro cum Christo sus-
pensus, nec Petrus ; sed ideo dicitur in cor-
da evaginantium intrare, eosque interime-
re, quoniam malitia eorum primo nocet
eis, et animas eorum spiritualiter occidit,
quam noceat aliis. Unde quod ait Salvator,
Qui acceperit gladium, gladio peribit, aliud
nihil est, nisi quod uniuscujusque mali-
gnitas in proprium caput redundat, et am-

12

13

Ps. ii, 4.*Is.* i, 24.

14

Ps. lvi, 5.*Matth.*
xxvi, 52; Jo-
ann. xviii, 11.

15

Matth.
xxvi, 52.*Ibidem.*

pius nocet agenti quam patienti. Hoc modo gladius introivit in corda tyrannorum, et æternaliter eos occidit. Intravit autem in corpora martyrum, et eos in cœlestibus coronavit. *Et arcus eorum confringatur*, id est, insidiæ eorum frustrentur effectū optato.

16 (16) *Melius*, id est utilius, jucundius, et magis sufficiens, *est modicum*, id est tantum quantum necessarium est victui, *justo*, qui temporalia ad spiritualia ordinat, *super divitias peccatorum multas*, id est, quam multa bona temporalia mobilia et immobilia, avaris et impiis. Justus enim dum necessaria habet, Domino gratias agit, quiescit, contentus est, et spiritualiter proficit; peccatores vero avari non satiantur divitiis, nec omnium largitori Deo grati sunt, atque ab ipsis suis divitiis demerguntur in profundum inferni. Propterea

Eccli. x, 9. scriptum est: Avaro nihil scelestius. Et

Ibid. 10. rursus: Nihil est iniquius, quam amare pecuniam; hic enim animam suam habet

Is. v, 8. venalem. Et iterum: Væ qui conjungitis domum ad domum, et agrum agro copulatis. Numquid habitabitis vos soli in medio

17 terræ? (17) *Quoniam brachia peccatorum conterentur*: id est, fortitudo et robur atque divitiæ impiorum ad nihilum deducuntur, ita ut ad salutem nihil eis proficiant, nec a morte æterna eruant eos; *confirmat autem justos Dominus* per gratiam Spiritus Sancti: sicut ait Apostolus, Optimum est gratia stabiliri cor.

Hebr. xiii, 9.

18 18 *Novit Dominus dies immaculatorum*: id est, conversationem eorum qui sine mortali peccato sibi deservunt, approbat, *sicut ait Apostolus: Firmum fundamentum Dei stat, habens signaculum hoc: Novit Dominus qui sunt ejus. Et hereditas eorum in æternum erit*: id est, merces Sanctorum seu beatitudo quam a Deo percipient tanquam hereditarium bonum, nunquam finietur. Quum enim justī sint filii Dei, sequitur quod sint et heredes: heredes quidem Dei, coheredes autem Christi.

II Tim. ii, 19.

Rom. viii, 17.

19 (19) *Non confundentur in tempore malo*, id est in sæculo isto: de quo ait Aposto-

lus, Redimentes tempus, quoniam dies mali sunt. Vel, In tempore malo, id est in

diebus adversitatis et tribulationis; sed tunc sperabunt in Domino, et ipse proteget eos, ita ut in adversis lætentur, quemadmodum monet Jacobus in sua Canonica: Omne gaudium existimate, fratres mei,

Ephes. v, 16.

quum in tentationes varias incideritis. *Et in diebus famis saturabuntur*. Duplex est

fames. Una est corporis, quo cibus et potus appetuntur: et in hac fame, seu tempore caristiæ, saturabuntur justī, quoniam

B Dominus eis de necessariis providebit, quemadmodum Christus in Evangelio promittit. Alia est fames mentis, de qua

Matth. vi, 31-33.

Dominus dicit per Amos prophetam: Ecce ego mittam famem in terra, non famem panis, neque sitim aquæ, sed audiendi verbum Dei. Et in hujus famis diebus saturabuntur justī a Deo spirituali pinguedine,

Amos viii, 11.

atque multiplici gratia Spiritus Sancti, sicut prædictum est: Inquirentes autem Dominum, non minuentur omni bono. Et in

Ps. xxxiii, 11.

Evangelio Christus: Beati, inquit, qui esuriunt et sitiunt justitiam, quoniam ipsi

Matth. v, 6.

saturabuntur. *Quia peccatores peribunt*: id est, signum ejus quod dictum est, scilicet quod justī non confundentur in tempore malo, etc., est, quod peccatores peribunt, id est, propter suam ingratitude

Matth. v, 6.

confundentur, præsertim dum audient: Ite, maledicti, in ignem æternum.

Ibid. xxv, 41.

20 *Inimici vero Domini mox ut honorificati fuerint et exaltati*: id est, dum

rebelles et impii in præsentī vita honorem, famam et dignitatem, aut dominationem

D adepti fuerint; *deficientes quemadmodum fumus deficient*, id est, tam repente marcescere incipient, et incessanter deficient,

quemadmodum deficit fumus, qui est evaporatio velociter transiens. Hoc est quod

ait alia Scriptura: Quæ est vita vestra? Vapor est ad modicum parens, et deinceps

Jacob. v, 15.

exterminabitur.

21 *Mutuabitur peccator*, id est, multa talenta a Domino recipiet, scilicet dona naturalia atque gratuita: et quidquid est

Matth. v, 21.

et habet, a Deo per modum talenti rece-

- pit. ut tempore debito rationem de omnibus reddat, et interim illis bene utatur ad gloriam Dei propriamque salutem : quemadmodum Christus in Evangelio jubet, *Negotiamini dum venio ; et non solvet*, id est, Deo gratus non erit, nec rationem dare valebit, quoniam donis Dei abutitur. *Justus autem miscratur et tribuet* : id est, ex animo indigentibus condolet, eisque pro posse succurrit, prout Salvator noster hortatur : *Omni petenti te tribue*. Viscera vero impiorum crudelia. Et tu ergo, o frater, deformem proprietatem assume, quatenus sicut Deo proprium est misereri, et sicut ipse dat omnibus affluenter, ita et tu omni indigenti compatiaris, et pro possibilitate tua adjutorium præbeas. Hinc namque scriptum est : Quomodo potueris, ita esto misericors. Si multum habueris, abundanter tribue ; si vero paucum, modicum libenter impertire. Hæc autem omnia agit justus ad laudem et gloriam Dei. 22 *Quia benedicentes ei*, id est, qui ore et opere Domino gratias agunt et laudes offerunt, *hereditabunt terram* : sicut nunc sæpe expositum est ; *maledicentes autem ei*, videlicet infideles, obstinati, blasphemii, *dispribunt* : quoniam æternaliter damnabuntur, quemadmodum in Apocalypsi inducitur : Timidis et incredulis et exsecratis et omnibus mendacibus, pars illorum erit in stagno ardenti igne et sulfure, quod est mors secunda.
- 23 25) *Apud Dominum*, id est coram Domino, et in conspectu ac beneplacito ejus, *gressus hominis* rationabiliter conversantis, id est vita seu actio justi, *dirigentur* : quoniam ratio hominis, illuminata fide et gratia Spiritus Sancti, dirigit opera sua secundum divinæ legis tenorem, seu juxta præcepta atque consilia Christi. Hoc modo gressus suos direxerunt Elias et Eliseus, qui loquuntur : Vivit Dominus, in cujus conspectu sto hodie. Unde et Abraham Dominus dixit : Ambula coram me, et esto perfectus. *Et viam ejus*, id est operationem justi, *volet*, id est, approbabit præmiabitque Dominus, quemadmodum ait Abraham
- A Deus : Ego protector tuus sum, et merces tua magna nimis. (24) *Quum ceciderit, non collidetur* : id est, quum justus ex humana fragilitate peccaverit, et gratiam Dei amisserit, non collidetur, id est, non penitus peribit in anima, nec perseverabit in malo ; *quia Dominus supponit manum suam*, id est, per misericordiam suam sustentat et erigit eum, præbens ei aliquam occasionem per quam se aptat ad gratiam : quo facto, Dominus gratiam ei infundit, quemadmodum patet in Petro et David.
- B (25) *Junior fui*, quam nunc sum, *etenim senui*, sicut jam patet in me ; *et non vidi justum derelictum* a Deo finaliter : quod de justo prædestinato intelligendum est ; *nec semen ejus quærens panem*. Hoc literaliter de filiis carnis et pane ventris exponi non potest : quoniam, sicut in Genesi legitur, filii Jacob bis descenderunt in Ægyptum ut emerent escas, ne morentur. Et Apostolus inter alia sua incommoda annumerat famem et sitim. Quid ergo per semen, nisi imitatores justi intelliguntur ? qui spiritualiter generantur ab ipso, sequendo doctrinam, vitam et mores ipsius, prout dicit Apostolus : Filioli mei, quos iterum parturio, donec formetur Christus in vobis. Hoc ergo semen non quærit panem, id est gratiam atque justitiam Dei, tanquam aliud extra se, et tanquam careant pane isto, quum dictum sit, Nihil deest timentibus eum ; quærun tamen ut magis abundant. Vel sic : Nec semen ejus quærens panem, id est, non vidi opera justi privari mercede. (26) *Tota die*, id est omni hora convenienti ac debita, justus *misericetur et commodat*, id est, compatitur et succurrit proximis suis ; *et semen illius in benedictione erit*, id est, opera ejus benedicta erunt a Deo. Imitatores quoque ipsius benedicentur a Deo, in præsentia per gratiam et profectum, in futuro autem per gloriam et quietem, secundum quod scriptum est : Benedictio Domini super caput justi ; ideo dedit illi hereditatem.
- 27 *Declina a malo*, id est, a peccatis recede per poenitentiam, *et fac bonum*, id

Gen. xv, 1.
24

25

Ibid. xlii,
2,3; xliii, 2,
15.II Cor. xi,
27.Galat. iv,
19.Ps. xxxiii,
10.

26

Prov. x, 6;
Eccli. xiv,
20.

27

- est, operare virtutes. Non enim sufficit a malo recedere, sed oportet etiam facere bona : quoniam omnis arbor, quæ non facit fructum bonum, excidetur et in ignem mittitur. *Et inhabitabit in sæculum sæculi.* id est, usque in finem persevera in fide et unitate ac obedientia sanctæ matris Ecclesiæ. 28 *Quia Dominus amat iudicium discretionis,* quo quilibet discernit et iudicat semetipsum, *et non derelinquet sanctos suos,* id est electos ; *in æternum conservabuntur* in amore et gratia Dei. Nam hic temporaliter conservantur, donec vitam in bono finiant, ac per hoc confirmantur in bono : quoniam qui in gratia moritur, statim in bono confirmatur : et in tali statu anima æternaliter manet, in quali a corpore suo discessit, quemadmodum Salomon ait : Ubicumque ceciderit lignum, ibi erit. 29 *Injusti punientur,* in præsentem, remorsu conscientiæ et privatione caritatis ac gratiæ ; in futuro autem, igne æterno ; *et semen impiorum peribit,* id est, opera eorum ac sectatores vitæ ipsorum æternaliter damnabuntur. 30 *Iusti autem,* qui perseverant in bono, *hereditabunt terram* viventium, sicut in Apocalypsi Dominus ait : Esto fidelis usque ad mortem, et dabo tibi coronam vitæ ; *et inhabitabunt in sæculum sæculi super eam,* id est, sine fine manebunt in regno cælorum, secundum quod Salvator iterum promittit : Qui vicerit, dabo ei sedere mecum in throno meo, sicut et ego vici, et sedi cum Patre meo in throno ejus.
- 30 31 *Os iusti,* id est intellectus ejus, quo interius verbum profertur, *meditabitur sapientiam,* id est, divinorum contemplationem cum saporosa affectus dulcedine ruminabit, speculando cælestia, sicut ait Apostolus : Nos autem revelata facie gloriam Domini speculantes. Vel sic : Os corporale iusti meditabitur, id est, ex interiori meditatione loquetur. Vel, Meditabitur, non cogitando, sed agendo : sicut de quibusdam ab Apostolo scriptum est, Dicunt se nosse Deum, factis autem negant. *Et lingua ejus loquetur iudicium,* id est discre-
- tionem seu distinctionem inter verum et falsum, bonum et malum : docens et affirmans bona esse, quæ Deo placent ; mala autem, quæ displicent ei. Hoc est quod Salomon ait : Veritatem meditabitur guttur meum, et labia mea detestabuntur iniquum. 32 *Lex Dei ejus in corde ipsius,* id est, lex divina est in memoria iusti ut impleat eam, sicut prædictum est : Et in lege ipsius meditabitur die ac nocte ; *et non supplantabuntur gressus ejus,* id est, operationes iusti non subvertentur, nec præmio privabuntur : imo si forte ad tempus erraverit iustus electus, et opera ejus bona mortificata fuerint per peccatum, Dominus cito convertet eum ad se, et gratiam reddet ; sicque opera dudum mortificata viva fient, et non supplantabuntur nec conculcabuntur, neque finaliter extinguentur per aliquem.
- 33 34 *Considerat peccator iustum,* non ut imitetur, sed ut adversetur. Ideo subdit, *et quærit mortificare eum,* vel corpus occidendo, vel animam ad peccandum alligando, vel variis tribulationibus ipsum iustum afficiendo, ita ut nonnunquam tædeat eum vitæ suæ, quemadmodum ait Apostolus : Supra modum gravati sumus, ita ut tæderet nos vivere. 34 *Dominus autem non derelinquet eum in manibus ejus,* id est, non permittet iustum finaliter opprimi violenta potestate iniqui, quamvis ad tempus sinat eum affligi. Nam post hanc vitam temporalem, æternaliter eum eripiet ab omni angustia. Nec in præsentem vita derelinquit eum penitus in manibus impii : quoniam licet impius possit corpus ejus violenter vexare, non tamen potest animam ejus ad vitia cogere, vel a via iustitiæ flectere, sicut ait de Sanctis Gregorius : Occidi possunt, et flecti nequeunt ; ideirco sunt iudicante robustiores, et occidente fortiores. *Nec damnabit eum quum iudicabitur illi :* id est, in die quo Dominus proferet iudicium remunerationis, illi, scilicet iusto ad gloriam ejus ; vel, illi, id est peccatori ad pœnam : tunc non damnabit iustum, sed salvabit eum. Iustis enim

Matth. iii.
10. vii. 19.

28

Eccle. xi. 3.

29

Apoc. ii. 10.

Ibid. iii. 21.

30

II Cor. iii.
18.

Tit. i. 16.

Prov. xiii.
7.

31

Ps. i. 2.

32

II Cor. i. 8.

33

- Matth. xxi.* in die iudicii dicturus est Christus : Veni-
34. te, benedicti Patris mei, percipite regnum
quod vobis paratum est ab origine mundi.
- Gen. xxi.* Unde et Abraham ait ad Dominum : Num-
23, 25. quid perdes justum cum impio? Non est
hoc tuum, qui iudicas omnem terram.
- 34 Quoniam ergo ita est, 55 *Expecta Do-*
minum, et custodi viam ejus. Hoc est quod
circa principium psalmi istius dictum at-
que expositum est, Spera in Domino, et
fac bonitatem. Nil enim aliud est Deum
expectare, quam in ipso sperare, quoniam
spes est expectatio futuræ felicitatis. *Et*
- Luc. xxi.* *exaltabit te Deus, qui humiles exaltat, ut*
14 *hereditate capias terram,* id est, in æter-
num possideas regnum cælorum; *quum*
perierint peccatores, videbis : quoniam in
præsenti vita videbis eos arescere, et in
extremo iudicio adspicies eos in infernum
humo opertos descendere.
- 35 56 *Vidi impium superexaltatum,* id est
ultra mensuram sublimatum dignitate, ho-
nore, potestate, gloria atque divitiis, *et*
elevatum in istis sicut cedros Libani. id
est, tam eminenter alios excellere in tem-
poralibus, prosperitatis candore et subli-
mitate, quantum cedri Libani, id est ar-
bores crescentes in monte qui Libanus
appellatur, alias arbores excellunt in de-
core ac situ. Libanus enim candidatio in-
terpretatur. Propterea impii qui tempora-
liter prosperantur ac florent, cedris Libani
comparantur; quoniam sicut cedri tales a
vento impelluntur ac dejiciuntur, sic im-
pii omni flatu vanitatis et impetu passio-
num circumferuntur atque labuntur. (57) *Et*
- 36 *transivi,* id est, vitam protraxi, animo
omnia perlustravi, a terrenis ad cœlestia
mentem erexi, *et ecce non erat,* id est,
impius jam defecit : quia non diu durat
gloria ejus, quemadmodum Sapiens in per-
Sap. ii. 3. sona impiorum dicit : Umbræ transitus
est tempus nostrum. *Et quesivi eum,* id
est, inquisivi ubinam esset; vel, Quæsivi
eum, id est, conditionem et proprietatem
ejus scrutatus sum, apud me considerando
quanta esset vanitas ejus; *et non est in-*
ventus locus ejus. Hoc est quod paulo ante
- A asseruit, Quæres locum ejus, et non inve-
nies : quod illie expositum est. Et hoc est
quod Sapiens commemorat : Spes impii
est tanquam lanugo, quæ a vento tollitur,
et tanquam spuma gracilis, et tanquam
memoria hospitis unius diei.
- 58 *Custodi innocentiam,* id est, ab om-
ni malo declina, *et vide æquitatem,* id est,
considera, et considerando operare justi-
tiam. Hoc est quod in Actibus Apostolo-
rum scriptum est, quia docebat eos Paulus
de continentia et justitia. *Quoniam sunt*
- B *reliquiæ homini pacifico :* id est, magna
bona restant, et in cœlis parata sunt aman-
tibus seu facientibus pacem vel in pro-
prio corde, vel inter alios, quemadmodum
Christus testatur : Beati pacifici, quoniam
filii Dei vocabuntur. Vel sic : Quoniam
sunt reliquiæ homini pacifico, id est, in-
nocentia et æquitas appropriantur, debentur,
ac conservantur pacificis, qui omnia
transitoria spernunt, quatenus in vera pa-
ce Deo adhæreant. Dum enim omnia exte-
riora atque caduca amittunt, tunc innocen-
tia et æquitas remanent eis. Quum enim
pacem integro corde desiderent, nulli no-
cumentum inferunt, nec alicujus bona
apud se retinent; sed paci servandæ tota-
liter vacant. Innocentia quippe disponit
ad pacem; justitia vero eam custodit, quoniam tollit obstacula pacis. Propterea
in Isaia scriptum est : Erit opus justitiæ pax,
et cultus justitiæ silentium et securitas
usque in sempiternum; et sedebit popu-
lus meus in pulchritudine pacis, et in ta-
bernaculis fiduciæ, et in requie opulenta.
- D Verumtamen directe ac proprie pax est
caritatis effectus, quoniam caritas parit
concordiam : propter quod infra habetur,
Pax multa diligentibus legem tuam. Dici-
tur tamen pax opus justitiæ, in quantum
justitia aufert impedimenta pacis.
- 59 *Injusti autem disperibunt :* quoniam
aeternaliter miseri erunt. Hinc enim in li-
bro Job scribitur : Recordare, obsecro te,
quis unquam innocens perit? Quin po-
tius vidi iniquos Domino flante perisse.
Simul reliquiæ impiorum interibunt : id
- vers. 10.
Sap. v. 15.
37
Act. xxiv. 25.
Matth. v. 9.
Is. xxxii. 17, 18.
Ps. cxviii. 165.
38
Job iv. 7-9.

est, semen eorum, opera eorum, imitatores A eorum, gloria atque memoria ipsorum, a Domino reprobabuntur, a sanctis derelinquentur, et ab omni beato esse deficient, quoniam nullus scit sine speciali revelati- *Eccle. ix, 1.*

Job vii, 9. sicut scriptum est : Sicut consumitur nubes et pertransit ; sic qui descendit ad inferos, non ascendet. Et hoc est quod in

Ps. xlviii, 1. sequentibus dicitur, Quoniam quum interierit, non sumet omnia.

39 40 *Salus autem justorum a Domino* : id est, quidquid perfectionis et gratiæ habent in mente et corpore, a Deo profluxit

1 Cor. iv, 7. et datum est. Quid enim habes quod non accepisti? *Et protector eorum*, id est justorum, est Dominus *in tempore tribulationis*, tentationis, infirmitatis ac mortis.

40 41 *Et adjuvabit eos Dominus*, confortando naturalem virtutem auxilio gratiæ, *et liberabit eos a vinculis vitiorum* : *et eruet eos a peccatoribus*, id est a tentationibus atque molestiis hominum impiorum ac dæmonum, *et salvabit eos in regno cælorum*, post hujus sæculi cursum atque exsili-um. Sed quibus meritis? subdit : *quia speraverunt in eo*, id est, omne bonum ab

C ejus misericordia expectaverunt, nil propriis viribus adscripserunt, sed tota mente in Deo confisi sunt, facientes nihilo minus quod in se fuit : quia spes vera, salubris et perfecta, est certa expectatio futuræ beatitudinis, ex misericordia Dei et propriis meritis nascens : ideirco actus spei formata, ex caritate procedit. Hæc quoque definitio potius datur de actu,

B quam de habitu spei : quoniam spes secundum se, est habitus infusus, non adeptus, neque causatus propriis meritis. Sed quoniam nullus scit sine speciali revelati-
one, an sit dignus amore, quomodo potest homo habere certam expectationem felicitatis futuræ? Sciendum ergo, quod spes principalius innititur misericordiæ Dei, quam propriis meritis. Certitudo igitur convenit spei, quantum ad hoc quod divinæ misericordiæ innititur. Certum est enim, quod defectus salutis non erit ex parte misericordiæ Dei. Non autem convenit certitudo spei ex parte propriorum meritorum, nisi forte quis sciret se confirmatum in gratia, sicut erant Apostoli post adventum Paracleti. Itaque, Dominus salvabit justos, quia speraverunt in eo, quemadmodum ipsemet apud Jeremiam testatur : Eruens liberabo te, et erit tibi *Jer. xxxix, 18.*
fiduciam, ait Dominus.

Ecce quam moralis et consolatorius est psalmus iste : quem decet nos diligenter advertere, ut discamus cuncta transitoria parvi pendere, et sola cœlestia semper mansura ferventer optare.

PRECATIO.

Concede, quæsumus, misericors Deus, ut in te sperantes, bonitatem jugiter faciamus : in qua consummati, habitationem terræ viventium obtineamus ; in qua, tua gratia largiente, æternis divitiis pascamur.

ARTICULUS LXXVI

EXPOSITIO PSALMI TRICESIMI SEPTIMI : DOMINE, NE IN FURORE.

- 1 Porro titulus psalmi istius est : *Psalmus David, in rememoratione sabbati*. Sabbatum requiem æternitatis significat : quam peccando amittimus, atque peccata commissa pœnitentialiter recolendo recupera-
- D mus. Est igitur tituli sensus : Psalmus David, id est, psalmus iste adscribitur David tanquam auctori, et hic in persona pœnitentis loquenti ; in rememoratione sabbati, id est pro commemoratione et

indulgentia peccatorum : quæ commemo-
ratio assumitur desiderio veniendi ad re-
quiem Beatorum, et ad eam finaliter or-
dinatur.

A dedit Deus afflictionem et curam super-
fluam. *Et confirmasti, o Domine, super
me manum tuam*, id est, prædictas sagit-
tas ac pœnas fortiter imprimis mihi, et
continuas eas in me usque ad mortem : ut
patet de pœnalitatibus corporis, sicut sunt
fames, sitis, et cetera inevitabilia mala.

3 *Non est sanitas in carne mea a facie* 4
iræ tuæ : id est, non est in corpore meo
sanitas stabilis, integra et perfecta, pro-
pter animadversionem seu adspæctum tuæ
justitiæ, quæ peccata mea considerat, atque
B prædictis sagittis ea ulciscitur, implens
carnem morbis ac aliis pœnis diversis.
Hæc autem tormenta debemus patienter
sufferre, quatenus vitia nostra purgentur,
quemadmodum in Michæa habetur : *Iram Mich. vii, 9.*
Domini portabo, quia peccavi ei, donec
judicet causam meam. Et Jeremias ait :
Dixi, Plane hæc infirmitas mea est, et *Jer. x, 19.*
portabo illam. *Non est pax ossibus meis* :
id est, prædictæ vindictæ divinæ justitiæ,
usque ad interiora carnis meæ pertin-
gunt, et ejus ossa perturbant atque affli-
C gunt : nam carnes et ossa morbis et pœnis
torquentur, sicque totum corpus pœnis af-
ficitur ; *a facie peccatorum meorum*, id
est propter peccata quæ me conerunt, et
de quibus mihi conscius sum. — Vel sic :
Non est sanitas in carne mea : id est, ego
carnem meam in pœnientiali labore ita
afflixi *a facie iræ tuæ*, id est propter con-
siderationem tuæ justitiæ, quam pensavi
mihi terribiliter imminere, quod non est
in ea sanitas derelicta ; sed abstinentiis,
orationibus, disciplinis, seu ictibus atque
D vigiliis attenuata, exhaustaque est. *Non
est pax ossibus meis* : id est, ossa quoque
corporis mei pelle et carne quasi nudata
sunt, propter laborem quem assumpsi *a
facie peccatorum meorum*, id est ex con-
sideratione offensionum mearum in te. Et
merito tam dure afflixi me :

3 *Quoniam iniquitates meæ supergres-
sæ sunt caput meum* : id est, vitia et con-
cupiscentiæ meæ excæcaverunt, vicerunt
et oppresserunt lumen rationis meæ, et
captivus ductus sum in legem peccati :

2 **L**OQUENS ergo propheta David in per-
sona cujuslibet magni peccatoris cor-
dialiter pœnitentis, ait : (1) *Domine, ne in
furore tuo arguas me*, etc. Versus iste in ex-
ordio sexti psalmi diligenter expositus est :
3 ideo lectorem illuc remitto. (2) *Quoniam
sagittæ tuæ infixæ sunt mihi* : id est, id-
circo precor non argui in furore tuo, quo-
niam sagittæ tuæ, id est vindictæ seu
pœnæ quas pro peccatis infers, infixæ
sunt mihi, id est, profunde penetrant me.
Quemadmodum enim originalis justitia,
erat quoddam retinaculum animæ, quo ca-
ro spiritui, sensitiva pars rationi, et ratio
Deo in omnibus subdita fuit : sic pœnæ
pro hujus justitiæ amissione inflictæ, to-
tum occupant hominem : quoniam corpus
infirmatibus necessitatibus mortis sub-
jacet ; sensitiva pars animæ, inordinatissi-
mis passionibus et concupiscentiis vitiosis
impletur ; intellectiva quoque portio ani-
mæ, ignorantia, instabilitate et malitia vul-
neratur. Nam ignorantia est in ratione,
instabilitas in memoria, malitia vero in
voluntate. Omnia autem hæc mala, sunt
sagittæ humano generi inflictæ propter
originale peccatum : et istud est grave ju-
gum, quod (teste Scriptura) inductum est
super omnes filios Adæ, a die nativitatis
eorum, usque in diem mortis ipsorum.
Sunt autem et aliæ sagittæ, quæ pro actu-
alibus peccatis singulis infliguntur, sicut
Eccle. xl, 1.
D comminatio Dei, timor judicii, remorsus
conscientiæ, dolor de culpis præteritis, ad-
versitates, diffortunia, suspensio consolati-
onis et gratiæ Dei, ac alia multa præ-
sentis vitæ flagella. De quibus sanctus Job
ait : Sagittæ Domini in me sunt, quarum
indignatio ebibit spiritum meum, et ter-
rores Domini militant contra me. Et Ec-
clesiastes : Cuncti dies hominis deloribus
Eccle. ii, 23.
et ærumnis pleni sunt, nec per noctem
Ibid. 26.
mente quiescit. Et denuo : Peccatori, inquit,

Dan. xiii, 56. sicut et Daniel dicit, Species decepit te, et
Rom. xii, 21. concupiscentia subvertit cor tuum. Quo-
Ibid. xi, 12, 13. contra Paulus ait : Noli vinci a malo ; et
 iterum : Non regnet peccatum in vestro

mortali corpore, ut obediat concupiscen-
 tiis ejus ; neque exhibeatis membra vestra
 arma iniquitatis peccato. *Et sicut onus
 grave gravatæ sunt super me* : id est, per
 consuetudinem malam et negligentiam seu
 obstinationem, multæ et magnæ factæ sunt
 iniquitates meæ, et tam graviter trahunt
 affectum meum ad inferiora ac vilia ap-
 petenda, sicut pondus trahit corpus leve,
 ne ascendat. Peccata ergo nostra a cœle-
 stium nos contemplatione impediunt, ra-
 tionis judicium opprimunt, ad alia quoque
 vitia suo pondere nos inclinant, et tandem
 in inferis animam non pœnitentem de-
 mergunt. Propter quod Jeremias ait : Pec-
 cata vestra prohibuerunt bonum a vobis.

Jer. v, 25.

6 (5) *Putruerunt et corruptæ sunt cicatri-
 ces meæ* : id est, reliquiæ seu sanationes
 culparum mearum redactæ sunt ad pristi-
 num languorem peccati, quoniam vitia per
 pœnitentiam mihi indulta reitavi, et pri-
 orem animæ morbum incurri. Putrefactio
 autem ad corruptionem disponit ; et co-
 gitatio seu consensus, ad opus. Dum ergo
 in peccata præterita iterum consentimus,
 cicatrices animæ nostræ putrefiunt ; dum
 vero ad opus procedimus, tunc penitus
 corruptuntur. *A facie insipientiæ meæ* : id
 est, recidivatio ista peccati contigit mihi
 ex insipientia mea, videlicet quoniam non
 pensavi quam periculosum, mortiferum
 atque ingratum est, addere malum malo,
 et iterum vinculis pristinis irretiri : quem-
 admodum scriptum est in Ecclesiastico,
 Peccator adjiciet ad peccandum. Quocon-
 tra in eodem libro scriptum est : Fili, ne
 adjicias peccatum super peccatum, et ne
 dicas, Miseratio Domini magna est. Nam se-
 cundum multitudinem misericordiæ ejus,
 sic et multitudo iræ illius.

Eccle. iii,
 29.
Ibid. v, 3-7.

7

6. *Miser factus sum*, id est, peccando
 gratiam perdidici, et omnibus spiritualibus
 bonis privatus sum, atque evangelicas oc-
 to beatitudines amisi, et curvatus sum, id

est, a rectitudine justitiæ obliquatus sum,
 et viam veritatis reliqui, *usque in finem*,
 id est usque ad consensum mortalis pec-
 cati, quod est mors animæ et finis spiri-
 tualis vitæ præhabitæ. Vel sic : Miser factus
 sum, id est, me ipsum miserum esse co-
 gnovi, et humiliavi spiritum meum, qui
 se in malis putavit beatum ; et curvatus
 sum usque in finem, id est, jugo Dei sup-
 posui humerum meum, et cœpi portare
 onus Christi et crucem ipsius usque in
 finem, id est perseveranter, vel ad hoc,

B quod Deum, qui est omnium ultimus fi-
 nis, acquiram. Ista curvitas bona est. Nam
 de ea scriptum est : Anima quæ incedit
 curva, dat tibi gloriam Domino. *Tota die
 contristatus ingrediebar*, id est, propter
 peccata mea indesinenter tristabar bona
 tristitia. De qua ait Apostolus : Quæ se-
 cundum Deum est tristitia, pœnitentiam
 stabilem operatur in salutem. Et Ecclesia-
 stes : Cor sapientium ubi tristitia, et cor
 stultorum ubi lætitia. Dolor autem de pec-
 catis, in principio debet esse magis fre-
 C quens et quasi continuus ; sed in processu,
 dum pœnitens ad altiora profecerit, non
 oportet ut sit tam frequens atque conti-
 nuus : imo tunc debet se talis in actibus
 divinæ caritatis et sublimioribus exerci-
 tiis occupare, contemplando bonitatem di-
 vinam et beneficia ac promissa ipsius.
 Vicissim vero, et maxime in principio sui
 actus, debet se ipsum humiliare, et pec-
 cata sua recolere, ac per hoc humillime
 ad Deum accedere. Ideo ait Scriptura : Ju-
 stus in principio accusator est sui.

Baruch ii,
 18.

II Cor. vii,
 10.

Eccle. vii,
 5.

Prov. xviii,
 17.

8

D (7) *Quoniam lumbi mei impleti sunt il-
 lusionibus* : id est, ego in cujus lumbis
 viget motus luxuriæ, carnali voluptate pol-
 lutus sum, et delectationibus luxuriosis
 seductus. Dicuntur autem delectationes et
 actus luxuriæ, illusiones, quoniam intelle-
 ctum maxime obruunt, hominemque om-
 nino decipiunt. Istud autem, de gratia Dei,
 non convenit omnibus. Non enim com-
 petit eis, qui corde et corpore virgines
 sunt : sed David, qui cum uxore Uriæ tan-
 tum peccavit ; Salomoni quoque, de quo

II Reg. xi,
 4 ; *III Reg.*
 xi, 4-8.

Eccli. xlviii. legitur. Inclinasti femora tua mulieribus, *21, 22* et dedisti maculam in gloriam tuam. Cui ergo istud non convenit. non vane gloriatur nec intumescat, sed gratias Domino agat, et tanto ardentius, quanto donum hoc majus est. *Et non est sanitas in carne mea* : nam, ut ait Apostolus, Qui fornicatur, peccat in corpus suum.

1 Cor. vi 18. **9** ¶ *8 Afflictus sum* pro peccatis meis castigatione divina et pœnitentia salutari; *et humiliatus sum nimis* : id est, afflictiones has pro peccatis meis illatas, humillime toleravi, imo irrationalibus creaturis viliores me reputavi. *Rugiebam a gemitu cordis mei* : id est, ex magnitudine interioris tristitiæ de peccatis, in exteriorem singultum et gemitum magnum prorupi : quemadmodum Job dicit : Antequam comedam, suspiro; et quasi inundantis aquæ, sic rugitus meus. Ex his autem docemur, qualis esse debeat pœnitentia vera, videlicet ut cordialissime compungamur, atque totaliter ingemiscamus, flagellemur, et humiliemur. *(9 Domine, ante te omne desiderium meum* : id est, o Domine, tu vides cor famuli tui, et omnem ejus affectum cognoscis, et cernis quia nil aliud quæro, nisi te; *et gemitus meus a te non est absconditus* : id est, tu conspicias quod non sæculariter tristor, nec propter temporalia gemo, sed quia offendi te.

11 **10** *Cor meum conturbatum est* : id est, ratio mea vitiis deordinata est, et veram tranquillitatem amisit. Vel, Cor meum conturbatum est, conturbatione salubri et bona, videlicet ad pœnitentiam, ad fletum, ad timorem futuri judicii, et ad quamdam admirationem ingratiitudinis meæ, ita quod considerando me ipsum displicui mihi, et propter magnitudinem perversitatis meæ obstupui. *Dereliquit me virtus mea* : id est, naturalis potestas mea fuit mihi insufficientis ad salutem. Vel, Dereliquit me virtus mea, id est, spiritualem profectum, quem fui adeptus, peccando amisi. Dereliquit me etiam *et lumen oculorum meorum*, id est, gratia habitualis et actualis illuminatio Spiritus Sancti, recessit a me

A quando peccavi; *et ipsum non est mecum*, id est, lumen gratiæ non est in me, quamdiu in peccatis permaneo. — Vel sic : *Dereliquit me virtus mea*, id est, pro peccatis meis condignam pœnitentiam facere non potui; *et lumen oculorum meorum*, id est, gravitatem peccatorum meorum plene comprehendere non valui propter enormitatem eorum. Quanto enim homo copiosius illuminatur a Spiritu Sancto, tanto amplius ponderat, aggravat, et abhorret scelera propria, ita ut quæ aliis parva et pene nulla apparent, ipse gravissima reputet. Et tali homini sapit hic psalmus, nec alicui alteri. *Et ipsum non est mecum*, id est, adhuc deficio in consideratione malitiæ meæ, nec capere possum quam miser ac miserabilis factus sum, eo præsertim quod præterita mala reiteravi. Hinc enim scriptum est : Quam vilis facta es nimis, iterans vias tuas!

Præterea quæ sequuntur, ad perfectionem pertinent pœnitentis, et post conversionem atque inchoatam pœnitentiam sibi conveniunt. **11** *Amici mei et proximi mei*, id est, qui aliquando erant fautores mei, quando videlicet consensi voluntati eorum, sæculariter conversando, et mundi delicias atque honores amando, *adversum me appropinquaverunt et steterunt*, id est, post conversionem meam adversati sunt mihi, et in malitia perseveraverunt contra me, eo quod vita mea dissimilis sit vitæ eorum, et ea relinquam ac reprobem quæ ipsi quærunt et approbant. Et hoc est quod Christus talibus in Evangelio ait : Trademini a parentibus et propinquis et amicis, et morte afficient ex vobis. **12** *Et qui juxta me erant*, tempore prosperitatis meæ, *de longe steterunt*, id est, mente aversi sunt a me, quando flagellis pœnitentiæ conteror, variisque adversitatibus patienter affligor. Istud in sancto Job evidentissime patet. Unde in Ecclesiastico habetur : Si possides amicum, in tentatione posside eum, et ne facile credas ei te ipsum. Est enim amicus secundum tempus suum, et non permanet

Jer. ii, 36.

12

Luc. xxi, 16.

Eccli. vi, 7, 8.

- 13 in die tribulationis. *Et vim faciebant*, id est, violentiam mihi intulerunt, *qui quærebant animam meam*, id est, qui conabantur me a Deo avertere, et rursus ad mundanam conversationem allicere; vel, qui conati sunt vitam meam extinguere, eo quod noluerim eis acquiescere. (15) *Et qui inquirebant mala*, id est, qui mundum et ea quæ in mundo sunt, diligunt; vel, qui consilia deceptorum excogitaverunt; *mihi locuti sunt vanitates*, id est, rationes inanes et persuasiones inutiles mihi proposuerunt, quatenus ab arrepta penitentiae semita me revocarent, et pristinis me vanitatibus implicarent; *et dolos tota die meditabantur*, id est, adulationibus, comminationibus et variis fraudibus nisi sunt fallere animam meam, videlicet ut temporalem prosperitatem atque mundanam felicitatem appeteret.
- Istud autem potest poenitens et conversus contra dæmones dicere, ab illo loco, *Et vim faciebant*, etc. Nam et ipsi frequenter cum violento quodam impetu tentant nos, et gaudia mundi sub magna apparentia nobis ostendunt, ut ad eorum amorem inclinent nos.
- Sed jam audiamus, quid in tanta persecutione atque molestia poenitens fecit.
- 14 14 *Ego autem tanquam surdus non audiebam*: id est, consensum non præbui, vel me audire dissimulavi, vel omnino non audiui, quia averti aurem meam, et abi; *et sicut mutus non aperiens os suum*, id est, nihil respondi, verbis contendere nolui, contumelias patienter et cum silentio toleravi, vana consilia et tentationes diaboli in tantum contempsi atque abhorruī, ut nec responsione digna ea putarem. Hanc autem sententiam sequens versus clarius pandit. (15) *Et factus sum sicut homo non audiens*: id est, tam æquanimiter verba malignantium passus sum, ac si mihi dicta non essent, quemadmodum surdus verbis irritari non potest quæ non audit; *et non habens in ore suo redargutiones*: id est, factus sum sicut homo qui arguentem redarguere nescit, qui maledicentem
- A non remaledicit, et stulto secundum suam stultitiam non respondet. Unde et Scriptura hortatur: Sepi aures tuas spinis, et noli audire linguam nequam, et ori tuo facito ostia, et seras auribus tuis.
- Porro in his duobus versibus tangitur optimum remedium ad vincendum tentationes spiritus blasphemiae. Dæmon enim blasphemiae melius vinci non potest, nisi per hoc, quod homo omnino avertit se a consideratione suggestionis quam patitur, non disputans neque confabulans cum tentatione pestifera, neque contristans se ipsum propter impugnationem hujusmodi; sed ad alia fructuosa exercitium suum convertens, et spiritualibus viris tentationem suam manifeste aperiens. Hoc enim præsertim debilitat potestatem diaboli. Quidam vero propter verecundiam malam et inexperientiam talis tentationis, revelare non audent quod sustinent: quod valde periculosum consistit. Verumtamen non expedit cuicumque indifferenter tentationem talem revelare, sed erudito atque experto, qui novit consolationem protinus adhibere. Si ergo tentationem hanc sentis, dic ex corde prædictos versus, et relevamen mox senties. Dæmon namque quum sit superbus, ferre non potest, quod ita contemnitur, et ergo recedit. Nihilo minus (ut Cassianus docet) est quædam taciturnitas mala, qua aliqui interdum plus turbant et concitant fratrem et proximum suum, quam si ei aperte resisterent: talis enim taciturnitas non ex humilitate, sed ex elatione et alterius parvipensione oritur, et per duritiam cordis nutritur. Dum ergo potes proximum tuum dulci verbo sanare aut pie instruere, noli tacere; si vero respondendo magis eum inflammas quam mitiges, tace. Hinc enim scriptum est: Est tacens, non habens sensum loquendi; et est tacens, sciens tempus aptum.
- † 16 *Quoniam inter tot mala in te solo, Domine, qui mutas tristitia in læta, speravi*, propter te prædicta sustinendo, et remedium a te exspectando. Salutaris enim medicina est, in malis sperare, et non de-

PROP. XXVI, 5.

Ecclesi. XXVIII, 28.

46
Duabus
crucibus in-
clusa, archet-
ypi non
sunt.

ficere. Ideo merito spei, *tu exaudies me, Domine Deus meus.* † Si ergo exaudiri desideras, spera in Deo : et quantum speras, tantum impetrabis : si tamen instanter et digne petieris, et in nomine Jesu, id est, ea quæ ad veram beatitudinem pertinent. Beatitudo quippe est finis noster : et ergo per se appetenda, speranda, implorandaque est ; cetera vero in ordine ad eam, et nec magis nec minus quam ad beatitudinem adipiscendam proficiunt. Ecce quam fiduciale verbum est hoc, *Tu exaudies me, Domine Deus meus.*

17 Quid autem exaudiri desideret, subdit. (17 *Quia dixi*, in oratione qua allocutus sum te : *Nequando supergaudeant mihi inimici mei*, id est, nunquam superflue gaudeant de ruina animæ meæ, aut de victoria contra me, homines mali seu dæmones, qui meo spirituali profectui invident. Et hoc est quod Scriptura dicit : Domine pater, et dominator vitæ meæ, ne derelinquas me in cogitatu et consilio eorum, et incidam in conspectu adversariorum meorum, et gaudeat inimicus meus. *Et dum commoventur pedes mei*, id est, dum desideria mea et opera, quibus vel ad infernum, vel ad cælum incedo, a rectitudine deflectuntur et deviant, *super me magna locuti sunt*, id est, magnifice jactaverunt se, quia vicerunt me, et ea præsumptione gavisi sunt. Hoc est quod superius dixit : Qui tribulant me, exultabunt si motus fuero.

Ecclesi. xiii, 1, 3.

Ps. xii, 5.

18 Ideo, o Domine, exaudies me, (18 *Quoniam ego in flagella paratus sum*, id est, virgam correptionis tuæ et pœnam pro culpa libenter sustineo ; imo quidquid adversitatis mihi contigerit, pro culpis meis vel pro gratia impetranda mihi accidere puto : propterea omnia libentissime fero. *Et dolor meus in conspectu meo semper* : id est, tristitia quam merito pro peccatis assumere debeo, omni tempore convenienti est in consideratione animæ meæ, ita quod penso quantum mihi tristandum est, quod Deum meum tam dire offendi. Et quod ita sit, patet ex eo, (19 *Quoniam iniquitatem*

meam annuntiabo, accusando me coram te, et confessionem faciendo vicario tuo presbytero ; *et cogitabo pro peccato meo*, id est, diligenter considerabo ut omnia peccata mea recorder, confitear, veniamque de eis obtineam. Unde in libro Job legitur : *Vias meas in conspectu ejus arguam*, et ipse erit salvator meus. Et alibi : Qui abscondit scelera sua, non dirigitur ; qui autem confessus fuerit et reliquerit ea, misericordiam consequetur.

Job xiii, 15, 16.

Prov. xxviii, 13.

20 *Inimici autem mei vivunt*, non vita gratiæ, sed naturæ, et temporaliter florent ; *et confirmati sunt super me*, id est, fortiores facti sunt me, nec possum eis naturali potentia prævalere, omnes eorum molestias, tentationes et suggestiones vincendo, sed gratiæ tuæ ope indigeo : sicut Job inducit, Ecce non est auxilium mihi in me. *Et multiplicati sunt, qui oderunt me inique*, id est, hostes mei visibiles atque invisibiles multi sunt, qui ex odio pessimo quærunt pervertere animam meam.

Job vi, 13.

21 *Qui retribuunt mala pro bonis*, id est ingrati, *detrahebant mihi*, male interpretando opera mea, et crimina quæ non commisi, mihi imponendo, ne alii ædificarentur per pœnitentiam meam, et sequerentur vestigia mea. Unde subjungitur, *quoniam sequebar bonitatem* : id est, ex eo quod recessi a malo, et secutus sum opera virtuosæ, moti sunt invidia, et detrahebant mihi.

22 *Ne derelinquas me, Domine Deus meus*, id est, ne omnino deseras me, gratiam subtrahendo ; *ne discesseris a me*, id est, ne elonges te a me, quasi incipiendo me derelinquere, gratiam minorando ; sed

23 *Intende in adjutorium meum*, id est, considera quibus indigeo, et illa pie infunde, conserva, et perfice, *Domine, Deus salutis meæ*, id est Deus in cujus potestate tota est felicitas mea, et qui es objectum causæque totius beatitudinis meæ.

DENIQUE locus iste, qui ad laudem pœnitentis pertinet, de Christo convenienter exponitur, ut sit sensus : *Amici mei et proximi mei*, id est Judæi, qui videban-

12

- tur esse amici mei, dicentes se diligere Deum et expectare Filium ejus Christum : qui erant proximi mei, quoniam ex semine Abrahæ nati erant, sicut et ego ; *adversum me appropinquaverunt et steterunt*, quando videlicet collegerunt concilium quomodo occiderent me, et quando coram Pilato clamabant : Tolle, tolle, crucifige eum. *Et qui juxta me erant*, id est, qui aliquando erant discipuli mei, sed abierunt retrorsum, dicentes, Durus est hic sermo, *de longe steterunt*, id est, omnino alienaverunt se a me : imo Apostoli quique qui ante passionem juxta me erant, quasi parati mori mecum, fugerunt a me. *Et vim faciebant qui quærebant animam meam* : id est, Judæi atque ministri Pilati, qui desiderabant occidere me, manus violentas injecerunt in me, comprehendendo, ligando, colaphizando, perforando et crucifigendo. *Et qui inquirebant mala*, id est, Judæi quærentes contra me aliquam occasionem, *mihi locuti sunt vanitates*, id est verba adulatoria, dicendo : Magister, scimus quia verax es, et viam Dei in veritate doces, et non est tibi cura de aliquo. *Et dolos tota die meditabantur*, cogitando et inquirendo quomodo possent me capere in sermone, et blandiendo ad hoc inducere, ut magis dicerem ipsis placentia, quam justitiæ consona.
- 14 *Ego autem tanquam surdus non audiebam*. Christus ut homo, aure corporis non omnia audivit quæ dicebantur adversus eum : multa tamen præsens audivit, sed non audisse se asserit vana et mala quæ sibi dicebant Judæi, quoniam omnia patientissime pertulit, et tanquam surdus ad omnia dissimulavit. *Et sicut mutus non aperiens os suum*. Christus enim in passione, nec Pilato, nec Herodi respondit, ita ut miraretur Pilatus vehementer et diceret : Mihi non loqueris ? *Et factus sum sicut homo non audiens*. Nam ut Lucas attestatur, Herodes interrogavit Jesum multis sermonibus ; Jesus vero non respondit ei ad ullum verbum. *Et non habens in ore suo redargutiones* : id est, in passione ita
- A me habui, sicut qui se non excusant, nec alios accusant, sed penitus tacent. Propter quod Pilatus dixit : Non audis quanta adversus te dicant testimonia, nec respondes quidquam ? Hoc est quod de Christo per Isaïam dictum est : Tanquam ovis ad occisionem ducetur, et sicut agnus coram tondente se, sic obmutescet. Et Petrus de Christo loquens : Quum pateretur, inquit, non comminabatur ; quum malediceretur, non maledicebat.
- Quoniam in te, Domine Pater, speravi*, secundum quod homo et aliquo modo viator, *tu exaudies*, quidquid ex deliberata ratione absolute petiero. *Quia dixi in oratione : Nequando supergaudeant mihi inimici mei*, id est, ne Judæi, qui usque ad diem Pentecostes gaudent de occisione mea, quasi omnino extinctus sim et in inferno detentus, ultra hoc tempus non gaudeant ita de me ; sed tunc per missionem Paracleti, per prædicationem Apostolorum, per signa et prodigia magna, clarifica nomen meum in conspectu eorum, et demonstra me resuscitatum, glorificatum, et super cælorum altitudinem elevatum, quatenus confundantur et contristentur qui supergaudebant mihi. *Et dum commoventur pedes mei*, id est, dum clavis perforantur et cruci affiguntur, *super me magna locuti sunt*, impropere, deridendo ac blasphemando, atque dicendo : Euge, euge, quomodo rex Israel coronatur ! *Quoniam ego in flagella paratus sum*. Christus enim paratissimus fuit ad patiendum omnia, quæ de ipso prophetata fuerunt. Propter quod Patri dixit : Fiat voluntas tua. Et ipse per Isaïam prophetam testatur : Corpus meum dedi percutientibus, et genas meas vellentibus ; faciem meam non averti ab increpantibus et conspuentibus in me. *Et dolor meus in conspectu meo semper*, id est, passio quam pro mundo sustinui, incessanter inest memoriæ meæ, ut eam Patri offeram, atque merito ejus hominibus semper succurram. Unde Apostolus : Debuit, inquit, per omnia fratribus simili, ut misericors fieret. Versum au-

Matth.
xxvii, 13.

Is. lxi, 7.

1 Petr. ii, 23.

46

47

48

Matth.
xxvi, 42.
Is. l, 6.

Hebr. ii, 17.

tem sequentem Christus non dicit in propria persona, sed in persona membrorum suorum seu corporis mystici, scilicet, *Quoniam iniquitatem meam annuntiabo*, etc.

Inimici autem mei vivunt, id est, Judæi tunc temporaliter vixerunt, *et confirmati sunt super me*, quantum ad hoc quod me occidere potuerunt; *et multiplicati sunt*, numero atque malitia, non virtute et gratia, *qui oderunt me inique*, videlicet Judæi, qui oderunt et me et Patrem meum gratis, dicentes: Hic est heres, venite, occidamus eum. *Qui retribuunt mala pro bonis*, id est ingrati Judæi, quibus multa beneficia præstiti docendo, miracula faciendo, *detrahebant mihi*, dicendo inter se: Seducit turbam, Insanit, Homo vorax; *quoniam sequor bonitatem*, id est, quoniam juste in omnibus vixi, et vitia eorum non tacui. Unde Christus dixit ingratis Judæis per prophetam Michæam: *Popule meus, quid feci tibi? aut quid molestus fui tibi? Responde mihi. Ne derelinquas me, Domine Deus meus*, id est, corpus meum non deseras in sepulcro, sed tertio die vivifica illud; *ne discesseris a me*, id est, animam meam in inferno non derelinquas ultra tertium diem. *Intende in adjutorium meum*, id est, assiste et

cooperare mihi, ut Sanctos omnes de limbo inferni educam, atque cum eis in cœlos conscendam, *Domine, Deus salutis meæ*, id est, o Deus trine et simplex, qui es causa totius salutis meæ creatæ.

Ecce quam affectuosus est psalmus iste, et quam præclare instruit qualem esse oporteat veraciter pœnitentem, videlicet, ut peccata sua vehementer exaggeret, humiliter reseret, omnemque pœnam pati paratus sit. Quoniam vero psalmus iste est unus psalmorum pœnitentialium, debemus specialiter laborare ut eum clare intelligamus (aliquaqualiter enim obscurus est), et devote legamus. Quidam enim exponunt eum ad litteram de David: quæ expositio minus fructuosa videtur, quoniam non declarat qualiter unusquisque in propria persona eum legere possit. Cassiodorus vero exponit eum in persona Job.

PRECATIO.

Aurem pietatis tuæ quærentes, supplices deprecamur, ne nos, Domine Deus noster, derelinquas, nec a nobis discedas: præsta, ut quod in natura fragilitatis nostræ possibile non habemus, per tuam gratiam nobis subministrari sentiamus.

ARTICULUS LXXVII

EXPOSITIO PSALMI TRICESIMI OCTAVI: DIXI, CUSTODIAM VIAS MEAS.

PRÆNOTATUR interea psalmus iste hoc titulo: *In finem, canticum David, pro Idithun*. Quemadmodum in primo libro Paralipomenon scribitur, sanctus David instituit cantores ducentos octoginta octo, ut canerent in domo Domini laudes divinas in vicibus suis. Præfecitque eis tres principales cantores, videlicet Asaph, Heman et Idithun. Fecit quoque David psalmos, qui ab his cantoribus canerentur. Hic

ergo psalmus erat ab Idithun et sibi subiectis cantandus. Idithun vero interpretatur, transiliens eos: per quem designantur fideles et veri Israelitæ, non littera, sed spiritu, non carnis propagine, sed fidei firmitate, qui derelictis terrenis, ad cœlestia per contemplationem volant. Sensus igitur tituli est: *In finem, canticum David*, id est, psalmus iste qui dicitur canticum, quoniam spirituales lætitiæ

Joann. xv.
24.
Matth. xxi.
38.

Luc. xxi.
2.
Joann. vii.
12.
v. 20.
Matth. xi.
19.

Mich. vi. 3.

I Par. xvi.
xv.

continet, et de æterna beatitudine agit, A
adscribitur David tanquam auctori : canti-
cum, inquam, dirigens nos in Christum,
qui est Alpha et Omega, principium et
finis ; et factum *pro Idithun*, id est con-
veniens viro perfecto temporalia transi-
lienti, qui cum Apostolo dicere potest :
Infelix ego homo ! quis me liberabit de
corpore mortis hujus ? et iterum : Nostra
conversatio in cœlis est.

2 **I**N persona ergo Ecclesiæ, seu hominis
virtuosi, ardenti desiderio proficere cupi-
entis, loquens Propheta ait : (1) *Dixi*, id
est, constanter proposui, et corde ac ore
asserui : *Custodiam vias meas*, id est, ab
inordinatione et culpa præservabo cogita-
tiones meas, affectiones, et opera mea :
quæ dicuntur viæ, quia per eas tendo ad
terminum quemdam, videlicet ad felicitatem
cœlestem, vel ad miseriam inferna-
lem. *Ut non delinquam in lingua mea* : id
est, ad hunc finem statui custodire vias
meas, ut non offendam in verbo, sed in
omnibus temperem labia mea. Ecce quam
notabilis, sententiosus, et instructivus est
versus iste. Tria enim utilissima tangun-
tur in eo. Primo tangit propositum bene
agendi, dum ait, Dixi. Secundo tangit, ad
quid bonum propositum tendere debeat,
dum subjungit, Custodiam vias meas. Ter-
tio tangit, in quo perfectionem suam,
quantum ad exteriora, constituat, quum
subdit, Ut non delinquam in lingua mea.

Tu ergo si ad linguæ moderationem et
ad veram perfectionem pertingere cupis :
Primo, firmum fac tibi propositum in cor-
de tuo serventer proficiendi, et nunquam
a lege divina recedendi : quale erat pro-
positum sancti Job, dicentis, Donec defi-
ciam, non recedam ab innocentia mea ; et
Petri, qui dixit ad Christum, Etiam si
oportuerit me mori tecum, non te negabo.
Sed vide ne in proponendo innitaris pro-
priis viribus, sed gratiæ misericordissimi
Creatoris humiliter innitaris, considerans
illud Jeremiæ, Scio, Domine, quia non est
hominis via ejus, nec viri est ut ambulet

et dirigat gressus suos ; illud quoque Apo-
stoli, Non volentis, neque currentis, sed
miserentis est Dei. Secundo, satage custo-
dire in omnibus vias tuas, sagaciter con-
siderando, testimonio Scripturarum et ex-
emplo Sanctorum, quid placeat Deo, quid
bonum, quid melius, quid optimum. Hinc
enim Apostolus monet : Videte quomodo
caute ambuletis ; et iterum, Cum timore,
inquit, et tremore vestram salutem ope-
ramini. Unde Salomon asserit : Beatus ho-
mo qui semper est pavidus. Hoc modo
B custodivit vias suas Job, qui testatur : Ve-
rebar omnia opera mea, sciens quod non
parceres delinquenti. Tertio denique, im-
ple quod perfectum est, scilicet ut non
delinquas in lingua tua. In hoc beatitudo
modo quodam consistit, juxta illud Ecce-
siastici : Beatus homo qui non est lapsus
in verbo ex ore suo. Et Jacobus ait : Si
quis in verbo non offendit, hic perfectus
est vir. Ad hoc autem quod non delinquit
homo in lingua sua, multa sunt observan-
da. Primo, ne loquatur illicita, quoniam
C teste Apostolo, Corrumpunt mores bonos
colloquiâ mala. Et ad Timotheum : Sermo,
inquit, vaniloquorum ut cancer serpit. Se-
cundo, observare oportet ut loquamur de
bonis ac licitis, sicut ait Apostolus : Tu
loquere quæ decent sanam doctrinam. Pri-
mo enim in regimine linguæ oportet a
malo recedere, deinde ad bonum accedere.

Sed quia bonum opus bene fieri debet,
videlicet cum circumstantiis debitis, quæ
ad actum virtutis requiruntur, ideo in
loquendo de bonis, — Primo videndum
D cui loquamur, quatenus et proportionem
sermonem nostrum secundum exigen-
tiam, conditionem et qualitatem ejus
cum quo loquimur, ne forte præsumamus
sapientiores docere, seniores increpare,
vanum laudare, inexpertum consulere, ob-
stinatum corripere, contemptorem instru-
ere, simplicioribus alta proponere, vel in-
ter insipientes verba effundere. Hinc enim
optime dicitur : Adolescens, loquere in
causa tua vix quum necesse fuerit. Si bis
interrogatus fueris, habeat caput respon-

Apor. i, 8;
xxii, 13.

Rom. vii, 24.
Philipp. iii,
20.

Rom. ix, 16.

Ephes. v, 15.

Philipp. ii,
12.

Prov.
xxviii, 14.

Job ix, 28.

Eccli. xiv,
1.
Jacob. iii, 2.

I Cor. xv,
33.
II Tim. ii,
17.

Tit. ii, 1.

Job xxxii, 5.

Matth.
xxvi, 35.

Jer. x, 23.

Eccli.
xxxii, 10, 11.

Ecclesi. sum tuum. Et iterum : Loqui in medio magnatorum non praesumas, et ubi sunt senes, non multum loquaris; et, Ubi non est auditus, non effundas sermonem. Salomon quoque : In auribus insipientium ne loquaris, ne forte despiciant doctrinam eloquii tui. — Secundo pensandum est, quando sit debitum tempus loquendi: quoniam tempus est tacendi, et tempus loquendi. Dum enim nulla ex sermone nascitur aut speratur utilitas, tempus est tacendi; dum autem fructus salubris verisimiliter sperari potest, tempus loquendi est. Unde alibi scriptum est : Homo sapiens tacebit usque ad tempus; lascivus autem et imprudens non servabit tempus. — Tertio pensare debemus, ubi loquendum sit, scilicet non in ecclesia, nec in locis prohibitis. — Quarto, quantum, videlicet non plus quam oportet aut expedit. Propter quod Salomon dicit : In multiloquio non deerit peccatum; qui autem moderatur labia sua, prudentissimus est. Et iterum : Totum spiritum suum profert stultus; sapiens vero differt et reservat in posterum. Unde alibi habetur : Verba prudentium statera ponderabuntur. Sit ergo sermo noster sale discretionis ornatus, quemadmodum ait Apostolus : Sermo vester in gratia semper sale sit conditus, ut sciatis quomodo oporteat vos unicuique respondere. — Quinto pensare debemus, qualiter sit loquendum, videlicet modeste, mansuete, suaviter. Unde Salomon ait : Responsio mollis frangit iram; sermo durus suscitatur furorem. Et Ecclesiasticus : Verbum dulce multiplicat amicos, et mitigat inimicos, et lingua eucharis in bono homine abundabit. Et ideo Apostolus monet : Noli verbis contendere; ad nihil enim utile est, nisi ad subversionem audientium. — Sexto autem et ultimo atque praecipue considerare debemus, cur, id est qua intentione, loquamur : et generalis quidem, finalis ac summa intentio, esse debet honor Dei. Aliae autem intentiones secundariae et proximae, multae et variae esse possunt, videlicet ut alium instruamus, vel ab alio instruamur, vel

A propter recreationem vel similem causam; et secundum modum finis intenti considerare debemus, an is cum quo loqui volumus sit talis, quod ex colloquutione secum habenda, adipisci possumus finem intentum.

Si itaque ista pensemus et observemus, tunc non delinquemus in lingua nostra : quod nemo naturali virtute valet implere, secundum quod a Jacobo dictum est : Linguam nullus homo domare potest. Sed per gratiam fieri potest, quemadmodum legitur : Hominis est animum praeparare, et Domini gubernare linguam. Invoemus igitur gratiam Christi, et dicamus quod infra habetur : Pone, Domine, custodiam ori meo, et ostium circumstantiae labiis meis. Porro quod nunc dixit, Custodiam vias meas, postea clarius dicetur, ubi ait Psalmista : Juravi et statui custodire iudicia justitiae tuae.

(2) *Posui ori meo custodiam, ne incaute aut malitiose aliquid loquerer, dum consisteret peccator adversum me, intendens me verbis provocare aut fallere.* Non ergo reddamus verbum malum pro verbo malo, quemadmodum Salomon jubet : Ne dicas, Reddam malum; exspecta Dominum, et liberabit te. (3) *Obmutui non ex indignatione, sed ex patientia atque prudentia, videns me loquendo nihil proficere; et humiliatus sum, id est, in corde meo cogitavi me dignum esse contumeliis et verbis malis mihi illatis; et silui a bonis sermonibus : quoniam qui mihi male loquebantur, excusationem, satisfactionem, seu rationabilem responsionem recipere noluerunt. Propterea melius reputavi omnino tacere, quam contemptoribus veritatis sermonem bonum proferre.*

Et dolor meus renovatus est : quoniam dum poenas atque injurias ab aliis patior, de novo recolo peccata mea, quibus iram merui, et ita quasi recenter doleo quod peccavi. Poenae enim et adversitates peccatori inflictæ, reducunt ei ad memoriam mala quæ fecit, juxta illud : Castigabo te in iudicio, ut non tibi videaris innoxius.

Jacob. iii, 8.

Prov. xvi, 4.

Ps. cxi, 3.

Ps. cxviii, 106.

Prov. xx, 22.

3

Jer. xxx, 11.

Vel : Dolor meus renovatus est, id est, sic-
ut ante tristabar de propriis culpis, sic
modo contristor de proximorum peccatis
ac variis mundi erroribus. Talis autem tri-
stitia ex caritate procedit, et est multum
meritoria ac placita Deo. Quam Jeremias

Jer. ix, 1.

se habuisse insinuat, quum ait : Quis dabit
capiti meo aquam, et oculis meis fontem
lacrimarum, et plorabo die ac nocte inter-
fectos populi mei ? Et si pium est plorare
interfectos corpore, quanto benignius est
plorare interfectos in anima ? Denique
hunc etiam se habuisse dolorem fatetur

Rom. ix, 2,
3.

Apostolus, dum ait : Tristitia mihi magna
est, et continuus dolor cordi meo. Optabam
ego ipse anathema esse a Christo pro fra-
tribus meis Judæis. Unde et sanctus Dei
propheta Michæas in tantum Israeli, cui
futuras pœnas prædixit, condoluit, ut di-
ceret : Utinam non essem vir habens spiri-
tum, et mendacium potius loquerer. Vides

Mich. ii, 11.

ergo quam ineffabiliter vigeat fraterna
Sanctorum dilectio, etiam pro ingratis et
impiis. Hinc namque Moyses ait ad Domi-
num : Aut dimitte populo hanc noxam ;

Exod.
xxxii, 31, 32.

aut si non facis, dele me de libro tuo quem
scripsisti. Verumtamen ad prælatos præ-
cipue pertinet ista compassio.

4

4) *Concaluit cor meum intra me* : id
est, dum ita obmutui, atque recenti dolore
afflictus sum, anima mea ardenti affectu
accensa est, quatenus sibi ipsi perfectio-
nem gratiæ acquireret in præsentia, et ad
lumen gloriæ citius perduceretur, ac pro-
ximorum errori succurreret, atque indi-
gentibus subveniret. Ecce quam sancta
calefactio cordis. Nonne hoc modo conca-

Philipp. iv.
1.

luit cor Pauli intra se, qui ait, Fratres
mei dilectissimi, gaudium meum et coro-
na mea, sic state in Domino ? *Et in me-
ditatione mea exardescet ignis* : id est,
ex consideratione bonitatis beneficiorum-
que Dei, et ex consideratione periculorum
et vitiorum quibus homines implicantur,
inflammabitur in me amor Dei et pro-
ximi, quatenus injurias Dei impediam,
fratrumque salutem succurram, increpan-
do, instruendo, exhortando. Necesse est

A enim, prædicatorem et doctorem verbi Dei,
ex caritatis fervore impleri omni con-
stantia et fortitudine mentis, quemadmo-
dum Michæas de se ipso testatur : Ego,
inquiens, repletus sum fortitudine spiritus
Domini, judicio et virtute, ut annuntiem
Israel peccatum suum. Propter quod dicit
et Apostolus : Prædica verbum, insta op-
portune, importune ; argue, obsecra, in-
crepa in omni patientia. Quod utique ad
omnem animarum curam habentem, cer-
tum est pertinere.

Mich. iii, 8.

II Tim. iv,
2.

B (5) *Locutus sum in lingua mea*, id est in
ore meo, videlicet secrete orando : quem-
admodum de matre Samuelis inducitur :
Porro Anna loquebatur in corde suo, tan-
tumque labia illius movebantur, et vox
penitus non audiebatur. Quid autem in
oratione locutus sit, subjungit : *Notum fac
mihi, Domine, finem meum*. Finis noster
consumens, est mors ; finis vero consum-
mans, est Deus seu vita æterna. Nam Deus
est finis objectalis extrinsecus ; beatitudo
autem seu vita æterna, est finis noster in-
trinsecus. De unoquoque igitur finium ho-
rum exponi potest, quod ait, *Notum fac
mihi, Domine, finem meum*. Ut sit sensus,
quantum ad finem consumentem : *Notum
fac mihi, Domine, finem meum*, id est,
da mihi considerare mortem mihi quoti-
die appropinquantem, ut meditatio mortis
assidua, fiat mihi a peccatis abstractio for-
tis et vigilatio diligens : quemadmodum
Ecclesiasticus dicit, In omnibus operibus
tuis memorare novissima tua, et in æter-
num non peccabis. Et in Evangelio Chri-

I Reg. i, 13.

Ecclesi. vii,
40.

D stus : Vigilate, inquit, quia nescitis diem
neque horam. Secundo sic : *Notum fac
mihi, Domine, finem meum*, id est te ip-
sum, ut considerem me creatum propter
te ; et ita inquietum sit cor meum donec
perveniat ad te, nec alteri quam tibi in-
hæreat. Tertio sic : *Notum fac mihi, Do-
mine, finem meum*, id est, da mihi attende-
re cœlestem illam beatitudinem, ad quam
creasti animam meam, ne in aliquo bono
caduco creato, sed in te solo semper finem
sibi constituat anima mea. Ideo namque ait

Matth. xxv,
13.

Ephes. i. 17, 18. Apostolus: Pater gloriæ det vobis spiritum sapientiæ, ut sciatis quæ sit spes vocationis ejus, id est, ut sciatis quæ sit res speranda, ad quam vocavit vos. Res autem speranda, est beatitudo æterna, quæ est finis noster. Hanc ergo petimus nobis revelari, dum dicimus: Notum fac mihi, Domine, finem meum.

Notum quoque fac mihi *et numerum dierum meorum, quis est.* Hoc dupliciter intelligi potest. Primo, de diebus vitæ præsentis, ut sit sensus: Da mihi actualiter advertere et diligenter pensare, quam breves et mali ac miseri sunt dies, quibus in hoc mundo victurus sum, quatenus sic præsentī vitæ contempta, ad futuram toto corde adspirem: sicut ait Apostolus, Qui utuntur hoc mundo, sint tanquam non utentes; et iterum, Non habemus hic manentem civitatem, sed futuram inquirimus. Secundo intelligitur de diebus futuri sæculi, qui appellantur dies æternitatis. Et est sensus: Da mihi per fidem contemplari durationem illam, innumerabilium dierum longitudinem complectentem, videlicet ævum illud, quo Beati in patria sine fine regnabunt, ut hanc semper desiderem. Hæc duratio Beatorum, vocatur numerus dierum nostrorum, qui est, id est, qui non habet successionem, corruptionem et terminum, sed vere est, quia stabiliter manet. Numerus vero dierum hujus vitæ quasi non est, quoniam dies isti non stant, et nihil habemus de tempore nisi Nunc: quod tamen non est tempus, nec pars temporis, sed suo fluxu causat tempus. Unde ista ævi duratio dici potest, dies multi seu numerus dierum, quoniam omne tempus includit, et una dies, quia realiter non multiplicatur. Ideirco de ea scriptum

Zach. xiv,
7-9.

Is. lxxvi, 23.

est: Erit dies una, quæ nota est Domino, non dies neque nox; et in die illa erit Dominus rex super omnem terram. Et ad designandum interminabilem permanentiam hujus durationis atque diei, Isaias ait de ea: Erit mensis ex mense, et sabbatum ex sabbato.

Itaque, Domine, notum fac mihi nume-

rum dierum meorum, *ut sciam quid desit mihi*, id est, quatenus diligenter agnoscam, quantum mihi desit perfectionis et gratiæ ad ingrediendum dies illos æternos; vel, ut ex consideratione brevitatis dierum, quibus in hoc sæculo vivam, sollicitè pensem, quid mihi desit de spirituali processu ac interiori profectu, ac per hoc tanquam modico tempore hic mansurus, festinanter tendam ad patriam, omnique torpore excluso, ferventer tibi deserviam. Ideo enim dicit Apostolus: Festinemus in- *Hebr. iv,* 11.
B gredi in illam requiem.

6 *Ecce mensurabiles*, id est breves ac facile numerabiles, *posuisti dies meos*: quibus secundum tuam ordinationem in hoc mundo victurus sum. Unde inferius scriptum est clarius: Dies annorum nostrorum, in ipsis septuaginta anni. Et Job: Breves dies hominis sunt, numerus mensium ejus apud te est; constituisti terminos ejus, qui præteriri non poterunt. *Et substantia mea tanquam nihilum ante te*: id est, ego ipse subsistens, qui aliquid esse C videor, comparatione tuæ immensæ majestatis, magis sum nihil, quam aliquid: quoniam finiti ad infinitum nulla existit proportio. Propter quod apud Isaiam legitur: Ecce gentes quasi stilla situlæ et quasi momentum stateræ reputatæ sunt ei. Omnes gentes quasi non sint, sic sunt coram eo, et quasi nihilum et inane reputatæ sunt ei. Hinc quoque Nabuchodonosor majestatem Dei expertus, humiliter dixit: Ego Nabuchodonosor oculos meos ad cælum levavi, et Altissimo benedixi, et vi-
D ventem in sæcula sæculorum glorificavi, quia potestas ejus potestas sempiterna, et omnes habitatores terræ apud ipsum in nihilum reputantur.

7 *Verumtamen universa vanitas*: id est, non solum substantia mea est tanquam nihilum apud Deum, sed et omnia, maxime inferiora et corruptibilia, vanitas sunt, id est modica, instabilia, infelicia et caduca: quemadmodum Ecclesiastes dicit, Vanitas vanitatum, et omnia vanitas; et Apostolus, Vanitati, inquit, creatura sub- *Eccle. i,* 2.
Rom. viii, 20.

jecta est. *Omnis homo vivens* : id est, non A solum irrationalia, sed etiam omnis homo viator et peccator, est vanitas, id est mutabilitati subjectus multisque miseriis. Vel sic : Verumtamen universa vanitas omnis homo vivens, id est, tanta est miseria et defectibilitas hominum propter mala culpæ, mala pœnæ et mala naturæ, quæ in ipsis sunt, quod omnis homo secundum communem legem dici potest universa vanitas, id est totaliter vanus ac vanitatibus plenus. Propter quod Paulus de Apostolis loquens : Nos, inquit, intra nos gemimus, qui primitias spiritus accepimus, revelationem gloriæ filiorum Dei expectantes.

7 8 *Verumtamen in imagine pertransit homo* : id est, quamvis homo sit adeo vanus, ut dici possit universa vanitas, tamen in imagine pertransit, id est, imagine sanctæ Trinitatis in anima insignitus, temporaliter vivit et ad finem currit. Vel sic : In imagine pertransit homo, id est, tam cito vita ejus fluit et deficit, sicut imago apparens in speculo, et umbra quæ apparet in terra : quemadmodum dicitur in Job, Sicut umbra, dies nostri super terram ; et alibi, Omnes morimur, et quasi aquæ dilabimur in terram. *Sed et frustra conturbatur* : id est, ultra hoc quod tam brevis est vita præsens, ipse homo turbatur et anxietur ubi non deberet anxari aut turbari, videlicet pro temporalibus congregandis seu perditis : et ita sollicitudinibus sæculi implicatur, quasi nunquam relicturus esset hoc sæculum. Ideo sequitur : (9) *Thesaurizat*, id est, temporales divitias congregat, et ignorat cui congregabit ea. Nam

quum mors incerta sit, non potest scire an ipse diu utetur divitiis suis. Et simili modo ignorat an filii sui seu alii, quibus proponit bona sua relinquere, diu ea possidebunt. Hæc ergo thesaurizatio vana est. Unde hoc modo thesaurizanti, et in divitiis suis deliciari proponenti, atque dicenti illud : Anima, habes multa bona reposita in annos plurimos, requiesce, comede, bibe, epulare ; dixit Deus : Stulte, hæc nocte repetunt animam tuam a te ; quæ autem pa-

rasti, cujus erunt ? Hinc quoque ait alia Scriptura : Ubi sunt principes gentium, et qui dominantur super bestias terræ, qui in avibus cœli ludunt, qui argentum thesaurizant et aurum, in quo confidunt homines, et non est finis acquisitionis eorum ? Exterminati sunt, et ad inferos descendunt, et alii in loco eorum surrexerunt. Est tamen alia thesaurizatio bona, de qua ait Salvator : Facite vobis sacculos qui non veterascunt, thesaurum non deficientem in cœlo. De cujus thesaurizationis possessione ac fructu apud Isaiam scriptum est : Divitiæ salutis, sapientia et scientia ; timor Domini ipse est thesaurus ejus.

10 *Et nunc quæ est exspectatio mea ?* 8 *Nonne Dominus ?* Ecce hic ostendit exauditam esse precem, quam superius fudit ad Dominum, dicens : Notum fac mihi, Domine, finem meum, id est finale bonum quod ultimate ac summe appetere debeo. Ait ergo : *Et nunc*, id est, dum alii sibi thesaurizant in terra, ubi ærugo et tineæ demolitur, et fures effodiunt et furantur, *quæ est exspectatio mea ?* id est, quæ est res a me finaliter exspectata et summe optata ? Et respondet : *Nonne Dominus ?* quasi dicat : Utique ipsemet Deus gloriosus et sanctus, est quem finaliter exspecto, atque ad quem omnia ordino. Deus enim est omne bonum nostrum, et ipse est omnia nostra, et unum (quod est ipse) est necessarium. Propterea ab Isaia dicitur : Dominus judex noster, Dominus legifer noster, Dominus rex noster, ipse salvabit nos.

Et substantia mea apud te est. Substantia interdum pro divitiis seu possessione accipitur, quemadmodum de patre filii prodigi scribitur : Divisit illis substantiam. Sanctorum autem divitiæ sunt opera virtuosa, caritasque et gratia, et alia Spiritus Sancti dona. Hæ vero divitiæ sunt apud Deum, quoniam placent ei, et remunerationem ab eo recipiunt, juxta illud Jeremiæ : Quiescat vox tua a ploratu, quia est merces operi tuo. De his ergo divitiis ait : Substantia mea, id est interiores meæ divitiæ, scilicet merita et præmia, apud te

Rom. viii, 23.

Job viii, 9.

II Reg. xiv, 14.

Luc. xii, 19, 20.

Baruch iii, 16-19.

Luc. xii, 33.

Is. xxxiii, 6.

Matth. vi, 19.

Luc. x, 42.

Is. xxxiii, 22.

Luc. xv, 12.

Jer. xxxi, 16.

est, id est in beneplacito tuæ memoriæ. Superius vero dum dixit, Substantia mea tanquam nihilum ante te, sumpsit substantiam pro essentia vel pro exterioribus bonis. Posset autem et nunc pro essentia accipi. Dicuntur namque esse apud Deum, quæ in Deo sunt : sicut de Filio dicitur.

Joann. 1, 1. Verbum erat apud Deum, id est in Deo, secundum quod Filius loquens ad Patrem

Ibid. xvii, 21. testatur : Tu, Pater, in me, et ego in te. Et hoc modo substantia nostra, imo cuncta creata sunt apud Deum, quoniam omnia

Ibid. 1, 3, 4. in ipso sunt. Quod factum est, id est, omne quod non est Deus, videlicet omnis creatura, in ipso vita erat. Omnia namque vivunt Deo, et omnia sunt in eo vitaliter.

Rom. xi, 36. Propter quod dicit Apostolus : Ex ipso, et per ipsum, et in ipso sunt omnia.

9 II *Ab omnibus iniquitatibus meis erue me*, indulgentiam dando, et gratiam infundendo. *Opprobrium insipienti dedisti me* : id est, ab indoctis, divina et æterna non contemplantibus, me derideri permisisisti propter justitiam, qua tibi soli adhæsi. Deridetur enim justi simplicitas. Et

Job xii, 4. Salomon dicit : Ambulans recto itinere, et timens Deum, despicitur ab eo qui infami graditur via. Unde alio loco scriptum est : Ezechiel erit portentum vestrum. (12 *Ob-*

Ezech. xxi, 24. *mutui, et*, pro id est, *non aperui os meum*, quum sustinerem adversa, *quoniam tu fecisti*, id est, adversa mihi inferri permisisisti, vel præcepisti, ulciscendo culpam meam per pœnas temporales. Sic et nos

facere debemus dum impropéria toleramus, adscribentes hæc nostris excessibus, et submittentes nos divino iudicio. Quam enim salubre sit hoc, ostenditur in Ecclesiastico, ubi sic legitur : Quis dabit ori meo custodiam, et super labia mea signaculum certum, ut non cadam ab ipsis, et lingua mea me perdat?

11 *Amove a me plagas tuas*, id est, rigorem vindictæ tuæ, qua me castigas, mitiga, aufer, ignosce, et non secundum exigentiam vitiorum meorum facias mihi, nec potestati inimicorum meorum me tradas.

II Cor. xii, 8. Unde et Paulus ter rogavit Dominum ut

A auferret a se stimulum carnis, qui utique habuit in eo rationem plagæ seu pœnæ, non culpæ. Et Daniel oravit : Exaudi, Domine ; placare, Domine ; avertatur, obse-

Dan. ix, 19, 16.

Job xiii, 21. ero, ira tua. Et sanctus Job ait : Manum tuam longe fac a me, et formido tua non me terreat. Itaque, Domine, amove a me plagas tuas : quod ideo oro, nam (15) *A fortitudine manus tuæ ego defeci in increpationibus*, id est, a potentia ultionis tuæ, qua me flagellasti, succubui, non potens sufferre increpationes tam duras,

12

B quoniam tentor et crucior supra vires. Non tamen, o Domine, arguo te, quoniam juste hæc patior propter peccata mea. Ideo subditur : *Propter iniquitatem corripuisti hominem* peccatorem. Sed videtur obviare quod ait Apostolus : Fidelis Deus, qui non patietur vos tentari supra id quod potestis. Et respondendum, quod Deus non sinit nos tentari supra id quod possumus pati per gratiam. Et ergo qui ad gratiam ejus non confugiunt, divinum invocando auxilium, superantur ; qui vero ad ipsum C confugiunt, dicentes, Et ne nos inducas in tentationem, non vincuntur.

I Cor. x, 13.

Matth. vi, 13.

Dum ergo afflicto atque tentato apparet, quod ultra vires tentetur, ac succumbere debeat, si tunc clamat ad Dominum, dicens, Amove a me plagas tuas, tunc Dominus adjuvat eum, nec sinit eum ultra vires affligi, quia inspirat ei affectum orandi. Quid enim oremus sicut oportet, nescimus ; sed ipse Spiritus postulat pro nobis, id est, postulantes nos facit. Hæc vero inspiratio Spiritus Sancti, est primum adjutorium Dei : ad quod sequitur aliud adjutorium, quod est effectus seu meritum orationis. Denique constat ex his, quod interdum orare potest homo devotus pro mitigatione vel ablatione adversitatum et afflictionum quas patitur, sive sint naturales, sive ex dispositione divina : et in hoc quilibet agat secundum quod se posse ferre cognoscit. Imperfecti enim tantum ferre non valent quantum perfecti : quibus cum Paulo dicitur, Virtus in infirmitate perficitur.

Rom. viii, 26.

II Cor. xii, 9.

- (14) *Et tabescere fecisti sicut araneam animam ejus.* Aranea est animal rapax et nocens; de facili tamen lædi occidique potest. Est igitur sensus: Sicut aranea facile infirmatur et læditur, sic per flagella tuæ justitiæ tabescere fecisti, id est, humiliasti et afflixisti ac dejecisti, animam hominis seu hominem ipsum. Unde et sanctus Job flagella expertus, atque eo-
Job xvi, 13. rum rigore oppressus, ait: Ego quondam ille opulentus, repente contritus sum. Et
Jer. xlv, 3. Jeremias taliter tabefactus, clamat: Væ mihi misero, quia Dominus addidit dolorem dolori meo; laboravi in gemitu meo, et requiem non inveni. Ideoque iterum
Ibid. xlvii, 6. clamavit: O mucro Domini, usquequo non quiescis? *Verumtamen vane conturbatur omnis homo:* id est, quamvis tanta sit instabilitas ac miseria vitæ præsentis, ut dictum est, adhuc tamen omnis homo, id est pene omnes (vel, omnis, id est aliqui de omni conditione seu genere hominum), conturbatur sollicitudine temporalium et curis sæculi, vane, id est superflue. Secundum hunc sensum apud Isaiam habetur: Omnes diligunt munera, sequuntur retributiones. Et alibi: A minori usque ad majorem omnes avaritiæ student.
Is. i, 23.
Jer. vi, 13.
 13 Sed ne ego tam vane conturber, (15) *Exaudi orationem meam, Domine, qua veniam quæro, et deprecationem meam, qua gratiam peto; auribus percipe lacrimas meas:* id est, elementer ac diligenter adverte affectum animæ meæ, ex quo lacrimæ profluunt; sed et ipsas lacrimas respice, propter fontem ex quo manant: quoniam lacrimæ sunt signa affectus, et vim orationis participant, etiam si nec desiderium cordis, nec oratio oris, directe et immediate ad Dominum dirigantur, sed loquatur homo cum se ipso, et intra se lugeat ex remorsu conscientiæ, vel ex desiderio patriæ, sicut scriptum est: Loquar in tribulatione spiritus mei, confabulabor cum amaritudine animæ meæ.
Job vii, 11.
 16 *Ne sileas,* id est, ne ab effectu orationis quiescas, ne a pia inspiratione ac interna responsione taceas; sed dic ani-
 mæ meæ, Salus tua ego sum; *quoniam advena ego sum apud te,* id est viator et de exilio ad patriam veniens. Alia littera habet: Quoniam incola ego sum, id est, de potestate inimici translatus in regnum Christi, et de statu damnationis, positus in statu salutis; sicque factus sum Ecclesiæ incola, qui aliquando eram diaboli verna, et servus peccati. Unde et Apostolus ait: Gratias agimus Deo et Patri, qui nos transtulit in regnum Filii dilectionis suæ. *Et peregrinus sicut omnes patres mei:* id est, sicut omnes Sancti defuncti erant in hoc mundo peregrini, non habentes hic locum manentem, aut patriam finaliter concupitam; sic et ego peregrinus sum coram te, quoniam aliam vitam et patriam credo, spero, imo et quæro. Propterea ait Apostolus: Expectabat Abraham fundamenta habentem civitatem, cujus artifex et conditor Deus. Et de omnibus antiquis Sanctis loquens idem Apostolus: Juxta fidem, inquit, defuncti sunt hi omnes, non acceptis repromissionibus, sed a longe eas adspicientes et salutantes, et confitentes quia peregrini et hospites sunt super terram. Qui enim hæc dicunt, significant se patriam inquirere. Hinc quoque sanctissimus patriarcha Jacob interrogatus a Pharaone, Quot sunt dies vitæ tuæ? respondit: Dies peregrinationis vitæ meæ super terram, centum triginta annorum sunt, parvi et mali; et non pervenerunt usque ad dies patrum meorum, quibus peregrinati sunt super terram. Ecce quomodo omnes sancti antiqui se peregrinos agnoverunt. Et nos ergo hunc mundum, et omnia quæ ad eum pertinent, contemnamus, et ad patriam illam cœlestem, sicut prudentes peregrini properemus, omni ornatu mundi et gaudio abjecto.
 Verumtamen obviare videtur prædictis, quod ait Apostolus: Jam non estis hospites et advenæ, sed estis cives Sanctorum. Et respondendum, quod Apostolus dicit hoc, ad distinguendum fideles ab infidelibus, qui omnino extranei sunt a Deo. Dicitur ergo aliquis, advena et peregrinus

Coloss. i, 3, 13.

Hebr. xiii, 14.

Ibid. xi, 10.

Ibid. 13, 14.

Gen. xlvii, 8, 9.

Ephes. ii, 19.

seu hospes, dupliciter : Primo, quia inhabitat per spem et fidem, nondum per rem et speciem : et hoc modo omnes viatores sunt peregrini et advenæ, secundum illud

II Cor. v.
6, 7.

Apostoli, Dum sumus in hoc corpore, peregrinamur a Domino. Per fidem enim ambulamus, et non per speciem. Secundo dicitur aliquis peregrinus et advena, quasi non pertinens ad locum in quo est, et ad quem merito tenderet. Sicque infideles et mali, quorum conversatio non est in cœlis, sunt peregrini.

14 (17. *Remitte mihi*, o Domine, omne peccatum et debitam pœnam, *ut refrigerer*, id est, quatenus in misericordia tua respirem, et anxietatem conscientiae temperem, ac dolorem in me renovatum, per consolationem Spiritus Sancti depellam ; *priusquam abeam*, id est, antequam moriar, *et amplius non ero*, id est, post mortem in statu promerendi non remanebo, nec ad statum hujus mundi redibo. Si habes ergo, o homo, aliquem singularem amicum periculose conversantem, ante

A mortem ora pro eo : imo omnibus quibus speciali jure adstringeris, subveni quantum vales, priusquam abeant. Potes enim ante mortem gratiam eis impetrare, non autem post mortem. Ideirco, quanto majus est animam eripere de pœnis inferni, quam de pœnis purgatorii ; tanto quodammodo majus est, peccatori in hac vita gratiam conversionis acquirere, quam defuncto in purgatorio existenti veniam remissionis procurare.

Ecce quam admiranda atque præclara B est virtus psalmi istius. Studeamus igitur documenta ejus implere, transitoria transilire, cœlestia ardentem appetere, et psalmum ipsum cum omni devotione decantare.

PRECATIO.

Expectatio te diligentium, Domine, ab omnibus iniquitatibus nos erue, et continua quiete in te fac exsultare : ut tua munitioni protectione, immobiles tibi semper valeamus adhærere.

ARTICULUS LXXVIII

EXPOSITIO DE CHRISTO PSALMI TRICESIMI NONI : EXPECTANS EXPECTAVI, ETC.

Hujus denique psalmi iste est titulus : C
1 *In finem, psalmus David* : id est, psalmus iste qui est psalmus David sicut auctoris, dirigit nos in finem, id est in Christum : de quo psalmus iste ad litteram loquitur, quia Apostolus ad Hebræos magnam partem hujus psalmi allegat de Christo prædictam, et in Christo impletam, sicut patebit. Doctores ergo catholici exponunt hunc psalmum de toto Christo, scilicet de capite et membris : ita ut quædam conveniant Christo, quædam Ecclesiæ. Verumtamen satagendum est, ut quantum fieri D potest, totus hic psalmus exponatur de Christo, et totus de Ecclesia.

Hebr. x, 5-9.

CHRISTUS ergo ut homo, ad ædificationem Ecclesiæ ait : (1) *Expectans* 2 *expectavi Dominum*, id est, sperans speravi in Domino Deo vero et vivo. Quum enim spes definiatur, quod sit certa expectatio futuræ beatitudinis, constat quod idem sit, Dominum expectare, et in ipso sperare. Quomodo vero conveniat Christo spes, sæpe ostensum est. Christus itaque expectavit Dominum dum pateretur, dum pendebat in ligno, dum oravit, quatenus a mortuis suscitaretur, et in corpore glorificaretur. Propter quod ait : Nunc anima mea turbata est. Et quid dicam ? Pater, 37. *salvifica me ex hac hora. Et intendit mi-*

Joann. xii,
27.

hi, id est, respexit et diligenter advertit desiderium spei meæ, et expectationem meam longanimum. 2 *Et exaudivit preces meas.* Nam quidquid Christus absolute et deliberata ratione oravit, obtinuit. *Et eduxit me de lacu miseriæ,* id est, de limbo inferni eduxit animam meam. Vel, De lacu miseriæ, id est de valle lacrimarum seu mundo hoc miseriis pleno, eduxit me in die resurrectionis et ascensionis. *Et de luto facis,* id est, de sepulcro eduxit corpus meum, et a putrefactione illud eripuit, ne corruptionem videret.

(5) *Et statuit supra petram pedes meos,* id est, supra omnipotentem ac divinam suam virtutem collocavit me, ab omni adversitate me defendendo, et impassibilitatem corpori meo in resurrectione præstando, meque immobiliter in se ipso firmando; *et direxit gressus meos,* id est, omnes operationes meas ordinavit, et animam meam de corpore exeuntem, de limbo redeuntem, ad cælos ascendentem, direxit recto itinere. (4) *Et immisit in os meum canticum novum.* Christus enim evangelicam legem edocuit, novum Testamentum fundavit, post resurrectionem suam inaudita atque recentia gaudia intra se habuit, et aliis intimavit: sicut quum dixit, Ascendo ad Patrem meum et Patrem vestrum; et, Quorum remiseritis peccata, remittuntur eis; et, Ego mittam promissum Patris mei in vos. *Carmen Deo nostro:* id est, canticum novum quod Dominus misit in os meum, est carmen, id est laus Deo nostro, id est ad honorem ac gloriam Dei. Unde Christus dixit: Si ego glorifico me ipsum, gloria mea nihil est. Christus enim ut homo, omnia sua ad Dei honorem finaliter retulit.

5 *Vidcbunt multi:* id est, omnes ad fidem conversi, oculo fidei cernent mysterium meæ incarnationis, passionis et resurrectionis; *et timebunt me,* ne mihi ingrati sint, et condemnentur a me. Timebunt non hominem, quoniam scriptum est, Qui timet hominem, cito corruet; sed eum, qui potestatem habet et corpus et

animam perdere in gehennam ignis. *Et sperabunt in Domino,* Deo Patre æterno, qui proprio Filio non pepercit, sed pro omnibus tradidit illum. Hoc credendo fideles sperant in Domino. Si enim consideremus, quæ, qualia, et quanta Deus Pater Filium suum dilectum pro nobis assumere, operari ac pati voluit, desperare non possumus; sed certissime confidemus, quoniam ipsi cura est de nobis, nec vult perire peccatorem, sed magis ut convertatur et vivat, quemadmodum Scriptura testatur: Non vult Deus perire animam, sed retractat, cogitans ne penitus pereat qui abjectus est. Sperabunt ergo in Domino: et hoc valde salubre est, quoniam

6 *Beatus vir cuius est nomen Domini spes ejus:* id est, felix est homo cui ipse Dominus est objectum et causa spei, ita ut in Domino, non in rebus vanis, confidit, nec aliud finaliter sperat, nisi Dominum; *et non respexit in vanitates,* id est, rebus caducis, transitoriis atque carnalibus non intendit, neque inhæsit, *et insanas falsas,* id est, fallaces doctrinas, irracionales motus, falsos deos non est secutus neque intuitus, sed totum suum affectum in Deo finaliter fixit, et in ipso omnia bona invenit, habet ac possidet: sciens verum esse quod Veritas asserit, Unum est necessarium; perpendens quoque quod per Jeremiam Dominus ait perversis Judæis: Quid iniquitatis invenerunt in me patres vestri, quia dereliquerunt me, et abierunt post vanitates, et vani facti sunt?

Deinde Christus ut homo, ait: (7) *Multa fecisti tu, Domine Deus meus, mirabilia tua,* in me et per me. Deus enim per Christum hominem omnia miracula fecit, et in ipso mirabilia maxima egit, conjungendo naturam humanam personæ Verbi, ipsamque animam Christi beatifica fruitione felicitans a primo suæ creationis instanti; et alia multa supernaturalia in ipso egit. Natura autem Christi humana, erat divinitatis sibi unitæ instrumentum conjunctum, animatum, ac proprium. Actio vero instrumenti, magis est adscribenda prin-

Joann. x.

17.

Ibid. 23.

Luc. xiv.

49.

Joann. viii.

54.

Prov. xiv.

25.

Matth. x. 28.

Rom. viii. 32.

I Petr. v. 7.

Ezech. xviii. 23.

II Reg. xiv. 14.

3

Luc. x. 42.

Jer. ii. 5.

6

cipali agenti, quam instrumento : ideoque A
Christus ut homo. Deo attribuit mirabilia
quæ ipse divina virtute effecit. Unde Dio-
nysius operationem Christi appellat the-
andricam, id est deivirilem. Propter quod
Christus ait : Pater in me manens, ipse
facit opera. Et item : Non potest Filius a
se facere quidquam, nisi quod viderit Pa-
trem facientem. Pater enim diligit Filium,
et omnia demonstrat ei quæ ipse facit. *Et
cogitationibus tuis non est qui similis sit
tibi* : id est, nulla mens creata comparari
potest in profunditate cogitationum, in B
præscientia futurorum, in immensitate sa-
pientiæ, aut in plenitudine misericordiæ,
menti divinæ. Quæ autem sunt cogita-
tiones Dei, quibus assimilari nullus po-
test, nisi imperscrutabilis altitudo divini
consilii, quo Deus in se ipso invenit mo-
dum salvandi genus humanum, ita ut nec
derogaretur justitiæ, satisque fieret mise-
ricordiæ? De his enim cogitationibus per
Jeremiam Dominus dicit : Ego cogito co-
gitationes pacis, et non afflictionis. Et alio
in loco : Non enim cogitationes meæ, co- C
gitationes vestræ, dicit Dominus : quia sic
ut exaltantur cœli a terra, sic exaltatæ
sunt cogitationes meæ a cogitationibus ve-
stris. Et Sapiens : Quis hominum poterit
scire consilium Dei? aut quis poterit co-
gitare quid velit Deus?

Porro quæ sequuntur, de Christo ab
omnibus exponuntur. (8) *Annuntiavi et lo-
cutus sum*. Christus enim primo per Pa-
triarchas et Prophetas, deinde per se ip-
sum docuit homines mirabilia Dei, et per
se ipsum atque Apostolos universo mundo D
proposuit evangelicam legem. Unde post
resurrectionem Christus dixit Apostolis :
Eritis mihi testes in Jerusalem, et in omni
Judæa et Samaria, et usque ad ultimum
terræ. Quod ergo nunc Christus ait, An-
nuntiavi et locutus sum, hoc de ipso Isaïas
prædixit : Docebit, inquit, nos de viis
suis, et ambulabimus in semitis ejus. *Mul-
tiplicati sunt super numerum*, qui per
annuntiationem seu prædicationem mei
ac ministrorum meorum, ad fidem con-

versi sunt. Quamvis enim non sit omnium II *Thess.* III,
fides, et pauci dicantur electi compara-
tione vocatorum, absolute tamen loquen-
do, valde multi sunt electi, sicut inferius
legitur : Dinumerabo eos, et super are-
nam multiplicabuntur. Et legitur in Apo-
calypsi de electis : Vidi turbam magnam,
quam dinumerare nemo poterat. *Matth.* XX,
16. *Ps.* CXXXVIII,
18. *Apoc.* VII, 9.

9 *Sacrificium et oblationem noluisti*. Hic
Christus ostendit veteris legis et sacrifi-
ciorum ejus cessationem, et novæ legis ac
sacrificii ejus institutionem, promulgatio-
nem ac perpetuationem. Sacrificia enim
veteris legis, ad tempus bona et licita
erant ; sed quoniam figurativa erant Chri-
sti et immolationis ejus in cruce, quem-
admodum de agno paschali præcipue pa-
tet, ideoque veritate exhibita, id est Christo
per Apostolos hominibus nuntiato, cessare
debant. Volens itaque Christus signifi-
care insufficientiam sacrificiorum lega-
lium, et necessitatem immolationis suæ,
ait : Sacrificium et oblationem veteris Te-
stamenti noluisti, quia in se gratiam non
continebant, nec peccata auferre valebant,
neque per se accepta et meritoria erant,
sed ex offerentium devotione dumtaxat.
Quamvis ergo Deus sacrificia legalia ad
tempus placita habuit, finaliter tamen et
perpetuo sibi non placuerunt, quoniam
Christo veniente et agnito, cessare cœpe-
runt. Hanc autem scripturam allegat Apo-
stolus de Christo ad Hebræos, dicens :
Impossibile est, sanguine hircorum et vi-
tulorum auferri peccata. Ideo ingrediens
mundum, Unigenitus scilicet Dei, per car-
nem assumptam, dicit : Hostiam et ob-
lationem noluisti, corpus autem aptasti
mihi. Et magnam verborum sequentium
partem inducit Apostolus in Christo im-
pletam, quamvis in verbis sit quædam di-
versitas : quoniam Christus atque Apostoli
interdum magis allegant sensum Prophe-
tarum, quam verba. Porro secundum hunc
sensem intelligenda sunt verba Prophe-
tarum quæ videntur passim reprobare
sacrificia veteris legis, sicut est illud : Ho-
locausta arietum et adipem pinguium no-

7

Hebr. X, 4, 5.*Is.* I, 11.*Joann.* XIV,
10.
Ibid. X, 19,
20.*Jer.* XXIX,
11.*Is.* LV, 8, 9.*Sap.* IX, 13.*Act.* I, 8.*Is.* II, 3.

Is. LXVI, 3. lui. Et rursus : Qui immolat bovem, quasi A
qui interficiat virum ; qui maetat pecus,
quasi qui excerebret canem. Et alibi :

Mich. vi, 6. Numquid offeram Domino holocausta? 7.

Numquid placari potest Deus in millibus
arietum, aut in multis millibus hircorum
pinguium ? Propter quod apud Jeremiam
Jer. xi, 15. legimus : Quid est quod dilectus meus in
domo mea fecit scelera multa ? Numquid
carnes sanctæ auferent a te malitias tuas ?

Ait itaque Christus ut homo, ad Deum
Patrem, vel ad totam superbeatissimam
Trinitatem : *Sacrificium*, quod fiebat de
brutis et avibus, *et oblationem*, quæ fie-
bat de rebus inanimatis, *noluisti*, id est,
per se accepta non habuisti, nec auferre
peccata poterant mundi ; *aures autem per-*
fecisti mihi, id est, aures obediens de-

Philipp. ii.
8.

Hebr. x, 5.

disti mihi, quoniam factus sum obediens
usque ad mortem. Et in idem redit quod
ait Apostolus : Corpus autem aptasti mi-
hi, id est, corpus aptum passioni, et his
quæ necessaria erant redemptioni generis
humani, mihi donasti.

10 *Holocaustum*, id est sacrificium quod C
totum comburebatur, quasi omnino incen-
sum, quia offerebatur Deo ad reverentiam
suæ majestatis ac bonitatis, *et pro pecca-*
to, id est hostiam pro delicti culpa obla-
tam, quæ media comburebatur, et media
a sacerdotibus comedebatur, *non postula-*
sti, tanquam sufficientia ac perpetuo du-
ratura : ad tempus tamen Deus præcepit
sibi talia immolari. Quocirca sciendum,
quod una ratio sacrificiorum legalium fuit,
quatenus Judæi per sacrificia talia Deo
exhibita, retraherentur a sacrificiis idolo- D
rum : et ideo Deus non dedit præcepta sa-
crificiorum, nisi postquam ad idololatriam
declinaverunt. Unde apud Jeremiam Do-

Jer. vii, 22.

Amos v, 25.

8

minus ait : Non sum locutus patribus ve-
stris, nec præcepi eis de verbo holocau-
tomatum in die qua eduxi eos de terra
Ægypti. Et alibi : Numquid hostias et sa-
crificium obtulistis mihi in deserto annis
quadraginta, domus Israel ? *Tunc dixi, Ec-*
ce venio : id est, postquam cognovi sacri-
ficia legis non esse accepta, nec posse

delere mundi peccata, tunc ego Filius Dei
incarnatus dixi Deo Patri : Ecce venio ad
passionem et immolationem mei ipsius in
cruce : quemadmodum ait Apostolus, Am-
bulate in dilectione, sicut et Christus di-
lexit nos, et tradidit semetipsum pro no-
bis oblationem et hostiam Deo in odorem
suavitatis.

Ephes. v, 2.

¶ *In capite libri scriptum est de me,*
etc. Hoc tripliciter exponitur. Primo sic :
In capite libri, id est in primo psalmo,
qui est caput hujus libri, *scriptum est*
de me, ut facerem voluntatem tuam, id
est, ut tibi obediam. Illic enim scriptum
est : In lege Domini voluntas ejus. Et
secundum hoc, primus psalmus ad litte-
ram exponendus esset de Christo. Quum
autem David hunc psalmum conscripsit,
primus psalmus nondum editus fuit, quo-
niam Esdras creditur eum fecisse : oportet
ergo secundum hanc expositionem as-
serere, quod David in spiritu prævidit
hunc psalmum ab alio componendum, et
huic libro per modum prologi præponen-
dum. Secundo exponitur sic : *In capi-*
te libri, id est in exordio Genesis, *scri-*
ptum est de me. Ibi enim habetur : In
principio, id est in Verbo, creavit Deus
cælum et terram. Omnia namque per ip-
sum creata sunt ; et ut Apostolus ait, In
ipso condita sunt universa in cælo et in
terra. Tertio sic : *In capite libri*, id est
in supremo libri divinæ prædestinationis,
scriptum est de me. In divina enim præde-
stinatione continetur, quidquid ad salu-
tem pertinet electorum : et quanto aliquid
magis pertinet ad hanc salutem, tanto
principalius scriptum dicitur in prædesti-
natione divina. Quoniam ergo mysterium
incarnationis passionisque Christi præci-
pue pertinet ad liberationem humanam,
ideirco scriptum dicitur in capite libri, id
est in principali apice ejus. *Ut facerem*
voluntatem tuam, id est præceptum tuum,
quod est signum tuæ increatæ voluntatis,
quam nemo facere potest. Hinc enim Chri-
stus ait : Sicut mandatum dedit mihi Pa-
ter, sic facio. Et alibi : Descendi, inquit, de

9

Ps. 1, 2.

Gen. 1, 1.

Coloss. 1,
16.

Joann. xiv,
31; vi, 38.

cœlo, non ut faciam voluntatem meam, A sed voluntatem ejus qui misit me. *Deus meus, volui*, sicut tu vis; *et legem tuam in medio cordis mei*, id est, evangelicam legem in intimo cordis mei secreto retinui : sicut superius dictum est, In lege ejus meditabitur die ac nocte.

Ps. i, 2.

10 12. *Annuntiavi justitiam tuam*, id est, præcepta atque consilia novæ legis, in quibus consistit plenitudo justitiæ, *in ecclesia magna*, id est in templo quod erat in Jerusalem, in quo frequenter prædicavit, quemadmodum Malachias testatur : Statim veniet ad templum suum dominator, quem vos quæritis. Vel, In ecclesia magna, id est in populo christiano, quem per me ipsum et meos discipulos erudiui. *Ecce labia mea non prohibebo*, nec prohiberi permittam, quin veritatem annuntiem. Hoc est quod Christus asseruit : Ego in hoc natus sum, et ad hoc veni in mundum, ut testimonium perhibeam veritati. *Domine Pater, tu scisti*, id est, ab æterno me sic facturum præcognovisti. (15) *Justitiam tuam non abscondi in corde meo*, sed (sicut prædictum est) annuntiavi eam in ecclesia magna. *Veritatem tuam*, id est adimpletionem seu verificationem Scripturarum veteris Testamenti in me, *et salutare tuum*, id est salutem et gratiam quam confers per me credentibus in me, *dixi* cunctis audire volentibus. Unde in Evangelio legitur : Gratia et veritas per Jesum Christum facta est. Et Zacharias ait : Loquetur pacem gentibus.

Malach. iii, 1.

Joann. xvi, 37.

Ibid. i, 17.

Zach. ix, 10.

14. *Non abscondi misericordiam tuam*, quam per me conferre dignatus es toti mundo, *et veritatem tuam*, id est judiciorum tuorum æquitatem, qua noluisti peccata mundi inulta manere, *a concilio multo*, id est ab ecclesia magna ; sed omnibus publice annuntiavi misericordiam Patris, qua per me mundum voluit redimere, et justitiam ejus, qua in tantum abhorret peccatum, ut mihi Filio suo dilecto non parceret, sed pro omnibus morti me traderet. Vel sic : Non abscondi misericordiam tuam et veritatem tuam a con-

Rom. viii, 32.

cilio multo, id est ab Anna, Caïpha, ceterisque Scribis et Phariseis, magistratibus ac sacerdotibus, qui summo mane in die Parasceves interrogaverunt me, dicentes : Si tu es Christus, dic nobis. Illis enim confessus sum me esse Christum et judicem sæculi, eisque cernentibus venturum in nubibus cœli, ut judicem mundum. Unde apud Joannem legitur Christus respondisse Annæ : Ego semper docui in templo et synagoga, quo omnes Judæi conveniunt, et in occulto locutus sum nihil. Verumtamen his quæ nunc de Christo dicta sunt, repugnare videtur quod apud Isaiam de ipso inducitur : Non clamabit, nec audietur foris vox ejus. Quomodo ergo publice annuntiavit justitiam Dei ? Et respondendum, quod Propheta non intendit manifestam prædicationem a Christo auferre : nam paulo ante præmisit, Judicium gentibus proferet ; sed inordinatum clamorem, et ideo subdit, Non erit tristis nec turbulentus.

Matth. xvi, 63 ; Luc. xxii, 66.

Joann. xviii, 20.

Is. xlii, 2.

Ibid. i.

Ibid. 4.

(15) *Tu autem, Domine, ne longe facias miserationes tuas*, id est misericordiæ tuæ effectus, *a me* ; sed statim tertia die resuscita atque glorifica me. *Misericordia tua et veritas tua*, id est tu ipse qui es misericors et verus, imo misericordia sempiterna et veritas increata, *semper susceperunt me*, id est, preces meas semper exaudierunt. In omni enim opere Dei conveniunt et miscentur misericordia et veritas ejus, sicut superius dictum est : Universæ viæ Domini misericordia et veritas. Ideo autem oro, ne longe facias miserationes tuas a me :

12

Ps. xxiv, 10.

16 *Quoniam circumdederunt me mala, quorum non est numerus*, id est innumerabiles pœnæ animæ et corporis, maxime tempore passionis, quando a planta pedis usque ad verticem capitis non remansit in me sanitas, et singulæ vires animæ propriis cruciabantur doloribus. *Comprehenderunt me iniquitates meæ* : id est, peccata corporis mei mystici, puta Ecclesiæ, quæ ego accepi super me, me comprehendi fecerunt, et vinculis tormentorum ligari,

13

Is. i, 6.

quemadmodum per Isaiam Dominus ait de me : Propter scelus populi mei percussi eum : *et non potui ut viderem* pœnas mihi instantes, id est, per modum non prævidentis seu nescientis me habui, quia non fugi : sicut in expositione psalmi tricesimi quarti ubi scriptum est, Congregata sunt super me flagella et ignoravi, plenius explanatum est. (17) *Multiplicati sunt super capillos capitis mei*, Judæi et gentiles in die Parasceves contra me insurgentes. Modus loquendi est hyperbolicus, ad designandum multitudinem adversariorum Christi. *Et cor meum dereliquit me*, id est, cor ipsum corporale, quod est primum vivens et ultimum moriens, in passione amisit naturalem vigorem, et ab anima mea est separatum.

- 14 (18) *Complaceat tibi, Domine, ut eruas me* de manibus Judæorum, et de limbo inferni educas animam meam, ac de sepulcro corpus meum, sicque anima corpori reunita, ab omni passibilitate eripias me. *Domine, ad adjuvandum me respice*, id est, humanitati meæ assumptæ per divinam
- 15 in cœlos ascendam. (19) *Confundantur et revereantur simul*, etc. Hic versus cum duobus sequentibus, in psalmo tricesimo

Ps. xxxiv,
4.

- 17 illius lectorem remitto. (22) *Exsultent et lætentur super te omnes quærentes te* : id est, corde et corpore gaudeant in te, non in rebus illicitis, omnes qui te per fidem requirunt, et tibi per caritatem adhærent, et in te sincere confidunt ; *et dicant semper : Magnificetur Dominus*, id est, semper magnificent, et ab aliis magnificari desiderant Dominum, *qui diligunt salutare tuum*, id est vitam æternam, quæ est beatitudo et salus mentis creatæ, vel me

Luc. ii, 30.

A tuum, id est Salvator, per quem et in quo salvare dignatus es genus humanum.

25 *Ego autem mendicus sum*. Nam Evangelista testante, Susanna et aliæ quædam mulieres a Christo sanatæ, et ipsum sequentes, de facultatibus suis ministrabant ei. *Et pauper*. Christus enim adeo pauper fuit, ut diceret : Filius hominis non habet ubi caput suum reclinet. Unde Jeremias vehementer admirans Christum in tanta paupertate venturum, sic eum alloquitur : Quare quasi colonus futurus es in terra, et

B quasi viator declinans ad manendum ? Quare futurus es velut vir vagus ? *Dominus sollicitus est mei*. Deus singularissimam providentiam habuit de Christo secundum quod homo est. Unde ipse in Evangelio ait : Et non sum solus ; sed ego et qui misit me Pater. (24) *Adjutor meus*, id est cooperator humanitatis meæ, *et protector meus*, id est defensor ejusdem a malis, *tu es, Domine Deus*. In bonis enim semper cooperabatur virtus divina Christo homini : propter quod ipsemet testatur, Non possum ego a me ipso facere quidquam. Sed et ab omni malo culpæ Deus præservavit animam Christi, sicque protexit eum : imo interdum a malis pœnæ defendit eum, sicut dum Judæi voluerunt eum præcipitare et lapidare. *Deus meus, ne tardaveris ex-*

18
Luc. viii,
2, 3.
Matth. xiii,
20; Luc. ix,
58.
Jer. xiv, 8,
9.
Joann. viii,
16.
Ibid. v, 30.
Luc. iv, 29;
Joann. viii,
59; x, 31.

Diligentissime autem considerari opto ab omnibus quod dicam. Ecce psalmus iste, in quo aliqua continentur quæ Christo secundum se non conveniunt, scilicet, Comprehenderunt me iniquitates meæ, apostolica auctoritate probatur de Christo ad litteram exponendus, saltem pro magna parte : ergo multo amplius psalmi illi, in quibus nil continetur quod Christo proprie non conveniat, de ipso exponendi sunt, quamvis nullus Apostolorum et Evangelistarum eos de Christo alleget ; ideoque nonnulli satis superficiales sunt in expositione psalmorum, multos psalmos de David vel aliis quibusdam ad litteram exponentes, qui tamen propriissime atque verissime Christo conveniunt.

ARTICULUS LXXIX

EXPOSITIO EJUSDEM PSALMI TRICESIMI NONI DE ECCLESIA SEU UNOQUOQUE FIDELI.

2 **Q**UILIBET ergo fidelis, Christi adven-
 tum spiritualement desiderans, quo quo-
 tidie venit per gratiam in mentes fide-
 3 **l**ium, dicere potest : *Expectans expectavi*
Dominum, id est, cum interiori et cordiali
 affectu Dei praesentiam praestolatus sum,
 quatenus mansionem in corde meo con-
 strueret; *et intendit mihi*, id est, ocu-
 lum suae pietatis convertit ad me taliter
 expectantem. *Et exaudivit preces meas*,
 veniendo ad me, quemadmodum amorose
 expectanti promisit, in Evangelio dicens :
Joann. xiv. 23. Pater meus diligit eum, et ad eum venie-
 mus, et mansionem apud eum faciemus.
Et eduxit me de lacu miseriae, id est, de
 corpore isto in quo habito, quod est ple-
 num miseriis, eduxit me per contempla-
 tionem et spem futurorum bonorum : ita
Philipp. iii. 20. ut conversatio mea incipiat esse in caelis,
 et in carne vivens, non secundum carnem
 ambulem, sed secundum spiritum, mere-
 4 *Rom. viii. 9. 8.* arque audire illud Apostoli, Vos autem in
 carne non estis, sed in spiritu. Qui enim
 in carne sunt, inquit, Deo placere non pos-
 sunt. Vel, De lacu miseriae, id est, de con-
 5 *Psalm. lxxviii. 3.* suetudine mala (quae est fovea profunda
 et misera, de qua Salomon dicit, Impius
 quum in profundum peccatorum venerit,
 contemnit) eduxit me per gratiam conver-
 sionis, et poenitentiam salutarem. Vel, De
 lacu miseriae, id est de inferno, in quem
 incidissem, et adhuc tandem inciderem,
 nisi misericordia Dei succurreret. Vel, De
 lacu miseriae, id est de mundo isto, de
 quo eduxit me, avertens affectum meum
 ab amore saeculi : quemadmodum Joannes
 6 *1 Joann. ii. 1. 5.* in sua Canonica monet, Nolite diligere
 mundum, neque ea quae in mundo sunt.
 Unde et alibi scriptum est : Nescitis quia
 7 *Jacob. iv. 4.* amicitia hujus mundi inimica est Deo?

A Quicumque voluerit amicus hujus saeculi
 fieri, inimicus Dei constituetur. *Et de luto*
facis, id est, de carnali concupiscentia seu
 fetore luxuriae animam turpissime defor-
 mantis, eduxit me, et gratiam contulit
 adimplendi illud Apostoli : Sobrie et juste
 et pie vivamus in hoc saeculo.

Tit. ii, 12.

Specialiter autem exponi potest hic lo-
 cus de synagoga antiquorum patrum, a
 Christo de limbo inferni liberatorum. Ho-
 rum igitur unusquisque Deo gratias agens
 de adventu regis Messiae et propria libe-
 8 *Gen. xlii. 18.* ratione, ait : *Expectans expectavi Domi-*
num. Affectuosissime enim antiqui Sancti
 praestolabantur Christi adventum. Unde ait
 Jacob : Salutare tuum expectabo, Domi-
 9 *Mich. vii. 7.* ne. Et Michaeas : Ego, inquit, ad Dominum
 adspiciam, et expectabo Deum salvatorem
 meum ; audiet me Deus meus. Hinc quo-
 10 *Is. lxi. 1.* que apud Isaiaem scriptum est : Utinam di-
 rumperes caelos, et descenderes. Propter
 quod Moyses dixit : Obsecro, Domine, mite
 te quem missurus es. *Et intendit mihi*, id
 est, Christus Filius Dei descendit per in-
 11 *Exod. iv. 13.* carnationem in mundum, sicut optavi. *Et*
exaudivit preces meas, omnia faciendo et
 patiendo quae de ipso scripta erant et hu-
 manae redemptioni necessaria ; *et eduxit*
me de lacu miseriae, et de luto facis, id est,
 de limbo inferni : quemadmodum Zacha-
 12 *Zach. ix. 11.* rias alloquens Christum, prophetavit : Tu
 quoque in sanguine testamenti tui emisi-
 sti vinetos tuos de lacu, in quo non est
 aqua.

Et statuit supra petram pedes meos : id
 est, in Christi amore stabilivit et confir-
 mavit Dominus desideria mea, ita ut dice-
 re possim illud Apostoli : Quis nos separa-
 13 *Rom. viii. 35.* bit a caritate Christi? *Et direxit gressus*
meos, id est, opera mea in sua lege dispo-

- suit : secundum quod Salomon attestatur, *Prov. xvi, 9.* **4** Cor hominis disponit viam suam, sed Dei est dirigere gressus ejus. *Et immisit in os meum canticum novum*, id est novam laudem et gratiarum actionem de prædictis beneficiis suis mihi collatis : quemadmodum dicit Apostolus, *II Cor. vii, 4.* Repletus sum consolatione, superabundo gaudio in omni tribulatione; et alibi, Vetera transierunt. Quod enim antiqui in veteri Testamento, cum anxio desiderio et afflictione animi propter dilationem, cantabant futurum, hoc in evangelica lege seu novo Testamento, cantant Christiani cum hilari grataque mente jam factum. Et ideo in Apocalypsi de Christo ait Joannes : Dixit qui sedebat in throno, Ecce nova facio omnia. *Apoc. xxi, 5.* *Carmen Deo nostro*, id est, canticum istud est carmen ad honorem et gloriam Dei cantandum. *Videbunt multi*, id est, fide et gratia Christi illuminabuntur, et mirabilia ejus considerabunt, sicut ab Isaia prædictum est : *Is. ix, 2.* Populus qui ambulabat in tenebris, vidit lucem magnam; *et timebunt Deum*, ex consideratione eorum quæ per fidem agnoscunt; timebunt quoque poenas inferni, *et sperabunt in Domino*, quod per gratiam ejus evadent tormenta inferni, et adepturi sint gaudia cæli.
- Deinde Ecclesia seu quilibet Christianus ait ad Christum, seu totam Trinitatem : **6** *Multa fecisti tu, Domine Deus meus, mirabilia tua.* Multa enim et magna fuerunt Christi miracula. Unde in Evangelio scriptum est : Virtus exibat de illo, et sanabat omnes; et iterum, Quotquot tangebant fimbriam vestimenti ejus, sanabantur. Et *Luc. vi, 19.* Christus dixit discipulis Joannis : *Matth. xi, 4, 5.* Euntes renuntiate Joanni quæ audistis et vidistis. Cæci vident, surdi audiunt, leprosi mundantur, claudi ambulant, mortui resurgunt. Et hæc mirabilia in adventu Christi fuisse perpetranda, Isaïas de Christi adventu loquens ita prædixit : Tunc aperientur oculi cæcorum, et aures surdorum patebunt; tunc saliet quasi cervus claudus, et lingua balborum velociter loquetur. Hæc mirabilia Christi narrat Ecclesia, quemadmodum in Ecclesiastico habetur : Nonne *Eccli. xlii, 17, 23, 26.* Dominus fecit Sanctos enarrare omnia mirabilia sua, quæ confirmavit Dominus omnipotens stabilis in gloria sua? Quam desiderabilia sunt omnia opera ejus! et quis satiabitur videns gloriam ejus?
- Præterea Ecclesia ex persona Apostolorum et prædicatorum atque doctorum, ait : *Annuntiavi* primo Judæis, deinde gentilibus, et quotidie prædico cunctis fidelibus, o Domine Jesu Christe, vitam et mirabilia tua; *et locutus sum*, proponendo eis doctrinam evangelicam; *multiplicati sunt super numerum*, qui per prædicationem meam ad fidem conversi sunt : quoniam numerari a nobis non possunt, quamvis non sint simpliciter infiniti. Unde per Malachiam Dominus ait : Ab ortu solis usque *Malach. i, 11, 14.* ad occasum, magnum est nomen meum, quia rex magnus ego sum, dicit Dominus, et nomen meum horribile in gentibus. Hanc autem Apostolorum annuntiationem, et fidelium multiplicationem Deus Pater loquens ad Christum Filium suum, per Isaïam evidenter prædixit : Parum est, inquit, ut sis mihi servus ad suscitandas tribus Jacob, et fæces Israel convertendas; dedi te in lucem gentium, ut sis salus mea usque ad extremum terræ.
- Sacrificium et oblationem*, id est legalia sacrificia, *noluisti*, tempore novæ legis. **7** *Aures autem cordis* : de quibus in Evangelio dicitur, Qui habet aures audiendi, *Luc. viii, 8.* audiat; *perfecisti mihi*, id est, perfectas dedisti mihi, ita ut prompte obedirem tibi in omnibus, sicut superius de me testatus es : Populus quem non cognovi, servivit mihi, in auditu auris obedivit mihi. Has aures populus Judæorum non habuit. De quibus per Prophetam Dominus ait : Quis cæcus nisi servus meus? Et quis surdus, nisi ad quem nuntios meos misi, id est Prophetas? *Holocaustum* legale, *et pro peccato*, id est hostiam pro peccato immolatam, *non postulasti*, tempore evangelicæ legis.
- Considerandum est namque, quod triplicia erant præcepta veteris Testamenti, sci-

licet moralia, judicialia, et cærimonialia. A psalmi, *scriptum est de me, ut facerem* 9
voluntatem tuam. Deus. Ibi enim dictum
 Præcepta autem moralia manent tempore
 novæ legis, quum sint de lege naturali, et
 perficiuntur per consilia a Christo in Evan-
 gelio tradita : et ad ista præcepta perti-
 nent mandata Decalogi. Præcepta vero ju-
 dicialia sine periculo observari possunt in
 nova lege, si ab aliquo, cujus est legem
 condere, instituantur. Præcepta autem cæ-
 rimonialia, ad quæ pertinent præcepta sa-
 crificiorum, tempore novæ legis mortifera
 sunt, quum sint solum figuralia : et ideo
 ea servare, esset realiter dicere quod B
 Christus nondum venisset. De his præcep-
 tis intelligendum est quod per Ezechie-
 lem Dominus asserit, Dedi eis præcepta
 non bona, et judicia in quibus non vivent ;
 et quod Apostolus ad Hebræos introducit,
 Umbram habens lex futurorum bonorum,
 non ipsam imaginem rerum, nunquam
 potest accedentes perfectos facere ; et
 Ibid. vii, 19. alibi, Nihil, inquit, ad perfectum adduxit
 lex. Hanc autem legalium sacrificiorum
 cessationem ac perpetuam durationem, per
 Malachiam Spiritus Sanctus prædixit, ad
 Judæos sic loquens : Non est mihi voluntas
 in vobis, et munus non suscipiam de ma-
 nu vestra. In omni enim loco sacrificatur
 et offertur nomini meo oblatio munda : vi-
 delicet corpus et sanguis Christi, quod est
 sacrificium finale per se intentum, om-
 nibusque sacrificiis legis succedens. De
 his autem triplicibus præceptis veteris le-
 gis, in prima secundæ elegantissime atque
 pulcherrime loquitur gloriosus et sanctus
 doctor B. Thomas.
 8 *Tunc*, id est jam tempore gratiæ quan-
 do cessant sacrificia legis, *dixi*, ego Christi
 vestigia sequens, seu ego Ecclesia Christi
 sponsa : *Ecce*, Domine Jesu, *venio* ad fi-
 dem et gratiam tuam, et in te sperando
 spero salvari, nec in lege salutem consti-
 tuo. Venio quoque ut offeram tibi me
 ipsum, divinis obsequiis me totaliter man-
 cipando, et propter te me quotidie mor-
 tificando. Quod ideo facio, quoniam In
 capite libri, id est in secundo versu primi
 A psalmi, *scriptum est de me, ut facerem* 9
voluntatem tuam. Deus. Ibi enim dictum
 est : In lege Domini voluntas ejus. *Deus* Ps. i, 2.
meus, volui tibi in omnibus obedire; et le-
gem tuam, scilicet evangelicam legem, *in*
medio cordis mei infixi, abscondi, ac me-
 moriter tenui. Et istud est sacrificium tibi
 placens, teque summe honorans, quem-
 admodum ab Isaia pulchre inducitur :
 Requiem dabit tibi Dominus semper, et
 implebit splendoribus animam tuam. Si
 glorificaveris Dominum, dum non facis
 vias tuas, et non invenitur voluntas tua,
 ut loquaris sermonem ; tunc delectaberis
 super Domino, et sustollam te super alti-
 tudinem terræ, dicit Dominus. Et hoc est
 quod in Evangelio Christus ait volentibus
 se cruciformiter imitari, atque se ipsos
 quotidie immolare : Qui vult, inquit, ve-
 nire post me, abneget semetipsum, et tol-
 lat crucem suam, et sequatur me.
 Annuntiavi justitiam tuam in ecclesia 40
 magna, id est in toto populo christiano,
 quia in omnem terram exivit sonus Apo-
 stolorum, et in fines orbis terræ verba eo-
 rum. *Justitiam tuam non abscondi in corde* 41
meo, sed publice eam prædicavi, quoniam
 audiavi te, Domine, in Evangelio terribili-
 ter comminantem : Qui me erubuerit et
 meos sermones, hunc Filius hominis eru-
 bescet quum venerit in regno suo. Et ideo
 Petrus principibus sacerdotum dixit : Si
 justum est in conspectu Dei, vos potius
 audire quam Deum, judicate. Non enim
 possumus, quæ vidimus et audivimus, non
 loqui. Non ergo abscondenda est justitia
 D Dei, id est doctrina Christi, sed instruendus
 est proximus. Nam sapientia abscondita et
 thesaurus occultus, quæ utilitas in utro-
 que? Unde de ignavis et abscondentibus ju-
 stitiam Dei, apud Isaiam scriptum est : Spe-
 culatores ejus cæci omnes, canes muti non
 valentes latrare, videntes vana et dormien-
 tes : quod contra negligentes et indoctos
 prælatos præcipue dicitur. *Veritatem tuam*
in sacra Scriptura contentam, et salutare
tuum, id est felicitatem fidelibus in cæ-
 lo paratam, *dixi* proximis. Sed quomodo

Ezech. xx,
25.

Hebr. x, 1.

Ibid. vii, 19.

Malach. i,
10, 11.Is. LVIII,
11, 13, 14.

Luc. ix, 23.

Ps. xviii, 5.

Luc. ix, 26.

Act. iv, 19,
20.Eccli. xx,
32.

Is. lvi, 10.

nunc ait, Justitiam tuam non abscondi in corde meo, quum inferius dicat, In corde meo abscondi eloquia tua ut non peccem tibi? Et respondendum est, quod sacra doctrina est in corde abscondenda, et non abscondenda. Est enim abscondenda, ne oblivioni tradatur, aut per præsumptionem seu jactantiam aperiatur et amittatur; sed non est abscondenda, ne proximis communicetur, et infructuosa permaneat: sic enim servus piger et nequam increpatur a Domino, quia abscondit talentum sibi commissum in terra.

Non abscondi misericordiam tuam. id est beneficia tua nobis elementer exhibita, seu pietatem ac liberalitatem tuæ bonitatis, et veritatem tuam a concilio multo, id est, a populo christiano consilium requirenti qualiter possit veram beatitudinem adipisci. *Tu autem, Domine, ne longe facias miserationes tuas a me,* sed tolle peccata, gratiam tribue, virtutes conserva, et consummationem felicem concede. *Misericordia tua et veritas tua semper susceperunt me,* quando perseveranter oravi. Sicut enim veritas tua in Evangelio promittit, dicens, Petite, et dabitur vobis; sic misericordia tua exaudit, et præstat quidquid salubriter atque constanter rogatur. Maxime tamen exaudit Deus preces totius communitatis seu multitudinis. Et ideo fiducialiter confidendum est, generalia concilia dirigi a Spiritu Sancto, propter id quod ait Salvator: Si duo ex vobis consenserint de omni re quamcumque petierint, fiet illis a Patre meo. Ubi enim sunt duo vel tres congregati in nomine meo, ibi sum in medio eorum. Quanto magis si omnes consentiunt atque conveniunt, exaudientur, et Christum in medio sui habebunt? Propterea quoque rationabile est, majorem esse auctoritatem concilii generalis, quam alicujus quatuor Doctorum.

Quoniam circumdederunt me mala pænæ et culpæ, quorum non est numerus mihi certus. Multæ enim sunt tribulationes justorum, et in medio laqueorum positi sumus, et justus septies in die cadit; et

venialia nostra peccata, quæ cogitando, loquendo et operando committimus, vel per omissionem incurrimus, adeo multa sunt, ut numerum excedere videantur. *Comprehenderunt me iniquitates meæ,* id est, in legem peccati me captivum duxerunt, et jugo peccati ac servituti diaboli subjecerunt, vinculisque malitiæ ligaverunt. Unde ait Salvator: Omnis qui facit peccatum, servus est peccati. *Et non potui ut viderem,* id est, omnia mala prædicta quibus circumdatus sum, determinate et sigillatim cognoscere non potui. Ecce quanta est miseria nostra, et quantum nos timere oportet divinum judicium. Quot enim in die judicii nostri consurgunt contra nos vitia jam ignorata, quæ quasi de insidiis erigent se contra nos? Humiliemur igitur sub potenti manu Dei, dicentes sicut prædictum est: Ab occultis meis munda me, Domine. Et defleamus et emendemus saltem in generali, quæ in speciali deflere nequimus; studeamusque ultra debita nostra, aliqua (imo et multa) bona agere contra peccata ista ignota, ne dæmon ea contra nos inducat in die judicii nostri.

Multiplicati sunt super capillos capitis mei iniquitatum mearum excessus, præsertim quantum ad venialia mala; *et cor meum dereliquit me,* id est, intellectus meus defecit in consideratione multitudinis peccatorum meorum. Quoniam enim numerum et capillos capitis mei transeundum, certum est quod singula a corde meo pensari non possunt. Dicamus ergo ex totis præcordiis cum magna humilitate, quod Manasses ille rex Juda ait: Peccavi super numerum arenæ maris; multiplicatæ sunt iniquitates meæ, et incurvatus sum multo vinculo ferri, et non est respiratio mihi: quia excitavi iram tuam, statuens abominationes et multiplicans offensiones. Et nunc flecto genua cordis mei, rogans te, Domine, remitte mihi, ne simul perdas me cum iniquitatibus meis, neque in æternum reserves mihi mala. Hinc quoque Esdras ait: Deus meus, confundor et erubesco levare faciem meam

Joann. viii, 34.

1 Petr. v, 6.

Ps. xvi, 13.

Oratio
Manasse

1 Esdr. ix, 6.

Ps. cxviii, 11.

Matth. xxv, 24-30.

12

Ibid. xii, 7.

Ibid. xvi, 19, 20.

13

Ps. cxviii, 20.
Prov. xxiv, 16.

ad te, quoniam iniquitates nostræ multiplicatæ sunt super caput nostrum, et peccata nostra creverunt usque ad cælum. Denique tunc cor nostrum derelinquit nos, quum auferitur a nobis. Tunc vero auferitur a nobis, quum usus rationis vitiorum caligine impeditur, obtenebratur aut fallitur.

Osee iv, 11. Propter quod Osee dicit : Fornicatio et

ebrietas et vinum auferunt cor. Quotiescumque ergo per impetum passionis a medio rationis abducimur, quoties peccato consensum præbemus, quoties a summo bono aversi, ad infructuosa et vana con-

Luc. x, 42. vertimur, et relicto uno illo quod solum

necessarium est, per diversa vagamur, toties cor nostrum relinquit nos. Et istæ sunt fornicationes cordis humani, quibus fornicatur a Deo, et propter quas a Deo contemnitur, sicut Dominus per Ezechie-

Ezech. vi, 9. lem ait : Contrivi cor eorum fornicans et

recedens a me. Homini quoque cor tale

Osee ix, 1. habenti, ait alibi sermo divinus : Noli lætari,

Israel, quia fornicatus es a Deo tuo. Om-

Prov. iv, 23. ni ergo custodia custodiamus cor nostrum,

maxime in divinis, quia ex ipso vita procedit, si bene custodiat ; sin autem, tunc utique mors ex eo procedit, sicut in Evangelio Christus ait, De corde exeunt cogitationes malæ, furta, ac cetera mala.

Matth. xv, 19.

14 *Complaceat tibi, Domine, ut eruas me a*

malis omnibus. Ecce quam blanda, dulcis, affectuosa, ac reverentialis oratio. Com-

Ibid. xxxvi, 39.

placeat, inquit, tibi, Domine : quasi dicat, Non quod ego volo, sed quod tu. Et hoc

Ibid. vi, 10.

est quod in Oratione dominica quotidie dicimus : Fiat voluntas tua. *Domine, ad ad-*

juvandum me respice, id est, ad hoc in-

18

tende in me, ut pie succurras mihi propter tuam elementiam, non ut me juste abji-

Ibid. 41.

cias propter meam malitiam. *Ego autem mendicus sum* : nam quotidie et indesinenter in Oratione dominica clamo, Panem nostrum quotidianum da nobis hodie. Quamvis corporalem panem ostiatim non quæro, spiritualem tamen panem, videlicet panem lacrimarum, panem salutis et gratiæ (de quo Christus affirmat, Meus cibus est ut faciam voluntatem Patris mei), panem quo-

Joann. ix, 34.

A que Eucharistiæ incessanter mendico : idcirco sum *et pauper*, id est in spiritualibus imperfectus, et in omnibus defectuosus. Propter quod David ait : Ego sum vir pau-

1 Reg. xviii, 23.

per et tenuis. *Dominus sollicitus est mei*.

Ipsi enim cura est de omnibus : quanto

1 Petr. v, 7.

magis de rationalibus creaturis? Propterea

scriptum est : Tu, Domine, pater noster,

Is. lxiii, 16;

redemptor noster, nos vero lutum ; et fi-

lxiv, 8.

ctor noster tu, et opera manuum tuarum

omnes nos.

Contemplandum autem, quam industriosa sit ista oratio. Vocat enim se mendicum et pauperem, quatenus misericordiam provocet ; non, justum, sicut Pharisæus qui dixit, Non sum sicut ceteri hominum.

Luc. xviii, 11.

Et tu igitur si misericordiam Dei provoca-

re desideras, si copiosam a Deo eleemosy-

nam, et pinguem panem recipere cupis, si

spiritualiter ditari ac satiari peroptas, fac

coram Deo sicut agunt mendici hujus

sæculi coram divitibus a quibus eleemo-

synam petunt. Si corpore læsi sunt, ulce-

rosi, hydropici, paralytici, aut simili ægri-

C tudine languidi, vestem a loco infirmitatis

deponunt, indigentiam suam proclamant,

se pauperes profitentur. Nos ergo vulnera

animæ nostræ Deo ostendamus, paupertatem

nostram humiliter reseremus, et opem

misericordiæ Dei affectuosissime invoce-

mus : et quanto miseriam nostram cum

præcordiali ac profundiori humilitate

professi fuerimus, tanto plenior a Deo

gratiam acquiremus.

Postremo pensandum, quantæ excellen-

tiæ et speciositatis sit psalmus iste præ-

D clarus ac nobilis. In quo primum exhibetur

Deo gratiarum actio pro beneficiis suis,

præsertim pro incarnatione Filii sui.

Secundo Christus alloquitur Patrem, et de-

claratur legalium sacrificiorum evacuatio,

et veri sacrificii, quod est Christi pas-

sio, necessitas. Docetque Christus hoc Deo

summe placere, ut obediatur voluntati ip-

sius, quemadmodum Samuel protestatur :

Numquid vult Dominus holocausta ac vic-

1 Reg. xv,

timas, et non potius ut obediatur voci

22, 23.

ejus ? Melior est enim obedientia, quam

victimæ; et auscultare magis quam offerre adipem arietum: quoniam quasi peccatum ariolandi est, repugnare; et quasi scelus idololatriæ, nolle acquiescere. Declaratur quoque in psalmo isto institutio Ecclesiæ per prædicationem Christi. Deinde ponitur efficacissima ad Deum oratio atque humillima peccati confessio. Studemus itaque semper cum condecenci ac debita devotione hunc psalmum deprome-

re. Quæ autem jam exposita non sunt, ex dictis in præcedenti articulo liquent.

PRECATIO.

Deus infinitæ misericordiæ, manum tuam porrige lapsis, et educ nos de lacu miseriæ et de luto fæcis: ut per te directis gressibus nostris, hymnum tibi laudis et placationis incessabili voce persolvamus.

ARTICULUS LXXX

EXPOSITIO LITTERALIS PSALMI QUADRAGESIMI: BEATUS QUI INTELLIGIT.

PREPONITUR denique psalmo jam declarando titulus talis: *In finem, intellectus filiis Core*. Core, qui propter suam ambi-

Num. xvi.

Matth.
xxvii, 33.

tionem in libro Numerorum perisse legitur, interpretatur Calvaria, quod est nomen loci in quo crucifixus est Christus. Filii vero Core, spiritualiter dicuntur filii crucis, seu imitatores Christi crucifixi. Et propter hanc interpretationem fit sæpe in psalmodum titulis mentio de filiis Core. Ipsi enim patris sui peccatum secuti non

sunt: propter quod a David in ministerium templi assumi meruerunt. Est igitur sensus tituli: *Intellectus* hujus psalmi tendens *in finem*, id est, in Christum nos dirigens, attribuitur *filiis Core*, id est, imitatoribus passionis Christi competit, quatenus ex prophetia et sensu hujus psalmi perfectius convertantur ad Christum, et ejus passionibus conformentur. Porro, quod psalmus iste ad litteram de Christo loquatur, patet ex hoc quod Christus allegat scripturam hujus psalmi de se prædictam, in Cœna novissima dicens: Sed ut impleatur Scriptura, Qui manducat mecum panem, levabit contra me calcaneum suum. Quod secundum omnes expositores catholicos in hoc psalmo scriptum est his verbis: Etenim homo pacis meæ in

Joann. xiii,
18.

quo speravi, qui edebat panes meos. Christus enim interdum magis allegat sensum, quam verba Prophetarum. Doctores ergo communiter exponunt hunc psalmum partim de Christo, et partim de Ecclesia, sicut patebit; sed satagendum est, ut quantum fieri potest, totus de Christo exponatur. Decet enim Christianum libenter audire et loqui de Christo, nec unquam fatigari in hoc ipso.

IT ergo Propheta: (*Beatus qui intelligit super egenum et pauperem*: id est, ipse Christus, qui pio intellectu respexit, et misericorditer consideravit genus humanum damnationi obnoxium propter originale peccatum, est beatus. Nam in quantum est Deus, est essentialiter beatus; sed in quantum homo, fuit beatus in anima a primo instanti conceptionis suæ in Virgine Matre. Pie enim intellexit Christus super egenum et pauperem hominem, quando per Jeremiam prædixit, Ego cogito cogitationes pacis, et non afflictionis; et per Zachariam, Ecce ego venio et habitabo in medio tui; et per † Michæam, Prope est salus tua, salvabo te, noli timere; et per Isaiam, Ego ipse qui loquebar, ecce adsum. Quæ omnia in Christo jam incarnato sci-

2

Jer. xxix,

Zach. ii, 10.

Is. lvi, 6.

mus impleta, sicut et ab alio scriptum est: A

Baruch III,
35, 36, 38.

Qui fecit stellas, hic est Deus noster; et post hæc super terram visus est, et cum hominibus conversatus est. Denique pie intellexit Christus super genus humanum egenum et pauper, quando ipsemet in Evangelio ait: Non misit Deus Filium suum in mundum, ut judicet mundum, sed ut salvetur mundus per ipsum. Et rursus:

Joann. III,
17.

Luc. XIX,
10.
Joann. X, 45.

Venit Filius hominis quærere et saluum facere quod perierat. Et iterum: Animam meam pono pro ovibus meis. Piissime vero intellexit Dominus Jesus super egenum et pauperem, quando passione instante, dixit: Pater, si non potest hic calix transire, nisi bibam illum, fiat voluntas tua; et quando in cruce suspensus, clamavit: Sitio: quid utique, nisi mundi salutem? Superpiissime autem intellexit super egenum et pauperem, quando pro transgressoribus, suisque crucifixoribus rogans: Pater, inquit, ignosce illis. Et ut oratio sua exaudibilior fieret, adjunxit excusationem pro impiis, dicens: Quia nesciunt quid faciunt.

Matth.
XXVI, 42.

Joann. XIX,
28.

Luc. XXIII,
34.

Ibidem.

In die mala, id est in omni tempore quo C persecutionem passus est Christus, et maxime in die crucifixionis suæ, liberabit, et jam liberavit, eum Dominus Deus omnipotens. Liberavit enim eum, quando Judæi volebant eum præcipitare et lapidare: et quamvis interdum permisit eum contumelias pati, et tandem occidi, semper tamen liberavit eum, quoniam Christus semper per patientiam vicit, et sibi coronam accidentalis præmii, totique mundo coronam essentialis præmii meruit. In passione quoque liberavit eum, quantum ad D hoc, quod passio illa fuit finis totius passibilitatis persecutionisque suæ.

Luc. IV, 29;
Joann. VIII,
59; X, 34.

3

Ps. XX, 4.

Quæ autem sequuntur, magis prophetando et congaudendo, quam orando, dicuntur. 2 Dominus conservet eum. Deus enim Pater præservavit Christum hominem ab omni malo culpæ, quia prævenit eum in benedictionibus dulcedinis, et confirmavit animam ejus in bono a principio suæ creationis; sed et a malis pænæ præservavit eum, quoad hoc, quod pænæ illæ

non ei nocuerunt spiritualiter, sed profuerunt. Et vivificet eum, id est, a mortuis tertia die eum resuscitet, et beatum faciat eum in terra, id est, beatitudinem ejus manifestet hominibus per prædicationem atque miracula Apostolorum et aliorum Sanctorum: quemadmodum Deus per Isaïam de Christo loquens, testatus est: Ecce intelliget servus meus, et exaltabitur, et elevabitur, et sublimis erit valde. Super ipsum continebunt reges os suum. Unde et alibi de Christo inducitur: Potestas ejus a mari usque ad mare, et a fluminibus usque ad fines terræ. Et Daniel ait: Adspiciebam, et ecce Filius hominis veniebat, et usque ad Antiquum dierum pervenit, et dedit ei potestatem et honorem et regnum; et omnes populi, tribus et linguæ servient ei. Hoc modo sciens beatissima Virgo et Mater beatificandum in terra Christum, seque a credituris in Filium suum beatificandam, prophetice cecinit: Beatam, inquit, me dicent omnes generationes. Vel sic: Beatum faciat eum in terra, id est, gloriosum faciat Christum in corpore, et super cælos elevet ipsum; sicque in terra viventium beatificet eum beatitudine accidentali, quæ consistit in rebus creatis ad Deum relatis, videlicet in bono usu earum, secundum quod una creatura alteri dominatur, vel in ea lætatur, aut ea perutitur.

Is. LII, 13,
15.

Zach. IX,
10.

Dan. VII,
13, 14.

Luc. I, 48.

Et non tradat eum in animam inimicorum ejus: id est, Deus Pater non derelinquat Christum finaliter in potestate Judæorum, nec eorum voluntati subiciat eum. Hoc Christus in se impletum ostendit, dum ait: Potestatem habeo ponendi animam meam, et potestatem habeo iterum sumendi eam. Et denuo: Nemo, inquit, tollit animam meam a me; sed ego pono eam, et iterum sumo eam. Propter quod Isaïas de eo inquit: Oblatus est quia ipse voluit. Et hoc clarissime patet ex eo quod apud Joannem dicitur: Jesus sciens omnia quæ ventura erant super se, processit, et dixit eis: Quem quæritis? Responderunt: Jesum Nazarenum. Dixit eis

Joann. X,
18.

Is. LIII, 7.

Joann. XVIII,
4-6.

- Jesus : Ego sum. Ut ergo dixit eis. Ego sum, abierunt retrorsum, et ceciderunt in terram. Quomodo ergo ait Apostolus, Proprio Filio suo non pepercit Deus, sed pro nobis omnibus tradidit illum? Et respondendum, quod Deus Pater tradidit illum, ita ut permisit eum a malignis occidi : non autem quod ipsi maligni aliquid possent inferre tormenti Christo invito ; sed Christus sponte tradidit se in mortem, quemadmodum Isaias ait : Tradidit in mortem animam suam. Et ad Galatas Apostolus asserit : In fide vivo Filii Dei, qui dilexit me, et tradidit semetipsum pro me. Aliter ergo tradidit Christum Judas, et aliter Pater.
- 4 5 *Dominus opem ferat illi super lectum doloris ejus.* Lectus doloris Christi, fuit patibulum crucis : in quo tamen non habuit pulvinar, super quod caput lassum et spinis confixum paululum repausaret. Super hunc lectulum contulit Deus opem Christo homini, quoniam conservavit eum in bono, et cooperabatur ei in redemptione generis humani, et in debellatione mortis atque diaboli. Tota namque efficacia meriti Christi erat ex divinitate unita. Quamvis enim Christus dixerit : Deus meus, Deus meus, ut quid dereliquisti me? videlicet, subtrahendo inferioribus viribus ac patienti naturæ solitam redundantiam beatitudinis, quam in anima habuit ; non tamen penitus erat relictus, sed Deus erat in eo, mundum reconcilians sibi, secundum Apostolum. *Universum stratum ejus*, id est totum patibulum crucis Christi, vel potius totum Christum in cruce suspensum, ut ponatur continens pro contento, *versasti*, id est, frequenter seu multipliciter convertisti, *in infirmitate ejus*, id est in passione ipsius Christi. Versatus est enim Christus in cruce non loco, sed voto, videlicet diversis affectibus : nunc propter amaritudinem passionis clamando, Ut quid dereliquisti me? quasi invitatus pateretur (non tamen patiebatur invitatus, sed libentissime, tanquam ardentissimus hominum amator, atque paterni honoris zelator);
- A nunc propter desiderium humanæ salutis dicendo, Sitio, quasi libenter pateretur ; *Joann. xix, 28.* nunc quasi oblitus proprii doloris, de matre sollicitus fuit, dicendo Joanni, Ecce mater tua. *Ibid. 27.*
- 4 *Ego dixi : Domine, miserere mei*, etc. 5 Hæc oratio non competit Christo, nisi pro corpore suo mystico ; et in sequenti expositione versus iste tractabitur.
- 5 *Inimici mei*, videlicet Judæi persequentes me, *dixerunt mala mihi*, id est ad ignominiam et contumeliam meam. 6 Quid autem dixerunt, continuo pandit : *Quando morietur?* id est, quando occidetur iste a nobis? *et peribit nomen ejus?* id est, quando fama atque memoria ejus penitus exstinguetur? Hoc est quod Joannes inducit dixisse sacerdotes et Phariseos, dicens : Videtis quia nihil proficimus? *Ibid. xii, 19.* Ecce totus mundus abiit post eum. Et rursus apud Matthæum ait Scriptura : Congregati sunt principes sacerdotum et seniores populi in atrium principis sacerdotum, et consilium fecerunt, ut Jesum dolo tenerent et occiderent.
- 6 *Et si ingrediebatur.* Frequenter in psalmo isto, sicut et alibi, mutat Propheta personam et numerum : nunc singulariter, nunc pluraliter, nunc in tertia persona, nunc in secunda loquens. Nunc ergo singulariter loquens, ait : Et si ingrediebatur inimicus meus, scilicet Judas proditor, cum aliis Apostolis, mecum in domum cœnaculi et in domum Marthæ, *ut videret*, id est, ut observaret et exploraret quid essem acturus ; *vana loquebatur cor ejus* : quoniam dixit intra se, quod ego nescirem propositum suum. Vana quoque et falsa ac simulata verba dixit corde et ore, quando indignabatur Mariæ Magdalene, eo quod fudit super caput meum alabastrum unguenti pretiosi, et dixit : Ad quid perditio hæc? Poterat enim hoc unguentum vendari plus quam trecentis denariis, et dari pauperibus. Hoc autem dicebat, non quia de egenis pertinebat ad eum, sed quia fur erat, et oculos habens, ea quæ mittebantur, portabat : sicut Joannes enarrat. *Con-*
- Matth. xxvii, 46;*
Marc. xv, 34.
- II Cor. v, 19.*
- Matth. xxviii, 16.*
- Matth. xxvi, 7-9;*
Joann. xii, 3-6.

gregavit iniquitatem sibi, id est, Judas accumulavit sibi peccata diversa. Nam ex avaritia invidebat et indignabatur Mariæ Magdalene, proposuitque Christum vendere et in mortem hostibus suis exhibere.

7 *Egre diebatur foras* ipse Judas a me, quarta feria ante passionem meam, intrans domum in qua seivit congregatum esse concilium Judæorum adversum me; *et loquebatur in id ipsum*, id est, in toto illo concilio dixit: Quid vultis mihi dare, et ego vobis eum tradam? Hoc ipsum Evangelistæ clare testantur. Vel, Egrediebatur B foras in hora Cœnæ, quemadmodum Joannes testatur, dicens: Dixit Jesus Judæ, Quod facis, fac citius. Quum ergo ille accepisset buccellam, exivit continuo.

8 *Adversum me susurrabant omnes inimici mei*, videlicet principes sacerdotum et magistratus templi cum universo concilio, qui latenter et detractorie consulebant inter se quomodo crucifigerent me; *adversum me cogitabant mala mihi*, id est, tormenta multa et magna proposuerunt mihi inferre: sicut in libro Sapientiæ C habetur, Morte turpissima condemnemus eum. Hæc autem Jeremias, qui vaticiniis et passionibus apertissime præfiguravit Christi passionem, frequenter prænuntiavit. Ait enim in Christi persona: Tu, Domine, demonstrasti mihi studia eorum, et cognovi; et cogitaverunt super me consilia, dicentes: Venite, mittamus lignum in panem ejus. Et alibi: Foderunt, inquit, foveam animæ meæ. 9 *Verbum iniquum constituerunt adversum me*, id est, Judæi sermonem malignum firmiter conceperunt D contra me. Quis autem sit sermo iste, subjungit: *Numquid qui dormit, non adjiciet ut resurgat?* id est, numquid iste qui se dicit resurrecturum a mortuis, veraciter resurgere poterit, quum in morte dormierit, et in sepulcro clausus jacuerit? quasi dicant, Non. Et hoc est quod a Matthæo dicitur: Dixerunt principes sacerdotum ad Pilatum: Domine, recordati sumus quia seductor ille dixit adhuc vivens, Post tres dies resurgam. Jube ergo custo-

diri sepulcrum, etc. Putabant nempe Judæi Christum ita occidere, quod nec ipse resurgeret, neque memoria ejus permaneret: quemadmodum Jeremias prænuntiavit, dicens, Eradamus eum de terra viventium, et nomen ejus non memoretur ultra.

Et quid mirum est, si Judæi hæc agant?

10 *Etenim homo pacis meæ, in quo speravi*, id est, Judas discipulus meus, cui ego pacificus fui, et cui signa pacis ostendi, et ad quem tam caritative me habui ac si de ejus adjutorio multum sperassem: nam et procuratorem meum ipsum constitui, et loculos tulit; *qui edebat panes meos*, quoniam sæpe mecum comedit, et de eleemosynis mihi datis pariter vixit, atque in Cœna duplicem panem de manu mea suscepit, videlicet panem intinctum, per quem ostendi Joanni quod ipse traditor esset; et buccellam sub qua erat corpus meum: de qua a Joanne dicitur, Et post buccellam introivit in eum Satan; *magnificavit super me supplantationem*, id est, magnifice induxit super me adversarios meos, qui me supplantaverunt et occiderunt. Unde et sanctus Job in figura Christi ait: Quem maxime diligebam, adversatus est mihi.

11 *Tu autem, Domine, miserere mei*, liberando me a pœnalitatibus corporis, et *resuscita me tertio die; et retribuam eis*, id est, justam ultionem super Judæos inducam, excæcando corda eorum, et in manus Romanorum eos tradendo, atque incredulos æternaliter condemnando. Unde per Isaiam Christus ait: Calcavi eos in furore meo, et conculcavi eos in ira mea. Dies enim ultionis in corde meo, annus retributionis meæ venit. Et simile quiddam Jeremias scribit, dicens: Tu, Domine Sabaoth, qui judicas juste, et probas renes et corda, videam ultionem tuam ex eis. Tibi enim revelavi causam meam.

12 *In hoc cognovi*, o Domine Pater, id est, experimentaliter didici, *quoniam voluisti me*, id est, quod dilexisti me, et tibi complacui, *quoniam non gaudebit inimi-*

8
Matth.
xxvi. 13

Joann. xiii.
27. 30.

Sap. ii. 20.

Jer. xl. 18.
19.

Ibid. xxi.
20.
9

Matth.
xxvi. 26.

Jer. xl. 19.

Joann. xiii.
26.

Ibid. 27.

Job xix. 19.

Is. lxi. 3, 4.

Jer. xl. 20.

cus meus super me, id est, quia populus Ju-
 daeorum adversans mihi et membris meis,
 non diu neque finaliter exsultabit de me,
 utpote quasi omnino exstinxerit nomen
 meum, et quasi non resurrexerim de se-
 pulcro; sed confundentur atque dolebunt,
 quum viderint miracula fieri in nomine
 meo, et per Apostolorum prædicationem
 multa millia ad fidem converti: sicut jam
 videmus impletum. 13. *Me autem* Chri-
 stum Filium tuum dilectum, *propter inno-*
centiam suscepisti, id est, propter imma-
 culatam ac justam vitam meam exaudisti
 in precibus quas tibi jam obtuli, et in die
 resurrectionis suscepisti me ad impassibi-
 lem statum; in die quoque ascensionis
 suscepisti me ad dexteram tuam, *et con-*
firmaisti me in conspectu tuo in æternum,
 id est, in throno gloriæ et in cælo empy-
 reo firmiter et sine fine collocasti me:
 sicut ad Hebræos dicit Apostolus: Christus
 eo quod maneat in æternum, sempiter-
 num habet sacerdotium, unde et salvare
 potest in perpetuum, accedens per semet-

Hebr. vii,
 24, 25.

A ipsum ad Deum, semper vivens ad inter-
 pellandum pro nobis.

Postremo, de omnibus his laudat Chri-
 stus homo Deum trinum ac unum, et ait:

14. *Benedictus Dominus Deus Israel*: id
 est, ab omnibus benedicatur, laudetur, et
 honoretur Deus Trinitas, qui est Deus Is-
 rael, id est Jacob qui dictus est Israel; vel,
 Israel, id est populi per fidem cœlestia con-
 templantis; *a sæculo et in* sæculum*, id est
 per omne sæculum et a primo sæculo, scilicet
 a mundi principio usque in sæculum
 illud futurum, quod nunquam finem habe-
 bit. *Fiat, fiat*, id est, ita sit, ita sit. Repli-
 catio verbi, est magni affectus indicium.

14

* usque in

Ecce quam evidentissime atque plenis-
 sime loquitur psalmus iste de passione
 Christi, et quanta mysteria Christi David
 cognovit, et quam speciosa ac fulgida est
 consonantia hujus propheticae prænuntia-
 tionis cum evangelica historia. Porro se-
 cundum eos qui dividunt librum Psalmo-
 rum in quinque libros partiales, hoc loco
 primus liber finitus est.

ARTICULUS LXXXI

EXPOSITIO EJUSDEM PSALMI QUADRAGESIMI TROPOLOGICA.

2. TROPOLOGICE autem exponendus est
 psalmus iste de membris Christi, seu
 unoquoque fidelium. Ait ergo: *Beatus qui*
intelligit super egenum et pauperem: quod
 dupliciter exponi potest. Primo sic: *Bea-*
tus qui intelligit, etc., id est, per spem fe-
 lix est homo qui Christum in carne mor-
 tali quondam passibilem ac indigentem
 sapienter cognoscit: ita quod in ipso du-
 plicem contemplatur naturam, videlicet
 divinam et humanam; nec propter divini-
 tatis insignia negat in eo veram humanita-
 tem, nec propter humanitatis humilia et
 abjecta negat in eo veram divinitatem. Et
 hoc est quod ait Salvator. Postquam enim

C divina sua miracula enarrasset, adjecit:
 Et beatus est qui non fuerit scandalizatus
 in me. Tanquam diceret: Beatus est qui

Matth. xi,
 6.

propter humanam infirmitatem et passio-
 nem quam videt in me, non denegat mihi
 divinitatem inesse. Multi quippe hæretici,
 considerantes humilia et indigna quæ de
 Christo leguntur, abhorruerunt veram di-
 vinitatem in ipso fateri. Alii vero conside-
 rantes sublimia quæ de ipso scribuntur,
 renuerunt asserere veram in eo humani-
 tatem consistere. Nos autem utrumque in
 ipso intelligimus, et divina et humana
 Christo adscribimus; sed quid propter quid
 ei conveniat, prudenter pensandum est.

Secundo exponitur sic : *Beatus qui intelligit super egenum et pauperem*, id est, qui membris Christi, videlicet indigentibus, misericordem oculum exhibet, opem impendit, eleemosynam spiritualem aut corporalem communicat. Nam ut Christus testatur, quod uni ex suis fit, sibi fit. In die quoque iudicii dicturus est eis qui hoc modo super egenum intelligunt : Esurivi, et dedistis mihi manducare ; sitiivi, et dedistis mihi potum ; nudus fui, et vestistis me. Unde alibi scriptum est : Frange esurienti panem tuum, et egenos vagosque induc in domum tuam. Tunc erumpet quasi lumen iustitia tua. Et alibi : Mitte panem tuum super transeuntes aquas, et post multa tempora invenies eum. Atque in Evangelio Christus : Quod superest, inquit, date eleemosynam ; et ecce omnia munda sunt vobis. Hinc quoque Job de se ipso testatur, dicens : Oculus fui cæco, et pes claudō. Pater eram pauperum, et causam quam ignorabam, diligentissime investigabam. Et rursus ait : Si comedi buccellam meam solus, et non comedit pupillus ex ea, quia ab infantia mea crevit mecum misratio, et de utero matris meæ egressa est mecum. Foris non mansit peregrinus, ostium meum viatori patuit. Si autem tam salubre est corporalem eleemosynam atque exteriora misericordiæ opera exercere, quanto salubrius atque sublimius est spiritualem eleemosynam agere, docendo ignorantem, increpando errantem, consulendo ambiguo, orando pro impio, disciplinando peccantem, consolando mœrentem ? Faciat ergo unusquisque eas eleemosynas in quibus magis abundat, sicut Tobias consuluit filio suo, dicens : Noli avertere faciem tuam ab ullo paupere. Ita enim fiet, ut nec a te avertatur facies Domini. Quomodo potueris, ita esto misericors.

Itaque, Beatus qui intelligit super egenum et pauperem : et hoc ideo, quoniam in die mala, id est in die tentationis et persecutionis ac adversitatis, liberabit eum Dominus, ne tentatione vincatur, ne in persecutione per impatientiam superetur,

A ne in adversis frangatur. Liberabit etiam eum a peccatis præteritis, et a reatu peccati : quoniam sicut aqua exstinguit ignem, ita eleemosyna exstinguit peccatum. Propter quod Daniel regi Nabuchodonosor dixit : Peccata tua eleemosynis redime, et iniquitates tuas misericordiis pauperum. Si ergo vis præservari a malis, esto misericors, condole proximis, succurre egenti. Ideo enim Christus ait : Beati misericordes, quoniam ipsi misericordiam consequentur. Et Salomon exhortatur : Misericordia et veritas non te deserant, et invenies gratiam coram Deo et hominibus. Sed quatenus super spiritualiter egenos et pauperes, sapienter intelligamus, curemus implere illud Apostoli : Corripite inquietos, consolamini pusillanimes, suscipite infirmos, patientes estote ad omnes.

Dominus conserret eum in bono, et stabiliat eum in semetipso ; *et vivificet eum* in præsentī per gratiam, et in futuro per gloriam ; *et beatum faciat eum in terra*, id est, in peregrinatione hujus sæculi, in carne mortali, in Ecclesia militanti faciat eum beatum in spe et in sufficientia temporalium rerum, atque in cordibus proximorum suorum, ita ut omnes beatificent eum tanquam hominem pium Deo placentem. Omnino enim hæc concomitantur misericordem in vita præsentī, quemadmodum scriptum est : Benefacit animæ suæ vir misericors ; et rursus, Qui pronus est ad misericordiam, benedicetur. In terra autem viventium et in triumphanti Ecclesia, faciat eum Dominus beatum in re, et in omnium bonorum plenissima possessione. *Et non tradat eum in animam inimicorum ejus*, id est, ab adversariis suis non permittat eum spiritualiter lædi, vinci, aut opprimi, ita ut animæ ejus nil noceant insidiæ inimici. *Dominus opem ferat illi super lectum doloris ejus*, id est in loco et tempore infirmitatis ac indigentiae suæ, et maxime in hora mortis, quatenus tunc misericordiam consequatur, quando amplius misericordia indiget. *Universum stratum ejus versasti in infirmitate ejus* : id est,

Eccli. iii, 33.

Dan. iv, 24.

Matth. v, 7.

Prov. iii, 3, 4.

1 Thess. v, 14.

3

Prov. xi, 17.
Ibid. xiii, 9.

4

corpus ejus, in quo anima quasi in strato jacet, multipliciter convertisti a gravamine ad relevamen, a dolore ad respirationem, atque interdum ab ægitudine ad sanitatem. Vel, Versasti stratum ejus, id est, eum in strato jacentem consolationibus tuis internis refocillasti. Solet enim Deus homines misericordes tempore infirmitatis frequenter et pie fovere ac roborare.

5 *Ego dixi*, corde et ore, considerando me ipsum : *Domine, miserere mei*, id est, misericordiæ tuæ effectum mihi infunde, et quasi condolendo succurre ; *sana animam meam* a læsione peccati, et a carentia gratiæ. Quod ideo rogo, *quia peccavi tibi*, id est ad injuriam tuam. O quam affectuosa et sententiosa ac efficax est oratio hujus versiculi ! quam utinam dicamus non ore tantum, sed intimo corde et pœnitentia humili.

6 *Inimici mei dixerunt mala mihi*, illa videlicet quæ sequuntur : *Quando morietur, et peribit nomen ejus* ? Hoc primitiva Ecclesia maxime dicere potuit, quando omnis qui interficiebat Christianum, arbitrabatur obsequium se præstare Deo. Nam et Diocletianus ac alii quidam tyranni intendebant christianum nomen omnino auferre de terra, et fidem Christi penitus eradicare. Quilibet quoque Christianus persecutionem usque ad mortem propter justitiam passus, dicere potest versiculum istum : sed et de invisibilibus hostibus potest quilibet nostrum hæc dicere. Dæmones enim quotidie inter se dicunt de nobis : *Quando morietur* ? id est, quando inducemus eum ad mortale peccatum, quod est mors animæ ? *et peribit nomen ejus* de libro vitæ, et de memoria Beatorum ac misericordiæ Dei, videlicet ut nobiscum æternaliter condemnetur ? *Et si ingrediebatur* ad me, Christi Ecclesiam seu hominem justum, aliquis insidiator, hæreticus, schismaticus aut perversus, *ut videret* quid crederem, sperarem, amarem et agerem ; *vana loquebatur cor ejus*, id est, dolos cogitavit, proponens adversari fidei orthodoxæ, aut vitæ virtuosæ ac justæ ; *congre-*

Joann. xvi,
2.

7

A *gavit iniquitatem sibi*, id est, ad propriam suam damnationem multiplicavit sibi peccata, varias vias nocendi excogitando. *Egrediebatur foras*, ad malitiæ suæ fautores ac socios, *et loquebatur in id ipsum*, id est, eis exposuit quid contra me concepit. Istud dicere potest Ecclesia et quilibet justus de falsis fratribus et exploratoribus atque hypocritis aliisque perversis. De quibus Joannes in sua Canonica scribit : Ex nobis prodierunt, sed non erant ex nobis ; nam si ex nobis fuissent, permansissent utique nobiscum.

8

1 Joann. ii,
19.

Deinde Ecclesia ait de his : *Adversum me susurrabant*, id est, occulte et malitiose loquebantur, *omnes inimici mei ; adversum me cogitabant mala mihi*, videlicet quomodo possent affligere me. Unde Joannes ait : Nolite mirari si odit vos mundus. Nos scimus quoniam translati sumus de morte ad vitam, quia diligimus fratres. *Verbum iniquum constituerunt*, id est posuerunt, *adversum me*, dicentes : *Numquid qui dormit, non adjiciet ut resurgat* ?

Ibid. iii, 13,
14.

C id est, numquid est alia vita et beatitudo, sicut Christiani dicunt, in qua post hanc vitam vivent et regnabunt ipsi, quos nos modo occidimus ? aut numquid futura est resurrectio mortuorum ? Hæc dicebant infideles contra Christianos, præsertim in primitiva Ecclesia.

9

Etenim homo pacis meæ, in quo speravi, qui edebat panes meos, id est, qui videbantur esse domestici fidei et filii Ecclesiæ, atque propinqui et proximi mei, qui sacramentum corporis Christi quandoque cum aliis acceperunt, *magnificavit super me supplantationem*, id est, tales excitaverunt persecutionem et adversitatem magnam adversus me. Hoc dicit Ecclesia maxime contra hæreticos, qui ad tempus erant in Ecclesia ; sed exeuntes, sectas perditionis introduxerunt. Quilibet etiam qui specialem habuit ac familiarem amicum, si amicus ille recedit a se, et opponit se ei verbis et factis, revelando quoque quæ tempore familiaritatis et amicitiae in fide recepit, talis dicere potest versiculum

10

istum. Talis vero qui ita ab amico recedit, et ei resistit ac detrahit, gravissime et plusquam mortaliter peccat: quoniam non solum contra caritatem, sed etiam contra magnam caritatem atque justitiam directe agit. Et adhuc gravius erit peccatum, si fuerit inter eos pactum seu fœdus amicitiae: quod sine mortali peccato solvi non potest, secundum Thomam quarto Sententiarum. Unde scriptum est: Qui dissolvit pactum, numquid effugiet? Gravissime igitur peccant, qui amicis pristinis tam molesti infidelesque fiunt, et in secreto dicta propalant. Propter quod in Ecclesiastico dicitur: Qui denudat arcana amici, fidem perdit. Denudare enim amici mysteria, desperatio est animæ infelicitis. Salomon quoque ait: Qui ambulat fraudulenter, revelat arcana; qui autem fidelis est, celat amici commissum.

11 Deinde Ecclesia orat: *Tu autem, Domine, miserere mei* ita afflictæ, et *resuscita me*, id est, ruinam occisorum fidelium repara per multiplicationem credentium. Vel, *Resuscita me a somno peccati*: sicut Ephes. v, hortatur Apostolus, Surge qui dormis; et iterum, Tempus est jam nos de somno surgere. Vel, *Resuscita me resurrectione* beata in die novissimo, quando omnes resurgemus, sed non omnes immutabimur. *Et retribuam eis*, id est, hostibus meis justam vindictam retribuam, vel in præsentem eos excommunicando, vel in die iudicii tecum eos dijudicando: quemadmodum alio loco scriptum est, Judicabunt Sancti nationes; et sicut affirmat Apostolus, Nescitis quia Sancti de hoc mundo judicabunt?

12 *In hoc cognovi, o Domine, quoniam voluisti me*, id est, quod a te electa sum, et tibi complacui, *quoniam non gaudebit inimicus meus super me*, id est, nec visibiles nec invisibiles hostes mei æternaliter exultabunt de adversitatibus meis, quamvis ad tempus permittas me ab eis affligi. Nam ad minus post hanc vitam cessabit eorum lætitia, et convertetur in æternam tristitiam, sicut et mea temporalis tristitia

convertetur, hac vita finita, in æternam lætitiam. In die quoque iudicii, quando stabo in magna constantia adversus eos qui me jam angustiis premunt, ipsi videntes me, turbabuntur timore horribili, gementes præ angustia spiritus. Hinc enim per Isaiam Dominus ait Ecclesiæ electorum: Ad punctum in modico dereliqui te, et in miserationibus magnis congregabo te. In momento indignationis meæ abscondi parumper faciem meam a te, et in misericordia sempiterna misertus sum tui.

B *Me autem propter innocentiam suscepisti*, id est, exaudisti et approbasti. Elegit enim Christus sibi Ecclesiam gloriosam, non habentem maculam neque rugam, secundum Apostolum. Hanc tamen innocentiam Ecclesia a Christo sortita est: nec ideo electa, quoniam innocens et immaculata; sed ideo innocens et immaculata, quia electa. *Et confirmasti me in conspectu tuo in æternum*, id est, in fide roborasti me usque in finem sæculi, sicut repromittis: Ecce ego vobiscum sum omnibus diebus usque ad consummationem sæculi. Et alibi: Sponsabo te mihi in sempiternum, et sponsabo te mihi in fide. Non enim deficiet Ecclesia Dei in toto, quamdiu duraverit generatio hominum.

Postremo Ecclesia gratias agit Deo, et ait: *Benedictus Dominus Deus Israel*. Qui versus in præcedenti expositione expositus est.

Ecce psalmus iste pulcherrimus misericordiæ opera vehementer commendat; et quantæ sint persecutiones justorum, evidenter demonstrat, asserens impios susurrare contra innoxios. Quocirca considerare utile est, quid sit susurratio, et de gravitate hujus peccati. Sciendum ergo, quod susurrator et detractor conveniunt in materia et forma loquendi: uterque enim malum de alio loquitur, et hoc occulte. Sed differunt in fine, quia detractor intendit famam alterius denigrare; susurrator vero intendit inter amicos discordiam seminare, mutuamque dilectionem extinguere. Unde in Scriptura habetur: Susur-

Ezech. xlv.
13.

Ecclesi.
xviii. 17, 24.

Psalm. xli.
13.

Ephes. v.
14.
Rom. xiii.
11.
1 Cor. xv.
51.

Sap. iii. 8.

1 Cor. vi. 2

Sap. v. 4

Is. lrv, 7, 8.

13

Ephes. v.
27.

Matth.
xxviii. 20.

Osee ii, 19,
20.

14

Prov. xxvi,
20.

rone subtracto, jurgia conquiescunt. Idcirco susurro non semper intendit malum de alio dicere, sed quidquid putat posse concordiam amicorum destruere. Loquitur enim utrique seorsum quod æstimat unicuique eorum in alio displicere : et ideo susurro et bilinguis idem sunt. Contumeliosus autem intendit honori alterius derogare. Ex quibus patere potest, quod horum vitiorum sit gravius. Peccatum enim, præsertim quod committitur in proximum, dicitur quoniam nocet : quanto ergo peccatum majus nocumentum infert, tanto est gravius. Amicitia vero est majus bonum quam honor aut fama : juxta illud, *Eccli. vi, 15.* Amico fideli nulla est comparatio. Honor quoque majus bonum videtur quam fama : propterea susurratio est majus peccatum quam contumelia vel detractio. Contumelia quoque pejor est detractio, et detractio est gravior furto, quoniam majus bonum aufert quam furtum, videlicet bonam famam, quæ major est et appetibilior exterioribus rebus : juxta illud, *Ibid. xvi, 15.* Curam habe de bono nomine. Hoc enim plus proderit tibi, quam mille thesauri magni et pretiosi. Furtum tamen ex genere suo est mortale peccatum, quoniam

A contrariatur justitiæ. Si ergo furtum est mortale peccatum, et si detractio est gravior furto, et detractio contumelia, atque susurratio pejor quam contumelia, constat quod mortalis atque pestifera sit susurratio. Propter quod in Ecclesiastico habetur : Susurro et bilinguis maledictus ; multos enim turbavit pacem habentes. Et iterum : Susurro coinquinat animam suam, et in omnibus odietur ; et denotatio pessima super bilinguem. Frequenter autem susurratio et detractio pro eodem sumuntur, sicut et in psalmo præsentī. Fugiamus ergo, carissimi, quasi basiliscum et colubrum vitia ista tam venenosa atque mortifera ; discamusque ex psalmo isto misericordiam veram ac patientiam stabilem. *Eccli. xxviii, 15.* *Ibid. xxi, 31; v, 17.*

PRECATIO.

Quæsumus, Deus clementiæ, Pater indulgentiæ, qui solus hominum potens es peccata relaxare, nostri, deprecamur, miserere, et animas tibi peccantium sanare dignare : resuscita nos de tumultis vitiorum, et in die mala libera nos propter nomen tuum.

ARTICULUS LXXXII

EXPOSITIO PSALMI QUADRAGESIMI PRIMI : QUEMADMODUM DESIDERAT CERVUS.

1 ASSIGNATUR insuper psalmo nunc explanando titulus talis : *In finem, intellectus filiis Core* : id est, intellectus iste, in finem seu vitam æternam nos dirigens, competit filiis Core, id est imitatoribus Christi crucifixi, qui terrena despiciunt, cupientes dissolvi et esse cum Christo. Hieronymus autem affirmat hunc psalmum a filiis Core, vel potius ab uno eorum ceteris excellentiore, compositum. Unde ipse in translatione sua, juxta Hebræum, talem ponit titulum : *In finem, intellectus do-*

D ctissimi filiorum Core. Augustinus vero qui omnes psalmos a David editos asserit, dicit hunc psalmum adscribi filiis Core propter spiritualem interpretationem, sicut in præcedentis psalmi tituli expositione ostensum est, vel quia cantabatur ab eis in templo.

LOQUENS ergo auctor psalmi hujus in persona ardentis amatoris, qui dicere potest illud, *Fulcite me floribus, stipate me malis, quia amore langueo*, ait : *Cant. ii, 5.*

- 2 I) *Quemadmodum desiderat cervus ad fontes aquarum, ita desiderat anima mea ad te, Deus.* O verbum duleissimum, o sermo ignitus, o scintilla ex divino igne emissa! Etenim Deus noster ignis est. Et quid dicam ego infelix et tepidus, ac per hoc evomi dignus? Verbum enim jam recitatum, exhortatione eget, non expositione. O vere beatus homo, qui verbum istud veraciter de se ipso dicere potest, ejus anima caritate vulnerata est, qui universum affectum suum in Divinitatis amore pure et immobiliter fixit, ita quod cum B Apostolo dicere queat: Vivo autem jam non ego, vivit vero in me Christus. Talis autem nemo esse aut fieri valet, nisi sui ipsius privatum amorem prorsus evulserit, omnesque animæ affectiones sedatas ac ordinatas habuerit, totumque universum velut nihilum spreverit: quatenus soli duleissimo Deo sincere et affectuosissime inhærere, immergi, inviscerarique possit, omnia arbitrans ut stercora, ut Christum lucrifaciat ac Deum possideat. Tanto enim perfectius inhæret affectus C uni alicui bono, quanto minus per diversa dispergitur.
- Ait ergo: *Quemadmodum desiderat, etc.*, id est, sicut cervus ab insequentibus atque venantibus fatigatus, aquarum fluentia ardentissime cupit, et ad ea velocissime currit; ita, o Creator et Deus ac Dominus meus, *anima mea* hujus vitæ miseriis lasa, tentationibus molestata, variisque impedimentis humanæ fragilitatis a tua contemplatione ac dilectione sæpius impedita, *desiderat ad te*, id est, desiderium suum extendit ad te summum atque incommutabile bonum, summe ac unice finaliterque desiderans ad te venire, desiderans te amplecti, tua dulcedine frui, tuam pulchritudinem intueri, tibi inavertibiliter ac beatifice, intime ac proxime uniri desiderans. Tu enim, o Domine sancte, o Deus benedicte, o gloriose Creator, es thesaurus meus: idcirco ubi tu es, ibi est cor meum. Tu es totum bonum meum, et tu solus es omnia mea; cupio dissolvi, cupio ingredi A gaudium Domini mei, cupio cognoscere sicut et cognitus sum. Et quia in hac vita mortali non queo te perfecte diligere, incessanter laudare, clare agnoscere, atque totaliter honorare; propterea sicut desiderat cervus ad fontes aquarum, ita desiderat anima mea ad te, Deus: non utique principaliter intuitu proprii præmii ac felicitatis, sed amore divini honoris ac bonitatis, quatenus perfecte te diligam, incessabiliter laudem, facie ad faciem videam, et integraliter venerer. Tu es enim B bonum æternum et infinitum, in quo est omnium bonorum et pulchrorum et desiderabilium perfecta possessio.
- Denique tria sunt quæ nos ad Dei amorem inducere debent. Primum est ipsamet bonitas et caritas Dei, quæ, sicut omnem bonitatem et caritatem creatam in infinitum excedit, ita præ omnibus bonis creatis in infinitum exstat desiderabilis atque amabilis: ideoque debemus Deum in infinitum plus amare, quam nos ipsos aut aliquid bonum creatum, seu omnia simul. Secundum est consideratio beneficiorum Dei, videlicet naturalium gratuitorumque donorum. Et ad hanc utramque causam referri potest quod Joannes ait: Carissimi, diligamus Deum, quoniam ipse prior dilexit nos. Tertium est consideratio promissorum Dei, videlicet beatitudinis quam nobis in cœlis promisit ac præparavit, quemadmodum ipse Salvator ait: Vado parare vobis locum; et assumam vos ad me ipsum, ut ubi sum ego, et vos sitis.
- Porro desiderium ex amore procedit: D nullus enim desiderat nisi quod amat. Amor vero est tam absentium quam præsentium; nam tam viatores quam comprehensores Deum amare dicuntur. Desiderium autem proprie sumptum, est tantum absentium: ideo versus iste proprie Christo nunquam convenit, quoniam anima ejus a sui principio semper Deo præsentialiter fruebatur; nec comprehensoribus convenit, nisi sumatur desiderium pro amore fastidium excludente, secundum quem modum Petrus in sua Canonica ait,

1 Cor. XIII, 12.

Ibidem.

1 Joann. IV, 19.

Joann. XIV, 2, 3.

Deut. IV, 24.

Apoc. III, 16.

Galat. II, 20.

Philipp. II, 5.

Matth. VI, 21.

Philipp. I, 23.

1 *Petr.* i, 12. quod in Christum desiderant angeli pro-
spicere. In quantum tamen Christus ali-
quo modo viator erat, et corporis sui glo-
rificationem atque in caelos ascensionem
optavit, sic ei versus iste cum sequentibus
competere potest. Unde et ipse in Evan-
gelio dicit : O generatio perversa et incre-
dula, quamdiu apud vos ero? quamdiu
patiar vos? In quo palam declarat se de-
siderasse reverti ad Patrem per corporis
glorificationem. Quod etiam ostendit lo-
quens discipulis : Si diligeretis me, gau-
deretis utique, quia vado ad Patrem. Et
iterum loquens ad Patrem : Clarifica (in-
quit) me tu, Pater, apud te ipsum, cla-
ritate quam habui priusquam mundus fi-
eret. Vehementer denique desideravit ad
Patrem, quando in cruce pendens et mo-
riens, dixit : Pater, in manus tuas com-
mendo spiritum meum.

Amor autem est omnium virtutum finis
et vertex ac domina. Propter quod Moyses
scribit : Et nunc, Israel, quid Dominus
Deus tuus petit a te, nisi ut diligas eum, et
servias ei in toto corde tuo et in tota ani-
ma tua? Propterea amor correspondet præ-
mium essenziale in patria, scilicet visio
Dei. Tanto enim clarius atque jucundius
Deum videbimus, quanto nunc ejus vi-
sionem ardentius desideramus, quoniam
amor viæ desiderium causat. Desiderium
vero patefacit et aperit affectum amantis
ad recipiendum amatum : imo, quid est
desiderium, nisi apertio appetitus, ad rece-
ptionem dilecti disponens? Quam gloriose
ergo, clare ac intime Deum videbit in pa-
tria, qui nunc ad eum ita desiderat sicut
cervus ad aquarum irrigua! Amemus igitur
et affectuosissime desideremus Deum su-
blimem et sanctum, Patrem luminum, fon-
tem dulcedinis, principium omnis decoris,
in quo est pulchritudo immensa, felicitas
infinita, pax superdulcissima, voluptuosis-
sima vita, interminabilis sapientia, omni-
umque desiderabilium copia sine mensura :
et omnia ista non sunt in eo nisi simpli-
cissimum esse et unitas pura, atque super-
substantialis et superignota subsistentia.

Deinde Propheta convertit sermonem ad
nos, quatenus sui exemplo ad Deum aman-
dum nos provocet, subdens : (2) *Sitivit*, id
est, ardentem et calida affectione concu-
pivit, *anima mea ad Deum fortem* et om-
nipotentem, *vivum* et omnis vitæ fontale
principium, a quo est vita naturæ, vita
gratiæ, et vita gloriæ. Cujus fortitudinem
expertus Darius rex, ait : A me constitu-
tum est, ut omnes timeant Deum Danielis,
quia ipse est Deus vivens. Appellaturque
Deus vivus, ad differentiam eorum qui
putantur dii et immortales, sed corpora
eorum sunt putrefacta, et animæ damna-
tæ, videlicet Jovis, Saturni, Martis, Mercu-
rii. Melius quoque est ut scribatur, Deum
fortem vivum, quam, fontem vivum. Nam
in Hebræo habetur, Fortem vivum. *Quando*
veniam de corpore mortis hujus ad impas-
sibilem statum, de exilio isto ad regnum,
et de peregrinatione viæ hujus ad patriam?
et apparebo ante faciem Dei, ita ut ip-
se mihi appareat, et se ipsum mihi per
speciem manifestet? Tunc enim satiabor,
cum hoc modo apparuerit gloria ejus.
Per faciem enim Dei intelligendus est ipse-
met Deus, ut præsens et agnitus. Hoc modo
sitivit anima Pauli ad Deum, qui clamat :
Infelix ego homo ! quis me liberabit de
corpore mortis hujus? Moyses quoque, qui
ait ad Dominum : Si inveni gratiam in
conspectu tuo, ostende mihi faciem tuam,
ut sciam te.

5 *Fuerunt mihi lacrimæ meæ panes*
die ac nocte : id est, hoc solum fuit mihi
consolatio, recreatio, atque refectio men-
tis ad Deum sitientis, quod præ desiderio
Dei interim lacrimari et ingemiscere potui
die ac nocte, id est certis temporibus diei
ac noctis. Spes enim quæ differtur, affli-
git animam : similiter desiderium cruciat
ardenter amantem donec uniatur dilecto.
Unde qui Deum et patriam vere ac fervide
diligat, non parum affligitur ex mora dila-
tionis : propter quod pallor et macies sunt
signa amoris. Dolor autem interior per ex-
teriores lacrimas mitigatur, quia per fle-
tum afflictio mentis, quæ ante in se clausa

3

Dan. vi, 26.*Ps.* xvi, 15.*Rom.* vii, 24.*Exod.*
xxxiii, 13.

4

Prov. xiii,
12.

fuit, erumpit : sicque minuitur, præsertim A quoniam cordis intentio ad plura diffunditur, et ita interior tristitia minoratur. Et ergo lacrimæ panes sunt animæ gemebundæ et amorosæ, eamque dulciter consolantur, abundanter reficiunt, et in gratia Dei pinguem efficiunt. Unde inferius scri-

ptum est : Cibabis nos pane lacrimarum. Tunc autem fuerunt mihi lacrimæ meæ panes, *dum dicitur mihi quotidie*, ab infidelibus et perversis : *Ubi est Deus tuus*, in quo speras, et quem ita desideras ? quasi dicant : Inanis est fides tua, et vana facta est spes tua. Hoc primitiva Ecclesia dicere potuit, quando persecutores occiderunt et irriserunt fideles, Christique nomen blasphemaverunt, dicentes : Ubi est Christus vester ? Juvet et liberet vos modo, si potest.

5 ¶ *Hæc*, videlicet dilationem præsentiaæ Dei atque irrisiones malorum, *recordatus sum ; et effudi in me animam meam*, id est, ab exterioribus et sensibilibus me ipsum abstraxi, considerationem meam ad interiora mea convertens, et de rebus salutaribus cogitans : sicut Jeremias dicit, Bonum est præstolari cum silentio salutare Dei ; et iterum, Sedebit solitarius et tacebit, quia levabit se super se. Itaque, Effudi in me animam meam, quatenus ab exterioribus et inutilibus absolutus, divinis rebus libera mente vacarem : quod facere nequit, qui rerum tumultibus implicatur. Et hoc est quod Dominus ait per Prophetam alium : Si revertamini et quiescatis, salvi eritis ; in silentio enim et spe erit fortitudo vestra.

Thren. iii.
26, 28.

Is. lxxx, 1.

II Cor. v, 4.

Ideo autem effudi animam meam in me, quoniam transibo in locum tabernaculi admirabilis usque ad domum Dei, id est, quia spem habeo, quod hac peregrinatione completa, ingrediar domum non manufactam, æternam in cœlis, videlicet regnum cœleste, cœlum empyreum, quod est tabernaculum Beatorum, ac triumphantem Ecclesiam, quæ est domus Dei. Unde ait Apostolus : Scimus quoniam si terrestres domus nostra hujus habitationis

dissolvatur, quod ædificationem habemus ex Deo, domum non manufactam, æternam in cœlis. Et ad Hebræos : Habentes, inquit, fiduciam in introitu Sanctorum per sanguinem Christi, accedamus cum corde vero in plenitudine fidei, adspersi corda a conscientia mala. Quod vero nunc dixit in psalmo, Tabernaculi admirabilis, construi potest divisim et conjunctim. Nam et cœlum est locus tabernaculi, quod in se mirabile est ; et hoc ipsum tabernaculum, est Admirabilis, id est Dei, qui summe mirabilis est : de quo infra habetur. Mirabilis Deus in Sanctis suis. Interim vero, dum scilicet in hoc corpore manere compellor, transibo quotidie in locum tabernaculi hujus per contemplationem et spem : sicut ait Apostolus, Nos autem revelata facie gloriam Domini speculantes ; et promissiones cœlestes, seu bona tabernaculi hujus admirabilis, a longe adspiciam et salutabo, confiteborque quoniam peregrinus et hospes sum super terram ; atque per hoc adimplebo quod hortatur divinus et sanctus Apostolus, Festinemus, inquit, ingredi in illam requiem, ut non existimetur aliquis ex nobis deesse. Hoc modo ingrediebatur quotidie tabernaculum illud cœleste Sponsa, quæ ait Sponso virgineo : Trahe me post te, curremus simul in odorem unguentorum tuorum.

Hebr. x, 19,
22.

Ps. lxxvii,
36.

II Cor. iii,
18.

Hebr. xi,
13.

Ibid. iv, 11
et 1.

Cant. i, 3.

(5) *In voce exsultationis et confessionis, sonus epulantis*. Hoc explanatur dupliciter. Primo de viatoribus, ut sit sensus : *Sonus epulantis*, id est verbum seu sermo ejus qui in præsentī gustat et experitur quam dulcis est Dominus, et panem filiorum in mensa Christi manducat, fit *in voce exsultationis*, id est in commemoratione jucunda bonitatis beneficiorumque Dei, et *confessionis*, id est in commemoratione lugubri propriæ ingratitude et iniquitatis. Dum enim, secundum exhortationem Apostoli, epulamur non in fermento veteri, id est in observantiis cærimonialibus legis, neque in fermento malitiæ et nequitiae, gloriando in malis, et exultando in rebus

I Cor. v, 8.

Prov. ii, 14.

pessimis, sed in azyms sinceritatis et veritatis; tunc simul recordari debemus divinæ bonitatis et largitatis, nostræ quoque pravitatis et perversitatis. Sicque contemplando Dei misericordiam, prorumpet sonus noster in vocem exultationis, dicendo illud Jeremiæ: Non est similis tui, Domine. Magnus es tu, et magnum nomen tuum in fortitudine. Quis non timebit te, o Rex gentium? Contemplando autem nostram miseriam, prorumpet sonus noster in vocem confessionis, dicendo illud Job: Vias meas in conspectu ejus arguam, et ipse erit salvator meus. — Secundo exponitur sic: *Sonus epulantis*, id est divinam dulcedinem in suo fonte gustantis, et Deo feliciter in patria perfruents, est *in voce exultationis*, id est exuberantissimæ hilaritatis ex contemplatione Divinitatis, et *confessionis*, id est divinæ laudationis, quemadmodum apud Isaiam dicitur: Gratiarum actio invenietur in ea et vox laudis.

Quum ergo tanta sint tibi bona promissa atque parata, (6) *Quare tristis es, anima mea*, sæculari et mala ac inordinata tristitia propter temporales adversitates atque malitias? et *quare conturbas me*, conturbatione actum rationis impediens, et ex superfluarum cogitationum tumultu nascente? Est enim quædam inordinata tristitia, quæ in viro justo locum non habet, secundum quod Salomon asserit: Non contristabit justum quidquid ei acciderit. Et Ecclesiasticus: Jucunditas cordis, hæc est vita hominis. Tristitiam vero longe expelle a te, quoniam multos occidit tristitia, et non est utilitas in ea. Et de ista tristitia intelligendum est quod de Christo ab Isaia inducitur: Non erit tristis neque turbulentus. Contra hanc tristitiam ordinatur patientia, sicut contra iram mansuetudo: de qua ait Apostolus, Patientia vobis necessaria est, ut voluntatem Dei facientes, reportetis repromissionem. Hæc ergo tristitia, contemplatione et spe futurorum bonorum penitus extirpanda consistit, et de ea potissime psalmus nunc loquitur. Est autem alia quædam tristitia bona, quæ

est actus virtutis, procedens ex consideratione propriæ imperfectionis et culpæ, vel dilatione gloriæ, seu ex contemplatione errorum ac vitiorum quibus homines implicantur. De qua tristitia scriptum est: Cor sapientium ubi tristitia, et cor stultorum ubi lætitia. Itemque: Per tristitiam vultus corrigitur animus delinquentis. Et ista tristitia fuit in Christo, quemadmodum dictum est ab Evangelista: Contristatus est Jesus super cæcitate cordis eorum. Et ipse: Tristis est, inquit, anima mea usque ad mortem. Hæc autem tristitia moderanda est, ne (ut ait Apostolus) absorbeat quis abundantiori tristitia. Talis enim tristitia quamvis in se bona sit, tamen per accidens nocere potest propter corporalis læsionem naturæ, secundum quod Salomon profitetur: Animus gaudens ætatem floridam facit; spiritus tristis exsiccat ossa. Unde quod jam ait, Quare tristis es, anima mea? de hac quoque tristitia aliquantulum accipi potest.

Deinde datur consilium optimum contra tristitiam. (7) *Spera in Deo, quoniam adhuc confitebor illi*: id est, confide quod per gratiam Dei evades tandem omnes causas tristitiæ, et confiteberis Domino confessione laudis perfecta atque perpetua. Quod enim spes expellit tristitiam, liquet ex eo quod ait Scriptura: Qui timetis Dominum, sperate in illo, et in oblectationem vobis veniet misericordia. Confitebor itaque Domino, qui est *salutare vultus mei*, id est objectum et causa beatitudinis animæ meæ, tam in præsentibus quam in futuro: quemadmodum scriptum est, Salus populi ego sum, dicit Dominus; et per Osee, Extra me non est salvator. Qui etiam est *et Deus meus*, a cujus causalitate dependeo, et cujus providentiæ subdor

8 *Ad me ipsum anima mea turbata est*: id est, ex inordinata conversione mei ad me ipsum, et ad inferiora ac sensibilia bona, perturbationem incurrit anima mea. Nam peccata veram tranquillitatem et pacem impediunt, confusionemque et perturbationem inducunt. Dum vero ad Deum con-

Eccle. xii, 5.

Ibid. 4.

Marc. iii, 5.

Matth. xxvi, 38.

II Cor. ii, 7.

Prov. xvii, 22.

Eccle. ii, 9.

Cf. Is. xlii, 11.

Osee xiii, 4.

7

vertimur, pacem sortimur. Propter quod **A** ab Osee dicitur : Convertere ad Dominum Deum tuum, quoniam corruisti in iniquitate tua.

Propterea memor ero tui de terra Jordanis et Hermoniim. In Josue historia scribitur, quemadmodum aquæ Jordanis conversæ sunt retrorsum, ambulaveruntque filii Israel per arentem alveum. Hæc autem ambulatio per Jordanem, figuravit intinctionem fidelium in Baptismo, præsertim quum Christus legatur in Jordane baptizatus. Est itaque sensus : Memor ero tui de terra Jordanis et Hermoniim, id est de mirabilibus, seu propter mirabilia quæ fecisti in terra seu in fundo Jordanis, et in terra Hermoniim, quæ sita est juxta Jordanem, et nomen accepit ab Hermon monte parvo juxta Jordanem locato. Memor, inquam, ero tui, recordando videlicet miraculorum quæ tempore filiorum Israel in hac terra fecisti. Et maxime decet nos memores esse Domini Jesu de terra Jordanis, id est propter opera ejus in Jordane : quatenus recordemur illius ineffabilis dignationis atque incomprehensibilis humilitatis, qua ipse Rex gloriæ, Sanctus Sanctorum, et Deus incarnatus, inter ceteros peccatores venit ad Joannem in Jordanem, ut baptizaretur ab eo; et quomodo illic tactu suæ mundissimæ carnis omnibus aquis vim regenerativam donavit; qualiter insuper mysterium supersanctæ Trinitatis illic ostensum est, quando Filius apparuit in carne, Spiritus Sanctus in columba, et

Matth. iii. 13, 16; Luc. iii. 21.

Matth. iii. 13.

Luc. iii. 21.

tam misericordiam in Baptismo sortitus sum, quomodo ibi Christum indui, virtutes accepi, operibus dæmonis abrenuntiavi, atque altum superbiæ montem deponens, montem modicum me cognovi. Denique de terra Jordanis ita exposita, scilicet de Baptismo, cujus semper reminisci debemus, quatenus innocentiae vestem illie receptam custodiamus, aut perditam reparemus, scriptum est : In diebus illis erit fons patens domui David et habitantibus Jerusalem, in ablutionem peccatoris et **B** menstruatæ.

9 *Abyssus abyssum invocat.* Abyssus dicitur quasi sine fine. Unde et mare propter suam profunditatem, appellatur abyssus. Quid autem in rebus creatis tam sine fine, sicut ignorantia nostra, sicut miseria nostra, sicut malitia nostra? Quid autem in Deo tam sine fine, sicut sapientia ejus cujus non est numerus, sicut misericordia ejus cujus nullus est terminus, sicut bonitas ejus cujus nullus est finis? Est igitur sensus : Abyssus nostræ cæcitatibus **C** ignorantiae invocat, Domine Deus, abyssum tuæ sapientiæ, dicens, Illustra faciem tuam super servum tuum. Abyssus quoque nostræ miseriæ et indigentiae invocat abyssum tuæ misericordiæ et sufficientiæ. Postremo, abyssus nostræ pravitatis invocat seu exorat abyssum tuæ bonitatis. Et hoc, *in voce cataractarum tuarum*, id est in sermone et documentis sacræ Scripturæ, quæ est vox cataractarum tuarum, id est doctrix ac nuntius tuæ bonitatis, misericordiæ et caritatis. In sacra enim Scriptura discimus, **D** quam pius sit Dominus, quam pronus ad indulgendum, quam liberalis et bonus ad dandum, et quam amarus ad opera manuum suarum, præsertim ad rationalem creaturam. Ex hac autem notitia incitamur ad implorationem misericordiæ Dei; sicque abyssus orat abyssum, dicens illud Danielis : Propter temetipsum, Deus meus, inclina aurem tuam, et audi; neque enim in justificationibus nostris prosternimus preces ante faciem tuam, sed in miserationibus tuis multis. Porro cataractæ

Zach. xiii.

8

Ps. cxlvi. 5.

Ps. xxx. 17.

Dan. ix. 17, 18.

proprie nominantur aquæductus aquarum seu ostia fluviorum, et fenestræ seu nubes, ex quibus pluvia oritur. Unde in Genesi Gen. vii, 11. legitur, quando inundavit diluvium : Rupti sunt omnes fontes abyssi magnæ, et cataractæ cæli apertæ sunt. Et apud Malachiam Dominus ait : Inferte omnem decimam in horreum meum, et sit cibus in domo mea ; et probate me super hoc, si non aperuero vobis cataractas cæli, et dederò vobis pluviam. Quum ergo sapientia et misericordia, seu bonitas atque potentia Dei, sint maxime principia omnium emanationum Dei ad extra (nam in scire, posse et velle, est unumquodque perfectum ad operandum, secundum Platonem) ; idcirco sapientia, bonitas et potentia Dei, dici possunt cataractæ ipsius, quia ex eis causantur et fluunt dona divina, sicut ex aquæductu oritur aqua.

10 *Omnia excelsa tua*, id est alta et inscrutabilia judicia tua, et *fluctus tui*, id est pœnæ ac tribulationes reprobis præparatæ, vel justos in hoc sæculo expurgantes, *super me transierunt*, id est, in consideratione animæ meæ fuerunt, ejusque aciem reverberaverunt et superaverunt, quia in contemplatione judiciorum tuorum deficio, et pœnas inferni satis formidare non valeo. De pœnis quoque præsentibus, nescio an sint futurarum pœnarum exordia, an potius vitiorum meorum remedia : eo quod scriptum sit, Omnia in futurum reservantur incerta, quoniam universa æque eveniunt justo et impio, mundo et immundo.

9 (11) *In die mandavit Dominus misericordiam suam* : id est, in tempore prosperitatis, gratiæ atque lætitiæ, præcipit Deus omnia bona suæ pietati adscribi : quatenus qui gloriatur, in Domino gloriatur ; et qui proficit, Deo profectum suum attribuat, quoniam omnis sufficientia nostra ex Deo est ; et qui peccatorum indulgentiam recipit, non suo labori, sed Deo gratias referat, secundum quod Dominus per Isaiam dicit, Ego sum qui deleo iniquitates tuas propter me. *Et nocte canticum ejus* : id est, tempore adversitatis et affli-

ctionis, suspensionisque gratiæ ac consolationis divinæ. mandat Deus canticum suum, id est humilem gratiarum actionem, et patientiam, ac divini nominis benedictionem : quatenus nec in prosperis, nec in adversis a Deo recedat cor nostrum, sed impleat illud Osee, Misericordiam et judicium custodi, et spera in Deo tuo semper. Hoc canticum cantavit Job Domino, in tenebrosissima illa nocte suæ incomparabilis tribulationis, dum dixit : Dominus dedit, Dominus abstulit ; sicut Domino placuit, ita factum est. Sit nomen Domini benedictum. Et alibi : Etiam si occiderit me, in ipso sperabo. Tobias quoque, de quo scriptum est : Non est Tobias contristatus contra Deum, quod plaga cæcitatatis eveniret ei, sed immobilis in Dei timore permansit, agens gratias Deo omnibus diebus vitæ suæ. Propter quod ipsemet ait : Benedico te, Domine, Deus Israel, quoniam tu castigasti me. Nos ergo studeamus Sanctorum sequi vestigia, et in afflictionibus gloriari, pensantes illud Apostoli : Sicut abundat passiones Christi in nobis, ita et per Christum abundat consolatio nostra. Scitote enim quoniam sicut socii passionum estis, sic eritis et consolationis.

12 *Apud me oratio Deo vitæ meæ* : id est, in corde meo, non vago, sed in se ipso collecto, est oratio quam offero Deo, qui est principium totius vitæ meæ tam naturalis quam meritoria. Non enim corde a se ipso diviso et vago, sed interna et stabili mente exorandus est Deus. *Dicam Deo*, cum magna fiducia : *Susceptor meus*, qui me deficientem sustentas, cadentem erigis, orantem exaudis, stantem conservas, atque ad viscera misericordiæ tuæ confugientem paterna ac dulcissima pietate amplecteris, sicut in Evangelio testaris : Eum qui venit ad me non ejiciam foras. Et apud Jeremiam : Convertimini ad me, et sanabo aversiones vestras. Quum ergo sit ita, 15, *Quare, o Domine, oblitus es mei ?* id est, cur differs succurrere, et ita te habes circa me, quasi oblitus esses inopiæ meæ ? et *quare tristis*

Osee xii, 6.

Job i, 21.

Ibid. xiii, 15.

Tob. ii, 13, 14.

Ibid. xi, 17.

II Cor. i, 5, 7.

40

Joann. vi, 37.
Jer. iii, 22.

Is. xlii, 25.

incedo, id est dolens et sine consolatione, *A meam* vehementer accendat, ita ut totum *dum affligit me inimicus*, id est, dum me

41 *persequitur mundus, stimulat caro, et tentat diabolus? 14 Dum confringuntur ossa mea*, id est, dum corporaliter conteror, premor, vel occidor, aut spiritualiter vincor, et gratiam atque virtutes, quæ sunt ossa animæ, perdo, *exprobraverunt mihi, et insultaverunt ac irriserunt, qui tribulant me inimici mei*, videlicet tyranni, seu dæmones, hæretici et perversi. Hi enim ex odio gaudent de adversitate justorum. Hos versus dicamus ad Dominum, quando graves tentationes et magnæ tristitiæ irruunt

Jonæ II, 8, 7.

super nos, quemadmodum Jonas ait: Quum angustaretur in me spiritus meus, Domini recordatus sum. Sublevabis de corruptione vitam meam, Domine Deus meus. 15) *Dum dicunt mihi per singulos dies, Ubi est Deus tuus?* Hoc est quod superius dictum est atque expositum: Fuerunt mihi lacrimæ meæ panes die ac nocte, dum dicitur mihi quotidie, Ubi est Deus tuus?

12 *Quare tristis es, anima mea? et quare conturbas me?* quasi dicat: Propter illorum exprobrationem et persecutionem ac irrisionem non debes tristiari ac conturbari, sed patienter et æquanimiter ferre, atque in adversis gaudere, perpendendo illud

Is. LI, 7, 12.

Isaiæ: Nolite timere opprobrium hominum et blasphemias eorum. Quis es tu, ut timeas ab homine mortali, et a filio hominis, qui quasi fœnum arescit? Illud quoque Apostoli: In omnibus tribulationem patimur, sed non angustiamur; semper mortificationem Jesu in corpore nostro circumferentes, ut et vita Jesu manifestetur in carne nostra mortali. (16) *Spera in Deo*, etc. Versus iste jam satis elucidatus videtur.

II Cor. IV, 8, 10, 11.

Ecce quam gloriosum et sacratissimum psalmum audivimus: et nonne utique ferro et lapide durior est, qui psalmum istum dulcissimum sine affectu pronuntiat? Obsecro te, Domine Deus, amator æternus et ignis innocue ardens, ut quoties primum versum psalmi istius profero, toties tuæ dilectionis flamma animam

DENIQUE psalmus iste singulariter applicari potest sacerdotibus celebraturis, imo et omnibus communicaturis. Debet enim Christi sacerdos cum magno cordis fervore ad superdignissimum Sacramentum altaris consecrandum, tractandum, offerendum, et manducandum anhelare, sitire, ac festinare. Dicat ergo devotissimus Christi sacerdos mox celebraturus: *Quemadmo-*

2

dum desiderat cervus ad fontes aquarum, ita desiderat anima mea ad te, Deus: ad te, Domine Jesu Christe, qui es verus Deus et vita æterna, ejus caro vere est cibus, et sanguis vere est potus, qui in hostia sacra vere et essentialiter contineris, adoraris ac sumeris, Deus et homo. Sitivit anima mea ad Deum fortem vivum, id est ad Christum, qui est virtus et sapientia Patris. *Quando veniam ad altare? et apparebo ibi ante faciem Dei*, id est coram Patre æterno, ut in officio Missæ offeram ei

Joann. VI, 56.

3

Filium suum dilectum, et stem ibi tanquam mediator Dei ac populi? Fuerunt mihi lacrimæ meæ panes die ac nocte. Debet enim sacerdos, si Dominus dederit, lacrimas exuberantes et calidas ante celebrationem effundere, ex desiderio Christi, et ex dolore sui peccati.

4

Hæc, scilicet quod Christum in altari sumpturus sum, *recordatus sum; et effudi in me animam meam*, considerando tam inæstimabilia beneficia Dei, et indignitatem ac ingratitude atque peccata animæ meæ; considerando etiam quid offeram, cui offeram, et propter quid offeram. Omnia enim hæc considerata sunt sacerdoti, non cursorie, sed cum diligentia magna, summoque studio. *Quoniam transibo in locum tabernaculi admirabilis*, id est in ecclesiam Christi, quæ est domus Dei. *In voce exsultationis et confessionis, sonus epulantis*: id est, sermo et omnis locutio sacerdotis in Missa, Christi corpus et sanguinem dulciter atque fideliter manducantis, debet esse in voce

5

exultationis, id est in commemoratione A
lætissima beneficiorum mysteriorumque
Christi ac laudis divinæ; et in voce con-
fessionis, ut oret pro sua ac populi igno-
rantia. Hæc namque duo præcipue in Missæ
officio frequentantur. Quoniam ergo tan-
ta bona in celebratione sumpturus sum,
6 quorum dignitati totus mundus comparari
non potest, *Quare tristis es, anima mea?*
et quare conturbas me? Merito enim in
tantum gaudere debes de tantis benefici-
is Christi, quod nulla afflictio temporali-
lis possit te contristare. *Spera in Deo*, et B
non in meritis tuis; nec te putes dignam
ad ministeria tam divina, sed spera in bo-
nitate divina, in merito Christi, et ita
procede. Cetera ex his facile patent.

Novissime quoque pensandum, quod cer-
vus senectute gravatus, renovari deside-
rans, serpentem narium flatu haurit, et
extrahit de caverna: quo occiso ac devo-

rato, veneno accensus, ad aquam ardentis-
sime currit, qua hausta, pilos cornuaque
deponit. Sic peccator, et præsertim sacer-
dos, vitiorum veneno infectus, ad Chri-
stum fontem æternum fervido appetitu
accedere debet, quatenus hauriat aquas Is. xii, 3.
gratiæ, fluenta misericordiæ, pluviam sa-
pientiæ de fontibus Salvatoris, ac per hoc
interius renovetur, quemadmodum dicit
Apostolus: Licet is qui foris est, noster II Cor. iv,
homo corrumpatur, tamen is qui intus 16.
est, renovatur de die in diem.

PRECATIO.

Appareat in nobis, Domine, virtus tua,
ne desperando pro offensis anima nostra
nimia absorbeatur tristitia; sed tranquil-
litate indulgentiæ tuæ percepta, desidere-
mus quotidie te Deum, sicut cervus ad
fontes aquarum.

ARTICULUS LXXXIII

EXPOSITIO PSALMI QUADRAGESIMI SECUNDI: JUDICA ME, DEUS, ET DISCERNE.

1 HABET autem hic psalmus titulum bre-
vem ac planum, videlicet: *In finem, psal-
mus David*: id est, psalmus iste in Chri-
stum nos dirigens, convenit viro fideli, a
malis hominibus separari et inter justos
annumerari optanti.

A IT ergo: (1) *Judica me, Deus*, in præ-
senti sæculo judicio discretionis, ut
gratiam mihi infundas; et in futuro ju-
dica me judicio beatæ remunerationis, ut
gloriam præstes. Itaque, *Judica me*, id est,
secundum justitiam tuam fac mihi, dando D
desiderio meo salubrem effectum, ita ut
adspicias affectum et studium cordis mei,
quomodo quæro te, et tibi soli placere
desidero, agens quod in me est. Tu ergo
judica me, id est, fac quod ego non possum:

C et sicut promisisti quærentibus te, quod
statim subvenies eis, dummodo fecerint
quod in se est, utpote applicando mentes
suas, quemadmodum Samuel monet, Præ- I Reg. vii, 3.
parate corda vestra Domino, et liberabit
vos; sic peto, o Domine, ut facias mihi.
Non enim sic peto judicari, ut putem me
esse sine peccato, aut cupiam examinari a
te vitia mea, eo quod dicat Scriptura: Quid Job xv, 14,
est homo ut immaculatus sit, et justus ap- 15.
pareat natus de muliere? Ecce inter san-
ctos ejus nemo immutabilis, et cæli non
sunt mundi in conspectu ejus. Et Salomon
ait: Quis potest dicere, Mundum est cor Prov. xx, 9.
meum, purus sum a peccato? Unde quod
dictum est, *Judica me, Deus*, consequenter
exponitur: *et discerne causam meam de
gente non sancta*, id est, vitam meam di-

stingue et separa a vita malorum, ne simul cum illis tibi displiceam et condemnar; *ab homine iniquo*, manifeste nocente, *et doloso*, occulte nocente, *erue me*: imo erue me a me ipso, qui iniquus dolosusque fui, ne sim de cetero qualis eram, sed muter in alium virum, et vocer a te nomine alio, ita ut dicas mihi illud, Meus es tu; et, Ego dilexi te.

Is. XLIII, 1.
4.

2 Ideo autem peto erui a te, (2) *Quia tu es, Deus, fortitudo mea*, id est causa totius fortitudinis meæ; *quare me repulisti*, differendo auxilium gratiæ tuæ, et permitiendo me repelli ac separari a te per tentationes diaboli, aut alio modo? Hoc est quod in Isaia habetur: Ecce, Domine, tu iratus es, et peccavimus, et facti sumus ut immundi omnes nos. *Et quare tristis incedo, dum affligit me inimicus?* id est, cur consolatione tua me privas, dum dæmon aut mundus me tentat et gravat? Hoc autem dicit vir sanctus, non quod sine rationabili causa aliquid a Deo fieri aut permitti existimet, sed quatenus per amorosam ac fiducialem querelam, divinæ bonitatis misericordiam provocet.

Ibid. LXIV,
5, 6.

3 (3) *Emitte lucem tuam*, id est, radium tuæ æternæ increatæque lucis influe animæ meæ. Hic autem radius est gratia Dei, quæ est supernaturalis participatio divinæ essentiæ. Emitte quoque *et veritatem tuam*: id est, testimonia Scripturarum misericordiam tuam petentibus promittentium imple, et vera ostende in me, quatenus Apostoli et Prophetæ, qui dicunt invocantem te non posse perire, fideles inveniantur. Itaque. Emitte lucem tuam, id est, gratiam ac sapientiæ claritatem mihi infunde; et veritatem tuam, id est, fac me misericordiam tuam experiri, sicque cognoscere veram esse Scripturam, quæ te misericordem esse pronuntiat. *Ipsa*, videlicet lux gratiæ tuæ, et veritas Scripturarum, *me deduxerunt per vias rectas, et adduxerunt in montem sanctum tuum*, id est in militantem Ecclesiam, quia per fidem et gratiam factus sum verus Ecclesiæ filius; *et in tabernacula tua*, id est in

Eccli.
XXXVI, 18.

A mansiones cœlestes: de quibus dicit, In domo Patris mei mansiones multæ sunt; et iterum, Facite vobis amicos de mammona iniquitatis, ut quum defeceritis, recipiant vos in æterna tabernacula. Hæc autem tabernacula, sunt distinctæ congregationes Sanctorum, quemadmodum Apostolus profitetur: Vos estis templum Dei vivi, sicut dicit Dominus: Quoniam inhabitabo in illis et inambulabo; et ero illorum Deus. Per gratiam autem et veritatem ac fidem, jam introducti sumus actualiter seu per rem in Ecclesiam militantem, id est in societatem fidelium; sed in futura atque æterna tabernacula introducti non sumus per ea, nisi per contemplationem et spem, nondum per rem. Denique hujus versiculi sensum ponit auctor libri Sapientiæ sub aliis verbis: Mitte, inquit, illam de cœlis sanctis tuis, ut mecum sit, et mecum laboret, ut sciam quid acceptum sit coram te: scit enim illa omnia, et deducet me sobrie.

Joann. XIV,
2.
Luc. XVI, 9.

II Cor. VI,
16.
Ier. XXVI,
12.

Sap. IX, 10,
11.

(4) *Et introibo ad altare Dei*, id est ad Christum Dei ac hominum mediatorem: per quem et in quo omnia nostra sacrificia offerre debemus, quatenus per meritum ejus fiant accepta. Super ipsum etiam omne quod agimus, fundare et collocare debemus. Unde Apostolus ad Hebræos hortatur: Adeamus cum fiducia ad thronum gratiæ ejus, ut misericordiam consequamur, et gratiam inveniamus in auxilio opportuno. Vel, Introibo ad altare Dei, quod est in ecclesia materiali et manufacta, quatenus sacramenta Christi recipiam, oblationemve faciam; nec subsistam in ipso altari, sed introibo mentis affectu et debito cultu *ad Deum qui lætificat juventutem meam*, non corporalem et exteriorem, sed spiritualem ac interiorem, quæ non veterascit cum corpore, sed indesinenter virescit per gratiam, donec ad patriam anima sancta transferatur. Propter quod jubet Apostolus: Exspoliare vos veterem hominem cum actibus suis, et induite novum qui renovatur in agnitionem Dei, secundum imaginem ejus qui creavit illum.

4

Hebr. IV,
16.

Coloss. III,
9, 10.

Hæc ergo juvenus, est spiritualis profectus A in gratia Dei. Hanc Deus lætificat, dum anima corde jucundo et fervido Domino Ps. cxviii, 32. servit, dicens quod infra habetur, Viam mandatorum tuorum cucurri, quum dilatasti cor meum.

(3) *Confitebor tibi*, id est, laudabo te, in cithara, id est in observatione et obedientia mandatorum cœlestium : quæ observatio, dum tribulationibus admiscetur, per citharam designatur, quemadmodum in expositione psalmi tricesimi secundi plenius dictum est, ubi sic legitur : *Confite-* B *mini Domino in cithara. Sic ergo in ad-* 5 *versis laudabo te, Deus, Deus meus. Quare*

tristis es, anima mea? et quare conturbas me? Istud cum versu sequenti, in præcedenti satis expositum arbitror. Ps. xli, 6, 12.

Porro hic psalmus sicut præcedens, ad sacerdotes præcipue pertinet : quorum vita tanto debet esse excellentior vita populi, quanto ipsi ad Deum vicinius accedunt, altiorisque gradus consistunt. Sacerdos ergo celebraturus, singularem a Christo gratiam postulans, dicat : *Judica me, Deus, et discerne causam meam de gente non sancta (secundum sensum præinductum),* B *ne impleatur in me quod per Isaiam et Osee prædictum est : Et erit sicut populus, sic sacerdos.* Is. xxiv, 2; Osee iv, 9.

ARTICULUS LXXXIV

EXPOSITIO ALLEGORICA EJUSDEM PSALMI QUADRAGESIMI SECUNDI DE CHRISTO.

SOLUS denique Christus, omni macula C Scarens, et omni gratia plenus, tutissime dicere potuit, passioni jam proximus, et in ea consistens : *Judica me, Deus Tri-* 1 *nitas : id est, secundum tuam justitiam et merita vitæ meæ retribue mihi, non derelinquendo animam meam in inferno, nec corpus in sepulcro ; nec sanctos patres, pro quibus mortem patior, diutius esse permittas in limbo ; et discerne cau-* *sam meam, id est, conversationis meæ justitiam, propter quam Judæorum invidia me occidit, divide et distingue loco et præ-* D *mio, de gente non sancta me crucifigente, dando mihi secundum justitiam meam, et ostendendo quod falsa mihi imponunt. Ab homine iniquo et doloso, id est a Judæis qui me interdum occulte, et nunc publice persecuti sunt, erue me, per resurrectionem beatam. Quia tu es, Deus, fortitudo mea, secundum quod homo sum : sic enim non* 2 *possum a me ipso facere quidquam. Nam in quantum sum homo, ab aliis hominibus sola gratia differo. Quare me repulisti? id*

est, cur me in cruce ita dereliquisti ut clamarem, Deus meus, Deus meus, ut quid dereliquisti me? Quod quomodo intelligendum sit, in expositione psalmi vicesimi primi patuit. *Et quare tristis incedo, dum affligit me inimicus?* Christus enim in nocte Cœnæ, cum discipulis exiens a Jerusalem trans torrentem Cedron, dixit eisdem : *Tristis est anima mea usque ad mortem. Tunc namque inimicus, id est* Judas, eum afflixit, quia ministros Judæorum secum adduxit. Matth. xxvii, 46. Ps. xxi, 2.

3 *Emitte lucem tuam : id est, clarifica me, sicut et ego clarificavi te manifestando nomen tuum hominibus ; et veritatem tuam : id est, sicut per Prophetas dixisti te resuscitaturum me tertio die, sic age, et omnia de me prophetata adimple, mittendo Apostolis Spiritum Sanctum, sicut* Joel ii, 28, 29. *Joel prædixit, convertendo quoque mundum ad fidem. Ipsa me deduxerunt et adduxerunt in montem sanctum tuum, id est ad thronum gloriæ, ut sedeam tecum* Ps. cix, 1. *ad dexteram tuam, et in tabernacula tua,*

id est in congregationes cœlestium civium, A ut sicut in terra visus sum, et cum hominibus conversatus sum, ita a Beatis comprehensoribus in cœlis videar, et inter eos lætus recumbam. Per gratiam enim Dei assumpta est Christi humanitas, seu Christus ut homo, ad thronum gloriæ super omnes cœlos, ut veritas Scripturæ impleatur. *Et introibo ad altare Dei*, id est, aram crucis, in qua me ipsum offeram Patri, ascendam; deinde introibo *ad Deum qui lætificat juventutem meam*, ascendo ad cœlos. Oportuit enim Christum pati, et ita intrare in gloriam suam. Vel sic: Et introibo ad altare Dei, etc., id est, in ipsum cœlum ingrediar, quod est altare Dei, in quo angeli sancti offerunt Deo preces et vota viatorum, et in quo ego pro mundo rogaturus sum Patrem: quemadmodum ait Apostolus, Non in manufacta sancta Jesus introiit, sed in ipsum cœlum, ut appareat nunc vultui Dei pro nobis.

Confitebor tibi in cithara, id est in obedientia et patientia, faciendo semper et patiando quæ tibi sunt placita, *Deus, Deus meus*. Hoc modo Christus confessus est Patri confessione laudis, non culpæ, dum dixit: Fiat voluntas tua; et iterum, Pater, in manus tuas commendo spiritum

meum. *Quare tristis es, anima mea*, tristitia naturali, non inordinata, propter naturalem horrorem pœnarum ac mortis? *et quare conturbas me*, ita ut in agoniam fierem? Quomodo autem turbatio erat in Christo, sæpe dictum est. *Spera in Deo*, in quantum viatrix es atque passibilis, *quoniam adhuc*, scilicet tertia die post passionem, *confitebor illi*, laudando eum coram illis quibus post resurrectionem apparui. Unde superius dictum est: Narrabo nomen tuum fratribus meis; in medio Ecclesiæ laudabo te. Itaque confitebor ei, qui est *salutare vultus mei*, id est beatitudo intellectus mei creati, et causa salutis ipsius, *et Deus meus*. Deus enim qui est omnium Deus, singularissimo modo est Deus Christi hominis, secundum quod eum incomparabiliter præelegit, prædilexit, assumpsit, et glorificavit. De hac expositione velociter transeo, quoniam ex præinductis ubertim, faciliter innotescit.

PRECATIO.

Fortitudo nostra, Deus, emitte lucem et veritatem tuam in cordibus nostris: quibus, contemplata dulcedine majestatis tuæ, ad infinita visionis tuæ gaudia, tota mentis intentione festinemus pervenire.

ARTICULUS LXXXV

EXPOSITIO LITTERALIS PSALMI QUADRAGESIMI TERTII: DEUS, AURIBUS NOSTRIS AUDIVIMUS.

1 TITULUS denique psalmi istius est: *In finem, filiis Core, ad intellectum*. Hic autem titulus in verbis et sensu idem ac similis est titulo psalmi quadragesimi primi: idcirco ad locum illum lector recurat. Communiter vero exponunt commentatores hunc psalmum, partim de populo Synagogæ, et partim de populo Ecclesiæ, scilicet de utroque commixtim. Sed satagendum est, ut de utroque populo seorsum atque

D totaliter exponatur. Litteraliter enim conscriptus est de populo veteris legis; moraliter autem intelligi potest de populo christiano.

LOQUENS ergo Propheta in persona Synagogæ seu cujuslibet fidelis sub veteri Testamento, ait: (1) *Deus patrum nostrorum*, qui per Moysen dicis: Hæc dices filiis Israel: Deus patrum nostrorum,

2

Ezod. iii, 15.

5

Ps. xxi, 23.

Baruch ut, 38.

4

Luc. xxiv, 26.

Hebr. ix, 24.

Matth. xxvi, 42; Luc. xxi, 46.

Deus Abraham, Deus Isaac, et Deus Jacob A misit me ad vos. Hoc nomen mihi est in æternum, et hoc est memoriale meum in generatione et generationem. Itaque, Deus, *auribus nostris audivimus*. Uti tali replicatione ejusdem, nomine vel re, modus est linguæ Hebrææ, sicut per Isaiam dicitur : *Auditu audietis, et non intelligetis*. Et iterum : Dissipatione dissipabitur terra, commotione commovebitur terra. Nec talis modus loquendi superfluous existimetur, quoniam per ipsum aliquid serius ac diligentius insinuat. Est igitur sensus : Deus, auribus nostris, non solum corporis sed etiam cordis, diligenter audivimus atque advertimus. Et merito, quoniam *patres nostri annuntiarunt nobis*, videlicet Moyses, Josue, alique Prophetæ. Quæ enim a patribus referuntur, diligenter advertere decet. Propter quod in Ecclesiastico habetur : Sapientiam omnium antiquorum exquiret sapiens, et in Prophetis vacabit. Et in Ecclesiaste : Quæ per magistrorum consilium data sunt a pastore uno, his amplius, fili mi, ne requiras.

Quid autem auditum atque narratum sit, subdit : (2) *Opus quod operatus es in diebus eorum*, id est mirabilia quæ fecisti in terra Ægypti, in mari Rubro, in deserto, atque in terra promissionis ; *et in diebus antiquis*, id est mirabilia quæ fecisti a principio mundi usque ad tempora Abrahamæ seu Moysis : quomodo scilicet mundo impiorum diluvium induxisti, universæque carnis labium confudisti, atque Pentapolim, utpote Sodomam, Gomorrhæ, Adama, Seboim, et Segor, igne et sulfure subvertisti.

3 5) *Manus tua gentes disperdidit* : id est, virtus tua omnipotens habitatores terræ promissionis, videlicet Chananæos, Jebusæos, etc., diversimode perdidit et occidit, scilicet per lapides grandinum et manum filiorum Israel ; *et plantasti eos*, id est, patres nostros in terra promissionis firmiter radicasti, et habitare fecisti. *Afflixisti populos Chananæorum timore et desperatione* : quoniam sicut in libro Jo-

sue v, 1. ritus præ timore, quum audissent filios Israel transisse Jordanem* ; *et expulisti eos de terra sua, per mortem et fugam*. * mare Rubrum

(4) *Nec enim in gladio suo possederunt terram*, id est, patres nostri virtute armorum non sunt terram prædictam adepti, *et brachium eorum non salvavit eos*, id est, naturalis eorum potentia non eripuit eos de manibus inimicorum suorum : quoniam multo debiliores eis fuerunt, pensando dumtaxat vires humanas. Unde Moyses di-

B xit populo Hebræorum : Ne dicas in corde tuo : Fortitudo mea et robur manus meæ hæc omnia mihi præstiterunt ; sed recordare Domini Dei tui, quod ipse tibi vires præbuerit. Unde subjungitur : (5) *Sed dextera tua*, o Domine, id est prospera et jucunda subventio tua, *et brachium tuum*, id est potestas tua, *et illuminatio vultus tui*, id est directio qua per gratiam infudisti eis bona ac recta consilia : hæc, inquam, salvaverunt eos, *quoniam complacui in eis* : id est, propter propriam

C bonitatem tuam, qua eos elegisti, et eos tibi placentes fecisti, præstitisti eis hæc bona, non propter eorum justitiam. Et hoc est quod Moyses dicit : Ne dicas in corde tuo, Propter justitiam meam introduxit me Dominus in terram hanc, quum populus durissimæ cervicis sis.

6) *Tu, Deus patrum nostrorum, es ipse rex meus*, qui singulari providentia gubernasti filios Israel, tanquam populum tibi peculiarem, *et Deus meus*, qui me specialiter colis, vitia extirpando, et gratias infundendo : quem et ego specialiter colo credendo, sperando, amando, ac ministrando ; *qui mandas salutes Jacob*, id est, qui per Prophetas bona annuntias, victoriamque promittis semini Jacob. Unde Moyses profitetur : Te elegit Dominus Deus tuus, ut sis ei populus peculiaris de cunctis populis qui sunt super terram : non quia cunctas gentes numero vincebatis, quum sitis omnibus populis pauciores ; sed quia dilexit vos Dominus. (7) *In te sperando, et in tua potentia confidendo, inimicos no-*

Josue v, 1.

* mare Rubrum

4

Deut. viii, 17, 18.

Ibid. ix, 4, 6.

5

Ibid. vii, 6-8.

6

Is. vi, 9.

Ibid. xiv, 3, 4.

Ecclesi. xxxix, 1.

Ecclesi. xii, 11, 12.

Erod. vii, et seq.

Gen. vii, vi, xix.

Josue vi, viii, et seq.

- stros ventilabimus*, id est, in omnem ven- A tum et terram dispergemus, *cornu*, id est clamore devotæ orationis ac humilis confessionis; *et in nomine tuo sperando*, *spernemus*, id est, non reputabimus neque timebimus, *insurgentes in nobis*: quoniam credimus verum esse quod Moyses ait: Persequetur unus ex vobis centum, et decem ex vobis mille, et nullus vobis resistere poterit. Propter quod secundo Paralipomenon dicitur: Domine, non est apud te ulla distantia, utrum in paucis auxili- ris aut in pluribus.
- 7 8) *Non enim in arcu meo sperabo, et gladius meus non salvabit me*: id est, in nullo genere armorum aut humani auxilii ponam spem meam, nec aliquid horum de hostibus meis defendet me. Hinc enim scriptum est: Adjuva nos, Domine Deus noster; in te enim et in nomine tuo habentes fiduciam, venimus contra hanc multitudinem. (9) *Salvastis enim nos de affligentibus nos*: sicut in libro Judicum frequentissime scribitur; *et odientes nos confudisti*: id est, eos qui præsumpserunt quod vincerent atque occiderent nos, vinci et occidi fecisti a nobis, aut in fugam eos vertisti, aut alio modo confusione dignos ostendisti. Propter quod in libro Judicum scriptum est: Flectebatur Dominus misericordia, et audiebat afflictorum gemitus, et liberabat eos de cæde vastantium. (10) *In Deo laudabimur tota die*: id est, victoria, salus, et excellentia nostra Deo assidue adscribetur, et laudabimur de bonis a Deo nobis collatis: non in nobis, quasi non acceperimus, sed in Deo, ne vani, superbi, atque ingrati inveniamur; *et in nomine tuo, Domine, confitebimur in sæculum*, id est, ad honorem et gloriam nominis tui confitebimur indesinenter tua bona tuamque laudem, et nostra mala ac nostram miseriam, quemadmodum apud Jeremiam dicitur: Nolite elevari, sed date Domino Deo vestro gloriam, antequam contenebrescat, et antequam offendant pedes vestri ad montes caliginosos.
- 10 11 *Nunc autem, o Domine, scilicet tem-* pore captivitatis Babylonicæ, et Machabæ-
orum, et sæpe post mortem Judicum, *repu-*
listi nos, id est, tuo auxilio privasti nos, *et*
confudisti nos, tradendo nos in manus ini-
micorum nostrorum. Propter quod Baruch
dicit: Domino Deo nostro justitia, nobis
confusio faciei, sicut est hodie. *Et non*
egredieris [Deus] in virtutibus nostris, id
est, non eris dux nostri exercitus, nec pu-
gnans pro nobis, neque ostendens potesta-
tem tuam in nobis, dejiciendo adversarios
nostros, sicut fuisti dux et egressor ac pro-
B pugnator patrum nostrorum, quemadmo-
dum scribitur: In exercitu nostro Deus
dux est. Et Moyses ait ad Dominum: Si
non tu ipse præcedes nos, ne educa nos
de loco isto. In quo scire poterimus inve-
nisse nos gratiam in conspectu tuo, nisi
ambulaveris nobiscum? 12 *Avertisti nos*
retrorsum, id est, in fugam nos converti
permisisti, *post inimicos nostros*: ita quod
convertimus dorsa nostra hostibus nostris,
quemadmodum Josue ait: Mi Domine,
quid dicam, videns Israellem hostibus suis
C terga vertentem? Baruch quoque: Facti,
inquit, sumus subtus, et non supra, quia
peccavimus Domino Deo nostro. *Et qui*
oderunt nos, diripiebant sibi, id est, nos
ipsi et possessiones nostræ factæ sunt præ-
dæ inimicorum nostrorum.
- 15 *Dedisti nos tanquam oves escarum*:
id est, permisisti nos devorari ac opprimi
ab hostibus nostris, quemadmodum oves,
quæ sunt escæ, devorantur a lupis, et ab
hominibus comeduntur: sicut et Isaïas
prædixit, Devorabunt, inquit, Israel to-
D to ore. Hoc sæpe in Judæis impletum est,
maxime tamen tempore obsidionis Jerusa-
lem a rege Babylonis, quando in tantum
angustiati sunt, ut Jeremias testetur: Ma-
nus mulierum misericordium coxerunt fi-
lios suos; facti sunt cibus earum. *Et in*
gentibus dispersisti nos, scilicet permittens
nos expelli a propria terra. (14) *Vendidisti*
populum tuum sine pretio, id est, tam bo-
no foro eos vendi permisisti, quod pre-
tium illud quasi pro nihilo reputari pos-
sit; *et non fuit multitudo pecuniæ seu*

Cf. Lev.
xxvi, 8.II Par. xiv,
11.

Ibidem.

Judic. ii,
18.Jer. xiii, 15,
16.Baruch i,
15.II Par. xiii,
12.
Exod.
xxxiii, 15,
16.

11

Josue vii, 8.

Baruch ii,
5.

12

Is. ix, 12.

Thren. iv,
10.

13

emptorum *in commutationibus*, id est venditionibus *eorum*, sed pauci erant ementes, et modicum pretium respectu eorum qui vendebantur. Propter quod secundo libro Machabæorum legitur : Erant autem in Jerusalem toto triduo octoginta millia interfecti, quadraginta millia vincti, non minus autem venundati.

14 15 *Posuisti nos opprobrium vicinis nostris*, id est contemptibiles et abjectos coram circumjacentibus et circummorantibus populis. Posuisti quoque nos *subsannationem et derisum*, id est, subsannari naso rugato ac irrideri ore lato nos permisisisti ab *his qui sunt in circuitu nostro*, videlicet a Samaritanis et Moabitibus ac Ammonitis. Unde Nehemias ait : Audi, Deus noster, quia facti sumus despectui. (16) *Posuisti nos in similitudinem gentibus*, id est in exemplum maledictionis : nam tantam induxisti super nos afflictionem, ut dum quis voluerit maledicere alteri, dicat : Sic fiat tibi, quemadmodum contigit populo illi ; *commotionem capitis in populis* : id est, ita nos vastari passus es, ut omnis qui audierit, moveat caput suum, vel ex admiratione, vel ex congratulatione seu compassione, sicut per Jeremiam prædixisti : Derelinquam vos et civitatem quam dedi patribus vestris, et dabo vos in opprobrium et ignominiam.

Jer. XLIII.
39, 40.

16 17 *Tota die verecundia mea contra me est* : id est, rubor seu erubescencia qua erubesco propter peccata quæ feci, et pœnas quas patior, incessanter affligit me ; *et confusio faciei meæ*, qua in me ipso confundor, *cooperuit me*, id est, tam magna laticaque fuit, quod per modum vestimenti obtexit me, et ex omni parte implevit me : sicut peccatoribus per Ezechielem dicitur, Confundimini et erubescite super viis vestris. Unde scriptum est, Universa domus Jacob induit confusionem, videlicet tempore Antiochi regis, populum Israel affligentis. (18) *A voce exprobrantis et obloquentis, a facie inimici et persequentis* : id est, verecundia atque confusio mea inducta est mihi ab his qui exprobrabant detrahe-

Ezech.
XXXVI. 32.
I Mach. 1.
29.

bantque mihi, et ab his qui me persequuntur, videlicet a gentilibus, legem Moysis atque observantias Judaismi spernentibus ac reprobantibus.

19 *Hæc omnia mala jam dicta venerunt super nos, nec obliti sumus te, recedendo a fide, et inique non egimus in testamento tuo*, id est, mandata legis divinæ transgressi non sumus. 20 *Et non recessit retro cor nostrum*, derelinquendo te summum et incommutabile bonum, et bona caduca et vana sectando. Sed quum Deus non inferat pœnam nisi pro culpa, et præsertim per Moysen atque Prophetas promiserit se ab omni hostili incursu defensurum filios Israel, mirum apparet cur tantas super eos pœnas induxerit, si ipsi tam innocentes ac justi fuerunt. Et respondendum, quod psalmus iste loquitur in persona diversorum. Nunc enim ponit ea quæ bonis conveniunt, nunc vero quæ malis. Quamvis ergo quidam filiorum Israel peccaverunt, pœnasque illatas meruerunt, aliqui tamen in fide et cultu Creatoris stabiles permanserunt, et in horum persona locutus est jam Propheta. Unde ait Deus ad Eliam : Derelinquam mihi in Israel septem millia virorum, quorum genua non sunt incurvata ante Baal.

III Reg. XIX.
18; Rom. XI.
4.

Et declinasti semitas nostras a via tua. Hoc dupliciter exponitur. Primo, ut dicatur in persona bonorum ; eritque sensus : *Et declinasti semitas nostras*, id est, per gratiam tuam fecisti ut nos declinaremus et averteremus cogitationes nostras carnales et malas ac vitia *a via tua*, id est a præceptis tuis, per quæ itur ad te : ita quod nos abjecimus atque reliquimus proprias vias, latas et spatiosas, et ingressi sumus viam tuam, quæ est arcta et angusta, salutisque janua : et ita implevimus illud Ecclesiastici, Post concupiscentias tuas non eas, et a voluntate tua avertere ; illud quoque Jonæ, Revertatur vir a via sua mala, et ab iniquitate quæ est in manibus eorum. Unde de his viis seu semitis humanæ adinventionis apud Isaiam scriptum est : Omnes nos quasi oves erravimus ;

Matth. VII.
13, 14.

Eccli.
XVIII. 30.

Jonæ III. 8.

Is. LIII. 6.

- unusquisque in viam suam declinavit. — A Deum constituit, et manus suas (id est desideria sua) ad Deum alienum extendit.
- 25 *Nonne Deus requirit ista?* imo utique. Nam ipse est iudex justus, cuncta discutiens, universa juste disponens, secundum quod sanctus Job asserit : Nonne *Job xxxi. 1.*
Deus considerat viam meam, et omnes gressus meos dinumerat? Et denuo : Verebar, inquit, omnia opera mea, sciens quod non parceres delinquenti. *Ibid. ix. 28.* Ipse enim novit abscondita cordis. Nam omnia nuda et aperta sunt oculis ejus, secundum Apostolum. Propter quod alibi scriptum est : Si occultabitur vir in absconditis, et ego *Jer. xxiii. 24.* non videbo eum? dicit Dominus.
- 24 *Quoniam propter te mortificamur tota die :* id est, nos propter justitiam persecutiones continuas patimur, multisque flagellis atterimur, eo quod fidem ac legem tuam relinquere nolumus; *æstimati sumus sicut oves occisionis :* id est, sicut oves quæ occiduntur, ad nihil utiles æstimantur nisi ut occidantur et manducentur, sic nos ab infidelibus et malignis reputati sumus vita indigni. Istud autem tempore Machabæorum præsertim impletum videtur, quando Antiochus jussit ut omnes qui legem Moysis observabant, trucidarentur. Unde scriptum est : Parati sumus magis mori, quam patrias Dei leges prævaricari. Et iterum : Rex mundi Deus defunctos nos pro suis legibus, in æternæ vitæ resurrectione suscitabit.
- Postremo orat Propheta pro liberatione a malis prædictis. (25) *Exsurge,* id est, per modum a sessione surgentis te habe, et succurre; *quare obdormis, Domine?* id est, cur ab adjutorio cessas, et preces servorum tuorum audire dissimulas? *Exsurge,* protinus suffragando, *et ne repellas in finem,* id est, noli nos diu seu omnino relinquere, quamvis ad tempus succurrere differs. (26) *Quare faciem tuam,* id est pietatis tuæ adspectum atque auxilii gratiam, *avertis,* non statim subveniendo nobis ita afflictis, *oblivisceris inopiæ nostræ et tribulationis nostræ :* id est, ita te habes, ac si non attenderes paupertatem
- 22
- Is. lxxiii. 17.*
- 20
- 21
- 1 Reg. xx. 3.*
- 1 Joann. ii. 3. 4.*
- Tit. i. 16.*
- Sap. i. 1.*
- Philipp. iii. 19.*
Job xxxi. 24.
- 1 Mach. i. 52.*
11 Mach. vii. 2.
Ibid. 9.
- 23
- 24

quam propter te incurrimus, et tribulationem quam propter te patimur? Hoc dicitur, non simpliciter asserendo, quia superius dictum est, Juxta est Dominus his qui tribulato sunt corde; sed dolentis animi affectum explicando, pietatisque aures provocando. Juxta quem modum sanctus Job ait ad Dominum: Clamo ad te, et non exaudis me; sto, et non respicis me: mutatus es mihi in crudelem, et in duritia manus tuæ adversaris mihi. Unde et Habacuc, quasi impatiens factus propter dilationem exauditionis divinæ, ita exorsus est: Usquequo, Domine, clamabo, et non exaudies? vociferabor ad te vim patiens, et non salvabis? Isaias quoque propheta: Multitudo, inquit, viscerum tuorum et miserationum tuarum super me continuerunt se. In tali ergo casu non debemus deficere, nec ab oratione desistere, sed immobiliter credere possibilis esse cælum et terram perire, quam in Domino confidentem ac perseveranter pulsantem relinqui. Ideo namque ait Salvator: Qui perseveraverit usque in finem, hic salvus erit; et, Oportet semper orare, et non deficere. Solet enim nonnunquam Deus tam diu differre, ut probet constantiam nostram, atque ut nostra desideria dilatione crescant, ac per hoc gratiam exuberantiorē obtineant. Propter quod Moyses ait: Recordaberis cuncti itineris per quod adduxit te Dominus Deus tuus, ut affligeret te atque tentaret, et nota fierent quæ versabantur in corde tuo, utrum custodires mandata ejus, an non.

(27) *Quoniam humiliata est in pulvere anima nostra*: id est, nos ipsi humiliavimus nos coram te, projiciendo pulveres ac cineres super capita nostra; *conglutinator est in terra venter noster*: id est, proni in terram cecidimus, et totum corpus nostrum ad honorem tuæ majestatis prostravimus, quatenus misericordiam consequamur. Sic enim facere tempore necessitatis erat consuetudo Judæorum. Unde dicitur: Josue cecidit pronus in terram coram Domino usque ad vesperam.

Sequitur oratio vere devota et efficax atque ignita. (28) *Exsurge, Domine, adjuva nos*, quorum præter te nullus est auxiliator, *et redime nos a malis pœnæ et culpæ*, cunctisque periculis, *propter nomen tuum*, id est, propter te ipsum ac propriam bonitatem, atque ad nominis tui honorem, quemadmodum per Ezechielem dixisti: Non propter vos ego faciam, notum sit vobis, sed propter nomen sanctum meum.

ARTICULUS LXXXVI

ELUCIDATIO MORALIS EJUSDEM PSALMI QUADRAGESIMI TERTII

PORRO moraliter convenit psalmus iste Ecclesiæ Christi multipliciter tribulatæ, seu unicuique Christiano afflictionibus mentis seu corporis pleno, et maxime sanctis martyribus. Horum ergo unusquisque pristina beneficia Dei commemorans, propriamque persecutionem coram Deo proponens, atque ab ea liberari desiderans, ait: *Deus, Dei Unigenite, auribus nostris audivimus*: auribus utique cordis, de quibus in Evangelio dicitur, Qui habet aures audiendi, audiat. Quas non habent Judæi, quibus Moyses dixit: Vos vidistis universa magnalia quæ coram vobis Dominus fecit; et non dedit Dominus vobis cor intelligens, et oculos videntes, et aures quæ possent audire, usque in præsentem diem. De quibus et Isaias testatur: Incrassatum est cor populi hujus, et auribus graviter audierunt. *Patres nostri, videlicet sancti*

Apostoli et Evangelistæ, *annuntiaverunt A* nobis, sermonibus et scripturis, *opus quod operatus es in diebus eorum*, id est miracula quæ coram eis fecisti ante passionem et post passionem, *et in diebus antiquis*, id est miracula quæ fecisti tempore Moysis. Unde Judas apostolus ait : Jesus populum salvans de terra Ægypti, secundo eos qui non crediderunt, perdidit.

3 *Manus tua*, id est potestas tua, o Domine Jesu omnipotens, *gentes*, id est tyrannos et persecutores Ecclesiæ, populumque Judæorum, qui primitivam Ecclesiam penitus extinguere proponebant : quemadmodum narratur in Actis, quod principes sacerdotum præceperunt Apostolis ne omnino loquerentur in nomine Jesu. Has itaque gentes manus tua *disperdidit*, quoniam multi eorum in præsentī vita pessima morte consumpti sunt, et omnes æternaliter perierunt. Sæpe etiam gladio christianorum principum gentiles disperdidisti, videlicet Theodosii, Caroli Magni, et Godefridi de Bologna*. Unde per Michæam de Christo prædictum est : Egressus ejus ab initio, a diebus æternitatis, et magnificabitur in medio universæ terræ. Et apud Isaiam Pater æternus ait de Christo : Disperdiam ei plurimos, et fortium dividet spolia. Et Zacharias loquens de Christo : Egredietur, inquit, Dominus et præliabitur contra gentes, et stabunt pedes ejus super montem Olivarum. *Et plantasti eos*, scilicet patres nostros Apostolos, constituendo eos principes super omnem terram : sicut in psalmo sequenti dicitur. *Afflixisti populos infideles*, secundum modum prædictum, *et expulisti eos*. Nam Judæos de terra promissionis ejecisti, et in ea Christianos habitare fecisti; multas etiam regiones olim gentilibus subditas, Christianis dedisti.

4 *Nec enim in gladio suo possederunt*, patres nostri Christi fideles, *terram*, id est orbem terrarum, quem fidei subjecerunt et Christianis impleverunt. Apostoli enim pauci et idiotæ fuerunt, nec humana eloquentia præditi. Unde ait Apostolus : Prædicatio mea non in persuasibilibus huma-

næ sapientiæ verbis fuit, sed in ostensione spiritus et virtutis. *Et brachium eorum*, id est naturalis eorum potentia, *non salvavit eos* de periculis a quibus frequenter salvati sunt. Nam quum Apostoli in custodia positi essent, angelus eos eduxit. Paulum quoque tertio naufragantem Christus de pelago liberavit : Joannem ex ferventis olei dolio sanum eripuit.

Act. v, 18, 19.

Ibid. xxvii, 14.

Sed dextera tua, id est pia custodia tua, *et brachium tuum*, id est operatio miraculorum, *et illuminatio vultus tui*, id est sapientia quam eis dedisti, præsertim in die Pentecostes, mittendo eis Spiritum Sanctum, qui docuit eos omnem veritatem, ac futurorum præscientiam contulit eis. Per hæc enim, instituta, aucta et stabilita est Christi Ecclesia, ita quod Christiani qui sunt semen et filii Apostolorum, possident terram, et ab hostibus invisibilibus visibilibusque salvantur. Hinc ait Apostolus : Signa apostolatus mei facta sunt super vos in signis et prodigiis et virtutibus. Et ad Hebræos apertius ait : Quomodo effugimus, si tantam neglexerimus salutem, quæ in nos confirmata est, contestante Deo signis et portentis et variis virtutibus et Spiritus Sancti distributionibus? De illuminatione quoque vultus sui super Apostolos Christus prædixit : Ego dabo vobis os et sapientiam, cui non poterunt resistere et contradicere omnes adversarii vestri. Denique de dextera sua, id est gratiosa sua præsentia ac pia custodia, ait : Ecce ego vobiscum sum omnibus diebus usque ad consummationem sæculi.

Ibid. ii, 4.

II Cor. xii, 12.

Hebr. ii, 3, 4.

Luc. xvi, 15.

Matth. xxviii, 20.

Per hæc itaque salutem mentis et corporis Christiani sortiti sunt, *quoniam*, o Christe, *complacuisti in eis*, sicut in Evangelio protestaris : Non vos me elegistis, sed ego elegi vos. Unde Petrus credentibus scribit : Vos genus electum, regale sacerdotium, gens sancta, populus acquisitionis, ut virtutes annuntietis ejus, qui de tenebris vos vocavit in admirabile lumen suum. Ideo Christiani ad fidem Christi ac interiorem salutem perducti sunt ab exordio prædicationis Apostolorum, quia a Chri-

Joann. xv, 16.

I Petr. ii, 9.

I Cor. ii, 4.

* Bullonio

Mich. v, 2, 4.

Is. lxi, 12.

Zach. xiv, 3, 4.

Ps. xlv, 17.

sto electi fuerunt. Hinc namque Paulus A
Act. xvii, Atheniensibus dixit : Tempora prioris igno-
 30, 31. rantiae despiciens Deus, nunc annuntiat
 hominibus ut omnes ubique poenitentiam
 agant, eo quod statuit diem in quo judi-
 caturus est orbem in æquitate, in viro
Ephes. iii, quem statuit. Ad Ephesios quoque : Secun-
 3, 5, 6. dum revelationem, inquit, notum mihi fa-
 ctum est sacramentum, quod aliis gene-
 rationibus non est agnitus sicut nunc
 revelatum est sanctis Apostolis ejus in spiri-
 tu, esse gentes coheredes et concorporales
 et comparticipes promissionis Dei in Jesu B
 Christo. Imo in Christo omnes fideles et
 prædestinati ab æterno electi sunt, quem-
 admodum Apostolus rursus fassus est :
Ibid. i, 4. Deus elegit nos in Christo ante mundi
 constitutionem, ut essemus sancti et immacu-
 lati in conspectu ejus. Unde, secundum
 Augustinum in libro de Prædestinatione
 Sanctorum, Christus est præclarissimum
 exemplar et causa prædestinationis om-
 nium electorum.

Quocirca pensandum, quod in prædesti-
 natione duo considerantur, videlicet ipse C
 actus prædestinantis : sic autem nec Chri-
 stus, nec aliquid est causa prædestinatio-
 nis, quoniam prædestinatio sic accepta,
 est Deus prædestinans, sicut creatio activa
 est Deus creans. Secundo consideratur in
 prædestinatione gratia prædestinantis, quæ
 est prædestinationis effectus. Prædestina-
 tio enim est præparatio gratiæ in præsen-
 ti, et gloriæ in futuro : sic vero Christi
 prædestinatio, est exemplar et causa præ-
 destinationis Sanctorum. Deus enim præor-
 dinavit mundum salvare per Christum, et D
 merito ejus conferre hominibus gratiam.

Ibid. 5, 6. Ideoque Apostolus ait : Deus prædestina-
 vit nos in adoptionem filiorum per Jesum
 Christum, secundum propositum volunta-
 tis suæ in laudem gloriæ gratiæ suæ, in
 qua gratificavit nōs in dilecto Filio suo.
Rom. viii, Et alibi : Quos præscivit, inquit, et præ-
 29. destinavit conformes fieri imaginis Filii
 sui, ut sit ipse primogenitus in multis fra-
 tribus. Denique Christus causam illumina-
 tionis humilium assignans, complacentiam

voluntatis divinæ pro causa inducit, di-
 cens : Confiteor tibi, Pater, Domine cœli *Luc. x, 21.*
 et terræ, quia abscondisti hæc a sapienti-
 bus et prudentibus, et revelasti ea parvu-
 lis. Etiam, Pater, quia sic placuit ante te.
 Unde et Deus ad Moysen apertissime ait :
 Miserebor cui voluero, et clemens ero in
 quem mihi placuerit. Ex quo concludit sa-
 cratissimus noster philosophus : Ergo cu-
 jus vult miseretur, et quem vult indurat.
Exod. Hæc autem introducta sunt contra inimicos
 xxxiii, 19. gratiæ Dei, videlicet contra Pelagianos, et
Rom. ix, 18. ne aliquis unquam in semetipso gloriari
 præsumat, sed sciat totum bonum no-
 strum, id est merita et præmia, esse Dei
 dona, solaque gratia nos esse salvatos.
 Ideo enim Apostolus loquitur : Deus qui
Ephes. ii, dives est in misericordia, propter nimiam
 4, 5, 8, 9. caritatem suam, qua dilexit nos, quum
 essemus mortui peccatis, convivificavit
 nos in Christo, cujus gratia estis salvati.
 Gratia enim salvati estis per fidem : et hoc
 non ex vobis, Dei enim donum est ; non ex
 operibus, ne quis glorietur.

Deinde Ecclesia quilibetque fidelis ait :
Tu, Domine Jesu, es ipse rex meus. De 5
 quo scriptum est : Dominus judex noster, *Is. xxxiii,*
 Dominus legifer noster, Dominus rex no- *22.*
 ster ; ipse veniet et salvabit nos. Et : Sus- *Jer. xxiii, 5.*
 citabo David germen justum ; et regnabit
 rex, et sapiens erit. Et : Ecce rex tuus ve- *Zach. ix, 9.*
 niet tibi justus et salvator, ipse pauper et
 ascendens super asinam. Christus enim Ec-
 clesiam regit, colit, purgat, perficit, atque
 ad vitam æternam perducit. Unde de Chri-
 sto alio loco scriptum est : Stabit et pascet *Mich. v, 4.*
 in fortitudine Domini ; et convertentur ad
 eum. Et Dominus per Ezechielem ait :
 Salvabo gregem meum ; et suscitabo super
 eum pastorem unum, qui pascat eum, ser-
 vum meum David. Ego Dominus ero eis in
 Deum, et servus meus David princeps eo-
 rum. Per David autem, secundum omnes
 doctores, etiam Hebræorum, intelligitur rex
 Messias seu Christus. Tu quoque, Domine
 Jesu Christe, es et Deus meus. Tu enim es
 Unigenitus Dei, Deo Patri consubstantialis,
 cœqualis et cœternus. Unde Joannes ait :

- 1 Joann. v, 20. Simus in Filio Dei Jesu Christo. Hic est A verus Deus et vita æterna. *Qui mandas salutes Jacob*, id est, qui gratiam et misericordiam tuam gratis impendis ac offers Ecclesiæ, et supplantatoribus vitiorum, qui in Evangelio dicis : Venite ad me, omnes qui laboratis et onerati estis, et ego reficiam vos. Et iterum : Petite, et accipietis ; quærite, et invenietis ; pulsate, et aperietur vobis.
- 6 *In te inimicos nostros*, scilicet dæmones, *ventilabimus cornu*, superando tentationes eorum per gratiam tuam. Apostolus enim : Omnia, ait, possum in eo qui me confortat. Christus quoque discipulis ait : Ecce dedi vobis potestatem super omnia dæmonia. Principes etiam Christianorum frequenter Christi virtute visibiles hostes superaverunt. *Et in nomine tuo spernemus insurgentes in nobis*, non formidando eos qui corpus occidunt, sed implendo quod tu ipse dicis : Dico autem vobis amicis meis. Ne terreamini ab his qui corpus occidunt, sed cum timeate qui habet potestatem et corpus et animam perdere in gehennam ignis. Et rursus : Nolite timere, pusillus greg, quia complacuit Patri vestro dare vobis regnum. Et alibi : Non turbetur cor vestrum neque formidet. Hoc beatissimi martyres excellentissime impleverunt, qui tyrannos deriserunt atque spreverunt. Et de primis nostris principibus, scilicet de sanctis Apostolis, scriptum est : Ibant gaudentes a conspectu concilii, quoniam digni habiti sunt pro nomine Domini Jesu Christi contumeliam pati. Et Paulus testatur : Ego D non solum ligari, sed et mori paratus sum pro nomine Domini Jesu Christi.
- 7 *Non enim in arcu meo*, id est in naturali industria aut subtili consilio, aut ad-
8 inventionibus fraudulentis, *sperabo*. *Salvasti enim nos de affligentibus nos*, id est de persecutoribus et tyrannis, quia per mortem corporalem quam nobis intulerunt, æternam vitam adepti sumus ; et *odientes nos confudisti*, quia prædictos adversarios fidei atque Ecclesiæ æternaliter
- A condemnasti. Potest quoque exponi hic versus de dæmonibus nos tentantibus, et concupiscentiis malis nos impugnantibus : contra quos viri sancti continuum bellum habent, sed in nomine Christi hostibus omnibus prævalent. *In Deo laudabimur tota die ; et in nomine tuo confitebimur in sæculum*. Versus iste in præcedenti expositione satis expositus est. Quod autem Ecclesiæ Christi præsertim conveniat, patet ex eo quod ait Scriptura : Omnes qui credebant, erant pariter, et erant illis omnia communia ; et sumebant cibum cum exultatione et simplicitate cordis, et collaudabant Deum, habentes gratiam ad omnem plebem.
- Nunc autem* : videlicet quando hæretici, schismatici, pagani, tyranni et impii devastant Ecclesiam orthodoxam, martyresque occidunt ; *repulisti*, o Domine Jesu, id est, populum tuum affligi permisisti ; et *confudisti nos*, permittens nos ab impiis subsannari ac despici : sicut ait Apostolus, Spectaculum facti sumus mundo C et angelis et hominibus ; et *non egredieris in virtutibus nostris*, id est, de tribulationibus pœnaque mortis in præsentis sæculo non eripies nos. *Avertisti nos retrorsum post inimicos nostros*. Frequenter enim fideles nondum parati ad martyrium, fugerunt, et propria loca reliquerunt timore persecutorum, et captivi ducti sunt, atque post terga hostium vineti venerunt, ac trahebantur. *Et qui oderunt nos, diripiebant sibi terras, civitates, et omnia nostra, quæ reliquimus fugientes seu capti*. Temporibus quippe martyrum, diripiebant sibi tyranni quæcumque martyrum erant. *De-*
12 *disti nos tanquam oves escarum* : id est, tam copiose, tamque pro nihilo nos occidi permisisti, sicut oves mactantur ut manducentur. Implesti enim in nobis, Domine Jesu, quod in Evangelio prædixisti : Venit hora, ut omnis qui interficit vos, arbitretur obsequium se præstare Deo. Et iterum : Trademini a parentibus et propinquis et amicis, et morte afficient ex vobis. *Et in gentibus dispersisti nos*. Usque in hodie-

Act. ii, 44,
46, 47.

10

1 Cor. iv, 9.

11

12

Joann. xvi,
2.

Luc. xxi, 46.

num diem multi fidelium inter infideles A
morantur sub gravi tributo atque pressura:
quemadmodum inter nos commorantur Ju-
dæi. *Vendidisti populum tuum sine pretio.*
Eodem modo et multo amplius contigerunt
frequenter Christianis mala seu pœnæ,
quæ in isto versu ac duobus sequentibus
recitantur, quomodo acciderunt populo
veteris Testamenti : idcirco expositio pa-
tet ex præcedenti expositione.

16 *Tota die verecundia mea contra me est.*
Erubuit enim Ecclesia Christi : vel propter
membra sua infirma, quæ interdum ex B
horrore pœnarum in martyrio defecerunt,
vel fugerunt aut se absconderunt ; vel quia
videbat legem Dei sui contemni et concul-
cari. Vel quia Christiani ab omnibus as-
pernabantur velut insensati et magi at-
que phantastici, sicut de eis dicturi sunt
infideles in die judicii : Hi sunt quos ali-
quando habuimus in derisum, et in simi-
litudinem improprietatis ; nos insensati, vi-
tam illorum æstimabamus insaniam, et
finem illorum sine honore. Quomodo ergo
computati sunt inter filios Dei, et inter C
Sanctos sors illorum est ? Unde et sanctus
Job ait : Deridetur justus simplicitas.

Sap. v. 3-5.

Job xii. 4.

18 *Hæc omnia, tormenta et dura, venerunt
super nos, martyres tuos et servos, Domi-
ne Jesu Christe ; nec obliti sumus te, fi-
dem tuam negando ; et inique non egimus
in testamento tuo, id est, propter perse-
cutiones nequaquam reliquimus viam ju-
stitiæ ; et non recessit retro cor nostrum,
te derelinquendo, et rebus transitoriis in-
hærendo.*

19

Quoniam propter te, id est amore tuo, et 22
propter spem vitæ æternæ, *mortificamur*
tota die, in labore pœnitentiæ, in jejunio
et fletu et planctu, in vigiliis et castigatio-
nibus mentis et corporis, atque omnimoda
abnegatione propriæ voluntatis, bajulan-
do quotidie crucem Christi, et sequendo
vestigia ejus, quemadmodum monet Apo-
stolus : Deponentes omne pondus et cir-
cumstans nos peccatum, per patientiam
curramus ad propositum nobis certamen,
adspicientes in auctorem fidei et consum-
matorem Jesum, ut non fatigemur animis
nostris. *Æstimati sumus sicut oves occisio-
nis.* Hoc et cetera nunc ommissa, in præce-
denti expositione satis elucidata videntur.
Hunc autem versiculum allegat Apostolus
tanquam de se ac sibi similibus dictum,
quos nulla adversitas a Dei amore averte-
re potest. Sic nempe inducit : Quis ergo
nos separabit a caritate Christi ? tribula-
tio ? an angustia ? an persecutio ? an fa-
mes ? an gladius ? Sicut scriptum est : Quo-
niam propter te mortificamur tota die,
C æstimati sumus ut oves occisionis. Et alibi
ait : Quotidie morior propter vestram glo-
riam, fratres, quam habeo in Christo Jesu
Domino nostro.

Luc. ix. 23.

Hebr. xii. 1-3.

Rom. viii. 35, 36.

I Cor. xv. 31.

PRECATIO.

Quæsumus, omnipotens misericordia,
propter delicta nostra ne declines semitas
nostras de via tua ; sed sic eas juste et pie
vivendo teneamus, ut a te mandatas salu-
tes Jacob in æternum obtineamus.

INDICES

LOCA S. SCRIPTURÆ PRÆCIPUA

QUÆ AD ILLUSTRANDUM COMMENTARIUM

AB AUCTORE PASSIM ALLEGANTUR

GENESIS.

- I. 1. In principio creavit Deus cælum et terram, 397D.
— 9. Dixit... Deus : Congregentur aquæ quæ sub cælo sunt, in locum unum, et appareat arida. 4C.
VI. 6, 7. Tactus (Deus) dolore cordis intrinsecus, Delebo, inquit, hominem quem creavi, a facie terræ, 79B'.
XV. 1. Ego protector tuus sum, et merces tua magna nimis, 92A.

EXODI.

- XX. 48. Cunctus... populus videbat voces, 104B'.
XXIII. 49. Non coques hædum in lacte matris suæ, 352D.
XXXIII. 5. Dixit... Dominus ad Moysen : Loquere filiis Israel :... Jam nunc depone ornatum tuum, ut sciam quid faciam tibi, 480D'.
— 43. Si... inveni gratiam in conspectu tuo, ostende mihi faciem tuam, ut sciam te, 672C'.

LEVITICI.

- VI. 43. Ignis est iste perpetuus, qui nunquam deficiet in altari, 557A'.

NUMERORUM.

- XI. 43. Obsecro ut interficias me, et inveniam gratiam in oculis tuis, ne tantis afficiar malis, 95A.

DEUTERONOMII.

- II. 30. Noluit... Sehon, rex Hesebon, dare nobis (filiis Israel) transitum, quia induraverat Dominus... spiritum ejus, et obfirmaverat cor illius, 50C.

- IV. 49. Ne forte elevatis oculis ad cælum, videas solem et lunam et omnia astra cæli, et errore deceptus adores ea et colas, quæ creavit Dominus Deus tuus in ministerium cunctis gentibus quæ sub cælo sunt, 455B'.

- XVI. 16, 17. Non apparebit ante Dominum vacuus; sed offeret unusquisque secundum quod habuerit, 576A.

- XX. 2-4. Appropinquante... prælio, stabit sacerdos ante aciem, et... loquetur... : Audi, Israel,... nolite metuere..., quia Dominus... in medio vestri est, 361A.

- XXX. 20. Ipse (Dominus) est... vita tua et longitudo dierum tuorum, 626B'.

- XXXII. 1. Audite, cæli, quæ loquor; audiat terra verba oris mei, 517B.

- 8. Constituit terminos populorum, juxta numerum filiorum Israel, 102C'.

I REGUM.

- XVI. 7. Nec juxta intuitum hominis ego judico : homo enim videt... quæ parent, Dominus autem intuetur cor, 37D.

II REGUM.

- XII. 11, 12. Ecce ego... tollam uxores tuas... et dabo (eas) proximo tuo, et dormiet cum uxoribus tuis... Tu... fecisti abscondite, ego autem faciam verbum istud in conspectu omnis Israel, et in conspectu solis, 50C.

- XIV. 14. Non vult Deus perire animam, sed retractat, cogitans ne penitus pereat qui abjectus est, 652B'.

III REGUM.

- VIII. 48, 49. (Si) in terra inimicorum... ad quam captivi ducti fuerint,... oraverint te,

- contra viam terræ suæ... et templi quod
ædificavi, exaudies... orationes eorum, 96B'.
XVII, 1. Vivit Dominus,... in ejus conspectu
sto, 402C.
XIX, 4. Sufficit mihi, Domine, tolle (quæso)
animam meam, 95A.

I PARALIPOMENON.

- XXVIII, 9. Tu..., Salomon, fili mi, scito Deum
patris tui, et servito ei corde perfecto et ani-
mo voluntario, 330B, 407B.

I ESDRÆ.

- IX, 6. Deus meus, confundor et erubescō leva-
re faciem meam ad te, quoniam iniquitates
nostræ multiplicatæ sunt super caput no-
strum, et delicta nostra creverunt usque ad
cælum, 94C.

II ESDRÆ.

- VIII, 10. Ite, comedite pingua, et bibite mul-
sum,... quia sanctus dies Domini est, 89D'.

TOBLE.

- III, 22. Non... delectaris (Domine) in perditio-
nibus nostris, 29C.
XII, 13. Quia acceptus eras Deo, necesse fuit
ut tentatio probaret te, 56B'.

ESTHER.

- IX, 17. Quem (diem) constituerunt esse solen-
nem, ut in eo omni tempore deinceps vaca-
rent epulis, gaudio atque conviviis, 89D'.
XIV, 3. Adjuva me solitariam, et cujus præter
te nullus est auxiliator alius, 55A.

JOB.

- III, 3. Pereat dies in qua natus sum, 79C'.
V, 17, 18. Beatus homo qui corripitur a Deo.
Increpationem ergo Domini ne reprobes,
quia ipse vulnerat, et medetur; percutit, et
manus ejus sanabunt, 57B'.
VI, 2, 3. Utinam appenderentur peccata mea,
quibus iram merui, et calamitas quam pa-
tior, in statera! Quasi arena maris hæc gra-
vior appareret, 18C.
— 4. Sagittæ Domini in me sunt, quarum

indignatio ebit spiritum meum, et terro-
res Domini militant contra me, 637D.

- XIII, 28. Qui quasi putredo consumendus sum,
et quasi vestimentum quod comeditur a ti-
nea, 5C'.

- XXI, 9. Non est virga Dei super illos (impios),
58D'.

— 12. Tenent tympanum et citharam, et gau-
dent ad sonitum organi, 600C'.

— 14. Recede a nobis,... scientiam viarum
tuarum nolumus, 624C'.

- XXII, 12, 14. An non cogitas quod Deus excel-
sior cælo sit,... nec nostra considerat, et
circa cardines cœli perambulat? 455C'.

- XXVII, 2. Vivit Deus qui abstulit iudicium
meum, 559B'.

- XXXIII, 15, 16. Per somnium in visione no-
cturna... aperit aures virorum, 394C'.

- XXXVI, 5. Deus potentes non abjicit, quum et
ipse sit potens, 603B.

— 17. Causa tua quasi impii iudicata est, cau-
sam iudiciumque recipies, 617A.

PSALMORUM.

- II, 7. Ego hodie genui te, 400C'.

- IX, 30. Insidiatur (peccator)... quasi leo in
spelunca sua, 11B.

- XII, 1. Usquequo, Domine, oblivisceris me in
finem? 80B.

- XVII, 4. Laudans invocabo Dominum, et ab
inimicis meis salvus ero, 93C.

- XVIII, 13. Ab occultis meis munda me (Domi-
ne), 97A'.

- XX, 12. Quoniam (perversi) declinaverunt in
te mala, 41A'.

- XXI, 7. Ego... sum vermis, 400C'.

- XXIV, 3. Neque irrideant me inimici mei,
24A.

- XXVI, 1. Dominus illuminatio mea; ... Domi-
nus protector vitæ meæ, 69B'.

- XXXII, 7. Congregans sicut in utre aquas ma-
ris, ponens in thesauris abyssos, 4C.

— 9. Ipse dixit, et facta sunt, 19A'.

- XXXIII, 19. Juxta est Dominus iis qui tribula-
to sunt corde, 58C'.

- XL, 2. Beatus qui intelligit super egenum et
pauperem; in die mala liberabit eum Domi-
nus, 100C.

- XLIX, 4. Advocabit cælum desursum et ter-
ram discernere populum suum, 276D.

- L, 20. Benigne fac, Domine, in bona voluntate
tua Sion, 94B'.

- LII, 6. (Quoniam) Deus dissipavit ossa eorum qui hominibus placent; confusi sunt, quoniam Deus sprexit eos, 54D'.
- LXVIII, 6. Deus, tu scis insipientiam meam, 400D'.
- LXXII, 5-7. In labore hominum non sunt, et cum hominibus non flagellabuntur. Ideo tenuit eos superbia... Prodiit quasi ex adipe iniquitas eorum; transierunt in affectum cordis, 24D, 241C'.
- LXXIII, 19. Ne tradas bestiis animas confitentes tibi, 23D'.
- LXXIX, 6. Cibabis nos pane lacrimarum, 673A.
- LXXX, 13. Dimisi eos secundum desideria cordis eorum, ibunt in adinventionibus suis, 57B.
- LXXXIII, 3. Cor meum et caro mea exultaverunt in Deum vivum, 421B'.
- XCI, 12. Despexit oculus meus inimicos meos, 153B.
- CII, 10. Non secundum peccata nostra fecit nobis, neque secundum iniquitates... retribuit nobis, 93B'.
- 18. Et memores sunt mandatorum ipsius, ad faciendum ea, 88A.
- CIII, 5. Qui fundasti terram super stabilitatem suam; non inclinabitur in sæculum sæculi, 3B.
- 9. Terminum posuisti quem (aquæ) non transgredientur, 5A.
- 27. Omnia a te expectant, ut des illis escam in tempore, 11A'.
- CVIII, 24. Caro mea immutata est propter oleum, 157C.
- CXLIV, 15. Oculi omnium in te sperant, Domine, et tu das escam illorum in tempore opportuno, 11D.
- CXLV, 4. Exhibet spiritus ejus, et revertetur in terram suam, 279A.
- CXLVI, 9. Dat (Deus) jumentis escam ipsorum, et pullis corvorum invocantibus eum, 11C'.
- CXLVIII, 5. ... Ipse dixit, et facta sunt, 19A'.

PROVERBIORUM.

- I, 26. Ego... in interitu vestro ridebo, 98C.
- II, 14. Qui lætantur quum male fecerint, et exsultant in rebus pessimis, 600C'.
- III, 11, 12. Disciplinam Domini, filii mi, ne abjicias, nec deficias quum ab eo corripieris. Quem enim diligit Dominus, corripit; et quasi pater in filio complacet sibi, 57B', 93A'.

- VIII, 29. (Deus)... appendebat fundamenta terræ, 2B'.
- X, 9. Qui ambulat simpliciter, ambulat confidenter, 467C'.
- XI, 14. Salus. . (est) ubi multa consilia, 405C'.
- XII, 21. Non contristabit justum quidquid ei acciderit, 674C.
- XIII, 3. Qui custodit os suum, custodit animam suam; qui autem inconsideratus est ad loquendum, sentiet mala, 610B.
- XIV, 9. Stultus illudet peccatum, 236C'.
- 15. Innocens credit omni verbo, 468C'.
- XVI, 1. Homini est animam præparare, et Domini gubernare linguam, 645B'.
- 4. Universa propter semetipsum operatus est Dominus, 49C.
- 7. Quum placuerint Domino viæ hominis, inimicos... ejus convertet ad pacem, 330C.
- XXI, 1. ... Cor regis in manu Domini (est), 88B.
- 31. Equus paratur ad diem belli, Dominus autem salutem tribuit, 153A', 281D', 604A'.
- XXII, 6. Adolescens juxta viam suam, etiam quum senuerit, non recedet ab ea, 87B'.
- 11. Qui diligit cordis munditiam,... habebit amicum regem, 88B.
- XXV, 2. Gloria Dei est celare verbum, 117C'.
- 27. Sicut qui mel multum comedit, non est ei bonum; sic qui scrutator est majestatis, opprimetur a gloria, 38A, 59C'.
- XXVI, 20. Susurrone subtracto, jurgia conquiescent, 669D'.
- XXIX, 2. In multiplicatione justorum lætabitur vulgus; quum impii sumpserint principatum, gemet populus, 191A.

ECCLESIASTÆ.

- III, 14. Non possumus eis quidquam addere nec auferre, quæ fecit Deus ut timeatur, 49C.
- VII, 5. Cor sapientium ubi tristitia est, et cor stultorum ubi lætitia, 674A'.
- 19. ... Qui timet Deum, nihil negligit, 145B'.
- IX, 2. ... Omnia in futurum servantur incerta, eo quod universa æque eveniant justo et impio,... mundo et immundo, 676C.
- 3. Hoc est pessimum inter omnia quæ sub sole fiunt, quia eadem cunctis eveniunt; unde et corda filiorum hominum implentur malitia et contemptu in vita sua, 469C.
- 46. Et dicebam ego meliorem esse sapientiam fortitudine, 279D.
- XI, 1. Mitte panem tuum super transeuntes

aquas, quia post tempora multa invenies illum, 577B, 667B.

XI, 3. In quocumque loco ceciderit (lignum), ibi erit, 634B.

CANTICI CANTICORUM.

I, 4, 2. Osculetur me osculo oris sui, quia meliora sunt ubera tua vino, fragrantia unguentis optimis, 474C, 541A.

V, 4. Comedite, amici, et bibite; et inebriamini, carissimi, 591C.

VI, 9. Pulchra ut luna, electa ut sol, 548B'.

VIII, 6. Pone me ut signaculum super cor tuum, 532C'.

SAPIENTIE.

I, 11. Os... quod mentitur, occidit animam, 434A'.

— 13. ... Deus mortem non fecit, nec lætatur in perditione vivorum, 29C.

III, 8. Judicabunt (justi) nationes, et dominabuntur populis, 421B'.

— 11. Sapientiam... et disciplinam qui abjicit, infelix est, 95C'.

IX, 15. Corpus... quod corrumpitur, aggravat animam, et terrena inhabitatio deprimit sensum multa cogitantem, 59C.

XI, 25. Diligis... omnia quæ sunt, et nihil odisti eorum quæ fecisti, 29C'.

XIV, 11. Creaturæ Dei in odium factæ sunt et in tentationem animabus hominum, et in muscipulam pedibus insipientium, 32C'.

ECCLESIASTICI.

I, 27. Timor Domini expellit peccatum, 481C.

II, 11. ... Nullus speravit in Domino, et confusus est, 278B'.

III, 22, 23. Altiora te ne quæsieris, et fortiora te ne scrutatus fueris; sed quæ præcepit tibi Deus, illa cogita semper, et in pluribus operibus ejus ne fueris curiosus. Non est enim tibi necessarium, ea quæ abscondita sunt, videre oculis tuis, 38A, 59C'.

— 31. Auris bona audiet cum omni concupiscentia sapientiam, 248D'.

V, 6, 8, 9. Et ne dicas: Miseratio Domini magna est... Non tardes converti ad Dominum, et ne differas de die in diem. Subito... veniet ira illius, et in tempore vindictæ disperdet te, 441A'.

V, 17. Denotatio pessima super bilinguem, 472A'.

VI, 2. Non te extollas in cogitatione animæ tuæ velut taurus, 533D'.

— 7, 8. Si possides amicum, in tentatione posside eum, et ne facile credas ei. Est enim amicus secundum tempus suum, et non permanebit in die tribulationis, 639D'.

VII, 40. In omnibus operibus tuis memorare novissima tua, et in æternum non peccabis, 646C'.

X, 2. Secundum judicem populi, sic et ministri ejus; et qualis rector est civitatis, tales et inhabitantes in ea, 342A.

XI, 27. In die bonorum ne immemor sis malorum, et in die malorum ne immemor sis bonorum, 595D'.

XV, 3. Aqua sapientiæ salutaris potabit illum, 544D.

XVI, 18, 19. Ecce cælum et cæli cælorum, abyssus et universa terra, et quæ in eis sunt, in conspectu illius (Dei) commovebuntur, montes simul et colles, et fundamenta terræ; quum conspexerit illa Deus, tremore concutientur, 5A'.

XVII, 1, 5, 6. Deus creavit de terra hominem... Cor dedit illis excogitandi;... creavit illis scientiam spiritus, sensu implevit cor illorum, 10B.

XIX, 26. Ex visu cognoscitur vir, et ab occurso faciei cognoscitur sensatus, 201B'.

XX, 6. Est tacens, non habens sensum loquelæ; et est tacens, sciens tempus aptum, 640D'.

— 7. Homo sapiens tacebit usque ad tempus, lascivus autem et imprudens non servabunt tempus, 645B.

XXI, 28. ... Verba... prudentium statim ponderabuntur, 645C.

XXIII, 1, 3. Domine pater... ne derelinquas me,... et gaudeat super me inimicus meus, 24A.

— 28, 29. ... Oculi Domini multo plus lucidiores sunt super solem, circumspicientes omnes vias hominum... Domino enim Deo, antequam crearentur, omnia sunt agnita, 604C.

XXIV, 8. Gyrum cæli circuivi sola, et profundum abyssi penetravi, 602A'.

XXV, 22, 23. Non est caput nequius super caput colubri, et non est ira super iram mulieris, 92B'.

XXVI, 3. Pars bona, mulier bona; in partimentum Deum dabitur viro pro factis bonis, 109A.

- XXVII, 6. Vasa figuli probat fornax, et homines justos tentatio tribulationis, 56B'.
- XXVIII, 1, 3-5. Qui vindicari vult, a Domino inveniet vindictam... Homo homini reservat iram, et a Deo quærit medelam? In hominem similem sibi non habet misericordiam... : quis exorabit pro delictis illius? 449A'.
- 45. Susurro et bilinguis maledictus; multos enim turbabit pacem habentes, 670A'.
- XXX, 41, 42. Non des illi (filio) potestatem in juventute; curva cervicem ejus,... et tunde latera ejus dum infans est, 87B'.
- XXXIV, 9. Qui non est tentatus, quid scit? 344B'.
- XXXV, 2. Sacrificium salutare est attendere mandatis, 376A.
- XLIII, 36. Multa abscondita sunt majora his; pauca enim vidimus operum ejus, 457D.
- XLIV, 14. Corpora ipsorum (sanctorum) in pace sepulta sunt, 490D.
- XLVIII, 13, 14. (Eliseus)... non pertimuit principem;... et mortuum prophetavit corpus ejus, 393A'.

ISALE.

- I, 46. Auferte malum cogitationum vestrarum ab oculis meis, 413A'.
- 24. Heu, (ego Dominus) consolabor super hostibus meis, 98C.
- III, 42. Popule meus, qui te beatum dicunt, ipsi te decipiunt, et viam gressuum tuorum dissipant, 607C.
- VI, 1. Vidi Dominum sedentem super solium excelsum et elevatum, 394A.
- XII, 3. Haurietis aquas in gaudio de fontibus Salvatoris, 544A'.
- XXIV, 22. Post multos dies visitabuntur (reges terræ), 467B.
- XXVI, 8, 9. Nomen tuum et memoriale tuum (Domine), in desiderio animæ. Anima mea desideravit te in nocte, sed et spiritu meo in præcordiis meis de mane vigilabo ad te, 609B.
- XXVIII, 9. Quem docebit (Dominus) scientiam?... ablactatos a lacte, avulsos ab uberibus, 2A.
- 49. Tantummodo sola vexatio intellectum dabit auditui, 56D'.
- XXX, 1, 2. Væ, filii desertores, dicit Dominus, ut faceretis consilium, et non ex me; et ordiremini telam, et non per spiritum meum;... et os meum non interrogastis, 38C.

- XXX, 45. Si revertamini et quiescatis, salvi eritis; in silentio et in spe erit fortitudo vestra, 673C.
- 48. ... Deus judicii Dominus; beati omnes qui exspectant eum, 460B.
- XXXVII, 29. Ponam... circum in naribus tuis, et frenum in labiis tuis, 26C'.
- XL, 7. Vere fœnum est populus, 24B'.
- 26. Levate in excelsum oculos vestros, et videte quis creavit hæc, 49C.
- XLII, 4. Non erit tristis neque turbulentus (electus), 674D.
- XLIV, 24. Ego sum Dominus faciens omnia, extendens cœlos solus, stabiliens terram, et nullus mecum, 2B'.
- XLV, 6, 7. Ego Dominus, et non est alter, formans lucem et creans tenebras, faciens pacem et creans malum, 52D.
- 8. Ego Dominus creavi eum (Christum), 445B.
- 13. Ipse (Cyrus) ædificabit civitatem meam, 249C.
- 24. Ad eum (Christum) venient, et confundentur omnes qui repugnant ei, 509C.
- LII, 13. Ecce intelliget servus meus, exaltabitur, et elevabitur, et sublimis erit valde, 445B.
- LIII, 4. Nos putavimus eum quasi leprosum et percussum a Deo, 94C.
- 5, 6. ... Disciplina pacis nostræ super eum, et livore ejus sanati sumus,... posuit Dominus in eo iniquitatem omnium nostrum, 55B, 506B'.
- 8. Propter scelus populi mei percussi eum, 51A.
- LIV, 7, 8. Ad punctum in modico derelinqui te, et in miserationibus magnis congregabo te. In momento indignationis abscondi faciem meam parumper a te, et in misericordia sempiterna misertus sum tui, 41A.
- 16. Ecce ego creavi fabrum sufflantem in igne prunas, 33A.
- LV, 2. Delectabitur in crassitudine anima vestra, 538B'.
- 9. Sicut exaltantur cœli a terra, sic exaltatæ sunt viæ meæ a viis vestris et cogitationes meæ a cogitationibus vestris, 603B.
- LVI, 10. Speculatores ejus cæci omnes, nesciunt universi, canes muti non valentes latrare, videntes vana, dormientes, et amantes somnia, 659D'.
- LVII, 20. Impii... quasi mare fervens, quod quiescere non potest, 35A'.

- LIX, 2. ... Iniquitates vestrae dividerunt inter vos et Deum vestrum, 405B', 539C.
- LXIII, 1. Quis est iste qui venit de Edom, tinctis vestibus de Bosra? 550C'.
- 2. Quare... rubrum est indumentum tuum, et vestimenta tua sicut calcantium in torculari? 550D'.
- 15. Ubi est... multitudo viscerum tuorum et miserationum tuarum (Domine)? Super me continuerunt se. 80B.
- 17. Quare errare nos fecisti, Domine, de viis tuis, indurasti cor nostrum, ne timere-mus te? 50C.
- LXV, 15. Servos suos vocabit (Dominus) nomine alio, 486D.
- 16, 17. ... Oblivioni traditæ sunt angustiae priores,... et non erunt in memoria priora, 546C'.
- LXVI, 3. Qui immolat bovem, quasi qui interficiat virum; qui mactat pecus, quasi qui excerebret canem, 432B, 654A.
- 19. ... Mittam ex eis qui salvati fuerint, ad gentes in mare, in Africam et Lydiam, tendentes sagittam, in Italiam et Græciam, ad insulas longe;... et annuntiabunt gloriam meam gentibus, 518B.
- 23. Erit mensis ex mense, et sabbatum ex sabbato, 647D.

JEREMIÆ.

- II, 35. Ecce ego iudicio contendam tecum, eo quod dixeris, Non peccavi, 597D'.
- III, 3. Frons mulieris meretricis facta est tibi; noluisti erubescere, 552A.
- 16. Non dicent ultra, Arca testamenti Domini; neque ascendet super cor, neque recordabuntur illius,... nec fiet ultra, 337A'.
- V, 11, 12. Prævaricatione... prævaricata est in me domus Israel et domus Juda, ait Dominus; negaverunt Dominum, et dixerunt, Non est ipse, 477B.
- 21, 22. Audi, popule stulte, qui non habes cor :... me .. non timebitis... qui posui arenam terminum mari, præceptum sempiternum quod non præteribit? 5A, 602C'.
- VI, 8. Erudire,... ne forte recedat anima mea a te (Jerusalem), 624D'.
- IX, 23, 24. Non gloriatur sapiens in sapientia sua, et non gloriatur fortis in fortitudine sua, et non gloriatur dives in divitiis suis; sed in hoc gloriatur qui gloriatur, scire et nosse me, 19C', 604C'.

X, 19. Dixi, Plane hæc infirmitas mea est, et portabo illam, 637B'.

— 24. Corripe me, Domine, verumtamen in iudicio et non in furore tuo, ne forte ad nihilum redigas me, 439C, 597A'.

XI, 18, 19. Tu,... Domine, demonstrasti mihi, et cognovi,... ostendisti mihi studia eorum;... et non cognovi quia cogitaverunt super me consilia, dicentes: Mittamus lignum in palem ejus, 665C.

XII, 1, 2. ... Quare via impiorum prosperatur, et bene est omnibus qui prævaricantur?... Plantasti eos (Domine), et... proficiunt, 48B.

XIII, 23. Si mutare potest Æthiops pellem suam, aut pardus varietates suas, et vos poteritis benefacere, quum didiceritis malum, 624C'.

XIV, 8, 9. ... Quare quasi colonus futurus es in terra, et quasi viator declinans ad manendum? Quare futurus es velut vir vagus? 656A'.

XV, 15. Tu scis, Domine, recordare mei, et visita me, et tuere me ab his qui persequuntur me, 587B.

XVIII, 6. Numquid sicut figulus... non potero vobis facere, domus Israel?... Ecce sicut lutum in manu figuli, sic vos in manu mea, 614D.

XX, 9. ... Factus est (sermo Domini) in corde meo, quasi ignis exæstuans, claususque in ossibus meis; et defeci, ferre non sustinens, 594D, 609B.

XXVII, 6. ... Insuper et bestias agri dedi ei (Nabuchodonosor), 156C'.

XXX, 9. Servient... David regi suo quem suscitabo eis, 509B'.

— 11. ... Castigabo te (Jacob) in iudicio, ut non videaris tibi innoxius. 56D'.

LI, 9. Curavimus Babylonem, et non est sanata, 68A'.

THRENORUM.

IV, 20. Spiritus oris nostri, Christus Dominus, captus est in peccatis nostris, 530D'.

BARUCH.

II, 18. Anima quæ tristis est super magnitudine mali, et incedit curva et infirma,... dat tibi gloriam et iustitiam Domino, 610A', 638B'.

EZECHIELIS.

- III, 26. Linguam tuam adhærere faciam palato tuo, et eris mutus nec quasi vir objurgans, 541D'.
 VI, 9. ... Contrivi cor eorum fornicans et recedens a me, 661B.
 XII, 6. 11. ... Portentum dedi te domui Israel. Dic (filiis Israel) : Ego portentum vestrum, 533B.
 XVI, 42. Auferetur zelus meus a te;... nec irascar amplius, 57B, 353C.
 XXI, 3. ... Occidam in te justum et impium, 79A', 85C'.

DANIELIS.

- I, 8. Proposuit... Daniel in corde suo, ne pollueretur de mensa regis, neque de vino potus ejus, 87D'.
 VII, 21. Adspiciebam, et ecce cornu illud faciebat bellum adversus sanctos, et prævalebat eis, 463B.
 — 25. Tradentur (sancti) in manu ejus (Antichristi), usque ad tempus et tempora et dimidium temporis, 464C.
 X, 1. Intelligentia... est opus in visione, 397A'.

OSEE.

- II, 6. ... Ecce ego sepiam viam tuam spinis, et sepiam eam maceria, 597A'.
 IV, 14. Non visitabo super filias vestras quum fuerint fornicatæ, 57B.
 V, 1. ... Laqueus facti estis speculationi, et rete expansum super Thabor, 86B'.
 X, 2. Divisum est cor eorum; nunc interibunt, 430A'.
 — 40. Juxta desiderium meum corripiam eos, 98C'.
 XIII, 9. Perditio tua, Israel; tantummodo in me auxilium tuum, 480A'.
 — 44. Ero mors tua, o mors; morsus tuus ero, inferne, 506D.
 XIV, 3. Omnem aufer iniquitatem;... et red-demus vitulos labiorum nostrorum, 565A'.

JOEL.

- II, 11. ... Multa sunt nimis castra ejus (Domini)... fortia, et facientia verbum ejus, 564C.

AMOS.

- III, 6. Si erit malum in civitate, quod Dominus non fecerit? 53A, 461D'.
 V, 10. Odio habuerunt corripientem,... et loquentem perfecte abominati sunt, 95B'.
 — 25. Numquid hostias et sacrificium obtulistis mihi in deserto quadraginta annis, domus Israel? 654D.
 VIII, 11. Ecce... mittam famem in terram, non famem panis, neque sitim aquæ, sed audiendi verbum Domini, 632B'.

JONÆ.

- III, 10. Misertus est Deus super malitiam quam locutus fuerat ut faceret eis (Ninivitis), et non fecit, 41A'.

MICHEÆ.

- II, 11. Utinam non essem vir habens spiritum, et mendacium potius loquerer, 646B.
 III, 8. Ego repletus sum fortitudine spiritus Domini, judicio et virtute, ut annuntiem... Israel peccatum suum, 646A'.
 IV, 8. Et tu, turris Gregis nebulosa, 239D'.
 VI, 8. Indicabo tibi, o homo, quid sit bonum, et quid Dominus requirat a te: utique facere judicium, et diligere misericordiam, 601C'.

NAHUM.

- I, 2. Ulciscens Dominus, et habens furorem, 79B'.
 — 9. Non consurget duplex tribulatio, 97D'.

HABACUC.

- I, 13. Mundi sunt oculi tui ne videas malum, et respicere ad iniquitatem non poteris: quare respicis super iniqua agentes, et taces devorante impio justiore se, 469D.
 — 16. ... Cibus ejus electus, 21C'.
 II, 4. Ecce qui incredulus est, non erit recta anima ejus in semetipso. Justus autem in fide sua vivet, 601D.
 III, 2. Quum iratus fueris, misericordiæ recorderis, 96D.

ZACHARIÆ.

- II, 8. Qui... tetigerit vos, tangit pupillam oculi mei, 356B'.

VII, 41, 42. Noluerunt attendere, et averterunt scapulam recedentem... Cor suum posuerunt ut adamantem, ne audirent legem, 253D'.

VIII, 44, 45. Sicut cogitavi ut affligerem vos, quum ad iracundiam provocassent patres vestri me;... sic conversus cogitavi, in diebus istis, ut benefaciam domui Juda et Jerusalem, 603A'.

IX, 44. Tu quoque, in sanguine testamenti tui, emisisti vinctos tuos de lacu in quo non est aqua, 657C'.

XIII, 4. In die illa erit fons patens domui David et habitantibus Jerusalem, in ablutionem peccatoris et menstruatæ, 675A'.

XIV, 7-9. Erit dies una, quæ nota est Domino, non dies neque nox; et in... die illa... erit Dominus rex super omnem terram, 647D.

MALACHIE.

III, 4, 3. Veniet ad templum suum Dominator quem vos quæritis;... et sedebit conflans et emundans argentum, et purgabit filios Levi, 558D'.

IV, 2. Orietur vobis timentibus nomen meum Sol justitiæ, 608A.

— 5, 6. Ecce ego mittam vobis Eliam prophetam, antequam veniat dies Domini magnus et horribilis; et convertet cor patrum ad filios, et cor filiorum ad patres eorum, 479B'.

I MACHABÆORUM.

XII, 4. Vidit Jonathas quia tempus eum juvat, 547B'.

II MACHABÆORUM.

VI, 43. Multo tempore non sinere peccatoribus ex sententia agere, sed statim ultiones adhibere, magni beneficii est indicium, 57A.

XV, 26, 27. Judas..., et qui cum eo erant, ... manu quidem pugnantes, sed Dominum cordibus orantes..., 513D'.

MATTHÆI.

V, 3. Beati pauperes spiritu, quoniam ipsorum est regnum cœlorum, 505B.

— 4. Beati mites, quoniam ipsi possidebunt terram, 554B', 629D.

— 45. Qui (Deus) solem suum oriri facit super

bonos et malos, et pluit super justos et injustos, 62C.

VI, 9. ... Sanctificetur nomen tuum, 96C, 576C.

XV, 8. Populus hic labiis me honorat, cor autem eorum longe est a me, 491C'.

— 16. Adhuc et vos (Apostoli) sine intellectu estis? 502A.

XXI, 9. Hosanna filio David; benedictus qui venit in nomine Domini, 452C.

XXV, 29. Omni... habenti dabitur et abundabit, 609D.

MARCI.

XII, 43. Amen dico vobis, quoniam vidua hæc pauper plus omnibus misit, 400B.

LUCÆ.

I, 43. Unde hoc mihi ut veniat Mater Domini mei ad me? 397D.

— 48. ... Beatam me dicent omnes generationes, 663B'.

— 52. Deposuit potentes de sede, et exaltavit humiles, 577D'.

VI, 27, 35. Diligite inimicos vestros, benefacite his qui oderunt vos;... et eritis filii Altissimi, quia ipse benignus est super ingratos et malos, 62C.

— 37. Nolite judicare, et non judicabimini, 604C'.

VIII, 28. Obsecro te (Jesu, Fili Dei), ne me torqueas, 30B.

IX, 26. ... Qui me erubuerit et meos sermones, hunc Filius hominis erubescet, quum venerit in majestate sua, 551D'.

X, 49. Ecce dedi vobis potestatem calcandi supra serpentes et scorpiones, et super omnem virtutem inimici, 26B.

XI, 24. Quum fortis armatus custodit atrium suum, in pace sunt ea quæ possidet, 27B.

XII, 35. Sint lumbi vestri præcincti; et lucernæ ardentes in manibus vestris, 610A.

XIII, 27. Nescio vos unde sitis, 459D.

XIV, 45. Beatus qui manducabit panem in regno Dei, 399C, 547A.

XVI, 9. Facite vobis amicos de mammona iniquitatis, ut quum defeceritis, recipiant vos in æterna tabernacula, 400D.

— 25. ... Recepisti bona in vita tua, 54C', 62B.

XXI, 49. In patientia vestra possidebitis animas vestras, 449B'.

JOANNIS.

- I, 8. Non erat ille lux, 502B'.
- II, 19, 21. Solvite templum hoc, et in tribus diebus excitabo illud. Ille... dicebat de templo corporis sui, 471 C.
- V, 19, 20. Non potest Filius a se facere quidquam, nisi quod viderit Patrem facientem... Pater enim diligit Filium, et omnia demonstrat ei quæ ipse facit, 653A.
- 22. ... Pater... omne iudicium dedit Filio, 419B'.
- 30. Non possum ego a me ipso facere quidquam, 656B'.
- VIII, 12. Ego sum lux mundi; qui sequitur me, non ambulat in tenebris, 410A.
- 34. ... Omnis qui facit peccatum, servus est peccati, 36C'.
- IX, 32. A sæculo non est auditum, quia quis aperuit oculos cæci nati, 416B.
- X, 22. Facta sunt... Encænæ in Jerosolymis; et hiems erat, 289C.
- 32. Multa bona opera ostendi vobis ex Patre meo: propter quod eorum opus me lapidatis? 613D'.
- XII, 31, 32. Nunc princeps hujus mundi ejicietur foras. Et ego si exaltatus fuero a terra, omnia traham ad me ipsum, 26B.
- XIV, 10. Pater... in me manens, ipse facit opera, 653A.
- XVII, 3. Hæc est... vita æterna, ut cognoscant te solum Deum verum, et quem misisti Jesum Christum, 527A.
- 5. ... Clarifica me tu, Pater, apud temetipsum, claritate quam habui, priusquam mundus esset, 424A'.
- 24. Pater, quos dedisti mihi, volo... ut videant claritatem... quam dedisti mihi, quia dilexisti me ante constitutionem mundi, 569B'.

ACTUUM.

- II, 23. Hunc (Christum), definito consilio et præscientia Dei traditum... interemistis, 51B.
- III, 18. Deus... quæ prænuntiavit per os omnium Prophetarum pati Christum suum, sic implevit, 51B.
- X, 34. Eleemosynæ tuæ (Corneli) commemoratae sunt in conspectu Dei, 98C'.
- 36, 38. Verbum misit Deus filiis Israel, annuntians pacem per Jesum Christum,... qui

pertransiit benefaciendo et sanando omnes oppressos a diabolo, 89A'.

AD ROMANOS.

- V, 20. Ubi... abundavit delictum, superabundavit gratia, 408B.
- VII, 23. Video... aliam legem in membris meis, repugnantem legi mentis meæ, 490A.
- VIII, 29. ... Quos (bonos) præscivit et prædestinavit conformes fieri imaginis Filii sui, 396B'.
- 32. ... Proprio Filio suo non pepercit (Deus), sed pro nobis omnibus tradidit illum, 664A.
- 38, 39. Certus sum..., quia neque mors, neque vita, neque angeli,... neque creatura alia poterit nos separare a caritate Dei, 545B.
- IX, 20, 21. O homo, tu quis es, qui respondeas Deo? Numquid dicit figmentum ei qui se finxit, quid me fecisti sic? Annon habet potestatem figulus luti, ex eadem massa facere aliud quidem vas in honorem, aliud vero in contumeliam? 61C.
- XI, 36. ... Ex ipso, et per ipsum, et in ipso sunt omnia, 649B.
- XIV, 7. Nemo... nostrum sibi vivit, 575C'.
- XV, 4. Quæcumque... scripta sunt, ad nostram doctrinam scripta sunt, ut per patientiam et consolationem Scripturarum spem habeamus, 343B.
- XVI, 20. Deus... conterat Satanam sub pedibus vestris velociter, 26A.

I AD CORINTHIOS.

- IV, 4. Nihil... mihi conscius sum, 79C.
- IX, 9. ... Numquid de bobus cura est Deo? 41D'.
- XI, 31. Quod si nosmetipsos dijudicaremus, non utique judicemur, 408B'.
- XII, 7. Unicuique... datur manifestatio Spiritus ad utilitatem, 393B.
- XIV, 20. Nolite pueri effici sensibus, sed matritia parvuli estote, 452D.
- XV, 51. Omnes... resurgemus, sed non omnes immutabimur, 408C'.

II AD CORINTHIOS.

- I, 3, 4. Benedictus Deus,... qui consolatur nos in omni tribulatione nostra, 355B.
- 7. ... Sicut socii passionum estis, sic eritis et consolationis, 41B.

I, 8. ... Supra modum gravati sumus, supra virtutem, ita ut tæderet nos... vivere, 79 C', 93 B.

II, 11. Non... ignoramus cogitationes ejus (diboli), 30 D.

V, 6, 7. ... Dum sumus in corpore, peregrinamur a Domino. Per fidem enim ambulamus, et non per speciem, 651 A.

XI, 14. Ipse... Satanas transfigurat se in angelum lucis, 30 D.

AD GALATAS.

V, 15. ... Si invicem mordetis et comeditis, videte ne ab invicem consumamini, 563 C'.

— 17. Caro... concupiscit adversus spiritum, 59 C.

AD EPHESIOS.

I, 4. ... (Deus) elegit nos in ipso (Christo) ante mundi constitutionem, 688 B.

— 5, 6. Qui (Deus) prædestinavit nos in adoptionem filiorum per Jesum Christum, ... secundum propositum voluntatis suæ in laudem gloriæ gratiæ suæ, in qua gratificavit nos in dilecto Filio suo, 688 D.

— 17, 18. ... Pater gloriæ det vobis spiritum sapientiæ, ... ut sciatis quæ sit spes vocationis ejus, 647 A.

II, 8, 9. Gratia... estis salvati per fidem, et hoc non ex vobis : Dei enim donum est ; non ex operibus, ut ne quis glorietur, 688 B'.

V, 14. Surge, qui dormis, et exsurge a mortuis, 426 B'.

VI, 14. State... succincti lumbos vestros in veritate, 2 A.

AD PHILIPPENSES.

III, 2. Videte canes, videte malos operarios, videte concisionem, 542 B.

AD COLOSSENSES.

I, 3, 13. Gratias agimus Deo et Patri, ... qui... nos... transtulit in regnum Filii dilectionis suæ, 544 C.

— 24. ... Gaudeo in passionibus pro vobis, et adimpleo ea quæ desunt passionum Christi in carne mea, pro corpore ejus quod est Ecclesia. 56 B.

I AD THESSALONICENSES.

IV, 3. Hæc est... voluntas Dei, sanctificatio vestra. 568 C'.

V, 17. Sine intermissione orate, 407 A'.

I AD TIMOTHEUM.

I, 15. ... Jesus venit... peccatores salvos facere, quorum primus ego sum, 79 B.

V, 20. Peccantes coram omnibus argue, ut et ceteri timorem habeant, 244 A.

AD HEBREOS.

II, 11, 12. ... Non confunditur frater eos vocare dicens : Nuntiabo nomen tuum fratribus meis. 537 B.

— 17. ... Debit per omnia fratribus similari, ut misericors fieret, 506 C'.

X, 5. Corpus... aptasti mihi, 634 B.

XI, 13, 14. Juxta fidem defuncti sunt omnes isti, non acceptis repromissionibus, sed a longe eas adspicientes et salutantes, et confitentes quia peregrini et hospites sunt super terram. Qui enim hæc dicunt, significant se patriam inquirere. 92 A.

XII, 8. Quod si extra disciplinam estis, cujus participes facti sunt omnes, ergo adulteri et non filii estis, 57 C', 514 C.

JACOBI.

I, 2. Omne gaudium existimate, fratres mei, quum in tentationes varias incideritis, 57 B'.

III, 8. Linguam... nullus hominum domare potest, 645 A'.

IV, 1. Unde bella et lites in vobis? nonne... ex concupiscentiis vestris? 490 B.

I PETRI.

I, 8, 9. ... Videntes (Jesum)... exultabitis lætitia inenarrabili et glorificata, reportantes finem fidei vestræ, salutem animarum (vestrarum). 527 B.

II, 19. Hæc est... gratia, si propter Dei conscientiam sustinet quis tristitias patiens injuste, 449 C'.

II PETRI.

II, 19. ... Quum ipsi (iniqui) servi sint corru-

ptionis ; a quo enim quis superatus est, huius et servus est, 36 C'.

I JOANNIS.

I, 5. ... Deus lux est, et tenebræ in eo non sunt ullæ, 501 B.

APOCALYPSIS.

III, 49. Ego, quos amo, arguo et castigo, 98 A.

IV, 8. ... Requiem non habebant, die ac nocte

dicentia : Sanctus, Sanctus, Sanctus, Dominus Deus omnipotens, 584 B'.

XI, 17. Gratias agimus tibi, Domine Deus omnipotens, ... quia accepisti virtutem tuam magnam, et regnasti, 642 C.

XIII, 11. Habebat (Antichristus) cornua duo similia Agni, 464 B.

XVIII, 7. Quantum glorificavit se, et in deliciis fuit, tantum date illi tormentum et luctum, 592 C'.

XXI, 22. Templum non vidi in ea ; Dominus enim ... omnipotens, templum illius est et Agnus, 564 C'.

INDEX ANALYTICUS

A

ABDIAS propheta. Textus quidam ejus expla-
natur, 52B.
ABIMELECH, alias Achis, rex Geth, 605D, quid
mystice significet, 606B.
ABRA, ancilla Judith, cur sic dicta, 154B.
ABRAHAM, in ignem projectus illæsus evasit,
252C. — Quare vocatus Abraham, 252D. —
Fide placuit Deo, 277B'. — *Vide etiam* Ju-
dæi auctores.
ABSALON, filius David, quatenus peccaverit
uxores patris polluendo, 50C, A', vel ad-
versus eum rebellando, 422C. — Spiritualiter,
figura fuit Judæ proditoris, 423D, mun-
di, 425D', et Judæorum, 444D.
ABYSSUS. Sic vocantur mare, 602A', 675B',
et judicia Dei, quo sensu, 625A'. — Sic dici
possunt miseria hominis et misericordia
Dei, 675B'. — Abyssus, quomodo abyssum
invocet, 675B'.
ACCIPITER, avis, quæ sit, 14C. — Quotannis
de novo plumescit, 16A', quomodo, 16B'.
ACHIOR, dux Ammonitarum, quomodo He-
bræorum historiam cognoverit, 138C'. —
Verba ejus ad Holophernem, 138D'. — A
Judæis salvatus, 142A, et adoptatus, 142A',
ad Judaismum transiit, 162B', quo jure,
162C'. — Quid mystice, 141A'.
Achior alius, Tobiae consobrinus. *Vide*
116B'.
ACHITOPHEL, consiliarius Absalonis, quid fi-
guret, 444D.
ADAM et filii Adam, in Scripturis, quid, 428C.
ADAR mensis, quis, 181D'. — xiv^{us} et xv^{us} dies
hujus solennizati sunt, 191C', et dicti Phu-
rim, quare, 192B. — *Cf.* Mensis.
ADEPS. Concludere adipem suum, quid sit,
492D', 496A'.
ADONAI, nomen Dei, quid significet, 166D.
ADVENA. Quomodo homo advena sit apud
Deum, 650A', et in terra, 650D'.

ADVERSA. In adversis probantur amici, 639D'.
— *Cf.* Pænæ, Tentatio, Tribulatio.
ÆGIDIUS (Romanus) Ord. S. Augustini theolo-
gus, perpulchre de Fato tractavit, 67A'. —
Adde 299A'.
ÆGYPTUS. Ibi habitabant plurimi Judæi, 329A.
— Epistola Jerosolymitanorum ad Judæos
Ægypti, 329A, 331B'. — *Cf.* Ptolemæus.
ÆMULATIO in Scripturis varie sumitur, 628D.
AER decies subtilior est aqua, centies terra,
2D'. — In pulmone, calore cordis calefit,
32D'.
ÆSOPUS fabulator, citatur, 47D.
AGAR, ancilla Abrahæ, figurat Synagogam,
433A.
AGATHON (S.) anachoreta, quid de orationis
labore senserit, 440C. (Acta SS. die XXI^a Oc-
tobris.)
AGGÆUS propheta, in Babylone natus, 220A,
captivorum reditum et civitatis restauratio-
nem promovit, 220B.
AGNES (S^a) mirabiliter ex igne servata est,
578C. (Acta SS. die XXI^a Januarii.)
ALBERTUS Magnus (de Bollstædt) O. P. theo-
logus celeberrimus, episc. Ratisbonensis,
quid de astris doceat, 64D. — *Adde* 1C, B',
91D', etc.
ALCIMUS, de semine Aaron, 374B, dux Judæo-
rum paganizantium, 373C, pontifex constitu-
itur, 295C'. — Crudelis, 296A, et ambitio-
sus, 296B, apud regem non semel accusat
Judæos, 296D, 373C', 374C', et Nicanorem,
374D'. — Ob facinora in templo commis-
sa, 302D', divinitus percutitur, 303A.
ALEXANDER (Balas) filius Antiochi Epipha-
nis, regnum Syriæ invadens, 303C, multa
Jonathæ concedit, 303D', 307B'. — Gener
Ptolemæi Philometoris factus, 306A, et a
socero dolose expulsus, 307D, occiditur,
308C'.
ALEXANDER (Magnus) primus Græcorum mo-
narcha, 268D, cujus fuerit filius, 267A'. —

- In nativitate ejus commota est natura, 194 C'. — Percusso Dario, 267 B', filiam ejus duxit, 268 A, et subactis Indiis, 268 A', ad Orientis fines usque pervenit, 268 C', ubi arbores solis et lunæ vidit, 268 C'. — Quæ ejus potentia, 268 B'. — Superbiam moriens paululum deposuit, 268 D'. Veneno occubuit, 269 A, cum uxore et filio, 269 B. — Quot annis regnaverit et vixerit, 269 B. — Regnum ejus in quatuor partes divisum est, 269 A, C. — Per hircum in Daniele figuratur, 268 D. — Ejus historia seu legenda (anonyma Historia Alexandri Magni, regis Macedoniæ, de præliis) allegatur, 175 B', 269 A.
- ALEXANDER de Hales, O. M. theologus, 331 A'.
- ALLEGORIA. Quid sit allegoria, 398 B', et sensus allegoricus, 398 C', 409 B. — Psalmis qui ad litteram de Christo tractant, non competit allegorica expositio, 421 A.
- ALTARE holocaustorum a Zorobabel ædificatum, 214 B, sed postea Jovis simulacro profanatum, 287 A', a Juda amotum est, 287 D', alio de impolitis lapidibus substituto, 288 B, quod solenniter dedicatum est, 289 A. — In eo jugiter ardebat ignis, 262 C, ligna populo ministrante, quæ Nathinæi parabant, et sacerdotes admovebant, 255 A'.
- Altare incensi, seu altare aureum, 271 C, de ligno setim deaurato, 338 D, ubi positum, 288 A'. — A Jeremia, tempore captivitatis absconditum, 337 A, ab Antiocho postea comminutum est, 271 C, B'. — Altare Dei dici potest Christus, 560 D', 679 C', anima fidelis, 561 A, caritas, 557 A'.
- AMALECITE in viribus confidentes prostrati sunt, 138 A, A'.
- AMAN, filius Agag, 481 B, quomodo dicatur Macedo, 204 B. — Superbissimus, 181 C, 185 A', 196 C', callidus, 197 A, et sortilegus, 181 C', ad regnum Persarum videtur adspirasse, 187 A', et cum eunuchis conjurasse, 196 A'. — Numquid reapse divinos honores affectaverit, 181 C, 186 B. — Necem machinatus Judæis, 181 D, et Mardochæo, 185 C', ipse ab Esther accusatus est, 188 C, et proprio patibulo suspensus, 189 A'; insuper, ut reus læsæ majestatis, in sobole punitus est, 190 A. — Ejus superbiam quam sapienter Deus eluserit, 187 D, 189 C'. — Per draconem in somnio Mardochæi figuratur, 194 A, C'.
- AMBITIO quanta pariat scelera, 134 D', 296 C. — Nihil veretur, 307 D', nec unquam satiat, 323 B.
- AMBROSIUS (S.), episcopus Mediolanensis, Na-both martyrem vocat, 621 A'. — *Adde* 19 B'. (Migne *Patrol. lat.* tom. 14-17.)
- AMICITIA vera, quæ, 555 B'. Majus est bonum quam honor aut fama, 670 B. — Amici fideles, rari, 574 B; in adversitate probantur, 639 D'. — Amici secreta prodens, quantum peccet, 668 D'.
- AMMONITE a cœtu Hebræorum in perpetuum arcebantur, 162 C', quare, 260 A. — Holopher-ni contra Judæos suppetias ferunt, 143 C'; a Juda debellantur, 290 B. — *Adde* Achior et Timotheus.
- AMOR desiderium parit, 671 D', 672 C. — Quæ ejus signa, 672 D'. — Amor privatus venenum est caritati, 608 B'. — *Plura vide verbo* Caritas.
- AMOS propheta, quandonam vixerit, 90 D.
- ANAGOGIA. Quid sit anagogia, 398 B', et sensus anagogicus, 399 A.
- ANDRONICUS, Antiochi Epiphanis amicus, 347 A, Onia dolose occiso, 347 B, et ipse interficitur, 347 C.
- ANGELI, quando creati, 3 A'. — Eorum distinctiones ignorantur, 9 C'. — Quomodo Deo adstare dicantur, 118 D', et quot sic adstent, 118 D'. — Superiores a Deo immediate illuminantur, 550 C', et illuminant inferiores, quomodo, 517 C'. — An incarnationem Christi præcognoverint, 550 B'. — Eorum cognitio diei comparatur, 32 D; verumtamen mysteria Salvatoris penetrare non valent, 551 A. Triplex eorum interrogatio in die Ascensionis, 550 B'. — Ex suis officiis nomina sortiuntur, 118 C'. — Quomodo casu diaboli territi sint, 34 A, et purgati, 34 C. — Eorum cibus, quis, 119 A'. — Materiæ in multis imperant, 119 D', et aliquo modo dici possunt causa fortunæ, 71 B. — Diversimode hominum intellectum illuminant, 68 C', et voluntatem indirecte movent, 67 D'; sed eorum actio sæpe fallitur, 68 D. Quomodo a stellarum influxu differat, 68 B'. — Alii communitatibus, alii privatis hominibus præsent, 608 D. Preces nostras Deo præsentant, 98 B', 118 A', et pro justis coram eo testificantur, 276 D. Homines regunt virga ferrea, 421 C', dæmonum tentamina refruentes, 563 D', et multa impediens peccata, 608 A'. Sæpe etiam eos corporaliter tuentur, 107 D. Sic agendo, præmium merentur, 618 D. — In Scripturis vocantur astra matutina, 3 D', filii Dei, 4 A, castra Dei,

465D, viri, 443D, animalia, 443D', cœli, 512B, 517C', dies, 517C', nubes, 501D', 625D. — *Cf.* Dæmones, Michael, Raphael.

Quomodo hominibus appareant, 402C. Terrorem primo incutiunt, 449B, sed mox expellunt, 449C. — Corporis assumpti sunt motores tantum, 449A', et in eo multa figurate agunt, 403C. Quomodo tunc manducant, 449D. — Sic in terra degentes, minime a Deo separantur, 449C'. — Angeli Heliodorum castigant, 343A', et exercitum Judæe antecedunt, 365C', 366B.

ANIMA materiæ primæ comparatur, 59A'. — Cur data sit homini, 549C. — Unica est forma corporis, 357D, in qua sunt mens et sensitivæ vires, 357C. — Sigillatim unaquæque producit, 604D, et corpori infunditur, quomodo, 357B. — Quum per seipsam Deum videre nequeat, 627B, quomodo in cœlo eum visura sit, 627B. Quomodo cognoscat naturalia, 393A', et supernaturalia, 429C'. — Anima vegetabilis astris directe movetur, 64A', anima vero rationalis, secundum quid, 64B', et indirecte, 66D, D'. — Ejus immortalitatem multi gentiles agnoverunt, 497A. — Quomodo corrumpatur, 480C, et peccato originali vulnerata sit, 59C, 450A. — Ejus desideria a Deo dumtaxat saluari possunt, 497B', et in visione Dei tota ejus felicitas est, 626D; verumtamen plena ejus remuneratio absque corpore non fiet, 370A'. — Quid sint animæ manus, 506C, pedes, 644C, ossa, 541B', 542C, 594D, 640C', 643A', juvenus, 679D', necessitates, 593B'. — In Scripturis « unica » vocatur, quare, 542B', et ventus, 501D. — Nomine animæ sæpe persona intelligitur, 300C. — *Cf.* Homo, Intellectus.

Anima fidelis nihil boni absque Deo operari potest, 426C', et continuo eget ejus consilio, 401D, 413A, directione, 401A', et auxilio, 460A. Ab eo quibus gradibus dirigatur, 543D et seq. — Quomodo eum quærere debeat, 607C', et invenire, 446A', 528C', 626B', ut ab eo illuminetur, 608A, ei conjungatur, 600D, in eo exsultet, 600B', in abscondito faciei ejus abscondatur, 591B', et ejus dulcedinem gustare queat, 608B'. Qualiter Deum exaltet, 582B, ab eo elongetur, vel ad eum appropinquet, 598A': — Eam oportet Dei judicia reverenter scrutari, 38A, secreta prudenter manifestare, 447B', de ejus perfectionibus lætari, 435C', et mi-

sericordiarum ejus non oblivisci, 582D'; ut ab omnibus exaltetur, optare, 509A, cum omni humilitate de eo loqui, 49C. — Eum in dubiis consulere debet, 38C, in tribulatione invocare, 431B, et sustinere, 566D', ita ut nunquam a spe cadat, 278B', 567B, 686B, ad misericordiam ejus confugere, 420B', coram eo ambulare, 490D', præsentiam ejus cogitare semper, 520B', et sicut ab eo omnia recepit, ita omnia illi referre, 575C', et semetipsam, 446C', 576B. Quomodo eum colere debeat, 330A, 448D, 420D'. — De gratiis Christo collatis gratam se præbeat, 580B, et delectetur in passionis ejus memoria, 204C', et contemplatione, 536A'. Quomodo ab ea passio Christi complenda sit, 56C. — Pro Ecclesia Dei zelari eam debeat, 262C', illi compati, 280A, ejusque profectum diligere, 561C.

Quomodo legem servare possit, 407A, et in ea jugiter meditari, 407D; et quæ peccata potissimum vitare debeat, 406C'. — Ipsi proderit peregrinam in terra se profiteri, 250A', omnem humanum timorem abjicere, 278C', a vanis cogitationibus cavere, 413A', a pravorum consortio, 513B, et a temeritate, 90B'; gratiam sibi exhibitam aliis communicare, 599B, sacram non abscondere doctrinam, 659C', et laudem non nisi in Deo cupere, 200C', 607B. — Ipsi adversis servanda est patientia, 92D', 420C', fiducia, 446D', 448C', fervor, 246C, 426A, prudentia, 595D'. Tentationibus quomodo resistere debeat, 513C'. — Sanctorum munitur exemplis, 280A', et psalmis eruditur, 412B'; per contemplationem quotidie ad tabernaculum Dei transire valet, 673B'. — Noviter conversa, in præsumptionem facile labitur, 583D, tanto magis sibi placens, quanto minus se cognoscit, 39A; sed eo plus sibi vilescit quo perfectius Deum norit, 38C'. Quomodo se electam confidere possit, 489C', et sine præsumptione Dei judicium invocare, 559B. — Arbori pulchre comparatur, 407C', et cervo, 513D; Jacob et Israel recte dicitur, 481D', domus Dei, 557C', et atrium Domini, 576B'. Ejus sacrificium, quid, 576C, A'. — Ad eam monita varia, 484C, 490D', 546B', 606C'.

De anima fidei ad litteram explanantur Psalmi I, 405B; IV, 427D; VI, 438D; VIII, 451B; IX, 457C; XI, 471D'; XXVI, 562D; XXXII, 600B; XXXIII, 606A'; XXXV, 623D; XXXVI,

- 628B; xxxviii, 644B; xli, 670D'; xlii, 678C.
— Cf. Justus, Pœnitentia, Purgatorium.
- Anima contemplativa. *Vide* Contemplatio.
- ANIMALIA magis aguntur quam agunt, 40D.
— Aeris, dispositiones facile deprehendunt, 40C. — Quomodo dicantur ad Deum clamare, 41C, vel Christo subjecta esse, 434C. — De his curat Deus, 626A. — Licite occidi et manducari possunt, 455C'. — Quid significant « bestiae agri », 23C', et « pecora campi », 454D, A'. — Cf. Asinus, Bos, Canis, etc.
- ANNA, uxor Tobiae, 92C, bona licet et fidelis, 92D, virum objurgat, 92A'. — Quantum filium dilexerit, 413D, 445D.
- ANSELMUS (S.) archiepisc. Cantuariensis, de misericordia Dei pulcherrime tractat, 534B. — Ab auctore approbatur, 480A. — *Adde* 54A', 544D. (Migne *Patrol. lat.* tom. 458, 459.)
- ANTICHRISTUS a Deo suscitabitur, quomodo, 461D'. — Pessimus erit homo, 461C'; sed, licet a diabolo directus, non erit possessus, 463A. — Tota vita ejus peccatum erit, 463A. — Quanta ejus superbia, 463A, et cæcitas, 463C, 464A'. — Se Dei filium dicet, 462A', et forsitan credet, 463A, et verus Christus putabitur, 462B. — Ejus persecutio violenta erit, 462C, et fraudulenta, 464A. Scripturis abutetur, 463D, et homines subtilissime decipiet, 463B'. Christianos comburet igne, 462A', et fidem evellere conabitur, 462C'. — Eo tempore, Ecclesia quasi derelicta videbitur, 465A, et minuta, 465D, et in ea non fient miracula, 462C. — Quot annis regnaturus sit, 464C. — Figuratur per Antiochum Epiphanem, 464B, Nabuchodonosor et Holophernem, 436B'.
- ANTICLAUDIANUS (Poema Alani de Insulis) allegatur, 63B'. (Migne *Patrol. lat.* tom. 210, col. 481.)
- ANTIOCHIA, metropolis Syriæ, prius dicta Emath et Reblatha, 282B'. — Antiochenses contra Demetrium rebelles, 310D, magna clade a Judæis afficiuntur, 340A'.
- ANTIOCHUS III (Magnus) rex Syriæ, 269A', a Romanis compulsus est filium obsidem dare, 269B'. — Filium regis Ægypti duxerat, 270D'. — Vasa templo pretiosa dedit, 349D, et sacrificiorum sumptus ministrabat, 342C. — In templo Nanææ dolose occiditur, 333A. — In Daniele vocatur rex aquilonis, 271A.
- ANTIOCHUS IV (Epiphanes), filius præcedentis, 269A', primo strenuus et bonus, sed mox pessimus, 269D, quomodo obses Romæ fuerit, 269A'. — Quando regnaverit, 269B', et quomodo, 270B', 295C, et quot annis, 292B'. — Quanta ejus ambitio, 270C', 271A, cupiditas, 271D', crudelitas, 272C, 352D, 354C, et superbia, 349D'. — Jerusalem deprædatur, 272C, 331A, et templum, 271C, 349D, et legem tollere conatur, 273D, 351A. An ipse in Jerusalem venerit, 272D'. — Se vere Deum putabat, 362A'. — Quomodo in se et sua sobole punitus sit, 356D. — Pecunia exhaustus, 282C, in Persidem transit, 282A'; sed a Persis fugatus, 292A, mœrore consumitur, 292A'. Horrendus ejus interitus, 361D. — Frustra pœnitere voluit, 362A', sed non vere resipuit, 362D'. — Novissima ejus ad Judæos epistola, 362C'. — In Daniele vocatur radix peccati, 269D, et figura est Antichristi, 464B.
- ANTIOCHUS V (Eupator), filius præcedentis, rex a patre designatus, 363B, a Lysia constituitur, 292D'. — In Judæos accensus, 371B, contra Judam conflictatur, 293D, et Bethsura capta, 293D, 294A', 372C', Jerusalem obsidet, 294C'; sed a Juda devictus, 372B, Judæis reconciliatur, 372D'. — Ejus epistolæ ad Lysiam, 366D', et ad Judæos, 367B. — A suis interficitur, 295D. — Fuit patre nequior, 371D'.
- ANTIOCHUS VI (Dionysios), filius Alexandri (Balæ), 340B, a Tryphone rex constitutus, 340C', Jonathan benefacit, 340C'. — A Tryphone dolose occiditur, 346C'.
- ANTIOCHUS VII (Sidetes), filius Demetrii Soteris, primo in Judæos beneficus, 321C, injuste urbes Joppen et Gazam repetit, 321D', et Cendebæum adversus Judæos mittit, 322A'.
- APOLLONIUS, dux exercitus Antiochi Epiphanis, 350B, Judæos dolose trucidat, 350B. — A Juda devictus occiditur, 281B. — Gladio ejus postmodum usus est Judas, 281C.
- APOLLONIUS, dux exercitus Demetrii Nicatoris, 306D, Jonathan audacter et superbe provocans, 306A', ab eo profligatur, 307A.
- APOSTOLI, quam rudes ante Spiritus Sancti missionem, 502A, quam docti postea, 502C. — Ex eorum inscitia probatur fidem christianam esse divinam, 452C', 502B. — Infantes vocantur, 452B', cœli, 453A, 512D, 516D', 517A, nubes, 501C', 502C, grando et carbones, 502C'. — Sæpe Prophetarum sensum magis quam verba allegant, 653D'.

- AQUA** decies subtilior est terra, 21^D. — In Scriptura quemcumque potum significat, 229^A. — Mystice quid aqua, 577^A, et fontes aquarum, 503^C. Aqua tenebrosa scientiam obscuram signat, 501^C; aqua refectiois, divinam doctrinam, 544^C, vel Baptismum, 544^D, vel visionem beatificam, 546^B. — Quomodo super aquas vox Domini intonuerit, 576^D, 577^B. — *Cf.* Mare.
- AQUILA**, rex avium, 47^A, cur in sublimibus habitat, 46^D, et quomodo pullos probet, 47^B. — Ad eccle leucas cadavera videt vel odoratur, 47^B. — Mystice, contemplativos significat, quare, 47^C. Filii ejus, quid, 47^A. — *Cf.* Joannes.
- ARABES** inter se pro Sanctorum reliquiis dimicantes, 58^A. — Arabes auctores allegati: Albategni (El-Battani) 64^B; Albumasar (Abu-Ma'schar) 64^B; Algazel (El-Gazzali) 67^A; Alkindi (El-Kindi) 67^A; Amakir (Jacob ben Makir) 64^B; Averroes (Ibn-Roschd) 67^A; Avicenna (Ibn-Sina) 41^A, 21^D, 22^A, ^B; Gergis (Georgius Ibn-Bachtischua), 64^B; Messtella vel Mesialat, (Maschaallah) 64^B, 65^A.
- ARBITRIUM** hominis per prædestinationem non tollitur, 63^A. — Sapientiæ Dei expedit ut maneat liberum, 49^A. — Ipsi imputandum est peccatum, 52^A. — Actus necessarius quantum ad primam causam, contingens esse potest quoad secundas, 53^A.
- ARCA** fœderis de lignis setim deauratis erat, 338^D. — A Jeremia, instante captivitate, abscondita est, ubi, 336^B, 337^D, et quomodo, 337^C; et usque ad præfinitum tempus abscondita manere debet, 337^B. — Quandonam invenienda sit, 337^C, et quomodo in adventu Christi sit apparitura, 338^B. — Allegorice, figurat Ecclesiam, 575^C.
- ARCTURUS**, quid sit, 9^A. — Principium est frigidus, 9^B.
- ARCUS**. Mystice, quid sit arcus, 689^D, arcus Dei, 443^C, 447^A, arcus peccatorum, 466^C, 467^D, 468^B, 471^A.
- ARIETES** et filii arietum, quid, 576^B.
- ARISTOBULUS**, filius Joannis Hyrcani, primus post captivitatem, sibi diadema imposuit, 339^D.
- Aristobulus alius, de semine Aaron, 332^C, Ptolemæi Philometoris præceptor, 332^B, commenta scripsit in legem Moysis, 332^B. — Ad eum exstat epistola Judæ Machabæi, 332^B.
- ARISTOTELES**. Ipsi commissus est Alexander educandus, 267^B. — Sæpius allegatur, 10^B, 22^B, 24^A, etc. — Antonomastice dicitur « Philosophus », 8^A, 40^A, 21^A, ^D, 22^B, etc.
- ARIUS**, rex Spartiatarum, epistolas scribit ad Oniam, 312^A, et ad Jonathan, 313^D.
- ARPHAXAD** (Phraortes), rex Medorum, ambiciosus, 431^A, et superbus, 432^A, Mediam invasit, 431^B, et Ecbatanen munivit, 431^B. — A Cambyse devictus est, 432^D. — Spiritualiter diabolus signat, 433^A.
- ARTAXERXES**. Sic in Esdra vocatur Cambyses, rex Persarum, 132^C, 217^A; et perperam a quibusdam pro Cyro habitus est, 218^C, 219^B. — Quibus regnis præfuerit, 132^B. — Ad Samaritanos scribit, 218^C, et Jerusalem restaurari prohibet, 219^A. — *Cf.* Assuerus I, et Cambyses.
- ARTAXERXES** alius, alias Xerxes, filius Darii I. Esdræ favet, 223^B, et templum reparari jubet, 222^B, quare, 335^D. — Illud non proprie reædificavit, sed ornavit, 335^C, et sacerdotibus multa contulit, 335^D. — Ejus epistola, 224^B, et munera, 224^C. — Falso quidam eum Darium fuisse putant, 222^B, 335^B.
- ASAPH**, cantor Davidis, 256^C, propheta fuit, 259^B. — Filii ejus in secundo templo cantus ministerio addicti sunt, 256^C.
- ASARHADDON**, rex Assyriorum, alias Asenaphar, 248^B, in Tobiam beneficus, 89^A, Judæis tamen quandoque mala intulit, 90^B.
- ASINUS**. Primogenitus asini ove redimebatur, 255^C. — Asinina dicitur simplicitas quæ discretione caret, 276^B.
- ASMODÆUS** dæmon, quo jure Saræ maritos occiderit, 95^D; et quibus prævalere possit, 106^D. — Quomodo sit piscis jecore pulsus, 106^D, et ab angelo relegatus, 110^A.
- ASSIDÆI**. Sic vocabantur Judæi divinis assidue vacantes, 295^D, 373^C.
- ASSUERUS**, de quo in Esdra, 217^B, qui et Artaxerxes ibi dicitur, 217^A, et in Judith, Nabuchodonosor, 432^C, fuit Cambyses, filius et successor Cyri, 217^D. — *Cf.* Artaxerxes I.
- ASSUERUS** alius, de quo in Esther, 173^B, qui et ibi Artaxerxes vocatur, 196^B, 203^D, fuit vel filius Xerxis (Artaxerxes Longimanus), juxta quosdam, 173^B, vel filius Darii Nothi (Artaxerxes Mnemon), juxta alios, 173^A. — Ejus describitur domus, 175^B, et hortus, 175^C, et magnificentia, 175^D, et convivium, 175^A, vel potius convivia, 175^B. — Repudiata Vasthi regina, 176^A, ducit Esther, 180^A. — An peccaverit, uxorem di-

mittendo, 180D'. — Judæos proscribit, 182D. 196B et exaltat, 190B-203D. — An ad Deum conversus sit, 193A. — Pro pietate erga Judæos ei concessa est magna potentia, 193A. — Leo vocatur, quare, 199D'.
 ASSYRII, libidinosi, 155D'. 159B, superbi, 140A'. 163B, crudeles, 135B', a Judæis fugantur, 163D. — *Cf.* Holophernes.
 ASTRA ab angelis inferioribus moventur, 3D'. — Ea esse animata non repugnat, 3D'. — Astra matutina, quæ, 3D, et quo sensu Deum laudare dicantur, 3B'. Sic vocari possunt angeli, 3D'. — Astrologi, non nisi dæmonis ope, vera quandoque prænuntiant, 63B. Astrologorum fatum, an sit aliquid, 64B. — *Cf.* Luna. Sol. Stellæ.
 ASTYAGES, rex Persarum, a Cyro devictus, Parthorum regnum ab eo recepit, 131B.
 ATHERSATA nomen, quid significet et cur datum sit Nehemiæ, 213B'. — *Vide* Nehemias.
 ATTENTIO devota in psallendo commendatur, 403C. 437C.
 AUGUSTINUS (S.) episc. Hipponensis, omnes Psalmos a David esse compositos asserit, 401C, 670D'. — Passim allegatur, 4C', 21D. 22C. etc. (Migne *Patrol. lat.* tom. 32-46.)
 AURORA variæ durationis est, quare, 5B.
 AVARITIA, quam detestabilis, 632B.
 AZARIAS, de stirpe sacerdotali, 291C', dux exercitus Israel, 291C, ex superbia hostes aggressus, 291C, profligatur, quare, 291A'.

B

BABYLON. Quæ in Isaia de rege Babylonis dicuntur, partim de diabolo intelligi debent, 20B'. — *Cf.* Captivitas.
 BACCHIS, dux exercitus Syriæ, 295C', vir audax et fortis, 302C'. Judæos crudeliter tractat, 302A. — Contra Judam missus, 300B, ab eo primo fugatur, 361C, sed postmodum eum occidit, 301B'.
 BAHAM, seu Bainen, quid sit, 316D'.
 BALAAM vere propheta fuit, 397A'.
 BALNEUM remedium est tristitiæ, 423B. — Balnea quædam promiscua vituperantur, 176A'.
 BALTHASAR, rex Babylonis, cur a regno dejectus, 211D'.
 BAPTISMUS. In Baptismo omnes virtutes infunduntur animæ, 512D'. 541C. — Pro dono Baptismatis gratias Deo referre debemus, 675D. — Per Jordanem figuratus, 675A.

quasi venter est Ecclesiæ, 540D', et aqua refectionis vocatur, 544D'.

BARTHOLOMÆUS (S.) apostolus, dæmonium relegavit, 110B. (Acta SS. die XXV^a Augusti.)

BASILIIUS (S.) Cæsariensis episc., quomodo sit orandum docet, 402B. 403C. (Migne *Patrol. gr.* tom. 29-32.)

BATUS mensura, quanta, 224D'.

BEATI. In visione Dei est felicitas eorum, 525C; verumtamen eum non cognoscunt ut cognoscibilis est, 456A. Quomodo eum videant, 627B. — Tribus dotibus in anima, quatuor in corpore gaudent, 528B, et nihil eis optandum manet, 489B, saltem quoad essentielle præmium, 497C', 527D; sed plena eorum retributio non nisi post corporum resurrectionem fiet, 370A', 497D'; ideo eam valde exoptant, 585B'. — Corona eorum, quid, 527C', et cur de lapide pretioso dicatur, 527C'. — In bono sunt confirmati, 585A', et omnia in Verbo vident, 627A. Cibus et potus eorum, quid, 119A'. — Eorum vita et una dies et dies multi recte dicitur, 647C. — Merito reges vocantur, 527A, et filii Dei, 421A'; sed præ Dei magnitudine parvuli reputantur, 456D. — Quatenus eis competat donum timoris, 546A'; an præteritorum malorum recordentur, 546B'; quomodo impiorum animadversionem appetant, 421B. — Quilibet eorum dicitur similem non habere, quo sensu, 161A'. — Eorum gloria nobis incitamentum est ad virtutem, 422A.

De Beatis exponi possunt Psalmi I, 413D; II, 421A; VIII, 435D; XV, 526D; XVII, 546A; XXIX, 584C.

BEATITUDO, quid sit, 547B, et quotuplex, 405D'. — Beatitudo animæ consistit in visione Dei, 525B, 527A. 626D, et Christi, 528A.
 BEDA (Ven.), Ord. S. Benedicti, allegatur, 52B', 107D', 219B, etc. (Migne *Patrol. lat.* tom. 90-95.)

BEHEMOTH, quid sit, 20D'. — Quo sensu dicatur cum homine factus, 21B, et in lumbis ac umbilico virtutem habere, 21D'. — Mores ejus describuntur, 21B', et seq. — Fabula judaica de ejus magnitudine, 20D'. — Sub eo nomine diaboli potentia exprimitur, 20A', 21C, B', 23B. — *Cf.* Elephas.

BELLUM. In bello licet insidiis uti, 456C; plus metuenda est fames quam gladius, 134C; plus valet ars quam fortitudo, 140D; summe necessaria est prudentia, 279D, 298B,

et ordo, 293D'. — Cum pietate agendum est, 378B', quia a Deo pendet victoria, 436C', 281B'. — In praelio haud raro meliores occumbunt, 308B', sed mors in justo bello suscepta æquipollet martyrio, 284D'. — Bellatores olim in curribus pugnabant, 432B. Maxime eis patientia opus est, 298C; et fortitudo, 279B. — Apud Judæos, qui a bellandi onere exempti, 284B'. Ante prælium, sacerdotes exercitum adhortabantur, 286C, 361A, et clangebant tubis, 286D, 290B', 361B; post pugnam, milites aqua lustrali mundabant, 467D, 369D'. — Belli spiritualis forma a Juda Machabæo optime traditur, 513C'.

BENEDICTIO. Cui competat benedicere, 96B. — Benedictio Dei, quid, 524A'. Corda inquieta non sunt ejus capacia, 578D'. — Homo, quomodo Deum benedicere possit omni tempore, 606A'. Deum benedicere nihil aliud est quam eum laudare, 606B'.

BERNARDUS (S.) Cisterciensis abbas « devotissimus et dulcissimus », 403B, pulchre malos religiosos arguit, 31B'. — *Adde* 296C. (Migne *Patrol. lat.* tom. 482-485.)

BETHSURA. « fortalitium valde forte », 348B', 372D, a Juda munita, 289A', frequenter obsessa est et capta, tum a Syris, 293C, 294A', 372D, tum a Judæis, 344C. — Ibi occubuit Eleazar Machabæus, 294A.

BETHULIA, urbs Israel, in montibus, 443A, ab Holopherne obsessa, 443A, et angustiat, 443B', quomodo a Judith liberata sit, 460A.

BLASPHEMIA, insania maxima, 606C. — Blasphemiarum tentationes, quomodo vincantur, 640A'.

BOETIUS (B.) philosophus « fidelis noster », 63C, frequenter citatur, 46C, 53B', 54B', etc. (Migne *Patrol. lat.* tom. 63, col. 538.)

BONAVENTURA (S.) Ord. Min. theologus, 61C'.

BONUM. Totum bonum hominis a Deo est, 688B', et in virtute consistit, 58C. — Quæ bona publice agenda sint, 543A'. Non tantum mala commissa, sed et bona omissa plangere debemus, 597B'. — Bonum commune privato præferendum est, 49C, et pro eo quisque semet exponere debet, 277D. Hostibus ejus fas est mala imprecari, 199C', 242C, 296D', imo necem inferre, 452A'. Oratio ex ejus amore fusa, quantum valeat, 236B'. — Bona temporalia vanitas vocantur, 428D, ac mendacium, 428D, et valde incerta

sunt, 648D. Quatenus liceat in eis lætari vel ea petere, 629B'. — *Cf.* Prosperitas.

BOS. Universæ boves, quomodo Christo subiectæ dicantur, 454C, D.

C

CADES desertum, quomodo a Domino commoveatur, 578D.

CÆCUS natus naturaliter curari nequit, 446B. — Cæcitas Tobiae, qua virtute orta, 90D', et sanata, 446A, 447B. — *Cf.* Tobias.

CAIUS CÆSAR (Caligula) divinos honores affectavit, 436A, 484D.

CALEB, filius Jephone, fidelitate hereditatem meruit, 278B.

CALIGO, quomodo sit sub pedibus Dei, 504B. — Caligo Dei, quid, 504A'. — *Cf.* Tenebræ.

CALIX in Scripturis varia significat, 486A', 489D, 545B', 547C.

CALOR, qualitas masculina, 8C, a luce procedit, 7D. — Calor solis, quomodo in terram spargatur, 7C.

CAMBYSES, filius Cyri, rex Assyriorum, 432C, et Persarum, 218B, qui in Esdra Assuerus vocatur, 217D, et Artaxerxes, 217A', et in Judith, Nabuchodonosor, 432C, quibus regnis præfuerit, 432B'. — Ædificari templum prohibuit, 437A, 218C', et pessime obiit, 468C'. — Cambysa dies, quid, 468C.

CANDELABRUM aureum, seu candelabrum luminis, 271D, quomodo factum, 288B', et ubi positum, 288A'. — Ab Antiocho comminutum, 271B', a Juda redintegratur, 288D.

CANIS Tobiae, cur in Scripturis memoretur, 404D. — Canis primogenitus interficiebatur, 255D'. — Sic vocantur persecutores Christi, 534D', 536C', vel fidelium, 542A.

CANTICUM. Quid sit canticum, 400B, 643D', vas cantici, 258D', psalmus cantici, 427C, 579B, etc. Quomodo in nocte mandet Deus canticum, 676D. — Cantica olim justis in gratiarum actionem consueta, 420B, 464D'. — Explanantur cantica Tobiae, 420B, et Judith, 464D.

CAPTIVITAS Babylonica ob duplicem causam Hebræis imposita est, 420C'. — Anni ejus diversimode computantur, 209A'. — Quo anno finierit, 209A.

CAPUT movere, modo derisionem, modo admirationem significat, 44C. — Caput decalvari quondam odiosum fuit, 261C'. — Caput

- Christi, quomodo sit exaltatum, 424 C. — In capite libri, quid, 654 A', 659 D.
- CARBONES a Deo succensi, quid, 501 A, 502 C', 512 B.
- CARITAS primum et maximum est donum, 498 D', omnium virtutum finis et domina, 672 B, in qua consistit summa christianæ religionis, 400 C. — Virtus est nuptialis, 542 D, per quam degustatur dulcedo Dei, 608 B', et cui visio Dei debetur, 672 C. — Caritate nihil suavius agit, 495 B'. — Ea est quæ Sanctorum communionem facit, 565 A, et penitentiam reddit acceptabilem, 598 B. — Duobus præceptis regitur, 400 D'. — Quæ sit ejus perfectio, 608 C'. — Altare Dei vocatur, 557 A'. — Quomodo anima caritate inflammetur, 646 D. — Caritas fraterna orationem juvat, 40 C', 236 B'.
- CARO intellectum obnubilat, 24 D'. — Quo sensu in Deo exsultare dicatur, 421 B'. — Carnales sunt membra diaboli, 33 D. — Cf. Corpus.
- CARTILAGO, quid sit ad litteram, 22 D', et mystice, 23 A.
- CASIA, filia Job, cur sic vocata, 42 B.
- CASSIANUS (S.) « religiosorum sapientissimus doctor », 57 D, citatur, 640 C'. (Acta SS. XXIII^a die Julii. — Migne *Patrol. lat.* tom. 49.)
- CASSIODORUS (Aurelius), Vivariensis abbas, omnes Psalmos a David compositos putat, 401 C, et plerosque de Christo interpretatur, 646 A. — *Adde* 394 C, 423 D, 643 B'. (Migne *Patrol. lat.* tom. 69, 70.)
- CASTITAS sanitas est corporis, 574 B'. — Sacerdotes maxime decet, 354 B'. — Castitate Joseph principatum meruit, 277 B'. — De ea virgines minime extolli oportet, 638 D'.
- CASTRÀ. Quid in Scripturis significant castra, 564 A, castra Dei, 465 D, 564 C.
- CASUS. Æque falsum est, et multa casualiter, et omnia infallibiliter evenire, 67 B; sed casualia sunt rara, 74 B. — Deus nihil fortuito agit, 603 D. — Cf. Fortuna.
- CATARACTÆ. Quid sint cataractæ, 676 A, cataractæ Dei, 676 B, vox cataractarum, 675 C'.
- CATHEDRA. In cathedra pestilentiae stare, quid sit, 406 A', 409 D', 413 B, 444 B.
- CATO (Marcus Porcius) allegatur, 299 B'.
- CAUSA. Deus, quomodo sit causa omnium, 602 D'. — Liber de Causis (David Judæi) citatur, 48 B', 50 B', 64 D'.
- CEDRUS arbor succum emittit sanguineum, 22 A'. — In Scripturis, nunc in bono nunc in malo sumitur, 577 C'; plerumque superbos figurat, 577 A'. — Cedri Libani, quid significant, 577 C', et quomodo a voce Domini confringantur, 577 D'.
- CENDEBÆUS, præfectus maritimus Syriæ, 322 A', Judæis molestus, 322 B', a Joanne Hyrcano fugatur, 322 C.
- CERVUS, quomodo juvenescat, 678 B, et voce Domini præparetur, 578 A'. Figura est Christi, 506 A, et animæ fidelis, 513 D. — Partus cervarum describitur, 42 B, A'. Earum hinnuli mox ab eis separantur, 42 B'. Psalmus « pro cerva matutina », quid, 529 A.
- CETUS, maximus piscium, 25 B', sub nomine Leviathan describitur, 25 D'. — Cur sit creatus, 29 A. — Pinguissimum est animal, 28 B, ore instructum horribili, 30 A', dentibus terribilibus, 30 D', ad modum elephantis, 30 C'. micantibus oculis, 30 C, 32 C, collo fortissimo, 33 B, squamis durissimis, 34 A. — Quæ ejus moles, 25 D', 27 B', 32 B, et fortitudo, 26 C'. Quam metuenda sternutatio, 32 A. — Aerem respirat sicut delphinus, 32 C'. — Sæpe in mari tempestates excitat, 35 C, et fulgure percutitur, 33 A'. — Plurimos pisces devorat, 33 C, 35 B'. Quomodo eos decipiat, 32 B'. — Non nisi per industriam capi potest, 27 C. Qua arte comprehendatur, 28 B. — Sæpe ad littus impingit, 28 C', ubi sagittis confoditur, 34 B', vel malleo contunditur, 34 D'. — Quamvis magnitudine et fortitudine omnia vincat animalia, 36 A, B, homini longe est inferior, 33 D'. — Multiplier figura est diaboli, 25 B', 29 B, 33 D', etc.
- CHALDÆI, licet a Deo contra Israel suscitati, 52 A', et contra Idumæos, 52 C', crudeliter agendo, puniri meruerunt, 52 A'.
- CHANANÆI pessimi, 228 A'. — Eorum connubia vetita erant Judæis, 228 B'.
- CHERUBIM, cur circa arcam posita, 283 D', Idololatriam minime juvant, 283 D'. — Super Cherubim quomodo Christus ascenderit, 501 C.
- CHRISTIANI ideo sunt Christiani, quia a Christo electi, 687 D', et prædestinati, 688 B. — Eis innotescit misericordia Dei, 509 D'. — Quanta eorum dignitas, 545 C. Recte genus electum vocantur, 353 B, et reges, 546 A, et christi, 449 B, 523 B'. — A superbia cavere debent, 465 D', et a malitia, 466 A. — Paganis et mundanis sunt ludibrio, 690 B.
- CHRISTUS. Ejus divinitas probatur, 550 B. — In ipso confitenda est humanitas cum divi-

nitate, 666 C, in unione personali, 471 A'. — In eo persona Verbi quasi infirmata fuit, 589 A, etsi ex humanitate naturales tantum defectus assumpserit, 409 C'. — Humanitas in Christo fuit templum Verbi, 471 C, excellentissimus thronus Deitatis, 471 B', instrumentum divinitatis, 517 A, 652 D'; unde omnes ejus actiones theandricæ dicuntur, 653 A, et tota earum efficacia ex divinitate unita venit, 521 D, 664 C. — Ab initio fuit vir, 409 C, B', perfectus et beatus, 409 C, 662 C', comprehensor, 424 C, 432 A', et confirmatus in bono, 533 A', 580 C'; unde nec in virtutibus profecit, quantum ad habitum, 409 C, nec in beatitudine, quantum ad essentielle præmium, 409 D, 491 C. Quomodo in sapientia creverit, 567 D'. — Omni gratia ornatus est, 524 A', 592 A, scientia infusa, 567 C', et multiplici sapientia, 567 D. Omnes incomparabiliter præcellit, 411 D. Solus præceptum caritatis perfecte implevit, 410 C; solus innocens fuit, 446 D', et ab omni peccato immunis, 506 A. Quantum Deum dilexerit, 498 D', et homines, 662 C'. — Nec fidem nec spem habuit, 432 B', saltem ut virtutes theologicas, 445 B, 570 A'; timorem voluntarie suscepit, 568 A, et turbationem, 499 B'; sed nunquam inordinate turbatus, 431 B', nunquam in rationis actibus passionibus impeditus est, 499 A, vel præventus, 556 C. — Nunquam ab actuali Dei contemplatione abreptus est, 410 D, 607 A, nec ab actuali virtutum exercitio cessavit, 506 D'; sed semper actualiter meruit, 411 B, nobis vitam æternam, 491 C, sibi præmium accidentale, 491 B'. Merita ejus in sacramentis continentur, 55 D, et per indulgentias communicantur, 56 C. — Semper exauditus est, 424 B', 485 B', 492 A', 524 C, quoties deliberate oravit, 531 C; et a Deo abundanter unctus est, 567 C, mirificatus, 428 B', 431 C', beatificatus, 663 A', exaltatus, 424 C, D, gloria et honore coronatus, 453 C'. — Quomodo de cælo descenderit, 518 C', ad inferna se contulerit, 549 C', regressus sit ad superna, 550 C. Quomodo super solium David sessurus prædicatur, 389; diabolus vicerit, 25 C, 26 B, A', et deceperit, 27 D. — Christus, ut homo, inferior est angelis, 453 B', tametsi illos illuminet, 453 D', 625 D; a Deo judicatus est, 556 B, et ipse in extremo judicio ministerialiter judicabit, 416 D; omnia ipsi subjecta sunt, 454 A. Ab Adam in tribus differt, 410 A; sine gratia a ceteris

non distulisset, 504 B'. Quomodo dicatur electus, 504 D, et causa sit prædestinationis, 688 B.

Christus patiens, quam aperte prædictus a David, 529 A', 533 C, et a Sapiente, 535 A'. — Quomodo a Patre sit probatus, 556 D, traditus, 664 A, derelictus, 530 B, et quare, 55 B. — Mortem naturaliter exhorruit, 531 B', et passione instante, vere timuit, 425 B. — Passio ejus amarior fuit omni martyrio, 530 D, et crucifixio acerbissima, 535 A, quia in corpore et anima pariter doluit, 556 B', et tota humanitas ejus in dolore fuit, 530 D, 588 B'. — Nudus in cruce pependit, 535 B; exhaustus est sanguine, 534 B; ossa ejus disjuncta sunt, 534 C, 535 B, et cor ejus quasi liquefactum, 534 A'. Sitis ejus in cruce, quid, 499 C'. — Licet in inferioribus potentiis redundantiam felicitatis non sentiret, 530 C, non penitus derelictus erat, 664 B, nec beatificam fruitionem amisit, 530 D, et libentissime patiebatur, 664 D. — Nunquam amorosius oravit quam in cruce, 571 A. Quæ ejus tunc preces, 529 B. Orationes Christi patientis non exaudiat, 531 D, non erant veræ orationes, 531 A'; ideo etiam in his exauditus dici potest, 531 B'. — Quomodo vermi comparetur, 532 D, et descendantibus in lacum, 571 B. — Anima ejus in limbo usque ad tertiam diem mansit, 487 D'. — Christus patiando, etiam veteres patres salvavit, 26 B', nobis meruit veniam, 55 C, et sibi regnum Ecclesiæ, 417 D', 688 C', præmium accidentale, 55 C, coronam, 663 C, et judicariam potestatem, 616 D'. Passionis merita Patri jugiter offert, 642 D'. Cur in corpore glorificato vulnerum stigmata servaverit, 546 C'. — Passio ejus, quomodo a nobis complenda, 56 C.

Christus est fons vitæ, 538 B, advocatus noster, 459 B', exemplum nostrum, 409 D'. Ab amore ejus nemo excusatur, 518 D'. — Lignum est fructiferum, 410 A', lignum sapientiæ et vitæ, 410 D', altare Dei, 679 C', sanctum Dei, 531 D', thronus gratiæ, 679 C'; dicitur firmamentum, 517 C', petra, 565 B. Quid caput ejus, 424 C, D, et pedes, 588 C. — Lex ejus dicitur lex gratiæ, 509 C', et virga ferrea, quare, 418 B. — In Scriptura prænuntiantur duplex ejus adventus, 535 D', passio, 529 A', 535 A', prophetalis dignitas, 320 D', et regalis, 389, 417 C, 418 A. Sæpe, sub nomine David ad litteram intelligendus

est, 415 B', 509 A'; sæpe etiam, quod de eo dicitur, membris ejus referendum est, 399 D. — Multipliciter figuratus est: 1° Per Tobiam seniore: pertransiit benefaciendo, 89 A'; a Phariseis cæcatus est, 92 C'. — 2° Per Tobiam juniorem: angelis stipatus incedebat, 107 C'. — 3° Per Cyrum: Jerusalem restauravit, 212 B'. — 4° Per Nehemiam: Septem donis S. Spiritus munivit Ecclesiam, 241 A. — Etc.

Quomodo sit materia Psalmorum, 400 B'. Plerique de eo tractant, 616 B, 656 C', et pro posse ad eum referendi sunt, 436 B. — Psalmi qui de Christo principaliter explanantur: II, 415 B'; XV, 485 A; XVI, 491 C; XVII, 498 C'; XVIII, 516 D; XIX, 521 B; XX, 524 A; XXI, 529 A; XXIII, 548 A; XXV, 556 A; XXVII, 570 D; XXIX, 579 C; XXX, 586 D; XXXIV, 611 D; XXXIX, 651 C; XL, 662 C.

CHRYSOSTOMUS (S.), Constantinopolitanus episc. plures fuisse Psalmorum auctores arbitratur, 401 C. (Migne *Patrol. gr.* tom. 47-64.)

CHUSI, amicus David, 442 B, quid significet, 444 D, 448 B.

CILICIUM quomodo portaverit Christus, 614 A'.

CINIS et favilla, pœnitentium arma, 39 B. — Cinere vel pulvere caput conspergere, olim lugentibus consuetum, 183 A, 250 C, 283 B'.

CIRCUITUS modo in bono sumitur, modo in malo, 565 C. — Quomodo impii in circuitu ambulent, 473 B'.

CIRCUMCISIO erat quasi Judaicæ religionis janua, 442 B'.

CITHARA, quid sit ad litteram, 601 A, et mystice, 600 D', 680 A.

CIVITAS Dei. Sic dicitur Ecclesia, 592 A, et anima, 595 B'. — Civitates impiorum quomodo destruat Deus, 459 C.

CLAMOR. Clamare ad Deum, quid in Scriptura, 454 B, 433 A', et quomodo bruta sic clament, 11 C. — Clamor Deo placens, qualis, 284 C, 545 A. — Inter peccata ad cælum clamantia sunt oppressio innocentium, 359 D, et fraudatio mercedis operariorum, 100 C'.

COELUM, quid sit, 139 B. — Dei thronus est, 117 C, et sedes, 467 A', et templum, 500 A, 604 B, qui ibi specialiter habitare censetur, 96 B', 117 D, et dicitur inde exaudire, 522 A, inde prospicere, 480 B', 604 B. — Quid cœli concentus, 10 A', virtus, 602 C, volucres, 454 A'; quid cœli militia, 251 D', et quomodo Deum adoret, 252 B. — Quomodo cœli

Verbo Domini sint firmati, 602 A, C, et enarrent gloriam Dei, 517 D. Ordo eorum incomprehensibilis est, 9 B'. Ex cœlestium pulchritudine probatur vilitas hominis, 453 D. — Regnum cœlorum ante Christum clausum erat, 474 B'; dicitur terra viventium, quare, 566 C'. — In cœlo misericordia Dei, quomodo, 625 C. — Spiritualiter, cælum multa significat, 9 C', 236 D, 416 B', 453 A, 512 B, 517 A, C', etc. — Cælum empyreum, vel cælum cœlorum, 251 C', mansio Beatorum et domus Dei, 547 B', 673 D, unde sit dictum, 251 D'. Ad ipsum quotidie mente transire debemus, 673 B'.

COLLECTA. *Vide* Festivitates.

CONCILIUM generale in arduis rebus convocandum est, 290 D. — Generalia concilia a S. Spiritu dirigi credibile est, 660 C; ideo majoris sunt auctoritatis quam aliquis quatuor Doctorum, 660 D.

CONCUBINA. Sic in Scriptura vocantur uxores secundariæ, 179 A'.

CONFESSIO peccatorum coram Deo veniam meretur, 598 A, sed cum proposito sacramenti, 598 A, et ex quadam saltem caritate, 598 B. — Quanta bona conferat, 599 A, et quomodo peragenda, 597 D'. — Non tantum ad mala commissa, sed ad bona omissa extendi debet, 597 B'.

CONOPÆUM, quid sit, 156 A. — Holophernis conopæum a Judith ablatum, 160 A', Deo oblatum est, 167 B'.

CONSILIUM, quid et quotuplex, 405 B, 411 D', et quatenus Deo competat, 97 B', 603 C. — In Deo non est variatio consilii, 603 A', licet mutet sententiam, 603 C'. Consilium ejus in redemptione hominis inscrutabile, 653 B. — Consilia regibus maxime sunt necessaria, 177 A. Qui ad hæc sint vocandi, 177 B. — Male consulens causa est peccati, 405 D. Quantum sequenda sunt bona consilia, 101 D, ita fugienda mala, 405 C'. — Quid sit ire in consilium impiorum, 405 C, et quomodo impii in consilio justorum resurgere non debeant, 408 C', 411 D'. — Per donum consilii anima in inquisitione consiliativa dirigitur, 523 D, et apte de actibus humanis judicat, 553 C'. Quantum sit homini necessarium, 523 A'.

CONSOLATIO laborem pœnitentiæ comitatur, 584 A, et incipientibus communiter datur, quare, 591 B. — Quibus potissimum congruat, 590 D', 591 A', et quomodo prome-

- reatur, 591A, D'. — Justis sæpe denegatur, 476A. — *Cf.* Delectatio.
- CONTEMPLATIO penna est animæ, 501D; ad eam per mortificationem pervenitur, 1C'. — Vita contemplativa hic inchoata in æternum perdurat, 584B', in cœlo empyreo, ubi est locus ejus, 547B'. — Commendatur contemplatio cœlestium, 673B', et Passionis, 536A'. — *Cf.* Meditatio.
- Animæ contemplativæ per aquilam signantur, 17C, et recte semen Israel dicuntur, 537D, 540B.
- CONTUMELIA, quid sit, 670A. — Pejor est detractio et furto, 670B.
- CONVIVIA olim in festis usitata erant, 89D. Quibusdam in locis super mortuorum monumenta disponebantur, 101C. — Assueri convivia describuntur, 173A, C'. — Apud Persas, convivæ ad bibendum cogebantur, 176D, et mulieres seorsum vescebantur, 176D. — Quempiam ad bibendum provocare in jure prohibetur, 176C.
- COR pulmoni conjungitur, 32D'; primum est vivens, ultimum moriens, 105B, 534C 656B. Passionibus sensitivis immutatur, 534A', constringitur timore, 201A', et tristitia, 427D'. — Cor Christi, quomodo in Passione liquefactum sit, 534C. Cor piscis, qua virtute dæmonem fugare potuerit, 105D. — Cordis nomine sæpe intellectus vel voluntas designatur, 534C, 560B', 565C'. Illud movere Dei proprium est, 287B; intima ejus noscere non est hominis, 238B; attamen quodammodo in vultu et oculis deprehenduntur, 238B. — Illud custodire, difficillimum est, 495A', sed necessarium, 661B'. — Quomodo derelinquat hominem, 660C', 661A'. — Toto corde confiteri Domino, quid sit, 437C.
- CORE et filii Core, an quosdam psalmos conscripserint, 670D. — Psalmus « intellectus filiis Core », quomodo intelligendus, 662B.
- CORNU, quid in Scripturis significet, 683A. — Deus, quomodo dicatur cornu salutis, 499C, 510A'.
- CORNUSTIBIL, filia Job, cur sic dicta, 42B.
- CORPUS. Bona corporis complexio magnum est Dei donum, 11A, et ejus sanitas sanctitati valde prodest, 111A. — Præ timoris magnitudine corrui, 119B. — Saccus vocatur, 586A. — Corporalia a Deo sunt facta, 455B', et Providentiæ subjacent, 455C'. — *Cf.* Caro.
- CORREPTIO misericordiam parat, 98A, et maximum est beneficium, 95C'. — Respuere corripientes, quantum noceat, 95B'.
- CORUS mensura, quanta, 224D'.
- CORVUS, avis gulosa, 11B'. — Pulli corvorum per septem dies a matre relictæ, 11A', quomodo sustententur, 11B'. — Ad Dominum clamare dicuntur, quo sensu, 11C.
- CREATURÆ omnes a Deo, saltem mediate, factæ sunt, 334C, et in ipso sunt vitaliter, 649A; coram eo nihilum reputantur, 647C', et vanitas, 647D'. — Creaturæ irrationales, quomodo Deum laudare possint, 3C, aut benedicere, 110B'. — Eis insunt quædam erga Deum obedientialis potentia, 197A', et multæ vires secretæ, 106A. — Creatori creaturas præferre, idololatria est, 685D.
- CRINES vel barbam evellere, olim lugentibus consuetum, 227C'. — Decalvatio apud antiquos probrosa, 261C'.
- CRUX lectus doloris vocatur, 664B. — Crucis supplicium acerbissimum, quare, 535A.
- CURRUS in bellis quondam usitati, 132B. — Quid mystice, 522C.
- CUSA (Nicolaus de), Cardinalis, Brixienensis episc. Ipsi dedicatur tractatulus, 45. — Ejus epistola ad Dionysium explanatur, 45A et seq.
- CYMBALUM, quid sit et significet, 465A.
- CYPRIANUS (S.) Carthaginienensis episc. martyrio errores expiavit, 56A. (Acta SS. die XIV^a Septembris.)
- CYRUS, rex Persarum, devictis Medis, 131B, regnum Cambysi filio tradidit, 132C. — Fuit monarcha orientis, 210A, sed non totius, 210B. Quibus regnis præfuerit, 132B', et quot annis regnaverit, 211D'. — A cœcis annis in Scriptura prædictus erat, 210A. — Multum Judæis favit, 210A', 211B, illis dando licentiam reedificandi templum et Jerusalem, 210D, 219C, 235B', et vasa templi restituendo, 211C. — Ejus edictum, 210A, quo anno datum, 209A, et qua de causa, 209B'. — Deum Israel coluisse videtur, 210C'. — Ejus indoles, 211D', et mors, 212A. — Fuit figura Christi, 212B'.

D

DÆMONES et diabolus. Lucifer, principium viarum Dei et princeps angelorum, 23C, quo sensu cum homine creatus dicatur, 21C. — Bellua factus est, 20A', et in bruto-

rum forma frequenter apparet, 20B'. — Ejus naturalia integra sunt, 32D, 36C; sed cognitio ejus, malitia offuscata, diluculo comparatur, 32D. — Homine fortior est, 26A,D,D', 34A', 36A, et callidior, 27D, proindeque timendus, 36D; sed ejus vires a Deo moderantur, 23D, 29A', et a Christo enervatae sunt, 474B'; quomodo ab eo victus sit, 26B, A', et deceptus, 27D. — Quandoque Deum deprecatur, 30A; sed prorsus induratus est, 30B, et infernum quasi non perpetuum putare videtur, 35D'. — « Insatiabilis homicida », 35C', omnibus fuit occasio peccandi, 23C; causa est persuasiva peccatorum, 62A', et damnationis, 59A', exsecutiva poenarum, 53D. — Mortem Christi primo optavit, 579C', sed mox per uxorem Pilati impedire conatus est, 579C'. — B. V. Mariæ et Ecclesiæ præcipue infensus est, 468A', sed ab eis est contritus, 468C; Sanctos timet, 27A, ob supernaturalem virtutem, 36B; a prædicatoribus conciditur, 27C', a resistentibus dejicitur, 28D'. — Dicitur rex superbis, 36B', et « ultor », quare, 456D. — Caput impiorum est, 31C, et quæ de eo in Scripturis dicuntur, sæpe de reprobis intelligenda sunt, 400A. — Per reges Babylonis et Tyri figuratus est, 20B'; describitur sub nomine Behemoth, 21C', et Leviathan, 25B'. Cur bovi comparatus, 21C', fœnum comedere dicatur, 21B'; quomodo virtutem in lumbis et umbilico habeat, 22B; quid ejus oculi, 32D, A', dentes, 30D', collum, 33B, ossa et cartilago, 23A, squamæ, 31C, sternutatio, 32B, montes, 23B', etc.

Dæmones in malo sunt confirmati, 444B', 469D'. — Materiales passionēs non habent, 545C'; divitiis non oblectantur, 35A; incubi vel succubi, animo non corpore delectantur, 22C. An rebus materialibus afficiantur, 405A'. — Invidiosissimi, 584C', omni justo æmulantur, 622D', omni malevolo parati sunt cooperari, 27B'. — Homine sunt fortiores, 542B', et in eum ab initio dominantur, 512B'. — Cur homines tentare permittantur, 29B; quanta astutia eos aggrediantur, 30D, B', D', 649B', 622C', 640B, et decipiant, 32B'. Ad detegendas eorum insidias; opus est dono discretionis, 619D. — Verumtamen non ad libitum tentare possunt, 497A, et ab angelis refrenantur, 563D'. Homines tentando, augmentum pœnæ merentur, 648C. — Per luxuriam maxime prævalent homi-

nibus, 22B; in impiis ludunt, 23D', in otiosis et voluptuosis morantur, 24C; religiosi præcipue insidiantur, 24D'. — Sæpe hominibus secreta revelant, 517D', vel parere videntur, 28C, sed suos sequaces fallunt, 26D', et derident, 552A. — Justos timent, 649B; si contemnantur, recedunt, 640C'. Quibus potissimum expellantur, 544C'. — In Scriptura vocantur testes iniqui, 566B', bestię, 23D', leones, 622A', caligo, 501B, nox, 547D', etc. — Cf. Asmodæus.

DAMASCENUS (S.) haud semel allegatur, 40D, 55C', 97B', 439B, 398B, etc. (Migne *Patrol. gr.* tom. 94-96.)

DAMASUS (S.) Papa, Psalterium a S. Hieronymo translatum in Ecclesias Galliæ introduxit, 401D'. (Migne *Patrol. lat.* tom. 43, col. 409.)

DAMNATIO. Causa propria damnationis est voluntas, 59A, causa instigans, diabolus, 59A'. — Dammati sunt in malo confirmati, 469D', et a Deo contempti, 585C.

DANIEL propheta simplicitate de ore leonum eripi meruit, 278A'.

DARIUS Medus, filius Astyagis, a Cyro Medis præficitur, 434B.

DARIUS I, Hystaspis filius, rex Persarum, de quo in Esdra, 249B', cui successerit, 436A, et quando regnaverit, 473C. — Amicus Zorobabel, in Deum verum credebat, 222C, votum fecerat reedificandi Jerusalem, 220C, et templi reedificationem promovit, 222B'. — Ejus epistola, 221C. — Quomodo rex Assur dicatur, 223A'. — Perperam a quibusdam pro filio Assueri et Esther habitus est, 332B, vel pro Dario ab Alexandro devicto, 332D, vel pro Artaxerxe, 222B', 335B'. — Cf. Artaxerxes II.

DARIUS III (Codomanus), rex Persarum, non fuit filius Assueri et Esther, 268A. — Ab Alexandro devictus, quomodo obierit, 267B'. — Ejus monita ad Alexandrum, 268A.

DAVID mansuetudine maxime placuit Deo, 453B', 634C, et regnum meruit, 278B. — Ter unctus est, 562D. — An juste Semei occidi mandaverit, 54C'. — Sub nomine David sæpe in Scripturis ad litteram intelligendus est Christus, 445B', 509A', 570D, 688D'. — Allegorice fuit figura Christi, 423D, 444D, 498D, etc., et exemplar pœnitentium, 441B', 596C. Quid tropologice, 425D, 448B. — A S. Spiritu specialiter edoctus, 389, sublimi modo spiritum prophetiæ ha-

- buit, 397B. An sit omnium maximus Prophetarum, 397A', 398A'. — Ejus prophetiæ de Christo, 451D', 454C'. Quæ de Passione scripsit potius historia quam prophetia videntur, 529A', 533C'. — Num omnes psalmos composuerit, 401C, 670D. Quid psalmi « ipsi David », 570D, et « intellectus David », 596C. De ipso ad litteram exponuntur Ps. III, 422B; IV, 430D; VI, 441B'; VII, 442B; X, 466D; XIV, 482C. — *Cf.* Psalmi.
- DECIMÆ quotannis solvebantur in sustentationem Levitarum, 87B; tertio quoque anno duplicabantur in usum pauperum, 87B. — Decimæ Levitarum, stante necessitate, ab aliis comedi poterant, 457B'. — Jussu Nehemiæ solvuntur, 261A.
- DECIUS Cæsar, prædecessorem suum Philippum occidit, 203A'.
- DELECTATIO spiritualis corporali præstat, 519C'. Aufertur sæpe a justis, quare, 476A. — Delectatio in opere signum est virtutis, 280C, 519D. — In temporalibus delectari, quatenus liceat, 629A'. — *Cf.* Bonum, Consolatio.
- DEMETRIUS I (Soter), filius Seleuci (Philopatoris), a regno Syriæ exclusus, 295C, illud recuperat, 295D, 373C. — Primo Judæis infensus, 295C', Jonathæ multa concedit, 303C', 304C. — Ob tyrannidem a suis relictus, 303D, interficitur, 305D', 330A'.
- DEMETRIUS II (Nicator) filius præcedentis, regnum Syriæ ambit, 306C, et, auxiliante Ptolemæo Philometore, occupat, 308D. — Jonathæ benefacit, 309C, et Simoni, 316D', quare, 320A. — Primo a Judæis liberatus, 310D, a Medis comprehenditur et obtruncatur, 318B, 330B'. — Quomodo filius Seleuci vocetur, 330C'.
- DESERTUM, cur pluvii irrigetur, 7C'; quomodo voce Domini concutiat, 578C. Allegorice, gentilitatem signat, 7D'. — Desertum Sinai inhabitabile, 439B'. — Desertum Cades, quid mystice, 578D.
- DESIDERIUM, quid sit, 671D'. — Ex amore procedit, 671D', 672C, et cruciat amantem, 672D'. Animam ad visionem Dei præparat, 672C. — Christus, ut homo, desiderare potuit, 672A; an hoc possint Beati, 489B, 527D, 671D'. — Deus, quantum desiderandus, 671A.
- DETRACTIO, quid sit proprie, 669D'. — Gravior est furto, 483A', 670B. — Par est peccatum detrahere et detrahenti applaudere, 483D.
- DEUS multiplex esse non potest, 368D', et unitate delectatur, 378A'. — Ejus essentia est sua potentia, 37B. Vita est, 626D', fons et principium totius vitæ, 676C'. — Cur Deus dicatur, 440B', Dominus, 451C', Adonai, 166D, Deus cæli, 417C, 236D, et Deus vivus, 672A'. — Se cognoscendo, omnia cognoscit, 37C, etiam futura, 395C; omnia intuetur et discutit, 685A'. Filio, eum generando, omnia dicit, 417C'. — Quomodo sit causa omnium, 61A, 602D', omnia fecerit, 334C, et vivificet, 252A. — Omnia opera ejus ex æterna providentia procedunt, 451C, 603B'; nihil agit fortuito, 603D; nunquam mutat consilium, 603A', licet mutet sententiam, 603C'. — Mensura est omnis veritatis et æquitatis, 519B', et auctor totius boni, 426C'; nihil nisi justum facere aut impedire potest, 470C; in omnibus actibus ejus contemperantur justitia et misericordia, 93B', 655C'. — Voluntas ejus causa est unica prædestinationis, 61B; in gratiarum enim largitione ad quamdam respicit congruitatem, 60C', sed in prædestinatione liberrime agit, 61A. Cur tam diversimode homines tractet, 49B'. Consilium ejus in salute hominum, inscrutabile, 653A. — Solus directe voluntatem hominis movere potest, 67D', 202A; sed bono ordini congruit ut maneat libera, 49A. Quomodo eam dirigat, 69A', 544D'. — In creatione et gubernatione mundi suam requirit gloriam, 49B, et commune bonum, 49C. — Quum ad rectam gubernationem pertineat ut malum tollatur, 48B', cur peccatis quasi cooperari videatur, 50B'; quid ei tribuendum in peccatis, 50A', persecutionibus, 52B, tribulationibus, 53A, morte, 53B, damnatione, 59B'; quatenus cooperatus sit Christi traditioni, 51D, 664A, et passioni, 51A; quo sensu de poenis nostris gaudeat, 98B; cur sæpe preces non exaudiat, 539B', D', vel tardet audire, 686C. — Quæ ejus maxima vindicta, 57A; quæ occultissima judicia, 54B', 57C'. — Quomodo dicatur terribilis, 334D, quum sit dulcissimus, 590C', 608D'; solus justus, 334B', susceptor animæ, 676D'. Mirabilis est in naturalibus, mirabilior in supernaturalibus, 454C, mirabilis olim in Judæa, mirabilis nunc ubique terrarum, 454B'. — Quo sensu dicatur in cælo habitare, 417D, de cælo respicere, 480C', 604A, vel descendere, 512C; terram concutere, 5D; homines interroga-

- re, 469B, probare, 492B, tentare, 560C; irasci, 96C, aut ad iracundiam provocari, 253B', 435A'; irridere, subsannare, 416D', odisse peccatores, 434D; oblivisci aut meminisse, 459D, 460A', 552C'. penitere et converti, 603A'; induere arma, 612A, aut virtutem, 612C, etc. — Quid sint Dei facies, 565D', vultus, 429C', 491D', oculi, 236A', 434C, palpebræ, 469A, C, aures, 236A', 433A', 593B, alæ, 492D', 496D, 626B, brachium, 682B', 687A', manus, 587C', 589D', etc.; quid ejus regnum, 420C, civitas, 592A, 595B', templum, 468B, domus, 557C', 561C, 564A', thronus, 458B', sedes, 467B; etc.
- Deus omnibus est per se notus, 480A; verumtamen inaccessibilis in se est, 451B, et per effectus tantum cognoscitur, 451C; imo effectus ipsi ex parte solum deprehenduntur, 457D. Philosophis innotuit ejus majestas, Hebræis æquitas, Christianis misericordia, 509D'. — Specialiter justorum Deus est, 433B', ad quos pertinet illum « suum » vocare, 448B'. — Solus animæ desideria satiare valet, 497B', et in visione ejus invenitur beatitudo, 525B, 527A, incomprehensibilis lætitia, 527B, æterna Beatorum refectio, 546B. — Varias ob causas, æque timendus est, 244A', 418C', et diligendus, 498D', 671B'; in dubiis consulendus, 38C, et fiducialiter invocandus, 427C'. Judicia ejus non nisi reverenter scrutanda sunt, 38A. — Quomodo coli debeat, 330A, 418D, et quæri, 460B, 549A', 607C', ut inveniantur, 146A'. — Quid sit Deum sustinere, 552B, C', 566D', et expectare, 635A, 651C'. — Quomodo allocutus sit Job et amicos, 1A, et Moysen in Sinai, 1B.
- DEXTERA, quid in Scripturis significet, 558B. — Quid sit dextera Christi, 525A', et Dei, 492C', 496C, 506A', 522B, 682B', etc. — Quomodo Deus a dextris Christi fuerit, 487A', vel a dextris sit animæ, 490B. — Quo sensu in dextera ejus sit delectatio, 488A', 490C'.
- DIABOLUS. *Vide* Dæmones.
- DIES hujus vitæ breves et mali, 647A, B'. Quomodo a diversis gentibus nominati, 547D. — Dies æternitatis, quid, 417B', 547B', 647B, et unde causetur, 528A. — Dies afflictionis, sic recte dicitur dies natalis, 512C'. — Quomodo dies dei eructet verbum, 517B, B', C', et in die mandaverit Deus misericordiam, 676D. — Dierum plenitudo, quid sit, 43A. — Liber Verborum dierum, quid, 258B.
- Dies. Ita vocata est una ex filiabus Job, quare, 42B.
- DILUVIUM quomodo Deus inhabitare faciat, 578C'.
- DIOCLETIANUS, nomen christianum omnino delere tentavit, 668C.
- DIONYSIUS (S.) Areopagita, « sacratissimus atque divinissimus » 448B', « princeps theologorum », 501A', vel simpliciter « Theologus », 502A, sagaciter legendus est, 545C'. — Ad eclipsim solis, Christo patiente, stupuit, 500C'. — Frequenter citatur, 9C', 32D, 34D, 36C, etc. (Migne *Patrol. gr.* tom. 3, 4.)
- DIONYSIUS Cartusianus, cur Psalmos interpretari aggressus sit, 404A, quomodo, 404A', et quo anno, 508B. — Opera ejus, quo ordine edita, 383. — Stili ejus simplicitas excusatur, 387. — Religiosorum ruinam deflet, 25A, malam puerorum carpit educationem, 89C', balneorum quorundam indecentiam, 476A', fidelium avaritiam, 245A'. — Quanta ejus humilitas, 671A, et pietas, 677D. — Epistola ejus ad Card. de Cusa, 45.
- DISCIPLINA Dei, quid sit, 514C, A'.
- DIVITIE hujus vitæ incertæ, 648D, nec sollicitè quærendæ, 648C. — Sanctorum divitiæ, quid, 648D'. — *Cf.* Prosperitas.
- DOMUS in Judæa tecta habebant plana, 249C'. — Domus Dei, sic vocatur anima fidelis, 557C', 561D, 568A', vel Ecclesia, 557D', 561C, 564A', vel cælum empyreum, 564B', 568D'. Quomodo ab ubertate ejus anima inebrietur, 626B.
- DRACO, quid sit, 194A. — Per duos dracones visionis Mardochei, 493C', quid significetur, 194A, C'.
- DULCEDO Dei, quanta, 590C', 608D'. — Quibus potissimum detur illam degustare, 590D', 591A', 608B', et quomodo, 591A, 591D', 609A. — Incipientibus sæpe communicatur, quare, 591B.
- DURANDUS (a S^o Portiano), Ord. Præd. theologus, allegatur, 61C', 65A', 71D.

E

- ECBATANIS, metropolis Medorum, 131B, urbs munitissima, 221C, describitur, 131A'. — Non æquavit Babylonis magnitudinem, 131B'.
- ECCLESIA Dei, olim quid, 260A. Ab ea Ammonitæ et Moabitæ excludebantur, 260A. —

- Ecclesia triumphans.** Quæ ejus portæ, 123 D, muri, 123 D, plateæ, 123 A'. Ibi jugiter resonat Dei laudatio, 123 B'. Jerusalem vocatur, 123 A. — Ecclesia militans regnum est Dei, 544 B, quod nunquam in toto corrumpitur, 120 C, et semper in multis membris pace et justitia gaudet, 123 C'. Qui ad eam pertineant, 483 A. — Regina populorum, 545 C, et pascua animarum, 544 B, dicitur Dei tabernaculum, 482 C, 501 B', et domus, 557 D'; Jerusalem, 122 D', et filia Sion 460 C'; firmamentum, 517 A. — Quid ejus venter, 540 D', uterus, 541 B, ubera, 540 D', thesaurus, 56 B, divitiæ, 629 D. — In exordio et in fine vexata, 594 B', tempore Antichristi nulla faciet miracula, 462 C, et quasi derelicta videbitur, 465 A, et minuta, 465 D. — Ejus profectum fidelis quisque optare debet, 561 C, et hostibus ejus mala temporalia potest imprecari, 620 B. — In Scriptura varie figuratur : 1° Per terram : quomodo sit super maria fundata, 548 C', super flumina præparata, 548 D'. — 2° Per Saram : hereditatem consecuta est, 433 A. — Per Judith : diabolum devicit, 468 C, et spolia ejus Deo dicavit, 468 B'. Etc. — De ipsa ad litteram exponuntur Ps. iv, 427 D; v, 433 A; viii, 451 B; ix, 457 C; xii, 543 D; xxviii, 575 B.
- ECSTASIS.** Psalmus « pro ecstasi », quomodo intelligendus, 586 C.
- ELEAZAR** Machabæus, frater Judæ, 294 C, fortiter in bello occubuit, 294 A. — Licite morti se objecit, 294 B. — Dictus est etiam Mauron, 294 D, Joseph, 360 D', Saphum, 361 A, et filius Saura, quare, 294 C.
- ELEAZARUS** senex, Scriba, carnes vetitas comedere constanter recusans, 353 D, martyrio coronatur, 354 B.
- ELECTI** ab æterno electi sunt, 504 D', et perire non possunt, 578 D. — Licet pauci videantur respectu damnandorum, multi erunt, 653 A'. — Christus, quo sensu dicatur electus, 504 D. — Cf. Prædestinati.
- ELEEMOSYNA** corporalis commendatur, 99 C', 401 A, 667 A, et spiritualis, 667 C. — Frequenter de congruo meretur conversionis gratiam, 100 C, et benedictionem, 667 C', in tempore infirmitatis, levamen, 668 A, in hora mortis indulgentiam, 667 D'; peccata purgat, 418 B, 667 A', purgatorium minuit, 100 B, vitam parit æternam, 418 C. — In eleemosynis Deus magis affectum pensat quam donum, 100 A.
- ELEMENTA.** In orbe, elemento cuique natura et fine assignatur locus, 4 B', D'.
- ELEPHAS,** maximum animalium, 201 D', 293 A', sub nomine Behemoth describitur, 201 D'. Animal est melancholicum, 24 C, in umbris et humentibus degens, 24 A', et sæpe cum rhinocerote conflictans, 13 D'. — Quum ceciderit, resurgere nequit, 22 C'. Quantum bibere possit, 24 A'. — Maxime domabilis est, 21 A', et multum de ratione participat, 21 B', 293 C. Quomodo capiatur, 25 A, D, cicuretur, 25 B, usurpetur in bellis, 271 B, accendatur ad prælium, 293 A'. — Spiritualliter, figura est diaboli, 21 B', 23 B. — Cf. Behemoth.
- ELIACHIM** pontifex tempore Judith, qui in Nehemia Joachim vocatur, 164 C, 257 C', quis fuerit, 137 B, A'. — Contra Assyrios præsidium comparat, 136 D', cum magno zelo, 137 D'. — Magnificis verbis extollit Judith, 164 C.
- ELIAS** propheta zelo meruit in cælum assumi, 278 C. — In fine sæculi Judæos convertet, 479 B'.
- ELIASIB** pontifex, nepos Josue, filii Josedec, 257 C', Esdræ auxiliator in restauranda Jerusalem, 239 D. — Cum Samaritanis conjunctus, 260 D, 262 A, legem transgreditur, 260 A'.
- ELIPHAZ**, inter amicos Job principalis, a Deo carpitur, 39 D. — An ipsi Deus apparuerit, 39 A'.
- ELISEUS** propheta absque simonia munera Naaman accipere potuisset, 417 B.
- ELIU**, amicus Job, « vir eloquens et non mediocriter sciens, » 75 B, sapientius ceteris loquitur, 75 D', et sublimia de Deo profert, 75 B, etsi non omnino vera, 80 B; sed quia bona indiscrete protulit, 1 A', et imperite, 1 B', et « nimis pompose », 75 D', ideo carpitur, 1 A'. — Verba Job non rite intellexit, 80 A'. — Cur a Deo non redarguatur, 39 D'.
- EPHEBI** et ephibia, apud ethnicos, quid, 344 C'.
- EPIPHANIUS** (id est Pseudo-Epiphanius, de Vita et morte Prophetarum). Quæ de arca narrat, 337 C', sat difficilia intellectu videntur, 338 B, et pie intelligenda sunt, 338 D. (Migne *Patrol. gr.* tom. 43, col. 393.)
- EPISCOPUS**, quomodo interpretetur, 256 C'. — Episcopus Levitarum, quid, 256 B'.
- EQUUS**, cur sic dictus sit, 46 A'. — Animal forte, 15 D, « hinnitivum », 15 D, velox, 15 C', audax, 15 C', bellicosum, 15 D', pedibus pro

- armis utens, 16A, ad reipublicæ tuitionem creatus est, 16D. — Buccinæ clangore animatur ad bellum, 16C, 293A'. An leonem paveat, 16A'. — Libidinosus est, 106A', et lascivorum figura, 15A'; sed, resecta juba, castior efficitur, 15B'. — Quid tropologice, 522C.
- ERUBESCENTIA, quid sit et quotuplex, 531C'. — Est optima passio, 531D'.
- ESDRAS, sacerdos, 333A', et propheta, 485A, quem Hebræi Malachiam fuisse putant, 224C, amicus Xerxis, 223C', quomodo in Jerusalem venerit, 225D, et quando, 223C. — Legem populo solenniter legit, 248D, et prævaricantes corripit, 227B. — Zelo Dei accensus, 207, vitam in senectute veneranda finivit, 233, et typus est boni prælati, 230B'. — Novos litterarum apices excogitavit, 223B'; libros canonicos V. T., præter Pentateuchum, reparavit, 223B', 405A; auctor est librorum Paralipomenon, 209A, et Esdræ, 209A, saltem primi, 233, nec non primi Psalmi, 405A, 654B'. Librum Psalmorum cur ita disposuerit, 401A'. — Liber Esdræ, cum secundo Paralipomenon connectitur, 209A.
- Esdras alii memorantur, itidem sacerdotes, unus cum Zorobabel reversus, 237C, alius exercitum Judæ comitatus, 361A.
- ESTHER, Persarum regina, quæ fuerit, 178C', et quando vixerit, 173A, 267A. — Pulchra, 179A, C', humilis, 179B', 180D, sancta, 179D', magno apparatu ab Assuero ducitur, 180A. Quo jure nupserit gentili, 180D', et cur ad solium sit evecta, 184A. — Audacter se morti offert pro gente sua, 184B, 198A. Quomodo Aman disperdiderit, 188C, et Judæos salvaverit, 190A. — Quomodo a rege sit recepta, 184C', 201B; cur Aman ad convivium vocaverit, 183D. — Ejus jussu solennitas introducit, 192A'. — Parvo fonte in visione Mardochei figuratur, 193C', 195B. — Quanta ejus perfectio, 200B', et quid nos doceat, 200C'.
- Liber Esther, a quo conscriptus et cur sic vocatus, 191C'. — Inter canonicos recensetur, 173A; verumtamen in eo reperiuntur quædam non authentica, 193D, et translatores multa addiderunt, 203A, quæ ex Josepho desumpta videntur, 185B, 196B.
- EUNUCHUS diverse accipitur, 178A'. — Eunuchi duo in regem Persarum conspirantes a Mardocheo deprehenduntur, quomodo, 180A', 195C. Pro Aman conjurasse videntur, 196A'.
- EUSEBIUS, Emisenus episc., allegatur, 31C'. (Migne *Patrol. gr.* tom. 86.)
- EXCOMMUNICATIO valde timenda est, quare, 565A.
- EXERCITUS. In duce cor est exercitus, 165C', in peditibus, robur, 134C; ideo in exercitibus antiquis pauci equites, multi pedites erant, 134B. — Exercitus inordinatus hosti victima est, 293D'. — Deus, de humanis copiis parum curat, 153D. — Exercitus cælorum, quid, 251D'; quo sensu Deum adoret, 252B.
- EZECHIEL propheta, in pluribus fuit figura Christi, 533A.

F

- FACIES Dei, quid, 565D', 566B, 672C'; in hac vita videri nequit, 566A. — Quid facies animæ, 565D', 569B'. — In abscondito faciei Domini quomodo abscondatur anima, 591B'.
- FAMA, quatenus tuenda, 55A. — Eam appetere licet, 277D, 294B, 301A.
- FAMES hominis duplex, 632A'; in utraque justi a Deo saturantur, 632A'. — In bello plus metuenda est quam gladius, 134C.
- FATUM, an sit aliquid, 63B, 64B, 65A'; num ejus nomine uti liceat, 63B. — Multipliciter sumitur, 63D. — Quid sit proprie, 65D', 71D; unde nomen acceperit, 65D, 71D; quomodo a Providentia differat, 65C; quatenus sit causa actuum humanorum, 66B'; quæ ei subjiciantur, 66A; an sit immutabile, 65C'. — In fato luna magnum dominium habet, 64B. — Libellus quidam de Fato Thomæ adscribitur, 63D, D'. — Pulchre de eo tractaverunt Petrus de Alliaco et Ægidius de Roma, 67A'. — Cf. *Fortuna*, *Stellæ*.
- FEL piscis contra albuginem valet, 106A. — An virtute propria Tobie cæcitatem depulerit, 116A, 117B. — Tropologice, compunctionem signat, 116C'.
- FELICITAS, quid sit, 547B. — Hominis felicitas in visione Dei ponitur, 626D. — Cf. *Beatitudo*.
- FELICITAS (S^a) cum septem filiis martyr, Machabæorum matri comparatur, 359B'. (Acta SS. die X^a Julii.)
- FESTIVITATES quædam Judæorum recensentur: Primo mense (Nisan), festivitas Azy-morum sive Paschæ, 223A, a mundis per

septem dies celebranda, 222 D'. — Secundo mense (Ziv) xxiii^a die, festum liberationis Sion, 317 C'. — Tertio mense (Sivan) 1^a die post Pascham, festum Septimanarum seu Pentecostes, 369 B'. — Septimo mense (Tisri), prima die, festum Tubarum, 248 C'; xv^a die, festum Scenopegiae, 304 A, seu Tabernaculorum, 249 D; xxii^a die, festum Collectae, 250 A, in qua solvebatur tertia pars sicli in usum sanctuarii, 250 B. — Nono mense (Casleu), xxv^a die, Cambysa dies, in memoriam liberatae Bethuliae, 168 C, et festum Luminum, 289 C', seu dedicationis altaris, a Juda institutum, 289 B, B'. — Duodecimo mense (Adar), xiv^a et xv^a diebus, festum Phurim vel Sortium, 192 B, a Mardocheo decretum, 191 C'.

Mos octavam festorum agendi, unde venerit, 289 A. — Dies festivos decent convivia, 89 D, et lætitia, 249 A. Quomodo sint colendi, 250 B'.

FIDES, nec in Christo locum habuit, 432 B', nec est in Beatis, 528 B, D. — Oculus est animæ, 565 D', quæ non nisi fide Deo placere potest, 601 D. — Fides christiana nunquam penitus peribit, 465 D. — Celebratur fides Abrahæ, 277 B', et trium puerorum, 278 D.

FILII, quid parentibus debeant, 99 C. — Filii sapientes sunt parentum laus, 112 D', et gaudium, 113 C'. — Filii Dei, sic dicuntur Beati et viatores, quomodo, 421 A'.

FINIS non unam significationem habet, 427 C. Quo sensu Deus vel Christus finis noster dicantur, 427 D, 646 D'. — Finis hominis, quid et quotuplex, 646 B'. Ejus meditatio commendatur, 646 C'. — Psalmi « in finem », quomodo intelligendi, 427 C, 448 B, etc.

FIRMAMENTUM litteraliter octavam sphaeram designat, 517 A'; allegorice, Christum, 517 C', vel Ecclesiam, 517 A.

FLUMEN. Super flumina quomodo terra fundata dicatur, 548 D. — Mystice, flumina vitia figurant, 548 D'.

FOEDERA olim vituli occisione firmabantur, 245 C.

FORNICATIO apud gentiles non illicita reputabatur, 179 A'. — Fornicationes cordis, quid, 661 B.

FORTITUDO, quid sit, 279 B. — Bellatoribus specialiter necessaria est, 279 B; sed prudentiæ moderamen sequi debet, 279 D. An fortiter agant sibi manus inferentes, 375 B',

C'. — Judæ fortitudo commendatur, 279 A', 300 D', 301 D.

FORTUNA. Quid sit fortuna, 67 C, bona fortuna, 67 B', 68 A, B. — A Deo est vel a stellis, 70 A. Quantum ab astris pendeat, 70 C'. — Quam ad bona exteriora dumtaxat respiciat, æque justis et impiis favet, 70 C'. — In Deo nulla sunt fortuita, 69 A, in homine vero quædam, 68 D', sed rara, 71 B; insuper, casus fortuiti quoad hominem, 67 B', præordinati sunt quoad Deum, 67 C', et a providentia gubernantur, 72 C. — Cf. Fatum.

FRAMEA, quid sit ad litteram, 459 B, et mystice, 459 B, 536 D, 542 B'. — Quid framea Dei, 493 D, 496 D', 612 A, 618 C'. Sic dici posset anima Christi, 493 A'.

FRIGUS, qualitas feminina, 8 C, causa est glaciei, 8 C, et pruinae, 8 D.

FRUMENTUM. A fructu frumenti quomodo multiplicentur homines, 429 D', 432 C. — Frumentum electorum, quid, 430 B.

FUGA. Quandonam hostes fugere liceat, 246 A'. — Fuga superantur tentationes blasphemiarum, 640 A'.

FUMUS in ira Dei quomodo ascendat, 500 D', 512 A.

FUNES, in Scripturis quid significant, 487 B. — Quomodo homini cadant in præclaris, 487 A, 489 B'.

FUNUS. In funere fidelium, ii pauperes sunt pascendi, 101 C, qui animæ defuncti suffragari possint, 101 D. — Reprobatur mos fercula in tumulis ponendi, 101 C. — Apud Judæos unicum toti familiæ erat sepulcrum, 238 A'.

FURTUM ex se grave est peccatum, 670 C, sed minus detractio, contumelia et susurratio, 670 B.

G

GABELUS, ex filiis captivitatis, vir justus, 103 A, ubi manserit, 112 C. — Tobiae junioris nuptiis adest, 112 C'.

GALATÆ a Judæis magna afficiuntur clade, 360 C'.

GALENUS (Claudius) medicus, allegatur, 65 A.

GALLUS, quo sensu intelligentiam habere dicatur, 10 B.

GARIZIM mons. Qua de causa templum sit ibi constructum, 351 C, et Jovi dicatum, 351 D.

GAUDIUM, quid sit et unde oriatur, 600 C. — Impiis non convenit, 600 D, qui gestiunt potius quam lætantur, 600 C'.

GAZA, vel Gazara, urbs Philistinorum, 318A, 320D, munitissima, 318B', a Jonatha expugnatur, 311B, et a Simone, 317C.

GAZOPHYLACIUM, quid fuerit, 259C.

GELU. Quæ ejus causa, 8B.

GENTILES. Eis ad salutem sufficiebat in Deum remuneratorem credere, 121A', et moralia mandata servare, 142B'. — Præter Deum, inferiores deos colebant, 284A; frustra ex lege conati sunt idololatriam suam excusare, 283D'. — Olim possessio dæmonum, facti sunt hereditas Christi, 448A, Synagoga substituta, 508A'. — Jumenta dicuntur, 625D'.

GLACIES, quotuplicis generis, 8C. — Ejus causa, quæ, 8C; imperfecte noscitur, 8A'.

GLADIUS duplex, 631B'. — Gladius Dei, quid, 443C', 447A'. — Qui accipit gladium gladio peribit, quomodo, 631D'.

GLEBA terræ, quomodo compacta sit, 10C'.

GLORIA, quid sit, 19B', 453B', 576A'. — Deo plenarie competit, 19B', et Christo plenissime data est, 453C'. — Gloria et decor Beatorum, quid, 528B. — Gloriam et honorem, quomodo Deo offerre possimus, 576C, A'; quo sensu cœli enarrent gloriam Dei, 516D', 517D, C'. — Lumen gloriæ, quid sit, 627D, quo opus est Beatis ad videndum Deum, 627B.

GLOSSA (Walafridi Strabi) passim allegatur, 90C', 93B, 157A', etc. (Migne *Patrol. lat.* tom. 113 et 114.) — *Adde* Rabanus

GORGAS, dux exercitus Syriæ, peritissimus, 283A, ex improvviso Judam aggrediens, 285C, fugatur, 286D, 369B', et prope interficitur, 369C'.

GORRA (Nicolaus de) Ord. Præd. theologus et commentator (XIII^o sæc.). 56B.

GRANDO, unde veniat ignoratur, 7B. — Quomodo justitiæ Dei deserviat, 7B.

GRATIA, quid sit, 679C. Peccato mortali deleta, protinus infunditur animæ, 441C. — In gratiarum largitione, Deus semper ad quamdam congruitatem respicit, 60C'. Cur eam sæpe deneget, 475C'. Hæc denegatio ira Dei vocatur, 566B. — Quanta gratia Christo concessa fuerit, 592A. Sine gratia ab aliis non distulisset, 504B'. — Novem gratiæ Dei ad animam, quæ, 544B et seq. — Invidia fraternæ gratiæ, pessimum peccatum, 555D.

GRATIANUS, Ord. S. Benedicti theologus, Decretalium compilator, 57A'.

GREGORIUS (S.) Papa, fuit primus libri Job expositor, 77B'. — Igneas acies in cœlo vidit, 348D. — Passim citatur, 2D, 13C', 14A, etc. (Migne *Patrol. lat.* tom. 75-79.)

GUILLELMUS Parisiensis episcopus, 66B, 105D', 331A'.

GUILLELMUS, dux Juliæ, quod in fide catholica subditos servaverit, laudatur, 386.

GURGUSTIUM, quid ad litteram, 28A, et mystice, 28D.

GYMNASIUM, quid sit, 270B. — Contra legem in Jerusalem gymnasium erectum est, 270A'.

H

HAGIOGRAPHIA, pars Scripturæ, 83. — In his etiam computantur apocrypha, 84.

HAMMONTANUS (Gerardus Kalkbrenner ab Hammont) Coloniensis Cartusiæ prior, psalterium duci Juliæensi dedicat, 386.

HAYMO, Halberstatensis episcopus, 52B', 167C, 219B, 273D', etc. (Migne *Patrol. lat.* tom. 116, col. 185.)

HEBRÆI templum versus orabant, 96B', 283D, et ter per annum in Jerusalem conveniebant, 87A. Quomodo peccata confiterentur, 251A. — Eis licebat filios aut filias ad tempus vendere, 244C. — Decimas quotannis solvebant, nonnunquam duplices, 87B, et post captivitatem, centesimam regi Persarum, 244C'. — Ob certas causas mortem sibi inferre, licitum putabant, 375B'. — Varia eorum regimina, 207. — Ex eis, in deserto, justi itinere non fatigabantur, perversi dolebant, 253D. — Mirabiliter salvati sunt a Judith, 163D, ab Esther, 190A, a Machabæis, 280B et seq. — Cur ab hostibus sæpe lacessiti, 147D. Duplici de causa in captivitatem ducti sunt, 120C', 224A'; multi in Persidem fuerunt translati, 333B', et pauci de Babylone redierunt, 220A. — Mox post captivitatem a Deo recesserunt, 247C', usuras exercentes, 243B, et cum Chananæis fœdera jungentes, 247B, ac connubia, 227B, B', 261B', invalida, 230B'. Quantum peccaverint, 227B', 228A. — Tempore Machabæorum, multi ad gentilium cultum transierunt, 269C', 273C', 344D'; verumtamen nunquam universi defecerunt a fide, 684B'. — Eis innotescebat æquitas Dei, 509D'. — Stellis et pulveri comparantur, quo sensu, 188A'. — *Adde* Israel et Judæi.

- HEBERA**, quid, 352A. — In sacris Bacchi adhibebatur, 352A.
- HELIODORUS**, Seleuci Philopatoris amicus, ad templum spoliandum missus, 342C, divinitus castigatur, 343A'. — Oniæ precibus sanatur, 343C.
- HEMOR**, rex Sichem, regi Asor subjectus erat, 150C'. — Injuste a filiis Jacob occisus est, 150A'. — Vere penituisse non videtur, 151A.
- HERCULES**, pugnator fortissimus, 345D'. Oceanum peragravit, 268D'. — In honorem ejus fiebant quinquennalia, 345C'.
- HEREDITAS**. Deus est nostra hereditas, 489D. quam peccando amisimus, 489A'; et nos hereditas ejus sumus, 433B, 486B'. — Quomodo hereditas Christi fuerit, 486D.
- HERMES** Trismegistus allegatur, 64A.
- HERMONIM**, quid ad litteram, 675B, et mystice, 675D.
- HERODES** Agrippa I, divinos affectans honores, a Deo percussus est, 136A.
- HERODIUS** avis, quæ sit, 14C.
- HIERONYMUS** (S.) « gloriosus », 77B', a crocodilis impetitus est, 105A. — Librum Job non exposuit, 77B'; librum Psalmorum ter transtulit, 401D'. — Quoddam assertum ejus corrigitur, 57A'. — *Adde* 52B', 299A', 401C, etc. (Migne *Patrol. lat.* tom. 22-30.)
- HILARIUS** (S.), Pictaviensis episcopus, plures autumat fuisse psalmographos, 401C. (Migne *Patrol. lat.* tom. 9, 10.)
- HIRUNDO**. Stercus hirundinis an virtutem cæcandi habeat, 91A. Hirundines, mystice quid, 92C'.
- HISTORIA** Scholastica (P. Comestoris) passim allegatur, 88C, 105A', 136A, 142A, etc. (Migne *Patrol. lat.* tom. 198, col. 1045.) Cf. Magister in historiis.
- Historia Alexandri, *vide* Alexander.
- Historica documenta quæ in hocce volumine elucidantur : Cyri regis decretum pro Judæis, 210A. — Darii regis epistola ad Samaritanos, 221C. — Artaxerxis (Cambysis) epistolæ ad Samaritanos, 218C', et ad Esdram, 224B. — Artaxerxis (Assueri) decretum contra Judæos, 196B, pro Judæis, 203D. — Antiochi Epiphanis ad Judæos, 362C'. — Antiochi Eupatoris ad Lysiam, 366D', et ad Judæos, 367B. — Antiochi Sidetis ad Judæos, 321C. — Demetrii Soteris ad eosdem, 304C. — Demetrii Nicatoris ad eosdem, 306A', 316D'. — Samaritanorum epistolæ contra Judæos, 218B, 220D', 246A. — Spartiatarum ad Judæos, 312A', 313D, 349D. — Romanorum ad Judæos, 299C', 367B'. — Judæorum ad fratres in Ægypto, 329A, 331C', ad Spartiatas, 312D; eorundem decretum de Simone, 320A.
- HOLOCAUSTUM**, sacrificiorum præstantissimum, 40B, cur totaliter incensum, 167A', 273A'. — Spiritualiter, quid holocaustum Christi, 521B', Ecclesiæ, 523C, animæ, 523A. — *Adde* Altare.
- HOLOPHERNES**, princeps militiæ Assyriorum, 133D', potentissimus, 134A, ambitiosus et crudelis, 133D', 134D', 135B, superbissimus, 140A', et stultissimus, 141C, quomodo a Judith deceptus sit, 156B, et occisus, 160A. — Juste a Judith deceptus est, 155B', et merito feminea manu occubuit, 153B. — Caput ejus super muros Bethuliæ suspensum est, 162B, et spolia in templo consecrata, 167B'. — An vere Nabuchodonosor pro deo habuerit, 140B'. — Moraliter, varia signat, 136B', 140D', 168C. — Cf. Achior, Bethulia, Judith.
- HOMO** signaculum Dei dicitur, 5B'. — Multipliciter a Deo intelligentiam accepit, 10A; sed opera Dei non nisi ex parte cognoscit, 457D, et scientia ejus semper est obscura, 501C'. — Eum liberum esse oportet, 49A; verumtamen cuncta ejus subjacent Providentiæ, 53B'; quoad corpus stellis subjicitur, 66D, quoad animam, angelis, 67C', quoad voluntatem, Deo, 67D', 202A. Ab angelis et stellis adjuvatur in electione, 68D, et in executione, 69C; sed aliter ab angelis, aliter stellis, 68B'. Quomodo a Deo dirigatur, 69A', et adjuvetur, 69C'. Quo sensu dicatur bene natus, 68C, bene fortunatus, 67B', 68A, bene gubernatus, 68D, et in quo, 69A, D'. — Substantia ejus, quomodo sit apud Deum, 648D'. — Licet sit vilis, 278C', et jure dicatur vermis, 540D, C', aranea, 650A, nihilum, 647B', et vanitas, 647D', 648A, in supernaturalibus æquiparatur angelis, 456C', in naturalibus omnia ei quodam modo subjecta sunt, etiam cœlestia, 455A'; rex non immerito vocatur, 420A. — Quantum honoratus a Deo, 455B. Misericordia Dei totus repletus est, 602A; per fidem et gratiam fit filius Dei, 421A', et Ecclesiæ, 679D, et postmodum in regnum cœlorum introducit, 679A', ubi tanto clarius Deum videbit quanto magis eum desideraverit, 672C. Quo sensu dicatur incola

in Ecclesia, 650A', et peregrinus super terram, 650B'. — Per culpam originalem totus sauciatus est, 637B; causam perversitatis in se habet, 21D', et quamdiu vivit, peccato est obnoxius, 476D. Ex se nec bona facere potest, 480A', nec diabolo resistere, 28A', 34A', 35A, 36C, imo nec peccata distincte cognoscere, 660B', C'. — Ex hominibus nullus coram Deo justus est, 48C, 678C'; ideo nunquam ab eo injuste percutitur, 48B. Cur Deus eum tentari sinat, 29B. — Dei judicia non nisi reverenter scrutari debet, 38A, eum in dubiis consulere, 38C, de eo cum omni humilitate loqui, 49C, et sicut omnia ab eo recepit, sic omnia ad eum referre, 575C', etiam seipsum, 576B, C. — Quo pacto Dei misericordiam provocet, 661B'; quomodo eum circumdare possit, 446B', et laudare omni tempore, 606A', quod est occupatio ejus optima, 606D'. — Ab eo servanda est in prosperis humilitas, 676D, in adversis, patientia, 676D. — Homines in terris humidis majores sunt, 36A. Ex eorum multitudine clarescit potentia Dei, 473B'. — Hominibus placere, quatenus liceat, 54D'. — Cf. Anima, Corpus.

HONOR, quid sit, 453B'. — Quomodo Christus honore coronatus sit, 453C'. Honorem et gloriam qualiter Deo offerre possimus, 576C.

HUGO (a S. Victore), canonicus regularis, citatur, 203B, 349C', 616B. (Migne *Patrol. lat.* tom. 173-177.)

HUMILITAS hominis Deum exultat, 582B, et ejus auxilium meretur, 453B', qui humiles audire semper paratus est, 459C', et eorum non obliviscitur, 460A', 461B'. — Germanam habet mansuetudinem, 453B'. — Veri humiles humilitatem non jactitant, 542D'; eis datur dulcedinem Dei degustare, 609A. — Humilitatis exempla videre est in Esther, 179B', 180D, 200B, Nehemia, 261A', 262A', Tobia seniore, 94A. C.

HYMNUS. Sic dicuntur Psalmi, quare, 400B.

I

IBEX, quid sit, 42A.

IDITHUN, cantor David, 643D, veros Israelitas figurat, 643D'. — Psalmi « pro Idithun », quomodo intelligendi, 644A.

IDOLUM desolationis, quid, 274A. — Idololatria; an a lege excusationem habeat, 283C'. Stulte Porphyrius eam solis Judæis vetitam censuit, 284A. — Super hoc peccato omnis

ingemiscit natura, 486B. — Milites Judæ aliquid de idololatriis retinentes interficiuntur, 369D'. — Idololatria est Deo non obedire, 661D', et Creatori creaturas præferre, 685D.

IDUM. Ei semper Judæis infensi, 289B', a Juda debellantur, 290A.

IGNIS in altari holocaustorum jugiter ardebat, 262C. Jussu Jeremiæ, 336B, in puteo absconditus, 333B', quomodo ex aqua crassa, Nehemia orante eruperit, 333D', 333B. — Ignis de cælo super sacrificia Moysis et Salomonis descendit, 338C'. — Quomodo a facie Dei exardescat, 501A, 542A. — Ignis inferni vere corporalis est, 467B. — Ignis in Scriptura quaecumque pœnam significat, 462A', 495C; figura est caritatis, 557A', et luxuriæ, 578B.

IMAGINATIO, quantum valeat, 64D'. — Stellarum effectum excludere potest, 65A.

IMAGO. In imagine quomodo pertranseat homo, 648B.

IMPII, quomodo a Deo recedant, 434B, in circuitu ambulent, 473B', in judicio non sint resurrecturi, 408A', 441C'. — Apud Deum in odio sunt, 411B', et oblivione, 459C; et dicuntur non esse, 499A'. — Quasi corpus et squamæ sunt dæmonis, 31C; comparantur aspidi, 481B, guttur eorum, sepulcro, 435C, 478A, os eorum, pharetræ, 466D', 468B', 471A. — Justos derident, 540A', et aspernantur, 649B. Cur eis invideant, 622D', et nonnunquam prævaleant, 441D, 346C. — Impium, ut talem, odisse licet, 200A, eique mala temporalia imprecari, 620B. An de ejus prosperitate sit dolendum, 54C. — Juxta humanam justitiam, impios præesse non decet, 48B'; cur in prosperis sæpe ad mortem usque permaneant, 62B. — Eorum prosperitatem Sancti frequenter mirati sunt, 48B, eaque pusilli scandalizari solent, 628B; sed reapse fallax est, 628C', et brevis, 629A, 630C', 635D, fumoque simillima, 632D'; verum gaudium non norunt, 600C, nec pacem, 434A, 496C'; vera prudentia carent, 496D', et iter eorum peribit, 409A, 442A', 444C'; imo, eos impunitam vitam agere, maxima est Dei vindicta, 57A. — Ex eorum temporali prosperitate resplendet sapientia Dei, 49A'. — Eorum judicium, cur Deus differat, 469B. — Sors illorum ultima describitur, 525A'. — Ire in consilium impiorum, quid sit, 405B. — Cf. Peccatores.

INCUBI et succubi dæmones non corpore, sed animo delectantur, 22 C.

INDULGENTIE, unde haeriantur, 56 C.

INFANTES, quomodo salventur, 456 B. — Eorum preces Deo acceptissimæ, 137 B'. — Sic dicuntur Apostoli, 452 B', et innocentes, 452 D.

INFERNUS perpetuus est, 35 D', 167 A. Ibi nulla confessio, 440 A. — Tormenta inferni plene explicari non possunt, 470 B. Quid ejus ignis et vermes, 467 B. — « Dolores inferni », quid, 499 C', 511 C. — Infernus quandoque pro limbo sumitur, 487 D', vel purgatorio, 490 A'.

INFIDELITAS. Eam simulare non licet, 353 D'.

INIMICUS. An liceat contra inimicos orare, 619 D', vel de eorum adversitate gaudere, 622 A.

INNOCENS. Juxta humanam justitiam innocens affligi non debet, 48 B'. — De innocentium pœnis Deus non ridet, 79 A'. — Innocentium oppressio, peccatum clamans ad Deum, 359 D.

INTELLECTUS est animæ caput, 444 A', suprema vis, 527 C', et lucerna, 505 C; per ipsum homo a bestiis differt, 449 D. — Astris indirecte movetur, 66 D', et sensitivæ partis tumultu turbatur, 21 D'. — Intellectus agens principium est cognitionis, 393 A'.

INVIDIA fraternæ gratiæ peccatum est contra S. Spiritum, 555 D. — Justis cur invideant dæmones, 622 C', et impii, 622 D'; Christo quare inviderint Judæi, 558 A'.

IRA, quid sit, 185 B', et quotuplex, 428 D', 429 A; unde veniat et quomodo cesset, 178 A. — Filia superbæ, 607 D, semper vindictam querit, 185 D', et misericordiam non novit, 189 B. — Rationem perturbat, 177 B, 594 A, imo totam naturam, 594 B; hominem brutis similem facit, 631 B, et S. Spiritum expellit, 631 D. — Reges præcipue dedecet, 496 D; et stultorum est illam demonstrare, 185 C'. In iracundia terræ quomodo loquantur impii, 622 C'. — Ira regis, quam metuenda, 176 D'. Ira mulierum, pessima, 92 B'. — In Christo non fuit ira inordinata, 588 A'. — Ira Dei quid sit, 500 B', 566 B, 583 B, 585 C, et quam formidanda, 418 C'.

ISIDORUS (S.), Hispalensis episcopus, passim allegatur, 46 A', 25 D', 107 B', etc. (*Migne Patrol. lat.* tom. 81-84.)

ISRAEL regnum, licet idololatriæ deditum, 86 B', melius fuit regno Juda, 212 B. — Israel-

litæ sub Osee in captivitatem duci meruerunt, quare, 86 C'. Bis in Assyriam sunt translati, 85 A', ubi fere omnes ad idola declinaverunt, 95 C; verumtamen multi ad Juda transierant, 213 D'. — Decem tribus ultra montes Chasprios translatae, 226 A, in Media permanent, 226 C, innumerabiles, 226 A', et in fine mundi egredientur, 226 A'. — Dominus specialiter Deus Israel dicitur, quare, 334 D'. — Nomine Israel contemplativi designantur, 537 D, 540 B.

J

JACOB patriarcha, quotennis in Mesopotamiam profectus sit, 149 A', et genuerit Joseph, 149 C'. — Quo sensu faciem Esau vultui Dei comparare potuerit, 202 A'. — Cur vocatus Israel, 537 D. — Pater est contemplativorum, 537 D.

JADDUS seu Jeddo, pontifex tempore Alexandri Magni, 350 C', illi obviam ivit, 258 A.

JASON, prius Jesus, frater Oniæ, 270 A', Judæorum dux infidelium, 331 B, qua via pontificatum obtinuerit, 344 C'. — Impius, 344 D', et idololatra, 345 D', Jerusalem deprædatur, 348 C'. — A Menelao fratre supplantatus, 346 B', pessime obit, 348 D'.

JASON Cyrenæus, magnam Machabæorum historiam scripserat, 340 A', in Scriptura compendiose redactam, 340 B'.

JEJUNIUM, quantum orationi prosit, 118 A, 138 A, 236 B. — Quatenus uxoribus permittatur, 145 C. — Jejunio justis tribulati refoecillantur, 621 B'.

JEMINI et filius Jemini, quid significet, 444 D', 445 A.

JEPHTHE, judex Israel, quodam sensu propheta dici potest, 394 D.

JEREMIAS propheta sacerdos fuit, 376 D', vir eximiæ sanctitatis et servidæ caritatis, 377 A. — Quomodo de temporali impiorum prosperitate questus sit, 48 B, 49 C', diei natiuitatis maledixerit, 49 D', Jerusalem tradi suaserit, 146 C. — Ignem altaris, instante captivitate, in valle Josaphat abscondi jussit, 336 B, et arcam transtulit, quo, 336 B', 337 D', et quomodo, 337 A', C'. — Judæ apparet, 376 C', cui dat gladium, 377 A. — Quam aperte Christum prophetaverit, 536 A, vita et verbis, 665 C. — Epistolam transmigratis miserat, 336 C. — Ejus « Descriptiones » non habentur, 336 B.

JERUSALEM, civitas Dei, 121 C', 122 B', cultui divino specialiter deputata, 257 B, 274 B', ante et post Christum fidelibus fuit venerabilis, 122 D. — Ibi erat sedes pontificis et thronus regis, 341 D, et eo conveniebant Judæi ter in anno, 87 A. — A Chaldæis destructa, ab Esdra primo reædificata est, 210 D, 218 D, et iterum a Nehemia, 235 D', 236 C, quomodo, 239 D, 242 C'. Quibus sit frequentata, 256 B, et quomodo dedicata, 258 D. — A Syris non semel obsessa, 294 C', et occupata, 271 C, expilatur, 272 C, et extraneis repletur, 272 B', 283 C; tandem a Jonatha recuperatur, 303 C'. — Allegorice, figura est Ecclesiæ militantis, 122 D', 249 C', 237 A', etc. et triumphantis, 123 A. Quid muri et portæ ejus, 237 B', 241 B. — Jerusalem cœlestis describitur, 123 D. — *Cf.* Murus et Porta.

JOANNES Evangelista, cur per aquilam signetur, 17 C.

JOANNES Hyrcanus, filius Simonis, 317 D', unde dictus sit Hyrcanus, 323 B'. — Fortis et prudens, 317 D', inimicos Israel debellavit, 322 C, et Ptolemæi insidias evasit, 323 A'. — Fuit dux, pontifex et propheta, 323 C'. — Liber dierum sacerdotii ejus periit, 323 C'.

JOANNES Machabæus, dolose interfectus, 302 A', quomodo a fratribus vindicetur, 302 A'.

Adde Cassianus, Chrysostomus, Damascenus.

JOB, quo sensu diei nativitatis maledixerit, 49 D', 79 B', vel de justitia Dei conquestus sit, 79 D'. Cur modo se justum dixerit, 78 D, modo peccatorem, 79 B. — Licet de Providentia recte senserit, de ea temere disseruit, 2 A, nimis audacter Deum provocavit, 2 B, incaute locutus est, 37 D', ac superbe, 18 A', 37 D, et amicos scandalizavit, 18 B'. In verbis ejus multa videntur pugnare secum, 73 C, A', irreverentiam in Deum præ se ferre, 74 C, impatientiam, 74 C', et blasphemiam, 19 B, 74 C'; sed quia præ fervore doloris, multa præter intentionem protulit, 79 C, a culpa gravi excusandus est, 2 D, etsi venialiter deliquerit, 18 C'. Cur a Deo increpatus sit, 2 A', 17 B', 19 A, 36 D'. In quo erraverit, 17 D', 18 A. — Recte pœnas suas Deo adscripsit, 54 B. Similia ac Christus passus est, 535 D. Letaliter vulneratus, mirabiliter sanatus est, 42 A'. — Dei visionem habuisse non videtur, 38 A'. — Quæ ejus merces, 41 C'. Quasi duplicem vitam habuit, 42 B'. De qua uxore filios genuerit,

42 C', et cur sobolem duplam non receperit, 41 D'. Quare tanta prosperitate donatus, 42 D', et qua ætate mortuus, 43 A.

Amici Job, an fuerint reges, 91 D. Jamdudum ei amici erant, 78 A. — Quæ illis cum Job disputandi causa, 78 B'. — Sublimia de Deo loquuntur, 75 B; immortalem fatentur animam, 77 C', 91 C', et casum angelorum, 78 A; bona temporalia non reputant dignum virtutis præmium, 78 A': quare ergo a Deo carpantur, 39 C', 80 B; quantum peccaverint, 39 B'; quæ eorum pœna, 40 A, A'.

Liber Job tribus de causis difficilis est intellectu, 73 C. Quæ ejus materia et intentio, 76 D.

JOLUS (alias Jobas), frater Cassandri, 269 B, pincerna Alexandri Magni, eum veneno sustulit, 269 A, cum uxore et filio, 269 B.

JONAS propheta. Vaticinium ejus contra Niniven, cur non impletum, 125 C.

JONATHAS Machabæus, post Judam Judæis præfuit, 302 B, et pontificem egit, 304 A. — Exaltatus a Demetrio (Sotere), 303 C', Alexandro (Bala) 303 D', Ptolemæo (Philometore) 306 B, Antiocho (Dionysio), 310 C', ut cognatus regum habitus est, 307 B'. — Ejus victoriæ, 306 C', 311 A', 314 A, et ad Spartiatas epistola, 312 D. — Alexandri (Balæ) partes sequendo, 305 B', an bene fecerit, 305 C'. — Renovato cum Romanis fœdere, 312 B, mox captus est et occisus, 312 A, quomodo, 314 B', 316 C. — A Romanis et Spartiatis defletus est, 319 C.

Jonathas alius, dux exercitus Simonis. *Vide* 315 D.

JOPPE civitas a Japhet fundata, 245 A. — A Machabæis expugnata, 306 D', 315 D, facta est portus Judææ, 318 D. — Joppitæ in Judæos crudeles, 368 B, castigantur, 368 A'.

JORDANIS fluvius. In eo magna facta sunt miracula, 675 B. — Mystice, quid Jordanis, 24 C', transitus Jordanis, 675 A; quomodo de terra Jordanis oporteat nos memores esse Dei, 675 A.

JOSEPH patriarcha, quotannis Ægyptiis præesse cœperit, 149 B'. — Vere propheta fuit, 397 A. — Mansuetudine maxime placuit Deo, 153 B', 631 C, et castitate principatum meruit, 277 B'.

JOSEPHUS, dux Judæorum, 291 C, de stirpe sacerdotali, 291 C', ex superbia hostes aggreffiens, 291 C, profligatur, quare, 291 A'. — *Adde* Judæi auctores.

JOSUE, filius Josedec, pontifex, cum Zorobabel de Babylone ascendit, 237 C, et templum reædificavit, 244 B. — Uxorem alienigenam duxisse dicitur, 227 D. — Describitur ejus progenies, 257 C'.

JOSUE, filius Nun, obedientia principatum meruit, 278 A.

JUDA regnum tribus constabat tribubus, 210 D', quæ nunc in Romano imperio dispersæ sunt, 226 D. Multo pejus fuit regno Israel, 212 B.

JUDEI suum Messiam crucifixisse convinctur, 508 B, et errant, gloriosum Salvatorem expectando, 535 C'. — Immerito ex factis Christi scandalizabantur, 409 D'. — Licet eum ut blasphemum occiderint, 446 C, minime excusantur, 446 D, quia ex malitia eum persecuti sunt, 51 C, et ex invidia, 447 C', 478 C, 558 A', 616 A'. — Ex eis peccatores præcipue in Christum crediderunt, 508 B', sed pauci numero, 477 C'; ceteri, obtenebrati et indurati, 448 A, omnibus facti sunt ludibrio, 612 A', et fundamentum carent, 612 C'. Verumtamen usque ad finem mundi permanebunt, 374 C, et tunc convertentur, 479 A'. — Quotidie pro destructione Romani imperii orant, 589 B'. — In Scripturis dicuntur renes Christi, quare, 487 D; item, tauri, 533 C', canes, 534 D', 536 C', leo, 536 C', unicornis, 536 C'. — Stultæ Judæorum fabulæ de Behemoth, 20 D', et Leviathan, 23 C'.

JUDEI auctores : Josephus (Flavius) historiographus, sæpe allegatus, 424 B', 438 A', etc. Diu vixit post lxx interpretes, 203 C. In libro Esther multa ex eo desumpta videntur, 485 B, 496 B, 203 A. Subinde non consona Bibliæ narrat, 310 A', et deserendus est, 308 C. Falso putat a lege prohiberi actum, non animum, 292 B'. — Abraham Hispanensis (Ben-Chija), 25 B'. — Isaac (Benimiram), auctor libri Definitionum, 25 B', 64 C. — Rabbi Moyses, vel Moyses Ægyptius (Maimonides), 3 D', 25 A'. — Rabbi Salomon (Jarchi, vulgo Rasi), « maximus Judæorum doctor modernus, » 415 C; plerumque refellitur, 473 B', 217 D, 248 C, 222 B', etc.

JUDAS Machabæus, filiorum Mathathie medius et strenuissimus, 274 C, imo omnium tunc viventium fortissimus, 280 B', ob fortitudinem factus est dux fratrum, 279 A', 350 D', et populi, 283 B. — Multis de causis contra gentis hostes consurgens, 280 B, eos

undique debellavit : Apollonium, 281 B, Seron, 281 C, Gorgiam, 285 A, 369 B', Nicanorem, 297 C, 361 B, 376 A, Bacchidem, 361 C, Idumæos, 290 A, Ammonitas, 290 B, Joppitas, 368 B, et alios, 368 A'. — Ad humana auxilia confugiens, 297 D, et cum Romanis fœdus iniens, 299 C', quodam modo meruit a Deo derelinqui, 297 D, et a solita magnanimitate cadere, 300 B'; ideo a Bacchide impetitus, 300 C, in prælio occubuit, 304 B'. — Summus sacerdos fuit, 320 C', et prophetalem visionem habuit, 376 B'. Quomodo dicatur decimus pontifex, 350 C. — Laudantur ejus fortitudo, 279 A', magnanimitas, 300 D', 304 B, dilectio in fratres, 377 D', zelus erga fidem, 350 D', domum Dei, 287 D, et defunctorum animas, 370 B. — Historiam bellorum suorum conscribi curaverat, 339 A'. An sit auctor libri II Machabæorum, 327. Epistola ejus ad Judæos Ægypti, 331 B', quandonam scripta, 332 A. — Moraliter, nos spiritualis prælii formam docet, 543 C'.

JUDAS patriarcha. Ab eo non est ablatum sceptrum usque ad Herodem, 339 D'.

JUDAS proditor, carissimus Christo fuit, 665 A'. — Quantum peccaverit, eum tradendo, 51 C. — Figuratus est per Absalonem, 423 D, et Achitophel, 444 D. — De eo in xl^o psalmo tractatur, 664 C', 665 A'.

JUDICIUM multipliciter intelligitur, 408 A', 678 C; quodnam diligit Deus, 601 B'. Justorum judicium, quomodo Deus educat, 630 A. — Deus judex omnia intuetur, 685 A', omnia discutit, 685 A'. Judicium ejus quoduplex, 438 C', 457 B, 601 D'; quomodo illud absque præsumptione anima optare possit, 559 B. — Judicia Dei, quid, 625 C'. Sunt omnino sancta, 519 B'; abyssu comparantur, 625 A'; ea scrutari non expedit, 625 C'. — Judicium extremum, quam terribile, 438 D'. Statim post Antichristi dejectionem fiet, 461 D'; et eo imminente, terra comburetur, 466 C'. S. Trinitas auctoritative judicabit, 416 D', Christus, ministerialiter, 419 B', Beati, approbative, 276 D. Quomodo impii in judicio non sint resurrecturi, 408 A'.

JUDITH, quæ fuerit, 145 A; de qua tribu, 149 B; quandonam vixerit, 136 C, et quamdiu, 168 A. — Casta, 145 B, A', fervens, 145 C, prudens, 129, et sancta, 145 B', sub lege evangelicam duxit vitam, 129, et liberatrix fieri meruit urbis suæ, 145 C', 162 B, et gentis, 164 A. — Quomodo Sichimitarum eandem laudare

præsumat, 450 C; quo jure optaverit se ab Holopherne diligi, 452 B, vel se ornaverit ad eum seducendum, 453 D; an possit a mendacio excusari, 453 D, B', 456 C, 457 B, D, 458 A, et a falso juramento, 456 B'. — Licite Holophernem occidere poterat, 452 A', sed eum ad peccatum inducere nequibat, 452 B, nisi permissive, 452 C'; ideo, licet non injuste egerit, imitanda non est, 455 A'. — Quomodo Holophernem deceperit, 456 B, et occiderit, 460 A. — Quæ ejus laudatio, 461 D, 462 A, 464 A', gloria, 467 D', merces, 464 C', 467 B'. — Qualiter in diebus ejus quieverit Israel, 468 B. — In vita contemplativa et activa æque perfecta, 429, fuit exemplar viduarum, 448 B', et figura B. V. et Ecclesiæ, 468 C; recte Virago vocaretur, 429. Quo sensu præ mulieribus benedicta dicatur, 461 A'. — Exponuntur ejus oratio, 449 A, et canticum, 464 D.

Liber Judith, a Nicæna Synodo receptus, 83, 437 C, an sit canonicus, 429. Quibusdam videtur apocryphus, 432 D'. — Quæ narrat, post Tobiam, sed ante Esther et Machabæos acciderunt, 267 A.

JUGE sacrificium, quid, 244 C. — Nunquam omittebatur, 244 B'.

JUPITER. Idolum Jovis altari holocaustorum impositum, 274 A, 287 A', a Juda in cloacam projicitur, 287 D'. Vocatur idolum desolationis, 274 A, et abominatio, 292 B. — Jovi Olympio dedicatum est templum Jerusalem, 351 B, et Jovi Hospitali, templum Garizim, 351 B, quare, 351 D.

JURAMENTUM ab idololatra an petere liceat, 453 A.

JUSTITIA dupliciter sumitur, 483 C. Quæ ejus fons et mensura, 470 C, et partes integrales, 401 D', 640 A. — Custos est pacis, 635 C', et pro ea pati magnum Dei donum, 563 B'. — Propriam justitiam quandoque commendare licet, 559 C'; sed respectu Dei, injustitia potius diceretur, 334 B', 562 A'. — Justitia originalis, quid, 637 B. — Justitia divina, quomodo ab humana differat, 76 D', vel eidem assimiletur, 77 C. In omnibus Dei operibus relucet, 93 B'; quoad viatores investigabilis est, 77 A', et montibus comparatur, 625 A'. Quomodo verum sit Deum juxta merita unicuique rependere, 77 A. Respectu Dei, dupliciter aliquid dicitur justum, 54 A'. — Quid justitiæ semitæ, 544 B', 545 A, et sacrificium, 429 C.

JUSTUS. Sunt justorum varii gradus, 45 A'; sed coram Deo nullus justus dici potest, 48 C. Vel perfecti, Christo comparati, tenebræ sunt, 502 A', et misericordiæ Dei inniti debent, 590 C. — Quomodo a Deo præveniuntur, 527 A', ac dirigantur, 633 C, et lapsi erigantur, 633 A'; quam cito exaudiantur, 574 A'. — Eis quodammodo competit temporalis prosperitas, 53 D, maxime ante Christum, 78 C; omnia eis data sunt in hereditatem, 420 C, ac possessionem, 420 D, et eis ad vitam æternam proficiunt, 408 A. Deus specialiter eorum dicitur, 433 B', ejus sunt templum, 435 C', 468 B, et sedes, 467 A'; nihil timent, 426 C'; coram Deo perpetuo lætantur, 467 C'. Eorum mors vocatur somnus, 424 D', et ossa conservantur, 640 D'; in extremo judicio cum Christo judicabunt, 276 D. — Honores et divitias suspecta habent, 54 C', et peregrinos se profitentur super terram, 650 B'. — Non repugnat eos affligi, 29 B', 54 D, 86 A, vel ab impiis superari, 347 D', nec de hoc mirandum est, 46 A'; imo hoc eis expedit, 54 C', et quasi necessarium est, 448 B', quia per tribulationes purgantur, 56 A', Christo conformantur, 56 B', purgatorium devitant, 56 C', propriam discunt infirmitatem, 56 D', in spe roborantur, 57 A, et in humilitate, 57 B, Dei gloriam promovent, 57 C, Christi passionem complent, 56 B, et toti proficiunt Ecclesiæ, 56 B; ex eorum laboribus resplendet sapientia Dei, 49 A', et desumuntur indulgentiæ, 56 C. Verumtamen in hac vita nunquam penitus impiis traduntur, 634 C'; et eorum persecutores plerumque pessime obierunt, 461 B. — Justis incipientibus omnia dura sunt, 495 A', perfectis autem suavia, 495 B'; sæpe tamen ab eis aufertur consolatio, 476 A, et adversis probantur, 555 A, 610 B'; sed in his non deiciuntur, 632 A', imo potius gaudent, 563 B', et impiorum irrisionibus lacessiti, 649 B, eas patienter tolerant, 677 C. Incipientes in recordatione peccatorum, proficientes in meditatione divinorum exercendi sunt, 598 C. — Quo perfectius Deum noverrint, eo magis se despiciunt, 38 D'. Facile decipiuntur, 468 C', sed in gravia subito labi non solent, 624 D. Semper in hac vita debent perfici, 495 C'. Quomodo in lege jugiter meditari queant, 407 D, vel Christo assimilari, 411 A'. — Quo sensu impiorum prosperitatem subinde mirati sint, 48 B,

49C', et contra eos oraverint, 242B, vel se a Deo relinqui conquesti sint, 686A, vel propriam commendaverint justitiam, 559C', 607D, vel de propria fama fuerint solliciti, 55A, 294B-301A. Quo animo sæpe mortem optaverint, 94D', 96C', et cur de terra quandoque citius tollantur, 96D'; quomodo nonnullæ Sanctæ a voluntaria nece excusentur, 375B'. — In Scripturis vocantur cæli et dies, 517B, lucerna, 630B, pars Christi, 487B. — Justi V. L. quantopere Christi adventum expectaverint, 474C, 657B', et prosperare sategerint, 474A'; quantum gentis peccata deflexerint, 646A. E vita migraturi, filios adhortabantur, 991B.

L

LABIA, quomodo dolosa dicantur, 472D, 491C'. — *Cf.* Lingua.

LACRIMÆ, quantum apud Deum valeant, 93B. — Orationem fulciunt, 93B, 418A', 236B, cujus vim participant, 650C, animam purgant, 442A, levant dolorem, 672D', consolationem merentur in hac vita, 98C, in futura jucunditatem, 585D', panis sunt animæ gemebundæ et amorosæ, 673A.

LACUS. Quid in Scripturis significant lacus, 444A, 447D', lacus miseræ, 652A, 657B, C', descendentes in lacum, 571B.

LAQUEUS in Scriptura varia designat, 461C, 464A, 587A', 613A, 621A. — Quid laquei mortis, 499D', 511D. — Laqueos quomodo Deus super peccatores pluat, 469C'.

LAUDES divini Officii circa auroram cantari solent, 251D. — Laudare Deum nobilius est quam orare, 510C'. Quomodo sic laudare possimus omni tempore, 606A'. — Deum laudando orare, efficacissimus deprecandi modus, 93B, 110A', 286D', 510C', et remedium contra tentationes, 511A. — Sic Deum laudare debemus ut propriæ miseræ non obliviscamur, 673D'.

LECTUS ut tumultus adeundus est, 440A'. — Lectum lacrimis rigare perfecti est poenitentis, 440D. — Mystice, quid lectus, 440A', B', lectus doloris, 664B, 667D'. — *Cf.* Stratum.

LEO, fortissima bestiarum, 47A', quandoque ab equo impetitur, 16A'. Ejus rugitus, quam terribilis, 280B'. Allegorice, Christum ac diabolum significat, 194A, 542C', 622A', et persecutores Christi notat, 536C'. — Leæna, voracissima fera, 41B.

LEVIATHAN, quomodo interpretetur, 25D'. — Quid sit, 25A'. — Figuram gerit diaboli, 25B', etc. — Quid de eo fabulentur Judæi, 25C'. — *Vide* Cetus.

LEVITÆ, qua ætate servitio templi addicti, 215B. Ibi sacerdotibus deserviebant, 225D'. — Eis dabantur decimæ, 157A', et ciborum primitiæ, 235D', et ipsi decimarum decimam solvebant pontifici, 256A'. — De mundatione eorum, 258A'. Quomodo a populis sanctificati, 259C', ipsi sacerdotes sanctificaverint, 259C'. — Levitarum episcopus, quid, 256C'. — Spiritualiter, figura sunt clericorum, 486B'.

LEX, quomodo sit implenda, 407A. Scientia ejus ordinatur ad opus, 224A. Ad bonum populi confert unitas legis, 273B. — Lex Domini, quam pretiosa, dulcis, 519C', et proficua, 520A. Præcepta ejus dicuntur viæ, 552D, consilia ejus, semitæ, 552A'; jugiter est pensanda, 566D. Quid sit in ea meditari die ac nocte, 407C. — Lex Moysis, quomodo populo data, 252B', et ab Esdra intimata, 248D. Triplicia habebat præcepta, 638D', moralia, quæ adhuc vigent, 659A, judicialia, quæ modo vigere possent, 659A, cærimonialia, quæ jam sunt mortifera, 399B', 639A, multa ex his a Christianis spiritualiter servanda sunt, 399B'. Raro aut nunquam de futura retributione loquitur, 91D'. An peccandi animum prohibuerit, 292C'. — Lex Christi, cur dicatur virga ferrea, 418B, et lex gratiæ, 509C'.

LIBANUS mons, quomodo interpretetur, 577D', 635C. — Quid cedri Libani, 635B, et quomodo a Domino confringantur, 577C'.

LIBER. Quot sint libri Psalmorum, 401A, et ubi finiatur primus, 666B'. — « In capite libri », quid significet, 654A', 659D.

LIBERTAS. Ad perfectionem divinæ gubernationis pertinet ut homo liber maneat, 49A. — Effectus necessarius quantum ad primam causam, liber esse potest quoad alias, 53A'. — *Cf.* Casus, Fatum, Fortuna, Providentia.

LIGNA altaris, a quo præstita, 255A'. — Nominis ligni in Scripturis designantur animæ, 407C', et Beati, 414C. — Christus est lignum fructiferum, 410A', lignum vitæ et sapientiæ, 410D'.

LIMBUS patrum vocatur lacus miseræ, 657C'. — Ibi certa erat salutis expectatio, et quies, 94C', sed et aliquo modo ira Dei, 358D'. Utrum melius fuerit, in limbo an in terra

- degere, 94C'. — Patres in limbo pro viatoribus orabant, 377A. — Ibi mansit anima Christi usque ad tertiam diem, 487D'. — *Cf.* Infernus.
- LINGUA erudita praelatos decet, 344D'. — Linguae custodia laudatur, 610C; taciturnitas autem quaedam mala est, 640C'. Lingua quomodo custodienda, 644D. — Ut quis in verbis non delinquat, 644B', pensare debet quibus loquatur, 644C', quando, 645A, ubi, 645B, quantum, 645B, quomodo, 645C, quare, 645D; insuper ipsi opus est gratia Dei, 645A'. — *Cf.* Labia, Martyr.
- LOCUS, quid sit, 630C'. — Loca sacra propter inhabitantes Deus eligit, 349B', et ob eorum scelera respuit, 349B'.
- LOER a Stratis (D. Theodoricus), Coloniensis Cartusianus, Psalmorum Commentarium Leodiensi episcopo dedicans, 383, quomodo illud laudet, 385.
- LONGEVITAS Mardochæi, quanta, 174A, C'. — Varia longevitatis exempla, 174D'.
- LUCIFER planeta. Sic dicuntur Venus, 9C, et Mercurius, 9A'. Idem est ac Vesper, 9C, A'. *Cf.* Venus, Vesper. — Lucifer, diabolus, caput malorum, per regem Babylonis figuratus est, 400A'. *Cf.* Dæmon.
- LUCTUS. Lugentibus olim consuetum fuit vestes scindere, 183A, 227C', 275C, saccis indui, 183A, pulvere caput conspergere, 183A, 686A', crines evellere, 227C', et humi jacere, 686A'. — *Cf.* Funus.
- LUCUS idololatrarum, quid, 435C'.
- LUDUS alter est malus, 97B, alter virtuosus ad eutrapeliam spectans, 97A.
- LUMBI in viris vasa sunt seminis et fomes libidinis, 21C'. — Diaboli fortitudo, cur in lumbis posita dicatur, 21C', 22B. — Lumbos accingere, quid sit, 1B'.
- LUMEN divinum principium est prophetalium cognitionum, 393A', et visionis beatificæ, 627B. — Quid sit lumen vultus Dei, 429C', lumen gloriæ, 627D'. — Quomodo Beati in lumine Dei videant lumen, 627A. — Festum Luminum, quid, 289C'. — *Cf.* Lux.
- LUNA minor est terra, 3A, et sole velocior, 9D. — Pluviis præsidet, 8C', et in fato plurimum valet, 64B. — Allegorice, figurat Ecclesiam, 453B, et humanitatem Christi, 456B'. — Lux et tenebræ, unde causentur, 6B'. — Lux in cœlestibus corporibus sedet, 6A'; viæ ejus ignorantur, 7C. — « Lux Dei », sic dicitur gratia, 679C. — *Cf.* Lumen.
- LUXURIA intellectum maxime obruit, 638D', et per eam præcipue dæmones hominibus prævalent, 22B. — Libidinosi sunt membra diaboli, 33D; per equos signantur, 15A'. — Cur illicitis copulis fecunditatem tribuat Deus, 50B'.
- LYRA (Nicolaus de) Ord. Min., notissimus postillator, nimis litteraliter Psalmos exposuit, 616A. — Passim allegatur, 8A', 21A, 32B, etc. — Sæpe, tacito nomine, verbo « Quidam » designatur, scilicet, quum improbanda videtur ejus sententia, 76D, 91A', C', 102C, etc.
- LYSIAS, cognatus et vicarius Antiochi Epiphani, 282A', nutricius Antiochi Eupatoris, 364C, quem regem constituit, 292D', totius Syriæ præfectus, 364C, vir prudens, 366D, pluries a Juda fugatus, 285B, 286D, 287C, 365D, potentiam Dei agnoscit, 366D, et Judæis placatur, 366B'. — Menelaum occidi curat, 371A'.
- LYSIMACHUS, frater Menelai, pontifex factus, 346D', ob sua facinora interficitur, 347C. Cur in pontificum serie non computetur, 350A', B'.

M

- MACHABÆI, filii Mathathiae, quando vixerint, 267A. — Principes erant, 339C', et sacerdotes, 377A, et singulari privilegio, pontificio fungi potuerunt, 320C'. — Omnes pro patria occisi sunt, 315B, 323A, A'. Eorum sepulcra describuntur, 316D. — *Cf.* Eleazar, Joannes, Jonathas, Judas, Mathathias, Simon.
- Machabæorum liber primus non est canonicus, licet verus, 267B. Quadam difficultate non caret, quare, 285C. Quid nos doceat, 265. — Liber secundus, a quo scriptus, 327; quæ hujus materia, 340C, scopus, 340C', methodus, 341A. Quibusdam videtur apocryphus, 337B', sed temere, 338C.
- MACHABÆI septem fratres, quomodo ab Antiocho Epiphane interfecti, 354C et seq. Martyres fuerunt et in Ecclesia honorantur, 359A. — Eorum mater, præ mira constantia, 356D', nullam ante Christum parem habuit, 356C', et est venerandus bonorum parentum typus, 359A'. — Quid mystice signent, 359A'.
- MAGISTER in historiis. Sic vocitatur Petrus Comestor, auctor Historiæ scholasticæ, 84, 124A', 125A, etc. (Migne *Patrol. lat.* tom. 198.)

- MAGISTER** Sententiarum, alias Petrus Lombardus, auctor libri Sententiarum, citatur, 13C'. (Migne *Patrol. lat.* tom. 191, 192.)
- MAGNANIMI**, quo sensu contemptivi dicantur, 483B'.
- MALEDICTIO**. Deo maledicere, nunquam in Hebræo directe exprimitur, 368C'. Cuipiam maledicere, quatenus liceat, 261B'. — Psalmorum maledictiones et imprecationes, quomodo intelligendæ, 472C', 552C', 590A', 595D, etc.
- MALUM**, quotuplex, 50A. Nunquam ut tale diligitur, 625B. — Quum malum auferre sapientissimum Deum deceret, 48B', quid eitribuendum in malis culpæ, 41D, 50B, et pœnæ, 52D, 461D'. — Unicum hominis malum est peccatum, 58A', et melius est non esse quam peccare, 274B'. — Minus est malum quæcumque mala videre, quam non esse, 274C', mori, quam gentis opprobria cernere, 275B. — *Cf.* Pœna, Peccatum, Tribulatio.
- MAMMOTRACTUS** Bibliæ (Joann. Marchesini, Ord. Min. theologi), citatur, 43D'.
- MANASSES** sacerdos, frater Jaddi pontificis, quomodo templum in monte Garizim erexit, 351C.
Manasses alius, vir Judith, 445A.
- MANE**, in Scripturis varie sumitur, 433D', 434A, 437B. — Quo sensu ad matutinum demoretur lætitia, 580A', 583C, 585D.
- MANICHÆI** erroris arguuntur, 23D, 455B', 548B.
- MANNA**, quot sensus habere possit, 399A.
- MANSUETUDO**, quid sit proprie, 553D'. — Magna est et amabilis virtus, 631C, germana humilitati, 453B'; quæ iræ directe adversatur, 674D. — Ea præcipue Moyses, Joseph et David Deo placuerunt, 453C', 631C. — Mansueti in multitudine pacis delectantur, 631A, S. Spiritus donis sunt capaces, 553C', et informatione divina, 553D'. — *Cf.* Mititas.
- MANUS** Dei, quid sint, 587B', 597C. — Inter eas fideles morientes animam commendare solent, 587C'. — In manibus Dei quomodo sint sortes nostræ, 589D'.
- MARDOCHÆUS**, quis fuerit, 478C', quando nam in captivitatem sit ductus, 173C', 194C, quot annis vixerit, 474A, C'. — Cur coram Aman genu flectere noluerit, 486B. Licite ei honorem deferre potuisset, 486B', sed, instigante Deo, renuit, 486C'; ideo a peccato excusandus est, 185D'. — Quomodo eunuchorum insidias detexerit, 480A', 495C, et gentem liberarit interitu, 483C, 201A, — Ab Assuero honoribus auctus, 487D', et in locum Aman suffectus, 490A, C', factus est secundus a rege, 493C, et in regno percelebris, 494B. — Ejus somnium explanatur, 193C', 494C. Licet visionem habuerit, non censendus est propheta, 493B'. — Solennitatem Phurim instituit, 492A, A', et librum Esther conscripsit, 491C'. — A Josepho non memoratur, 474B'. — *Cf.* Aman, Esther.
- MARE** vocatur abyssus, quare, 602A'. — Usque ad ima nec pervadi potest, 6A, nec congelari, 8B'. — Primo operuit terram, 4B; cur modo recesserit, 4B'; quo sensu super illud terra fundata dicatur, 548C. — Ex eo oriuntur nubes, 4C. — Ex dispositione maris elucescunt potentia et sapientia Dei, 4A. — Marina animalia majora sunt terrestribus, quare, 36A. — Moraliter, quid mare, 454A', 548C', et pisces maris, 454A'.
- MARIA** Virgo rhinocerotem, id est Verbum, cicuravit, 44A, quod in ejus utero libentissime venit, 548B', ubi sibi desponsavit Ecclesiam, 548B'. — Mirabiliter Filium edidit, 533D. — Quanta per totam vitam perpessa sit, 55A', et quare, 55D. — Propheta fuit, 663B'; vir dici potest, 406C; merito sol vocatur, 548A'. — Ab Esther figurata: nunquam in sua excellentia lætata est, 406C; a Judith: diabolum devicit, 468C, spolia ejus Deo dicavit, 468B', gloria est Jerusalem, 468C'.
- MARTINUS** Polonus, Ord. Præd. auctor Chronicæ S. Pontificum Imperatorumque, ac de septem ætatibus mundi, 474D'.
- MARTYR** nullus tam acriter passus est ut Christus, 530D. — Martyrum tormenta consolatio divina leniebat, 355A; adeo ut nonnulli vix ea sentire viderentur, 530A'. — Multi, lingua abscissa, loqui non desierunt, 355C'. — Martyribus accommodari possunt Psalmi xxx, 594C', et XLIII, 686D.
- MASPHEA**, urbs Benjamin. Ibi requievit tabernaculum, 283A'; et ad Machabæos congregati sunt Judæi, 283D.
- MATHATHIAS**, Machabæorum pater, quis fuerit, 274B. — Legis zelo plenus, 274D, adversus idololatrias consurgit, 275D, et fit populi defensor, 276C'. — Sabbati legem Judæis explicat, 276B'. — Novissima ejus verba, 277B. — Uno anno Judæis præfuit, 279D'.

MATRIMONIUM quo fine sit contrahendum, 107D, et quo modo, 97C, 106B', 107A'. — Cultus disparitas illud dirimit, 270A. — Aetus conjugalisi orationi officit, 106C', raro sine culpa exercetur, 97C, quandoque cum mortali, 107B'. Quomodo exercendus, 107B, 111D'. — Cur multi in matrimonio prænatura moriantur, 106D. — Conjugii benedictio, quid, 107A, C. — Judæis, quatenus licuerit in alia tribu contrahere, 87D, 149B, vel cum alienigenis, 180D', 230B'. Judæi Chananæis ita consociati, 227B, B', ab Esdra corripuntur, 227C', et a Nehemia, 261B'. Quantum peccaverint, 227B', 228A, et quam incaute egerint, 261D'.

MEDI, primo Assyriis subjecti, 88C, tempore Cyri, 131B, Persis conjuncti sunt, 268A'. — Alexandro Magno adhæserunt, 268C'. — Mediæ regnum majus erat Perside, 210B. Decem tribus ibi usque modo permanent, 226C.

MEDITATIO dupliciter intelligitur, 407A'. — Animam accendit, 646D. — Commendatur meditatio legis, 407C, passionis Christi, 536A', et finis nostri, 646C'. — Incipientes in peccatorum recordatione, proficientes in divinorum contemplatione exercitari debent, 598C. — *Cf.* Oratio.

MENDACIUM, quotuplex, 434A'. — Non est mendacium veritatem obscuris verbis celare, 156C. — Sic vocantur bona temporalia, 428D.

MENELAUS, prius Joannes, frater Oniæ, 270A', de qua tribu oriundus, 346C, et quomodo frater Simonis appelletur, 346D. — Pontificatum non semel indigne adeptus, 346B', 347C', Oniam interfici curat, 347A, et Judæos apud regem criminatur, 349B, 371D; tandem, suadente Lysia, 371A', in cinere exanimatur, 371B'.

Menelaus alius, Judæorum legatus ad Antiochum Eupatorem, 367C, A'.

MENSA propositionis, quid, 271D, et ubi posita, 288A'. Ab Antiocho Epiphane comminuta est, 271B'. — Mensa Dei, quid, 543A', 547A.

MENSIS. Qui fuerint menses hebraici: Adar, 181D', 222C', Casleu, 229C', 235A, 273D', etc., Elul, 247A, 320B, Nisan, 133C, 237D, Tebeth, 179D', Tisri, 238A; et menses Macedonii: Dioscori, 366C', et Xanthicus, 367C. — *Cf.* Festivitas.

MERCENARIUS. Mercedem operariorum detinere, quantum peccatum, 100C'.

MERCURIUS planeta, minor est terra, 3A, parvus et raro visibilis, 9D. — Dicitur Lucifer et Vesper, quare, 9D.

MICHAEL archangelus, olim Synagogæ princeps, 612B', nunc Ecclesiæ præest, 608D.

MIRACULA. Solius Dei est cæcum natum curare, 116B, et mortuos suscitare, 120D. — Christi miracula a divinitate et humanitate æque procedebant, 516D'. — Miraculorum operatio ad prophetiam pertinet, 393C, 398A. Tempore Antichristi non amplius fient in Ecclesia, 462C. In Scripturis fulgura dicuntur, 503B.

MISERICORDIA Dei replet terram, 601D', et in omnibus operibus ejus apparet, 93B', 553D', 554B. Quomodo una dicatur, et miserationes multæ, 552D'; quo sensu Deus in die mandaverit eam, 676D. Nihil nobis salubrius est quam ejus meminisse, 583A, et ad eam confugere, 120B'. Quomodo ipsam provocare possimus, 661B'. — Misericordia quantum in Scripturis commendatur, 83, 99C'. Justorum est proprie, 633A, et ad prælatos maxime spectat, 29A'. — De congruo conversionem meretur, 100C, et purgatorii pœnas minuit, 100B. — In operibus misericordiæ, Deus magis affectum quam donum pensat, 100A. Quantum in ipsis delectetur, 601D. — Misericordia commendatur David, 278B, Job, 667B, et Tobias, 83, 112C'. — Per citharam significatur, 600D'. — *Cf.* Eleemosyna.

MITITAS, quid sit proprie, 553D'. — Mites, quomodo terram sint possessuri, 554B', 630B', 631A. — *Cf.* Mansuetudo.

MNA, pondus, quantum, 319C'.

MOABITÆ a cœtu Israel in perpetuum arcebantur, 162C', 260A, quare, 260B. — Holopherni contra Judæos suppetias ferunt, 143C'.

MODIN, urbs in montibus, patria Machabæorum, 274C. — Ibi erecta sunt eorum sepulcra, 346D.

MONS. Transmigrare in montem, quid significet, 466B', 467C, 470D'. — Mystice, quid sint montes, 500A' C', mons Domini, 482C', 549A, montes diaboli, 23B', montium fundamenta, 500A', C', 511D'.

MORS a quo facta sit, 53B. — An et cur appetenda, 671D; quo animo eam nonnulli justii optaverint, 94D'. — Cuicumque peccato præferenda est, 446A; imo melius est mori quam mala gentis videre, 275B. — Mors in bello justo suscepta æquipollet mar-

- tyrio, 284D'. — An liceat sibi mortem inferre, 375B'. quomodo nonnullæ Sanctæ a voluntaria nece excusentur, 186C', 375B'. — In quo quis mortuus est statu, in illo permanet, 634B. Quo sensu dicatur memoria Dei in morte non esse, 439D'. — Quid sint mortis portæ, 6B. dolores, 499A', 511B. laquei, 499D', 511D. umbra, 685B. — Dicitur laqueus, 613A. — Mortis meditatio commendatur, 646C', 647A'. — Dei est mortuos suscitare, 120D. Salubre est pro illis exorare, 370C, C'.
- MOYSES**, absolute loquendo, est altissimus Prophetarum, 228B', 397B', quare, 397C'. — Mansuetudine præcipue placuit Deo, 153B', 634C. — Ubi sepultus, 338A'. — Ejus Pentateuchus ab Esdra non fuit reparatus, 223B', 405A. — *Adde* Judæi auctores.
- MULIER** prona est ad fletum, 104A, ad iracundiam, 92B', impatientiam et invidiam, 228B. — Apud Judæos, quæ mulieres extra tribum nubere possent, 149B. Apud Persas, seorsum vescebantur, 176D. Apud ethnicos, in sacris Veneris nudæ incedebant, 270C. Apud Christianos quædam, ne violarentur, instinctu divino se occiderunt, 186C'. — Mulieres in balneis cum viris lavari vel viris inservire, indecens est, 176A'.
- MUNDITIA** ad Phase requisita, quæ, 222D'. — Mundationis ritus, quoad sacerdotes, 258A', Levitas, 258B', plebem, 258B'.
- MUNDUS**, quo mense creatus sit, 237D'. Falsum est illum esse animal cujus anima sit Deus, 252A. Mundi rationem humana scientia attingere nequit, 3D. — Mundus quomodo a S. Spiritu arguendus sit, 519A. Quo plus eum spernimus, eo magis Deum diligimus, 671B. — Mundani in religiosis caritatem extinguere conantur, 542D. Per mare significantur, 548C'.
- MUNUS**, quotuplex, 558B. — Munera excæcant oculos, 558B.
- MURI** Jerusalem quomodo instaurati, 239D, 242C', 247A, et dedicati, 258D, C'. Quid mystice, 237B'. — Quid sit transgredi murum, 505A'.
- MUSICA**. Melodiis se antiquitus ad prælium accendebant, 377B'. — *Cf.* Tuba.
- N**
- NABOTH** fuit sanctus et martyr, 621A'.
- NABUCHODONOSOR**, de quo in Judith, 132C, qui in Esdra Artaxerxes et Assuerus vocatur, 132C, quis fuerit, 132C, 133C, et quibus præfuerit, 132B'. — Superbus, 132A', 133A', et tyrannus, 141D, divinos honores affectavit, 135C', ideo juste regno privatus est, 136A, et pessime obiit, 168C'. — Quo sensu Deus terræ dicatur, 140B'. — Quid mystice, 133A', 136B'.
- NABUCHODONOSOR**, rex Babylonis, quomodo vasa templi asportaverit, 211C, et diis suis consecraverit, 211D. — Gentes debellando, Deo servivit, 52C.
- NABUTHÆI**, qui, 290A', et unde sic vocati, 302D. — Jonathæ opem ferunt, 302D.
- NAHUM**. Ejus prophetia in Niniven prædestinationis fuit, 125C. — *Cf.* Jonas.
- NATHINÆI**, qui, 213B. — Habitabant in Ophel, 240D'; ligna sacerdotibus parabant, 255A', et aquas portabant, 213B.
- NATIVITAS**. Natalis dies, dies afflictionis recte dicitur, 512C'.
- NATURA** ad nutum Dei cursum perficit, 16D'.
- NAZARÆI**, alii in perpetuum erant, alii ad tempus, 284C.
- NECESSITAS**, quandonam excuset a peccato, 351C'. — Effectus necessarius quoad primam causam, liber esse potest quoad secundas, 53A'. — *Cf.* Fatum, Fortuna, Libertas.
- NECROMANTICI**, quantum a dæmone fallantur, 28C.
- NECTENABUS**, rex Ægypti, adulterio Alexandrum Magnum genuit, 267A'.
- NEHEMIAS** sacerdos, 255A, 333A', alias Athersafa, 213B', regis Persarum pincerna, 233, 238A, et amicus, 238C', quomodo licentiam reædificandi Jerusalem obtinuerit, 237D. — Urbe restaurata, 239D, usurarios corripit, 243B, templum a profanorum incursu munit, 260A, decimarum solutionem urget, 261A, sabbatum curat observandum, 261D, illicita abrumpit matrimonia, 261B', antiqua Scripturæ volumina colligit, 339D, et fœdus cum Deo renovat, 254B', 255A. — Altaris ignem absconditum, 333B', quomodo repererit, 333D', et ex aqua erumpere fecerit, 334A, 335B. — Caritate in gentem conspicuus, 236B. liberalitate, 244B', et humilitate, 261A', 262A', duodecim annis præfuit populo, 244D', bonorum prælatorum typum gerens, 245A', et in senectute bona quievit, 233, 262B'. — Quid mystice, 237A', 241A.

- Nehemiæ liber, Esdræ historiam prosequitur, 233. — Ejus Descriptiones et Commentaria non supersunt, 339 C.
- NEOMENIA unoquoque mense solenniter agebatur, 143 C.
- NEPHTHALI, virum, tribum et civitatem designat, 85 A.
- NESTORIUS hæresiarcha, in quo erraverit, 471 A'.
- NICANOR, dux exercitus Syriæ, 360 A, superbus, 376 B, impius, 296 C', et dolosus, 376 A. — Primo Judæis benevolus, 374 D, et amicus Judæ, 296 D', 374 A', sed eapropter apud regem accusatus, 374 C', Judæos aggreditur, 360 B, 376 A, Judam comprehendere molitus, 296 D, 394 D', et templo ruinam minitans, 375 A; sed a Juda devictus, 361 B, occiditur, 297 C, 377 B'. — Manus ejus abscissa, 297 A', 377 D', ad templum suspenditur, 378 A.
- NINIVE, Assyriorum metropolis, quanta, 87 C'. — Ibi sepultus est Tobias, 124 D', regnavit Cambyzes, 132 C. — Eam evertendam non semel vaticinati sunt Prophetæ Israel, 125 C. — Cf. Jonas, Nahum.
- NISAN mensis, quis, 133 C, 237 D. — Cur primus mensis evaserit, 238 A. — Cf. Mensis.
- NOMEN in Scripturis sæpissime pro re nominata accipitur, 96 C.
- NOX, quid in Scriptura significet, 440 A', B', 490 A. — Nox, quomodo nocti indicet scientiam, 547 C, B', D'. — Quomodo in nocte Deus visitet hominem, 492 B, 495 C, et canticum mandaverit, 676 D.
- NUBES e mari oritur, 4 C, et caliginem parit, 4 D. — Nube olim protecti sunt Hebræi, 151 A'. — Allegorice, varia significat, 501 C', 502 A', 625 C.
- NUMERUS septenarius perfectionem notat, 40 B, et universitatem, 119 A, 473 B.
- ()
- OBEDIENTIA fulcimentum est reipublicæ, 299 D. — Commendatur, 437 D', 661 D', et inauri comparatur, 41 B'. — Obedientia Josue principatum meruit, 278 A. — Prælati, contra Dei præceptum, non est obediendum, 277 A.
- OCEANUS vocatur abyssus, quare, 602 A'. — Terram cingit, 548 C, 602 D; et maria sunt brachia ejus, 548 C.
- OCTAVA, Mos octavam festorum agendi, unde venerit, 289 A. — Psalmi « pro octava », quomodo intelligendi, 438 B, 471 D.
- OCULUS certius docet quam auris, 38 D. — Cordis intima prodit, 201 B', 238 C. — Oculi ad Deum convertere, quid sit, 96 A'. — Oculi Dei, quid, 236 A', 434 C, 604 C', 610 C. — Figuratè, oculus intellectum signat, 588 A'.
- ODIUM, quantum peccatum, 611 A. — Pessimum odium, invidia fraternæ gratiæ, 555 D. — Quo sensu odium Deo tribuatur, 434 D.
- OFFICIUM divinum, cur in octo partes distributum, 251 C. — Quomodo decantandum, 403 B, 482 A'. — Cf. Laudes. Psalmodia.
- OLEUM, A fructu olei quomodo multiplicentur homines, 429 D', 432 C. — Qualiter oleo impinguet Deus caput nostrum, 545 A', 547 C.
- ONAGER ejusdem est speciei cum asino, 12 D'; verumtamen non cicuratur, 12 C'. — Mores ejus describuntur, 13 A.
- ONIAS I, filius Jaddi, pontifex tempore Seleuci regis, 350 D.
- ONIAS III pontifex, sanctus, 376 B', et gloriosus, 342 A', optime rexit Israel, 341 D'. — Duorum fratrum dolo occubuit: a Jasone victus, 346 B', a Menelao occisus, 347 B. — Heliodorum curavit, 343 C', et Judæ apparuit, 376 B'.
- OPERATIO fructui comparatur, 408 C. — Opera sunt velut filii agentis, 494 A, et internæ dispositionis indicia, 506 D'. — Omne opus bonum oratio est, 494 C. — Opera bona per peccatum mortificata, per pœnitentiam reviviscunt, 634 B'. — Dicuntur pedes animæ, 641 C, et viæ, 644 B, quare, 405 D.
- ORATIO, quid sit, 118 A, 522 C', 531 C, 629 B', et quibus alis ad Deum volet, 118 A. — Per ipsam impetratur gratia, 445 D; ideo cunctis necessaria est, 565 B'. — Animæ est hostia et sacrificium, 565 A', et præclarissima tuba, 290 C'. — Infirmatur peccato, 449 B; fulcitur fraterna caritate, 40 C', 236 B', lacrimis, 93 B, 118 A', 236 B, jejuniis, 118 A, 138 A, solitudine, 565 A. Expedit eam laudibus Dei intexere, 110 A', 287 D', 510 C', et frequenter repetere, 433 C. Præcipue valet oratio justorum, 520 A', 574 A', humilium, 630 C, infantium, 137 B', et communitatum, 110 D, 142 D', 564 D', 660 C. — Oratio attentionem requirit, 437 C'. Attenta oratio, quantus labor, 440 C. — Quatenus liceat orare contra hostes boni publici, 142 C, et Ecclesiæ, 620 B, et inimicos proprios, 619 D'; petere bona temporalia, 629 B', 641 A, ten-

tationum aut tribulationum remotionem, 649D'. Quid sit in nomine Jesu orare, 641A'. — Multo melius est pro peccatoribus quam pro defunctis orare, 651A'. Oratio pro reprobis saltem oranti prodest, 621D'. — Cur orationes quandoque non audiantur, 539B', D', vel tarde sortiantur effectum, 686C'. — Efficax oratio, opus bonum, 494C, efficacissima, vita sancta, 494C'. — Exponuntur orationes Tobiae senioris, 93B, Sargae, 96B, Tobiae junioris, 110A', Judith, 149A, Mardochei, 197B, Esther, 198A, Esdrae, 227D', 251B', Nehemiae, 236D, 242A, 334C, et Judae, 286D'. — *Cf.* Psalmodia.

ORIGENES allegatur, 502B'. 624D. (Migne *Patrol. gr.* tom. 41-48.)

OS justi, quomodo sapientiam meditetur, 634D. — Quid sit laudem Dei in ore semper habere, 606B'.

OS. Animae ossa, quid, 541B', 542C, 610C', 613A'. — Ossa justorum, quomodo conserventur, 610D'.

OSEE, ultimus rex Israel, causa fuit cur populus in captivitatem duceretur, 86C', quomodo, 86B'.

OZIAS, Simeonites, de primoribus Bethuliae, 142A, et princeps Juda, 148A', urbem tradere cogitans, 144C', a Judith increpatur, 145C'. — Graviter peccasse videtur, 146B. — Judithae benedicit, 161A'.

P

PALPEBRÆ Dei, quid, 469A, C. — Quomodo interrogent hominem, 469B.

PANIS quemcumque cibum designat, 41C, 101A, 229A'. — Panis animae est multiplex, 593C, et quotidie quærendus, 661D.

PAPA, quanta cura Ecclesiam regere debeat, 299B. — *Cf.* Concilium.

PAPIAS lexicographus allegatur, 319C'. (Migne *Patrol. lat.* tom. 144, col. 1437.)

PARALIPOMENON liber ab Esdra editus, 209A, æque liber Verborum dierum dicitur, 258B.

PARENTES in posteris quasi reviviscunt, 113D'. — Sobolem a primis annis informare debent, 87B'; cui plurimum prosunt eorum merita, 126B'. — Propter filios sunt laudandi, 113A.

PASSER transmigrans in montem, quid, 466B', 467C, 468D, 470D'.

PASSIO Christi, quam clare in Scripturis prænuntiata, 529A', 533C, 535A'. — Omnibus

martyrum tormentis fuit amarior, quare, 530D. — Quomodo sit complenda, 56C, et recolenda, 536A'. — *Cf.* Christus patiens.

PASSIONES sensitivæ cor immutant, 534A', naturam debilitant, 161D', breviant vitam, 594C; rationem turbant, 440D'; virtutum labefactant habitus, 439A', impediunt actus, 594D. — In Christo rationem nunquam prævenerunt, 556C.

PASTOPHORIA, quid, 287A'.

PATIENTIA tristitiæ adversatur, 674D. Quot gradus habeat, 449B'; quatenus Deo competat, 146D, 447C. — Bellatoribus maxime necessaria est, 298C, et tribulatis commendatur, 53D', 57B', 116D', 147B', D', etc. Impatientes quietem non norunt, 450C'. — Laudatur Tobiae patientia, 91C, 99A'.

PAULUS (Rabbi), Judæus conversus, episcopus Burgensis, Lyrae plerumque contradicit, 174B, 186B, 187B', sed sæpe immerito, 174C, 187B', etc.

PAUPER, quid in Scripturis designet, 439B', 469A, 473C, etc. — Pauperum non obliviscitur Deus, 460A', 461B', eisque patrociniatur, 472D'. Quomodo orare debeant, 460B'. — Christi paupertate ditati sumus, 479B.

PAX. Quid sit pax, 430C, 631B, pax Christi, 617C', pax mundi, 617D'. — Fructus est caritatis, 635C', et mansuetis inhabitat, 631B. — Quotopere commendatur, 609C'. Eam expetunt omnia, 196B', sed non norunt impii, 196C'. — Via pacis, quid, 478D, 481C. — Pacifici digni sunt Deum laudare, 617B'; in æquitate et innocentia vivunt, 635C', magna mercede donabuntur, 635B'.

PECCATORES, quomodo a Deo recedant, 405A', vel elongentur, 598A', aut ejus obliviscantur, 685C; quo sensu in consilio justorum non sint resurrecturi, 408C'. — Sunt demonis filii, 497C, et mancipia, 446D, cui tanto plus subjiciuntur, quanto magis peccant, 563D'; servi peccati, 660A', quacumque bestia pejores, 599C. — Sibi sunt graves, 444A, et primo nocent, 444B, 631D'. — Quo sensu Deus eos oderit, 434D; quomodo super eos pluatur laqueos, 469C'. — Quatenus oporteat eos odisse, 557C, honorare aut contemnere, 483A'. Ratione officii, quandoque dicuntur sancti, 227C. — Plurimum præstat eos in hac vita castigari, 352C', 514C, 597D, 620C', ubi ad misericordiam fit castigatio, 438D. — Quomodo renovari possint, 678B.

PECCATUM, quid sit, 600D, et quomodo dividatur, 406C', 553B, 624A. — Causa propria peccati est liberum arbitrium, 52A, et voluntas, 59A, 62A; causa motiva, diabolus 62A'; causa permissiva, Deus, 59B. In peccato, quid sit Deotribuendum, 50A', 52A. Reprobatorum peccata reprobationi non sunt imputanda, 62D. — In quolibet peccato invenitur superbia, 627B', et contemptus Dei, 624D. Recte dicitur vanitas et error, 236C', mors, 475A, et nox, 490A. — Quid sit peccatum originale, 511D, peccatum in Spiritum Sanctum, 555D. — Culpæ obnoxius est omnis viator, 476D, et a peccato nemo mundus est, 678C', imo singula peccata quotidiana nullus nosse valet, 520B, 660B', C'; verumtamen iusti in gravia repente labi non solent, 624D, et quo quis magis illuminatus est, eo plus malum odit, 639A'. — Peccatum alius provocare non licet, 452C, sed illo ad bonum possumus uti, 452D'.

De effectibus peccati: Qui sint effectus peccati originalis, 511A', 637B, et actualis, 637C. — Peccatum proprie est unicum huius vitæ malum, 58A', cui, vel minimo, mors præferenda est, 274B', 446A; verumtamen, non licet timore peccati se occidere, 375D'. — Primum auctori nocet, 444B, cuius animam vulnerat, 418C, 439D, aggravat mentem, 638A, virtutes mortificat, 597A, impedit pacem, 674D'; quem separat a Deo, 539C, a communione sanctorum segregat, 565A, ad infernum deducit, 460C'. — Peccata iterata, quantum noceant, 638B.

De remediis peccati: Per dolorem interiorem et exteriorem expiandum est, 39C, 440B, per opera pœnitentiæ, 39B, per humilem confessionem, 597B'. — Peccatorum confessio extra sacramentum veniam meretur, 598A, quandonam, 598A; quanta bona conferat, 599A. — Confessa peccata a Deo teguntur, 597C'. Quomodo sint confitenda, 597D'; quomodo sub lege a Judæis confessa, 251A. — Peccatum ex infirmitate facile emendatur, 624B; ex habitu, quasi incorrigibile est, 624C, C'. — Culpæ mortalis non remittitur quin infundatur gratia, 441C; culpæ veniales, licet summopere vitandæ, 87A', a Deo graviter puniri non solent, 79A, et alia sine alia remittitur, 554D. — An hic et posthac in

inferno peccatum puniri possit, 57C. — In ultione peccatorum innoscit majestas Dei, 121C. — *Cf.* Confessio, Pœnitentia.

PELAGIANI hæretici confutantur, 688A'.

PEREGRINUS. Quo sensu homo dicatur peregrinus super terram, 650B', D'.

PERSIS, regio opulentissima, 282A'. Cur ibi Cyrus regni sedem constituerit, 240B. Multi Judæi eo translati sunt, 333A'. — Persarum reges consiliatores septem secum habebant, 224D, quorum consilio omnia agebant, 238B'; ad illos nullus intrabat, nisi vocatus, 483B', et optime vestitus, 483B. Quomodo uxores ducerent, 479B. Variæ horum series, 473B, 268B, 332C. — *Cf.* Convivium, Mulier.

PETRA in Scripturis varia significat, 565B, 569B, 632B.

PETRUS de Alliaco, Cameracensis archiepiscopus, perpulchre de Fato tractavit, 66D, 67A'.

PETRUS Alfonsi (Moses Sephardi). Judæus conversus, 45. (*Migne Patrol. lat.* tom. 157, col. 535.)

PETRUS Comestor. *Vide* Historia scholastica.

PETRUS Lombardus. *Vide* Magister Sententiarum.

PETRUS de Tarentasia B. (Innocentius V), Ord. Præd. theologus, 72D'.

PHARISÆI præceptum sabbati non recte intellegebant, 276C. — Pharisæus, propriam laudando justitiam, quomodo peccaverit, 559D'.

PHILIPPUS, collactaneus Antiochi Epiphaniis, 363B', ab eo præfectus Judææ constitutus, 359C', et regni regens, 292A', adversus Antiochum Eupatorem rebellis, 372D', ab eo enecatur, 295D.

PHILIPPUS Macedo, falsus Alexandri pater, 267A', illum Aristoteli educandum tradit, 267B'.

PHINEES zelo pontificatum meruit, 277D'.

PHURIM dies, qui et cur sic dicti, 492B. — *Cf.* Festivitas.

PIETAS varie sumitur, 341D'.

PISCIS. Fel piscium contra albuginem valet, 106A. Pisces maris, quomodo Christo subjiciantur, 454C, A'. — Piscis Tobiae, 104D'. Ejus jecur, qua virtute dæmonem fugaverit, 103D, 106D', 110A. Quid significet, 107D'.

PLATO philosophus stellas moveri credebat, 9A. — *Adde* 59C.

PLATONICI auctores: Apuleius, 105B'. — Porphyrius, qui stulte idololatriam solis Judæis vetitam censuit, 284A. — Platonici er-

- raverunt circa dæmonum naturam, 105 B', et cognitionis certitudinem, 429 B'.
- PLEIADES, stellæ splendentes, 8 D', pluvii præsidet, 8 C'.
- PLINIUS physicus allegatur, 25 D', 35 D.
- PLUVIA, quomodo eveniat, 8 C'; cur in desertis decidat, 7 C'. — Deus pater pluviae dicitur, quare, 8 A. — Tropologice, prædicationem signat, 7 D'.
- POENA quotuplex, 53 A, et quatenus Deo describi possit, 52 D et seq. — Poenæ hujus vitæ minimo peccato impares sunt, 79 A. Ad utilitatem hominis deserviunt, 53 C', et æquanimiter sunt ferendæ, 53 D', 637 B'. — Plurimum præstat hic castigari, 352 C', ubi poena fit ad misericordiam, 438 D, 597 D, et glorificationem parit, 514 C. Magna spei causa est in præsentis puniri, 543 C; magna iræ divinæ nota, vindictam effugere, 57 A. — An contingat quempiam hic et in inferno puniri, 57 A'. — Judæi olim a Deo patrie castigabantur, 353 B, nunc vero Christiani, 353 B. — De penis justorum quatenus Deus gaudeat, 79 A'. — *Cf.* Adversa, Tribulatio.
- POENITENTIA, quomodo agenda, 441 D', quando, 363 C', et quantum, 638 B', 639 B. Ex timore servili orta, non valet, 362 A', D', 398 B. — Quo sensu Deus poenitere dicatur, 603 B'. — Poenitentes humilitati animum intendere debent, 638 C'. Quæ eorum arma, 39 B. — Poenitentibus aptantur Psalmi : VI, 438 C; XXIV, 551 C; XXVI, 596 D; XXXVII, 637 A. Psalmi poenitenciales enixe commendantur, 441 C': quomodo decantandi, 599 D'.
- POETA anonymus (Seneca, ad Lucilium n. 107) allegatur, 63 C'.
- PONTIFEX in rebus arduis agenda dictabat, 213 B'. Post captivitatem, populum rexit, 207, 305 C. — Ex tribu Levi dumtaxat eligebatur, 346 D; verumtamen Machabæi, ex singulari privilegio, pontificatu functi sunt, 320 C'. — De ejus institutione, 320 B'. — Pontificum series ab Alexandro Magno, 350 C.
- PORTÆ Jerusalem describuntur : Porta Gregis, 239 D'; Piscium, 240 C; Vetus, 240 D; Vallis et Sterquilini, 240 B'; Fontis seu Aquarum, 248 D; Equorum, 240 D'; Ephraim et Custodiæ, 259 B. — Mystice, quid, 237 B', Recte per eas intelligi possunt dona S. Spiritus, 241 B.
- PRÆDESTINATIO, quid sit, 688 C, et quomodo differat a præscientia, 396 B', et electione, 60 A'. — Unica prædestinationis causa est voluntas Dei, 61 A, 688 D quæ in hoc liberime agit, 60 C', 61 B, nec injuste, 61 A'. Christus, quo sensu causa et exemplar prædestinationis dicatur, 688 B. — Proprie est causa totius gratiæ et virtutis electorum, 62 D, quamvis liberum arbitrium non tollat, 63 A; et in ea continentur gratia finalis, 60 D', atque media ad salutem pertinentia, 654 C'. — Dei consilia in prædestinatione inscrutabilia sunt, 59 B'; ideo de his caute loquendum est, 61 B'. — Prædestinati hereditas Christi sunt, 486 C'. An quis prædestinatus damnari possit, 62 B', C', vel non prædestinatus se prædestinatum facere, 504 D'. — Omnia opera Dei ab æterno præordinata sunt, 603 B'.
- PRÆDICATORES negotiatoribus comparantur, 27 C', et sagittariis, 34 C'. — Eos caritate fervere necesse est, 646 A'. — Prædicator male vivens graviter peccat, 404 B, 543 A. — Varia prædicantium genera, 543 A.
- PRÆLATI muri sunt Ecclesiæ, 237 B'. — Ex eorum conversatione pendet sanitas gregis, 147 C, 342 A. — Eis opus est continuo fervore, 646 A', timore Domini, 420 B', lingua erudita, 541 D', et misericordia, 29 A'. — Quo zelo quærere debeant Ecclesiæ profectum, 299 C, et gregis bonum, 318 C; quomodo delinquentes subditos debeant tractare, 230 B', ac reformare, 239 B', et gregis peccata defflere, 646 A. — Eorum est subditos in virga ferrea regere, 420 A', sapientiores ad officia promovere, 318 A', bonos laudare, arguere malos, 458 D, mæstos consolari, 622 B, oves visitare, 323 B, plebem instruere exemplis, 322 C', et sermone, 659 D'. — Malis etiam prælatis bonitas quædam tribuitur, 157 A; negligentes diabolo escam parant, 23 B'; superbi a Deo confringuntur, 577 C'. — *Cf.* Subditi.
- PRIAPUS turpiter a paganis colebatur, 270 D.
- PRIMOGENITI in lege naturæ sacerdotio fungebantur, 223 C. — Dei erant omnia primogenita terræ, hominum, 255 B', et pecorum, 255 C'.
- PROPHETIA, quid sit, 393 A, et quotuplex, 395 C', 396 D. — Ad gratias gratis datas pertinet, 393 B, et malis concedi potest, 397 D. — Ad omnia se extendit, 393 B', divina, 393 C', moralia, 394 A, præterita vel futura, 397 C; sed proprie circa supernaturales veritates versatur, 394 B', 395 C, et

futuros eventus, 394B. — In somniis communicatur vel in vigilia, 394C', et hoc modo perfectius, 394C'; per verba vel signa, 397C, et priori modo dignius, 394D'; per corporalem visionem vel non, 395A; in persona creaturæ vel Dei, 395B. — Multi ejus gradus, 394D; quis supremus, 395A', 397A. — Principium prophetiæ cognitionis est lumen divinum, 393A'. Ad eam pertinent propositæ veritatis perceptio, 397A, et miraculorum operatio, 393C. — Semper aliquid obscuritatis habet, 395B'. An semper impleatur, 395C'. — In prophetiis sæpe præteritum pro futuro usurpatur, 425A'. — Tobiae prophetia explanatur, 125B.

Propheta, quid sit, 393A, et cur sic vocetur, 393B. — Prophetæ ministerio angelorum accipiebant revelationes, 501D', et præ timore coram eis procidebant, 419B. — In rebus arduis agenda dictabant, 288A, 320C'. Sunt orbis fundamenta, 503C. — Quomodo prophetiam acceperint XII Prophetæ, 397A, David, 397B, Moyses, 397C'. Quis omnium Prophetarum maximus, 397A'. — Prophetarum sensus potius quam verba in Evangelio sæpe allegatur, 653D', 662B'.

PROPRIETAS. Liber de Proprietatibus rerum (fr. Bartholomæi de Glanvilla) citatur, 105D'.

PROSPERITAS temporalis ex se indifferens est, 58A', nec multum curanda, 58B'; verumtamen, quodam modo justis competit, 53D, et ante Christum, eis communiter obveniebat, 78C. — Fallax est, 189B', et a summo bono avertit, 429D'; ideo Sancti suspectam eam habuerunt, 54C'. — Prosperitas impiorum vana, 628C', et brevis, 628D', 630C', nec de ea scandalizari oportet, 628B. — In temporalibus, quatenus lætari liceat, 629B'.

PROVIDENTIA ad prudentiam pertinet, 71D, et ad scientiam, 72B', et cognitionem finis præsupponit, 72A. — Omnia prospicit, 604C, ad omnia extenditur, 72B, non modo cœlestia, 140B', sed infima, 67B, fortuita, 72D, mala, 72B', contingentia, 72C'; ad cuncta hominis, 53B', et ad bruta, 41C', 455C'; omnibus munia partiens et auxilia, 72A. — Non aufert a rebus naturales proprietates, 67C. — Omnia Dei opera ex æterna providentia procedunt, 451D. — Cf. Fatum, Fortuna, Prædestinatio.

PRUDENTIA plus valet quam fortitudo, 279D.

— Tam in prosperis quam in adversis ne-

cessaria est, 595D'. — Impiis non inest, 196D'. — Prudentia Romani sibi subjecerunt orbem, 298C.

PSALMODIA. Quid sit psallere, 457D', 475B', «in vociferatione», 601B. — Strenue psallendum est, 403B, cum debita præparatione, 403D, cum pura intentione, 403B', cum devota attentione, 403C'. — Cf. Officium.

PSALMUS. Metrice psalmi scripti sunt, 400C. Cur dicantur hymni, 400B, et soliloquia, 400C. — Quot eorum auctores, 401C, 670D, et libri, 401A; quæ materia, 400B', intentio, 402A', virtus, 402C'. — Cur sic ab Esdra sint dispositi, 401B'; quoties ab Hieronymo translati fuerint, 401D'. — Liber Psalmorum magna est domus, cujus ostium est primus psalmus, 415A, et claves, tituli, 415A. — Tempore sacrificiorum olim cantabantur, 213B. Cuilibet generi hominum aptantur, 402D, et commendandi sunt, 606C'. Quomodo sint decantandi, 402B, B', 403B, 470B', 498A, 605C. — Psalmorum imprecationes et maledictiones, quomodo intelligendæ, 472C', 552C, 590D. 595D, 613C. — Cf. Tituli.

Omnes psalmi pro posse ad Christum referendi sunt, 436B, quia ex Scriptura constat multos de ipso tractare, 616B, 656C', et quoniam Christianum decet libenter audire et loqui de Christo, 662B'. De ipso ad litteram exponuntur Ps. II, 415B'; XV, 485A; XVI, 491C; XVII, 498C'; XVIII, 516D; XIX, 521B; XX, 524A; XXI, 529A; XXIII, 548A; XXV, 556A; XXVII, 570D; XXIX, 579C; XXX, 586D; XXXIV, 611D; XXXIX, 651C; XL, 662C. — De Ecclesia: Ps. IV, 427D; V, 433A; VIII, 451B; IX, 457C; XII, 543D; XXVIII, 575B. — De Synagoga: Ps. X, 466D; XII, 474B; XIII, 477A; XLIII, 681D'. — De David: Ps. III, 422B; IV, 430D; VI, 441B'; VII, 442B; X, 466D; XIV, 482C. — De anima fideli: Ps. I, 405B; IV, 427D; VI, 438D; VIII, 451B; IX, 457C; XI, 471D'; XXVI, 562D; XXXII, 600C; XXXIII, 606A'; XXXV, 624A; XXXVI, 628B; XXXVIII, 644B; XLI, 670D'; XLII, 678C. — De pœnitente: Ps. VI, 438B; XXIV, 551C; XXXI, 596C; XXXVII, 637A.

Psalmi vel psalmorum versiculi præcipue notandi: Psalmus I, velut janua Psalterii habendus, 415A, ab Esdra conscriptus est, 405A, et a David præcognitus, 654B'. Cur careat titulo, 405A; — XVIII commendatur Christianis, 520D'; — XXI, a Christo cru-

cifixo recitatus, cum sequentibus, 529B, historia videtur potius quam prophetia Passionis, 529A'; mira virtute est repletus, 529B'; — *xxvi* vespere potissimum decantandus est, 570B'; — *xxvii* quotidie, 575A'; — *xxx* vespere, 596A'; — *xxxvii* pœnitentibus congruit, 643A'; — *xxxix* miram orandi formam docet, 661B'; — *xli* sacerdotibus aptatur, 677A'; — *xlii* similiter, 680A'.

PSALTERIUM romanum et gallicanum, quid, 401D'. — Psalterium, instrumentum musicum, quid sit, 601A, et significet, 600D'.

PTOLEMÆUS I (Soter) primus post Alexandrum in Ægypto rex, 329A, multos Judæos captivos duxit, 329B. — Ex eo « Ptolemæi » vocati sunt reges Ægypti, 271B.

PTOLEMÆUS II (Philadelphus), qui V. T. libros transferri curavit, 271B', mensam pretiosissimam templo donavit, 271C', et plurimos Judæos a servitute liberavit, 329B. — In Daniele vocatur rex Austri, 271A.

PTOLEMÆUS V (Epiphanes). Quid ei cum Antiocho Magno, 270C'.

PTOLEMÆUS VI (Philometor), ambitiosissimus, 307D, Syriam dolose occupat, 308A, expulso Alexandro (Bala), 308D, cui filiam locaverat, 306A. — Justo Dei iudicio occumbit, 308D'. — Ab Hebræo instructus fuerat, 332B'. — *Cf.* Aristobulus.

PTOLEMÆUS, filius Abobi, Simonis gener, 323A, ambitiosus, 323B, dolose socerum interficit, 323C. — Quomodo ultionem evaserit, 323C'.

PTOLEMÆUS Macer, præfectus Jerusalem, Judæis favens, 364D, apud Antiochum Eupatorem accusatus, 364A', veneno perit, 364B'.

Ptolemæus alius, iniquus Antiochi Epiphanis amicus. *Vide* 347A'.

PTOLEMÆUS (Claudius) astrologus, stellas moveri docet, 9A. — Quid de fato censeat, 64B, 63B.

PULCHRITUDO corporalis per condecentiam morum perficitur, 42D. Ex creaturarum pulchritudine elucescit pulchritudo Dei, 179C'. — Pulchritudo moralis, quid sit, 179D'. Non parum ad corporalem confert, 179D'.

PURGATORIUM. Animæ in purgatorio detentæ sciunt se liberandas, 584D', sed seipsas juvare nequeunt, 585A. — Quæ earum maxima pœna, 585A. — Pro his orare, sancta est cogitatio, 370C, C'.

PYRAMIS, quid, 346D. — Antiquitus super

magnatum sepulera erigebantur pyramides, 346A'.

PYTHAGORAS philosophus cœlestia concantum edere somniavit, 40A'. — Contra Pythagoricos asseritur non esse peccatum brutia occidere, 455C'.

Q

QUINTUS METELLUS. Prodigiosa ejus fortuna describitur, 71A'.

R

RABANUS (Maurus), Moguntinus episcopus, non semel citatus, 273A, D', 316D', 332C, ab impugnatione Lyræ vindicatur, 350A'. — Glossa ejus, 330C', e Josepho desumpta videtur, 350A'.

RABBI, RABBINI. *Vide* Judæi auctores et Paulus.

RAGES. Sic apud Medos dictæ sunt duæ civitates, 88C, 112C.

RAGUEL, de captivis Judæorum, 95B', propinquus Tobiae, 106B, 108B, hospitalitatis sectator, 108B, quomodo filiam Tobiae traderit, 108C'.

RAPHAEL angelus, quis sit, 118D', et cur sic vocetur, 98A', 118C'. — Quanta Tobiae juniore contulerit, 103D', 105B, 106B, 109A, 112B', Tobiae seniori, 115D, 116A', et aliis, 113A'. — Quanta ejus humilitas, 115C. — Quomodo se de filiis Israel dicere potuerit, 102B', et Azariam, filium Ananiæ, 103B'; quo sensu jecur piscis commendat, 105D; quomodo dæmonem relegaverit, 110A; cur per subjectas creaturas Tobiam sanare voluerit, 115C'. — Absque simonia mercedem accipere potuisset, 117B. — Nos docet nuptiarum formam, 106D, jejunii et eleemosynæ vim, 118A. — *Cf.* Angelus.

RAZIAS, senex integerrimus, 375B, sibi mortem consciscit, 375A'. An licite, 375B'.

REGIMEN. Quænam politici regiminis optima forma, 299D.

REGNUM. Obedientia regna fulciuntur, 299D, discordia pereunt, 299B'. — Quid sit regnum Dei, 120B, 544B; regnum cœlorum, 545D'.

RELIGIOSI. Cur religionem ingredi potissimum debeant, 254C'. Quam gratos de vocatione illos esse oporteat, 582B'. — Bonorum religiosorum quanta remuneratio, 565B. —

- Religiosi mali notantur, 31 B'; sunt sæcularibus malis pejores, 31 C'. — De quorundam monachorum nece, 57 D'.
- RENES, quid significant, 490 A. et quomodo sint urendi, 560 A'. — Quid renes Christi, 487 D, 556 A'.
- REPROBATIO non est propria causa culpæ reprobatorum, 62 D. — Reprobi aliquo modo ad Christi corpus pertinent, 399 A'. Vasa perditæ vocantur, 589 B'. — Quæ de his in Scriptura dicta sunt, sæpe de diabolo sunt intelligenda, 400 A. — Cf. Damnatio.
- REPUDIUM. Libellus repudii nunquam licitus, sed permissus fuit, 230 A.
- RESURRECTIO Christi necessaria fuit, 581 B, et ab eo concupita, 445 A'. — Resurrectionem Beati appetunt, 585 B', quare, 370 B'. — Resurrectio electorum immutatio vocatur, 355 D. Quæ sint resurgentium corporum dotes, 355 D'. — Damnatorum resurrectio mors secunda dicitur, 356 B.
- REUM BEELTEEM, quis fuerit, 217 D', et cur sic nuncupetur, 217 B'. — Judæos apud Cambysem criminatur, 217 B'.
- REX. Insignia regum, quæ, 306 B. — Regi consilia maxime necessaria sunt, 177 A; qui ad hæc sint vocandi, 177 B. — Reges decet clementia, 178 B, 196 D, 363 D, dedecet ira, 196 D, avaritia, 180 B, nimia credulitas, 182 A'. Ad fidem tuendam tenentur, 280 A. — Rex impius nihil est nisi magnus latro, 271 D'. Reges ethnici post mortem deificabantur, 366 D'. — « Reges » merito vocantur Christiani, 516 A, et Beati, 527 A.
- RHINOCEROS, animal superbissimum, 13 C', et « indomesticabile », 13 C, cum elephante sæpe conflictatur, 13 D'. — A puella facile domatur, 13 D', sed in captivitate cito moritur, 13 C'. — Cornu ejus describitur, 13 C'. — Allegorice, Verbum signat, 14 A.
- RHODOCUS Judæus Bethsuram Antiocho Eupatori tradit, 372 A'.
- RICHARDUS de Mediavilla (de Middletown). Ord. Min. theologus, allegatur, 61 C', 65 A', 72 D'.
- ROMANI fuerunt pietate conspicui, 298 A, et prudentia, 299 A, rei que bellicæ peritissimi, 298 B. — Describuntur eorum gesta, 298 A, et virtutes, 299 A. — Post varia regimina, 298 C', optimo adhæserunt, 298 D', 299 D. — Eorum imperium majus fuit regno Alexandri et adhuc pro parte permanet, 269 C'. Cur tantum primo profecerint, postea defecerint, 299 A'. — Fœdus inierunt cum Juda, 299 C', Jonatha, 312 B. Simone, 319 C', 321 D. Priores videntur Judæos quæsisse, 367 B', D'.
- ROMBERG (Joannes), Ord. Præd. theologus, Dionysianum in Psalmos commentarium edendum curavit, 385.
- ROS unde veniat, 8 C. — Cur Deus pater roris dicatur, 8 B.

S

- SABBATUM. In sabbato ab omni mercatu abstinebant Judæi, 255 B, et claudabant portas civitatis, 261 D; certamen detrectabant, 276 B, ideo ab hostibus sabbato potissime invadebantur, 275 D', 302 C. — Illa die necessaria agere licet, 276 C, proinde pugnare aut fugere, 276 B'. — Septimo quoque anno sabbatizabat terra, 255 B, 294 A', et anno sexto peculiaris benedictio repromissa erat, 294 B'. An post captivitatem viguerit hæc promissio, 294 B'. — Quid prima sabbati, 547 D, psalmi « in prima sabbati », 548 A, « in rememoratione sabbati », 636 D. — Spiritualliter, sabbatum requiem æternitatis significat, 636 D.
- SACCUS, olim vestitus lugentium, 183 A, et pœnitentium, 250 C, in quo regis oculis apparere non licebat, 183 B. — Sic dicitur corpus, 586 A.
- SACERDOS. Sub lege naturæ sacerdotium primogenitis competebat, 223 C. — Sacerdotes sub lege Moysis, Levitis superiores erant, 225 D'; inter eos xxiv eminebant, 257 B'. Quo ritu mundarentur, 258 A', et mundarent populum, 258 B'. Ante prælium copias adhortabantur, 286 C, 361 A. — Sacerdotem oportet castimonia fulgere, 354 B', et a minimis culpis cavere, 561 C'. — Sacerdos celebraturus, cur extrema digitorum lavet, 561 B'; quo animo celebrare debeat, 677 D'. — Sacerdotibus commendantur Ps. xix, 523 C'; xxv, 561 A'; xli, 677 A'; xlii, 680 A'.
- SACRAMENTA. Unde eorum virtus, 55 C.
- SACRIFICIA Legis. Quæ eorum virtus, 653 B', et causa, 654 C. Ad cærimonialia pertinebant, 659 A. Ad tempus dumtaxat bona erant, 653 B', et jam sunt abolita, 432 A, ac mortifera, 659 A. — Sacrificium justitiæ, quid, 429 C. — Perfectissimum sacrificium, Dei voluntatem in omnibus facere, 659 A'.
- SADDUCÆI spirituum existentiam negabant, 77 D'.

- SAGITTA** dicitur vas mortis, cur, 447 B'. — Quid sagittæ Dei, 443 D', 637 A, Christi, 503 A, peccatorum, 466 D', 467 D', 468 B', 471 A.
- SALLUSTIUS** (Crispus), historiographus, allegatur, 299 B'.
- SALMANASAR** Judæos et Tobiam in Assyriam transtulit, 85 A'. — Ob pietatem Tobiae exhibitam, vita ejus producta est, 88 A'.
- SALOMON**, quo sensu propheta dici queat, 394 D. — Ex dispensatione Dei licite Pharaonis filiam duxit, 181 A.
- SALUS** pietate Dei donatur, 522 B. Quanti æstimanda, 516 B, quibus modis comparanda, 482 C et seq. Ad salutem non opus est nunquam graviter peccasse, 484 B.
- SALUTARE** Dei, quid sit, 461 A, 473 D, 475 A', 521 D', 655 C.
- SAMARITANI**, id est gentiles a Salmanasar et Asarhaddon in Samariam translati, 216 A', ad Judaismum utcumque conversi fuerant, quomodo, 216 B, et quando, 216 C. Deum verum colebant, 221 A, sed cum idolis, 222 C, 351 D. — Judæis infensi, 137 C, 214 C, eos criminantur apud Cambysem, 217 A', et Darium, 220 D', et pro posse obsistunt restorationi urbis, 218 B, 241 D, et templi, 216 D'. — Inter ipsos Judæi multi remanserant, 137 A'. — Quid mystice, 219 C', 243 A. — Cf. Reum, Samsai, Sanaballat.
- SAMSAI** scriba, quis fuerit, 217 D'. — Judæos apud regem accusat, 218 B.
- SAMSON** lato sensu propheta dici potest, 394 D. — Ex dispensatione divina licite duxit Philistæam, 181 A. — Quomodo a voluntaria nece excusetur, 186 C', 375 B'.
- SANABALLAT**, dux Samaritanorum, variis modis conatur Nehemiam decipere, 245 C, 246 D, C', et urbis restorationem impedire, 241 D.
- SANCTUS**. Sic vel peccator vocari potest, ratione officii, 227 C. — Sanctum quandoque pro firmo sumitur, 240 A, et sanctificare, pro aptare, 259 C'. — Sanctificatio in Scripturis designat templum, 271 C, 272 B', 292 B; sancta, vel templum, 287 D, vel partem ejus exteriorem, 288 C. — Quomodo Deus in sancto habitet, 531 D', 540 A. — *Adde* Beati et Justi.
- SANITAS** sanctitati magis favet quam morbus, 111 A. — Labefactatur tristitia, 292 C.
- SAPIENTIA** Dei probatur mira dispositione terræ, 2 A', maris, 4 A, et cœli, 6 A'; moribus
- corvorum, 11 C, cervorum, 12 A, onagri, 12 C', rhinocerotis, 13 C, struthionis, 14 B, equi, 15 D, aquilæ, 16 D', elephantis, 20 D', ceti, 25 B'; temporali impiorum prosperitate, 49 A'. Quomodo tot mala permittat, 48 B'. — Quæ sapientia in Christo fuerit, 567 D, et quomodo in ea profecerit, 567 D'. — Sapientia humana, respectu divinæ, insipientia est, 38 D'. Variis modis a Deo homini communicatur, 10 A. — Sapientiam veram impii non norunt, 196 C'. — Per donum sapientiæ de divinis judicamus, 553 C'.
- SARA**, filia Raguelis, puella bona, 95 B, justa et fervida, 95 D, prudens, 95 D', pudica, 96 D', et humilis, 97 D, quomodo Tobiae juniiori nupserit, 109 A'. — Ejus oratio, 96 B.
- Sara, uxor Abraham, figura Ecclesiæ, 433 A.
- SARRACENI** unum Deum colunt, sed fidem non habent, 222 D.
- SASSABASAR**, princeps Juda. Hoc nomine designari videtur Zorobabel, 211 A'.
- SATISFACTIO** ad remissionem peccatorum requiritur, 39 C.
- SATURNUS** planeta, tardior sole, 9 C, causa est gelicidii, 8 B. — Illum Hebræis præesse quidam stulte crediderunt, 66 B.
- SCANDALUM**, quantum peccatum, 406 A'. — De prosperitate impiorum scandalizari non oportet, 628 B.
- SCENOPEGIA** festivitas, quæ, 304 A, 331 D, cur sic dicta et quando celebrata, 331 A'.
- SCIENTIA** sacra non est abscondenda, 659 C', 660 A. — Per donum scientiæ de creatis recte judicatur, 553 C'.
- SCOTUS** (Duns), celeberrimus Ord. Min. theologus, citatur, 480 A.
- SCRIBA**. Qui sic olim vocati, 182 A', 217 D', 353 D. — Esdras dicitur scriba velox, quo sensu, 223 B'. — Scribæ legem sabbati male intelligebant, 276 C.
- SCRIPTURA** sacra est Dei mensa, 545 A', vox, 502 D', veritas, 679 C; dicitur vox cataractarum, 675 C'; recte argento assimilatur, 473 B. Consolatio est viatricis animæ, 313 A, magistra virtutum, 624 D'. Quo animo eam legere oporteat, 625 A. — In tres partes dividitur, 83. Cur sub figuris quasi veletur, 398 B. — Quadrupliciter exponi potest, 398 B'. Quis sit sensus ejus litteralis, 398 B', allegoricus, 398 C', tropologicus, 398 D', anagogicus, 399 A. Ex Scriptura probatio non valet nisi in sensu litterali, 415 B', 453 B', 615 D'. Eam exponentibus debetur aureola, 404 C.

- De septem interpretationis regulis, 399 C et seq. Mos est Scripturæ, de genere transire ad speciem, 399 B', de toto ad partem, 399 C', 385 C', multa per anticipationem vel recapitulationem loqui, 399 D', eadem diversis verbis repetere, 416 C', verba replicare, 622 C, 682 A. Scripturæ imprecationes vel maledictiones, quomodo intelligendæ, 472 C', 552 C, 590 D, 595 D, 613 C. — De Scripturæ translationibus: LXX translatio olim publice legebatur, 202 D'. Quæ translatio Vulgata dicitur, 202 D.
- SCYPHI, vasa templi. Qui eorum usus, 211 C'.
- SECHENIAS, de primoribus Juda, vetiti concubii reus, 229 B, et Samaritanis consociatus, 247 B, ceteris poenitendi viam aperuit, 229 B.
- SECRETA Dei et regum caute manifestanda sunt, 417 B'.
- SELEUCUS I (Nicator) primus post Alexandrum Syriæ præfuit, 350 B'.
- SELEUCUS IV (Philopator), sacrificiorum impensam præstabat, 342 C, et templo vasa pretiosa dedit, 349 D. — Heliodorum misit Jerusalem, 342 C'. Cf. Heliodorus.
- SEMEI, an peccaverit David maledicendo, 51 B', D'. — Quo jure interfectus sit, 51 C'.
- SEMEIAS pseudopropheta, accepta pecunia a Sanaballat, 246 C', Nehemiam decipere nititur, 246 D.
- SEMEN humanum, quid sit, 22 B', et quomodo exprimatur, 22 A'.
- SENECA (Annæus) philosophus, allegatur, 177 B. — Cf. Poeta.
- SENNACHERIB in Judæos infensus, 88 A', Tobiam interfici jubet, 88 B'. — A filiis occiditur, quare, 88 C'.
- SERON, dux exercitus Syriæ, 281 C, ambitiosus et præsumptuosus, 281 D, a Juda occiditur, 282 B.
- SICHEM, filius Hemor injuste a filiis Jacob peremptus est, 450 B'. Vere poenituisse non videtur, 451 A. — Sichimitarum cædes non potest excusari, 450 A'.
- SIGNA cælestia prænuntiaverunt eversionem Jerusalem, 348 C, et Italiæ, 348 D. — Signa in passione Christi, cur Deus fecerit, 500 C, B'. Quantum turbaverint Judæos, 500 D, et gentiles, 500 C'. — Cf. Miracula.
- SIMEON patriarcha. Ejus crudelitas a Jacob damnata, 450 C, quomodo a Judith laudetur, 450 D. — Nullo modo excusari potest, 450 A'.
- SIMON Benjamita, vitiosus et induratus, 344 B', invidens Oniæ, 342 D, eum apud regem accusat, 344 B. — Quid mystice, 344 C.
- SIMON Machabæus, prudens, 315 C, et perspicax, 345 C', fratrum consiliator constitutus est, 279 C. — Capto Jonatha, factus est princeps populi, 315 C, et summus sacerdos, 316 D', 320 B'. — Ejus optima administratio, 318 C, potestas, 318 D, gloria, 316 D', 349 A. — Eo procurante, Judæi Syrorum jugo liberati, 317 B, maxima prosperitate frui sunt, 318 C'. — An licite Jonathæ filios Tryphoni tradiderit, 315 D'. — Renovato cum Romanis fœdere, 319 C', mox a suis interfectus est, 323 A.
- SIMPLICITAS, quotuplex, 276 B. Discretione temperanda est, 203 D', 468 D'. — Simplicitas Danielis laudatur, 278 A'. — Simples de aliis benigne opinantur, 203 C'.
- SIMULATORES « singulariter et enormiter provocant iram Dei », 497 B.
- SINAI desertum, quam horrendum, 439 B'.
- SION arx templo eminebat, 293 A. Diu a Syris occupata, 272 D, a Simone recuperata est, 317 B'. — Spiritualiter, per Sion significatur cælum empyreum, 421 C, 521 D, vel Ecclesia, 417 D, 522 D', vel quicumque fidelis, 420 A, 481 C'. Quid filia Sion, 460 C'.
- SOCIETAS bonorum vel malorum plurimum prodest vel obest, 513 B. — Societas Jesu commendatur, 387, 388.
- SODOMITÆ a Deo percussi, an sint damnati, 57 A'.
- SOL est velut vas luminis, 6 D'. Proprio motu ab occidente ad orientem tendit, 9 C; verumtamen vias ejus scire non valemus, 6 D'. — Illum Christianis præesse quidam stulte crediderunt, 66 C. — In sole quomodo Christus posuerit tabernaculum, 518 C, A'. — Mystice, quid sol, 518 A', et solis radii, 35 C. — Cf. Signa.
- SOMNIUM. In somniis communicata prophetia, 394 C', 397 C, minus perfecta est quam in vigilia, 394 C'. — Mardochei somnium exponitur, 493 B', 494 C.
- SOMNUS remedium est tristitiæ, 423 B. Tropologice, peccatum significat, 426 A'. — Sic dicitur mors justorum, 424 D'.
- SPARTIATÆ, quomodo cum Abraham dicantur familiaritatem habuisse, 312 B', 313 A'. Ex eo prodiisse videntur, 313 D, C'. — Judæis confœderati, 313 D', scribunt ad Oniam, 312 A', Jonathan, 313 D, et Simonem, 319 D. Cf. Arius.

SPES, quid sit, 636C; qualis esse debeat, 629B; qui ejus fructus, 599A'. — Salubris est medicina, 640D'. tristitiam expellens, 674C'. — Spes nostra, cuius fundamento innitatur, 652A'; quatenus certitudinem admittat, 636A'. — Spes a comprehensoribus abest, 528D. Quatenus Christo affuerit, 432B', 443B, 533A'. — Spes in Deum commendatur, 278B', 427C', 567B, 605B; justorum singulariter est, 430B'; exaudiri meretur, 442D, 448C. — Sperare quandoque pro timere usurpatur, 461A.

SPIRITUS Sanctus in omni actu meritorio auctor principalis est, 34B'. Sine illo nullus diabolo resistere valet, 34A', 35A. Quomodo dirigat animas, 503A'. — Quomodo cœlis virtutem dederit, 602B, et mundum sit arguturus, 519A. — Dona ejus per portas Jerusalem signantur, 241B; mansuetis potissimum conceduntur, 553C'. Peccatum in S. Spiritum, quid, 555D. — Quid spiritus bonus Domini Hebræis datus, 253C.

STELLÆ ab angelis inferioribus diriguntur, 3D', quomodo, 6A', C'. An moveantur in cœlo, 8D'. In se non sunt malæ, 66A', et hominibus deserviunt, 455A'. — Quomodo in inferiora influant, 64B, 65B, et quatenus, 63B', 64D. — Inanimatis corporibus vires infundunt, 69D, hominibus qualitates, 69A'. Ad corporis formationem conferunt, 355B'; in anima passiones excitant, 68B'; indirecte voluntatem agunt, 66D, et intellectum, 66D'. — Quomodo sint causa fortunæ, 70C', 71A. Non universaliter bonam fortunam conferre possunt, 70C. — Stellarum effectus ad universa non extenditur, 68D; insuper imaginatione impediri potest, 64D', ideo non semper sequitur, 64C', 68D. An possit esse fortuitus, 70B. — Falsum est legum diversitates a stellis procedere, 66B. — Mystice, quid significant, 453B, 456B'. — Cf. Astra. Exercitus. Pleiades.

STERILITAS olim grande fuit opprobrium, 95A'.

STERNUTATIO, quid sit et quomodo fiat, 31D'. — Sternutatio ceti, quanta, 32A. — Quid sternutatio diaboli, 32B.

STIBIUM, quid sit, 42B. — Cf. Cornustibii.

STRATUM Christi et animæ quomodo versaverit Deus, 664C, 667D'.

STRUTHIO, velocissimum animal, 15B, sed obliviosum, 14C', crudele, 14D', et stultum, 15A, describitur, 14B. — Cur volare

non possit, 14D. — Ovis non incubat, 14A', sed soli fovenda commendat, 14B'. — Spiritualiter, varia signat, 15B.

SUBDITI. Eos prælati obedire decet, 45, saltem in licitis, 277A, pro his orare, 296C', correctiones patienter sustinere, 54A, 230C'. — Cf. Prælati.

SUBSTANTIA nostra quomodo sit apud Deum, 648D'.

SUPERBIA, vitiorum regina, 100B', mater iræ, 607D, et origo totius perditionis, 20C, 100B', Deo potissime displicet, 153A', et creaturam dedecet, 20C. Quantopere fugienda, 36D', 465D'. In omni peccato includitur, 627B'. Pes superbiæ, quid, 627A'. — Superbi corripiunt non sistent, 93B', C'; suas injurias nunquam satis vindicasse sibi videntur, 181D'; regem habent diabolum, 36B'. Variis modis confringuntur a Deo, 577A', qui dejiciendo eos sapientiam præcipue ostendit, 20B. Comparantur passeri, 468A', et cedro, 577A', C'.

SUSA, Persarum metropolis, 175A, urbs fortissima, 235A. — Ibi mansit Esther, 178C'.

SUSURRO, seu bilinguis, 670A, quid sit, et quomodo differat a detractore, 669D', et contumelioso, 670A. — Susurratio, quantum peccatum, 670A'; gravior est contumelia et detractio, 670B.

SYNAGOGA per Agar figurata est, 433A. Ad ipsam referri possunt Ps. x, 466D; xii, 474B; xiii, 477A; xliii, 681D'. — In cunctis urbibus erant synagogæ, 142D'.

SYRIA. Chronologica Syriæ regum series, qui in hoc volumine memorantur: Antiochus III (Magnus), annis 222-186; Seleucus IV (Philopator), 186-174; Antiochus IV (Epiphanes), 174-164; Antiochus V (Eupator), 164-162; Demetrius I (Soter) 162-149; Alexander I (Balas), 150-144; Demetrius II (Nicator), 149-139; Antiochus VI (Dionysios), 143-140; Tryphon (Diodotes), 140-133; Antiochus VII (Sidetes), 139-130. — *Amplius require unoquoque verbo.*

T

TABERNACULUM Moysis a Jeremia absconditum est, 336B'. — Quid sint tabernaculum Dei, 482C, 501B', 564C', 569A, B, Christi, 518C, A', tabernacula æterna, 679D. — Festum Tabernaculorum, quando et cur celebratum, 214A', 249D, et quot diebus, 250C.

- Solenniter ab Esdra agitur, 249B'. Quid mystice, 250B.
- TEMPLUM Jerusalem de consensu Cyri inceptum, 210D, et sumptibus ejus, 215A, sed a Cambyse impeditum, 137A. quando restauratum fuerit, 137D, 335A', et quomodo, 214A. Quæ ejus dimensiones, 221C'. — Licet priore minus, 215C', 222A, gloriosius fuit, 215D', et a Deo magnifice honoratum, 122B, 437A'; insuper et a regibus, 342B, qui victimas et vasa pretiosa dabant, 349D. — A Syris pollutum, 271C, 349D, 351A'. et Jovi Olympio dedicatum, 351B. a Juda mundatum est et renovatum, 287D, 364A. — Triplex fuit apud Judæos Dedicationis festum, 289B'. — Illud versus Judæi orabant, 96B'. 283D. — Allegorice, figurat Ecclesiam, 249C'. — Quid sit templum Dei, 435C', 468B, 500A, 564A', B', 568C', 571A', et Christi, 471C. — Cf. Garizim.
- TEMPUS quo sensu bonum vel malum dicatur, 277B, 330D. — Ipsi adscribi solent quæ fiunt in tempore, 312A, 345C'.
- TENEBRÆ quomodo vocentur latibulum Dei, 501D, et Christi, 501B'. — Quid tenebræ animæ, 505D, aqua tenebrosa, 501C'. — Cf. Caligo.
- TENTATIO. Quomodo Deus tentet hominem, 560C, et quare, 29B. — Tentatio animum turbat, 35B', sed nunquam hominis vires excedit, 649B', saltem gratia roboratas, 649C'. Justis necessaria est, 118B', quorum virtutem probat, 520D, et merita multiplicat, 29C, 41A. Quatenus liceat eam appetere, 560A', vel econtra pro ejus remotione orare, 649D'. — Præcipua contra tentationes remedia sunt: oratio, 649B', maxime quæ laudibus Dei intermiscetur, 511A, Christi patientis contemplatio, 536A', fuga et confessio, 640A'; attamen non sunt cuilibet manifestandæ, 640B'. — Quæ in Psalmis aptentur tentatis, 426A, 458B, 564A.
- TERRA, ut elementum, decies densior est aqua, centies aere, 2D'; fundamentum est aliorum elementorum, 2C'. — Ut sidus, centrum est mundi, 548C, licet minor sit omnibus cælestibus, præter lunam et Mercurium, 3A. In vacuo mirabiliter sustentatur, 3B. Quomodo super maria fundata dicatur, 548C, et super flumina præparata, 548D. Quæ ejus basis et fundamenta, 3A, lapis angularis, 3B, latitudo et longitudo, 6C. — Primo per modum pulveris fuit, 10C', et, imminente
- judicio, comburetur, 166C. Quomodo moveatur, 5D. — Terra in Scripturis multipliciter sumitur, 548B', 629C, 630B'. Quid sit terra Dei, 485A', 489A, terra viventium, 566C'.
- TESTICULI. Quodnam eorum officium, 22B'.
- TESTIMONIUM. Sic vocatur lex Dei, 519B.
- THALLI, quid, 373B'.
- THATHANAI, dux Samaritanorum, templi restorationi obsistit, 220A', et Judæos apud regem accusat, 220D'.
- THECUA, patria Amos prophetæ, 240D. — Thecueni arguuntur, 240D, 241B'.
- THEODORUS (S.) abbas, quid de tribulatione doceat, 58B. (Acta SS. die XIV^a Maii.)
- THEOLOGIA, « omnium scientiarum architecta et capitanea », 70D', philosophiam corrigere debet, 71A. — Theologiæ scriptoribus debetur aureola, 404C.
- THOMAS (S.) « gloriosus et sanctus doctor », 659C, primus librum Job quoad litteram exposuit eleganter, 77B, et subtiliter, 79D'. — Ab impugnatione Lyre vindicatur, 398A; sed ipse in uno videtur deserendus, 77B', 91C'.
- THRONI, angeli, qui et cur sic dicti, 458B'. — Quid thronus Dei, 117C, et Christi, 459A'.
- TICHONIUS (Afer), quas interpretationis regulas posuerit, 399C. (Migne *Patrol. lat.* tom. 18. col. 13.)
- TIGRIS, fluvius paradisi, 104D', quid significet, 107C'.
- TIMOR mentem obtenebrat, 163D', cor contrahit, 201A', corpus debilitat, 201C', et corrumpere facit, 119B, 161D'; voluntatem tamen non omnino aufert, 136B. Quatenus eum Christus admiserit, 568A. — Timor humanus abjiciendus est, 278C'; a justorum mente abest, 563A'. — Timor Dei, quod duplex, 590D'. Omnibus necessarius est, 121A, 244A', 418D, 602C', maxime prælatis, 420B', et justis, 428A, si velint peccata vitare, 624D, assequi consolationem, 590D', et sanctitatem, 145B'. In patria aliquo modo manet, 519A'. — Timentibus Deum nihil deest, quo sensu, 543D', 609C.
- TIMOTHEUS, dux Ammonitarum, pluries a Juda fugatur, 290B, C', D', 365C.
- Timotheus alius, Syrus, ab eodem debellatur, 368A, 369B.
- TITAN et filii Titan, quid, 165D'.
- TITULI sunt velut Psalmorum claves, 415A. Quot psalmi titulo careant, 600B. — Quid

- significent tituli : In finem, 427 C, 433 B, 436 B, etc.; In prima sabbati, 547 D; Intellectus David, 596 C; Intellectus filiis Core, 662 B; Ipsi David, 570 D, 611 D, 628 B; Pro cerva matulina, 529 A; Pro aestasi, 586 C; Pro Idithun, 643 D; Pro occultis filii, 457 B; Pro octava, 438 B, 471 D; Pro rememoratione sabbati, 636 D; Pro torcularibus, 451 A; Psalmus cantici, 427 C, 579 B, 584 C; Servo Domini, 624 D. — Titulus crucis Esdræ revelatus est, 485 A.
- TOBIAS** Ammonites restaurationi Jerusalem obsistit, 241 D', et Nehemiæ adversatur, 245 C. — Cum primariis Judæorum conjunctus erat, 247 B, 260 D et seq.
- TOBIAS** senior, unde ortus sit, 85 A, et cur in Assyriam translatus, 85 C'. — Misericors, 83, 86 C, 88 B', 90 C, B', maturus, 86 D, fidelis, 86 B, A', 87 D', prudens, 114 B, patiens, 92 A, 99 A', humilis, 94 A, C, gratus fuit apud omnes, 88 C', 108 B', 112 C', etiam reges, 88 A, 89 A, et inter gentiles famosus, 124 D'. — Quomodo cæcus factus sit, 90 D', et quare, 91 B, 116 C; qua virtute sanatus, 116 A, 117 B. Quot annis cæcus fuerit, 125 A, et vixerit, 124 D'. — Ejus monita, 99 A, et canticum, 120 B. — Propheta fuit, 124 B', 125 B, et prophetice nuntiavit eversionem Jerusalem, 121 D', 124 A, et Ninive, 125 B, templi restorationem, 121 D', 125 B', et gentilium conversionem, 125 C'. — Multipliciter fuit figura Christi, 89 B, 92 C', misericordiæ et patientiæ exemplar, 89 B', 92 D'.
- Liber Tobiae, an sit canonicus, 83. — Inter hagiographa numeratur, 83; cur non inter prophetica, 124 B'. — Quæ narrat, quando evenerint, 267 A.
- TOBIAS** junior, inepte a quibusdam Tobī vocatus, 87 A', quomodo piscem devorantem evaserit, 105 B, uxorem Saram acceperit, 108 B', patrem sanaverit, 116 A. — Quando obierit, 124 A', et ubi, 126 B. — Fuit in animalia lenis, 104 D, in matrimonio castus, 110 B, conjugatorum exemplar, 111 D', figura Christi, 107 C'.
- TORCULARIA**. Psalmi « pro torcularibus », quomodo intelligendi, 451 A.
- TRIBULATIO** variis e fontibus oritur, 46 A; per angelos bonos vel malos infligi solet, 46 B; sed originaliter Deum auctorem habet, 52 D, 53 C', 649 C, qui per eam corda probat, 492 B, et electos visitat, 495 C; ideo signum divinæ electionis est, 58 C'. — In Scripturis ignis vocatur, 495 C, et summopere animæ prodest, 53 D', 560 B, quæ ita purgatur, 56 A', probatur et Christo conformatur, 56 B', propriam discit infirmitatem, 56 D', in spe roboratur, 57 A, humilitate, 57 B, ac pœnitentia, 645 D', gloriam Dei promovet, 57 B, Christi passionem complet, 56 B, auget meritum, 56 A, purgatorium evadit, 56 C', ad coronam ducitur, 97 C'. — Omnes justī tribulationibus probantur, 147 A', 610 B'; sed in his gaudent, 563 B', et gloriantur, 621 C'. — Anima tribulata servet constantiam, 116 D', 420 C', patientiam, 147 B', D', 514 D, 649 C, æquanimittatem, 53 D', 57 B', 97 D', et ad Deum confugiat, 431 C, qui semper paratus est tribulorum misereri, 610 D, et eos « dilatare », 427 D', 431 B'. — Animæ patienti aptantur Ps. III, 426 A, 427 B; xxx, 592 D; et nonnulli versus Ps. xli, 677 B. — Cf. Adversa, Pœna.
- TRIBUS**. Ex tribubus Israel, decem ultra montes Chaspios translata, 226 A, in Media reclusæ sunt, 226 C, et in fine mundi egrediuntur, 226 A'; tres in Romano imperio sunt constitutæ, 226 D. — Cf. Matrimonium.
- TRIBUTUM**, quid sit, et quomodo a vectigali differat, 218 B'. — Centesimam regi Persarum in tributum solvebant Judæi, 244 C'.
- TRINITAS**. Mysterium SS. Trinitatis insinuat, 390, 605 B'.
- TRISTITIA**. Est tristitia mala, 674 C, contra quam ordinatur patientia, 674 D, et spes, 674 C'; et tristitia bona, 674 D, dummodo moderetur, 674 B'. — Tristitia cor constringit, 427 D', et valetudini nocet, 292 C. Somno et balneo levatur, 423 B. — De pœnis proximi tristari, quantum Deo placeat, 646 A.
- TROPOLOGIA**. Quid sit tropologia, 398 B', et sensus tropologicus, 398 D', 412 B. — Hic utilissimus est, 412 C.
- TRYPHON** (Diodotes), amicus Alexandri (Balæ), 310 A, ambitiosissimus, 314 B', occiso Antiocho (Dionysio), regnum occupat, 316 C', sed ab Antiocho (Sidete) fugatur, 322 A'. — Jonathan dolose captum, 314 B', cum filiis, 315 B', occidit, 316 C.
- TUBÆ** apud Judæos variis in usibus erant, 215 D, 287 B', 290 B'. — Tubarum solennitas, quando et cur celebrata, 248 C'.
- TUBIANÆI**. Qui sic nuncupati fuerint, 369 B.
- TULLIUS** (Cicero) allegatur, 299 B'.
- TYMPANUM**, quid sit ad litteram et mystice, 165 A.

TYRANNUS, quid significet, 487 C'. — Tyrannus est qui potestate abutitur, 496 C. — Tyranni a Deo damnantur, 5 C'.

U

UMBILICUS in feminis sedes est delectationis, 22 A. et luxuriæ, 22 B. — Virtus diaboli, cur in umbilico posita dicatur, 22 C.

UMBRA mortis, quid, 685 B.

UNCTIO. Quot unctiones Christi, 567 C, David, 562 D, et Christiani, 562 D'. — Quamlibet sequitur tribulatio, 563 A.

UNICORNIS, seu rhinoceros, animal superbissimum, 537 A, et fortissimum, 578 A, præsumptuosos signat, 536 C, 542 C'. — *Vide* Rhinoceros.

UR Chaldæorum, unde exivit Abraham, quæ sit, 252 C.

URBS, quo sensu gaudere dicatur, 422 C'. — Urbes sunt filiæ regni, 243 A.

URSA major, seu Arcturus, 9 A, principium est frigoris, 9 B.

USURA ab ethnicis ipsis condemnatur, 483 D'; Judæis erga fratres vetita erat, 243 B, 244 A, erga extraneos permissa, 483 D'; apud Christianos fœda est, 245 A'. — Quomodo a Christo commendari videatur, 483 D'. — An ab usurariis mutuari liceat, 452 C'.

UXOR bona magnum Dei donum, 409 A. — Virum timere debet, 444 C', et ei subjici, quatenus, 477 B'. — Ejus est domum regere, 444 C', et bonum exemplum dare, 444 D'. — Uxores regum Persarum, quomodo deligerentur, 478 A', 479 B. — Uxor Pilati, instigante diabolo, Christum salvare voluit, 579 C'.

V

VALENTINUS hæresiarcha confutatur, 548 B. VALERIUS MAXIMUS, historiographus, citatur, 74 A'.

VANITAS. Sic dici possunt quodlibet peccatum, 236 C', omnia transitoria, 236 D', 428 D, 652 B', et creata, 647 D'; sed præcipue homo, quare, 648 A. — Quid sit animam in vanum accipere, 549 C.

VAS in Hebræo extense sumitur, 274 D, 318 D'. — Vasa templi a Cyro reddita, 241 C, enumerantur, 241 B'. Ab Antiocho Epiphane ablata, 274 D, a Machabæis renovata sunt, 288 D. — Quid sint vasa cantici, 258 D', vasa mortis, 443 D', 447 B'.

VASTHI, regina Persarum, cur regi obtemperare noluerit, 476 C'. — Ultra condignum passa est, 477 A', 478 B.

VECTIGAL, quid sit et quomodo a tributo differat, 248 B'.

VEGETIUS (Renatus), de Re militari, sæpius citatur, 134 C, 440 D, 463 C', 293 D', etc.

VENTER. Quid sit venter Ecclesiæ, 540 D', animæ, 594 B, peccatoris, 497 C.

VENUS sidus, et Lucifer et Vesper vocatur, 9 C, A'. Modo mane, modo sero oritur, quare, 9 D. Sarracenis illam præesse quidam commenti sunt, 66 C. — In sacris Veneris, feminae incedebant nudæ, 270 D.

VERBUM, in Scripturis, quid significet, 418 D, 223 B. — Liber Verborum dierum, quid, 258 B. — Deus Pater Verbo, eum generando, omnia dicit, 417 C'. Quomodo in ipso cœlos firmaverit, 602 A, C. — Verbi persona in Christo velut in templo fuit, 471 C, sed quasi infirmata, 589 A. — In Verbo Beati omnia vident, 627 A. — *Cf.* Christus.

VERITAS ab intellectu divino procedit, 470 B. Quomodo ab homine attingatur, 429 C'. Multipliciter minui potest, 472 A. — Veritas Dei, quid sit, 679 C, et quomodo usque ad nubes extendatur, 625 C. Homini aperte proponi nequit, 398 B.

VERMIS inferni, quid, 467 B. — Vermis comparatur Christus, 532 D, et homo, 540 D, C'.

VESPER stella. Sic dicitur Venus, 9 C, vel Mercurius, 9 A'. Idem est ac Lucifer, 9 C, A'. — Quo sensu ad vesperum demoretur fletus, 580 A', 583 C, 585 D.

VESTIS. Ornatus nimius prohibetur, 455 D, in feminis, 201 C, et viduis, 454 C. — Vestes scindere, olim lugentibus usitatum, 483 A, 227 C', 275 C, 283 B'.

VIA. A via redeuntes oportet cum gratiarum actione ingredi, 445 D, et cum gratiarum actione suscipi, 445 D'. — Quid sint viæ Domini, 552 D, viæ vitæ, 488 B, et pacis, 478 D, 481 C, viæ duræ, 495 A', C'; quid in viâ peccatorum stare, 406 D, 413 B, 444 B.

VIDUA. Commendatur viduis castitas, 448 B', et humilis vestitus, 454 C.

VINDICTA prohibetur, 449 A'. — Vindictæ studium orationem impedit, 449 B.

VINUM. A vino gentilium abstinebant pii Israelitæ, 243 C'. — A fructu vini quomodo multiplicentur homines, 429 D', 432 C. — Quid sit vinum germinans virgines, 430 B.

VIR, quis sic vocetur, 406 B. — Muliere perfectior est, 477 C'. — In festis Priapi viri incedebant nudi, 270 C. — Viri est uxorem instruere, 404 B', et dirigere, 477 B'.
VIRAGO, nomen proprium Evæ, non immerito mulieribus fortibus tribuitur, 429.
VIRGA. Quid virga Dei, 545 C, 546 A'. virga ferrea, 448 B. — In virga ferrea angeli regunt homines, 421 C', prælati regere debent subditos, 420 A'.
VIRTUS est unicum hujus vitæ bonum, 58 C, et quasi ossa animæ, 541 B', 640 C'. Per eam fit homo ceteris gratus, 426 B'. — Exercitium virtutum est incipientibus via dura, 495 A', quia passionibus impeditur, 594 D; sed perfectis jugum suave, 495 B', nam signum virtutis delectatio est operantis, 280 C, 549 D, 600 D. — Virtutes peccatis non confessis mortificantur, 597 A. — Christus nunquam ab actuali virtutum exercitio cessavit, 506 D'. — Quomodo Deus virtutem induere aut ponere dicatur, 642 A. Quid vox Domini in virtute, 577 C. — Quid virtus cælorum, 602 C.
VISIO Dei per essentiam, aliquo modo ad prophetiam pertinet, 398 A; est Beatorum felicitas, 525 B, 527 A, ac refectio, 546 B, 547 A, caritati debita, 672 C, et tanto clarior, quanto major fuerit dilectio, 672 C. — Prophetia in visione communicata, 394 B', 396 D', dicitur symbolica, 396 D, et minus perfecta est quam anagogica, 395 A'.
VISUS pro quocumque sensu frequenter sumitur, 404 A', 646 C'.
VITA et fons vitæ Deus est, 626 D'. — Vita præsens, quam brevis, 647 A, B', 648 B. Recte via dicitur, 553 A'. — Viæ vitæ quid, 488 B. — Vitæ Patrum allegantur, 631 D. (*Migne Patrol. lat.* tom. 73, 74.)
VITULUS. Occiso vitulo olim pangebantur fœdera, 245 C. — Vituli et tauri in passione Christi, quid, 533 C', 541 A'.
VOCIFERATIO. Quid sit hostia vociferationis, 565 A', 569 D; psallere in vociferatione, 601 C.
VOLUNTAS Dei est prima omnium causa, 61 A, unica prædestinationis, 61 B; idem est

ac divina sapientia et justitia, 61 B'. Sic dicitur lex Dei, 568 C'. — Voluntas hominis est meritoria causa pœnæ, 53 D, propria damnationis, 59 A. — Ex se labilis est, 59 B, et cæca, 407 B; insuper carne labefactatur, 59 C, originali culpa sauciatur, 59 C, tentationibus opprimitur, 59 A'. — Dei est in eam immediate agere, 202 A; sed indirecte movetur ab angelis, 67 D', et stellis, 66 D, D'. — Eam plene Deo resignare decet, 446 C', et hoc est optimum animæ sacrificium, 659 D.
VOX. Quid sit vox Domini super aquas, 576 D', 577 A, in virtute et magnificentia, 577 C, confringens cedros, 577 A', intercidens flammam ignis, 578 B, concutiens desertum, 578 C, præparans cervos, 578 A'.
VULGATA translatio Scripturæ, quid sit, 202 D. — Ejus auctor ignoratur, 496 B. — Quædam in ea aliunde desumpta sunt, 203 B, maxime ex Josepho, 185 B, 496 B, 203 A.
VULTUS cordis intima prodit, 238 C. — Quid sit vultus Dei, 470 B', 495 B, 640 C, lumen vultus Dei, 429 C', illuminatio vultus Dei, 682 B', 687 B'. — In contemplatione vultus Dei est beatitudo, 525 B, 527 A, et incomprehensibilis lætitia, 527 B.

X

XERXES I, Darii I filius, rex Persarum, in Esdra Artaxerxes vocatur, 222 B', 223 C, et alibi Assuerus, 268 B.

Z

ZACHARIAS propheta, in Babylone natus, 220 A, captivorum reditum et templi restorationem promovit, 220 B.
ZELUS, quid sit et quotuplex, 628 B'. — Laudatur zelus Phinees, 277 D', et Eliæ, 278 C.
ZONA torrida impertransibilis est, 6 C.
ZOROBABEL, qui et Sassabasar, 241 A', 221 A', familiaris Darii, 220 C, templum reædificat, 244 B.

INDEX GENERALIS.

ENARRATIO IN LIBRUM JOB.

Articulus LXVI. Elucidatio capituli tricesimi octavi : Respondens autem Dominus Job	1
Articulus LXVII. Expositio capituli tricesimi noni : Numquid nosti tempus partus ibicum ?	42
Articulus LXVIII. Elucidatio litteralis capituli quadragesimi : Respondens autem Dominus Job de turbine, dixit.	49
Articulus LXIX. Elucidatio capituli quadragesimi primi : Non quasi, etc.	29
Articulus LXX. Expositio capituli quadragesimi secundi et ultimi : Respondens autem Job.	37

EPILOGATIO IN LIBRUM JOB.

Articulus I. De expositione primæ clausulæ quæstionis inductæ.	45
Articulus II. De expositione secundæ clausulæ.	46
Articulus III. De sensibus particulæ tertiæ.	47
Articulus IV. De intellectu clausulæ quartæ.	47
Articulus V. Quod de temporali prosperitate pravorum, et multiplici tribulatione justorum, Sancti in Scripturis canonicis frequenter per modum vehementer mirantium sunt locuti	48
Articulus VI. Cur Deus justos in hac vita tam multipliciter tribulet et flagellet	50
Articulus VII. Quod Deus est causa malorum pœnaliū et tormentorum quæ accidunt justis	52
Articulus VIII. De variis causis tribulationum hominum in hac vita ; de multiplici quoque utilitate adversitatum et tribulationum	55
Articulus IX. Confirmatio prædictorum ex dictis Sanctorum	57

Articulus X. Responsio, cur qui bene egerunt, finaliter deficiunt	59
Articulus XI. Solutio particulæ tertiæ, scilicet, unde proveniat quod malos videmus sæpe optime mori	62
Articulus XII. An fatalis influentia causa sit actuum humanorum ac diversæ terminationis eorum	63
Articulus XIII. De fortuna : Quid sit, et an ab astris dependeat, et qualiter causa sit actuum humanorum et diversitatis eorum	67
Articulus XIV. Confirmatio prædictorum, ex dictis doctorum.	71
Articulus XV. De causis difficultatis intelligendi librum beati Job.	73
Articulus XVI. De secunda causa difficultatis ejusdem.	74
Articulus XVII. De tertia causa difficultatis intelligendi librum beati Job	75
Articulus XVIII. De quibusdam verbis expositorum, conferentibus ad intelligentiam libri Job	76
Articulus XIX. Elucidatio atque solutio difficultatum intelligendi librum Job, ex qua datur via intelligendi multa, quæ in libro illo videntur difficilia et obscura.	78

ENARRATIO IN LIBRUM TOBIE.

Proœmium	83
Articulus I. Expositio capituli primi : Tobias ex tribu et civitate Nephthali	85
Articulus II. Elucidatio capituli secundi : Post hæc vero quum esset dies festus Domini.	89
Articulus III. Declaratio capituli tertii : Tunc Tobias ingemuit, et cepit orare cum lacrimis.	93
Articulus IV. Elucidatio capituli quarti :	

Igitur quum Tobias putaret orationem suam exaudiri, ut mori potuisset.	99
Articulus V. Elucidatio capituli quinti : Tunc respondit Tobias patri suo, et dixit.	102
Articulus VI. Elucidatio capituli sexti : Profectus est autem Tobias, et canis secutus est eum.	104
Articulus VII. Declaratio capituli septimi : Ingressi sunt autem ad Raguellem	108
Articulus VIII. Expositio capituli octavi : Postquam vero cœnaverunt, introduxerunt juvenem ad eam.	109
Articulus IX. Elucidatio capituli noni : Tunc vocavit Tobias angelum ad se	112
Articulus X. Expositio capituli decimi : Quum vero moras faceret Tobias.	113
Articulus XI. Declaratio capituli undecimi : Quumque reverterentur, pervenerunt ad Charan.	115
Articulus XII. Elucidatio capituli duodecimi : Tunc vocavit ad se Tobias filium suum seorsum	117
Articulus XIII. Elucidatio capituli tertii-decimi : Aperiens autem Tobias senior os suum, benedixit Dominum.	120
Articulus XIV. Expositio capituli quarti-decimi : Et consummati sunt sermones Tobiae	124

ENARRATIO IN LIBRUM JUDITH.

Proœmium	129
Articulus I. Expositio capituli primi : Arphaxad itaque rex Medorum subjugaverat gentes multas	131
Articulus II. Declaratio capituli secundi : Anno tertiodecimo regni Nabuchodonosor regis	133
Articulus III. Enarratio capituli tertii : Tunc miserunt legatos suos.	135
Articulus IV. Elucidatio capituli quarti : Tunc audientes hæc filii Israel.	136
Articulus V. Expositio capituli quinti : Nuntiatumque est Holoferni, quod filii Israel præparassent se ad resistendum.	138
Articulus VI. Declaratio capituli sexti : Factum est autem quum cessassent loqui.	141
Articulus VII. Explanatio capituli septimi : Holofernes autem altera die, etc.	143
Articulus VIII. Declaratio capituli octavi : Et factum est.	145

Articulus IX. Expositio capituli noni : Quibus abscedentibus, etc.	149
Articulus X. Expositio capituli decimi : Factum est autem quum cessasset clamare ad Dominum	154
Articulus XI. Explanatio capituli undecimi : Tunc Holofernes dixit ei : Æquo animo esto	156
Articulus XII. Expositio capituli duodecimi : Tunc jussit eam introire ubi repositi erant thesauri ejus	158
Articulus XIII. Declaratio capituli tertii-decimi : Ut autem sero factum est	160
Articulus XIV. Expositio capituli quarti-decimi : Dixit autem Judith ad omnem populum	162
Articulus XV. Declaratio capituli quinti-decimi : Quumque omnis exercitus decollatum Holofernem audisset.	163
Articulus XVI. Elucidatio capituli sexti-decimi : Tunc cantavit canticum hoc Domino Judith	164

ENARRATIO IN LIBRUM ESTHER.

Proœmium	171
Articulus I. Expositio capituli primi : In diebus Assueri regis	173
Articulus II. Expositio capituli secundi : His itaque gestis, postquam regis Assueri indignatio deferbuerat	178
Articulus III. Elucidatio capituli tertii : Post hæc rex Assuerus exaltavit Aman.	181
Articulus IV. Expositio capituli quarti : Quæ quum audisset Mardocheus, scidit vestimenta sua	183
Articulus V. Explanatio capituli quinti : Die autem tertio induta est Esther regalibus vestimentis.	184
Articulus VI. Declaratio capituli sexti : Noctem illam rex duxit insomnem	186
Articulus VII. Explanatio capituli septimi : Intravit itaque rex et Aman, ut biberent cum regina	188
Articulus VIII. Expositio capituli octavi : Die illo dedit rex Assuerus Esther reginæ.	190
Articulus IX. Declaratio capituli noni : Igitur duodecimi mensis, quem adar vocari ante jam diximus, tertiadecima die.	191
Articulus X. Expositio capituli decimi : Rex vero Assuerus.	193

Articulus XI. Declaratio capituli undecimi : Anno quarto, regnantibus Ptolemæo et Cleopatra	194
Articulus XII. Elucidatio capituli duodecimi : Morabatur autem eo tempore in aula regis.	195
Articulus XIII. Elucidatio capituli tertii-decimi : Rex maximus Artaxerxes	196
Articulus XIV. Expositio capituli quarti-decimi : Esther quoque regina confugit ad Dominum.	198
Articulus XV. Expositio capituli quinti-decimi : Et mandavit ei Mardocheus.	201
Articulus XVI. Declaratio capituli sexti-decimi : Rex maximus Artaxerxes	202

ENARRATIO IN LIBRUM PRIMUM ESDRÆ.

Proœmium	207
Articulus I. Expositio capituli primi : In anno primo Cyri regis Persarum.	209
Articulus II. Expositio capituli secundi : Hi sunt autem provinciæ filii, qui ascenderunt de captivitate.	212
Articulus III. Expositio capituli tertii : Jamque venerat mensis septimus.	214
Articulus IV. Elucidatio capituli quarti : Audierunt autem hostes Judæ et Benjamin.	216
Articulus V. Explanatio capituli quinti : Prophetaverunt autem Aggæus propheta et Zacharias filius Addo	220
Articulus VI. Explanatio capituli sexti : Tunc Darius rex præcepit, et recensuerunt in bibliotheca.	221
Articulus VII. Elucidatio capituli septimi : Post hæc autem verba	223
Articulus VIII. Expositio capituli octavi : Hi sunt ergo principes familiarum.	225
Articulus IX. Expositio capituli noni : Postquam autem hæc completa sunt.	227
Articulus X. Explanatio capituli decimi : Sic ergo orante Esdra, et implorante Deum	229

ENARRATIO IN LIBRUM SECUNDUM ESDRÆ.

Proœmium	233
Articulus I. Elucidatio capituli primi : Verba Nehemiæ filii Helchiæ	235
Articulus II. Expositio capituli secundi : Factum est autem in mense Nisan	237

Articulus III. Expositio capituli tertii : Et surrexit Eliasib sacerdos magnus.	239
Articulus IV. Expositio capituli quarti : Factum est autem quum audisset Sanaballat	241
Articulus V. Expositio capituli quinti : Et factus est clamor populi.	243
Articulus VI. Explanatio capituli sexti : Factum est autem quum audisset Sanaballat	245
Articulus VII. Expositio capituli septimi : Postquam autem ædificatus est murus.	247
Articulus VIII. Explanatio capituli octavi : Et venerat mensis septimus Scenopagiæ.	248
Articulus IX. Expositio capituli noni : In die autem vicesimo quarto mensis hujus	250
Articulus X. Declaratio capituli decimi : Signatores autem fuerunt Nehemias Athersatha filius Hachelai, etc.	255
Articulus XI. Expositio capituli undecimi : Habitaverunt autem principes populi in Jerusalem	256
Articulus XII. Expositio capituli duodecimi : Hi sunt sacerdotes et Levitæ qui ascenderunt	257
Articulus XIII. Elucidatio capituli tertii-decimi : In die autem illo lectum est in volumine Moysis.	260

ENARRATIO IN LIBRUM PRIMUM MACHABÆORUM.

Prologus	265
Articulus I. Expositio capituli primi : Et factum est postquam percussit Alexander Philippi, Macedo	267
Articulus II. Expositio capituli secundi : In diebus illis surrexit Mathathias filius Joannis	274
Articulus III. Elucidatio capituli tertii : Et surrexit Judas qui vocabatur Machabæus.	280
Articulus IV. Explanatio capituli quarti : Et assumpsit Gorgias quinque millia virorum	285
Articulus V. Declaratio capituli quinti : Et factum est, ut audierunt gentes in circuitu	289
Articulus VI. Explanatio capituli sexti : Et rex Antiochus perambulavit superiores regiones	292
Articulus VII. Declaratio capituli septimi : Anno centesimo quinquagesimo primo.	295

Articulus VIII. Elucidatio capituli octavi : Et audivit Judas nomen Romanorum, quia sunt potentes viribus	297
Articulus IX. Explanatio capituli noni : Interea, ut audivit Demetrius quia ceci- dit Nicanor	300
Articulus X. Expositio capituli decimi : Et anno centesimo sexagesimo ascendit Alexander.	303
Articulus XI. Expositio capituli undecimi : Et rex Ægypti congregavit exercitum	307
Articulus XII. Expositio capituli duodeci- mi : Et vidit Jonathas quia tempus cum juvat	312
Articulus XIII. Expositio capituli tertiide- cimi : Et audivit Simon quod congre- gavit Tryphon exercitum	315
Articulus XIV. Declaratio capituli quarti- decimi : Anno centesimo septuagesimo secundo	318
Articulus XV. Expositio capituli quintide- cimi : Et misit rex Antiochus filius De- metrii epistolas.	321
Articulus XVI. Elucidatio capituli sextide- cimi : Et ascendit Joannes de Gazaris.	322

ENARRATIO IN SECUNDUM LIBRUM
MACHABÆORUM.

Proœmium	327
Articulus I. Elucidatio capituli primi : Fra- tribus qui sunt per Ægyptum Judæis, etc.	329
Articulus II. Elucidatio capituli secundi : Invenitur autem in descriptionibus Je- remiæ	336
Articulus III. Expositio capituli tertii : Igi- tur quum sancta civitas habitaretur in omni pace	341
Articulus IV. Expositio capituli quarti : Simon autem prædictus, pecuniarum et patriæ delator	344
Articulus V. Declaratio capituli quinti : Eodem tempore Antiochus secundam profectionem paravit in Ægyptum	348
Articulus VI. Expositio capituli sexti : Sed non post multum temporis misit rex senem quemdam	351
Articulus VII. Expositio capituli septimi : Contigit autem septem fratres una cum matre sua apprehensos, compelli a rege.	354
Articulus VIII. Elucidatio capituli octavi :	


Judas vero Machabæus, et qui cum illo erant, introibant latenter in castella.	359
Articulus IX. Explanatio capituli noni : Eodem tempore Antiochus inhoneste revertebatur de Perside.	361
Articulus X. Declaratio capituli decimi : Machabæus autem, et qui cum illo erant	364
Articulus XI. Declaratio capituli undeci- mi : Sed parvo post tempore, Lysias procurator regis	365
Articulus XII. Expositio capituli duodeci- mi : His factis pactionibus	368
Articulus XIII. Expositio capituli tertii- decimi : Anno centesimo quadragesimo nono	371
Articulus XIV. Explanatio capituli quarti- decimi : Sed post triennii tempus	373
Articulus XV. Expositio capituli quinti- decimi : Nicanor autem ut comperit Judam esse in locis Samariæ	376

COMMENTARIA IN PSALMOS.

Præfatio	389
Articulus I. Quid sit prophetia, et de gra- dibus ejus, et qualis prophetia sit di- gnior	393
Articulus II. De speciebus prophetiæ, et quomodo prophetia infallibiliter imple- atur.	395
Articulus III. An David fuit excellentis- simus Prophetarum	396
Articulus IV. De quadruplici expositione sacræ Scripturæ, et septem regulis ad intelligentiam Scripturarum sanctarum valde utilibus	398
Articulus V. De titulo et auctore, ac varia translatione libri Psalmorum	400
Articulus VI. De virtute psalmorum, et de modo orandi atque psallendi	402
Articulus VII. De intentione et forma pro- cedendi præsentis editionis.	404
Articulus VIII. De prima (videlicet litte- rali) expositione psalmi primi : Beatus vir qui non abiit	405
Articulus IX. Expositio ejusdem primi psalmi secundum allegoricum intelle- ctum, videlicet de Christo	409
Articulus X. Explanatio ejusdem primi psalmi juxta sensum tropologicum	412
Articulus XI. Expositio ejusdem primi	

- psalmi secundum anagogicum intellectum 413
- Articulus XII. Expositio litteralis psalmi secundi : Quare fremuerunt gentes, etc. 415
- Articulus XIII. Expositio ejusdem secundi psalmi tropologica. 419
- Articulus XIV. Quod psalmus iste non sit allegorice exponendus, quamvis anagogice possit exponi 421
- Articulus XV. Explanatio litteralis psalmi tertii : Domine, quid multiplicati sunt, etc. 422
- Articulus XVI. Expositio ejusdem psalmi tertii allegorica. 423
- Articulus XVII. Tropologica ejusdem psalmi tertii explanatio 425
- Articulus XVIII. Expositio quarti psalmi : Quam invocarem, etc. 427
- Articulus XIX. Quomodo psalmus iste quartus multipliciter possit exponi ; et specialiter de expositione ejus in persona Christi 430
- Articulus XX. Explanatio psalmi quinti : Verba mea auribus percipe, etc. . . . 433
- Articulus XXI. Quomodo psalmus iste quintus specialiter et congruenter exponi possit de Christo. 436
- Articulus XXII. Explanatio sexti psalmi : Domine, ne in furore, etc. 438
- Articulus XXIII. Explanatio litteralis septimi psalmi : Domine Deus meus, in te speravi. 442
- Articulus XXIV. Expositio allegorica psalmi istius septimi 444
- Articulus XXV. Explanatio tropologica psalmi istius septimi. 448
- Articulus XXVI. Expositio psalmi octavi : Domine, Dominus noster, quam admirabile, etc. 451
- Articulus XXVII. Expositio anagogica psalmi ejusdem octavi. 455
- Articulus XXVIII. Expositio noni psalmi : Confitebor tibi, Domine 457
- Articulus XXIX. Expositio litteralis psalmi decimi : In Domino confido . . . 466
- Articulus XXX. Expositio tropologica psalmi ejusdem decimi in persona Ecclesiæ et uniuscujusque fidelis, qui est verum ac vivum membrum Ecclesiæ 467
- Articulus XXXI. Expositio allegorica ejusdem psalmi decimi de Christo. . . . 470
- Articulus XXXII. Expositio litteralis psalmi undecimi : Salvum me fac, Domine, quoniam, etc. 471
- Articulus XXXIII. Elucidatio psalmi duodecimi : Usquequo, Domine, oblivisceris, etc. 474
- Articulus XXXIV. Expositio tropologica ejusdem psalmi duodecimi. 475
- Articulus XXXV. Expositio litteralis psalmi tertiidecimi : Dixit insipiens in corde suo. 477
- Articulus XXXVI. Expositio moralis ejusdem psalmi tertiidecimi. 479
- Articulus XXXVII. Expositio psalmi quartiidecimi : Domine, quis habitabit, etc. 482
- Articulus XXXVIII. Expositio litteralis psalmi quintidecimi : Conserva me, Domine 485
- Articulus XXXIX. Expositio tropologica seu moralis ejusdem psalmi quintidecimi. 488
- Articulus XL. Expositio psalmi sextidecimi : Exaudi, Domine, justitiam meam. 491
- Articulus XLI. Explanatio ejusdem psalmi sextidecimi de Ecclesia et quolibet viro perfecto ac fidei. 494
- Articulus XLII. Expositio psalmi septimidecimi : Diligam te, Domine, etc. . . 498
- Articulus XLIII. Prosecutio expositionis ejusdem psalmi septimidecimi de Christo 504
- Articulus XLIV. Expositio allegorica ejusdem psalmi septimidecimi 510
- Articulus XLV. Expositio psalmi octavidecimi : Cœli enarrant gloriam Dei. . . 516
- Articulus XLVI. Expositio psalmi nonidecimi : Exaudiat te Dominus, etc. . . 521
- Articulus XLVII. Expositio ejusdem psalmi nonidecimi de Ecclesia ac unoquoque fidei. 522
- Articulus XLVIII. Expositio litteralis psalmi vicesimi : Domine, in virtute tua, etc. 524
- Articulus XLIX. Expositio anagogica ejusdem psalmi vicesimi 526
- Articulus L. Expositio litteralis psalmi vicesimi primi : Deus, Deus meus, respice, etc. 529
- Articulus LI. Prosecutio expositionis hujus psalmi vicesimi primi 536
- Articulus LII. Expositio moralis ejusdem psalmi vicesimi primi. 539
- Articulus LIII. Expositio psalmi vicesimi secundi : Dominus regit me, etc. . . 543
- Articulus LIV. Expositio anagogica ejusdem psalmi vicesimi secundi, de Christo et de Beatis seu comprehensoribus. 546

- Articulus LV. Expositio psalmi vicesimi
 tertii : Domini est terra, etc. 547
 Articulus LVI. Expositio psalmi vicesimi
 quarti : Ad te, Domine, levavi, etc. . . . 551
 Articulus LVII. Expositio de Christo, psal-
 mi vicesimi quinti : Judica me, Domi-
 ne, etc. 556
 Articulus LVIII. Expositio ejusdem psalmi
 vicesimi quinti tropologica, de unoquo-
 que viro perfecto 559
 Articulus LIX. Expositio psalmi vicesimi
 sexti : Dominus illuminatio mea. . . . 562
 Articulus LX. Expositio ejusdem psalmi
 vicesimi sexti de Christo. 567
 Articulus LXI. Expositio litteralis psalmi
 vicesimi septimi : Ad te, Domine, cla-
 mabo 570
 Articulus LXII. Expositio tropologica seu
 moralis ejusdem psalmi vicesimi sep-
 timi. 573
 Articulus LXIII. Expositio psalmi vicesimi
 octavi : Afferte Domino, filii Dei . . . 575
 Articulus LXIV. Expositio litteralis psalmi
 vicesimi noni : Exaltabo te, Domine. . 579
 Articulus LXV. Expositio tropologica ejus-
 dem psalmi vicesimi noni 582
 Articulus LXVI. Expositio ejusdem psal-
 mi vicesimi noni anagogica. 584
 Articulus LXVII. Expositio de Christo
 psalmi tricesimi : In te, Domine, spe-
 ravi. 586
 Articulus LXVIII. Expositio ejusdem psal-
 mi tricesimi de Ecclesia, et quocumque
 fideli in tribulationibus constituto . . 592
 Articulus LXIX. Expositio psalmi tricesi-
 mi primi : Beati quorum remissæ sunt
 iniquitates. 596
 Articulus LXX. Expositio psalmi tricesimi
 secundi : Exsultate, justi, in Domino . 600
 Articulus LXXI. Expositio psalmi tricesi-
 mi tertii : Benedicam Dominum in om-
 ni tempore 605
 Articulus LXXII. Expositio psalmi trice-
 simi quarti : Judica, Domine, nocentes
 me 614
 Articulus LXXIII. Expositio moralis ejus-
 dem psalmi tricesimi quarti, de quo-
 cumque justo atque Ecclesia 618
 Articulus LXXIV. Expositio psalmi trice-
 simi quinti : Dixit injustus ut delin-
 quat 623
 Articulus LXXV. Expositio psalmi tricesi-
 mi sexti : Noli æmulari in malignan-
 tibus 628
 Articulus LXXVI. Expositio psalmi tricesi-
 mi septimi : Domine, ne in furore . . 636
 Articulus LXXVII. Expositio psalmi trice-
 simi octavi : Dixi, custodiam vias meas. 643
 Articulus LXXVIII. Expositio de Christo
 psalmi tricesimi noni : Expectans ex-
 spectavi, etc. 651
 Articulus LXXIX. Expositio ejusdem psal-
 mi tricesimi noni de Ecclesia seu uno-
 quoque fideli 657
 Articulus LXXX. Expositio litteralis psal-
 mi quadragesimi : Beatus qui intelligit. 662
 Articulus LXXXI. Expositio ejusdem psal-
 mi quadragesimi tropologica 666
 Articulus LXXXII. Expositio psalmi qua-
 dragesimi primi : Quemadmodum de-
 siderat cervus 670
 Articulus LXXXIII. Expositio psalmi qua-
 dragesimi secundi : Judica me, Deus,
 et discerne 678
 Articulus LXXXIV. Expositio allegorica
 ejusdem psalmi quadragesimi secundi
 de Christo. 680
 Articulus LXXXV. Expositio litteralis psal-
 mi quadragesimi tertii : Deus, auribus
 nostris audivimus. 684
 Articulus LXXXVI. Elucidatio moralis ejus-
 dem psalmi quadragesimi tertii . . . 686
 Index locorum S. Scripturæ. 693
 Index analyticus 705



Typis Cartusiæ Sanctæ Mariæ de Pratis. Monstrolii.
J. ARNAUNÉ typographus.

arthusian - Opera
#3915

THE INSTITUTE OF MEDIAEVAL STUDIES
10 ELMSLEY PLACE
TORONTO 5, CANADA,

3915.

